

Urumelengö Buṅa Kimbi Jöhöjöhö Dölökṅi

The New Testament and portions of the Old Testament
in the Burum Mindik (Somba-Siawari) language of Papua
New Guinea

Sampela hap Buk Baibel long tokples
Burum Mindik long Niugini



Urumelenjö Buja Kimbi Jöhöjöhö Dölökñi

The New Testament and portions of the Old Testament in the Burum
Mindik (Somba-Siawari) language of Papua New Guinea

Translation by Wycliffe Bible Translators

© 1992, 2002, The Bible Society of Papua New Guinea

Print publisher: The Bible Society of Papua New Guinea

Web version

2013, Wycliffe Bible Translators, Inc.

www.Wycliffe.org

<http://pngscriptures.org>

www.ScriptureEarth.org



Creative Commons license (Attribution-Noncommercial-No Derivative Works)

<http://creativecommons.org/licenses/by-nc-nd/3.0>

Your are free to share — to copy, distribute and transmit the text under the following conditions:

- **Attribution.** You must attribute the work to *Wycliffe Bible Translators* (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long as you don't change any of the text or punctuation of the Bible.

Notice — For any reuse or distribution, you must make clear to others the license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narapela manmeri.** Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating.** Na tu, **yu no ken senisim Tok.**

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela.**

Olgeta tok orait na lo long tok ples English i stap long

<http://creativecommons.org/licenses/by-nc-nd/3.0>

Sapos yu gat askim long dispela, **plis askim mipela.**

Jöhöjöhö Dölökñi

Anutunöñ jiiga yuai pakpak letotket. Jenesis	Jen	1
Rutkö kösohot Rut	Rut	118
Jonagöreñ kezapqetok keu Jona	Jona	127
Ölöwak Buña Matyunöñ ohoyök. Matyu	Mat	133
Ölöwak Buña Maknöñ ohoyök. Mak	Mak	224
Ölöwak Buña Luknöñ ohoyök. Luk	Luk	278
Ölöwak Buña Jonöñ ohoyök. Jon.	Jon	372
Aposol yeñön Uña Töröñangö ösumnöñ nup meget. Aposol nup meme	Apo	443
Polnöñ Rom yeñgöra kimbi alök. Rom kimbi	Rom	534
Polnöñ Korint yeñgöra Kimbi mutukñi alök. 1 Korint	1 Kor	578
Polnöñ Korint yeñgöra kimbi aliga 2 ahök. 2 Korint	2 Kor	618
Polnöñ Galesia yeñgöra Kimbi alök. Galesia	Gal	648
Polnöñ Efesus yeñgöra Kimbi alök. Efesus	Ef	664
Polnöñ Filipai yeñgöra Kimbi alök. Filipai	Fil	680
Polnöñ Kolosi yeñgöra Kimbi alök. Kolosi	Kol.	692
Polnöñ Tesalonaika yeñgöra Kimbi mutukñi alök. 1 Tesalonaika	1 Tes.	704
Polnöñ Tesalonaika yeñgöra Kimbi aliga 2 ahök. 2 Tesalonaika	2 Tes.	713

Polnönj Timotigöra Kimbi mutuknji alök.		
1 Timoti	1 Tim	718
Polnönj Timotigöra Kimbi aliga 2 ahök.		
2 Timoti	2 Tim	731
Polnönj Taitusgöra Kimbi alök.		
Taitus	Tai.	741
Polnönj Filemongöra Kimbi alök.		
Filemon	Flm	747
Kunönj Hibru yengöra Kimbi alök.		
Hibru	Hib	750
Jeimsnönj Kimbiñi alök.		
Jeims	Jei	783
Pitönönj Kimbiñi mutuknji alök.		
1 Pitö	1 Pitö	795
Pitönönj Kimbiñi aliga 2 ahök.		
2 Pitö	2 Pitö	809
Jonönj Kimbiñi mutuknji alök.		
1 Jon.	1 Jon	818
Jonönj Kimbiñi aliga 2 ahök.		
2 Jon.	2 Jon	829
Jonönj Kimbiñi aliga 3 ahök.		
3 Jon.	3 Jon	831
Judanönj Kimbiñi alök.		
Juda	Jud	834
Kraistnönj keu tölöpñi Jongörej indelök.		
Indelindel	Ind.	839

Jenesis (Letotletot)

Anutunöŋ jiiga yuai pakpak letotket.

Jim-asa-asari

Buk kianŋön kösohot kewöŋi jiza: Anutunöŋ suep, gölme, mietkö yuaiŋiri pakpak aka ambazip miwikŋaim enŋiiga siŋgisöndoknöŋ et etkuiga lömböt sihimbölöŋambuk mi gölme dop neŋgö qaknine öŋgöyök. Mewö et neŋguiga Anutunöŋ oyaenŋkoyaen aka malbingö köna denöwöŋi mi areŋgöba miwikŋaiyök. Letotletot (Jenesis) buk kianŋö uruŋe likeŋŋi yahöt kewö ahözahot:

1) Boŋ 1-11 Kösohot könakönahiŋi: Anutunöŋ suep aka gölme miwikŋaim etkiiga ambazip yeŋgö malmalŋine mutuk miangöreŋ denöwö asuhuyök. Adam aka Iw, Kein aka Abel yeŋgö kösohotŋini. Noagö nalöŋe göulu ketaŋan asuhuba gölme turuyök. Babilon miangöreŋ miri köröpŋi kötökŋi meget.

2) Boŋ 12-50 Israel yeŋgö bömöŋ jalöurupŋini yeŋgö kösohotŋini: Mutuk Abrahamnöŋ Anutu möt nariba keuŋi tem köla maliga keuŋi jim teköiga solaniyök. Yangö andöŋe nahönŋi Aisak, isiŋi Jeikob qetŋi alaŋi Israel aka yangö nahönurupŋi 12 miengö kösohotŋini könaŋi könaŋi. Azi 12 mi Israel könagesögö kambu 12 miengö bem bömöŋjina aket. Bem bömöŋ Josefö kösohotŋi mi tandökŋi kun. Denöwö asuhuiga Josefnöŋ mutuk Ijipt aniga yangö andöŋe iwiŋi Jeikob aka darumunurupŋi pakpak yeŋön mewöyök saiwaurupŋini yembuk Ijipt kantrinöŋ anda kiana malget.

Buk kianŋön ambazip yeŋgö malmalŋinanagö kösohotŋi gwötpuk jizapmö, Anutunöŋ denöwö ak enŋiyöhi, miaŋön kösohot miengö likeŋŋi bohonŋi akza. Malmalgö kösohot pakpak miengö ahakmeme azi bohonŋi mi Anutu. Könakönahiŋe suep, gölme aka mietkö yuaiŋiri pakpak miwikŋaim enŋiiga siŋgisöndoknöŋ et etkuiga pöndaŋ Iwiŋini öŋi mala bölöŋamŋini kewöta keuŋini jim teköba likeŋŋini meleŋ enŋii qakŋine öŋgöi malget. Tosatŋan Anutugö keu bapŋe angeri, i ölöŋŋanök köyan köla enŋuanŋiri malmalŋinan miangö dop uteköba asuhuyök. Noagö nalöŋe saiwaŋi 8 yeŋön qahöpmö, ambazip tosatŋi pakpak yeŋön kömuget. Könaŋgep jöhöjöhö keuŋi mi Abraham aka gwölönarökurupŋi könaŋgep asuhugeri, yeŋgöra enŋiyök. Jöhöjöhö keu miengö dop Anutunöŋ könagesöurupŋan oyaenŋkoyaen akingöra galöm köl enŋiiga mala kota mal öŋgöme. Ambazipnöŋ mönöwök denöwö Anutu möt narim waŋgigeri,

kösohot tömbuŋi mieŋŋon mönö nalö kewöŋe mewöyök mötnaripninan guliba köhöimapkörä bauköm neŋgimakze.

Buk kiangö bahöŋi bohonŋi 10 mi kewö:

- 1) Suep, gölme aka yuai pakpak miwikŋaiyök. 1.1–2.25
- 2) Siŋgisöndökö lömböt sihimbölöŋambuk könahiyök. 3.1–24
- 3) Adamgö nalöŋeyök könahiba Noagöreŋ kaŋgorök. 4.1–5.32
- 4) Noagö nalöŋe o göulu ketaŋan asuhuyök. 6.1–10.32
- 5) Babilon miri köröpŋi kötökŋi meget. 11.1–9
- 6) Semgö nalöŋeyök könahiba Abramgöreŋ kaŋgorök. 11.10–32
- 7) Bömön jalö karöbut Abraham, Aisak aka Jeikob 12.1–35.29
- 8) Isogö gwölönarökurupŋi mi kewö: 36.1–43
- 9) Josef aka yangö darumunurupŋi 37.1–45.28
- 10) Israel könagesö yeŋŋon Ijpt malget. 46.1–50.26

Anutunöŋ jim kutuiga yuai pakpak letotket.

1 ¹Könäkönahiŋe Anutunöŋ Suep aka gölme miwikŋaim etkiyök. ²Miwikŋaim etkiiga gölme mi gwamönŋi aka kizik-kazukŋambuk ahöyök. Ahöiga o diginŋambuk mi söŋaupnöŋ turuiga tarök. Mewö tariga Anutugö Uŋa Töröŋan o mieŋgö qakŋine anda kaba malök. ³“Mewö maliga Anutunöŋ kewö jim kutuyök: “Asakŋan mönö asuhum tiŋgitma.” Mewö jim kutuiga miri mönö asariyök. ⁴Asarii ehi miaŋŋon mönö ölöwahiga asakŋi pandamanöhök mendeŋ etkiyök. ⁵Asakŋaŋgö qetŋi wehön asakŋi aka pandamangö qetŋi suŋgem mewö etkoholök. Mewö etkoholiga wehön mutukŋi teköiga miri söŋauba gianjiyök.

⁶Gianjiiga Anutunöŋ kewö jim kutuyök: “Mönö o sutŋine suepkö jabö köhöikŋi asuhuba o mendeŋniga euke aka emuke ahömahot.” ⁷Mewö jim kutuba suepkö jabö köhöikŋi miwikŋaiba miaŋŋon o mendeŋniga tiŋgita jabö qakŋe euke aka jabö bapŋe emuke ahöyohot. Mewö asuhuiga ⁸suepkö jabö köhöikŋi eukeaŋgö qetŋi suep qerök. Mewö qeriga wehön yahötŋi teköiga miri kunbuk söŋauba gianjiyök.

⁹Gianjiiga Anutunöŋ kewö jim kutuyök: “O suep bapŋe ahözei, mi mönö qezakögetka kambu mohot aiga gölme örönŋi asuhuma.” Mewö jim kutuiga mönö mewö asuhuyök. ¹⁰Mewö asuhuiga örönŋaŋgö qetŋi gölme qeta o kambu tokogeri, miaŋgö qetŋi köwet etkoholök. Etkohola etkehiga miaŋŋon mönö ölöwahök. ¹¹Ölöwahiga kewö jim kutuyök: “Gölme qakŋe mönö yuai görökŋi (töŋgönŋi) pakpak kewö asuhuba wahötme: Gwözözak yuai kötŋinambuk mi mönö asuhuba wahöta kötŋini kuŋguba söhömakŋe. Ip kösö tandökŋini könaŋi könaŋi mönö gölmenöŋ asuhuba öljini kötŋinambuk kuŋguba söhömakŋe.”

^a 1.3 2 Kor 4.6; 6-8 2 Pitö 3.5

Mewö jim kutuiga mönö kewö asuhuyök: ¹²Gölme qakŋe yuai görökŋi (töŋgönŋi) pakpak asuhuba wahötket. Gwözözak yuai kötŋinambuk tandökŋini könäŋi könäŋi mi asuhuget. Ip kösö tandökŋini könäŋi könäŋi mi gölmenöŋ asuhuba öŋŋini kötŋinambuk kuŋgum söhöget. Mewö asuhuiga Anutunöŋ engehiga miaŋön mönö ölöwahök. ¹³Wehön karöbutŋi teköiga miri kunbuk söŋauba giaŋiyök.

¹⁴Giaŋiiga Anutunöŋ kewö jim kutuyök: “Suepkö jabö köhöikŋe mönö asakŋi asakŋi asuhuba wehön aka suŋgem mi mendeŋ etkiba kindä (yara) yambu, kömunjaŋ kie nalö aka wehön nalö, gwani nalö aka silim mohot mohotkö aiwesökŋina ahöme. ¹⁵Mieŋön mönö suepkö jabö köhöikŋi miaŋgöreŋ asakŋi asakŋi aka gölme mem asarime.” Mewö jim kutuiga mönö kewö asuhuget: ¹⁶Anutunöŋ asakŋi ketaŋi yahöt miwikŋaim etkiyök: Asakŋaŋgö galömŋi wehön jeŋi kiniga miaŋgö eretŋi köiŋ mi suŋgemgö galömŋa kindä ahöm öŋgömahot. Sengelau mi mewöŋanök miwikŋaim enŋiyök. ¹⁷Anutunöŋ mi suepkö jabö köhöikŋe miaŋgöreŋ gölme mem asarimegöra al enŋiyök. ¹⁸Mi gölme mem asariba wehön aka suŋgem galömŋina kindä asakŋi aka pandamanŋi mendeŋ etkimegöra al enŋiyök. Mewö asuhuiga Anutunöŋ engehiga miaŋön mönö ölöwahök. ¹⁹Wehön 4:ŋi teköiga miri kunbuk söŋauba giaŋiyök.

²⁰Giaŋiiga Anutunöŋ kewö jim kutuyök: “O köwet mieŋgö uruŋine mönö yuai isikusukŋinambuk asuhuba dop köla o qeba ölölaŋgöba laŋ anda kaba malme. Mewöŋanök neiŋi neiŋi gölme qakŋe könakemba bölbölgöba kutuba anda kaba malme.” ²¹Mewö jiba köwetkö sömbupŋi ketaŋi ketaŋi aka yuai isikusukŋinambuk tandökŋini könäŋi könäŋi o qeba ölölaŋgöba qeqelaŋlaŋ anda kamakzei, mi miwikŋaim enŋiyök. Mewöyök nei tandökŋini könäŋi könäŋi ginginŋinambuk mi miwikŋaim enŋiyök. Miwikŋaim enŋiba engehiga miaŋön mönö ölöwahök. ²²Ölöwahiga kötuetaköm enŋiba keu kewö jiyök: “Iŋini mönö köt moröŋinambuk jul sehiba o köwet dop köla malme aiga nei iŋini mönö mewöŋanök gölme qakŋe ahum sehime.” ²³Keu mewö jiiga wehön 5:ŋi teköiga miri kunbuk söŋauba giaŋiyök.

²⁴Giaŋiiga Anutunöŋ kewö jim kutuyök: “Gölme qakŋe mönö yuai pakpak malmalŋinambuk tandökŋini könäŋi könäŋi asuhume. Mirigö sömbupŋi, yuai bapŋinan köla ölölöŋgömakzei aka arökŋaŋgö sömbupŋi tandökŋini könäŋi könäŋi, mi mönö asuhume.” Mewö jim kutuiga mönö kewö asuhuget: ²⁵Anutunöŋ arökŋaŋgö sömbupŋi tandökŋini könäŋi könäŋi mi miwikŋaim enŋiyök. Mirigö sömbupŋi tandökŋini könäŋi könäŋi mi miwikŋaim enŋiyök aka yuai pakpak bapŋini gölmenöŋ köla ölölöŋgömakzei, tandökŋini könäŋi könäŋi mi miwikŋaim enŋiyök. Miwikŋaim enŋiba engehiga miaŋön mönö ölöwahök. Mewö.

Anutunöŋ azi aka ambi miwikŋaim etkiyök.

^{26b}Miaŋgö andöŋe Anutunöŋ kewö jiyök: “Ayop, nini mönö azi nanine tandökö dop meinga kaisoŋgolomnini ewö aka yuai pakpak galöm köl eŋgiba malma. Yuai pakpak mi köwetkö söraŋi, suepkö neiŋi aka mirigö sömbupŋi, gölme körek aka yuai pakpak bapŋini gölmenöŋ köla ölöŋgömakzei, mönö mieŋgö galöŋŋina aka malma.” ^{27c}Mewö jiba nanŋi kaisoŋgolomŋaŋgö dop azi miwikŋaiyök. Anutugö kaisoŋgolomŋi ewö malmapköra i miwikŋaim waŋgiyök. Azi aka ambi malmahotköra i miwikŋaim etkiyök. ²⁸Miwikŋaim etkiba i kötuatköba kewö jim kutum etkiyök: “Injiri mönö ahum sehiba gwölönarökpuk malohotka gölme dop köla malme. Mewö mala gölme toŋi akŋe. Mewö aka köwetkö söraŋi, könakembagö neiŋi aka sömbup mokoleŋ laigisip gölmenöŋ anda kamakzei, mönö mi pakpak galöm köl eŋgiba malme.” ²⁹Mewö jiba keu kewö jiyök: “Mötket, nöŋön yöha könani könani gölme pakpak dop köla asuhuba wahöta kötŋini kuŋgum söhömakzei aka ip kösö pakpak öl kötŋinambuk kuŋgum söhömakzei, mi numbu neneŋini akŋapköra al eŋgizal. ³⁰Arökŋaŋgö sömbupŋi pakpak, könakembagö neiŋi pakpak aka yuai pakpak gölmenöŋ anda kamakzei aka tosatŋi pakpak söŋgöro ösumŋini öromakzei, yeŋgöra gwözözak görökŋi (töŋgönŋi) könani könani mi neneŋamŋini akŋapköra al eŋgizal. “Keu mewö jiiga mönö mewö asuhuyök. ³¹Asuhuiga Anutunöŋ yuai pakpak miwikŋaiyöhi, mi ehiga mönö ölop kötökŋi aiga urusösöŋgai mörök. Wehön 6:ŋi teköiga miri kunbuk söŋauba gianjiyök. Mewö.

Anutunöŋ kendon tarök.

2 ¹Giaŋjiiga suepkö jakeŋi jakeŋi, gölme aka mietkö yuainjiri aködamunŋirambuk pakpak mi lök miwikŋaim eŋgim teköyök. ^{2d}Anutunöŋ nupŋi mi mei teköiga wehön 7 miaŋgöreŋ kendon tarök. Nupŋi pakpak meyöhaŋgöra wehön 7 miaŋgöreŋ luhut meyök. ³Miwimiwikŋai nupŋi pakpak meyöhaŋgöra aka wehön miaŋgöreŋ luhut meyök. Miaŋgöra wehön 7:ŋi mi kendon jiba kötuatköba jim kömbuhiyök. Mewö.

Oyaeŋkoyaen miri qetŋi Eden

⁴Anutunöŋ suep gölme miwikŋaim etkiiga asuhuyohoraŋgö kösohotŋi mi mewö. Kembu Anutunöŋ suep aka gölme miwikŋaim etkiyöhi, nalö miaŋgöreŋ ⁵⁻⁶Kembu Anutugö jitsihitköra gölme qakŋe kie qahö yöhöiga nup kölkömötköra azi kun kude malökmö, gölme uruŋeyök bedunöŋ

^b 1.26 1 Kor 11.7; 27 Mat 19.4; Mak 10.6 ^c 1.27-28 Jen 5.1-2 ^d 2.2 Hib 4.4, 10; 2-3 Eks 20.11

miyök kota gölme qakñi dop köla mem samuruyök. Mianğöra arökñangö ip kösö kun me sombengö gwözözak yuai kun mi gölmenöñ qahö asuhum tiñgita ahöyök.

⁷Nalö mianğöreñ Kembu Anutunöñ gölme sömsöm memba mianğon azi mem yaköba malmalgö numbu ösumñi söñgööröñe ui geiga öröba guliba malmalgö uñañambuk ahök. Mewö.

⁸Mewö aiga Kembu Anutunöñ wehön kotkotñe göröken miri qetñi Eden mianğöreñ oyañkoyaey nup kömöta azi miwikñaiyöhi, i mianğöreñ al wañgiyök. ⁹Al wañgiba jiiga gölmenöhök ip tandökñini könani könani asuha wahötket. Ip mi eksihimñinambuk aiga öñini neneñi mi nahömñinambuk. Oyañkoyaey nup bibiñe malmal köhöikñangö ipñi aka mötkutukutugö ipñi mi mohotñe jim kutuiga asuhuyohot. Mötkutukutugö ipñangö könani kewö: Öñi namba mianğon ölöñi aka bölöñi mietkö könani mi möt kutubahotpak.

¹⁰Ip mewö wahötketka o töwatñi kun mi Edenök könahiba oyañkoyaey miri mem kelita mianğöreñök eta jula o böröñi töwatñi 4 aka anget. ¹¹O töwatñi mutukñangö qetñi Pison, mi Hawila gölme körek liliköba ahöba anja. Gölme mianğöreñ goul ahöza.^f ¹²Gölme mianğö goulñi mi ölöñi kötökñi akza. Sileqösösök umköhöwakñambuk qetñi bedelion aka köt öñambuk qetñi oniks mi mewöyök mianğöreñ ahözahot. ¹³O böröñi töwatñi jañgö 2 mianğö qetñi Gihon. Mi (Mesopotemiagö) gölme qetñi Kus mi körek liliköba ahöba anja. ¹⁴O böröñi töwatñi karöbutñi qetñi Taigris. Mi Asiria gölme wösöñe wehön kotkotñe göröken geba anja. O böröñi töwatñi jañgö 4 mianğö qetñi mi Yufreitis.

¹⁵Mewö aiga Kembu Anutunöñ azi wañgita oyañkoyaey miri Eden köl kömöta ek galöm akñapköra jiba al wañgiyök. ¹⁶Al wañgiba kewö jiba jim kutum wañgiyök: “Oyañkoyaey nup uruñe ip pakpak kin anjei, miengö öñini mi ölöp amqeba mem namba malman. ¹⁷Mimö, mötkutukutugö ipkö öñi mi mönö kude neman. Mi namba ölöñangö könani aka bölöñangö könani möt kutuman ewö, gi mönö wehön mianğöreñök kömum köhöiman. Mianğöra mi mönö kude neman.”

¹⁸Mewö jiba Kembu Anutunöñ jiyök: “Azinöñ nanñök maliga ölöp qahö akza. Mianğöra nöñon mönö nanñi tandökñangö dop alabaukñi miwikñaimam.” ¹⁹Mewö jiba arökñangö sömbupñi pakpak aka könakembagö neiñi pakpak mi gölmenöñ miwikñaim enğiba azigö kösütñe enğuañgita azinöñ qetñini denöwö qetmawi, mi eka mötmapköra yañgöreñ al enğiyök. Al enğiiga azinöñ yuai malmalñinambuk pakpak miengö qetñini mohok mohok qeriga Anutunöñ mewö mia

^e 2.7 1 Kor 15.45; 9 Ind 2.7; 22.2, 14; 24 Mat 19.5; Mak 10.7-8; 1 Kor 6.16; Ef 5.31

^f 2.11 Hawila mi Babilonia gölmeğö jabö kösütñe ahöza.

ahömapkörä jim köhöiyök. ²⁰Mewö aiga azinöŋ mirigö sömbupŋi pakpak, könakembagö neiŋi pakpak aka arökŋangö sömbupŋi pakpak mi qetŋini eŋgim teköyök. Eŋgim teköyökmö, nanŋi tandökŋangö dop alabaukŋi malmapköra kun qahö miwikŋaiyök.

²¹Qahö miwikŋaiiga Kembu Anutunöŋ mi eka azi mem lömböriiga gaun lömbötŋi ahöyök. Ahöiga maröm sihitŋi kun öröba dumdumŋi busuŋan mem gwözöŋnök. ²²Gwözöŋda azinöhök maröm sihitŋi meyöhi, miaŋön ambi meyök. I memba azigörej waŋgita kayök. ²³Waŋgita kaiga azinöŋ i eka kewö jiyök:

“Yei! Ki nani tandöha. Yangö sihit busuŋi mi nani sihit busunöhök asuhuza.

Anutunöŋ i azigö sile kitipŋeyök mei letota azi tandök ewö maljawangöra qetŋi mönö ambi (azigö alaŋi) qetme.”

²⁴Mewö jiiga Anutunöŋ kewö jim kutum etkiyök: “Mewö aiga azinöŋ mönö iwinamŋi etkömosöta anömŋangörej qekötahöba silemohot aka malmahot.”

²⁵Azi miaŋön anömŋambuk opo söröŋiri qahö aukŋe malohotmö, töndup nanŋirangö gamuŋiri qahö möta malohot. Mewö.

Adam aka Iw Anutugö keuŋi qetala et etkiyök.

3 ¹Kembu Anutunöŋ gölmegö sömbup malmalŋinambuk pakpak miwikŋaim eŋgiyöhi, miengö sutŋine mokoleŋnöŋ isimkakalek mötmötnöŋ sömbup pakpak mi eŋgoŋgita öŋgöyök. Mewö öŋgöba ambigöra kewö jiyök: “Oyaenŋkoyaeŋ mire ip pakpak kin anjei, miengö öŋŋini kun kude nemahotkörä Anutunöŋ öŋŋa jim kutum etkiyök me qahö?”

²Mewö jiiga ambinöŋ melenŋa mokoleŋgöra kewö jiyök: “Oyaenŋkoyaeŋ mire ip tosatŋi kin anjei, miengö öŋŋini mi ölöp nembitkörä jiyök. ³Mimö, miri bibiŋe ip kun kinjawi, miangö öŋŋi mi namba kömumbitpuköra mönö kewö jiyök: ‘Mi mönö kude nemahot. Mia kude misirimahot.’ Mewö jim kutum netkii maljit.”

⁴Mewö melenŋa jiiga mokoleŋnöŋ ambigöra kewö jiyök: “Mi saumbaŋ! Inŋiri kude kömumahot. ⁵Mimö, ip miangö öŋŋi mi neyohotka wehön miangörejök mönö jeŋiran tohoiga Anutu ewö aka ölöpŋangö könaŋi aka bölöŋangö könaŋi möt tekömahot. Anutunöŋ keu mi möta mewö asuhubapuköra keuŋi mewö jiyök.”

⁶Mewö jiiga ambinöŋ ip mi uba ehiiga öŋŋi ölöpŋi neneŋangö dop ahök. “Mi eksihimŋambuk kiniga mötkutukutu ketanŋi awamŋanök niŋgima,” mewö mötmöriba öŋŋi kun meköba neyök. Nemba aŋŋi yambuk

* 2.23 Inŋklis keu eknöŋ: man aka woman keu yahöt mi öröröŋ tandök akzahot. ^h 3.1 Ind 12.9; 20.2; 13 2 Kor 11.3; 1 Tim 2.14

malöhi, i tok waŋgiiga neyök. ⁷Neiga jeŋiran mönö miangörenök tohoiga sileŋiri aukŋe malohori, mi aŋgek kutuyohot. Mewö aŋgek kutuba kinda fig ipkö sinŋi mumburatiba opo söröŋiri uba lata malohot.

⁸Malohotka wehön jeŋi geiga miri löwöriiga Kembu Anutunöŋ oyaekoyaen mire tiba kaiga köna ötöŋi mörohot. Mi möta awanöm yetkön Kembu Anutugö jemesoholŋeyök mömölaköba oyaekoyaen mirigö ip uruŋine anda asambörohot. ⁹Asambörohotmö, Kembu Anutunöŋ azigö qeta kewö jiyök, “Gi mönö denike maljane?”

¹⁰Mewö qeta jiiga kewö meleŋnök: “Gi oyaekoyaen miri uruŋe tiba kanöŋga köna ötöŋgi möta sileni aukŋe maljalangöra keŋgötŋi mötzal. Miangöra mömölaköba asamböta maljal.”

¹¹Mewö meleŋniga kewö jiyök: “Gi sile aukŋe maljani, mi mönö daŋön jii mötzan? Nöŋön ip kungö kötŋi nembanbukö soŋgo al gihiali, göŋön miangörenök kun nezan me?”

¹²Mewö jiiga azinöŋ kewö jiyök: “Ambi nömbuk malmapköra niŋginöŋi, yanöŋ mönö ip miangö kötŋi niŋgiiga nezal.”

¹³Mewö jiiga Kembu Anutunöŋ ambi kewö qesim waŋgiyök: “Göŋön wuanöŋgöra mewö akzane?” Qesim waŋgiiga kewö meleŋnök: “Mokoleŋnön mönö tilipköm niŋgiiga nezal.”

Anutunöŋ likeŋŋi meleŋda lömböt enggimapkö jiyök.

¹⁴Mewö meleŋniga Kembu Anutunöŋ mokoleŋgöra kewö jim waŋgiyök: “Mewö akzangöra aka gi mönö mirigö sömbupŋi pakpak aka arökŋangö sömbupŋi pakpak yeŋgö sutŋiŋe kewö jim qesuahöm gihibiga malman: Göŋön mönö gölmenöŋ malmanangö dop bakpan köla anda kaba sömsöm uruŋe mala nesak yuai nemakŋan. ¹⁵Mewö nempa ambibuk sutŋire kerök al etkibiga mi möta malman. Kerök mi göhö gwölönarökurupki aka yaŋgö gwölönarökurupŋi yeŋgö sutŋine toroqeba ahöm öŋgöi kewö asuhuma: Yeŋgörenök azi kunöŋ mönö göhö nöropki tölölahöiga göŋön yaŋgö köna gwakötŋi yöhösulmakŋan.”

¹⁶Toroqeba ambi kewö jim waŋgiyök: “Göŋön gölömgabuk aka malnöŋga sihibölöŋi ketaŋi al gihibiga masö ahum gihiiga möta morö mem enggimakŋan. Mi töndup sihimgan mönö apkahöra ahöm gihiiga yaŋön galömgä aka malma.”

¹⁷Toroqeba azi kewö jim waŋgiyök: “Nöŋön ip kungö ölni nembanbuköra ‘Mia kude neman,’ jiba soŋgo al gihialmö, göŋön mi töndup anömgahö keuŋi wuatangöba nezan. Miangöra nöŋön gölme mi göhöra aka saiköbiga ahöma. Mewö ahöiga göŋön gölmenöŋ malmanangö dop mönö sileqeqe aka nup gwötpuk memba sihibölö möta nenegi miwikŋaiba malman. ¹⁸Nup memba malnöŋga göhö nene

¹ 3.15 Ind 12.17; 17-18 Hib 6.8

nupnön nungakal, koururuk (köwörörök) yuai mi asuhuiga arökñangö yöha yuai mi nemba malman. ¹⁹Mewö mala mesoholge nongöp ariba nup memba tup yakagi mewö nemba mala gölmenön mem gihiali, gölme miangörej mönö kunbuk lilingöba geman. Silegi gwakömnön mem gihibiga mala öngöbagun mönö kunbuk gwaköm akñan. “Mewö jim wañgiyök.

²⁰Azinön anömñi yuai pakpak malmalñinambuk maljei, miengö namñini aiga azinön qetñi Iw (Ewa) qerök.^j ²¹Kembu Anutunön sömbup silejan opo sörö memba Adam anömñet lat etkiiga malohot.

Anutunön Adam aka Iw Eden miangörejök közöl etkiyök.

²²^kMewö malohotka Kembu Anutunön kewö jiyök: “Ye! Ambazip mi neñgöreñök kungö dop aka ölöpnö bölonö mietkö könajiri lök menden etkibitkö mötzahot. Mewö aiga malmal köhöikñangö ip kötñi kude nemahotköra soñgo alalmö, yetkön nalö kewöñe toroqeba böröñiri böranda mi mewöyök mem nemba mewö miangön qahö kömumba tetekñi qahö köhöikñanök mal öngöbahotpuk.” ²³Mewö jiba miangöra oyaenköyaen nup Eden miangöreñök közöl etkiba gölmenöhök mem etkiyöhi, mönö gölme miangöreñök kölkömöt nup memahotköra melaim etkiiga yaigep geba anohot. ²⁴Ambazip mewö közöl etkiba oyaenköyaen miri Edengö likepñe wehön kotkotñe göröken zerubim garata tosatñi al enñiiga malmal köhöikñangö ip miangö könajiri utuba galöm kölget. Yeñgö böröñine bimgö souñi ketañi aliga miangön könöp bölam ewö gilikbilikñambuk jeba andöñe wösöñe liliköba biliksikö dop aiga kinda galöm köla malget. Mewö.

Keinön Abel qei kömuyök.

4 ¹Azi Adamnön anömñambuk mala amiyohotka Iwnön (Ewa) gölöm ala Kein (Kain) meyök. Memba Kein qetköra kewö jiyök: “Anutunön bauköm niñgiiga nahöni mezal.” ²Iwnön könangep Adamgö nahönñi Abel, Keingö munñi meyök. Abelnön mala qariba lama galömñina aiga Keinön kölkömöt azia aka malök. ³Mewö malohotka nalö kunön Keinön nupkö nene tosatñi memba kaba Kembugöra jöwöwöl ohom wañgiyök. ⁴Abelnön mewöyök lama kambuñangö mutuk asuasuhuñi tosatñi meköba enñguba kitipñi kelökñinambuk memba kaba Kembugö jöwöwöl ohoyök. Ohoiga Kembunön Abel nanñi aka jöwöwölñi etkeka möri ölöwahök. ⁵Ölöwahökmö, Kembunön Kein aka yañgö jöwöwölñi mi ek tököyök. Mewö aiga Keingö irimñi seholiiga kömbuhiba jemesoholñan bosoliyök. ⁶Bosoliiga Kembunön Keingöra kewö jii mörök: “Irimgi mönö

^j 3.20 Iw keu miangö könajiri mi ‘Malmal maljei, miengö namñini.’ ^k 3.22 Ind 22.14

¹ 4.4 Hib 11.4; 8 Mat 23.35; Luk 11.51; 1 Jon 3.12; 10 Hib 12.24

wuanöngöra seholiiga jemesoholgan bosoliza? ⁷Gi yuai ölöpnji aknönga möt anğön köl gihibiga ölop jemesoholgi öhal (hak) akñan me qahö? Yuai ölöpnji qahö aknönga siñgisöndokö Toñan mönö urugahö nanğunje kinda göhöra ak gihiba mönömakza. Mewö mönömakzapmö, göñön mönö miangö soñgo ala galöm memba luhut alman.”

⁸Kembunöñ Keingöra mewö jii mörökmö, Keinöñ töndup munñi Abelgöra kewö jiyök: “Mönö nanirök nupnön anbit. “Mewö jiiga nupnön anda mala Keinöñ luhuba munñi Abel qelanjiba memba qeba qei kömuyök.

⁹Kömuiga Kembunöñ Kein kewö qesim wañgiyök: “Mungi Abel mi denike malja?” Qesim wañgiiga kewö meleşnök: “Ni qahö mötzal. Ni munangö jegalöma qahö akzal.”

¹⁰Mewö meleşniga Kembunöñ jiyök: “Gi wani yuaia akzan? Mötnöñ, mungahö sepñan mönö gölmenöhök qeriga mötzal. ¹¹Gölme kiangö numbuñan añañiba mungahö sep börögeyök mezawi, nöñön mönö kiangöreñök közöl gihibi anman. Joramörahö mi mönö göhö qake albi öngöza. ¹²Közöl gihibiga kölkömöt nup menöñga gölmenöñ möriamñangö ölnji anğön köl gihiiga gölme dop mömölaköba kekelolo aka ölöñ köla lañ anda kaba malman.”

¹³Mewö jiiga Keinöñ Kembangöra kewö jiyök, “Keunangö likepnji meleşnöñga qakne öngözawi, miangön mönö ösumni oñgiri lömböriiga bisimamgö osimam. ¹⁴Mötnöñ, gi merak ni nupqeqe gölmenöhök nuatangönöñga jemesoholgeyök mömölaköba gölme dop kekelolo aka ölöñ köla lañ anda kaba malmam. Miangöra kunñan ni neka ölop nuñgui kömumbilenbuk.”

¹⁵Mewö jiyökmö, Kembunöñ kewö jii mörök: “Mewö qahö. Kunñan Kein qei kömuma ewö, miangö likepnji mönö yangö qakñe öngöiga ambemñi 7 akña. “Mewö jiba kunñan Kein miwikñaiba i qei kömumbapuköra sileñe aiwesök kulem kun alök. ¹⁶Mi aliga Kembangö jemesoholñi mosöta anda anda gölme qetñi Lanñan lilikqilik (Nod) miangöreñ angota malök. Gölme mi Edenök wehön kotkotñe göröken ahöza. Mewö.

Keingö gwölönarökurupñi

¹⁷Keinöñ anömñambuk mala amiyohotka gölöm ala Henok meyoök. Keinöñ taon kun memba nahönñangö qetñi Henok qet wañgiyök. ¹⁸Henokö nahönñi qetñi Irad. Iradkö nahönñi Mehujael. Mehujaelgö nahönñi Metusael. Metusaelgö nahönñi Lamek. Mewö asuhuget. ¹⁹Lameknöñ ambi yahöt etkömeyök: Kun qetñi Ada, kun qetñi Zila. ²⁰Adanöñ gölöm ala Jabal meyoök. Yanñon ambazip opo seri koumñine ahöba mala bau bulmakau galöm köl eñgiba maljei, yengö bömönñini ahök. ²¹Jabalgö munñangö qetñi mi Jubal. Yanñon ambazip gita kulele qeba awölop uba maljei, yengö bömönñini

ahök. ²²Zilanön mewöyök nahönji qetji Tubal-Kein meyök. Yanön qariba börögö tulsni aka bimqeqegö yuaiji könaji könaji mi bras aka ainön ohoi kolkolgoi qekötahöba mezapma. Tubal-Keingö nenji qetji Nama.

²³Lameknön nalö kunön anömyahötji mi kewö jii mörohot,
 “Ada aka Zila anömyahötni, injiri mönö kezap ala keuni ki
 mötmahot: Kunjan nunqum kuziriga uzinangö kitipnangöra
 mönö azi kun qebi kömuma. Kunjan nunqum miziriga
 gurusep (gulibambam) löpötnangö kitipnangöra mönö azi
 gwabö kun qebi kömuma.

²⁴ ^mKunjan Kein qeiga likepji yangö qakje öngöiga ambemji 7
 akjapmö,
 kunjan Lamek ni nunguiga miangö likepji mönö yangö qakje
 öngöiga ambemji 77 akja. “Mewö.

Set aka Enos

²⁵Azi mutukji Adam yanön kunbuk anömñambuk mala amiyohotka nahönjiri kun memba kewö jiyök: “Keinön Abel qei kömuyöhangöra Anutunön Abelgö salupje nahöni kun niñgiza. “Miangöra qetji Set (Niñgiza) qerök. ²⁶Setkö nahönji mewöyök asuhuiga qetji Enos qerök. Mewö.

Nalö miangörej ambazip yejön könahiba Kembugö qetji köuluköba malget. Mewö.

Adamgö gwölönarökurup yengö qet areñini

1 Hist 1.1-4

5 ¹Adamgö isimorö aka amböisikurupji yengö qet areñi papiani ki. Anutunön azi miwikñaiyöhi, yanön mi nanji kaisongolomñangö dop meyök. ²Mewö memba azi ambi malmahotköra miwikñaim etkiba nalö miangörej qetjiri ambazip^o qeta köuetköm etkiyök. ³Adamnön mala yambuñi 130 aiga nahönji kun asuhuyök. Mi Adam nanji kaisongolomñi aka tandökñangö dop maliga qetji Set qerök. ⁴Set asuhuiga nalö miangörejök Adamnön toroqeba yambu 800 mala mala maliga nalö sutje miangörej nahönböratji tosatji asuhuba öngöget. ⁵Adamnön mewö mala öngöba yambuñi mindiriba 930 meköba kömuyök.

⁶Kömuiga nahönji Set yanön yambuñi 105 aiga nahönji Enos asuhuyök. ⁷Enos asuhuiga nalö miangörejök Setnön toroqeba yambu 807 mala mala maliga nalö sutje miangörej nahönböratji tosatji asuhuba öngöget. ⁸Öngögetka Setnön mala mala öngöba yambuñi mindiriba 912 meköba kömuyök.

^m 4.24 Mat 18.22 ⁿ 5.1-2 Jen 1.27-28; 2 Mat 19.4; Mak 10.6; 24 Hib 11.5; Jud 14

^o 5.2 Ambazip mi Hibru keunön adam.

⁹Kömuiga nahönñi Enos yañön yambuñi 90 aiga nahönñi Kenan asuhuyök. ¹⁰Kenanönñ asuhuiga nalö miangöreñök Enosnönñ toroqeba yambu 815 mala mala mal öngöiga nalö sutje miangöreñ nahönböratñi tosatñi asuhaba öngöget. ¹¹Öngögetka Enosnönñ mala mala öngöba yambuñi mindiriba 905 meköba kömuyök.

¹²Kömuiga nahönñi Kenan yañön yambuñi 70 aiga nahönñi Mahalalel asuhuyök. ¹³Mahalalel asuhuiga nalö miangöreñök Kenanönñ toroqeba yambu 840 mala mala mal öngöiga nalö sutje miangöreñ nahönböratñi tosatñi asuhaba öngöget. ¹⁴Öngögetka Kenanönñ mala mala öngöba yambuñi mindiriba 910 meköba kömuyök.

¹⁵Kömuiga nahönñi Mahalalel yañön yambuñi 65 aiga nahönñi Jared asuhuyök. ¹⁶Jared asuhuiga nalö miangöreñök Mahalalelnönñ toroqeba yambu 830 mala mala mal öngöiga nalö sutje miangöreñ nahönböratñi tosatñi asuhaba öngöget. ¹⁷Öngögetka Mahalalelnönñ mala mal öngöba yambuñi mindiriba 895 meköba kömuyök.

¹⁸Kömuiga nahönñi Jared yañön yambuñi 162 aiga nahönñi Enok asuhuyök. ¹⁹Enok asuhuiga nalö miangöreñök Jarednönñ toroqeba yambu 800 mala mala mal öngöiga nalö sutje miangöreñ nahönböratñi tosatñi asuhaba öngöget. ²⁰Öngögetka Jarednönñ mala mala mal öngöba yambuñi mindiriba 962 meköba kömuyök. ²¹Kömuiga nahönñi Enok yañön yambuñi 65 aiga nahönñi Metusela asuhuyök.

²²Metusela asuhuiga nalö miangöreñök Enoknönñ yambu 300:gö dop uruñi Anutubuk jöhöba anda kaba maliga nalö sutje miangöreñ nahönböratñi tosatñi asuhaba öngöget. ²³Öngögetka Enoknönñ mala mal öngöba yambuñi mindiriba 365 meköyök. ²⁴Meköba uruñi Anutubuk jöhöba anda kaba maliga Anutonönñ öne wañgiriga atatop (jiataton) kölök.

²⁵Atatop köliga nahönñi Metusela yañön yambuñi 187 aiga nahönñi Lamek asuhuyök. ²⁶Asuhuiga nalö miangöreñök Metuselanönñ toroqeba yambu 782 mala mal öngöiga nalö sutje miangöreñ nahönböratñi tosatñi asuhaba öngöget. ²⁷Öngögetka Metuselanönñ mala mala mal öngöba yambuñi mindiriba 969 meköba kömuyök.

²⁸Kömuiga nahönñi Lameknönñ yambuñi 182 aiga nahönñi kun asuhuyök. ²⁹Asuhuiga qetñi Noa (kölalep) qeta kewö jiyök: “Anutonönñ gölme saitköiga nini börönanan nup köl kömöta sileqeqa aka sihimbölä möta malinga morö kianön mönö ölop urukölalep nengimakña.” ³⁰Noa asuhuiga nalö miangöreñök Lameknönñ toroqeba yambuñi 595 aiga nalö sutje miangöreñ nahönböratñi tosatñi asuhaba öngöget. ³¹Öngögetka Lameknönñ mala mala mal öngöba yambuñi mindiriba 777 meköba kömuyök.

³²Lameknönñ kömuiga nahönñi Noa yañön yambuñi 500 aiga nahönurupñi karöbut qetñini Sem, Ham aka Jafet asuget. Mewö.

Gölme ambazipnöh böliba aṅgöjörakṅinambuk aket.

6 ^{1P}Ambazip gölme qakṅe malgetka qötöṅinan könahiba qariiga böraturupṅini mi mewöyök asuhuget. ²Asuhugetka nalö miaṅgöreṅ Anutugö nahönurupṅi yeṅön ambazip yeṅgö böraturupṅini eṅgeketka eksihimṅinambuk aketka eṅgek sorigeranṅö dop mi pakpak eṅgömegetka anömurupṅini aket. ³Mewö aketka nalö miaṅgöreṅ Kembunöṅ keu kewö jiyök: “Gölme ambazipnöh silebuk nalö teteköṅi qahö mal öṅgömemö, yeṅön mönö kömume. Areṅini mewö al eṅgizal. Nalö kewöṅeyök könahiba malmalṅini mönö yambu 120 jaṅgö mi qahö oṅgita mal öṅgöme.” ⁴Anutugö nahönurupṅi yeṅön gölme ambazip yeṅgö böraturupṅini eṅgömegetka morö mem eṅgigetka nalö miaṅgöreṅ aka könanṅep mewöyök azi weliweliṅinambuk mönö asuhiba qariba gölmenöṅ malget. Möṅṅanṅö möṅṅeyök bemurup qetbuṅanṅinambuk malgeri, yeṅön mönö mia aket.

⁵Gölme ambazip yeṅgö bölöṅamṅini mi keta bölöṅkṅi aiga uruṅinanṅö mötmöt areṅini pakpak mi nalö dop qösösök (qörörök) bölöṅanök pakpak aka malgeri, mi Kembunöṅ ehök. ⁶Mi eka ambazip miwikṅaim eṅgiiga gölmenöṅ malgeri, miaṅgöra Anutunöṅ möt bölim aṅguiga wösöbiriknöh uruṅi kokolak qeiga sihibölö möta malök. ⁷Mewö möta mala keu kewö jiyök: “Ambazip miwikṅaim eṅgiali, nöṅön mönö mi gölmenöhök qeteköm eṅgimam. Ambazip, mirigö sömbupṅi, yuai baṅṅinan köla ölölöṅgömakzei aka könakembagö neiṅi mi miwikṅaim eṅgialanṅöra möt bölim aṅguba mi mönö qeköm eṅgimam.” ⁸Mewö jiyökmö, azi Noa yaṅön Kembugö jeṅe ak-kömukömu miwikṅaiyök. ⁹⁻¹⁰Noagö gwölönarökurupṅi miṅgö kösohotṅini mi kewö: Nahönurupṅi karöbut qetṅini Sem, Ham aka Jafet mi asuhuget. Noanöṅ ambazip sutṅine azi solanṅi köpösihitkö keuṅi qahö mala uruṅi Anutubuk jöhöba anda kaba malök. ¹¹Noanöṅ mewö malökmö, ambazip tosatṅi pakpak yeṅön Anutugö jeṅe goṅgiba bölim tekögetka ambazip ayuhum eṅgiṅṅi mi gölme körek dop köla ahöyök. ¹²Ambazip pakpak gölmenöṅ anda kaba malmalṅini mem bölim tekögetka miri gölme pakpak yeṅgö ahakmemeṅini mi goṅgiba aṅgöjörakṅinambuk aiga Anutunöṅ gölme uba tandökṅini mi mewö ehök.

Waṅge memegö areṅi

¹³Mewö eka Anutunöṅ Noagöra keu kewö jii mörök: “Ambazip yeṅgöra aka ayuhum eṅgiṅṅi mi gölme körek dop köla ahöza. Miaṅgöra nöṅön ambazip pakpak mem kömum teköm eṅgimamgöra mönö keuni jöhöyal. Mötnöṅ, nöṅön mönö onöṅ gölme melenṅi geiga yuai pakpak isikusukṅinambuk mi kömum teköme. ¹⁴Miaṅgöra göṅön mönö suman

^P 6.1-4 Job 1.6; 2.1; 4 Jan 13.33; 5-8 Mat 24.37; Luk 17.26, 1 Pitö 3.2; 9 2 Pitö 2.5

ip köla mianjon nangahöra wanje kun meman. Mianjö uruji kutunönga uruji morömorö asuhume. Wanjegö uruji aka silenji mi qandöjnönj me gisak marasinönj kösiba ohom teköman. ¹⁵Wanje mi kewö meman: köröpnamji 133 mita (450 fit), andipji 22 mita (75 fit) aka köngepji 13 mita (45 fit) mewö meman. ¹⁶Boji muhungöba sel aka bo sutjire liliköba jengenaj tiji 44 sentimita (18 ins) mi mosöta kötohuman. Wanjegö uruji mösöjnönjga uruji qakji, kemañi aka dutji karöbut asuhume. Wanje nanjuji mi namje alman. ¹⁷Mötman! Nöñon mönö jibiga göulu ketanjan kota gölme jömukji köl turuiga ambazip aka yuai malmalgö ösumñinambuk pakpak suep bapje maljei, mieñon mönö o nempa nemulahöba kömume. Mewö kömumba gölmegö yuai pakpak mi mönö qahöwak teköme.

¹⁸Mewö asuhumapmö, nöñon göbuk jöhöjöhö arej kewö akzal: Gi mönö wanjenönj öngöman. Gi, anöngi aka nahöniranurupki enjon mönö mohotje wanjenönj öngöme. ¹⁹Öngöba mala yuai malmalñinambuk pakpak mi qahöwak teköbepuköra yengöreñök yahöt yahöt aziñi aka ambiñi mi dopñine enjuañgitnönjga göbuk mohotje wanjenönj öngöme. ²⁰Nei tandökñini könañi könañi, mirigö sömbupji tandökñini könañi könañi aka gölmegö mokolej, lolohom yuai tandökñini könañi könañi körek yengöreñök yahöt yahöt mi mönö kömumbepuköra enjuañgitnönjga göhörej kañgotketka öngöme. ²¹Mewöyök nanñini aka nei, sömbup yuai pakpak yenjon nemeangö dop mönö numbu nene könañi könañi miwikñaiba otoñ qezaköba wanjenönj alnönjga kahaimök ahöma.” ²²“Anutunönj Noa mewö akñapkö jim kutum wanjiiga mianjö dowök mönö tem köla mi pakpak ahök. Mewö mia aka mem teköyök.

Ambazip aka sömbup pakpak mi wanjenönj öngöget.

7 ¹Noanönj wanje mem teköiga Kembunönj keu kewö jii mörök: “Gi ambazip kambu kienjö sutjine solanji aka maljan. Nöñon göhö könañamgi mewö miwikñaizal. Mianjöra gi aka saiwaurupki pakpak inñini mönö wanjenönj öngöme. ²Sömbup neneñi, dönqizizinnji qahö mi pakpak yengöreñök sewen sewen, aziñi 7 aka ambiñi 7 dopdop enjömenönjga göhörej kañgotme. Mewöyök sömbup dönqizizinninambuk pakpak yengöreñök yahöt yahöt aziñi aka ambiñi mewö enjömenönjga göhörej kañgotme. ³Toroqeba nei könañi könañi pakpak yengöreñök mewöyök sewen sewen, aziñi 7 aka ambiñi 7 mi enjuañgitnönjga göbuk wanjenönj öngöme. Mewö aknönjga sömbup aka nei tandökñini könañi könañi pakpak mi kude qahöwakñemö, toroqeba gölmenönj ahumsehip aka malme. ⁴Öngögetka wehön 7 teköiga jim kutubiga kie röbum ketanjan mönö gölmenönj eta yöhöiga sunjem silim 40:gö

[¶] 6.22 Hib 11.7

dop toroqeba yöhöm teköma. Mewö yöhöiga yuai isikusukñinambuk pakpak miwikñaim ençgiali, mi mönö mohotje jim teköbiga gölmenöhök qahöwakje.” ⁵Kembunöñ Noa mewö akñapkö jim kutum wañgiiga miangö dowök mönö tem köla mi pakpak ak teköyök.

⁶Mewö mia aka meiga yambuñi 600 aiga göulu ketañan gölme qakje kañgorök. ⁷Kañgotmapkö aiga Noa anömñet aka nahöniranurupñiri yeñön mohotje gölunöñ kömumbepuköra ölöñ köla wañgenöñ öngöget. ⁸Mewöyök sömbup neneñi, dönqizizinnini qahö aka sömbup dönqizizinninambuk aka nei aka yuai pakpak bapñinan köla ölöñgömakzei, ⁹mi yahöt yahöt pakpak aziñi aka ambiñi mi dopdopñine wañgenöñ öngöba Noagöreñ kaget. Anutunöñ Noa jim kutum wañgiyöhi, mi mönö miangö dop asuhuyök. Mewö.

Göulunöñ ambazip turum ençgii kömuget.

¹⁰Mewö asuhuiga wehön 7:göra jiyöhi, mi teköiga göulu ketañan gölme qakje kañgorök. ¹¹Noanöñ yambuñi 600 aiga yambu miangö köiñi 2 miangö wehönñi jañgö 17 silim miangöreñ o jeñi pakpak, o diginñinambuk miengö namñini pakpak mi emuyök qariba qariba kotket. Mewöyök euyangöreñ könakembagö onji onji miengö numbuñini mi anañiget. ¹²Kie römbum ketañi mi gölmenöñ eta yöhöba yöhöba suñgem silim 40:gö dop ahöyök. ¹³Kienöñ könahimapköra aiga wehön miangöreñ Noa aka nahönurupñi Sem, Ham aka Jafet, Noagö anömñet aka iranurupñiri karöbut yeñön mohotje wañgenöñ öngöm teköget. ¹⁴Toroqeba arökñangö sömbupñi aka mirigö sömbupñi pakpak, yuai pakpak bapñinan köla ölöñgömakzei, nei pakpak aka yuai ginginñinambuk pakpak mi ambazip yembuk mohotje wañgenöñ öngöm teköget. ¹⁵Anutunöñ yuai pakpak malmalgö ösumñinambuk miwikñaim ençgiyöhi, miengöreñök yahöt yahöt (2-2) mi Noagöreñ kañgota wañgenöñ öngöm teköget. ¹⁶Anutunöñ Noa jim kutum wañgiyöhañgö dop yuai isikusukñinambuk pakpak wañgenöñ öngöm tekögeri, mi aziñi aka ambiñi ahot. Körekñan öngöm tekögetka Kembunöñ nanñak Noagö andöñe wañgegö nanñuñi kölöc.

¹⁷Nañguñi köliga miangöreñök göulu ketañan könahiba suñgem asak 40:gö dop toroqeba gölmenöñ kañgoriga o yeñön qariba qariba gölme köl turuba öngöba wañge gölmenöhök koañgetka wahöta öngöyök. ¹⁸Öngöiga o yeñön gölme qakje qariba qariba öngögetka wañgenöñ o qakje nanñök öne lañ anda kaba ahöyök. ¹⁹Mewö aiga onöñ gölme qakje kunbuk qariba öngöyök. Mewö kundunji köröpñi köröpñi suepkö bapñe kin anjei, mi pakpak mönö musulungöm ençgiyök. ²⁰Musulungöm ençgiba öngöba öngöba kundunji bohonñi bohonñi mi köl turuba 8 mita (25 fit) miangö dop ençgongita ahöyök.

^r 7.7 Mat 24.38-39; Luk 17.27 ^s 7.11 2 Pitö 3.6

²¹Mewö ahöiga yuai isikusukñinambuk pakpak gölme qakñe anda kaba malgeri, mienñon o nemba nemulahöba kömum teköget. Yuai pakpak mi nei me mirigö sömbupñi me arökñangö sömbupñi me mokoleñ, gisip aka yuai pakpak kambuñini köla gölmenöñ qeqelañlañ anda kamakzei aka ambazip pakpak mi mohotñe qahöwak teköget. ²²Yuai pakpak gölme örönñe mala malmalgö ösumñi söñgöronñine öröba malgeri, mi körekñanök kömum teköget. ²³Yuai malmalñinambuk pakpak gölmenöñ malgeri, mi Anutunöñ eñgum teköyök. Yuai pakpak mi ambazip, sömbup me yuai bapñinan köla ölölonñgömakzei me könakembagö neiñi neiñi mi mönö Anutunöñ eñgum teköyök. Noa aka saiwaurupñi wañge uruñe malgeri, miyök mönö eñgehoriña añgön köla gou köl eñgiyök. ²⁴O göulu miañon gölme köl turuba qahö öröba geyökmö, wehön 150:gö dop ahöyök.

Göulunöñ öröba eriga gölmenöñ öröniyök.

8 ¹Wehön 150 mi teköiga miañgöreñ Anutunöñ Noagö aka arökñangö mirigö sömbupñi aka yuai pakpak yambuk wañgenöñ malgeri, mi mötmörim eñgiba luhut ketañi röja aliga gölme qakñe qeiga onöñ könahiba öröba erök. ²Anutunöñ emune o diginñinambuk yeñgö jeñini aka euyañgöreñ könakembagö onñ onñ miñgö numbuñini mi qaliba soñgo aliga kienöñ tiñgita tömböriña suepnöhök kunbuk qahö erök. ³Qahö eriga o ketañan könahiba gölme qakñe ahöahöñeyök lilingöba öröba eta geyök. Wehön 150:gö dop o mienñon öröba eta geba ahöget. ⁴Mewö ahögetka wañgenöñ köiñ 7 miñgö silimñi 17 miñgöreñ kundunñi qetñi Ararat miñgö bohonñi kunöñ mekötahöba köhöiba tarök. ⁵Miañgöreñ tariga o miañon toroqeba öröba eta eta anök. Anda köiñ 10 miñgö silimñi mutukñi miñgöreñ kundunñi miñgö bohonñini mi aukñe asuhum tiñgitket.

⁶Tiñgitketka wehön 40 teköiga Noanöñ wañgegö jeñgenañi mutuk memeni mi metalök. ⁷Metala koekoe nei kun melaiiga könakemba lañ bölbölgöba anda kaba qahö lilingöba maliga gölmegö onñ miañon jöpköyök. ⁸Miañgö andöñe Noanöñ kembö kun melaiiga anök. Gölme qakñe onöñ öröba geyök me qahö, miñgö könañi mötmamgöra mi melaiiga anök. ⁹Kembönöñ anda kaba onöñ toroqeba gölme körekñanök turuba ahöyöhañgöra luhut memenañgö tatatñi qahö miwikñaiba wañgegöreñ lilingöiga Noanöñ böronñi börañda wañge uruñe wañgiriga öñgöyök. ¹⁰Öñgöiga wehön 7:gö dop toroqeba mamböt mala miñgöreñ kembö mi kunbuk wañgenöhök melaiiga anök. ¹¹Anda mare miñgöreñ lilingöba oil ipkö sinñi gwölögwölö kun mi meteköba numbuñan yöhösañda Noagöreñ kayök. Mewö kaiga Noanöñ mi eka kewö möt asariyök: Onöñ mönö öröba eriga gölmenöñ asuhum teköza. ¹²Mi möt asariña kunbuk wehön 7:gö dop mamböta kinda kembö mi kunbuk

melaiiga bölbölgöba anök. Anökmö, nalö miangörey mi yangörey kunbuk qahö lilingöba kayök.

¹³Noagö malmal yambuji 601 miangö köinj mutukñangö silimñi mutukñi miangörey onöñ gölme qakñe jöpköba öröniba ahöyök. Mewö aiga Noanöñ wangegö bonji mei aniga kewö uba ehök: Gölme qakñan mönö öröniba ahöyök. ¹⁴Mi ehi kunbuk öröniba köinj yahötñangö silimñi 27 miangörey örönim teköba ahöyök.

¹⁵Anutunöñ Noagöra keu kewö jiba jii mörök: ¹⁶“Gi, anömgi aka nahöniranurupki injini mönö wange mosöta etket. ¹⁷Eta sömbup yuai malmalñinambuk pakpak göbuk wangenöñ maljei, mi neiñi neiñi, mirigö sömbupñi aka mokoleñ yuai pakpak bapñini gölmenöñ köla ölöñgömakzei, mi mönö körek enguangita etket. Mewö aknönga ölop gölmenöñ ahum sehiba gwölönarökpuk aka denða gölme dop köla malme.”

¹⁸Mewö jii möta Noa anömñet aka nahöniranurupñi yeñön mohotje wange mosöta etket. ¹⁹Etketka arökñangö sömbupñi pakpak, mokoleñ yuai pakpak, nei pakpak aka yuai pakpak gölmenöñ anda kamakzei, mieñön mönö mewöñanök isikñinañgö dop wange mosöta awatangöba et teköget. Mewö.

Noanöñ Anutugöra jöwöwöl ohoba saiwap jiyök.

²⁰Et tekögetka Noanöñ Kembugöra jöwöwöl alta kun memba mirigö sömbupñi dönqizizinñini qahö mi pakpak aka nei dönqizizinñini qahö mi pakpak yengöreyök tosatñi engömemba alta qakñe ala miangön Anutugöra jöwöwöl ohoyök. ²¹Ohoiga Kembunöñ wörön umköhöwakñi nahömñambuk mi möri dop köliga uruñan keu kewö jiyök: “Ambazip yengö uruñinañgö mötmöt areñinan mönö moröñineyök könahiba bölöñi akzemö, töndup gölme mi nalö kunöñ ambazipköra aka kunbuk kude qesuahömam. Yuai pakpak malmalñinambuk maljei, nöñön mi lök qahöwak teköm engialmö, miangö dop nalö kunöñ kunbuk qahö jim teköba ak engimam. ²²Gölmenöñ ahöm öñgömawangö dop mönö gölmenöñ köl kömötketka ölni asuhui megetka miangön mönö kude qahöwak teköma. Miri amöriiga sanğenñi mörakñe aka könöpñambuk aiga könöwiba mörakñe. Kömunjan kie nalö aka wehön nalö, sunğem aka asakñi mi nalöñi nalöñi lilikqilik aka awatañ ahöba anmahot. Mi pakpak teteköñi qahö ahöm öñgöiga malme. Mewöñan mönö mewö toroqeba ahöma. “Mewö”.

Anutunöñ Noabuk jöhöjöhö areñ alök.

9 ¹“Mewö jiba Anutunöñ Noa aka nahönurupñi kewö jiba kötuatköm engiyök: “Injini mönö ahum sehiba gwölönarökpuk mala gölme dop

¹ 9.1 Jen 1.28; 4 Jen 7.26-27; 17.10-14; Lew 19.26; Dut 12.16, 23, 15.23; 6 Jen 1.26; Eks 20.13; 7 Jen 1.28

köla malme. ²Mewö aketka gölmegö sömbupñi pakpak, könakembagö neiñi pakpak, yuai pakpak bapñinan gölme köla ölölöngömakzei aka köwetkö sörañi pakpak mi mönö engö böröñine al engibi enñon mi galöm köl engiba malgetka yeñon engöra keñgöt mötmöt aketka jönömñini unduiga malme. ³Yuai pakpak isikusukñinambuk anda kaba maljei, mi engö neneya aka ahöma. Mutuk yöha yuai görökñi (töngönñi) neneñina al engiala merak yuai pakpak ki mewöyök al engizal. ⁴Mohok-kun mi mönö kude neme. Mi sömbup sepñambuk. Sep mi malmalgö söpsöpñi akzawañgöra aka soñgo ki al engizal. ⁵Nanñini sepñini mi kunñan kun kude mokoma. Kunñan mi mokomawi, miañgö likepñan mönö nanñi qakñe öngöma. Sömbup kunñan me ambazip kunñan ambazip kun qeiga malmalñangö söpsöpñi mokomawi, miañgö likepñan mönö nanñi qakñe öngöiga kömuma. ⁶Anutunöñ ambazip nanñi kaisoñgolomñi tandök meyöhañgöra aka kun dañon ambazip kun qei kömumawi, kunñan mönö i mewöñañök qei kömuma.

⁷Iñini mönö ahum sehiba gwölönarökpuk aka malme. Mewö gölme qakñe ahum sehigetka qötöñinan qarim öngöma.”

⁸Anutunöñ toroqeba Noa aka nahönurupñi yambuk malgeri, yeñgöra keu kewö jiyök: ⁹“Nöñon merak iñini aka engö gwölönarökurupñini könangep asuhumei, embuk jöhöjöhö areñ akzal. ¹⁰Mewöñañök yuai malmalñinambuk pakpak, mi mirigö me arökñañgö nei sömbupñi pakpak göbuk mala wañgenöhök etkeri, mönö gölmegö öröyuai malmalñinambuk pakpak yembuk jöhöjöhö areñ kewö akzal: ¹¹Nöñon jöhöjöhö areñni mi embuk kewö al köhöizal: Nöñon o gölunöñ öröyuai isikusukñinambuk pakpak mi kunbuk kude engubi qahöwakñe. O göulu mi gölme ayuhumapköra kunbuk qahö albi kama.” ¹²Anutunöñ toroqeba keu kewö jiyök: “Nöñon mönö jöhöjöhö areñ ki mi nani aka iñini aka öröyuai malmalñinambuk pakpak embuk maljei, neñgö sutnine albiga teteköñi qahö köhöiba ahöm öngöma. Jöhöjöhö areñ miañgö aiwesökñi mi kewö:

¹³Nöñon nani marilonñonni mi kousunöñ albiga ahöma. Nöñon nani aka gölmenöñ maljei, neñgö sutnine jöhöjöhö areñ akzali, marilonñon miañon mönö miañgö aiwesökñi aka ahöma. ¹⁴Nöñon nalö kunöñ kousuñi kousuñi gölme qakñe öröm engibi eta tokogetka marilonñon kousunöñ asuhumawi, ¹⁵nalö miañgöreñ nöñon jöhöjöhö areñni mi mötmörimam. Mi nani aka iñini aka öröyuai malmalñinambuk pakpak tandökñini könañi könañi neñgö sutnine ahali, mönö mia mötmörimam. Miañgöra o mienñon kunbuk mewö kude qariba yuai isikusukñinambuk pakpak ayuhumegöra göulu ketañi qahö akña.

¹⁶Nalö kunöñ marilonñon kousunöñ asuhumawi, nöñon mi eka miañgöreñök jöhöjöhö areñni mi mötmörimam. Mi teteköñi qahö nani aka öröyuai malmalñinambuk pakpak tandökñini könañi könañi gölme

qakŋe maljei, nenŋö sutnine al köhöibi ahöza.”¹⁷ Anutunönŋ Noagöra mewö jiba toroqeba kewö jiyök: “Nönön jöhöhöhö areŋ ki mi nani aka gölmegö öröyuai malmalŋinambuk pakpak nenŋö sutnine al köhöizal. Jöhöhöhö areŋ miaŋgö aiwesökŋi mi mewö.”

Noagö nahönurupŋi

¹⁸Noagö nahönurupŋi waŋgenöhök etkeri, yenŋö qetŋini mi Sem, Ham aka Jafet.^u Ham mi Keinangö iwiŋa. ¹⁹Yenön Noagö nahönurupŋi karöbut aket. Ambazip pakpak deŋqenŋa gölme dop köla maljini, nini yenŋörenŋök asuhuin.

²⁰Noanönŋ kölkömöt azia aka wain kösö nup mutukŋi kömörök. ²¹Mi kömörökmö, nalö kunönŋ wain o tosatŋi memba neiga uruŋi eŋololon aiga nanŋi opo seri koum uruŋe opoŋi qeköba sile aukŋe ahöyök. ²²Keinangö iwiŋi Ham yaŋön iwiŋan sile aukŋe ahöyöhi, mi eka yaigep geba darumunyahötŋi jii mörohotka iwiŋi mewö gamu qem waŋgiyök. ²³Sem aka Jafet yetkön mi mörohotmö, maluku kun memba awötŋire ala andöandö öŋgöba iwiŋiran sile aukŋe ahöyöhi, mi esuhuyohot. Jenŋiri kungen uyohoraŋgöra aka iwiŋiran aukŋe ahöyöhi, mi qahö ehot. ²⁴Noanönŋ eŋololon aiga imbiŋi törörök möta wahöta nahönŋi moröŋan silik ak waŋgiyöhi, mi mörök. ²⁵Mi möta uruŋi öngöiga Hamgöra kewö jiyök:

“Keinan mi jim suehöm waŋgizal. Yaŋön mönö darumunyahötŋi yetkö welenqeurupŋiri yenŋö welenqeqeŋini omaŋi aka malma.”

²⁶Toroqeba kewö jiyök:

“Anutu, Semgö Kembuŋi, ia mönö möpöseizal.

Keinanönŋ mönö Semgö welenqeqeŋi omaŋi aka malma.

²⁷ Anutunönŋ mönö Jafetkö gölmeŋi mem qariiga Semgö opo seri koumŋine malme.

Keinan yenön mönö Sem yenŋö welenqeurupŋini omaŋi aka malme.”

²⁸Göulu ketaŋan teköiga Noanönŋ toroqeba (yara) yambu 350:gö dop mal öŋgöyök. ²⁹Malmalŋaŋgö yambuŋi mi mindiriba 950 miaŋgö dop mala kota kömuyök. Mewö.

Noagö nahönurup yenŋö gwölönarökurup areŋini

1 Hist 1.5-23

10 ¹Noagö nahönurupŋi Sem, Ham aka Jafet yenŋö gwölönarökurupŋini göulu teköiga asuhugeri, yenŋö qet areŋini kewö:

^u 9.18 Jafet sehiza

Jafetkō gwölönarōkurupņi

²Jafetkō nahönurupņi yeņgō qetņini mi Gomer, Magog, Madai, Jawan, Tubal, Mesek aka Tiras. ³Gomergō nahönurupņi yeņgō qetņini mi Askenas, Rifat aka Togarma. ⁴Jawangō nahönurupņi yeņgō qetņini mi Elisa, Tarsis aka Saiprus könagesō aka Dodan könagesō. ⁵Yeņgō isimorōurupņini mi jula deņqerđa Sutņire Kōwetkō jitņe aka miangō gōlme jōhanņi jōhanņi miangōreņ nanņini gōlmeņine anda malje. Yeņōn isikņini dop, kambuņini dop aka keuņini dop nanņini gōlmeņine anda malje. Jafetkō könagesōņi mewō.

Hamgō gwölönarōkurupņi

⁶Hamgō nahönurup yeņgō qetņini mi Kus,^v Ijpt, Libia aka Keinan. ⁷Kusgō nahönurupņi yeņgō qetņini mi Seba, Hawila, Sabta, Rama aka Sabteka. Ramagō nahönyahōtņi yetkō qetņiri mi Seba aka Dedan. ⁸Kusgō nahōņņi kun qetņi Nimrod asuhuyōk. Yaņōn qariba wahōta bimqeqegō suahō azi kōhöikņi kōtōkņi aka gōlmenōņ malōk. ⁹Yaņōn Kembugō jemesoholņe bōrōjaņ azi kōhöikņi malōhaņgōra aka keu saiņi kewō jimakze: “Kunōņ Nimrod ewō Kembugō jemesoholņe bōrōjaņ azi kōhöikņi akza.” ¹⁰Nimrodkō bemtohoņi mi gōlme kewōņe miangōreņ kōnahiget: Babel, Ereka, Akad aka Kalne. Taon 4 mi Babilonia (Sinar) gōlmenōņ ahōze. ¹¹Nimrodnōņ Babilonia gōlme mosōta Asiria anda miri ketaņi ketaņi qetņini Niniwe, Rehobotir aka Kala mi mem wahōrōk. ¹²Mewōyōk Resen mi Niniwe aka siti ketaņi qetņi Kala yetkō sutņire mem wahōrōk.

¹³Ijptkō gwölönarōkurupņi yeņōn Libia könagesō, Anam könagesō, Lehab könagesō aka Naftu könagesō akze. ¹⁴Mewōyōk Patrus, Kaslu aka Krit. Krit mi Filistia könagesō yeņgō bōmōņņini ahōk.

¹⁵Keinangō nahōņņi mutukņi mi Saidon. Yaņgō andōņe Keinanōņ könagesō kewōņi yeņgō bōmōņņini ahōk: Hit könagesō, ¹⁶Jebus könagesō, Amor könagesō, Girgas könagesō, ¹⁷Hiwi könagesō, Arka könagesō, Sini könagesō, ¹⁸Arwad könagesō, Zemar könagesō aka Hamat könagesō. Keinanōņ kōreka pakpak yeņgō iwi bōmōņņini aiga yeņōn kōnaņep jula deņqerđet.

¹⁹Mewō deņqerđetka Keinan könagesō yeņgōreņ gōlme gōraņi mi miri qetņi Saidon miangōreņōk kōnahiba anda Gerar mire anda Gaza miangōreņ tekōza. Mewōyōk Sodom gōrōken anda Gomora anda Adma aka Zeboim anda Lasa miangōreņ tekōza. ²⁰Hamgō nahönurupņi mi isikņini dop, keuņini dop, gōlmeņini dop aka könagesō kambuņini dop mewō malje.

Semgō gwölönarōkurupņi

²¹Jafetkō datņi Sem yaņgō nahönurupņi mewōņaņōk asuhuget. Semnōņ mewō Ebergō nahönurup pakpak yeņgō bōmōņņini ahōk. ²²Semgō

^v 10.6 Kus mi Sudan kantrigō qetņi.

nahönurupñi yeŋgö qetñini mi Elam, Asur, Arfaksad, Lidia (Lud) aka Aram. ²³Aramgö nahönurupñi yeŋgö qetñini mi Uz, Hul, Geter aka Mas. Mewö malget. ²⁴Arfaksadkö nahönñi Sela asuhuiga yanggö nahönñi Eber asuhuyök. ²⁵Ebergö nahönyahötñi yahöt asuhuyohot. Kunöñ asuhuba mala koröhi, nalö miangöreñ gölme ambazipnöñ jula denqenget. Miangöra yanggö qetñi Peleg (Denqen) qetket. Munjanggö qetñi mi Joktan. ²⁶Joktangö nahönurupñi kewö asuhuget: Almodad, Selef, Hazarmawet, Jera, ²⁷Hadoram, Uzal, Dikla, ²⁸Obal, Abimael, Seba, ²⁹Ofir, Hawila aka Jobab. Azi pakpak mi Joktangö nahönurupña. ³⁰Yeŋgö tatat malmal gölmeñini mi miri qetñi Mesa miangöreñök könahiba miri qetñi Sefar miangöreñ göröken anda wehön kotkotñanggö gölme kundunambuk miangöreñ teköza. ³¹Semgö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

³²Noagö isimoröurupñi mi isikurup areñini, könagesöñini aka gölmeñini dop mewö aket. Yeñön jul sehiba denqenña könagesö kambuñi kambuñi aketka göulu ketañan teköiga anda gölme dop köla malget. Mewö.

Anutunöñ ambazip yeŋgö keuñini mendenöñök.

11 ¹Mutuk miangöreñ gölmeñi gölmeñi pakpak yeñön keu mohot jigetka miangön mindirim enġii malget. ²Mewö mala mosöta wehön kotkotñe göröken anda Babilon uruñe gölme köröñi ketañi kun miwikñaiba miangöreñ miriñini memba tatket. ³Miangöreñ tata nanñinök kewö eraum-mötket: “Mönö kaget. Nini mönö birik mem mözözömgöba könöpnöñ ohoinga köhöikñi akñe. “Mewö jiba miri selñi memingöra köt jamönñiñ qahöpmö, birik ala sutñine gölme sapösapö qandöñ ewö algetka miangön birik mi mekötahöm enġiyök. ⁴Nup mewö memba kunbuk kewö jiget: “Mönö kaget. Nini mönö naninangöra siti kun memba miangöreñ miri köröpñi kötökñi (taua) meinga boñan suep oseima. Mewö oseiiqa qahö denqenña gölme pakpak dop köla lañ anda malbinbuköra mönö nanini qetbuñaninambuk akin.”

⁵Mewö jiba nup megetmö, Kembunöñ ambazip siti aka miri köröpñi megeri, mi ekñamgöra erök. ⁶Eta mi eka kewö jiyök: “Yeñön simbisembel qahöpmö, urumohot könagesö aka keuñini mohot jiba kinda yuai ki könahiba meze ewö, könangep i me wai memingö areñini albeak, mi mönö miangöra qahö osiba qaköme. ⁷Ayop, nini mönö gölmenöñ geba keuñini mem sohoinga kambu kun yeñön kambu tosatñi yeŋgö keuñini qahö möt asariba malme.”

⁸Kembunöñ mewö jiba ambazip miangöreñ mendenqender enġiiga gölme körek dop köla anda kaba siti memegö nupñi jöhöba mosötket. ⁹Kembunöñ ambazip pakpak yeŋgö keuñini mem sohöyöhi, miangöra miri miangö qetñi Babel (enololonj siksauk) ahök. Miangöreñök

Kembunöŋ i mendenqenderŋ enjiiga denđa gölme pakpak dop köla anget. Mewö.

Qet areŋ Semgöreŋök könahiba Abramgöreŋ anja.

1 Hist 1.24-27

¹⁰Semgö gwölönarökurup yeŋgö qet areŋini ki. Göulu andöŋe yambu yahöt teköiga Semnöŋ yambuŋi 100 aiga nalö miangöreŋ nahönŋi Arfaksad asuhuyök. ¹¹Arfaksadnöŋ asuhuiga miangö andöŋe Semnöŋ toroqeba yambu 500 maliga nalö sutŋe miangöreŋ nahönböraturupŋi tosatŋi asuhuget.

¹²Arfaksadnöŋ yambuŋi 35 aiga nahönŋi Sela asuhuyök. ¹³Selanöŋ asuhuiga miangö andöŋe Arfaksadnöŋ toroqeba yambu 403 maliga nalö sutŋe miangöreŋ nahönböraturupŋi tosatŋi asuhuget.

¹⁴Selanöŋ yambuŋi 30 aiga nahönŋi Eber asuhuyök. ¹⁵Ebernöŋ asuhuiga miangö andöŋe Selanöŋ toroqeba yambu 403 maliga nalö sutŋe miangöreŋ nahönböraturupŋi tosatŋi asuhuget.

¹⁶Ebernöŋ yambuŋi 34 aiga nahönŋi Peleg asuhuyök. ¹⁷Pelegnöŋ asuhuiga miangö andöŋe Ebernöŋ toroqeba yambu 430 maliga nalö sutŋe miangöreŋ nahönböraturupŋi tosatŋi asuhuget.

¹⁸Pelegnöŋ yambuŋi 30 aiga nahönŋi Reu asuhuyök. ¹⁹Reunöŋ asuhuiga miangö andöŋe Pelegnöŋ toroqeba yambu 209 maliga nalö sutŋe miangöreŋ nahönböraturupŋi tosatŋi asuhuget.

²⁰Reunöŋ yambuŋi 32 aiga nahönŋi Serug asuhuyök. ²¹Serugnöŋ asuhuiga miangö andöŋe Reunöŋ toroqeba yambu 207 maliga nalö sutŋe miangöreŋ nahönböraturupŋi tosatŋi asuhuget.

²²Serugnöŋ yambuŋi 30 aiga nahönŋi Nahor asuhuyök. ²³Nahornöŋ asuhuiga miangö andöŋe Serugnöŋ toroqeba yambu 200 maliga nalö sutŋe miangöreŋ nahönböraturupŋi tosatŋi asuhuget.

²⁴Nahornöŋ yambuŋi 29 aiga nahönŋi Tera asuhuyök. ²⁵Teranöŋ asuhuiga miangö andöŋe Nahornöŋ toroqeba yambu 119 maliga nalö sutŋe miangöreŋ nahönböraturupŋi tosatŋi asuhuget. ²⁶Teranöŋ yambuŋi 70 aiga nahönŋi Abram, Nahor aka Haran asuhuget.

Teragö gwölönarökurupŋi.

²⁷Teragö gwölönarökurup yeŋgö qet areŋini ki. Teragö nahönurupŋi Abram, Nahor aka Haran asuhuget. Harangö nahönŋi Lot asuhuyök.

²⁸Haranöŋ Kaldia yeŋgö gölmenöŋ mala nanŋi ahuahu miriŋi qetŋi Ur miangöreŋ kömuiga Harangö iwiŋi Teranöŋ toroqeba malök.

²⁹Abram aka Nahor yetköŋ öröröŋ ambi meyohot. Abramgö anömŋi qetŋi Sarai aiga Nahorgö anömŋi qetŋi Milka. Milkanöŋ Harangö bōratŋa ahök. Haranöŋ Milka aka Iska yetkö iwiŋiri ahök. ³⁰Sarainöŋ ambi köpina moröŋi qahöpmö, öne malök.

³¹Teranöŋ nahönŋi Abram, isiŋi Lot Harangö nahönŋi aka iranŋi Sarai, nahönŋi Abramgö anömŋi mi enġuaŋgiriga mohotŋe Kaldia gölmegö miri qetŋi Ur mosöta Keinan gölmenöŋ anbingöra anget. Mewö angetmö, Haran miri gölmenöŋ kaba kinda mianggöreŋ miriŋini memba tatket. ³²Tatketka Teranöŋ yambuŋi 205 aiga Haran miri mianggöreŋ tata kömuyök. Mewö.

Anutunöŋ Abram oholök.

12 ¹Wembunöŋ Abramgöra kewö jiyök: “Gi gölmegi, könagesögi aka iwigahö miri yuaiŋi mosöta gölme kondel gihimami, mönö mianggöreŋ anman. ²Nöŋön ahumsehip gihibiga gwölönarökurupkan könagesö ketanŋi akŋe. Nöŋön kötuetköba naŋgöm gihibiga qetbuŋagan qariba ketanŋi akŋa. Mewö aiga Anutunöŋ göhöra aka könagesö tosatŋi kötuetköm enġiba malma.

³ Denike yeŋön gi kötuetköm gihimei, nöŋön mönö i kötuetköm enġiba malmam.

Denike yeŋön gi jim suehöm gihimei, nöŋön mönö i mewöyök jim suehöm enġiba malmam.

Göhöra aka nöŋgö kötümötuetnan mönö gölmegö könagesö kambuŋi pakpak yeŋgö qakŋine öŋgöiga oyaenŋkoyaen akŋe.”

⁴Mewö jiiga Abramnöŋ Kembunöŋ jiyöhangö dop Haran miri mosöta aniga Lotnöŋ yambuk anohot. Abramnöŋ yambuŋi 75 aiga mianggöreŋ Haran miri mosöta anök. ⁵Anmam jiba anömŋi Sarai, behötŋi Lot, sukinapŋi pakpak qezakögetka sehiyöhi aka welenqeŋe ambazip Haran mirinöŋ mala enġömegeri, mi memba enġuaŋgita mosöta Keinan gölmenöŋ anbingöra anda mala mianggöreŋ anġotket.

⁶Abramnöŋ gölme mianggöreŋ anda mala mala miri qetŋi Sekem mianggöreŋ kaŋgota in ip ketanŋi qetŋi More mianggö kösutŋe koumŋi qeba tarök. Nalö mianggöreŋ Keinan ambazip yeŋön lök gölme mianggöreŋ malget. ⁷Mewö malgetka Kembunöŋ Abramgöreŋ asuhuba kewö jiyök: “Gölme ki mi mönö göhö gwölönarökurupki yeŋgö buŋaya qem enġimam. “Mewö jiiga Abramnöŋ Kembu yaŋgöreŋ asuhuyöhi, yaŋgöra jöwöwöl ohohogö altaŋi kun mianggöreŋ meyök.

⁸Mianggöreŋök mosöta toroqeba Betel mirigö wehöŋ kotkotŋe göröken gölme kundunambuk mianggöreŋ anda opo seri koumŋi möröreŋgöba kuŋgui kinök. Mewö kiniga Betel miri mianjön wehöŋ gegeŋe göröken tariga Ai taonöŋ wehöŋ kotkotŋe göröken tarök. Mewö tarohotka sutŋire kinda Kembugö jöwöwöl altaŋi kun mianggöreŋ memba Kembugö qetŋi qeta köuluköm waŋgiyök. ⁹Mianggö andöŋe gölme mi mosöta toroqeba Saut göröken anda distrik qetŋi Negew mianggöreŋ tata malget. Mewö.

^w 12.1 Apo 7.2-3; Hib 11.8; 3 Gal 3.8; 7 Apo 7.5; Gal 3.16

Abramnön Ijpt kantrinön anda malök.

¹⁰Nalö mianğörej Keinan gölmenön bödi (buörö) asuhuiga mianğön köhöiba lömbötñi aiga Abramnön Ijpt kantrinön kusukñanök malbingöra anget. ¹¹Könanön anda Ijpt dopdowigetka Abramnön mianğörej anömñi Saraigöra keu kewö jiyök: “Mötnön, göñön ambi eksihingabuk akzani, mi mötzal. ¹²Mewögöra Ijpt azi yeñön gi geka kewö jime: ‘Ki yanğö anömña.’ Mewö jiba ni nuñguget kömumam-mö, gi gehorigetka malman. ¹³*Mianğöra göñön mönö kewö jiman: ‘Ni yanğö nenña.’ Mewö jinönğa göhöra aka ölöpnanök ak niñgiba nöñgö malmalni gou kölgetka malmam.”

¹⁴Abramnön Ijpt kaiga Ijptkö ambazipñi yeñön Sarai eketka ambi eksihimñambuk qetpuk ahök. ¹⁵Mianğöreñök Farao kiñ kembangö pom jembonurupñi yeñön i ekeranğöra Farao kiñğörej anda Saraigö sileñi möpöseigetka mörök. Mi möta jiiga Sarai wañgita kiñ kembangö jakömbuak miri uruñe öñgöget. ¹⁶Öñgögetka Farao kiñnön Saraigöra aka Abram ölöpnanök ak wañgiyök. Mewö ak wañgiiga yuai kewöñi mi Abramgö buñaya ahök: lama, bulmakau, doñki aziñi aka ambiñi, welenqeçe azi aka ambi aka kamel jesöñgöñi mi Abram wañgiiga buña qem anğuyök.

¹⁷Mi buña qem anğuyökmö, Kembunön Abramgö anömñi Sarainön Farao kiñgö mire malöhanğöra aka jiiga kawöl bölöñi kötökñan Farao kiñ aka ambazip yanğö jakömbuak mire malgeri, yeñgö qakñine öñgöyök. ¹⁸Mi öñgöiga Farao kiñnön Abram köl öroi kaiga kewö qesim wañgiyök: “Göñön mönö wani kimbial ak niñginön? Wuanönğöra ‘Mi anömna,’ mewö qahö jinönğa möral? ¹⁹Wuanönğöra ‘I mi nena,’ jinön? Mewö jinönğa nöñön i anömna akñapköra wañgiral? Anömgi ki. Mönö i wañgita anohot.”

²⁰Mewö jiba aziurupñi jim kutum enğiiga Abram wañgita könanön anda al enğigetka anömñi aka öroyuaiñi pakpak ahöm wañgiyöhi, mi memba enğuanğita anget. Mewö.

Lot aka Abram yetkön deñnohot.

13 ¹Abramnön Ijpt gölme mosöta anömñi aka bau inap yuaiñi pakpak memba enğuanğita Lotpuk mohotñe lilingöba anda Keinan gölmegö Saut likepñi qetñi Negew mianğörej kanğotket. ²Abramğörej lama bulmakau aka goul silwö mi lömbötpuk ahöm wañgiiga azi kindiñbirik malök. ³Mewö mala Negew distrik uruñe tata mosöta kusukñanök rowoñqeñeñe ahöba wahöta anda mala Betel mire kanğotket. Opo seri koumñi mutuk Betel aka Ai miri mietkö sutñire

* 12.13 Jen 20.2; 26.7

kuŋgui kinöhi, mönö miangöreŋ kaŋgotket. ⁴Mutuk jöwöwöl alta meyöhi, mönö miangöreŋ kaŋgota Kembugö qetŋi qeta köuluköyök.

⁵Lotnöŋ Abrambuk tata mosöta malöhi, yaŋjön mewöŋanök lama bulmakau kambuŋi kambuŋi aka opo seri koumŋi koumŋi mi gwötpuk memba malök. ⁶Mewö mala sömbup sukinap yuainjiri gwötpuk ketaŋi ahöm etkiiga gölmenöŋ qahö dop kölök. Mi öröröŋ gumohom enŋienŋigö dop qahö ahöiga mohotŋe tata malmalgö lömböriba osiyohot. ⁷Osiba Abram aka Lot yetköreŋ sömbup galömurupŋiri yeŋgö sutŋine gölmegö aŋgururuk asuhuyök. Nalö miangöreŋ Keinan könagesö aka Periz könagesö yeŋjön gölme miangö toŋi aketka yembuk mohotŋe malget.

⁸Mewö mala Abramnöŋ Lotköra kewö jii mörök: “Niri mönö iwi moröya maljit. Miangöra ni aka gi sutnire me sömbup galömurupniri yeŋgö sutŋine aŋgururuk kude ahöma. ⁹Miangöra ölop deŋbit. Gölme pakpak mönö göhö jemesoholge aukŋe ahöm anjawi, mi ölop ekzan. Mewö aiga göŋjön qaninire göröken anmam jiman ewö, nöŋjön ölop ölnire göröken anmam. Me göŋjön ölnire göröken anmam jiman ewö, nöŋjön ölop qaninire göröken anmam.”

¹⁰Mewö jiiga Lotnöŋ uba wahöta Jordangö gölme köröŋi ketaŋi pakpak ehiga Anutunöŋ mi ölop mem kelöriŋa Kembugöreŋ oyaenŋkoyaen arö kelökŋambuk ewö ahök. Mi ljipt yeŋgö gölme ewö ahöba Zoar miri göröken anök. Mutuk Kembunöŋ Sodom aka Gomora qahö ayuhum etkiiga nalö miangöreŋ gölme mi mewö ahöyök. ¹¹Mewö ahöiga Lotnöŋ mi ek kewöta Jordangö gölme köröŋi ketaŋi pakpak mi möwölöhöba wehön kotkotŋe göröken anök. Mewö aka deŋnohot. ¹²Deŋda Abramnöŋ Keinan gölmenöŋ anda malökmö, Lotnöŋ gölme köröŋi ketaŋangö taonŋi taonŋi yeŋgö sutŋine anda kaba malök. Mewö mala opo seri koumŋi meköba memba kuŋguba anda kinda teteköŋe Sodom kösutŋe aŋgota malök. ¹³Miangöreŋ malökmö, Sodom könagesö yeŋjön könagesö tandök bölöŋi aka Kembu qetala siŋgisöndok keta bölöŋi aka memba malget.

Abramnöŋ Hebron gölmenöŋ anda tata malök.

¹⁴Lotnöŋ Abram umbula aniga nalö miangöreŋ Kembunöŋ Abramgöra keu kewö jiyök: “Mönö jegi ötok ala mesoholge uba wahöta eleŋda andöge uba mewöyök wehön kotkotŋe aka wehön gegeŋe göröken unöŋ. ¹⁵Gölme pakpak ki ekzani, mi mönö gi aka göhö gwölönarökurupki enŋö buŋaya qebi nalö teteköŋi qahö buŋajina ahöm öngöma. ¹⁶Nöŋjön gwölönarökurupki ahumsehip gwötpuk enŋibiga qötöŋinan qariba gölmegö sakösakŋi (sakösiŋi) ewö akŋa. Kun daŋjön sakösiŋ köŋi mi enŋgö jaŋgöŋini oyonbawak, yaŋjön ölop gwölönarökurupki yeŋgö jaŋgöŋini mema. ¹⁷Nöŋjön gölme ki mönö göhö buŋaya qem gihizal. Miangöra ölop

† 13.10 Jen 2.10 † 13.15 Apo 7.5

wahöta anda kaba gölme pakpak ki bahöbahö euke emuke ek kutuba malman.”

¹⁸Mewö jiiga Abramnöŋ wahöta opo seri kounŋi qeköba memba kuŋguba anda Hebron gölmenöŋ kaba Mamre mire in ip ketanŋi kin angeri, miengö kösutŋine tarök. Miangöreŋ tata Kembugöra jöwöwöl alta kun meyök. Mewö.

Abramnöŋ Lot mi kerök yeŋgö böröŋineyök meköyök.

14 ¹Nalö miangöreŋ Babilongö (Sinargö) kiŋi qetŋi Amrafel, Elasargö kiŋi qetŋi Ariok, Elamgö kiŋi qetŋi Kedorlaomer aka Goimgö kiŋi qetŋi Tidal malget. ²Yeŋön kiŋ kewö miembuk könahiba bim auget: Sodom taongö kiŋi qetŋi Bera, Gomora taongö kiŋi qetŋi Birsa, Adma taongö kiŋi qetŋi Sinab, Seboim taongö kiŋi qetŋi Semeber aka Bela (qetŋi alaŋi Zoar) taon miangö kiŋi. ³Kiŋ pakpak kieŋön örue (ruerue) qetŋi Sidim miangöreŋ tokoba kukösumŋini mindiriba jöhöjöhö aket. Sidim öruenöŋ nalö kewöŋe Sihi Köwet Köhömuŋi mi ahöza. ⁴Yeŋön yambu 12:gö dop Kedorlaomergö jimkutukutu bapŋe mala kota yambu 13 miangöreŋ yaŋgö keu bapŋe anbingö qetala karim aka yarö gilget.

⁵Mewö aketka yambu 14 miangöreŋ Kedorlaomer aka kiŋi tosatŋi yambuk jöhöjöhö aka malgeri, miengön kaba könagesö kewöŋi yembuk bim qeba luhut alget: Refa könagesö mi Asterot Karnaim mire enguba luhut alget. Zuzi könagesö mi Ham mire aka Eme könagesö mi Kiriataim miri miangöreŋ enguba luhut alget. ⁶Hor könagesö mi Seir gölme kundunambuk miangöreŋ enguba enguatangöba anda anda El Paran miri miangöreŋ angota luhut al engiget. El Paran mi gölme qararaŋkölköŋhaŋgö göraŋe ahöza. ⁷Luhut al engiba miangöreŋök liliŋgöba En Mispas (qetŋi alaŋi Kades) miangöreŋ kaba Amalek könagesö luhut al engiba gölmeŋini pakpak angön köŋget. Amor könagesö Hazezon Tamar gölmenöŋ malgeri, mi mewöŋanök enguba luhut al engiget.

⁸Mewö asuhuiga Sodomgö kiŋi, Gomoragö kiŋi, Admagö kiŋi, Zeboimgö kiŋi aka Bela (qetŋi alaŋi Zoar) miangö kiŋi yeŋön wahöta asasaitiba Sidim öruenöŋ angota kiŋi kewö miembuk bim qebingö jaböŋi ala aröŋda kinget: ⁹Elamgö kiŋi Kedorlaomer, Goimgö kiŋi Tidal, Babilongö (Sinargö) kiŋi Amrafel aka Elasargö kiŋi Ariok. Kiŋ 4 miengön kiŋ 5 yembuk aröŋget.

¹⁰Mewö aröŋgetmö, Sidim gölme örue miangöreŋ löm dodoho sapösapöŋambuk mianöŋ kokolak qeba tarök. Mewö tariga Sodom aka Gomora taon mietkö kiŋiran yarö aziurupŋiri yembuk unjurata angaitketka azi tosatŋan löm miangöreŋ tötohoba geba enguyök. Mewö enguiga alaurupŋini tosatŋi pakpak yeŋön ölöŋ köla unjurata gölme kundunambuk miangöreŋ öŋgöget. ¹¹Öŋgögetka kiŋ 4 miengön Sodom

aka Gomora anda sukinapņini aka numbu nenenjini pakpak mi kiom kōla memba tōkōba anget. ¹²Abramgō behōtņi Lot yaņōn Sodom malōhaņgōra aka i mewōņanōk sukinapņambuk waņgita anget.

¹³Mewō angetka azi kunņan ōlōņ kōla misiņgōba kaba miangō buzup keuņi mi Hibru (kian) azi Abramgōra jii mōrōk. Nalō miangōreņ Abramnōņ Amor azi qetņi Mamre yaņgōreņ in ip ketaņi ketaņi miengō kōsutņine malōk. Mamrenōņ munyahōtņi qetņiri Eskol aka Aner yetpuk mohotņe Abrambuk jōhōjōhō aka malget. ¹⁴Abramnōņ behōtņi Lot waņgita angeri, miangō keuņi mōta aziurupņi 318 nanņi mire asuhuba mōtmōt mōta bimqeçe kōl guliba malgeri, mi eņgohol tokoba kerōk kambu eņguatangōba Not gōrōken anda mala Dan mire aņgotket.

¹⁵Abramnōņ aziurupņi mendeņ eņgiiga yeņōn suņgem miangōreņ kōzōla kerōk kambu qerakōm eņgimemba luhut al eņgiget. Luhut al eņgiba eņguatangōba anda mala Damaskusgō Not likepņe miri qetņi Hoba miangōreņ aņgotket. ¹⁶Miangōreņ aņgota sukinap pakpak kiom qeba memba angeri, mi miwikņaiget. Behōtņi Lot aka yaņgō ōrōyuaiņi mi memba waņgita liliņgōba kayōk. Sodom aka Gomora yeņgō ambimorōurupņini aka ambazip tosatņi mi tok lōkņanōk eņguaņgita kaget.

Melkizedeknōņ Abram kōtuetkōm waņgiyōk.

¹⁷Abramnōņ mewō Kedorlaomer aka kiņ tosatņi yambuk jōhōjōhō aka malgeri, mi eņguba luhut al eņgiba liliņgōba kaiga Sodomgō kiņi yaņōn Sawe ōrue (qetņi alaņi Kiņgō ōrue) miangōreņ miwikņaiiba ekņamgōra anōk. ¹⁸“Nalō miangōreņ Melkizedek Salemgō kiņi miāņōn bered aka wain o memba kayōk. Yaņōn Anutu ōņgōņgōņaņgō jike nup galōmņi ahōk. ¹⁹Mewō aka Abram kōtuetkōm waņgiba keu kewō jiyōk: “Anutu ōņgōņgōņan suep gōlme miwikņaim etkiyōhi, yaņōn mōnō Abram gi kōtuetkōm gihii malman. ²⁰Anutu ōņgōņgōņan kerōkurupki gōhō bōrōge al eņgiyōhi, mōnō i mōpōseizin. “Mewō jiiga Abramnōņ ōrōyuaiņi pakpak mendeņniga kambu ten asuhuiga miengōreņōk mohot mohot (10%) memba naluha waņgiyōk.

²¹Mi waņgiiga Sodomgō kiņan Abramgōra kewō jiyōk: “Ambazipurupņi mia niņgimanmō, sukinap mia mōnō nangi buņaya akņa.”

²²Mewō jiyōkmō, Abramnōņ Sodomgō kiņaņgōra kewō jiyōk: “Keuni kōhōimapkōra nōņōn bōrōni Kembu Anutu ōņgōņgōņi Suep gōlme miwikņaim etkiyōhi, yaņgōreņ gōrōken memba wahōta jōjōpaņ keu kewō jizal: ²³Nōņōn gōhōreņ yuai kun mi qahō kōtōkņi memam. Mōt kōsōgahō kitipņi me kōna esugahō kōsōņi mi mewōņanōk qahō memam. Mewō akiga gōņōn kōnaņep kewō jibanbuk: ‘Nōņōn Abram yuai

^a 14.18-20 Hib 7.1-10

waŋgibiga yaŋön azi pomŋi qetbuŋaŋambuk aka malja.' Göŋön mönö mewö jimamgö osiba malman. ²⁴Nöŋön yuai kun qahö toroqeba memam-mö, aziurupnan wani yuaia negeri, mi lök nenngigetka dop köl teköza. Mewöyök azi alaurupni Aner, Eskol aka Mamre nömbuk kageri, yeŋön mönö töwa jijinjinaŋgö dop meme. "Mewö.

Anutunöŋ Abrambuk jöhöjöhö areŋ ahök.

15 ¹Mewö asuhiŋa Abramgö jeŋi meleŋniga imut ehiga Kembunöŋ keu kewö jii kaiga mörök, "Abram, gi keŋgötki kude mötman. Nöŋön göhö sumanga akzal. Göhö töwagi mönö keta bölökŋi aka ahöma."

²Keu mewö kayökmö, Abramnöŋ kewö jiyök, "O Kembu ketaŋamni, ni nahönböratni qahö malbiga töwa niŋginöŋga miaŋön mönö denöwö bauköm niŋgibawak? Nöŋön kömumbiga Damaskus azi Eliezer yaŋön nöŋgö sukinapnaŋgö toŋi akŋa." ³Mewö jiba toroqeba kewö jiyök, "Göŋön gwölönarökni kun qahö niŋginöŋaŋgöra nup azini bohonŋan nöŋgö mire maljawi, yaŋön mönö nöŋgö öröyuaini pakpak buŋa qem aŋguma."

⁴Mewö jiiga Kembugöreŋ keu jit kun mi yaŋgöreŋ kewö kaiga mörök, "Azi miaŋön sukinapkahö toŋi qahö akŋapmö, nangi silegeyök morö nahön kun asuhumawi, yaŋön mönö göhö öröyuaigi pakpak buŋa qem aŋguma." ⁵^bKeu mewö kaiga Anutunöŋ Abram waŋgita gumnöŋ geba keu kewö jii mörök, "Mönö suepnöŋ unöŋ öŋgöiga seŋgelau oyöŋ engimanangö dop akŋa ewö, mi mönö ölöp oyöŋ eŋgiman. "Mewö jiba kewö toroqeba jiyök, "Göhö gwölönarökurupki yeŋgö qötöŋinan mönö miaŋgö dop akŋa."

⁶Mewö jiiga Abramnöŋ Kembu möt narim waŋgiiga mötnariŋi ehi dop köliga keuŋi jim teköiga solaniyök.

⁷Kembunöŋ toroqeba keu kewö jii mörök, "Nöŋön Kembu akzal. Gi Kaldia gölmegö miri qetŋi Ur miaŋgöreŋ malnöŋga goaŋgita ki kait. Gölmegö ki gihibi buŋa qem aŋgumangöra aka gi goaŋgita ki kait."

⁸Mewö jiyökmö, Abramnöŋ kewö jiyök, "O Kembu ketaŋamni, gölmegö kiauŋön nöŋgö buŋaya akŋawi, mi mönö wani aiwesöha eka möt kutumam?"

⁹Mewö jiiga Kembunöŋ yaŋgöra kewö jiyök, "Gi mönö anda bulmakau ambi seramŋi yambuŋi karöbut, meme (noniŋ) ambiŋi yambuŋi karöbut aka lama aziŋi yambuŋi karöbut aka kembö kun aka kembö supsup dölökuŋi kun mi memba nöŋgöreŋ kaman."

¹⁰Mewö jiiga Abramnöŋ anda mi pakpak körek memba kaba sömbup mi bibiŋine qesiŋ eŋgiba likeŋi likeŋi mi areŋgöiga köna likeŋ likeŋ

^b 15.5 Rom 4.18; Hib 11.12; 6 Rom 4.3; Gal 3.6; Jei 2.23; 12 Job 4.13, 14; 13 Eks 1.1-14; Apo 7.6; 14 Eks 12.40-41; Apo 7.7; 18 Apo 7.5

aröjnön ahöget.^c Mewö ahökmö, nei mi qahö qesiñök. ¹¹Qahö qesiñda qamötñini likep likep arengöm enjiiga nei kalñi yeñon kaba qamöt yeñgö qakñine eta kölgetmö, Abramnön mi közöl enjiiga anget.

¹²Wehön jeñi teköba gemangö aiga nalö miangörej Abramnön jeñi eta meiga gaun lömbötñi ahöyök. Mewö ahöiga pandaman göjiwinangö kanjamñi miangön kaba turum wañgiyök. ¹³Turum wañgiiga Kembunön kewö jii mörök, “Keu ki mönö ölna mötman: Göhö gwölönarökurupkan mönö nanñini gölmeñini mosöta kantri kunön anda kiana mala mal öngöme. Mewö mala yeñgö welenqequeurupñini omañi aketka i yambu 400:gö dop tulumgöm enjiba malme.

¹⁴Mewö malmemö, nöñon kantri welenqequeurupñini omañi aka malmei, yeñgö keuñini mewöyök jim teköba likepñi melejbiga qakñine öngöma. Mewö mi öngöiga pösat enjigetka kantri mi mosöta sukinapñini gwötpuk memba lilingöba kame. ¹⁵⁻¹⁶Nöñon Amor könagesö mi gölme kiangörej zilañ qahö enjuatangömam. Mutuk siñgisöndokñi siñgisöndokñi aka bölimqölim tekögetka likepñi törörök melej enjimamañgö nalöñan akñawi, nalö miangörej mönö i enjuatangömam. Miangöra göhö isirupki yeñgö isirupñinan asuha malmei,^d nalö miangörej göhö gwölönarökurupkan mönö lilingöba ki kame. (15) Yeñon mewö kamemö, nangak mutuk yambugahö nalöñi ölmö kömuiga luainön iwiasaurupki yeñgörej anöñga löm köl gihime.”

¹⁷Kembunön mewö jiiga wehön jeñan teköba geiga pandaman meiga yuai kewö asuhuiga ehök: Kimbut kungö uruñe könöp bölamñan kököbilikbilikñambuk jeba asariiga köwak köndumñambuk pukpuköyök. Yuai miangön asuha sömbup qamöt qesiñqesiñi miengö sutñine kinda anda kayök.

¹⁸Kembunön mewö sömbup likepñi likepñi miengö sutñire anda kaba sömañ miangörej Abrambuk jöjöhö areñ aka (kaisöpsöñan mi mem köhöiba) keu kewö jii mörök, “Nöñon gölme ki mi göhö gwölönarökurupki yeñgö buñaya qem engimam. Miangö jaböñi mi Ijptkö o töwatñi (Nail) miangörejök könahiba kaba ki ongita anda o töwatñi ketañi qetñi Yufreitis miangörej teköma. ¹⁹Nalö kewöñe mi könagesö kewö yeñgö gölmeñina ahöza: Kin könagesö, Kenas könagesö, Kadmon könagesö, ²⁰Hit könagesö, Periz könagesö aka Refaim könagesö, ²¹Amor könagesö, Keinan könagesö, Girgas könagesö aka Jebus könagesö.

^c 15.10 Nalö miangörej jöhöjöhö areñ aka mi silik mewöñi miangön mem köhöizema. Azinön sömbup likepñi yahöt mietkö sutñire kinda mindirim etkiba jöhöjöhö mi tönguba galöm köljam. ^d 15.15-16 Yambu 430 nalö mi kewö oyonget: Liwainön malmal yambuñi 137 miangörejök yambu 80 mi Ijpt malök. Yangö andöñe azi kewöñan yambuñini kewö Ijpt malget: Kehat 133, Amram 137, Moses 80. (Miangö andöñe Mosesnön Ijpt mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7

Yenğörej gölme pakpak mi mönö körekjanök memba dop köla anme.
“Mewö.

Hagar aka Ismael

16 ¹Abramgö anömni Sarainöj köpin mala morö qahö meyökmö, Saraigö welen ambi qetji Hagar malök. Mi Ijpt ambia. ²Yañön malöhangöra Sarainöj Abramgöra kewö jiyök: “Kembunöj sojgo jöhöm niñgiiga morö qahö mealangöra gi mönö welen ambini menönga gölöm ala morö kun meiga nöngö buñaya asuhubawak. “Mewö jiiga Abramnöj Saraigörej keugöra urumohot ahök. ³Abramnöj Keinan gölmenöj yambu 10 mal teköiga nalö miangörej Sarai Abramgö anömnan Ijptkö welen ambini Hagar memba apñangö anömni akñapköra wañgiyök. ⁴Mewö wañgiiga memba maliga gölöm alök. Gölöm ala mi möta galöm ambini Sarai könahiba jijiwilit ak wañgiyök.

⁵Mewö ak wañgiiga Sarainöj Abramgöra kewö jiyök: “Urunan böliiga sihibölö mörakzali, miangö keunan mönö göhö qake öngöba ahöma. Nöñön welen ambini göhö böröge albiga gölöm ala mi möta miangörejök könahiba jijiwilit ak niñgiba malja. Miangöra Kembunöj mönö ni aka gi netkö sutnire keu kewöta jim teköma.”

⁶Mewö jiiga Abramnöj kewö jiyök: “Welen ambigi miangön nange böröge maljawangöra wania mötnönga dop köljawi, mönö miangö dop i ak wañgiman. “Mewö jiiga Sarainöj Hagar lañ örömureim ak wañgiiga mosöta tököba ölöj köla anök.

⁷Aniga Kembugörej garata kunöj gölme qararañkölkölne o jeñi kungö kösutje miwikñaim wañgiyök. O jeñi mi Sur mire anangö köna jitje miangörej ahöza. ⁸Miangörej miwikñaim wañgiba kewö jiyök: “Hagar, Saraigö welen ambini, gi mönö denikeyök kazana denike anman?” Mewö jiiga kewö meleşnökö: “Ni galöm ambini Saraigörejök asamböta ölöj köla kazal.”

⁹Mewö jiiga Kembugörej garatanöj Hagar kewö jim kutum wañgiyök: “Gi mönö kunbuk Saraigörej anda welenni qeba yañgö keu bapje malman.” ¹⁰Keu mi toroqeba kewö jii mörök: “Hagar, nöñön mönö göhö gwölönarökurupki ahum sehim engibiga qötöjini oyoñoyongö dop qahö aiga malme.”

¹¹Kembugörej garatanöj kunbuk toroqeba Hagargöra kewö jiyök: “Gi moröbuk akzana nahöngi meman. Dölki tapötkokorok möta sahötnönga mi mönö Kembugö kezapje geiga mötza. Miangöra morögö qetji Ismael qetman. (Ismael Anutunöj kezapjan mötza.) ¹²Yañön azi doñki bau kömböt ewö aka (nanñi imbi-imbi qakje lañ anda kaba) malma. Yañön böröñan ambazip pakpak qetal eñgiiga ambazip pakpak yeñön i qetal wañgiba malme. Yañön munurupji pakpak yembuk kerök-kerök aka nanjökö kekelolo malma.”

¹³Mewö jiiga Hagarnön kewö jiyök: “Nöñön mönö dölki kunön ni nehakzawi, i ekzal. “Miangöra Kembu yangöra keu jiyöhi, yangö qetji kewö qet yangiyök: “Gi Kembu ni nehakzananön akzan. “Qetji mewö qerök. ¹⁴Könañi miangöra aka o löm miangö qetji mi Ber Lahai Roi (Malmalñambuk mala nehakzawangö o lömñi) qetketka ahöza. O löm mi toroqeba miri yahöt qetjiri Kades aka Bered mietkö sutjire ahöza.

¹⁵“Hagarnön Abramgö morö nahönñi meyök. Abramnön nanñi morönji Hagar meyöhi, yangö qetji Ismael qerök. ¹⁶Abramnön yambuñi 86 aiga Hagarnön Ismael morö mi Abramgöra meyök. Mewö.

Jöhöjöhö arengö aiwesökñi mi sile yandiyandi.

17 ¹Abramnön yambuñi 99 aiga Kembunön asuhum wangiba keu kewö jiyök: “Nöñön Anutu kukösum pakpakö Toñi akzal. Miangöra gi mönö nöngö keuni tem köla pöndañ ahakmeme diñdñi wuatangöba malman. ²Nöñön jöhöjöhö areñ mi gi aka ni netkö sutnire ahali, mi mem köhöiba ahumsehip gihibi gwölönarökurupki yengö jañgöninan mönö keta bölökñi akña.”

³Mewö jiiga Abramnön simin köla bamgöiga Anutunön yangöra keu kewö jiyök: ⁴“Mötman, nöñön jöhöjöhö areñni göbuk kewö akzal: Göñön könagesö gwötpuk yengö iwi bömönñina akñan. Keu mewö jim jöhöbi ahöma. ⁵Göhö qetki Abram mi qahö toroqeba qetketka ahömapmö, göñön könagesö gwötpuk yengö iwi bömönñina akñangöra kuñgum gihizali, miangöra qetki mönö Abraham qetketka ahöma.⁶ ⁶Nöñön ahumsehip gihibiga gwölönarökurupki mi önöñi qahö asuhume. Yeñön jula deñda könagesö kambuñi kambuñi gwötpuk akñe. Göhö gwölönarökurupki yengöreñök tosatñan kiñ kambuñi kambuñi akñe.

⁷Nöñön mönö jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, nengö sutnine al köhöibiga teköteköñi qahö ahöm öngöba ahöma. Nöñön göhö Anutugi aka gwölönarökurupki göhö andöge asuhum öngömei, mönö yengö Anutuñina aka malmam. ⁸Gi Keinan gölmenön kiana maljani, nöñön gölme mi jömukñanök gi aka göhö gwölönarökurupki engö buñaya qem engibiga buñañini teteköñi qahö ahöm öngöba ahöma. Mewö ahöiga nöñön mönö yengö Anutuñina aka malmam.”

⁹Anutunön Abrahamgöra mewö jiba toroqeba keu kewö jiyök: “Mewö malmam-mö, göñön mönö nöngö jöhöjöhö areñnangö keuñi mi tem köla wuatangöba malman. Göhö gwölönarökurupki göhö andöge toroqeba asuhum öngömei, yeñön mönö mewöñanök mi tem köla wuatangöba mala mal öngöme. ¹⁰Gi aka göhö gwölönarökurupki embuk jöhöjöhö

^e 16.15 Gal 4.22 ^f 17.5 Rom 4.17; 7 Luk 1.55; 8 Apo 7.5; 10 Apo 7.8; Rom 4.11

^g 17.5 Abram mi iwi öngöñgöñi. Abraham mi könagesö gwötpuk yengö iwi bömönñini.

arejni aka mi wuatangömegöra jizali, miangö aiwesökni mi kewö: Engö sutjine azi pakpak yengö silejine mönö nongö aiwesökni yandime. ¹¹Nongö aiwesökni mönö silejine yandime. Miajön jöhöjöhö arej ni aka engö sutnine albi ahözawi, miangö aiwesökña ahöm öngöma.

¹²Nalö kewöneyök könahiba azi pakpak engö sutjine toroqeba asuhum öngömei, yengö silejine mönö sömanjini 8 aiga miangörej nongö aiwesökni yandiba malme. Nanjine miri uruje nanjini aka welenqeurupjini yengörej morönahönurupjini asuhumei, mi mönö örörön ak engiba malme. Welenqeqe tosatji mi kian yengörejök monejnöh bohonjini megetka yengö morö nahönjini asuhume. Yejön nanjini gwölönarökurupjini qahö akzemö, mi töndup nongö aiwesökni mi mönö yengö silejine mewöjanök yandiba malme. ¹³Welenqeqe tosatjan nanjine miri uruje asuhugetka welenqeqe tosatji mi monejnöh bohonjini megetka yengö morö nahönjini asuhume. Nongö aiwesökni mi mönö yengö silejine mewöjanök yandiba malme. Nongö jöhöjöhö arejnaengö aiwesökni silejine yandime, mi mönö jöhöjöhö arej teteköni qahö ahöm öngömapköra jim köhöizal. ¹⁴Azi kun dajön nongö aiwesökni sileje qahö yandigetka öne malmawi, yajön mönö nongö jöhöjöhö arejni ongita qetalakza. Miajögöra azi mewöni mi mönö nanji ambazip kambu engö sutjineyök yakörim wangigetka yaigep eta malma.”

¹⁵Anutunöj toroqeba Abrahamgöra kewö jiyök: “Gi anömgahö qetji Sarai mi kude toroqeba qeta malmanmö, yangö qetji mönö Sara (jembon ambi) qeta malman.^h ¹⁶Nöjön Sara kötuatköm wangibiga yajön göhöra morö nahön kun mema. Nöjön kötuatköm wangibiga yajön ambazip kambuñi kambuñi gwötpuk yengö nam bömönjina akña. Yangö gwölönarökurupji yengörejök tosatjan könagesö kambu yengörej azi kembuñi kembuñi akñe.”

¹⁷Kembunöj mewö jiiga Abrahamnöh mi möta simin köla bangöba urujan kewö mötmöriba miangöra gön kölök, “Azi yambuni 100 akiga morö nahönan mönö denöwö asuhubawak? Mewöyök Saranöh yambuñi 90 aiga mönö denöwö morö membawak?” ¹⁸Abrahamnöh mewö mötmöriba welipköba Anutu kewö qesim wangiyök: “Göjön ölop Ismael kuñgum wanginönga qetki bisiiga nongö gwölönarökurupni mi yangörejök asuhume.”

¹⁹Mewö qesiiga Anutunöj kewö melejnök, “Anöngi Saranöh mönö göhö morö nahöngi mema. Mi meiga qetji Aisak (gön kölja) qetman. Nöjön Aisakpuk aka yangö gwölönarökurupji yembuk jöhöjöhö arejni mi al köhöibiga teteköni qahö ahöm öngöma. ²⁰Ismael kötuatköm wangimangö qesim niñgizani, mi mewöyök ölop möt gihiba kötuatköm

^h 17.15 Qetji kewögöra uteköyök: Yajön ambazip kambuñi kambuñi gwötpuk aka kiñ kembu tosatji yengö nam bömönjina akña.

wanġimam. Yañön azi kembu 12 miengö iwi bömönġini akña. Nöñön ahumsehip wanġibiga gwölönarökurupni yeñgö jañgönġinan mönö keta bölökni akña. Yeñön sehiba könagesö kambu ketañi akñe.

²¹Mewö akñemö, Saranöñ nahöñgi Aisak mi yambu euneañgö nalö kewöñe memawi, nöñön mönö nani jöhöjöhö areñni mi yambuk al köhöimam.” ²²Anutunöñ Abrahambuk keu jiyohori, mi teköiga i mosöta wahöta öñgöyök.

²³Wehön miangörenök Abrahamnöñ Anutugören keu tem köla nanñi nahönñi Ismaelgö sileñe Anutugö aiwesökni yandiyök. Mewöyöhök welenqequeurupni nanñi miri uruñe asuhugetka tosatñi moneñnön bohonñini meiga malgeri, azi pakpak mi yañgö miri uruñe tatkeri, i mönö körek mewöñanök ak eñgiyök. ²⁴Abrahamnöñ yambuñi 99 aiga sileñe aiwesök mi yandiget. ²⁵Nahönñi Ismael mi yambuñi 13 aiga sileñe mi yandiget. ²⁶Abraham aka nahönñi Ismael yetkö sileñire aiwesök mi sömañ mohot miangörenök yandiget. ²⁷Azi pakpak Abrahamgö miri uruñe tatkeri, tosatñan nanñi miri uruñe asuhugetka tosatñi mi kian yeñgörenök bohonñini meiga malgeri, körek yeñgö sileñine aiwesök mi mewöñanök yandiget. Mewö.

Saranöñ azi morö memawanġö keuñi Anutunöñ jiyök.

18 ¹Abrahamnöñ Mamre mire in ip ketañi ketañi miengö sutñine maliga Kembunöñ asuhum wanġiyök. Silim miangören wehön jitñi silitñi köhöikni qeiga Abrahamnöñ opo seri kounġañgö numbuñe tarök. ²Tata uba wahöta ehiga azi karöbutñan wösöñe kinget. Kingetka eñgeka opo seri koun numbuñeyök wölañ wahöta jömjölöñini jiba eñguanġitmamgöra kiñkiñgöba anök. Anda waikñini memba simin köla gölmenöñ bamgöba geyök.

³Geba kewö jiyök: “O Kembu-urupni, nöñön eñgö welenqequeñini aka eñgö jeñine kalem möriam miwikñaiba maljal ewö, iñini mönö ni kude nonġita anme. ⁴Ni eñgö welenqequeñini aka ölop o moröñi kun memba kaba eñgibiga könañini sañgoñda ip kiangö aumñe tata luhut meme. ⁵Nöñön ölop nene moröñi kun memba kaba eñgibiga neme. Mianjön mem köhöim eñgiiga ölop köna kunbuk toroqeba anme. Nöñön kewöröpni malbiga iñini ni göda qem niñgiba kazeañgöra ölop welen qem eñgimam. “Mewö jiiga melenġa kewö jiget: “Saiwap, jizanañgö dop mewö ölop akin.”

⁶Mewö jigetka Abrahamnöñ ösumñan kiñkiñgöba seri koun uruñe anda öngöba Saragöra kewö jiyök: “Mönö ösumok plaua ölop kötökñi amae (dis) karöbutkö dop memba melenġa yeñgöra bered ohoman.” ⁷Mewö jiba ösumñan bulmakau kambunöñ anda bulmakau dömjñi busuñi

¹ 18.2a Hib 13.2; 10 Rom 9.9; 12 1 Pitö 3.6; 14 Luk 1.37

lövötñi möwölöhöba welenqeçeñi kun wañgiiga könahiba ösumok qeba möhamgöba ohoyök. ⁸ Mi möhamgöba ohom teköiga mi, kelök kosökñi aka juju o tosatñi memba anda azi tatkerañgö bapñine alök. Bapñine aliga nemba tatketka nanñi nalö mianğöreñ kösutñine ip könaje galömñina kinök.

⁹ Kiniga kewö qesim wañgiget: “Anömgi Sara mi denike?” Qesim wañgigetka jiyök: “I opo seri koum uruñe endu tatza.”

¹⁰ Mewö jiiga azi yeñgöreñök kunñan kewö jiyök: “Yambu mohotkö dop teköiga nöñön ölña liliñgöba ki kabiga anömgi Saranöñ mönö morö nahönñambuk aka malma. “Mewö jiyökmö, Saranöñ opo seri koumgö numbuñe apñañgö andöñe kinda keu mi kezapñe geiga mörök. ¹¹ Abraham aka Sara yetkön lök ambazip namñi ahotka yambuñiran gwötpuk ketañi aiga malohot. Saranöñ köiñgö añgeka malöhi, mianğö nalöñan lök oñgit teköyök. ¹² Mianğöra Saranöñ mi möta uruñan kewö mötmöriba gön kölök: “Nöñön lök ambi namñi sohosoholiñi akiga apni azi kembunan mewöñanök azi namñi aiga yambuk ahöahögö sihimnan kunbuk asuhubawak me qahöpto?”

¹³ Mewö mötmörriiga Kembunöñ Abraham qesim wañgiba kewö jiyök: “Saranöñ wanigöra gön köla kewö mötmöriza: ‘Nöñön ambi namñi kötökñi aka ölña morö membileñak me?’ ¹⁴ Kembunöñ mönö yuai kungöra qahö kötökñi qakömakza. Mianğöra jizali, ‘Yambu mohotkö dop teköiga nöñön ölña liliñgöba ki kabiga Saranöñ mönö morö nahönñambuk aka malma.’ ”

¹⁵ Saranöñ keñgötñi möta mi köyatiba kewö jiyök: “Ni gön qahö köljal. “Mewö jiyökmö, Kembunöñ kewö jiyök: “Qahö, gi gön ölña köljan. “Mewö.

Abrahamnöñ Sodom taongöra köuluköyök.

¹⁶ Mewö jiiga azi karöbut yeñön wahöta etkömosöta Sodom taonöñ göröken eleñda anbingö aket. Abrahamnöñ mewöñanök i eñgubulmamgöra yembuk mohotñe anget. ¹⁷ Kembunöñ nanñañgöra kewö jiyök: “Ni yuai akñamgö mötzali, mi alani Abrahamgöra ölop qahö asambötмам. ¹⁸ Kewögöra mi asambötмамgö osizal: Abrahamnöñ nöñgö alani qainñi kun aka ahumsehip aiga könagesö ketañi kukösumñinambuk aka malme. Nöñgö kötümötuetnan mönö yañgöra aka gölmeğö könagesö kambuñi pakpak yeñgö qakñine öñgöiga oyaenköyaen akñe. ¹⁹ Nöñön i kewögöra möwölöhöm wañgial: Yañön nahönböراتurupñi aka gwölönarökurupñi yañgö andöñe asuhuba mal öñgömei, yeñgöra Kembangöreñ köna kondela ahakmeme diñdiñi dop kölakzawi, mi wuatañgömegöra jim kutum eñgiba malma. Mewö maliga tem köla wuatañgöba malme ewö, Kembu nöñön Abrahamgöra yuai asuhumapkö jim jöhöyali, mianñön mönö ölñambuk pakpak ahakña.”

²⁰Kembunöŋ nanjök mewö jiba toroqeba Abrahamgöra kewö jiyök: “Sodom aka Gomora yejön siŋgisöndok lömbötŋi lömbötŋi aka malgetka kahasililiŋ öngöŋgöŋi ketanji asuhuiga gwötpukŋan miangöra qeta sahörakze. Miangöra yejgö siŋgisöndokŋinanjgö keuŋan mönö qariba qariba keta bölökŋi akza. ²¹Miangöra nöŋön mönö yejgöreŋ geba könaŋamŋini ekŋam. Kahasililiŋ akeranğöra aka gwötpukŋan nöŋgö jene qeta sahöta malgeri, mi pakpak ölna aket me qahö, mi nöŋön kewöta mötmamgö mötzal.”

²²Mewö jiiga azi yahötŋan eleŋda Sodom göröken anohotmö, Abrahamnöŋ toroqeba Kembugö jemesoholŋe kinök. ²³Kinda Kembugö kösutŋe anda kewö qesim wanjyök: “Gi ambazip solanŋi aka ambazip aŋgöjörakŋinambuk mi mohotŋe ayuhum eŋgimamgöra jizan me? ²⁴Taon miangöreŋ ambazip solanŋi 50 malje ewö, göŋön i ölna ayuhum eŋgimamgö jizan me? Taon mi yejgöra aka eŋgehoribanak me qahö? ²⁵Göŋön mewö akŋangö osibanak. Mi yapmakek! (qahöpmahöp!) Göŋön ambazip solanŋi mi ambazip aŋgöjörakŋinambuk yembuk mohotŋe mindiriba eŋgunöŋga qahö dop kölbapuk. Mewö öröröŋ kömumbepuk. Göŋön gölme ambazip pakpak yejgö keuŋini jim tekömakzani, miangöra mönö nanŋi könagi diŋdiŋi wuatangönöŋga dop kölma.”

²⁶Abrahamnöŋ mewö jiiga Kembunöŋ meleŋda kewö jiyök: “Nöŋön Sodom taonöŋ ambazip solanŋi 50 miwikŋaim eŋgimam ewö, yejgöra aka taon pakpak mi ölop eŋgehorimam.”

²⁷Mewö jiiga Abrahamnöŋ kunbuk kewö jiyök: “Kembu, ni nesak sömsöm omanŋi ewö akzalmö, töndup keu köhöikŋi Kembunangöra kuŋguba jizal. Mi kude dop köljapmö, mi töndup ölop ni möt niŋgiman. ²⁸Taon miangöreŋ ambazip solanŋi 50 qahöpmö, 45 miyök malbeak ewö, göŋön ambazip 5 yejgöra aka taon pakpak mi töndup ayuhum eŋgiman me qahö?” Mewö jiiga Kembunöŋ kewö jiyök: “Nöŋön ambazip solanŋi 45 miangöreŋ miwikŋaim eŋgimam ewö, taon mi mönö qahö ayuhumam.”

²⁹Abrahamnöŋ dumŋe kunbuk keu kewö jiyök: “Ambazip solanŋi 40 miyök miangöreŋ miwikŋaim eŋgiman ewö, mönö denöwö akanak?” Mewö jiiga kewö meleŋnök: “Ambazip 40 yejgöra aka taon mi qahö ayuhumam.”

³⁰Mewö jiiga jiyök: “O Kembu, urugi öngöbapukmö, ni kunbuk keu jimamgö mötzal. Ambazip solanŋi 30 miyök miangöreŋ miwikŋaim eŋgiman ewö, mönö denöwö akanak?” Mewö jiiga kewö meleŋnök: “Ambazip solanŋi 30 miangöreŋ miwikŋaim eŋgimam ewö, nöŋön mönö taon mi qahö ayuhumam.”

³¹Abrahamnöŋ toroqeba kewö jiyök: “Kembu, ni keu köhöikŋi Kembunangöra kuŋguba jizal. Mi kude dop köljapmö, mi töndup ölop möt niŋgiman. Ambazip solanŋi 20 miyök miangöreŋ miwikŋaim eŋgiman ewö, mönö denöwö akanak?” Mewö jiiga kewö meleŋnök, “Ambazip 20 yejgöra aka taon mi qahö ayuhumam.”

³²Mewö jiiga Abrahamnönj kunbuk kewö qesiyök: “O Kembu urugi öngöbapukmö, ni kunbuk sömaŋi mohot-töp ki keu jimamgö mötzal. Ambazip solanŋi 10 miyök miaŋgöreŋ miwikŋaim enŋiman ewö, mönö denöwö akanak?” Mewö jiiga kewö melenök, “Ambazip 10 yengöra aka taon mi qahö ayuhumam.” ³³Mewö eraum-mörohot teköiga Kembunöŋ Abraham mosöta aniga yaŋön kunbuk liliŋgöba miriŋe kayök. Mewö.

Sodom aka Gomora yeŋgö aŋgöjörak malmalŋini

19 ¹Suep garata yahöt mi Abraham mosöta anda mare aiga Sodom aŋgorohot. Aŋgorohotka Lot azi miaŋön taon miaŋgö kiripo naŋgune tarök. Tata etkeka wahöta jömjölöŋiri jiba enŋuaŋgitmamgöra anda gölmenöŋ simin köla bamgöba geyök. ²Geba kewö jiyök: “O kembuyahötni, iŋiri ölop welenqeqeŋiri nöŋgö mire kaba könaŋiri saŋgoŋda mohotŋe suŋgem ahöbin. Ahöba wahöta ölop söŋanök köna toroqeba anmahot. “Mewö jiyökmö, yetkön kewö jiyohot: “Qahö, niri ölop qeŋjarök sombem kunöŋ anda ahöbit.”

³Mewö jiyohotmö, Lotnöŋ kapaŋ köhöikŋi köla jiba etkuangita nanŋi miriŋe anda öŋgöget. Öŋgöba welenqeqeurupŋi jim kutum enŋiiga bered yistŋi qahö ohoget. Mewöyök numbu nene nahömŋambuk möhamgöba ohoba etkiŋetka neyohot.

⁴Mi nempa gaun ahöbitkö ahotka miaŋgöreŋök Sodom ambazipnöŋ kaba miri mi liliköget. Sodom taongö bahöŋi pakpak miaŋgöreŋök ambazip namŋi aka sepgwölö mi totnöŋ totnöŋ lömbötŋambuk öroba kaŋgotket. ⁵Kaŋgota Lotköra kewö qetket: “Azi yahöt mare göhöreŋ kazahori, mi denike? Azi nini yetpuk sero akingöra mötzin. Miaŋgöra mönö i etkuangita neŋgöreŋ etme.”

⁶Mewö qetketka Lotnöŋ naŋgu metala yeŋgöreŋ geba andöŋe naŋgu kölök. ⁷Naŋgu köla kewö jiyök: “Alaurupni, mewö qahö. Silik bölöŋi mi kude akŋe. ⁸Mötket. Nöŋgö böratni yahöt seram mala nalö kunöŋ azibuk qahö ahöyohot. I ölop enŋöra etkuangita etpiga wanat yuaia akingö mötzei, mi ölop sihimŋini meköme. Mewömö, nöŋgö miri boŋan azi yahöt etkualöŋda sel jöhöm etkizawi, ia mönö yuai bölöŋi kun qahöpmahöp ak etkime.”

⁹Mewö jiyökmö, yeŋön kewö melenŋa teriŋda qetket: “Mönö kesalnöŋ. Göŋön ki kaba kiana mala nangahöra niŋia jiba mötnöŋ öŋgöiga ninia pöndaŋ jim kutum neŋgimamgö mötzan? Yetkön qahö kamahot ewö, mönö nangak neŋgöreŋ kaŋöŋga mönö kahasililiŋ keta bölöŋi nangi ak gihibin. “Mewö jiba Lot utalgetka kököndöt aniga öŋgöba miri naŋguni qesiŋbingö aka kinget.

¹⁰Mewö aka kingetmö, azi yahöt mietkön böroŋiri böraŋda Lot öröm gilohotka miri uruŋe öŋgöiga naŋgu kölohot. ¹¹Naŋgu köla kind aŋi

† 19.5-8 Kemb 19.22-24; 11 2 Kiŋ 6.18

ketaŋi moröŋi miri naŋguŋe yaigep kingeri, mi jiyohotka keu jittjiran eŋgualöŋniga jeŋini gömöliiga jipjap kota naŋgu miwikŋaibingö mezaŋqezan aka jaruba osiget. Mewö.

Lotnöŋ Sodom gölme mosörök.

¹²Azi yahöt yetkön Lotköra kewö jiyohot: “Gi nahönurupki, qingiböraturupki aka tinilosomurupki tosatŋi pakpak taon kiangörej maljei, i mönö eŋguaŋgitaŋga taon ki mosöta anme. ¹³Nini taon ki ayuhuba köndenmöndenbin. Könagesö kiengö kahasililingöra gwötpukŋan Kembugö jeŋe önöŋi qahö qeta sahöta malget. Miangöra yaŋön melaim netkiiga gölme ki ayuhuba köndenmöndenbitköra ki kazit.”

¹⁴Mewö jiyohotka möta Lotnöŋ anda qingŋi buŋa yahöt böratyahötŋi etkömembitkö jiiga malohori, yetköra kewö jiyök: “Injiri mönö ösumok wahörohotka miri ki mosöta anbin. Kembunöŋ taon ki ayuhuba köndenmöndenmamgö akza. “Mewö jiiga yetkön keu mi mörohotka göngönahit tandök ahök.

¹⁵Miri waŋgaraŋ suruiga Suep garata yahöt yetkön Lot öröm kuŋgum waŋgiba kewö jiyohot: “Anutunöŋ Sodom yeŋgö siŋgisöndokŋinaŋgö likepŋi melaŋda taonŋini köndenmöndenma. Göŋön yembuk mohotŋe ayuhubanbuköra mönö zilaŋ wahöta anömgi aka böratyahötki göbuk tatzahori, mi eŋguaŋgita taon ki mosötket.”

¹⁶^kMewö jiyohotka Lotnöŋ toroqeba eksekpeksek aiga azi yahöt yetkön Lotkö böröŋi melanjiba memba anömŋi aka böratyahötŋi yeŋgö böröŋini mewöŋanök melanjiba memba eŋguaŋgita taon sileŋe anget. Kembunöŋ mewö ak kömum eŋgiyök. ¹⁷Taon sileŋe angetka azi yahöt yetköreŋök kunöŋ keu kewö jiyök: “Malmalŋini aŋgön kölmegöra mönö ösumok miŋgöba angaitme. Andöŋine kude lilingöba uba anda gölme köröŋe endu aŋgota miangörej mewöyök dörök kude alme. Ayuhubepuköra mönö kundue eu öŋgöba miŋgöba angaitme.”

¹⁸Mewö jiyökmö, Lotnöŋ kewö jii mörohot: “O Kembuni, göŋön mewö akingöra kude jiman. ¹⁹Göŋön malmalnaŋgö bohonŋi jöhöba ak-kömukömu ketaŋi kondelnöŋga göhö jege ölna kalem möriam miwikŋaiba welenqegegi akzalmö, mötnöŋ, nöŋön kundue eu miŋgöba angaitmamgö osimam. Köndenmönden kianŋön nöŋgö qakne öŋgöiga kömumbilenbuköra keŋgötŋi mötzal. ²⁰Mötnöŋ, taon moröni kun endu ahöi ekzani, mianŋön köröpŋi qahöpmö, ölop anbinaŋgö dop akza. Miangöra ölop jinöŋga miangörej miŋgöba angaita ölöwaka malbin. Miri morörökŋi mi eknöŋga dowe ahöiga miangörej ölop anda malmalninaŋgö bohonŋi jöhöbin.”

^k 19.16 2 Pitö 2.7

²¹Mewö jii mörohotka kunönj kewö meleşnök: “Mi ölop! Keu jizani, miangöra mewöyök ölop imbi köl gihimam. Taon moröngangöra jizani, mi qahö ayuhumam. ²²Mi qahö ayuhumam-mö, injini mönö ösumok miangörej misingöba angaitme. Miangörej qahö angotketka nalö sutji kewöne nöñon yuai kun akñamgö osimam. Injini mutuk miangörej angotketka miangö andöñe ölop jim kutubiga köndemöndej asuhuma. “Lotnönj taongöra ‘morodökñi’ jiyöhangöra aka taon miangö qetñi mi Zoar (morodökñi) qetketka ahöza.

Kembunönj Sodom aka Gomora köndemöndejnök.

²³Wehönönj lök koriga Lotnönj Zoar taonönj kañgorök. ²⁴Kañgoriga Kembunönj jiiga suepnöhök Kembugö mireyök salfa köt köñopñambuknönj mi kie ewö Sodom aka Gomora yengö qakñine eta turum engiyök. ²⁵Turum engiba miangön taon yahöt mi aka gölme köröñi pakpak kösutñire ahözawi, ambazip körek miangörej malgeri aka ip kösö yuai görökñi (töngöññi) gölme miangörej ahögeri, mi ayuhum engim teköyök. ²⁶Lotkö anömñan apñi wuatangöba anda kunbuk eleñda andöñe uba miangörejök letota sihi köt aka tandö ewö kinök.

²⁷Abrahamnönj söñanök wahöta mutuk Kembugö jemesoholñe kinda keu eraum-mörohoari, miangörej anök. ²⁸Miangörej anda kinda Sodom, Gomora aka gölme köröñi ketañi pakpak miangörej göröken ui aniga gölme miangörej köwak injañi ketañan tokoba koriga ehök. Mi köñop ketañi ohogetka köwak ketañi wahörakzawi, miangö dop ahök. ²⁹Anutunönj gölme köröñi miangö taonñi taonñi ayuhuba köndemöndejda nalö miangörej Abraham mötmörim wañgiyök. Behötñi Lotnönj taon miangörej maliga miengön meleşni gebingö aketka Anutunönj nalö miangörejök jim kutuiga Lot köndemöndej miangö uruñeyök wañgita kaget. Mewö.

Moab aka Amon könagesö yengö köñañini

³⁰Lotnönj Zoar taonönj malmamgö keñgötñi mörök. Miangöra böratyahötñi etkuangita Zoar mosöta gölme kunduñambuk miangörej anda tatket. Böratyahötñi yahöt yetpuk bañet uruñe ahöm wahöt aka malget. ³¹Miangörej mala böratñi ketañan nalö kunönj munñangöra kewö jiyök: “Naniri iwiniran lök azi namñi akza. Ambazipnönj gölme dop miangörej amimba nahönbörat miwikñaim engimakzemö, gölme kiangörej azi kun netkömemapköra qahö malja. ³²Miangöra ölop kaba iwiniri wain o wañgizi nemba uruñi eñololon aiga yambuk ahöba gölöm ala gwölönarök miwikñajiziga könagesöñinan toroqeba malme.”

³³Mewö jiba sungem miangörejök iwiñiri wain o wañgiyohotka neyök. Nemba uruñi eñololon aiga datñan anda yambuk ahöyök. Wani nalönönj qöhöröñe kayök aka wani nalönönj wahöröhi, mi iwiñan qahö mörök.

¹ 19.24-25 Mat 10.15; 11.23-24; Luk 10.12; 17.29; 2 Pitö 2.6; Jud 7; 26 Luk 17.32

³⁴Ahöba wahöta böratŋi ketaŋan munŋaŋgöra kewö jiyök: “Nöŋön uran suŋgem iwinambuk ahöyal. Ölop merak suŋgem mewöyök wain o kunbuk waŋgizi nempa uruŋi eŋololoŋ aiga göŋön mönö anda yambuk ahömahot. Mewö ahöba iwiniraŋgöreŋök gölöm ala gwölönarök miwikŋaiziga könagesöninan toroqeba malme.”

³⁵Mewö jiba suŋgem miangöreŋ mewöyök iwiŋiri wain o waŋgiyohotka neyök. Nempa uruŋi eŋololoŋ aiga munŋan anda yambuk ahöyök. Wani nalönöŋ qöhöröŋe kayök aka wani nalönöŋ wahöröhi, mi iwiŋan qahö mörök.

³⁶Mewö ahotka miangöra mohotŋamŋire iwiŋiraŋgöreŋök gölöm alohot. ³⁷Böratŋi ketaŋan morö azia memba qetŋi Moab (iwinangöreŋök) qerök. Moab yaŋgö gwölönarökurupŋan ahumsehip aka kotketka nalö kewöŋe mewöyök qetŋini Moab könagesö qerakzin. ³⁸Böratŋi moröŋan mewöŋanök morö azia memba qetŋi Ben Ami (könagesönaŋgö nahöŋŋi) qerök. Azi miangö gwölönarökurupŋan ahumsehip aka kotketka nalö kewöŋe mewöyök qetŋini Amon könagesö qerakzin. Mewö.

Abraham aka Abimelek.

20 ¹Abrahamnöŋ Mamre miri mosöta toroqeba Saut göröken distrik qetŋi Negew miangöreŋ anda miri qetŋiri Kades aka Sur mietkö sutŋire malök. Miangö andöŋe toroqeba taon qetŋi Gerar miangöreŋ anda kusukŋanök malök. ²^mMiangöreŋ mala ambazip miengöra kewö jii mötket: “Sara mi nena. “Mewö jiiga Gerargö kiŋi Abimelek yaŋön keu ali aniga Sara waŋgita jakömbuak miriŋe kaget.

³Mewö aketmö, Anutunöŋ suŋgem kunöŋ Abimeleköreŋ kaba gaunöŋ kewö jiyök: “Ambi buŋa qem aŋguzani, mi azi kungö anömŋa. Miangöra gi mönö yaŋgöra aka kömupkö buŋaya akŋan.”

⁴Mewö jiyökmö, kiŋ Abimeleknöŋ Sara qahö meyöhaŋgöra aka kewö jiyök: “Kembu, ni siŋgisöndökö keuni qahö. Miangöra göŋön ni aka könagesöurupni nini öne töhöŋ ayuhum neŋgibanbuk. ⁵Abrahamnöŋ mönö nanŋak nöŋgöra kewö jiyök: ‘Ambi mi nena.’ Ambinöŋ mewöyök kewö jiyök: ‘Abraham mi nena.’ Miangöra urune geŋmoŋ qahö ahöiga ambi mi jibi kaiga börönan yuai tölokŋi kun qahö ahal.”

⁶Mewö jiiga Anutunöŋ gaunöŋ likepŋi kewö jii mörök: “Keu jizani, mi öŋa. Göhö uruge geŋmoŋ kun qahö ahöiga göhöreŋ kayöhi, mi mötzal. Miangöra göŋön ambi mi misiriba nöŋgö jene siŋgisöndök akanbuköra sel jöhöm gihiba malal. ⁷Mewögöra ambi mi mönö kunbuk melenja apŋaŋgöreŋ waŋgiman. Azi mi kezapqetok azia aka ölop göhöra köuluköiga qahö kömuman. I kunbuk qahö waŋgiman ewö, keu ki mönö öŋa mötman: Gi aka tinitosolomurupki iŋini mönö körek kömume.”

^m 20.2 Jen 12.13; 26.7

⁸Keu mi jii kiñnön möta sōjanök wahöta pom jembonurupji pakpak enggohol tokom enggiba Kembunön keu pakpak jiyöhi, mi jii möta töwōratiba keñgōtjini gwōtpuk mötket. ⁹Mewö mötketka kiñ Abimeleknön Abrahamgōra keu ali öngōiga kewö jiba qesim wañgiyök: “Gi mönō wani kimbia ak neñginön? Nōñön wani bölōji kun ak ghibiga gōñön kondotnōnga siñgisōndokō keu lömbōtjan mönō ni aka könagesōni nōngō sel tohoñ uruñe maljei, neñgō qaknine öngōmamgō akza? Gōñön yuai qahō ahakñangō dop mia soñgo walōñda ak niñginön. ¹⁰Gōñön mönō kōnañi wuanōngōra silik mi aknōje?” Kiñ Abimeleknön Abraham mewö qesim wañgiiga

¹¹kewö meleñnök: “Nōñön keu mi kewö mötmōriba jial: ‘Gölme kiañgō könagesō eñön Anutugō jitji oñgitpinbukōra keñgōtjini qahō mötpeak. Miañgōra ni anōmnañgōra aka nunguget kōmumbileñbuk.’ ¹²Yañön öñña neni, iwinangō bōratñi akza. Namnañgō bōratñi qahō akzawañgōra i anōmna meal. ¹³Anutunön Iwinangō miriñi mosōta kungen anmangō jiyöhi, nōñön nalō miañgōreñ Saragōra kewö jial: ‘Niri denike denike anbiri, miañgōreñ nōñgōra nena jiman. Mewö aka miañön ni urukalem kondel niñgiba malman.’”

¹⁴Mewö jii möta Abimeleknön Abrahamgō anōmñi Sara meleñda wañgiyök. Mewōñanök lama bulmakau aka welenqege azi aka ambi mi mohotje i wañgiyök. ¹⁵Wañgiba keu kewö jiyök: “Mōtnön. Nōñgōreñ gölme ki wösōge ahōzawi, miañgōreñ mönō nangi sihimgahō dop malman.” ¹⁶Mewö jiba Saragōra kewö jiyök: “Mōtnön. Nōñön moneñ silwō köt 1000:gō dop nengi wañgibiga miañön töwagi akza. Tōwa miañön kōnañamgi kondeliga ambazip körek göbuk maljei, yeñön mi eka kewö jiba möt yakōme, ‘Siñgisōndokō keuñi mi Saragōreñ qahō ahōza.’” Mewö jiyök.

¹⁷⁻¹⁸Abrahamgō anōmñi Saragōra aka Kembunön ambi pakpak kiñ Abimelekō miri uruñe malgeri, yeñgō morō memegō kōnañi jōhöyök. Miañgōra Abrahamnön Anutu köulukōiga Abimelek mem ölöwahök. Mewöyök anōmñi aka welenqege ambiurupji mem ölöwak enñgiiga kunbuk morōñinambuk aket. Mewö.

Aisak asuhuyök.

21 ¹Kembunön Sara kalem möriam wañgimangō keuñi jim jōhöi ahöyöhi, miañgō dop i ek galöm ak wañgii malök. Keu jiyöhi, miañgō dop i kewö ak wañgiyök: ²“Saranön gölöm aliga Abrahamnön azi namñi aiga töndup yañgō morō nahōññi meyök. Anutunön morō nahōn asuhumapkō keuñi qeljine jim jōhöyohangō dop mi mönō nalō miañgōreñök asuhuyök. ³Saranön Abrahamgō morō nahōññi meiga

^a 21.2 Hib 11.11; 4 Jen 17.12; Apo 7.8

qetnji Aisak (gön kölja) qerök. ⁴Qeriga Aisaknön wehönñi 8 aiga nalö miaᅇgöreᅇ Anutugö aiwesökñi sileᅇe yandiyök. Anutunön keu jim kutui ahöyohaᅇgö dop mi yandiyök. ⁵Abrahamnön yambuᅇji 100 aiga nahönñi Aisak asuhuyök. ⁶Asuhuiga Saranön keu kewö jiyök: “Anutunön gönkölköl miwikᅇaim niᅇgiyök. Miaᅇgöra denike yeᅇön nöᅇgö kösohotni mötmei, yeᅇön mönö nömbuk gön kölme.” ⁷Mewö jiba toroqeba kewö jiyök: “Saranön morö galömkölkölᅇa akᅇawi, daᅇön keu mi qeljiᅇe möta Abrahamgöra jibawak? Mewö qahöpmö, nalö kewöᅇe yaᅇön azi namᅇji aiga nöᅇön töndup yaᅇgö nahönñi meal. “Mewö. ⁸Aisaknön qariba juzu mosöriᅇa wehön miaᅇgöreᅇjök Abrahamnön nene lömbuaᅇ ketañi alök.

Saranön Hagar aka Ismael közöl etkiyök.

⁹Ijpt ambi Hagarnön Abrahamgö morö nahönñi Ismael meyöhi, yaᅇön nalö kunön munᅇji Aisak ilita mepaiköba gönawöt ak waᅇᅇgiᅇa Saranön mi ehök.

¹⁰°Mewö eka Abrahamgöra kewö jiyök: “Welen ambigö nahönᅇan mönö nöᅇgö nahöni Aisakpuk göhöreᅇ öryuai mi qahö mendeᅇda buᅇa qem aᅇumahot. Welen ambi mi aka nahönñi mi mönö közölnöᅇga anmahot.” ¹¹Saranön keu mi jiyöhi, miaᅇön Abrahamgö uruᅇji qeᅇga Ismael mi nahönñi ahöhaᅇgöra aka urueret möriᅇa uruᅇji mötökömbuk ahök.

¹²Mewö ahiga Anutunön yaᅇgöra keu kewö jiyök: “Nahöᅇgi aka welen ambigi Hagar yetköra mönö urugoro ketañi kude mötman. Aisakö gwölönarökurupᅇji yeᅇönök mönö göhö qetbuᅇagi bisiba malme. Miaᅇgöra Saranön keu göhöra jizawi, mi pakpak mönö möta tem kölman. ¹³Welen ambigahö nahönᅇan göhö gwölönaröki akzawaᅇgöra nöᅇön i mewöᅇanök ahumsehip waᅇᅇgibiga gwölönarökurupᅇan könagesö ketañi akᅇe.”

¹⁴Mewö jii möta Abrahamnön ahöba söᅇan kötökᅇe wahöta nene tosatᅇji memba o uu (ou huhu) lama sileᅇan memeni miaᅇön o uba kaba Hagargö qamböᅇe ala mindiᅇgöba nahönᅇambuk melaim etkiᅇga mosöta anohot. Anda Berseba gölme qararaᅇkölkölᅇe aᅇgota liliköba malohot. ¹⁵Malohotka lama sileᅇe o memba anöhi, miaᅇön qahöwahiga nahönñi mi böᅇbaᅇ ip köhösoᅇji kungö baᅇᅇe ali ahöyök. ¹⁶Ali ahöᅇga kinda kewö mötmöriyök: “Nahönan jeni qakᅇe kömumawi, mi ekᅇamgö osiba jemöron akzal. “Mewö mötmöriᅇa pokom mulget anakzawaᅇgö dop tikep anda tata silata sahöt giᅇilahöyök.

¹⁷Morö sahöröhi, mi Anutunön möriᅇa garataᅇan suepnöhök Hagargö qeta kewö jiyök: “Hagar, gi wani lömbötkö uruᅇe maljan? Keᅇgötᅇi kude mötnön. Morönön endu ahöba sahötzawi, Anutunön sahötᅇji mi lök mötza.

° 21.10 Gal 4.29-30; 12 Rom 9.7; Hib 11.18

18 Mönö wahöta morö nahöngi gölmenöhök kökōbihinōñ wahōriga börōñe memba mökōkōlim wañgiman. Nōñōn i könāñep ahumsehip wañgibiga gwōlōnarōkurupñan sehiba könagesō ketani qetbuñañinambuk akñe.” 19 Suep garatanōñ mewō jiiga Anutunōñ jeñi metohoiga uba o lōmñi kun ehök. Mi eka lama silenji memba anda miāñōn o uba kaba nahōñji wañgiiga neyök. 20 Anutunōñ Ismaelbuk kiniga qariba gölme qararañkōlkōlñe mala erim nemi azia ahök. 21 Gölme qararañkōlkōlñi qetñi Paran miāñgōreñ maliga namñan Ijpt kantrinöhök ambi kun memba anōmñā wañgiyök. Mewō.

Abraham aka Abimelek yetkōn urujōhōjōhō ahot.

22^p Nalō miāñgōreñ Abimelek aka yañgō yarō kambuñāñgō suahō galōmñi qetñi Fikol yetkōn Abrahamgōra kewō jiyohot: “Gōñōn örōyuai pakpak aka memakzani, Anutunōñ mönō miāñgōreñ göbuk kinakza. 23 Miāñgōra gōñōn mönō merak kiāñgōreñ Anutugō jeñe jōjōpañ keu kewō jiba jim köhōiman: ‘Nōñōn gi, morōurupki aka gwōlōnarōkurupki embuk isimkakalek kun kude aka malmam.’ Mewō jim köhōiba nōñōn ak kōmum gihiba malali, miāñgō dop gōñōn mönō mewōñānōk gölme ki aka ni ak kōmum netkiba malman. Gi gölme kiāñgōreñ kiana aka maljan.”

24 Mewō jiyohotka Abrahamnōñ kewō jiyök: “Nōñōn jōjōpañ keu mi ölōp jiba jim köhōimam.”

25 Mewō jiyōkmō, Abimelekō welenqeurupñan o lōm kun nanñinañgōra añgōn kōlgeri, Abrahamnōñ miāñgōra Abimelek jim wañgiyök. 26 Jim wañgiyōkmō, Abimeleknōñ kewō meleñda jiyök: “Dañōn silik mi ahōhi, mi nōñōn qahō mötzal. Nangak miāñgō keuñi kun mutuk qahō jinōñ möta mala merak-kun keu mi mötzal.”

27 Mewō meleñda jiiga Abrahamnōñ anda lama aka bulmakau memba kaba Abimelek wañgiiga nalō miāñgōreñōk sutñire jōhōjōhō aka alohot. 28 Mi ala Abrahamnōñ lama kambuñineyōhōk lama ambiñi morōñi 7 mekōm eñgiba al eñgii nanñinōk kinget.

29 Mewō kingetka Abimeleknōñ Abraham kewō qesim wañgiyök: “Lama ambiñi morōñi 7 kewōta endu al eñginōñga nanñinōk kinjei, mi könāñi wuanōñgōra?”

30 Qesim wañgiiga kewō meleñnōk: “Nōñōn o lōmñi ki esiali, keu mi jibiga mi möt narizan ewō, lama morōñi 7 ki mönō nōñgō börōneyök buñā qem añgunōñga nōñgō keuñāñgō dangunuñi akñā.” 31 Mewō meleñda azi yahōt mi gölme miāñgōreñ kindā jōjōpañ keuñiri jiba jim jōhōm añguyohot. Miāñgōra miri miāñgō qetñi Berseba qerakze.^q

32 Berseba mire jōhōjōhō mewō ahot tekōiga Abimelek aka yañgō yarō kambuñāñgō suahō galōmñi Fikol yetkōn wahōta lilingōba Filistin

^p 21.22 Jen 26.26 ^q 21.31 Berseba keu miāñgō könāñi yahōt: sewengō o lōmñi aka jōjōpañ keugō o lōmñi.

yengö gölmenöy anohot. ³³Anohotka Abrahamnöy berem ip kun Berseba miri miangörey kömöta Kembu Anutu bem konkon yengö qetji qeta köuluköyök. ³⁴Köuluköba kinda Filistin yengö gölmenöy nalö köröpji kiana aka malök. Mewö.

Anutunöy Abraham esapköm wangiyök.

22 ¹Yuai mi asuhuiga nalö tosatji teköiga Anutunöy Abraham esapköm wangiyök. Qetji “Abraham!” qeriga yanön “Ni ki kinjal,” jiba meleşnök.

²Mewö meleşniga kewö jiyök: “Aisak nahöngi nanji mohotsirik urugan jöpaköm wangimakzani, i mönö wangita Moria gölmenöy anda kundunji kun kondel gihimami, miangörey öngöba i nöngö jöwöwöla ohoman.”

³Mewö jiiga Abrahamnöy ahöba söjan kötökje wahöta dojki qakje dum tatatji möhamgöba welenqeqerji yahöt aka nahönji Aisak enguangirök. Jöwöwölgö könöpji dopje köl teköba börangöba ala enguangita Anutunöy gölme jiyöhi, miangörey anök. ⁴Anda mala wehön karöbutji miangörey jejan uba wahöta gölme mi ehiga köröwen ahöyök. ⁵Mi eka welenqeqe yahötji yetköra kewö jiyök: “Injiri dojki buk ki tarohotka ni aka morö nahön netkön endu anda Anutu waikji memba möpöseiba kunbuk lilingöba etkörey kabit.”

⁶Abrahamnöy mewö jiba jöwöwöl ohohogö könöp böranji memba nahönji Aisakö qamböje ali öngöiga nanjak könöp jit aka sou meyök. Mewö meiga mohotjamjire anohot. ⁷Mewö anda Aisaknöy aji ala iwinji Abrahamgöra kewö jiyök: “Iwini!” Mewö jiiga kewö meleşnök: “Nahöni, wania?” Mewö meleşniga kewö qesiyök: “Könöp jitji aka könöp mia ki memba kazitmö, jöwöwöl ohohogö lamaanji mi denike?”

⁸Mewö qesiiga iwinjan kewö meleşnök: “Nahöni, Anutu nanjak mönö jöwöwöl ohohogö lamaanji kun miwikjaiba netkima. “Mewö meleşniga toroqeba mohotjamjire anohot.

⁹Anda Anutunöy gölme jiyöhangörey angota kinda jöwöwöl ohohogö altanji kun memba könöp miangö qakje ala arengöyök. Arengöba nahönji Aisak jöhöba altanöy könöp qakje al wangiyök. ¹⁰Al wangiba nahönji umangöra böröni böranja sou memba atöjnök. ¹¹Atöjniga miangöreyök Kembugörey garatanöy Suepnöhök Abrahamgöra kewö qerök: “Abraham, Abraham!” Mewö qeriga “Ni ki kinjal,” jiba meleşnök.

¹²Mewö meleşniga kewö jiyök: “Börögan mönö morögö qakje kude alman. Yangö qakje yuai kun kude akjan. Göjön nahöngi mohotsirik mi nöngöra qahö angön köljanangöra könanamgi merak kewö möt yaközal: Gi Anutugö keu jitji ongitpanbuköra kejgötki mörakzan.”

¹³Mewö jiiga miangöreyök uba wahöta ehiga lama aziñi kun ilitjan böñban ip köhösönöy gili geiga kinök. Mi eka anda memba

^r 22.1-13 Hib 11.17-19; 2 2 Kor 3.1; 9 Jei 2.21; 16-17 Hib 6.13-14; 17 Hib 11.12; 18 Apo 3.25

kaba nahönŋaŋgö salupŋe lama miaŋön jöwöwöl ohoyök. ¹⁴Miaŋgöra Abrahamnönŋ gölme miaŋgö qetŋi mi ‘Kembunönŋ miwikŋaiba netkima,’ jiba qerök. Nalö kewöŋe mewöŋanök keu kewö jimakze: “Kembunönŋ mi kundunŋe miwikŋaiba netkima.”

¹⁵Kembugö garataŋan Abrahamgöra Suepnöhök kunbuk kewö qeriga yahöt ahök: ¹⁶“Kembu nönŋön kewö jizal: Nanak nani qetni qeta jöjöpäŋ keu kewö jiba jim köhöizal: Göŋön silik ki aka nahöŋgi mohotsirik mia nönŋöra qahö aŋgön köljani, ¹⁷miaŋgöra nönŋön öŋŋa gi kötuëtköba ahumsehip gihibiga gwölönarökurupki yeŋön önöŋi qahö sehime. Sehigetka qötöŋinan mönö suep könakembagö seŋgelaunŋ ewö akŋa aka köwet jitŋe sakösiŋ ahöm anjei, miaŋgö dop akŋa. Göhö gwölönarökurupki yeŋön mönö köhöiba kerökurupŋini eŋguba luhut ala siti gölmeŋini eŋguaŋgita aŋgön köla malme. ¹⁸Göŋön nönŋö keuni tem köljani, miaŋgöra göhö gwölönarökurupki yeŋgöreŋök kungöra aka nönŋö kötumötuetnan mönö gölmeŋö könagesö kambunŋi pakpak yeŋgö qakŋine öŋgöiga oyaëŋkoyaëŋ akŋe.”

¹⁹Kembugö garataŋan mewö jiiga Abrahamnönŋ morönŋambuk liliŋgöba welenqeqeyahötŋi yetköreŋ anda aitonŋgöba mohotŋe Berseba mire anget. Abrahamnönŋ Berseba miri miaŋgöreŋ opo seri kounŋi möröreŋgöba malök. Mewö.

Nahorgö gwölönarökurupŋi

²⁰Nalö tosatŋi teköiga buzup keu kun kewö jigetka Abrahamgöreŋ kayök: “Milkanönŋ mewöŋaŋök nama akza. Yaŋön mungi Nahorgö nahönurupŋi tosatŋi eŋgömeyök.” ²¹Morönŋi mutukŋaŋgö qetŋi mi Uz, yaŋgö munŋi Buz aiga yaŋgö könaŋe Kemuel, Aramgö iwiŋi. ²²Kemuelgö könaŋe Kesed, Hazo, Pildas, Jidlaf aka Betuel. ²³Betuelnönŋ Rebekagö iwiŋa ahök. Milkanönŋ Abrahamgö munŋi Nahorgö nahönurupŋi 8 mi eŋgömeyök. ²⁴Nahorgö anömŋi bohonŋi qahö memeŋi qetŋi Reuma yaŋön mewöŋaŋök nahönurupŋi tosatŋi eŋgömeyök. Yeŋgö qetŋini mi Teba, Gaham, Tahas aka Maka. Mewö.

Saranönŋ kömuyök.

23 ¹Saranönŋ mala mal öŋgöiga yambuŋi 127 ahök. Saranönŋ miaŋgö dop malök. ²Mala Keinan gölmeŋönŋ miri qetŋi Kiriät Arba, qetŋi alaŋi Hebron qerakzei, miaŋgöreŋ kömuyök. Kömuiga Abrahamnönŋ miaŋgöreŋök anömŋaŋgöra jŋgen köla sahöt mamgöra anök.

³Anda sahöt teköba wahöta anömŋaŋgö qamötŋi mosöta anda kinda Hit ambazip yeŋgöra keu kewö jiyök: ⁴“Ni eŋgö sutŋine kiana kaba qandak (kusuk) maljal. Miaŋgöra iŋini mönö gölmeŋinaŋgö bahönŋi kun

* 23.4 Hib 11.9, 13; Apo 7.16

kiaŋgöreŋ niŋgiŋgetka bohonŋi membiga qaksirini aiga alaurupni yeŋgö qamötŋini miaŋgöreŋ ala löm köl eŋgimakŋam.”

⁵Keu mewö jiiga Hit yeŋön meleŋda kewö jiget: ⁶“O azi kembu, gi ölop neŋgöreŋ keu ki mötnöŋ. Gi neŋgö sutnine Anutugö azi jembonŋi maljanaŋgöra aka qaksirigi sihimgan denike ek soroköba memaŋgö mötzani, miaŋgöreŋ mönö ölop qamötki löm kölman. Göŋön qamötki esim kölman jinöŋga neŋgöreŋök kunŋan mi qahö aŋgön köl gihima.”

⁷Mewö jigetka Abrahamnöŋ wahöta gölme tourupŋi Hit ambazip yeŋgö wösöŋine geba sipköm eŋgiyök. ⁸Sipköm eŋgiba kinda yeŋgöra keu kewö jiyök: “Nöŋön qamötŋi esim kölman gö ölop jime ewö, mönö nöŋgöreŋ keu ki möta Zohargö nahönŋi Efron yeŋgöreŋ anda keu jitni ki toroqeba jiba kuŋgum waŋgime. ⁹Kuŋgum waŋgiŋgetka möta baŋet qetŋi Makpela yeŋgö buŋaya aka nupŋaŋgö imbiŋe göröken ahözawi, mönö mia jim teköiga söŋgööröŋi memam. Mönö qesigetka bohonŋi jömuk jim teköiga söŋgööröŋi membiga nöŋgö qaksirini eŋgö sutŋine ahöma.”

¹⁰Mewö jiiga Efronöŋ alapurupŋi Hit könagesö pakpak taonŋinaŋgö kiripo ŋaŋguŋe kaba sombemnöŋ tokogeri, yeŋgö sutŋine tariga keu kezap ala mötketka Efronöŋ Abrahamgöra kewö meleŋ waŋgiyök: ¹¹“O azi kembuni, mewö qahöpmö, mönö nöŋgöra kezap alnöŋ. Nöŋön gölme köröŋi mi aka baŋet miaŋgöreŋ kinjawi, mi kalema gihizal. Nani könagesöurupni yeŋgö jeŋine kinda mi gihibiga ekze. Qamötki mi ölop miaŋgöreŋ esim löm kölman.”

¹²Mewö jiiga Abrahamnöŋ gölme tourupŋi yeŋgö wösöŋine kunbuk geba sipköm eŋgiyök. ¹³Sipköm eŋgiba kinda yeŋgö jeŋine Efrongöra kewö jiiga mötket: “Nöŋgöreŋ keu ki mönö kezap ala mötnöŋ. Göŋön ölop mewö akanakmö, nöŋön mönö gölme köröŋi miaŋgö bohonŋi mi gihimam. Mi ölop jiba töwa menöŋga nöŋön qamötŋi miaŋgöreŋ esim löm kölman.”

¹⁴Mewö jiiga mötketka Efronöŋ Abrahamgöra kewö meleŋ waŋgiyök: ¹⁵“O azi kembuni, nöŋgöreŋ keu ki mönö kezap ala mötnöŋ. Gölme miaŋgö bohonŋi mi 400 silwö kötŋi (50 kilogram). Ala-ala akzirangöra aka miaŋön mönö netkö sutnire yuai omaŋi akza. Miaŋgöra qamötki ölop esim löm kölman.”

¹⁶Mewö meleŋ waŋgiiga möta Abrahamnöŋ gölme bohonŋaŋgö jaŋgöŋi Efronöŋ Hit könagesö yeŋgö jeŋine jiiga mötkeri, miaŋgö urumohot ahök. Jaŋgöŋi silwö kötŋi 400 mi kölköl-örörö ambazipnöŋ nalö miaŋgöreŋ bohonŋaŋgö dopŋi jiget ahöyöhi, miaŋgö dop moneŋ mi kewöta waŋgiyök.

¹⁷Mewö waŋgiiga Efrongöreŋ gölme köröŋi Mamre kösutŋe Makpela miaŋgöreŋ ahöyöhi, baŋet miaŋgöreŋ kinöhi aka ip pakpak gölme miaŋgö jabö uruŋe kingeri, miaŋgö keuŋi teköyök. ¹⁸Keuŋi teköiga Abrahamgö buŋaya ahök. Hit könagesö pakpak taonŋinaŋgö kiripo

nanjuŋe kaba sombemnōŋ tokogeri, yeŋōn tōwaŋi mi eketka buŋaŋi ahōk.

¹⁹Miaŋgō andōŋe Abrahamnōŋ anōmŋi Saragō qamōtŋi mi Keinan gölmegō baŋetŋe esim lōm kölōk. Baŋet mi Mamre qetŋi alaŋi Hebron miaŋgō kōsutŋe gölme körōŋi qetŋi Makpela miaŋgōreŋ ahōza.

²⁰Mewō asuhuiga gölme körōŋi aka baŋet miaŋgōreŋ kinjawi, mi Hit kōnagesō yeŋōn Abrahamgō buŋaya qem waŋgigetka qaksirinŋi ahōk. Mewō.

Aisakō anōmŋi Rebeka mi waŋgita kaget.

24 ¹Abrahamnōŋ azi namŋi ahiga Anutunōŋ yuai pakpak aka meyōhi, miaŋgōreŋ i kötuetkōm waŋgii mala korōk. ²Mewō ahiga nalō kunōŋ miriŋaŋgō welenqeqe jembonŋi bohonŋi, mirinŋi uruŋe örōyuaŋi ahōm waŋgiyōhi, miaŋgō galōmŋi yaŋgōra keu kewō jiyōk, “Gi mōnō keugi jim kōhōimangōra bōrōgi nōŋgō tambuni bapŋe alman. ³Mewō ala Kembu, Suep aka gölme mietkō Anutuŋiraŋgō qetŋe jōjōpaŋ keu kewō jiman: Nōŋōn Keinan kōnagesō yeŋgō sutŋine ki maljalmō, göŋōn mōnō nahōnaŋgō anōmŋi mi yeŋgō nen bōratŋina kun kude memba waŋgiman. ⁴Mewō qahōpmō, gi mōnō nane kantrinōŋ anda tinitosolomurupni yeŋgōreŋōk nahōni Aisakō anōmŋa waŋgita kaman.”

⁵Mewō jiiga welenqeqe jembonōŋ kewō qesim waŋgiyōk: “Anda jibiga ambi miaŋōn nōmbuk gölme kiaŋgōreŋ kamangō tōkōma ewō, nōŋōn mōnō denōwō akŋam? Nahōngi waŋgita kantri kanōŋaŋgōreŋ kunbuk liliŋgōba anbit me qahō?”

⁶Mewō qesim waŋgiiga Abrahamnōŋ kewō meleŋnōk: “Qahōpmahōp! Gi nōŋgō nahōni waŋgita miaŋgōreŋ kunbuk kude anmahot. ⁷Suepkō Kembuŋi Anutunōŋ ni iwinangō miri aka ahuahu kantrineyōk keu kewō jii mōtpiga jōjōpaŋ keunōŋ jōhōba noaŋgiri kayal: ‘Nōŋōn gölme ki mōnō göhō gwōlōnarōkurupki yeŋgō buŋaya qem eŋgimam.’ Miaŋgōra yaŋōn mōnō Suep garataŋi melaiiga mutuk aniga göŋōn ölōp nahōnaŋgō anōmŋi mi miaŋgōreŋōk waŋgita kaman. ⁸Anda jinōŋga ambi miaŋōn göbuk kamangō tōkōma ewō, jōjōpaŋ keugi kiaŋōn mōnō qahō toroqeba jōhōm gihima. Nōŋgō nahōni mi mōnō qahō kötōkŋi waŋgita miaŋgōreŋ liliŋgōba anmahot.”

⁹Mewō jiiga welenqeqe jembonŋan keu mi jim jōhōm waŋgiba jōjōpaŋ keunōŋ jim kōhōimangōra bōrōŋi ketaŋamŋi Abrahamgō tambuŋi bapŋe alōk.

¹⁰Mewō jim kōhōiba kinda ketaŋamŋaŋgōreŋ kamel 10 aka yaŋgō kōweŋeyōk yuai akōdamunŋinambuk kōnaŋi kōnaŋi mohotŋe meyōk. Mi memba mosōta Not Mesopotemia (Aram Naharaim)^t kantrinōŋ anda

^t 24.10 Aram qet mi nalō kewōŋe Siria qerakze. Naharaim o tōwatŋi yahōt (Yufreitŋi aka Taigris) mietkō sutŋire.

Nahornöj taon malöhanğörej aņgorök. ¹¹ Aņgota taon yaigepņe o lömņi kinöhanğö kösutņe kamelurupņi al enņiiga siminņini mösököba geba luhut meget. Wehön jeņi gemangö aiga taongö ambiņi yejön o ubingö o lömņe kaka nalöņini mi ahök. ¹² Mianğörej kinda kewö köuluköyök: “O Kembu, ketaņamni Abrahamğö Anutuņi, gi mönö merak töhötmöriam niņgiba ketaņamni Abrahamğöra keu jim jöhönöņi, mianğö öļņi asuhuma. ¹³ Mötnöj, ni o löm kösutņe kianğörej kinbiga taongö ambi seramurupņini yejön o ubingö kame.

¹⁴ Kagetka kewö asuhumapköra köuluközal: Nöjön ambi seram kungöra kewö jimam: ‘Gi ölop köuraņengi möņgoninöņga (mondokönöņga) o nembilenjak.’ Mewö jibiga yaņön kewö melenđa jima: ‘Ölop nenöņga kamelurupki mewöyök o gumohom enņimam.’ Mewö jimawi, ambi seram ia göjön welenqege azigi Aisakö buņaya qenöņi, yaņön mönö mia akņa. Mewö asuhuiga göjön ketaņamnanğöra keu jim jöhönöņi, mianğön öļņambuk akza, mewö mötmam.”

¹⁵ Köuluk mi qahö köuluköm teköiga mianğörejök ambi kun qetņi Rebeka yaņön köuraņen qamböņe aņguba mianğörej kaņgorök. Yaņön Abrahamğö munņi Nahor aka anömņi Milka, yetkö nahönņiri qetņi Betuel yaņğö böratņa ahök. ¹⁶ Ambi mianğö kaisoņgolomņi mi eksihimņambuk kötökņi aiga ambi seram jömukņi azinöj qahö memeņa malök. Yaņön eta o lömnöj geba o uba korök. ¹⁷ Koriga mianğörejök welenqege jembonöj ösumņan yaņğö kösutņe anda kewö jiyök: “Gi ölop köuraņengeyök o kun niņginöņga nembilenjak.”

¹⁸ Mewö jiiga kewö meleņnök: “O kembuni, ölop neman. “Mewö jiba ösumok köuraņeņņi böroņan memba eta moņgoņgoņiiga (mondoköiga) o neyök. ¹⁹ Mi neiga kewö jiyök: “Nöjön kamelurupki yeņğöra mewöyök o uba enņibi memba anda bikņini enņuiga mosötme.” ²⁰ Mewö jiba ösumok köuraņeņņi mokoi o körek joutnöj geiga kunbuk diņđiņğöba o lömnöj o umangöra geba kamelurupņi pakpak yeņğöra o dopņine uyök. ²¹ Mewö ahiga welenqege jembonöj göröj kinda i törörök eka kewö möta mötmöriyök: “Öļņa, Kembunöj köna köröpņi ki kayalaņğö möriamņi mi mönö kewö kondori asuhuza me denöwö?”

²² Mewö mötmöriba kiniga kamel yejön o nem tekögetka welenqege jembonöj pinjim (möpöj) goulnöj memeņi kun lömbötņi 5 gram mi memba ambi seramğö söņğöröņe ala böroņeņeņ goulnöj memeņi yahöt lömbötņiri 110 gram mi böroņe mei öņğöyök. ²³ Mei öņğöiga kewö qesim waņgiyök: “Gi dagö böratņa? Iwigahö miri uruņe neņön suņgem ahöbinakö tiņi kun ahöza me qahö, mi ölop jinöj mötpilejak.”

²⁴ Mewö qesim waņgiiga kewö melenđ waņgiyök: “Ni Betuelğö böratņa. Abu asani qetņiri Milka aka Nahor.” ²⁵ Mewö jiba toroqeba kewö jiyök: “Neņğörej luplup aip aka kamel yeņğö gwözözak neneņi mi gwötpuk ahöza aka suņgem gaun ahömegö tiņi mi mewöyök ölop kinja.”

²⁶Mewö jiiga welenqege jembonöŋ gölmenöŋ geba bamgöba Kembugö waikni memba möpöseiyök. ²⁷Möpöseiba kewö jiyök: “O Anutu, ketaŋamni Abrahamgö Kembuŋi, nöŋön gi möpöseim gihizal. Göŋön ketaŋamnaŋgöra kalem möriamgö keugi jim jöhönöŋi, mi törörök wuatangönöŋga qahö sörauyök. Miaŋgö dop Kembu göŋön noaŋgitnöŋga köna köröpŋi ki kaba mala ketaŋamnaŋgö tinitosolomurupŋi yeŋgö mire kaŋgotzal.”

²⁸Mewö asuhuiga ambi seramnöŋ ösumŋan kiŋkiŋgöba anda miaŋgö kösohotŋi mi namŋaŋgö saiwaurupŋi miriŋe malgeri, yeŋgöra jiiga mötket. ²⁹Rebekagö nenŋi qetŋi Laban malök. Yaŋön mi möta Abrahamgö welenqege jembonŋi ekŋamgöra ösumŋan yaigep o lömŋe kiŋkiŋgöba anök. ³⁰Nenŋaŋgö böröŋe goul böröŋeŋŋe aka söŋgööröŋe goul pinjim tari ehiga nenŋi Rebekanöŋ welenqege jembonöŋ keu jiiga möröhi, miaŋgö kösohotŋi jii möta yaŋgöreŋ anök. Anda o lömŋe aŋgota azi mi ehiga miaŋgöreŋ kamelurupŋi yeŋgö qöhöröŋine kinök. ³¹Kiniga kewö jiyök: “Kembunöŋ kötuetköm gihii maljani, gi mönö kanöŋga mirinöŋ anbit. Yaigep kiaŋgöreŋ kude kinman. Nöŋön nanŋini ahömeaŋgö miriŋi aka kamelurupki yeŋgö dumŋini tok möwölöhözal.”

³²Mewö jiiga welenqege jembonöŋ mire kaiga kamel qakŋine sukinap taröhi, mi Labanöŋ musula mei eri jiiga kamel yeŋgöra luplup aip aka gwözözak nene memba kaba eŋgiget. Welenqege jembon aka yaŋgö aziurupŋan könaŋini saŋgoŋmeaŋgö oŋi mi tok mohotŋe uba kaba eŋgiget. ³³Miaŋgö andöŋe nene welenqege jembongö wösöŋe kölgetmö, yaŋön kewö jiyök: “Mutuk keu memba kazali, mi jibi mötketkun mönö nene ki nemam. “Mewö jiiga Labanöŋ kewö jiyök: “Mi ölop jinöŋ mötpin.”

³⁴Mewö jiiga kewö jiyök: “Nöŋön Abrahamgö welenqege azia akzal. ³⁵Kembunöŋ ketaŋamni önöŋi qahö kötuetköm waŋgiiga azi öŋgöŋgöŋi sukinapuk aka malja. Kembunöŋ lama aka bulmakau, silwö aka goul, welenqege azi aka ambi aka kamel, doŋki mi gwötpuk waŋgiiga malja. ³⁶Ketaŋamnaŋgö anömŋi Sara yaŋön ambi namŋi kötökŋi aka nalö miaŋgöreŋ ketaŋamnaŋgöra nahönŋi kun meyök. Iwiŋan sukinapŋi pakpak mi nahönŋaŋgöra buŋa qem waŋgii malja.

³⁷“Ketaŋamnan nöŋön jöjöpaŋ keu kewö jimamgö jim kutum niŋgiyök: ‘Nöŋön Keinan yeŋgö gölmenöŋ ki maljalmö, göŋön mönö nahönaŋgö anömŋi mi Keinan yeŋgö nen böratŋina kun kude memba waŋgiman. ³⁸Mewö qahöpmö, gi mönö iwinangö mire nani tinitosolomurupni yeŋgöreŋ anda nahönaŋgö anömŋi mi miaŋgöreŋök waŋgita kaman.’

³⁹“Mewö jiiga ketaŋamni mi kewö qesim waŋgial, ‘Nöŋön anda jibiga ambi miaŋön nömbuk qahö kama ewö, nöŋön mönö denöwö akŋam?’ ⁴⁰Mewö qesim waŋgibiga kewö meleŋnök: ‘Nöŋön Kembugö jeje anda kaba aka memba malali, yaŋön mönö Suep garataŋi melaiiga göbuk

aniga köna anmani, miañon töhötmöriamñambuk akña. Mewö nani iwinanğö mire anda tinitosolomurupni yengöreñök nahönanğö anömñi mi memba kaman. ⁴¹Nöñğö tinitosolomurupni yengöreñ anda jöjöpən keu nöñğöra jinöñi, miañon mönö miangö andöñe qahö toroqeba jöhöm gihima. Ambi kun qahö gihime ewö, göñon töndup jöjöpən keu miangö kösönöhök lolohoman.’

⁴²“Mewö jiiga merak o lömñe kañgota kinda kewö köuluközal: ‘O Anutu, ketañamni Abrahamğö Kembuñi, ni köna köröpñi kazali, mi mönö jitsihitkahö dop mötnöñga töhötmöriamñambuk akña. ⁴³Eknöñ, nöñon o löm kianğö kösutñe kinjal. Kewö kinbiga ambi seram kunñan o umamğö kaiga nöñon yanğöra kewö jimam: “Gi ölop köurañengeyök o moröñi kun niñginöñga nembileñak?”

⁴⁴Mewö jibiga yanñon kewö meleñda jima: “Ölop nenöñga kamelurupki yengö o mewöñanök uba eñgimam. “Mewö meleñda jima ewö, nöñon miangöra kewö mötmam: Kembu göñon i ketañamnanğö nahöñnanğö anömña akñapköra möwölöhözan.’ ⁴⁵Uruneñök köuluk mi qahö köuluköm teköbiga miangöreñök Rebeka yanñon köurañen qamböñe añguba miangöreñ kañgotza. Kañgota o lömñe geba o uiga nöñon yanğöra kewö jizal: ‘Ölop o kun niñginöñga nembileñak.’

⁴⁶“Mewö jibiga yanñon zilañ köurañenñi qamböñeyök mei eriga kewö jiza: ‘Ölop nenöñga kamelurupki yengö o mewöñanök eñgibiga neme.’ Mewö jii nembiga kamelurupni mi mewöyök o gumohom eñgiza. ⁴⁷Gumohom eñgiiga kewö qesim wañgizal, ‘Gi dagö böratña?’ Qesim wañgibiga kewö meleñja: ‘Ni Betuelğö böratña. Abu asani qetñiri Milka aka Nahor.’ Mewö meleñniga nöñon pinjim söñgöröñe möndöba böroñenñe böroñe membi öñğöza. ⁴⁸Nalö miangöreñök gölmenöñ geba bamğöba Kembugö waikñi memba möpöseizal. Anutu ketañamni Abrahamğö Kembuñan mönö köna diñdiñi noañgiri ketañamnanğö munñanğö mire kaba isiñi nahöñnanğö anömña akñapköra miwikñaizal. Miangöra Kembu möpöseim wañgizal.

⁴⁹“Mewö kaba ki kinjal. Miangöra iñini ketañamni ek soriba sepkitip akzeanğö keuñi pöndañ wuatañgöba ak kömum wañgize ewö, mi mönö kondela jigetka mötmam. Mewö qahö akñe ewö, keu mi tok jigetka mötmam. Mi möta kungen eleñda anmamğö mötmörimam.”

⁵⁰Mewö jim teköiga Laban aka Betuel yetkön kewö meleñda jiyohot, “Keu ki Kembugöreñök kaza. Miangöra netkön keu mewö me mewö jibirañğö dop qahö. ⁵¹Mötnöñ, Rebekanöñ ki kinja. Kembunöñ jimqindiñ akzawañğö dop ölop i wañgita anda ketañamgahö nahöñni wañginöñga anömñi akña.”

⁵²Mewö jiyohotka keuñiri möta Abrahamğö welenqeçe jembonñan eta Kembugö jeñe gölmenöñ geba bamğöyök. ⁵³Bamğöm teköiga wahöta gösöñeyök goul aka silwö aködamunñi eksihimñinambuk aka opo

maluku kulemjinambuk ujeta Rebeka wanġiyök. Mewöranök kalem yuai tosatŋi söngöröŋini ketaŋi mi nam nenŋi etkiyök.

⁵⁴Etkiba i aka aziurupŋi yambuk kageri, yeŋön nene kuluŋ nema tata mala suŋgem aiga ahöget. Ahöba söŋan wahötketka kewö jiyök: “Ölöp melaim niŋgigetka ketaŋamnanġöreŋ anmam.”

⁵⁵Mewö jiyökmö, nam nenŋi yetkön kewö meleŋnohot, “Ölöp nenböratniri mosötnöŋga toroqeba nalö tosatŋi silim ten mewö nembuk malma. Mianġö andöŋe ölöp i wanġita anme.”

⁵⁶Mewö meleŋnohotmö, welenqeŋe jembonöŋ kewö meleŋda jii mötket, “Welen könani kazali, mi Kembunöŋ kötuetsköiga töhötmöriamŋambuk akza. Mianġöra nalöni mönö kude qekörime. Mönö melaim niŋgigetka ölöp könani lilingöba anda ketaŋamnanġöreŋ aŋgotmam.”

⁵⁷Mewö jii möta kewö jiyohot, “Ölöp ambi seram mi qetzi kaiga nanŋanġöra qesim wanġibin.” ⁵⁸Mewö jiba Rebeka qerohot kaiga kewö qesim wanġiyohot, “Gi azi kiambuk anmamgö mötzan me qahö?” Qesim wanġiyohotka “Ölöp anmam,” jiyök.

⁵⁹Mewö jiiga kinda nenböratŋiri mi welen ambiŋambuk melaim etkiŋetka Abrahamgö welenqeŋe jembon aka yanġö aziurupŋi yeŋön i etkuanġita anbingö aket. ⁶⁰Anbingö aketka mianġöreŋ iwinam nenmunurupŋan Rebeka kötuetsköm wanġiba kewö jiget,

“O nen börtatnini, Kembunöŋ ölöp ahumsehip gihiiga göŋön gwölönarökurupki milyönŋi milyönŋi yeŋgö bömön jalöŋina akŋan.

Yeŋön mönö köhöiba kerökurupŋini eŋguba luhut ala siti gölmenjini eŋguanġita aŋgön köla malme.”

⁶¹Mewö jiget teköiga Rebekanöŋ welenqeŋeambiurupŋi yembuk wahöta kamel qakŋine öŋgöba tata welenqeŋe jembonŋi wuatangöba anget. Jembon yanöŋ Rebeka wanġiriga mosöta köna lilingöba anget.

⁶²Anda kaba mala mala Keinan gölmenöŋ kaŋgotket. Aisaknöŋ gölme mianġö Saut likeŋe distrik qetŋi Negew mianġöreŋ mala nalö mianġöreŋök o löm qetŋi Ber Lahai Roi^u mi mosöta gölme qararaŋkölkölŋe kaba malök. ⁶³Kaba mala miri söŋaumamgö aiga mianġöreŋ koumŋi mosöta gölme köröŋi ketaŋi mianġöreŋ anda liliköba keu mötmöriba uba wahöta ehiga tosatŋan kamel qakŋine tata yanġö kösutŋe kabingö kaŋget.

⁶⁴Mewö kaŋgetka Rebekanöŋ uba wahöta Aisak eka kamel qakŋe taröhi, mianġöreŋök ösumok luhuba gölmenöŋ erök. ⁶⁵Eta welenqeŋe jembongöra qesiba kewö jiyök, “Azi gölme köröŋe endu kinda mesohol köl neŋgiba kazawi, mi daŋön?” Mewö jiiga kewö meleŋnök, “Yanöŋ

^u 24.62 Malmalŋambuk mala nehakzawangö o lömŋi

mönö ketaɲamnaŋgö nahönŋi akza. “Mewö melerɲiga möta nööröp kawöserɲi (kawaserɲ) öröba jemesoholɲi esuhuyök.

⁶⁶Esuɲuiga aitonögögetka welenqeɲe jembonöŋ yuai pakpak aka memba malöhi, miangö kösohotɲi mi Aisaköra jii mörök. ⁶⁷Möri teköiga Aisaknöŋ Rebeka wangiriga namɲi Saragö opo seri kounɲe öngöba maliga könangep mei anömɲi aiga uruɲan jöpaköm wangiba malök. Aisakö namɲan kömuiga wösöbirik uruɲe malöhaŋgöra aka urukölaleɲɲi mewö miwikɲaiyök. Mewö.

Abrahamgö isiamböurup tosatɲi

1 Hist 1.32-33

25 ¹Aisaknöŋ ambi meiga iwiɲi Abrahamnöŋ anömɲi kun qetɲi Ketura meyök. ²Meiga Keturanöŋ Abrahamgö moröurupɲi kewö eŋgömeyök: Zimran, Joksan, Medan, Midian, Isbak aka Sua. ³Joksanöŋ nahönyahötɲi qetɲiri Seba aka Dedan yetkö iwiɲira ahök. Dedan yaŋön Asur könagesö, Letus könagesö aka Leum könagesö yengö bömöŋɲini ahök. ⁴Midiangö nahönurupɲi mi Efa, Efer, Hanok, Abida aka Elda. Mi pakpak Keturagö isiurupɲi aka malget. Mewö.

⁵Abrahamnöŋ sukinapɲi pakpak mi nahönɲi Aisak buɲa qem wangiyök. ⁶Mi wangiyökmö, anömurupɲi bohönɲini qahö memeni yengö nahönurupɲini yengöra kalem yuai toto qeba mendeɲda eŋgiyök. Mendeɲ eŋgiba jebuk mala melaim eŋgiiga datɲini Aisak mosöta gölme wehön kotkotɲe göröken miangöreɲ anget. Mewö.

Abrahamnöŋ kömuiga löm kölget.

⁷Abrahamnöŋ mala koriga yambuɲi mindiriba 175 aiga kömuyök. ⁸Malmal yambuɲangö qötöŋan öngöŋgöŋi aka dop köliga öliba azi namɲi aka söŋgöörö ösum kondikɲi öröba nöŋ qeba kömuiga Anutunöŋ wangiri tinitosolomurupɲan kömugeri, yengöreɲ anda toroqeyök. ⁹Kömuiga nahönyahötɲi Aisak aka Ismael yetkö iwiɲirangö qamötɲi memba anda Makpela baɲetnöŋ löm kölohot. Baɲet mi Hit azi Efron Zohargö nahönɲi yangö gölme köröŋe Mamre miri gölmenöhök wehön kotkotɲe göröken ahöza. ¹⁰Abrahamnöŋ gölme köröŋi mi Hit könagesö yengöreɲök bohönɲi meyöhi, miangöreɲ i aka anömɲi Sara mi löm köl etkiget. ¹¹Abrahamnöŋ kömuiga Anutunöŋ nahönɲi Aisak kötuetköm wangiba malök. Yaŋön Negew gölmenöŋ o löm qetɲi Ber Lahai Roi (Malmalɲambuk mala nehakzawangö o lömɲi) miangö kösutɲe tata malök. Mewö.

Ismaelgö könagesöurupɲi

1 Hist 1.28-31

¹²Ijpt ambi Hagar yaŋön Saragö welen ambia maliga Abrahamnöŋ meiga gölöm ala nahönɲi Ismael meyök. Ismaelgö nahönurupɲi yengö qet

ˆ 25.10 Jen 23.3-16

arejini kewö: ¹³Ismaelgö nahönurupnji yengö qetjini aka asuhugerangö arejini mi kewö: Nahönji mutukji qetji Nebaiot. Yangö könaje Kedar, Adbel, Mibsam, ¹⁴toroqeba Misma, Duma aka Masa, ¹⁵Hadad, Tema, Jetur, Nafis aka Kedema. ¹⁶Ismaelgö nahönurupñan mewö asuhaba kambuñinangö dop pomñini 12 aka mala kotket. Pomñini qetkeri, miangö dop opo koum tamböñini aka jike miriñini mewöyök qeta memba mala kotket.

¹⁷Ismaelnöñ mala koriga yambuñi mindiriba 137 aiga kömuyök. Mewö azi namñi aka söngörö ösum kondikñi öröba nöñ qeba kömuiga Anutunöñ wañgiri tinitosolomurupñan kömugeri, yengören andi toroqeyök. ¹⁸Ismaelgö gwölönarökurupnji yeñön köröpken köröpken deñda anda mala gölme qetjiri Hawila aka Sur mietkö sutjire gölme memba malget. Gölmeñini mi Ijpt kantrigö jaböneyök könahiba wehön kotkotje Asiria göröken angeri, köna miangö kösutje miangören ahöza. Ismaelgö gwölönarökurupnji yeñön Abrahamgö gwölönarökurupnji tosatñi pakpak mi kerök-kerök ak eñgiba malget. Mewö.

Iso aka Jeikob yetkön asuhuyohot.

¹⁹Abrahamgö nahönji Aisak yangö gwölönarökurupnji yengö qet arejini mi kewö: Abrahamgö nahönji Aisak. ²⁰Aisaknöñ yambuñi 40 aiga Mesopotemia (Padan Aram) kantrigö Aram azi qetji Betuel yangö böratñi Rebeka anömña meyök. Rebekagö nenñi mi Aram azi qetji Laban. ²¹Aisaknöñ anömñan köpin maliga yangöra aka Kambu köuluköm wañgiyök. Köuluköm wañgiiga köulukñi möriga Rebekanöñ gölöm alök. ²²Gölöm aliga moröyahöt yetkön namñirangö körö uruje utal anguyohot. Mi möta kewö jiyök: “Yuai kewöñi mi mönö wuanöñgöra asuhum niñgiza?” Mewö jiba anda miangöra Kembugö qesim wañgiyök.

²³“Qesim wañgiiga kewö jii mörök:

“Göhö körö uruge kambu yahöt mietkö bömönñiri ahözahot.

Yetköreñök könagesö yahöt asuhaba deñda malme.

Ambazip kambu kunöñ kambu alañi eñgongita ösum köhöikñi akje.

Datñan munñi welen qem wañgiba malma.”

²⁴Morö meme nalöñan kam kuñguiga köröñi uruje morö nahön siwisiwi yahöt ahöyohot. ²⁵Mutuk köröneyök asuhuyöhi, yangö sileñan pisikpisik aiga sile jupñan sileñi körek dop köla ahöyök. Miangöra qetji Iso (jupñambuk) qetket. ²⁶Miangö könaje munñan Isogö köna gwakötje böroñan memba asuhuyök. Miangöra yangö qetji Jeikob qetket. (Jeikob keu miangö könaji yahöt: gwaköt aka tilipköza.) Aisaknöñ yambuñi 60 aiga nalö miangören Rebekanöñ moröyahötñi yahöt mi etkömeyök. Mewö.

^w 25.23 Rom 9.12

Isonöŋ börösamot memapkö qet keuŋi mi qeapköyök.

²⁷Morö nahön yahöt mietkön asuhuba qariba ketaŋi ahotka Isonöŋ böröjaŋ nupkö kónaŋi törörök möt yaköba pöndaŋ jölömnöŋ malmamgö mörökmö, munŋan azi bönjöŋi aka kapaŋ köla mire malök. ²⁸Aisaknöŋ arökŋaŋgö sömbupŋi nemamgö möta malök. Miangöra uruŋan Iso gwötpuk jöpaköm waŋgiba malökmö, Rebekanöŋ urukönömŋan Jeikob gwötpuk jöpaköm waŋgiba malök.

²⁹Nalö kunöŋ Jeikobnöŋ koziŋ memba nanŋaŋgöra nene kuluŋ ohoi tariga datŋan jölömnöhök kaba sileŋi lömbörii wösöŋi gwötpuk alök. ³⁰Mewö aiga Jeikobköra kewö jii mörök: “Sileni lömbörii wösöni gwötpuk aljawaŋgöra mönö zilaŋ koziŋ kuluŋi pisikpisik mi niŋginöŋga nemi. “Miangöra qetŋi Edom (pisikpisik) qetket.

³¹Mewö jii möta Jeikobnöŋ jiyök: “Datni, gi mutuk asuhunöŋga miangö qetbuŋagi mi mönö mutuk tököm niŋginöŋga nene kuluŋ mi ölop gihibi neman.”^x

³²Mewö jiiga keu kewö meleŋ waŋgiyök: “Muni mötnöŋ, ni mönö kömumamgö akzal. Miangöra mutuk asuhuyalangö qetbuŋanan mönö denöwö bauköm niŋgibawak?”

³³Mewö meleŋ waŋgiiga kewö jiyök: “Miangö keuŋi mi mönö mutuk jöjöpaŋ keunöŋ jim köhöinöŋga mötpi. “Mewö jiiga mi jöjöpaŋ keunöŋ jim köhöim waŋgiba mutuk asuhuyöhaŋgö qetbuŋaŋi mi Jeikob tököm waŋgiiga nenenöŋ bohonŋi meyök. ³⁴Bohonŋi memba bered aka koziŋ kuluŋi Iso waŋgiiga memba wahöta kinda mosöta anök. Isonöŋ mutuk asuhuyöhaŋgö qetbuŋaŋi mi miangö dop möriga eretŋi ahök. Mewö.

Aisaknöŋ Gerar taonöŋ malök.

26 ¹Mutuk Abrahamgö nalöŋe bödi asuhuyök. Mewöyök Aisakö nalöŋe mi kunbuk asuhuba gölme dop köla ahöyök. Mi asuhuiga Aisaknöŋ mosöta Filistin yengö kiŋ kembu qetŋi Abimelek yangö miriŋi qetŋi Gerar miangöreŋ anök. ²Anda maliga Kembunöŋ asuhum waŋgiba kewö jiyök: “Gi Ijpt gölmenöŋ kude anman. Gölme ki buŋagi akŋapakö jim kutuyali, mönö kiangöreŋ tata malman.

³Nöŋön iwigi Abrahamgöra jöhöjöhö keu waŋgiba mi jöjöpaŋ keunöŋ jim köhöiyali, mi mönö galöm kölbiga öŋambuk akŋa. Nöŋön gölme pakpak ki mi gi aka göhö gwölönarökurupki yengö buŋaya qem eŋgimam. Miangöra ölop gölme kiangöreŋ tata kian malnöŋga nöŋön

^x 25.31 Mutuk asuhuyöhi, yaŋön munurupŋi yengö sutŋine bohonŋini aiga göda qeba qetbuŋa waŋgiba kalemŋi kalemŋi waŋgiba malget. Iwinamŋinan kömuyohotka buŋaŋiri mendeŋgeri, nalö miangöreŋ mutuk asuhuyöhaŋgö börösamotŋi mi sömaŋi yahöt toroqeba waŋgiget. ^y 25.33 Hib 12.16 ^z 26.3-4 Jen 22.16-18; 7 Jen 12.13; 20.2

göbuk mala kötuetköm gihibiga malmam. ⁴Nönjön gwölönarökurupki ahumsehip enggibiga qötöninan suepnöy könakembagö senjelau tat anjei, mönö mieñgö dop akña. Mewö aketka gölme pakpak ki mi yengö buñaya qem enggimam. Göhö gwölönarökurupki yengöreñök kungöra aka nönjö kötumötuetnan mönö gölmegö könagesö kambuñi pakpak yengö qakñine öngöiga oyaenköyaen akñe. ⁵Nönjön kewögöra mewö akñam: Abrahamnön nönjö keuni tem köla malök. Jöjöpañ keuni, jimkutukutu keuni aka köna keuni wañgiali, yañön mi pakpak wuatangöba malök.”

⁶Anutunön mewö jiiga Aisaknön toroqeba Gerar taonön tata malök. ⁷Maliga gölme miañgö aziñi yeñön anömñangö qesim wañgigetka kewö jiyök, “I mi nena. “Mewö jiba uruñan kewö mötmöriyök: “Rebekagö kaisongolomñan eksihimñambuk akzawañgöra azi mieñön mönö yañgöra aka ni nuñguget kömumbileñbuk. “Mewö mötmöriba “I anöмна,” mewö jimamgö keñgötñi möta malök. ⁸Aisaknön miañgöreñ nalö köröpnji mala kota nalö kunön anömñambuk susuhuba añgum añguyohotka Filistin yengö kiñini Abimelek yañön jeñgenaññöhök yaigep ui geiga i etkehök. ⁹Etkeka Aisak oholi kaiga kewö jii mörök: “Mötnön, yañön mönö göhö anömgik akza. Mönö wuanöñgöra ‘I mi nena,’ jinön?” Mewö möta kewö meleñ wañgiyök: “Ni yañgöra aka nuñguget kömumbileñbuköra mötmöriba mewö jial.”

¹⁰Meleñ wañgiiga kiñ Abimeleknön kewö jiyök: “Göñön mönö wani kimbua ak neñginöñe? Nönjö aziurupni yengöreñök kunñan mönö amqeba göhö anömgabuk ahöbawak. Mewö asuhuiga göñön kondotnönnga siñgisöndökö keu lömbötñan mönö neñgö qaknine öngöbawak.” ¹¹Mewö jiba könagesö kambuñi pakpak yengöra jimkutukutu kewö al enggiyök: “Kunñan kun azi ki me yañgö anömñi mem bölim etkimawi, i mönö kömupkö buñaya jim teköinga kömuma. “Mewö.

¹²Aisaknön gölme miañgöreñ nene nup köl kömörija Kembunön kötuetköm wañgiiga yambu miañgöreñ kötñi kömöri, mi 100:kö dop sehiba asuhuyök. ¹³Mewö asuhuiga töhötmöriam ketañi ketañi miwikñaiba maliga sukinapñan toroqeba qariba öngöiga kindiñbirik azi qetbuñañambuk ahök. ¹⁴Yañgöreñ lama, meme (noniñ) aka bulmakau kambuñi kambuñi mi asuhuba sehiget. Mewöñanök welenqeçeurupñi gwötpuk engömeiga malget. Miañgöra Filistin yeñön mi eka könahiba körögisigisi aka andöqeçe keu jiget. ¹⁵Andöqeçe keu jiba iwiñi Abrahamgö welenqeçeurupñan o löm yañgö nalöñe esigeri, mi pakpak gölmenön qem turum teköget.

¹⁶Mewö asuhuiga kiñ Abimeleknön Aisaköra kewö jiyök: “Gi kukösungabuk aka gwötpuk neñgongizanañgöra mönö kölolohoba neñgömosöta kungen anman.” ¹⁷Mewö jii möta gölme mi mosöta Gerar öruenön (rueruenön) anda geba opo seri koumñi möröreñgöba kuñguba miañgöreñ tata malget. ¹⁸Tata mala o löm iwiñi Abrahamgö nalöñe

esigetmö, Abraham kömuiga Filistin yenön qem turugeri, mi Aisaknön jiiga kunbuk esim luluḡda möhamgöget. Möhamgögetka iwiḡan o löm qetḡini qeröhi, Aisaknön mi mewö kunbuk qerök.

¹⁹Mewö qeriga welenqequeurupḡan örüenön o löm esiba mala o löm kun onḡi sarakḡi soksoḡyöhi, mi miwikḡaiget. ²⁰Mi miwikḡaigetmö, Gerar yenḡö lama bulmakau galömḡinan Aisakö lama bulmakau galömurupḡi yembuk könahiba aḡgururuk aka keu kewö jiget, “O mi neḡgöreḡa!” Nanḡambuk aḡgururuk keu mewö jigeranḡöra aka Aisaknön o löm miangö qetḡi Esek (Aḡgururuk) qerök. ²¹Miangö andöḡe o löm kun kunbuk esigetka miangöra mewöyök aḡgururuk aket. Mewö akeranḡöra aka o löm miangö qetḡi Sitna (Kerök-kerök) qerök.

²²Mewö qeta gölme mi mosöta anda o löm kun kunbuk jii esiget. O löm miangöra aḡgururuk keu qahö asuhuiga miangöra qetḡi Rehobot (Tiḡi ölöḡḡi) qeta keu kewö jiyök: “Merak Kembunön tiḡi ölöḡḡi neḡḡiiga ölöḡ gölme kiangöreḡ mala ahumsehip akin.”

²³Mewö jiba miangöreḡ mala mosöta Berseba mire anök. ²⁴Berseba aniga sunḡem miangöreḡ Kembunön asuhum waḡgiba kewö jiyök: “Nöḡön iwiḡi Abrahamḡö Anutuḡi akzal. Nöḡön göbuk mala kötuetköm gihiba malmam. Miangöra keḡḡötki kude mötman. Nöḡön nup azini Abrahamḡöra aka göhö gwölönarökurupki ahumsehip eḡgibiga qötöḡinan öḡḡöḡḡi akḡa.”

²⁵Mewö jiiga Aisaknön jöwöwöl alta kun miangöreḡ memba Kembangö qetḡi qeta köuluköyök. Köuluköba opo koumḡi möröreḡöba kuḡguba tata malget. Mala jiiga welen aziurupḡan o löm kun miangöreḡ esiget. Mewö.

Aisak aka Abimelek yetköḡ sutḡire jöhöjöhö ahot.

²⁶“Aisaknön Berseba maliga nalö kunön kiḡ Abimelek yaḡön Gerar taon mosöta yaḡöreḡ kayök. Gorojji alaḡi Ahuzat aka yarö kambuḡanḡö suahö galömḡi Fikol yetköḡ yambuk mohotḡe kaget. ²⁷Kagetka Aisaknön kewö qesim eḡḡiyök: “Iḡini kerök möt niḡgiba gölmeḡneyök közöl niḡḡigetka töndup mönö wuanöḡḡöra nöḡöreḡ ki kaze?”

²⁸Qesim eḡḡiiga kewö melenḡet: “Kembunön göbuk kinjawi, nini mi aukḡe ek kutuba mötzin. Miangöra kewö mötmörizin: ‘Neḡön göbuk jöhöjöhö akingö sihimmini mötzin. Ölöḡ gi aka neḡö sutnine jöhöjöhö aka mi jöjöpaḡ keunön jim köhöininga kewö ahöma: ²⁹Nini kahasililiḡ kun qahö ak gihiinmö, nalö dop ölöḡḡi ak gihiba gömosöriḡa luainön mirigi mosöta anda kaba malnöḡ. Miangö dop göḡön mewöḡanök nini yuai bölöḡi kun kude ak neḡgiba malman.’ Nalö kewöḡe Kembunön kötuetköm gihiiga maljan.” ³⁰Mewö jigetka Aisaknön közölömbuan

^a 26.26 Jen 21.22

mözözömgöba ohoba aliga nene kuluŋ nemba tatket. ³¹Tata ahöba söŋan ömandiŋe wahöta jöhöjöhöŋini jöhöm aŋguba mi jöjöpaj keunöŋ jim köhöiget. Jim köhöigetka Aisaknöŋ i melaim enŋiiga luai qakŋe mosöta anget.

³²Angetka wehön miangöreŋök Aisakö welen azi yeŋön kaba o löm kun esigeri, miangö kösohotŋi i jigetka kewö mörök: ³³“Nini o miwikŋaizin. “Mewö jigetka möta o löm miangö qetŋi Siba qerök.^b Miangöra taon miangö qetŋi mi nalö kewöŋe mewöyök toroqeba Berseba qerakzin. Mewö.

Isonöŋ kian ambi yahöt etkömeyök.

³⁴Isonöŋ yambunji 40 aiga Hit ambi yahöt anömyahötŋa etkömeyök. Qetŋiri Judit, iwiŋi qetŋi Beri aka Basemat, iwiŋi qetŋi Elon. ³⁵Ambi mietkön Aisak aka Rebeka urukömbuk aka wösöbirik keta bölökŋi miwikŋaim etkiba malohot. Mewö.

Aisaknöŋ Jeikob kötuatköm waŋgiyök.

27 ¹Aisaknöŋ mala kota azi namŋi aiga jeŋi ömun köliga yuai kunbuk ek kutumamgö osiyök. Mewö osiba nahönŋi mutukŋi Iso köl öröm waŋgii kaiga kewö jii mörök: “Nahöni mötnöŋ. “Mi möta kewö meleŋ waŋgiyök: “Iwini, ni ki kinjal.”

²Meleŋ waŋgiiga kewö jii mörök: “Mötnöŋ, ni azi namŋi aka wani nalönöŋ kömumami, mi qahö mötzal. ³Miangöra göŋön ölöŋ timbi liŋgipki aka kesarek gösögi memba jölömnöŋ anda sömbupkö böröjaŋ memba qeba nöŋgöreŋ kaman. ⁴Kaba nene nahömŋambuk sihimnaŋgö dop ohoba mözözömgöba memba kaba niŋginöŋga nemam. Mi memba kinda kötumötuet gihimam. Mi mutuk gihibi teköiga nöŋön miangö andöŋe ölöŋ kömumam.”

⁵Aisaknöŋ nahönŋi Isogöra keuŋi mewö jiiga Rebekanöŋ mi kezap ala mörök. Möriga Isonöŋ mosöta sömbup böröjaŋ memba qeba iwiŋi waŋgimamgöra jölömnöŋ anök. ⁶Aniga Rebekanöŋ nahönŋi Jeikobköra keu kewö jii mörök: “Nahöni mötnöŋ, Iwigan datki Isogöra keu kewö jiiga mötzal: ⁷“Gi mönö sömbup memba kaba niŋgiba nene nahömŋambuk ohoba mözözömgöba niŋginöŋga nemam. Nembagun Kembangö jemesoholŋe kötumötuet gihimam. Mi mutuk gihibi teköiga miangö andöŋe ölöŋ kömumam.” ⁸Miangöra nahöni, kezap ölöŋŋanök ala mötnöŋ. Keu dölki jim kutum gihimami, gi mönö miangö dop akŋan. ⁹Mönö meme kambunöŋ anda miangöreŋök meme (noniŋ) döŋŋi kelökŋambuk yahöt memba kaba niŋginöŋga nöŋön miangön iwigahö sihimnaŋgö dop numbu nene nahömŋambuk ohoba mözözömgömam.

^b 26.33 Siba keu miangö könaŋi yahöt: jöjöpaj keu aka sewen. Jen 21:31

¹⁰ Ohoba mözözömgöbiga memba anda iwigi waŋginöŋga nembra kötümötuet gihibawak. Miangö andöŋe ölop kömuma.”

¹¹ Mewö jii möta namŋi Rebekagöra kewö jiyök: “Namni mötnöŋ, datni Isonöŋ sile jupŋambuk akzapmö, nöŋgö silenana solanŋi akza. ¹² Iwinan ni nömisiriba mötpawak ewö, ni yangö jemesoholŋe tilipqilip azi tandök asuhubiga möt niŋgibapuk. Mewö möt niŋgiiga kötümötuet qahöpmö, jimqesuak öröbi nani qakne öŋgöbapuk.”

¹³ Mewö jiiga namŋan kewö jii mörök: “Nahöni, jimqesuak gihibawahi, miaŋön mönö ölop nöŋgö qakne öŋgöma. Göŋön mönö töndup keu jizali, mi möt tem köla anda yuai mi memba kanöŋ.”

¹⁴ Mewö jiiga anda meme (noniŋ) yahöt memba kaba namŋi waŋgiyök. Waŋgiiga nene nahömŋambuk iwiŋan sihimŋi möröhi, miangö dop ohoba mözözömgöyök. ¹⁵ Ohoba nahönŋi mutukŋi Isogö opo malukuŋi ölop kötökŋi opo köweŋe galöm kölöhi, mi memba nahönŋi könangepŋi Jeikob waŋgiiga löŋgörök. ¹⁶ Löŋgöriiga meme (noniŋ) sileŋi mi memba böröŋi köpeiba jölŋi solanŋi esuhuyök. ¹⁷ Esuhuba nene nahömŋambuk aka bered ohoyöhi, mi memba Jeikobkö böröŋe alök.

¹⁸ Aliga memba iwiŋangöreŋ anda “Iwini!” jiyök. Jiiga kewö meleŋnök: “O nahöni, gi daŋön?”

¹⁹ Mewö meleŋniga iwiŋangöra kewö jii mörök: “Ni nahöŋgi mutukŋi Iso. Jim kutum niŋginöŋi, ni mönö miangö dop ak teközal. Ölop wahöta tata sömbupni memba kazali, mi memba kötuetköm niŋgiman.”

²⁰ Mewö jii möta nahönŋi kewö qesim waŋgiyök: “Nahöni, mi mönö denöwö könöpuk miwikŋaizan?” Qesim waŋgiiga kewö meleŋnök: “Anutu, göhö Kembugan mönö bauköm niŋgiiga mi zilaŋ miwikŋaizal.”

²¹ Mewö meleŋniga Jeikobköra kewö jiyök: “Nahöni, gi ölna nahöni Iso akzan me qahö, mi mötmamgöra mönö ölop kösutne ki kanöŋga gömisirimam.” ²² Mewö jiiga iwiŋi Aisakö kösutŋe aniga misirim möta kewö jiyök: “Imbi jölgaŋ Jeikobkö imbia akzapmö, börögan Isogö böröŋi ewö.” ²³ Böröŋi jupŋambuk datŋi Isogö börö tandök ewö ahöhangöra Aisaknöŋ i qahö möt kutum waŋgiba kötuetköm waŋgimamgöra ahök. ²⁴ Töndup kunbuk kewö qesim waŋgiyök: “Gi ölna nahöni Isoya me qahö?” Qesim waŋgiiga kewö meleŋnök: “Ni mönö Isoya.”

²⁵ Mewö meleŋniga kewö jiyök: “Nahöni, ölop sömbupki tosatŋi niŋginöŋga memba kötümötuetni gihimam. “Mewö jiiga mi waŋgii neyök. Neiga wain o tosatŋi mohotŋe mokoba waŋgii neyök. ²⁶ Memba kinda nahönŋangöra kewö jii mörök: “Gi ölop kösutne kaba numbuni yöhötüm neman.”

²⁷ Mewö jii möta kösutŋe anda numbuni yöhötüm neyök. Neiga opo malukuŋangö wörönŋi möta kötuetköm waŋgiba kewö jiyök:

© 27.27-29 Hib 11.20; 29 Jen 12.3

“Aha nahöni, Kembunöŋ urukisigö jölömŋi kötuetköi ahözawi, nöŋgö nahönaŋgö sile qösösökŋi ölöpŋan mönö mi ewö aiga mötzal. ²⁸ Anutunöŋ mönö suepkö umjijilŋi aka gölmegö töhötmöriamŋi tököm gihiga yaka yöhagi, sehoŋ padigi aka wain o yuaigi mi önöŋi qahö asuhum sehime. ²⁹ Kantriŋi kantriŋi yeŋön mönö welen qem gihiba malme. Könagesö kambuŋi kambuŋi yeŋön mönö simin köl gihiba malme. Göŋön mönö nani nahönurupni mi kembu ak engiba malman. Namgahö nahönurupŋan mönö simin köl gihiba malme. Kunŋan qesuahöm gihimawi, qesuaknöŋ mönö yaŋgö qakŋe öŋgöma. Kunŋan kötuetköm gihimawi, kötümötuetnöŋ mönö yaŋgö qakŋe öŋgöma. “Mewö.

Isonöŋ iwiŋan kötuetköm waŋgimapköra ulerök.

³⁰ Aisaknöŋ Jeikob kötuetköm waŋgim teköiga iwiŋaŋgö miri uruŋi mosöta yaigep aniga wölaŋ miaŋgöreŋök datŋi Isonöŋ böröjaŋ mali teköiga mire kayök. ³¹ Kaba yaŋön mewöyök nene nahömhambuk ohoba mözözömgöba memba kaba iwiŋi waŋgiba kewö jiyök: “Iwini, ölöp wahöta tata sömbupni tosatŋi memba kötümötuetki niŋgiman.”

³² Mewö jiiga iwiŋi Aisaknöŋ kewö qesim waŋgiyök: “Gi daŋön?” Qesim waŋgiiga kewö meleŋda jiyök: “Ni nahöŋgi mutukŋi Iso.” ³³ Mewö jiyöhaŋgöra Aisaknöŋ töwöratiba sile jönömŋi gwötpuk unduiga kewö jiyök: “Gi qahö kanöŋga miaŋgöreŋ böröjaŋ azi kunöŋ sömbup memba kaba niŋgiyöhi, mi mönö daŋön? Yaŋön mi niŋgiiga memba kötümötuetni lök waŋgim teközal. Mi waŋgim teközalaŋgöra miaŋön mönö ölna yaŋgö qakŋe ahöm öŋgöma.”

³⁴ Isonöŋ iwiŋaŋgö keu jitŋi mi möta urukömbuk aka amburereŋ memba silata sahöta iwiŋaŋgöra kewö ulerök: “Iwini, nia mönö mewöyök kötuetköm niŋginöŋ.”

³⁵ Mewö ulerökmö, iwiŋan meleŋda jiyök: “Mungan mönö tilipqilip qakŋe kaba göhö kötümötuetki taköba memba anja.”

³⁶ ^d Mewö jiiga Isonöŋ kewö jiyök: “Munan mönö indimŋi yahöt tilipköm niŋgiiga maljal: Yaŋön mutuk asuhuyalaŋgö qetbuŋaŋi mi mutuk noaŋgit teköyök aka merak nöŋgö kötümötuetni mi mewöyök taköba noaŋgita meza. Miaŋgöra qetŋi Jeikob (tilipqilip azi) qerakzini, mi mönö dopŋe akza. Kötümötuet kun mönö nöŋgöra ahöm gihiza me qahö?”

³⁷ Mewö jiiga iwiŋan Isogöra kewö meleŋnök: “Mötnöŋ, nöŋön mungi göhö azi kembugi malmapköra kuŋgum waŋgizal. Tinitosolomurupŋi pakpak yeŋön i welen qem waŋgiba malmegöra jim kutum engizal. Yaka yöha, sehoŋ padi aka wain o yuai mi lök jim teközalawa Anutunöŋ mi

^d 27.36 Jen 25.29-34; 38 Hib 12.17; 39-40 Hib 11.20; 40 Jen 36.8; 2 Kin 8.20

waŋgiba malma. O nahöni, wanat kötümötuetna kun toroqeba ahöm ningizawa mia gihibileŋak? Mi mönö osizal.”

³⁸Mewö meleŋniga iwiŋaŋgöra kewö jiyök: “O iwini, kötümötuet mohok-kun miyök mönö ahöm gihiza me denöwö? O iwini, mönö nia kun kötuetköm niŋginöŋ. “Mewö jiba könahiba silata sahörök.

³⁹Sahöriga iwiŋan kewö meleŋda jiyök:

“Mötnöŋ, göjön mönö gölme töhötmöriamŋambuk mosöta köröwen anda malman.

Miaŋgöreŋ suepkö umjijilŋi mi könakembayök qahö erakŋa.

⁴⁰ Gi bimgö sou ketaŋi miaŋön ambazip laŋ eŋguba malmalgi aŋgön köla mungahö welenqeŋi eretŋi aka malman.

Mewö malmanmö, kekelolo aka qetal waŋgiba

nalö miaŋgöreŋ karim aka yaŋgö galöm kölkölŋi qeköba yaköriba nangi kinkin malman.”

⁴¹Iwiŋan Jeikob kötümötuetŋi waŋgiyöhi, Isonöŋ miaŋgöra aka könahiba munŋi uruönön möt waŋgiba malök. Nanŋi uruŋan mewö möta alaŋi kungöra kewö jiyök: “Iwiniraŋgö kömupŋaŋgö nalöŋan töriza. Yaŋön kömuiga sahöt jingey nalöŋe miaŋgöreŋ ölop muni Jeikob qebi kömuma.”

⁴²Isogö mötmötŋe mewö ahuiga kunöŋ miaŋgö buzupŋi möta Rebekagöreŋ anda jii möta nahönŋi könangeŋi Jeikobköra keu ali anda waŋgita kaiga kewö jiyök: “Mötnöŋ, datki Isonöŋ mönö likeŋi meleŋni qake öngöiga guhui kömumangö mötmöriza. ⁴³Mewögöra nahöni, nöŋön keu jimami, mi mönö tem kölman. Mönö dölki wahöta ölöŋ köla Haran mire neni Labangöreŋ anman. ⁴⁴Anda yambuk nalö tosatŋi toroqeba malnöŋga datkahö urupikŋan amörima. ⁴⁵Uruönönŋi amöriba eriga yuai ak waŋginöŋi, mi ölum qeigun nöŋön miaŋgö andöŋe göhöra keu albi kaiga goaŋgita kame. Yaŋön guhui kömunöŋga kunŋan i qei kömumbapuk. Mönö wanigöra nalö mohok miaŋgöreŋök öröröŋ qahöwahotka etkömosötpileŋbuk. “Mewö.

Aisaknöŋ Jeikob melaiiga Labangöreŋ anök.

⁴⁶Rebekaŋöŋ aŋŋi Aisaköreŋ anda kewö jiyök: “Nöŋön iranyahötni Hit ambi yetköra aka toroqeba malmamgö ölan nöhöi sihimbölö mörakzal. Jeikobnöŋ mewöyök Hit yengö böratuŋiŋi yengöreŋök kun iranyahötniri ewö anömŋa membapuk. Gölme kiaŋgöreŋ asuhugeri, yengö silikŋinan mönö mewöyök ahöza. Mewöŋi kun memba kabapuk ewö, nöŋön mönö malmalni wuanöŋgöra toroqeba malbileŋak? Sihimbölönan mönö toroqeba önöŋi qahö akapuk. “Rebekaŋöŋ mewö jiyök.

28 ¹Mewö jiiga Aisaknöŋ Jeikob köl öroi kaiga kötuetköba kewö jim kutum waŋgiyök: “Nahöni, gi Keinan yengö nenböratŋini

yeŋgöreŋök kun anömgi kude meman. ²Mewö qahöpmö, mönö wahöta Mesopotemia (Padan Aram) gölmenöŋ anda namgahö iwiŋi Betuel yaŋgö mire aŋgota ehongi Labangö bōratuŋi yeŋgöreŋök kun anömga meman. ³Anömgi menöŋga Anutu, kukōsum pakpakö Toŋan mönö gi kötuetköba ahum sehip gihiiga gwölōnarōkurupki yeŋgö qötōŋinan sehiiga könagesö kambu gwōtpuk miēŋgö iwi bōmōŋjina akŋan. ⁴Anutunöŋ mönö gi aka gwölōnarōkurupki iŋini Abrahamgö kötümōtuetŋi mi toroqeba eŋgima. Mewöyök gölme asagi Abraham waŋgiiga göŋōn miāŋgōreŋ kian aka maljani, mi buŋa qem aŋgume.”

⁵Mewö jiba Jeikob melaiiga mosōta Mesopotemia (Padan Aram) gölmenöŋ Labangōreŋ anmamgōra anök. Laban mi Aram azi Betuelgö nahōŋŋa aka Jeikob aka Iso yetkö namŋiri Rebeka yaŋgö nenŋa malök. Mewö.

Isonöŋ kakasun ambi kun meyök.

⁶Aisaknöŋ Jeikob kötuetköba anömŋi memamgōra Mesopotemia gölmenöŋ melaiyōhi, mi Isonöŋ mörök. Kötuetköm waŋgiba kewö jim kutum waŋgiyök: “Gi Keinan yeŋgö nenbōratŋini yeŋgōreŋök kun anömgi kude meman.”

⁷Mewö jim kutuiga iwinamŋi yetkö keu jit tem köla mosōta Mesopotemia (Padan Aram) gölmenöŋ anōhi, Isonöŋ mi mewöyök mörök. ⁸Mi möta iwiŋi Aisaknöŋ Keinan ambi tököba möt bölim aŋguba malōhi, Isonöŋ mi eka möt kutuyök. ⁹Mi möt kutuba iwiŋaŋgö jeŋe dop kölmakōra asaŋi Abrahamgö nahōŋŋi Ismaelnöŋ kömuiga yaŋgö mire anda bōratŋi Malahat, Nebaiotkö nenŋi mi meiga anōmurupŋi karōbut aket. Mewö.

Jeikobnöŋ Suepkö döŋŋi gaunöŋ ehök.

¹⁰Jeikobnöŋ mewö Berseba miri mosōta Haran mire anmamgö anök. ¹¹Anda mala gölme kunöŋ aŋgota wehōn jeŋi geyōhaŋgōra aka miāŋgōreŋ köt tatkeri, miēŋgōreŋök kun memba nōröp qōmbōŋi qeba suŋgem gaun ahōyök. ¹²^fGaun ahōba miāŋgōreŋ imut kun kewö ehök: Döp kungö kitipŋi gölmenöŋ algetka qak kitipŋi mi Suepnöŋ öŋgōba kuŋguba kiniga Anutugö garataurupŋi yeŋōn miāŋgōreŋ tiba öŋgōm et aket.

¹³Mewö aketka Kembunöŋ yaŋgö kösutŋe kinda keu kewö jii mörök: “Nōŋōn Kambu, asagi Abrahamgö Anutuŋi aka iwiŋi Aisakö Anutuŋi akzal. Gölme ki ahōzani, nōŋōn mi gi aka göhō gwölōnarōkurupki eŋgö buŋaya qem eŋgimam. ¹⁴Göhō gwölōnarōkurupki yeŋōn ahumsehip aketka jaŋgōŋinan gölmegö sömsöm ewö akŋa. Mewö aiga jula deŋda gölme wehōn kotkotŋe

^e 28.4 Jen 17.4-8 ^f 28.12 Jon 1.51; 13 Jen 13.14-15; 14 Jen 12.3; 22.18

aka gegeŋe, Saut likep aka Not likep, eu aka emu miangöreŋ göröken dop köla anda malme. Göhöra aka göhö gwölönarökurupki yengöreŋök kungöra aka nöŋgö kötümötuetnan mönö gölmegö könagesö kambuŋi pakpak yengö qakŋine öŋgöiga oayerŋkoyaeŋ akŋe. ¹⁵Mötnöŋ, nöŋön göbuk mala denike denike anda kaba malmani, miangö dop mönö sel jöhöm gihiba mal öŋgöba goaŋgitpiga gölme kiangöreŋ kunbuk lilingöba kaman. Nöŋön gi qahö gömosöta keu jim jöhöm gihiali, miangö dop akiga ölni asuhum teköma.”

¹⁶Mewö jiiga Jeikobnöŋ gaun uruŋeyök imbiŋi möta wahöta kewö jiyök: “Kembunöŋ mönö ölna gölme kiangöreŋ maljapmö, nöŋön mi mutuk qahö mötzal.” ¹⁷Mewö jiiga jönömŋi unduiga keu kewö jiyök: “Gölme ki mönö kömbukŋi aka keŋgötmötmötŋambuk akza. Kiaŋön mönö ölna Anutugöreŋ tatat dundumŋi aka Suepkö nanŋuŋi akza.”

¹⁸Mewö jiba miri gianjiiga söŋanök wahöta köt qömböŋi qeba ahöyöhi, mi memba wahöta jabö mötök ewö kuŋguba qakŋe kelök o mokoba miriyök. ¹⁹Miriba gölme miangö qetŋi Betel (Anutugö miriŋi) qerök. Mutuk taon miangö qetŋi mi Luz qeta malget. ²⁰Jeikobnöŋ gölme miangö qetŋi döläkŋi Betel qeta keu kewö jim jöhöba jöjöpäŋ keunöŋ jim köhöiyök: “O Anutu, göŋön nömbuk mala köna ki anda malmami, miangöreŋ nek galöm ak niŋgiba numbu neneŋamni aka silenangö esuŋi miwikŋaim niŋginöŋga ²¹ölöp luai qakŋe iwinangö mire kunbuk lilingöba kamam ewö, nöŋön mönö göhö jitsihitki tem köla malbiga göŋön nöŋgö Kembu Anutuni aka malman.

²²Köt ki memba wahöta jabö ewö mötök kuŋguzali, miaŋön mönö göhö tatat dundumgi ahöiga yuai pakpak tököm niŋgiba malmani, nöŋön mi ölna mendeŋbiga kambu 10 aketka miengöreŋök mohok mohok memba kalema gihiba malmam. “Mewö.

Jeikobnöŋ Labangö mire aŋgorök.

29 ¹Jeikobnöŋ mewö jiba mosöta könaŋi toroqeba anda wehön kotkotŋangö könagesö yengö gölmenöŋ aŋgorök. ²Miangöreŋ aŋgota gölme köröŋe o löm kun ehök. Miri toni yeŋön lama kambuŋini eŋguangita miangöreŋ o eŋgiba malget. Nalö miangöreŋ o löm miangö kösutŋe lama kambu karöbut ahögetka o löm numbuŋangö kötni ketanŋi mi qahö metalget. ³Lama galöm yeŋön mutuk lama kambuŋini pakpak miangöreŋ tokom eŋgiba köt mi o löm numbuŋeyök gwililöŋgöba lamaauruŋini o eŋgiget negetka köt mi kunbuk dundumŋe köla malget.

⁴Jeikobnöŋ lama galöm mi kewö qesim eŋgiyök: “Azi alaurupni, iŋini denikegöra?” Qesim eŋgiiga “Nini Harangöra,” mewö meleŋ waŋgiget.

⁵Meleŋ waŋgigetka kewö qesim eŋgiyök: “Iŋini Nahorgö isiŋi Laban möt waŋgize me qahö?” Qesim eŋgiiga “Ölöp möt waŋgizin,” jiget.

⁶Jigetka kewö qesim eŋgiba jiyök: “I ölöp malja me qahö?” Mewö jiiga kewö jiget: “I ölöp malja. Eknöŋ, yaŋgö böratŋi Reizölnöŋ mönö endu lama eŋguangita kaza.”

⁷Mewö jigetka Jeikobnön jiyök: “Eket, wehön ketanji ahöiga lama mi sungemgöra tokom engibingö nalönan qahö töriza. Miangöra ölop lamanjini o engiget negetka kunbuk enguangita malmaljne anda al engigetka nenenamjini neme.”

⁸Mewö jiiga kewö melenget: “Mewö ölop qahö akin. Mutuk lama kambu pakpak tokom engiba köt mi o löm numbuñeyök gwililöngöbagun mönö lamaurupnini o engiinga neme.”

⁹Jeikobnön yembuk keu mewö eraum-möta kingetka miangörejök Reizölnön iwiñangörej lama kambuñi enguangita kayök. Reizöl yañön lama galöm nup memba malök. ¹⁰Kaiga Jeikobnön ehonñangö böratñi Reizöl aka ehonñangö lama kambuñi engeka o löm numbuñe anda köt mi metala ehonñi Labangö lamaurupñi o engiyök. ¹¹Engim teköba Reizöl numbu yöhötüm nempa könahiba köhöikñi qeta sahörök.

¹²Sahöta Reizölgöra jiyök: “Ni göhö iwigahö tinitosolomñi akzal. Ni Rebekagö nahönña. “Mewö jiiga Reizölnön möta ösumñan kiñkiñgöba iwiñangörej anda buzup mi jii mörök. ¹³Labanön nenñangö nahönñi Jeikobkö buzupñi möta i ösumok miwikñaimamgöra anök. Anda miwikñaiaba eka angöm wañgiba numbuñi yöhötüm nempa wañgita miriñe öngöyohot. Öngöba yuai pakpak asuhuyöhi, Jeikobnön miangö kösohotñi jii mörök. ¹⁴Mi möta kewö jiyök: “Ölop, göñön nani sepkitipni akzan. “Mewö jiiga köiñ mohotkö dop yambuk tata malök. Mewö.

Jeikobnön Lea aka Reizöl anömyahötña etkömeyök.

¹⁵Mewö maliga Labanön Jeikob kewö jii mörök: “Gi tinitosolomni maljanangöra töwagi qahö öne welen qem niñgibanbuk. Mi qahö dop kölma. Miangöra töwagi dawik memangö mötzani, mi ölop jinönga mötmam.” ¹⁶Labangö böratyahötñi yahöt malohot. Ketanangö qetñi Lea. Munñangö qetñi Reizöl. ¹⁷Leagö jeñan eksihimñambuk ahökmö, Reizölgö sileñangö kaisongolomñi aka jemesoholñi mi körek eksihimñambuk kötökñi ahök.

¹⁸Jeikobkö urusihimñi mi Reizölgöreñ ahöyohañgöra aka keu kewö jiyök: “Nöñön böratki könañgepñi Reizöl memamgöra ölop yambu 7 welen qem gihiba malmam.”

¹⁹Mewö jiiga kewö jiyök: “I azi murutñi kun wañgibiga qahö dop kölbapukmö, gi gihibiga dop kölma. Miangöra ölop nömbuk ki malman.” ²⁰Mewö jiiga Reizöl memamgöra yambu 7 welen qem wañgiba malök. Urusihimñan Reizölgöra ahöhañgöra aka yambu miengö möriga wehön awamñi tandök ahök. Mewö.

²¹Yambu 7 teköiga Jeikobnön ehonñi Laban kewö jii mörök: “Nöngö nup meme nalönan lök teközawañgöra ölop anömni Reizöl niñginönga yambuk ahöba malmam.” ²²Labanön keu mi möta miri toñi pakpak öröm tokom engiba lömbuanj aliga nem söñgaip aket. ²³Mi aket teköiga

miri sönjauiga Labanön börtatji Lea wangita anda Jeikob wanggiiga miri uruje öngöba mohotje ahöyohot. ²⁴Labanön welen ambiñi qetji Zilpa mi börtatji Leagö welenqeqeña malmapköra wangiyök. ²⁵Mohotje ahöyohotka miri gianjiiga Jeikobnön anömñi eka möri Reizöl qahöpmö, i Lea aiga yöwönjangöreñ anda kewö jim wangiyök: “Gi mönö wani kimbiala ak niñgizane? Ni Reizöl memangöra welen qem gihiba malalmö, gi mönö wuanönögöra tilipköm niñgizan?”

²⁶Mi möta melenja kewö jiyök: “Gölme kiangöreñ datji öne maliga munñan azi memapkö ahakmemenji mi nengöreñ qahö ahöza. ²⁷Mianggöra ölp maren sösöngai mi Leabuk sonda mohotkö dop mal sönjainön teköiga munñi mewöyök gihimam. I memangöra mönö mewöyök yambu 7 toroqeba welen qem niñgiba malman.”

²⁸Mewö jiiga urumohot aka Leabuk maren sösöngai nalö mi sonda mohotkö dop mali teköiga Labanön börtatji Reizöl mewöyök anömñi akñapköra wangiyök. ²⁹Labanön welen ambiñi qetji Bilha mi börtatji Reizölgö welenqeqeña malmapköra wangiyök. ³⁰Jeikobnön Reizöl i mewöyök anömña meyök. Urusihimñan Reizölgöra ahöyöhanggöra aka Reizöl mi Lea oñgita jöpaköm wangiba malök. Mianggöra yambu 7 toroqeba Laban welenñi qem wangiba malök. Mewö.

Jeikobkö moröurupñi asuhuget.

³¹Jeikobkö uruñan Leagö gwötpuk qahö ahöiga boromdökñi tököiga Kembunön ehi qahö dop köliga Lea gölöm almapköra bauköm wangiyökmö, munñi Reizölnön köpinña malök. ³²Leanön köröbuk aka mala morö azia memba keu kewö jiyök, “Kembunön tapötkokorokni ehiga apnan ölp könahiba jöpaköm niñgiba malma. “Mewö jiba qetji mianggö dop Ruben qerök. (Ruben Tapötkokorokni ehök.) ³³Könangep kunbuk körö ala morö azi kun memba keu kewö jiyök: “Apnan boromdökñi jöpaköm niñgiiga Kembunön mi möta morö ki mewöyök niñgiza. “Mewö jiba qetji mianggö dop Simeon qerök. (Simeon Kezapñan mörök.)

³⁴Mianggö andöñe kunbuk körö ala morö azi kun memba keu kewö jiyök: “Ni nahönurupñi karöbut apnangöra mealanggöra yañön mönö könahiba uruñi nömbuk jöhöma. “Mewö jiba qetji mianggö dop Liwai qerök. (Liwai Uruñi jöhöma.) ³⁵Mianggö andöñe dumje kunbuk körö ala morö azi kun memba keu kewö jiyök: “Nöñön nalö kewöñe Kambu möpöseizal. “Mianggöra qetji mianggö dop Juda (möpöseip) qerök. Mianggö andöñe morö kunbuk qahö meyök. Mewö.

30 ¹Reizölnön köpinñi mala Jeikobköra nahönbörat kun qahö memba nanñi könanji mewö eka datji Lea andö qeba uruñan mututqutut möta Jeikobköra keu kewö jiyök: “Gi mönö morö qiwikñainön. Mi qahö qiwikñainönnga nöñön mönö malmamgö osiba kömumam.”

²Mewö jiiga Jeikobnön irimnji seholiiga uruönön möt waŋgiba kewö jiyök: “Ni mönö morö denöwö qiwikŋaibileŋak? Anutunön gi morö memangö jöhöm gihiba malökmö, nöŋön Anutuya qahö.”

³Mewö jiiga Reizölnön kewö jiyök: “Nöŋgö welen ambini Bilha mi ki. Ölop yambuk ahönönŋa nöŋgöra morö mema. Yaŋön nam köliga nöŋön mewöyök yaŋgöreŋök nahönbörat miwikŋaim engiba namŋini aka malmam.” ⁴Mewö jiba welen ambiŋi Bilha waŋgiiga anömŋa memba yambuk ahöyök. ⁵Ahöiga Bilhanön gölöm ala Jeikobkö nahönŋi meyök. ⁶Nahönŋi meiga Reizölnön kewö jiyök: “Anutunön kewöt niŋgii dop kölbiga köuluk keuni möta morö azia niŋgiza. “Miaŋgöra qetŋi Dan qerök. (Dan Kewöt niŋgii dop köljäl.) ⁷Reizölgö welen ambiŋi Bilha yaŋön kunbuk gölöm ala Jeikobkö nahönŋi kun meiga yahöt ahök.

⁸Mewö meiga Reizölnön kewö jiyök: “Datnambuk gwötpuk aum-möriba luhut aljal. “Mewö jiba miaŋgö dop morö qetŋi Naftali (Aum-mörial) qerök. ⁹Leanön kunbuk gölöm qahö ala mi eka miaŋgöra nanŋi welen ambiŋi qetŋi Zilpa memba Jeikob waŋgi anömŋa ahök. ¹⁰Anömŋa aka Jeikobkö morö azia meyök. ¹¹Meiga Leanön “Simbawoŋ!” jiba qetŋi Gad (simbawoŋ) qerök. ¹²Zilpa, Leagö welen ambiŋi miaŋön Jeikobkö nahönŋi kun kunbuk meiga yahöt ahök.

¹³Mewö aiga Leanön keu kewö jiyök: “Nöŋön uruölöwak ketanŋi mötzal. Ambi yeŋön mönö nöŋgöra oyaenŋkoyaen qeta malme. “Mewö jiba miaŋgö dop morö qetŋi Aser qerök. (Aser Oyaenŋkoyaen qetme.) ¹⁴Witnön öliiga yandiyandi nalöŋe sömaŋi kunön Rubenön yaigep anda gölme köröŋe asagwalim amöt⁸ miwikŋaiyök. Amöt mi miwikŋaiba memba kaba namŋi Lea waŋgiyök. Waŋgiiga Reizölnön datŋaŋgöra kewö jiyök: “Göhö nahöŋgan amöt memba kazawi, miaŋgö tosatŋi mönö niŋginöŋga nemi.”

¹⁵Mewö jiiga Leanön kewö jiyök: “Göŋön apni noaŋgitnöŋga dop kölmapkö mötmörialmö, gi mönö nahönaŋgöreŋ asagwalim amöt ki mewöŋanök noaŋgitmamgö mötzan. Mi qahö dop kölja. “Mewö jiiga Reizölnön kewö jiyök: “Ölop! Nahöŋgahöreŋ amöt mi niŋgiman ewö, mönö ölop Jeikobbuk suŋgem ki ahömahot.”

¹⁶Mewö jiiga Jeikobnön mare miaŋgöreŋ nup mosöta kaiga Leanön anda miwikŋaim waŋgiba kewö jiyök: “Nöŋön nahönaŋgöreŋ asagwalim amöt miaŋön lök göhö söŋgörügi mezal. Miaŋgöra mönö nömbuk ahöbit. “Mewö jiiga Jeikobnön suŋgemŋi miaŋgöreŋ yambuk ahöyohot.

¹⁷Yambuk ahöyohotka Anutunön Leagöreŋ keu köulukŋi möriŋa gölöm ala Jeikobkö nahönŋi 5:ŋi meyök. ¹⁸Mi memba keu kewö jiyök: “Nöŋön welen ambini mi apni waŋgialaŋgöra Anutunön miaŋgö töwaŋi ki niŋgiza. “Mewö jiba miaŋgö dop qetŋi Isakar (töwa) qerök. ¹⁹Miaŋgö

⁸ 30.14 Ambi yeŋön asagwalim amöt memba amqeba gölöm albingö akeri, mewö möt nariget.

andöŋe Leanöŋ kunbuk gölöm ala Jeikobkö nahönŋi 6:ŋi meyök. ²⁰Mi memba keu kewö jiyök: “Anutunöŋ kalem qetpuk niŋgiza. Apni Jeikobkö nahönurupŋi 6 mealangöra yaŋön mönö pöndaŋ nömbuk mala qetbuŋa niŋgiba malma. “Mewö jiba miaŋgö dop morö qetŋi Zebulun qerök. (Zebulun qetbuŋa) ²¹Nalö tosatŋi teköiga Leanöŋ morö börat memba qetŋi Daina qerök.

²²Anutunöŋ dumŋe Reizöl mewöyök mötmörim waŋgiba keu köulukŋi möta gölöm almamgö bauköm waŋgiyök. ²³Bauköm waŋgiiga gölöm ala morö nahön kun memba keu kewö jiyök: “Anutunöŋ gamuni meköza.”

²⁴Mewö jiba toroqeba kewö jiyök: “Kembunöŋ mönö nahöni kun toroqeba niŋgima. “Mewö jiba miaŋgö dop morö qetŋi Josef (Toroqeba niŋgima.) qerök. Mewö.

Jeikobkö lama kambuŋan sehiyök.

²⁵Reizölnöŋ nahönŋi Josef meiga miaŋgö andöŋe Jeikobnöŋ Labangöra kewö jiyök: “Ni nani miri gölmene anmamgö mötzal. Miaŋgöra ölop melaim niŋginöŋga liliŋgöba anmam. ²⁶Anöm moröurupni kienŋöra aka göhö welengi qeba malali, mönö i niŋginöŋga mohotŋe köna anbin. Nöŋön nup gwötpuk ketanŋi memba malali, mi nangak ölop mötzan.”

²⁷Mewö jiiga Labanöŋ kewö jiyök: “Gi möt ölowak niŋgizan ewö, mönö ölop ki malman. Kembunöŋ göhöra aka ni kötuetköm niŋgiba malöhi, nöŋön unju qebiga keu mewö asuhui mötzal.”

²⁸Mewö jiba toroqeba kewö jiyök: “Mönö nupkahö töwaŋaŋgö jaŋgöŋi jinöŋga söŋgöroröŋi mi ölop gihimam.” ²⁹Mewö jiiga Jeikobnöŋ kewö jiyök: “Nöŋön göhö welengi denöwö qeba mala göhö mirigö sömbup kambuŋi kambuŋi galöm köl eŋgibiga qarigeri, mi nangak ölop mötzan. ³⁰Mutuk ni ki qahö kabiga miaŋgöreŋ sömbup yuaigi gwötpuk qahö ahöm gihiyökmö, miaŋön mönö ni kabiga nalö miaŋgöreŋ sehiba jesöŋgö akze. Ni denike denike anda kayali, miaŋgöreŋ Kembunöŋ kötuetköm gihiiga malnöŋ. Mewö malnöŋmö, ni mönö wani nalönöŋ ölop nani könagesöurupni naŋgöm eŋgimamgöra aka nup yuai könahiba membilenak?”

³¹Mewö jiiga Labanöŋ kewö qesiyök: “Ni mönö wania gihibilenak?” Mewö qesiiga Jeikobnöŋ melenŋa kewö jiyök: “Yuai kun kude niŋgimanmö, yuai mohot ki nöŋgöra akŋan ewö, ni ölop toroqeba göhöreŋ lama kambuŋi kambuŋi mi köyan köla jegalöm ak eŋgiba malmam. ³²Ni ölop göhöreŋ lama aka meme kambugi pakpak mi merak eŋgek kewötmam. Mi kewöta lama moröŋi baröm pakpak aka meme (noniŋ) döŋŋi tiktokŋinambuk aka kulemŋini diriweŋ, soŋo me koromböŋgi mi pakpak mendenŋa nanŋini tokom eŋgiman. Mienöŋ ölop nup memba malalaŋgö töwani akŋe. ³³Könaŋgep nupnaŋgö töwani, lama aka meme mi eŋgek kewötmamgöra kabanak, nalö miaŋgöreŋ

uruni diŋdiŋaŋgö könaŋi mi amqeba kewö miwikŋaiman: Meme (noniŋ) tiktokŋini qahö aka diriweŋ, soŋo me korombonŋi qahö mi pakpak aka lama baröm qahö pakpak nöŋgö kambunöŋ kinmei, mi nöŋön yoŋgorö meal, mewö möt kutuman.”

³⁴Mewö jiiga Labanöŋ kewö meleŋnök: “Ni ölop urumohot akzal. Keu jizan ewö köna mi ahöma.” ³⁵Mewö meleŋda silim miangöreŋjök Labanöŋ meme (noniŋ) aziŋi kulemŋini jinjalalaŋ aka diriweŋ soŋo me korombonŋi aka meme ambiŋi pakpak kulemŋini tiktokŋinambuk aka diriweŋ soŋo me korombonŋi me sile jupŋine yuai tuatŋi taröhi, mi pakpak aka lama moröŋi baröm pakpak mi kewöta meköm eŋgiba nanŋi nahönurupŋi yeŋgö böröŋine al eŋgiyök. ³⁶Labanöŋ mi al eŋgiba yembuk Jeikobköreŋ lama aka meme kambu mi eŋguaŋgita silim karöbüt anangö dop anda miangöreŋ malget. Körowen mewö malgetka Jeikobnöŋ toroqeba Labangöreŋ lama aka meme kambuŋi kambuŋi mi galöm köl eŋgiba malök.

³⁷Mewö mala sau, kömin aka kuŋgam ip miengö böröŋini gwölögwölö kutuba memba sileŋini jölanjölan (jöraŋjöraŋ) köndölatiiga sutŋe sutŋe tuariiga jinjalalaŋ ahök.^h

³⁸Mewö aiga ip böröŋini köndököndölatiŋi mi memba sömbup yeŋgö o joutŋini pakpak miangöreŋ aliga o nembangöra kagetka wösöŋineyök ahöyök. Mewö ahöiga lama aka meme kambu yeŋön aziŋan eŋgualöŋmegö sihim könöpŋi möta o nembangöra kaba miwikŋaiba eket. ³⁹Mewö eka meme aziŋi yeŋön ip böröŋi miengö kösutŋine ambiŋi eŋgualöŋget. Mewö eŋgualöŋgetka gölöm ala malgeraŋgöra moröurupŋini jinjalalaŋ, tiktokŋinambuk aka diriweŋ, soŋo me korombonŋi mi eŋgömembra malget.

⁴⁰Mewö malgetka Jeikobnöŋ lama aka meme (noniŋ) moröŋi mewöŋi mi kewöta mendeŋ eŋgiba nanŋök nanŋök kambu köl eŋgiyökmö, sömbup ketanŋi mi areŋgöm eŋgiiga jeŋini Labangöreŋ sömbup baröm aka kimbiŋini tiktokŋinambuk yeŋgöreŋ göröken uba kinget. Mewö aka nanŋaŋgöra lama aka meme (noniŋ) kambuŋi kambuŋi meköba miwikŋaim eŋgiyök. Mi miwikŋaiba jöhöm eŋgiiga Labangö lama kambunöŋ qahö anda toroqem eŋgiget.

⁴¹Sömbup ambiŋi köhöikŋi yeŋön aziŋan eŋgualöŋmegö sihim könöpŋi mötketka Jeikobnöŋ nalö dop miangöreŋ ip böröŋi mi o joutnöŋ alök. Miangöra sömbup aziŋi yeŋön kaba mi wösöŋine miwikŋaiba eka kösutŋe miangöreŋ ambiŋi mi eŋgualöŋda malget.

⁴²Mewö malgetmö, sömbup ambiŋan ösumŋini eretŋi aket ewö, yaŋön ip böröŋi mi yeŋgö wösöŋine qahö ala malök. Mewö aka maliga sömbup

^h 30.37 Ip böröŋi mi selgöra qahö alök. Mewöyök tiripqözölqözöl me jinaŋ akŋamgöra qahö. Anutunöŋ yauetŋ aka suŋa jinaŋ akingöra qahö jiyökmö, Jeikobkö uruŋan diŋgiiga tem köla malöhaŋgöra töhötmöriamgö könaŋi mewö kusun waŋgiyök.

ösumņini eretņi mienön Labangören kambunöŋ toroqegetka ösumņini köhöikņi yeŋön Jeikobkö kambunöŋ anda toroqeget. ⁴³Jeikobnöŋ mewö aka kindiņbirik azi qetbuŋaŋambuk aka töhötmöriam miwikņaiyök. Lama aka meme kambu gwötpuk buŋa qem aŋguba welenqege ambazip eŋguaŋgiriga kamel aka doŋki kambuņi kambuņi asuhum sehigetka toņini ahök. Mewö.

Jeikobnöŋ Laban mosöta ölöŋ köla anök.

31 ¹Labangö nahönurupņan keu kewö jigetka Jeikobkö kezapņe geiga mörök: “Iwininan yuai buŋa qeba malöhi, Jeikobnöŋ mi pakpak kalöpköba könjörata aŋgön kölökö. Iwininaŋgö sukinapņi galöm köla miangörenökö inapņi pakpak mi nanŋaŋgöra miwikņaiiba kindiņbirik akza.” ²Keu mi mörök aka yöwöŋaŋgö jemesoholņi eka kewö möt asariyök: “Labanöŋ mutuk ala ölöpņi ak niŋgiba mala korökmö, mewö qahö toroqeba aka malja.”

³Mewö möt asariiga Kembunöŋ Jeikob kewö jii mörök: “Göŋön mönö lilingöba iwiasaurupki yeŋgö gölmenöŋ anda tinitosolomurupki yembuk malman. Anda malnönğa nönön göbuk kindi malmam.”

⁴Jeikobnöŋ keu mi möta Reizöl aka Lea yetköra keu ali aniga gölme köröŋe lama kambuņi kambuņi galöm köl eŋgiyöhi, miangören kayohot. ⁵Kayohotka kewö jii mörohot: “Nöŋön iwiņiraŋgö jemesoholņi eka kewö möt asarizal: Yaŋön mutuk ala ölöpņi ak niŋgiba mala korökmö, mewö kunbuk qahö aka malja. Iwinangö Anutuņan mönö töndup nömbuk kindi mala korök. ⁶Ni ösumni pakpak qezaköba miangö dop iwiņiri welen qem waŋgiba mala koral, iņiri mi ölöp mötzahot.

⁷“Mewö malalmö, yaŋön isimkakalek qakņe ak niŋgiba mala nupnaŋgö töwaņi mi sömaņi 10:gö dop utekutek ala malök. Mewö ak niŋgiba malökmö, Kembunöŋ aŋgön köl waŋgiiga geŋmororoŋ kun qahö ak niŋgiiga malal. ⁸Nalö kunöŋ kewö jiyök, ‘Lama aka meme (noniņ) tiktokņinambuk asuhumei, mi mönö göhö nup töwagi akņe.’ Mewö jiiga sömbup kambu jömukņi yeŋön moröŋini tiktokņinambuk eŋgömeget. Nalö kunöŋ kewö jiyök, ‘Lama aka meme (noniņ) iŋjalalaŋ asuhumei, mi mönö göhö nup töwagi akņe.’ Mewö jiiga sömbup kambu jömukņi yeŋön moröŋini iŋjalalaŋ eŋgömeget. ⁹Anutunöŋ mewö aiga asuhuiga iwiņiraŋgö kambuņeyök sömbup könjörata eŋguaŋgita niŋgiiga sehiyök.

¹⁰“Sömbup aziŋan ambiņi eŋgualönđa malgeri, nalö kun miangören gaun kunöŋ jeni uba wahöta ekiga meme (noniņ) aziŋan ambiņi eŋgualönđa kingeri, yeŋgö silenini mi iŋjalalaŋ, tiktokņinambuk aka diriweŋ, soŋo me koromböŋgi pakpak aket. ¹¹Nöŋön gaun ekiga miangören Anutugö garata kunņan nöŋgöra ‘Jeikob!’ qerök. Mewö qeriga ‘Ki kinjal,’ jiba meleŋnal. ¹²Meleŋniga kewö toroqeba jiyök: ‘Labanöŋ yuai pakpak ak gihimakzawi, nönön mi eka mötzal. Miangöra ölöp jegi uba wahöta eknöŋ:

Meme (noniŋ) aziŋi pakpak ambiŋi eŋgualöŋda kinjei, yeŋgö sileŋinan jŋŋjalalaŋ, tiktokŋinambuk aka diriweŋ, soŋo me koromböŋi akza.

¹³Nöŋön Betel miangöreŋ asuhum gihibiga köt dangunu kun kuŋguba miriba nöŋgöra keu jöhöba jöjöpaŋ keunöŋ jim köhöinöŋ. Nöŋön Anutu mi aka göhöra keu kewö jizal: Gi mönö dölki wahöta kantri ki mosöta nangi ahuahü gölmege kunbuk lilingöba anman.’ ”

¹⁴Jeikobnöŋ keuŋi mewö jiiga Reizöl aka Lea yetköŋ kewö meleŋ waŋgiba jiyohot: “Iwiniraŋgö mire börösamotkö bahöŋi kun mi neŋgöreŋ qahö toroqeba tatza. ¹⁵Yaŋön azi netkiiga söŋgöroniran kaiga mi nanŋaŋgörök memba gil teköyök. Miangöra niri mönö kian tandök ak netkiiga mala korit. ¹⁶Miangöra Anutunöŋ iwiniraŋgö kambuŋeyök sukinap öroyuai köŋjörata waŋgiri sehiyöhi, mi pakpak mönö öljä nanine aka nahönböraturupnini neŋgö buŋaya akza. Miangöra Anutunöŋ jim kutum gihiyöhi, göŋön mönö mi pakpak tem köla wuatangöman.”

¹⁷Mewö jiyohotka wahöta mem mözözöm aka anöm-moröurupŋi kököbihim eŋgiiga kamel qakŋine öŋgöget.

¹⁸Mirigö sömbup kambuŋi pakpak közöl eŋgiiga mutuk anget. Sukinap yuaiŋi (merömbuŋi) pakpak Mesopotemia (Padan Aram) gölmenöŋ mala miwikŋaim sehiyöhi, mi körebökrek kölolohoba iwiŋi Aisaköreŋ anbingöra Keinan gölmenöŋ göröken anget. ¹⁹Nalö miangöreŋ Labanöŋ lama juŋŋini mitimamgö aniga Reizölnöŋ iwiŋaŋgöreŋ miri domlopion morörökŋi yoŋgorö meyök. ²⁰Yoŋgorö meiga Jeikobnöŋ toroqeba yöwöŋi Aram azi Laban i kewö tilipköm waŋgiyök: Anbingö keuŋi mi qahö jii mörökmö, mönö ölöŋ mosöta anget. ²¹Mewö ölöŋ angetka kamel yeŋön öroyuaiŋi pakpak mem bisiget. Anda Yufreitis o kutuba Gilead gölme kundunambuk miangöreŋ göröken anget. Mewö.

Labanöŋ Jeikob wuatangöba anök.

²²Angetmö, silim karöbut aiga miangöreŋ keu kewö jigetka Labanöŋ mörök, “Jeikobnöŋ mönö tököba ölöŋ köla anök.” ²³Mi möta wahöta tinitosolom aziurupŋi eŋgömemba wehön 7:gö dop eŋguatangöba anda mala Gilead gölme kundunambuk miangöreŋ miwikŋaiba eŋgömeget.

²⁴Eŋgömemba suŋgem miangöreŋök Anutunöŋ Aram azi Labangöra gaunöŋ asuhuba keu kewö jii mörök: “Göŋön Jeikobköra kötumötuet me qesuk keu kun jibanbuköra mönö möt kutuba galöm mem aŋguman.” ²⁵Eŋgömegetka Jeikobnöŋ opo seri koumŋi Gilead gölme kundunambuknöŋ möröreŋgöba kuŋguiga Laban aka aziurupŋi yeŋön mewöyök opo seri koumŋini miangöreŋ kuŋguba ahöget.

²⁶Ahöba wahöta qiŋŋiŋi Jeikobköreŋ anda kewö jii mörök: “Gi mönö wani kimbia ak niŋŋinöŋe? Gi tilipköm niŋgizan. Kerök yeŋön yarö gila

¹ 31.13 Jen 28.18-22

ambi yongorö örömakzei, mönö miangö tandök nongö börtayahötini ölon etkuangita kanö. ²⁷Gi wuanongöra isimkakalek ak ningiba ösumok ölon köla nömosöta kanö? Gi mönö wuanongöra keu kun qahö jinöy mötpi laj kanö? Mi mötpilejak ewö, nöyon ölop lijet gwawet albi kömam köla gita kulele qegetka sösongai qakje gumbulbi könanöy kabeak.

²⁸“Mi mötpilejak ewö, mönö ölop isiurupni aka börtayahötini numbuini yöhötüm namba yaizökzökjini jibilejak. Gi mönö uruqahö kimbiam aknö. ²⁹Nöyon kukösumnambuk kaba ölop ayuhum gihibilejakmö, sungem ahöbiga iwigahö Anutuñan keu kewö jii mötzal: ‘Göyon Jeikobköra kötumötuet me qeswak keu kun jibanbuköra mönö möt kutuba galöm mem anguman.’ ³⁰Miangöra muat, nangi iwigahö miri gölmeje lilingömangö urusihimgi ketani möta malagun lök mosöta könanöy kaba maljan. Miangöra ölop anmanmö, nongö domlopionurupni mi mönö wuanongöra yongorö memba kanö?”

³¹Labanöy mewö jiiga Jeikobnöy kewö melej wangiyök: “Göyon börtayahötiki yarö ösum qakje noangitpanbukö mötmöröba kenögni möta ölon köla kain. ³²Kainmö, kunñan domlopionurupki meiga miwikñaimani, i ölop qenönga kömuma. Öroyuai pakpak memba maljali, mi ölop tinitosolomurupniri yengö jejine ek kewöta kinda göhörej yuaigi kun miwikñaiaba eka mi ölop meman. “Jeikobnöy mewö jiyökmö, anömni Reizölnöy domlopion mi yongorö meyöhi, apñan mi qahö möröhangöra mi tönpin jiyök.

³³Mewö jiiga qingini Jeikobkö opo seri kouwje öngöba qezanda jaruba Leagö opo seri kouwje öngöba toroqeba welen ambiyahöt mietkö opo seri kouwje öngöba qezanda jaruba yuai kun qahö miwikñaiyök. Leagö kouwje mosöta miangö andöje Reizölgö kouwöy öngöyök.

³⁴Öngöyökmö, Reizölnöy domlopionurup mi memba gösönöy löngöta kamel qakje tatatkö dum uruje ala qakje öngöba qelanjim engiba tarök. Mewö tariga iwiñan opo kouwjangö uruñi körek qezanökmö, mi qahö miwikñaiyök. ³⁵Reizölnöy iwiñi kewö jii mörök: “Ketanamni, ni köiñnöy nehiga tatzalangöra aka göhö jemesoholge ölop qahö wahötmam. Miangöra uruönön kude möt ningiman. “Mewö jiiga miriñangö domlopionurupni miengöra jaruyökmö, mi qahö miwikñaiyök.

³⁶Qahö miwikñaiiga kinda Jeikobnöy irimni seholiiga tembula Laban kewö jim wangiba qesim wangiyök: “Nöyon wani könaya ak siñgial? Mönö wani silik böloni ak gihialangöra kahasililijñöy börojan suhum niñgizan? ³⁷Nöngö sukinapni pakpak qezanj teköbagun mönö wanat yuaia kun miwikñainönga nangi mirigahö bujaya akawak? Mi ölop memba yuhu kaba tinitosolomurupniri yengö jejine alnöy eketka sutnire keu lömböt ahöiga mi kewöta jim teköba mindingöm netkime.

³⁸“Nöyon göbuk lök yambu 20 mala koral. Nalö miangö uruje nupki membiga göhörej lama aka meme (noniñ) yejön morö mendingö

pömsöm qahö qegetmö, ölopñanök ahumsehip aka malget. Mewöyök lama aziñi kun göhö sömbup kambunöhök qahö qem neal. ³⁹Nalö tosatñe sömbup kalñan lama qeba yöhöqöhötüyöhi, mi qahö memba kaba gihiba malalmö, miangö kitipñi mi nani kambunöhök memba salupñe ala malal. Lamagi suñgemñe me asakñe yonñorö memba malbeahi, mi töndup miangö salupñi almamgö jimkutukutu alnönnga mi wuatangöba malal.

⁴⁰“Silimnön miri könöpñan nohotiriiga suñgemnön amötñan nuñguiga sanñenñi möta malal. Nalö gwötupuk gaun guli mem niñgiiga malal.

⁴¹Yambu 20:gö dop mewö göhö mire mala kotpi teköza. Yambu 14 mi böratyahötki etkömemamgöra welen qem gihiba malal. Miangö andönje yambu 6 mi lama bulmakau miwikñaimamgöra göhöreñ nup memba malal. Mewö malalmö, göñön nup memegö töwani mi sömañi 10:gö dop utekutek ala malnön.

⁴²“Asani Abrahamgö Anutunji iwini Aisaknön waikñi memba möpöseimakzawi, yañön andöne awörök qahö aka kötöngöm niñgibawak ewö, göñön mönö böröbörak melaim niñginönnga köna anbilenjak. Mewö ak niñgibanakmö, Anutunön nõngöreñ sihimbölö kahasililiñ möriga nup börönan sileqege aka memba malali, mi eka merak suñgem nõngö keuni kewöta jim teköiga mötzan. “Mewö.

Jeikob aka Laban yetkön jöhöjöhö ahot.

⁴³Jeikobnön mewö jiiga Labanön kewö meleñ wañgiyök: “Ambi yahöt ki mönö nõngö böratyahötña. Yetkö nahönböraturupñiri mi nõngöreña. Lama bulmakau kambunji kambunji ki mi nõngöreña. Yuai pakpak ki ekzani, mi körek nõngö buñayök akza. Mewömö, muat nõñön merak böratyahötña ki aka nahönböraturupñiri engömeyohori, yeñön anmegö keunñi jigetka mi qeapkömamgö lömbörizal. ⁴⁴Miangöra ölop kaba gou köl anguba sutnire jöhöjöhö akit. Mi qendenbitpuköra mötmörim netkiba dangunu ewö sutnire ahöma.”

⁴⁵Mewö jiiga Jeikobnön köt kun memba kuñguiga timbetuat ewö dangunu jabönñiri aka kinök. ⁴⁶Miañön kiniga Jeikobnön tinitosolomurupñi yengöra köt memba tokomegöra jiyök. Mewö jiiga köt memba qaknön qaknön ala tokoget öngöiga miangö kösutñe nene lömbuan ohoba neget. ⁴⁷Labanön köt kambu miangö qetñi Jegar Sahaduta qeri Jeikobnön qetñi Galed qerök.^j

⁴⁸Mewö qerohotka yöwöñan qinñiñi Jeikob kewö jii mörök: “Köt kambu ki mönö merak netkö sutnire dangununira ahöma. “Miangöra Jeikobnön miangö qetñi Galed qerök. ⁴⁹Labanön keu toroqeba kewö jiyök: “Kembunön mönö deñda malbiri, nalö miangöreñ sutnire jeñan netkek tiba galöm mem netkiba malma. “Miangö dop gölme miangö qetñi kun Mizpa qerök. (Mizpa Galöm meme miri köröpñi.)

^j 31.47 Dangunu köt kambu mi Hibru keunön Galed aka Arameik keunön Jegar Sahaduta.

⁵⁰Labanönj keu mi toroqeba kewö jiyök: “Gönön bōratyahötņi öröm ureim ak etkiman me toroqeba kakasun ambi tosatņi engōmēman ewō, mönō keu ki möta malman: Gölme azi kunġan kōsutņire qahō mala netkehiga Anutunönj mönō tōndup öläp netkeka sutņire jōhöjōhö ahōzawaņgō keuņi mi naņgōba jiba malma.”

⁵¹Mewō jiba kunbuk toroqeba kewō jiyök: “Qingini mötnönj, kōt kambu ki aka mötök ki kuņguzali, mietkōn mönō netkō sutņire dangunu ewō tat öngōmahot. ⁵²Kōt kambu ki mönō dangununira aka tat öngōma aka mötök ki mi mewōyök dangununira aka tat öngōma. Mietkōn jōhöjōhöņirangōra kewō mötmōrim netkiba tat öngōmahot: Nōņön mem bölim gihimangō möta kōt kambu ki qahō öņgita gōhöreņ kama. Gönön mewōņanök mem bölim niņgimangōra möta kōt kambu aka mötök ki qahō etkōņgita nōņgōreņ kama. ⁵³Abraham, Nahor aka yetkō iwiņiri yeņgō bemņini Anutu yaņön mönō keu sutņire asuhiiga mi kewōta jim tekōm netkima. “Labanönj mewō jiiga Jeikobnönj keu mi jōhöba Anutugō qetņe jōjōpaņ keunönj jim kōhöiyök. Iwiņi Aisaknönj Anutu miangō waikņi memba möpōseiba malök.

⁵⁴Jeikobnönj mewō aka gölme kunduņe sömbup qeba miangōn jōwōwöl ohoba tinitosolomurupņi öröm engiiga lömbuaņnönj kaget. Kaba nene nēmba suņgem liņet unduba kunduņe miangōreņ ahōget. ⁵⁵Ahōgetka miri asariiga Labanönj söņanök wahōta isiurupņi aka bōratyahötņi numbuņini yōhötim nēmba kōtuetkōm engiba yaizōkzōkņini jiyök. Mi jiba engōmosōta liliņgōba miriņe anök. Mewō.

Jeikobnönj Isobuk aitōņgōbitkō jörōmqörōm ahök.

32 ¹Yōwōņan aniga Jeikobnönj mewōyök kōnanönj aniga Anutugō garataurupņi tosatņan miwikņaim waņgiget. ²Miwikņaim waņgigetka engēka kewō jiyök: “I Anutugōreņ yarō kambuya akze. “Miangō dop gölme miangō qetņi Mahanaim (yarō kambu yahöt) qerök.

³Jeikobnönj kōnanönj anda mala kolek aziurupņi tosatņi mutuk melaim engii Edom kantrigō gölme qetņi Seir miangōreņ datņi Iso ekingōra anget. ⁴Melaim engiba kewō jim kutum engiyök: “Iņini mönō anda dat kembuni Iso kewō jigetka mötma: ‘Ketaņamni mötnönj, ni welen azigi Jeikob. Ni ehoniri Labanbuk mala kota mal tekōba nalō kewōņe i mosōta kazal. ⁵Miangōreņ mala bulmakau, doņki, lama, meme (noniņ) kambuņi kambuņi aka welenqeqe ambazip miwikņaiiba engōmēmba kōnanönj kazal. O azi kembuni, nōņön gōhö jege ak-kōmukōmu miwikņaimangōra möta keu buzupņi ki mutuk albi gōhöreņ kaza.’ ”

⁶Mewō jim kutum engiiga anda liliņgōba kaba kewō jigetka mörök: “Nini datki Isogōreņ anin. Yaņön mönō aziurupņi 400 engōmēmba kōnanönj kaba göbuk aitōņgōbingō jōjörōba malje.” ⁷Mewō jigetka möta awōwōliba kōņjiliņ ketaņi mörök. Mewō möta kinda kōnagesōurupņi

yambuk kageri, mi aka lama meme kambuŋi kambuŋi, bulmakau kambuŋi kambuŋi aka kamelurupŋi mi mendeŋ eŋgiiga kambu yahöt aket. ⁸Kewö mötmöriba mewö ahök: “Isonöŋ kaba yarö gila kambu kun eŋgum ayuhuma ewö, kambu kun yeŋön mönö ölop ölop köla anbeak.”

⁹Mewö mötmöriba kewö jiba köuluköyök: “O Anutu, asani Abrahamgö aka iwini Aisakö bemŋiri, göŋön ölop möt niŋgiman. Kembu, gi nangok keu kewö jinöŋ möral: ‘Gi mönö wahöta nangi gölmenöŋ liliŋgöba nangi tinitosolomurupki yeŋgöreŋ anman. Endu anöŋga nöŋön töhötmöriam gihibiga malman.’ Mewö jinöŋ möral. ¹⁰Mönöwök nani öröpnanök memba Jordan o töwatŋi ki kutuba analmö, ölop ahum sehiba merak liliŋgöba kambu yahöt aka ki kazal. Ni welen azigi etqeceŋi aka malalmö, göŋön töndup keugi pöndaŋ wuatangöba ak-kömükömugi pakpak kondel niŋgiba malnöŋ. Ni eretŋi aka urukalemgi mi buŋa qem aŋgumamaŋgö dop qahö aka malal.

¹¹“Datni Isonöŋ könanöŋ kaba nani, nam aka moröurupnini nini neŋguba ayuhum neŋgibapüköra nöŋön keŋgötŋi mötzal. Miangöra göŋön mönö bauköm neŋgiba yaŋgö böröŋeyök meköm neŋgiman. ¹²“Gi nangok keu kewö jinöŋga möral: ‘Nöŋön töhötmöriam gihiba gwölönarökurupki ahumsehip eŋgibiga qötöŋinan qariba köwetkö sakösini ahözawaŋgö dop akŋa. Mi gwötpuk ketani ahömawaŋgöra aka oyoŋoyoŋgö dop qahö. Keu mi öŋa.’”

¹³Mewö köuluköba suŋgemŋi mi gölme miangöreŋ ahöyök. Ahöbagun sömbup kambuŋi kambuŋi miengöreŋök datŋi Iso kalem waŋgimamgöra sömbup kewö kewöt mendeŋ eŋgiba nanŋinök al eŋgiyök: ¹⁴Meme (noniŋ) ambiŋi 200, aziŋi 20, lama ambiŋi 200, aziŋi 20, ¹⁵kamel 30 moröurupŋini juzunöŋ, bulmakau ambiŋi 40, aziŋi 10, doŋki ambiŋi 20, aziŋi 10.

¹⁶Kambu mewö mewö kewöt mendeŋda kambu nanŋök nanŋök mi welenqeceurupŋi yeŋgö böröŋine al eŋgiba kewö jii mötket: “Inini ölop mutuk anda sömbup kambuŋi kambuŋi kieŋgö sutŋine tiriŋ kutuba eŋguangita awataŋ anme.”

¹⁷Mewö jiba kambu mutukŋi anmeaŋgö galöŋŋi kewö jim kutum waŋgiyök: “Könanöŋ angetka datni Isonöŋ miwikŋaim eŋgiba kewö qesim gihima: ‘Gi dagö welenqece azia akzan? Gi denike anmam jiba kazan? Sömbup wösöge anjei, mi dagöreŋa?’ ¹⁸Mewö qesim gihiiga kewö jiman: ‘Mi welen azigi Jeiköbköreŋa. Mi ketaŋamŋi Iso kalem waŋgimamgöra al eŋgii kaze. Nanŋak mönö andönine könanöŋ kaza.’”

¹⁹Mewö jim kutum waŋgiba sömbup kambu 2:ŋi, kambu 3:ŋi aka sömbup kambu tosatŋi pakpak yeŋgö galöŋŋini andöŋine kageri, i mewöyök jim kutum eŋgiiga kewö mötket: “Inini datni Iso miwikŋaimei,

^k 32.12 Jen 22.17

mönö keu tandökni miyök jigetka mötma.”²⁰ Mewö jim kutum engiba kewö mötmöriyök: “Nöñön esapköba uruñi memba eta ala kalem wañgimangöra sömbup kambuñi kambuñi melaim engibi mutuk anme. Datnan mi engeka uruñi böñjöh köliga amöribawak. Uruñi amöriiga ölop nanak yangö jemesoholne ösöh angotpi singisöndokni mosöta ala ak niñgibawak. “Mewö mötmöriba toroqeba kewö jiget mötmapkö jiyök: “Göhö welen azigi Jeikobnöh mönö andönine ösöh kaza.”

²¹ Mewö jiba kalemni al engii mutuk könanöh angetmö, nanjak sunjem mi opo koumnöh tatmam jiba miangörej tarök. Mewö.

Jeikobnöh Suep garatabuk aum-möriyohot.

²² Sunjem miangörej Jeikobnöh wahöta anömyahötñi, welen ambiyahötñi aka morönahönrurupni 11 mi enguanjiriga anda Jabok o sakni qöleqöleleñi kutubingö aket. ²³ Enguanjiri o kutuba anda sukinap yuaini pakpak buñani ahöyöhi, mi mewöyök memba an teköget.

²⁴ ¹An tekögetmö, Jeikobnöh nanjök o likepñe miangörej kunbuk tarök. Nanjök tariga azi kunjan kaiga yambuk sunjem aum-möriba malohotka miri gianjyök. ²⁵ Azi miangön luhut al wañgimangö osiba eka miangöra Jeikob mi ikinñe qeyök. Qeiga mohotñe aum-möriba malohotka miangörej Jeikobkö ikin sihitñan sulök. ²⁶ Sihitñan suliga azi miangön kewö jiyök: “Miri gianjimangö akzawangöra mönö ölop nömosötnöñga anmam. “Mewö jiyökmö, Jeikobnöh kewö meleñ wañgiyök: “Ni qahö kötuatköm niñgiman ewö, nöñön mönö gi qahö gömosötpi anman.”

²⁷ Mewö meleñ wañgiiga “Gi qetki niñi?” jiba qesim wañgiiga “Jeikob,” jiyök.

²⁸ Mewö jiiga keu kewö jiyök: “Gi Anutu aka ambazip yembuk aum-möriba mala luhut al enginöh. Miangöra göhö qetki mönö kunbuk Jeikob qahöpmö, Israel qetme. “(Israel Anutubuk aum-möriyök.)

²⁹ Mewö jiiga kewö jiyök: “Gi ölop qetki qetnöñga mötmam. “Mewö jiyökmö, garatanöh miangön kewö meleñ wañgiyök: “Gi denöwögöra nöñgö qetnangöra qesizan?” Mewö meleñ wañgiba miangörej kinda kötuatköm wañgiyök.

³⁰ Kötuatköm wañgiiga Jeikobnöh kewö jiyök: “Ni Anutubuk mesohol kölan guba jeñi törörök ekzalmö, töndup nehoriiiga jebuk maljal. “Mewö jiba miangöra gölme miangö qetñi Penuel qerök. (Penuel Anutugö jemesoholñi) ³¹ Wehön jeñan lök koriga Jeikobnöh Penuel gölme mi mosöta ongita kaba ikinñi sulöhangöra aka timkorik anök. ³² Azi miangön Jeikobkö ikin sihit toroqeqeñangö ginimuramñe (bidororo) qeyöhangöra aka Israel könagesö yejñon nalö kewöñe mewöyök sömbup namba miangörej ikin sihit toroqeqeñangö ginimuramñi mi tököba qahö nemakze. Mewö.

¹ 32.24-26 Hos 12.3-4; 28 Jen 35.10; 29 Kemb 13.17-18

Jeikobnōḡ Isobuk aitongōyohot.

33 ¹Jeikobnōḡ jeḡi uba wahōta Isonōḡ aziurupḡi 400 yembuk mohotḡe kōnanōḡ kageri, mi eḡgehōk. Miangōra nahōnbōraturupḡi menderḡ eḡgiba Lea, Reizōl aka welen ambiyahōtḡi yeḡḡō bōrōḡine al eḡḡiyōk.

²Mewō al eḡgiba kewō areḡḡōm eḡḡiyōk: Welen ambiyahōtḡi yetkōn nahōnbōraturupḡiri eḡḡuaḡḡita mutuk anget. Yeḡḡō andōḡine Leanōḡ nahōnbōraturupḡi yembuk angetka Reizōl aka nahōnḡi Josef yetkōn qōndōkḡi anohot.

³Saiwaḡi mewō areḡḡōm eḡḡgiba nanḡak yeḡḡō wōsōḡine mutuk anda simin kōla gōlmenōḡ bamgōba wahōriga indimḡi 7 aiga anda datḡaḡḡō jemesoholḡe aḡḡorōk. ⁴Aḡḡorōkmō, Isonōḡ munḡi ekḡamgōra ösumḡan kiḡkiḡḡōba kaba suhumgōm waḡḡgiba bōrōḡan imbiḡe gili geiga numbuḡi yōhōtim neiga urusahōt auyohot. ⁵Isonōḡ jeḡi uba wahōta Jeikobkō anōm-morōurupḡi eḡḡeka munḡi qesim waḡḡiyōk: “Ki denike yeḡḡōn gōbuk kaze?” Qesim waḡḡiiga kewō meleḡḡnōk: “Anutunōḡ kalem mōriamḡi qakḡe nahōnbōrat ki welen azigi ni niḡḡiyōk.”

⁶Mewō meleḡḡniga welen ambiyahōtḡi yetkōn nahōnbōraturupḡiri yembuk dowe kaḡḡota simin kōla gōlmenōḡ bamgōget. ⁷Miangō andōḡe Lea aka nahōnbōraturupḡi yeḡḡōn mewōḡanōk dowe kaḡḡota simin kōla gōlmenōḡ bamgōget. Tetekōḡe Josef aka Reizōl yetkōn dowe kaḡḡota simin kōla gōlmenōḡ bamgōyohot.

⁸Mewō aketka Isonōḡ kewō qesim waḡḡiyōk: “Azi aka sōmbup kambu pakpak kōnanōḡ miwikḡaim eḡḡizali, mi kōnaḡi denōwōgōra melaim eḡḡinōḡḡa kaze?” Mewō qesim waḡḡiiga kewō jiyōk: “O azi kembuni, nōḡḡōn mi gōhō jeḡe ak-kōmukōmu miwikḡaimamgōra aka melaim eḡḡial.”

⁹Mewō jiyōkmō, Isonōḡ keu kewō jiyōk: “O muni, mi nōḡḡoreḡ gwōtpuk lōk dopne ahōze. Miangōra mi ölöḡ toroqeba nangi buḡaya aka ahōma.”

¹⁰Mewō jiiga Jeikobnōḡ kewō jiyōk: “Mewō qahō. Gōḡḡōn neksihim aka ala ölöḡḡi ak niḡḡinōḡḡa gōhō jemesoholḡi ekiga Anutugō jemesoholḡi ewō akza. Miangōra nōḡḡōn gōhō jeḡe ak-kōmukōmu miwikḡaizal ewō, mōnō kalemni ki ölöḡ buḡa qem aḡḡuman. ¹¹Anutunōḡ kalem mōriam kondel niḡḡiiga mala kotpiga yuai pakpak osimakzali, mi pakpak ölöḡ ahōm niḡḡiza. Mewōgōra uruölōwak kalemni memba kageri, mi ölöḡ meman. “Mewō jiba kapaḡ kōla malōḡaḡōra Isonōḡ uruölōwak kalemḡi mi buḡa qem aḡḡuyōk.

¹²Buḡa qem aḡḡuba kewō jiyōk: “Mōnō ölöḡ mosōta kōna anbin. Nōḡḡōn köiputḡini akiga eḡḡōn ölöḡ nōmbuk kaḡetka anbin.”

¹³Mewō jiyōkmō, Jeikobnōḡ kewō jiyōk: “Azi kembuni, mötnōḡ. Nahōnbōraturupḡi yeḡḡōn ösumḡini eretḡi akze aka lama namḡi aka

bulmakau namŋi moröŋini juzu eŋgimakzei, nöŋön mi köyan köl eŋgimakzal. Mewö aiga i köna anmegöra wehön mohotkö dop könöpuk eŋguataŋgöbinak ewö, yeŋön mönö ösumŋini eriga kambu körek pakpak kömumbeak. ¹⁴Mewögöra azi kembuni, gi ölop mutuk anöŋga welen azigi nöŋön ösöŋösöŋ andöge guataŋgöba kamam. Sömbup eŋguataŋgöbi wösöne mutuk anmei aka nahönböraturupni ösumŋinaŋgö dop ösöŋösöŋ kaba mala mala biaŋ Seir mire ketanjamni göhöreŋ kaŋgotpin.”

¹⁵Mewö jiiga Isonöŋ kewö jiyök: “Mewö aiga nöŋön ölop aziurupni tosatŋi eŋgömosötpiga göbuk ösöŋ kame. “Mewö jiiga Jeikobnöŋ kewö qesiyök: “Gi mönö wuanöŋgöra mewö akanak? O azi kembuni, ni göhö jege ak-kömukömu miwikŋaibiga lök dop köl ningim teköza.”

¹⁶Mewö jiiga Isonöŋ wehön miangöreŋök liliŋgöba anda Seir miriŋe aŋgorök. ¹⁷Jeikobnöŋ Sukot mire anda miangöreŋ nanŋi miriŋi esiba sömbupurupŋi yeŋgöra koumŋi koumŋi qeyök. Mewögöra miri gölme miangö qetŋi Sukot (Koumkoum) qerakze. Mewö.

¹⁸Jeikobnöŋ mewö Mesopotemia (Padan Aram) gölme mosörök. Mosöta kaba Keinan gölmegö taon qetŋi Sekem miangöreŋ ölopŋanök ölülop kaŋgorök. Kaŋgota opo seri koumŋi taon kösutŋe gölme köröŋe möröreŋgöba kuŋguba tatket. ¹⁹^mOpo seri koumŋi gölme köröŋe kuŋguyöhi, yaŋön gölme kitipŋi mi Sekemgö iwiŋi Hamor yaŋgö nahönurupŋi yeŋgöreŋök silwö kötŋi 100 miangön bohonŋi meyök. ²⁰Bohonŋi memba miangöreŋ jöwöwöl alta kun memba qetŋi “El, Israelgö bem Anutuŋi,” mewö qerök. (El bem)

Sekem yeŋön Daina mem bölim waŋgiget.

34 ¹Leanöŋ Jeikobkö böratŋi Daina meyöhi, yaŋön nalö kunöŋ Keinan ambi seram eŋgekŋamgöra anök. ²Aniga gölme miangö azi kembuŋi Hamor yaŋön Hiwi könagesögö azia malök. Yaŋgö nahönŋi Sekem yaŋön Daina eka miangöreŋök eksihim möta öröba mem bölim waŋgiyök. ³Sekemnöŋ wölbötŋi Jeikobkö böratŋi Dainagöra pöröraköiga jöhöba urukalemŋan jöpaköm waŋgiba kelök keuŋan jiba tutuhum waŋgiba malök. ⁴Tutuhum waŋgiba mala iwiŋi Hamor kewö jii mörök: “Iwini, gi ölop ambi seram ki nöŋgö anömna akŋapköra keu nup meman.”

⁵Nalö miangöreŋ Jeikobkö nahönurupŋi yeŋön gölme köröŋe anda mirigö sömbupurupŋini galöm köl eŋgiba malgetka Sekemnöŋ Daina mem böliiga iwiŋi Jeikobnöŋ böratŋaŋgö keu buzupŋi mi mewö mörök. Mi mörökmö, mi mösamböta nahönurupŋan mire kaŋgotmegöra keu bök mamböta tarök. ⁶Mamböta tariga Sekemgö iwiŋi Hamor yaŋön keu nup memamgöra Jeikobköreŋ kayök. ⁷Kaba tariga Jeikobkö nahönurupŋan gölme köröŋeyök kaŋgotket. Kaŋgota miangöreŋök yuai asuhuyöhaŋgö

^m 33.19 Jos 24.32; Jon 4.5

kösohotŋi mi kewö mötket: Sekemnön Jeikobkö bōratŋi mem böliba Israel könagesö sutŋine silik gamuŋambuk ahök. Silik mi kude ahakŋaŋgö dop ahök. Mi möta uruŋinan kömbuhiiga wösöbirik möta urupik aket.

⁸Urupik aketmö, Hamornön kewö jii mötket: “Nahöni Sekemgö uruwölbötŋaŋgö sihimŋi mi engö nenbōratŋinaŋgöreŋ mösölatiba tatza. Miangöra ölop jim tekögetka Dainanön yangö anömŋi akawak. ⁹Ölop nembuk nenbōraturupnini utekutek aka aŋguin anda kaiga malbin. Mewö ölop qenaqena aka malbin. ¹⁰Mewö aka ölop neŋgö sutnine tata malme. Nini gölmenini ki mi qahö aŋgön kölbinmö, iŋini ölop miangöreŋ laŋ anda kaba sihimŋinaŋgö dop gölme kitipŋi kitipŋi buŋa qem aŋguba miriŋini memba nembuk aŋgumnep-qanŋumnep aka malbin.”

¹¹Mewö jiiga Sekemnön Dainagö iwinenurupŋi yeŋgöra kewö jiyök: “Nöhön engö jeŋine ak-kömükömu miwikŋaimamgö möta qesim engizal. Miangöra i me waigö qesim niŋgimei, nöŋön mi ölop engimam. ¹²Ambi bohonŋi aka kalem memba kaba engimami, miangö qötöŋi mi ölop sihimŋinaŋgö dop memba öŋgöme. I me waigö qesim niŋgimei, nöŋön mi ölop engimam. Keuni kötŋi ki: Eŋön mönö jim teköba nenbōratŋini niŋgigetka nöŋgö anömna akŋa.”

¹³Sekemnön nenŋini Daina mem böliyöhaŋgöra aka Jeikobkö nahönurupŋi yeŋön isimkakalek qakŋe Sekem aka iwiŋi Hamor meleŋ etkiba ¹⁴keu kewö jigetka mötket: “Azi kungö sileŋe Anutugö aiwesökŋi qahö yandigeri, nini nenbōratnini azi mewöŋi ölop qahö waŋgibin. Mewö aHINGA gamumamusumnön qaknine öŋgöbapuk. Miangöra nini i waŋgibingö osizin. ¹⁵Iŋini silik mohok-kun kewö aketka neŋön urumohot akin: Mutuk Anutugö aiwesökŋi mi aziurupŋini pakpak engö sileŋine yandiget teköiga nini maljin ewö akŋe ewö, mönö nenbōratnini ölop engibin. ¹⁶Mewö aketka ölop embuk nenbōraturupnini utekutek aka aŋguin anda kaiga malbin. Mewö ölop engö sutŋine tata könagesö kambu mohok aka malbin. ¹⁷Mewö malbinmö, Anutugö aiwesökŋi sileŋine yandibingö urumohot qahö akŋe ewö, nini mönö nenbōratnini waŋgita kungen anbin.”

¹⁸Keu mewö jigetka Hamor aka nahönŋi Sekem yetkön keu mewöŋi miangöra mörohotka dop kölök.

¹⁹Mewö mörohotka azi gwabö Sekemnön iwiŋaŋgö saiwaurupŋi yeŋgö sutŋine tosatŋi engongita qetbuŋa ketanŋi memba malök. Yangö urusihimŋan Jeikobkö bōratŋaŋgöra gwötpuk ahöyöhaŋgöra aka keu jigeri, mi wuatangömamgö eksekpeksek qahö aka nalö qahö qem körüi öŋgöyök.

²⁰Mewö aiga Hamor aka nahönŋi Sekem yetkön Sekem taongö azi alaurupŋi yembuk keu jibingöra taongö naŋgu kösutŋe totoko sombemŋine anda kewö jiyohot: ²¹“Azi kieŋön nembuk ala ölopŋi ak aŋgumakze. Miangöra nini ölop jim teköinga yeŋön neŋgö gölmenön

tata laŋ anda kaba miriŋini memba nembuk aŋgumnep-qanŋumnep aka malbin. Yeŋön gölme kitipŋi memegöra tiŋi gwötpuk ahöza. Nini ölop yembuk nenböraturupnini utekutek aka aŋguin anda kaiga malbin. ²²Nini silik mohok-kun kewö ahinga azi mienjön nembuk malbingö urumohot akje: Anutugö aiwesökŋi mi azi mienjögö silejine yandiget ahözawi, mianggö dop mi mutuk körek neŋgö silenine mewöyök yandiin teköiga nini ölop yembuk könagesö kambu mohot aka malbin.

²³“Mewö ahinga yeŋgöreŋ mirigö sömbup kambuŋini aka sukinap yuaiŋini pakpak mi mönö nanini buŋaya akje. Mianggöra keu jigeri, mi ölop möta imbi kölinga yeŋön neŋgö sutnine tatat dundumŋini miwikŋaiba malme.”

²⁴Mewö jiyohotka taongö kiripo naŋguŋe kaba tokogeri, yeŋön körek Hamor aka nahönŋi Sekem yetkö keugöra urumohot aka jigetka Anutugö aiwesökŋi mi Sekem taongö azi pakpak yeŋgö silejine yandim teköget.

²⁵Yandim tekögetka wehön 3:ŋi aiga mianggöreŋ uziŋinaŋgö sihimbölöŋi mi tok toroqeba möta tatketka Jeikobkö nahönŋi yahöt Simeon aka Liwai, Dainagö nenyahötŋi yetköŋ bimgö souŋiri ketaŋi memba taon mianggöreŋ saŋgabaŋga anda tihitŋini qahö möta tatketka wölaŋ bim qeba azi pakpak qaurapaŋ enŋuyohotka kömum teköget. ²⁶Hamor aka nahönŋi Sekem mi mewöŋanök bimgö sou ketaŋan etkuyohotka kömuyohot. Kömuyohotka Sekemgö mireyök nenŋiri Daina mi öröba eta waŋgita anohot.

²⁷Mewö ahotka Jeikobkö nahönurupŋan Sekemnöŋ nenŋini mem bölim waŋgiyöhaŋgöra aka taonöŋ kiŋkiŋgöba anda azi qamötŋini engeka taongö sukinap yuaiŋi kiom qeba yoŋgorö meget. ²⁸Lama, meme, bulmakau aka doŋki kambuŋi kambuŋi aka öröyuaiŋini pakpak taon uruŋe aka gölme köröŋe ahögeri, mi pakpak kalöpköba mem teköget. ²⁹Sukinap yuaiŋini pakpak otoŋda ambimoröurupŋini körek enŋuaŋgita miriŋine yuaiŋini tosatŋi ahöyöhi, mi mönö kölolohoba kiom qeba yoŋgorö memba tököba anget.

³⁰Mewö aketka Jeikobnöŋ Simeon aka Liwai kewö jii mörohöt: “Iŋiri mewö ahotka kahasililiŋ ketaŋaŋgö keuŋan mönö nöŋgö qakne öŋgöiga malmam. Gölme kianggö toŋi Keinan könagesö aka Periz könagesö yeŋön mönö kazik möt niŋgiba malme. Nöŋgö könagesöni nini awamdökŋi maljin. Mianggöra yeŋön yarö aziurupŋini tokom enŋgiba qetala bim yarö gil niŋgime ewö, yeŋön mönö ölop qaurapaŋ nuŋguba ni aka könagesöni ayuhum neŋgime.”

³¹Jeikobnöŋ mewö jii mörohötmö, yetköŋ keu kewö jiyohöt: “Kunöŋ neŋgö nenini köna ketaŋi ambi tandök ak waŋgiyöhi, nini mönö mianggö likepŋi melen enŋiinga dop kölja. “Mewö.

Jeikobnön Betel ani Anutunön kötuetköm waŋgiyök.

35 ¹Anutunön Jeikob keu kewö jii mörök: “Gi mönö wahöta Betel mire anda tatat dundungi miwikñaiba miangöreŋ Anutugöra jöwöwöl alta kun meman. Datki Isogöra ölöŋ köla anöŋga Anutunön nalö miangöreŋ asuhum gihiyöhi, mönö yaŋgöra alta mi meman.”

²Mewö jii möta Jeikobnön saiwaŋi aka ambazip pakpak yambuk malgeri, i kewö jim kutum enŋiyök: “Lopioŋ bem yuai tömbuŋi sutjine ahözei, mi mönö qeköba gilget geiga köl könjörat mem aŋguba sileŋjini saŋgoŋda opo malukuŋjini uteköme. ³Ni köŋjiliŋ uruŋe mala Anutu köuluköbiga meleni niŋgiyök aka denike denike anda kaba malali, yaŋön miangöreŋ nömbuk mala korök. Miangöra iŋjini mönö kagetka Betel mire anbin. Nöŋön miangöreŋ Anutugöra jöwöwöl alta kun memam.” ⁴Mewö jim kutum enŋiiga böröŋjine lopioŋ yuai tömbuŋi pakpak ahögeri aka kezapŋjine jeŋjeŋ möndögeri, mi qeköba kölolohoba Jeikob waŋgiget. Waŋgigetka anda in ip kun Sekem mire kinöhi, miangö könaŋe gölmenön esim löm kölök.

⁵Mewö aka wahöta angetka taonŋi taonŋi liliköba tatkeri, Anutunön könagesöŋjini miengö uruŋjini kuŋguiga waekanjam möta elemŋjini eri Jeikob aka nahönurupŋi mi qahö enŋuatangöget. ⁶Mewö anda mala Jeikobnön könagesöŋi pakpak yambuk malgeri, mi enŋuangita Luz mire aŋgotket. Luz qetŋi alaŋi Betel mi Keinan gölmenön ahöza. ⁷Miangöreŋ aŋgota Jeikobnön jöwöwöl alta kun meyök. Datŋangöra ölöŋ köla anöhi, nalö miangöreŋ Anutunön gölme miangöreŋ asuhum waŋgiyök. Miangöra Jeikobnön miri gölme miangö qetŋi El-Betel qerök. (El-Betel Betelgö Bemŋi.) ⁸Betel miangöreŋ malgetka Rebekagö welen ambiŋi Debora yaŋön kömuyök. Kömuiga Betel miri baŋŋe qerema ip kungö könaŋe löm kölget. Jiŋgeŋ qeta sahötkerangöra aka qerema ip miangö qetŋi Jiŋgeŋ sahötök qeremaŋi mewö qetket.

⁹Jeikobnön Mesopotemia (Padan Aram) gölmenöhök lilingöba kaiga Anutunön kumbuk asuhum waŋgiba kötuetköm waŋgiyök. ¹⁰Kötuetköm waŋgiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak könahiba öŋgöba qetki mi Israel ahöma. “Kembunön mewö jiba qetŋi Israel qerök. (Israel Anutubuk aum-möriyohot.)

¹¹Qetŋi mewö qeta toroqeba Jeikob kewö jii mörök: “Nöŋön Anutu kukösum pakpakö Toŋi akzal. Gi ölöp ahumsehip aknöŋga gwölönarökurupki yeŋgö qötöŋinan mönö qarim öŋgöma. Göhöreŋök könagesö gwötputk aka könagesö kambuŋi kambuŋi asuhume. Gi kiŋi kiŋi yeŋgö bömön jalöŋjina akŋan. ¹²Nöŋön gölme Abraham aka Aisak

^a 35.1 Jen 28.11-17; 10 Jen 32.28; 11-12 Jen 17.4-8; 14-15 Jen 28.18-19

buṅa qem etkiali, mi mönö göhö buṅaya qemam aka göhö andöge gwölönarökurupki yenḡö buṅaya mewöyök akṅapkörä mi qemam.”

¹³Anutunöṅ keu mewö jii möriḡa Jeikob mosöta miri miangörenḡök öṅgöyök. ¹⁴Anutunöṅ keuṅji jii möröhi, Jeikobnöṅ gölme miangörenḡ mötök köt kun memba wahöta kuṅguba mi wain o nalukṅan miriba miangö qakṅe oil ipkö kelökṅi mokoi geyök. ¹⁵Anutunöṅ yambuk keu jiyöhi, Jeikobnöṅ miri gölme miangö qetṅi Betel (Anutugö miriṅi) qerök. Mewö.

Reizölnöṅ kömuyök.

¹⁶Miangö andöṅe Jeikobnöṅ saiwaurupṅi eṅguangita Betel miri mosöta anda mala Efrata miri dopdowigetka Reizölgö morö meme nalöṅan kam kuṅguiga masö keta bölökṅi qeyök. ¹⁷Masö qönsihimṅambuk ketanṅan qeyöhi, nalö miangörenḡ anḡö meme ambinöṅ keu kewö jii mörök: “O Reizöl, keṅgötḡi kude mötnöṅ. Gi mönö nalö kewöṅe mewöyök morö azia kun kunbuk meman.”

¹⁸Mewö jiiga morö memba kömumangö aka timotṅi mem kuṅgui ahöba qetṅi miangöra Benoni qerök. (Benoni sihimbölönangö nahöni) Mewö qerökmö, iwiṅan qetṅi Benjamin qerök. (Benjamin Simbawoṅ nahöni)

¹⁹Reizölnöṅ mewö kömuiga Efrata köna töwokṅe Betlehem miangörenḡ löm kölget. ²⁰Löm kölgetka Jeikobnöṅ mötök köt kun memba Reizölgö qaksirinöṅ kuṅguyök. Reizölgörenḡ mötök köt mi nalö kewöṅe mewöyök toroqeba kinja.

²¹Mewö asuhuiga Israelnöṅ miri mi mosöta toroqeba anda mala Eder miri^o köröṅṅangö likeṅṅe aṅgota opo seri koumṅi miangörenḡ möröreṅgöba kuṅguyök. Mewö. ²²^pJeikobkö saiwaurupṅi yenḡön gölme miangörenḡ tata mala nahönṅi mutukṅi Ruben yanḡön iwiṅangö anömṅi bohönṅi qahö memeni Bilha yanḡörenḡ anda mohotṅe ahöyohotka iwiṅi Israelnöṅ miangö buzupṅi mörök.

Jeikobkö nahönurupṅi

1 Hist 2.1-2

²³Jeikobkö nahönurupṅi 12 mi kewö: Leagö nahönurupṅi Ruben mi Jeikobkö nahönṅi mutukṅi. Yanḡö andöṅe Simeon, Liwai, Juda, Isakar aka Sebulun. ²⁴Reizölgö nahönyahötṅi qetṅiri Josef aka Benjamin. ²⁵Bilha Reizölgö welen ambigö nahönyahötṅi mi Dan aka Naftali. ²⁶Zilpa Leagö welen ambigö nahönyahötṅi mi Gad aka Aser. Jeikobkö nahönurupṅi mewö mi Mesopotemia (Padan Aram) gölmenöṅ asuhuget. Mewö.

^o 35.21 der lama kambugö jegalöm meme miri köröṅṅi ^p 35.22 Jen 49.4

Aisaknōh kōmuyōk.

²⁷Jeikobnōh anda mala Kariat Arba (qetji alaŋi Hebron) miangō kōsutŋe Mamre mire iwiŋi Aisakōreŋ aŋgorōk. Asaŋi Abraham aka iwiŋi Aisak yetkōn mutuk gōlme miangōreŋ kian aka malohot. ²⁸Iwiŋi Aisakō malmal nalōŋi mi yambu 180 aiga kōmuyōk. ²⁹Azi namŋi aiga yambuŋan ōliiga nōh qeba kōmumba ambōsakonurupŋi yeŋgōreŋ toroqeyōk. Nahōnyahōtŋi Iso (Esau) aka Jeikob yetkōn qamōtŋi mi lōm kōlohot. Mewō.

Isogō gwōlōnarōkurupŋi i Hist 1.34-36

36 ¹Iso qetji alaŋi Edom yaŋgō gwōlōnarōkurupŋi yeŋgō qet areŋini kewō: ²Isonōh Keinan ambi karōbut eŋgimeyōhi, miengō qetjini kewō: Ada mi Hit azi Elon yaŋgō bōratŋa, Oholibama mi Hiwi azi Zibeongō nahōnŋi Ana yaŋgō bōratŋa. ³Basemat mi Ismaelgō bōratŋi Nebaiotkō nenŋi. ⁴Adanōh Isogō nahōnŋi Elifaz meiga Basematnōh yaŋgō nahōnŋi Reuel meyōk. ⁵Oholibamanōh Jeus, Jalam aka Kora eŋgōmeyōk. Isogō nahōnurupŋi mewō mi Keinan gōlmenōh asuhuget.

⁶⁻⁷Jeikob aka Iso yetkōreŋ mirigō sōmbup kambuŋi kambuŋi gwōtŋpuk ahōgeraŋgōra gōlme kiana malohori, miangōn qahō dop kōlōk. Sukinapŋiran keta bōlōkŋi aiga mohotŋe tata malbingō osiget. (6) Miangōra Isonōh anōmurupŋi, nahōnbōraturupŋi aka kōnagesōurupŋi pakpak yaŋgō mire malgeri, mi eŋguangirōk. Mi eŋguangita lama bulmakau kambuŋi kambuŋi, doŋki kamelurupŋi aka sukinap yuaiŋi pakpak Keinan gōlmenōh mala miwikŋaiyōhi, mi memba munŋi Jeikob mosōta gōlme kunōh anōk. ⁸Iso qetji alaŋi Edom yaŋgōn mewō aka Seir gōlme kundunambuk miangōreŋ anda malget.

⁹Isonōh Seir gōlme kundunambuk miangōreŋ mala Edom kōnagesō yeŋgō bōmōn jalōŋini ahōhi, yaŋgō gwōlōnarōkurupŋi yeŋgō qet areŋini kewō: ¹⁰Isogō nahōnurupŋi yeŋgō qetjini kewō: Anōmŋi Ada yaŋgō nahōnŋi qetji Elifaz. Anōmŋi Basemat yaŋgō nahōnŋi qetji Reuel. ¹¹Elifazkō nahōnurupŋi 5 mi Teman, Omar, Zefo, Gatam aka Kenaz. ¹²Isogō nahōnŋi Elifaz yaŋgō anōmŋi bohōnŋi qahō memenŋi qetji Timna yaŋgōn Elifazkō nahōnŋi Amalek meyōk. Isogō anōmŋi Ada yaŋgō isi aziurupŋi mi mewō. ¹³Reuelgō nahōnurupŋi 4 mi Nahat, Zera, Sama aka Miza. Isogō anōmŋi Basematkō isi aziurupŋi mi mewō.

¹⁴Isogō anōmŋi Oholibama yaŋgōn Isogō nahōnurupŋi karōbut eŋgōmeiga qetjini Jeus, Jalam aka Kora qetket. Oholibama mi Zibeongō nahōnŋi Ana yaŋgō bōratŋi ahōk.

¹ 35.27 Jen 13.18 ² 36.2 Jen 26.34; 3 Jen 28.9

¹⁵Isogö gwölönarökurup kambuñi kambuñi yengö azi kembuñini mi kewö: Isogö nahönñi mutukñi Elifaz yangö nahönurupñi mi azi kembu qetñini Teman, Omar, Zefo, Kenaz, ¹⁶Kora, Gatam aka Amalek. Elifazkö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Ada yangö isiurupñi aket.

¹⁷Isogö nahönñi Reuel yangö nahönurupñi mi azi kembu qetñini kewö: Nahat, Zera, Sama aka Miza. Reuelgö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Basemat yangö isiurupñi aket.

¹⁸Isogö anömñi Oholibama yangö nahönurupñi mi azi kembu qetñini kewö: Jeus, Jalam aka Kora. Azi kembu mi Isogö anömñi Oholibama, Anagö böratñi yangö nahönurupñi aket. ¹⁹Iso (Esau) qetñi alañi Edom yangö nahönurupñi mewö aka yengö könagesöurup miengö azi kembuñini mi mewö.

Seir könagesögö qet areñi

1 Hist 1.38-42

²⁰Hor könagesögö azi Seir yangö nahönurupñi mutuk Edom gölmenöñ malgeri, yengö qetñini kewö: Lotan, Sobal, Zibeon, Ana, ²¹Dison, Ezer aka Disan. Seirgö nahönurupñi mi mutuk Edom gölmenöñ Hor könagesögö yengö azi kembuñina malgetka Isonöñ könangep kayök.

²²Lotangö nahönyahötñi yahöt mi qetñiri Hori aka Heman. Lotangö nenñi qetñi Timna.

²³Sobalgö nahönurupñi qetñini kewö: Alwan, Manahat, Ebal, Sefo aka Onam.

²⁴Zibeon yangö nahönyahötñi yahöt qetñiri Aia aka Ana. Anagö kösohotñi kewö: Yanön iwiñi Zibeongö doñkiñi gölme qararañkölkölñe galöm köñ engii nene jaruba negetka miangöreñ o jeñi jeñi könöpñinambuk miwikñaiyök. ²⁵Anagö nahönböratyahötñi yahöt mi nahönñi Dison aka böratñi Oholibama. ²⁶Disongö nahönurupñi qetñini kewö: Hemdan, Esban, Itran aka Keran.

²⁷Ezergö nahönurupñi qetñini kewö: Bilhan, Zawan aka Akan.

²⁸Disangö nahönyahötñi yahöt qetñiri Uz aka Aran.

²⁹Hor könagesöñi könagesöñi yengö azi kembu-urupñini yengö qetñini mi Lotan, Sobal, Zibeon, Ana, ³⁰Dison, Ezer aka Disan. Hor könagesöñi könagesöñi yengö azi kembu-urupñini mi areñinangö dop Seir gölmenöñ mewö malget. Mewö.

Edom yengöreñ kiñ kembu areñi

1 Hist 1.43-54

³¹Israel könagesögö yengöreñ kiñ kembu kun qahö galöm köñ engiiga qeljñe nalö miangöreñ kiñ kembu kewöñan lök Edom gölme miangöreñ

galöm köl enggiba malget: ³²Beorgö nahönñi Bela yañön Edom yengö kiñ kembuñini ahök. Yañgö sitiñangö qetñi Dinhaba.

³³Belanöñ kömuiga Bozra mirigö azi qetñi Jobab, Zeragö nahönñi yañön Belagö salupñe kiñ aka malök. ³⁴Jobabnöñ kömuiga Teman gölmegö azi qetñi Husam yañön salupñe kiñ aka malök. ³⁵Husamnöñ kömuiga Hadad, Bedadkö nahönñi yañön salupñe kiñ aka malök. Hadadnöñ Moab gölmenöñ anda Midian azi yembuk yarö gila engguba luhut alök. Yañgö sitiñangö qetñi mi Awit. ³⁶Hadadnöñ kömuiga Masreka mirigö azi qetñi Samla yañön salupñe kiñ aka malök.

³⁷Samlanöñ kömuiga Saul yañön salupñe kiñ aka malök. Yañgö miriñi Rehobot mi Yufreitit o töwatñangö kösutñe ahöyök. ³⁸Saulnöñ kömuiga Balhanan, Akborgö nahönñi yañön Saulgö salupñe kiñ aka malök. ³⁹Akborgö nahönñi Balhanan kömuiga Hadarnöñ salupñe kiñ aka malök. Yañgö sitiñangö qetñi mi Pau. Anömñangö qetñi Mehetabel. I Matredgö bōratñi aka Mezahabgö isiñi malök.

⁴⁰Isogö gwölönarökurupñi yengö azi kembu qet areñi mi isikñinangö dop aka miri gölmeñinangö dop kewö ahök: Timna, Alwa, Jetet, ⁴¹Oholibama, Ela, Pinon, ⁴²Kenaz, Teman, Mibzar, ⁴³Magdiel aka Iram. Azi mi Edom könagesögö azi kembu-urupñina malgetka qetñinangö dop miri gölmeñinangö qetñini qetket. Edom qetñi alañi Iso yañön mutuk gölme memba tata mala Edom könagesögö bōmōn jalōñi ahök. Mewö.

Josef aka darumunurupñi

37 ¹Aisaknöñ Keinan gölmenöñ kian aka maliga nahönñi Jeikobnöñ miangöreñ toroqeba malök. ²Jeikobkö gwölönarökurupñi miengö kösohotñini kewö: Josefnöñ azi gwabö yambuñi 17 aiga darumunurupñi, iwiñangö anömyahötñi bohonñiri qahö memeñi Bilha aka Zilpa yetkö nahönurupñi yembuk lama aka meme (noniñ) kambuñi kambuñi galöm köl enggiba malget. Mewö mala darumunurupñan silik akeri, miangö kösohotñi bölōñi bölōñi mi iwiñangö jii möta malök.

³Jeikobnöñ azi namñi aiga nahönñi Josefnöñ asuhuyōhi, miangöra iwiñan i nahönurupñi tosatñi pakpak enggongita uruñan jōpakōm wañgiba malök. Nalō kunöñ maluku körōpñi ekjeritñambuk bōrōñi körōpñi mi memba Josef wañgiyök. ⁴Iwiñan i darumunurupñi pakpak enggongita uruñan jōpakōm wañgiba malōhi, yañgö darumunurupñan mi eka könahiba kazik ak wañgiba yambuk ala-alagö keuñi kun qahö eraum-mōta malget.

⁵Suñgem kunöñ Josefnöñ gaun kun eka miangö kösohotñi mi darumunurupñi jiiga mötket. Mi mötketka uruñinan öngōiga kazik gwōtpuk ak wañgiba malget. ⁶Kōsohotñi mi kewö jiiga mötket: “Mōtket, ni gaun kun ekzali, mi kewö: ⁷Nini nupnōñ mala wit padi bōranini jōhōbingö tandök akzin. Mewö ahinga nōngōreñ wit padi bōrani miangōn

wahöta könggep kiniga enggörej böran mienjön mönön nonggörej böran liliköba sököba kinje.”

⁸Mewö jiiga möta darumunurupjan Josefköra kewö jiget: “Gi nenggörej kinj kembuya akanak me? Gi ölna galöm köl nehgimamgöra mötzan me?” Josefön gaunji eka mianggö kösohotji jiyöhi, mianggöra yenggö urujinan kunbuk toroqeba öngögiga kazik keta bölökji möt wanggiba malget.

⁹Mianggö andöje gaun kun kunbuk eka mianggö kösohotji darumunurupji kewö jiiga mötket: “Nöjön gaun kun ekiga mianggörej wehön, köinj aka sengelau 11 miejön nonggöra sipköget.”

¹⁰Kösohotji mi iwiñi aka darumunurupji jii mötketka iwiñan tembula kewö jim wanggiyök: “Gi gaun tandökji mewöni mi denöwögöra ekzane? Ni, namgi aka darumunurupki nejön mönön denöwö aka göhörej kaba jemesoholge simin köla gölmenön bamgöbinak?” ¹¹“Mewö asuhuiga darumunurupjan urujinan mututqutut (jelös) möt wanggiba malgetmö, iwiñan keu mi uru könömje ali ahöiga mötmöriba malök. Mewö.

Josef bohonji memba wanggita Ijpt gölmenön anget.

¹²Nalö kunön Josefkö darumunurupji yejön iwiñinanggörej lama kambu-urupji galöm köl enggingöra Sekem miri kösutje anda malget.

¹³Mianggörej malgetka Israelnön Josef kewö jii mörök: “Nahöni, göhö darumunurupkan Sekem kösutje lama kambunini galöm köl enggiba maljei, mi mötzan. Ölop kanöngga melaim gihibi yenggörej anman. “Mewö jiiga möta “Ölop anmam,” jiyök.

¹⁴Jiiga kewö jii mörök: “Gi mönön anda darumunurupki aka lama kambunini enggeka denöwö maljei, mianggö keu kösohotji mi memba lilinggöba kaba jinöngga mötmam. “Mewö jii möri Hebron örueneyök (ruerueyök) melaim wanggiiga anda mala Sekem gölmenön angörök.

¹⁵Sekem gölmenön angota gölme köröje köna jaruba lañ anda maliga azi kunjan miwikñaiiba eka kewö qesim wanggiyök: “Gi wani yuaia jaruba maljan?”

¹⁶Qesim wanggiiga kewö meleñnök: “Ni darumunurupni yenggöra jaruzal. Yejön denikeanggörej mala lamaurupjini galöm köl enggizei, mi ölop jinöngga mötmam.”

¹⁷Mewö meleñniga kewö jiyök: “Yejön lök gölme ki mosöta anget. Dotan mire anbingöra jigetka möral. “Mewö jiiga möta darumunurupji yenggö könanjine enguatanggöba mala Dotan miri kösutje anda miwikñaim enggiyök.

¹⁸Miwikñaim enggiba kösutjine qahö angörökmö, tikep endu kaiga darumunjan i eka tokoba Josef qebingö angönañ alget. ¹⁹Angönañ ala nanjinök kewö eraum-mötket: “Eket, gaun ehek azi miangjön mönön endu

° 37.11 Apo 7.9

kaza. ²⁰Ayop, mönö kagetka anda qein kömuiga qamötñi o lömñi kunöñ gilin geiga kewö jibin: ‘Sömbup kalñan mönö i qei kömuyök.’ Gaunñangö ölnan denöwö asuhumawi, mi mönö miangö andöñe ekin.”

²¹Mewö eraum-mötketka Rubenöñ mi möta Josef böröñineyök meköba malmalñi jöhömamgöra möta kewö jiyök: “I mönö kude qeinga kömuma.”

²²Toroqeba kewö jii mötket: “Sepñi mönö kude mokome. Göłme qararañkölkölñe o löm ki kinjawi, i ölop miangöreñ gilgetka gemapmö, böröñinan mönö yañgö sileñe kude misiriba qeme. “Rubenöñ Josef böröñineyök meköba añañön köla wañgita iwiñañgöreñ lilingöba anbitköra möta keu mewö jiyök.

²³Mewö jii möta kingetka Josefnöñ darumunurupñi yeñgöreñ kañgorök. Kañgoriga malukuñi köröpñi ekjeritñambuk böröñi köröpñi wöta kayöhi, mi lañ öröba munjurata qeköget. ²⁴Mi qeköba munñini qeraköba memba anda o lömnöñ gilgetka geyök. O löm mi oñi qahöpmö, gwamöñña kinök.

²⁵Mewö aka nene nemingö eta tatket. Eta tata jeñini uget aniga Ismael könagesögö kölköl-örörö azi tosatñan Gilead miri mosöta kamelñini totnöñ totnöñ al eñgiba awatañ kagetka eñgeket. Yeñön kamel qakñine gipmi bakötök, sile mirimirigö kelökñi aka marasin ip tokuñi qetñi mör gipit mi algetka bisiba Ijpt kantrinöñ anbingöra kaget.

²⁶Mewö eñgeka Judanöñ darumunurupñi kewö jii mötket: “Nini munini qein kömuiga sepñangö keuñi köyatiba asambötpin ewö, miangön mönö denöwö bauköm neñgibawak? ²⁷Yañön nanini munini aka nanini sepkitipnini akzawañgöra mönö böröñinan sileñe kude misiriba qebinmö, ölop kagetka anda Ismael azi miengön i söñgöronñi memegöra eñgibin. “Mewö jiiga darumunurupñan mi möta urumohot aka imbi kölget.

²⁸‘Mewö aketka Midian göłmegö Ismael könagesögö kölköl-örörö azi miengön kaba kañgota eñgöñgitpingö aket. Mewö aketka munñini Josef mi o lömnöhök öröget koriga silwö kötñi 20:nöñ söñgöronñi memegöra al wañgiget. Al wañgigetka Ismael azi miengön i bohonñi memba wañgita Ijpt kantrinöñ anget.

²⁹Angetka Rubenöñ kungenök lilingöba o lömnöñ kaiga Josefnöñ miangöreñ kunbuk qahö kiniga eka wösöñi juliga wösöbirikñi kondela malukuñi munjurarök. ³⁰Malukuñi munjurata munurupñi yeñgöreñ lilingöba kaba kewö jiyök: “Morö gwabönöñ mönö denike ayapköba sohoza? Ye! Miangö keuñan nöñgö qakne öñgöiga mönö denöwö akileñak?”

³¹Mewö jiiga meme (noniñ) aziñi kun memba qeget kömuiga Josefköreñ malukuñi memba meme miangö sepñan kundumgöba membiliget. ³²Membiliba malukuñi köröpñi ekjeritñambuk böröñi

köröpñi mi memba mire anda iwiñi kondela kewö jiget: “Nini ki miwikñaizin. Mi nahöngi Josefköreña me qahö, mi ölop ek kewötman.”

³³Mewö jigetka ek kewöta kewö jiyök: “Ki mi nahönañgörej malukuya. Sömbup kalñi kunñan mönö yaijapalelej qei kömuiga gwahörök. Ölnja, Josef mi yöhöqöhötiiga boromborom ahök.” ³⁴Mewö jiba amburereñ aka wösöbirikñi kondela malukuñi munjurata sileñi gölmenöñ membiliba nahönañgö nalö köröpñi jingereñ köla sahöta malök. ³⁵Mewö maliga nahönbörataturupñi pakpak yeñön kaba urukölalep mem wañgibingö aketmö, yeñön mi qetala tököba urukondumök möta kewö jiyök: “Qahö! Nöñön mönö jingereñ köla sahöta mala kömumba ujem mire nahönañgörej gemam. “Mewö jiba Josefköra sahöta malök.

³⁶Mewö maliga nalö miangörej Midian gölmegö kölköl-örörö azi yeñön Josef wañgita Ijpt kantrinöñ añaota bohonñi memegöra algetka Farao kiñgö jembonñi kun qetñi Potifar, kiñgö malmalñangö sikiriti yeñgö suahö galömñina malöhi, yeñön i söñgöronñi meiga welenqeqeñi omani ahök. Mewö.

Juda aka Tamar

38 ¹Nalö miangörej Judanöñ darumunurupñi eñgömosöta yagömanñe Adulam mire geba azi kun qetñi Hira yambuk tata malök. ²Miangörej mala Judanöñ Keinan azi kun qetñi Sua yañgö böratñi eka anömña meiga mohotñe ahöyohot. ³Mohotñe ahöyohotka anömñan gölöm ala morö nahön memba qetñi Er qerök. ⁴Mewö qeta kunbuk gölöm ala morö nahön kun memba qetñi Onan qerök. ⁵Miangö bapñe dumñe kunbuk morö nahön kun memba yañgö qetñi Sela qerök. Morö nahön mi Kezib mire mala miangörej meyök.

⁶Mewö malgetka Judanöñ nahönñi mutukñi Er yañgöra ambi kun qetñi Tamar wañgiiga anömña ahök. ⁷Anömña ahökmö, Judagö nahönñi mutukñi Er yañön Kembugö jeñe bölöñi aka memba malöhi, miangöra Kembunöñ jim teköm wañgiiga kömuyök. ⁸Kömuiga Judanöñ nahönñi Onangöra kewö jiyök: “Gi ölop datkahö malöñi memba qambötñi akzanañgö köna keuñi wuatangöba yambuk ahöba datkahöra gwölönarök qiwikñaiman.”

⁹Mewö jiyökmö, Onanöñ gwölönarök mi yañgö buñaya qahö akñawi, mewö möta silik kewö aka malök: Datñangöra gwölönarök qiwikñaiabapüköra yañgö anöm malöñambuk ahöba malöhi, nalö miangörej nalö dop morö qiwiqiwikñaigö sile onñi mi öne gölmenöñ qokoba malök. ¹⁰Silik mewö aka malöhi, mi Kembugö jeñe bölöñi ahök. Miangöra Kembunöñ i mewöyök jim teköm wañgiiga kömuyök. ¹¹Kömuiga Judanöñ iranñi Tamargöra kewö jiyök: “Gi mönö iwigahö mire lilingöba anda malöya mala malnöñga nahöni Selanöñ qariba ketanñi akagun gi gömima. “Kengötñi kewö mötmöriba mewö jiyök:

Selagö datyahötņan kömuyohotka yaņön miangö dop mala mewöyök kömumbapuk. Mewö mötmöriba Tamargöra jiiga iwiņangö mire lilingöba anda miangöreņ tata malök.

¹² Miangöreņ tata maliga nalö köröpņi teköiga Suagö böratņi, Judagö anömnı yaņön kömuyök. Kömuiga jinņeņ köla sahöta mali teköiga Judanöņ miri gölme qetņi Timna miangöreņ azi tosatņan nanņi lamaurupņi yeņgö jupņini mitigeri, i engekņamgöra öņgöyök. Adulam mirigö azi alaņi Hira yambuk mohotņe miangöreņ öņgöyohot. ¹³ Öņgöyohotka Tamargöra buzup kewö jigetka mörök: “Mötnöņ, göhö azi irangan mönö lamaurupņi yeņgö jupņini mitimamgöra aka Timna miri gölmenöņ anja.”

¹⁴ Mewö jigetka mörök. Judagö nahönņi Selanöņ lök qariba ketaņi aiga töndup i anömnı akņapköra qahö waņgiyök. Miangöra Tamarnöņ malö malmamgö malukuņi qeköba nörop kawöseņnöņ nörop jeņi esuhuba turum aņguyök. Mewö aka Timna anangö könanöņ anda taon qetņi Enaim miangöreņ aņgota kiripo naņgu kösutņe tarök.

¹⁵ Tariga Judanöņ kaba eka jemesoholņi esuhuyöhaņgöra i qahö ek kutuba mi köna ketaņi ambia mewö mötmöriyök. ¹⁶ Iranņa taröhi, mi qahö möt kutuyöhaņgöra aka köna jitņe yaņgöreņ anda kewö jiyök: “Ölöp kanöņga nöņön göbuk ahöbit. “Mewö jiiga möta kewö qesiyök: “Nömbuk ahömanangö töwaņi mönö wani yuaia niņgiman?”

¹⁷ Mewö qesiiga kewö jiyök: “Ni nani kambunöhök meme moröņi gwaböņi kun albi göhöreņ kama. “Mewö jiiga kewö qesiyök: “Mi mutuk qahö kaba kaņgoriga keugahö ölnı akņawaņgö yuai kun mi niņgiman me qahö?”

¹⁸ Mewö qesiiga kewö jiyök: “Nöņgö keunangö ölnı akņawaņgö yuai kun mi mönö wani yuaia gihibileņak?” Mewö jiiga kewö meleņnök: “Köpep supapkan qetki mekötahömakzani, mi, miangö kösö wötņi aka öropki böroğan memba kinjani, mönö mia niņgiman. “Mewö meleņniga yuai mi waņgiba yambuk ahöiga gölöm alök. ¹⁹ Yambuk ahöba wahöta miriņe anda nörop kawöseņi luluņda qeköba malö malmamgö malukuņi mi kunbuk löņgöta malök.

²⁰ Mewö maliga Judanöņ nalö kunöņ Adulam mirigö azi alaņi Hira melaiba kewö jiyök: “Gi mönö meme (noniņ) moröņi gwaböņi memba anda ambi mi waņginöņga nöņgö keunangö ölnı akņawaņgö yuaiņi mi meleņ gihiiga memba kaman. “Nup mewö memapköra Hira melaiiga anökmö, Hiranöņ ambi mi qahö miwikņaiyök. ²¹ Qahö miwikņaiiba Enaim azi tosatņi kewö qesim eņgiba jiyök: “Jöwöwöl jikegö köna ketaņi ambinöņ Enaim kiangöreņ köna göraņe taröhi, mi denike?” Mewö jiiga kewö meleņda jiget: “Ambi mewöņi kun mi kiangöreņ qahö malök.”

²² Mewö jigetka Hiranöņ öne lilingöba Judagöreņ kaba jiyök: “Nöņön anda ambi mi qahö ehal. Miri miangö toņi yeņön mewöyök keu kewö

jigetka moral: 'Jöwöwöl jikegö köna ketanji ambiñi kun mi kiangörej qahö malök.' ”

²³Mewö jiiga Judanöñ kewö jiyök: “O alani, muat! Yañön yuai mi ölop memba malma. Yuai kun akirak, mönö gön köl netkigetka gamunöñ turum netkibapuk. Nöñön meme moröñi gwaböñi ki mi ölop albiga anökmö, göñön ambi mi qahö miwikñainöñ.”

²⁴Mewö jiiga köiñ karöbutkö dop teköiga tosatñan Judagöra buzup keu kewö jigetka mörök: “Göhö irangi Tamarnöñ mönö serowilin aka gölöm ala malja. “Mewö jigetka Judanöñ mi möta Mosesgö köna keugö dop jimkutukutu kewö alök: “I mönö wañgita örörahöba könöpnöñ gilgetka geba jema.”

²⁵I wañgita örörahöba angetka iranñan Judagöra keu kewö aliga anök: “O irani, yuai kienjö toñan mönö nömeiga gölöm ala maljal. Miangöra köpep supap ki, mianjö kösö wötñi aka öröp ki mönö ek kewöta tonji miwikñaiman.”

²⁶Keu mewö ali aniga möta nanñi yuaiñi mi ek kewöta kewö jiyök: “Yañön keu mi ölna jiza. Nöñön i nahöni Selagö anömñi akñapaköra qahö wañgial. Miangöra yañön mönö ni noñgita ambi diñdiñi aka keu mi jiza. “Mewö jiba ambi miambuk kunbuk qahö ahöyök.

²⁷Könañgep morö memangö nalöñan kam kuñguiga morö gösöñangö uruñe siwisiwi azi moröñi yahöt tarohot. ²⁸Tarohotka morö memangö aiga kunöñ böröñi suluiga erök. Eriga anjö meme ambinöñ mi eka möt kösö pisikñi pötpöt memba böröñe jöhöba kewö jiyök: “Yañön mutuk asuhuza.”

²⁹Mewö jiyökmö, morö mianöñ böröñi kunbuk öroi öngöiga alañan mutuk asuhuyök. Yañön asuhuiga anjö meme ambinöñ kewö jiyök: “O mönö mewö aka könagi munjurata asuhuzan. “Mewö jiiga qetñi Perez qetket. (Perez Könañi munjurata.) ³⁰Mianjö andöñe alañangö böröñe möt kösö pisikñi pötpöt ahöyöhi, yañön asuhuiga qetñi Zera qetket. (Zera pisikñi pötpöt) Mewö.

Josef aka Potifargö anömñi

39 ¹Nalö sutñe miangörej Ismael könagesögö kölköl-örörö azi yeñön Josef wañgita Ijpt kantrinöñ añgota bohonñi memegöra alget. Algetka Ijpt azi kun qetñi Potifar, Farao kiñgö jembonñi kun aka malmalñangö sikiriti yeñgö suahö galömñina malöhi, yañön i söñgöronñi meiga welenqeqeñi omañi ahök.

²Mewö aka maliga Kembunöñ Josefpuk kiniga yuai pakpak aka memba malöhi, miangörej mönö töhötmöriam miwikñaiyök. Yañön tonji Ijpt azi yañgö mire malök. ³Mewö maliga Kembunöñ Josefpuk

^u 39.2 Apo 7.9; 21 Apo 7.9

kinda kondot wanjiiga yuai pakpak böröjan memba malöhi, miañon mönö töhötmöríamñambuk ahök. Mewö aiga toñan mi ehök. ⁴Toñan mi ehi ölop dop köliga yangö jeñe eksihim miwikñaiiga jiiga nanñi malmalñangö galömñi ahök. Potifarnöñ Josef kuñgum wanjiiga miriñangö yuai pakpak galöm köliga sukinap buñañi pakpak yangö böröñe aliga köyan köla malök. ⁵Miriñangö yuaiñi aka sukinap buñañi mi pakpak Josefnöñ galöm kölmapköra böröñe ala malöhi, Kembunöñ nalö miañgöreñök könahiba Ijpt azi miañgö miri yuaiñi mi Josefköra aka kötuatköba malök. Potifargö miriñe aka nupñe öroyuaiñi pakpak ahöyöhi, mi mönö kötumötuet qakñe ahöyök. ⁶Mewö ahöiga Potifarnöñ öroyuaiñi ahöm wanjiyöhi, mi pakpak Josefkö böröñe al teköba kinda nanñak i me wai miañgö waimañjatñi kun qahö mörök. Yañon nene nemangöra mohot mötkurumkurum aka malök. Josefkö sileñi öndölböndöl qariiga kaisongolomñan eksihimñambuk ahöiga malök.

⁷Mewö maliga nalö tosatñi teköiga Potifargö anömñan Josef eka eksihimñi möta kewö jiyök: “Gi mönö kanöñga nömbuk ahöbit.”

⁸Mewö jiyökmö, yañon mi tököba toñangö anömñi kewö jii mörök: “Qahö! Mötnöñ, toni nanñak miriñe öroyuai ahözawangö waimañjatñi qahö ahakzapmö, sukinap buñañi pakpak mi mönö nöñon galöm köla malmangöra nöñgö böröne al teköiga ahöza.

⁹Mewö ahöiga miri kiangö uruñe i aka ni netkö kukösumniran mönö örörön ahöza. Göñon anömñi akzanangöra gi angön köl niñgiyökmö, yuai tosatñi kun mi nöñgöra qahö angön kölök. Miañgöra nöñon denöwögöra aka ahakmeme bölöñi kötökñi mewöñi mi aka miañon Anutu qetala siñgisöndok akileñak?” ¹⁰Mewö jii möta keu mewöñi mi wehön dop Josefköra jiba malökmö, yañon töndup mi qetala mala yangö ahöahö dumnöñ anda yambuk ahöbitkö imbi qahö kölök. Mewö yambuk mohotñe malbitkö mewöyök tököyök.

¹¹Mewö tököba maliga wehön kunöñ mirigö welenqeçeurupñi yengöreñök kunñan miri uruñe qahö maliga Josefnöñ nupñi jijiñi memangöra miri uruñe öñgöyök. ¹²Öngöiga ambi miañon Josefkö malukuñe qelanjiba memba kewö jiyök: “Gi mönö kanöñga nömbuk ahöbit. “Mewö jiyökmö, Josefnöñ malukuñi mi yangö böröñe mosöta ölöñ köla diñdingöba sombemñon sileñe erök. ¹³Malukuñi yangö böröñe mosöta ölöñ köla sombemñon eröhi, ambi miañon mi ehök.

¹⁴Mi eka mirigö welenqeçeurupñi engoholi kagetka yengöra kewö jiyök: “Mötket, apnan Hibu azi mi wanjiita mirinine kayöhi, yañon mönö göngönahit ak neñgiba malja. Yañon nömbuk ahöbitköra nöñgöreñ kotzapmö, nöñon qet gigilahözal. ¹⁵Qet gigilahöbiga möta malukuñi nöñgö wösöne mosöta ölöñ köla diñdingöba sileñe geza.”

¹⁶Mewö jiba Josefkö malukuñi kösutñe ali ahöi Josefkö toñan lilingöba kamapkö mamböta tari kayök. ¹⁷Kaiga kösohotñi mewöyöhök

jii möriga kewö jiyök: “Hibru welenqege azi mi waŋgitnönŋa neŋgöreŋ kayöhi, yaŋön mönö nömbuk göngönahit akŋamgöra nöngöreŋ kotza. ¹⁸Kotzapmö, nöŋön qet gigilahöbiga möta malukuŋi nöngö wösöne mosöta ölöŋ köla diŋdiŋgöba sileŋe geza.”

¹⁹Mewö jiiga Josefkö toŋan anömŋan kösohot mewö jii möriga kewö jiyök: “Göhö welenqepegan mönö mewö ak niŋgiza. “Mewö jii möta irimŋi seholiiga uruŋi könöp jeyök. ²⁰Uruŋi könöp jeiga jiiga Josef memba Farao kiŋgö kösö mirinönŋ azi galöm köl eŋgiba malgeri, mönö kösö miri miangöreŋ alget geba ahöba malök. ²¹Josefnönŋ kösö miri miangöreŋ malökmö, Kembunönŋ Josefpuk kinda kötuetköba ak kömum waŋgiba mali kösö mirigö galöm bohonŋan mi eka yaŋgöra eksihim mörök. ²²Eksihim möröhaŋgöra azi pakpak kösö mire tatkeri, mi Josefnönŋ galöm köl eŋgimapköra yaŋgö böröŋe al eŋgiyök. Yuai pakpak miangöreŋ aka memba malgeri, mi Josefnönŋ jim kutum eŋgiyöhaŋgö dop aka memba malget.

²³Kembunönŋ Josefpuk kinda kötuetköm waŋgiba kondoriga yuai pakpak aka memba malöhi, mi töhötmöriamŋambuk asuhuba ahöyök. Miangöra kösö mirigö galöm bohonŋan Josefnönŋ yuai pakpak denöwö galöm köla jim kutum eŋgiba malöhi, miangö waimanjatŋi kun qahöpmahöp möta malök. Mewö.

Josefnönŋ azi yahöt yetkö gaunŋiraŋgö könaŋi jiyök.

40 ¹Nalö tosatŋi teköiga Ijptkö kiŋ kembuŋaŋgö wain o qambigö galömŋi aka bered ohohogö galömŋi yetköŋ ketaŋamŋiri Ijptkö kiŋi qetala köna siŋgiyohot. ²Mewö ahotka Farao kiŋnönŋ jembonŋi yahöt, wain o qambigö galömŋi bohonŋi aka bered ohohogö galömŋi bohonŋi yetköra aka irimŋi seholiyök. ³Irimŋi seholiiga jiiga etkuangita kiŋgö malmalŋaŋgö sikiriti yengö suahö galömŋinaŋgö kösö mire yaŋgö böröŋe al etkigetka geyohot. Josefnönŋ kösö miri miangöreŋök malök. ⁴Sikiriti yengö suahö galömŋinan Josef jim kutum waŋgiiga i welen qem etkiba malök. Mewö maliga nalö tosatŋi toroqeba kösö mire malget.

⁵Mewö mala malgetka Ijpt kiŋgö wain o qambigö galömŋi aka bered ohohogö galömŋi yetköŋ suŋgem mohot miangöreŋök gaunŋiri inanŋök inanŋök ehot. Gaunŋiraŋgö könaŋi mi inanŋök inanŋök. ⁶Mi ehotka Josefnönŋ söŋanöhök yetköreŋ öŋgöba etkehi urueret aka bosoliba tarohot.

⁷Mewö tarohotka Farao kiŋgö jembon yahötŋi yetköŋ Josefkö ketaŋamŋaŋgö kösö mire yambuk mohotŋe tarohori, i kewö qesim etkiyök: “Inŋiri merak denöwögöra jemesoholŋiri wösöbirikjeje uba tatzahot?”

⁸Qesim etkiiga kewö melenŋa jiyohot: “Niri nanŋök nanŋök gauniri ekzitmö, mietkö könaŋiri mi daŋön jii mötpirak?” Mewö jiyohotka

Josefnöŋ kewö jiyök: “Anutunöŋ mönö gaungö könaŋini jiji Toŋi akzapmö, ölop töndup gaunŋiri jiyohotka mötmam.”

⁹Mewö jiiga wain o qambigö galöm bohonŋan gaunŋi ehöhi, miangö kösohotŋi mi Josef kewö jii mörök: “Nöŋön gauni uruŋe wain ip kun mi nöŋgö wösöne kiniga ekzal. ¹⁰Wain ipkö böröŋi karöbut kingetka könahiba söŋŋi jula kota kuŋguzawi, nalö miangöreŋök juranŋi kota tuliga kaŋgenŋi kaŋgenŋi asuhuba öligetka ölnangö köŋŋi pisihize. ¹¹Pisihigetka ni Farao kiŋgö qambiŋi mi börönan memba kinda ölnangö köŋŋi memba mözöhölbiga onŋi Farao kiŋgö qambinöŋ geiga kiŋgö böröŋe aljal.”

¹²Mewö jii möta Josefnöŋ kewö jii mörök: “Gaungahö könaŋi mi kewö: Ip böröŋi karöbut mi wehön karöbutkö söpsöpŋi akza. ¹³Wehön karöbut teköiga Farao kiŋnöŋ göhö nöropki mem wahöta pösat gihiba kunbuk nupke al gihima. Gi mutuk yangö wain o qambigö galömŋa mala qambi Farao kiŋgö böröŋe ala malnöŋi, miangö dop mönö kunbuk aka malman.

¹⁴Mewö malmanmö, sösoŋgai qakŋe malmani, nalö miangöreŋ mönö ni mötmöröiba ak kömum niŋgiba nöŋgö kösohotni Farao kiŋgöra jinöŋga mötma. Mewö aka bauköm niŋginöŋga kösö miri ki mosöta etpileŋak. ¹⁵Mötnöŋ, ni Hibru könagesögö gölmenöhök ösum-mumu qakŋe yoŋgorö noaŋgitketka kaba kiangöreŋ mewöyök yuai bölöŋi kun kösö miri kiangö dutŋe al niŋgigerangö dop mi qahö ahal.”

¹⁶Josefnöŋ mewö jii möriŋa bered ohohogö galöm bohonŋan alaŋangö gaunŋangö könaŋi ölopŋi jim asariyöhi, mi eka kewö jii mörök: “Nöŋön mewöyök gauni ekiga miangöreŋ bered könde karöbut nöŋgö nöropne kunduta kazal. ¹⁷Kaba könde qakŋe eu tatzawi, miangöreŋ bered yuai nahömŋinambuk könaŋi könaŋi Farao kiŋgöra ahözapmö, neiŋi neiŋi yeŋön kaŋgota könde kunduta kazali, miangöreŋök mi nem teköze.”

¹⁸Mewö jii möta Josefnöŋ kewö melenŋa jiyök: “Gaungahö könaŋi mi kewö: Könde karöbut mi wehön karöbutkö söpsöpŋi akza. ¹⁹Wehön karöbut teköiga Farao kiŋnöŋ jiiga liŋŋipnöŋ geriba qetohom gihiba nöropki aka qamötki mem wahöta ipnöŋ möndögetka neiŋi neiŋi yeŋön kaŋgota busugi nem teköme.”

²⁰Mewö melenŋa jiiga wehön karöbut teköiga Farao kiŋgö ahuahu nalöŋan kam kuŋguiga jembonurupŋi pakpak i nene lömbuanŋ ohoba engiyök. Mi ohoba engiba wain o qambigö galöm bohonŋi aka bered ohohogö galöm bohonŋi yetkö nöropŋiri mi jembonurupŋi yeŋgö jeŋine memba wahörök. ²¹Wain o qambigö galömŋan mutuk nupŋi memba malöhi, mi toroqeba memapköra kuŋgum waŋgiiga dumŋe kunbuk qambi mi Farao kiŋgö böröŋe ala malök.

²²Mewö malökmö, kiŋnöŋ bered ohohogö galöm bohonŋangö keunŋi jim teköiga Josefnöŋ gaunŋirangö könaŋi jii mörohorangö dop i liŋŋipnöŋ eriba qetohoba nöropŋi aka qamötki mi mem wahöta möndöget.

²³Miangö andöŋe wain o qambigö galöm bohonŋan Josef qahö mötmörim waŋgiyökmö, i ölum qeiga laŋ malök. Mewö.

Kiñnōḡ gaunḡi ehiga Josefnōḡ kōnaḡiri jim asariyōk.

41 ¹Yambu yahōt tekōiga Farao kiñnōḡ gaun kun kewō ehōk: Yañōn Nail o tōwatḡaḡḡō ḡōraḡe kiniga ²bulmakau dōmḡi 7 ḡlōp sorokḡi kelōk busuḡinambuk mi o tōwatḡi miāḡḡōreḡḡōk kota jejepōzaḡ sutḡine kindā tembam keuḡaḡ neget. ³Mieḡḡō andōḡine bulmakau tosatḡi 7 sihitqarambuḡinanōk kaisoḡgolomḡini piromḡi mi o tōwatḡi miāḡḡōreḡḡōk kota bulmakau mutukḡi mieḡḡō kōsutḡine anda o tōwatḡaḡḡō ḡōraḡe kinget. ⁴Bulmakau piromḡi sihitqarambuḡinanōk mieḡḡōn bulmakau dōmḡi ḡlōp sorokḡi kelōk busuḡinambuk 7 mi gwahōt eḡḡiget. Farao kiñnōḡ gaun mi eka miāḡḡōreḡḡōk imbiḡi mōta wahōrōk. ⁵Wahōta gaunḡaḡḡō kunbuk mōta gem anda ahōba gaun kun kewō ehōk: Wit padi ip mohotkō kembraḡe ḡlḡi kōtḡi ketaḡi ketaḡi kaḡḡeḡinambuk 7 ḡlōp kōtōkḡi mi loḡkam gili eta kinget.

⁶Mieḡḡō andōḡine ḡlḡi kaḡḡeḡinambuk 7 mi kunbuk loḡkam gili eta kingetka ḡōlme qararaḡkōlkōlḡaḡḡō luhut kōnōpḡaḡ mi eḡḡohotiriiga soholiba gilipitḡi (ambetakḡi) aket. ⁷ḡlḡi morōmorō kaḡḡeḡinambuk mi ḡlḡi kaḡḡeḡinambuk kōtḡini ketaḡi ketaḡi kuḡḡukḡuḡuḡi mi gwahōt eḡḡiget. Farao kiñnōḡ miāḡḡōreḡḡōk imbiḡi mōta wahōriga ḡlḡi qahōpmō, mi gauna ahōk. ⁸"Miri asariiga Farao kiñnōḡ gaunḡaḡḡō mōtkurumkurum mōta Ijpt kantrigō tiripqōzōlqōzōl aka mōtkutukutu azi pakpak ḡrōm eḡḡii yaḡḡō jemesoholḡe kaḡḡotket. Kaḡḡotketka gaun ehōhaḡḡō kōsohotḡi mi jii mōtketmō, kōrek yeḡōn gaunḡaḡḡō kōnaḡiri mi Farao kiḡḡōra jim asaribingō osiget.

⁹Osigetka wain o qambigō galōm bohōḡaḡ kindā Farao kiḡ kewō jii mōrōk: "O kiḡ, nōḡōn kōna siḡḡiali, miāḡḡō keuḡaḡ dōlki urune kaḡḡoriga mōtmōrizal. ¹⁰Nalō kunōḡ Farao kiñnōḡ jembonurupḡi neḡḡōra aka irimḡi sehōliiga nōmemba malmalḡaḡḡō sikiriti yeḡḡō suahō galōmḡaḡḡō kōsō mire al niḡḡiyōk. Ni aka bered ohohogō galōm bohōḡi mi nōmbuk nanḡi kōsō miriḡe al netkiiga tarit.

¹¹"Miāḡḡōreḡ tata mala netkōn suḡgem mohot miāḡḡōreḡḡōk gauniri inanḡḡōk inanḡḡōk ehit. Gauniraḡḡō kōnaḡi mi inanḡḡōk inanḡḡōk. ¹²Gauniri ekziga Hibru azi gwabō kunōḡ miāḡḡōreḡ netpuk malōk. Yañōn sikiriti yeḡḡō suahō galōmḡaḡḡō welenqeqeḡi maliga niri gauniri yaḡḡōra jizi mōrōk. Yañōn gauniraḡḡō kōnaḡiri mi inanḡḡōk inanḡḡōk jim asarim netkiyōk. ¹³Kōnaḡiri jii mōrirāḡḡō dop ḡlḡi mōnō tōrōrōk kewō asuhuyōk: Nōḡōn nupni mutuk memba malali, Farao kiñnōḡ ni nup miāḡḡōreḡ kunbuk al niḡḡiyōkmō, alani bered ohohogō galōmḡaḡḡō keuḡi jim tekōiga liḡḡipnōḡ eriba qetohoba nōrōpḡi aka qamōtki mi mem wahōta mōndōget."

^v 41.8 Dan 2.2

¹⁴Mewö jiiga Farao kiñnōḡ möta Josefnōḡ jemesoholḡe kaḡgotmapkörä jim kutuba tosatḡi melaim enḡiiga anda kösö mirigö dutḡeyök zilaḡ waḡgita kaget. Kagetka jiiga nörop juḡḡi mitigetka opo malukuḡi utekörä Farao kiḡḡö jemesoholḡe kaḡgorök. ¹⁵Kaḡgoriga Farao kiñnōḡ Josefköra kewö jiyök: “Nōḡōn gaun kun ekiga körekḡan miangö könaḡi jibingö osizemö, kunōḡ göhö könaḡi kewö jiiga mötzal: ‘Kunḡan göhöra gaunḡi jii möta göḡōn miangö könaḡi ölop jim asarimakzan.’”

¹⁶Mewö jiiga Josefnōḡ Farao kiḡḡöra kewö meleḡ waḡḡiyök: “O Farao kiḡ, nöḡōn qahöpmö, Anutunōḡ mönö gaungahö könaḡi jim asariba keu ölopḡi gihiiga urugan ölöwakḡa.”

¹⁷Mewö meleḡ waḡḡiiga Farao kiñnōḡ kewö jiyök: “Nōḡōn gauni ekzali, miangö uruḡe nanak Nail o töwatḡangö görāḡe kinjal.

¹⁸Miangörej kinbiga bulmakau döḡḡi 7 ölop sorokḡi busuḡini kelökḡinambuk mi o töwatḡi miangörejök kota jöjöpözaḡ sutḡine kinda tembam keuqaḡ neze. ¹⁹Mieḡḡö andōḡine bulmakau tosatḡi 7 sihitqarambuḡinanök kaisoḡgolomḡini piromḡi kötökḡi mi o töwatḡi miangörejök kotze. Nōḡōn bulmakau bölöḡi kötökḡi mewöḡi mi nalö kunōḡ Ijpt gölme pakpak kiangörej qahö enḡeḡal. ²⁰Bulmakau sihitqarambuḡinanök kaisoḡgolomḡini piromḡi mieḡōn bulmakau döḡḡi busuḡini kelökḡinambuk 7 mutuk kotzei, mi gwahöt enḡize.

²¹“Mi gwahöt enḡizemö, mi töndup kaisoḡgolomḡinan gwahöt enḡizeaḡḡö dop utekutek qahö aiga enḡekzalmö, mutuk kaisoḡgolomḡinan piromḡi kötökḡi kota kinjei, yeḡōn mewöḡanök tok kinje. Ni gaun mewö eka imbini möta wahötzal. ²²Wahöta kunbuk ahöba gaun kun kewö ekzal: Wit padi ip mohotkö kembraḡe öḡi kötḡi ketaḡi ketaḡi kaḡḡeḡinambuk 7 ölop kötökḡi mi loḡkam gili eta kinje.

²³“Mieḡḡö andōḡine öḡi kaḡḡeḡinambuk tosatḡi 7 mi söḡḡi jula kota loḡkam gili eta kingetka gölme qararaḡkölköḡḡangö luhut könöpḡan mi enḡohotiriiga soholiba morōḡi aka gilipitḡi (ambetakḡi) akze. ²⁴Öḡi morömorö gilipitḡi kaḡḡeḡinambuk mi öḡi kaḡḡeḡinambuk ölop sorokḡi mi gwahöt enḡize. Nōḡōn gaun yahöt mi eka tiripqözölpözöl aziurupni jibi mötzemö, yeḡōn körek mietkö könaḡiri jim asarim niḡgibingö osize.”

²⁵Farao kiñnōḡ mewö jiiga Josefnōḡ keu kewö jiyök: “O Farao kiḡ, göhö gaunyaḡötḡi mietkö könaḡiri mi mohok akza. Anutunōḡ yuai könaḡep akḡamḡö mötzawi, yaḡōn mi Farao kiḡ göhöra indelja. ²⁶Bulmakau döḡḡi 7 ölop sorokḡi mi yambu 7:gö söpsöpḡi akze. Wit padi öḡi kaḡḡeḡinambuk ölop kötökḡi 7 mi mewöyöhök yambu 7:gö söpsöpḡi akze. Könaḡiri mi örörōḡ aka mohok akzahot.

²⁷“Bulmakau sihitqarambuḡinanök kaisoḡgolomḡini piromḡi 7 könaḡep kotzei, mi yambu 7:gö söpsöpḡi akze. Wit padi öḡi kaḡḡeḡinambuk 7 gölme qararaḡkölköḡḡangö luhut könöpḡan enḡohotiriiga soholiba gilipitḡi (ambetakḡi) akzei, mi bödi (buörö)

malmalgö yambu 7 miangö söpsöpni akze. ²⁸ Anutunöy yuai könangep akjangö mötzawi, yañön mi göhöra indela kondelja. Farao kiñgöra keu dölki mewö jizali, mi mönö mewögöra aka jizal. ²⁹ O kiñ, yambu 7:gö dop nene möriam keta bölökni asuhuba Ijpt gölme pakpak dop köla ahöma.

³⁰ “Mi ahömapmö, yambu 7 miengö andöñine bödigö yambu 7 asuhuba ayuayuhu ketani kondoriga Ijpt kantrinöy bölima. Mianön asuhuiga nene möriam mutuk Ijpt gölmenöy ahöyöhi, mi gölme dop yeñön ölum engum teköma. ³¹ Bödi mi köhöikni kötökni ahömawangöra aka gölme dop ambazip yeñön nene möriamgö yambuñi 7 mutuk Ijpt gölmenöy ahöyöhi, miangö keunji mi kunbuk qahö möta malme. ³² Anutunöy gaun könani mohot mi indimñi yahöt gihii ekzani, mi könani kewögöra: Anutunöy keu mi lök jöhöba jim köhöiba alök. Mi jim köhöiba alöhi, miangöra mianön mönö zilañ asuhuma.

³³ “Miangöra Farao kiñ göñön ölöp mötkutukutu azi kun keu törörök kewörakzawi, mi möwölöhöba kuñgunöyga Ijpt kantri ki galöm köla malma. ³⁴ Mewöñanök kiap bohonñi bohonñi kuñgum enginöyga gölme dop köla galömñina malme. Yeñön nene möriamgö yambuñi 7 miengö uruñine nene ölñinambuk Ijpt gölmenöy asuhumei, miangöra jiiga mendeñgetka bahöñini 5 asuhugetka miengöreñök mohot mohot memba gawmangö köwenöy tokoba malme.

³⁵ “Yeñön mönö kinda jimkutukutu algetka yambu ölöpni 7 asuhumei, miengö uruñine nene ölñini körek pakpak tokoba kewöta malme. Mewö aka wit padi mi Farao kiñgö köwe miriñi miriñi miangöreñ qezaköba malme. Mi taon dop gawmangö köwe miriñi miriñi miangöreñ qezaköba galöm köla malgetka könangepkö neneña ahöma. ³⁶ Nene mewö tokoba malmei, mi mönö gawmangö köwe miri dop galöm kölgetka kahaimök ahöiga könangep bödigö yambu 7 Ijpt gölme dop asuhumawi, nalö miangöreñ mi ölöp memba mendeña memba malme. Mewö aketka kantrigö könagesö neñön bödi miangö nalöñe nenegö qahö kömumba gororoñgöbin. “Mewö.

Farao kiñnöy Josef Ijptkö azi kembuya kuñguyök.

³⁷ Josefñöy keu mewö jiiga Farao kiñ aka jembonurupni pakpak yeñön areñ miangöra mötket dop köliga sihimñi mötket.

³⁸ Mewö mötketka Farao kiñnöy jembonurupni kewö jii mötket: “Azi kiangö uruñe bem yeñgö uñañan kini maljawi, nini i ewö azi kun ölöp qahö miwikñaibin.”

³⁹ Mewö jii mötketka Josefköra kewö jiyök: “Anutunöy keu areñ pakpak ki indel gihizawi, miangöra gi ewö mötkutukutu azi keu törörök kewötpawak, mi kun qahö malja. ⁴⁰ *Miangöra göñön mönö jakömbuak

* 41.40 Apo 7.10; 42 Dan 5.29; 54 Apo 7.11; 55 Jon 2.5

mirinanğö galömnji bohonñi aka malman. Gönjön nöngö könagesöurupni pakpak jim kutum enjinönğa yeñön mönö göhöreñ keu tem köla keugi bapñe malme. Nönjön jakömbuak dum tatatnön tarakzali, miyök mötmöriba miangöra aka gi gonğita ketañamgi aka malman.”

⁴¹Mewö jiba toroqeba kewö jiyök: “Mötnön, nöñön gi Ijpt kantri pakpak kiangö azi kembuya malmangöra kuñgum gihizal.” ⁴²Mewö jiba börö kesötñangö jeñjeñi miañön supap köpew ewö qetñi mekötahöba malöhi, mi qeköba Josefkö börö kesötñe löngörök. Opo maluku eksihimñambuk opo tuatñan memerñi mi löngöt wañgiba sorom goulñön memerñi kun mi memba Josefkö imbiñe kölök.

⁴³Mewö aka hos kare qetpuk sorokñi nanñi kareñangö qorembiñi mi yañgöra jim teköiga miangöreñ öñgöiga hosnön örogetka anda kaba malök. Mewö anda maliga kiñgö sikiriti yarö azi kunön mutuk anda göda qem wañgibingöra kewö qeri qetketka malök: “Kezap! Mönö kesalget!” Mewö ak wañgiba Ijpt kantri pakpakö azi kembuya kuñgum wañgiyök. ⁴⁴Farao kiñnön Josefköra kewö jiyök: “Nönjön Farao kiñ akzalmö, Ijpt kantri pakpak kiangöreñ kunñan kun mönö göhö jitki qetala böröñi me könañi mi kude mem wahötma.”

⁴⁵Mewö jiba Josefkö qetñi döläkñi (Ijpt keunön) Zafenat-Panea qerök. Mewö qeta Heliopolis taongö jike nup galöm qetñi Potifera yañgö böratñi Asenat mi anömña akñapköra wañgiyök. Mewö kantrigö azi kembuya aka Ijpt kantri ekñamgöra anda liliköyök. ⁴⁶Josefnön yambuñi 30 aiga miangöreñ Farao Ijptkö kiñi yañgö jakömbuak nupñi könahiba meyök. Mi memba Farao kiñgö sitiñi mosöta Ijpt uruñe dop köla liliköba malök.

⁴⁷Nene möriamgö yambuñi 7 miangö nalöñe gölmeñine nene önöñi qahö asuhum enğiyök. ⁴⁸Nene möriamgö yambuñi 7 kam kuñgugeri, miangö nalöñe Josefnön jiiga nene könañi könañi Ijpt gölme asuhugeri, mi tokoba taonñine dop anda gawmangöra alget. Gölme köröñi taon dop liliköba tat angeri, miangöreñ nene ölni asuhugetka mi memba taonñine dop anda qenjarök köwe miriñine alget. ⁴⁹Josefnön jiiga wit padiñi padiñi mi qenjarök köwe miriñine önöñi qahö tokoba alget. Mi sakösiñ köwet jitñe ahözawañgö dop öñgöba kinök. Nene möriam sesegilgil asuhuba toroqeba ahöyöhañgöra nene toruñini mi toroqeba oyoñ bibihigetka lömböriiga osiba mosötket.

⁵⁰Bödi nalöñan qahö kam kuñguiga qeljiñe miangöreñ anömñi Asenatnön Josefkö nahönyahötñi yahöt etkömeyök. Asenat mi Heliopolis taongö jike nup galöm qetñi Potifera yañgö böratñi. ⁵¹Nahönñi mutukñi asuhuiğa Josefnön keu kewö jiyök: “Anutunön bauköm niñgiiga kahasililiñ waimanjatni pakpak aka iwinangö mirigö yuaiñi pakpak mi lök ölum nuñgui maljali, miangöra. “Mewö jiba nahönñangö qetñi Manase (Ölum nuñguza.) qerök. ⁵²Nahönñi könañepñi asuhuiğa Josefnön keu kewö jiyök: “Ni sihibölönangö gölmeñe malbiga Anutunön

ahumsehip niŋgizawi, miangöra. “Mewö jiba qetŋi Efraim qerök. (Efraim Ahumsehip niŋgiza.)

⁵³Nene möriam ketaŋaŋgö yambuŋi 7 Ijpt gölme dop köla kam kuŋgugeri, mi ahöm kota teköget. ⁵⁴Yambu mi tekögetka Josefnöŋ keu jiyöhangö dop bödigö yambuŋi 7 mi könahiba kam kuŋguget. Bödi mi gölme tosatŋi pakpak dop köla asuhuba ahöyökmö, Ijpt gölmenöŋ nene mi miri dop köweŋine ahöyök. ⁵⁵Ijpt könagesö körek pakpak yeŋön könahiba bödi möta Farao kiŋgö qeta nene eŋgimapköra uletket. Uletketka möta Farao kiŋnöŋ körek yeŋgöra kewö jiyök: “Iŋini mönö Josefköreŋ angetka yuai mi me mi akŋegö jim kutum eŋgimawi, mi mönö tem köla ahakŋe.”

⁵⁶Bödinöŋ kantri jömukŋi dop köla ahöba Ijptkö miriŋi miriŋi pakpak miengöreŋ toroqeba gwötpuk lömböriyök. Mewö asuhuiga Josefnöŋ jiiga qenjarök köwe miriŋi miriŋi miengö nanguŋini öröba nene mi Ijpt yeŋön söŋgöröŋi memegöra alget. ⁵⁷Bödi mi gölme pakpak dop köla lömböriba ahöyöhangöra ambaziŋnöŋ gölme dop miangöreŋök Ijpt kaba Josefköreŋ kaŋgota nene söŋgöröŋi memba malget. Mewö.

Josefkö daturupŋan Ijpt gölmenöŋ anget.

42 ¹Ijpt miangöreŋ nene ahöyöhi, keu mi Keinan gölme miangöreŋ jigetka Jeikobnöŋ möta nahönurupŋi kewö jii mötket: “Iŋini mönö wuanöŋgöra silekmalek aka kuruk je aŋgeka malje? ²Ijpt miangöreŋ wit padi ahözawi, nöŋön keu mewö möral. Nini qahö kömumba malmal toroqeba malbingöra iŋini mönö wahöta Ijpt geba miangöreŋ nene tosatŋi bohonŋi memba kagetka memba malbin.”

³Mewö jii möta Josefkö daturupŋi 10 yeŋön miriŋini mosöta nene bohonŋi membingöra Ijpt gölmenöŋ anbingö aket. ⁴Iwiŋini Jeikobnöŋ Josefkö munŋi Benjamingö qakŋe ayuayuhu kun öŋgöbapüköra keŋgötŋi möröhangöra i daturupŋi yembuk qahö melaim waŋgiiga anget.

⁵Keinan gölmenöŋ bödi mi mewöŋanök ahöyöhangöra Israelgö nahönurupŋi yeŋön Keinan azi tosatŋan angeri, yeŋgö sutŋine wit padi bohonŋi membingöra mohotŋe anget. ⁶Angetmö, Josefnöŋ Ijpt kantrigö azi kembuŋini tata malök. Yaŋön wit padi mi könagesöŋi pakpak yeŋön bohonŋi memegöra aliga yaŋgöreŋ kaŋgota malget. Miangöra daturupŋan kageri, yeŋön kaŋgota miangöreŋök yaŋgö wösöŋe simin köla gölmenöŋ bamgöget. ⁷Mewö bamgögetka Josefnöŋ daturupŋi eŋgeka möt kutum eŋgiyökmö, könanamŋi köyatim eŋgiba kian azigö tandök ak eŋgiba örömureim keu könöpŋambuk jiba kewö qesim eŋgiyök: “Iŋini mönö denikepköra kazeye?” Qesim eŋgiiga kewö melenget: “Nini Keinan gölmenöhök nene söŋgöröŋi membingöra kazin.”

* 42.2 Apo 7.12; 9 Jen 37.5-10; 22 Jen 37.21-22

⁸Mewö melengetka Josefnöŋ daturupŋi möt kutum enġiyökmö, yeŋön i qahö möt kutum waŋgiget. ⁹Qahö möt kutum waŋgigetka Josefnöŋ mönöwök gaunŋi yeŋgöra ehöhi, mi mötmötŋe kaŋgoriga mötmöriba jhip je suŋini mitiba kewö jii mötket: “Ye! Inini mönö kegwek azia akze. Nini kantrinini denikeaŋgöreŋ göröken awörök aka yarö gilbingö lömbörizini, inini mi ek kewöta mötŋingöra ki kaze.”

¹⁰Mi möta kewö meleŋ waŋgiget: “Azi kembunini, mewö qahö. Welenqeaturupki nini mönö nene söŋgörüŋi memingöra kazin. ¹¹Nini köreŋanök azi mohokö nahönurupŋi akzin. Nini azi diŋdiŋi mala muneŋ qahö jimakzin. Göhö welenqeaturupki neŋön mönö gölme ek-kewötkö yarö azia qahö aka maljin.”

¹²Meleŋ waŋgigetka “Qahö!” töhöreŋ qeta kewö toroqeyök: “Nini kantrinini denikeaŋgöreŋ göröken awörök aka yarö gilbingö lömbörizini, inini mi ek kewöta mötŋingöra ki kaze.”

¹³Mi möta kewö meleŋ waŋgiget: “Welenqeaturupki nini Keinan gölmegö aziŋi mohokö nahönurupŋa, darumun 12 akzin. Munini qöndökŋan nalö kewöŋe iwininambuk mire tariga kunŋan qahö toroqeba malja.”

¹⁴Mewö meleŋ waŋgigetka kewö jim enġiyök: “Mewö aiga inini ölna gölme ek-kewötkö yarö azia akzei, mi lök jibi mötze.

¹⁵Mewö maljeaŋgöra nöŋön kewö esapköm enġimam: Farao kiŋnöŋ jebuk maljawi, nöŋön keu ö! töhöŋŋi miaŋgö dop jöjöpäŋ keu kewö jim köhöizal: Munŋini qöndökŋan ki qahö kama ewö, inini mönö gölme ki qahö mosöta anme. ¹⁶Inini keu ölna jize me qahö, nöŋön mi esapkömamgöra kewö jizal: Inini mönö sutŋineyök kun melaigetka anda munŋini qöndökŋi waŋgita ki kamahot. Tosatŋi inini mönö ki mamböta kösö mire tata malme. Mewö qahö akŋe ewö, inini mönö ölna gölme ek-kewötkö yarö azia akze. Farao kiŋnöŋ jebuk malja ewö, nöŋön keu ö! töhöŋŋi miaŋgö dop jöjöpäŋ keu mi jim köhöizal.”

¹⁷Mewö jim enġiba jiiga kösö miriŋe al enġigetka wehön karöbutkö dop tatket. ¹⁸Wehön karöbut aiga Josefnöŋ kaba keu kewö jii mötket: “Jeŋinambuk toroqeba malbingö mötze ewö, inini mönö yuai jimami, mi aketka nöŋön ölop malmalŋini jöhömam. Nöŋön mewöyök inini ewö Anutugö jitŋi oŋgitpileŋbuköra keŋgötŋi mörakzal. Miaŋgöra inini mönö kewö akŋe: ¹⁹Inini azi diŋdiŋi muneŋini qahö malje ewö, darumun enġöreŋök mönö kunŋan kösö miri kiaŋgöreŋ toroqeba tariga tosatŋi inini ölop wit padi memba miriŋine liliŋgöba anme. Miaŋgöreŋ anda miriŋine könagesourupŋinan bödi aka maljei, mi nene enġime. ²⁰Inini mönö mewö anda munŋini qöndökŋi waŋgita nöŋgöreŋ kame. Kagetka keuŋinaŋgö ölnan mewö asuhuiga eka möt kutuba qahö enġubi kömume. “Keuŋi mewö jiiga mönö miaŋgö dop aket.

²¹Yeŋön nanŋini Hibru keunöŋ sutŋine keu kewö eraum-mötket: “Nini munini silik ak waŋgiini, miaŋgö likepŋi bölöŋan mönö ölna

qaknine öngöza. Yanön malmalni jöhöba ak kömum wangbingöra uleta kungum neŋgiiga kahasililini ketani ehinmö, yanö keuni möta mi qahö wuatangöin. Miangöra kahasililini lömbötñambuk kianön neŋgö qaknine öngöza.”

²²Mewö eraum-mötketka Rubenöŋ kewö jiyök: “Nöŋön kewö jibi mötket: ‘Inini azi gwabö mi silik bölöni kude ak wangime.’ Mewö jialmö, inini nöŋgö keuni mi möta silekmalek aket. Mötket, nalö kewöŋe yanö sepnangö keugö likepnan mönö qaknine öngöiga kahasililini mötzin.”

²³Mewö eraum-mötketka Josefnöŋ yembuk Ijpt keunöŋ keu jiiga kunöŋ mi meleŋnök. Miangöra yeŋön keunini jigetka ölop möt asariyöhi, mi daturupnan qahö möt kutuget. ²⁴Josefnöŋ keunini möt asariba lilingöba sahörök. Sahöta kunbuk lilingöba engeka yembuk keu jiyök. Yembuk keu jiba Simeon sutñineyök memba jiiga yeŋgö jeŋine jöhöget. Mewö.

Josefkö daturupnan Keinan gölmenöŋ lilingöget.

²⁵Josefnöŋ jimkutukutu kewö alök: “Welenqeŋe inini mönö azi miengö toru gösöŋine wit padi löŋgötketka numbuŋe kotketka mohot mohot yeŋgö moneŋ esuŋini mi totoŋine inanŋik inanŋik toruŋine alme aka köna anangö nene semönŋi mi tok enŋime. “Mewö jim kutum enŋiiga mianö dop ak enŋiget. ²⁶Mewö ak enŋigetka wit padi toruŋini mi doŋki qakŋine ala mosöta anget. ²⁷Anda mala gaun ahöbingöra miri kunöŋ aŋgota darumun yeŋgöreŋök kunnan doŋkiŋi gumohomangöra aka toru kösöŋi pösata moneŋ esuŋi mi toru numbuŋe nene qakŋe kiniga ehök. ²⁸Mi eka darumunŋi kewö jii mötket: “Eket, nöŋgöreŋ moneŋ mi mönö meleŋda torune utketka kinja. “Mewö möta wösöŋini juliga aurum tililingöba angeka kewö jiget: “Anutunöŋ mönö wani yuaia ki ak neŋgizawe?”

²⁹Anda mala Keinan gölmenöŋ iwiŋini Jeikobköreŋ aŋgota yuai asuhum enŋiyöhi, mianö kösohotŋi mi körek kewö jigetka mörök: ³⁰“Kantri mianö azi kembuŋi yanön örömureim keu könöpuk jiba gölme ek-kewötkö yarö asia akinak, mianö tandök ewö ak neŋgiyök.

³¹“Mewö ak neŋgiyökmö, nini yanöra kewö jiin: ‘Nini azi diŋdiŋi muneŋnini qahö mala gölme ek kewötpingöra aka qahö kazin. Qahöpmahöp! ³²Nini azi mohötkö nahönurupna, darumun 12 aka maljin. Kunnan qahö toroqeba maliga munini qöndöknan nalö kewöŋe Keinan gölmenöŋ iwininambuk mire tatza.’

³³“Mewö jiinga gölme mianö azi kembuŋan neŋgöra keu kewö jiyök: ‘Inini azi diŋdiŋi me muneŋi maljei, mi kewö kewöt enŋgiba mötmam: Enŋgöreŋöhök darumunŋini kun i mönö mosötketka nömbuk ki tariga tosatŋi inini ölop wit padi memba lilingöba anme. Anda miriŋine könagesourupnan bödi aka maljei, mi nene enŋime. ³⁴Inini gölme ek-

kewötkö yarö azia qahöpmö, azi diñdiñi muneyjini qahö maljei, mi kewö kewöt enjiba mötmam: Injini mönö anda munjini qöndökñi mi wañgita nöngöreñ kame. Mewö kagetka darumunjini melej enjibiga ölop gölme kiangöreñ aᅇgumnep-qañgumnep aka malme.’ ”

³⁵Mewö jiba toru gösöñineyök nene köweñine mokogetka moneñ esujini moneñinambuk mi torujine mohot mohot totonjine kini miwikñaiget. Moneñ esujini miwikñaiba eka i aka iwiñjini mohotje auruba keñgötkotkot mötket. ³⁶Mewö mötketka iwiñjini Jeikobnön kewö jii mötket: “Injini nahönurupni körek pakpak noañgitpingö mötze: Josefñöñ qahö malja. Simeon nembuk qahö malja. Benjamin mi mewöñanök noañgita wañgita anbingö jize. Sihimbölö pakpak miañön mönö nöngö qakne öñgöza.”

³⁷Mewö jii möta Rubenöñ iwiñangöra keu kewö jiyök: “Ni Benjamin qahö wañgita liliñgöba kaba gihimam ewö, gi ölop nani nahönyahötni yahöt mi etkunöñga kömumahot. Benjamin mi ölop nöngö böröne alnöñga i mönö galöm köla anda mala wañgita liliñgöba kaba gihimam.”

³⁸Mewö jiyökmö, Jeikobnön meleñda jiyök: “Nahönyahötni qöndökñi yahöt yetköreñök datñan kömuiga munñan mohot malja. Injini könanöñ anbingö mötzei, miañgöreñ ayuayuhu kunñan yañgö qakñe öñgöma ewö, iñjini mönö kondotketka wösöbirik öñgöñgöñan nöngö qakne öñgöiga kömumba nörop jupni yañgonambuknön ujem mire gemam. Miañgöra nöngö nahönan mönö nömosöta embuk qahö anma. “Mewö.

Josefko darumunurupñan liliñgöba Ijpt anget.

43 ¹Keinan gölmenöñ bödi lömbötñambuk mi toroqeba ahöyök. ²Jeikobkö könagesöurupñan wit padi Ijpt kantrinöhök memba kageri, mi körek nem tekögetka qahöwahiga iwiñinan nahönurupñi mi kewö jii mötket: “Injini mönö kunbuk liliñgöba anda neneñamnini tosatñi söñgöronji meme.”

³Mewö jii mötketka Judanöñ kewö jiyök: “Azi miañön mönö kapañ köla neñgöra galöm meme keu köhöikñi kewö jiyök: ‘Munñinan embuk qahö kama ewö, iñjini mönö nöngö jemesoholne kunbuk kañgotpingö osime.’ ⁴Miañgöra göñön munini melainöñga nembuk kama ewö, neñön ölop gömosöta neneñamnini söñgöronji membingöra anbin. ⁵Azi miañön keu kewö jii mörin: ‘Munñinan embuk qahö kama ewö, iñjini mönö nöngö jemesoholne kunbuk kañgotpingö osime.’ Miañgöra göñön Benjamin aᅇñön kölman ewö, nini qahö anbin.”

⁶Mewö jiiga Israelnöñ kewö jiyök: “Injini mönö wanigöra munñini kun maljawi, keu mi azi miañgö jiget möröhañgöra ni urulömböt ketañi niñgize?”

⁷Mewö jiiga kewö meleñda jiget: “Azi miañön nini aka könagesöurupñini enjöra törörök qeqesi könañi könañi neñgiba kewö

jiyök, 'Iwiņinan jebuk malja me qahö? Darumunņini kun malja me qahö?' Mewö jiyöhanğora qeqesini mi neņön ölņanök jiba meleņnin. Yaņön könanğep munini waņğita kameğora jibawak, mi mönö qeljiņe nalö miaņğöreņ denöwö mötpinak?"

⁸Mewö jigetka Judanöņ iwiņi Israelğora kewö jiyök: "Miaņğora azi gwabö mi nöņğö böröne ala melainöņga mohotņe anbin. Mewö aknöņga amqeba zilaņ gömosöta könanöņ aninga nini, gi aka anöm-moröurupnini neņön qahö kömum gororöņğöbin. ⁹Benjaminğö malmalñaņğö sohopņi miaņğö keuņan mönö nöņğö böröne ahöiga liliņğöba kaba gihimamğö jim köhöizal. Nöņön i qahö waņğita liliņğöba ki kaba göhö jemesoholge qahö almam ewö, miaņğö keu lömbötņan mönö nöņğö qakne öņğöiga göhö jege bisiba malbiga gölmenöņ malmalnan teköma. ¹⁰Nalö köröpņi eksekpeksek aka qahö mambötpinak ewö, neņön lök endu anda liliņğöba ki kainga ambemņi yahöt akawak."

¹¹Mewö jiiga iwiņini Israelnöņ kewö jii mötket: "Mewö akza ewö, iņini mönö kewö akņe: Gölme kiaņğö töhötmöriamņi ölöp kötökņi tosatņi kewöņi mi memba toru gösöņine löņğöta anda azi mi kalema waņğime: Sile mirimirigö kelökņi tosatņi, moroņ oņi tosatņi, gipmi bakötök, marasin ip tokuņi qetņi mör gipit, kömin, kuņgam aka saugö alaņi almond mieņğö öļņini. ¹²Silwö moneņ walņi toru gösöņinaņğö numbuņine algetka memba kageri, mi aka miaņğö dop qakņe toroqeba ala mindirigetka jaņğöņan qariba 2:kö dop aiga mi memba liliņğöba anda waņğime. Tosatņan köpösihira aka mi gösöņine alget me denöwö? ¹³Munņini mewöyök waņğita zilaņ wahöta azi miaņğöreņ kunbuk liliņğöba anget. ¹⁴Anutu kukösum pakpakö Toņan mönö azi miaņğö jeņe ak-kömükömuņi eņgiiga yaņön darumunņini kun aka Benjamin mi embuk mire liliņğöba kameğora imbi kölma. Nöņğö moröurupnan tönbirin akņe ewö, nöņön mönö öne töhöm malmam."

¹⁵Mewö jiiga kalem yuai mi memba silwö moneņ memba kageri, miaņğö dop qakņe toroqeba ala mindirigetka jaņğöņan qariba 2:kö dop ahök. Mi memba Benjamin mohotņe waņğita wahöta ösumņinan Ijipt anda Josefkö jeņe aņgotket. ¹⁶Aņgotketka Josefnöņ Benjamin mi yeņğö sutņine eka miaņğöreņök miriñaņğö galömņi kewö jim kutum waņğiyök: "Gi mönö azi ki eņguaņğita nani mire anda al eņginöņga tatme. Tatketka anda sömbup kun qeba ohoba silingö neneņi mözözömgönöņga yeņön ölöp nömbuk mohotņe nene nemin." ¹⁷Josefkö miriñaņğö galömņan jim kutum waņğiyöhanğö dop azi mi eņguaņğiriga Josefkö mire anget.

¹⁸Eņguaņğiriga Josefkö mire anda jönömņini unduiga keņğöņņini möta kewö mötmöriiba sutņine jiget: "Mutuk kainga moneņnini meleņda toru gösöņine algetka memba anini, miaņğora yeņön mönö neņguaņğita kaba ki al neņğigetka tatzin. Yeņön mönö qeraköba neņğum ureiba luhut al neņğiba neņğömegetka welenqeęeurupņi omaņi ahiņa doņkiurupnini

kalöpköba anğön köl enggibepuk.”¹⁹ Mewö jiba kinda Josefkö mirigö galömnji yangören öngöba angetka miri nanğunje kiniga yangöra keu kewö jiget: ²⁰“O ketağamnini, nini nalö mutukça nene bohonji memingöra ki kain. ²¹Kaba nene bohonji memba kunbuk lilingöba anda könanöj miri kunöj anda ahöbingöra tata toru gösöningö kösöni pösata monenini totonine mi körekçanök gösönini nanjök nanjök numbuçine nene qakçe ahöiga ehin. Mianğöra moner mia merak kunbuk melenđa memba kazin. ²²Silwö moner mi dağön toru gösönine melenđa kunbuk alöhi, mi neğön qahö mötzin. Neğön mi aka silwö moner tosatni mi qakçe juhuköba nene söngöröjji kunbuk memingöra gösönine ala memba kazin.”

²³Mewö jigetka miri galömnjan kewö jiyök: “Waimanjat kude mötme. Nanjini aka iwiğinanğö Anutuğan mönö kungö uruñi kuğunğa silwö moner mi toru gösöjine aliga miwikçaiget. Nöğön engören silwö moner mi lök meal. Mianğöra keğğötjini kude möta urubönjöh tatme. “Mewö jiba Simeon wağgita yeğören kayohot.

²⁴Kayohotka mohotçe enğuanğita Josefkö mire öngögetka könanjini sağonmegöra o enğiyök aka doñkiğini gwözözak nenejini mianğön gumohom enğiyök. ²⁵Yeğön silimgö neneji Josefkö mire mohotçe nemeağö keuñi mötket. Mianğöra Josefnöh silimnöh miriçe kağgotmapköra mamböta kalem yuaiğini mi aukçe areğgöba tatket. ²⁶Tatketka Josefnöh mire kaiga kalem yuaiğini memba kaba miriçe öngögeri, mi wağgiba wösöçe simin köla gölmenöh bamğöget. ²⁷Bamğöba wahötketka jölöjini jiba denöwö maljei, qesim enğiba kewö jiyök: “Iwiğini azi namğağö jigeri, yağön denöwö malja? Toroqeba jebuk malja me qahö?”

²⁸Mewö jiiga kewö melenget: “Göhö welenqegegi, neğö iwininan mönö ölop malja. Mönö toroqeba jebuk malja. “Mewö melenđa göda qem wağgiba simin köla gölmenöh bamğöget.

²⁹Mewö aketka jeğan ui anda kaiga munji Benjamin, nanji namğağö nahönji mi eka kewö qesim enğiyök: “Munjini qöndökğağö jigetka mörali, yağön mönö ki akza me denöwö?” Qesim enğiba toroqeba kewö jiyök: “Nahöni, Anutuğöh mönö ak kömum gihiiga malman.”

³⁰Mewö jiba munji eka wösöjji pöröraköiga jeñi asöliiga sahötmamğö möta mianğörenök wölağ lilingöba enğömosöta ösumğan miri uruñi ölöñi kunöj öngöba nanjök mala sahörok. ³¹Sahöt teköba je imbilji sağonđa miri uruñi ölöñi mi mosöta kaba törörök mökösoğđa kinda nanji galöm köl anğuba numbu nene kölmegöra jiyök. ³²Ijpt yeğön Hibru ambazip yembuk mohotçe nene nemingö mötketka imbilonğambuk akzawağöra mi osimakze. Mianğöra Josefkö neneji mi inanjök köl wağgigetka tari darumunurupji yeğö mi inanjök köl enğiget tatketka Ijpt ambazip yambuk nene nemingö kaba tatkeri, yeğö nenejini mi

inanjök kölgetka tatket. ³³Josefnöy jiiga darumunurupji mi ahugerangö dop arengöm engigetka mutukjan qaikne tariga bezupjinan qöndökne tariga Josefnöy mesohol köl engiba tarök. Mewö tata nanjini angek kutuba welipköba tatket.

³⁴Mewö tatketka Josefnöy jiiga nanji teibolnöhök nene tosatji mendeña memba kaba köl engigetka munji Benjamingöra ambemji 5:gö dop toroqeba kölgetka neyök. Mewö memba Josefpuk közölömbuan ala awamjanök o köhöikji memba sösöngai qakne tatket. Mewö.

Josefnöy darumunurupji qambigö esapköm engiyök.

44 ¹Miangö andöne Josefnöy mirinjängö galömji jim kutum wangiba kewö jiyök: “Gi mönö azi miengö toru gösöjine wit padi mi sirimeangö dop löngötnönga numbuine kotme. Mewöjanök mohot mohot yengö monej esujini mi nanjök nanjök toto qeba toru gösöjinangö numbuine alman. ²Munjini qöndökji yangö toru gösöjängö numbuje miangöreñ nane qambi silwönöy memeji mi wit padigö moneji memba kayöhi, miambuk alman. “Mewö jim kutum wangjiiga miangö dop ahök.

³Miri asariiga söjanök azi mi melaim engigetka donkinjini enjuangita könanöy anget. ⁴Anda siti mosöta köröwen qahö angetka Josefnöy mirinjängö galömji kewö jim kutum wangiyök: “Gi mönö zilañ wahöta azi mi enjuatangöba anda miwikñaim engiba engeka kewö qesim engiman: ‘Azi kembunöy ölöpi ak enjiiga injini mönö wuanöngöra miangö kitipji bölöji meleñ wangiba kaze? ⁵Nöngö ketañamnan qambiñeyök kuluñ nemakzawi aka qambiñi miangön unji aka keu asa-asambötñangö könañi miwikñaimakzawi, injini qambi mi mönö wuanöngöra yongorö memba kaze? Injini mönö silik mi bölöji kötökña akze.’ ”

⁶Josefnöy mirinjängö galömji mewö jim kutum wangjiiga anda miwikñaim engiba keuji mi jiyöhangö dop jii mötket. ⁷Jii mötketka kewö meleñ wangiget: “Ketañamninan keu tandökji mewöji mi mönö wuanöngöra jiza? Göhö welenqeQurupki neñön silik bölöji mewöji mi qahöpmahöp akzin. Mi yapmake! ⁸Mötnöy, nini toru gösöjinangö numbuine silwö monej esu miwikñainini, mi mewöyök Keinan gölmenöhök memba kaba gihiin. Nini mönö wuanöngöra silwö me goul mi ketañamgahö mireyök yongorö membinak? ⁹WelenqeQurupki neñgöreñök kungö toru gösöñe silwö qambi mi miwikñaiman ewö, yanön mönö kömupkö bujaya aiga tosatji neñön ketañamnini, göhö welenqe qe omanji aka malbin.”

¹⁰Mewö meleñ wangigetka kewö jiyök: “Mewö miangön ölop. Jizeangö dop mi ölop akin. Kungö toru gösönöhök silwö qambi mi miwikñaimami, yanön mönö nöngö welenqeqeni omanji akñapmö, tosatji engö silenjine keu qahö ahöiga ölop

nanjinök mirinjine anme.”¹¹ Mewö jii möta körekjan gösöjini nanjök nanjök ösumok qeköba memba eta gölmenöj ala numbuñjanängö kösöj pösatket.¹² Pösatketka Josefkö mirinjängö galömjäm datjini mutukjängö toru gösöjeyök könahiba qezajda jaruba anda anda munjini qöndökj Benjamingö toru gösöje teteköje eka qambi mi miajgöreñ miwikjaiyök.¹³ Mi miwikjaiiga yejön urujini kot gwözöjniga wösöbirikjini kondela malukujini munjukunjuratket. Mewö aka sukinapjini dojki qakjine ala kunbuk lilingöba sitinöj anget.

¹⁴ Juda aka darumunurupji yejön lilingöba Josefkö mire angetka yañön tok mirineyök tarök. Tariga wösöje aņgota simin köla gölmenöj bangöget.¹⁵ Bangögetka Josefnöj kewö jiyök: “İjini mönö wani siliha mi akzeje? Azi ni ewöjan mönö ölp unju memba yuai yongoro megetka mi miwikjaimakzali, ijini mi qahö mötze me?”

¹⁶ Mewö jiiga Judanöj kewö melejnök: “O ketaņamni, nini mönö wani keuya göhöra jibinak? Nini keugö jaruzin. Nejön yuai bölöni qahö ahini, mi kondel gihibinängö dop qahö. Anutunöj mönö welenqeurupki, nejgö pinjtkö keuji indeli aukje ahöza. Miajgöra kungö toru gösöjeyök qambi mi miwikjaizawi aka tosatji nejön mewöyök mönö azi kembunängö welenqeurupji omanji aka malbin.”

¹⁷ Mewö melejnökmö, Josefnöj kewö jiyök: “Nöjön yuai mewöji mi qahö ak enjiamam. Mi saumbaņ! Azi dagö toru gösöje qambi mi miwikjaizawi, yañönök mönö nöjgö welenqeqeni aka malmapmö, tosatji ijini ölp luai qakje lilingöba iwinjanängöreñ mire anme.”

Judanöj Benjamingöra Josef ulet waņgiyök.

¹⁸ Mewö jiiga Judanöj Josefkö wösöje anda keu kewö jiyök: “O azi kembuni, ölp imbi kölnöjga welenqeqegi nöjön keu tosatji azi kembuni göhöra jibileņak. Göjön Farao kiņ nanjambuk öröröj akzanmö, töndup welenqeqegi nömbuk kazik kude ak niņgiman.¹⁹ Azi kembuni göjön welenqeurupki nini mutuk kainga kewö qesim neņginöj: ‘Eņgö iwinjini aka darumunjini kun maljahot me qahö?’

²⁰ “Mewö qesim neņginöjga nejön azi kembuni göhöra kewö melejnin: ‘Nejgö iwinini azi namji aka munini azi gwaböya kun mire tatzahot. Munini miajön iwininan lök azi namji aiga nalö miajgöreñ asuhuyök. Namjan azi morö yahöt etkimeiga datjan kömuiga nanjök töhön malja. Yañön mönö iwinjängö wölböt (jojopaņ) nahönji akza.’²¹ Mewö melejnina göjön welenqeurupki neņgöra keu kewö jinöj, ‘İjini mönö munjini mi waņgita nöjgöreñ ki kagetka i ölp nani jenan uba ekņam.’

²² “Mewö jinöjga nejön azi kembunini göhöra kewö melejnin: ‘Azi gwabö mi iwinji mosötmangö osima. Iwinji mosötpawak ewö, iwinjan mönö kömumbawak.’²³ Mewö melejninmö, göjön welenqeurupki neņgöra keu kewö jim kutunöj: ‘Munjini qöndökjan embuk ki qahö kama ewö, ijini mönö nöjgö jemesoholne kunbuk kude asuhume.’

²⁴“Mewö jim kutunönga mirinine lilingöba anda nöngö iwini, göhö welenqeqegi yangöra azi kembuni göhö keugi mi jiinga mörök. ²⁵Mi jiinga möta iwininan könangep kewö jiyök: ‘Injini mönö kunbuk anda neyğöra nene tosatji söngöröngi memba kame.’

²⁶“Mewö jiyökmö, nini kewö jiiin, ‘Nejön naninök anbingö osibin. Munini qöndökjan nembuk mohotje anmapkö jiman ewö, mönö ölop anbin. Munini bezupji qahö waņgita anbin ewö, nejön mönö azi miaņgö jemesoholje asuhubingö osibin.’

²⁷“Mewö jiinga nöngö iwini göhö welenqeqegi yaņön kewö jiyök: ‘Anömmi Reizölnöñ nahönyahötni yahöt etkimeyök. Mi nanjini ölop mötze. ²⁸Datjan nömosöta anda sohoiga kewö jial, “Sömbup kaljan mönö yöhöqöhöi kömumbawak me denöwö?” Nalö miaņgöreņök könahiba i qahö ehal. ²⁹Merak munji ki mewöyök noaņgita angetka könanöñ ayuayuhu kunjan yaņgö qakje öngöma ewö, injini mönö kondotketka wösöbirik öngöngöñan nöngö qakne öngöiga köñjilij möta kömumba nörop jupni yaņgonambuknöñ ujem mire gemam.’ ”

³⁰Judanöñ toroqeba keu kewö jiyök: “O azi kembuni, nöñön munini azi gwabö mi qahö waņgita anda iwini, göhö welenqeqegi yaņgö mire aņgotpileņak ewö, iwininan mönö ayuhubapuk. Yaņön mönö uruñi pakpak nahöñji bezupji yaņgöreñ jöhöiga malmalñiri mohot maljahot. ³¹Miaņgöra azi gwabö mi qahö waņgita aninga iwininan mi eka mönö kömup miwikñaiabapuk. Göhö welenqeqeurupki neyğöreñ mewö asuhuiga nini mönö kondoringa wösöbirik öngöngöñan iwinini göhö welenqeqegi yaņgö qakje öngöiga kömumba nörop jupñi yaņgonñambuknöñ ujem mire gema. ³²Göhö welenqeqegi nöñön azi gwaböñöñ qahö ayuhumapkö keuñi mi iwinangöra jim jöhöba kewö jial: ‘I qahö waņgita göhöreñ lilingöba kamam ewö, miaņgö keu lömbötjan mönö göhö jege nöngö qakne öngöba ahöiga gölmenöñ malmalni mewö mal öngöm tekömam.’ ³³Miaņgöra göñön ölop jim tekönönga nöñön azi gwabö yaņgö salupje azi kembuni göhö welenqeqegi omanji aka ki malbiga yaņön daturupji yembuk lilingöba mirinjine anme.

³⁴“Azi gwabö miaņön nömbuk qahö kama ewö, nöñön mönö denöwö aka iwinangöreñ anbileņak? Wösöbirik öngöngöñan iwinangö qakje öngöbawak, nöñön mönö mi ekñamgö tököm köhöizal. Miaņgöra i mönö kude jöhöman.”

Josefnöñ nanñi könañi indelök.

45 ¹⁷Judanöñ mewö jiiga ambazip liliköm eņgiba kinda eņgekeri, Josefnöñ körek yeņgö jeñine toroqeba könañi köyatiba nanñi galöm köl aņgumamgö lömböriba osiyök. Miaņgöra Josefnöñ kewö

⁷ 45.1 Apo 7.13; 9-11 Apo 7.14

silata qerök: “Enjön mönö körekñanök nömosöta denget. “Mewö jiiga dengetka Ijpt azi kunñan kösutñine qahö kiniga Josefnön nanñi könanji mi darumunurupñi yengöra kewö indelök: ² Yanjön amburereñ aka ötömbepuk qei sahöriga Ijpt ambazip gumnön malgeri, yeñön mi möta Farao kinğö jakömbuak mire anda buzup keunji mi jigetka mötket.

³ Josefnön sahöta kinda darumunurupñi mi kewö jii mötket: “Ni Josef! Iwinan tok jebuk malja me qahö?” Mewö jii mötketmö, darumunñan uruñinan kot gwözöñniga aurum tililingöba jeñe öne kinda keu kun qahö mötmöriba meleñ wañgibingö osiget. ⁴ Osiba kingetka Josefnön yengöra kewö jiyök: “Enjön mönö nöngö kösutne ki kaget. “Mewö jii kagetka kewö jiyök: “Ni Josef, darumunñini bohoni memegöra algetka Ijpt kayali, mönö mia.

⁵ “Mönö uruköñjiliñ kude mötme. Anutunön enjön kömumbepüköra ni mutuk melaim niñgiiga qeljiñe ki kabiga iñini kaze. Ni bohoni memegöra al niñgigetka ki kayali, miangöra mönö nanñinañgöra irimsesewöl kude möt aņgume. ⁶ Bödi kianñön lök yambu yahötkö dop gölme dop köla ahöza. Mi toroqeba kunbuk yambu 5:gö dop ahöiga nalö miangö uruñe gölme qem kömöt qahö aka nene ölni qahö miwikñaiiba tokoba malbin.

⁷ “Anutunön mönö köna wewelipköñambuk wuatangöba enğö malmalñinañgö bohonñi jöhöiga toroqeba jebuk mala gwölönarök miwikñaim enğiba gölme qakñe malmegöra mötza. Miangöra aka ni mutuk melaim niñgiiga qeljiñe ki kabiga iñini kaze. ⁸ Miangöra enjön qahö melaim niñgiget tandök akzapmö, Anutunön mönö ölna melaim niñgiiga ki kayal. Yanjön kuñgum niñgiiga Farao kinğö jembonñi mutukñi aka jakömbuak miriñe wanat nup memakzei, körek yeñgö ketañamñina akzal. Mewö akiga Anutunön Ijpt kantri jömukñanök mi nöngö böröne aliga azi kembuñina akzal.

⁹ “Iñini mönö döлки wahöta ösumñinan iwinangöreneñ lilingöba anda keu kewö jigetka mötma: ‘Göhö nahöngi Josef yanñön keu kewö jiza: Anutunön ni kuñgum niñgiba Ijpt kantri jömukñanök nöngö böröne aliga azi kembuñina akzal. Miangöra göñön mönö nalö kude qem körimanmö, zilañ nöngöreñ kaman. ¹⁰ Ki kaba ölop tatat dumdumgi Gosen gölmenön möhamgöba nane kösutne malman. Gi aka isimoröurupki, göhöreñ lama bulmakau kambuñi kambuñi aka öroyuai pakpak buñagi ahözawi, mi mönö memba kölolohoba kame.

¹¹ “Bödi kianñön mönö kunbuk toroqeba yambu 5:gö dop ahöm öngöma. Nalö miangö uruñe gi, mirigahö saiwaurupki me tinitosolomurupki tosatñi yeñgöreñök kunñan bödi mala nenegö mözöqözöröm aka kömum gororongöbapuk. Miangöra mönö Gosen gölmenön kaba mala wani yuaigöra osimei, nöñön mi enğiba malmam.’ Iwininañgöra keu mi mönö mewö jigetka mötma.

¹² “Ni nanak ölna ki kinda enğöra keu jizali, mi ölop nanñini jeñinan nek kutuze aka muni Benjaminön mewöyök ni nek kutuza. ¹³ Miangöra

inini mönō iwinanḡoreḡ anda Ijpt kantrinōḡ qetbuḡa ketaḡi pakpak niḡigetka maljali aka yuai pakpak ekeri, miangō kösohotḡi mi iwini jigetka mötma. Mi möriḡa mönō ösumok waḡgita eta ki kame.”

¹⁴Mewō jiba börōḡi munḡi Benjamingō imbiḡe gili geiga sahöriga Benjaminōḡ mewōḡanḡök anḡöm waḡgiba sahörök. ¹⁵Toroqeba börōḡi daturupḡi körek yeḡḡō imbiḡine gili geiga sahöta numbuḡini yöhötüm neyök. Miangō andōḡe darumunurupḡan yambuk keu eraum-mötket. ¹⁶Josefkō darumunurupḡan kageri, miangō buzupḡan Farao kiḡḡō jakömbuak mire aniga Farao kiḡ aka jembonurupḡi pakpak yeḡḡōn mi möta uruölöwak mötket.

¹⁷Mewō möta Farao kiḡnōḡ Josefkōra kewō jiyök: “Darumunurupki mönō jinōḡa kewō akḡe: ‘Sukinapḡini mönō doḡki qakḡine ala kunbuk liliḡöba miriḡine Keinan gölme anme. ¹⁸Anda iwiḡini aka saiwaurupḡini enḡuangita liliḡöba nöḡḡoreḡ kame. Ki kagetka nöḡön gölme ölöḡ kötökḡi Ijpt kantri uruḡeyök möwölöhöba enḡibiga ölöḡ miangō kelökḡi miwikḡaiba nem söḡgaip aka malme.’

¹⁹“Mewöyök kewō jim kutum enḡinōḡa akḡe: ‘Ijpt kianḡöreḡök mönō hosḡō kareḡi tosatḡi memba anda anöm-moröurupḡini miangöreḡ al enḡiba iwiḡini waḡgita mohotḡe ki kame. ²⁰Miriḡinanḡō yuaiḡi tosatḡi Keinan gölmenōḡ mosötmei, miangō waimanjatḡi kude akḡe. Nöḡön miangō salupḡe Ijpt kantri jömuk kianḡō yuaiḡi ölöḡ kötökḡi mi enḡibiga buḡanḡi akḡa.’ ”

²¹Farao kiḡnōḡ mewō jiiga Israelḡō nahönurupḡan miangō dop aket. Josefnōḡ Farao kiḡḡō jimkutukutu keuḡi wuatangöba hosḡō kareḡi tosatḡi enḡiyök. Mewöyök köna anangō nene semön tosatḡi enḡiyök. ²²Mi enḡibagun daturupḡi mohot mohot yeḡḡō opo malukuḡini döläkḡi totoḡine enḡiyökmö, munḡi Benjamingōra opo maluku döläkḡi börö kun waḡgiba moneḡ silwö köt 300 waḡḡiyök. ²³Iwiḡanḡōra Ijpt kantrigō yuai ölöḡ sorokḡi jesōḡḡō memba doḡki ten miengō qakḡine aliga anget. Mewōḡanök doḡki ambiḡi ten miengō qakḡine wit padi, bered aka nene tosatḡi iwiḡanḡō köna semöna aliga bisiba anget. ²⁴Angetka Josefnōḡ darumunurupḡi melaim enḡii anbingō aketka keu kewō jii mötket: “Inini könanōḡ anda anḡururuk kude akḡe.”

²⁵Mewō jiiga Ijpt mosöta anda Keinan gölmenōḡ iwiḡini Jeikobköreḡ anḡotket. ²⁶Anḡota iwiḡinanḡōra keu kösohot kewō jiget: “Josefnōḡ mönō toroqeba jebuk malja. Ijpt kantri jömukḡanök mi yanḡō börōḡe ahöiga azi kembuḡina aka malja. “Mewō jigetka keu mi qahö möt nariyöhanḡōra uruḡi toroqeba amöriiga tarök.

²⁷Mewō tarökmö, Josefnōḡ keu pakpak jiyöhi, mi jiget mörök aka hosḡō kareḡi tosatḡi i waḡgita Ijpt anmapköra ali kayöhi, iwiḡini Jeikobnōḡ mi eka kinda uru sileḡan köleḡni könöpkönöp ahök.

²⁸Könöpkönöp aka kewō jiyök: “O mi alakḡa! Mi möt köhöizal. Nahöni

Josefnön mönö toroqeba jebuk malja. Nönön mönö anda i ekagun könangep ölop kömumam. “Mewö.

Jeikobnönön könagesöurupnji yembuk Ijpt anget.

46 ¹Israelnönön sukinap yuainji pakpak kölolohoba memba wahöta köna anök. Anda Berseba mire angota kinda miangörej iwini Aisakö Anutuñangöra umjövöwöl ohoyök. ²Mi ohoba sunjem ahöiga jeni melejniga imut eka miangörej Anutunönön Israelgöra keu jiba qetnji “Jeikob, Jeikob!” qeriga “Ni ki,” jiba melejnök.

³Melejniga kewö jiyök: “Ni Anutu, göhö iwigahö bemni. Gi Ijpt gemamgö kenngötki kude mötman. Nönön miangörej kötuetköm gihibiga könagesö kambu ketanji akje. ⁴Nönön mönö göbuk Ijpt gemam aka mewöyök gwölönarökurupki miangörejök enjuañgitpiga kunbuk lilingöba kame. Göñön kömunönnga Josef nanji börönan mönö göhö je jupki kusui etma.”

⁵Miangö andöje Jeikobnönön Berseba miri mosötpin jiiga Israelgö nahönurupñan iwiniñi aka anöm-moröurupñini mi közözhom engigetka hosgö karenönön öngöget. Farao kiñnönön hosgö kare miangön engömemba kamegöra jiba ali memba anget. ⁶^zSukinapñini aka miri sömbupñini pakpak Keinan gölmenönön mala buña qeba memba malgeri, mi tok mohotje memba anget. Jeikob aka gwölönarökurupnji pakpak miengön mewö Ijpt anget. ⁷Gwölönarökurupnji pakpak, isimoröurupnji azi aka ambi mi körek enjuañgita Ijpt anget.

⁸Israel qetnji alañi Jeikob aka yangö gwölönarökurupnji Ijpt angeri, yengö qetjniñi kewö: Jeikobkö nahönñi mutukñi Ruben. ⁹Rubengö nahönurupñi qetjniñi Hanok, Palu, Hezron aka Karmi. ¹⁰Simeongö nahönurupñi qetjniñi Jemuel, Jamin, Ohad, Jakin, Zohar aka Saul. Saulgö namñi mi Keinan ambi kun. ¹¹Liwaigö nahönurupñi qetjniñi Gerson, Kohat aka Merari.

¹²Judagö nahönurupñi qetjniñi Er, Onan, Sela, Perez aka Zera. (Er aka Onan yetköñ lök Keinan gölmenönön kömuyohot.) Perezkö nahönyahötñi mi Hezron aka Hamul. ¹³Isakargö nahönurupñi qetjniñi Tola, Puwa, Jasub aka Simron. ¹⁴Zebulungö nahönurupñi qetjniñi Sered, Elon aka Jalel. ¹⁵Jeikobkö nahönurupñi anömñi Leanön Mesopotemia (Padan Aram) gölmenönön engömeyöhi, yengö qetjniñi mewö. Böratñiri Daina mi mewöyök meyök. Jeikob aka Lea yetkö isimoröurupñiri mi mewö oyonnda mindirigetka 33 ahök.

¹⁶Gadkö nahönurupñi qetjniñi Zefon, Hagi, Suni, Ezbon, Eri, Arodi aka Areli. ¹⁷Asergö nahönurupñi qetjniñi Imna, Iswa, Iswi aka Beria. Nenñinangö qetnji Sera. Beriagö nahönyahötñi qetñiri Heber aka Malkiel.

^z 46.6 Apo 7.15; 20 Jen 41.50-52; 27 Apo 7.14

¹⁸ Labanöŋ ambi qetŋi Zilpa bōratŋi Leagö welen ambia malmapkōra waŋgiyōhi, yaŋōn Jeikobkö nahōnurupŋi mewō engōmeyōk. Jeikob aka Zilpa yetkö isimorōurupŋiri mi mewō oyoŋda mindirigetka 16 ahök.

¹⁹ Jeikobkö anōmŋi Reizōlgō nahōnyahōtŋi mi Josef aka Benjamin.

²⁰ Josefkō nahōnyahōtŋi Ijpt kantrinōŋ asuhuyohori, mi qetŋiri Manase aka Efraim. Namŋiri qetŋi Asenat mi Heliopolis (On) taongö jike nup galōm qetŋi Potifera yaŋgō bōratŋa. ²¹ Benjamingō nahōnurupŋi qetŋini Bela, Beker, Asbel, Gera, Naman, Ehi, Ros, Mupim, Hupim aka Ard. ²² Jeikobkö nahōnyahōtŋi Reizōlnōŋ etkōmeyōhi, yetkö qetŋiri mewō. Jeikob aka Reizöl yetkö isimorōurupŋiri mewō oyoŋda mindirigetka körekmakōrek 14 ahök.

²³ Dangō nahōnŋi qetŋi Husim. ²⁴ Naftaligō nahōnurupŋi qetŋini Jaziel, Guni, Jezer aka Silem. ²⁵ Labanöŋ ambi qetŋi Bilha bōratŋi Reizōlgō welen ambia malmapkōra waŋgiyōhi, yaŋōn Jeikobkö nahōnurupŋi mewō engōmeyōk. Jeikob aka Bilha yetkö isimorōurupŋiri mi mewō oyoŋda mindirigetka körekmakōrek 7 ahök.

²⁶ Jeikobkö isimorōurupŋi diŋdiŋi tōhōn yambuk Ijpt angeri, miengō jaŋgōŋini oyoŋda mindirigetka körekŋanök kōnagesō 66 aket. Nahōnurupŋi yaŋgō anōmŋini mi jaŋgō miangōreŋ qahō toroqeket.

²⁷ Josefkō nahōnyahōtŋi Ijpt kantrinōŋ asuhuyohori, mi yahōt. Jeikobkö kōnagesōurupŋi Ijpt angeri, miengō jaŋgōŋini mi mewō oyoŋda mindirigetka 70 ahök. Mewō.

Jeikob kōnagesōurupŋi yembuk Ijpt aŋgotket.

²⁸ Kōnanōŋ anda mala Jeikobnōŋ Juda mutuk melaiba kewō jiyōk: “Gi mōnō Josefkōreŋ anda Gosen gölmenōŋ anangō kōnaŋgōra qesim waŋgiman. “Mewō jii mōta anda kaiga Gosen prowinsnōŋ aŋgotket. ²⁹ Josefnōŋ aŋgotkerangō buzupŋi mōta jiiga hos karenōŋ jōhōba mözōzōmgōgetka qakŋe öŋgōba iwiŋi Israelbuk aitōŋgōbitkö Gosen gölmenōŋ anök. Anda eka yaŋgō jeŋe aŋgota bōrōŋi imbiŋe gili geiga aŋgum waŋgiba nalō körōpŋi titipepeŋi memba urusahōt qeyōk. ³⁰ Israelnōŋ Josef kewō jii mōrōk: “Gōŋōn toroqeba jebuk maljani, mi nanak gekzala nalō kewōŋe ölop jōjōrōba kōmumam.”

³¹ Mewō jiiga Josefnōŋ darumunurupŋi aka iwiŋangō kōnagesōŋi kewō jii mōtket: “Nōŋōn mōnō Farao kiŋgōreŋ öŋgōba keu kewō jibi mōtma: ‘Darumunurupni aka iwinangō kōnagesōŋi Keinan gölmenōŋ malgeri, yeŋōn lōk nōŋgōreŋ kaze. ³² Darumunurupni miengōn lama bulmakau galōmŋini aka mi galōm köl engiba maljeaŋgōra kabingō aka lama kambuŋini, bulmakau kambuŋini aka sukinap örōyuaiŋini pakpak mi enŋuaŋgita kaze.’ ³³ Miaŋgōra Farao kiŋnōŋ enŋoholi jemesoholŋe aŋgotketka kewō qesim enŋima: ‘Iŋini wani nuwa memakze?’

³⁴ “Mewō qesim enŋiiga iŋini kewō meleŋ waŋgime: ‘Welenqeaurupki neŋōn mōnō abu asaurupnini mutuk memba malgerangō dop

moröröpnineyök lama bulmakau galöm kölköl nupji memba mala maljin.' Mewö melej waŋgigetka yaŋön ölop Gosen prowinsnön tatat dumdumnini möhamgömegöra oŋ jiiga malme. Ijpt ambazip yeŋön lama bulmakau galöm kölköl ambazip pakpak yeŋgöra mötketka imbilonjoŋinambuk ahakze. "Josefnöŋ keunji mewö jii mötket.

Josefnöŋ kiŋgö jeŋe korök.

47 ¹Josefnöŋ anda Farao kiŋgöra kewö jiyök: "Nöŋgö iwi darumunurupni yeŋön lama bulmakau kambunini aka sukinap öröyuainini pakpak memba Keinan gölme mosöta kaba mala döлки Gosen gölmenöŋ kaŋgota malje." ²Yaŋön darumunurupni yeŋgöreŋök azi 5 eŋguangita Farao kiŋgö jeŋe öŋgöba kiŋgetka eŋgehök.

³Eŋgeka kewö qesim eŋgiyök: "Ijini wani nuwa memakze?" Mewö qesim eŋgiiga kewö melej waŋgiget: "Welenqeaurupki neŋön iwiurupninan mutuk malgeraŋgö dop lama bulmakau galöm kölköl nupji memba mala maljin."

⁴Mewö jiba toroqeba kewö jiget: "Keinan gölmenöŋ bödi lömbötŋambuk ahözawaŋgöra welenqeaurupki neŋön lama bulmakau kambunini yeŋgöra nene qahö miwikŋainin. Miangöra neŋön gölme kiangöreŋ kusuk malbingöra kain. Mewö aiga welenqeaurupki ölop oŋ jiba jim teköm neŋginöŋga nini Gosen prowins miangöreŋ tatat dumdumnini möhamgöbin."

⁵Mewö jigetka Farao kiŋnöŋ Josef kewö jii mörök: "Iwi darumunurupkan göhöreŋ kaget. ⁶Ijpt kantri ki aukŋe göhö jege ahözawaŋgöra ölop iwi darumunurupki gölme bahöŋi kelökŋi ölopŋi miangöreŋ al eŋginöŋga malme. Ölop Gosen prowinsnöŋ malme. Sutŋine nup qetpuk meme azi tosatŋi maljei, mi möt eŋgiman ewö, ölop nöŋgö mirigö sömbup kambuni mi yeŋgö böröŋine al eŋginöŋga galöm köl eŋgiba malme."

⁷Mewö jii möta Josefnöŋ iwiŋi Jeikob Farao kiŋgö jeŋe waŋgita kaiga ehi Farao kiŋ mi kötuatköm waŋgiyök. ⁸Kötuatköm waŋgiiga kewö qesim waŋgiyök: "Göhö yambuŋi dawik akza?"

⁹Qesim waŋgiiga kewö meleŋnök: "Nöŋön yambu 130:gö dop gölmenöŋ liliköba mala kota maljal. Nöŋgö malmalnaŋgö yambuŋi pakpak mi awamdökŋi aka osikosinambuk aket. Iwiurupnan yambu sehisehiŋi gölmenöŋ liliköba malgeri, nöŋgö yambu qötönan yeŋgöreŋambuk dop mohot qahö akza."

¹⁰Mewö jiba Farao kiŋ mi kunbuk kötuatköm waŋgiba jemesoholŋeyök eta anök. ¹¹Josefnöŋ iwi darumunŋi mi Farao kiŋnöŋ jim kutuyöhaŋgö dop Ijpt kantrinöŋ al eŋgiba Ijptkö gölme bahöŋi kelökŋi ölopŋi kun mi Rameses prowins (Gosen) miangöreŋ eŋgiyök. ¹²Josefnöŋ mewöyök iwi darumunurupŋi aka iwiŋaŋgö könagesöurupŋi pakpak mi neneŋini anöm-moröurupŋini malgeri, qötö miangö dop dopŋine eŋgiba malök.

Bödi nalöŋi lömbötŋambuk.

¹³Bödi ketaŋi mi lömbötŋambuk ahöiga nenenöŋ gölme dop qahöwahiga Ijpt aka Keinan kantri mietkö könagesöŋjiran mönö nenegö kömum soholip aka malget.

¹⁴Mewö mala Josefköreŋ kaba wit padi söŋgööröŋi megetka yaŋön monerŋ pakpak Ijpt aka Keinan kantri uruŋe ahöyöhi, mi tokoba memba Farao kiŋgö jakömbuak mirigö köweŋe alök. ¹⁵Ijpt könagesö aka Keinan könagesö yeŋgöreŋ monerŋ qahöwak teköiga Ijpt körek yeŋön Josefköreŋ kaba kewö jiget: “Monerŋninan qahöwak teközawaŋgöra göŋön mönö nene neŋgiman. Nene qahö neŋgiman ewö, neŋön mönö göhö jemesoholge kömumbin.”

¹⁶Mewö jigetka Josefnöŋ kewö jiyök: “Monerŋninan qahöwakzawaŋgöra eŋgöreŋ lama aka bulmakau ahözei, mönö mi memba kaba niŋgigetka nöŋön nene eŋgiman.”

¹⁷Mewö jiiga anda lama bulmakaunini eŋguaŋgita kaba Josef waŋgiget. Yeŋön hosŋini, lamaanini, memerŋini, bulmakaunini aka doŋkiŋini mi eŋguaŋgita kaba nenegö söŋgööröŋa Josef waŋgiba nene memba malget. Lama bulmakaunini pakpak mi Josef waŋgigetka yaŋön nene eŋgiba mewö miaŋön yambu mohotkö uruŋe malmalŋini naŋgöiga qahö kömuget.

¹⁸Qahö kömugetka yambu miaŋön teköyök. Teköiga yambu döläkŋe dumŋe kunbuk yaŋgöreŋ kaba kewö jiget: “Azi kembunini, monerŋnini qahöwakzawaŋgöra könaŋamnini ölni mi göhö jege öläp qahö köyatibin. Neŋgöreŋ lama bulmakaunini mi mewöyök gihiinga göhö buŋaya ak teköza. Nini mi pakpak azi kembunini gi gihim teköinaŋgöra nanini aka gölmenini miyök ahöm neŋgiza. Miaŋgöra mönö wania kun gihibinak?

¹⁹Nini mönö könaŋi wuanöŋgöra göhö jege töndup kömumbinak? Nanini kömuinga gölmeninan mönö wuanöŋgöra öne ahöba apopam köla bölibawak? Miaŋgöra mönö nanini aka gölmenini bohonini memba miaŋön numbu nene neŋginöŋga nini öläp Farao kiŋgö welenqeŋe omaŋi ahinga gölmeninan mewöyök yaŋgö buŋaya akŋa. Neŋön toroqeba jebuk mala kömumbinbuköra mönö nene kötŋi neŋgiman. Neŋginöŋga gölme nup waŋgiinga öne qahö ahöba gönjaŋ akŋa.”

²⁰Bödi köhöikŋi kötökŋi miaŋön Ijpt könagesö yembuk ahöyöhaŋgöra yeŋön körek mohot mohot nup gölmenini kööröŋi mi bohonŋinaŋgöra algetka Josefnöŋ Ijpt gölme pakpak mi söŋgööröŋi meiga Farao kiŋgö buŋaya ak teköyök. ²¹Josefnöŋ Ijpt könagesö miri dop kantrigö jabö teteköŋi uruŋe malgeri, mi pakpak eŋgömeiga gawmangö welenqeŋe omaŋi aka malget. ²²Farao kiŋnöŋ jike nup galöm yeŋgö fotnait töwaŋjini eŋgiiga memba miaŋön malmalŋini naŋgöba malget. Mewö aiga neneninaŋgöra qahö lömböriiga gölmenini Josefnöŋ söŋgööröŋi

memapköra qahö alget. Mianğöra jike nup galöm yengörej gölme mienjön mohot kiŋ Faraogö buŋaŋi qahö aket.

²³Josefnöŋ könagesö yengöra kewö jiyök: “Mötket, nöŋön nanŋini aka gölmeŋini söŋğöröŋini mem teköbiga Farao kiŋgö buŋaya akze. Mianğöra nöŋön nene kötŋi eŋgibiga mi ölop memba gölmenöŋ kömötme. ²⁴Kömötketka ölni asuhuiga mi mönö kewötketka kambu 5 asuhugetka mienğöreŋök mohot mohot mi Farao kiŋgöra ala waŋgiba malmemö, kambu 4 mi kunbuk gölmenöŋ kömötmeaŋgöra aka neneŋinaŋgöra ahöma. Mi nanŋini, anöm-moröurupŋini aka tosatŋi miriŋine maljei, mönö eŋgö neneŋina ahöma.”

²⁵Mewö jiiga kewö jiget: “Göŋön neŋgö malmalnini bödinöhök mekönöŋ, Mianğöra azi kembuninaŋgö jeŋe ak-kömükömu miwikŋaibin ewö, neŋön ölop Farao kiŋgö welenqeŋe omaŋi aka malbin.” ²⁶Josefnöŋ Ijpt yengö gölmegöra jimkutukutu ali ahöba kota ki ohozali, nalö kewöŋe mewöyök toroqeba ahöza. Jimkutukutu mi kewö: Nene nupkö ölni mi mönö mendeŋgetka kambu 5 aiga mienğöreŋök mohot mohot mi Farao kiŋgö buŋaya akŋapköra ala malme. Jike nup galöm yengörej gölme mienjön mohot Farao kiŋgö buŋaŋi qahö aket.

Jeikobnöŋ qamötŋaŋgöra Josef qesiiga oŋ jiyök.

²⁷Israel yeŋön Ijpt gölmegö prowins qetŋi Gosen mianğöreŋ tatat dundumŋini memba gölme aŋgön köla malget. Mianğöreŋ mala ahumsehup aketka qötöŋinan gwötpuk qariyök. ²⁸Jeikobnöŋ malmalŋi yambu 17 mi Ijpt gölmenöŋ malök. Malmalŋi jömukŋaŋgö yambuŋi mi mindiriba 147 ahök.

²⁹“Israalgö kömup nalöŋan dopdowiiga nahönŋi Josef jii kaiga kewö jii mörök: “Nöŋön göhö jege ak-kömükömu miwikŋaizal ewö, göŋön mönö dölki urukalem kondela keu kewö pöndaŋ wuatanaŋgöba mem yakömangö jiba börögi nöŋgö tambuni bapŋe ala kewö jim jöhöman: Nöŋön kömumbiga qamötŋi mi mönö Ijpt gölme kianğöreŋ kude löm kölman. ³⁰Nöŋön kömumba iwi asani yembuk luhut memba ahömami, nalö mianğöreŋ nöŋgö qamötŋi mi mönö Ijpt kantrinöhök memba anda iwi asani löm köl eŋgigeri, yengö qaksiriŋine nesim kölman. “Mewö jiiga kewö jiyök: “Jizanaŋgö dop mi ölop akŋam.”

³¹Mewö jiiga iwiŋan kewö jiyök: “Keu mi mönö jöjöpaŋ keunöŋ jim köhöim niŋgiman. “Mewö jiiga Josefnöŋ mi jöjöpaŋ keunöŋ jim köhöiiga Jeikobnöŋ mi möta bilipköba nöropŋi memba geba öröpŋaŋgö kitipŋe ala nariba Anutugö waikŋi memba möpöseiyök. Mewö.

Jeikobnöŋ Manase aka Efraim kötuatköm etkiyök.

48 ¹Nalö tosatŋi teköiga Jeikobnöŋ kawöl miwikŋaiiga keu mi Josefköra jigetka mörök. Mi möta nahönyahötŋi yahöt Manase

^a 47.29-30 Jen 49.29-32; 50.6

aka Efraim mi etkuangita iwiñangörej anök. ²Aniga tosatñan Jeikobköra kewö jigetka mörök, “Nahöngi Josefnöj mönö gi gekñamgöra kaza. “Israelnöj keu mi möta ösumñi ahöyöhi, mi qezaköba ahöahö dumñeyök wahöta tarök. ³^bWahöta tata Josefköra kewö jiyök: “Anutu kukösum pakpakö Toñi yañön Keinan gölmegö Luz miri miangörej nöngörej asuhuba kötuatköm niñgiba

⁴kewö jiyök: ‘Nöñön ahumsehip gihibiga gwölönarökurupki yeñgö qötöñinan mönö qariba qariba öngöiga göñön könagesö kambuñi kambuñi gwötpuk yeñgö bömön jalöñina akñan. Gwölönarökurupki könage asuhum öngömei, nöñön gölme ki mi i buña qem engibiga yeñgö buñañina teteköñi qahö ahöm öñgöma.’

⁵Anutunöj mewö jiyök. Mutuk nöñön Ijpt gölmenöj göhörej qahö kayalañgörej anömngan nahönyahötöki yahöt Ijpt kiañgörej etkömeyöhi, yetkön mönö nöngö buñaya akñahot. Manase aka Efraim yetkön mönö Ruben aka Simeon ewö nöngö buñaya akñahot. ⁶Mewö ahotka könangep gölme mesinđa yetköra distrik yahöt etkime. Efraim aka Manase yetkö bapñire nahönböraturupki tosatñi asuhugeri, mieñön mönö nange buñaya akñe. Yeñön gölme bahöñini buña qem angumei, mi mönö Efraim aka Manase yetkö distrik yahötñiri mietkö uruñe ahögetka bohon toñiri ahotka datyahötñiri yetkö nembö bapñire malme. ⁷Nöñön Mesopotemia (Padan Aram) mosöta liliñgöba Keinan gölmenöj kaba Efrata taon dopdowibiga anömni Reizölnöj kömuiga wösöbirik ketañi ahum niñgiyök. Kömuiga qamötñi mi Efrat anangö köna töwokñe löm kölal. Efrat mirigö qetñi alañi mi Betlehem.”

⁸Israelnöj mewö jiba Josefkö nahönyahötñi etkeka kewö qesim wañgiyök: “Azi moröñi yahöt ki dañön dañön?”

⁹Qesim wañgiiga Josefnöj iwiñangöra kewö jiyök: “Nöngö nahönyahötöni Anutunöj Ijpt kiañgörej niñgiyöhi, i mönö mia. “Mewö jiiga Israelnöj jiyök: “Nöñön kötuatköm etkimamañgöra i ölöp etkuangitnönnga nöngö kösutne kamahot.” ¹⁰Mewö jiiga Josefnöj nahönyahötñi etkuangita kösutñe kagetka böröñi giliga imbiñire geiga numbuñiri yöhötüm neyök. Israelnöj azi namñi aiga jeñi ömuñ köliga yuai kun ek kutumamgö tönpin aka osiyök. ¹¹Numbuñiri yöhötüm nembra Josefköra kewö jiyök: “Nöñön mutuk göhö jemesoholgi kunbuk gekñamgöra qahö al mamböta malalmö, Anutunöj köna mesariga dölkö nangi aka nahönyahötöki mewöyök engekzal.”

¹²Mewö jiiga Josefnöj nahönyahötñi iwiñangö tambuñeyök etkömembra simin köla bamgöba geyök.

¹³Bamgöba geba wahöta nahönyahötñi böröñire memba etkuangiriga nanñi iwiñangö wösöñe kayohot. Efraim mi böröñi ölnan memba Israelgö

^b 48.3-4 Jen 28.13-14; 7 Jen 35.16-19; 20 Hib 11.21

böröŋi qaniŋe ala Manase mi böröŋi qaniŋan memba Israelgö böröŋi öŋe alök. ¹⁴Mewö al etkiyökmö, Efraim munŋi aiga asaŋan töndup böröŋi öŋan böraŋda yaŋgö nööröŋe alök. Manasenöŋ Josefkö nahönŋi mutukŋi ahökmö, asaŋan töndup böröŋi qaniŋan yaŋgö nööröŋe alök. Mewö aka böröŋi maripom ewö al kutuba nööröŋire alök. ¹⁵Mewö ala tata Josef kötuetaköm waŋgiba kewö jiyök:

“Asani Abraham aka iwini Aisak yetkön Anutugö jeŋe anda kaba aka memba malohot. Nöŋön asuhuba mala korali, Anutunöŋ mönö nalö miangöreŋ pöndaŋ köyan köl niŋgiba mala korök.

- 16 Suep garatanöŋ ni bölöŋi pakpak miangöreŋök meköba aŋgön köl niŋgiba malöhi, yaŋön mönö azi gwabö yahöt ki kötuetaköm etkiba malma.

Ambazipnöŋ yetkö qetŋiri qetketka miangön mönö ni aka iwi asani Aisak aka Abraham neŋgö qetbuŋanini bisiba malmahot. Yetkö könagesöŋiran mönö gölme qakŋe önöŋi qahö sehiba malme.”

¹⁷Mewö jiyökmö, Josefnöŋ iwiŋan böröŋi öŋan Efraimgö nööröŋe ali mi ehi dop qahö köliga miangöra möt böliba iwiŋaŋgö böröŋi öŋe memba Efraimgö nööröŋeyök meköba Manasegö nööröŋe almamgö ahök. ¹⁸Mewö aka iwiŋaŋgöra kewö jiyök: “Iwini, mewö kude aknöŋ. Morö kiaŋön nahöni mutukŋi akza. Miangöra börögi öŋan mönö yaŋgö nööröŋe alnöŋ.”

¹⁹Mewö jiyökmö, iwiŋan mi akŋamgö qetala Josef kewö jii mörök: “Nahöni, mi ölöŋ mötzal. Nöŋön mi mötzal. Manasenöŋ mewöyök qetbuŋaŋambuk aiga yaŋgö gwölönarökurupŋan mewöyök ahumsehipe aka könagesö ketaŋi akŋemö, Efraimgö qetbuŋaŋan mönö Manasegöreŋ qetbuŋa oŋgita ahöma. Yaŋgö gwölönarökurupŋan mönö ahumsehipe ketaŋi aka könagesö kambuŋi kambuŋi gwötpuk aka malme.”

²⁰Mewö jii möriŋa silim miangöreŋök kötuetaköm etkiba kewö jiyök: “Israel yeŋön mönö etkö qetŋiri qeta könagesöŋini kötuetaköm eŋgiba kewö jime: Anutunöŋ mönö oyaeŋkoyaeŋ ak eŋgiiga eŋön Efraim aka Manase ewö akŋe. “Mewö jiba Manase mi Efraimgö nembö baŋŋe alök.

²¹Israelnöŋ kötuetaköm eŋgii teköiga Josefköra keu kewö jiyök: “Mötnöŋ, nöŋön kömumamgö akzalmö, Anutunöŋ embuk mal öŋgöma. Yaŋön mönö eŋguaŋgiriga iwi asaurupŋini yeŋgö gölmenöŋ liliŋgöba anme. ²²Miangöreŋ anda sutŋine gölme mesinŋetka nöŋön göhö gölmeŋi toroqeba Sekem gölme kelökŋambuk mi gihizal. Nöŋön kukundu gölme mi Amor könagesö yembuk bim qeba nani timbi aka bimgö sou ketaŋi miangön yeŋgöreŋök meal. Josef gi darumunurupki yeŋgö bohönŋini akzanaŋgöra mi darumunurupki yeŋgöra qahöpmö, göhö buŋaya jim teköbi ahöma. “Mewö.

Jeikobnōḡ nahōnurupḡi kōtuetkōm enḡiyōk.

49 ¹ Mianḡō andōḡe Jeikobnōḡ nahōnurupḡi enḡoholi kagetka keu kewō jiyōk: “Inḡini mōnō örōm tokogetka nōḡōn malmalnḡine kōnaḡep denōwō asuhumawi, mianḡō kezapqetok keuḡi indela jibi mōtme.

- ² Jeikobkō nahōnurupḡi, inḡini mōnō kaba tokoba iwiḡini Israelḡoreḡ keu kezap ala mōtket.
- ³ O Ruben, ḡōḡōn nani nahōni mutukḡi akzan. ḡōḡōn nōḡḡō ösum-mumuni aka ambi membiga ösumnaḡḡō ölnḡi mutukḡi asuhunōḡ. Qetbuḡaḡahō akōdamunḡi aka kukösumḡi mianḡōn mōnō munurupki yeḡḡōreḡ enḡoḡgitza.
- ⁴ Luhutnōḡ kōwet siri kunduriga kalöpmaalöp anda kamakzawi, ḡōhō urugan mōnō mianḡō dop wahōri kalöpkōba laḡ anda kamakzan. ḡōḡōn iwiḡi nōḡḡō ahōahō dumne öḡḡōba qōmbōḡne geba anōmnambuk ahōnōḡa dum mianḡōn mōnō aḡḡōjōrakḡambuk aka tölohoyōk. Mianḡōra ḡōhō qetbuḡaḡahō akōdamunḡan mōnō munurupki qahō toroqeba enḡoḡgita ahōma.
- ⁵ Simeon aka Liwai yetkōn darumuna akzahot. Yetkō timbi liḡḡip nupḡiran mōnō kegwek kahasililiḡ kondorakza.
- ⁶ Yetkōn irimsesewöl qakḡe azi enḡuyohot kōmugetka öne töhōn sihimḡaḡḡōra bulmakau aziḡi mienḡō kōna börō yuaiḡini laḡ enḡum yandiyohotka poriḡ aket. Mianḡōra yetkōn keu goro jōhōmakzahori, nōḡōn miambuk urumohot qahō ahakzal. Totoko almahori, nōḡōn mianḡōreḡ yetpuk qahō toroqeba tatmam.
- ⁷ Urukazikḡiran kōnōḡḡambuk akzawaḡḡōra i jim qesuahōm etkizal. Urusiḡḡokḡiran kanḡamḡambuk akzawaḡḡōra i jim jōrahōm etkizal. Nōḡōn kōnagesōḡiri kōdenḡ enḡibiga yeḡōn Jeikobkō ḡölme dop kōla anme. Nōḡōn mendenḡ enḡibiga yeḡōn Israel sutḡine laḡ lalöpkōba malme.
- ⁸ O Juda, ḡōhō darumunurupkan ḡi möpōseim ḡihiba malme. ḡōhō börōḡan mōnō kerōkurupki yeḡḡō imbi jōlḡine tatma. Iwigahō nahōnurupḡi yeḡōn mōnō ḡōhōra geba simin kōla malme.
- ⁹ °O Juda, ḡōḡōn laion ḡwabōḡi ewō malḡan.

° 49.9 Janḡ 24.9; Ind 5.5

- O nahöni, gi böröjan suhuba sömbup qem nemala mianjörenjök lilingöba kazan.
- Yañon laion ewö sileñi al kötöteiba laion ambiñi ewö eta köla ahömakza.
- Körekñan i suahö aka utuba möndöbingö keñgötñini mörakze.
- 10 Kukösungö aiwesökñi mi kunñan Juda yeñgö böröñineyök qahö eñguanñitma.
- Azi kembugö öröññan könañi sutñire kiniga kunñan mi qahö geköma.
- Nanñi aka gwölönarökurupñan jakömbuak dumñe tata mal öngögetka könañgep kunöñ asuhuiga könagesö kambuñi kambuñi yeñon yañgö jitñi tem köla malme.
- 11 Yañon doñkiñi wain ip kemañe jöhöi kinma.
- Doñkiñi moröñi mi wain kösö sutñire gwaröhöiga ahöma.
- Yañon oponñi mi wain oñan sañgoñma.
- Malukuñi mi wain kötñangö sepeñe kusahöla közöhölma.
- 12 Wain o neiga jeñan wain oñi ewö pisihibä injañ kölma.
- Juzu oñi neiga jitñan juzu oñi ewö tuarima.
- 13 Zebulun könagesö yeñon köwet jitñe malme.
- Yeñgö gölmenöñ wañgeñi wañgeñi surumakñe.
- Gölmeñinañgö jaböñi mianñon mönö Saidon taonöñ göröken anda ahöma.
- 14 Isakar mi doñki sihitñi kotkotñi mianjö dop akza.
- Doñki qakñe dum tatatkö gösöñi yahöt mietkö sutñire al kötöteiba lokoliba söloñda ahömakza.
- 15 Lokoliba söloñda luhut memba ahöiga dum miriñi mi ölop dop köliga gölmeñan sihim kötökñi akña.
- Mi eka andöñi yuai lömbötñi añgumamgöra sipköba geiga tosatñan welenqege nup memapköra kuñguba jöhöm wañgime.
- 16 Tosatñan Dangö könagesöurupñi mulumgöm eñgigetka Dan yañon mönö awörök aka keu diñdiñangöra bim qeba malma.
- Dan kambu yeñon Israelgö kambu tosatñi i ewö aka malme.
- 17 Dan yañon qatö mokoleñ ewö könanöñ ahöba hosgö gwakötñe yöhöiga töwöratiba giliga qakñe tatmawañon mönö tala andöandö gölmenöñ gema.
- 18 O Kambu, göñon ni kösö gwarönöhök meköba añgön köl niñgimangöra uba mambörakzal.
- 19 Kegwek kahasililiñ kambu yeñon Gad könagesö eñgum ohoba malmemö,
- Gad yeñon mönö melenñda könañine eñguatanjöba nanñini eñgum ohoba malme.

- 20 Asergö gölmenöy nene möriam gwötpuk asuhumakña.
Kiñ yerñon nene nahömñinambuk nemakzei,
yañon mönö nene mewöñi mi gölmeñe kömöt sehiba miañon
tosatñi bauköm engiba malma.
- 21 Teunöy sihimñangö dop ösumñan lañ lalöpkömakzawi,
Naftalinöy mönö miañgö dop aka moröurupñi
engeksihimñinambuk engömemba malma.
- 22 Wain ip o jeñangö kösutñe kömötketka kötñi gwötpuk kuñguba
böröñi giliga anda sel qösököba yaigep anakzawi,
Josefnöy mönö miañgö dop akza.
- 23 Yañgö kerökurupñan timbi jaugemñini memba urukönöp qakñe
Josefkö kambu mi enguatangöba engjeriba engum ohoba malme.
- 24 Mewö malmemö, Jeikobkö bemñi Anutu kukösumñambuk yañgö
böröñan mönö mem köhöim wañgiiga
yañon timbi töhötñi qahö mosöta börö sihitñi kakñi qahö qeiga
malma.
Anutu yañon mönö urugö lama galömñi aka Israelgö añañgönkölköl
Toñi akza.
- 25 Iwighöhö Anutuñan mönö bauköm gihibal malma.
Bem kukösum pakpakö Toñan mönö kewö kötuetköm gihiiga malman:
Kiegö kötumötuetñan mönö könakembayök göhöreñ eriga gölme
dutñi emuyangö oñan göhöreñ koriga nahönbörat aka
sömbup gwötpuk miwikñaim engiba malman.
- 26 Kunduñi kunduñi mieñgö kötumötuetñinan nalöñi nalöñi ambazip
dop köl engii mala kotket.
Kunduñangö söörökñe yambu dop nene nupñini memba malgetka
nene möriam asuhui mala kotketmö,
göhö iwighöhö kötumötuetñan mönö mi pakpak oñgitza.
Kötumötuet mieñon mönö Josefkö nööröp qakñe öngöme.
Darumun sutñine pom jembon tök-kutukutuñi akzawañgö
malmalñe mi pakpak mönö ahöm öngöme.
- 27 Benjamin mi kiam kalñi ewö akza.
Söñan dop böröjañ suhuba sömbup engguba nem gwahöt engimakza.
Silimnöy yuai kiom qemakzawi, mi suñgem dop mendeñmakza.
“Mewö.

28 Israelgö kambu pakpak jañgöñini 12 mi mewö. Iwiñinan kötuetköm
enggiba keu mewö mewö jiiga mötket. Kötumötuetñini murutñi murutñi
mi nanñök nanñök mendeñda körek kötuetköm engiyök. Mewö.

Jeikobnöy kömuyök.

29 Kötuetköm enggiba kindal keu kewö jim kutum engiyök: “Anutunöy
mönö noañgiri nöñon isikal alaurupnan kömugeri, yembuk toroqemamgö

akzal. Nöngö qamötni mi mönö iwiurupni yeŋgö qöhöröŋine baŋet Hit azi Efrongö gölme köröŋe ahözawi, miangöreŋ löm köl niŋgime. ³⁰ ^dBaŋet mi Keinan gölmenöŋ Makpela gölme köröŋe Mamre kösutŋe ahöza. Abrahamnöŋ gölme köröŋi baŋetŋambuk mi isikninaŋgö qaksiriŋi ahömapköra Hit azi qetŋi Efron yeŋgöreŋök söŋgöroŋi meyök.

³¹ Abraham aka anömŋi Sara mi baŋet miangöreŋ löm köl etkiŋet. Mewöyök Aisak aka anömŋi Rebeka mi miangöreŋ löm köl etkiŋet. Nöŋön toroqeba Lea miangöreŋ löm köl waŋgial. ³² Abrahamnöŋ gölme köröŋi baŋetŋambuk mi mutuk Hit yeŋgöreŋök bohonŋi meiga ahöza.” ³³ Jeikobnöŋ nahönurupŋi keu mewö jim kutum eŋgim teköba könayahötŋi öröi ahöahö dumnöŋ öŋgöiga nöŋ qeba kömuiga Anutunöŋ waŋgiri isik alaurupŋi yeŋgöreŋ toroqeyök. Mewö.

Jeikob löm kölget.

50 ¹ Jeikobnöŋ kömuiga Josefnöŋ luhuba iwiŋi kepölaköm waŋgiba lipköba anda imbiŋi gili geiga numbuŋi yöhötim neyök. ² Miangö andöŋe Josefnöŋ doktaurupŋi jimkutukutuŋaŋgö bapŋe malgeri, mi iwiŋaŋgö qamötŋi sile mem köhököhöi kelöknöŋ mirimegöra jim kutum eŋgiyök. Jim kutum eŋgiiga yeŋön Israelgö qamötŋi mewö ak waŋgiŋet. ³ Nup mi memba malgetka wehöŋ 40 jömuk teköyök. Qamötŋini kelöknöŋ mirizema, miangö nupŋi mi nalö köröpŋi mewö memba maljema. Ijpt könagesö yeŋön Jeikobköra wehöŋ 70:gö dop jingŋe köla sahöta malget.

⁴ Sahöta jingŋe köla wösöbirik malgeraŋgö nalöŋi miaŋön teköiga Josefnöŋ Farao kiŋgö jakömbuak mire nup memba malgeri, yeŋgöra keu kewö jiyök: “Nöŋön eŋgö jeŋine ak-kömükömu miwikŋaial ewö, iŋini mönö nöŋgö jitne memba Farao kiŋgöra keu kewö jigetka mötma: ⁵ ^e Iwinan jebuk mala keu kewö jöhöba jöjöpäŋ keunöŋ jim köhöimamgöra jim kutum niŋgiyök: ‘Nöŋön kömumamgö akzal. Ni nanaŋgöra köt köteŋ Keinan gölmenöŋ esibi kinjawi, nöŋgö qamötni mi mönö miangöreŋ anda löm kölman.’ Miangöra ölop merak jinöŋga nöŋön miangöreŋ anda iwiŋaŋgö qamötŋi löm kölagnun kunbuk liliŋgöba kamam.”

⁶ Mewö jii jigetka Farao kiŋnöŋ mi möta kewö jiyök, “Gi iwigahöra keu jöhöba jöjöpäŋ keunöŋ jim köhöinöŋi, miangö dop ölop anda iwigahö qamötŋi löm kölman.”

⁷ Mewö jiiga Josefnöŋ iwiŋaŋgö qamötŋi löm kölmamgöra öŋgöyök. Farao kiŋgö jembonurupŋi qetbuŋaŋinambuk pakpak, jakömbuak miriŋaŋgö aka Ijpt kantrigö jitŋe memeurupŋi qetbuŋaŋinambuk mi körek yambuk mohotŋe anget. ⁸ Josefkö mirigö saiwaurupŋi körek pakpak, yaŋgö darumunurupŋi aka iwiŋaŋgö könagesöurupŋi yeŋön mewöyök mohotŋe anget. Anöm-moröurupŋini, lama, meme aka

^d 49.30 Jen 23.3-20; 31 Jen 25.9-10; 35.29; 33 Apo 7.15 ^e 50.5 Jen 47.29-31

bulmakau kambuŋi kambuŋi miyök mönö engömosötketka Gosen gölmenöŋ tatket. ⁹Hosgö karenŋi karenŋi aka azi hos qakŋine tatkeri, mi mewöyök anget. Mewö mindiriba kambu keta bölökŋi anget.

¹⁰Anda mala Jordan o kutuba likepŋe toroqeba anda Atad mire wit padigö ölni aka kamböni mendenŋa kewötkeri, miri gölme miangörenŋ aŋgota köhöikŋanök jingŋeŋ köla silata sahöt böliba malget. Josefnoŋ iwiŋaŋgöra wehön 7:gö dop jingŋeŋ köla sahöta malök. ¹¹Atad mire jingŋeŋ köla sahötketka gölme toŋi Keinan könagesö yeŋön mi eka möta kewö jiget, “Ijpt yeŋön jingŋeŋ sahötkö areŋi öngöŋgöŋi alje. “Mewö jigetka miri gölme miangö qetŋi mi könahiba Abel Mizraim^f qetket. Mi Jordan ögö wehön kotkotŋe ahöza.

¹²Jeikobnoŋ nahönurupŋi jim kutum engiyöhi, yeŋön miangö dop mewö ak waŋgiget. ¹³*Yeŋön qamötŋi aŋguba Keinan gölmenöŋ anda Mamre kösutŋe Makpela gölme köröŋe baŋet ahözawi, miangörenŋ anda löm kölget. Abrahamnoŋ mutuhök gölme köröŋi baŋetŋambuk mi qaksiriŋini ahömapköra Hit azi Efron yaŋgöreŋök söŋgöroŋi meyök. ¹⁴Josefnoŋ iwiŋaŋgö qamötŋi löm köli teköiga nanŋi, darumunurupŋi aka tosatŋi pakpak yambuk iwiŋaŋgö qamötŋi löm kölbingö angeri, mieŋön kunbuk Ijpt gölmenöŋ lilingöba kaget. Mewö.

Josefnoŋ likepŋi qahö meleŋmamgö kunbuk jiyök.

¹⁵Josefkö darumunurupŋan iwiŋinan kömuiga mi eka tata kewö mötmöriba jiget: “Josefköra silik bölöŋi pakpak ak waŋgiini, yaŋön miangöra urukondum möt neŋgiba nalö kewöŋe könahiba likepŋi meleŋ neŋgibapuk.” ¹⁶Mewö jiba Josefköra keu jit kewö algetka anök, “Iwigan kömumamgö aka neŋgöra keu kewö jim kutuyök: ¹⁷Iŋini mönö Josefköra keu kewö jigetka mötma: Darumunurupkan silik bölöŋi aka ayuhum gihibingö akeri, göŋön mönö yeŋgö siŋgisöndokŋini aka kahasililiŋini mi mosötman. Miangöra göŋön ölop iwigahö Anutuŋaŋgö welenqeŋeurupŋi neŋgö siŋgisöndokŋini mosötman. “Yeŋön keu jit mi algetka Josefköreŋ kaiga möta mönö qeta sahörök.

¹⁸Miangö andöŋe Josefkö darumunurupŋan nanŋinak kaba gölmenöŋ tala wösöŋe sipköba eta kewö jiget: “Mötnöŋ, nini göhö welenqeŋeurupki omaŋi akzin.”

¹⁹Mewö jigetmö, Josefnoŋ meleŋda kewö jiyök: “Mönö keŋgötŋini kude mötme. Nöŋön Anutugö salupŋe qahö kinjal. ²⁰Ölŋa, eŋön silik bölöŋan ayuhum niŋgibingöra kapaŋ köla aketmö, Anutunoŋ mi möŋaiiga salupŋe yuai ölöppŋi asuhumapköra kapaŋ köla ahök. Mewö aka kondota kuŋgum niŋgiiga könagesö gwötpuk engö malmalŋini jöhöbiga miangö ölnan nalö kewöŋe aukŋe asuhuiga ek kutuzin. ²¹Miangöra mönö keŋgötŋini kude

^f 50.11 Abel Jingŋeŋ sahötkö areŋi. Mizraim Ijpt. Hibru keu mewö. * 50.13 Apo 7.16

mötket. Nöñön mönö nanñini aka anöm-moröurupñini enğö malmalñini körek nanğöm enğiba malmam. “Mewö jiba bölönamñinanğö likepñi qahö meleşmamğö kunbuk jim köhöiba guñböñönjñ ak enğiyök. Mewö.

Josefnöñ kömuyök.

²² Josefnöñ iwiñanğö könagesöurupñi yembuk toroqeba Ijpt gölmenöñ malget. Josefnöñ mal öngöiga yambuñi 110 aiga kömuyök. ²³ Josefnöñ isi amböurupñi Efraimgöreñök asuhugetka mi enğehök. Mewöyök Manasegö nahönñi Makir yanğö nahönböraturupñi asuhugetka Josefkö tambuñe al enğigetka dohongöm enğiyök.

²⁴ Miangö andöñe Josefnöñ darumunurupñi yengöra keu kewö jii mötket, “Nöñön kömumamğö akzalmö, Anutunöñ mönö köyan köl enğiiga malme. Yanñon iñini gölme kianğöreñök enğuanğita gölme Abraham, Aisak aka Jeikob yengö buñanñina akñapaköra jim teköba jöjöpañ keunöñ jim köhöiyöhi, mönö miangöreñ anda malme.”

²⁵ ^hMewö jii mötketka Israelgö nahönurupñan keu jim jöhöba jöjöpañ keunöñ kewö jim köhöimegöra jim kutum enğiyök: “Anutunöñ köyan köl enğii malgetka nöñön kömumbiga nöngö sihitni mi mönö gölme kianğöreñök añguba Keinan gölmenöñ anme.” ²⁶ Mewö jiba yambuñi 110 aiga kömuyök. Kömuiga Ijpt miangöreñ qamötñi mi sile mem köhököhöigö kelökñan miriba qamöt bokisnöñ algetka ahöyök. Mewö.

^h 50.25 Eks 13.19; Jos 24.32; Hib 11.22

RUT

Rutkö sundutņi, Jöjöhö Walakņangö Buk jaņgö 8

Zöm-asa-asari

Aiwi kembu yengö nalöņe Israel yengö malmalņini mihi öņgöwa hetajaņguk. Uruņini meleņgetka oyaeņkoyaeņ malgetnöņ, miangö andöņe silekmaiek malgetka heta heta sohoiga lömböt uruņe simbisemmel malget. Mala miangö andöņe uruņini meleņget. Mewö mewö hala malget. Rutnöņ nalö miangöreņ luaikö könaņi kundelök. Moab anbi yaņgön Israel aiwia meyök. Aiwi miangön komuiga Rutnöņ iranņi Israel anbi jaņguk pöndaņ öroröņ jöhöwa Israelkö Anutuņi törörök qekötahöwa malök. Mewö mala kantriņi Moab mosota Israel uruņe kamba teteköņe aņņi mutukņangö tinitosolomuruņņi yengö sutņineyök aiwi dölökņi kun miwikņaiwa meyök. Yetkö gulinarökņiri kunöņ kiņ Deiwidkö amböņi halök. Deiwid yaņgön Israel yengö kiņini qetbuņaņi öņgöņgöņi malök. Deiwidkö gulinarökņi kun mihi Jisös. Rutnöņ yambu 1110-1100 bifo Kraist malök.

Aiwi kembu buk miangö sundutņi mieņön malmalkö könaņi muewö kundelget: Anbazipnöņ Anutu andö qegetka nalö miangöreņ kahasililiņ köndeņmöndeņ ketajaņ qakņine öņgöget. Rutkö sundutņan köna muewö kundelja: Kian anbi yaņgön uruņi Israelkö Anutuköreņ meleņda mötnariņ könaģesönöņ toroqeiga kötumötuettöņ qakņe öņgöiga oyaeņkoyaeņ halök.

Buk muyaņgö bahöņi bohonņi 3 miņgi muewö:

- 1) Naominöņ Rutkuk Betlehem lilingöyöwöt. *1.1-22*
- 2) Rutnöņ Boazkuk aitoņgöyöwöt. *2.1-3.18*
- 3) Boaznöņ Rut mihi anömņa meyök. *4.1-22*

Elimelek hala saiwauruņņi yengön Moab anget.

1 ¹Walahok Israel uruņe kiņ kun qahö maliga aiwi kembu yengön könaģesö galim köl engiwa malget. Nalö miangöreņ bödi hikņaiwa

balöŋ patpat söp köla ahöyök. Bödi nalö miangöreŋ Juda aiwi kunöŋ anömŋi hala nahönweitŋi engaŋgita taonŋini Betlehem mosota kantri qetŋi Moab miangöreŋ anda dum tatatŋini möhamgöwa kiana malget. ²Aiwi qetŋi Elimelek, anömŋi qetŋi Naomi hala nahönweitŋiri qetŋiri Malon hala Kilion. Balöŋini qetŋi Efrata. Yengön taonŋini Betlehem mosota Moab balöŋnöŋ anda miangöreŋ malget.^a

³Miangöreŋ malgetka Naomikö apŋi Elimeleknöŋ komuyök. Komuiga Naominöŋ anbi malöya hala nahönweitŋe malget. ⁴Nahönweitŋi yetköŋ mala qariwa Moabkö anbi weit qetŋiri Orpa hala Rut^b ⁴muewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balöŋnöŋ yambu 10:gö söp mala kutket. ⁵Mala kuta nahönweitŋi weit Malon^c hala Kilion yetköŋ mewöyök komuyöwöt. Komuyöwötka namönŋiri Naomi yaŋgön apmeröŋi qahö nanŋök malök. Mewö.

Naomi hala Rut yetköŋ Betlehem lilingöyöwöt.

⁶Naominöŋ nanŋök Moab kantrinöŋ mala nalö kunöŋ buzup keu muewö zöget mörök: ‘Kembunöŋ könagesöŋi bauköm engiwa Israel miangöreŋ numbu nene ölip miwikŋaim engimamja.’ Mewö möta Moab mosota Israel balöŋe lilingöwa anmamgöra mem mözözöm hali iranweitŋi yetkuk wahötket. ⁷Wahöta köhöm balöŋ malöhi, mihi mosota Juda balöŋnöŋ lilingöwa anmamgöra haliga iranweitŋi yetkuk mohotŋe könanöŋ anget.

⁸Könanöŋ andaga Naominöŋ iranweitŋi muewö etkezöyök: “Anbiweit, etköŋ mönö lilingöwa namönweitŋiri yetkö köhömnöŋ anda malmawöt. Etköŋ nöŋgö apmeröŋi komugeri hala ni nengöra ölipŋanök ala hal nengiwa malöwötka Kembunöŋ mönö miangö söp likepŋi meleŋda ölipŋanök hal komum etkiiga malme. ⁹Kembunöŋ ölip köna meiga inŋiri aiwi kunduk etkömimba malmal tatatŋiri yetkö köhömnöŋ miwikŋaiwa urusösöŋgai qakŋe malmawöt.” Mewö zömba numbuŋiri etköhötim neyöknöŋ, yetköŋ amburereŋ hala silata sahörowöt.

¹⁰Sahöta muewö zöyöwöt: “Qahöwi! Niri mönö gowuk lilingöwa göhö könagesö kiripki yengöreŋ anbin.”

¹¹Mewö zöyöwötka meleŋda muewö etkezöyök: “O iranweitni, mönö nöpaköra noŋguk kambitkö halzawöt? Nöŋgön kunduk merö nahönweit membiga qariyöwötka etkömembawörak me? Mewö römöngöwawörak ewö, miangön qahö söpköza. Qahöpmahöp! Mönö dölmuhu lilingöwa anmawöt. ¹²Ni anbi namönŋi halzalaŋgöra aiwi kunŋan qahö nömima.

^a 1.2 Efrata mihi balöŋ Betlehem liliköwa ahözawi, miangö qetŋi. Rut 4:11; Jen 35:19; 1 Sml 16:18; Mai 5:2 ^b 1.3 Rut keu miangö könaŋi mihi ‘ala-ala’. Jisöskö ambösakonurupŋi yengö sutŋine anbi ^c 1.5 Malon keu miangö könaŋi mihi ‘osumeret aiwi’

O iranweitni, etkön mönö lilingöwa köhömpire anöwöt. Ni kunduk aiwi memamgö römöngöwa erap suŋgem aiwi kunguk ahöwa köriguk hala nahönweitni etkömembilerjak ewö, tondup mihi lömböriza.

¹³Merö mietkön qariyöwötka apweitnjira etkimamgö mamböta malmawörak me qahöpto? Yetköra hala aiwi memekö könaŋiri jöhöm aŋguwa nalö köripŋi sutŋi mihi mönö in malmawötkuk. Miŋgi qahö söpköza. O iranweitni, mewö qahö. Kembunöŋ birinji böraŋda qeköm niŋgiiga apnan komuiga miangöra malmalninan lömböriiga nöŋgön etköra wösöjijijini mötzal.”

¹⁴Mewö zöiga dumŋe kunduk silata sahöröwöt. Sahöröwöt teköiga Orpanöŋ iranŋaŋgö yaizözökŋi zömba numbuŋi yöhötim nempa eleŋda köhömpne anök. Orpanöŋ anöknöŋ, Rutnöŋ kapaŋ köla sele köpaŋe mösölatiyök. ¹⁵Mewö mösölatiiga Naominöŋ muewö ezöyök: “Mötnöŋ, kasungan anja. Yaŋgön nanŋi bemŋi hala nanŋi anbazip kiripŋi yengöreŋ anja. Gi mönö mewöŋanök eleŋda köhömpne anöŋ.”

¹⁶^dMewö zöyöknöŋ, Rutnöŋ tondup muewö meleŋnök: “Ni gi gomosotmamgö de kapaŋ köla zöman. Ölip zönöŋga gowuk anbit. Gi denike denike anmani, nöŋgön mönö mewöyök gowuk miangöreŋ anmam. Gi denike denike malmani, nöŋgön mönö mewöyök miangöreŋ malmam. Göhö anbazip kiripki miŋgi mönö nöŋgö anbazip kiripna halgetka göhöreŋ Anutu mihi mönö nöŋgöreŋ Anutuya hali malmam.

¹⁷Gi denikeaŋgöreŋ komumani, nöŋgön mönö mewöyök miangöreŋ mohok komumbi löm köl niŋgimeköra mötzal. Keu mihi muewö zöm köhöimam: Komup mohotnöŋ mönö mendeŋ netkima. Iwai mörötŋi kunöŋ mendeŋ netkima ewö, Kembunöŋ ölip miangö likepŋi meleŋniga nöŋgö qakne öŋgöma.”

¹⁸Mewö zömba yaŋguk anmamgö köhöikŋanök kapaŋ köliga ekta möt qitiwa miangö keuŋi kunduk qahö zöyöknöŋ,

¹⁹mohotŋamŋire anda mala Betlehem taonöŋ kauröwöt. Kauröwötka taongö anbazip patpat yengön i etkeka sösonggai ketaŋi möta tokoget. Anbi yengön qeta Naomikö yaizözökŋi muewö zöget: “Hei! I halakŋa Naomiya me denöwö? Oe oe oe!”

²⁰Mewö zögetka Naominöŋ muewö zöyök: “Nöŋgö qetni Naomi miŋgi in de qetme. Ni urusösöŋgai anbia qahö. Anutu kukosum Touŋan mönö kondot niŋgiiga urukombuk möta malzal. Miangöra nöŋgö qetni Mara qetketka söpköma.^e ²¹Nöŋgöreŋ iwai kombuŋi ahöiga mutuk taon muhu mosota analnöŋ, erap Kembunöŋ naŋgiriga biribörak lilingöwa omaŋe kazal. Kembu kukosum Touŋan keuni kewöta mem kirehöm niŋgiiga köŋjiliŋ qakŋe malzal. Miangöra qetni Naomi mihi in de qetme.” Mewö.

^d 1.16 Rut 2.11-12; 2 Kiŋ 2.2-6 ^e 1.20 Qet weit mihi Hibru keu könaŋiraŋguk. Naomi urusösöŋgai. Mara urukombuk.

²²Naomi hala iranji Rut, Moab anbi miaŋön Moab mosota Betlehem taonön kayöwöri, nalö miaŋgöreŋ anbazipnön könahiwa padikö alaŋi bali miŋgi nupjine koholget.

Rutnön Boazkö nupnön bali qendaŋnök.

2 ¹Naomikö apji Elimelekö isik uruŋe tinitosolomŋi aiwi qetbuŋaŋaŋguk kun qetji Boaz malök.

²Nalö kunön Moab anbi Rut yaŋgön iranji Naomikö miewö ezöyök: “Ölip zöm tekönönŋa nönŋön nup kunön anda anbazip bali ipji kohola iriremönji mosoramjei, mihi qendaŋda tokomam. Ni ölip aiwi kungö jeŋe eksihim miwikŋaiwiga ‘Oŋ!’ zöiga ölip yaŋgö andöŋe anda mihi tokomam.” Mewö zöiga Naominön zöyök: “O bōratni, ölip anman.”

³Mewö zöiga mosota nup kun dahörej nuwa, mihi qahö mötaga tondup laŋ anda kinda bali koholgetka yengö andöŋine anda ipji mohok mohok qeqelaŋlaŋ heta ahögeri, mihi qendaŋda qendaŋda anök. Nup köriŋe anöhi, mihi Boaz, iranji Elimelekö isiknöhök kun yaŋgöreŋ nuwa ahöyök.

⁴Yaŋgön dölmuhu Betlehemök kauta nup anbazipji engeikta yaizözökŋini miewö zöyök: “Bönjön! Kembunön enguk malma.” Mewö zöiga melaŋda miewö qetket: “Kembunön mönö kötuetköm gihima.”

⁵Mewö qetketka Boaznön nup galimŋi miewö qesiyök: “Anbi mihi dahön?”

⁶Mewö qesiiga miewö melaŋnök: “Anbi mihi köriwengöra. I Naomiguk Moab kantrinöhök kayöwöt. ⁷Yaŋgön söŋan hömandiŋe kamba qesim niŋgiiga ölip zömbiga nup anbazip yengö könajine engohorata bali ipji qendaŋda tokoza. Nup pöndaŋ memba malzawa döldimuhu koumnön endu anda luhut memba tatza.”

⁸Mewö melaŋniga Boaznön Rutköra miewö zöyök: “Bōratni mötnön, nönŋön keu goroya kun gihimam: Gi nup muhu de mosota tosatŋi yengö nupjine qahö anda bali memba tokoman. Mönö nönŋö welenqeŋe anbiurupni yenguk mohotŋe muyaŋgöreŋ qendaŋda malman. ⁹Ni nup aiwiurupnan gömisiriwekuköra soŋgo halzal. Nup denike denike anda padi koholmei, gi mönö miaŋgö jegalim hala yengö andöŋine anda anbi yenguk malman. Ougaŋgö mötman ewö, welenqeŋe yengön ou köworaŋenön huzei, ölip miaŋgöreŋ anda ou neman.”

¹⁰Mewö zöiga Rutnön mihi möta balöŋnön gewa bamgöwa Boazköra miewö zöyök: “Ni denöwököra kian mala tondup göhö jege halkomukomu miwikŋaiwiga mewö köyan köl niŋgizan?”

¹¹Mewö zöiga miewö melaŋnök: “Nönŋön göhö ambamemegaŋgö sundutŋi mihi körek zögetka mötzal. Göhön apkan komuiga irangi

^f 2.2 Lew 19.9-10; Dut 24.19

ölip galim köla mala kutnönj. Göhön namönmamgi hala hikñaihikñai kantrigi mihi mosota anbazip walak qahö möt nenginönji, nengö sutñine kamba malzan. ¹²Göhön saiwaurupki ölipñi hal enginönnga Anutu Israel nengö Kembuninan mönö miangö töwañi gihima. Kuruknönj ginginñan meröurupñi kölközizip hal engimamjawi, miangö söp göhön Anutukö aumñe malmamgöra muhu kanönj.”

¹³Mewö zöiga Rutnönj miewö meleşnök: “Ketañamni, ni göhö nup meme anbiurupki yengö söp qahöpnönj, göhön tondup ölipñi hal ningizan. Göhön keu nuñgunönnga seleni pösatza.” Mewö meleşnök.

¹⁴Numbu nene nalöñan kaiga Boaznönj Rutköra miewö zöyök: “Ölip muhu kamba bered muñgu memba kasaknönj kundumgöwa neman.” Mewö haliga nup anbazip yenguk tariga Boaznönj bali ohomqitiqitini mihi wañgiyök. Mihi wañgiiga neiga tomenji juliga nene tosatñi mosota tarök. ¹⁵Tata wahöta anda toroqemba bali ipñi qendañniga Boaznönj nup aiwiurupñi miewö zöm qitim engiyök: “Yañgön bali ipñi mihi böran mieñgö sutñine miangöreñ mewöyök qendañda tokoma ewö, iñini mönö keu töhöreñ de zöm wañgime. ¹⁶Mewö qahöpnönj, bali ipñi tosatñi mihi böranñineyök mewöyök höröwa halget heriga kamba nanñangöra mem tokoma. Iñini i de zöm wañgime.”

¹⁷Mewö zöm qitim engiiga Rutnönj bali ipñi qendañda tokoi öñgöiga hölñi hala kambönji mendenj etkimamgö sapak kerinanguknönj humba qöröreñgöwa gösiiga hölñi gösö karömbötkö söp (36 lita) haliga köhöm siñsiñgöwa kayök. ¹⁸Mewö haliga bali hölñi mihi memba taonönj lilingöwa kamba dawik qendañda malöhi, mihi iranñi kundel wañgiyök. Miangö andönje nene söpñe memba tosatñi mosoröhi, mihi mewöyök ujeta wañgiyök.

¹⁹Mihi wañgiiga miewö qesim wañgiyök: “Gi erap denike anda bali qendañda memba malzan? Dahö nup uruje nup memba malzan? Aiwi galim köl gihizawi, Anutunönj mönö i kötuetköm wañgima.” Mewö zöiga dahö nupnönj nup memba malöhi, yañgö sundutñi Naomiköra zömiba miewö zöyök: “Ni erap aiwi kunguk nup memba malzali, yañgö qetñi mihi Boaz.”

²⁰Mewö zöiga Naomikö elemñi heriga miewö zöi mörök: “Kembunönj mönö Boaz kötuetköm wañgima. Kembunönj hal komum nengimamgö keu jöhöyöhi, miangö söp mönö pöndañ apmeröurupnan komugeri hala nini erap muhu malzini, nengöra halkomukomuñi qahö jöhöwa malza.” Toroqemba keu miewö zöyök: “Aiwi mihi nanini tinitosolomnina hala isikninañgö sohopñi meme aiwia. Miangöra yañgön mönö ölip galim köl nengima.”

²¹Mewö zöi möta Moab anbi Rutnönj miewö zöyök: “Keu kun toroqeba miewö zöi mötzal: ‘Gi mönö nöñgö nup meme anbazip yenguk nömtik malnönnga nöñgöreñ bali patpat mihi kohol teköme.’”

²²Mewö zöiga Naominöŋ muewö zöyök: “O bōratni, mihi ölip. Gi tosatŋi yengö nup köriŋine anöŋga silik kirekŋi hal gihiwekuk. Miangöra gi ölip Boazkö nup meme anbi yenguk anda nup memba malman.”

²³Mewö zöiga Rutnöŋ Boazkö nup meme anbi yengö kösutŋine nömtik mala hölŋi qendaŋda tokowa maliga bali hala wit mietkö koholkohol nalöŋiran teköyök. Teköiga toroqemba iranŋi Naomiguk malöwöt. Mewö.

Rut hala Boaz yetköŋ bali nupnöŋ aitongöyöwöt.

3 ¹Nalö tosatŋi teköiga Naominöŋ iranŋi Rutkö muewö zöyök: “O bōratni, ni ölip aiwi kun batököwa miwikŋaiwiga galim köl gihiiga yaŋguk sösöŋgai qakŋe köhömgŋi nangöhök tatman. ²Gi nup meme anbi yenguk mösölatiwa malnöŋi, yengö galimŋini Boaznöŋ mönö nanini tinitosolomnina halza. Mötnöŋ, yaŋgön erap suŋgem baliqeqe sombemnöŋ gewa bali hölŋi hala kamböŋi mendeŋ etkimamgöra sapak kerŋaŋguknöŋ humba qöröreŋgöwa kewötma.

³Miangöra gi mönö dölmuhu ou ariwa selegi kelök umköhöwakŋaŋguknöŋ miriwa opo sirigi löŋgöta baliqeqe sombemnöŋ geman. Emu gemanöŋ, mutuk tikep malnöŋga numbu neneŋi hala ougisipŋi nem dariga miangö andöŋe ölip yaŋgö jeŋe hikŋainöŋga geikma. ⁴Gawöŋgö möta heta denike höl köla ahömawi, mönö miŋgi ekta miangöreŋ anman. Kölközizip gihimapköra qesimani, miangö kaisöpsöpŋi mönö muewö halman: Gi yaŋgö qöhöröŋe anda könaŋe göröken esu kitipŋi menöŋ wahöriga gewa ahöman. Mewö ahönöŋga miwikŋaim gihiwa denöwö halmani, mihi gezöiga mötman.”

⁵Iranŋan mewö zöiga Rutnöŋ muewö meleŋnök: “Keu patpat zözani, nöŋgön mihi ölip hal datmam.”

⁶Mewö meleŋda baliqeqe sombemnöŋ gewa iranŋan zöm qitim waŋgiyöhaŋgö söwök muewö hal teköyök: ⁷Boaznöŋ suŋgem numbu neneŋi hala ougisipŋi nem dari kip seleŋi mem kolihiga wahöta bali kirip kungö göraŋe gewa gawön ahöyök. Miangöreŋ ahöiga Rutnöŋ ölöŋ zaŋ qemba anda könaŋe göröken esu kitipŋi mei wahöriga miangöreŋ gewa ahöyök. ⁸Ahöiga suŋgem hömbiwiŋe iwai kungöra outupŋe tiiga imbiŋi möta eleŋda anbi kun könaŋe ahöyöhi, mihi miwikŋaiwa ekta hauröyök.

⁹Hauruwa qesim waŋgiyök: “Gi dahön?” Qesim waŋgiiga muewö meleŋnök: “O ketaŋamni, ni Rut, göhö welenqeqe anbia. Göhön nangi isikaŋgö sohopŋi meme aiwia halzan. Miangöra Juda engö ambamemeŋini wuatangöwa ni ölip galim köl niŋgiwa esugan turum niŋgiman.”

¹⁰Mewö meleŋniga muewö zöyök: “O bōratni, Kembunöŋ mönö kötuëtköm gihima. Gi ölip aiwi wanapŋi me pomŋi sukinapŋinaŋguk yengö andöŋine anbanaknöŋ, mewö qahö halzan. Gi walahok isikurupni

ölip nanğöm enğıwa malnõña erap mihi oņgita silik ölip sorokņi halzan. ¹¹O bõratni, gi mõnõ torok de hala bõnjõj malman. Gi anbi ölip sorokņi halzani, miņgi taongõ anbazip kõrekņan ölip mõtze. Mianğõra gi ikõ me waikõ qesim niņgimani, nõņgõn mihi ölip hal tekõm gihimam. ¹²^hNi gõhõ tinitosolomgi hala galim kõl gihimamaņgõ sõp halzal. Keu miņgi hõlņapnõj, aiwi kunõj nõņgõ isiknaņgõ sohopņi meme aiwi bohonņi halza. Nõņgõn yaņgõ qerembenj miyõk malzal. ¹³Mewõkõra ölip sunğem muhu miewõ ahõman. Sohop meme aiwi bohonņan uran bohongi memamgõ zõmbawak ewõ, mihi ölipnõj, bohongi memamgõ qahõ mõtma ewõ, nõņgõn ölip bohongi memam. Keu mihi jõhõwa Kembukõ qetņe jõjõpaņ keunõj zõm kõhõizal. Mianğõra ölip bõnjõj ahõnõnğa sõņan halma.”

¹⁴Boaznõj mewõ zõmba anbi kunõj baliqeqe sombemnõj yaņgõreņ herõhi, kunņan mihi mõtpakukõra mõrõk. Mianğõra Rutnõj Boazkõ kõnaņe heta ahõyõknõj, waņgeraņ suluiga nalõ mianğõreņok kunņan i qahõ ek qitiiga õlõj anmapkõra wahõrõk. ¹⁵Wahõriga Boaznõj miewõ zõyõk: “Mõnõ malukugi selegeyõk mekõwa merereņgõwa memba kinõj.” Mewõ zõiga mekõwa memba kiniga bali kötņi 25 kilogramgõ sõp kewõta mokoı geyõk. Geiga memba kõbibihıwa Rutkõ hawõtņe haliga haņguwa liliņgõwa taonõj anõk.

¹⁶Rutnõj mewõ taonõj anda iranņaņgõreņ aņgoriga miewõ qesiyõk: “O bõratni, denõwõ mala kazan?” Mewõ qesiiga Boaznõj yaņgõ iwai patpat halõhi, mianğõ sundutņi zõı mõrõk.

¹⁷Mõriga miewõ toroqemba zõyõk: “‘Gi irangaņgõreņ biribõrak de anman,’ zõmba bali muņgu niņgiza.”

¹⁸Mewõ zõiga Naominõj miewõ zõyõk: “O bõratni, aiwi mianğõn erap in luhut qahõ memapnõj, keugi galim kõla maliga mihi mindiņgõget tekõiga mianğõ andõņe ölip tata luhut mema. Mianğõra gi mõnõ õsõj mambõta tata keugi denõwõ zõgetka hikņaimawi, mihi mõtman.” Mewõ.

Boaznõj Rut anõmņa meyõk.

4 ¹Boaznõj taongõ kiripo naņguņe anda qenjarõk sombemnõj heta tarõk. Tariga isiknaņgõ sohop meme aiwikõra keu zõyõhi, yaņgõn kamba oņgitmamgõ haliga yaņgõra miewõ qerõk: “O alani, gi ölip muhu kamba heta tatman.” Mewõ qeriga kamba mianğõreņ heta tarõk. ²Tariga Boaznõj taonõhok jõtņe meme aiwi 10 engõmiiga kagetka tatmekõra zõiga mohotņe heta tatket.

³Tatketka Boaznõj isiknaņgõ sohop meme aiwikõra miewõ zõyõk: “Nalõ miewõņe Naominõj Moab kantri mosota liliņgõwa kayõhi, yaņgõn datnini Elimelekõreņ balõj kitipņi mihi bohonņi memekõra halza.

^h 3.12 Rut 2.20

4 Mianğöra nongön muewö römöngözal: Göhön keu mihi mötmangöra göhöra zözal. Göhön isiknirangö sohop meme aiwia halnönga nongön göhö qerembengi halzal. Sohop meme aiwi mörötji kun qahö malja. Mianğöra göhön mihi bohonji memangöra kuŋgum gihizal. Göhön miŋgi bohonji memamgö sihimji mötman ewö, mihi ölip bohonji memanöŋ, mihi tököman ewö, ölip mihi mewöyök zönönga mötmam. Mihi ölip aiwi muhu tatzei, yeŋgö jeŋine zöman. Mihi könagesö kiripnangö jötje meme muŋgu yeŋgö jeŋine zöman.” Boaznöŋ mewö zöiga aiwi alaŋan muewö zöyök: “Nongön mihi ölip bohonji memam.”

5 Mewö zöiga Boaznöŋ zöyök: “Göhön Naomiköreŋ balöŋ köriŋi miŋgi söŋgöroröŋi memani, nalö mianğöreŋ mönö Moab ambi Rut, aiwi komuyöhaŋgö malöŋi miŋgi mohok bohonji meman. Mewö hala aiwi komuyöhaŋgö qetjan mönö birisamot balöŋ mianğöreŋ ahömapköra mihi galim köla malman.”

6 Mewö zöiga sohop meme aiwi bohonjan muewö meleŋnök: “Mewö haliga nongön mihi bohonji memamgö osizal. Rutnöŋ nani nahönböratni yenguk mohotje birisamotni mendeŋgetka mohot mohot yengön balöŋ kitipji merömerö miyök buŋa qem aŋguwekuk. Nongön mewö halmamgö osizal. Mianğöra göhön ölip mihi söŋgöroröŋi menönga nangi buŋaya halma.” Mewö meleŋnök.

7ⁱWalahok Israel uruŋe kuŋjan balöŋ iwai bohonji meiga buŋaji haliga mianğö keujan köhömapköra yengön silik muewö hala malget: Keu zöm teköwa jöjöhö halget teköiga yetköreŋök kunöŋ köna esuji qeköwa alaŋi waŋgizapma. Israel yengön iwai bohonji memekö keujan teköyöhi, mihi silik mewö mianğön kundelzema.

8 Mianğöra aiwi mianğön Boazköra muewö zöyök: “Göhön mihi ölip söŋgöroröŋi menönga buŋagi halma.” Mewö zömba köna esuji qeköwa Boaz waŋgiyök. 9 Mihi waŋgiiga Boaznöŋ jötje meme aiwi hala könagesö patpat yengöra muewö engezöyök: “Nongön Elimelek, Kilion hala Malon yengöreŋ iwai patpat miŋgi Naomiköreŋök söŋgöroröŋi mezal. Injini mihi erap jeqawa suluwa ölip naŋgöwa zömeaŋgö söp halze. 10^jNongön Moab ambi Rut, Malongöreŋ malöya i mewöŋanök bohonji membi nongö anöмна halma. Mewö hala aiwi komuyöhaŋgö qetjan birisamot balöŋ mianğöreŋ ahömapköra mihi galim köla malmam. Qetjan mewö qahö ayapkömapnöŋ, gulinarökurupjan Elimelekö qetji ölum enguwaküköra mihi ölip taon ofiskö buknöŋ ahöm öŋgöma. Injini mihi erap jeqawa suluwa ölip naŋgöwa zömeaŋgö söp halze.”

11^kBoaznöŋ mewö zöiga jötje meme aiwi hala könagesö taongö kiripo naŋguje sombemnöŋ tatkeri, yengön körek muewö zöget: “Nini mihi jeqawa suluwa naŋgöwin. Kembunöŋ ölip anömgö göhö köhömgö

ⁱ 4.7-8 Dut 25.9 ^j 4.10 Dut 25.5-6 ^k 4.11 Jen 29.31

kamawi, i kötuetköm waŋgiiga yaŋgön Reizöl hala Lea yetkö söp halma. Yetkön Jeikobkö nahönböraturupŋi kombupŋi engömeyöwötka Israel könagesöninan hikŋaiyök. Göhön ölip Efrata balöŋnöh jötŋe meme aiwi pomŋi hala Betlehem taonöh qetbuŋagaŋguk malman. ¹² Kambunöh anbi malö ramikŋi miaŋgöreŋök gulinarök gihimawi, göhöreŋ könagesö yengön mönö Juda hala Tamar yetkö nahönŋiri Perez yaŋgö saiwakö söp hala malme.” Mewö.

Boazkö gulinarökurupŋi yengö qet areŋ

¹³ Mewö hala Boaznöh Rut waŋgita köhömpŋe anda anömpŋa meiga Kambunöh kötuetköm waŋgiiga köri hala nahönŋa meyök. ¹⁴ Nahönŋa meiga anbi yengön Naomiköra muewö zöget: “Nini Kambu möpöseizin. Yaŋgön erap isikaŋgö sohop meme aiwia gihizawa yaŋgön ölip galim köl ghihiwa malma. Merö miaŋön mönö Israel uruŋe qetbuŋagaŋguk halma.

¹⁵ Göhö irangan jöpaköm gihimamja. Göhö nahönurupki 7 malweak ewö, yaŋgön mönö i patpat engoŋgita bauköm ghihiwa malök. Yaŋgön erap isiga ghihiiga yaŋgön mönö malmalgi kölönjaiwa uruöliwam qem ghihiwa malma. Könangep anbi namönŋi halnönŋa yaŋgön ölip galim köl ghihiiga malman.” ¹⁶ Mewö zögetka Naominöh merö mihi memba dohongöwa galim köl waŋgiwa malök.

¹⁷ Anbi kösutŋe malgeri, yengön muewö zöget: “Naomiköreŋök isi nahönŋa hikŋaiza.” Mewö zömba qetŋi Obed qetket. Obedkö nahönŋi Jesi, isiŋi kiŋ Deiwid.

¹⁸ Qet areŋ muhu mei Perezköreŋök könahiwa kinda Deiwidköreŋ öŋgöza: Perezkö nahönŋi Hezron, ¹⁹ Hezrongö nahönŋi Ram. Ramgö nahönŋi Aminadab. ²⁰ Aminadabkö nahönŋi Nason. Nasongö nahönŋi Salmon. ²¹ Salmongö nahönŋi Boaz. Boazkö nahönŋi Obed. ²² Obedkö nahönŋi Jesi. Jesikö nahönŋi kiŋ Deiwid. Mewö.

¹ 4.12 Jen 38.27-30

Jona

Jonagörenj kezapqetok keu

Jim-asa-asahi

Buk kianjön kezapqetok keu murutji akzap. Mi Jonagörap denöwe asuhuyöhi, miangöt kösohotji akzap. Anutunöj keu kewö jim kutum wangiyök: Gi mönö Asiria kantrigöt siti bohonji qetji Niniwe miangörenj anda urukungukungu nup meman. Asiria yejön kahasililihini ketaunji ahöiga Israel yejön kerök miengörap kömumbepukörap kenngötjini möta malget. Anutunöj Jona mewö jim kutum wangiyökmö, yanjön mi esapköba qetala Anutugöt koleknöj miangörenj anmamgöt tököyök. Mi kewögörap tököyök: Anutunöj siti mi ayuhumamgöt galöm meme keu jiyökmö, yanjön miangöt dop ölja aknjapkö qahöp möt köhöiyök.

Jonanöj tököba qetaliga lömböt öngöngöni qakne öngögetka miangöt andöje nanji imbi-imbiñi memba et ala tem köla anök. Anda urukungukungu nup meiga Niniwe sehisehiñi yejön urujini öljap melenget. Miangörap Anutugöt urujan amöriiga qahöp ayuhum engiyök. Miangörap Jonagöt urujan böliba kömbuhiba nanjak kömumamgöt mörök. Kiñ kunöj yambu 782-753 bifo Kraist galömjina maliga Jonanöj nalö miangörenj nupji meyök. Miriñi Gat Hefer mi Nazaret kösutje, 5 kilomita anangö dop. Niniwe mi köröwen, 500-600 kilomita anangö dop.

Könanjep Israel yejön nanjinak kezapqetok ambazip yejögörenj keu möta kude tem kölgetka Anutunöj jiiga Asiria yejön kaba enguba enguangötketka mewö nanjini kinkinñini mi mosötket. Buk kianjön Anutugöt könanji yahöt kewö kondeljab: Körek nejön Anutugöt jitsihitji törörök tem kölbinangöt dop akzin. Mewö qahöp akzin ewö, lömbötnöj mönö öljap qaknine öngömap. Könanji bohonji kun mi ak-kömükömu aka urujöpak. Yanjön nanji kerök kambunji Asiria yejögöt siñgisöndokñini mewöyök mosöta ayuayuhunöhök meköm engimapköt kapañ kölakzap. Likepñi bölöñi qakñine öngöbapuköt möt köhöiba urunini melenjingöt kuñgum neñgimazap.

Buk kianjöt bahöñi bohonji 4 mi kewö:

- 1) Anutunöj Jona oholiga yangisenj ahök. *1.1-17*
- 2) Jonanöj urujni melejda söranöhök lolohoyök. *2.1-10*
- 3) Jonanöj Niniwe könagesö urujini kuñguyök. *3.1-10*
- 4) Urujini melengetka Anutunöj ak kömum engiyök. *4.1-11*

Jonanöŋ Kembu qetala mömölaköyök.

1 ¹“Israel miangörej Kembugörej keu mi Amitaigöt nahönŋi Jona yangörej kewö asuhuyök: ²“Asiria kantrigöt siti ketauŋi Niniwe mi wehön kotkotŋe ahöza. Yeŋön bau jegömöl aka bölönamŋini memba malakze. Miangöt keu mi nöŋgöt jemesoholne öngöiga mötzal. Miangörap göŋön möp wahöta eu anda nöŋgöt buŋa keuni jiba miangön uruŋini kuŋguman.”

³Mewö jiyökmö, Jonanöŋ möp Kembugöt jemesoholŋeyök ölöŋ köla wehön gegeŋe göröken anmamgörap wahörök. Wahöta miri qetŋi Jopa (Jaffa) miangörej geba waŋge kun miwikŋaiba “Ölöp yembuk Tarsis mire Spein kantrinöŋ anmam,” jiba köna söŋgöronŋi memba waŋgenöŋ öngöyök. Mewö öngöba Kembugöt jemesoholŋeyök mömölaköba anök.

⁴Mewö anökmö, Kembunöŋ möp luhut köhöikŋi melaii köwetnöŋ anda qeiga siridimbom ketauŋi asuhuiga waŋgenöŋ miangörap jömgömamgöt ahök. ⁵Mewö aiga waŋge börö azi yeŋön keŋgötŋini möta nanŋini bemurupŋinanöŋ dop nanöŋök nanöŋök köuluköm eŋgiget. Mewö aka waŋgenöŋ amgömapköröp miangöt inap yuaiŋi mi körek gilgetka köwetnöŋ gem teköyökmö, Jonanöŋ waŋge dutŋanöŋ uruŋe geba miangörej öl köla gaun lömbötŋi ahöyök.

⁶Miangörej ahöiga waŋge galömŋan yangörej kaba kewö jiyök: “Gi möp wuanöŋgörap ki gaun ahözane? Möp wahöta nangi bemgi qeta köulukönöŋga yaŋön mötmörim neŋgiiga kude ayuhubinak.” Mewö jiyök.

⁷Mewö jiiga sutŋine kewö jiget: “Ayop möp kaget! Nini möp unju qeba azi dagöt siŋgisöndokörap ayuayuhu ki neŋgöt qaknine öngözawi, miangöt könaŋi mewö miwikŋaibin.” Mewö jiba unju qegetka Jonanöŋ asuhuyök.

⁸Asuhuiga jiget kaiga kewö qesim waŋgiget: “Ayuayuhu ki mi dagöt siŋgisöndokörap aka neŋgöt qaknine öngözawi, gi möp miangöt könaŋi jinöŋga mörin. Gi wanat nuwa memakzan? Gi waniŋeyök kazan? Göhörej kantri mi waniŋe aiga göhörej könagesöurupki mi waniŋe malje?”

⁹Mewö qesim waŋgigetka kewö melerŋök: “Ni Israelgöt Hibru azia akzal. Ni Kembu, Suepkö Anutuŋi waikŋi memba möpöseimakzal. Yaŋön köwet aka gölme örönŋi miwikŋaim etkiyök. ¹⁰Yaŋön börö osikosibuk niŋgiiga nöŋön mi tököba Kembugöt jemesoholŋeyök ölöŋ köla kazal.”

Mewö melerŋiga azi yeŋön mi möt yaköba gwötpuk awöwöliba kewö jiba jim waŋgiget: “Yei! Gi möp wuanöŋgörap mewö akzane?” ¹¹Köwet mi toroqeba bölim köhöiba ahöyök. Miangörap yeŋön kewö qesim waŋgiget: “Nini möp denöwewö ak gihiinga köwetnöŋ giŋ qebawak?”

^a 1.1 2 Kiŋ 1 4.25

¹²Mewö qesim waŋgigetka yeŋgörap kewö meleŋnök: “Siridimbom ketauŋi kianjön möp nöŋgörap aka eŋgöt qakŋine öŋgöba qezawi, nöŋön mi ölop mötzal. Mianjgörap inini möp nömimba köwetnön gilgetka gemam. Gilget gebiga köwetnön ölop giŋ qemap. Mewö jizal.”

¹³Mewö jiŋga börö azi yeŋjön töndup waŋge kunbuk gölme oronŋe aŋgotmapköröp lökuatnön naŋgöbingöt qeba qegetmö, köwetnön bölim teköyöhaŋgörap aka mi osiget. ¹⁴Osiba Israelgöt Kembuŋi yaŋgöt qeta köuluköba kewö jiget: “O Kembu, gi nangak keu jitkahöt dop mi wuatangöba yuai ki akzan. Mewögörap Kembu, azi kianjön kömumapköröp aiga mianjgörap nini kude ayuhum neŋgiman. Sepŋaŋgöt keuŋi mi neŋgöt qaknine kude alnönŋa öŋgömap. Keu mi ölaŋap.”

¹⁵Mewö köuluköba anda Jona memba gilgetka köwetnön geyök. Geiga köwetkö kukŋan ösumok bököiga giŋ qeyök. ¹⁶Giŋ qeiga azi yeŋjön Kembugörap euam awöwöliba naluk ketauŋi ala Kembu jöwöwöl ohom waŋgiba keuŋini kewö jöhöget: “Nini möp Kembugöt keuŋi tem köla kude getalbin.”

¹⁷^bJonanön köwetnön geiga Kembunön söra ketauŋi kun melaiiga anda Jona gwahörök. Gwahöriŋa söra mianjgöt uruŋe suŋgem silim karöbut ahöba malök. Mewö.

Jonanön gajugaju kömgokŋe ahöba köuluköyök.

2 ¹Jonanön söra uruŋe ahöba Kembu Anutuŋi köuluköm waŋgiba kewö jiyök: ²“Nöŋön wahöjalin uruŋe Kembu köuluköm gihibiga göŋön ölop keuni mötzan.

Ni uŋem senjom kömgokŋe ahöba uleralga göŋön ölop uletni mötzan. ³Göŋön köwet röndum ketauŋe tötal niŋginönŋa gezal. Göŋön köwet söŋsöŋaunaŋgöt dutŋe tuapkönön eralga göulu ketauŋan esuhum niŋgizap.

Göhöreŋ qölpöl-söutsöut pakpak mi musulungöm niŋgizap.

Göhöreŋ siri pakpak mi qeba turuba nem ulahöm niŋgizap. ⁴Mia möta kewö mötmörizal: Göŋön ni göhöt jemesoholgeyök közöl niŋginönŋa maljal. Mi töndup nöŋön möp kunbuk göhöreŋ jöwöwöl jike kömbukŋe göröken jenan ubi anma. Mi kunbuk kude ekileŋahak kun. ⁵O aka omanjaret mi nöŋgöt qakne öŋgöba turum niŋgim teközap.

Röndumnöhök möp liliköm niŋgim teközap.

Köwetköt kumburereŋi mianjön möp nörop jupni köpeiba esuhuzap.

⁶Ni kundunaŋgöt röndaŋ könaŋaŋgöt dop yuhuyaŋgöreŋ eral.

Röndaŋgöt botŋi mianjön möp nöŋgöt qakne jöhöm qözönŋa jöhöm qözön köhöizap.

^b 1.17 Mat 1 2.40

Yuhu maljalmö, o Kembu Anutuni, göjñon möp neka rñndan dutñeyök kunbuk öröm niñginñnga malmalnñy kotmam. ⁷Nñngñt malmalnñan qahñwakñamgñt aiga nñññn nalö miangñoreñ Kembu, gi mötmörim gihibiga köuluknñan öñgñba gñhñt Suep jike kömbukñe euyangñoreñ öñgñba gñhöreñ añgotmap. ⁸Ambazip kopa-bemlopionñ omanñ göda qem eñgim�kzei, yeññon mewö aka kalem möriam Tonji gi andö guhum�kze. ⁹Andö mewö guhum�kzemö, nñññn möp möpñmñpñsei löñet omsa köla naluk ala jñwñwöl ohom gihimamgñt mötzal.

Nñññn yuaigñt keuñi jim jñhñzali, miangñt dop möp ak sorokñmakñam.

O Kembu, gi mohotnññy nñngñt malmalnñamgñt bohoni jñhömamgñt köhöizan. Keu mi öññap.”

¹⁰Mewö köulukñm tekñiga Kembunñy möp söra mi jim kutum waññiiga kaba kota Jona loñniga gölme oronñe erök. Mewö.

Jonanñy Anutugñt nup mi Niniwe uruñe meyök.

3 ¹Gölme oronñe eriga Kembugñoreñ keu ki mi kunbuk Jonagñoreñ asuhuyök: ²“Gñññn möp wahñta siti ketauñi Niniwe miangñoreñ anda buña keu gihimami, mi jiba uruñini kuññguman.” ³Keu mewö asuhuiga Jonanñy wahñta Kembugñt keu jit tem köla Niniwe anök. Niniwegñt dopñi mi kewö: Gi gñrañeyök könahiba anda malnñnga wehñn karöbut tekñiga likepñe endu añgotman. ⁴“Jonanñy könahiba siti uruñe anda maliga wehñn mohot tekñiga buña keu qeta kewö jiyök:

“Wehñn 40 kun ahñzap. Mi tekñiga Niniwe siti kianññn möp meleñni gemap.”

⁵Keu mewö qeta jiiga Niniwe könagesö yeññon Anutugñoreñ keu möt nariba uruñini meleñda nene siñgi malbingñt nalö ala jim köhöiget. Mi jim köhöiba ambazip ketauñi morññi yeññon lökññanök imbi meleñgñt samot meget silenñine öñgñiga kau ariget.

⁶Mewö aketka miangñt buzup keuñi mi Niniwegñt kiñ (praim minista) yangñoreñ añgorök. Añgoriga möta jakñmbuak dum tatatñeyök eta malukuñi kötekñba samot memba at-turuba kau utuba ariba tarök. ⁷Tata jim kutukutu kewö aliga Niniwe siti dop köl tekñba anök: “Iñini möp kiñ aka jembonurupñi yeññoreñ jim kutukutu ki mötme: Kunññan kun möp nene kuluñ kude nemap. Ambazip me bau kuruk-lama bulmakau-iñini nene kuluñ kun nemegñt kude möt eññime. ⁸Nene siñgi mewö mala samot mem tekñba Anutu köhöikññanök sahñt köulukñm waññiba nanññk nanññk könaññamñini bölññi aka ambazip ayuayuhu börññini töwñtpuk meget ahñzawi, mi möp andö qem tekñba mosñtme.

^c 3.4-5 Mat 1 2.41; Luk 1 1.32

⁹Mewö ahinga Anutugöt uruñan kunbuk eriga wösöñji möt nenğiba kukñañgöt könöpñi qeraköba siñgisöndoknini mosötpawak. Mi mosöriğa kude ayuhubinak. Mewö jizin.”

¹⁰Mi möt asahiba könañamñini bölöñji andö qeba uruñini melenğetka Anutunöñ ahakmemenini mi eka wösöñji möt enğiba mötmötñi lilingöiğa siñgisöndokñinañgöt likepñi melen enğimapkö ahöhi, mi mosörök. Uruñan mewö eriga kude mem bölim enğiyök. Mewö.

Jonanöñ tembula irimñi seholyök.

4 ¹Mewö asuhuyökmö, Jonanöñ miangörap urubölö ketañji möta irimñi seholyök. ²Irimñi seholyiğa Kembu ulet wañgiba kewö jiyök: “Aek Kembu, gi ak-kömükömugöt bemñi mala ölop nenğehorimakzan. Göhöreñ kuki mi öñsöñ aiga kalem möriamgi mi öññji qahöp ahöza. Mewö urugi zölañ amöröiğa wösögi möta könagesö kun mem bölöm enğimamgöt kude mörakzan. Mia nane gölmenöñ mala lök möt yaköba jiali, mia ölum guhuza me qahöp? Könañi mewögörap aka nalö miangöreñ Tarsis anmam jiba ösumok mömölaköba anda malal. ³Merak malmalgöt tököba kömupkömöt möralga ölöwakzap. Miangörap Kembu, göñön möp malmalni döлки noañgötnöñ. Keu mi öljañ.”

⁴Mewö ulerökmö, Kembunöñ kewö melen wañgiyök: “Jona, gi ak-kömükömugörap irimsesewöl mötzani, mi dop köljañ me qahöp?”

⁵Mewö jiiga Jonanöñ siti mosöta eta wehön kotkotñe göröken anda köna töwokñe endu koum qeba miangöt aumñe tarök. Tata sitigörap mewö me mewö asuhumawi, mi ekñamgörap uba tarök.

⁶Mewö tarökmö, Kembu Anutunöñ Jona uruölöwak ak wañgimamgörap jiiga ölnölun kun asuhuba köriiba kota Jonagöt nöropñi aum köl wañgiyök. Aum köl wañgiğa ölnölungörap uruölöwak ketañji möta tarök. ⁷Tata suñgem kun ahöiğa miri gianağa miangöreñ Anutunöñ taröñ kun melaiğa kaba ölnölun mi yöhöröngöiğa sinñi soholyök. ⁸Wehönöñ koriga Anutunöñ jiiga luhut könöpñambuk kötökñi mi miri jeñi kotkotñeyök qeiga wehön jeñan nöropñe qei qei uruñi öngöba duhuğa kömumamgöt möt teköba köuluköba kewö jiyök: “Nöñön malmalgöt tököba kömupkömöt möralga ölöwakzap. Keu mi öljañ.”

⁹Mewö jiyökmö, Anutunöñ Jonagörap kewö jiyök: “Gi ölnölungörap irimgi seholyzawi, mi dop köljañ me qahöp?” Mewö jiiga kewö melen wañgiyök: “Irimni seholyzawi, mi möp dop köljawa. Nöngöt irimsesewölmi mi ketañji aiga urunan kude amörimap. Miangörap ölop kömumam. Keu mi öljañ.”

¹⁰Jonanöñ mewö jiiga Kembunöñ kewö jiyök: “Gi ölnölungöt böronji kun kude memba mi kunde galöm kölnönga köriyök. Mi suñgem mohotkö

^d 4.2 Eks 34.6 ^e 4.3 1 Kij 1 9.4

uruje asuhuyök aka sunjem mohotkö uruje soholiba kömuyök. Töndup göñön nangak yuai omañi mewöñi miangörap sahöta waimanjat mötzan.

¹¹Mewö aiga nöñön möp denöwögörap siti ketauñi kiangöt könagesöñi yengörap waimanjat kude mötpileñak? Miangöt uruje morö namande 1 20.000 (handöt twenti tausen) jañgö mi ongöta maljei, mi ölopñangöt aka bölöñangöt könajiri kude möt kewöt etkimakzei aka bau kuruk yuai mi tok gwötpuk malje. Mi ambazip ketauñi yembuk mohok mem bölim enjgibileñbukörap nöñön möp sihimnan Niniwe engehorizal.” Mewö.

Matyu

Ölöwak Buṅa Matyunöṅ ohoyök.

Jim-asa-asari

Matyu qet miangö könaṅi mi Kembugöreṅ kalem. Qetṅi alaṅi Liwai. Rom gawmangö takis meme azia malök. Nup mi memba maliga Jisösnöṅ kaba oholiga uruṅi melaṅda gwarek 12 yeṅgö sutṅine malök.

Ölöwak Buṅa ki Jisösgö könaṅi nanṅe Juda könaṅesö yeṅgöra jim asarim eṅgimangöra aka ohoyök. Keu köṅṅi bohonṅi kewö, “Jisös Kraistnöṅ Amötqeqe Tonini aka Kiṅnini akza.” Juda ambazip yeṅgöra keu mi qahö dop köli uruṅinan bölii qaköget. Mianṅöra Matyunöṅ Jisös nupṅaṅgö könaṅi mi aukṅe jim asariba törörök kusum eṅgiyök. Jöhöjöhö Walṅe amötqeqegö jöhöjöhö keu (promis) ahözawi, mi pakpak mönö Jisösgöra aka aukṅe ahum kuwuleiba öṅṅambuk ahök. Amötqeqe Toṅi mi Hibru keunöṅ Mesaia aka Grik keunöṅ Kraist.

Jisösnöṅ urugö nup bahöṅi karöbut memba malök: Yaṅön Ölöwak Buṅa ambazip kusum eṅgiba uruṅini mianṅön kuṅguba kawölṅini mem ölöwaka malök. Mewö memba aniga aṅgöletot asuhugetka mala maripom ipnöṅ öṅgöba kömuiga löm kölgetka kunbuk wahörök. Mewö mianṅön Anutu bemtohoṅaṅgö könaṅi kondel neṅgiyök. Mewö aiga nini letota Anutugö nahönböraturuṅi akingö könaṅi asuhuyök. Jisösgö lesön bohonṅi 5 mi kewö: 1) Boṅ 5-7, 2) Boṅ 10, 3) Boṅ 13, 4) Boṅ 18 aka 5) Boṅ 24-25

Buk kianṅö bahöṅi bohonṅi 7 mi kewö:

Jisösgö amböskonuruṅi aka ahuahuṅi *1.1–2.23*
Jon O-melun azinöṅ urugö nup meyök *3.1-12*
Jisös o melun meiga Satanöṅ esapköyök *3.13–4.11*
Jisösnöṅ Galili uruṅe qenjarök nup meyök *4.12–18.35*
Jisösnöṅ Galili mosöta Jerusalem anök *19.1–20.34*
Sonda qöndökṅi Jerusalem mala kömuyök *21.1–27.66*
Kömupnöhök wahöta mala Suepnöṅ öṅgöyök *28.1-20*

Jisös Kraistkö ambösakon yengö qet arej*Luk 3.23-38*

1 ¹ Jisös Kraistkö ambösakon yengö qet arejini kewö: Abrahamgö gwölönarökñi kun Deiwid. Deiwidkö gwölönarökñi kun Jisös.

² Abrahamgö nahönñi Aisak. Aisakö nahönñi Jeikob. Jeikobkö nahönurupñi Juda aka yängö darumunurupñi. ³ Judagö nahönyahötñi Perez aka Zera, namñiri Tamar. Perezgö nahönñi Hezron. Hezrongö nahönñi Ram. ⁴ Ramgö nahönñi Aminadab. Aminadabkö nahönñi Nason. Nasongö nahönñi Salmon. ⁵ Salmongö nahönñi Boaz, namñi kantri kungö ambiñi Rahab. Boazgö nahönñi Obed, namñi kantri kungö ambiñi Rut. Obedkö nahönñi Jesi. ⁶ Jesigö nahönñi kiñ Deiwid. Deiwidkö nahönñi Solomon, namñi mutuk Uriagö anömña malök. Juda kiñ pakpak mi Deiwidkö gwölönarökurupñi aka malget.

⁷ Solomongö nahönñi Rehoboam. Rehoboamgö nahönñi Abiya. Abiyagö nahönñi Asa. ⁸ Asagö nahönñi Jehosafat. Jehosafatkö nahönñi Jehoram. Jehoramgö nahönñi Usia. ⁹ Usiagö nahönñi Jotam. Jotamgö nahönñi Ahaz. Ahazgö nahönñi Hezekia. ¹⁰ Hezekiagö nahönñi Manase. Manasegö nahönñi Amon. Amongö nahönñi Josia. ¹¹ ^a Josiagö nahönurupñi Jekonia aka yängö darumunurupñi. Nalö miangörej Babilon yejön Israel könagesö enguangitketka Babilon anda kösö mire malmal ewö tandök welenqeqejina malget.

¹² Babilon kösö mire malmal ewö tandök mala miangörej Jekoniagö nahönñi Sealtiel asuhuyök. Sealtielgö nahönñi Jerubabel. ¹³ Jerubabelgö nahönñi Abiud. Abiudkö nahönñi Eliakim. Eliakimgö nahönñi Azor. ¹⁴ Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵ Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶ Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqeqe Toñi qerakzin.

¹⁷ Nalö Abrahamgöreñökönahiba mala kotketka Deiwid asuhuyöhi, isik miengö jañgö areñi mi 14. Kunbuk kiñ Deiwidköreñökönahiba mala kotketka Israel könagesö enguangitketka Babilon anda kösö mire malmal ewö tandök malgeri, isik miengö jañgö areñi mi mewöyök 14. Babilon kösö mire malmal ewö tandök malgeri, nalö miangörejökönahiba mala kotketka Kraist asuhuyöhi, isik miengö jañgö areñi mi mewöyök 14.

Jisös Kraist mi kewö asuhuyök:*Luk 2.1-7*

¹⁸ ^b Jisös Kraist asuhuyöhañgö kösohotñi kewö: Yängö namñi Maria mi Josefbuk bunabuña mala mindimindiri qahö aka malohotka nalö

^a 1.11 2 Kiñ 24.14-15; 2 Hist 36.10; Jer 27.20 ^b 1.18 Luk 1.27

miaṅgöreṅ Uṅa Töröṅan mem letot waṅgiiga köröbuk mali kōnaṅi mewö miwikṅaiget. ¹⁹Mewö miwikṅaigetka azi buṅaṅi Josef yaṅjōn malmal diṅdiṅi malōhaṅgōra Mariagō kōnaṅi aukṅe asuhui gamuṅambuk akapukōra tököyök. Mewö tököba uruṅan i ölöṅ mosōtmamgō mötmöt areṅi alök.

²⁰Mewö mötmöriba ahōiga Kembangō garata kunṅan gaunōṅ asuhum waṅgiba kewö jiyök, “Josef Deiwidkö gwölōnarökṅi, Uṅa Töröṅan mönō Maria letot waṅgiiga körōṅambuk malja. Miaṅgōra gi mönō i örōnōṅ mirige kaba anōmgi akṅapakō keṅgōtki kude mötman. ²¹‘Marianōṅ mönō morō nahōn mema. Azi miaṅjōn kōnagesōṅi siṅgisōndokṅineyök amöt qem enṅiiga solanime. Miaṅgōra göṅjōn qetṅi Jisös qetman.’” Mewö jiyök.

²²Kembunōṅ kezapqetok azi kun sölölöhōiga keu kun jiyōhi, miaṅjōn öṅambuk akṅapakōra yuai pakpak mi asuhuyök. Kezapqetok keu mi kewö, ²³“‘Ambi seram jōmukṅi kunōṅ gölöṅṅambuk aka morō asia meiga qetṅi Imanuel qetme.’” Qet miaṅgō kōnaṅi kewö, “Anutunōṅ nembuk malja.”

²⁴Josefnōṅ imbiṅi möta wahōta Kembangō garatanōṅ jim kutum waṅgiyōhi, mönō miaṅgō dop aka Maria anōmṅi akṅapakōra waṅgita miriṅe anök. ²⁵‘Anda malohotmō, nalō sutṅe miaṅgöreṅ mohotṅe qahō ahōyohot anda nahōnṅi meiga Josefnōṅ qetṅi Jisös qerök. Morō meiga miaṅgō andōṅe awanōm malohot. Mewö.

Mötkutukutu azi wehōn kotkotṅeyök kaget.

2 ¹Jisōsnōṅ kiṅ kembu Herodkö nalōṅe Judia prowinsgō taon qetṅi Betlehem asuhuyök. Asuhuyōhi, nalō miaṅgöreṅ sengelaugō mötmöt azi wehōn kotkotṅeyök Jerusalem sitinōṅ kaget. ²Kaba kewö qesiget, “Juda enṅöreṅ kiṅ kembu akṅawi, morō mi asuhuba denike ahōza? Nini wehōn kotkotṅe mala yaṅgöreṅ undi asuhui eka kōnaṅi mewö möta waikṅi memba möpōseibingōra kazin.”

³Mewö qesigetka kiṅ kembu Herod aka Jerusalem kōnagesō yambuk malgeri, yeṅjōn körek pakpak keu mi möta aurugēt. ⁴Aurugētka kiṅ Herodnōṅ keu ala kōnagesōgō jike nup galōm bohōnṅi aka Kōna keugō böhi pakpak köl örōm enṅii kaget. Kaba tokogetka kewö qesim enṅiyök, “Amötqeqe Toṅi Kraistnōṅ mönō denike asuhumapkōra jigētka ahōza?”

⁵Qesim enṅiiga kewö meṅeṅ waṅgiget, “Yaṅjōn mönō Judia prowinsgō taon qetṅi Betlehem miaṅgöreṅ asuhuma. Miaṅgō keuṅi mi kezapqetok azi Maikanōṅ kewö ohoi ahōza,

⁶‘O Betlehem kōnagesō Juda gölmenōṅ maljei, enṅō sutṅineyök kembu ketanṅi asuhuba nani Israel kōnagesō mindiṅgōba köyan köl neṅgima. Miaṅgōra iṅini Juda gölmegō jitṅememe yeṅgō sutṅine malgetka qetbuṅaṅinan eretṅi qahōpmahöp akza.’”

° 1.21 Luk 1.31 ° 1.23 Ais 7.14 ° 1.25 Luk 2.21 ° 2.6 Mai 5.2

⁷Mewö melen wangigetka mötkutukutu azi mi ölon engoholi kagetka kewö qesim engiyök, “Undini mönö wani nalönön asuhui könahiba eket?” Mianjö könani törörök mötmangö möta mewö qesim engiyök. ⁸Mianjö keunji möta melaiba kewö jim kutum engiyök, “Inini mönö Betlehem anda morö mi törörök qesiba miwikñaiba mianjöreñök buzup keu algetka nöngöreñ kama. Nöñön mi möta mewöñanök anda i waikni memba möpöseim wangimam.”

⁹Kinön mewö munen jiba jim kutum enjiiga möta könanön anget. Anda undi wehön kotkotnje mala ekeri, mianjön nöropñine mutukmutuk ani mötötei-get Betlehem anda miri morö nahön ahöyöhi, mönö mianjöreñ kinök. ¹⁰Undi mi kini eka sösöngai keta bölökni aket. ¹¹Sösöngai aka miri uruñe öngöba morö aka namni Maria etkeket. I etkeka simin köla sipköba waikni memba möpöseim wangiget. Möpöseim wangiba bayängösöñini qeañda mianjöreñök goul, jiniñ paura aka sanda qetni mör mi uzeta kalem wangiget.

¹²Sungem kun ahöget-ka Anutunön gaun kondela kin Herodköreñ kunbuk anbebukö qetal engiyök. Mianjöra köna kungenök nanjini miri gölmenjine lilingöba anget. Mewö.

Herodköra asamböta Josef anöm-moröni Ijpt anget.

¹³Mötkutukutu azi mienön angetka Josefñön gaun ehiga Kembangöreñ garata kunñan asuhum wangiba kewö jii mörök, “Herodnön morö qei kömumapkö jarum wangima. Mianjöra mönö wahöta morö aka namni etkuangita ölon köla Ijpt kantrinön anme. Mianjöreñ anda malgetka bian nanak kamegö nalö jimami, mianjöreñ mönö lilingöba kame.”

¹⁴Mewö jii möta wahöta sungem mianjöreñök morö nahön aka namni etkuangita Ijpt anget. ¹⁵Ijpt anda malgetka kin Herodnön kömuiga nalö mianjöreñök lilingöba kaget. Mutuk Kembunön kezapqetok azi Hosea sölölohöiga keu kewö jii ahöza, “Nöñön nahöni oholbiga Ijpt gölme mosöta kayök.” Kezapqetok keu mianjön mönö mewö asuhuiga öljambuk ahök. Mewö.

Morö azi Betlehem gölmenön enguget kömuget.

¹⁶Mötkutukutu azi mienön Juda gölme ölon mosöta angetka Herodnön mianjö könani eka “Tilipköm niñgiget,” jiba irimni gwötpuk seholiiga jimkutukutu kewö alök, “Yarö azi, inini Betlehem aka gölme pakpak mi liliköba ahözawi, mönö mianjöreñ anda azi morö (yara) yambuñini yahöt aka mianjö bapñe akzei, mi körek enguget kömume.” Mötkutukutu azi undi asuhuyöhangö nalögöra törörök qesim enjiiga jiget möröhi, mianjö dop morö azi yambuñinangöra jimkutukutu mi alök.

§ 2.15 Hos 11.1

¹⁷Kezapqetok azi Jeremaianöŋ keu kun jii ahözawi, mianjön mönö mewö asuhuiga ölnambuk ahök. Keu mi kewö,

¹⁸^h“Silat mi Betlehem kösutŋeyök miri qetŋi Rama mianjögöreŋök mötketka sahöt gigilahöze. Reizöl ambigö gwölönarökurup yeŋön moröurupŋini qahöwaketka urureŋ meze. Mianjögöra sahötketka urukölalep mem eŋgingö aketka urukondumök mörakze.” Mewö.

Ijpt mosöta Josef anöm-moröŋi Nazaret lilingöget.

¹⁹Josefnöŋ Ijpt maliga kiŋ Herodnöŋ kömuiga mianjögöreŋök Kembangöreŋ garata kunŋan gaunöŋ asuhum waŋgiba ²⁰kewö jiyök, “Morö qeget kömumapkö mönögeri, yeŋön lök kömuget. Mianjögöra mönö wahöta morö aka namŋi etkuangita lilingöba Israel gölmenöŋ anme.” ²¹Mewö jiiga Josefnöŋ wahöta morö aka namŋi etkuangita lilingöba Israel gölmenöŋ anget.

²²Könanöŋ anda keu kewö mörök, “Herodkö nahönŋi Arkelausnöŋ iwiŋangö salupŋe Judia prowins galöm köla malja.” Mewö möta mianjögöreŋ anmamgö keŋgötŋi mörök. Möta mali Anutunöŋ gaunöŋ Galili prowinsnöŋ anmegö jim kutum waŋgiiga wahöta mianjögöreŋ anget. ²³ⁱGalili prowinsnöŋ aŋgota taon qetŋi Nazaret mianjögöreŋ malget. Mewö malgetka kezapqetok azi yeŋön Amötqeqe Toŋangöra keu jigeri, mianjön ölnambuk ahök. Keu mi kewö, “Yaŋgö qetŋi mi Nazaret azi qeta malme.” Mewö.

Jon O-melun azinöŋ Jisösgö köna mesarök.

Mak 1.1-8; Luk 3.1-18; Jon 1.19-28

3 ¹Yambu tosatŋi teköiga Jon O-melun azinöŋ kaba Judia prowinsgö gölme qararaŋkölkölŋe liliköba ambazip uruŋini Buŋa keunöŋ kuŋguba kewö jiba malök, ²^j“Suep Toŋan bemtohoŋi almawangö nalöŋan lök kam kuŋguza. Mianjögöra mönö uruŋini meleŋda mianjögöreŋ aŋgotket.” ³^kJongöra kezapqetok azi Aisaianöŋ keu kun kewö jiba ohoyök, “Kolek garata kunöŋ gölme qararaŋkölkölŋe qeta maliga anda jölŋi kewö mötme, ‘Kembunöŋ kamawo! Mianjögöra mönö jöjöröba könaŋi mesatket. Mönö uruŋini mindiŋgöba könaŋi köl diŋgiba qölöleiget.’”

⁴^lJongöreŋ maluku mi kamel juŋŋan memenŋi aiga kemaŋe örigit sömbup sileŋan memenŋi mi jöhöba malök. Neneŋamŋi mi gawöt jinam aka arökŋangö moroŋ onŋi. Mi pakpak kezapqetok azi Elaija (Elia) yaŋgö dowa. ⁵Jonöŋ nupŋi meiga ambazip kambuleleme yeŋön Jerusalem siti aka Judia prowinsgö miri tosatŋi pakpak mianjögöreŋök yaŋgöreŋ öröba kaget. Mewöŋanök Jordan o likeplikep miri pakpak tat angeri,

^h 2.18 Jer 31.15 ⁱ 2.23 Mak 1.24; Luk 2.39; Jon 1.45 ^j 3.2 Mat 4.17; Mak 1.15

^k 3.3 Ais 40.3 ^l 3.4 2 Kiŋ 1.8

mienḡoreḡok kaget. ⁶Kaba kaḡgota siḡgisöndokḡini jim miwikḡaigetka Jonöḡ i Jordan o töwatḡe o melun mem eḡḡiyök.

⁷Mem eḡḡiyökmö, Farisi (Köna keugö kapaḡkölköl) aka Sadyusi (Jike nupkö kapaḡkölköl) ambazip gwötpukḡan o melun mem eḡḡimapköra kagetka eḡgeka yeḡḡöra kewö jiyök, “O qatö moröḡi, iḡini uruḡini qahö meḡeḡetka Anutugö irimḡan seholiiga likeḡni meḡeḡ eḡḡimamḡö akza. Mi ölöḡ kölbimḡö goro keuḡi mi mönö daḡön jii möta sömbuḡini möta ki kaze? ⁸Miaḡḡöra mönö öḡḡanök uruḡini meḡeḡme. Bölöḡamḡineyök liliḡḡögetka öḡḡi asuhui mi mönö ahakmemerḡinan aukḡe kondela malme.

⁹“Uruḡine möndö möndö keu kewö jibimḡö kude mötmörime, ‘Neḡön mönö Abrahamḡö gwölönarökḡa malinga Anutunöḡ qahö ayuhum neḡgima.’ Mewö jiba töptöpḡine qemakzemö, öḡḡi mi qahö ahakze. Nöḡön miaḡḡöra kewö jibi mötket, Anutunöḡ köt ki ölöḡ jim kutum eḡḡiiga letota Abrahamḡö gwölönarökurupḡi aka Anutu möpöseimakḡemö, iḡini denöwö?”

¹⁰“Uruḡini qahö meḡeḡme ewö, Anutunöḡ mönö iḡini ip ewö teḡḡöri etḡimḡö akze. Ip pakpak köḡḡi ölöḡḡi qahö kuḡḡumakzei, mi mönö köli etket könöpḡnöḡ gili geme. Ip mewöḡi kölmamḡö kesinḡi lök jitḡi saḡe ala ip könaḡe ali jöjöröba ahöza. Anutunöḡ mönö bölöḡamḡinaḡḡö likeḡḡi meḡeḡ eḡḡgima.

¹¹“Nöḡön iḡini uruḡini meḡeḡmeaḡḡöra o töhöḡnöḡ melun mem eḡḡizalmö, nöḡḡö andöne azi kukösumḡi köhöikḡi kun kama. Yaḡḡö kukösumḡi öḡḡöḡḡöḡan mönö nöḡḡoreḡ oḡḡitma. Yaḡḡön azi öḡḡöḡḡöḡi akḡawaḡḡöra nöḡön yaḡḡö köna esuḡi bauköba gösönöḡ löḡḡöta teḡḡömamḡö qötötḡaḡömam. Yaḡḡön mönö Uḡa Töröḡi uruḡine ali könöp bölamḡan köl köḡḡörat eḡḡiiga mewö miaḡḡön melun mem eḡḡgima.

¹²“Yaḡḡön öḡḡi aka kamböḡi mendeḡ etkimamḡö sapakḡi memba kaḡgota uba qöröreḡöba kewötma. Kewöta wit köḡḡi tokoba köweḡe almapmö, kamböḡi aka gwaugulapḡi mi mönö usuḡniga könöpḡnöḡ geba teteköḡi qahö jema.” Mewö.

Jonöḡ Jisös o melun mem waḡḡiyök.

Mak 1.9-11; Luk 3.21-22

¹³Nalö miaḡḡoreḡ Jisösḡnöḡ Galili prowins mosöta Jordan o töwatḡe Jongoreḡ kaba o melun mem waḡḡimapköra qesiyök. ¹⁴Qesiyökmö, Jonöḡ qetal waḡḡiba kewö jiyök, “Göḡön ölöḡ ni o melun mem niḡḡibanakmö, göḡön siḡgisöndok qahö aka mönö denöwögöra nöḡḡoreḡ kazan?”

¹⁵Mewö jiiga Jisösḡnöḡ kewö meḡeḡḡök, “Nalö kewöḡe mi ölöḡ akḡan. Mewö akziga miaḡḡön Anutunöḡ ahakmeme diḡḡinḡi wuatḡaḡöbingö keu

^m 3.7 Mat 12.34; 23.33 ⁿ 3.9 Jon 8.33 ^o 3.10 Mat 7.19

jiyöhi, miangö ölni asuhuiga dop kölma.” Mewö jiiga Jonöñ möri dop kölga urumohot ahök.

¹⁶Urumohot aka o melun mem wangii teköiga miangöreñök onöhök koriga kewö asuhuyök: Suepnöñ añañiiga Jisösnöñ uba ehiga Anutugö Uña Töröñan meleñda kembö nei ewö aka Jisösgö qakñe eta meyök. ¹⁷^pEta meiga Suepnöhök qet kun kewö asuhuyök, “Yañön mönö nani wölböt nahöna aiga köröni ölöwahiga eknahöm ak wangizal.” Mewö.

Satanöñ Jisös esapköba malök.

Mak 1.12-13; Luk 4.1-13

4 ¹^qMiangö andöñe Uña Töröñan Jisös kungum wangiiiga gölme qararankölkölñe Bölöñangö Toñan esapköm wangimapköra aka anök. ²Miangöreñ anda suñgem asak 40 Anutugöra nene siñgi mala nenegö kömuyök. ³Nenegö kömuiga öme bohonñini qetñi esapesap Toñi yañön asuhaba kewö jiyök, “Gi Anutu Nahöñña akzan ewö, mi mönö kondela köt ki jim kutunöñga letota beret aketka neman.”

⁴Mewö jiyökmö, Jisösnöñ keu kewö meleñnök, “Qahö! Buña Kimbinöñ keu kun kewö ohoget ahöza, ‘Nenenöhök ambazip malmal qahö neñgimazapmö, Anutugö jitleyök keu kamakzawi, mi pakpak tem kölinga miangöñ mönö gumohom neñgiiga köhöiba maljin.’”

⁵Mewö jiiga Bölöñangö Toñan Jisös wangita Jerusalem siti töröñe anda jöwöwöl jikegö boñe euyangöreñ öngöba ali kinök. ⁶^sMewö kiniga kewö jii mörök, “Gi Anutugö Nahöñña akzan ewö, mönö kiangöreñök luhuba emu geman. Buña Kimbinöñ keu kun kewö ohoget ahöza, ‘Anutunöñ göhöra aka garataurupñi jim kutum eñgiiga ölop kököbihigetka geba kötnöñ könage qahö guhum qizit akña.’ Miangöra geba kude ayuhuman.”

⁷Mewö jiiga kewö meleñnök, “Qahö! Buña Kimbinöñ keu kun mewöyök kewö ahöza, ‘Gi mönö Kembugi Anutu kude esapköm wangiman.’”

⁸Mewö jiiga Bölöñangö Toñan kunbuk wangita kundunji köröp tiñtini kunöñ öngöba gölme pakpak yengö kantri tohoñi tohoñi aka miengö inap yuaiñini aködamanñinambuk pakpak kondel wangiyök. ⁹Kondel wangiba kewö jiyök, “Göñön simin köl niñgiba waikni memba möpöseim niñgiman ewö, nöñön öroyuai pakpak ki mönö tököm gihibi buña qem anguba galöm köl eñgiman.”

¹⁰^uMewö jiiga Jisösnöñ kewö jii mörök, “Qahö! Satan gi mönö kesalnöñ. Buña Kimbinöñ keu kun kewö ohoget ahöza, ‘Gi mönö Kembugi Anutu, ia mohot simin köl wangiba waikñi memba möpöseiman.’”

^p 3.17 Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35 ^q 4.1 Hib 2.18; 4.15 ^r 4.4 Dut 8.3 ^s 4.6 Sum 91.11-12 ^t 4.7 Dut 6.16 ^u 4.10 Dut 6.13

¹¹Mewö jiiga Bölönangö Toñan miangöreñök Jisös mosöta kesalök. Mewö aiga garata yeñön kaba Jisös bauköm wangiget. Mewö.

Jisösnöñ könahiba Galili uruñe urugö nup meyo.

Mak 1.14-15; Luk 4.14-15

¹²“Miangö andöñe Jon O-melun azi kösö mire” alget tari Jisösnöñ mi möta Judia prowins mosöta Galili anök. ¹³*Anda prowins miangöreñ miriñi Nazaret mosöta Kaperneam anda malök. Kaperneam siti mi Zebulun aka Naftali gölmenöñ Galili o angö qöhöröñe ahöza. ¹⁴Miangöreñ mala nupñi meiga Anutunöñ keu kun kezapqetok azi Aisaia sölölohöiga jiyöhi, miangön öljambuk ahök. Keu mi kewö,

¹⁵“Ambazip Zebulun gölmenöñ aka Naftali gölmenöñ Jordan likepñe malgetka sutñine köna namñi köwetnöñ göröken anda kinjawi aka Juda qahöpmö, kambu tosatñan Galili prowinsnöñ maljei,

¹⁶könagesö mieñön söñaupnöñ mala asakñi ketañi ekñe. Kömupnöñ ambazip aum köl enñiiga pandaman gölmenöñ maljei, yeñgöra mönö miri wangararñ suruma.”

¹⁷zJisösnöñ Kaperneam mala nalö miangöreñök könahiba Buña keuñi jim asariba ambazip uruñini kuñguba kewö jiba malök, “Suep Toñan bemtohoñi almawangö nalöñan mönö kam kuñguza. Miangöra mönö siñgisöndok malmalñini mosöta uruñini meleñget.” Mewö.

Jisösnöñ gwarekurupñi mutukñi enñgoholök.

Mak 1.16-20; Luk 5.1-11

¹⁸Mewö jiba liliköba mala Galili o angögö göröñe mötöteiba anda darumun yahöt Saimon qetñi alañi Pitö aka munñi Andru etkehök. Yetkön söra örörö azia mala mösakñiri o angönöñ söra öröbitköra gila malohot. ¹⁹Jisösnöñ etkeka kewö jiyök, “Aziyahöt, inñi mönö ni nuatangöba kayohotka kusum etkibi ambazip söra ewö öröm enñgimakñahot.” ²⁰Mewö jiiga miangöreñök mösakñiri mosöta könahiba Jisös wuatangöba anohot.

²¹Jisösnöñ yetpuk borom kun toroqeba anda kunbuk darumun yahöt Zebedigö nahönyahötñi Jeims aka Jon etkehök. Yetkön iwiñiri Zebedibuk wangenöñ tata mösakñini möhamgöba jöhöba malgetka enñgeka etkoholök. ²²Mewö enñgeka etkoholiga miangöreñök wahöta wange aka iwiñiri mosöta könahiba Jisös wuatangöba andöñe anohot. Mewö.

∞ 4.12 Mat 14.3; Mak 6.17; Luk 3.19-20 ∞ 4.12 Kiñ Herodnöñ ambi kun ölöñ meiga Jon O-melun azinöñ i miangöra jim wangüiga irimñi sehölii jiiga opotöröp yeñön Jon jöhöba kösö mire alget tarök. ∞ 4.13 Jon 2.12 ∞ 4.15-16 Ais 9.1-2 ∞ 4.17 Mat 3.2

Jisösnöñ ambazip kusum enggiba mem ölöwak enggiyök.

Luk 6.17-19

²³ ^aJisösnöñ anda Galili prowins uruje lökñanök liliköba köuluk miriñine öngöba bemtohoñgö Ölöwak Buñari jim asariba uruñini kuñguba kusum enggiba malök. Mewö aka sutjine ambazip kawöl aka jepajerepe könari könari enggöhöi malgeri, mi mem ölöwak enggiba malök.

²⁴ Mewö memba maliga Jisösgö qetbuñaran sehiba Siria kantri dop köl teköba anök. Mewö ani mi möta kawöl ambazip pakpak engguangita yanğoreñ kaget. Tosatñan uzi kawöl aka jepajerepe könari könari enggöhöi malget. Tosatñan ömewörömenöñ uruñine geiga töñöt me kölköljinjinbuk malget. Tosatñan tala eta engguiga bözok mitiba semben auba malget. Tosatñan sileninañgö likepñi kömükömuñi malget. Mewö mewöñi mieñön Jisösgöreñ kagetka mem ölöwak enggiyök.

²⁵ Mewö ak enggiiga ekerangöra ambazip könagesö ketari yeñön Jisösgö andöñe wuatangöba kaget. Kambu ketari ketari mi Galili prowins aka Ten Taon distriknöhök kaget. Kambu tosatñan Jerusalem siti aka Judia prowinsgö miri tosatñeyök kaget. Kambu tosatñan Jordan o likepñeyök kaget. Mewö.

Jisösnöñ kunduje kindu kusum enggiyök.

5 ¹ Jisösnöñ ambazip kambu ketari engeka kunduje öngöba tariga gwarekurupñan kañgota liliköm wañgiget. ² Liliköm wañgigetka könahiba ambazip kambuñi kambuñi kusum enggiba kewö jiyök.

Denike yeñön simbawoñ akze?

³ “Denike yeñön Anutugö jeñe etqeñeñi tandök mötzei, yeñön Suepkö bemtohoñi buña qem añgumeañgöra mönö simbawoñ akze.

⁴ ^bDenike yeñön jinğeñ köla sahötzei, Anutunöñ i urukölalep enggimapköra mönö simbawoñ akze.

⁵ ^cDenike yeñön guñböñjönjön malakzei, Anutunöñ gölme ki mi yeñgöra engii buñarına akñapköra yeñön mönö simbawoñ akze.

⁶ ^dDenike yeñön Anutugö jeñe solanibingöra kapañ köla mi nene aka ogö ewö kömumba qemjeñ qeba maljei, Anutunöñ mönö sihimñini mi gumohom enggima. Mianğöra yeñön mönö simbawoñ akze.

⁷ Denike yeñön tosatñi ak kömum enggimakzei, Anutunöñ i ak kömum enggimapköra yeñön mönö simbawoñ akze.

⁸ ^eDenike yeñgö uruñinan sarakñi akzawi, yeñön ölop Anutu ekñe. Mianğöra yeñön mönö simbawoñ akze.

^a 4.23 Mat 9.35; Mak 1.39 ^b 5.4 Ais 61.2 ^c 5.5 Sum 37.11 ^d 5.6 Ais 55.1-2 ^e 5.8 Sum 24.3-4

⁹Denike yeñon luai qemakzei, yeñgö qetñini mi Anutugö nahönböraturupñi qetme. Mianğöra yeñon mönö simbawoñ akze.

¹⁰^fAnutunöñ keuñini jim teköi solanizeanğöra sesewerowero ak eñgimakzei, yeñon Suepkö bemtohoñi buña qem anğume. Mianğöra yeñon mönö simbawoñ akze.

¹¹^gAmbazipnöñ iñini nöñğöra aka uruqeçe keu töhöreñ jim eñgiba sesewerowero aka keu bölöñi könañi könañi sileñine ala muneymuney jimakzei, eñon mönö simbawoñ akze.

¹²^hMötket, Anutunöñ töwañini öñgöñgöñi Suep mire ali ahözawañğöra mönö gönköirañ ala sösoñgai aka malme. Mi kewögöra: Kezapqetok ambazip mutuk malgeri, mi sesewerowero tandökñi mewöñanök ak eñgigetka eñon yeñgö andöñine asuhuba yembuk öröröñ malje.” Mewö.

Iñini gölmegö sihi aka kiwa ewö akze.

Mak 9.50; Luk 14.34-35

¹³Jisösnöñ jiyök, “Iñini gölme ambazip yeñgö howe tandök akzemö, howe nahömñan piahima ewö, mi mönö denöwö möhamgöinga kunbuk nahömñambuk akawak? Mianğö könañi kun qahö. Toroqeça yuai kungöra qahö dop kölmapmö, mi nesak ewö gilget geiga ambazipnöñ mi könañinan tiahöme.

¹⁴ⁱ“Iñini gölmeñi gölmeñi yeñgö kiwa tandök ewö aka malje. Siti kun kunduje öñgöba meget tatzawi, mianğon tölapñe tatmamgö osimakza. ¹⁵^jKunñan kiwa ohotiriba kumbut bapñe qahö almapmö, kiwagö dum tatatñe ali tatma. Mewö tata asariiga ambazip miri uruñe maljei, mönö körek yeñgö jeñini kuñguiga asakñi ehakñe.

¹⁶^k“Mewöñanök mönö eñgö asakñini kondelgetka ambazip sutñine asariiga ehakñe. Amba-zipnöñ ahakmemeñini ölöpñi eka mianğöra Iwiñini Suep mire maljawi, mönö i möpöseiba malme.” Mewö.

Jisösnöñ Köna keugö könañi kusum eñgiyök.

¹⁷“Nöñon Mosesgöreñ Köna Keu aka kezapqetok ambazip yeñgö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñon qeapkömamgöra qahöpmö, keu mi tem köl teköbi miengö ölninan pöndañ asuhumapköra aka kaba maljal. ¹⁸^lNöñon keu ölni kun kewö jibi mötket, Mosesgö Köna keunöhök kulem moröñi morö közömñi kun me kirifi ohohogö jönbölanñi mohok-kun mi qahö kötökñi ayapkömampmö, keu pakpak mi mutuk ölninambuk asuhugetka Suep gölme yetköñ göröñ qemahot.

¹⁹“Mianğöra kunñan Köna keugö jimkutukutu morörökñi miengöreñök keu kun koyonhiba ambazip mewö kusum eñgimakzawi, yañon Suepkö

^f 5.10 1 Pitö 3.14 ^g 5.11 1 Pitö 4.14 ^h 5.12 2 Hist 36.16; Apo 7.52 ⁱ 5.14 Jon 8.12; 9.5
^j 5.15 Mak 4.21; Luk 8.16; 11.33 ^k 5.16 1 Pitö 2.12 ^l 5.18 Luk 16.17

bemtohoŋe aŋgoriga qetŋi morörökŋi bezup qetme. Mewö qetmemö, kunŋan mi tem köla wuatangöba ambazip mewö kusum eŋgimakzawi, yaŋön Suepkö bemtohoŋ uruŋe aŋgoriga qetŋi ketaŋamnini qetme.

²⁰“Nöŋön miaŋgö dop kewö jibi mötket: Eŋgö ahakmemerŋini solanŋi miaŋön mönö Köna keugö böhi aka Farisi (Köna keugö kapaŋkölköl) yeŋgö silikŋini tandök ewö öröröŋ akapuk. Silikŋinan yeŋgö silikŋini gwötpuk qahö oŋgitma ewö, eŋön mönö Suepkö bemtohoŋ uruŋe qahö aŋgotme.” Mewö.

Yom kazik aka eŋguget kömukömuŋö könaŋi.

²¹“Jisösnöŋ toroqeba jiyök, “Eŋön möpŋeyök keu kun kewö jiget mötzema, ‘Ambazip kun kude qeget kömuma aka kunŋan kazikŋi qei kömumawi, i mönö distrikö keu jakeŋe algetka keuŋi jim teköme.’

²²“Mewö jiget mötketmö, nöŋön keu mi kewö jim tuaribi mötme: Kunŋan alaŋambuk aŋgururuk aka irimŋan sehonii yom kazik akzawi, i mönö mewöyök distrikö keu jakeŋe al waŋgiget keuŋi jim tekömeaŋgö dop akza. Mewöŋanök kunŋan alaŋi jijiwilit keunöŋ jim böliba ‘Gi uruqahö akzan,’ jizawi, i mönö kantrigö jike kaunsöl yeŋgö jeŋine al waŋgiget keuŋi jim tekömeaŋgö dop akza. Kunŋan alaŋi lösö keunöŋ jim böliba ‘Gi aŋgöjörakabuk akzan,’ jizawi, yaŋön mönö könöp sianöŋ gemawaŋgö dop akawak.

²³“Miaŋgöra göŋön kalem naluki memba kaba altanöŋ almamgö aknöŋga miaŋgöreŋ keu kewöŋan mötmötke kaŋgotpawak: Alagahö uruŋe keu ahöi yaŋön kazik ak gihimamgö mötza. Keu mewöŋi mötmöriman ewö, ²⁴kalemgi mi mönö alta wösöŋe ala mutuk alagahöreŋ anda yambuk keuŋiri jim solaniba urumohot aka miaŋgö andöŋe kunbuk kaba kalem naluki Anutugöra alman.

²⁵“Kerökan silege ala keu jakeŋe öröm gihimamgö aiga komitigöreŋ anda köna namŋe miaŋgöreŋ mönö kapaŋ köla imbi mohot aka keuŋiri jim solanimahot. Mewö qahö akŋahot ewö, kerökan ölöp örörahöm ghihiiga (jas, majistreit) jimtekötekö toŋaŋgö jeŋe aŋgotnöŋga möta jii opotöröpkö böröŋe genöŋga kösö mire al gihibapuk. ²⁶Nöŋön keu ölni kewö jibi mötnöŋ, Gi miaŋgöreŋ töwagi pakpak almanangö dop qaköba tatman. Toiyagi kondikŋi mewöyök al teköbagun mönö töwagi memba etman.” Mewö.

Sero yoŋgorögö könaŋi

²⁷“Keu kun kewö jiget mötzema, ‘Sero yoŋgorö kude akŋan.’ ²⁸Mewö jiget mötketmö, nöŋön keu mi kewö jim tuaribi mötme: Kunŋan serogö sihim kömbönaŋi qakŋe ambi uba ekzawi, yaŋön lök uruŋan yambuk sero yoŋgorö akza.

^m 5.21 Eks 20.13; Dut 5.17 ⁿ 5.27 Eks 20.14; Dut 5.18

29^o“Jegi öljän siŋgisöndok akŋangö kölgorom ak gihima ewö, mi mönö qözöla gilnön anma. Sile kitipki kunŋan ayuhui mewö Suepnön öngönönnga dop kölmapmö, silegi jömukŋi malnönnga gil gihigetka könöp sianön geba ayuhubanbuk. 30^pBörögi öljän siŋgisöndok akŋangö kölgorom ak gihima ewö, mi mönö yandiba gilnön anma. Sile kitipki kunŋan ayuhui Suepnön öngönönnga dop kölmapmö, silegi jömukŋi mala könöp sianön geba ayuhubanbuk.” Mewö.

Awanöm aŋgömosötmosötkö könäŋi

31^q“Keu kun kewö jiget ahöza, ‘Kunŋan anömŋi mosötmawi, yaŋön mönö aŋgömosötmosöt papia ohoba anömŋi wangima.’ 32^rMewö jiget ahözapmö, nöŋön kewö jibi mötme: Kunŋan anömŋi qesabulum aiga mosötpawakmö, könäŋi kungöra anömŋi mosöt-mawi, mewö mianön mönö anömŋan qesabulum akŋapkö kondota siŋgisöndokö keuŋambuk akŋa. Mewö aiga azi kunbuk meiga azi dölökŋi mianön mönö mewöyök qesabulum akŋa.” Mewö.

Keuŋini jöjöpäŋ keunön kude jim köhöime.

33^s“Keu kun mi mewöyök möpŋeyök kewö jiget mötzema, ‘Keuŋini jöjöpäŋ keunön jim köhöigeri, mi mönö kude oŋgitme. Kembugöra yuai akingö keuŋini jöjöpäŋ keunön jim jöhögeri, mi mönö wuatangögetka öljambuk akŋa.’

34^t“Mewö jiget mötketmö, nöŋön keu mi kewö jim tuaribi mötme: Keuŋini mönö jöjöpäŋ keunön qahöpmahöp jim köhöime. Suet mi Anutugö jakömbuak dumŋi akzawangöra aka keu kewö kude jime, ‘Keu öljä qahö jimam ewö, Suet Toŋan ölöp likepŋi meleŋni qakne öngöma.’

35^u“Gölme mi Anutugö könäŋangö döŋŋi akzawangöra aka keu kewö kude jime, ‘Keu öljä qahö jimam ewö, gölmenön ölöp tiŋgita turum niŋgima.’ Jerusalem mi Kiŋ Tök-kutukutuŋangö sitiŋi akzawangöra aka keu kewöŋi mi mewöyök kude jime, ‘Keu öljä qahö jimam ewö, Kiŋ Ketaŋi yaŋön ölöp qemasolokepnaŋgö likepŋi meleŋni qakne öngöma.’ 36^vGi nörop jupki injaŋi menön tuatŋi akŋapkö osiman aka nörop jupki tuatŋi menön injaŋi akŋapkö osiman. Miangöra keu kewö kude jiman, ‘Keu öljä qahö jimam ewö, Anutunön ölöp nöropni qeiga jupnaŋgö mundaŋan uteköma.’ 37^wJöjöpäŋ keu kude jimemö, oŋ-keugöra mönö ‘Oŋ!’ jime aka qahö-keugöra ‘Qahö!’ jime. Keu diŋdiŋi miangöreŋ keu yuai toroqemei, mi mönö Bölönangö Toŋan solölöhöm eŋgii asuhuma.” Mewö.

^o 5.29 Mat 18.9; Mak 9.47 ^p 5.30 Mat 18.8; Mak 9.43 ^q 5.31 Dut 24.1-4; Mat 19.7; Mak 10.4 ^r 5.32 Mat 19.9; Mak 10.11-12; Luk 16.18; 1 Kor 7.10-11 ^s 5.33 Lew 19.12; Jaŋ 30.2; Dut 23.21 ^t 5.34 Jei 5.12; Ais 66.1; Mat 23.22 ^u 5.35 Ais 66.1; Sum 48.2

Jinöŋ jibi aknöŋ aki mi kude akŋe.

Luk 6.29-30

38^v“Keu kun kewö jiget mötzema, ‘Kunŋan jegi qösökömawi, gi mönö kitipŋi meleŋda yaŋgö jeŋi qösököman. Kunŋan jitki kumburatimawi, gi mönö kitipŋi meleŋda yaŋgö jitŋi kumburatiman.’

39“Mewö jiget mötketmö, nöŋön keu mi kewö jim tuaribi mötme: Kunŋan bölöŋi ak eŋgimawi, i mönö kude qetala tuarenjoŋ ak waŋgime. Mewö qahöpmö, nuŋgulungi öljŋi qekötahöma ewö, mönö nuŋgulungi likepŋi mewöyök qekötahömapköra meleŋman. 40 Kunŋan ‘Sileötaŋgi memam,’ jiba keunöŋ al gihimangö mötza ewö, mönö mosöta malukugi qakŋi mewöyök waŋginöŋga buŋa qem aŋguma.

41“Mewöyök kunŋan gösöŋi kilomita (mail) mohotkö dop siriba anmangö kuŋgum gihima ewö, mönö ölop tem köla kilomita (mail) yahötkö dop siriba yambuk anman. 42 Kunŋan göhöreŋ yuai kungöra qesim gihimawi, mi mönö waŋgiman. Kunŋan ‘Yuai niŋginöŋga kitipŋi biaŋ meleŋmam,’ jiba qesim gihimawi, i mönö andö kude qeman.” Mewö.

Kazikurupki mönö urugan jöpaköm eŋgiman.

Luk 6.27-28, 32-36

43^w“Keu kun kewö jiget mötzema, ‘Ambazip kösutŋine mala alaurupŋini akzei, mi jöpaköm eŋgimakŋemö, kazikurupŋini mönö meleŋda kazik ak eŋgiba malme.’

44“Mewö jiget mötketmö, nöŋön keu mi kewö jim tuaribi mötme: Iŋini mönö kazikurupŋini jöpaköm eŋgiba kinda sesewerowero ak eŋgimakzei, yeŋgöra mönö köuluköba malme. 45 Mewö ahakŋe ewö, mewö miaŋön Iwiŋinan Sup mire maljawi, mönö yaŋgö könaŋi kondela nahönböraturupŋi aka malme. Yaŋgö könaŋi kewö: Yaŋön wehöŋŋi qahö aŋgön köliga kota ambazip ölopŋi aka bölöŋi mewöyök mem asarim eŋgiba kie aliga ambazip diŋdiŋi aka goŋgoŋi yeŋgö nupŋini mewöyök mem kelörakza.

46“Eŋön mönö niŋginöŋ gihibigö tandökŋi oŋgita Anutugö könaŋi kondela ahakŋe. Takis tilipqilipŋinambuk megetka sisitŋini memakzei, yeŋön alaurupŋinan jöpaköm eŋgigetka i meleŋda jöpaköm eŋgimakze. Mi urumeleŋgö silikŋi qahö. Iŋini yeŋgö silik miyök wuatangöba ahakŋe ewö, Anutugöreŋ tosa kun qahö ahuiga yaŋön mönö silikŋinaŋgö likepŋi qahö eŋgiiga töwa kun qahö buŋa qem aŋgume. Miaŋgöra mönö ambazip körek pakpak jöpaköm eŋgiba malme.

47“Urumeleŋgö kopa ambazipnöŋ mewöyök sutŋine jölöŋini jim aŋguba maljemö, mi urumeleŋgö aiwesökŋi qahö. Iŋini yeŋgö dop alaurupŋini

^v 5.38 Eks 21.24; Lew 24.20; Dut 19.21 ^w 5.43 Lew 19.18

enḡo sutḡineyök jölönini jim aḡgumakḡe ewö, mewö mönö kopa ambazip ewö akze. Kopa ambazip yeḡö silikḡini mönö oḡgita qetpuk sorokḡi aka malme? ⁴⁸ *Enḡö Suep Iwiḡinan aködämun sorokḡi akzawi, enḡön mönö miaḡö dop aködämun sorokḡinambuk aka malme.” Mewö.

Mözöqözörön ambazip mi kalem enḡimakḡe.

6 ¹ *Jisösnöḡ kewö kusum enḡiyök, “Mönö kewögöra galöm mem aḡguba malme: Ahakmemenḡini solanḡi diḡdiḡi mi ambazipnön eka enḡöra mötket öḡgömapkörä aka kude ahakḡe. Mewö ahakḡe ewö, enḡö Iwiḡini Suepnön maljawaḡön mönö silikḡinaḡö likepḡi qahö enḡiiga töwa qahö buḡa qem aḡgume.

² “Miaḡöra ‘Mözöqözörön ambazip kalem enḡimam,’ jiba mi qenjarökönöḡ kömam tömunbuk uba kolek almegöra kude akḡan. Urumelenḡö silesile ambazip yeḡön ambazipnön miwidimgöm (mem biwim) enḡimegöra mötä köuluk mire aka köna namḡe anda ambazip enḡeka mewö ahakze. Nöḡön keu öl töhöḡḡi kun kewö jibi mötme, Yeḡön mönö silikḡinaḡö töwaḡi pakpak lök buḡa qem aḡgugetka Suep Toḡan mi qahö toroqema.

³ “Göḡön mewö kude akḡanmö, ‘Mözöqözörön ambazip kalem enḡimam,’ jiba börögi ölḡan denöwö akzawi, börögi qaniḡan mi kude mötma.” ⁴ Kalemḡi miaḡön tölapḡe ahöiga Iwiḡan ahakmeme tölapḡi ehakzawi, yaḡön mönö töwa giḡima.” Mewö.

Köuluk nupkö könaḡi kewö:

Luk 11.2-4

⁵ “Miaḡöra Anutugö köulukömei, mi mönö urumelenḡö silesile ambazip yeḡö dop kude akḡe. Yeḡön ambazipnön enḡekḡegöra mötä siḡimḡinan köuluk mire aka köna soḡanöḡ kindä köulukömakze. Nöḡön keu öl töhöḡḡi kun kewö jibi mötme, Yeḡön mönö silikḡinaḡö töwaḡi pakpak lök buḡa qem aḡgugetka Suep Toḡan mi qahö toroqema.

⁶ “Göḡön mewö kude akḡanmö, ‘Anutugö köulukömam,’ jiba mönö nangi miri uruḡi moröḡe öḡgöba naḡgu köla Iwigi tölapḡe maljawi, i köuluköm waḡḡiman. Mewö aknönḡa Iwiḡan ahakmeme tölapḡi ehakzawi, yaḡön mönö töwa giḡima.

⁷ “Köulukömei, miaḡöḡeḡ mönö urumelenḡö kopa ambazip yeḡö tandök ewö^b keu oyoḡdewetdewet mi kude jiba malme. Yeḡön keu jit

* 5.48 Lew 19.2; Dut 18.13 ^γ 6.1 Mat 23.5 ^z 6.3 Börögi qaniḡan mi kude mötma, keu miaḡö könaḡi kewö: Mi mönö tölapḡe aknönḡa wölböt alagan mewöyök mi kude mötma. Anutunöḡ sölölohöm giḡiiga nup ölöḡḡi amqeba memakzani, mi mönö nangak ölum guhumakza. ^a 6.5 Luk 18.10-14 ^b 6.7 Kian kantri yeḡön Anutu qahö möt waḡḡiba bemḡini murutḡi murutḡi köuluköba keu omaḡi oyoḡdewetdewet mi laḡ jiba malje.

sehisehiŋi jigetka Anutunöŋ miangöra aka kezap ala möt enggimapkö mötmörimakze. ⁸Mönö kewögöra yeŋgö dop kude aka malme: Injini wani yuaigöra osiba mözöqözöröŋ akzei, Iwiŋinan mi qahö köulukögetka qeljiŋe lök mötza. ⁹Mönö kewö köulukömakŋe:

“Neŋgö Iwinini, gi Suepnöŋ maljan. Göhö qetki mönö töröŋi ahöma.

¹⁰Mönö galöm köl neŋginöŋga bemtohoŋgahö öljŋi asuhuma.

Göhö jitsihitki Suepnöŋ tem kölakzei, mewöŋanök mönö gölmenöŋ asuhuma.

¹¹Merakö nenenŋi mönö dopnine neŋgiman.

¹²Tosatŋi yeŋgöreŋ tosa neŋgöreŋ ahözawi, nini mi mosöt eŋgizin ewö, gi mönö miangö dop neŋgö tosanini saŋgoŋman.

¹³Esapesapnöŋ et neŋgubapuköra mönö aŋgön köl neŋgiba Bölöŋi Toŋaŋgö böröŋeyök^c meköm neŋgiman. (Gi nangak bemtohoŋ Toŋi, kukösum Toŋi aka asakmararaŋ Toŋi mi nalöŋi nalöŋi mala kota malnöŋ aka teteköŋi qahö mal öŋgöman. Mi öljŋa.)

¹⁴“Injini ambazip yeŋgö siŋgisöndokŋini mosötme ewö, eŋgö Suep Iwiŋinan mönö mewöyök eŋgö siŋgisöndokŋini mosötma.

¹⁵Mosötmapmö, ambazip yeŋgö siŋgisöndokŋini qahö mosötme ewö, eŋgö Iwiŋinan mönö mewöyök eŋgö siŋgisöndokŋini qahö mosötma.” Mewö.

Nenegö siŋgi malmal mi kewö ahakŋe:

¹⁶“Nenegö siŋgi malmei, miangöreŋ mönö urumelengö silesile ambazip ewö kukbosole kude aka malme. Yeŋön Anutugöra nene siŋgi malakzei, ambazipnöŋ mi ekŋegöra aka zolon örogetka jemesoholŋinan mölmölimakza. Nöŋön keu ö! töhöŋŋi kun kewö jibi mötme, Yeŋön mönö silikŋinanöŋ töwaŋi pakpak lök buŋa qem aŋgugetka Suep Toŋan mi qahö toroqema.

¹⁷“Göŋön mewö kude akŋanmö, Anutugöra nenegö siŋgi mala miangöreŋ mönö sinim jupuknöŋ me saipenöŋ jemesoholgi saŋgoŋda nörop jupki qeba malman. ¹⁸Mewö aka nenegö siŋgi malnöŋga ambazipnöŋ qahöpmö, Iwigi tölapŋe maljawaŋön mi ekŋa. Mewö aknöŋga Iwigan ahakmeme tölapŋi ehakzawi, yaŋön mönö töwa gihima.” Mewö.

Söŋgöroŋi ketanŋi yuai mi mönö Suepnöŋ tokome.

Luk 12.33-34

¹⁹“Moneŋ inap yuai mi mönö gölmenöŋ ahöm enggimapköra kude tokome. Mewö tokogetka miangöreŋ jijilukut kezaploŋloŋnöŋ mi

^c 6.13 “Bölöŋi Toŋaŋgö böröŋeyök meköm neŋgiman,” tosatŋan keu mi kewö melenje: bölöŋeyök meköm neŋgiman. ^d 6.14-15 Mak 11.25-26 ^e 6.19 Jei 5.2-3

yöhötigetka kahawet töromnön (ros, ufeŋ) mem böliiga kegwek-kahasililiŋ yeŋön miri qesiŋda öngöba yoŋgorö memakze.

20 “Gölmenön qahöpmö, Anutugö jitsihitji tem kölgetka qetbuŋaŋinan qarimapköra mönö kapan kölme. Mewö aketka guli dötnamŋini qainŋi kun mi Suep mire ahöiga gurem jijilukutnön mi qahö yöhötigetka kahawet töromnön (ros, ufeŋ) mi qahö mem bölime. Kegwek-kahasililiŋ yeŋön eu qahö öngöba miri qesiŋda qahö yoŋgorö meme. 21 Yuaigöra aködamunŋi memba mötnön öngözawi, miaŋön miri kungen ahöiga göŋön mönö urugi mewöyök miaŋgöreŋ qekötahöba malman.” Mewö.

Silegö asakŋi mi kewö:

Luk 11.34-36

22 “Göhö jegi mi uru silegahö kiwaŋi akza. Miaŋgöra kawöl kunön jegi qahö mem böliza ewö, miaŋön mönö unön asarim teköi Anutugö asakŋan ölp uruge mem asariiga malmalgi pakpak asakŋe malman.

23 “Asakŋe malmanmö, sihim kömbönaŋi bölöŋan me yuai kunŋan jegi mem böliba asakŋi közambötza ewö, miaŋön silegö malmalgi pakpak mewöyök mem söŋauiga pandaman uruŋe jipap malman. Mewö aiga söŋaupnön urugahö asakŋi közamböri söŋauza ewö, nangi pandamanön mönö Yei! keta bölökji wewelipŋambuk akza.” Mewö.

Anutu me moneŋ möt nariman?

Luk 16.13; 12.22-31

24 “Kunŋan kembu yahöt welen qem etkimamgö osimakza. Kunŋan mewö akŋamgö mötzawi, yaŋön mönö kun kazik ak waŋgiba kun uruŋan jöpaköma. Kungöreŋ qekötahöba kun jijiwilit ak waŋgima. Miaŋgöra eŋön Anutu aka moneŋ inap mi mindiriba welen qem etkibingö osime.” Mewö.

Anutu möt nariba waimanjat kude akŋe.

25 “Mewö aiga nöŋön kewö jibi mötket: Injini gölmenön malmeaŋgö waimanjatŋi mi kewö jiba kude akŋe, ‘Mönö wani yuainön gumohom aŋgubinak aka wanatnön sileninaŋgö löŋgötpinak?’ Jeŋinambuk maljei, miaŋön bohonŋi aiga nenenön mönö miaŋgö nemböŋe akza. Silenjinambuk maljei, miaŋön bohonŋi aiga opo söronön mönö miaŋgö nemböŋe ahöza. Mönö mi mötmörime.

26 “Könakemba neiŋi neiŋi mönö eŋgekŋe. Mienön nene kötŋi qahö qesiŋ gilakze. Padi ölni qahö yandiba köwe miriŋine qahö tokomakze. Mi qahöpmahöp aiga eŋgö Suep Iwiŋinan mönö töndup i gumohom eŋgimakza. Injini nei yeŋgö dop qahöpmö, eŋgö söŋgöronŋinan mönö nei söŋgöronŋini eŋgöŋgita öŋgöŋgöŋi akza me qahö? Mönö mi mötmöriget anök.

27“Engöreñök kunjan waimanjat aka mewö mianjön gölmenönj malmawanjö nalöni mi sömañi mohotkö dop mem toroqema me qahö? Mi qahöpmaöhö!^f 28 Opo söröñinanjöra mönö denöwögöra waimanjat akze? Mi qahö dop kölja. Sombemgö jariñ jurañi qarimakzei, mönö mi uba engekje. Mienönj opo söröñinanjöra möt qahö loñgalakze aka nup tosatji qahö memakze.

29^g“Mi töndup nöjön kewö jibi mötme, Kiñ Solomonönj goul silwönji qeraköba asonbilikñambuk malökmö, yanjö malukuñi mi kiteñ soranjij me jura kungö dop eksihimñambuk qahö ahöyök. 30 Sombemgö jariñ jurañi töhön merak kösutnime ahöi uran kölgetka eri qezaköba gila ohoget jemapmö, mi töndup Anutunönj mi ölopñanök meñölömakza. Mianjöra yanjön iñini mewöyök ölop esuhum engima. Iñini jariñ jurañanjö dop qahö. Anutunönj köyan köl engimamgö möta mianjöra sihimñi öngöñgöñi mörakza. O ambazip, mötnaripñinan mönö wuanönjöra öne töhön morörökñi akza?

31“Mewö aiga iñini mönö malmalñinanjö waimanjat aka mötkurumkurum kude ahakje. Mi aka lömböriba kewö jibepuk, ‘Nini mönö wani nene aka wani oya nembinak?’ aka ‘Wani yuainönj silenini esuhubinak?’

32“Mi kewögöra: Urumelengö kopa yeñön yuai pakpak mi buña gem anjubingö kapañ köla urukönöp ahakze. Iñini yuai pakpaköra mözöröngöba osimakzei, engö Suep Iwiñinan mönö mi möt teköza. 33 Mianjö urukönöp kude akñemö, mutuk mönö Anutugö bemtohoññön angota yanjö jeñe solanibingö kapañ kölme. Uruñini mianjöreñ alget ahöiga yanjön mönö galöm köl engiba yuai mewönji pakpak mi mewöñanök engima.

34“Mewö aiga iñini mönö uran malmeanjö waimanjatñi kude ahakje. Urangö waimanjatñi mi urangöra. Silim mohot mohotkö waimanjatñini mönö nanjök nanjök bisiinga dopñine akña.” Mewö.

Jimtekötekö toñi ewö kude akñe.

Luk 6.37-38, 41-42

7 ¹ Jisösnönj toroqeba kewö jiyök, “Anutunönj keuñini kewöta jim teköi etpukupöra mönö tosatji yeñgö keuñini kude kewöta jim teköme. ² Mianjö könañi kewö: Iñini tosatji yeñgö keuñini kewöta jim tekömei, Anutunönj mönö dop mohot mianjönök nanjini keuñini kewöta jim teköma. Iñini tosatji yeñgöra jimkutukutu ala memba öngöba eta kewöt engimakzei, Anutunönj mönö mianjö dop nanjini ak engii öngöba erakñe.

^f 6.27 Tosatjan jabö 27 mi kewö melenja jize: Engöreñök kunjan waimanjat aka mewö mianjön silenji wan fitgö dop toroqeba mem körimamgö osima. ^g 6.29 1 Kiñ 10.4-7; 2 Hist 9.3-6 ^h 7.2 Mak 4.24

3“Gi alagahö jeje gödöwöröt morörökñi ekzanmö, nangi jeje ip sahötñi ketañi ahözawi, mia mönö wuanöñgöra kude ek kutuzan? 4Me denöwögöra aka amqeba alagahöra kewö jizan, ‘Alani mötnöñ, ni ölop jegeyök gödöwöröt itaköbi etma?’ Mewö amqeba jizänmö, ip sahötñi ketañi mi nange jeje ahöza.

5“O gi urumelenjö silesile azia, gi mönö mutuk nange jegeyök ip sahötñi (tametñi) ketañi memba gilman. Mi mem gilagun törörök ek kutuba alagahö jejeyök gödöwöröt morörökñi mi ölop itakönöñga etma. 6Yuaigöra mötketka tök-kutukutuñi qainñi kun akzawi, mi mönö kiam kude engime. Guli damandan qeqeñi mi mönö bau wösöñine kude gilget anma. Mewö akñe ewö, yeñön mönö mi könäninan tiahöm engiba dumñe melejda nanñini engöhöba yöhöqöhötüm engibepuk.” Mewö.

Mönö qesiba jaruba Anutugö nanğunje qeba malme.

Luk 11.9-13

7“Mönö Anutu köuluköme. Köulukögetka kewöta engima. Urugö yuaigö Anutugörej böröjan memba jarume. Mi jarugetka kondeliga miwikñaima. Kinda nanğunöñ qeme. Qegetka nanğunñi öröm engima. 8Kunñan Anutu köulukömakzawi, yañön mönö likepñi buña qem aņguma. Yuaigö jarumakzawañön mönö mi miwikñaima. Nanğunöñ qemakzawañgöra mönö nanğu öröm waņgima.

9“Mötket, ambazip engörejök danñön kewö akawak: Nahönñan bisketköra qesiiga köt waņgima? 10Me nahönñan söragöra qesiiga qatö waņgima?

11“Mewö aiga iñini ambazip bölöñi aka töndup kalem ölöpñi ölöpñi nahönböraturupñini engibingö dop akze ewö, engö Iwiñini Sup mire maljawañön mönö kalemñi denöwö aņgön kölbawak? Yaņgö uruwaņgö ahakmemeñi mi neņgöñgita tandökñi kun akza. Miaņgöra iñini yuai ölöpwaņgöra köuluköba qesim waņgime ewö, yañön mönö sihimñan mi engima.

12ⁱ“Miaņgöra ambazipnöñ yuai pakpak nanñinaņgö ak engimegö mörakzei, miaņgö dop mönö nanñini mewöyök i ak engimakñe. Mewö aketka Mosesgö Köna Keu aka kezapqetok ambazip Buzup Kimbi keuñini miañön mönö öļñinambuk aketka mindimindiri könänan aukñe asuhuma.” Mewö.

Mönö kiripo nanğu giwikñi kutuba anme.

Luk 13.24

13“Könöp sianöñ gebingö könäñi mi amqeqeñi aka numbuwaņgö nanğunñi mi ketañi. Ambazip sehisehiñan nanğu mi kutuba köna mi

ⁱ 7.12 Luk 6.31

mötöteiba anme. Miaᅇgöra iᅇini mönö kiripo naᅇgu giwikᅇi kutuba miaᅇgö uruᅇe anme.

¹⁴“Malmal köhöikᅇe aᅇgotpingö könaᅇi mi pökpökᅇi (pipitᅇi) osukosubuk aiga numbuᅇaᅇgö naᅇguᅇi mi giwikᅇi. Ambazip awamdökᅇan naᅇgu mi miwikᅇaime.” Mewö.

Ipkö könaᅇi mi öᅇi eka möt kutume.

Luk 6.43-44

¹⁵“Kezapqetok ambazip takapulakaᅇi yeᅇön lamagö sile ewö esuᅇini löᅇgöta eᅇgöreᅇ kamakzemö, uruᅇinan ubibi kiam kalᅇi ewö akze. Miaᅇgöra iᅇini mönö yeᅇgöra aka tihitᅇini möta galöm mem aᅇguba malme. ¹⁶Nupuᅇinaᅇgö öᅇi eketka könaᅇini kondeli öᅇp möt kutume. Neᅇᅇ köᅇi mi jömnöᅇ asuhumakza me qahö? Warun köᅇi mi koururuknöᅇ (köwörörök) asuhui tokomakzin me qahö? Qahö.

¹⁷“Miaᅇgö dop ip öᅇpᅇi pakpak mieᅇön öᅇi öᅇpᅇi kuᅇgumakzemö, ip böᅇöᅇan mönö köᅇi böᅇöᅇi kuᅇgumakza. ¹⁸Ip öᅇpᅇan öᅇi böᅇöᅇi kuᅇgumamgö osiza aiga ip böᅇöᅇan köᅇi öᅇpᅇi kuᅇgumamgö osiza.

¹⁹^j“Ip pakpak öᅇi öᅇpᅇi qahö kuᅇgumakzei, mi mönö galömᅇan kutuba memba köᅇöᅇnöᅇ giliga geme. ²⁰^kMiaᅇgö dop ambazip mieᅇgö nupuᅇinaᅇgö öᅇi eketka könaᅇini kondeli öᅇp möt kutume.” Mewö.

Gwarek öᅇᅇaᅇgö könaᅇi

Luk 13.25-27

²¹“Nöᅇgö Suep Iwinᅇgö jitsihitᅇi tem kölakzawaᅇön mönö ᅇaᅇgö bemtohoᅇnöᅇ aᅇgotma. Gwöᅇpuk yeᅇön nöᅇgöra ‘Kembuni, Kembuni!’ qeta jimakzemö, körek yeᅇön Suepkö bemtohoᅇnöᅇ qahö aᅇgotme.

²²“Jimtekötekögö nalö ketaᅇi miaᅇgöreᅇ gwöᅇpuk yeᅇön kaba nöᅇgöra kewö jime, ‘O Kembu Kembu, neᅇön mönö göhö qetke yuai asuhumapkö kezapqetok keu qelᅇiᅇe jiba malin. Neᅇön mönö göhö qetkahö ösumnöᅇ ömewöröme eᅇguatangöba malin. Göhö qetkan mönö nam köᅇ neᅇgiiga aᅇgöletot ösum-mumuᅇinambuk gwöᅇpuk memba malin. Mi öᅇlum guhuza me?’ ²³^lMewö jigetka nalö miaᅇgöreᅇ könaᅇini aukᅇe kewö jibi mötme, ‘Nöᅇön iᅇini nalö kunöᅇ qahö möt eᅇgial. Iwilele ahak ambazip, iᅇini mönö nömosöta kesalget.’ ” Mewö.

Miri memegö mötkutukutu öᅇpᅇi aka piromᅇi

Luk 6.47-49

²⁴“Mewö aiga denike yeᅇön keu jitni jizali, mi möta miaᅇgö dop tem köᅇa memakzei, nöᅇön körek yeᅇgö könaᅇamᅇini kondela mötkutukutu azigö dop ala kewö jimam, ᅇaᅇön miriᅇi jamöᅇiᅇiᅇi köᅇ qakᅇe meyök.

^j 7.19 Mat 3.10; Luk 3.9 ^k 7.20 Mat 12.33 ^l 7.23 Sum 6.8

²⁵Mewö meiga kie uru nalöŋe kie römbum yöhöba eriga göulu luhuiga luhut ketanji qeiga o göulu köhöikŋi gila miri selŋe kuŋguyökmö, miri mi jamönjinj köt qakŋe mei kinöhaŋgöra aka qahö kusuyök.

²⁶“Denike yeŋön keu jitni jizali, mi möta miangö dop qahö tem köla memakzei, nöŋön körek yeŋgö könaŋamŋini kondela azi mötkutukutuŋi piromŋangö dop ala kewö jimam, Yaŋön mirinji sak kösahet qakŋe meyök. ²⁷Mewö meiga kie uru nalöŋe kie römbum yöhöba eriga o luhuiga luhut ketanji qeiga o göulu köhöikŋi gila miri selŋe kuŋgui kusuiga goromororöŋöba erök.” Mewö.

Ambazipnöŋ Jisösgö kukösumŋangöra welipköget.

²⁸“Jisösnöŋ keu mi jim teköiga ambazip kambuŋi kambuŋi yeŋön mötketka kusum eŋgiyöhi, tandök miangöra auruba welipköget. ²⁹Yaŋön yeŋgö Köna keugö böhiurupŋinaŋgö tandök qahö kusum eŋgiyökmö, kukösum Toŋi akzawangö dop ambazip kusum eŋgiiga möta tandök miangöra welipkögetka nemböŋini teköyök. Mewö.

Jisösnöŋ uzikuku azi kun mem solaniyök.

Mak 1.40-45; Luk 5.12-16

8 ¹Jisösnöŋ kundunji mi mosöta eri könagesö kambuleleme ketanjan andöŋe wuatangöget. ²Mewö kagetka miangöreŋ uzikuku azi kunöŋ kaba simin köla Jisösgö wösöŋe geba kewö jiyök, “O Kembu, göŋön sihimgan mem ölöwak niŋgimangö mötzan ewö, mönö ni ölöp mem solanim niŋgiman.”

³Mewö jiiga böröŋi böranŋa sileŋi misiriba jiyök, “Nöŋön mi akŋamgö mötzal. Gi mönö solaniman.” Mewö jiiga uzikukuŋi mi miangöreŋök solanii ölöwahök. ⁴“Solaniiga kewö jim kutum wangiyök, “Mötnöŋ, kiaŋgö buzup keuŋi mi kun kude jinöŋ mötme. Qahöpmö, mönö jike nup galömgöreŋ anda silegi kondel wangiman aka Mosesgöreŋ jimkutukutuŋi wuatangöba solani-zanaŋgö saiwap nalukŋi ala jöwöwöl ohoman. Mi ohonöŋ ehiga ambazipnöŋ könaŋamgi möt kutume.” Mewö.

Jisösnöŋ suahö galöm kungö nup aziŋi mem ölöwahök.

Luk 7.1-10

⁵Jisösnöŋ Kaperneam taonöŋ kaŋgoriga Rom suahö galöm kunjan yangöreŋ kaba köuluköba kewö jiyök, ⁶“O Kembu, nöŋgö nup azinaŋgö sileŋi likepŋan kömukömunji aiga sihimbölö kanjamŋambuk möta mire ahöza.”

⁷Mewö jiiga kewö jii mörök, “Nöŋön mönö anda i mem ölöwakŋam.”
⁸Mi möta kewö melenŋa jiyök, “O Kembu, ni mewöröpŋan malbiga nöŋgö

^m 7.28-29 Mak 1.22; Luk 4.32 ⁿ 8.4 Lew 14.1-32

miri boŋan goalöŋmapkö gamuni mötzal. Mianğöra keu jitkanök jinöŋga welen azinan ölöwakja.

⁹“Mi kewögöra: Ni nanak mewöyök galömnangö kukösum bapŋe al niŋgigetka maljal. Nöŋgö bapne yarö azi malgetka mi jim kutum eŋgimakzal. Yeŋgöreŋök kungöra ‘Anman,’ jim kutubi yaŋön anma. Kungöra ‘Kanöŋ,’ jim kutubi yaŋön kama aka welen azini kungöra ‘Nup ki meman,’ jibiga yaŋön mi mema.”

¹⁰Jisösnöŋ keu mi möta welipköba ambazip wuatangöba kageri, yeŋgöreŋ lilingöba kewö jiyök, “Nöŋön keu öŋi kun kewö jibi mötme: Israel könagesö sutŋine mewöyök mötnarip ketaŋi mewöŋi mi kungö uruŋe qahö miwikjaial.

¹¹“Nöŋön keu kewö jibi mötme: Ambazip kambulelebenöŋ mönö wehön kotkotŋeyök aka wehön geŋeŋeyök kaba Suepkö bemtohoŋ uruŋe kaŋgota Abraham, Aisak aka Jeikob yembuk nene sösoŋgai aka malme. ¹²^pYeŋön mewö malmemö, bemtohoŋgö nahönböraturup mi mönö eŋgömosöta aköm eŋgigetka pandamanöŋ yaigep geme. Mianğöreŋ malmei, yeŋön mönö sahöt gigilahöba irimŋini yöhözömgögetka qetŋi qeri malme.”

¹³Mewö jiba suahö galömgöra kewö jiyök, “Gi mönö mirige anman. Mötnaripkahö dop mönö asuhum gihima.” Mewö jiiga welen aziŋan mönö aua mianğöreŋök ölöwahök. Mewö.

Jisösnöŋ kawöl ambazip gwötpuk meiga ölöwaket.

Mak 1.29-34; Luk 4.38-41

¹⁴Jisösnöŋ Pitögö mire anda Pitögö suhunŋan silekönöp kawöl yöhöi ahöiga ehök. ¹⁵I eka böröŋe misiriiga silekönöpŋan mosöri wahöta könahiba Jisös nene ohoba gumohom waŋgiyök.

¹⁶Mewö malgetka miri söŋauiga mianğöreŋ ambazipnöŋ alaurupŋini ömeŋinambuk mi gwötpuk eŋguaŋgita yaŋgöreŋ kaget. Kagetka ömewöröme mi keuŋan jiba közöl eŋgiiga kota anget aka kawöl ambazip pakpak mi mem ölöwak eŋgiyök. ¹⁷^qMewö mianjön Anutunöŋ keuŋi kezapqetok azi Aisaiagö uruŋe ali jii ahözawi, mianjön öŋjambuk ahök. Keu mi kewö, “Yaŋön mönö neŋgö uzi kawölnini meiga qakŋe öŋgöiga bisiyök.” Mewö.

Jisös wuatangöbingö möndömöndö keuŋi

Luk 9.57-62

¹⁸Jisösnöŋ ambazip kambu ketaŋi liliköm waŋgiget eŋgeka nalö mianğöreŋ gwarekurupŋi yembuk o aŋgö kutuba likep aŋgotpingö jim kutuyök. ¹⁹Köna keugö böhi kunŋan Jisösgöreŋ kaba kewö jii mörök,

° 8.11 Luk 13.29 p 8.12 Mat 22.13; 25.30; Luk 13.28 q 8.17 Ais 53.4

“Böhi, gi denike denike anmani, nöñön mönö miangöreñ gi guatangöba kamam.”

²⁰Mi möta Jisösnöñ kewö jii mörök, “Arökñangö kiam yeñön köterjine ahögetka könakemba nei yeñön öngot jajöñini memba malakzemö, Suep gölmegö azi öñan mönö denike anda nööröñji wani qömböñnöñ nariba luhut membawak?”

²¹Mewö jii gwarek yeñgöreñök kunöñ kewö jii mörök, “Mi ölöpmö, iwinan kömumamgö aiga mutuk jinöñga anda galöm kölbi kömui löm kölbigun.” ²²Mewö jiyökmö, Jisösnöñ melenđa jiyök, “Mosötnöñ, köhömuñi yeñön qamöñtjini köhömuñi mi ölop löm kölmemö, göñön mönö kaba ni nuatangöman.” Mewö.

Jisösnöñ jiiga raidimbom göröñ qeyök.

Mak 4.35-41; Luk 8.22-25

²³Jisösnöñ anda wange uruñe öngöiga gwarekurupñan wuatangöba yambuk mohotñe anget. ²⁴Angetka raidimbom ketanjan ömtöröp (töröpñanök) o angönöñ asuhuba gilök. Giliga sirinöñ wange uruñe geiga numbuñe qemamgö ahökmö, Jisösnöñ gaun ahöyök. ²⁵Gaun ahöiga gwarekurupñan anda möndöba jiget, “Hei Kembu, mönö bauköm neñginöñ. Nini angönöñ ayuhubingö akzin.”

²⁶Mewö jigetka melenđa kewö jim enñiyök, “O inñini mötnaripñini morörökñi, mönö wuanöñgöra keñgöt mötmöt azia akze?” Mewö jiba wahöta luhut aka siri jim qetal etkiiga sirinöñ nöñ qeba ahöyök. ²⁷Mewö aiga awöwöliba qesiba jiget, “Yei! Azi kia mönö denöwöñan malja. Yañön mönö luhut aka köwet jim kutum etkiiga jitñi tem köl wangizahot.” Mewö.

Ömenöñ bau uruñine gegetka azinöñ ölöwahot.

Mak 5.1-20; Luk 8.26-39

²⁸Mewö asuhuiga o angö kutuba likepñe Gadara yeñgö gölmenöñ angorök. Miangöreñ angota azi ömenjirambuk yahöt yetkön qaksirinöhök kaba Jisös miwikñaiyohot. Yetkön irimesewöl azi urukönöpñirambuk ahotka kunñan köna miangöreñ anmamgö osiyök. ²⁹Yetkön Jisös miwikñaiya silata kewö qet gigilahöyohot, “Aek! Gi Anutugö Nahönñi akzan. Gi mönö denöwö ak neñgimamgöra kazan? Sihimbölö mötmöt nalöñan qahö kam kuñguiga qeljiñe mi könöpñambuk ak neñgimamgö ki kazan me?”

³⁰Miangöreñök köröwen qahöpmö, kösutñine miangöreñ bau kambu ketanji kun gwözözak uruñe kulunđa malget. ³¹Miangöra ömenöñ kewö jiba Jisös ulet wangiget, “Göñön nini közöl neñgiman ewö, mönö melaim neñginöñga ölop bau kambu miengö uruñine gebin.”

³²Ulet wangigetka Jisösnöñ “Mönö anda geget,” jiba jim kutuyök. Mewö jim kutuiga miangöreñök azi uruñireyök kota anda bau uruñine

geget. Gegetka bau kambu körek yejön mönö luhuba nembönembönöj anda jororongöba o aņgönöj geba nemulahöba kömuget.

³³Kömugetka bau galöm yejön ölöj unjurata taonöj anda keu buzupņini pakpak jiget. Azi ömeņjirambuk yetköreņ yuai asuhuyöhi, miaņgö buzupņi mewöyök jiget mötket. ³⁴Jiget möta taon ambazip pakpak yejön mosöta Jisös miwikņaiaba ekingö kaget. Kaba eka Jisösnöj yeņgö mindimindiri sel gölme mosöta anmapkö ulet waņgiget. Mewö.

Jisösnöj azi sile likeņņi kömukömuņi möhamgöyök.

Mak 2.1-12; Luk 5.17-26

9 ¹Jisösnöj waņge uruņe öņgöba kunbuk o aņgö kutuba likeņņe aņgota nanņe taonöj kayök. ²Nalö miaņgöreņ azi tosatņan alaņini sile likeņņi kömukömuņi tumbulahöpnöj ahöyöhi, mi kululunöj ala aņguba kaget. Mewö kaba Anutu möt narim waņgigeri, Jisösnöj yeņgö tandökņini mi ehi dop köliga kawöl azigöra kewö jiyök, “Nahöni, nöjön siņgisöndoki mosötzal. Mönö köhöiba ewebibigabuk saitiņgit malman.”

³Mewö jiiga Köna keugö böhi tosatņan kinda uruņinan kewö mötmöriget, “Azi kiaņön mönö Anutu ilita mepaqepaik akza.”

⁴Mewö mötmörigetmö, Jisösnöj mötmötņini mi möt kutuba kewö jiyök, “Iņini mönö wuanöņgöra keu bölöņi uruņinan mötmörize?

⁵Nöjön ‘Siņgisöndoki mosötzal,’ jizali, keu miaņön mönö awamņanök jjiņa. Kunņan mewö jiiga tosatņan keu miaņgö öļņi qahö ekņe.

Miaņgöra mi keu awamņaņgö dop. Nöjön keu kun kewö jimamgö mötzal, ‘Mönö wahöta anöj.’ Keu mi mönö lömbötņambuk jjiņa akza. Mewö jibiga öļņi ahuma me qahöwi, miaņön mönö aukņe asuhui ekņe.

⁶“Mötket, gölmenöj siņgisöndok mosötmosötkö kukösumņi mi Suep gölmegö azi öļņaņgöreņ ahözawi, iņini miaņgö könaņgöra jaņjuņ malbepuk. Miaņgöra keu lömbötņi mi azi kiaņgöra jibi öļņi eket.” Mewö jiba azi sile likeņņi kömukömuņaņgö jeņe eka jiyök, “Gi mönö wahöta tumbulahöpki memba mirige anöj. Keu lömbötņi mi öļņambuk akņa ewö, keu awamņi mi mönö mewöyök denöwögöra omaņi akawak?”

⁷Mewö jiiga miaņgöreņök wahöta miriņe anök. ⁸Mewö asuhuiga ambazip kambu yejön mi eka welipköba Anutu möpöseim waņgiget. Gölme azigöra kukösum mewöņi waņgiyöhaņgöra Anutu möpöseiget. Mewö.

Jisösnöj Matyu (Liwai) oholök.

Mak 2.13-17; Luk 5.27-32

⁹Jisösnöj miaņgöreņök anda takis ofis oņgitmamgö aiga miaņgöreņ azi getņi Matyu tariga eka jii mörök, “Gi mönö nöņgö andöne kanöj.” Mewö jii möta wahöta takis nup mosöta Jisösgö andöņe anök.

¹⁰ rAnda Matyugö mire anda nene namba tatkeri, nalö miangörej takis meme azi tilipqilipinambuk aka siŋgisöndok azi gwötpukŋan kaba Jisös aka yaŋgö gwarekurupŋi yembuk tata nene mohotje neget. ¹¹ Mewö negetka Farisi (Köna keugö kapaŋkölköl) yeŋön mi eka Jisösgö gwarekurupŋi kewö jim eŋgiget, “Aek! Eŋgö böhiŋinan mönö wuanöŋgöra takis meme tilipqilipinambuk aka siŋgisöndok ambazip yembuk tata nene neza? Mi qahö dop kölja.”

¹² Mewö jim eŋgigetka Jisösnöŋ likepŋi kewö jii mötket, “Sile unditundit ambazipnöŋ doktagöra qahö ak eŋgimakzapmö, kawöl ambazipnöŋ mönö doktagöreŋ anakze. ¹³ Nöŋön siŋgisöndok ambazip eŋgoholmamgöra kaba maljalmö, ambazip nanŋinanöŋ mötketka solanŋi akzei, i qahö. Miangöra keu kiangö könaŋi mönö anda kusum aŋguba mötme, ‘Nöŋön jöwöwöl ohobingö qahöpmö, ak kömum aŋgubingö sihimŋi mötza.’” Mewö.

Nene siŋgi malmalgö keuŋi

Mak 2.18-22; Luk 5.33-39

¹⁴ Nalö miangöreŋ Jon O-melun azigö gwarekurupŋi yeŋön Jisösgöreŋ kaba kewö qesiget, “Neŋön aka Farisi (Köna keugö kapaŋkölköl) yeŋön Anutugöra nene siŋgi gwötpuk malahakzin. Nangi gwarekurupkan mönö wuanöŋgöra nene siŋgi qahö malje?”

¹⁵ Mewö qesigetka kewö meleŋnök, “Ölŋa, nini wani nalönöŋ nene siŋgi malakzin? Ambi meme nalöŋe azigö andöurupŋan könöpŋi algetka ambigö sepkitipurupŋan yuai mi tökömakze me qahö? Nöŋön nani gwarekurupni yeŋgö azi buŋaya aka yeŋgö sutŋine köisirik tatzal. Tatpiga yeŋön miangöra aijölöŋ söŋgaiba tata siŋgi malbingö osimakze. Osimakzemö, Anutunöŋ noaŋgiri kömumbiga yeŋön mönö nalö miangöreŋ ölop siŋgi malakje.

¹⁶ (“Iŋini malmal walŋi aka sösoŋgai Buŋa döläkŋi mi mindirim etkibingö osime. Miangö keu pasetŋi mi kewö jibi mötket:) Löŋgölöŋgöt walŋi jurariga kunöŋ opo döläkŋi qahö saŋgoŋsaŋgoŋi mitiba miangön opo su johannŋi qahö ala umgöreŋgömakza. Opo su johannŋi döläkŋi mewöŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk.

¹⁷ “Mewöŋanök kunöŋ wain o döläkŋi mi jobö me toru walŋi lama sileŋan memenŋi miangöreŋ qahö kusuiga gemakza. Mewö akawak ewö, wain o döläkŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk. Miangöra wain o döläkŋi mi toru döläkŋeyök mokoin geiga dop köлма. Möwö aHINGA mietkön ölöwakŋahot. (Mewöŋanök o ölopŋi mi gina gisagisahöŋe qahö umakzin.

^r 9.10-11 Luk 15.1-2 ^s 9.13 Mat 12.7; Hos 6.6

Mewö ubinak ewö, miañön mönö jula kisipisirik eriga nemba kawöl neñgöhöbapuk. Mewö akapuköra o ölöpnj mi gina ölöpnje umakzin. Injini mewöyök malmal walñi aka Ölöwak Buña dölökñi mi mindirim etkibingö osime.) Mewö.”

Jairusnön böratñangöra Jisös köuluköyök.

Mak 5.21-43; Luk 8.40-56

¹⁸ Jisösnön keu mi jii mötketka keu galöm kunñan kañgota Jisösgö wösöñe geba simin köla kewö köuluköm wañgiyök, “Nöñgö böratnan mönö dölki kömuzapmö, mönö kaba börögan sileñe misirinönnga guliba toroqeba malma.” ¹⁹ Köuluköm wañgiiga wahöta gwarekurupñi yembuk i wuatañgöba anget.

Kawöl ambi kunön Jisösgö malukuñi misiriyök.

²⁰ Angetka miañgören sutñine ambi kun malök. Yañön (yara) yambu 12 miañgö dop köiñnön ehiga nalö dop kawöl yöhöiga malök. Ambi miañön Jisösgö andönje kaba malukuñangö kitip suñi misiriyök. ²¹ Mi misiriba nanñangöra kewö jiyök, “Nöñön i oseimamgö möt lömböriba malukuñeyök borom kun misiribilerjak ewö, mönö ölöp ölöwakñam.”

²² Mewö jiba misiriiga Jisösnön miañgörenök lilingöba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitñigit malman.” Mewö jii möta aua miañgörenök ölöwahök.

Jisösnön Jairusgö böratñi mem guliyök.

²³ Toroqeba angetka Jisösnön keu galömñangö mire öñgöba ambazip jingey köla awölop ugeri aka ambazip kambu göju gilgeri, mi engeka kewö jim kutum engiyök, ²⁴ “Mönö yaigep anget. Ambi moröñan qahö kömuzapmö, gaunök ahöza.” Mewö jim kutum engiiga mötketka gönahit ewö aiga gön köl wañgiget.

²⁵ Gön köl wañgigetmö, ambazip kambu ketañi mi jiiga yaigep angetka ambi moröñangö ahöahö miri uruñe öñgöba böröñe meiga wahörök. ²⁶ Wahöriga miañgö buzup keuñan sehiba mindimindiri sel mi körek dop köla anök. Mewö.

Jisösnön jegömöl azi yahöt mem ölöwak etkiyök.

²⁷ Jisösnön miri gölme mi mosöta anmamgö ani jegömöl azi yahötñan wuatañgöba andönje kaba kewö qerohot, “Deiuidkö gwölönarökñi, gi mönö ak kömum netkiman.”

²⁸ Mewö qerohotka miri kungö uruñe öñgöiga jegömöl azi yetkөн Jisösgören kayohotka kewö qesim etkiyök, “Jeñiri mem tohomamgö kukösümñi nöñgören ahözawi, mi möt narizahot me qahö?”

Qesim etkiiga kewö melej waŋgiyohot, “Kembuniri, mi ölop möt narizit.” ²⁹Mewö melej waŋgiyohotka je dapötjire misiriba jiyök, “Mötnaripjirangö dop mönö asuhuma.”

³⁰Mewö jiiga jeŋiran tohoyök. Mewö asuhuiga galöm meme keu köhöikni al etkiba kewö jiyök, “Mörohot, kiangö buzupni mi kun kude jiyohot mötme.” ³¹Mewö jiyökmö, yetkôn mosöta anda miangö buzupni jim sehiyohotka mindimindiri sel mi körek dop kölök. Mewö.

Jisösnöŋ mötök azi kungö keuŋi möhamgöyök.

³²Jeŋiri tohoi anohotka töŋöt azi keu jijiŋi qahö mi waŋgita Jisösgöreŋ kaget. ³³Kagetka Jisösnöŋ ömeŋi közöli mötök azinöŋ keu jiiga ambazip kambu yeŋön mi eka welipköba jiget, “Tandök kewöŋi mi Israel uruŋe mönöwök nalö kungen qahö ehin. Qahö. Dölki je murutja ekzin.”

³⁴“Mewö jigetmö, Farisi (Köna keugö kapaŋkölköl) yeŋön jiget, “Yaŋön mönö öme yeŋgö kumbuŋinangö ösumnöŋ ömewöröme eŋguatanŋömakza.” Mewö.

Jisösnöŋ könagesö yeŋgö wösöŋi mörök.

³⁵“Jisösnöŋ anda miri aka taon dop liliköba ambazip köuluk miriŋine kusum eŋgiba bemtohoŋgö Ölöwak Buŋa jim asariba miangön uruŋini kunguba uzi kawöl aka jepajerepe könaŋi könaŋi mem ölöwak eŋgiba malök. ³⁶“Mewö mala ambazip kambuŋi kambuŋi eŋgehiga lama galömŋini qahö tandök simbisemba aka ilingösöŋ qeŋgalaŋga malgetka yeŋgöra wösöŋi mörök.

³⁷“Mewö eŋgeka gwarekurupni kewö jii mötket, “Anutugö nupnöŋ nene öŋi gwötpuk öliba ahözapmö, mi tokobingö nup meme ambazipnöŋ mönö awamdökni malje. ³⁸Miangöra nene öliöliŋangö Kumbuŋan nup meme ambazip melaim eŋgimapköra mönö köuluköba malme. Köuluköm waŋgigetka nup ambazip asuhuba öŋi mi mem tokome.” Mewö.

Aposol 12 yeŋgö qetjini

Mak 3.13-19; Luk 6.12-16

10 ¹Jisösnöŋ gwarekurupni 12 eŋgoholi yangöreŋ kagetka ömewöröme közöl eŋgimegö kukösumni al eŋgiyök. Mewöyök uzi kawöl qemjem-mamjen könaŋi könaŋi mem ölöwakŋegö kukösumni al eŋgiyök. ²Melaimelai azi aposol 12 miangö qetjini kewö: mutukni yaŋön Saimon, qetji kun Pitö qetket aka yaŋgö munŋi Andru. Miangö andöŋe Jeims aka munŋi Jon, iwiŋiri qetji Zebedi.

³Filip aka Bartolomyu, Tomas aka Matyu takis meme azi, Jeims Alfiusgö nahönŋi aka Lebeus qetji kun Tadius, ⁴Saimon Zelot-politik

[†] 9.34 Mat 10.25; 12.24; Mak 3.22; Luk 11.15 [‡] 9.35 Mat 4.23; Mak 1.39; Luk 4.44

[‡] 9.36 Jan 27.17; 1 Kiŋ 22.17; 2 Hist 18.16; Eze 34.5; Mak 6.34 [¶] 9.37-38 Luk 10.2

azia^x aka Judas Iskariot. Kariot azi mianjon könangen Jisös mamalolo mem wanjiyök.

Jisösnön gwarekurupji 12 melaim enjiyök.

Mak 6.7-13; Luk 9.1-6

⁵Jisösnön azi 12 mi melaim enjiyök kewö jim kutum enjiyök, “Inini kian kantrigö ambazip yengören kude anme. Mewöyök Samaria prowins yengö taonjini kunön kude anme. ⁶Miangören kude anmemö, Israel könagesögö lama sohogeri, mönö yengören anme. Mi nup mutukji. ⁷Denike denike anmei, miangören mönö Buja keu kewö jiba jim asarime, ‘Suepkö bemtohojan mönö dowe kazawa miangö uruñe angotme.’

⁸“Ambazip kawöljinambuk mönö mem ölowak enjiyök kewö jim kutum enjiyök mi mem gulim enjiyök malme. Uzikuku ambazip mönö mem solanim enjiyök öme wöröme közöl enjiyök malme. Anutunön yuai kalema enjiyöhi, mi mönö toroqeba kalema enjiyök malme.

⁹“Köna anmeangöra soujeñi goul me silwö me ain kopönön memeni mi mönö irimuñgane kude jöhöme. ¹⁰^zAmbazipnön nup meme ambazip malmaljinini nangömeangö dop akze. Miangöra köna anmeangö yuaiñi ki mi kude memba anme: gösö qahö, maluku semönji qahöpmö, mohot meme, köna esu qahö, öröp qahö.

¹¹“Anda taon me miri denike denike angotmei, miangören mönö danön azi ipñi qetbuñgambuk akzawi, miangöra qesigetka miri enjiyök, mönö miangörenök mala nup memba taon mi mosöta köna anme. ¹²Miri kunön öngöba luainön yembuk ahömapkö jime. ¹³Mi jigetka luainini angon kölmeangö dop akze ewö, luaininan mönö yengö qakñine öngömapmö, mi angon kölmeangö dop qahö akze ewö, luaininan mönö lilingöba nanjine kama.

¹⁴^a“Anda mala miri kunön angotketka qahö köl öröm enjiyök keuñi qahö mötketka nesampurekñini mönö kewö jiba kondel enjiyök, ‘Nini enjiyök gölmenön kainga sölbuham köna tambönine mekotahözawi, mi mönö tim tönjöraringa nanjine lilingöba gema.’ Mewö jiba ölop miri me taon mi mosöta toroqeba anme. ¹⁵^bNönön keu ölni kun kewö jibi mötme: Anutunön nalö ketaje qemasolokepñinangö likepñi meletni taon miangö qakñe öngömawi, dop mianjon mönö Sodom aka Gomora gölme yengö dop ongita toroqem enjiyök.” (Sodom Gomora yenön bölonji kanjamñambuk memba uruñi qahö meletgetka Anutunön könöpnön köndej enjiyök.) Mewö.

^x 10.4 Nesönöl pati Zelot yenön Rom gawman tuarenjon aka nanjine kinkin membingöra tuaköpek memba malget. ^y 10.7-15 Luk 10.4-12 ^z 10.10 1 Kor 9.14; 1 Tim 5.18

^a 10.14 Apo 13.51 ^b 10.15 Mat 11.24; Jen 19.24-28

Anda nup megetka sesewerowero asuhuma.

Mak 13.9-13; Luk 21.12-17

¹⁶“Mötket, lama yejön arökñangö kiam kalñi yeñgö sutñine gegetka luhuba engöhöbepuk, nöñön injini miangö tandök ewö melaim engibi anme. Miangöra mönö mokoleñ^d ewö mötkutukutu qakñe galöm mem anguba mala kembö ewö ambazip böñjöni köpösihitkö keujini qahö malme. ¹⁷eAmbazipnöñ injini öröba keu jakeñine al engiba köulul miriñine keu nupñini memba ihilek wahinambuknöñ tauköm engime. Miangöra ambazip mewöñi yeñgöra mönö galöm mem anguba malme.

¹⁸“Tosatñan nöñgöra aka enguañgitketka kantriñi kantriñi yeñgö kiñ kembu aka premiö yeñgö jemesoholñine kinme. Mewö kinda nöñgö könañamni nañgöba jigetka azi ipñi mi aka kian kantri könagesö yejön mi mötme. ¹⁹Mi mötmemö, keu jakeñe al engigetka kinmei, nalö miangöreñ wani keuya denöwö jibinak, miangö waimanjatñi kude mötme. Keu jime, mi Uña Töröñan aua miangöreñök engima. ²⁰Nanñine uruñineyök keu kude jimemö, Iwiñinañgö Uña Töröñan mönö uruñini sölölohöiga keu jime.

²¹^f“Urumeleñgö kopa kunöñ darumunñan uruñi meleñnö-hañgöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yejön iwinamurupñini qetal engiba jigetka enguget kömume. ²²“Nöñgö qetnañgöra aka kantriñi kantriñi yejön körek kazik al engigetka malmemö, kunñan kapañ köla nalö tekömawangö dop köhöiba böñ qeba kinmawi, yañön mönö oyaenköyaen buña qem anguma.

²³“Taon kunöñ sesewerowero ak engime, mi mönö kök ala taon kunñan anme. Nöñön keu ölni kun kewö jibi mötme: Injini Israel taonñi taonñi qahö liliköm tekögetka Suet gölmegö azi ölnan mönö lilingöba kama. ²⁴^hGwarek kunñan böhiñi ongita mötmötñambuk qahö akza aka welenqeqe kunñan ketañamñi ongita nupkö mötmöt qahö memba malja.

²⁵ⁱ“Gwareknöñ böhiñi ewö mötmötñambuk aiga dop kölma aka welenqeqenöñ ketañamñi ewö nupkö mötmöt memba maliga dop kölma. Miri uruñi kungö saiwa galömñi jim böliba qetñi Katakömulat^j qetket ewö, yañgö saiwaurupñi yeñgö qetñini mönö amqeba awamñanök mewö qerakñe.” Mewö.

^c **10.16** Luk 10.3 ^d **10.16** Mokoleñ aka rasköl yejön aukñe bim qegetka zilañ miwikñaiba jöhöm engibeak. Miangö dop lömböribapuköra gwarek neñön maslim, komyunist aka tosatñi yeñgö sutñine qetnini misinari mi aukñe qahö jimakzin. Mötkutukutu mi ölöpñi. ^e **10.17-20** Mak 13.9-11; Luk 12.11-12; 21.12-15 ^f **10.21** Mak 13.12; Luk 21.16 ^g **10.22** Mat 24.9, 13; Mak 13.13; Luk 21.17 ^h **10.24** Luk 6.40; Jon 13.16; 15.20 ⁱ **10.25** Mat 9.34; 12.24; Mak 3.22; Luk 11.15 ^j **10.25** Juda yeñgöreñ Katakömulat qetñi Belzebul. Mi ömewöröme yeñgö ketañamñini. Matyu 9.34 miangöreñ Jisösgöra qet bölöñi mi qetket. Miangö dop Jisösgö alaurupñi neñgöra qet bölöñi könañi könañi qerakñe.

Dagöra keḡgötḡini mötketka dop kölma?

Luk 12.2-7

26^k“Ambazipnöh yuai önun meget ahözawi, mi pakpak mönö lulungetka aukḡe ahuma. Mewöḡanök keu asambötket ahözawi, mi pakpak mönö indelgetka möt kutume. Miaḡgöra ambazip yeḡgöra keḡgötḡini kude möta malme. 27Nöhön keu söḡaupnöh ölöḡ jimami, mi mönö asakḡe jime. Keu saḡep algetka kezapḡine gei mötmei, mi mönö sombemnöh aukḡe jime. Miaḡgöra mönö keuḡinaḡgö galöm memba malme.”

Dagöra keḡgötḡnini möringa dop kölma.

28“Tosatḡan sileḡini qem kömumbeakmö, uḡaḡini qem kömumbingö osimei, yeḡgöra keḡgötḡini kude möta malme. Mi qahöpmö, yuai mutukḡi ki: Kunḡan kukösüm memba uḡa aka sile mohot ayuhum etkiiga köḡöp sianöh gemahori, yaḡgöra mönö keḡgötḡini möta malme. 29Tosatḡan bekösöm (jöhöröm, ulisit) yahöt moneḡ köḡḡi mohot-töpnöh söḡgöröhḡi memegöra alakzemö, etkerigetka Iwiḡinan oḡ qahö jiiga yetköreḡök mohotnöh gölmenöh qahö etma.

30“Anutunöh köyan köl eḡgiba nörop juḡḡini pakpak mewöyök oyon teköba jaḡḡöhḡini mötza. 31Ambazip eḡgö söḡgöröhḡini mi bekösöm ulisit gwötḡpuk eḡgongita öḡḡöhḡöhḡi akza. Miaḡgöra keḡgötḡini mönö kude möta malme.” Mewö.

Kraist jim miwikḡaime me qaḡ kölme?

Luk 12.8-9

32“Mewö aiga kunḡan ni ambazip jeḡine jim miwikḡaim niḡimawi, nöḡön mönö mewöḡanök i Iwini Suep mire maljaḡaḡgö jeḡe jim miwikḡaimam. 33^lMewömmö, kunḡan ni ambazip jeḡine qaḡ köl niḡimawi, nöḡön mönö mewöḡanök Iwini Suep mire maljaḡaḡgö jeḡe qaḡ kölмам.” Mewö.

Jisösḡöra luai qahöpmö, kazik asuhuma.

Luk 12.51-53; Luk 14.26-27

34Jisösḡöhḡi toroqeba kewö jiyök, “Kewö kude mötmörime: Jisösḡöhḡi luai qemamḡöra aka gölmenöh erök. Nöhön luai qemamḡöra qahöpmö, nöḡgöra aka jula deḡgetka bimgö sou ketanḡan aume.

35^m“Mi kewögöra jizal: Nöhḡö Buḡa keunan ambazip uruḡini kuḡḡui melenḡeraḡgöra kewö asuhuma, ‘Iwi morö yetköḡn jula kerök-kerök ahotka nam morö yetköḡn tötal aḡḡuyohotka iranḡan iranḡi qetala

^k 10.26 Mak 4.22; Luk 8.17 ^l 10.33 2 Tim 2.12 ^m 10.35-36 Mai 7.6

julmahot. ³⁶Ambazip nanjini saiwaurupjinan mönö kerökurupjini akje.’

³⁷“Kunjan ni göragöra al niŋgiba iwiŋi me namŋi jegep ala jöpakömawi, yaŋön mönö nöŋgöreŋ qahö dop kölma. Kunjan ni göragöra al niŋgiba nahönŋi me böratŋi jegepŋe ala jöpakömawi, yaŋön mönö nöŋgöreŋ qahö dop kölma. ³⁸”Sisitŋini megetka kunjan ni nuatanŋöba sihimbölö möta maripomnöŋ kömumamgö qahö jöjörömawi, yaŋön mönö nöŋgöreŋ qahö dop kölma.

³⁹“Kunjan nanŋi malmal siyoŋsayoŋi qahö mi miwikŋaimawi, yaŋgö malmaljan mönö sohoma. Kunjan nöŋgöra aka malmalŋi köleŋniga sohomawi, yaŋön mönö oyaeŋkoyaeŋ malmal miwikŋaima.” Mewö.

Anutunöŋ nupŋinanŋö töwaŋi eŋgima.

Mak 9.41

⁴⁰Jisösnöŋ jiyök, “Kunjan iŋini miriŋe köl öröba köyan köl eŋgimawi, yaŋön mönö ni köl öröm niŋgima. Kunjan ni köl öröm niŋgimawi, yaŋön melaim niŋgiyöhi, mönö i miriŋe köl öröm waŋgima. ⁴¹Kunjan kezapqetok ambazip kun kezapqetok nupŋanŋöra aka miriŋe köl öröba köyan kölmawi, yaŋön mönö kezapqetok ambazipkö töwaŋi buŋa qem aŋguma. Kunjan ambazip solanŋi kun solanŋi akzawaŋgöra aka miriŋe köl öröba köyan kölmawi, yaŋön mönö ambazip solanŋanŋö töwaŋi buŋa qem aŋguma.

⁴²“Kunjan morö kieŋgöreŋök kungöra nöŋgö gwarekni akzawaŋgöra aka o amötŋi qambiŋambuk nemapköra waŋgimawi, Anutunöŋ mönö miangö töwaŋi meleŋda waŋgima. Nöŋön keu öŋi kun kewö jibi mötme: Naŋgöm eŋgimei, mienöŋ mönö töwa meme.” Mewö.

Jongö gwarekyahötŋi Jisösgöreŋ kayohot.

Luk 7.18-35

11 ¹Jisösnöŋ gwarekurupŋi 12 keu mewö kusum eŋgii teköiga miri mi mosöta toroqeba Galili prowinsgö taon tosatŋe anda Buŋa keu kusum eŋgiba miangön uruŋini kuŋguba malök.

²Nalö miangöreŋ Jon O-melun azinöŋ kösö mire tata Kraistnöŋ nup mewö meyöhi, mi möta gwarekyahötŋi melaim etkii Jisösgöreŋ anohot. ³Kewö qesim waŋgimahotköra melaim etkii anda jiyohot, “Mem ölöwak azi kamapköra mambörakzini, göŋön mia akzan me azi kun bian kamapköra mambötŋin?”

⁴Mewö qesim waŋgiyohotka kewö meleŋnök, “Yuai eka mötzahori, miangö kösohotŋi mönö anda Jon kewö jiyohot mötma: ⁵Jegömöl

ⁿ 10.38 Mat 16.24; Mak 8.34; Luk 9.23 ^o 10.39 Mat 16.25; Mak 8.35; Luk 9.24; 17.33; Jon 12.25 ^p 10.40 Mak 9.37; Luk 9.48; 10.16; Jon 13.20 ^q 11.5 Ais 35.5-6; 61.1

yejñon jejnini uba eketka lokon yejñon kõna anda kagetka uzikuku yejñon solanigetka kezapduhup yejñon keu môtketka kõmuget yejñon guliba wahôtketka etqeçeqni yejgöra Ölöwak Buña jim asaribiga mörakze. ⁶Mewö asuhui eketka kungö uruñan qahö bölli andö nuñgumawi, yejñon mönö simbawoñ akza.”

⁷Mewö jiiga Jongö gwarek yetkõn anohotka Jisösnõñ kõnahiba Jongö kõnanji ambazip kambu yejgöra kewö jim asariyök, “Injini gölme qararañkölkölñe miangörej wania ekingöra anget? Luhutnõñ jehot uwutapkõba metali anjañbanjañ ahakzawi, injini azi mewõñi ekingöra anget me? ⁸Me wanat yuaia ekingöra anget? Azi malukuñi aködampungambuk lõngöta malõhi, mi ekingöra me? Môtket, ambazip malukuñini eksihimñinambuk lõngörakzei, miejñon mönö kin yejgö jakõmbuak miriñine malje. Mi gölme qararañkölkölñe qahö.

⁹“Me wanat yuaia ekingöra anget? Kezapqetok azi kun ekingöra me? Ölña, nõjñon kewö jibi môtket: Azi ekeri, yejñon mönö kezapqetok ambazip pakpak eñgõngita tandökñi kun akza. ¹⁰‘Yañgö kõnanji mi mönõwök kewö ohoget ahöza, ‘Mõtnõñ, nõjñon kolekni garata kun melaibiga qeljiñe anda ambazip uruñini mindiñgõba göhõ kõnagi mesariga göjñon mönõ yañgö andõñe gölmenõñ emu geman.’

¹¹“Keu mewö ahözapmõ, nõjñon keu ölñi kun kewö jibi môtket: Ambinõhök morõ pakpak asuhugeri, yejgö sutñine Jonõñ mönõ körek eñgõngita qetbuñambuk kinja. Kinjapmõ, Suepkõ bemtohoñ uruñe añgota Anutugõ qetbuñani miwikñaimakzei, yejgö sutñine eretñi kondikñi yejñon mönõ Jon õñgitza.

¹²“Jon O-melun azinõñ Buña keu jiiga nalö miangörejõk kõnahiba Suepkõ bemtohoñi kõnõpñambuk tuarenjoñ aka yarõ gilakzemõ, tõndup õsumñan anda qarimakza. Kõnõpñinambuk yarõ gilakzeañõn mönõ bemtohoñ mi nanñinangöra örõba buña qem añgumakze. ¹³Bemtohoñgõ kõnanji mi Mosesgõrej Kõna keunõñ aka kezapqetok ambazip körek yejgö Buzup Kimbiñine ohogetka oyõnda mala koringa Jonõñ asuhuba ölñi aukñe indelök. ¹⁴‘Keu ki môt añgõn kõlbingõ môtze ewõ, Elaija (Elia) asuhumawangö dop ahõhi, Jonõñ mönõ mia akza. ¹⁵Kunñan urukezapñambuk maljawi, yejñon mönõ keu mi kezap ala môt kutuma.

¹⁶“Ambazip merak gölmenõñ maljei, mi mönõ wanatpuk dop al eñgibileñak? Yejñon namande ewõ akze. Mieñon maket sombemñõñ tata keu gön gila lañ qeta kewö jimakze,

¹⁷‘Nini awõlop uinga injini liñet gwawet qahö unduget. Nini jingey kõlinga injini qahö toroqeba sahôtket.’

¹⁸“Miangö kõnanji kewö: Jon O-melun azinõñ kaba nene siñgi mala wain o qahö neiga yañgöra jimakze, ‘Öme kunõñ uruñe geiga malja.’

^r 11.10 Mal 3.1 ^s 11.12-13 Luk 16.16 ^t 11.14 Mal 4.5; Mat 17.10-13; Mak 9.11-13

¹⁹“Suep gölmegö azi öljan kaba nene nem söngaip aiga yangöra kewö jimakze, ‘Mötket, yañön bau numbu tandök közöjeriba wain o gwötpuk namba takis tilipqilipñinambuk aka bölöñi meme yengö alañina malja!’ Anutugö mötkutukutu köl gulimakzei, yengö ahakmemenjanangö öljan mönö mötkutukutu-ñinan dop köljawi, mi kondelakza.” Mewö.

Jisösnöñ taon 3 yengöra Yei wösöbirik! jiyök.

Luk 10.12-15

²⁰Miangö andöñe Jisösnöñ könahiba taon tosatñi tembul engiyök. Taon tosatñi miengörej angöletotñi kukösumñinambuk sehisehñi meiga asuhugetmö, töndup uruñini qahö melenget. Miangöra i tembula kewö jim engiyök, ²¹“O Korazin toñi, nöñön engöra Yei! jiba sahötzal aka Betsaida toñi, engöra mewöyök Yei! jiba sahötzal. Nöñön yengörej anbiga keuni jibi sösonihii angöletotni kukösumñinambuk asuhugetmö, uruñini töndup qahö melenget. Angöletot mi kian gölmenöñ Taiö aka Saidon sitinöñ asuhubeak ewö, yañön mönö nalö köröpñi uruñini melenbingö kaisöpsöpñi kondela dodohonöñ angömiriba kau ariba sahötpeak.

²²“Sahötpeakmö, nöñön kewö jibi mötme: Anutunöñ könangep Korazin aka Betsaida yengö keuñini jim teköba likepñi meleşni sihimbölö mötmei, nalö ketañi miangörej mi mönö Taiö aka Saidon yengö sihimbölö dopñi oñgita mötme.

²³“Aka Kaperneam toñi, Anutunöñ iñini ölop mem wahöt engii Suep mire öngöbeak me qahöpto? Qahöpmahöp! Iñini mönö kömupkö senjom mire kölölohoba geme. Nöñön yengörej anbiga keuni jibi sösonii angöletotni kukösumñinambuk asuhugetmö, uruñini töndup qahö melenget. Angöletot mi Sodom taonöñ asuhubeak ewö, taon miangön mönö nalö kewöñe mewöyök toroqeba kinbawak.

²⁴“Kinbawakmö, nöñön kewö jibi mötme: Anutunöñ könangep Kaperneam engö keuñini jim teköba likepñi meleşni sihimbölö mötmei, nalö ketañi miangörej mi mönö Sodom gölme yengö sihimbölö dopñi oñgita mötme.” Mewö.

Lömbötñinambuk enñön mönö nöñgörej kaba luhut meget.

Luk 10.21-22

²⁵Nalö miangörej Jisösnöñ keu kewö jiyök, “O Iwini, göñön Buña keugi mötkutukutu ambazip mötmöt ketañi megeri, yengörej asambötnöñmö, ambazip nahönbörat ewö nanñinangöra mötketka gukmaulem akzei, mi mönö yengörej indelnöñga möt asarize. Miangöra nöñön Suep gölmegö Kemburñi gi möpöseim gihizal. ²⁶O Iwini, gi nangak mewö asuhumapköra mötnöñ dop köli ölöwahök.

^{11.21} Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 ^{11.23} Ais 14.13-15; Jen 19.24-28 ^{11.24} Mat 10.15; Luk 10.12

27^x“Iwinan mönō yuai pakpak jim kutuiga nōngō bujaya ahök. Iwinan Nahōnṅaṅgō kōnaṅi nanṅök möt yakōiga kunōṅ mi qahō mötza. Mewōyök Nahōnṅan Iwiṅaṅgō kōnaṅi möt yakōiga kunṅan mi qahō mötza. Mewōyök kunṅan Iwinṅgō kōnaṅi qahō möt yakōiga Nahōnṅanök mi mötza aka ambazip möwölöhöm eṅgiba yeṅgōra mi indelmawi, yeṅṅön mönō Iwi möt waṅgime.

28“Nup memba urulömbötṅinambuk maljei, iṅini mönō körek nōṅgōreṅ kagetka uruawam eṅgibi luhut meme. 29^yNōṅgō temni mönō awötṅine ala aṅgugetka Buṅani kusum eṅgibi mi möt sorokōba malme. Nōṅṅön uruni memba et ala guṅbōṅjōṅjōṅ azia akzalṅgōra ölop uruawam eṅgibi luhut miwikṅaime. 30^zNōṅgō temni meget aṅguinga dopṅine akza aiga lömböt eṅgibi bisimei, mianṅön mönō awamṅi akza.” Mewö.

Jisōsnōṅ Sabat kendongō Kambuṅi akza.

Mak 2.23-28; Luk 6.1-5

12 1^aMiaṅgō andōṅe Sabat kendon kunōṅ Jisōsnōṅ wit padi nup körōṅi ketanṅi kutuba anök. Aniga gwarekrupṅan wösōṅini eṅguiga wit öljṅi mohot mohot kōnahiba bōrōṅinan misiba neget.

2^bNegetmō, Farisi (Kōna keugō kapaṅkölköl) tosatṅan mi eka Jisōs kewō jiget mörök, “Mōtnōṅ, göhō gwarekurupkan mönō Sabat kendongō nup meme soṅgoṅi oṅgitze?”

3^cMewō jigetka kewō meleṅnök, “Kiṅ Deiwidnōṅ yarō aziurupṅi yembuk lilikōba wösōṅini eṅguiga yuai akeri, mi lök oyoṅget me qahō?

4^bYaṅṅön mönō Anutugō opo seri jikenōṅ öṅgōba beret kömbukṅi Anutugō jemesoholṅe altanōṅ alget tariga ösumṅan walōṅniga qekōgeri, mi mönō meiga neget. Beret kömbukṅi mosötmosötṅi mi jike nup galöm yeṅṅönök nezema. Yaṅṅön aka yaṅgō sunṅurumurupṅan mi nembepukōra soṅgo ahöyökmō, mi töndup neget. 5^cMewōṅanök jike nup galöm yeṅṅön Sabat kendonōṅ jöwōwöl jikenōṅ kinda nup memba nup memegō soṅgoṅi oṅgita töndup keunṅinambuk qahō ahakze. Keu mi Kōna keunōṅ oyoṅget me qahō?

6^d“Mi oyoṅget, mewō mötzalmō, nōṅṅön kewō jibi mötme: Ki kinjawi, yaṅṅön mönō jöwōwöl jike oṅgita öṅgōṅgōṅi akza. 7^dBuṅa Kimbigō keu kun kewō ahōza, ‘Nōṅṅön jöwōwöl ohomegōra qahöpmō, sutṅine ak kömum aṅgumegōra mötzał.’ Iṅini keu miaṅgō kōnaṅi mötpeak ewō, ambazip pinjitkō keunini qahō neṅgō keunini mönō laṅ qahō jim tekōbeak.

8^e“Mi kewōgōra jizal: Suep gölmegō azi öljṅan mönō Sabat kendongō Kambuṅi akza.” Mewö.

^x 11.27 Jon 3.35; 1.18; 10.15 ^y 11.29 Jer 6.16 ^z 12.1 Dut 23.25 ^a 12.3-4 1 Sml 21.1-6

^b 12.4 Lew 24.9 ^c 12.5 Jaṅ 28.9-10 ^d 12.7 Mat 9.13; Hos 6.6

Jisösnöñ azi böröñi sösöröngöñi mem ölöwahök.

Mak 3.1-6; Luk 6.6-11

⁹Jisösnöñ miri mi mosöta köuluk miriñine öngöyök. ¹⁰Miangörejñ azi böröñi sosoholiñi kun tarök. Ambazipnöñ Jisös keu jakeñe al wañgibingöra kewö qesim wañgiget, “Azi Sabat kendonöñ möhamgöba Köna keu ongitpin me qahö?”

¹¹^eQesim wañgigetka kewö meleşnök, “Engörejök dañön kewö akza: Azi kungö lamaanj mohok-kunñan Sabat kendonöñ lömnöñ gema ewö, yañön mi qahö memba öröiga kotma? ¹²Azigö bohonñan mönö lamagö bohonñi gwötpuk ongitzawi, mönö mi mötmörime. Miangöra Sabat kendonöñ nup ölöpnj memba mewö Köna keu qahö ongitpin.”

¹³Mewö meleşda azi miangö jiyök, “Gi mönö börögi qötöteinöñ.” Mewö jiiga qötöteiiga mutuk ahöhi, miangö dop ölöwaka böröñi alañangö dop ahök. ¹⁴Mewö asuhuiga Farisi (Köna keugö kapañkököl) yeñön yaigep anda totoko ala Jisös denöwö aka qein kömumapkö keu jim jaruget. Mewö.

Anutugö nup meme azi tök-kutukutuñi kewö:

¹⁵Jisösnöñ keuñini mi ek kutuba miangörejök miri mi mosöta kungen anök. Aniga gwötpukñan yañgö andöñe wuatangöba angetka yeñgö sutñine kawöl ambazip pakpak mem ölöwak engiyök. ¹⁶Mi mem ölöwak engiba könañi aukñe jibepüköra köhöikñanök qetal engiyök. ¹⁷Mewö aiga Anutunöñ kezapqetok azi Aisaia sölölohöiga keu kun jiyöhi, miangön mönö mewö ölnambuk ahök. Keu mi kewö jii ahöza,

¹⁸^f“Eket, ki mönö nöngö nup azini aiga i möwölöhöm wañgial.

Nöñön wölböt alani yañgöra mötpi ölöwahiga urunan yañgöra söngaimakzal. Nöñön Uñani Töröñi yañgö uruñi dop kölmapköra melaibi geiga yañön keu diñdiñanök jim tekömakzalangö Buñañi indela jim sehiiga kantriñi kantriñi yeñgöreñ anma.

¹⁹Yañön anggururuk qahö aka keu töhörej qahö qerakña. Ambazip kunñan yañgö qet kourukñi mi rowoñqeqe könanöñ qahö mötma.

²⁰Jehot qölökögeri, yañön mi qahö qesiñma.^g Lambegö wikñan jem kutuba sanjöp aiga bölamñan jem bökbök ahakzawi, yañön mönö mi qahö qömbököma. Mewö nupñi memba ambazipnöñ keu diñdiñi wuatangömegöra bim qeba maliga keu miangön luhut aliga köirañ alme.

²¹Kantriñi kantriñi yeñön mönö yañön bauköm engimapköra mamböta jörömqörömñini yañgö qetñe ala malme.” Mewö.

^e 12.11 Luk 14.5 ^f 12.18-21 Ais 42.1-4 ^g 12.20 Jehot aka lambegö wikñi mi ambazipköra jiza. Ambazipnöñ kun qeba jañgauranga ak wañgigetka mötnariñan pömsöm qemapkö akzawi, Jisösnöñ i mem ölöwakña.

Jisösnöj öme yeŋgö ösumŋini oŋgita qei etza.

Mak 3.20-30; Luk 11.14-23

22 Ömenöj azi kun tönjöt aka numbuji jöhöiga jeŋan gömölii mötök malöhi, mi waŋgita Jisösgöreŋ kaget. Jisösnöj i mem ölöwahiga ömeŋan kota mosöri nesilamŋan lolohoiga kunbuk keu jiba uba ehök. 23 Uba ehiga ambazip kambu pakpak yeŋön mi eka auruba Jisösgöra jiget, “Azi kianjön mönö Deiwidkö gwölönarökŋi akza me?”

24 ^hMewö jigetmö, Farisi (Köna keugö kaparŋkölköl) yeŋön mi möta kewö jiget, “Azi kianjön kungö ösumnöj qahöpmö, öme yeŋgö Kembuŋini Katakömulat yeŋgö ösumnöj ömewöröme eŋguataŋgömakza.”

25 Mewö jigetmö, Jisösnöj urumötmötŋini möt teköba kewö jii mötket, “Kantri denike yeŋgö galömurupŋinan sutŋine aŋgururuk aka julmei, yeŋön mönö ayuhum aŋgugetka kantriŋinan böliba sahopŋanök aka qeqelaŋlaŋ ahöma. Mewöyök siti me miri kungö könagesö yeŋön sutŋine aŋgururuk aka julmei, yeŋön mönö galömkölköl nupŋini memba kinbingö osime.

26 “Mötket, Satanöj mönö alaŋi Satan kun wuatangöbawak ewö, yeŋön mönö sutŋine aŋgururuk aka julbeak. Mewö aiga gawman nupŋini membingö osigetka ömetohoŋinan mönö denöwö kinbawak?

27 “Mötket, nöjön Katakömulatkö ösumnöj ömewöröme közöl eŋgibileŋak ewö, eŋgö alaurupŋinan mönö dagö ösumnöj mi közöl eŋgibeak? Miangöra yeŋön mönö keuŋini öljŋi me qahö, mi kewöta jim teköme.ⁱ 28 Mi jim tekömemö, Anutugö ösumŋan nöŋgö börö kesötŋi sölölohöi öme eŋguataŋgömakzal ewö, Anutugö bem-tohoŋan mönö eŋgöreŋ kam kuŋguza. 29 Kunŋan azi köhöikŋangö köna böröŋi mutuk qahö jöhöma ewö, yeŋön mönö denöwö miriŋe öŋgöba qezanŋa sukinapŋi membawak? Mutuk i jöhöi tarigun mönö ölop miriŋeyök öroyuaiŋi pakpak waŋgita memba anma. (Miangö dop nöjön mewöyök Satan jöhöba andöŋe ömeŋi eŋguataŋgömakzal.)

30 ^j“Kunŋan nömbuk qahö maljawi, yeŋön mönö qetal niŋgimakza. Kunŋan ambazip nöŋgö qetne tokomegöra qahö öröm eŋgimakzawi, yeŋön mönö mendeŋ eŋgimakza. 31 Miangöra nöjön keu kun kewö jibi mötme: Ambazip siŋgisöndok aka mepaqepaik pakpak ahakzei, mi Anutunöj ölop mosörakzapmö, kunŋan Uŋa Töröŋi ilita mepaikömawi, miangö siŋgisöndokŋi Anutunöj mönö nalö kunöj qahö mosötma. Saumbaŋ!

^h 12.24 Mat 9.34; 10.25 ⁱ 12.27 Nanŋini silegalömurupŋinan Anutugö qetŋi öme mi Katakömulatkö kukösumnöj közöl eŋgigetka nöjön mi Anutugö ösumnöj közöl eŋgimakzal. Öroröŋ qahö kinjinaŋgöra daŋön keu muneŋi wuatangömakza? Yeŋön me nöjön?” ^j 12.30 Mak 9.40

32^k“Kunjan Sup gölmegö azi ölni qetala keu jima ewö, Anutunöŋ mi ölop mosötmapmö, kunjan Uŋa Töröŋi qetala keu yuai jimawi, yaŋgö siŋgisöndokŋi mi Anutunöŋ gölmenöŋ malmawaŋgö dop me kömup andöŋe miaŋgöreŋ qahö mosötma.”

Ipkö könaŋi mi ölni eka kewöta möt kutume.

Luk 6.43-45

33^l“Ipkö könaŋi mi ölni eka kewöta mötzin. Miaŋgöra mönö ip galöm kölgetka ölöwaka ölni ölopŋi kuŋgumakŋa me ip mem böligetka ölni bölöŋi kuŋgumakŋa. 34^mAzi uruŋan yuai kokolak qei ahözawi, mia mönö numbuŋan aukŋe jimakza. Miaŋgöra qatögö moröŋi iŋini, nanŋinak bölöŋi aka mönö denöwö keu ölopŋi jibeak? 35Azi ölopŋaŋgö uru köweŋe ölopŋaŋgö möriamŋi ahözawi, yaŋön mönö ölopŋi mi aukŋeyök jimakza. Azi bölöŋaŋgö uru köweŋe bölöŋaŋgö möriamŋi ahözawi, yaŋön mönö bölöŋi mi aukŋe jimakza.

36“Mewö jimakzapmö, nöŋön keu ölni kun kewö jibi mötme: Ambazipnöŋ songo walöŋda keu jit omaŋi omaŋi jimei, yeŋön mönö keu pakpak miaŋgö könaŋi mi jimtekötekögö nalö ketaje Anutugöra jim asarigetka kewötma. 37Miaŋgö könaŋi kewö: Anutunöŋ mönö keu jitki kewöta miaŋgö dopkeugi jim teköi solaniman me keugabuk aka lömböt miwikŋaiman.” Mewö.

Böhi tosatŋan aŋgöletoköra kapaŋ köla uletket.

Mak 8.11-12; Luk 11.29-32

38ⁿNalö miaŋgöreŋ Farisi (Köna keugö kapaŋkölköl) aka Köna keugö böhi tosatŋan Jisösgöra kewö jiget, “Böhi, gi ölop aŋgöletot kun menöŋga mi ekingö mötzin.”

39^oMewö jigetka kewö melenŋ engiyök, “Ambazip merak gölmenöŋ maljei, mi kambu bölöŋi aka serowilin ahakze. Yeŋön Anutugö aiwesökŋaŋgöra kapaŋ kölakzemö, aiwesök kun kezapqetok azi Jonagöra lök asuhuyök. Anutunöŋ aiwesök murutŋi kun qahö al enggima. 40^pJonanöŋ suŋgem silimŋi karöbut köwet sömbupkö (gajugaju) gölömŋe malöhi, miaŋgö dop Sup gölmegö azi ölnan mewöyök suŋgem asak karöbutkö dop gölme uruŋe ahöma.

41^q“Jonanöŋ Niniwe ambazip sutŋine anda Anutugö keunöŋ uruŋini kuŋgui möta miaŋgöreŋök uruŋini melengetmö, mötket, nöŋön sutŋine asuhuba kinda Jonagö ahakmemeŋi oŋgita ahakzal. Mewö ahakzalmö, iŋini töndup nesampurek ak niŋgimakze. Miaŋgöra Niniwe ambazipnöŋ

^k 12.32 Luk 12.10 ^l 12.33 Mat 7.20; Luk 6.44 ^m 12.34 Mat 3.7; 23.33; 15.18; Luk 3.7; 6.45 ⁿ 12.38 Mat 16.1; Mak 8.11; Luk 11.16 ^o 12.39 Mat 16.4; Mak 8.12 ^p 12.40 Jon 1.17 ^q 12.41 Jon 3.5

jimtekötekögö nalö ketaŋe ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinme. Mohotŋe kinda Niniwe yeŋön keu kewö eŋgö sileŋine alme, ‘Iŋini Suep gölmegö azi ölni nesampurek ak waŋgigetka Anutunöŋ likepŋi meleŋ eŋgii sihimbölä öŋgöŋgöŋi mötme.’ Niniwe yeŋön mewö jigetka ahakmemeŋinan nanŋini könaŋamŋini indelgetka gamuŋini mötme.

42^r“Könaŋamŋinaŋgö kaisöpsöpŋi kun kewö: Anutunöŋ mönöwök mötkutukutu öŋgöŋgöŋi ketaŋi mi kiŋ Solomon waŋgiiga Saut görökenök kantri kungö qin ambinöŋ Solomongö mötkutukutuŋi mötmamgö sihimŋi mörök. Sihimŋi möta gölme göraŋeyök wahöta köna köröp tiŋtiŋi kaba mala Solomongö mötmötŋi mörök.

“Mi mörökmö, mötket, nalö kewöŋe nöŋön sutŋine asuhiba kinda Anutugöreŋ mötkutukutu öŋgöŋgöŋi memba kazali, mi Solomongö mötkutukutuŋi oŋgitzä. Oŋgitzapmö, iŋini töndup nesampurek ak niŋgiba tönpin kingetka qahö dop kölja. Miaŋgöra Anutunöŋ könaŋgep ambazip körek pakpak öröm eŋgii keuŋini jim tekömapköra jeŋe aŋgotmei, nalö miaŋgöreŋ Saut kantrigö qin ambi miaŋön mönö mewöyök aŋgotma. Yaŋön ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinma. Mohotŋe kindä keu kewö eŋgö sileŋine alme, ‘Iŋini Jisös nesampurek ak waŋgigetka Anutunöŋ likepŋi meleŋ eŋgii sihimbölä öŋgöŋgöŋi mötme.’ Yaŋön mewö jiiga silikŋi kewöta nanŋinaŋgöra gamuŋini mötme.” Mewö.

Öme yeŋön azi uruŋe liliŋgöbingö kapaŋ kölje.

Luk 11.24-26

43“Ömenöŋ azi uruŋeyök kota gölme qararaŋkölkölŋe anda laŋ liliköba mala luhut memamgö miri jaruba kun qahö miwikŋaïma. 44Mi qahö miwikŋaïba osiba kewö jima, ‘Mirini mosöta kazali, miaŋgöreŋ mönö kunbuk liliŋgömam.’ Mewö jiba liliŋgöba miriŋi usuŋda meŋölöi ahöyöhi, mi gwamönŋi ahöi miwikŋaïma.

45“Mewö miwikŋaïba anda öme tosatŋi 7 eŋguaŋgitma. Öme 7 mi nanŋi oŋgita bölöŋi kötökŋi akze. Yaŋön mi eŋguaŋgiriga kaba miri mi öŋgöba miaŋgö uruŋe malme. Mewö aiga azi miaŋgö könaŋi mutuk kileŋkileŋ ahökmö, könaŋgep böliqölim teköma. Ambazip kambu bölöŋi ki merak gölmenöŋ maljei, eŋgöreŋ mewöyök mewö asuhuma.” Mewö.

Jisösgö nam-munuruŋi

Mak 3.31-35; Luk 8.19-21

46Jisösnöŋ toroqeba ambazip kambu yeŋgöra keu jiba maliga nam-munŋan kaba yaigep kindä yambuk keu jibingö mötket. 47Mötketka

^r 12.42 1 Kiŋ 10.1-10; 2 Hist 9.1-12

kunjan kewö jii mörök, “Mötnöj, göhö nam-mungan mönö yaigep kinda göbuk keu jibingö mötze.”

⁴⁸Keu mi jii mörökmö, yanğöra melenđa kewö jiyök, “Nöngö namni dañon? Nöngö munurupni mi dañon?” ⁴⁹Mewö jiba böröni gwarekurupni yengörej göröken böranda jiyök, “Eket, nöngö namni aka munurupni öljni mönö ki.” ⁵⁰Denike yejön nöngö Suep Iwinanğö jitsihitni tem kölakzei, körek miёнön mönö nöngö namni aka nenmunurupni akze.” Mewö.

Qesinqesiq azigö dopkeu.

Mak 4.1-9; Luk 8.4-8

13 ¹Nalö miangörejök Jisösnöj miri mi mosöta o anğö jitje geba tarök. ²Tariga ambazip kambulembenöj yanğorej anda tokogetka wanğenöj öngöba tarök. Tariga ambazip kambu pakpak yejön anğö gorañe saknöj tokoget.

³Mewö tokogetka dopkeu gwötpuk jii mötketka kewö jiyök, “Mötket! Azi kunjan nene kötni qesiq gilmamgöra nupnöj anök. ⁴Anda qesiq giliga kötni tosatjan köna jitje geba kölget. Geba kölgetka (warawen) neiñi neiñi kanğota mi nem teköget.

⁵“Kötni tosatjan köt jamönjiñnöj geba kölget. Geba köla miangörej gölme gwötpuk qahö miwikñaiget. Gölme dutni qahö ahöyöhangöra korapni zilañ kotket. ⁶Kotketmö, wehönöj kota enğuba jem kutum enğiiga jalöjini qahöpköra soholiba gororönğöget.

⁷“Kötni tosatjan siriuret wahinambuknöj geba kölget. Geba kölgetka miёнön kota qem turuba böbölohot mem enğiget. ⁸Mewö pömsöm qeyökmö, kötni tosatjan gölme ölöpnje geba kölget. Geba köla tosatni miengö kötnini 100 asuhuget. Tosatjan kötnini 60, tosatjan 30 miangö dop ahum sehiget. ⁹Kunjan urukezapñambuk malja ewö, yanğön mönö dopkeu ki kezap ala möt kutuma.” Mewö.

Jisösnöj wanigöra dopkeu jiyök.

Mak 4.10-12; Luk 8.9-10

¹⁰Mewö jiiga gwarekurupnan kaba Jisös kewö qesim wangiget, “Gi mönö wuanöngöra ambazip yengö ‘Keu jimam,’ jiba dopkeunöj ala jimakzan?” ¹¹Qesim wangigetka kewö melenđa jiyök, “Mi kewögöra: Suepkö bemtohone anğota malbingö keu tölapni mi enğöra aukne jibi möt kutuzemö, yengöra mi mewö qahö.

¹²“Miangö könañi kewö: Kunjan mötkutukutuñambuk maljawi, Anutunöj mönö mi toroqem wanğiiga köl guliba möriamñambuk malmapmö, kunjan mötkutukutuñi qahö maljawi, Anutunöj mönö mötmötñi moröñi ahözawi, mi mewöyök qeköba wanğitma.

^s 13.2 Luk 5.1-3 ‘ 13.12 Mat 25.29; Mak 4.25; Luk 8.18; 19.26

13“Ambazip yengö keu jimam jiba kewögöra dopkeunöj ala jimakzal: Yejön nanjini jejinan yuai ekagun könani töndup qahö ek kutume. Nanjini kezapjinan keu törörök mötagun könani töndup qahö möt asarime. 14“Kezapqetok azi Aisaianöj qeljije keu kun jiba ohoyöhi, miäjön ambazip mewöji yengörenj öljambuk ahakza. Keu mi kewö, ‘Keu möt bibihabagun könani töndup kude möt asarime. Yuai ek bibihabagun könani töndup kude ek kutume. 15 Ambazip kambu kienjö urujinan mönö köhöiknji gwözöjda ahöza. Kezapjinan keu möt bibihaba jejnini kömaziliköba (kömazilihiwa) malje. Mewö qahö akeak ewö, mönö jejinan yuai ek kutuba kezapjinan keu möta urujinan könani möt asariba urujini melengetka nöjön i ölop mem ölöwak engibilejak.’ 16”“Keu mewö ahözäpmö, engö jejinan yuai ek kutuzawañgöra mönö simbawoj akze. Kezapjinan keu möt kutuzawañgöra mönö simbawoj akze. 17Nöjön keu öl töhönnji kun kewö jibi mötket: Kezapqetok ambazip aka Anutugörenj ambazip solanji gwötpukjan injini yuai ki ekzei, mi ekingö awöweñgöba malgetmö, qahö eket. Injini keu ki mötzei, yejön mi mötpingö awöweñgöba malgetmö, qahö mötket.” Mewö.

Jisösnöj dopkeugö könani jiyök.

Mak 4.13-20; Luk 8.11-15

18“Qesij gilgil azigö dopkeu jizali, miängö könani mi kezap ala mötme. 19Nene kötnji qesij giliga köna jitje geba kölöhi, mi kewö: Kunjan bemtohongö Buja keunji möta könani qahö möt asariiga Bölöñangö Tojan kaba uruje kötnji kömötkeri, mi qeköma. 20Nene kötnji qesijniga köt jamönjijnöj geba kölöhi, mi ambazip söpsöpñji kun. Yejön Buja keu möta mi miängörenjök sösongai qakje möt angön kölakze.

21“Mewö ahakzemö, urujine jalöni qahö ahöm engimäpmö, nalö töröptökñji miyök kin köhöiba malme. Buja keugöra aka kahasililij me sesewerowero asuhuiga nalö miängörenjök mönö tala enguma. 22Nene kötnji qesijniga siriuret wahiñinambuknöj geba kölgeri, mi kewö: Yejön Buja keu mötketka urujine gezäpmö, gölmenöj malmalgö waimanjatñji aka monen inap memegö urukönöpñji ahuba lömbörim engimakza. Qetbujañinambuk akingöra köpösöngögetka sihim kömbönañji bölöni tosatjan mewöyök urujine dumgöba Buja keu böbölohohot mem wanggize. Mewö aiga öljini qahö gilipitñji (ambetakñji) akje.

23“Nene kötnji gölme ölopñje qesijniga geba kölgeri, mi ambazip kewöji: Yejön Buja keu kezap ala möta möt asariba pöndañ kinda öljini miwikñaimakze. Tosatjan keu jit mohotnöhök kötnji 30 miwikñaimakze. Tosatjan öljini 60, tosatjan keu köt mohot mohot miengö öljini 100 mem sehiba miwikñaimakze.” Mewö.

“ 13.14-15 Ais 6.9-10 ” 13.16-17 Luk 10.23-24

Dorowetkō söpsöp keu

²⁴Jisösnöj söpsöp keu kun kewö jii mötket, “Suepkö bemtohojängö könaji mi azi kewöjängö dop ala jimam. Yañön nupñe anda nene kötñi ölöpnj qesinj gilök. ²⁵Qesinj gilökmö, suñgem ahögetka miañgöreñ kerök aziñan kaba wit padi sutñine miañgöreñ dorowetkō kötñi qesinj gila mosöta anök. ²⁶Wit padi kötñan jula wahöta öñgöba ölnj asuhuyöhi, nalö miañgöreñ dorowetnöj mewöyök aukñe asuhuyök.

²⁷“Miañön aukñe asuhuiga welenqeçeurupñan mi eka nup toñjängöreñ kaba kewö jigetka mörök, ‘Ketanjamnini, nupke nene köt ölöpnj qesinj gilnön me qahö? Dorowetkō kötñi mi mönö denikeyök miañgöreñ geba asuhuza?’

²⁸“Mewö jigetka möta kewö jii mötket, ‘Kerök azinön mi qesinj gilök.’ Mewö jii möta welenqeçe yeñön kewö jiget, ‘Nini ölop anda dorowet mi qözöla tokobingö mötzan me qahö?’ ²⁹Mewö jigetmö, kewö jii mötket, ‘Qahö! Injini dorowet qözöla tokoba miañgöreñ padi tosatñi mi mewöyök qözölbepuk.

³⁰“Mönö mosötketka mohotñe qariba wahörohotkun ölnj meme nalöñan kam kuñguiga nalö miañgöreñ nöñön padi misimisi ambazip yeñgöra kewö jibi mötme: Mönö mutuk dorowet memba tokoba ohomegöra börangöba kösönöj jöhöme. Mi jöhöbagun mönö wit padi ölnj mi tokoba memba kaba nöñgö köwe mire alme.’ ” Mewö.

Nejoj kötñängö dopkeu

Mak 4.30-32; Luk 13.18-19

³¹Jisösnöj dopkeu kun kewö toroqeba jii mötket, “Suepkö bemtohoñi mi kewö: Azi kunñan nejoj (nemuya) kötñi memba nanñe nup gölmeñe anda alök. ³²Kötñi mi morö közözömñi. Mi nene köt pakpak mieñgö eretñini akzapmö, jula wahöta yöha pakpak eñgoñgita qariba ip akña. Mewö aka kiniga könakemba neiñj neiñj kañgota aipñini ip miañgö böröñe alakze.” Mewö.

Yistkö dopkeu

Luk 13.20-21

³³Jisösnöj dumñe kunbuk söpsöpkeu kun kewö jii mötket: “Suepkö bemtohoñi mi yist me flaua mem qariqarigö dop kewö akza: Ambi kunön ‘Beret ohomam,’ jiba yist memba flaua amae (dis) karöbut miañgöreñ mindiriba melenqeleñ aka anda anda tari körekñanök qariyök.” Mewö.

Jisösnöj denöwögöra söpsöpkeuñi keuñi jiyök?

Mak 4.33-34

³⁴Jisösnöj keu pakpak mi könagesö yeñgöra söpsöp keunöj jiyök. Söpsöpkeu qahö mewö keu kun qahö jii mötket. ^{35w}Mewö aiga Anutunön kezapqetok azi

^w 13.35 Sum 78.2

kun sölölöhöiga keu kun jiyöhi, mianjön öljambuk ahök. Yarjön keu mi kewö jii ahöza, “Nöngö numbunan mönö amqeiga söpsöp keunji keunji jimam. Anutunöj gölme miwikjaiiga asuhuyöhi, nalö miangörenjök keu tölapje ahöi mala korini, nöjön mönö keu mi aukje jim indelmam.” Mewö.

Dorowetkō söpsöpkeugō kōnaŋi

³⁶Jisösnöj söpsöp keu mi jim teköba ambazip kambu ketanji enjömosöta miri uruje öngöyök. Öngöiga gwarekurupjan yanjören kaba kewö qesiba jiget, “Dorowet nene nupnön asuhuyöhi, gi mönö söpsöp keu miangö kōnaŋi jim asarim nenjiman.”

³⁷Mewö jigetka kewö melenđa jiyök, “Suep gölmegö azi öljän mönö nene kötŋi ölöpnji ölöpnji qesin gilakza. ³⁸Nene nup mi gölmegö kantri pakpak. Nene kötŋi ölöpnji mi bemtohojögö nahönbörat enjöra jizal aka dorowet mi azi bölönaŋgö nahönbörat yenjöra jizal. ³⁹Keröknöj mi qesin gilöhi, mi Bölönaŋgö Tojanaöra jizal. Padi misimisi nalöni mi gölmegö nalöjan tekömawaŋgö nalö ketanji mi. Padi misimisi ambazip mi Suep garata yenjöra jizal.

⁴⁰“Dorowet tokoba kōnöpönj ohoget jemawi, miangö dop mönö gölmegö nalöjan tekömawaŋgö nalö ketanje asuhuma. ⁴¹Suep gölmegö azi öljän mönö garataurupni melaim enjiiga kaba keu areŋ bölöni pakpak Kraistkō bemtohoj uruje sinjisöndok akingö kondorakzawi, mi qeapköba mindingöme aka bölöni meme ambazip pakpak mi qözöla qezaköm enjime.^x

⁴²“Mewö mindinŋqindin aka ambazip mi gil enjigetka owen imarurubuk jeba ahözawi, miangörenj geme. Miangörenj gemeaŋön mönö sahöt gigilahöba irimŋini yöhözömgögetka qetŋi qeri malme. ⁴³Nalö miangörenj ambazip solanŋi miejön mönö wehön tandök aka Iwiŋinaŋgö bemtohoj uruje asariba mal öngöme. Kunjan urukezapŋambuk maljawi, yanjön mönö keu mi kezap ala möt kutuma.” Mewö.

Guli dötnam mesamesambötŋangö söpsöpkeu

⁴⁴“Suepkö bemtohoŋi mi guli damandaŋ söngöröŋi öngöŋgöŋi miangö dop kewö akza: Mi nupnön mesambötket ahöiga azi kunjan mi miwikjaiba aŋgön köla kunbuk gölmenöj mesambörök. Mesamböta miangöra söngaiba anda sukinapŋi pakpak bohonŋi memegöra ali moneŋ kaiga mianjön nup gölme mi bohonŋi meyök.” Mewö.

Sorom kötŋangö dopkeu

⁴⁵“Suepkö bemtohoŋi mi stua azigö dop ala söpsöp keu kun kewö jimam: Yarjön sorom kötŋi ekjeritŋambuk jaruba malök. ⁴⁶Jaruba mala

^x 13.41 Keu areŋ (ideology) bölöni yauer mötmöt, komyunist, maslim aka mötmöt areŋ tosatŋi mi ambazip jöhöm enjiget qakögetka malmaljanan böliba sohomakzawi, garata yenjön mönö mi pakpak qeapköba mindingöme.

sorom kötji mohot söngöröñji ketañji miwikñaiba anda sukinapñji pakpak bohonñji memegöra ali monerñ kaiga mianñon sorom kötji mi bohonñji meyök.” Mewö.

Mösak örörögö söpsöpkeu

47“Suepkö bemtohoñji mi mösakö dop ala söpsöpkeu kun kewö jimam: Mi o anğönöñ gilget geiga söra tandökñini könanñi könanñi gegetka engömöm tokoyök. 48Tokoi kokolak qeiga ambazipnönñ mi örögetka körökñe koriga eta tata söra ölopñji kewöta sakapnönñ tokogetmö, bölönñi mi gilgetka anök. 49Keu mianğö dop mönö gölmegö nalöñan tekömawanğö nalö ketañe asuhuma. Suep garata yeñön kaba ambazip bölönñi mi solanñi miengöreñök kewöt engime. 50Kewöt engiba ambazip bölönñi mi gil engigetka owen imarurubuk jeba ahözawi, mianğöreñ geme. Mianğöreñ gemeanñon mönö sahöt gigilahöba irimñini yöhözömgögetka qetñi qeri malme.” Mewö.

Keu kötji walñi aka dölökñi

51Jisösnönñ söpsöp keu mi jim teköba kewö qesim engiyök, “Keu pakpak jizali, mi möt asarize me qahö?” Qesim engiiga melenđa “Oñ!” jiget. 52“Oñ!” jigetka kewö jii mötket, “Miri tonjan mirinğögö köweñeyök inap yuai walñi aka dölökñi uzeta alakza. Mianğö dop Köna keugö böhi pakpak Suep bemtohoñgö gwarekurupñji akeri, yeñön mönö mewöyök uruñinañgö köweñineyök keu aködammunñinambuk dölökñi aka keu ölop sorokñi walñi uzeta jimakze.” Mewö.

Nazaret yeñön Jisös andö qeget.

Mak 6.1-6; Luk 4.16-30

53Jisösnönñ dopkeu mi jim teköba miri gölme mi mosöta anök. 54Anda malqarip taonñe anğota köuluk mirinñine öngöba Buña keu kusum engiyök. Kusum engiiga auruba welipköba kewö jiget, “Ye! Kezapjupjup! Yañön mötkutukutu ki aka anğöletot kukösumñinambuk mi mönö denikeyök meza? 55Azi ki mönö miri kianğö mitimqeqe azigö nahönña. Namñanğö qetñi Maria aka munurupñji Jeims, Josef, Saimon aka Juda. Mi ölop mötzin. 56Nenurupñan mönö körek sutnine ki malje. Mianğöra yuai pakpak ki mönö denikeyök memba kaba akza?”

57Nazaret yeñön mewö jigetka uruñinan bölliiga mianğöreñ qaköget. Qakögetmö, Jisösnönñ kewö jii mötket, “Kezapqetok azi mi nanñi taonönñ aka nanñi mire jijiwilit ak wanğimakzemö, miri tosatñe mewö qahö.” 58Mewö jiiga mötnaripñinan qahö asuhuiga yanğisenjinañgöra aka anğöletot kukösumñinambuk mi mianğöreñ gwötpuk qahö meyök. Mewö.

† 13.57 Jon 4.44

Jongö jölñi kutugetka kömuyök.

Mak 6.14-29; Luk 9.7-9

14 ¹Nalö miangörej gölme bahöñangö (Galili prowinsgö) kiñ Herod yanñon Jisösgö qetbuñani mörök. ²Mi möta welen-qeqeurupñi yengöra kewö jiyök, “Mi mönö Jon O-melun azia. Yanñon mönö kömupnöhök wahöta nupñi meiga angöletot kukösumñinambuk asuhumakze.” Waimanjat möta mewö jiyök.

³Mi kewögöra jiyök: Herodnön munñi Filipkö anömñi Herodias ölöñ meiga Jon O-melun azinön kiñ jim wañgiiga opotöröp melaim enggiiga anda Jon memba jöhöba kösö mire al wañgiget. ⁴Jonñ Herodköra keu kewö jiyök, “Gi qambötki memba mala Köna keu oñgitzan.” ⁵Mewö jiiga Herodnön Jon qeget kömumapkö mörökmö, könagesö yeñon Jongöra mötketka kezapqetok azia malöhi, miangöra könagesö yengöra keñgötñi mörök.

⁶Keñgötñi mörökmö, Herodkö ahuahu nalöñan kaiga ketaurupñan tokoba tatketka Herodiasgö böratñan yengö jeñine danis aliga Herodnön miangö eksihimñi gwötpuk mörök. ⁷Miangöra ambi seram miangön wani yuaigöra qesibawak, kiññon mi tököm wañgimangö keu jöhöba keu mi jöjöpañ keunön jim köhöiyök. ⁸Mewö jim köhöiiga namñan ambi seram mi kuñgum wañgiiga kewö jiyök, “Mönö qesinöñga Jon O-melun azigö jölñi yandigetka nööröpñi memba ki kaba köndenön niñgima.”

⁹Mewö jiiga kiñgö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yengö jemesoholñine etpapuköra möta nööröpñi wañgimegöra jim kutuyök. ¹⁰Mewö jim kutuba opotöröpñi kun melaiba jiyök, “Gi mönö kösö mire anda Jongö jölñi yandiba nööröpñi memba kaman.” ¹¹Mewö jiiga Jongö nööröpñi köndenön ala memba kaba ambi seram mi wañgiiga memba anda namñi wañgiyök. ¹²Jongö gwarekurupñan miangö buzupñi möta anda qamötñi memba qaksirigö köt köteññon ala löm kölget. Löm köla anda keu mi Jisös jiget mörök. Mewö.

Jisösnön azi 5000 nene gumohom enggiyök.

Mak 6.30-44; Luk 9.10-17; Jon 6.1-14

¹³Jisösnön Jongö kösohotñi möta miri mi mosöta wañgenön öñgöba gölme kötikñi kunön nanñinök malbingöra anget. Ambazip kambu yeñon miangö buzupñi möta taon aka miriñini mosöta Jisösgö andöñe wuatangöba gölme köna anget. ¹⁴Angetka Jisösnön wañgenöhök eta ambazip kambuleleme eñgeka yengöra wösöñi mörök. Wösöñi möta sutñine kawöl enggöhöi malgeri, mi mem ölöwak enggiyök.

¹⁵Mewö aka mali mare aiga gwarekurupñan Jisösgöreñ kaba kewö jiget, “Böhi, nini gölme kötikñi kiañgöreñ malinga wehön jeñan teköba

^z 14.3-4 Luk 3.19-20 ^a 14.4 Lew 18.16; 20.21

gemamgö akza. Miangöra gi ölop ambazip kambu ki melaim enginönga miriñi miriñi mieñgöreñ anda numbu neneñini söñgöröñi memba neme.”

¹⁶Mewö jigetmö, Jisösnöñ kewö jii mötket, “Yeñön ölop kiangören tatme. Eñön mönö nanñinak i nene gumohom engime.” ¹⁷Mewö jii möta jiget, “Nini beret 5 aka söra yahöt miyök memba maljin.” ¹⁸Mewö jigetka jiyök, “Mönö mi memba kaba niñgime.”

¹⁹Mewö jiba ambazip kambu mi kegwan luplupnöñ eta tatmegöra jim kutum engiiga tatket. Tatketka beret 5 aka söra yahöt mi memba Suenöñ ui öngöiga kötuatköba beret mindipköba gwarekurupñi engiiga ambazip kirip dop mendeñda engiget. ²⁰Mendeñda engigetka ambazip körekmakörek memba nem timbireñ aket. Nem timbireñ aka nene kitipñi kitipñi mosötkeri, mi gwarek yeñön qezakögetka sakap 12 miangören geba kokolak qeyök. ²¹Azi beret negeri, yeñgö jañgöñini mi 5000. Ambi nahönbörat yeñgö jañgöñini mi qahö meget. Mewö.

Jisösnöñ o añgö qakñe tiba tiba anök.

Mak 6.45-52; Jon 6.15-21

²²Neget teköiga Jisösnöñ miangöreñök gwarekurupñi jim kutum engiba kewö jiyök, “Inini mönö wañgenöñ öñgöba qeljiñe o añgö kutuba likepñe anme. Nöñön ölop nalö sutje ambazip kambu ki melaim engibagun kamam.” ²³Ambazip melaiba engubula kundunje öñgöba nanñök mala köuluköyök. Köuluköba mali mare aiga kundunje nanñik kötikñi tarök. ²⁴Tariga wañgeninan lök o añgö bibiñe köröwen aniga luhutnöñ angerangöreñök gila kaiga sirinöñ wañgenöñ giliga kekwilik anda kayök.

²⁵Mewö ahiga miri awörañgöiga (3-6 kilok) miangöreñ Jisösnöñ o añgö qakñe tiba tiba gwarekurupñi yeñgöreñ kayök. ²⁶Kaba o añgö qakñe tiba tiba kaiga gwarekurupñan mi eka keñgötporiñ aka “Köwet Soñgoriññöñ kaza,” jiba sömbuñini möta qeta silatket.

²⁷Qeta silatketmö, Jisösnöñ miangöreñök keukeu jiba kewö jii mötket, “Alaurupni, mönö ewebibiñinambuk saitingit malme. Nanak казал. Keñgötñini kude mötme.” ²⁸Mewö jii möta Pitönöñ melenña kewö jii mörök, “Göñön Kembuya akzan ewö, mönö ölop jinönga nöñön o qakñe tiba tiba göhöreñ kamam.”

²⁹Jisösnöñ mi möta “Ölop kanöñ,” jiyök. Mewö jiiga Pitönöñ wañge mosöta o añgö qakñe tiba tiba könahiba Jisösgöreñ anök. ³⁰Könahiba anökmö, luhutnöñ gwötpuk gili mi eka keñgötporiñ aka könahiba o urunje geba kewö qerök, “Kembu, bauköm niñginöñ.” ³¹Qeriga Jisösnöñ miangöreñök böröñi böranda Pitögö böröñe memba kewö jiyök, “Mötnariipki morörökñi. Mönö wuanöñgöra uruyahöt akzan?”

³²Mewö jiba bauköm wañgii wañgenöñ öñgöyohotka luhutnöñ nöñ geba göröñ alök. ³³Göröñ aliga azi wañgenöñ tatkeri, yeñön waikñi

memba möpöseim wangiba kewö jiget, “Alaknja, gi Anutugö nahönja.” Mewö.

Jisösnöj Genesaret mala mem ölöwak nup meyök.

Mak 6.53-56

³⁴O anjö kutuba likepne Genesaret mire angota wange mosöta saknön geget. ³⁵Saknön gegetka miri miangö ambazipnön Jisös möt kutum wangiget. Möt kutum wangiba keu algetka miri pakpak kösutne tatkeri, miangören aniga buzupni möta kawöl ambazip körek enjuangita Jisösgören kaget. ³⁶Kagetka kinda Jisös malukunangö sunje misiribingö ulet wangiba malget. Misirigeri, körek yejön mönö ölöwak teköget. Mewö.

Ambösakon yejön keu kusum sohoget.

Mak 7.1-13

15 ¹Miangö andöje Farisi (Köna keugö kapañkölköl) aka Köna keugö böhi tosatjan Jerusalem sitiyök Jisösgören kaba kewö qesim wangiget, ²“Göhö gwarekurupkan wuanöngöra köna walönda ambösakoninangö silikjini qeze? Yejön mönö böröjini sanjonnda domamöt qahö qeba töndup könahiba nene neze?”

³Mewö qesim wangigetka kewö jii mötket, “Nanjinak mönö wuanöngöra ambösakoninangö silikjini wuatangöbingöra köna walönda Anutugören jöjopañ keu qeze? ⁴Miangö keuji kun kewö: Anutunöj kewö jim kutuyök, ‘Twinamgi mönö göda qem etkimakjan,’ aiga ‘Kunjan iwiñi me namñi qesuahömawi, i mönö qegetka kömuma.’

⁵“Mewö jim kutuyökmö, iñini keu mi ongita kewö jimakze, ‘Kunjan iwiñangöra me namñangöra kewö jima: Wösöni mötzal. Nöngö nangönangö yuaini buña qem angubanak, mi lök Anutugö saiwap naluköra kewöta albi ahöza. Kunjan mewö jiba iwiñi me namñi göda qem wangimawangö dop qahö akza.’

⁶“Mewö jiba silikjini walñangöra aka Anutugö jöjopañ keuji utalgetka omañi aka pömsöm qemakza. Mi qahö dop kölja. ⁷O urumelengö silesile ambazip, kezapqetok azi Aisaiänöj mönö enjö könañamñini törörök qeljine indela kewö jii ahöza,

⁸“Ambazip kambu kianön mönö numbu jitñinan ölpñanök göda qem niñgimakzemö, uruñinan nönöngan ak niñgiba kungen algetka köröwen ahöza.

⁹Mewö ahöiga nöngö waikni öne töhön memba möpöseim niñgimakze. Köna keu kusum enjibin, jiba salupne ambazip yengö jimkutukutunji mi numbu o alakze.’” Mewö melen enjyök.

^b 15.4 Eks 20.12; 21.17; Dut 5.16; Lew 20.9 ^c 15.8-9 Ais 29.13

Azi uru mi denöwö tölohoba lantiza?*Mak 7.14-23*

¹⁰Jisösnöj ambazip kambu kunbuk engoholi kagetka kewö jii mötket, “Injini mönö keu ki kezap ala möt asarime. ¹¹Yuai azigö numbuñeyök uruñe gemakzawi, miañön qahö tölohom wañgimakzapmö, nanñi numbuñeyök keu erakzawi, miañön mönö tölohom wañgimakza.”

¹²Mewö jii mötketka gwarekurupñan kaba kewö qesiget, “Farisi (Köna keugö kapanjököl) yeñön keu mi mötket engui uruñinan bölizawi, mi mötzan me qahö?” ¹³Qesigetka kewö meleñnök, “Nöñön warök pakpak nöñgö Suet Iwinan qahö kömöröhi, mi mönö jalöñinambuk qözölmam. ¹⁴“Muat, i mönö engömosötme. Yeñön ‘Jegömöl ambazip enguanjitpin,’ jimakzemö, nanñini jeñinan mönö gömöliza. Jegömöl kunñan jegömöl alañi kun böröñe memba wañgitma ewö, yetkön mönö mohotje lömnöñ geba etkuma.”

¹⁵Mewö meleñniga Pitönöñ jiyök, “Dopkeu miañgö könañi mönö jim asarinöñ mörin.” ¹⁶Mewö jiiga Jisösnöñ jiyök, “O alaurupni, injini mewöyök toroqeba mötmötñini ölöñi qahö akze me? ¹⁷Yuai pakpak azi numbuñeyök uruñe gemakzawi, mi kömgokñe geba yaigep erakza. Mi möt kutuze me qahö?”

¹⁸“Mi erakzapmö, keu uru köñömñeyök kota numbuñeyök erakzawi, miañön mönö tölohom wañgimakza. ¹⁹Ambazip uru köñömñineyök yuai kewöñi asuha korakza: Keu bölöñi mötmöriba suña jinañ memba ambazip enguget kömumegö mörakze. Qesabulum aka serowilin akingö mörakze. Yoñgorö membingö mörakze. Jitnöñ alal keu muneñi jibingö mörakze. Andöqege keu yöhösañ jiba Anutu mepaiköbingö mörakze. ²⁰Yuai mewöñan mönö ambazip tölohom engimakzapmö, böröñini qahö sañgoñda nene nemakzei, miañön azi kun qahö tölohomakza.” Mewö.

Kenan ambi kunñan kapañ köla köuluköyök.*Mak 7.24-30*

²¹Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia miañgö uruñe anök. ²²Aniga Kenan ambi, gölme miañgö toñi kunñan kaba Jisös uleta kewö qeta jiyök, “Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinñi ak wañgiiga sihimbölo ketañi mörakza.”

²³Qeta jiyökmö, Jisösnöñ keu kun qahö meleñnök. Mewö aiga gwarekurupñan kaba kewö kuñgum wañgiba jiget, “Ambi mi sahöta qeta könanine kazawañgöra mönö bauköm wañginöñga anma.” ²⁴Mewö jigetka meleñnök, “Iwinan Israel könagesögö lama sohosohöñi miyöhök

^d 15.14 Luk 6.39 ^e 15.18 Mat 12.34

amöt qem enjgimamgöra aka melaim ninggiiga kazal.”²⁵ Mewö melenjiga ambi miañon kösutje kaba simin köl wañgiba jiyök, “Kembu, mönö bauköm niñginöñ!”

²⁶ Mewö jiyökmö, Jisösnön kewö melenj wañgiyök, “Qahö, morö yeñgö miriñneyök beret memba kiam enjiinga qahö dop kölbapuk. Juda nini kianurup enjö qetjini kiam qerakzin. Nönön mutuk Juda ambazip bauköm enjigiba kantri tosatji enjön mönö kiamgö dop mamböta malme.”

²⁷ Melej wañgiyökmö, ambinön jiyök, “Kembu, mi ölop mötzalmö, kiam moröñi yeñon mönö mewöyök toñinanjö tebolnöhök nene boromñi eriga nemakze.”²⁸ Mewö jiiga Jisösnön kewö jii mörök, “O ambi, göhö mötnaripki mi ketarji. Miangöra ulet niñgizananjö öljni mönö asuhuma.” Mewö jii möta börtanjan aua miangöreñök ölöwahök. Mewö.

Jisösnön kawöl ambazip sehisehiñi meiga ölöwaket.

²⁹ Jisösnön gölme mi mosöta kaba Galili o anjögö jitje kanjuta kunduje öngöba eta tarök. ³⁰ Tariga ambazip kambulembenön yanjöreñ kaba ambazip kewöñi enjuañgitket: Simalokon aka jegömöl ambazip, tosatji köna böröñini heramheramgöñi, tosatji keuñini mötökñi aka kawöl tosatji gwötpuk enjöhöi malgeri, mi enjuañgita Jisösgö köna kösutje al enjigetka mem ölöwak enjiyök.

³¹ Mem ölöwak enjiiga ambazip keuñini mötökñi yeñon keu jigetka köna böröñini heramheramgöñi yeñon ölöwaka dñngigetka simalokon yeñon köna tiba anda kagetka jeñini döndöñgöñi yeñon je uba eketka ambazip kambu yeñon mi eka welipköba Israel nengö Anutunini möpöseiget. Mewö.

Jisösnön azi 4000 nene gumohom enjiyök.

Mak 8.1-10

³² Jisösnön gwarekurupñi enjoholi yanjöreñ kagetka kewö jii mötket, “Nönön ambazip kambu kienjöra wösöni mötzal. Yeñon nönjöreñ kaba wehön karöbut lök mala kotketka neneñini qahöwahiga ekzal. Könanön anda mala kemañe jeñini gili tirinbirin akepuköra i öne melaim enjgimamgö töközal. Miangöra i nene gumohom enjgimamgö mötzal.”

³³ Mewö jii gwarekurupñan melenja kewö jiget mörök, “Gölme qararañkölkölñe kianjöreñ neñon mönö denikeyöhök numbu nene gwötpuk miwikñaiba ambazip kambulembe ki gumohom enjibinak?”

³⁴ Mi möta Jisösnön kewö qesim enjiyök, “Enjöreñ beret dawik ahöza?” Qesim enjiiga “Beret 7 aka söra moröñi tosatji ahöza,” jiget. ³⁵ Jigetka Jisösnön ambazip kambu mi gölmenön geba tatmegöra jim kutum enjiiga geba tatket.

³⁶ Geba tatketka beret 7 aka söra mi memba Anutugö saiwap jiba mindipköba gwarekurupñi enjiiga yeñon mi ambazip kambu dop toto

qem engiget. ³⁷Toto qem engigetka nembra nem timbireŋ-göget. Nem timbirengöba nene kitipŋi mosötket geyöhi, mi sakap 7 miangöreŋ qezakögetka numbuŋe qeyök. ³⁸Azi nene negeri, yeŋgö jaŋgöŋini mi 4000. Ambi nahönbörat yeŋgö jaŋgöŋini mi qahö meget. ³⁹Jisösnöŋ ambazip kambu melaim enŋiiga angetka nanŋi waŋgenöŋ öŋgöba Magadan gölmenöŋ anök. Mewö.

Böhi tosatŋan aŋgöletot ekingöra kapaŋ kölget.

Mak 8.11-13; Luk 12.54-56

16 ^{1f}Farisi (Köna keugö kapaŋkölköl) aka Sadyusi (Jike nupkö kapaŋkölköl) tosatŋan Jisösgöreŋ kaba keugö bötaknöŋ örömapköra esapköm waŋgiba kewö qesiget, “Mönö jinöŋga Suepnöhök aŋgöletot kun asuhiiga ekin.” ²Mewö jigetka kewö meleŋnök, “Wehön gemangö ahiga miangöreŋ kewö jimakze, ‘Suepnöŋ pisihiizawaŋgöra uran wehön ölöŋŋi akŋa.’

³“Mewöyök söŋanök kewö jimakze, ‘Suepnöŋ pisihiiga kousunöŋ töwizawaŋgöra mönö kie luhut gilma.’ Mewö mewö jiba suepkö tandökŋi eka kie wehönöŋ könaŋi ölöŋ kewörakzemö, nalö maljini, miangö aiwesökŋi kewötpingö qahö mötze. Mi qahö dop kölja. ^{4g}Ambazip kambu bölöŋi gölmenöŋ mala qesabulum ahakzei, yeŋön Anutugö aiwesökŋi asuhumapköra kapaŋ kölakzemö, Anutunöŋ kezapqetok azi Jonagö aiwesökŋi lök enŋiiga aiwesök tosatŋi qahö toroqeba kondel enŋima.” Mewö jiba enŋömosöta kungen anök. Mewö.

Farisi aka Sadyusi yeŋön wösökömbuk ewö akze.

Mak 8.14-21

⁵Jisösnöŋ gwarekurupŋi yembuk o aŋgö kutuba likepŋe aŋgota semön memingö ölum enŋuyöhi, mi eket. ⁶^hMi eketka Jisösnöŋ kewö jii mötket, “Inini Farisi aka Sadyusi pati yahöt yeŋgö wösökömbukŋini aka gipŋi kakŋi mietköra mönö galöŋŋini meme. Mi ölöŋŋanök qahö kewöta andö qegetka mietköŋ mönö yist ewö qariba mem bölim enŋimahot.”

⁷Jiiga keu pasetŋi mi qahö möt asariba sutŋine kewö eraum mötket, “Nini beret qahö memba kazin. Miangöra jiza me denöwö?” ⁸Mi eraum mötket kezapŋe geiga kewö jii mötket, “O inini mötnariŋŋini morörökŋi, wuanöŋgöra ‘Beret qahö mezin,’ jiba nanŋini eraum mötze? ⁹ⁱNöŋgö könaŋamni mi wuanöŋgöra qahö möt kutuze? Nöŋön beret 5 mi 5000 yeŋgöra mindipköbiga miangö kitipŋi qezakögetka könde dawiknöŋ geba numbuŋe qeyök? Mi ölum enŋuza me qahö?”

^f 16.1 Mat 12.38; Luk 11.16 ^g 16.4 Mat 12.39; Luk 11.29 ^h 16.6 Luk 12.1 ⁱ 16.9 Mat 14.17-21

^{10j}“Mewöyök beret 7 mi 4000 yengöra mindipköbiga miangö kitipni qezakögetka sakap dawiknön geba kokolak qeyök? Mi ölum enguza me qahö? ¹¹Ni beretköra keu qahö jizali, mi denöwö aka qahö möt kutuze? Nönön beretköra qahöpmö, Farisi aka Sadyusi pati yengö wösökömbukniini aka gipni kakni kewöta andö qemegöra jizal.” ¹²Mewö jiiga miangöreñök keujanö könañi kewö möt asariget, “Aha! Plaua mem qariqari yistkö galöm mem angubingöra qahö jiyökmö, Farisi pati aka Sadyusi pati yengöreñ keu lolonqaloñi andö qebingöra jiyök.” Mewö.

Pitönön Jisösgö könañi jim miwikñaiyök.

Mak 8.27-30; Luk 9.18-21

¹³Jisösnön Sisaria Filipai taongö kösutnje anda miangöreñ gwarekurupni kewö qesim engiyök, “Ambazipnön Suep gölmegö azi ölni nöngöra denöwö jimakze? Ni niñia akzal?” ^{14k}Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi Jeremaia me kezapqetok azi walñi yengöreñök kun akzan.’ ”

¹⁵Mewö jigetka kewö qesim engiyök, “Aka nanñinak nöngöra denöwö jize? Ni niñia akzal?” ^{16l}Qesim engiiga Saimon Pitönön melenđa jii mörök, “Gi Amötqeqe Toñi Kraist aka malmal Toñi Anutugö Nahönñi akzan.”

¹⁷Mewö jiiga Jisösnön melenđa kewö jii mörök, “O Saimon Jonagö nahönñi, gölme azi sep busuñambuk kunñan qahöpmö, nöngö Iwini Suep mire maljawi, yañön mönö keu mi göhöreñ indelök. Miangöra göñön mönö simbawoñ akzan. ¹⁸Nöñön kewö jibi mötman: Gi Pitö (nanine keunön jamönñiñ) aknöñga nöñön jamönñiñ miangö qakñe urumeleñ könagesönañgö tandönñi albi nañgöm enginöñga uruñini möhamgöba köhöiba kinme. Göñön i galöm köl enginöñga kömup Toñan i senjom mirigö kiripo nañguñe öröm engimamgö osima. Ömewöröme tosatñi yengö kukösumñinan mewöyök i köndenđa luhut al engibingö osime.

^{19m}“Nöñön Suep bemtohoñangö ki morönñi yahöt gihimam. Gi gölmenön siñgisöndok jöhönöñga miañön mönö Suep mire mewöyök jöhöjöhönñi ahöma. Gi gölmenön siñgisöndok mosöta pösatnöñga miañön mönö Suep mire mewöyök pösatpösatñi ahöma.” ²⁰Mewö jiba Amötqeqe Toñi Kraist ahöhi, mi aukñe jiget kunñan mötpepuköra gwarekurupni yengöra soñgo köhöikni al engiyök. Mewö.

Jisösnön kömumamgö keuñi jiyök.

Mak 8.31–9.1; Luk 9.22-27

²¹Nalö miangöreñök Jisösnön könahiba gwarekurupni yengöra keu kewö indelök, “Nöñön Jerusalem anda sihimbölö gwötpuk mötmam.

^j 16.10 Mat 15.34-38 ^k 16.14 Mat 14.1-2; Mak 6.14-15; Luk 9.7-8 ^l 16.16 Jon 6.68-69
^m 16.19 Mat 18.18; Jon 20.23

Kantrigö jittjememe, jike nup galöm aka Köna keugö böhi yejön nungugetka kömumam. Kömumbiga wehön karöbut aiga kömupnöhök wahötmam.”

²² Jisösnöj mewö jiiga Pitönöj öröm wanğiba göranje anda könahiba qetala kewö jim wanğiyök, “O Kembu, mi nalö kunöj asuhum gihibapuköra Anutunöj mönö sel jöhöm gihima.” ²³ Qetal wanğiiga lilingöba Pitö kewö jim wanğiyök, “Gi keu mötmörizani, mi Anutugörej keuya qahöpmö, gölme ambazip aka Satangö sihima. Gi nöjgö köna utumamgö mötnönga urunan böliza. Mianğöra Satan, gi mönö dölki nöjgö jemesoholneyök kesalnöj!” Mewö.

Kraist wuatangöbingö söngöröni

²⁴ “Nalö mianğörej Jisösnöj gwarekurupni keu kewö jii mötket, “Kunjan nöjgö andöne kamamgö mötzawi, yanön mönö nanji urusilejanğö sihim kömbönanji bölöni andö qeiga sisitji megetka sihimbölä mi bisimakna. Mi maripomnöj kömumawangö dop mököşönda ni nuatangöba kama. ²⁵ “Kunjan malmalji nanjanğöra anğön köla nanji imbi-imbi maljawi, yanön mönö malmalji ölni jöhöi sohoma. Sohomapmö, kunjan gölmegö malmalji nöjgöra aka kölenda tököm niingimawi, yanön mönö malmal ölnjanğö könanji miwiknaiba köhöiba malma.

²⁶ “Kunjan gölmenji gölmenji miengö öroyuaiji pakpak köl öroiga bujanji an teköiga urunjanğö malmalji mem sohoba silebile mala kömuiga Anutunöj keunji jim teköiga unjan ayuhuiga qahö dop kölma. Sukinapni mianön mönö urusösöngai qahö ak wanğima. Qahöpmahöp. Körek nejön mönö bohonini jöhöm anğubingö osibin.

²⁷ “Suep gölmegö azi ölnan könanğep Suep garata töröni yembuk ki etketka Iwiñanğö asakmaranji eka aurume. Nalö mianğörej mohot mohot neñgö ahakmemenini kewöta likepni mianğö dop neñgima. ²⁸ Nöjön keu ölni kun kewö jibi mötme: Kianğörej kinjei, enğö sutñineyök tosatjan Suep gölmegö azi ölnan kiñ aka asuhumawi, mi ek kutume. Jebuk mala kömupkö sihimbölöni qahö mötketka asuhum tinğiriga mi ekne.” Mewö.

Jisösgö sileje letotqetot ahök.

Mak 9.2-13; Luk 9.28-36

17 ¹ Wehön 6 teköiga Jisösnöj Pitö, Jeims aka Jeimsgö munji Jon enğuanğita nanjinök kundunji köröpni kunöj öngöba kötikne malget. ² Malgetka jemesoholjine kiniga Jisösgö sile tandöknan letota murutni ahök. Jemesoholjan wehön jeñi ewö kölköl-bilikbiliknambuk asariiga malukuñan tuat lalamni aka asaknambuk ahök.

ⁿ 16.24 Mat 10.38; Luk 14.27 ^o 16.25 Mat 10.39; Luk 17.33; Jon 12.25 ^p 16.27 Mat 25.31; Sum 62.12; Rom 2.6 ^q 17.1-5 2 Pitö 1.17-18

³Mewö aiga eketka Moses aka Elaija yetkön asuhum enjiba Jisösbuk keukeu jiget. ⁴Jigetka Pitönöj könahiba keu jiba Jisösgöra kewö jiyök, “Kembu, nejön kiangörej uruölöwak mötzin. Miangöra sihimgan mötzan ewö, nöjön ölop koum karöbut qemam. Göhö kun, Mosesgö kun aka Elaijagö kun.”

⁵Mewö jiba kiniga unuñunuñ tuat lalamñi asakmararañambuk kunöj eta aumñan esuhum enjiiga miangö uruñeyök qet kun kewö eriga mötket, “Azi ki mi nani wölböt nahöna. Nöngö urusihimni ketañan mönö yanğörej ahöza. Mönö yanğö keuñi möta malme.” ⁶Gwarek yejön keu mi möta jönömñini undui sipköba gölmenöj eta keñgötñini gwötpuk mötket.

⁷Mewö mötketka Jisösnöj yeñğörej kaba silejini oseiba kewö jii mötket, “Mönö wahötke. Keñgötñini kude mötme!” ⁸Keu mi möta uba wahöta tosatñi qahö engekemö, Jisösnöj nanjök kiniga eket. Mewö.

Jon O-melun-azi mi Elaijagö salupñi akza.

⁹Kunduñeyök etketka Jisösnöj sörokñi miangörej kewö jim kutum enjiyök, “Iñini yuai ekzei, miangö buzupñi mi ambazip kun kude jiget mötme. Suep gölmegö azi ölnan kömupnöhök wahöriga miangö andöñe mi ölop jim asariba malme.”

¹⁰Mewö jim kutum enjiiga gwarekurupñi karöbut yejön Jisös kewö qesim wañgiget, “Köna keugö böhi yejön keu kewö mi wuanöñgöra jimakze, ‘Kezapqetok azi Elaijanöj mönö mutuk Suepnöhök eriga Amötqege Toñan miangö andöñe asuhuma?’ ”

¹¹Qesim wañgigetka meleñda kewö jiyök, “Elaijanöj mutuk eta asuhuba malmal pakpak möhamgöma. Keu mi ölnapmö, ¹²‘nöjön kewö jibi mötme: Elaijanöj lök eta asuhuyökmö, i eka könañi qahö möt kutugetmö, ambazipnöj i nanjini sihimñini wuatangöba lañ ak wañgiget. Mewöñanök Suep gölmegö azi ölni mewöyök lañ ak wañgigetka Juda yeñğö böröñine geba sihimbölä mötma.” ¹³Elaijagöra mewö jiba ölna Jon O-melun azigöra keu jii mötkeri, gwarek yejön mi mewö möt asariget. Mewö.

Jisösnöj öme wuatangöi morönöj ölöwahök.

Mak 9.14-29; Luk 9.37-43

¹⁴Jisös aka gwarek karöbut yejön kunduneyök eta ambazip kambu yeñğörej kagetka azi kunöj Jisösgö kösutñe kaba simin köl wañgiba kewö jii mörök, ¹⁵“Kembu, göñön mönö nahöni ak kömum wañgiman. Kawölnöj yöhöiga tala eta qeiga bözok mitiba semben auba sihimbölä gwötpuk mörakza. Nalö gwötpuk tala könöpnöj me onöj gemakza.

[†] 17.5 Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22

^{*} 17.10 Mal 4.5 [†] 17.12 Mat 11.14

16 Nöjön i waŋgita gwarekurupki yeŋgöreŋ kazalmö, yeŋjön i mem ölöwak waŋgibingö osize.”

17 Mewö jiiga melenŋ waŋgiba jiyök, “Yei, gölmegö yaŋgiseŋ aka misimkaulup ambazip, mönö nalö dawik embuk mala qatön eŋgubiga Anutu qahö möt narigetka sihimbölö mötmam? I mönö waŋgita nöŋgöreŋ ki kaget.” 18 Waŋgita kagetka Jisösnöŋ öme mi jim waŋgii mosöta ani morönöŋ nalö miangöreŋök ölöwahök.

19 Ölöwahiga gwarekurupŋan mi eka nanŋinök Jisösgöreŋ kaba tata kewö qesim waŋgiget, “Neŋjön mönö wuanöŋgöra mi naninök wuatangöbingö osizin?”

20 “Qesim waŋgigetka kewö jii mötket, “Mötnariŋinan morörökŋi akzawaŋgöra mi wuatangöbingö osize. Nöjön keu ölni kun kewö jibi mötme: Mötnariŋinanangö ölni mi nejöŋ kötnangö dop ahöbawak ewö, eŋjön ölop kundunŋi kiaŋgö Toŋaŋgöra kewö jim kutubeak, ‘Gi mönö kundunŋi mi meköba wahöta anda likepŋe endu alman.’ Mewö jiba möt narigetka miangö dop aiga endu anma. Anutu möt narigetka inahöm eŋgiiga yuai kungöra qahö qaköbeak.” 21 (Öme tandökŋi mewöŋi mi mönö köuluköba nene siŋgi mala wuatangöbin. Yuai murutŋi kun ahinga qahö kota anma. Mewö.)

Jisösnöŋ kömumamgö Buŋaŋi jiiga yahöt ahök.

Mak 9.30-32; Luk 9.43b-45

22 Jisösnöŋ gwarekurupŋi yembuk mohotŋe Galili prowins uruŋe liliköba könanöŋ angetka Jisösnöŋ keu kötni kewö jii mötket, “Anutunöŋ Suep gölmegö azi ölni mi gölme ambazip yeŋgö böröŋine al waŋgii gema. 23 Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupŋan mi möta uruŋinan lömböriiga wösöbirik mötket. Mewö.

Jisösnöŋ jöwöwöl jikegö takisŋi alök.

24 ^vJisösnöŋ gwarekurupŋi yembuk Kaperneam taonöŋ kaŋgotketka jöwöwöl jikegö takis meme azi yeŋjön Pitögöreŋ kaba kewö qesim waŋgiget, “Eŋgö böhiŋinan jöwöwöl jikegö takisŋi alma me qahö?”

25 Qesim waŋgigetka “Oŋ!” jiyök. Miangö andöŋe Pitönöŋ miri uruŋe öŋgöiga Jisösnöŋ keu mutukŋi kewö qesim waŋgiyök, “Saimon, gi denöwö mötmörizan? Denike yeŋjön kölköl-örörögö töwaŋi aka takis tosatŋi mi gölmegö kiŋ azi kembu yeŋgöra alakze? Kantri tonŋi neŋjön me kian yeŋjön mi algetka tokomakze?”

26 Mewö qesim waŋgiiga melenŋda “Kian yeŋjön,” jiyök. Mewö jiiga Jisösnöŋ kewö jii mörök, “Mewö aiga kantri tonŋi neŋjön mi albinangö dop

^u 17.20 Mat 21.21; Mak 11.23; 1 Kor 13.2 ^v 17.24 Eks 30.13; 38.26

qahö akzin. ²⁷Mewö akzinmö, takis qahö alinga azi miengö uruñinan bõlibapukõra mönõ anda kösö kawiki o angönõñ gilman. Gila sõra mutukñi örõba memani, mönõ miangö numbuñi mesakõba monerñ kötñi miangõreñ miwikñaiman. Monerñ kötñi mi azi yahõt netkõ takisnirangö dop. Mönõ mi memba engiba miangõn nõngö aka nangi takisniri alman.” Mewö.

Gwarek sutñine dañõn mutukñi akza?

Mak 9.33-37; Luk 9.46-48

18 ¹“Nalõ miangõreñ gwarek yeñõn Jisõsgõreñ kaba kewõ jiget, “Suepkõ bemtohoñ uruñe dañõn õngõngõñi akza?” ²Mewõ jigetka namande morõñi kun qeri kaiga sutñine ali kinõk. ³*Kiniga kewõ jiyõk, “Nõñõn keu õlñi kun kewõ jibi mötme: Uruñini qahõ melenña nahõnbõrat ewõ qahõ akñe ewõ, iñini mönõ nalõ kunõñ Suepkõ bemtohoñnõñ qahõ angõtme.

⁴Miangõra kunñan nanñi memba et ala morõ kiangö dop akñawi, yañõn mönõ Suepkõ bemtohoñ uruñe õngõngõñi akza. ⁵Kunñan namande kewõñi kun nõngö qetne kõl örõba kõyan kõlmawi, yañõn mönõ ni kõl örõm niñgima.” Mewö.

Siñgisõndokõ kõlgorom mönõ qetal engime.

Mak 9.42-48; Luk 17.1-2

⁶Jisõsnõñ toroqeba kewõ jiyõk, “Morõ kewõñi möt narim niñgizei, kunñan yeñgõreñõk kun kõlgorom ak wañgiiga siñgisõndok akñawi, azi miangõn mönõ lõmbõt õngõngõñi miwikñaima. Anutunõñ lõmbõt miangö likepñi denõwõ wañgiiga dopñe akawak? Kemuñ jamõññiñ jõlñe jõhõba kõwet rõndumnõñ gilget mulumgõi gebawak, miangõn mönõ awamñi ahum wañgii tandõk akawak.

⁷“Siñgisõndokõ supatitikñan mönõ awamñanõk asuhumakza. Miangõra gõlme ambazip engõra Yei wõsõbirik! mötzal. Kunñan supatitik angõn kõlmamgõ osimakzappmõ, kun dañõn tosatñi kõlgorom ak engiiga siñgisõndok akñei, yañgõra mönõ Yei! jiba sahõtza. Sihimbõlõ õngõngõñan mönõ yañgõ qakñe õngõma.

⁸”“Bõrõgan me kõnagan siñgisõndok akñangõ kõlgorom ak gihima ewõ, mönõ yandim gilman. Yandim gilagun bõrõtak me kõnatohot mala malmal kõhõikñi miwikñaiya oyañkoyañ akñanmõ, kõna bõrõ yahõtputk malnõnga kõnañgop kõnõp sianõñ gil gihigetka gebanbuk. Sia kõnõpñi mi tetekõñi qahõ jema.

⁹”“Mewõñanõk jegan siñgisõndok akñangõ kõlgorom ak gihima ewõ, mönõ qõzõla gilman. Qõzõla gilagun je-ilik mala malmal kõhõikñe

^w 18.1 Luk 22.24 ^x 18.3 Mak 10.15; Luk 18.17 ^y 18.8 Mat 5.30 ^z 18.9 Mat 5.29

angota oyaenƙoyaen akɗanmō, je yahōtpuk malnōnga kōnōp siagō kōnōpnōj gil gihigetka gebanbuk.” Mewō.

Lamanōj sohojōhi, miangō dopkeu

Luk 15.3-7

¹⁰“Ambazip morōji kienjōreñōk kun memba et al waɗgibe-pukōra mōnō galōmɗini meme. Nōjōn keu kewō jizal: Yeɗgō kōlkōzizip garataurupɗinan mōnō Suep miri miangōreñ nōjgō Suep Iwinanğō kōsutɗe mala jemesoholɗi sundan ehakze. Miangōra jijiwilit kude ak eɗgime. ¹¹(Suep gōlmegō azi ōɗan mōnō ambazip sohosohōji mem letot eɗgii oyaenƙoyaen akɗegōra erōk.)

¹²“Keu kianğōra denōwō mōtmōrize? Azi kungō lamaurupɗi 100 malgetka miengōreñōk kunɗan sohoba janjuɗ aniga toɗan denōwō akɗa? Yaɗōn mōnō 99 mi kundɗe eɗgōmosōta anda mohot janjuɗ anōhi, miangō jaruba anma. ¹³Jaruba anda mala miwikɗaima ewō, nōjōn keu ōɗi kun kewō jibi mōtme: Yaɗōn 99 janjuɗ qahō angeri, miengōra nalō miangōreñ gwōtpuk qahō sōɗgaimapmō, mohot miangōra ōnōɗi qahō sōɗgaiba malma. ¹⁴Miangō dop eɗgō Iwiɗini Suep mire maljawaɗōn mōnō ambazip morōji kienjōreñōk kunɗan sohoba kōnōp sianōj gebapukōra mōrakza.” Mewō.

Alagan siɗgisōndok ak ghiiga kewō akɗan:

¹⁵“Urumeleɗ alagan siɗgisōndok ak ghiiga ewō, gi mōnō yaɗgōreñ anda mesohol kōl waɗgiba kōna siɗgiyōhi, mi kondel waɗgiman. Mewō aknōjga keugi mōta bapɗe anma ewō, gōjōn mōnō alagi luhut al waɗɗinōjga kunbuk urumohot aka malmahot. ¹⁶Mewō aknōjga keugi mōta miangō bapɗe qahō anma ewō, gōjōn mōnō toroqeba ala mohot me yahōt etkuangita yaɗgōreñ anme. Mewō Buɗa Kimbigō keu kianğō dop akɗan, ‘Keu pakpak mi ambazip yahōt karōbutɗan naɗgōba jigetka kōhōima.’

¹⁷“Mewō aketka keuɗini mōta miangō bapɗe qahō anma ewō, gōjōn mōnō urumeleɗ kōnagesōgō jitɗememe yeɗgōra jinōjga yambuk eraum mōtme. Eraum mōtmemō, yeɗgō keu bapɗe mewōyōk qahō anma ewō, mi mōnō aukɗe jigetka jabō ahui urumeleɗgō kopa ewō ak waɗgiba malman. Takis tilipqilip-ɗinambuk megetka sisitɗini memakzei, miangō tandōk ewō i mōnō mosōtnōjga yaigep malma.”

Siɗgisōndokō jōhōjōhōɗi aka pōsatpōsatɗi

¹⁸“Nōjōn keu ōl tōhōnɗi kun kewō jibi mōtme: Eɗōn siɗgisōndok gōlmenōj jōhōmei, mi pakpak mōnō Suep mire mewōyōk jōhōjōhōɗi

^a 18.15 Luk 17.3 ^b 18.16 Dut 19.15 ^c 18.18 Mat 16.19; Jon 20.23

ahöma aka siŋgisöndok gölmenöŋ mosöta pösatmei, mi pakpak mönö Anutunöŋ mosöri Suep mire mewöyök pösatpösatŋi ahöma.

¹⁹“Toroqeba keu kewö jibi mötme: Gölmenöŋ enggöreŋök yahötŋan keu mi me mi miangöra urumohok aka köuluköbitkö keu jöhömahori, mi nöŋgö Iwini Suep mire maljawaŋön mönö etkiiga buŋa qem aŋgumahot. ²⁰Mi kewögöra: Ambazip yahöt me karöbutŋan nöŋgö qetne igen me waigen tokomei, nöŋön mönö miangöreŋ yengö sutŋine malmam.” Mewö.

Welenqeŋe ak-kömukömuŋi qahöpkö söpsöp keu

²¹ ^dNalö miangöreŋ Pitönöŋ Jisösgöreŋ kaba keu kewö jii mörök, “Kembu, alanan siŋgisöndok ak ningimakzawi, nöŋön mi indimŋi dawikö dop mosötpiga dop kölma? Indimŋi 7 mi gwötpuk. Miangö dop mosötpiga dop kölma me qahö?” ²² Jisösnöŋ mi möta kewö melen waŋgiyök, “Indimŋi 7 qahöpmö, 70 taims 7^e mi mosötnöŋga dop kölma. Nöŋön göhöra mewö jizal. ²³ Miangö könaŋi mi kewö jim tuarimam. Suepkö bemtohoŋi mi kiŋ azi kembangö dop albi kewö akza: Kiŋnöŋ welenqeŋeurupŋi engghola moneŋini galöm kölgeri, miangö areŋ papiaŋi kondelget mindiŋgömapköra kapaŋ kölök.

²⁴ “Mewö könahiba moneŋaŋgö kösohotŋi kewöta mindiŋgögetka miangöreŋ azi kun waŋgita kagetka yaŋgö jeŋe kinök. Tosaŋi 10 milyön kina mi yaŋgöreŋ ahöyök. ²⁵ Mi ahöyökmö, tosaŋi mi mekömamgöra moneŋi qahö dop köli osiyöhaŋgöra aka ketanaŋan kinda kewö jim kutuyök, ‘Sukinaŋi ahözawi, mi pakpak mönö söŋgöŋi memegöra alme. I aka anöm-moröŋi i mewöyök mönö söŋgöŋini memegöra algetka moneŋ kaiga miangön tosaŋi mi meköme.

²⁶ “Mewö jim kutuiga welenqeŋeŋan wösöŋe eta simin köla sipköba kewö ulet waŋgiyök, ‘Gi mönö urukönöp kude aka mökösoŋda mamböt niŋginöŋga göhöreŋ tosaŋi pakpak mi ölop meköm gihimam.’ ²⁷ Mewö ulet waŋgiiga ketanaŋan welenqeŋeŋaŋgöra wösö mötmöt aka tosaŋi mi kutuba mosöta pösari erök. ²⁸ Erökmö, yaigep anda miangöreŋ welenqeŋe alaŋi kun miwikŋaiba ehök. Yaŋgö tosaŋi mi silim 100:kö töwaŋi (Kina500,-) miangö dop yaŋgöreŋ ahöyök. I eka memba jölŋi köhöikŋanök mözöhöla kewö jiyök, ‘Nöŋgöreŋ tosa göhöreŋ ahözawi, mi mönö meköm niŋgiman me?’

²⁹ “Mewö jiiga welenqeŋe alaŋan wösöŋe eta simin köla sipköba kewö ulet waŋgiyök, ‘Gi mönö urukönöp kude aka mökösoŋda mamböt niŋginöŋga göhöreŋ tosaŋi mi ölop meköm gihimam.’

³⁰ “Mewö jiyökmö, yaŋön mi tököba anda jii memba jöhöba kösö mire alget tari tosaŋi mekögetka etma. ³¹ Yuai mi asuhuiga welenqeŋe

^d 18.21-22 Luk 17.3-4 ^e 18.22 70 taims 7 = 490. Miangö dop alagahö siŋgisöndokŋi mi mönö qösösök mosötman.

alaurupjan tandök mi eka uruñinan kömbuhiiga wösöbirik möta anda miangö kösohotñi mi körek ketañamñinangöra jigetka mörök.

³²“Mi möta ketañamñinan welenqeçe mutukñi mi qeri jeñe kañgoriga kewö jii mörök, ‘Gi nup meme azi bölöñi! Gi toşagi kutuba mosötmapkö qesim niñginönga nõñon mi pakpak mosöt gihizal. ³³Nõñon gehoriba ak kömum gihibiga göñon mewöyök miangö dop welenqeçe alagi ak kömum wañginönga dop kölbawak.’

³⁴“Ketañamñan mewö jiiga irimñi seholiiga welenqeçe miangö keunji jim teköba kösö mirigö galöm yeñgö böröñine al wañgiiga sihimbölä gwötpuk möta tatma. Miangöreñ tata toşañi kiñgöreñ ahöyöhi, mi pakpak meköm teköiga etma. ³⁵Söpsöp keu kiangö ölni kewö: Inini mohot mohot alañinangö singisöndokñi uruñinan qahö mosötme ewö, nõñgö Suep Iwinan mönö mewöyök keu miangö dop ak eñgima.” Mewö.

Awanöm aᅅgömosötmosötkö keunji

Mak 10.1-12

19 ¹Jisösnöñ keu mi jim teköbagun Galili prowins mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök. ²Kaiga ambazip kambulelembenöñ wuatangöba kagetka miangöreñ mem ölöwak eñgiyök.

³Mem ölöwak eñgiiga Farisi (Köna keugö kapañkölköl) toşatjan yañgöreñ kaba keugö bötaknöñ örömapkö esapköm wañgiba kewö qesim wañgiget, “Azinöñ könañi i me waigöra anömñi mosötmapkö, mi Köna keu oñgitma me qahö?”

⁴Qesim wañgigetka melenđa kewö jiyök, “Miwimiwikñai Toñan lök könakönahieyök i ‘azi aka ambi malmegöra miwikñaim eñgiyök.’ Buña keu mi oyonget me qahö? ⁵“Miwikñai keu jiyök, ‘Miangöra azinöñ mönö iwinamñi etkömosöta anömñangöreñ anda qekötahöiga yetköñ sile mohot aka malmahot.’ Keu mi oyonget me qahö? ⁶Mewö aka toroqeba yahöt qahö akzahotmö, sile mohot aka malmahot. Anutunöñ azi aka ambi mindirim etkiyöhi, ambazip kunöñ mönö i kude mendeñ etkima.”

⁷“Mewö jii möta kewö jiget, “Azinöñ aᅅgömosötmosöt papia ohoba anömñi ölöp mosötma. Mosesnöñ mönö wuanöñgöra keu mewö jim kutum neñgii ahöza?” ⁸Mewö jigetka kewö jim eñgiyök, “Mosesnöñ mönö uruköhöikñinangöra aka anömñi mosötmapkö keu mewö jim kutuyökmö, könakönahieyök mewö qahö ahöyök. ⁹Nõñon kewö jibi mötme: Anömñan qesabulum qahö ahiga töndup wuatangöba ambi kun memawi, yañon mönö sero yongorö akña. Kunñan ambi mosötmosötñi memawi, yañon mönö sero yongorö akña.”

^f 19.4 Jen 1.27; 5.2 ^g 19.5 Jen 2.24 ^h 19.7 Dut 24.1-4; Mat 5.31 ⁱ 19.9 Mat 5.32; 1 Kor 7.10-11

¹⁰ Jisösnöñ mewö jiiga gwarek yeñön jiget, “Awanöm sutjire angömosötptkö soñgo mewö ahöza ewö, mönö awanöm qahö ahinga dop kölma.”

¹¹ Mewö jigetmö, Jisösnöñ kewö melerñök, “Miangö keunji kusum engizali, ambazip körekñan mi nanñinañgöra angön köla miangö dop ölop qahö akñemö, Anutunöñ keu mi ambazip tosatñi yeñgöra engiyöhi, yeñönök mönö miangö dop akñe. ¹² Miangö könajñi kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnöñ silerñini yandiba^l kondot engigetka awanöm akingö dop qahö akze. Tosatñan Suep bemtohoñgöra aka awanöm qahö akingö keunji jim jöhöba keunñini mi wuatangömakze. Kunñan keu mia me mia möt angön köla wuatangömamgö dop akzawi, yañön mönö miangö dop akña.” Mewö.

Jisösnöñ nahönbörat kötuetaköm engiyök.

Mak 10.13-16; Luk 18.15-17

¹³ Nalö miangöreñ tosatñan nahönbörat morömorö enguañgita Jisösnöñ böröñi nöropñine ala köulukömapköra yañgöreñ kagetmö, gwarek yeñön ambazip mi jim qetal ak engiget. ¹⁴ Mewö aketka Jisösnöñ kewö jiyök, “Nahönbörat moröñi mi ölop engömosötketka nöngöreñ kame. Suepkö Toñan ambazip mewö mia bemtohoñi buña qem engima. Miangöra i kude jöhöm engime.” ¹⁵ Mewö jiba böröñi nöropñine ala engömosöta kungen anök. Mewö.

Jisösnöñ azi pomñi kungö qambañ keu jiyök.

Mak 10.17-31; Luk 18.18-30

¹⁶ Nalö kungen azi kunöñ Jisösgöreñ kaba kewö qesim wañgiyök, “Böhi, nöñön ahakmeme ölopñi denöwö aka malmal köhöikñangö buña qem angubileñak?” ¹⁷ Qesim wañgiiga kewö jii mörök, “Ahakmeme ölopñi denöwö, wuanöñgöra mewö qesim ningizan? Mohot-kunñan mönö ölopñi akza. Malmal köhöikñe angotmamgö mötman ewö, mönö jöjöpañ keu tem köla malman.”

¹⁸ ^kMi möta kewö jii mörök, “Wani jöjöpañ keugöra jizan?” Jisösnöñ mi möta jiyök, “Mönö ki, ‘Ambazip kun kude qenöñ kömuma, Sero yongorö kude akñan, Yongorö kude meman, Jitnöñ alal keu kude jiman, ¹⁹ Iwinamgi mönö göda qem etkimakñan,’ aka ‘Nangi jöpaköm angumakzani, miangö dop mönö ambazip pakpak jöpaköm engimakñan.’”

²⁰ Mewö jiiga azi gwabönöñ kewö jiyök, “Mi pakpak mönö tem köla mala kotzal. Wanigöra kunbuk osizal?” ²¹ Mewö jiiga Jisösnöñ jiyök,

^j 19.12 Azi kötñi kölkölgöra jiza. ^k 19.18 Eks 20.13-16; Dut 5.17-20 ^l 19.19 Eks 20.12; Dut 5.16; Lew 19.18

“Gi aködamungabuk malmamgö mötman ewö, mönö anda sukinapki söngörönji memegöra alnön monej kaiga ambazip wanapji engiman. Mewö aknönnga sukinapki ketanji (guli masapu, milyön Kina ewö) mi Suep mire ahöm gihima. Mewö aka ni nuatangöba kaman.”

²²Mewö jiyökmö, gwabönönj keu mi möta sukinapji gwötpuk ahöyohaḅgöra aka wösöbirik möta jeni asöliiga öne mosöta anök. Mewö. ²³Mosöta aniga Jisösnönj gwarekurupji kewö jii mötket, “Nönjön keu ölnji kun kewö jibi mötme: Yei! Ambazip pomnji yejön mönö Suepkö bemtohoḅnönj aḅgotpingö lömböriba kupuk-kapak akḅe. ²⁴Mi kewö jim tuarimam: Sömbup ketanji kamel mi kondi kinimḅe ölop qahö aḅgotma. Mianḅö dop ambazip pomnji yejön Anutugö bemtohoḅ uruḅe aḅgotpingö lömböriba qaköme.”

²⁵Mewö jii möta gwarek yejön aurum tililingöba kewö jiget, “Oponoḅ! Ambazip daḅön mönö Suepkö buḅaya akawak?” ²⁶Mewö jigetka Jisösnönj uba enḅeka kewö jiyök, “Ambazipnönj mi esapköba osiba qakömakzemö, Anutunönj mönö yuai pakpak ölop ahakza. Yaḅön yuai kun aka memamgö qahö osiba qakömakza.” Mewö.

Jisösgö nup memegö töwanji

²⁷Pitönönj keu mi möta meleḅda kewö jiyök, “Mötnönj, nejön mönö yuai pakpak mosöta gi guatangöba kain. Mianḅö likepji mönö wani yuaia membin?” ²⁸Mewö jiiga Jisösnönj kewö jii mötket, “Nönjön keu ölnji kun kewö jibi mötme: Yuai pakpak kölöḅaiiga Suep gölmegö azi ölnḅan jakömbuak dumḅe tari asakmararaḅan asarimawi, nalö qainji kun mianḅöreḅ ni nuatangöba kageri, eḅön mönö mewöyök jakömbuak dum 12 mianḅöreḅ tata Israel kambu 12 yeḅgö keuḅini kewöta jim teköme.

²⁹“Kunḅan nöḅgö qetnaḅgöra aka yuai kun mosöröhi, - mi jike mirinji, darumunji, nenbehötji, iwinamji, nahönböratji me nup kisinji - mi enḅömosöriga Anutunönj mönö mianḅö likepji oḅgita meleḅ waḅgiiga sehima. Mewö sehiiga malmal köhöikḅi teteköḅi qahö buḅa qem aḅguma. ³⁰Mewö asuhumapmö, mutukḅi enḅöreḅök gwötpukḅan dagibezupḅi aketka dagibezupḅi yeḅgöreḅök gwötpukḅan mutukḅi akḅe.” Mewö.

Wain nup meme ambazip yeḅgö dopkeu

20 ¹Jisösnönj jiyök, “Suepkö bemtohoḅni mi kewö: Gölmö toḅji kunönj söḅanök wahöta yaigep anda azi tosatḅi enḅeka wain nupḅe moneḅ nup memegöra qesim enḅiyök. ²Qesim enḅiiga ‘Ölop,’ jigetka silim mohotkö töwanjini (Kina 5) enḅimapkö urumohot aketka melaim enḅiiga wain nupḅe anget.

³“Angetka 9 kilok mianḅö dop aiga kunbuk toroqeba anda azi tosatḅi maket sombemḅe önewat kingetka enḅehök. ⁴Enḅeka kewö jii mötket,

^m 19.28 Mat 25.31; Luk 22.30 ⁿ 19.30 Mat 20.16; Luk 13.30

‘Inini mönö mewöyök nöngö wain nupne anda nup megetka töwanjini dopneyök enjimam.’

⁵“Mewö jiiga wain nupne anget. Angetka 12 kilok aiga kunbuk anök aka mare 3 kilok miangö dop dumne kunbuk yaigep anda mewönanök ahök. ⁶Mewö aka mare 5 kilok miangö dop yaigep aniga azi tosatji dumne kunbuk öne laj kingetka engehök. Engeka kewö qesim enjgiyök, ‘Inini mönö wuanöngöra silim köröp ki öne malje?’

⁷“Mewö qesim enjiiga kewö melenget, ‘Kunjan monej nup mendingöra qahö qesim nenjiza. Miangöra öne ki kinjin.’ Melengetka kewö jii mötket, ‘Inini mönö mewöyök nöngö wain nupne anda nup meget.’ ⁸“Nup megetka mare aiga wain nup tojan nup galömji öröba kewö jii mörök, ‘Gi mönö nup meme azi engehola töwanjini enjiman. Mare qöndökji kazei, yengöreñök könahiba enjiba anda söjanök kazei, yengöreñ teköman.’

⁹“Mewö jiiga mare 5 kilok nupnöj kageri, yeñön kangotketka silim mohotkö töwanji (Kina 5) mi mohot mohot enjiiga meget. ¹⁰Mutuk nupnöj kageri, yeñön kangota töwanjini onjita memegöra mötmörigetmö, i mohot mohot mewöyök silim mohotkö töwanji (Kina 5) enjiiga meget. ¹¹Töwa mohot miyök memba könahiba gölme tojanjöra uruñinan ihururuk möta jimongot ak wanjiba kewö jiget, ¹²‘Nini wehögöra nöngöp ariba nupkö lömbötji bisizinmö, azi mi dölök-kun nup memegöra qesim enjizan. Yeñön aua mohot-kungö dop nup mezemö, göñön töndup yengöra mötmörinöngga nembuk öröröñ akze. Mi qahö dop kölja.’

¹³“Mewö jigetmö, yengöreñök kungöra kewö melenjda jiyök, ‘Alani, ni göbuk keu jiba silim mohotkö töwa (Kina 5) gihimamgö urumohot akzit. Miangö dop töwa miyöhök gihibiga dop kölja. Mönö mi mötmöriman. ¹⁴Urugi miangöra bölibapukmö, mönö nangi töwagi memba anman. Azi dölök-kun nup memegöra qesim enjizali, yengöra mewöyök töwa gihizali, mönö miyök enjimamgö mötzal.

¹⁵“Nani monejñöñ nani sihimnanjög dop akiga dop kölja me qahö? Nöñön ekbonep qahö akiga urugan auiga jegi bosoleiza me?”

¹⁶“Jisösnöñ keu mi jim teköba kewö jiyök, “Miangö dop qöndökji yeñön mutukji aketka mutukji yeñön qöndökji akje.” Mewö.

Jisösnöñ kömumamgö keuñi jiiga karöbut ahök.

Mak 10.32-34; Luk 18.31-34

¹⁷Jisösnöñ Jerusalem sitinöñ öngöbingöra gölme köna angetka gwarekurupji 12 mi öröm enjiba görane anda kewö jii mötket, ¹⁸“Mötket, nini Jerusalem öngöbin. Miangöreñ kunjan Suep gölmege azi ölnji mamalolo mem wanjiiga jike nup galöm aka Köna keugö böhi yengö böröñine gema.

° 20.8 Lew 19.13; Dut 24.15 P 20.16 Mat 19.30; Mak 10.31; Luk 13.30

Yerjön kömumapkö keunji jim teköba ¹⁹kian gawman yengö böröjine al wanjime. Al wanjigetka mepaiköba ihilek wahinjambuknöj tauköm wanjime. Tauköm wanjiba maripomnöj qegetka kömuma. Kömumba wehön karöbut aiga kömupnöhök wahötma.” Mewö.

Jeims Jon namñiran yuaigöra ulerök.

Mak 10.35-45

²⁰Nalö miañgöreñ Zebedigö nahönyahöt yetkö namñiran nahönyahötñi yetpuk Jisösgöreñ kaba simin köl wanjiba yuai qainñi kungöra uletmamgö jiyök. ²¹Mewö jiiga qesim wanjiyök, “Gi wani yuai akñamgö mötzan?” Qesim wanjiiga kewö jiyök, “Göñön ölop jim kutunöñga nöñgö nahönyahötñi kietkön mönö göhö bemtohoñnöj eu öñgöba kunöñ börögi öñje aka kunñan börögi qaniñje tata yuai pakpak galöm kölbeak.”

²²Mewö jiyökmö, Jisösnöñ melenja kewö jiyök, “Injini miañgö könañi qahö möt yaköba uletze. Nöñön qambi kakñambuk nemami, injiri mi ölop nemba sihimbölo mötmahot me qahö?” Mi möta “Ölop nembit,” jiyohot. ²³Jiyohotka kewö jii mörohot, “Mi öñja! Nöñön qambi kakñambuk nemami, injiri mi mewöñanök nemahotmö, nöñgö böröni öñje me qaniñje dañön tatmahori, nöñön keu mi jim kutumamañgö dop qahö. Nöñgö Iwinan dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm öñjan mönö welenqegeya akza.

²⁴Darumun yahöt yetkön mewö ulerohotka alaurupñi 10 yerjön mi möta urubölö aket. ²⁵^aMewö aketmö, Jisösnöñ enggoholi kagetka kewö jii mötket, “Gölmegö kantriñi kantriñi miengö jembonñinan mönö azi kembu tandök ak engimakze. Yengö ketañamñinan mönö keu jim kutuba mindiñgöm engiba kukösumñini kondelakze. Injini könañini mi ölop mötze. ²⁶^rEngö sutñine silik mewö ahöbapukmö, kunñan engö sutñine ketañamñini akñamgö mötzawi, yanñön mönö welen qem engiba malma.

²⁷“Mewöyök kunñan engö sutñine mutukñi malmamgö mötzawi, yanñön mönö engö nembö bapñine mala welenqegeñini omani akña. ²⁸Suep gölmegö azi öñjan mönö mewöyök silik mewöñi kondela nanñi welen qem wanjimegöra aka qahö kayök. Qahöpmö, mönö welen qem engiba ambazip sehisehñi yengö sohopñini memamgöra aka eta malmalñi kölenja mosötma.” Mewö.

Jisösnöñ jegömöl azi yahöt mem ölöwak etkiyök.

Mak 10.46-52; Luk 18.35-43

²⁹Jisösnöñ gwarekurupñi yembuk Jeriko siti mosötpingö aketka ambazip kambulelembenöñ enguatangöba andöjine kaget. ³⁰Mewö

^a 20.25-26 Luk 22.25-26 ^r 20.26-27 Mat 23.11; Mak 9.35; Luk 22.26

kagetka jegömöl azi yahöt köna jítje tarohot. Tarohotka “Jisösnöñ neñgongitmangö akza,” jiget möta kewö qerohot, “Kembu Deiwidkö gwölönarökñi, mönö ak kömum netkinöñ!”

³¹Mewö qerohotka ambazip kambu yeñön keu bök tatmahotköra qetal etkigetmö, yetkөн mönö kapan köla kewö qerohot, “Kembu Deiwidkö gwölönarökñi, mönö ak kömum netkinöñ!” ³²Mewö qerohotka Jisösnöñ dörök ala yangörej kamahotköra qeri kayohotka kewö qesim etkiyök, “Alayahötñi, nöñön wani yuai ak etkimamgöra mötzahot?”

³³Mewö qesim etkiiga kewö jiyohot, “Kembu, niri jeniri kunbuk ubitköra mötzit.” ³⁴Mewö jiyohotka Jisösnöñ yetköra wösöñji möta jeniri misirii miangörejök tohoiga uba Jisös wuatangöba andöñe anohot. Mewö.

Jisögöra köirañ kölgetka Jerusalem öngöyök.

Mak 11.1-11; Luk 19.28-40; Jon 12.12-19

21 ¹Jisösnöñ gwarekurupñi yembuk Jerusalem siti dopdowiba Oil ip kunduje Betfage mirinöñ kaget. Kaba gwarekyahötñi yahöt melaim etkimamgöra aka ²kewö jii mörohot, “Miri wösöñire tatzawi, mönö miangörej anmahot. Anda miangörej angota doñki ambiñi kösönöñ jöhöget kinjawi aka doñki moröñji mi miangörejök miwikñaim etkimahot. Mi mönö pösat etkiba memba nöñgörej kamahot.

³“Pösarohotka kunñan keu kun jiiga kewö jimahot, ‘Kembu-niran mönö miangöra osiza.’ Mewö jiyohotka doñki mi zilañ al etkiiga ki kamahot.

⁴Anutunöñ keu kun kezapqetok azi kungö uruñe ali jiyöhi, miangön öñambuk akñapköra mewö asuhuyök. Keu mi kewö,

⁵“O Jerusalem ambazip Zaion kundunji liliköba maljei, yeñgöra mönö kewö jigetka mötme, ‘Mötket, engö kin kembuninan mönö engörej asuhuma. Yañön guñböñjñöñ aka doñki qakñe tata kama. Doñki lömböt bisimakzawangö moröñji miangö qakñe tata kama.’”

⁶Jisösnöñ gwarekyahötñi melaim etkiiga anda keu jiyöhangö dop ahot. ⁷Yetkөн doñki ambiñi moröñambuk etkömembra kayohot. Kayohotka malukunini qeköba doñki qakñire algetka Jisösnöñ moröñangö qakñe öngöba tarök.

⁸Mewö tata aniga ambazip kambulembeñan göda qeba malukunini qeköba köna namñe tumbulgetka tosatñan ip uruñe anda böröñji qezungata köna namñe tumbulget. ⁹“Tumbulgetka ambazip kambu jeñe köl öröba angeri aka andöñe wuatangöba kageri, yeñön kewö jiba qetket, “Hosana! Anutu möpöseizin. Deiwidkö gwölönarökñi owe owe! Kembugö qetñe kamawi, Anutunöñ mönö i kötuetköma. Hosana! Qetbuñagi möpöseininga euyangörej öngöza! Owe owe!”

* 21.5 Zek 9.9 ' 21.9 Sum 118.25, 26

¹⁰Mewö qetketka Jerusalem sitinöŋ öngöba sitigö ambazip körekŋan auruba göjupmajup aka kewö qesiget, “Azi ki mönö niŋia?”

¹¹Qesigetka ambazip kambuleleme yeŋön kewö melenget, “Yaŋön mönö kezapqetok azi Jisös, Galili prowinsgö Nazaret mirigöra.” Mewö.

Jisösnöŋ jöwöwöl jike jim kömbuhiyök.

Mak 11.15-19; Luk 19.45-48; Jon 2.13-22

¹²Jisösnöŋ jöwöwöl jikegö tohoŋ uruŋe anök. Miangöreŋ ambazip eŋgehiga inap bohonji memegöra algetka söngörönji megeri, yaŋön mi pakpak közöl eŋgiiga etket. Moneŋ utekutek ambazip yeŋgö jakeŋini metali anget. Mewöyök kembö bohonjini memegöra Algeri, miengö dum tatatjini mi tok tötaliga anget. ¹³“Mewö aka kewö jii mötket, ‘Aisaiänöŋ keu kun kewö ohoi ahöza, ‘Nöŋgö jikenan mönö köulukö miriŋina akŋapkö qetme.’ Keu mi ahözapmö, iŋini mi utekögetka kegwek-kahasiliŋ yeŋgö baŋet ewö akza.”

¹⁴Mewö aiga jegömöl aka simalokon ambazip jöwöwöl jikenöŋ yaŋgöreŋ kagetka mem ölöwak eŋgiyök. ¹⁵Mewö asuhuyökmö, jike nup galöm aka Köna keugö böhi yeŋön aŋgöletot meyöhi, mi eket aka nahönbörat jöwöwöl jikenöŋ qeta “Hosana! Deiwidkö gwölönarökŋi owe owe!” jigeri, mi eŋgeka urubölö aket.

¹⁶“Urubölö aka kewö jim waŋgiget, “Morö mi keu qetzei, mi mötzan me qahö?” Jim waŋgigetka kewö melenget eŋgiyök, “Ölöp mötzal. Iŋini nalö kungen Buŋa keu ki oyöŋget me qahö, ‘Göŋön mönö nahönbörat aka moröseŋsep juzu nemakzei, mi kusum eŋginöŋga nangi törörök möpöseim gihimakze.’”

¹⁷Mewö jiba eŋgömosöta siti mosöta mare aiga Betani anda ahöyök. Mewö.

Jisösnöŋ fig ip kun qesuahöiga ululungöyök.

Mak 11.12-14, 20-24

¹⁸Ahöba söŋanök wahöta kunbuk sitinöŋ anda nenegö kömuyök. ¹⁹Nenegö kömumba köna jitŋe fig ip^w kun eka miangö könaŋe anök. Anökmö, ölni qahö miwikŋaiiga sinŋanök kiniga ehök. Mewö eka ip mi kewö jim waŋgiyök, “Göŋön mönö nalö kunöŋ ölgö kunbuk kude kuŋguman.” Mewö jim waŋgiiga fig ip mianjön mönö miangöreŋök ululungöyök.

²⁰Ululungöiga gwarekurupŋan mi eka auruba kewö jiget, “Fig ipnöŋ mönö denöwö ösumok ululungöza?” ²¹^xJigetka Jisösnöŋ kewö melenök,

^w **21.13** Ais 56.7; Jer 7.11 ^v **21.16** Sum 8.2 ^w **21.19** Fig mi sambu ipkö alaŋi kun. Mi nupŋine kömötketka kötŋi nahömninambuk asuhugeta gwötpuk nemakze. ^x **21.21** Mat 17.20; 1 Kor 13.2

“Nöñön keu ölni kun kewö jibi mötme: Mötnarip töp memba uruyahöt qahö akeak ewö, fig ipkörä yuai asuhuzawi, injini miyök qahö akeakmö, ki mewöyök ölop akeak: Kundunji kiangö toñangöra kewö jim kutubeak, ‘Mönö kundunji ki qeköba wahöta anda köwetnöñ alman.’ Mewö jim kutuba Anutu möt nariiga mönö miangö dop ahuma. ²²Wani yuaigöra qesiba köulukömei, mi pakpak buña qem angubingö möt narigetka mönö buñanjini akña.” Mewö.

Jitnememe yeñön Jisösgö kukösumñangö qesiget.

Mak 11.27-33; Luk 20.1-8

²³Jisösnöñ jöwöwöl jikegö tohoñ uruñe anda ambazip kusum enjiiga jike nup galöm aka kantrigö jitnememe tosatñi yeñön yangöreñ kangotket. Kangota kewö qesim wangiget, “Gi kiangöreñ yuai akzani, mi mönö dañön jim kutum ghiiga ahakzan? Miangö kukösumñi mi dañön gihiyök?”

²⁴Qesim wangigetka kewö meleş enjiyök, “Nöñön mewöyök keu kun qesim engimam. Mi meleş niñgime ewö, nöñön mewöyök dañön kukösum niñgiiga yuai ki ahakzali, mi jibi mötme. ²⁵Jonöñ ambazip o-melun mem enjiba malöhi, yañön miangö kukösumñi mi denikeyök meyök? Suep Toñan wangiyök me gölme toñan wangiget?” Mewö qesim enjiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima, ‘Injini mönö wuanöñgöra Jon qahö möt narim wangiget?’ Mi qahö dop kölja.

²⁶“Me ‘Gölme ambazipnööhök asuhuyök,’ jibin ewö, neñön mönö ambazip kambu yeñgöra keñgötnini möta osibin. Könagesö pakpak yeñön mönö Jongöra ‘Kezapqetok azia akza,’ jiba malje.” ²⁷Keu mewö kewöta Jisösgöra kewö meleşget, “Mi qahö mötzin.” Mewö meleşgetka Jisösnöñ kewö jii mötket, “Mewö aiga nöñön mewöyök yuai ki ahakzalangö kukösumñi dañön niñgiyök, mi qahö jibi mötme.” Mewö.

Kungö nahönyahöt yetkö söpsöpkeu

²⁸Jisösnöñ söpsöpkeu kun kewö jiyök, “Injini keu kiangöra denöwö mötmörize? Azi kun nahönyahötñi yahöt malget. Nalö kunöñ iwiñiran nahönñi kungöreñ anda kewö jiyök, ‘Nahöni, gi ölop merak nöñgö wain kösö nupne anda nup meman.’

²⁹“Mewö jiiga kewö meleşnö, ‘Ni töközal.’ Mewö jiyökmö, könangep keunji miangö möt böliba eleñda anda nup meyök. ³⁰Miangö andöñe iwiñiran nahönñi kungöreñ anda nahönñi mutukñangö jiyöhi, keu miyök jii mörök. Mi möta keu kewö jiba meleşnö, ‘Oñ! Ketañamni, ölop anmam.’ Mewö jiyökmö, töndup qahö anök.”

³¹Jisösnöñ mewö jiba qesim enjiyök, “Yahöt yetköreñök dañön mönö iwiñirangö jitñi tem kölö?” Mewö qesim enjiiga kewö meleşget,

“Nahönji mutukñi yañön.” Mewö melengetka kewö jii mörök, “Nöhön keu öl töhönñi kun kewö jibi mötme: Takis meme ambazip tilipqilipñinambuk aka köna ketañi ambi yeñön mönö injini engongita mutuk Anutugö bemtohoñ uruñe öñgöme.

³²“Keu miañgö könañi kewö: Jon O-melun azinöñ engöreñ kaba Anutugö jeñe solanibingö könañi kondeliga injini yañgö keuñi mi qahö möt narigetmö, takis meme ambazip tilipqilipñinambuk aka köna ketañi ambi yeñön mönö i möt narim wañgiget. Yeñön i möt narim wañgigeri, injini mi eka töndup könañep mewöyök nanñini qahö möt bölim añguba eleñda i qahö möt narim wañgiget.” Mewö.

Wain kösö nup galöm bölöñi miñgö dopkeu

Mak 12.1-12; Luk 20.9-19

³³ Jisösnöñ jiyök, “Dopkeu kun kewö mötme: Gölme toñi kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketañi kötnöñ meyök. Miañgöreñ waingö öñji ala könanöñ tözöhölget oñan lalanöñ geyök. Wain jout ketañi mi kötnöñ memba wain yoñgorö membepuköra galöm meme jake köröñji köweñambuk meyök. Yuai pakpak mem teköba wain nup galöm tosatñi miwikñaim eñgiba kewö jiyök, ‘Mönö nup memba öññañgö bahöñi nanñini memba bahöñi toñi ni niñgime.’ Mewö jiba nup mi böröñine ala eñgömosöta kantri kunöñ anda malök.

³⁴ “Mala mali öñji öliyöhañgö nalöñi (yambu 5) töriiga miañgöreñ welenqequeurupñi kun melaim eñgiiga galöm yeñgöreñ anda wain nup öññañgö bahöñi wañgimegöra jiget. ³⁵ Jigetmö, galöm yeñön i eñgömemba jöhöba tosatñi kömbinöñ sepgwörörök eñguba tosatñi eñguget kömugetka tosatñi kötnöñ gila eñguget kömuget. ³⁶ Miañgö andöñe welenazi tosatñi toroqeba melaim eñgiiga gwötpuk aketmö, i mewöñanök öröm ureim mem eñgiget.

³⁷ “Mewö aketka wain nup toñan keu jaruba jiyök, ‘Nani nahöni mönö göda qem wañgime me denöwö?’ Mewö jiba qöndökñi mi nahöñña melaiiga yeñgöreñ anök. ³⁸ Anökmö, wain nup galöm yeñön nahöñji eka sutñine kewö eraum möta jiget, ‘Yañön mönö börösamotñañgö toñi akña. Ayop, mönö memba qein kömuiga wain kösö nupñan mönö nanine buñanina akña.’

³⁹ “Mewö jiba memba jöhöba gilgetka nup yaigepñe geiga qeget kömuyök. ⁴⁰ Wain nup toñan mi möta kaba nup galöm mi mönö denöwö ak eñgima?”

⁴¹ Jisösnöñ mewö qesiiga kewö jiget mörök, “Galöm bölöñi mi mönö könderda yaijapaleleñ mem eñgima aka nup galöm döläkñi miwikñaim

† 21.32 Luk 3.12; 7.29-30 † 21.33 Ais 5.1-2

engiba wain kösö nupŋi yeŋgö böröŋine alma. Yeŋön ölni ölimawangö nalöŋe bahöŋi törörök wangimakŋe.”⁴² ^aJisösnöŋ mi möta kewö jii mötket, “Buŋa Kimbigö keu ki nalö kungen oyonget me qahö, ‘Miri meme yeŋön köt tandö kun andö qeba öne mosötket taröhi, miaŋön mönö tandö kömbönaŋi aiga miwikŋaiget. Miaŋön tiŋgiriga mirinöŋ gororongöba eta kölma. Kembunöŋ tandö mi kuŋguiga jeninan ehinga qetbuŋabuk aiga welipkömakzin?’

⁴³“Miaŋgöra kewö jibi mötme, Anutunöŋ mönö bemtohoŋi enŋuangita ambazip kambu kun enŋiiga yeŋön miaŋgö ölni ölop kuŋgumakŋe.

⁴⁴Kunŋan tandö bohonŋi miaŋgöreŋ töttöŋgata eta qemawi, mi mönö sileŋi kutumutumapmö, ain tandö miaŋön jöla tala kungö qakŋe eta kölmawi, mi mönö körek qözömözö-zamgöma.”

⁴⁵Jisösnöŋ mewö jiiga jike nup galöm aka Farisi (Köna keugö kapaŋkölköl) yeŋön dopkeuŋi mi möta könaŋi möt asariba kewö jiget, “Mi mönö neŋgöra jiza.” ⁴⁶Miaŋgöra i memba jöhöbingö mötketmö, ambazip kambu yeŋgöra keŋgötŋini möta osiget. Ambazip kambu yeŋön Jisösgöra mötketka kezapqetok azia ahök. Mewö.

Maren lömbuangö söpsöp keu

Luk 14.15-24

22 ¹Jisösnöŋ kunbuk könahiba söpsöp keunöŋ keu kewö jiyök, ²“Suepkö bemtohoŋi mi kiaŋgö dop akza: Kiŋ azi kembunöŋ nahönŋangöra maren lömbuanŋ areŋgöba mözözömgöyök. ³Mözözömgöba welenqeŋeurupŋi melaim engiba kewö jiyök, ‘Nöŋön ambazip tosatŋi maren lömbuanŋnöŋ kamegö mötzal. Inŋini mönö yeŋgöreŋ kolek anda kamegö jiget mötme.’ Mewö jii anda jigetmö, ambazip mieŋön mi möta kabingö tököba taŋqaŋ aket.

⁴“Miaŋgö andöŋe welenqeŋeurup tosatŋi kunbuk melaim engiba kewö jiyök, ‘Ambazip kamegöra jiali, mönö yeŋgöreŋ anda kewö jime: Mötket, nöŋön lömbuangö neneŋamni lök mözözömgöbiga tatza. Nöŋgö bulmakau aziŋi aka bulmakau tosatŋi gumohom enŋiinga kelökŋinambuk akeri, mi enŋuba ohom qeraköinga yuai pakpak lök jöjöröba ahöza. Inŋini mönö maren lömbuanŋnöŋ kaget.’

⁵“Mewö jii angetka ambazip mieŋön keu miaŋgö kezap qahö algetmö, nöŋöŋgan aka laŋ anget. Tosatŋan nene nupŋine angetka tosatŋan kölköl-örörö nupŋine anget. ⁶Tosatŋan kiŋgö welen-qeŋeurupŋi qelanjiba enŋömembra öröm ureim ak engiba enŋuget kömuget. ⁷Kömugetka kiŋgö irimŋi seholiiga yarö kambuŋi melaim enŋiiga anda kinda enŋuget kömukömu azi mi köndeŋ engiba taon miriŋini mi ohogetka jeyök.

⁸“Miaŋgö andöŋe kiŋnöŋ welenqeŋeurupŋi yeŋgöra kewö jiyök, ‘Maren lömbuanŋ mözözömgöinga jöjöröba tatzapmö, ambazip kamegöra jiali,

^a 21.42 Sum 118.22-23

yejñon mönö sösöngainöñ kakagö dop ölöpnj qahö akze. ⁹Miangöra injini mönö köna soñanöñ aka miri sombemñi sombemñi miangöreñ anda ambazip mi me mi miwikñaim engime, i mönö maren lömbuanñöñ kamegöra jiba kapanj köla kuñgum engime.’

¹⁰“Mewö jiiga welenqeaurupñan mosöta könañi könañi miangöreñ anda ambazip mi me mi miwikñaim engigeri, mi körek pakpak öröm tokom engiget. Ambazip ölöpnj aka bölöñi mewöyök mi mewö kagetka maren lömbuan mirinöñ kokolak qeiga tebol liliköba tatket. ¹¹Tebol liliköba tatketmö, kiññöñ i engekñamgöra kaba miangöreñ azi kun maren lömbuanñö maluku tuatñi qahö köli geiga ehök. ¹²Azi mi eka kewö jii mörök, ‘Alani, gi maren lömbuanñö malukuñi qahö löngöta töndup denöwögöra miri kiangö uruñe kazan?’ Mewö jiiga azi miangön keuñi bököiga ölöñ tarök.

¹³^b“Mewö tariga kiññöñ welenqeaurupñi kewö jim kutum engiyök, ‘Mönö azi mi memba köna böröñi jöhöba yaigep gilgetka pandamanöñ gema.’ Miangöreñ malmeanñon mönö sahöt gigilahöba irimñini yöhözömgögetka qetñi qeri malme. ¹⁴Keu miangö dop Anutunöñ ambazip sehisehiñan kamegöra jiyökmö, awamdökñi yejñon keu mi möt angön köla kaba Anutunöñ kambu möwölöhöm engiyöhi, mönö yejñö sutñine kanjotme.” Mewö.

Takis alalgö Jisös esapköm wañgiget.

Mak 12.13-17; Luk 20.20-26

¹⁵Miangö andöñe Farisi (Köna keugö kapanjököl) yejñon anda eraum möta Jisös qesiba keugö bötakñöñ öroi gwaröhöm wañgibingö areñi alget. ¹⁶Mewö areñ ala gwarekurupñi aka premiö Herodkö pati-alaurupñi tosatñi melaim engigetka Jisösgöreñ kaba kewö qesiba jiget, “Böhi, göññon azi ölnj akzani, nini mi mötzin. Göññon ambazip tosatñi qahö engek soriba tosatñi qahö qepureim engimakzanmö, dop mohotñöñ kewöt neñgimakzan. Miangöra kuñgum gihigetka qahö goñgiba ketañi qahö esuhum engimakzanmö, Anutugöreñ köna mi keu ölnjanñö dop kusum neñgimakzan. Göññon Anutugöreñ keu diñdijñi miangön öngöñgöñi eretñi mohot pakpak jim qindijñ ak neñgimakzan. ¹⁷Miangöra keu kiangöra denöwö mötmörizan, mi jinöñ mötpin. Nini sisa-kiñgöra takis ala miangön Mosesgö Köna keu siñgibin me qahö?”

¹⁸Mewö qesigetka areñini muneñi möt kutuba kewö jii mötket, “O urumelenñö silesile azi, injini mönö wuanöngöra keugö bötakñöñ al niñgibingö esapköm niñgize? ¹⁹Ölöp takis alalgö moneñi kun kondel niñgigetka eki.” Mewö jiiga silwö moneñ (Kina 5) kun memba kaget.

²⁰Kagetka kewö qesim engiyök, “Dagöreñ imut aka qet mi ki ohoget ahöza?” ²¹“O mi sisa-kiñgöreñ,” mewö melenñda jiget. Jigetka kewö jii mötket, “Mewö aiga yuai sisa-kiñgö imutñambuk buñañi akzawi, mi

^b 22.13 Mat 8.12; 25.30; Luk 13.28

mönö yangöra al wangime. Yuai kun Anutugö bujaya akzawi, mi mönö Anutugö buja qeme.”²² Mewö jii möta yangöra gwötpuk welipköba mosöta yaigep anget. Mewö.

Kömupnöhök wahötwahötkö Jisös esapköm wangiget.

Mak 12.18-27; Luk 20.27-40

²³ Sadyusi (Jike nupkö kapañkölköl) yeñon ‘Kömugeri, yeñon kude wahötme,’ jiba malget. Nalö miañgöreñ yeñgöreñök tosatjan Jisösgöreñ kaba kewö qesim wangiba jiget,²⁴ d“Böhi, Mosesnön kewö jim kutum neñgiyök ahöza, ‘Azi kun ambi meiga nahönbörat qahö ahui kömuiga munñan ölop malöni memba mala gwölönarök qiwikñaim wangiiiga datñangö qet bisiba malma.’²⁵ Mötnön, nalö kunön darumun 7 malget. Datñini mutukñan ambi memba mala gwölönarökñi qahö öne mala kömuyök. Kömuiga munñan malöni mi meyök.

²⁶ “Memba mala kömuiga munñi kunñan malöni mi meyök. Meiga miañgö andöñe munñi kunön ambi miyök meyök. Mewöña mewö darumun 7 pakpak yeñon ambi mohok miyök memba gwölönarök qahö mala kömum teköget.²⁷ Kömum tekögetka qöndökñi malöni mi mewöyök kömuyök.²⁸ Göñon ‘Kömugeri, yeñon guliba wahötme,’ jizänmö, nini mi qahö möt narizin. Mötnön, azi 7 pakpak mi örörön wahötpeak ewö, ambi mohok mi anömñina meget malöhañgöra aka mönö dagö anömña akawak?”

²⁹ Mewö qesigetka Jisösnön melenđa kewö jii mötket, “Iñini keu jim sohoze. Urumelenđo Buja Kimbiñi aka Anutugö kukösumñi qahö möt kutuzeañgöra mönö janjuñ ahakze.³⁰ Ölna, kömupnöhök wahöta nalö miañgöreñ awanöm qahö akñemö, garata yeñon Sup mire maljeañgö tandök aka malme.

³¹ “Mötket! Kömugeri, yeñon guliba wahötmegö keuñi Anutunön enğöra jiyöhi, iñini mi lök oyonget me qahö? Keu mi kewö,³² e“Nöñon Anutu Abrahamgö Kembu, Aisakö Kembu aka Jeikobkö Kembuya mala kota maljal.’ Anutunön kömukömuñi yeñgö Kembuñini qahöpmö, malmal köhöikñi maljei, mönö yeñgö Kembuñina malja.”³³ Jisösnön mewö ambazip kambu kusum enğii möta welipköget. Mewö.

Jöjöpaj keu bohonñi yahöt mi denöwö?

Mak 12.28-34; Luk 10.25-28

³⁴ Sadyusi (Jike nupkö kapañkölköl) yeñon Jisös qesim wangigetka melenđa jim soroköiga keu bök akeri, mi Farisi (Köna keugö kapañkölköl) yeñon möta kaba tokoget.³⁵ fYeñgöreñök böhi kun Köna keu törörök möt kutuyöhi, yeñon kaba Jisös bötak ala kewö qesim wangiyök,³⁶ “Böhi, Mosesgö Köna keu uruñe wani jöjöpaj keu mi bohonñi ketañi akza?”

° 22.23 Apo 23.8 d 22.24 Dut 25.5 e 22.32 Eks 3.6 f 22.35-40 Luk 10.25-28

³⁷Qesim waŋgiiga meleşnök, “Bohonŋi ketanŋi mi kewö, ‘Gi urugi jömukŋi, uŋagi jömukŋi aka mötmötŋi jömukŋi miaŋjön mönö Kembu Anutugi jöpaköba malman.’ ³⁸Miaŋjön jöjöpaŋ keu bohonŋi aka mutukŋi akza. ³⁹^hJöjöpaŋ keu miaŋgö alaŋi kewö, ‘Nangi jöpaköm aŋgumakzani, mewöŋanök mönö ambazip pakpak jöpaköm engiba malman.’ ⁴⁰Jöjöpaŋ keu yahöt mi mönö Mosesgö Köna keu aka kezapqetok ambazip yeŋgö Buzup Kimbi pakpak mieŋgö bohonŋina akza.” Mewö.

Kraist mi kiŋ Deiwidkö Kembuŋi aka gwölönarökŋi.

Mak 12.35-37; Luk 20.41-44

⁴¹Farisi (Köna keugö kapaŋkölköl) yeŋön kaba tokogetka Jisösnöŋ kewö qesim engiyök, ⁴²“Inŋini Kraistköra denöwö mötze? Yaŋön mönö dagö nahönŋa akza?” Mewö jiiga meleşda jiget, “Mönö kiŋ Deiwidkö gwölönarökŋa akza.”

⁴³Jigetka jiyök, “Mewö akzapmö, denöwö aka Uŋa Töröŋan Deiwid sölölohöm waŋgiiga yaŋgöra ‘Nani Kembuni,’ qeta kewö jiyök,

⁴⁴ⁱ“Anutunöŋ kinda nöŋgö Kembuni kewö jii mörök, Göŋön mönö kaba nöŋgö böröni öŋe tatnöŋga nöŋön nalö sutŋe kerökurupki tim tötala luhut al engiba göhö köna tambö gwaröŋe al engimam. Nalö mi kam kuŋgumawaŋgö dop mönö asak-mararaŋnöŋ ki tatman.’

⁴⁵Deiwidnöŋ nanŋak mewö jiba qetŋi ‘Nöŋgö Kembuni’ jiza. Kembuni jiba mönö denöwö aka yaŋgö gwölönarökŋi mohot akawak?”

⁴⁶Mewö jiiga miaŋgö kitipŋi kunöŋ kun meleşmamgö osiba keu bök kinget. Sömaŋi miaŋgöreŋök körek yeŋön Jisös kunbuk keu kuŋgö qesim waŋgibingö kölköldömdöm aka mosötket. Mewö.

Urumeleŋgö silesile malmalgö galöm meme keu

Mak 12.38-39; Luk 11.43, 46; 20.45-46

23 ¹Nalö miaŋgöreŋ Jisösnöŋ ambazip kambulelembe aka gwarekurupŋi yeŋgöra kewö jii mötket, ²“Köna keugö böhi aka Farisi (Köna keugö kapaŋkölköl) yeŋön Mosesgö jakömbuaknöŋ tata Köna keugö könaŋi kukösum qakŋe kusum engimakze. ³Miaŋgöra keu pakpak jim kutum engimakzei, mi mönö tem kölmemö, ahakmemenŋini mi kude wuatangöme. Yeŋön keu jitŋinan jim asarimakzemö, nanŋinak mi qahö wuatangömakze. Miaŋgöra mönö i ewö kude ahakŋe.

⁴“Yeŋön keuŋi keuŋi jim kutuba miaŋgö köŋjöŋ lömbötŋi ambazip awötŋine alagun algetka mi tem kölbingö lömböriiga jaraŋbaraŋ ahakzemö, nanŋinak i kesötŋini moröŋi kunöŋ bauköm engibingö wösömötmötŋini kun qahö ahöza.

⁵^j“Yeŋön ahakmemenŋini pakpak ambazipnöŋ eŋgekŋegöra aka memakze. Baiböl keu köt (memori wös) irimunga bokisŋini mem qariba aukŋe kondela Buŋa

^s 22.37 Dut 6.5 ^h 22.39 Lew 19.18 ⁱ 22.44 Sum 110.1 ^j 23.5 Mat 6.1; Jaŋ 15.38; Dut 6.8

mötmötjinaŋgöra aiweliköm aŋgumakze. Malukuŋinaŋgö suŋe aködamungö biretji ketarji ketarji memba möndömakze.^k 6 Yerjön közölömbuarjnoj dum tatat mutukŋe jegep tatpingö mörakze aka köuluk mire qaikŋe eu tatpingö sihimji mörakze. 7Maketnoj me könanoj ambazip engeketa jölöjini jimegö möta ‘O ketarjamnini,’ qetjini mewö qetmegöra sihimjini mörakze.

8“Yerjön mewö ahakzemö, mohok-kun yarjön enögö Böhiŋini aiga injini körekraŋ yarjögö urumelŋ alaurupji akze. Miaŋgöra enögö qetjini böhinini qetmegöra kude mötme. 9Mohok-kun yarjön Iwiŋini akza. Yarjön Suep mire maljawaŋgöra gölme azi kungöra neŋgö iwinini qet mewö kude qetme. 10Kraist mohok-kun nojjon enögö ketarjamnini akzal. Miaŋgöra enögö qetjini ketarjamnini qetmegöra kude mötme.

11^l“Mewö qahöpmö, enögö sutjine bohonji akzawaŋjön mönö welen gem enŋiba malma. 12^mMewö malmapmö, kunjaŋ nanji uruŋi memba öŋgömawi, Anutunöŋ mönö i memba et al waŋgima. Kunjaŋ nanji uruŋi memba etmawi, Anutunöŋ mönö i memba öŋgöba al waŋgima.”

Jisösnoj Farisi yengöra wöziköba Yei! jiyök.

Mak 12.40; Luk 11.39-42, 44, 52; 20.47

13“O Köna keugö böhi aka miaŋgö kapaŋkölköl ambazip! Injini urumelengö silesile ambazip aketka lömböt qakŋine öŋgözawaŋgöra mönö wöziköba Yei! jizal. Ambazip Suepkö bemtohoŋ uruŋe aŋgotpepukö naŋguŋi köla jöhömakze. Nanjinak miaŋgö uruŋe qahö aŋgotze aka tosatjaŋ miaŋgö uruŋe aŋgotpingö akzei, injini i jöhöba aŋgön köl enŋimakze. 14O Köna keugö böhi aka miaŋgö kapaŋkölköl ambazip! Injini urumelengö silesile ambazip aketka lömböt qakŋine öŋgözawaŋgöra mönö wöziköba Yei! jizal. Injini malö yengöreŋ miri yuai bidaŋda gagabe köla enŋuaŋgirakze aka qetbujaŋini asuhumapköra aka köuluk köröpji köuluköba töptöpjine qemakze. Miaŋgöra Anutunöŋ keujini jim teköba likepji öŋgöŋgöŋi melejini enögö qakŋine öŋgöma.

15“O Köna keugö böhi aka miaŋgö kapaŋkölköl ambazip! Injini urumelengö silesile ambazip aketka lömböt qakŋine öŋgöza-waŋgöra mönö wöziköba Yei! jizal. Injini kunöŋ Juda ambazip kun akjaŋpköra kapaŋ köla köwetji köwetji kutuba gölmeŋi gölmeŋi lilikömakze. Mewö aketka kunjaŋ Juda neŋgö ahakmemenöŋ qekötahömawi, i mönö kusum sohom waŋgigetka könöp siagö bujaŋa kun akja. Nanjini ewö qahöpmö, indimji yahöt nanjini enŋoŋgita böliqölima.

16“Jeŋinan gömöliiga ambazip böröjine memba enŋuaŋ-girakzei, lömböt enögö qakŋine öŋgözawaŋgöra mönö wöziköba Yei! jizal. Injini

^k 23.5 Baiböl memori wös irimugaŋi mi (Dut 6.8) koropeŋ me jeŋjeŋ ewö jöhömalget. Malukuŋinaŋgö suŋe aködamungö biretji mötnöŋ memba möndömalgeri, mi Anutugö ambazip öl töhöŋŋi akerangö aiwesökŋi ahök. ^l 23.11 Mat 20.26-27; Mak 9.35; 10.43-44; Luk 22.26 ^m 23.12 Luk 14.11; 18.14

keu kewö jimakze, ‘Kunjan jöwöwöl jikegö qetne keuji jöjöpañ keunöñ jim köhöima ewö, miañön qahö köhöimapmö, kunjan jöwöwöl jikegö yuai goulñöñ memenji miangö qetne jöjöpañ keuji jima ewö, jöjöpañ keu miañön mönö jöhöm wañgima.’

17“O jegömöl ambazip mötkutukutuñini piromñi! Yuai goulñöñ memenji aka jöwöwöl jike yahöt mietköreñök wani yuainöñ öngöñgöñi akza? Goulñöñ nanjak kömbukñi qahö akzäpmö, jöwöwöl jikenöñ algetka miañön mönö mi mem kömbuhiza.

18“Keu kun kewö jimakze, ‘Kunjan altagö qetñi qeta keuji jöjöpañ keunöñ jim köhöima ewö, miañön qahö köhöimapmö, kunjan naluk kötin altanöñ ahözawi, miangö qetñi qeta jöjöpañ keuji jima ewö, jöjöpañ keu miañön mönö jöhöm wañgima.’

19“O jegömöl ambazip! Naluk kötin aka alta mietköreñök wani yuainöñ öngöñgöñi akza? Nalukñöñ nanjak eretñi akzäpmö, altanöñ algetka miañön mönö naluk mem kömbuhiza. 20Miangöra kunjan altagö qetne keuji jöjöpañ keunöñ jim köhöimawi, yañön alta aka yuai pakpak altanöñ ahözawi, mönö miangö qetne keuji jim köhöima.

21“Kunjan jöwöwöl jikegö qetne keuji jöjöpañ keunöñ jim köhöimawi, yañön mönö jike miangö aka miangöreñ mal köhöizawangö qetne keuji jim köhöima. 22“Mewöyök kunjan Suepkö qetne keuji jöjöpañ keunöñ jim köhöimawi, yañön Anutugö jakömbuak dum aka miangöreñ tatzawangö qetne keuji jim köhöima.

23^o“O Köna keugö böhi aka miangö kapañkölköl ambazip! Inini urumelenjö silesile ambazip aketka lömböt qakñine öngözawangöra mönö wölköba Yei! jizal. Inini nene pakpak mendenja bahöñi 10 miangöreñök mohot Anutugö buñaya qemakze. Gipñi, raki aka kiap kösö köt mi mewöyök mendenja tenöhök mohot mi Anutugö buñaya qemakze. Naluk mi törörök alakzemö, Köna keugö kötni bohonñi ki mönö oñgita mosörakze: Gi ambazip sutñine ahakmeme diñdini wuatangöba ak kömum anguba keu pöndañ wuatangöba malman. Keu bohonñi mi mönö kapañ köla wuatangöba malme aka keu morömorö mi mewöyök kude oñgita mosötme. 24Jenjan gömöliiga ambazip böröñine memba enñgungirakzei, inini söp obuk nembepuköra oñini saianöñ kewörakzemö, sömbup ketañi kamel mi lañ gwahörakze. 25O Köna keugö böhi aka miangö kapañkölköl ambazip! Inini urumelenjö silesile ambazip aketka lömböt qakñine öngözawangöra mönö wölköba Yei! jizal. Inini amöt qem angubingöra qambi aka al nenegö silenji sañgoñ yakömakzemö, dogo jimamoñini qahö galöm köla yuai lañ göröngöba membagun megetka nepaqepalok miañön uruñini kokolak qei malje.

26“O jegömöl azi Köna keugöra kapañ kölakzani, gi mönö mutuk qambigö uruñi sañgoññöñga silenjan mewöyök sarakñi akña. 27^oO Köna

ⁿ 23.22 Ais 66.1; Mat 5.34 ^o 23.23 Lew 27.30 ^p 23.27 Apo 23.3

keugö böhi aka miangö kapanjölköl ambazip! Injini urumelenjö silesile ambazip aketka lömböt qaknjine öngöza-wangöra mönö wöziköba Yei! jizal. Injini qaksirigö maripomni sanjongetka tuatni akeak, mönö miangö dop akze. Silenjanan eksihimjinambuk tandök akzemö, qaksirigö uruje qamöt sihit aka yuai imbilonjonambuk miangön kokolak qei ahöza.

²⁸“Miangö dop enjon mewöyök ambazip jejine ölna diñdiji tandök asuhumakzemö, urumelenjö silesile tandök aka qewölonjon mönö urujini kokolak qei malje.”

Bölöni memenangö likepni

Luk 11.47-51

²⁹“O Köna keugö böhi aka miangö kapanjölköl ambazip! Injini urumelenjö silesile ambazip aketka lömböt qaknjine öngöza-wangöra mönö wöziköba Yei! jizal. Injini kezapqetok ambazip yengö qaksirinön simen koum memakze aka ambazip solanji yengö köt kötenjini meñölomakze. ³⁰Mewö aka kewö jimakze, ‘Nejon amböskonini yengö nalönön malbinak ewö, mönö yembuk qahö toroqinga kezapqetok ambazip yengö sepninan mönö nengö qaknine qahö öngöbawak.’

³¹“Mewö jiba miangön nanjinak kezapqetok ambazip engugeri, yengö isiurupjina akzei, mönö keu mi nangöba jiba dangunu ewö kinje.

³²Miangöra amböskonjinan singisöndok könahiba akeri, miangö dop injini mönö toroqeba körek ak teköme.

³³“O soramen, injini mönö qatö moröni ewö akze. Anutunön keujini jim teköi könöp sianön gebepuköra mönö denöwö unjuratpeak? Mi mönö osime. ³⁴Miangöra mötket, nöñön kezapqetok aka mötkutukutu ambazip aka Köna keugö böhi melaim engibi engören kame. Kagetka yengörenök tosatni i enguget kömume aka tosatni maripom qakje al engime. Tosatni köuluk mirinjine örörahöm engiba keujini jim teköba ihileknön tauköm engiba közöl engigetka taonji taonji miangören anakje.

³⁵“Azi solanji Abelgö sepnjan eriga miangörenök könahiba enguba kota mala Zekaraia jöwöwöl jike kömbukni aka jöwöwöl alta mietkö sutjire qeget sepnji eri miangören teköyök. Ambazip solanji yengö sepnini gölmenön mokomalgeri, sep pakpak miangö kitipjan mönö engö qaknjine öngöma. ³⁶Nöñön keu ölni kun kewö jibi mötme: Sepninangö kitipni pakpak mi mönö ambazip merak maljei, engö qaknjine öngöi Anutunön likepni melej engii mötme.”

Jisösnön Jerusalem könagesö jöpaköm engiyök.

Luk 13.34-35

³⁷Jisösnön jiyök, “O Jerusalem Jerusalem, injini kezapqetok ambazip enguget kömugetka Anutunön ambazip melaim engii engören kamakzei, mi kötnön

¶ 23.33 Mat 3.7; 12.34; Luk 3.7 ¶ 23.35 Jen 4.8; 2 Hist 24.20-21

kumbuköm engimakze. Poi namŕan moröurupŕi ginginŕi bapŕe ala köjöhohom engimakzawi, nöŕön mönö miangö dop nalöŕi nalöŕi göhö könagesöurupki kötala tokom engimangö möta malalmö, inŕini mi tököba mala kotket.

³⁸“Mötket, Anutunöŕ mönö jike miriŕini andö qeiga sahopŕanök ahöma.

³⁹“Mewö ahömapmö, nöŕön kewö jibi mötket, inŕini ni kunbuk qahö nekŕe. Könangep nalö kun kam kuŕŕui miangöreŕ neka kewö jime, ‘Kembugö qetŕe kam neŕgizawi, Anutunöŕ mönö i kötuatköm waŕŕgima.’ Mewö.”

Jöwöwöl jikenöŕ köndenmöndeŕ asuhuma.

Mak 13.1-2; Luk 21.5-6

24 ¹Jisösnöŕ jöwöwöl jike mosöta eriga gwarekurupŕan yaŕgöreŕ kaba jöwöwöl jikegö tohoŕ uruŕe miri tatkeri, mi Jisös kondel waŕŕiget. ²Kondel waŕŕigetka melenŕa kewö jii mötket, “Miri pakpak mi ölöp engekzemö, nöŕön keu ölna kewö jibi mötket: Mi mönö köndenŕetka mirigö köt kun mi köt kuŕŕgö qakŕe qahö ahömapmö, qeqelanŕaŕ aka sahopŕanök ahöma.” Mewö.

Kahasiliŕiŕ aka sesewerowero asuhuma.

Mak 13.3-13; Luk 21.7-19

³Jisösnöŕ Oil ip kunduŕe anda tariga gwarekurupŕan nanŕinöhök yaŕgöreŕ kaba kewö qesim waŕŕiget, “Böhi, keu jizani, miangö ölni mönö wanat nalönöŕ asuhum tiŕŕitma aka göŕön kanöŕga gölmegö nalöŕan tekömamgö akŕawi, miangö aiwesökŕan mönö denöwö asuhum? Mia ölöp jinöŕ mörin!”

⁴Mewö qesim waŕŕigetka melenŕa kewö jiyök: “Kunŕan isimkakalek aiga jaŕjuŕ anbepeköra mönö galömŕini memba malme. ⁵‘Ambazip gwötpukŕan asuhuba nöŕgö qetne kewö jime, ‘Nöŕön Amötqeqe Toŕi Kraist akzal’. Mewö jiba ambazip gwötpuk tilipköm engime. ⁶Inŕini yarö miengö buzupŕini aka ötöŕini asuhetka mörakŕe. Mi möta jönömŕini undubapüköra mönö galömŕini meme. Yuai mewöŕi mi mutuhök asuhumapkö jijiŕa. Mi asuhumapmö, gölmegö nalöŕan mönö miangöreŕök zilaŕ qahö teköma.

⁷“Kantri kuŕŕan kantri kun engubingöra wahötme. Ambazip kambu kuŕŕan kambu kun yembuk aröŕ aŕgubingöra wahötme. Gölmeneŕi gölmeneŕi miangöreŕ bödiŕi bödiŕi (buöröŕi buöröŕi) asuhume aka kenöŕ ketanŕi ketanŕi mi qözöla memba gölme melenŕi gemakŕa. ⁸Yuai pakpak mi ambi körbuknöŕ masi könahiba engumakzawaŕgö dop. Gölmegö nalöŕan mönö miangö dop könahiba tekömamgö akŕa.

⁹“Mewö akŕapmö, nalö miangöreŕ tosatŕan inŕini uruŕini melenŕeraŕgöra aka gawman yeŕgö böröŕjine al engigetka sihimbölä

^s 23.38 Jer 22.5 ^t 23.39 Sum 118.26 ^u 24.9 Mat 10.22

ak engiba enguget kömume. Kantri pakpak yeñon nõngöra aka kazik ak engimakje. ¹⁰Nalö miangörej gwötpukjan mötnariñini mosöta angönañ memba kazik ak angume. ¹¹Kezapqetok ambazip takapulakanñ gwötpukjan asuhuba ambazip gwötpuk kilik-kaluk ak engigetka janjuñ anakje.

¹²“Iwilele Tojan sehiba ambazip galöm köl engimawañgöra aka urumelen ambazip sehesehiñ yeñgö urunjan amöriiga urukalemñinan söörauma. ¹³”Kunjan kapan köla köhöiba böñ qeba kinda maliga gölmegö nalöñan tekömawi, yañon mönö oyaenköyaen buña qem anguma. ¹⁴Anutugö bemtohoñangö Ölöwak Buña ki mönö mutuk gölmegö kantriñi kantriñi pakpak miangörej jim sehigetka könagesö dop nanñonangö keuñi mötketkun gölmegö nalöñan miangö andöñe teköma.” Mewö

Jerusalem sitigö köndenmöndey uru-önönjambuk

Mak 13.14-23; Luk 21.20-24

¹⁵“Kezapqetok azi Danielnöñ köndenmöndey uru-önönjambukö keuñi jii ahöza. Keu miangö dop tosatñan kaba köndenmöndey aka yuai angjöjörakñambuk mi jöwöwöl jike töröñe alget kiniga ekjei, - keu ki oyoñmawañon mönö ölop kezap ala möt kutuma- ¹⁶nalö miangörej Judia prowinsnöñ malmei, eñon mönö misinñgöba öröba kundue anme. ¹⁷”Miri kösutñe sombemnöñ malmawañon mönö eta gösö yuaiñi memamgöra miri uruñe kude öñgöma. ¹⁸Nupnöñ anda malmawañon mönö mewöyök malukuñi memamgöra lilingöba mirinöñ kude anma.

¹⁹“Ye! Ambi gölömbuk aka morö juzunöñ yeñon nalö miangörej denöwö ösumñinan anbeak? ²⁰Miangöra yuai mi kie uru me Sabat kendongö nalöñe kude asuhumapköra köuluköme.

²¹”Mi kewögöra: Nalö miangörej kahasililiñ keta bölöknñi asuhuma. Kahasililiñ dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangörejök könahiba nalö kiangörej mala kota nalö sutñe kun kude asuhuyök. Mönöwök qahö asuhuyök aka könangep nalö kunöñ kunbuk qahö ahuma. Miangöra mönö köuluköba malme. ²²Kembunöñ wahöjaliniñ nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön miengö qötöñini mem törima.

²³“Nalö miangörej kewö jime, ‘Mötket! Kraistnöñ ki malja,’ me ‘Eket! Amötqeqe Tojan endu kinja.’ Kunjan mewö jima ewö, mi mönö kude möt narime. ²⁴Mi kewögöra: Amötqeqe toñi muneñi aka kezapqetok ambazip takapulakanñ asuhuba angöletot aka aiwesök ketañi ketañi megetka letotme. Mewö letotketka Anutunöñ ambazip nanñangöra möwölöhöm

° 24.13 Mat 10.22 ° 24.15 Dan 9.27; 11.31; 12.11 * 24.17-18 Luk 17.31 ° 24.21 Dan 12.1; Ind 7.14

enjiyöhi, i mewöyök enjololon mem engimegö esapköba kapan kölgetka janjuj akepak. Enjön ölöpnanök galömnini memba malgetka mi osibeak.
 25 Mötket! Nöñon yuai pakpak mi qahö asuhuiga qeljine lök jibi mötze.”

Suep gölmegö azi ölnan mönö asuhum tiñgitma.

Mak 13.24-27; Luk 21.25-28

26^z“Miangöra ‘Amötqeqe Tonjan mönö gölme apopamkölkölje malja,’ mewö jiget mötme ewö, miangörene mönö kude anme. Me ‘Mötket! Kraistnön mönö miri miangö uruje asuhaba tatzawi,’ mewö jiget möta mi kude möt narime. 27Mi kewögöra: Suep gölmegö azi ölnan kunbuk kamawi, nalö mi mönö wöbilikö dop kewö akña: Mi wehön kotkotneyök zilañ biliksik ala likepeñe wehön gegeñe dop köla asariba ani ekzini, yañon mönö miangö dop asuhuma.

28^a“Sömbup gisakñan kungen ahöiga, manu köraraknön miangörene öröba tokomakzei, miangö dop asuhuma.” Mewö

Suep gölmegö azi ölnan asuhuma.

Mak 13.24-27; Luk 21.25-28

29^b“Wahöjalij nalö miangön teköiga miangöreneök wehön jeñan injañ köliga köiñnön ömun kölma. Senjelau yeñon suepnöhök teköba etme aka suepnön uturuköiga miangö öroyuaiñi mi tatatñini mosöta enjololon aketka sohoma. 30^cNalö miangörene Suep gölme azi ölnangö aiwesökñan suepnön asuhuiga ekñe. Nalö miangörene gölmegö könagesö pakpak yeñon jingene köla sahötme. Sahöta Suep gölmegö azi ölni yañon suepkö kousu qakñe kañgori ekñe. Kukösunñi ketañan saköl-dinñambuk aukñe asuhuiga asakmararañi ekñe. 31Kañgori eketka tömunñi qainñi kun ugetka ötönj köhöikñi mötketka Suep garataurupñi melaim engiiga yeñon ambazip Anutunön nanñangöra möwölöhöm enjiyöhi, i gölme görañi likeplikep euke emuke miangöreneök kölolohoba enñuanñitme.” Mewö

Geröp ipkö dopkeu

Mak 13.28-31; Luk 21.29-33

32“Injini geröp ip eka tandökñi mötmöriba dopkeu ki mötme. Böröñan lök oñambuk aiga sinñini yoñgoigetka mi eka möta kewö jimakze, ‘Wehön nalöñan mönö dopdowiza.’ 33Enjön mewöñanök aiwesök miangö dop asuhuiga eka möt asariba könañi kewö jime, ‘Jisösnön mönö nanñunön dopdowiza.’

34“Nöñon keu ölni kun kewö jibi mötket: Ambazip ki merak gölmenön maljei, yeñon qahö kömugetka yuai pakpak jizali, mi mönö yeñgö

^z 24.26-27 Luk 17.23-24 ^a 24.28 Luk 17.37 ^b 24.29 Ais 13.10; 34.4; Eze 32.7; Joel 2.10, 31; 3.15; Ind 6.12-13 ^c 24.30 Dan 7.13; Zek 12.10-14; Ind 1.7

malmal nalöjine asuhuma. ³⁵Suep gölmenöj ayapkömahotmö, nöngö Buja keunan mönö nalö kunöj qahö ayapköma.” Mewö.

Jisös kamawaŋgö nalöji mi kunjan qahö mötza.

Mak 13.32-37; Luk 17.26-30, 34-36

³⁶“Suep gölmegö azi öljän kamapmö, dawinöj kam kuŋgumawi, miangö wehönji me aua nalöji mi kunjan kun kude mötza. Suep garatanöj mi qahö mötze. Anutugö Nahönjan mewöyök mi qahö mötza. Iwinöj nanjök mi mötza. ³⁷^dMönöwök Noagö nalöje ambazipnön malmalini qemasolokep qakje mala ayuhugeri, miangö dop mönö Suep gölmegö azi öljän kunbuk kamawaŋgö nalöje asuhuma.

³⁸“O göulu ketajan qahö kaiga qeljiŋe miangörej ambazip nene lömbuan ala o köhöikni nempa ambi kenam bohonjanjö alget anda kaiga anjömeget. Ahakmeme mewö aka memba qemasolokep malgetka Noanöj waŋge uruŋe öngöyöhi, silim miangörej teköyök. ³⁹^eTeköiga wanat yuai asuhumawi, mi qahö mötketka o göulu ketajan kaba jinonji qahö ayuhum enjyök. Könanjep Suep gölmegö azi öljän kunbuk kamawi, nalö miangörej ambazipnön mewöjanök qemasolokep aka mala ayuhume.

⁴⁰Nalö miangörej azi yahöt nupnön malohotka yetkörejök kun waŋgita kun mosötme. ⁴¹Mewöjanök ambi yahöt tawej urasiba (bunahöba) tatmahori, yetkörejök kun waŋgita kun mosötme.

⁴²“Kembunöj kamawaŋgö nalöji me auani qahö mötzeanjöra mönö uruguliguli aka malme. ⁴³^fGwölö malbingö keu ki mönö möt kutume: Sunjem aiga kegwek-kahasililiŋ azinöj wani nalönöj me auanöj kamawi, miri tojan mi mötpawak ewö, yanön mönö gwölö mala mirinji öljöjanök galöm meiga qesiŋda öngömamgö osima. ⁴⁴Inini ‘Suep gölmegö azi öljän nalö kianjörej qahö kanjotma,’ jiba mötmörigetka yanön mönö nalö miangörejök kanjotma.” Mewö.

Nup azinöj silekmales mala ayuhuyök.

Luk 12.41-48

⁴⁵“Mewö aiga nup meme ambazip sutjine daŋön tiŋ kutuba tosatji enjogitza? Tosatjan söörauba nup mosötketka kunjan mötkutukutu öljöjanjö qakje kapaŋ köla pöndaŋ memakzawi, yanön mönö simbawon akza. Miri tojan ahakmemeŋi kewöta eka kungen anda mirinjanjö öroyuaiŋi mi böröje ali galöm akja. Galöm aka welenqeurupŋi jiyöhanjö dop köyan köla nalö diŋdiŋe gumohom enjimakja. ⁴⁶Mewö köyan köl enjiba maliga tojan liliŋöba kaba mewö eka mönö simbawon jima.

^d 24.37 Jen 6.5-8 ^e 24.39 Jen 7.6-24 ^f 24.43-44 Luk 12.39-40

47“Nöñön keu ölni kun kewö jibi mötket: Toñan simbawon jiba sukinapni pakpakö galömni kuñgum wañgima. 48Kuñgum wañgimapmö, nup meme okonji yanñon uruñan mötmöriba kewö jima ewö, ‘Kembunangö kaka nalöñan mönö köröpni ahöza.’ 49Mewö jiba könahiba nup meme ambazipurupni eñgum ureiba közölömbuan ala söñgaiba o köhöikni namba uruñi sohoiga eñololoñ silekmalek aka malma.

50“Mewö mala nalö kunöñ kembuñi kañgotmapköra qahö mambötmawi, mönö miangörej kañgotma. Nalögöra ikmaok inululuñ mali mönö aua miangörej kañgota 51qeba yayiapaleleñ mem wañgiba jim kutuiga urumelenö silesile ambazip ewö könöp sianöñ geba sihimbölö mötma. Mewö möta sahöt gigilahöba irimñini yöhözömögögetka qetñi qeri malme.” Mewö.

Ambi seram tengö söpsöp keu

25 1^gJisösnöñ jiyök, “Kunbuk kamami, nalö miangörej Suepkö bemtohoñan kewö akña: Maren lömbuan nalöñe ambi seram jömukni tenñan ‘Azi buñabuk aitongöbin,’ jiba kiwanini memba könanöñ anget. 2Yeñgörejök 5 mi mötkutukutuñinambuk aketmö, tosatñi 5 yeñgö mötkutukutuñini mi piromni. 3Mötkutukutuñini piromni yeñon kiwanini megetmö, könöp (kuwiñ) kelökñi^h qahö memba anget. 4Mötkutukutuñinambuk yeñon kiwanini aka kuwiñ kelök kiringñini mewöyök memba anget. 5Angetka azi buñanöñ zilañ qahö kaiga mambötketka nalö köriyöhañgöra körek yeñgö jeñini böñböñ meiga nöropñini eri sipköba gaun ahöget.

6“Gaun ahögetmö, suñgem bibiñe kunöñ tömun qeri qet kewö mötket, ‘Mötket, azi buña kazawo! Mönö yanğörej anda aitongöme.’ 7Qet mi möta ambi seram ten mi körekñan wahöta kiwanini memba möhamgöba ohotiriget. 8Ohotirigetka mötkutu-kutuñini piromni yeñon mötmöt ambi yeñgörej kaba kewö jiget, ‘Neñgö kiwaninan böközawañgöra eñon mönö kuwiñ kelökñi tosatñi neñgime.’

9“Mewö jigetka mötkutukutuñinambuk yeñon melenđa kewö jiget, ‘Qahö. Mi inini aka nini dopnine qahö. Miangöra mönö stuanöñ anda nanñini kuwiñ kelökñini söñgöröñi meme.’

10“Mewö jigetmö, kuwiñ kelökñi bohonni mbingöra anda könanöñ malgetka azi buñanöñ mönö miangörejök kañgorök. Ambi seram jöjöröba kingeri, yeñon anda yambuk aitongöba maren lömbuan miri uruñe öngögetka nañguni kölget. 11ⁱAmbi seram stuanöñ angeri, yeñon mewöyök könangep kañgota nañgu qeba kewö qetket, ‘Kembu Kembu, mönö nañgu metal neñginöñ!’

^g 25.1 Luk 12.35 ^h 25.3 Könöp (kuwiñ, qiwiñ) kelökñi mi Oil ipkö kötni mözözamögögetka kelökñi mi asuhuyök. Miri söñauiga ip suñe opo köpeiba kelök miangörej kundumgöba kiwa ohotiriba könanöñ angetka 15 minitkö dop jeyök. ⁱ 25.11-12 Luk 13.25

¹²“Mewö qetketmö, kewö melenja jiyök, ‘Qahö. Ni injini qahö möt engizal. Keu ölja mi jizal.’ ” ¹³Jisösnöj söpsöp keu mewö jiba gwarekurupni yengöra keu kewö jii mötket, “Injini ni kamamanjö nalöni me auanj kude mötzeanjöra mönö uruguliguli aka malme.” Mewö.

Monej esu galöm kölgeranjö söpsöpkeu.

Luk 19.11-27

^{14j}“Mönö dopkeu kianjö dop asuhuma: Azi kun mirinji mosöta köröwen kantri kunjan anmamgö möta welenqeaurupni engoholi kagetka monej sukinapni galöm kölmegöra jim kutum engiba böröjine alök. ¹⁵Nup memejini kewöta ölni dawik asuhumawanjö dop möta nup meme azi kungöra monej esu 5 (Kina 5000,-) wanjiba kun monej esu yahöt (Kina 2000,-) wanjiba kun mohok-kun (Kina 1000,-) wanjiyök. Mewö galöm kölmegöra mendenj engiba engömosöta anök.

¹⁶“Azi Kina 5000,- meyöhañon miangöreñök anda kölköl-örörö nup meiga monej sehiiga esu 5 kunbuk meyök. ¹⁷Mewöñanök Kina 2000,- meyöhañon anda kölköl örörö nup meiga monej sehiiga esu yahöt kunbuk meyök.

¹⁸“Mewö meyohotmö, azi monej esu mohok-kun (Kina 1000,-) meyöhañon mönö mosöta anda gölme esiba azi kembujanjö moneji löm köla asambörök. ¹⁹Nalö köröpni teköiga welenqe qengö azi kembujanin lilingöba kaba ‘Nup megeranjö kösohotjini möta kewötmam,’ jiba köl öröm engiiga kaget.

²⁰“Mewö kagetka azi Kina 5000,- meyöhañon jeje kanjota esu 5 kunbuk toroqeba memba kaba kewö jiyök, ‘Ketañamni mötnöj, göñön monej esu 5 niñginöni, nöñön miangö kölköl öröröni membi sehiiga esu 5 kunbuk asuhiiga memba kazal.’

²¹“Mewö jiiga azi kembujan kewö melenj wanjiyök, ‘Mi ölop. Gi nup meme azi ölopni memburik-qemburiki qahö. Gi yuai awamni memba mi kapañkapañ aka galöm köla malnönga sehiyök. Miangöra nöñön yuai gwötpuk göhö böröge albi miangö galömña malman. Ölop kaba azi kembugi nöngö miri urupe kanjota mohotje sösonggai aka malbin.’ ²²Azi Kina 2000,- meyöhañon mewöñanök kanjota kewö jiyök, ‘Ketañamni mötnöj, göñön monej esu yahöt niñginöni, nöñön miangö kölköl-öröröni membi sehiiga esu yahöt kunbuk asuhiiga memba kazal.’

²³“Mewö jiiga azi kembujan kewö melenj wanjiyök, ‘Mi ölop. Gi nup meme azi ölopni memburik-qemburiki qahö. Gi yuai awamdökni memba mi kapañkapañ aka galöm köla malnönga sehiyök. Miangöra nöñön yuai gwötpuk göhö böröge albi miangö galömña malman. Ölop kaba azi kembugi nöngö miri urupe kanjota mohotje sösonggai aka malbin.’

²⁴“Miangö andöje azi monej esu mohok-kun (Kina 1000,-) meyöhañon kanjota kewö jiyök, ‘Ketañamni mötnöj, nöñön könañamgi kewö möt

^j 25.14-30 Luk 19.11-27

yaköyal: Azi kembunan mönö azi köhöikni könöpꞑambuk akza. Nangak nene kötꞑi qahö qesin gilnönga miaᅇgöreᅇ mönö töndup ölni sounöᅇ yandiba memamgö mörakzan. Padi kötꞑi qahö esinöᅇ geiga miaᅇgöreᅇ mönö töndup ölni qezakömamgö mörakzan.

²⁵“Mewö möt yaköba keᅇgötꞑni möta anda göhö moneᅇ esugi mi gölmenöᅇ asambötꞑiga ahöyök. Eknöᅇ, moneᅇ esu niᅇginöᅇni, miyöhök mönö törörök ki.” ²⁶Mewö jiba mi waᅇᅇiyökmö, azi kembuᅇan melaᅇda kewö jim waᅇᅇiyök, ‘Gi injarere aka welenqeᅇ bölöᅇni akzan! Gi könaᅇamni möt yakönöᅇ: Nanak nene kötꞑi qahö qesin gilbiga miaᅇgöreᅇ mönö töndup ölni sounöᅇ yandiba memamgö mörakzal. Nanak padi kötꞑi qahö esibi geiga miaᅇgöreᅇ töndup ölni qezakömamgö mörakzal. Nöᅇgö tandökni mewö möt yaköbagun mönö wuanöᅇgöra ak sohoba malnöᅇ?’

²⁷“Gi nöᅇgö moneᅇni benknöᅇ alnöᅇga dop kölbawak. Benknöᅇ alnöᅇga qariiga liliᅇgöba kayali, nalö kiaᅇgöreᅇ mi ölop suᅇambuk membileᅇak.” ²⁸Toroqeba tosatꞑi yeᅇgöra jiyök, ‘Iᅇini mönö qözlöm injarere azi miaᅇgö moneᅇ esuᅇi mi waᅇᅇgita kun esu 10 miwikᅇaiyöhi, mönö i waᅇᅇgime.’

²⁹^k“Dopkeu kiaᅇgö könaᅇi kewö: Denike yeᅇgöreᅇ yuai ahözawi, körek yeᅇgöra mönö toroqeba eᅇgiget sehiiga keleᅇmaleleᅇ ahöm eᅇgima. Mewö sehimapmö, kungöreᅇ yuai kun qahö ahözawi, yaᅇgöreᅇ yuai mi mönö mewöyök waᅇᅇitketka öne töhöntöhön malma. ³⁰^lAyop, welenqeᅇ azi omaᅇi nupᅇaᅇgö ölni qahö i mönö yaigeᅇᅇe gilgetka söᅇaupnöᅇ gema. Miaᅇgöreᅇ geba sahöᅇ gigilahöba göböᅇni yöhözöᅇmᅇgetka qetᅇi qeri malme.” Mewö.

Jimteköteköᅇö nalö ketaje kewö asuhuma:

³¹^m“Sueᅇ gölmeᅇö azi ölnan kinda Sueᅇ garata pakpak eᅇᅇuaᅇᅇgita mohotᅇe kamei, nalö miaᅇgöreᅇ Sueᅇkö asakmararaᅇan asuhuiga yaᅇön Kiᅇ Kembangö jakömbuak dumnöᅇ tatma. ³²Tata jiiga gölmeᅇö ambazip kambu pakpak qezaköm eᅇgigetka yaᅇgö jeᅇe asuhume. Asuhugetka lama galöᅇᅇan lamaurupᅇi meme (noniᅇ) yeᅇgöreᅇök mendeᅇ eᅇgizawi, miaᅇgö dop i mendeᅇqendeᅇ ak eᅇgima. ³³Mi ak eᅇgiba jiiga lama mi böroᅇni ölje aka meme (noniᅇ) mi qaniᅇe al eᅇgime.

³⁴“Mewö al eᅇgigetka Kiᅇ Kembunöᅇ böroᅇni ölje kinmei, yeᅇgöra kewö jima, ‘Nöᅇgö Iwinan kötuatköm eᅇᅇi malgeri, iᅇini mönö kaget. Iwi Anutuninan gölme pakpak miwikᅇaim eᅇᅇiyöhi, nalö miaᅇgöreᅇök lök eᅇgöra bemtohoᅇ mözözöᅇmᅇgöba mei jöjöröba ahöba kotzawi, iᅇini mönö kaba mi buᅇa qem aᅇᅇguba malme.

^k 25.29 Mat 13.12; Mak 4.25; Luk 8.18 ^l 25.30 Mat 8.12; 22.13; Luk 13.28 ^m 25.31 Mat 16.27; 19.28

³⁵ ‘Mi kewögöra jizal: Nöñön yakanangö kömumba malbiga injini nene ningiba malget. Nöñön ogöra qemjeñ qeba malbiga injini o ningiba malget. Nöñön kian aka malbiga injini köl öröm ningigetka mirinjine öngöba malal. ³⁶ Nöñön sile esunangöra osiba malbiga injini opo kereñ ningiba malget. Nöñön kawöl nöhöi ahöbiga injini galöm köl ningiba malget. Nöñön kösö mire malbiga injini ni nekingöra miangöreñ kaba malget.’

³⁷ “Mewö jiiga ambazip solanji yeñön kewö meleñ wañgiba jime, ‘Kembu, gi mönö wani nalönöñ yakagahö kömunöñ geke gumohom gihiba malin? Mönö wani nalönöñ ogöra qemjeñ qeba malnöñga geke o gihiba malin? ³⁸ Mönö wani nalönöñ kiana kanöñga geke köl öröm ghiinga mirinine öngönöñga malin? Mönö wani nalönöñ sile esugahöra osiba malnöñga geke opo kereñ gihiba malin?’

³⁹ ‘Möno wani nalönöñ kawöl göhöi ahönöñga geke me kösö mire malnöñga möta gi gekingöra göhöreñ kaba malin?’ ⁴⁰ Mewö jigetka Kin Kembunöñ meleñda kewö jii mötme, ‘Nöñön keu ölni kun kewö jibi mötme: Injini nani urumeleñ alaurupni etqeceñi kiengöreñök kungöra yuai kun akeri, mi pakpak mönö ni ak ningiba malget.’

⁴¹ “Mewö jiba miangö andöñe böröñi qaniñe kinmei, yeñgöreñ meleñda kewö jima, ‘Twinan qesuahöm engii malgeri, injini mönö nömosöta kesalget. Könöp sia teteköñi qahö jem öngömawi, mönö miangöreñ anda geme. Anutunöñ mi Bölöñangö Toñi aka yañgö garataurupñi yeñgöra mözözömgöba meköiga jöjöröba ahöza. ⁴² Mi kewögöra jizal: Nöñön yakanangö kömumba malbiga injini nene qahö ningiba malget. Nöñön ogöra qemjeñ qeba malbiga injini o qahö ningiba malget.’

⁴³ ‘Nöñön kian aka kabiga injini qahö köl öröm ningigetka mirinjine qahö öngöba malal. Nöñön sile esunangöra osiba malbiga injini opo kereñ qahö ningiba malget. Nöñön kawöl nöhöi ahöyal aka kösö mire malalmö, injini ni nekingöra miangöreñ qahö kaba malget.’

⁴⁴ “Mewö jiiga yeñön mewöyök meleñ wañgiba kewö jime, ‘Kembu, gi mönö wani nalönöñ yakagahö kömunöñ me ogöra qemjeñ qeba malnöñ me kiana malnöñ me sile esugahöra osiba malnöñ me kawöl göhöi ahönöñ me kösö mire malnöñga nini gi qahö welen qem gihiba malin?’

⁴⁵ “Mewö jigetka meleñda kewö jii mötme, ‘Nöñön keu ölni kewö jibi mötme: Injini urumeleñ alaurup etqeceñi kiengöreñök kungöra yuai kun qahö akeri, mi pakpak mönö ni qahö ak ningiba malget akza.’

⁴⁶ “Mewö jii mötketka likepñi meleñ engii qakñine öngöiga aköm engii anda sihimbölö nalö teteköñi qahö möta mal öngöme. Mewö mal

ⁿ 25.46 Dan 12.2

öngömömö, solanji yeñön oyaenköyaen malmal mi nalö teteköñi qahö mal öngöba malme.” Mewö.

Jisös qein kömumapkö aᅅgönaᅅ alget.

Mak 14.1-2; Luk 22.1-2; Jon 11.45-53

26 ¹Jisösnöᅅ keu pakpak mi jim teköba gwarekurupᅅi kewö jii mötket, ²“Silim yahöt teköigun Pasowa kendonᅅi kam kuᅅguma.^p Ijini mi ölop mötze. Kam kuᅅguiga Suep gölmeᅅö azi ölnᅅi mi kian gawman yeᅅgö böröᅅine algetka maripomnöᅅ qegetka kömuma.”

³Nalö miaᅅgöreᅅ jike nup galöm aka kantrigö jitᅅememe yeñön tokoba jike nup galöm bohonᅅi qetᅅi Kaiafas yaᅅgö jakömbuak miriᅅe tatket. ⁴Miaᅅgöreᅅ tata denöwö möndöᅅninga Jisös ölöᅅ memba qeget kömumbawak, miaᅅgö könaᅅi jaruba kewötket. ⁵Jaruba kewöta kewö jiget, “Ambazip irimᅅini seholiiga karimᅅi karimᅅi asuhubepuköra mi sösoᅅgai kendon nalöᅅe akingö osibin.” Mewö.

Ambi kunöᅅ Jisös o umköhöwakᅅambuknöᅅ miriyök.

Mak 14.3-9; Jon 12.1-8

⁶Jisösnöᅅ Betani mirinöᅅ mala Saimon kun uzikukuᅅi mem solaniyöhi, yaᅅgö mire öᅅgöba tarök. ⁷Miaᅅgöreᅅ nene memba tariga ambi kunöᅅ köt-kirin kun memba yaᅅgöreᅅ kayök. Kirin mi nöluk tuat-tuat qetᅅi alabastö miaᅅᅅön memeᅅa. Mia o umköhöwakᅅambuk miaᅅᅅön kokolak qeᅅeᅅa. Yaᅅᅅön mi bohonᅅi ketaᅅan memba kaba oᅅi Jisösgö nöroᅅᅅe mimbiliba miriyök.

⁸Miriiga gwarekurupᅅan mi eka urubölö aka kewö jiget, “Mi mönö wuanöᅅgöra mewö ayuhuzawi? ⁹O kelökᅅambuk mi bohonᅅi memegöra ali moneᅅ öᅅgöᅅᅅöᅅan asuhuiga mi ambazip wanapᅅi eᅅᅅiiga dop kölbawak.”

¹⁰Jisösnöᅅ urumötmötᅅini mi ek kutuba kewö jii mötket, “Ambi kiaᅅgö uruᅅi mi wuanöᅅgöra mem böliize? Yaᅅᅅön silik ölopᅅi ak soroköm niᅅᅅiiga dop kölja. ¹¹Ambazip wanapᅅi mi nalöᅅi nalöᅅi sutᅅine malmemö, nöᅅön eᅅᅅö sutᅅine nalö dop qahö malmam.

¹²“Nöᅅön kömumbi löm köl niᅅᅅimeaᅅgöra aka kelök miaᅅᅅön sileni nömiriza. ¹³Nöᅅön keu ölnᅅi kun kewö jibi mötket: Ölöwak Buᅅa ki kantri igen waigen jim sehigetka anmawi, miaᅅᅅöreᅅ ambi kiaᅅᅅön yuai ak niᅅᅅizawi, miaᅅᅅö buᅅaᅅi mohok jiget sehiiga yaᅅᅅöra mötmöriiba malme.” Mewö.

^p 26.2 Eks 12.1-27 ^p 26.2 Pasowa mi nanine keunöᅅ Ak-kömukömu kendon. Keu miaᅅᅅö könaᅅi: neᅅᅅehoriba neᅅᅅoᅅgirök. Eksodus 12.15 ^q 26.7 Luk 7.37-38 ^r 26.11 Dut 15.11

Judasnōḡ Jisōs mamalolo mem waṅgimamgō urumohot ahōk.

Mak 14.10-11; Luk 22.3-6

¹⁴Nalō miangōreṅ gwarekurupṅi 12 yeṅgōreṅōk kun qetṅi Judas Iskariot yaṅōn jike nup galōm yeṅgōreṅ anda ¹⁵*kewō qesim eṅgiyōk, “Nōḡōn Jisōs mamalolo mem waṅgiba bōrōṅine albīga eṅōn tōwa wania niṅgibeak?” Qesim eṅgiiga silwō monēṅ kōtṅi 30 oyoṅda bōrōṅe alget. ¹⁶Aua miangōreṅōk kōnahiba Jisōs nalō kungen mamalolo mem waṅgimamgō kōna mōt jaruba kōiṅbiṅgōba malōk. Mewō.

Jisōsnōḡ gwarek yembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷Beret yistṅi qahō miangō kendon silim mutukṅe (Seqononōḡ) gwarek yetkōn Jisōsgōreṅ kaba kewō qesim waṅgiyohot, “Bōhi! Nini miri denikeaṅgōreṅ anda pasowa lama mōzōzōmgōm gihiziga neman? Sihimḡi denōwō ahōza?”

¹⁸Qesim waṅgiyohotka kewō meleṅnōk, “Iṅiri Jerusalem sitinōḡ öṅgōba azi kun mōtzali, i miwikṅaiba kewō jiyohotka mōtma, ‘Bōhinōḡ jiza: Nōḡgō nalōnan mōnō’ dopdowiza. Nōḡōn gōhō mire kaba gwarekurupṅi yembuk Pasowa lama membin.’” ¹⁹Gwarek yetkōn Jisōsnōḡ jim kutum etkiyōhi, miangō dop aka Pasowa lama mōzōzōmgōyohot.

²⁰Mare aiga miri sōṅauiga Jisōsnōḡ gwarekurupṅi 12 yembuk miri miangōreṅ kaṅgota öṅgōba dum kōsutṅe tata nene mendeṅda neget.

²¹Nene negeraṅgōreṅ Jisōsnōḡ kewō jii mōtket, “Nōḡōn keu öḷṅi kun kewō jibi mōtket: Eṅgōreṅōk kunṅan mōnō mamalolo mem niṅgima.”

²²Mewō jii mōta miangōreṅōk uruṅinan wōsōbirik ketaṅi aiga kōnahiba nanḡōk nanḡōk qesim waṅgiba jiget, “Kembu, mōnō nōḡgōra jibanbuk?”

²³“Qesim waṅgigetka kewō meleṅnōk, “Nōmbuk beret kulurṅnōḡ kundumgōzawi, mōnō yaṅōn. ²⁴Suep gölmegō azi öḷṅan mōnō yaṅgōra keu ohoget ahōzawaṅgō dop öḷṅa gölme mosōta anmapmō, kunṅan i mamalolo mem waṅgimawi, yaṅgōra mōnō Yei! jiba sahōtzal. Miangō likepṅi kanjamṅambuknōḡ mōnō yaṅgō qakṅe öṅgōma. Azi mi nam kōrō uruṅeyōk qahō asuhubawak, miaṅōn mōnō amqem waṅgibawak.” Mewō.

²⁵Mewō jiiga Judas mamalolo mem waṅgimawaṅōn kewō meleṅda jiyōk, “Bōhi, mi mōnō nōḡgōra jibanbuk?” Jisōsnōḡ kewō jii mōrōk, “Jizani, mōnō mewō!” Mewō.

* 26.15 Zek 11.12 † 26.18 Anutunōḡ Jisōs kōmumawaṅgō nalōṅi alōhi, miangōra jiza.

“ 26.23 Sum 41.9

Kembubuk semön qëndökñi neget.*Mak 14.22-26; Luk 22.14-20; 1 Kor 11.23-25*

²⁶Nene nembra tata Jisösnöñ beret memba kötuetköba mindipköba enjgiba kewö jiyök, “Ki nani busuni. Ki memba neget.”

²⁷Mewö jiba wain qambi memba saiwap jiba enjgiba kewö jiyök, “Injini körek qambi kiangöreñök neget. ²⁸ⁱKi nani sepi. Mi Anutunöñ ambazip yembuk jöhöjöhö arej aiga köhöimapköra sepi mokoget geiga ambazip gwötpuk yejgö siñgisöndokñini mosötma. ²⁹Nöñön keu kun kewö jibi mötket: Nöñön wain kösögö öljñi ki kiangöreñ kunbuk toroqeba qahö nemam. Könañep Iwinangö bemtohoñ uruñe eu taringa közölömbuan almawi, wehön miangöreñ mönö wain o qainñi kun mia nemam.”

³⁰Mewö jiiga sösongai lijnet köla mosöta anda Oil ip kundunje öñgöget.

Pitönöñ Jisös qañ kölmapkö jii mörök.*Mak 14.27-31; Luk 22.31-34; Jon 13.36-38*

³¹ⁱÖngöba Jisösnöñ kewö jii mötket, “Kezapqetok azi kunöñ keu kun kewö ohoi ahöza, ‘Nöñön galömjñini qebiga lama kambujan deñme.’ Miangö dop enñön körek sunjem kiangöreñ uruñini nöñgöra aka bölliiga nömosöta buratime. ³²ⁱBuratigetka nuñgumemö, nöñön mönö kömupnöhök wahöta mutuk Galili prowinsnöñ anda miangöreñ asuhum enjgimam.”

³³Mewö jiiga Pitönöñ meleñda kewö jii mörök, “Yeñön körek uruñini göhöra aka bölliiga gömosöta buratime ewö, nöñön mönö töndup nalö kunöñ qahö gömosötmam.” ³⁴Jiiga Jisösnöñ jii mörök, “Nöñön keu öljñi kun kewö jibi mötnöñ: Kuruknöñ qahö qeriga göñön merak sunjem qañ köl niñginöñga indimñi karöbut akña.”

³⁵Mewö jiyökmö, Pitönöñ kewö jii mörök, “Böhi! Mewö qahöpmö, ni nuñgugetka göbuk mohotje kömumbirak, mi töndup nöñön gi qahö qañ köl gihimam.” Gwarek tosatñi pakpak mewöyök keu miyöhök jiget. Mewö.

Jisösnöñ Gezemane arönöñ köuluköyök.*Mak 14.32-42; Luk 22.39-46*

³⁶Mewö eraum möta anda yembuk arö kun qetñi Gezemane miangöreñ angotket. Angota Jisösnöñ gwarekurupñi kewö jii mötket, “Nöñön endu anda köuluköbiga injini ölop nalö sutñe ki nanñinök tatme.”

³⁷Mewö jiba Pitö aka Zebedigö nahönyahötñi yahöt etkuangita angetka Jisösnöñ könahiba wösöbirik möriga köñjilijñan köna böröñi qeköyök.

³⁸Nalö miangöreñ kewö jii mötket, “Nöñgö urunan mönö kondum köla kotzawañgöra aka wösöbirik mötpiga kömukömunñi ak niñgiza. Injini ölop kiangöreñ tata nömbuk guli malbin.”

ⁱ 26.28 Eks 24.8; Jer 31.31-34 ⁱ 26.31 Zek 13.7 * 26.32 Mat 28.16

³⁹Mewö jiba nanjök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Mianğöra sihimgi ahöza ewö, sihimbölögö qambiñi kianjön mönö nönğö qakne öngöbapüköra noanjitman. Noanjitman me qahö, mi mönö nangi jit keugahö dop asuhuma. Mi nönğö sihimğö dop qahö.”

⁴⁰Mewö jiba lilingöiga gwarekurupñi karöbut yejñon gaun ahöget engeka Pitögö kewö jii mörök, “Injini aua mohot-töp nömbuk guli malbingö kude köhöize me? ⁴¹Uruninan guli malbingö sihimñi mörakzinmö, sileninan lölöwöröñi akza. Mianğöra esapesapnön et engubapüköra mönö köuluköba guliguli malme.”

⁴²Mewö jii möriga kunbuk engömosöta anda indimñi yahöt aiga kewö köuluköba jiyök, “Iwini, sihimbölögö qambi kianjön qahö nongitma ewö, mi ölop nemam-mö, mi mönö nangi j itkahö dop asuhuma.”

⁴³Köuluköba lilingöiga jeñini böñbön meyöhanğöra kunbuk gaunök ahöget engehök. ⁴⁴Kunbuk engömosöta likep anda keu miyöhök kunbuk jiba köuluköiga indimñi karöbut ahök. ⁴⁵Gwarek yengörej lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunön Suep gölmegö azi ölni mamalolo mem wanğiiga bölöñi meme yengö börorñine öngöma. Mianğö aua nalöñan lök kam kunğuz. ⁴⁶Mönö wahötketka anin! Mamalolo mem ningimawi, yanjön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷Jisösnön mewö jiba kiniga mianğörej gwarekurupñi 12 yengörejök kun qetñi Judas yanjön kambu ketanji kun jitñe mem enguiiga kanğotket. Jike nup galöm aka kantrigö jitñememe yejñon i melaim engigetka bimgö sou ketanji aka liñipñini memba kaget. ⁴⁸Mamalolo memamgö ahöhi, yanjön mutuk yembuk aiwesök keu kewö jöhöba jii mötket, “Nönjön azi numbuñi yöhötüm nemami, yanjön mönö mia akza. Mönö i memba jöhöme.”

⁴⁹Mewö jiba kaba mianğörejök Jisösgörej anğota “Böhi, böñjöh!” jiba numbuñi yöhötüm neyök. ⁵⁰Yöhötüm neiga Jisösnön kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yejñon Jisösgörej kanğota qelanjiba memba jöhöget. ⁵¹Jöhögetka Jisösbuk malgeri, yengörejök kunñan börorñan bimgö sou ketanji öroba jike nup galöm bohonñangö welenqeqeñi qeba kezapñi köteköi erök.

⁵²Jisösnön mi eka kewö jii mörök, “Mönö mosötnön! Bimgö sou ketanji körök memei, i mönö körek bimgö sou ketanjan engui kömume. Mianğöra mönö sougi kupinñe qenön geyök! ⁵³Nönjön Iwini köuluköbiga ölop bauköm ningimawi, mi mötzan me qahö? Köuluköm wanğibileñahi, yanjön mönö mianğörejök garata yarö kambu 12 öngita melaim engii kaba bauköm ningibeak. ⁵⁴Bauköm

^y 26.53 Rom yengörej lijñon me yarö kambu kun mi yarö azi 6000 mianğö dop aka maljema. Mianğöra yarö kambu 12 miengö jangöñini mi Suep garata 72.000 mianğö dop.

ningibeak ewö, Buṅa Kimbigö keuṅan mönö denöwö ölnambuk akawak? Buṅa Kimbi keugö dop yuai kiaṅön mönö asuhumapkö dop jijiṅa akza.”

⁵⁵ *Nalö miaṅṅöreṅök Jisösnöṅ yarö kambu yeṅgöra kewö jii mötket, “Ni kegwek-kahasiliṅ azia qahöpmö, töndup nöṅgöra mewö möta bimḡö sou ketani aka liṅgip memba nömemba jöhöbingöra kaṅgotze. Nöṅön wehön dop jöwöwöl jikenöṅ embuk tata kinda Buṅa keu kusum engiba malbiga qahö nömiget. ⁵⁶Mewömö, yuai pakpak ki mönö kezapqetok ambazipnöṅ keu ohogeri, mieṅön ölninambuk akṅapköra asuḡuza.” Jisös jöhögetka gwarek yeṅön körek Jisös mosöta buratiba unjurata anget. Mewö.

Jikeḡö jitṅememe yeṅön Jisösgö keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷Yarö azi Jisös memba jöhögeri, yeṅön i waṅgita jike nup galöm bohönṅi qetṅi Kaiafas yaṅgö mire anget. Angetka Köna keugö böhi aka kantrigö jitṅememe yeṅön miaṅḡöreṅ kaba tokoget. ⁵⁸Angetka Pitönöṅ sikepsikep enḡuatangöba miaṅḡöreṅ aṅgota jakömbuak mirigö kiripo uruṅe öṅgöyök. Öṅgöba teteköṅe denöwö asuhumawi, mi ekṅamgöra welenqeḡe azi yeṅgö sutṅine tarök.

⁵⁹Mewö tarökmö, jike nup galöm aka jike kaunsöl kambu yeṅön Jisösgö silenöṅ alal keu denöwö möndöba naṅgöinga qeget kömumapkö jim jaruget. ⁶⁰Jaruba kinda gwötḡukṅan wahöta kinda keu muneni Jisösgö silene ala naṅgöba jigetmö, töndup könaṅi kun qahö miwikṅaiget. Qahö miwikṅaigetmö, teteköṅe azi yahöt kaṅgota ⁶¹“kewö jiyöhot, “Azi kiaṅön kewö jiiga mörit, ‘Ni ölop Anutugö jöwöwöl jikeṅi köndenḡiba gölmenöṅ eriga wehön karöbutkö uruṅe mi kunbuk mem wahöta kuṅgumam.’ ”

⁶²Mewö jiyohotka jike nup galöm bohönṅan wahöta Jisös qesim waṅgiba kewö jiyök, “Yeṅön göhö silege keu ala naṅgözei, miaṅgö likeṅṅi kun jiman me qahö?” ⁶³Qesim waṅgiiga Jisösnöṅ yuai bölöṅi kun qahö ahökmö, töndup keuṅi böc kinök. Keuṅi böc kiniga jike nup galöm bohönṅan kewö jii mörök, “Nöṅön Anutu malmal Toṅaṅgö qetṅe kewö qesiba kuṅgum gihizal: Gi Anutugö Nahönṅi Kraist akzan me qahö, mi törörök jiba jöjöpaṅ keunöṅ jim köhöinönḡa mötpin.”

⁶⁴^bMewö jiiga kewö jiyök, “Jizani, mönö mia. Miamö, nöṅön körek enḡöra kewö jibi mötket: Nalö kewöneyök könahiba Suep gölmegö azi ölnan mönö Kukösum Toṅaṅgö böröṅi ölnḡe tata suepkö kousu qakṅe eri ekṅe.”

⁶⁵^cKeu mi jiiga jike nup galöm bohönṅan malukuṅi munjurata kewö jiyök, “Yei, iwinangö jitṅi! Mönö Anutu mepaiköza. Tosatṅan keuṅi

^z 26.55 Luk 19.47; 21.37 ^a 26.61 Jon 2.19 ^b 26.64 Dan 7.13 ^c 26.65-66 Lew 24.16

nanğömegöra kunbuk qahö qesim engibin. Anutu mepaiközawi, mi dölki nanjinak möt teköze. ⁶⁶Miañgöra denöwö mötmörize?” Mewö qesim engiiga kewö jim teköget, “Yañön mönö kömupkö buñaya akña.”

⁶⁷Mewö jim teköba jeñe söutkölap söutköm miriba böröñinan misiba mesoholne qekötahöget. Tosatñan nuñgulumne qekötahöba ⁶⁸kewö jiget, “Gi kezapqetok azi Kraist akzananğöra dañön guhuzawi, mönö yañgö qetñi qetnön mörin.” Mewö.

Pitönöñ Jisös qañ kölök.

Mak 14.66-72; Luk 22.56-62; Jon 18.15-18, 25-27

⁶⁹Mewö asuhiiga Pitönöñ yaigep kiripo uruñe sombemnöñ tarök. Tari welenqege ambi kunñan yañgöreñ kaba kewö jiyök, “Gi mewöyök Galili azi Jisösbuk mohotne malnöñ.” ⁷⁰Mewö jiyökmö, körek yeñgö jeñine qañ köla kewö jiyök, “Keu jizani, mi köndatzal.” ⁷¹Mewö jiba kiripo nanğune geiga welenqege ambi kunñan i eka azi kösutne kingeri, mi kewö jii mötket, “Azi kianañön mönö mewöyök Nazaret azi Jisösbuk malök.”

⁷²Mewö jiiga kunbuk qañ köla jöjöpañ keunöñ jim köhöiba kewö jiyök, “Nöñön azi mi qahö möt wañgizal.” ⁷³Nalö borom kun teköiga azi kösutne kingeri, yeñön Pitögöreñ kota kewö jiget mörök, “Alakña! Göñön mewöyök yeñgöreñök kun akzan! Galili keu jöl jizani, miañön mönö mewöyök mi kondeliga mötzin.” ⁷⁴Mi möta könahiba nanñi qesuahöm añguba jöjöpañ keunöñ jim köhöiba jiyök, “Ni azi mi qahö möt wañgizal! Munen jibilenak ewö, Anutunöñ mönö likepñi meleş niñgima.” Mewö jiiga miañgöreñök kuruk qerök.

⁷⁵Kuruk qeri möta Jisösnöñ keu kewö jii möröhi, mi mötmöriyök, “Göñön mutuk indimñi karöbut qañ köl niñginöñga kuruknöñ qetma.” Keu mi mötmöriba wösöñi julmamgö aiga yaigep geba sahöt böliyök. Mewö.

Jisös wañgita Pailötkö böröñe alget.

Mak 15.1; Luk 23.1-2; Jon 18.28-32

27 ¹Miri gianañiiga amandine jike nup galöm pakpak aka kantrigö jitne meme (70) yeñön tokoba Jisös qeget kömumapkö keuñi eraum mötket. ²Eraum mötket teköiga Jisös jöhöba wañgita Rom premiö Pailötkö böröñe alget. Mewö.

Judasnöñ imbi auyök.

Apo 1.18-19

³Jisös qeget kömumawañgö keuñi jim tekögetka Judas mamalolo wañgiyöhañön mi möta möt bölim añguba silwö moneñ köt 30 wañgigeri,

^d 26.67 Ais 50.6 ^e 27.3-8 Apo 1.18-19

mi memba jike nup galöm aka kantrigö jitnememe yengörej anda melejda enggiba kewö jiyök, ⁴“Nöhön singisöndok aka azi köpösihitni qahö mi mamalolo mem wanjibiga qeget kömuma.” Mewö jiyökmö, yejön jiget, “Mi nengörej yuaia qahö! Mi mönö nangi manjara!” ⁵Mewö jiget möta silwö monerj köt mi memba gil tipköiga jöwöwöl jike uruje anök. Aniga nanji mosöta anda imbi auyök.

⁶Jike nup galöm bohonji yejön monerj köt mi memba kewö jiget, “Monerj ki mönö azi sepñangö bohonja. Miangöra mi jöwöwöl jikegö monerj köwenöj albingö dopñi qahö. Mewö aka Mosesgö Köna keu ongitpinbuk.”

⁷Mewö jiba eraum möta monerj mianjön gwakömnöj kimbut meme azi kungörej gölme köröñi kun bohonji megetka kian ambazip yengö qaksirinina ahök. ⁸Miangöra aka gölme köröñi miangö qetñi mi nalö kewöñe mewöyök toroqeba ‘Gölme köröñi sepñambuk,’ qerakze.

⁹Kezapqetok azi Jeremaianöñ keu qeljine jiyöhi, mianjön mönö öljambuk ahök. Keu mi kewö, “Yejön Israel könagesögö jitnememeñini aka azi mi söñgööröñi memegöra kewöta algetka silwö monerj köt 30 ahöhi, mi meget. Mi azigö bohonja.

¹⁰Yejön mi memba mianjön gwakömnöj kimbut meme azi kungörej gölme köröñi kun bohonji meget. Mi mönö Kembunöj jim kutum niñgiyöhängö dop mewö meget.” Mewö.

Pailötnöj Jisös qesim wanjyök.

Mak 15.2-5; Luk 23.3-5; Jon 18.33-38

¹¹Nalö miangörej Jisösnöñ Pailötkö jeñe kiniga kewö qesim wanjyök, “Ölña, gi Juda yengö kiña akzan me qahö?” Qesim wanjiiga Jisösnöñ melejda jii mörök, “Möno nangak jizani, mewö.” ¹²Jike nup galöm aka kantrigö jitnememe (70) yejön keu gwötpuk Jisösgö sileñe ala jigetmö, töndup keu kitipñi kun qahö melejñök.

¹³Keu bök kiniga Pailötnöj Jisös kunbuk qesim wanjiba jiyök, “Mötnöñ! Yejön keu gwötpuk göhö silege ala nanjööba jizei, mi mötzan me qahö?” ¹⁴Mewö jiyökmö, Jisösnöñ bölöñi kun qahö ahökmö, töndup keu miengö likepñi kun qahö melejñök. Keu bök kiniga premiönöñ gwötpuk welipköyök. Mewö.

Pailötnöj Jisös kömumapkö jim teköyök.

Mak 15.6-15; Luk 23.13-25; Jon 18.39–19.16

¹⁵Rom premiönöñ yambu (yara) dop pasowa sösongai nalöñe kösö mireyök azi mohok sihimñinangö dop qetñi qeta qesigeri, mi pösat enggizapma. ¹⁶Nalö miangörej azi kun qetñi Barabas qetkeri, yanjön kösö mire tarök. I bölöñamñangöra miwidimgögetka malök.

^f 27.9-10 Zek 11.12-13

¹⁷Mewö aiga tokogetka kewö qesim enġiyök, “Barabas me Jisös, qetnji Kraist qerakzei, yetköreñök niñia pösat enġibi etmapköra mötze?”

¹⁸Galöm yeñön Jisösgöra körögisigisi mötkeañgöra aka i premiögö böröñe al wañgiget. Mi möta sihimñinañgö mewö qesim enġiyök.

¹⁹Mi mörökmö, jimtekötekögö jakömbuak dum tatatje tariga anömñan buzup keu kun kewö ali kayök, “Ni merak suñgem gaun kun eka mianğöreñ azi mianğöra aka sihimbölö gwötpuk mötzal. Mianğöra azi solanji mi mönö lömböt kude wañgiman.”

²⁰Keu mewö kayökmö, jike nup galöm aka kantrigö jitñememe yeñön ambazip kambu uruesiesi mem enġiba kewö jiget, “Mönö Barabas pösata Jisös maripomnöñ qemegöra jiman. Mewö qesim wañgime.”

²¹Mewö jigetka premiönöñ melenja qesim enġiyök, “Azi yahöt mietköreñök mönö niñia pösat enġibi etmapköra mötze?” Mewö qesim enġiiga “Barabas!” jiget. ²²Mewö jigetka Pailötnöñ kewö qesim enġiyök, “Mewö jizeañgöra Jisös, qetnji Kraist qerakzei, nöñön i mönö denöwö ak wañgibileñak?” Mewö qesim enġiiga yeñön körek qetket, “Mönö maripomnöñ qeget jiman!”

²³Mewö qetketka premiönöñ jiyök, “Mi wuanöñgöra? Yañön mönö wani bölöña ahök?” Mewö jiyökmö, yeñön mi möta kapan köla toroqeba qet gigilahöba kewö qetket, “Mönö maripomnöñ qeget jiman!” ²⁴Mewö qetketka kezap-ölök aketka göjupmajupnöñ kunbuk qariiga Pailötnöñ mi eka möta bim karim asuhubapüköra o memba böröñi ambazip kambu jeñine sañgoñda kewö jiyök, “Azi kiangö sepñi mokoget gemawi, mianñön mönö nöñgö qakne qahöpmö, mönö nanñini qakñine öñgöma.”

²⁵Mewö jiiga ambazip kambu körek pakpak yeñön kewö melenjet, “Sepñañgö likepñan mönö nini aka nahönböratnini neñgö qaknine öñgöma!” ²⁶Mewö melenjetka Pailötnöñ Barabas pösat enġii erökmö, Jisösyia jiiga ihilek wahiñambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

Jisös kukulömbuañ ak wañgiget.

Mak 15.16-20; Jon 19.2-3

²⁷Böröñine aliga Rom premiögö yarö azi yeñön Jisös wañgita premiögö jakömbuak mirigö kiripo uruñe añgotket. Añgota yarö kambu lökñanök öröm enġigetka kaba tokoba Jisös liliköm wañgiget. ²⁸Liliköm wañgiba nanñi sile esuñi köteköba maluku pisikñi gugakgugak kun löñgöt wañgiget. ²⁹Löñgöt wañgiba sötman kösö limbiñda ila ewö nööröñje kölget geyök. Geiga jehot kun böröñi ölñe ala simin köl wañgiba göngönahit ak wañgiba kewö jiget, “Owe owe, Juda yeñgöreñ kiñ, owe!”

³⁰Titipepe mewö aka söutkölap qeba jehot öröññi wañgita mianñön nööröñje qeget. ³¹Mepaqepaik mewö ak wañgim teköba maluku

pisiknji gugakgugak mi qeköba nanje sile esu kunbuk löngöt waŋgiba maripomnöj qebingöra waŋgita anget. Mewö.

Jisös maripomnöj qeget.

Mak 15.21-32; Luk 23.26-43; Jon 19.17-27

³²Anda köna namje azi kun qetnji Saimon miwikñaiget. Yaŋön Afrika siti qetnji Sairini miangö aziña. Miwikñaiba kuŋgum waŋgigetka Jisösgö maripomnji memba aŋguyök. ³³Jisös mewö waŋgita gölme kun qetnji Golgota mi nanine keunöj Nöröpsihit, miangöreŋ anda aŋgotket. ³⁴^hAŋgota wain o aka marasin qetnji mör mi mindiriba lolonqalon memba nemapköra waŋgigetmö, Jisösnöj mi esapköba memba möta tököyök.

³⁵ⁱTököiga kinda maripomnöj qeget. Qeget kiniga kiawen meget qötöŋi ahuiga miangö dop Jisösgö sile esunji sutŋine menderda meget. ³⁶Mi memba tata Jisös jegalöm ak waŋgiget. ³⁷Nöröpŋe eu qegeraŋgö könaŋi kewö ohoba qeget, ‘Juda yeŋgö kiŋ kembuŋina ki.’ ³⁸Kegwek-kahasililiŋ azi yahöt mi yambuk maripomnöj etkuget. Kun böröŋi öŋje, kun qaniŋe likeplikep mewö etkuget.

³⁹^jAmbazip oŋgita anda kaba kukulömbuan aka jelikit aka nörop köla kewö jiget, ⁴⁰^k“Ye! Gi mönö jöwöwöl jike ölop könderŋnöŋga gölmenöŋ eriga wehön karöbutkö uruŋe kunbuk mem wahöt kuŋgumangö jinöŋ. O, gi azi qetpuk! Gi Anutugö Nahönŋa akzan ewö, mönö ölop nangi bauköm aŋguba maripomnöhök etman.”

⁴¹Jike nup galöm, Köna keugö böhi aka kantrigö jitŋememe yeŋön mewöyök mepaqepaik ak waŋgiba kewö jiget, ⁴²“Tosatŋa bauköm eŋgiba malökmö, nanŋi bauköm aŋgumangö osiza. Yaŋön Israelgö kiŋ akza ewö, mönö döŋki maripomnöhök eri eka mi möt naribinak. ⁴³‘Yaŋön Anutu möt narim waŋgiba ewebibiŋambuk mala nanŋaŋgöra ‘Anutugö Nahönŋi akzal’ jiiga mörin. Ayop, Anutunöj i nalö kewöŋe meköm waŋgimangö mötza me qahöwi, mi ölop ekin.” Mewö jiget. ⁴⁴Kegwek-kahasililiŋ azi yambuk maripomnöj etkugeri, yetkön mewöŋanök uruqeŋe keu töhöreŋ jim waŋgiyohot. Mewö.

Jisösnöj kömuyök.

Mak 15.33-41; Luk 23.44-49; Jon 19.28-30

⁴⁵Silim bibiŋi 12 kilok aiga miangöreŋök söŋaupnöj eta gölme pakpak dop köla ahöiga anda aua karöbutkö dop ahök. ⁴⁶^mJisösnöj 3 kilok miangöreŋ nanje keunöj kewö qet ketanŋi qerök, “Eloi, eloi, lama sabaktani?” Mi nanine keunöj: Anutuni, Anutuni, mönö wuanöŋgöra andö nuŋguzan?

^h 27.34 Sum 69.21 ⁱ 27.35 Sum 22.18 ^j 27.39 Sum 22.7; 109.25 ^k 27.40 Mat 26.61; Jon 2.19 ^l 27.43 Sum 22.8 ^m 27.46 Sum 22.1

⁴⁷Mewö qeriga azi kösutŋe kingeri, yeŋgöreŋök tosatŋan mi möta jiget, “Mönö Elaijagöra qetza.” ⁴⁸“Miaŋgöreŋök yeŋgöreŋök kunŋan ösumŋan anda mömön dö kun kahali tandök mi memba wain o asölŋambuknöŋ kundumgöba ip göröm kitipŋe jöhöba suruba Jisös numbuŋe eu ali neyök. ⁴⁹Neyökmö, tosatŋan jiget, “Mönö mosötketka nanŋök kinök. Elaijanöŋ kaba meköi etma me qahöpto, mönö mi ekin.”

⁵⁰Mewö aketka Jisösönöŋ kunbuk qet ketaŋi qeta söŋgöro ösum kondikŋi öröba kömuyök. ⁵¹“Kömuiga miaŋgöreŋök jöwöwöl jikegö uruŋe opo^p kinöhi, miaŋön euyök bibiŋe jurata eta yahöt ahök. Mewö eriga gölmenöŋ kenöŋ ketaŋan meiga köt ketaŋi ketaŋi mesiŋnök. ⁵²Qaksirigö köt köteŋi mieŋgö numbuŋinan nanŋök aŋaŋigetka ambazipŋi sarakŋi kömugeri, yeŋgöreŋök gwötpukŋan guliba wahötket. ⁵³Wahöta qaksirigö köt köteŋini mosöta Jisösönöŋ kömupnöhök wahöröhi, miaŋgö andöŋe Jerusalem siti töröŋi miaŋgöreŋ kaba ambazip gwötpuk asuhum eŋgigetka eŋgeget.

⁵⁴Suahö galöm aka yarö azi yambuk Jisösgö jegalöm memba malgeri, yeŋön kenöŋ meiga yuai tosatŋi pakpak asuhuyöhi, mi eka auruba jönömŋini gwötpuk unduiga keŋgötporiŋ aka kewö jiget, “Yaŋön mönö öŋa Anutugö Nahönŋa akza.”

⁵⁵“Ambi gwötpukŋan sikep kindu yuai mi mewöyök eket. Yeŋön Jisös wuatangöba Galiliyök kaba welen qem wangiba malget. ⁵⁶Yeŋgö sutŋine Magdalagö Maria aka Maria Jeims aka Joses yetkö namŋiri aka Zebedigö nahönyahöt yetkö namŋiri. Mewö.

Jisösgö qamötŋi löm kölget.

Mak 15.42-47; Luk 23.50-56; Jon 19.38-42

⁵⁷Mare aiga Arimatia azi pomŋi kun qetŋi Josef kayök. Yaŋön mewöyök Jisösgö gwarekŋi kun ahök. ⁵⁸Yaŋön Pailötgöreŋ anda Jisösgö qamötŋi memamgö qesiyök. Qesiiga suahö azinöŋ mi Josef wangimegö jim kutum eŋgiyök.

⁵⁹Jim kutum eŋgiiga Josefnöŋ anda Jisösgö qamötŋi memba eta opo tuatŋan esuhuyök. ⁶⁰Esuhuba memba qaksirinöŋ anda nanŋi köteŋ dölökŋi kötnöŋ urorohogetka kinöhi, qamötŋi mi miaŋgöreŋ alök. Mewö ala köt ketaŋi kun metaliga köteŋ numbuŋi közipköiga mosöta anök. ⁶¹Magdalagö Maria aka Maria alaŋi kun yetköŋ miaŋgöreŋ köt köteŋ mesohol köla tarohot.

Yarö azi qaksiri galöm meget.

⁶²Sabat kendon tatatköra yuai mözözömgöba ahöba wahöta miaŋgöreŋ jike nup galöm aka Farisi (Köna keugö kapaŋkölköl) yeŋön

ⁿ 27.48 Sum 69.21 ^o 27.51 Eks 26.31-33 ^p 27.51 Opo mi jöwöwöl jikegö oleni kömbukŋi aka oleni töröŋi kötökŋi mietkö sutŋire kinök. ^q 27.55-56 Luk 8.2-3

Pailötköreŋ anda tokoba kewö jiget, ⁶³“Ketaŋamnini, eŋololonŋö urukunŋukunŋu azi mianŋön jebuk malöhi, nalö mianŋöreŋ kewö jii mörin, ‘Nönŋön wehön karöbut teköiga kunbuk guliba wahötmam.’ Neŋön keu mi mötmörizin.

⁶⁴Mianŋöra göŋön ölop yarö aziurupki jinöŋ möta qaksirinöŋ anda mi törörök jegalöm memba malgetka wehön karöbut teköiga mosötmme. Mewö qahö galöm membeak ewö, gwarekurupŋan mönö anda qamötŋi ölonŋ memba asamböta ambazip kewö jiget mötpeak, ‘Jisösnöŋ mönö kömupnöhök wahörök.’ Mewö jigetka tilipqilip eŋololonŋ keu kondikŋi kianŋön mönö eŋololonŋ keu mutukŋi oŋgiriga böliqölibapuk.” ⁶⁵Mewö jigetka kewö jii mötket, “Yarö azi ki mönö ölop eŋguanŋita anda al eŋgigetka qaksiri köteŋ numbuŋi mi törörök galöm köl soroköme.”

⁶⁶Mewö jii möta qaksirinöŋ anda köt köteŋaŋgö numbuŋe köt ketaŋi algetka közipköba kinöhi, mi supapŋi ala yarö azi al eŋgigetka jegalöm köhöikŋi meget.

Jisösnöŋ kömupnöhök wahörök.

Mak 16.1-10; Luk 24.1-12; Jon 20.1-10

28 ¹Sabat kendon tatket teköiga Sonda söŋanök wahöta miri gianŋiiga Magdalagö Maria aka alaŋi Maria kun yetköŋ qaksirigö köt köteŋ ekitkö anohot. ²Anohotka mianŋöreŋök kenöŋ ketaŋi kewögöra meyök: Kembugö garata kunöŋ Suepnöhök eta qaksirinöŋ kaba numbuŋe köt ketaŋi qetali ani qakŋe tarök. ³Garatagö kaisoŋgolomŋi mi wöl ewö aiga malukuŋi mi kousu ewö tuat lalamŋi ahök.

⁴Mewö asuhuiga yarö azi qaksiri galöm megeri, yeŋön yangöra awöwöliba jönömŋini undui kömum töriget. ⁵Mewö aketka garatanöŋ ambi yahöt yetköra keu kewö jiyök, “Jisös maripomnöŋ qegeri, iŋiri yangöra jaruzahot, mi mötzal. Mianŋöra mönö keŋgötŋiri kude mötmahot. ⁶Nanŋak jiyöhaŋgö dop mönö kömupnöhök wahötza. Mianŋöra ki qahö ahöza. Mönö kaba dum ahöyöhi, salupŋi mi ekŋahot.

⁷“Mi eka ösumok gwarekurupŋi yeŋgöreŋ anda buzup keu ki jiyohot mötmme, Jisösnöŋ kömupnöhök wahötza. Mötket, yaŋön mönö qeljŋe mutuk Galili prowinsnöŋ anma. Iŋini ölop mianŋöreŋ anda i ekŋe. Mötket, nöŋön mi lök jibi mötze.”

⁸Mewö jiiga zilaŋök qaksiri mosöta keŋgötŋiri möta töndup önöŋi qahö söŋgaiba buzup mi memba gwarekurupŋi jiyohot mötmegöra ösumŋiran anohot. ⁹Ösumŋiran anohotka Jisösnöŋ i könanöŋ asuhum etkiba “Söŋanŋiri!” jiyök. Mewö jiiga kösutŋe anda sipköba könaŋe meraköba waikŋi memba möpöseim waŋgiyohot. ¹⁰Möpöseim waŋgiyohotka kewö

^r 27.63 Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

jii mörohot, “Keḅgötḅiri kude mötmahot. Mönö anda munurupnan Galili anmegö keu jiyohotka miangörej anda ni nekḅe.” Mewö.

Qaksiri galöm meme yeḅön kösohotḅini jiget.

¹¹ Ambiyahöt yetkön köna anohotka qaksirigö köt köteḅ galöm meme yarö azi tosatḅan sitinöḅ kaba jike nup galöm enḅeka yuai pakpak asuhuyöhi, miangö kösohotḅi jiget mötket. ¹² Yeḅön mi möta Juda yeḅgö jitḅememeurupḅini öröm enḅigetka mohotḅe totoko ala Jisös wahötwahötkö keu asambötḅingö keu areḅ miwikḅaiba moneḅ keta bölökḅi mi yarö azi enḅiget.

¹³ Mi enḅiba kewö jim kutum enḅiget, “Iḅini mönö keu kewö jime: Nini sunḅem gaun ahöinga gwarekurupḅan ölöḅ kaba qamötḅi yoḅgorö memba anget. ¹⁴ Keu mewö jigetka keu miangön premiögö kezapḅe gei mötma ewö, lömböt enḅgö qakḅine öḅgöbapuköra neḅön mönö uruḅi mölöwöriba memba eta alinga waimanḅat qahö malme.”

¹⁵ Mewö jim kutum enḅigetka miangö dop aka moneḅ memba anda nup keuḅini wuatangöget. Mewö aketka Juda yeḅön keu mi sutḅine jim sehigetka möta malḅetka anda nalö kewöḅe mewöyök mi toroqeba jiget mörakzin. Mewö.

Misin nup membingö jimkutukutuḅi

Mak 16.14-18; Luk 24.36-49; Jon 20.19-23; Apo 1.6-8

¹⁶ ^sGwarekurup 11 yeḅön Jerusalem mosöta Galili prowinsnöḅ anda Jisösnöḅ kundḅe anmegöra jiyöhi, miangörej öḅgöget. ¹⁷ Miangörej öḅgöba Jisös eka waikḅi memba möpöseim wanḅigetmö, tosatḅan yanḅgöra uruyahöt aket. ¹⁸ Möpöseim wanḅigetka yeḅgörej kaba kewö jiiga mötket, “Suepkö aka gölmeḅ kukösum pakpak mi Anutunöḅ niḅiiga nöḅgörej ahöza.

¹⁹ ^t“Miangöra iḅini mönö gölme dop anda ambazip kambu pakpak kewö enḅömegetka nöḅgö gwarekurupni akḅe: I mönö Iwi, Nahön aka Uḅa Töröḅi neḅgö qetnine o melun mem enḅime ²⁰ aka nöḅön keu wuatangömegöra jim kutum enḅiali, mi pakpak tem kölmeḅgöra mönö kusum enḅiba malme. Mötket, nöḅön mönö nalöḅi nalöḅi embuk mala anda malbiga gölmeḅ nalöḅan teköma.” Mewö.

^s 28.16 Mat 26.32; Mak 14.28 ^t 28.19 Apo 1.8

Mak

Ölöwak Buḡa Maknön ohoyök.

Jim-asa-asari

Mak namḡi qetḡi Maria, iwiḡi qetḡi qahö mötzin. Jerusalem siti tonḡi malget. (Aposol 12.12) Nanḡi kösohotḡi kun qetḡi qahö qeta boḡ 14.51-52 miaḡgöreḡ ohoi ahöza. Pitönön bauköm waḡḡiiga uruḡi meleḡniga Buḡa kusum waḡḡiyök. Waḡḡiiga numbutḡi Barnabas aka Pol yetpuk liliköba misin nup memba anda Pol mosöta deḡnohot. Deḡnohotka toroqeba nup memba mala Buḡa kösohot mohok mohok qezaköba mindiriba kian kantri yeḡḡöra Griḡ keunön ohoyök. Jisösgö keuḡi mi Arameik. Mi “Eli eli lama lama sabaktani,” miaḡḡö dop.

Jisösnön urugö nupḡi denöwö memba Anutugö Nahönḡi aka ambazip bauköm eḡḡiba malöhi, Maknön keu mi jim asariba ohoyök. Jisösgö nupḡi bohönḡi karöbut: Buḡa kusum eḡḡiyök, ömewöröme közöl eḡḡiyök aka siḡḡisöndok mosöta kawölḡi kawölḡi mem ölöwahök.

Buk kiaḡḡö bahönḡi bohönḡi 6 mi kewö:

Keu mutukḡi: Jon aka Jisös 1.1-13

Qenjarök nup Galili uruḡe meyök 1.14–9.50

Galili mosöta Jerusalem anök 10.1-52

Jerusalem Sonda mohok mala kömuyök 11.1–15.47

Jisösnön kömupnöhök wahörök 16.1-8

Wahöta asuhuba Suepnön öḡḡöyök 16.9-20

1 ¹Amötqeḡe Tonḡi Jisös Kraist mi Anutugö Nahönḡi akza. Nönön yaḡḡö Ölöwak Buḡaḡi könahiba ohozal.

Jonön Jisösgö köna mesarök.

Mat 3.1-12; Luk 3.1-18; Jon 1.19-28

^{2a}Anutunön Suep uruḡe Nahönḡaḡḡöra keu kun jiiga kezapqetok azi Aisaianön mi ohoiga yaḡḡö Buzup Kimbinön kewö ahöza,

^a 1.2 Mal 3.1

“Mötnöŋ. Nöŋön kolek garatani kun melaibiga qeljiŋe anda ambazip uruŋini mindiŋgöba göhö könagi mesariga göŋön yaŋgö andöŋe gölmenöŋ geman.”

3 ^b“Kolek garata kunöŋ gölme qararaŋkölkölŋe qeta maliga anda qetŋi kewö mötme, ‘Kembunöŋ kamawo! Miangöra mönö jöjöröba könaji mesatket. Mönö uruŋini mindiŋgöba könaji qölöleiget.’”

4 Keu miangö dop azi kun qetŋi Jon asuhuyök. Qetŋi alaŋi O-melun azi. Asuhuba gölme qararaŋkölkölŋe mala kinda Buŋa keuŋi kewö jiba malök, “Iŋini mönö uruŋini melengetka nöŋön o melun mem eŋgimam. Mewö aketka Anutunöŋ siŋgisöndokŋini ŋaŋgoŋda mosötma.” ⁵ Mewö jiba maliga Judia prowinsgö miriŋi pakpak aka Jerusalem siti yeŋön kambuŋi kambuŋi köla öröba Jongöreŋ kaget. Kaba kaŋgota siŋgisöndokŋini jim miwikŋaigetka Jonöŋ i Jordan o töwatŋe o-melun mem eŋgiyök.

6 ^c Jongöreŋ silepöke mi kamel juŋŋan memeŋi aiga kemaŋe örigit sömbup sileŋan memeŋi mi jöhöba malök. Neneŋamŋi mi gawöt jinam aka arökŋaŋgö moroŋ oŋi, mia namba malök. Mi pakpak kezapqetok azi Elaija (Elia) yaŋgö dowä. ⁷ Jonöŋ keu kewö jim asariba malök, “Nöŋgö andöne azi kukösumŋi köhöikŋi kun kama. Yaŋgö kukösumŋi öŋgöŋgöŋan mönö nöŋgöreŋ oŋgitma. Yaŋön azi öŋgöŋgöŋi akŋawaŋgöra nöŋön yaŋgö köna esuŋaŋgö kösöŋi bauköba pösatmamgö qötötäŋgömam. ⁸ Nöŋön o töhönöŋ melun mem eŋgizalmö, yaŋön mönö Uŋa Töröŋan melun mem eŋgima.” Mewö.

Jonöŋ Jisös o melun mem waŋgiyök.

Mat 3.13-17; Luk 3.21-22; 4.1-13

9 Nalö miangöreŋ Jisösönöŋ Galili prowinsgö miri Nazaret miangöreŋök Jongöreŋ kaiga Jordan o töwatŋe o-melun mem waŋgiyök. ¹⁰ Mem waŋgiiga onöhök koriga miangöreŋök Suepnöŋ aŋaŋiiga Jisösönöŋ uba ehiga Uŋa Töröŋi melenŋa kembö nei ewö aka Jisösgö qakŋe eta meöyk. ¹¹ ^d Mi ehiga Suep mireyök keu kun kewö asuhuyök, “Göŋön mönö nani wölböt nahöni aknöŋga köroni ölöwahiga geknahöm ak gihizal.” Mewö.

Satanöŋ Jisös esapköba malök.

Mat 4.1-11; Luk 4.1-13

¹² O melun mem waŋgiiga miangöreŋök Uŋa Töröŋan Jisös kuŋgum waŋgiiga gölme qararaŋkölkölŋe anök. ¹³ Anda wehön 40 miangö dop miangöreŋ maliga öme bohonŋini Satan yaŋön esapköm waŋgiba malök. Sömbup kalŋi miŋgö sutŋine maliga Suep garata yeŋön bauköm waŋgiba malget. Mewö.

^b 1.3 Ais 40.3 ^c 1.6 2 Kiŋ 1.8 ^d 1.11 Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22

Jisösnöŋ gwarekurupŋi mutukŋi engoholök.

Mat 4.12-22; Luk 4.14-15; 5.1-11

¹⁴Könaŋgep Jon kösö mire alget tariga Jisösnöŋ nalö miangörej Galili prowinsnöŋ lilingöba anök. Anda Anutugö Ölöwak Buŋaŋi jim asariba malök. ¹⁵Jim asariba kewö jiyök, “Anutunöŋ bemtohoŋi almawaŋgö nalöŋan mönö dopdowiza. Anutunöŋ nalö aliga mala malgetka dölki akza miangöra mönö uruŋini melenđa Ölöwak Buŋa möt nariget.” ¹⁶Jisösnöŋ mewö jiba liliköba mala Galili o aŋgögö goraŋe mötöteiba anda söra örörö azi yahöt ekehök. Qetŋiri Saimon, munŋi qetŋi Andru. Yekŋön mösakŋiri o aŋgönöŋ söra öröbitköra gila malohot. ¹⁷Jisösnöŋ etkeka kewö jiyök, “Aziyahöt, iŋiri mönö ni uatangöba kayöhotka kusum etkibi ambazip söra ewö öröm engimakŋahot.” ¹⁸Mewö jiiga miangöreŋök mösakŋiri mosöta könahiba Jisös wuatangöba anöhot. ¹⁹Jisösnöŋ yetpuk borom kun toroqeba anda Zebedigö nahönŋi Jeims aka munŋi Jon ekehök. Yetkön mewöŋanök waŋgenöŋ tata mösakŋiri möhamgöba jöhöba malohot. ²⁰Malohot ekeka miangöreŋök etkoholök. Etkoholiga iwiŋiri Zebedi aka moneŋ nup aziurupŋi waŋgenöŋ engömosöta könahiba Jisös wuatangöba andöŋe anohot. Mewö.

Jisösnöŋ öme kun wuatangöyök.

Luk 4.31-37

²¹Mewö mohotŋe anda Kaperneam sitinöŋ aŋgotketka Sabat kendon aiga Jisösnöŋ miangöreŋök köuluk miriŋine öngöba Buŋa kusum engiyök. ²²Köna keugö böhi ewö qahöpmö, kukösum ahöm waŋgiyöhaŋgö dop kusum engiba ahakmemeŋaŋgö dop akŋegöra jiyök. Miangöra könaŋesö yeŋön mi eka auruba welipköget.

²³Köuluk miriŋine miangörej nalö miangöreŋök azi kun ömeŋambuk tariga öme miangön qetŋi kewö qerök, ²⁴“O Jisös, Nazaret asia! Gi wania ak neŋgimangö akzane? Mönö ayuhum neŋgimangöra kasan me? Ni könaŋamgi möt kutuzal. Gi Anutugörej azi Tök-kutukutuŋi mi akzan.”

²⁵Mewö qeriga Jisösnöŋ tembula kewö jim waŋgiyök, “Gi mönö keugi bököiga azi ki mosöta kesalnöŋ.”

²⁶Mewö jim waŋgiiga ömenöŋ azi mi utuköba urepköm waŋgiba qet bölöbölö qeta kota mosöta anök. ²⁷Aniga körekŋan nemböŋini teköiga welipköba qesim aŋguba kewö jiget, “Yei! Ki mönö wani yuaia? Ki mötmöt dölökŋi kukösumŋambuk. Yaŋön ömewöröme mewöyök jim kutum engiiga jitŋi tem kölje.”

²⁸Mewö asuhuiga Jisösgö qetbuŋaŋan könöbuk sehiba miri kösutŋe tat angeri, miangörej anda anda Galili prowins pakpak dop kölök. Mewö.

° 1.15 Mat 3.2 † 1.22 Mat 7.28-29

Jisösnöŋ kawöl ambazip gwötpuk meiga ölöwaket.

Mat 8.14-17; Luk 4.38-41

²⁹Jisösnöŋ Kaperneam yeŋgöreŋ köuluk miri mosöta miangöreŋök Jeims Jon yetpuk Saimon aka Andru yetkö mire öŋgöget. ³⁰Miangöreŋ öŋgögetka Saimongö suhunŋan silekönöp kawöl yöhöi ahöyök. Ahöiga buzupŋi mi ösumok Jisös jiget mörök. ³¹Jiget möta yaŋgöreŋ anda böröreŋ memba kököbiiga wahörök. Wahöriga silekönöpŋan mosöriga nene ohoba gumohom eŋgiyök.

³²Gumohom eŋgiiga mare aiga wehön jeŋi geiga miangöreŋ Kaperneam toŋi yeŋön kinda ambazipŋi ambazipŋi kawöl ömeŋinambuk mi körek eŋguanŋita Jisösgöreŋ kaget. ³³Kaperneam taonöhök kambulelembenöŋ kaba Saimongö miri naŋuŋe tokoget. ³⁴Tokogetka kinda ambazip kawöl könaŋi könaŋi eŋgöhöyöhi, mi gwötpuk mem ölöwak eŋgiyök. Mewöyök ömewöröme yeŋön Jisösgö könaŋi mötkeraŋgöra Jisösnöŋ numbuŋini muhungöba gwötpuk eŋguataŋgöyök. Mewö.

Amöt böröŋi Galili körek dop kölök.

Luk 4.42-44

³⁵Jisösnöŋ gaun ahöiga miri waŋgaraŋ suruiga wahöta miri yaigepŋe geba göraŋe anda nanŋök tiŋ kutuba miangöreŋ köuluköyök. ³⁶Köuluköiga Saimon aka alaurupŋi yambuk malgeri, yeŋön zilaŋ könaŋe anget. ³⁷Anda miwikŋaiba kewö jiget mörök, “Ambazip körekŋan mönö göhöra jaruze.”

³⁸Mewö jigetka möta kewö jiyök, “Miri tosatŋi tosatŋi liliköba tat anjei, ekze. Nöŋön Buŋa keu miri dop jim sehimamgöra eta maljal. Miangöra mönö miri liliköba anbin.”

³⁹^gMewö jiba anda Galili prowins körek liliköba köuluk miriŋine Buŋa keu jiba ömeŋi ömeŋi mi eŋguataŋgöba malök. Mewö.

Jisösnöŋ uzikuku azi kun mem solaniyök.

Mat 8.1-4; Luk 5.12-16

⁴⁰Jisösnöŋ taon kunöŋ maliga uzikuku azi kunŋan kaba simin köla Jisösgö wösöŋe geba kewö köuluköm waŋgiyök, “Göŋön sihimgan mem ölöwak niŋgimamgö mötzan ewö, mönö ni ölöp mem solanim niŋgiman.”

⁴¹Mewö jiiga yaŋgöra wösöŋi möta böröŋi böranŋa silenŋi misiriba jiyök, “Nöŋön mi akŋamgö mötza. Gi mönö solaniman.” ⁴²Mewö jiiga uzikukuŋi mi miangöreŋök solanii ölöwahök. ⁴³Solaniiga galöm meme keu köhöikŋi waŋgiba miangöreŋök “Ölöp anman,” jiyök. ⁴⁴^hGoro mi

^g 1.39 Mat 4.23; 9.35 ^h 1.44 Lew 14.1-32

kewö jiiga mörök, “Mötnöj. Kiaᅅgö buzup keuᅅi mi kun kude jinöj mötme. Qahöpmö, mönö jike nup galömgöreᅅ anda silegi kondel waᅅgiman aka Mosesgöreᅅ jimkutukutu wuatangöba solanizanaᅅgö saiwap nalukᅅi ala jöwöwöl ohoman. Mi ohonöj ehiga ambazipnöj könaᅅamgi möt kutume.”

⁴⁵ Jisösnöj mewö jiyökmö, yaᅅön anda töndup könahiba keu buzupᅅi mi gwötᅅuk jiba maliga sehiyök. Sehiiga Jisösnöj taonᅅi taonᅅi mianggöreᅅ aukᅅe kunbuk anmamgö osiyök. Osiba taon andöᅅine miri gwamönᅅi mianggöreᅅök malök. Mianggöreᅅ maliga miri dop mianggöreᅅök ambazipᅅi ambazipᅅi mi yaᅅgöreᅅ kaget. Mewö.

Jisösnöj azi sile likeᅅᅅi kömukömuᅅi möhamgöyök.

Mat 9.1-8; Luk 5.17-26

2 ¹Mewö liliköiga nalö tosatᅅi teköiga Jisösnöj lilingöba kunbuk miriᅅe Kaperneam kayök. Kaiga “Mire malja,” jiget mötket. ²Ambazip gwötᅅukᅅan mi möta tokoba yaᅅgö miri nangu söndakᅅe gwözöᅅda sombemᅅe kokolak qeget. Kokolak qegetka Jisösnöj kinda Buᅅa keu jiiga mötket. ³Mötketka mianggöreᅅ azi kun sile likeᅅᅅi kömukömuᅅi, mi waᅅgita yaᅅgöreᅅ kaget. Azi 4:ᅅan i kululunöj ala aᅅguba kaget. ⁴Kagetka gwözöᅅda kingeraᅅgöra aka Jisösgö kösutᅅe anda albingö osiget. Osiba miri qakᅅe öᅅgöba Jisösgö bohonᅅeyök bo esim lulunᅅet. Lulunᅅetka kinimᅅi ahuiga mianggöreᅅ kawöl azi mi kululunᅅambuk kösönöj jöhöba algetka geiyök. ⁵Mewö geiga Anutu möt narim waᅅgigeri, Jisösnöj yengö tandökᅅini mi ehi dop köliga kawöl azigöra kewö jiyök, “Nahöni! Nöᅅön siᅅgisöndoki mosötzal.”

⁶Mewö jiiga Köna keugö böhi tosatᅅan sutᅅine tata uruᅅinan kewö mötmöriᅅet, ⁷“Azi kiaᅅön denöwögöra mewö jiza. Mönö Anutu ilita mepaqepaik akza. Anutu mohotᅅan siᅅgisöndokᅅini mosörakzapmö, azi kunᅅan mi qahö.”

⁸Uruᅅinan mewö mötmöriᅅetka Jisösnöj mianggöreᅅök uruᅅan mi möt kutuba kewö jii mötket, “Iᅅini mönö wuanöᅅgöra keu mewöᅅi uruᅅinan mötmörize? ⁹Nöᅅön ‘Siᅅgisöndoki mosötzal,’ kawöl azigö mewö jizali, keu miangᅅön mönö awamᅅanök jijiᅅa. Kunᅅan mewö jiiga tosatᅅan keu miangᅅö öᅅᅅi qahö ekᅅe. Mianggöra mi keu awamᅅangö dop. Nöᅅön keu kun kewö jimamgö mötᅅal, ‘Mönö wahöta tumbulahöᅅki memba anöᅅ.’ Keu mi mönö lömbötᅅambuk jijiᅅa akza. Mewö jibiga öᅅᅅi ahuma me qahöwi, miangᅅön mönö aukᅅe asuhui ekᅅe. ¹⁰Mötket, gölmenöᅅ siᅅgisöndok mosötmosötkö kukösumᅅi mi Sup gölmegö azi öᅅᅅanggöreᅅ ahözawi, iᅅini miangᅅö könaᅅanggöra janᅅuᅅ malbepuk. Mianggöra keu lömbötᅅi mi azi kiaᅅgöra jibi öᅅᅅi eket,” Mewö jiba azi sile likeᅅᅅi kömukömuᅅangᅅö jeᅅe eka jiyök, “Nöᅅön göhöra jizal: Gi mönö wahöta tumbulahöᅅki memba mirige anöᅅ. Keu lömbötᅅi mi öᅅᅅambuk

akɲa ewö, keu awamɲi mi mönö mewöyök denöwögöra omaɲi akawak?”
 11 Mewö jiba azi sile likepɲi kömukömuɲi kewö jii mörök, “Nöɲön göhöra jizal: Gi mönö wahöta tumbulahöpki memba mirige anöɲ.”

12 Jiiga mönö wahöta mianggöreɲök tumbulahöpɲi memba ambazip pakpak yeɲgö jeɲine yaigepɲe anök. Mewö aniga körekɲan welipkoba Anutu möpöseiba kewö jiget, “Yei! Tandök kewöɲi mi mönöwök nalö kungen qahö ehin. Qahö. Dölki je murutɲa ekzin.” Mewö.

Jisösnöɲ Matyu (Liwai) oholök.

Mat 9.9-13; Luk 5.27-32

13 Jisösnöɲ kunbuk Kaperneam mosöta aɲgönöɲ geba sak qöhöröɲe anda malök. Maliga ambazip kambulelembenöɲ yaɲgöreɲ kagetka Buɲa keu kusum engiyök. 14 Anda takis ofis oɲgitmamgö aiga mianggöreɲ azi qetɲi Liwai Alfiusgö nahönɲi tariga eka jii mörök, “Gi mönö nöɲgö andöne kanöɲ.” Mewö jiiga möta wahöta takis nup mosöta Jisösgö andöɲe anök.

15 Anda Liwaigö mire anda nene memba tatkeri, nalö mianggöreɲ takis meme azi tilipqilipɲinambuk aka siɲgisöndok azi gwötɲukɲan kaba Jisös aka yaɲgö gwarekurupɲi yembuk tata nene mohokɲe neget. Gwötɲukɲan mönö Jisös wuatangöba malget. 16 Jisösnöɲ takis meme tilipqilipɲinambuk aka siɲgisöndok ambazip tosatɲi yembuk tata nene negeri, mi Farisi (Köna keugö kapaɲkölköl) aka yeɲgöreɲ böhi tosatɲan eka Jisösgö gwarekurupɲi kewö jim engiget, “Aek! Yaɲön mönö wuanöɲgöra takis meme tilipqilipɲinambuk aka siɲgisöndok ambazip yembuk tata nene neza? Mi qahö dop kölja.”

17 Mewö jim engigetka Jisösnöɲ likepɲi kewö jii mötket, “Sile unditundit ambazipnöɲ doktagöra qahö ak engimakzapmö, kawöl ambazipnöɲ doktagöreɲ anakze. Nöɲön siɲgisöndok ambazip engoholmamgöra kaba maljalmö, ambazip nanɲinaɲgö mötketka solanɲi akzei, i qahö.” Mewö.

Nene siɲgi malmalgö keuɲi

Mat 9.14-17; Luk 5.33-39

18 Nalö mianggöreɲ Jongöreɲ gwarekurupɲi aka Farisi (Köna keugö kapaɲkölköl) yeɲön nene siɲgi malgetka tosatɲan Jisösgöreɲ kaba kewö qesiget, “Jon O-melun azigö gwarekurupɲi neɲön Anutugöra nene siɲgi malahakzin. Farisi (Köna keugö kapaɲkölköl) yeɲgö gwarekurupɲinan mewöɲanök aka malje. Nangi gwarekurupkan mönö wuanöɲgöra Anutugöra siɲgi qahö malje?”

19 Mewö qesigetka kewö meleɲnök, “Ölɲa! Nini wani nalönöɲ nene siɲgi malakzin? Ambi meme nalöɲe azigö andöurupɲan könöpɲi algetka ambigö sepkitipurupɲan yuai mi tökömakze me qahö? Nöɲön nani

gwarekurupni yeŋgö azi buŋaya aka yeŋgö sutŋine köisirik tatzal. Tatpiga yeŋön miaŋgöra aijölön sönŋaiba tata ŋiŋi malbingö osimakze. ²⁰Osimakzemö, Anutunöŋ noaŋgiri kömumbiga yeŋön mönö nalö miaŋgöreŋ ölop ŋiŋi malakŋe.

²¹(Iŋini malmal walŋi aka sösönŋai Buŋa dölökŋi mi mindirim etkibingö osime. Miaŋgö keu pasetŋi mi kewö jibi mötket:) Löŋgölöŋgöt walŋi jurariga kunŋan opo dölökŋi qahö saŋgoŋsaŋgoŋi mitiba miaŋön opo su jöhanŋi qahö uhum memba umgöreŋgömakza. Mewö akawak ewö, opo su jöhanŋi dölökŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk. ²²Mewöŋanök kunŋan wain o dölökŋi mi jobö me toru walŋi lama silenŋan memeni miaŋgöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk. Miaŋgöra wain o dölökŋi mi toru dölökŋeyök mokoin geiga dop kölma. (Mewöŋanök o ölopŋi mi gina gisagisahöŋe qahö umakzin. Mewö ubinak ewö, miaŋön mönö jula kisipisirik eriga nempa kawöl neŋgöhöbapuk. Mewö akapüköra o ölopŋi mi gina ölopŋe umakzin. Iŋini mewöyök malmal walŋi aka Ölöwak Buŋa dölökŋi mi mindirim etkibingö osime.) Mewö.”

Jisösnöŋ Sabat kendongö Kembuŋi akza.

Mat 12.1-8; Luk 6.1-5

²³ⁱMiaŋgö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Aniga gwarekurupŋan wösöŋini eŋguiga wit ölnŋi mohot mohot könahiba böröŋinan misiba neget. ²⁴Mewö negeraŋgöra Farisi (Köna keugö kapaŋkölköl) tosatŋan Jisös kewö jiget mörök, “Mötnöŋ, yeŋön mönö wuanöŋgöra Sabat kendongö nup meme soŋgoŋi oŋgitze?”

²⁵^jMewö jigetka kewö meleŋnök, “Kiŋ Deiwidnöŋ yarö aziurupŋi yembuk liliköba wösöŋini eŋguiga nenegöra osiba yuia akeri, mi lök nalö kunöŋ oyonget me qahö? ²⁶^kYaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö memba neyök. Beret kömbukŋi mosötmosötŋi mi jike nup galöm yeŋönök nezema. Tosatŋan mi nembepüköra soŋgo ahöiga töndup neyök. Nempa aziurupŋi tok eŋgiiga mohotŋe neget. Nalö miaŋgöreŋ azi qetŋi Abiatar yaŋön jike nup galöm bohonŋaŋgö nup memba malök.”

²⁷Mewö jiba kewö jii mötket, “Anutunöŋ Sabat kendon mi ambazip ölöwakŋegöra ali ahöza. Mia ambazipnöŋ laŋ jim kutumegöra aka qahö. ²⁸Mewö aiga Suep gölmegö azi ölnan mönö Sabat kendongö Kembuŋi mewöyök akza.”

ⁱ 2.23 Dut 23.25 ^j 2.25-26 1 Sml 21.1-6 ^k 2.26 Lew 24.9

Jisösnöj azi böröjji sööröngöjji mem ölöwahök.

Mat 12.9-14; Luk 6.6-11

3 ¹Jisösnöj kunbuk köulul mire öngöiga miangörej azi böröjji sosoholijji kun tarök. ²Miangörej azi böröjji sosoholijji kun tarök. Ambazipnöj Jisös keu jakeje al wanjibingöra “Azi mi Sabat kendonöj möhamgöma me qahö?” jiba Jisös je galöm memba tatket. ³Megetka Jisösnöj azi böröjji sosoholijji mi kewö jii mörök, “Mönö wahöta jenine kinöj.” ⁴Mewö jiba kewö jii mötket, “Köna keu wuatangöba Sabat kendonöj yuai ölöpji me bölöjji akin? Ölöp kungö bohönji jöhöbin me mosöringa kömuma? Wanat kun meinga dop köлма?” Mewö jii möta göröj alget.

⁵Keunijni göröj tatketka lilingöm purik engehi urunjan köhöikjji gwözöjñöhängöra wösöbirik aka kukjejenöj engehök. Mewö engeka azi miangö jiyök, “Gi mönö börögi qötöteinöj.” Mewö jiiga böröjji qötöteiba kunbuk ölöwahök. ⁶Ölöwahiga Farisi (Köna keugö kapankölköl) yejön yaigep anda miangörejök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöj kawöl ambazip mem ölöwak engiyök.

⁷Mewö megetka Jisösnöj gwarekurupji enguangita o angö jitre anget. Angetka Not prowins qetji Galili miangörejök ambazip kambuleleme yejön könaje wuatangöba anget. Judia prowins miangörejök mewöyök yangörej kaget. ⁸Siti bohönji qetji Jerusalem, Saut prowins qetji Aidumia aka Jordan o likepneyök Wehön Kotkotje yejön aka Wehön Gegeje görökenök taon qetjiri Taiö aka Saidon liliköba maljei, yejön mohok kambulelebenöj öröba kaget. Jisösnöj angöletot ketaji ketaji memba malöhi, miangö buzupji möta mindiqindiriba kangotket. ⁹Mewö kangota utal wanjibepuköra Jisösnöj gwarekurupji kewö jii mötket, “Ölököm ningibepuköra injini mönö wange kun miwikjaiba nöngöra dowe alget tarök.” ¹⁰Mewö jii möta ambazip sehisehinji mem ölöwak engiba malök. Miangöra qemjem-mamjen aka sile lölömböröjñinambuk pakpak yejön sileje misiribingöra liliköba gwötpuk aum metala utal wangiget. ¹¹Ömeni ömeni yejön Jisös eka jemesoholje gölmenöj geba kewö qetket, “Gi Anutugö Nahönji akzan!”

¹²Mewö qetketka Jisösnöj qetal engiba könöjamjan aukje asuhubapuköra songo köhöikjji al engiyök. Mewö.

Jisösnöj gwarekurupji möwölöhöm engiyök.

Mat 10.1-4; Luk 6.12-16

¹³Könangep Jisösnöj kunduje öngöba miangörej nanji sihimjangö dop azi engoholiga yangörej kaget. ¹⁴Kagetka azi 12 mi yambuk

¹ 3.9-10 Mak 4.1; Luk 5.1-3

malmegöra al engiba Buṇa keuṇi jim sehimegöra melaim engiyök.

¹⁵Melaim engiba ömewöröme közöl engimegö kukösumṇi engiyök.

¹⁶Mewö aka azi 12 ki kewö al engiyök: Pitö, Jisösnöṇ qet mi Saimon waṅgiyök. ¹⁷Jeims aka munṇi Jon, iwiṇiri qetṇi Zebedi. Jisösnöṇ yetkö qetṇiri kun Boanerges qerök. Mi nanine keunöṇ Pöndandaṅgö Nahönyahötṇi. ¹⁸Andru, Filip, Bartolomyu, Matyu, Tomas, Jeims Alfiusgö nahönṇi, Tadius, Saimon Zelot-politik azia^m ¹⁹aka Judas Iskariot. Kariot azi mianṇön könangen Jisös mamalolo mem waṅgiyök. Mewö.

Jisösnöṇ öme yeṅgö kukösumṇini oṅgita qei etza.

Mat 12.22-32; Luk 11.14-23; 12.10

²⁰Jisösnöṇ mi al engiba kundueyök eta nanṇi miriṇe kayök. Mire kaiga ambazip kambu ketanṇi kunbuk kaṅgota tokogetka mönö mianṇöra tosolomṇi yembuk nene nembangö osiget. ²¹Osigetka sepkitipurupṇan mi möta “Uruṇi lök sohoza!” jiget. Jiba geba waṅgitpingöra anget.

²²“Angetka Köna keugö böhi Jerusalemök kageri, yeṅön jiget, “Satangö Katakömulatnöṇ mönö uruṇe geiga malja. Yaṅön öme yeṅgö kembuṇinaṅgö ösumnöṇ ömewöröme enṅuatangömakza.”

²³Mewö jigerangöra Jisösnöṇ enṅoholi kagetka dopkeunöṇ kewö jii mötket, “Satanöṇ mönö denöwö alaṇi Satan kun wuatangöbawak? ²⁴Kantri kungö galömurupṇinan sutṇine aṅgururuk aka julme ewö yeṅön mönö galömkölköl nupṇini memba kinbingö osime. ²⁵Mewöyök miri kungö könagesö yeṅön sutṇine aṅgururuk aka julme ewö, mönö galömkölköl nupṇini memba kinbingö osime. ²⁶Mewöyök Satangö könagesö yeṅön sutṇine aṅgururuk aka tuarenjoṇ ak aṅgubeak ewö, galömkölkölṇinaṅgö ösumṇan eriga bemtohoṇinan mönö qahöwakṇamgö akza.

²⁷Kunṇan azi köhöikṇaṅgö köna böröṇi mutuk qahö jöhöma ewö, yaṅön mönö miriṇe öṅgöba qezaṇda sukinapṇi memangö osima. Mutuk i jöhöi tarigun mönö ölop miriṇeyök öroyuaiṇi pakpak waṅgita memba anma. (Miangö dop nöṅön mewöyök Satan jöhöba andöṇe ömeṇi enṅuatangömakzal.”) Mewö.

Siṅgisöndok mosötmosötṇi qahö

²⁸Nöṅön keu ölnṇi kun kewö jibi mötme, “Ambazip ketanṇi moröṇi siṅgisöndok ahakzei, mi Anutunöṇ mosörakza. Lömbötṇambuk me awamṇi mepaqepaik akeak mönö mi Anutunöṇ saṅgoṇ enṅima. ²⁹“Saṅgoṇ enṅimappmö, Kunṇan Uṇa Töröṇi ilita mepaikömawī, miangö siṅgisöndokṇi Anutunöṇ mönö nalö kunöṇ qahö mosötma. Saumbaṇ! Siṅgisöndok mianṇön mönö qakṇe öṅgöiga

^m 3.18 Nasönöl pati zelot yeṅön Rom gawman tuarenjoṇ aka nanṇine kinkin membangöra tuaköpek memba malget. ⁿ 3.22 Mat 9.34; 10.25 ^o 3.29 Luk 12.10

nalö tetekönji qahö Anutugö jerje keunꞑambuk malma.” Mewö jiyök. ³⁰“Ömenön uruje geyöhawa malja,” Jigerangöra aka mewö kusum enꞑiyök. Mewö.

Jisösgö nam-munurupni.
Mat 12.46-50; Luk 8.19-21

³¹Mewö eraum mötketka nam-munꞑan kaba yaigep kinda yenꞑören etmapkö keu alget yanꞑören anök. ³²Aniga ambazip kambu yenꞑön liliköm wanꞑiba tata kewö jiget mörök, “Mötnön! Göhö nam-mungan mönö yaigep kinda göhöra qesize.”

³³Jigetka meleꞑda kewö jii mötket, “Nöngö namni mi daꞑön aka munurupni daꞑön?” ³⁴Jisösnön mewö jiba ambazip liliköm wanꞑiba tatkeri, i uba enꞑeka kewö jiyök, “Eket nöngö namni aka munurupni mönö ki. ³⁵Anutugören jitsihitji tem kölahakzei, mieꞑön mönö nöngö namni aka nen-munurupni akze.” Mewö.

Qesin gilgil azigö dopkeu
Mat 13.1-9; Luk 8.4-8

4 ^{1p}Jisösnön kunbuk o anꞑö jitꞑe geba könahiba kusum enꞑiyök. Kusum enꝼiiga ambazip kambulembenön yanꝼören anda tokogetka wanꝼenön öngöba o anꝼö qakꝼe anda tarök. Tariga ambazip pakpak yenꝼön anꝼö göraꝼe saknön tokoget. ²Mewö tokogetka dopkeu gwötꝼuk jiba kusum enꝼiyök. Kusum enꝼiba kewö jiyök.

³“Mötket! Azi kunꝼan nene kötnji qesin gilmangöra nupnön anök. ⁴Anda qesin giliga kötnji tosatꝼan köna jitꝼe geba kölget. Geba kölgetka (warawen) neiꝼi neiꝼi kaꝼgota mi nem teköget. ⁵Kötnji tosatꝼan köt jamönjijnön geba kölget. Geba köla miangören gölme gwötꝼuk qahö miwikꝼaiget. Gölme dutꝼi qahö ahöyöhangöra korapꝼi zilaꝼ kotket. ⁶Kotketmö, wehönon kota enguba jem kutum enꝼiiga jalönjini qahöpköra soholiba gororongöget. ⁷Kötnji tosatꝼan siriuret wahinambuknön miangören geba kölget. Geba kölgetka mieꝼön kota qem turugetka böbölohohot mem enꝼiget. Mewö aka ölnji qahö kuꝼguget. ⁸Kötnji tosatꝼan gölme ölöꝼpe geba kölget. Geba köla korapꝼini jula wahöta ipꝼinanꝼö ölnjini ölöꝼpni asuhuget. Tosatꝼan kötnjini 30, Tosatꝼan kötnjini 60, tosatꝼan 100 miangö dop ahum sehiget.” ⁹Mewö jiba jim teköyök, “Kunꝼan urukezapꝼambuk malja ewö, yanꝼön mönö dopkeu ki kezap ala möt kutuma.” Mewö.

Jisösnön wanigöra dopkeu jiyök.
Mat 13.10-17; Luk 8.9-10

¹⁰Kambu ketanji yenꝼön deꝼda angetka Jisösnön nanꝼök tarök. Nanꝼök tariga gwarekurupꝼi 12 aka tosatꝼi liliköm wanꝼigeri, mi mohotꝼe

dopkeu kiengö kōnaņinanğōra qesim waņgiget. ¹¹Qesim waņgigetka kewō melenđa jiyök, “Anutugö bemtohoņe aņgota malbingö keu tōlapņi mi eņğōra aukņe jibi mōt kutuzemō, yaigep maljei, yeņğōra mi pakpak mōnō dopkeunōhök asuhumakza. ¹²⁹Mewō asuhuiga

‘Nanņini jeņinan yuai ekagun kōnaņi tōndup qahō mōt kutume. Nanņini Kezapņinan keu tōrōrök mōtagun kōnaņi tōndup qahō mōt asarime.

Mi mōt asaribeak ewō, mōnō ölöp uruņini melenğetka Anutunōņ siņgisōndokņini mosōtpawak.’”

Jisōsnōņ dopkeugö kōnaņi jiyök.

Mat 13.18-23; Luk 8.11-15

¹³Jisōsnōņ toroqeba kewō jii mōtket, “Dopkeu miangö kōnaņi kewō. Mi kude mōt asarize ewō, dopkeu tosatņi pakpak jimami, mi mōnō denōwō mōt asaribeak? ¹⁴Dop Keu miangö kōnaņi kewō: Qesiņgilgil azinōņ Buņa keu qesiņđa gilja. ¹⁵Nene kōtņi kōna jitņe geba kölgeri, mi kewō: Buņa keu qesiņ gilgetka ambazip uruņine gezapmō, mi mōtketka Satanōņ miangöreņök kaba keu uruņine qesiņget geyōhi, mi qekōba eņguaņgirakza. ¹⁶Nene Kōtņi qesiņniga kōt jamōņjiņnōņ geba kölgeri, mi mewōyök ambazip söpsōpņi kun. Yeņōn Buņa keu mōta miangöreņök sōsōņgai qakņe mōt aņğōn kölakze. ¹⁷Mewō ahakzemō, uruņine jalōņi qahō ahōm eņgimapmō, nalō tōrōptōkņi miyök kin kōhōiba malme. Buņa keugōra aka kahasililiņ me sesewerowero asuhuiga nalō miangöreņök mōnō tala eņguma. ¹⁸Nene kōtņi qesiņniga siriuret wahiņinambuknōņ geba kölgeri, mi kewō: Yeņōn Buņa keu mōtketka uruņine geza. ¹⁹Gezapmō, gölmenōņ malmalgö waimaņjatņi aka moneņ inap memegō urukōnōpņi ahuba lömbōrim eņgimakzal. Qetbuņaņinambuk akingö köpōsōņgögetka sihim kōmbōnaņi bōlōņi tosatņan mewōyök uruņine dumgōba Buņa keu bōbōlohot mem waņgize. Mewō aiga öļņini qahō gilipitņi (ambetakņi) akņe. ²⁰Nene kōtņi gölme ölöpņe qesiņniga geba kölgeri, mi ambazip kewōņi: Yeņōn Buņa keu kezap ala mōta mōt aņğōn kōla pōndaņ kinda öļņini miwikņaimakze. Tosatņan keu jit mohoknōhök kōtņi 30 miwikņaimakze. Tosatņan öļņini 60, tosatņan keu kōt mohot mohot miengö öļņini 100 mem sehiba miwikņaimakze.” Mewō.

Lampe mi asakņi neņgimapkōra ahōza.

Luk 8.16-18

²¹^rJisōsnōņ keu kun kewō jiyök, “Kunņan lambe me kiwa memba ohotiriba kimbut me dum baņņe alma me qahō? Mi waniņe alma? Mi mōnō miangö dum tatatnōņ aukņe alma. ²²^sMewōņanök yuai kun

⁹ 4.12 Ais 6.9-10 ^r 4.21 Mat 5.15; Luk 11.33 ^s 4.22 Mat 10.26; Luk 12.2

asambötket ahözawi, mi mönö aukŕe asuhum tiŕgitmapkörä ahöza. Yuai kun köl turuget ahözawi, mi mönö luluŕget kötulmapkörä aka ahöza. ²³Kunŕan urukezapŕambuk malja ewö, yaŕŕön mönö dopkeu ki kezap ala möt kutuma.” Mewö.

Denöwö diweloŕmen ahuza?

²⁴‘Jisösnöŕ keu kewö jii mötket, “Keu mötzei, mi mönö möt aŕgön köla urukönimŕine ala köl guliba malme! (Mewö malgetka uruŕŕini diŕŕiiga mötmötŕinan qariiga möt kömume.) Iŕŕini tosatŕi yeŕgö keuŕŕini kewöta jim tekömei, Anutunöŕ mönö jimkutukutuŕŕini mohot miangö dop nanŕini keuŕŕini kewöta jim teköma. Dop mi mönö oŕgita likeŕŕi meleŕ eŕŕgima. ²⁵“Miangö könaŕŕi kewö: Kunŕan mötkutukutuŕŕambuk maljawi, Anutunöŕ mönö mi toroqem waŕŕiiga malmapmö, kunŕan mötkutukutuŕŕi qahö maljawi, Anutunöŕ mönö mötmötŕi moröŕŕi ahözawi, mi mewöyök qeköba waŕŕitma. Mewö.

Buŕa keu kötŕi mi korapŕambuk.

²⁶Jisösnöŕ dopkeu kun kewö jiyök, “Anutugöreŕ bemtohoŕŕi mi kiangö dop: Azi kunŕan nuwe anda nene kötŕi qeŕiŕda gilma. ²⁷Qeŕiŕda gila anda suŕgem silim ahöba wahöta ahöba wahöriŕga nene kötŕangö korapŕŕi jula korakze. Denöwö jula korakzei, mi nanŕak qahö möt kutuza. ²⁸Gölmenöŕ nanŕök nam köli ölnŕi asuhumakza: Mutuk ipŕŕi, könaŕŕep ölnŕi aka miangö andöŕe ölnŕangö kötŕi mi körek asuhiba qarim teköme. ²⁹“Ölnŕi qarim teköba öliiga ölnŕi memegö nalöŕŕi aiga welenqeŕeuruŕŕi melaim eŕŕiiga souŕŕini kapeŕkapeŕŕöŕŕi jitŕinambuk memba ölnŕi memingöra nupŕe anme.” Mewö.

Nejoŕ kötŕangö dopkeu

Mat 13.31-32, 34; Luk 13.18-19

³⁰Jisösnöŕ dopkeu kun kewö jiyök, “Anutugö bemtohoŕŕi mi wanatpuk dop albinak me wanat söpsöp keu jiba jim asaribinak? ³¹Mi nejoŕ kötŕangö dop kewö akza: Kötŕi mi morö közözömŕŕi. Mi gölmegö nene köt pakpak miengö eretŕŕini akza. Mewö aiga nup gölmenöŕ esize. ³²Esizemö, jula wahöta yöha pakpak eŕŕoŕgita qariba böröŕŕi ketanŕi gili anje. Mewö gili anetka könakembagö neiŕŕi neiŕŕi miengön aipŕŕini miangö aumŕe alakze.” Mewö.

Jisösnöŕ dopkeu gwötŕuk jiyök.

³³Jisösnöŕ dopkeu mewöŕŕi mewöŕŕi mi gwötŕuk jiba mala Buŕa keu jiiga mötket. Möt kutugerangö dop mi jiiga möta malget. ³⁴Nalö

[†] 4.24 Mat 7.2; Luk 6.38 [“] 4.25 Mat 13.12; 25.29; Luk 19.26 [∨] 4.29 Joel 3.13

dopkeunji pakpak mi dopkeunöj jiba malök. Keunji kun öne kude jiyökmö, gwarekurupji yembuk nanjinök malgetka keu pakpak miengö könajini mi jim asarim engiba malök. Mewö.

Jisösnöj jiiga raidimbom görön qeyök.

Mat 8.23-27; Luk 8.22-25

³⁵Wehön miangören mare aiga Jisösnöj gwarekurupji kewö jii mötket, “Mönö mosöta angö kutuba likepne angotpin.” ³⁶Mewö jiiga ambazip kambu engömosöta Jisös wanjigetka wanjenön tari anget. Wanje tosatni mi mewöyök yembuk awatan anget. ³⁷Angetka raidimbom ketañan ömtöröp (töröpñanök) giliga sirinön wanje uruje gegetka wanje numbuqe qemamgö ahök. ³⁸Mewö aiga Jisösnöj wanje teteköje tata qömböñnön nariba gaun ahöyök. Gaun ahöiga gwarekurupñan anda möndöba jiget, “Hei böhi! Nini angönön ayuhubingöra akzin. Miangö waimanjatni kun mötzan me qahö?”

³⁹Mewö jigetka imbiñi möta luhut aka siri kewö jim qetal etkiyök, “Mönö bököba öne ahönöj!” Mewö jiiga luhutnön döngöiga sirinön nön qeba ahöyök. ⁴⁰Mewö aka kewö jim engiyök, “Injini mönö wuanöngöra kenjöt mötmöt azia akze? Denöwögöra aka Anutu qahö möt narize? Sömbuñini mönö öne mötze.”

⁴¹Jiiga awöwöliba qem sömbuñini möta eraum mötket, “Yei, azi kia mönö denöwöñan malja? Yanön mönö luhut aka köwet jim kutum etkiiga jitni tem köljahot?” Mewö.

Ömenön bau urujine gegetka azinön ölöwahot.

Mat 8.28-34; Luk 8.26-39

5 ¹Mewö asuhuiga angö kutuba likepne Gerasin yengö gölmenön angotket. ²Angota körökne öngögetka Jisösnöj wanje mosöriga miangörenök azi ömeñambuk kun mi qaksirinöhök kaba kinda Jisös miwikñaiyök. ³Azi mi qaksirinön mala qamöt kötenji esiba urorohoget ahögerangören ahöm malök. Azi körekñön könabörönji tapep (muñgamuñga) kösönön jöhöbingö osiba malget. ⁴Indimji gwötpuk könaji tapep kösönön jöhöba börtakñi qeba malgetmö, boro takñi kusula köna kösönji titikutuba maliga körekñan i galöm köl osiget. ⁵Osiba sunjem asak dop sundan qaksirigö köt köteñnön me kunduje lanlan ahöba malök. Mewö mala silata qeta silenji kötnön qem kutumutuba malök.

⁶Jisösnöj tikep kaiga eka ösumñan kaba gölmenön kösutje geba simin kölök. ⁷⁻⁸Simin köliga Jisösnöj ömenji mi kewö jim wanjimamgöra ahök, “Öme bölönji! Gi mönö azi ki mosöta anöj!” Mewö jimamgöra aiga qet bölöbölö ketañi qeta jiyök, “Aek! Gi Jisös, Anutu öngöngöñangö Nahönñi akzan. Gi denöwö ak niñjimamgöra kazan? Nönön Anutugö jemesoholje

ulet gihizal: Gi keu jöhöba jöjöpaŋ keunöŋ jim köhöiba mönö sihimbölö könöŋambuk kude ak niŋŋinöŋ.”

⁹Mewö jiiga kewö qesiyök, “Gi qetki niŋi?” Qesiiga jiget, “Nini gwötpuk maljinangöra qetnini Lijön jizin.” Mi nanine keunöŋ Kerök kambu ketani. ¹⁰Mewö jiba kapaŋ köla kewö ulet waŋgiget, “Gi neŋguatanğöbanak, mewö mönö gölme kiangöreŋök kude melaim neŋgiman.”

¹¹Kösutŋine kundunŋi marömŋe miangöreŋ bau kambu ketani kun gwözözak uruŋe kulunđa malget. ¹²Miangöra ömenöŋ kewö jiba Jisös ulet waŋgiget, “Göŋön melaim neŋŋinöŋga nini ölop bau miengö uruŋine gebin.” ¹³Jigetka “Mönö anda geget,” jiba jim kutum eŋgiiga azi uruŋeyök kota anda bau uruŋine geget. Gegetka miangöreŋök bau kambu 2000 miangö dop mi mönö luhuba nembönembönöŋ anda jororongöba o aŋgönöŋ geba nemulahöba kömuget.

¹⁴Kömugetka bau galöm yeŋön ölöŋ unjurata taon aka miri morömorö miangöreŋ anda keu buzupŋi jiget. Jiget mötketka ambazip sesegilgil yeŋön yuai asuhuyöhi, mi ekingöra kaget. ¹⁵Kaba Jisösgöreŋ kaŋgota eketka azi öme kambuŋambuknöŋ malöhaŋön mönö opo sileötaŋi törörök jöhöba tata uruŋi amöriiga imbi mötmötŋi pakpak asuhuiga eka awöwöliget. ¹⁶Kingetka bau mi denöwö geba kömugeru aka azi ömeŋambuk yaŋgöreŋ yuai asuhuyöhi, mi ekeranöŋ kösohot yahöt mi jiget mötket.

¹⁷Möta kinda Jisösnöŋ mindimindiri sel gölmeŋini mosöta anmapkö ulet waŋgiget.

¹⁸Ulet waŋgigetka mosöta waŋgenöŋ öŋgömamgöra ahiga azi ömeŋambuk malöhaŋön kaba Jisösbuk mohotŋe anda malmamgöra qesiyök.”

¹⁹Qesiyökmö, Jisösnöŋ qetal waŋgiba kewö jii mörök, “Gi mönö mirige anda tinitosolomurupki eŋgeka Kembunöŋ aŋgöletot ketani aka ak-kömum gihiyöhi, miangö kösohotŋi jinöŋga mötme.”

²⁰Mewö jiiga mosöta anda Jisösnöŋ aŋgöletot ketani ketani ak waŋgiyöhi, miangö keuŋi könahiba Ten-taon distrik uruŋe jim sehiiga köreŋan welipköget. Mewö.

Jairusnöŋ bōratŋangöra Jisös köuluköyök.

Mat 9.18-26; Luk 8.40-56

²¹Jisösnöŋ waŋgenöŋ öŋgöba lilingöba aŋgö kutuba likepŋe kaiga ambazip kambu gwötpukŋan yaŋgöreŋ kaba tokogetka aŋgö jitŋe kinget. ²²Kingetka köuluk mirigö keu galöm kun qetŋi Jairus yaŋön kaba Jisös eka wösöŋe geba simin köl waŋgiyök. ²³Simin köl waŋgiba kapaŋ köla köuluköba kewö jiyök, “Bōratni moröŋan mönö kömumamgö akza. Mönö kaba bōrogi qakŋe alnöŋga ölöwaka toroqeba malma.”

²⁴Mewö jiba Jisös wangiriga mohotŋe anohotka ambazip kambuleleme yenŋon andönire anda ölöqöloköba liliköm etkiba anget. Mewö.

Kawöl ambi kunöŋ Jisösgö malukuŋi misiriyök.

²⁵Angetka mianŋöreŋ sutjine ambi kun malök. Yaŋön (yara) yambu 12:gö dop köiŋnöŋ ehiga nalö dop kawöl yöhöiga malök. ²⁶Mewö mala sihimbölö gwötpuk möriga sile galöm gwötpukuŋan yaŋgö nup megetka baukbauk kun kude miwikŋaiba malök. Yaŋön sile galöm ambazip yenŋö töwanjanŋöra moneŋ inapŋi körek gila malökmö, kawölŋi mianŋön mönö mem bölim waŋgiiga malök. ²⁷⁻²⁸Mewö mala Jisösgö buzupŋi möta kewö jiyök, “Nönön i oseimangö möt lömböriba malukuŋeyök borom kun misiribileŋak ewö, mönö ölop ölöwakŋam.” Mewö jiba ambazip kambu sutjine Jisösgö andöŋe anda malukuŋe misiriyök.

²⁹Misiriiga sepŋi mianŋöreŋök jöpköiga qemjem-mamjeŋan qahöwahiga sileŋan ölöwahiga mörök. ³⁰Ölöwahiga Jisösnöŋ mianŋöreök ösumŋi kun kutuba anöhi mi möta ambazip kambu sutjine liliŋgöba jiyök, “Daŋön malukuni misiriza?”

³¹Mewö jiiga gwarekurupŋan kewö jiget mörök, “Ambazip kambunöŋ öloköba liliköm gihiba goseize. Mi eka denöwö ‘Daŋön nömisiriza?’ jizan?”

³²Mewö jigetmö, Jisösnöŋ kunbuk “Daŋön mi akza?” jiba mi miwikŋaimamgöra liliŋgöba uba eŋgehök. ³³Eŋgehiga ambi sileŋe angöletot asuhuyöhi, yaŋön mi möta mianŋöra keŋgötŋi möta jönömŋi unduiga kaba Jisösgö wösöŋe geba simin köla könaŋi pakpak jiiga mörök. ³⁴Jisösnöŋ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjeŋan mönö qahöwahiga ölop urubönjönöŋ anman.” Mewö.

Jisösnöŋ Jairusgö böratŋi mem guliyök.

³⁵Keu mewö jiba kiniga köuluk mirigö keu galömŋangö mireyök kunŋan welen kaba Jairusgöra jiyök, “Böratki kömuza! Mianŋöra böhigö qakŋe lömböt toroqeba kude alman.”

³⁶Jiiga Jisösnöŋ keu mianŋö nönöŋgan aka köuluk mirigö keu galömŋi kewö jii mörök, “Keŋgötki kude mötnöŋ! Mönö ni möt narim niŋginöŋ.”

³⁷Mewö jiba ambazip tosatŋi eŋgömosöta Pitö, Jeims aka Jeimsgö munŋi Jon miyök eŋguangiri i wuatangöba anget. ³⁸Anda köuluk mirigö keu galömŋangö mire aŋgotketka ambazip kambu göju megetka eŋgehök. Gwötpukuŋan jingey köla köhöikŋanök sahöta amburereŋ meget.

³⁹Eŋgeka mire öngöba kewö jii mötket, “Inini mönö wuanöŋgöra göju memba sahötze? Morö mianŋön qahö kömuzapmö, gaunök ahöza.”

⁴⁰Mewö jii mötket gönahit ewö aiga gön köl wangigetmö, yaŋön i körek eŋguatangöba morögö iwinamŋi aka tosatŋi yambuk malgeri,

miyök enġuaŋgiriga morönöŋ ahöyöhaŋgören öngöget. ⁴¹Öngögetka börat mi böröŋe memba yaŋgöra jiyök, “Talita kum.” Mi nanine keunöŋ Ambi moröŋi, ni göhöra jizal: Mönö wahötnöŋ!

⁴²Mewö jiiga ambi (yara) yambuŋi 12 miaŋön mönö miaŋgöreŋök wahöta kinda anda kayök. Mewö aiga eka kesötŋini yöhözömgöba welipköget. ⁴³Welipkögetka miaŋgö buzupŋi kun jiget mötpepekö jiba soŋgo köhöikŋi al enġiyök. Al enġiba ambi moröŋi numbu nene waŋgiget nemapkö jiyök. Mewö.

Nazaret yeŋön Jisös andö qeget.

Mat 13.53-58; Luk 4.16-30

6 ¹Mi asuhuiga Jisösnöŋ Jairusgö miri gölme mosöriġa gwarekurupŋan wuatangöba yambuk anda Jisösgö malqarip taonön aŋgotket. ²Sabat kendonöŋ kaiga köuluk mire öngöba Buŋa keu könahiba kusum enġiyök. Kusum enġiiga möta ambazip gwötpukŋan auruba welipköba kewö jiget, “Yei, kezapjupjup! Yuai pakpak ki mönö denikeyök möta jiza? Mötkutukutuŋi mi mönö daŋön kusum waŋgiiga jiza? Aka aŋgöletot kukösumŋinambuk mewöŋi mi mönö daŋön inahöi böröŋan meiga asuhuze? ³Azi ki mönö miri kiaŋgö mitimqege azia. Mariagö nahöŋŋi aka Jeims, Josef, Juda aka Saimon yeŋgö datŋina. Nenurupŋan mönö sutnine ki malje.” Nazaret yeŋön mewö jigetka uruŋinan böliiga miaŋgöreŋ qaköget.

⁴“Qakögetka Jisösnöŋ kewö jii mötket, “Kezapqetok azigö sepkitip aka tinitosolomurupŋan mönö nanŋi taonöŋ jijiwilit ak waŋgimakzemö, miri tosatŋi miaŋgöreŋ mewö qahö.

⁵Mewö akerangöra Jisösnöŋ kawöl ambazip mohot mohot böröŋi qakŋine ala mem ölöwak enġiyökmö, aŋgöletot kukösumŋinambuk tosatŋi memamgö osiyök. ⁶Mewö ahiga mötnaripŋinan qahö asuhuiga yaŋgisenjaŋgöra aka auruyök. Auruba Nazaret mosöta kösutŋe miriŋi miriŋi liliköba Buŋa keu kusum enġiba malök. Mewö.

Jisösnöŋ gwarekurupŋi 12 melaim enġiyök.

Mat 10.5-15; Luk 9.1-6

⁷Jisösnöŋ gwarekurupŋi 12 mi enġoholi kagetka könahiba yahöt yahöt pakpak melaim enġiyök. Melaim enġiba ömewöröme közöl enġimegö kukösumŋi enġiyök. ⁸*Mi enġiba kewö jim kutum enġiyök, “Köna anmeaŋgöra öröpŋini memba anme. Yuai tosatŋi kun kude meme. Köna nalem qahö, gösö qahö me soujeŋi mi irimuŋgaŋine kude jöhöme. ⁹Köna esu ölöp könaŋine jöhöba maluku semöŋŋi qahöpmö, mohot meme.” ¹⁰Mewö jiba kewö jii mötket, “Anda miri denike denike aŋgotmei, mönö

* 6.4 Jon 4.44 * 6.8-11 Luk 10.4-11

mianḡoreḡök mala nup memba taon mi mosöta köna anme. ¹¹ʷAnda mala miri kunöḡ aḡgotketka qahö köl öröm eḡgiba keuḡini qahö mötketka nesampurekḡini mönö kewö jiba kondel eḡgime, ‘Nini eḡgö gölmenöḡ kainga sölbuham köna tambönine mekötahözawi, mi mönö tim tönjöraringa nanḡine lilingöba gema.’ Mewö jigetka könaḡamḡini solanḡi möt kutugetka ölop miri me taon mi mosöta toroqeba anme.”

¹²Mewö jiiga mosöta anda ambazip uruḡini melerḡmegö Buḡa keuḡi jim sehiba malget. ¹³ʷMala öme gwötpuk eḡguataḡgöba kawöl ambazip gwötpuk kelöknöḡ eḡgömiriba mem ölöwak eḡgiget. Mewö.

Kiḡ Herodnöḡ keḡgötḡi mörök.

Mat 14.1-12; Luk 9.7-9

¹⁴ʷJisösgö qetbuḡaḡan sehiba kiḡ Herodkö kezapḡe gei mörök. Ambazipnöḡ kewö jiget, “Jon o melun azinöḡ mönö kömupnöḡök wahöta nupḡi meiga aḡgöletot kukösümḡinambuk asuhumakze.”

¹⁵ Mewö jigetmö, tosatḡan kewö jiget, “Mi mönö Elaija (Elia)”
Tosatḡan toroqeba jiget, “Mi kezapqetok azi walḡi yeḡgöreḡök kun.”

¹⁶Mewö jigetmö, kiḡ Herodnöḡ mi möta kewö jiyök, “Jon o melun azi nöḡön jibi jölḡi kutugeri, yaḡön mönö kömupnöḡök wahöta malja.” Waimanḡat möta Mewö jiyök.

Jongö jölḡi kutugetka kömuyök.

¹⁷ʷMi kewögöra jiyök: Herodnöḡ munḡi Filipkö anömḡi Herodias ölöḡ meiga Jon o melun azinöḡ kiḡ jim waḡḡiiga opotöröp melaim eḡḡiiga anda Jon memba jöhöba kösö mire al waḡḡiget. ¹⁸Jonöḡ Herodköra keu kewö jiyök: Gi qamböt ki memba mala Köna keu oḡgitan.”

¹⁹Mewö jiiga Herodiasnöḡ Jon kazik ak waḡḡiba qeget kömumapkö mörökmö, miḡgö könaḡi kun qahö miwikḡaiyök. ²⁰Qahö miwikḡaiba Jonöḡ azi solanḡi aka sarakḡi töröḡi ahöhi, mi möta sel jöhöba kölközizip ak waḡḡiba Jongöra keḡgötḡi möta malök. Mewö mala Jongö jitḡeyök keu möröhi, mi uruḡi kuḡḡugetka keu gwötpuköra uruyahöt ahök. Mi töndup töndup Jongö keuḡi mötmamḡö sihim mörök.

²¹Mewö aiga Herodiasnöḡ Jon qemamḡö könaḡi qahö miwikḡaiba maliga miḡgö nalöḡi ölopḡi kewö kam kuḡḡuyök: Kiḡḡö ahuahua nalöḡan kaiga közölömbuaḡ ala jembon aka suahö galömurupḡi aka Galili prowinsḡö jitḡememe bohonḡi mi köl öröm, eḡḡiiga kaba tatket. ²²Kaba tatketka Herodiasḡö böratḡan miri miḡgö uruḡe kaḡgota danis aliga Herod aka yambuk tebol liliköba tatkeri, yeḡön miḡgö eksihimḡi

ʷ 6.11 Apo 13.51 ʳ 6.13 Kemb 5.14 ʳ 6.14-15 Mat 16.14; Mak 8.28; Luk 9.19

ʳ 6.17-18 Luk 3.19-20

gwötpuk mötket. Mewö mötketka kiñnönj ambi seramgöra kewö jiyök, “Böratni! Wani yuaigöra sihimgi mötzani, mi ölop qesinönga tököm gihimam.” ²³Mewö jiba keu mi jöjöpañ keunönj jim köhöiba kewö jii mörök, “Wani yuaigöra qesim niñgimani, mi mönö ölop gihimam. Yuai mi me mi me prowins galöm kölakzali, mi tok ölop endenja likepni kun gihibiga galömni akñan.”

²⁴Mewö jii möta yaigep anda namni kewö qesim wañgiyök, “Namni, ni mönö Kiñnönj wani yuaiya niñgimapköra qesimam?”

Mewö qesim wañgiiga kewö meleñnök, “Mönö jinönga Jon O-melun azigö jölñi yandigetka nööröpni memba kaba niñgiman.”

²⁵Mewö meleñniga miangöreñök miri uruñe kiñkiñgöba kiñgöreñ öngöba kewö qesiba jiyök, “Kewöni! Nönön sihimnan kewö mötzal: Göñön mönö jimkutunönga Jon O-melun azigö jölñi yandiba nööröpni memba kaba köndenönj algetka mia döldöpki niñgiman.”

²⁶Mewö jiiga kiñgö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yeñgö jemesoholjine etpapuköra qeqesini andö qemangö möt lömböriba tököyök. ²⁷Tököba miangöreñök opotöröpni kun melaiba jiyök, “Gi mönö anda Jongö jölñi yandiba nööröpni memba kaman.” ²⁸Mewö jiba melaiiga kösö miri gwaröñe anda jölñi yandiba nööröpni memba kaba köndenönj ala ambi seram mi wañgiiga namni wañgiyök. ²⁹Jongö gwarekurupñan miangö buzupni möta anda qamötñi memba qaksirigö köt köteñnönj ala löm kölget. Mewö asuhuyöhañgöra kiñ Herodnönj könañgep Jisösgöra jiyök, “Jonönj mönö kömupnöhök guliba wahöta malja.” Mewö.

Jisösnönj azi 5000 nene gumohom eñgiyök.

Mat 14.13-21; Luk 9.10-17; Jon 6.1-14

³⁰Melai melai azi Aposol yeñön Jisösgöreñ kaba tokoba yuai memba ambazip kusum eñgigeri, miangö kösohotni pakpak jiget mörök. ³¹Jiget möriga ambazip totnönj totnönj qösösök kaba anda aketka silenini köñganiiga nene nembangö nalö qahö ahöyök. Miangöra Jisösnönj gwarekurupni kewö jii mötket, “Inini mönö kaba gölme kötikñe naninök malbingöra anda borom kun luhut meme.” ³²Mewö jiiga eñgömosöta wañgenönj öngöba gölme kötikni kungen nanñinök malbingöra anget.

³³Angetka ambazipnönj mi eka gwötpukñan miangö buzupni möta taon aka miri dop miengöreñök gölme köna kiñkiñgöba mutuk anda miangöreñ angotket. ³⁴Angotketka Jisösnönj wañgenöhök eta ambazip kambu ketani eñgehiga lama galömni qahö tandök ilingösönj lañ malgetka yeñgöra wösöni mörök. Wösöni möta könahiba Buja keu könanj könanj kusum eñgiyök. Mewö.

° 6.34 Jan 27.17; 1 Kiñ 22.17; 2 Hist 18.16; Eze 34.5; Mat 9.36

Jisösnöñ azi 5000 nene gumohom engiyök.

³⁵Mewö aka maliga miri jeñan teköba gemamgö ahiga gwarekurupñan Jisösgöreñ kaba kewö jiget, “Böhi! Nini gölme kötikñi kiangöreñ malinga miri lök söñaumamgö akza. ³⁶Miangöra gi ölop ambazip ki melaim enginöñga miri aka koum dowe dowe tat anjei, miangöreñ anda numbu nenenjini söngöröñi memba neget.

³⁷Mewö jigetmö, kewö melenja jii mötket, “Enjön mönö nanñinak i nene gumohom engime.” Mewö jiiga jiget, “Nejön mönö denöwö akinto? Nup meme nalö 200:kö töwarñi (Kina 1000,-) ahöza. Moneñ mia memba anda nene beret söngöröñi memba gumohom engibingöra jizan me?”

³⁸Mewö qesim wañgigetka jiyök, “Nanñine nene beret dawik ahöza? Mi anda eket.” Mewö jiiga gösöñini qeañda jiget, “Beret 5 aka söra yahöt mia memba maljin.”

³⁹Mewö jigetka Jisösnöñ ambazip kambu kewö jim kutum engiyök, “Ambazip pakpak, injini mönö deñda nene nembangö kambu morömorö tokoba luplup görökñe geba tatket.” ⁴⁰Mewö jim kutum engiiga kambuñi kambuñi dowe dowe deñda tatket. Kirip tosatñi 100 aka tosatñi 50 mewö mewö tokoba tat anget. ⁴¹Tat angetka beret 5 aka söra yahöt mi memba Suepnöñ ui öngöiga kötuatköba beret mindipköba gwarekurupñi engiiga ambazip kirip dop mendeñda sutñine alget. Söra yahöt mi mewöyöhök kambu pakpak yengöra mendeñnök. ⁴²Mendeñniga ambazip körekmakörek memba nem timbireñ aket. ⁴³Nem timbireñ aka nene kitipñi kitipñi mosötkeri, mi gwarek yenön qezakögetka sakap 12 miangöreñ geba kokolak qeyök. Mewöyök söra kitipñi mi mem kiripköget. Mewö. ⁴⁴Azi beret negeri, yengö jañgöñini mi 5000.

Jisösnöñ o añgö qakñe tiba tiba anök.

Mat 14.22-33; Jon 6.15-21

⁴⁵Neget teköiga Jisösnöñ miangöreñök gwarekurupñi jim kutum engiba kewö jiyök, “Injini mönö wañgenöñ öngöba qeljiñe o añgö kutuba likepñe Betsaida mire anme. Nönjön ölop nalö sutñe ambazip kambu ki melaim engibagun kamam.” ⁴⁶Mewö jiba yaizözkök jim engiba engubula kunduje öngöba köuluköyök. ⁴⁷Köuluköba mali mare ahiga nanñik kötikñi kunduje maliga wañgeninan añgö bibiñe anök. ⁴⁸Ani lökuatnön qeba qem bibihiba nañgöget aniga luhutnön angerangöreñök gila kai lömböriiga bömbömgöget. Miri awörañgöiga (3-6 kilok) miangöreñ Jisösnöñ mewö engeka o añgö qakñe tiba tiba gwarekurupñi yengöreñ Kaba engongitmamgö ahök. ⁴⁹O añgö qakñe tiba tiba kaiga eka “Köwet Songoriñnön kaza!” jiba könahiba qeta silatket. ⁵⁰Qeta silata körek i eka keñgötporiñ aketmö, Jisösnöñ miangöreñök keukeu jiba kewö jii mötket, “Alaurupni! Mönö ewebibiñinambuk saitñigit malme. Nanak kazal. Keñgötñini kude mötme.” ⁵¹Mewö jiba yengöreñ wañgenöñ öngöiga

luhutnōj nōj qeba görōj alōk. Görōj aliga jōnōmņini undui önōņi qahō aruget. ⁵²Mutuk beret mem sehiba gumohom enġiyōhi, miangō kōnaņi qahō mōt asarigetmō, uruņinan gwōzōņniga tok auruba tatket. Mewō.

Jisōsnōj Genesaret mala mem ölölowak nup meyōk.

Mat 14.34-36

⁵³O aņģō kutuba likepņe Genesaret mire aņģota waņģe mosōta saknōj geget. ⁵⁴Waņģe mosōta Saknōj gegetka ambazipnōj Jisōs miangōreņjōk mōt kutum waņģiget. ⁵⁵Mōt kutum waņģiba keu algetka kiņkiņģōba mindimindiri sel gölmeņine miri dop lilikōget. Lilikōgetka mōta kōnahiba kawōl ambazip kululunōj aņģum enġiba Jisōsnōj miri denike malōhangō dop enġuangita kaget. ⁵⁶Miri dop, taon, miri me koum kungō uruņe anōhangō dop kawōl ambazip enġuangita sombemeņine al enġiget. Al enġiba sileņe me Jisōs malukuņaņģō suņe misiribingō ulet waņģiba malget. Misirigeri, körek yeņjōn mōnō ölöwak tekōget. Mewō.

Ambōsakon yeņjōn keu kusum sohoget.

Mat 15.1-9

7 ¹Kōna keugō kapaņkōlkōl aka miangō böhi tosatņi Jerusalem sitinōhōk kageri, yeņjōn Jisōsgōreņ kaba tokoget. ²Nalō miangōreņ Jisōsgō gwarekurup tosatņan bōrōņini kude saņģoņda dom amōt qahō qeba nene negetka enġeka uruņini böliyōk.

³Farisi (Kōna keugō kapaņkōlkōl) aka Juda ambazip tosatņi pakpak yeņjōn ambōsakon yeņģō silikņini wuatangōba malget. Miangōra bōrōņini mutuk saņģoņ sorokōbagun nene nemalget. ⁴Mewōyōk nupnōhōk me maketnōhōk kamei, mutuk o utuba arim tōņjōratagun nene misirimalget. Mewōyōk kiwi qambi, kōzōkimbut aka jout pakpak mi saņģoņda amōt gemalget. Silik mewōņi mewōņi mi gwōtpuk wuatangōba malget.

⁵Miangōra Kōna keugō kapaņkōlkōl aka miangō böhi yeņjōn Jisōs kewō qesim waņģiget, “Gōhō gwarekurupkan wuanōņģōra ambōsakoninaņģō silikņini qahō wuatangōba bōrōņini domamōt qahō qeba tōndup nene neze.”

⁶“Mewō qesim waņģigetka kewō jii mōtket, “O urumeleņģō silesile ambazip, kezapqetok azi Aisaiānōj mōnō enġō kōnaņamņini törōrōk indela Buzup Kimbi kun kewō ohoi ahōza,

‘Ambazip kambu kianjōn mōnō numbu jitņinan ölöpņanōk göda qem niņģimakzemō, uruņinan nōnōņgan ak niņģiba kungen algetka kōrōwen ahōza.

⁷Mewō ahōiga nōņģō waikni öne tōhōn memba mōpōseim niņģimakze.

Kōna keu kusum enġibin, jiba salupņe ambazip yeņģō jimkutukutuņini mi numbu o alakze.’

^d 7.6-7 Ais 29.13

⁸ Aisaiyanöŋ mewö ohoyök. Injini mönö mianğö dop Anutugörey jöjöpaŋ keu andö qeba ambösakonjinaŋğö silikŋi wuatangömakze. Mi qahö dop kölja.”

⁹ Mewö jiba kewö jiyök, “Nanŋini silikŋini walŋi wuatangöbingöra mönö ölöpŋanök Anutugörey jöjöpaŋ keu qeapkömakze. ¹⁰ Mianğö keunji kun kewö: Mosesnöŋ kewö jim kutuyök, ‘Twinamgi mönö göda qem etkimakŋan,’ aiga ‘Kunŋan iwiŋi me namŋi qesuahömawi, i mönö qegetka kömuma.’ ¹¹ Mewö jim kutuyökmö, injini keu mi oŋgita kewö jimakze, ‘Kunŋan iwinamŋi yetköra kewö jima. Wösöni mötzal. Nöŋğö nanğönanğö yuaini buŋa qem aŋgubahorak, mi lök Anutugö dançe tahaya albi ahöza. Mi saiwap naluköra kewöta albi ahöza. ¹² Kunŋan mewö jiiga dop kölma.’ Mewö jiba jöhöm waŋgigetka iwinamŋi yetköra baukbauk kun qahö toroqeba etkimakŋa. Mi qahö dop kölja. ¹³ Yei! Mewö aka nanŋini ahakmemenjananğö silikŋini jim kutuba mianğön Anutugörey jöjöpaŋ keu utala omanji aka pömsöm qemakza. Injini yuai mewöŋi gwötpuk ahakze.” Mewö melenj eŋgiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnöŋ ambazip kambu kunbuk eŋgoholi kagetka kewö jii mötket, “Injini mönö körek keu ki kezap ala möt asarime. ¹⁵ Azi yaigepŋeyök yuai uruŋe gemakzawi, mianğön mönö tölohom waŋgimamğö osimakzapmö, nanŋi urukönömŋeyök keu kota erakzawi, mianğön mönö tölohom waŋgimakza. ¹⁶ Kunŋan kezapŋambuk malja ewö, yaŋön mönö keu ki kezap ala möt kutuma.” Mewö.

¹⁷ Jisösnöŋ mewö jiba ambazip kambu eŋgömosöta anda miri kunöŋ öŋgöyök. Öŋgöba tariga gwarekurupŋan dopkeu mianğö könaŋanğöra qesiget. ¹⁸ Qesigetka kewö jii mötket, “O alaurupni, injini mewöyök mötmötŋini ölöpŋi qahö akze me? Nene yuai azi yaigepŋeyök uruŋe gemakzawi, mi tölohom waŋgimamğö osimakza. Mi möt kutuze me qahö? ¹⁹ Mi urukönömŋe qahö gemakzapmö, kömgokŋe geba yaigep erakza.” Jisösnöŋ keu mewö jiba mianğön “Numbu nene pakpak mem sarahim teköyök.”

²⁰ Jisösnöŋ toroqeba kewö jiyök, “Azi urukönömŋeyök keu kota erakzawi, mianğön mönö tölohom waŋgimakza. ²¹ Ambazip uru könömŋineyök yuai kewöŋi asuhuba korakza: Keu bölöŋi mötmöriba serowilin akingö mörakze. Yoŋgorö memba suŋa jinaŋ memba ambazip eŋguget kömumegö mörakze. ²² Qesabulum akingö mörakze. Membagu membingö nepaqepalok köpösöŋgömakze. Bidaŋda gatmisimisi, jiliwitŋi aka isimkakalek akingö mörakze. Lösö jiba urupik akingö mörakze.

^e 7.10 Eks 20.12; 21.17; Lew 20.9; Dut 5.16

Kezapjupjup aka körögisigisi akingö mörakze. Söngöröqök mala andöqeçe keu yöhösañ jiba Anutu mepaiköbingö mörakze. Jakbak-örañbörañ aka uruqahö ahakze. ²³Yuai bölöñji pakpak miañön mönö ambazip uru könömñineyök kota ambazip tölohom engimakza.” Mewö.

Kenan ambi kunñan kapañ köla köuluköyök.

Mat 15.21-28

²⁴Jisösnöñ wahöta Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. Anda miri kunöñ öngöba buzupñi kunñan mötpapuköra numbuñini muhungöyökmö, tündup tölapñe malmamgö osiyök. ²⁵Osiiga miangöreñök ambi kun börtatñi moröñan ömeñambuk maliga Jisösgö buzupñi möta yañgöreñ kaba könañe geba simin kölök. ²⁶Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yañön börtatñangö uruñeyök öme közölmapköra ulet wañgiyök. ²⁷Ulet wañgiiga kewö jii mörök, “Juda nini mutuk nanine nahönbörtaturupñini gumohom enjiinga bikñi ençuma. Miangöra morö yeñgö miriñineyök beret memba kiam enjiinga qahö dop kölbapuk. Juda nini kianurup ençgö qetñini kiam qerakzin. Nöñön mutuk Juda ambazip bauköm ençgibiga kantri tosatñi ençön mönö kiamgö dop mamböta malme.”

²⁸Mewö jii möta kewö meleñnök, “Kembu, mi ölop mötzalmö, kiam moröñi yeñön mönö mewöyök morö yeñgöreñ nene boromñi tebol bapñe eriga nemakze.”

²⁹Mewö meleñniga Jisösnöñ kewö jii mörök, “Keu mewö jizanañgöra ölop möt gihizal. Öme miañön mönö döлки börtatki mosöta anja. Miangöra ölop anman.”

³⁰Mewö jii möta miriñe ani ömenöñ börtatñi mosöriga dumñe ahöiga ehök. Mewö.

Jisösnöñ azi kun möhamgöyök.

³¹Jisösnöñ kunbuk Taiö siti gölme mosöta Saidon sitinöñ anda onçgita mösököba Ten-taon gölmegegö bibiñi onçgita Galiligö o ançgö kösutñe kayök. ³²Kaiga kezapduhup azi kun keuñi qahöwakñapakköra ahöhi, mi wañgita Jisösgöreñ kaget. Kaba böröñi nöropñe almapköra qesim wañgiget. ³³Qesim wañgigetka azi mi wañgita ambazip kambu mosöta kungen anohot. Anda Jisösnöñ börö suapñi kezapñe ala kinda kunbuk nanñi börö suapñe söutköba nesilamñe misiriyök. ³⁴Misiriba suepnöñ ui öngöiga osoñgombuk köuluköba nanñe keunöñ “Efata,” nanine keunöñ Tohonöñ! mewö jiyök.

³⁵Mewö jiiga kezapyahötñan tohoyohotka nesilamñan lolohoiga keuñi ölopñanök jiyök. ³⁶Jiiga Jisösnöñ miangö buzupñi ambazip jiget mötpepuköra qetal ençgiyök. Qetal ençgiba kapañ köliga yeñön mi kapañ

köla jim sehiba malget. ³⁷Jim sehiba malgetka ambazipnön kambönja welipköba kewö jiget, “Yuai pakpak ölopñanök ahakza. Kezapduhup kezapñini metohoiga mötketka ambazip mötökñi yeñgö nesilamñini pösariga keu jimakze.” Mewö.

Jisösnön ambazip 4000 nene gumohom engiyök.

Mat 15.32-39

8 ¹Nalö miangörej ambazip kambu ketanjan dumñe kunbuk tokoget. Nenejini qahö malgerañgöra Jisösnön gwarekurupñi engoholi yangörej kagetka kewö jii mötket, ²“Nönön ambazip kambu kiengöra wösöni mötzal. Yeñön nõngörej kaba wehön karöbut lök mala kotketka nenejini qahöwahiga ekzal. ³Yeñgöreñök tosatjan köröwenök kaba malgetka nõñön ‘Ölop miriñine anme,’ jibi nene qahö negetka öne melaim engibiga könanön anda mala kemañe jeñini gili tirinbirin akepek.”

⁴Mewö jiiga gwarekurupñan melenja kewö jiget mörök. “Gölme qararañkölkölñe kiangörej kunjan mönö denikeyöhök numbu nene mewöñi mi mönö miwikñaiba kambu ki gumohom engibawak?”

⁵Mewö möta kewö qesim engiyök, “Engörej beret dawik ahöza?” Qesim engiiga “Beret 7 ahöza,” jiget.

⁶Jigetka Jisösnön ambazip kambu mi gölmenön geba tatmegöra jim kutum engiiga geba tatket. Geba tatketka beret 7 mi memba Anutugö saiwap jiba mindipköba gwarekurupñi engiba ambazip kambu dop sutñine almegöra jiyök. Mewö jiiga miangö dop alget. ⁷Yeñgöreñ söra morömorö tosatñi mewöyök ahöyök. Mi tok memba kötuatköba ambazip kambu dop sutñine toto qem engimegöra jim kutuyök. ⁸Jim kutuiga engiget nema nem timbirengöget. Nem timbirengöba nene kitipñi mosötket geyöhi, mi sakap 7 miangörej qezakögetka numbuñe qeyök. ⁹Azi nene negeri, yeñgö jangöñi mi 4000. Negetka melaim engiiga miriñine anget. Mewö.

Böhi tosatjan angöletot ekingöra kapañ kölget.

Mat 16.1-4

¹⁰Angetka miangöreñök gwarekurupñi yembuk wañgenön öngöba distrik qetñi Dalmanuta miangörej anget. ¹¹^fFarisi (Köna keugö kapañkölköl) tosatjan miangörej kaba Jisösbuk könahiba jitnakölik aket. Keu bötaknön örömapköra esapköm wañgiba kewö kapañ köla qesiget, “Mönö jinönga Suepnöhök angöletot kun asuhuiga ekin.” ¹²^gMewö jigetka uruñan lömböriiga osongombuk qeiga jiyök, “O ambazip nalö kewöñe gölmenön maljei, iñini mönö wuanöngöra Anutugö aiwesök

^f 8.11 Mat 12.38; Luk 11.16 ^g 8.12 Mat 12.39; Luk 11.29

asuhumapköra kapan kölakze? Nönön keu ölni kun kewö jibi mötme: Anutunön aiwesök mewöni mi qahö memba kondel enggima. Omban saumban!”

¹³Mewö jiba engömosöta kunbuk gwarekurupni yembuk wangenön öngöba anjö kutuba likepne angotket. Mewö.

Farisi aka Herod yejön wösökömbuk ewö akze.

Mat 16.5-12

¹⁴Miangörej angota semön memingö ölum enjuiga beret mohot-töp mia wangenön memba tatket. ¹⁵^hTatketka Jisösnön kewö jim kutum enjiyök, “Inini Köna keugö kapankölköl (Farisi) yejgö wösökömbukjini aka Herodkö gipmi kakni mietköra mönö galömnini meme. Mi ölöpnanjök qahö kewöta andö qegetka mietkön mönö yist ewö qariba mem bölim enjimahot.”

¹⁶Jiiga keu pasetni mi qahö möt asariba sutjine kewö eraum mötket. “Beretnini qahöpköra jiza me denöwö?”

¹⁷Mi eraum mötket kezapne geiga kewö jii mötket, “Wuanöngöra beretnini qahö jiba eraum mötze? Nöngö könanamni mi wuanöngöra qahö möt kutuze? Mi tok qahö möt asarize me? Urukezapninan gwözönda tatza me? ¹⁸ⁱJejini ahözapmö, töndup qahö ek kutuze me? Kezapnini ahözapmö, töndup qahö möt asarize me? Yuai asuhuyöhi, mi ölum enjuza me qahö? ¹⁹Nönön beret 5 mi 5000 yejgöra mindipköbiga miangö kitipni qezakögetka könde dawiknön geba numbuje qeyök?” Qesim enjiiga “Könde 12,” jiget.

²⁰Jigetka toroqeyök, “Nönön beret 7 mi 4000 yejgöra mindipköbiga miangö kitipni qezakögetka sakap dawiknön geba kokolak qeyök?” Qesim enjiiga sakap 7 jiget.”

²¹Jigetka jii mötket, “Miangöra könanamni mi mönö tok qahö möt asarize me?” Mewö

Jegömöl azi kun jeji metohoyök.

²²Jisösnön gwarekurupni yembuk Betsaida taonön kaget. Miangörej kaba jegömöl azi kun wangita Jisösgörej kangota börönan misirimapkö köuluköm wangiget. ²³Köuluköm wangigetka jegömöl azi mi böröne memba wangita miri yaigepne anohot. Anda söutnezit jeje ala böröni nöropne ala qesim wangiyök, “Yuai kun ekzan me qahö?”

²⁴Qesim wanggiiga jeji ui öngöiga jiyök, “Ambazip engekzalmö, mi ip tandöktandök aketka imutimutanök engekiga anda kaba kinje.”

²⁵Mewö jiiga kunbuk börönan jeyahötni misiriiga tohoyohotka törörök uiga asarim sölölöngöiga yuai pakpak ölöpnanök ek teköyök.

^h 8.15 Luk 12.1 ⁱ 8.18 Jer 5.21; Eze 12.2; Mak 4.12

²⁶Ek teköiga melaim wanğiba kewö jii mörök, “Gi miri kungen kude anmanmö, diñdiñanök nangi mirige anman.” Mewö.

Pitönöñ Jisösgö könani jim miwikñaiyök.

Mat 16.13-20; Luk 9.18-21

²⁷Jisösnöñ Betsaida mosöta gwarekurupñi yembuk Sisarea Filipai taongö kösutñe anget. Könanöñ anda gwarekurupñi kewö qesim enğiyök, “Ambazipnöñ nöngöra denöwö jimakze? Ni niñia akzal?”

²⁸Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yengöreñök kun akzan.’

²⁹^kMewö jigetka kewö qesim enğiyök, “Aka nanñinak nöngöra denöwö jize? Ni niñia akzal?” Qesim enğiiga Pitönöñ kewö meleñnök, “Gi Anutugöreñ Amötqeqe Tonji Kraist akzan.”

³⁰Mewö jiiga könani aukñe jiget kunñan mötpapuköra soñgo köhöikñi al enğiyök.

Jisösnöñ kömumamgö keuñi jiyök.

Mat 16.21-28; Luk 9.22-27

³¹Jisösnöñ gwarekurupñi könahiba kewö kusum enğiyök, “Suep gölmegö azi ölnan mönö sihimbölö gwötpuk mötma. Kantrigö jitñememe, jike nup galöm aka Köna keugö böhi yeñön mönö andö qeba qegetka kömuma. Kömui wehön karöbut teköiga kömupnöhök wahötma.”

³²Jisösnöñ keu mi qahö köyatiba aukñe jiiga Pitönöñ miangöreñök öröm wanğiba görañe anda könahiba qetal wanğiyök. ³³Qetal wanğiiga lilingöba gwarekurupñi uba engeka Pitö qetala kewö jim wanğiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Miangöra Satan, gi mönö döлки nöngö jemesoholneyök kesalnöñ.” Mewö.

Kraist wuatangöbingö söngöröñi.

³⁴^lJisösnöñ ambazip kambu aka gwarekurupñi enğoholi kagetka keu kewö jii mötket, “Kunñan nöngö andöne kamamgö mötzawi, yanñön mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñđa ni nuatangöba kama. ³⁵^mKunñan malmalñi nanñangöra añgön köla nanñi imbi-imbi maljawawi, yanñön mönö malmalñi ölni jöhöi sohoma. Sohomapmö, kunöñ gölmegö malmalñi mi ni aka nöngö Ölöwak Buñanangöra aka köleñđa tököm niñimawi, yanñön mönö malmal

^j 8.28 Mak 6.14-15; Luk 9.7-8 ^k 8.29 Jon 6.68-69 ^l 8.34 Mat 10.38; Luk 14.27

^m 8.35 Mat 10.39; Luk 17.33; Jon 12.25

öljanğö könani miwikjaiba köhöiba malma. ³⁶Kunjan gölmeni gölmeni miengö öröyuañi pakpak köl öröi buñani an teköiga uruñanğö malmalni mem sohoba silebile mala kömuiga Anutunön keuñi jim teköiga uñanjan ayuhuiga qahö dop kölma. Sukinapñi miañön mönö urusösöñgai qahö ak wañgima. Qahöpmañ! ³⁷Körek neñön mönö bohonini jöhöbingö osibin. ³⁸Ambazip kambuñi kambuñi nalö kewöñe gölmenön qesabulum aka siñgisöndok tosatñi aka malakze. Kunjan yeñgö sutñine nöñgö qetni aka Buña keuni memba et aljawi, mi Suep gölmegö azi öljan mewöyök ehörön kölma. Yañön könangep Suep garata töröñi yembuk ki etketka Iwiñanğö asakmararañi eka aurugetka yañön azi me ambi mewöñi mönö ehörön köl wañgima.” Mewö.

9 ¹Mewö jiba kewö jii mötket, “Nöñön keu ölñi kun kewö jibi mötme: Kiangöreñ kinjei, eñgö sutñineyök tosatñan Anutunön bemtohoñi kuñguiga kukösumñan asuhumawi, mi ek kutume. Jebuk mala kömupkö sihibölöñi qahö mötketka asuhum tingiriga ekje.” Mewö.

Jisösgö sileñe letotqetot ahök.

Mat 17.1-13; Luk 9.28-36

²“Wehön 6 teköiga Jisösnön Pitö, Jeims aka Jon eñguañgita ambazip eñgömosöta nanñinök kundunñi köröpnñi kunön öñgöba kötikñe malget. Miañgöreñ malgetka jemesoholñine kiniga Jisösgö sile tandökñan letota murutñi ahök. ³Malukuñan tuat lalamñi asakmararañambuk ahök. Gölmönön opo tuatñi saipenön (omo bliz) sañgoñmakzei, mönö mi oñgita tuariyök. ⁴Mewö aiga Elaija aka Moses yetkön asuhum eñgiba Jisösbuk keukeu jiget. ⁵Jigetka Pitönön könahiba keu jiba Jisösgöra kewö jiyök, “Ketañamnini! Neñön kiangöreñ uruölöwak mötzin. Miañgöra neñön ölop koum karöbut qebin: Göhö kun, Mosesgö kun aka Elaijagö kun.” ⁶Gwarek yeñön jönömñini gwötpuk unduiga Pitönön “Denöwö jimam,” jiba keu jaruyök.

⁷Keu jaruba kiniga unuñunuj tuat lalamñi asakmararañambuk kunön eta aumñan esuhum eñgiiga miangö uruñeyök qet kun kewö eriga mötket, “Azi ki nani wölböt nahöna akza. Mönö yañgö keuñi möta malme.” ⁸Keu mi möta könöpuk lilingöm purik um jaruba tosatñi kunbuk qahö etkeketka Jisösnön nanñök yembuk kinök. Mewö.

Jon O-melun azi mi Elaijagö salupñi akza.

⁹Kunduñeyök etketka Jisösnön sörokñi miangöreñ kewö jim kutum eñgiyök, “Iñini yuai ekzei, miangö buzupñi mi mönö ambazip kun kude jiget mötme. Suep gölmegö azi öljan kömupnöñök wahöriga miangö andöñe mi ölop jim asariba malme.”

^a 9.2-7 2 Pitö 1.17-18 ° 9.7 Mat 3.17; Mak 1.11; Luk 3.22

¹⁰Mewö jim kutum enjiiga gwarekurupji karöbut yeñön keu mi uruñine anğön köla “kömupnöhök wahötwahötkö” könani mi nanjini qesim anğuba eraum mötket. ¹¹Eraum möta Jisös kewö qesim wañgiget, “Köna keugö böhi yeñön mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

¹²Qesim wañgigetka melenđa kewö jiyök, “Elaijanöñ mutuk eta asuhuba malmal pakpak möhamgöma. Keu mi ölña akzapmö, keu kun ki mönö wuanöngöra ohoget ahöza: Suep gölmegö azi ölñan mönö sihimbölö gwötpuk möriga jijiwilit ak wañgime.” ¹³Keu yahöt mi ahözahotmö, nöñön kewö jibi mötme: Elaijanöñ lök eta asuhuyökmö, wañgöra Buña keu ohoget ahözawañgö dop ambazipnöñ i nanjini sihimñini wuatangöba lañ ak wañgiget.” Mewö.

Jisösnöñ öme wuatangöi morönöñ ölöwahök.

Mat 17.14-21; Luk 9.37-43

¹⁴Jisös aka gwarek karöbut yeñön kunduneyök eta gwarekurupji tosatji yeñgöreñ kaba yuai kewö eket: Köna keugö böhi tosatjan kinda yembuk jitnakölik aka goranora keu jigetka ambazip jesöñgöñan liliköba engeka kinget. ¹⁵Mewö kinda ambazip kambu pakpak yeñön Jisös eka miangöreñök auruba kiñkiñgöba kösutje anda jölöñi jiget. ¹⁶Jölöñi jigetka kewö qesim enjiyök, “Injini wanatköra yembuk jitnakölik aka goranora keu jize?”

¹⁷Qesim enjiiga kambuneyök azi kunöñ melenđa kewö jii mörök, “Böhi! Nöngö nahöni ömenöñ numbuñi muhungöba töñöt mem wañgiiga wañgita göhöreñ kazal. ¹⁸Mi miangöreñ me miangöreñ mamba mendawöla öröm giliga eta qeba numbuñeyök qölqöl söutsöt eriga irimñi yöhözömgöba silenjan sölöpkömakza. Mewö ahiga kaba göhö gwarekurupki ulet enğiba öme mi wuatangömegö jizalmö, yeñön osize.”

¹⁹Mewö jiiga melen wañgiba jiyök, “Gölmegö wañgiseñ ambazip yei! Mönö nalö dawik embuk mala qatön enğubiga Anutu qahö möt narigetka sihimbölö mötmam. I mönö wañgita nöñgöreñ kaget.

²⁰Mewö jiiga wañgita wañgöreñ kaget. Kagetka ömenöñ Jisös eka miangöreñök morö utuköba urepköm wañgiiga wölöhariba tala gölmenöñ qeba pörañpörañ mitiba semben auba ahöiga numbuñeyök qölqöl söutsöt kota erök. ²¹Jisösnöñ mi eka iwiñi kewö qesim wañgiyök, “Nalö dawikö dop yuai ki lök asuhum wañgiiga kotza?” Qesim wañgiiga jiyök, “Mi lök morörökneyök asuhum wañgiyök.

²²Mi mem bölim wañgimamgöra nalö tosatje könöpnöñ, nalö tosatje onöñ metal wañgiiga nalö gwötpuk geba qebayök kinahakza. Mewömö, miangö kukösumñi kun göhöreñ ahöza ewö, mönö ak kömumba bauköm netkiman.”

^p 9.11 Mal 4.5; Mat 11.14

²³Mewö jiiga jiyök, “‘Kukösumŋi göhöreŋ ahöza ewö,’ jizan. Anutugö kukösumŋan mönö yuai kungöra qahö qakömakza. Anutu möt narizawaŋön mönö yuai pakpak ölop ahakŋa.”

²⁴Mewö jiiga iwiŋan miangöreŋök qeta jiyök, “Anutu möt narizalmö, mötnariŋnan lölöwöröŋi akza. Mötnariŋni mönö mem köhöiman.”

²⁵Jiiga ambazip jesöŋgöŋan ösumŋinan kaba kingetka eka miangöra öme mi kewö jim waŋgiyök, “Gi töŋöt aka kezapduhupkö ömeŋi, nöŋön jim kutum gihizal: Gi mönö azi ki mosöta kota anda kunbuk kude lilingöba kaman.”

²⁶Jim waŋgiiga qeta silata morö mi utuköba könöpuk urepköm waŋgii wölöhariiga utala kota anök. Kota aniga qeba qamöt tandök aka ahöiga gwötpukŋan mi eka “Wösöŋi alja!” jiget. ²⁷Mewö jigetmö, Jisösnöŋ böröŋe memba köbibiiga wahöta kinök.

²⁸Mewö kiniga Jisösnöŋ miri uruŋe öŋgöiga gwarekurupŋan nanŋinök tata kewö qesim waŋgiget, “Neŋön mönö wuanöŋgöra mi naninök wuatangöbingö osizin?”

²⁹Qesim waŋgigetka kewö jii mötket, “Öme tandökŋi mewöŋi mi mönö köuluköba nene ŋiŋi mala wuatangöbin. Yuai murutŋi kun ahinga qahö kota anma.” Mewö.

Jisösnöŋ kömumamgö Buŋaŋi jiiga yahöt ahök.

Mat 17.22-23; Luk 9.43b-45

³⁰Jisösnöŋ gwarekurupŋi yembuk miri gölme mi mosöta anda Galili prowins uruŋe liliköba denike malgeri, mi kunŋan mötmapkö tököyök. ³¹Mia tököba gwarekurupŋi kusum engimamgöra ölöŋ anget. Könanöŋ anda keu kötŋi kewö jii mötket, “Anutunöŋ Sup gölmegö azi ölöŋi mi gölme ambazip yeŋgö böröŋine al waŋgii gema. Geiga i qegetka kömuma. I qeget kömui wehön karöbut teköiga miangöreŋ mönö kömupnöhök wahötma.”

³²Keu kötŋi mewö jii mötketmö, mi qahö möt kutuget aka könaŋi denöwö, mi qesibingö kölköldömdöm aket. Mewö.

Gwarek sutŋine daŋön mutukŋi akza?

Mat 18.1-5; Luk 9.46-48

³³Mewö anda Kaperneam taonöŋ kaŋgotket. Miangöreŋ kaŋgota nanŋi miri uruŋe öŋgöba gwarekurupŋi kewö qesim eŋgiyök, “Inŋini Könanöŋ kaba wani keuya eraum mötze?”

³⁴Yeŋön könanöŋ kaba ‘Daŋön öŋgöŋgöŋi akza’ mia nanŋinök eraum möta kaget. Miangöra qesim eŋgiiga keu böc tatket. ³⁵Keu böc tatketka Jisösnöŋ geba tata gwarekurupŋi 12 eŋgoholi kagetka kewö jii mötket,

¶ 9.34 Luk 22.24 ¶ 9.35 Mat 20.26-27; 23.11; Mak 10.43-44; Luk 22.26

“Kunjan mutukni malmangö mötza ewö, yañön mönö körek enjö nembö bapjine eta qöndökni aka tosatni pakpak welen qem enjimakña.”³⁶ Mewö jiba namande moröni kun memba sutjine ali kinök. Kiniga böröjan memba tambuqe ala kewö jii mötket,³⁷ “Kunjan namande kewöni kun nöngö qetne miriñe köl öröba köyan kölmawi, yañön mönö ni köl öröm ningima. Kunjan mewö ak niñgizawi, yañön niyök qahöpmö, dañön melaim niñgiyöhi, mönö i mewöyök köl öröm wañgima.” Mewö.

Jisösnöñ gwarekurupni mindiñgöm enjiyök.

Luk 9.49-50

³⁸ Jonöñ Jisös kewö jii mörök, “Böhi! Nini azi kun neñgö andönine qahö kayöhi, yañön göhö qetnöñ ömewöröme közöl enjiiga ehin. Yañön nembuk qahö liliköba maljawañgöra nini i qetal wañgiin.”

³⁹ Mewö jiiga Jisösnöñ jiyök, “I kude qetal wañgime. Kunjan nöngö qetni qeta añaöletot mezawi, yañön mönö miangö andöñe nöngö andöqeqe keu awamñanök jimamgö osima. ⁴⁰ ‘Kunjan qahö qetal neñgimakzawi, yañön mönö neñgö areñnöñ malja. (Miangöra nöngö alaurupni tosatni mi kude qetala añaösirip meme.) ⁴¹ ‘I mönö nañgöm enjigetka Anutunöñ töwañini enjima. Kunjan Kraistkö qetne yañgö buñañi akzeañgöra aka o qambi nemegö enjima, Anutunöñ mönö miangö töwañi melenña wañgima. Nöñön keu ölni kun kewö jibi mötme: Nañgöm enjimei, mienñön mönö töwa meme.” Mewö.

Siñgisöndökö kölgorom mönö qetal enjime.

Mat 18.6-9; Luk 17.1-2

⁴² Jisösnöñ keu kewö jiyök, “Morö kewöni möt narim niñgizei, kunjan yengöreñök kun kölgorom ak wañgiiga siñgisöndök akñawi, azi miññön mönö lömböt öngöñgöñi miwikñaima. Anutunöñ lömböt miangö likepni denöwö wañgiiga dopne akawak? Kemuñ jamönjin jölñe jöhöba köwet röndumnöñ gilget mulumgöi gebawak, miññön mönö awamni ahum wañgii tandök akawak. ⁴³ ‘Miangöra börögan siñgisöndök akñangö kölgorom ak gihima ewö, mönö yandim gilman. Yandim gilagan börötak mala malmal köhöikni miwikñaiba oyaenköyaen akñanmö, börö yahötpuk mala könangep könöp sianöñ gebanbuk. Sia könöpni mi nalö kunöñ qahö bököma. ⁴⁴ Miangöreñ ‘Döhönini enjöñöm pilikuta mala qahö kömume aiga könöpñinan nalö kunöñ kude bököma.’

⁴⁵ Mewöyök könagan siñgisöndök akñangö kölgorom ak gihima ewö, mönö yandim gilman. Yandim gilagan könatohot mala malmal köhöikni miwikñaiba oyaenköyaen akñanmö, köna yahötpuk malnöñga könöp

^s 9.37 Mat 10.40; Luk 10.16; Jon 13.20 ^t 9.40 Mat 12.30; Luk 11.23 ^u 9.41 Mat 10.42

^v 9.43 Mat 5.30

sianön gil gihigetka gebanbuk. ⁴⁶Miangören ‘Döhönini engöhöm pilikuta mala qahö kömume aiga könöpñinan nalö kunön kude bököma.’

⁴⁷“Mewöñanök jegan siñgisöndok akñangö kölgorom ak gihima ewö, mönö qözöla gilman. Qözöla gilangun je-ilik mala Anutugö bemtohoñnön angota oyaenköyaen akñanmö, je yahötpuk malnönnga könöp sianön gil gihigetka gebanbuk. ⁴⁸“Miangören ‘Döhönini engöhöm pilikuta mala qahö kömume aiga könöpñinan nalö kunön kude bököma.’

⁴⁹Könöp sia miangören ambazip körek mi howe sihi kölköl ewö könöpñön engohogetka sihimbölöñi mötme.

⁵⁰“Howe mi ölöpñi akzapmö, howegö sihimñi mosötma ewö, mi mönö denöwö möhamgögetka nahömñi kunbuk ahubawak? Inini mewöñanök urumohot malmalgö nahömñi mosötpepuk. Miangöra Suep howeñini mosötpepuköra mönö galömñini memba sutñine luai qem anguba malme.” Mewö.

Awanöm angömosötmosötkö keunji

Mat 19.1-12; Luk 16.18

10 ¹Jisösnön wahöta Kaperneam miri mosöta Jordan o kutuba likepñe anda mötöteiba eta kunbuk o mi kutuba Judia prowinsnön kayök. Kaiga ambazip kambulelembenön kunbuk yangören tokogetka akmalöhi, miangö dop kunbuk kusum engiyök.

²Kusum engiiga Farisi (Köna keugö kapañkölköl) tosatñan yangören kaba keugö bötaknön örömapkö esapköm wangiba kewö qesim wangiget, “Azinön anömñi mosötmawi, mewö miangön Köna keu ongitma me qahö?”

³Qesim wangigetka melenja kewö jii mötket, “Mosesnön miangö keunji denöwö jim kutum engiiga ahöza?”

⁴“Mewö jii möta kewö jiget, “Azinön angömosötmosöt papia ohoba anömñi ölöp mosötma. Mosesnön mewö jim kutui ahöza.”

⁵Mewö jigetka kewö jim engiyök, “Yangön mönö uruköhöikñinangöra aka jimkutukutu mewö ohom engiyök. ⁶“Ohom engiyökmö, Anutunön könakönahije yuai pakpak miwikñaiyöhi, nalö miangörenök ‘Azi aka ambi malmegöra miwikñaim engiyök.’ ⁷“Miangöra azinön mönö iwinamñi etkömosöta anömñiangören anda qekötahöiga ⁸yetkän sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹Anutunön azi aka ambi mindirim etkiyöhi, ambazip kunñan mönö i kude mendeñ etkima.”

¹⁰Jisösnön mewö jiba miri uruñe öngöiga gwarekurupñan keu miangöra kunbuk qesim wangiget. ¹¹“Qesim wangigetka kewö jii mötket, “Azi kunön anömñi wuatangöba ambi kun memawi, yangön mönö

^w 9.47 Mat 5.29 ^x 9.48 Ais 66.24 ^y 9.50 Mat 5.13; Luk 14.34-35 ^z 10.4 Dut 24.1-4; Mat 5.31 ^a 10.6 Jen 1.27; 5.2 ^b 10.7-8 Jen 2.24 ^c 10.11-12 Mat 5.32; 1 Kor 7.10-11

qesabulum sero yongorö akña. ¹²Mewöyök ambi kunöŋ apñi wuatangöba azi kun memawi, yañön mönö qesabulum sero yongorö akña.” Mewö.

Jisösnöŋ nahönbörat kötuetköm enġiyök.

Mat 19.13-15; Luk 18.15-17

¹³Ambazip tosatñan nahönbörat morömorö enġuangita Jisösnöŋ enġömisirimapköra yaŋgöreŋ kagetmö, gwarek yeñön ambazip mi jim qetal enġiget. ¹⁴Mewö aketmö, Jisösnöŋ mi eka uruñi böliiga kewö jii mötket, “Nahönbörat moröŋi mönö enġömosötketka nöŋgöreŋ kame. Anutunöŋ ambazip mewö mia bemtohoñi buña qem enġima. Miangöra i kude jöhöm enġime. ¹⁵“Nöŋön keu ölni kun kewö jibi mötme, “Kunñan Anutugö bemtohoñi mi nahönbörat ewö buña qahö qem aŋgumawi, yañön mönö miangö uruñe aŋgotmamgö osima. ¹⁶Mewö jiba tambuñe ala dohongöm enġiba böröŋi nööröŋine ala kötuetköm enġiyök. Mewö.

Jisösnöŋ azi pomñi kungö qambaŋ keu jiyök.

Mat 19.16-30; Luk 18.18-30

¹⁷Jisösnöŋ könahiba köna anmamgö ahiga azi kunöŋ ösumñan yaŋgöreŋ kayök. Kaba wösöŋe geba simin köla kewö qesim waŋgiyök, “Böhi ölöŋñi, nöŋön mönö denöwö aka malmal köhöikñaŋgö buña qem aŋgubilenak?”

¹⁸Qesim waŋgiiga kewö jii mörök, “Nöŋgöra ‘Böhi ölöŋñi,’ mi wuanöŋgöra jizan? Anutu mohotñan ölöŋñi akza. Azi kunñan i ewö ölöŋñi qahö akza. ¹⁹“Gi jöjöpaŋ keu ki möt teközan,

‘Ambazip kun kude qenöŋ kömuma. Sero yongorö kude akñan.
Yongorö kude meman. Jitnöŋ alal keu kude jiman.

Kalöpköba yongorö kude meman. Iwinamgi mönö göda qem etkimakñan.’”

²⁰Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

²¹Mewö jiiga Jisösnöŋ uba eka urukönömñan jöpaköm waŋgiba kewö jii mörök, “Mohot kungöra kewö osizan: Gi mönö anda sukinapki pakpak söŋgöroŋi memegöra alnöŋ moneŋ kaiga ambazip wanapñi engiman. Mewö aknöŋga sukinapki ketañi (guli masapugi milyön kinagi ewö) ketañi mi Sup mire ahöm gihima. Mewö aka ni nuatangöba kaman.”

²²Jisösnöŋ mewö jiyökmö, sukinapñi gwötpuk ahöyöhaŋgöra aka keu mi möta uruñi bosoleiiga wösöbirik aka jeñi asöliiga öne mosöta anök.

²³Mosöta aniga Jisösnöŋ ui anda kaiga gwarekurupñi kewö jii mötket, “Ye! Ambazip moneŋ inapñinambuk yeñön mönö Anutugö bemtohoñnöŋ aŋgotpingö lömböriba kupuk-kapak akñe.”

^d 10.15 Mat 18.3 ^e 10.19 Eks 20.12-16; Dut 5.16-20

²⁴Mewö jiiga gwarek yeñon mi möta welipkögetmö, Jisösnöñ toroqeba kewö jii mötket, “Gupanurupni, ambazip denike yeñon monen inapñini möt narimakzei, yeñon mönö Anutugö bemtohoñ uruñe aᅅgotpingö lömböriba kupuk-kapak akñe. ²⁵Mi kewö jim tuarimam: Sömbup ketañi kamel mi kondi kinimñe ölp qahö aᅅgotma. Mianᅅgö dop ambazip pomñi yeñon Anutugö bemtohoñ uruñe aᅅgotpingö lömböriba qaköme.”

²⁶Mewö jii möta aurum tililingöba nanñinaᅅgöra kewö jiget, “Opoñon! Ambazip dañon mönö Suepkö buñaya akawak?”

²⁷Mewö jigetka Jisösnöñ uba enᅅeka kewö jiyök, “Ambazipnöñ mi esapköba osiba qakömakzemö, Anutunöñ mewö qahö ahakza. Anutunöñ mönö yuai pakpak ölp ahakza. Yañon yuai kun aka memamᅅgö qahö osiba qakömakza.” Mewö.

Jisösgö nup memegö töwañi

²⁸Pitönöñ keu mi möta meleñda Jisös kewö jii mörök, “Mötnöñ, neñon mönö yuai pakpak mosöta gi guataᅅgöba kain.”

²⁹Mi möta Jisösnöñ kewö jiyök, “Nöñon keu ölni kun kewö jibi mötme: Kunñan nöᅅgö aka Ölöwak Buñagöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi enᅅömosöriᅅa Anutunöñ mönö mianᅅgö likepñi oᅅgita meleñ waᅅgiᅅa sehima. ³⁰Kunñan yuai mi mosöröhi, Anutunöñ mönö salupñe mi 100:kö dop toroqeba waᅅgiᅅa nanñi buñaya akñe. Gölmegö malmalnöñ sesewerowero uruñe malmapmö, jike miri, darumun, nenbehöt, iwinam, nahönbörat aka nup kisi mi mönö salupñe ahum waᅅgima aka nalö könᅅepñe malmal köhöikñi teteköñi qahö buña qem aᅅguma. ³¹Mewö asuhumapmö, mutukñi enᅅöreñök gwötᅅukñan dagibezupñi aketka dagibezupñi yeᅅöreñök gwötᅅukñan mutukñi akñe.” Mewö.

Kömumamᅅgö keuñi jiiga karöbut ahök.

Mat 20.17-19; Luk 18.31-34

³²Jisösnöñ gwarekurupñi yembuk Jerusalem sitinöñ öᅅgöbingöra gölme köna anet. Jisösnöñ mutuk aniga gwarekurupñan andöñe anda welipköget aiga ambazip andöñine kageri yeñon mönö keᅅgötñini mötket. Mewö aketka Jisösnöñ gwarekurupñi 12 mi kunbuk öröm enᅅgiba könahiba kusum enᅅiyök. Yaᅅgöreñ yuai asuhumawi, keu mi jim asariba kewö jiyök, ³³“Mötket, nini Jerusalem öᅅgöbin. Mianᅅgöreñ kunñan Suep gölmegö azi ölni mamalolo mem waᅅgiᅅa jike nup galöm aka Köna keugö böhi yeᅅgö böroñine gema. Yeñon kömumapkö keuñi jim teköba kian gawman yeᅅgö böroñine al waᅅgime. ³⁴Al waᅅgigetka mepaiköba söutkölap qeba ihilek wahinambuknöñ tauköm waᅅgime.

^f 10.31 Mat 20.16; Luk 13.30

Tauköm waŋgiba qegetka kómuma. Kómumba wehön karöbut teköiga kómupnöhök wahötma.” Mewö.

Jeims Jon yetkön yuaigöra ulerohot.

Mat 20.20-28

³⁵ Jisösnöŋ mewö jiiga Jebedigö nahönyahötŋi Jeims aka Jon yetkön yaŋgöreŋ anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Iŋiri wani yuai ak etkimamgöra mötzahot?”

³⁷ Qesim etkiiga kewö jiyohot, “Göŋön ölop jim kutunöŋga niri göhö asakmararaŋnöŋ eu öŋgöba kunöŋ börögi ölnge aka kunŋan börögi qaniŋe tata yuai pakpak galöm kölbinak.”

³⁸ Mewö Jiyohotmö, Jisösnöŋ kewö jii mörohot, “Iŋiri miangö könaŋi qahö möt yaköba uletzahot. Nöŋön qambi asölŋambuk nemami, iŋiri mi ölop nempa sihimbölö mötmahot me qahö? Jöm nöŋgwambuknöŋ melun mem niŋgimei, iŋiri mi memahot me qahö?”

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi ölnge! Nöŋön qambi asölŋambuk nemami, iŋiri mi mewöŋanök nemahot aiga jöm nöŋgwambuknöŋ melun mem niŋgimei, miangön mönö iŋiri mewöyök melun mem etkime. ⁴⁰ Mem etkimemö, nöŋgö böröni ölnge me qaniŋe daŋön tatmahori, nöŋön keu mi jim kutumamangö dop qahö. Anutunöŋ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm ölnge mönö welenqegeya akza.

⁴¹ Jeims Jon yetkön mewö ulerohotka alaurupŋi 12 yeŋön mi möta könahiba urubölö aket. ⁴² Mewö aketmö, Jisösnöŋ eŋgoholi kagetka kewö jii mötket, “Gölmegö kantriŋi kantriŋi miengö jembonŋinan galöm köl eŋgibingö jizei, yeŋön mönö azi kembu tandök ak eŋgimakze. Yeŋgö ketaŋamŋinan mönö keu jim kutuba mindiŋgöm eŋgiba kukösumŋini kondelakze. Iŋini könaŋini mi ölop mötze. ⁴³ Eŋgö sutŋine silik mewö ahöbapukmö, kunŋan eŋgö sutŋine ketaŋamŋini akŋamgö mötzawi, yaŋön mönö welen qem eŋgiba malma. ⁴⁴ Mewöyök kunŋan eŋgö sutŋine mutukŋi malmangö mötzawi, yaŋön mönö körek eŋgö nembö bapŋine mala welenqegeŋini omani akŋa. ⁴⁵ Suet gölmegö azi ölnge mönö mewöyök silik mewöŋi kondela nanŋi welen qem waŋgimegöra aka qahö kayök. Qahöpmö, welen qem eŋgiba ambazip sehisehiŋi yeŋgö sohopŋini memamgöra aka eta malmalŋi kölenge mosötma.

^s 10.38 Luk 12.50 ^h 10.42-43 Luk 22.25, 26 ⁱ 10.43-44 Mat 23.11; Mak 9.35; Luk 22.26

Bartimeus jeŋi gômöliiga mem ölöwahök.

Mat 20.29-34; Luk 18.35-43

46 Jisösnöŋ gwarekurupŋi yembuk Jeriko sitinöŋ kaget. Kaba siti mi mosötpingö aketka ambazip kambulelemenbenöŋ enguatangöba andöŋine kaget. Mewö kagetka jegömöl azi qetŋi Bartimeus, Timeusgö nahönŋi yaŋön monen aka nene waŋgimegö ulet engiba köna jitŋe tarök. 47 Tariga “Nazaret-azi Jisösnöŋ kaza!” jiget möta könahiba kewö qerök, “Jisös Deiwidkö gwölönarökŋi, mönö ak-kömum niŋgiman!”

48 Mewö qeriga gwötpukŋan bök tatmapköra qetal waŋgigetmö, yaŋön mönö kapaŋ köla qerök. “Deiwidkö gwölönarökŋi, mönö ak-kömum niŋginöŋ!”

49 Qeriga Jisösnöŋ dörök ala kewö jiyök, “Ölöp qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

50 Mi möta malukuŋi qeköba gila pöraŋ wahöta kinda Jisösgöreŋ anök.

51 Aniga kewö qesim waŋgiyök, “Alani, nöŋön wani yuai ak gihimangöra mötzan?” Mewö qesim waŋgiiga jegömöl azinöŋ jiyök, “Ketaŋamni, ni jeni kunbuk umangöra mötzal.”

52 Mewö jiiga Jisösnöŋ kewö jii mörök, “Mötnariŋkan mönö mem ölöwak gihiza. Mönö ölöp anman.” Mewö jii möta jeŋan miangöreŋök tohoiga uba andöŋine Jisös wuatangöba anök. Mewö.

Jisösgöra köiraŋ kölgetka Jerusalem öŋgöyök.

Mat 21.1-11; Luk 19.28-40; Jon 12.12-19

11 1 Jisösnöŋ gwarekurupŋi yembuk Jerusalem siti dopdowiba Betfage aka Betani miri yahöt kösutŋjire kaba Oil ip kundunŋe öŋgöba gwarekyahötŋi yahöt melaim etkimangöra aka 2 kewö jii mörohot, “Miri wösöŋjire tatzawi, mönö miangöreŋ anohot. Anda miangöreŋ aŋgota doŋki moröŋi kösönöŋ jöhöget kinjawi, mi miangreŋök miwikŋaimahot. Doŋki mi dölökŋa, azi kunŋan qakŋe qahö tatatŋa. Mi mönö pösata memba ki kamahot. 3 Pösarohotka kunŋan ‘Wuanöŋgöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilaŋ meleŋniga kunbuk ki kama.’

4 Mewö jiba melaim etkiiga anda doŋki moröŋi miri towokŋe miri kungö naŋgunŋe kösönöŋ jöhöget kiniga miwikŋaiba pösarohot.

5 Pösarohotka azi tosatŋi miangöreŋ kingeri yeŋön kewö qesim etkiget, “Hei, wania akitköra doŋki moröŋi pösatzahot?”

6 Mewö qesim etkigetka Jisösnöŋ jiyöhangö dop jiyohot möta “Ölöp memba anmahot,” jiget. 7 Jigetka memba Jisösgöreŋ kayohotka malukuŋini qeköba doŋki moröŋangö qakŋe algetka öŋgöba tarök. 8 Mewö tata aniga ambazip jesöŋgöŋan göda qeba malukuŋini qeköba köna namŋe

tumbulgetka tosatŋan gölme köröje anda ip sinŋi mitiba tumbulget. ⁹Tumbulgetka ambazip jeje köl öröba angeri aka andöje wuatangöba kageri, yeŋön kewö jiba qetket, “Hosana, owe owe! Anutu möpöseizin. Kembugö qetŋe kamawi, Anutunöŋ mönö i kötuetköm wangima. ¹⁰Kiŋ Deiwidnöŋ kantri tohoŋ kuŋguba galöm köl enŋiyöhi, nalö mewöŋan mönö kunbuk kam neŋgiza. O Anutu mönö kantri tohoŋnini kötuetköman. Hosana! Qetbuŋagi möpöseininga euyangörej öngöza. Owe Owe!”

¹¹Mewö qetketka Jerusalem sitinöŋ öngöba jöwöwöl jikegö tohoŋ uruŋe anök. Miangörej liliköba yuai pakpak ehi mare ahiga eta gwarekurupŋi 12 yembuk jike mosöta Betani mire anda ahöget. Mewö.

Jisösnöŋ fig ip kun qesuahöiga ululuŋgöyök.

Mat 21.18-19

¹²Ahöba söŋanök wahöta gwarekurupŋi yembuk Betani miri mosöta angetka Jisösnöŋ nenegö kömuyök. ¹³Nenegö kömumba ui aniga fig ip kun^k sinŋambuk kini ehök. Eka “Sinŋangö uruŋe öŋi tari miwikŋaiba nembilenak,” jiba fig ipkö könaŋe anök. Anökmö, öŋangö nalöŋan qahö töriyöhaŋgöra sinŋanök kini ehök. ¹⁴Mewö eka ip mi kewö jim wangiyök, “Kunŋan öŋi kunbuk kude nema.”

Mewö jim wangiyöga keu mi gwarekurupŋan mötket. Mewö.

Jisösnöŋ jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵Anda mala Jerusalem sitinöŋ öngögetka Jisösnöŋ jöwöwöl jikegö tohoŋ uruŋe anök. Miangörej ambazip enŋehiga inap bohonŋi memegöra algetka söŋgöroröŋi megeri, mi könahiba közöl enŋiyöga etket. Moneŋ utekutek ambazip yeŋgö jakeŋini metali anget. Mewöyök kembö bohonŋini memegöra algeri, miengö dum tatatŋini mi tok tötaliga anget. ¹⁶Sombem kömbukŋi kutuba yuai siriba aŋgotkaŋgotkö könaŋi jöhöyök. ¹⁷^lMewö aka kusum enŋiba kewö jii mötket, “Aisaianöŋ keu kun kewö ohoi ahöza, ‘Nöŋgö jikenan mönö gölmeŋi gölmeŋi pakpak yeŋgö köulukö miriŋina akŋapkö qetme.’ Keu mi ahözapmö, iŋini mi utekögetka kegwek-kahasililiŋ yeŋgö baŋet ewö akza.”

¹⁸Mewö jii möta ambazip kambu pakpak yeŋön miangöra nemböŋini teköiga welipköget. Miangöra jike nup galöm aka Köna keugö böhi yeŋön mi möta Jisösgöra keŋgötŋini möta eraum möta kewö jiget, “Mönö denöwö jiinga qegetka kömumbawak?”

¹⁹Mare ahiga Jisösnöŋ gwarekurupŋi yembuk siti mosöta yaigep anda ahöget. Mewö.

^j 11.9 Sum 118.25-26 ^k 11.13 Fig mi sambi ipkö alaŋi kun. Mi nupŋine kömötketka kötŋi nahömŋinambuk asuhugetka gwötŋuk nemakzema. ^l 11.17 Ais 56.7; Jer 7.11

Fig ipnön ululungöiga eket.

Mat 21.20-22

²⁰Ahöba söñanök wahöta könanönj anda fig ip mi oñgitpingö aketka jalönambuk ulungöba kini eket. ²¹Kiniga Pitönönj Jisösgörej keu mötmöriba kewö jii mörök, “Ketanamni eknönj, fig ip qesuahönönji, mi mönö ululungöba kinja.”

²²Jii möta Jisösnönj kewö melejnök, “Anutugö mötnarip mönö töp memba malme.” ²³^mNönön keu ölni kun kewö jibi mötme, “Kunjan keuñangö ölni ahumapkö uruyahöt qahö aka kundunji kiangö toñangöra kewö jim kutubawak, ‘Mönö kundunji ki qeköba wahöta anda köwetnönj alman.’ Mewö jim kutuba Anutu möt nariiga ölni mönö miangö dop ahuma. ²⁴Miangöra nönön kewö jibi mötme: Wani yuaigöra qesiba köulukömei, mi pakpak lök buña qem anguzin, mewö möt narigetka mönö buñajini akña. ²⁵ⁿIñini kinda Anutu köulukögetka kunjan alañangö pinjtköra urubölö akña ewö, pinjit mi mönö mosötme. Mewö akñe ewö, eñgö Iwiñini Suep mire maljawañön mönö mewöñanök eñgörej siñgisöndok mosötma. ²⁶(Iñini tosatñi yeñgörej siñgisöndok qahö mosötme ewö, eñgö Iwiñini Suep mire maljawañön mönö mewöñanök eñgörej siñgisöndok qahö mosötma.)” Mewö.

Jitñememe yeñön Jisösgö kukösumñangö qesiget.

Mat 21.23-27; Luk 20.1-8

²⁷Jisösnönj gwarekurupñi yembuk kunbuk Jerusalem sitinönj öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitñememe tosatñi yeñön yañgörej kañgotket. ²⁸Kañgota kewö qesim wañgiget, “Gi kiangörej yuai akzani, mi mönö dañön jim kutum gihiiiga ahakzan? Mi memamgö kukösumñi mi dañön gihiyök?”

²⁹Qesim wañgigetka kewö meleñ eñgiyök, “Nönön mewöyök keu kun qesim eñgimam. Mi meleñ niñgigetka nönön mewöyök dañön kukösum niñgiiga yuai ki ahakzali, mi jibi mötme. ³⁰Jonön ambazip o-melun mem eñgiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget? Mi jiget mötmam.”

³¹Mewö meleñ eñgiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima: Iñini mönö wuanöngöra Jon qahö möt narim wañgiget? Mi qahö dop kölja. ³²Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigerangöra aka ambazip kambu yeñgöra keñgötñini möta mi jibingö osiget. ³³Miangöra

^m 11.23 Mat 17.20; 1 Kor 13.2 ⁿ 11.25-26 Mat 6.14-15

“Mi qahö mötzin,” melenget. Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalanğö kukösumñi dañön niñgiyök, mi qahö jibi mötme.” Mewö.

Wain kösö nup galöm bölöñi miengö dopkeu

Mat 21.33-46; Luk 20.9-19

12 ¹Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketañi kötnöñ meyök. Mianğöreñ waingö ölni ala könanöñ tözöhölget oñan lalanöñ geyök. Wain jout ketañi mi memba wain yoñgorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim engiba kewö jiyök, “Mönö nup memba ölnañğö bahöñi nanñini memba bahöñi toñi ni niñgime.” Mewö jiba nup mi böröñine ala engömosöta kantri kunöñ anda malök. ²Mala mali ölni öliyöhanğö nalöñi (yambu 5) töriiga mianğöreñ welenqeceñi kun melaim wañgiiga galöm yeñğöreñ anda wain nup ölnañğö bahöñi wañgimeğöra jiyök. ³Jiyökmö, galöm yeñön i memba jöhöba kömbinöñ qeba wuatañğögetka böröñi börak liliñğöyök. ⁴Mianğö andöñe welen azi kun melaii yeñğöreñ aniga nööröpñi qesiñda gamu qem wañgiget. ⁵Mianğö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim engiiga tosatñi kömbinöñ sepgwörörök enguba tosatñi enguget kömuget. ⁶Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wañgime me denöwö?’ Mewö jiba qöndökñi mi nahönña melaiiga yeñğöreñ anök. ⁷Anökmö, kaiga eka sutñine kewö jiget, ‘Yañön mönö börösamotñañğö toñi akña. Ayop, mönö memba qein kömuiga wain kösö nup kianñön mönö nanine buñanina akña.’ ⁸Mewö jiba memba jöhöba qeget kömuiga qamötñi nup yaigepñe gilget geyök.

⁹Wain nup toñan mi möta mönö denöwö akña? Yañön mönö nanñak kaba nup galöm mi köndeñ engima aka nup galöm dölöknñi miwikñaim engiba wain kösö nupñi yeñğö böröñine alma. ¹⁰Buñ Kimbigö keu ki lök oyonget me qahö?

‘Miri meme yeñön köt tandö kun andö qeba öne mosötket taröhi, mianñön mönö tandö kömbönañi ahiga miwikñaiget. Mianñön tiñgiriga mirinöñ mönö gororöñğöba eta kölma.

¹¹Kembunöñ tandö mi kuñguiga jeninan ehinga qetbuñabuk ahiga welipkömakzin.’”

¹²Jisösnöñ mewö jiiga galöm yeñön keu mianğö könañi möt asariba kewö jiget. “Dopkeu mi mönö neñğöra jiza.” Mianğöra i memba jöhöbingö

mötketmö, ambazip kambu yengöra keŋgötŋini möta osiba mosöta anget. Mewö.

Takis alalgö Jisös esapköm waŋgiget.

Mat 22.15-22; Luk 20.20-26

¹³ Juda jitŋememe yeŋön Farisi aka premiö Herodkö pati alaurup tosatŋi melaim engiba kewö jiget, “Iŋini mönö Jisösgöreŋ anda qesiba keugö bötaknöŋ öröi gwaröhöm waŋgime.” Mewö jigetka Jisösgöreŋ kaget. ¹⁴ Jisösgöreŋ kaba kewö jigetka mörök, “Böhi, göŋön azi ölni akzani, nini mi mötzin. Göŋön ambazip tosatŋi qahö engkek soriba tosatŋi qahö qepureim engimakzanmö, dop mohotnöŋ kewöt neŋgimakzan. Miaŋgöra kuŋgum gihigetka qahö goŋgiba ketanŋi qahö esuhum engimakzanmö, Anutugöreŋ köna mi keu ölnaŋgö dop kusum neŋgimakzan. Göŋön Anutugöreŋ keu diŋdini miaŋön öŋgöŋgöŋi eretŋi mohot pakpak jim qindiŋ ak neŋgimakzan. Miaŋgöra nini sisa-kiŋgöra takis ala miaŋön Mosesgö Köna keu siŋgibin me qahö? Mi alinga dop kölja me qahö?”

¹⁵ Mewö jiget möta areŋini muneŋi mi möt kutuba kewö jii mötket, “Iŋini wuanöŋgöra keugö bötaknöŋ al niŋgibingö esapköm niŋgize? Ölöp silwö moneŋ (Kina 5) kun memba kaget eki.”

¹⁶ Mewö jiiga mi memba kagetka kewö qesim engiyök. “Dagöreŋ imut aka qet mi ki ohoget ahöza?” “Mi sisa kiŋgöreŋ!” Mewö melenja jiget.

¹⁷ Jigetka kewö jii mötket, “Mewö ahiga yuai sisa-kiŋgö imutŋambuk buŋaŋi ahözawi, mi mönö yaŋgöra al waŋgime. Yuai kun Anutugö buŋaya ahözawi, mi mönö Anutugö buŋa qeme.” Mewö jii möta yaŋgöra gwötŋpuk welipköget. Mewö.

Kömupnöhök wahötawahötkö esapköm waŋgiget.

Mat 22.23-33; Luk 20.27-40

¹⁸ ^qSadyusi (Jike nupkö kapaŋkölköl) yeŋön “Kömugeri yeŋön kude wahötme,” jiba malget. Yeŋgöreŋök tosatŋan Jisösgöreŋ kaba kewö qesim waŋgiget, ¹⁹ ^r“Böhi, Mosesnöŋ kewö jim kutum neŋgiyök ahöza,

‘Azi kun ambi meiga nahönbörat qahö ahui kömumba malöŋi öne mosöriŋa munŋan ölöp malöŋi memba gwölönarök qiwikŋaim waŋgiiga datŋaŋgö qet bisiba malma.’

²⁰ Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ²¹ Kömuiga munŋan malöŋi mi memba mala mewöyök gwölönarökŋi qahö öne kömuyök. Kömuiga munŋi kun yaŋgö baŋŋe miaŋön ambi miyöhök memba mala öne kömuyök. ²² Mewöŋa mewö darumun 7 pakpak yeŋön ambi

^q 12.18 Apo 23.8 ^r 12.19 Dut 25.5

mohot miyöhök memba gwölönarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñön Kömugeri yeñön guliba wahötme,' jizanzö, nini mi qahö möt narizin. Mötnöñ! Azi 7 pakpak mi öröröñ wahötpeak ewö, ambi möhot mi anömñina meget malöhañgöra aka mönö dagö anömña akawak?"

²⁴ Mewö qesigetka Jisösnöñ meleñda kewö jii mötket, "Inini keu jim sohoze. Urumeleñgö Buja Kimbiñi aka Anutugö kukösumñi qahö möt kutuzeañgöra mönö janjuñ ahakze. ²⁵ Ölna, kömupnöñhök wahöta nalö miañgöreñ awanöm qahö akñemö, garata yeñön Suep mire maljeañgö tandök aka malme. ²⁶ Mötket! Kömugeri, yeñön guliba wahötmegö keuñi mi Mosesgö Buknöñ kewö ahöza: Sötman köhösnöñ köñöp bölam ahuba qahö jem kutuyöhi, inini kösohot mi oyoñget me? Anutunöñ miañgöreñ Moses kewö jii mörök,

'Nöñön Anutu Abrahamgö Kembu, Aisakö Kembu aka Jeikobkö
Kembuya mala kota maljal.'

²⁷ Isik bömöñ karöbut yeñön Anutubuk mala mal köhöiba öñgöme. Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza. O Sadyusi (Jike nupkö kapañkölköl pati) inini mönö keu gwötpuk möt sohomakze." Mewö meleñnök.

Jöjöpañ keu bohonñi yahöt mi denöwö?

Mat 22.34-40; Luk 10.25-28

²⁸ Jisösnöñ Sadyusi (Jike nupkö kapañkölköl) yembuk eraum möta jim soroköba meleñ eñgiyöhi, mi Köna keugö böhi azi kunöñ mörök. Mewö möta jeñe kañgota kewö qesim wañgiyök, "Jöjöpañ keu pakpak mieñgöreñök bohonñi ketañi mi denöwö?"

²⁹ Qesim wañgiiga meleñnök, "Bohonñi ketañi mi kewö,
'Israel köñagesö mötket! Anutu mi Kembunini. Yañön Kembu
mohot ahiga bem alañi kun qahö.

³⁰ Miañgöra urugi jömuñi, uñagi jömuñi, mötmötki jömuñi aka kuki jömuñi, miañön mönö Kembu Anutugi jöpaköba malman."

³¹ Jöjöpañ keu miañgö alañi kewö,

'Nangi jöpaköm añgumakzani, mewöñanök mönö ambazip pakpak
jöpaköm eñgiba malman.'

Jöjöpañ keu kunñan mönö keu yahöt mi qahö etkoñgitza."

³² Köna keugö böhigöra mewö meleñniga jiyök, "Böhi! Gi törörök keu ölnañgö dop jizan. Anutunöñ mohot akza. Bem alañi kun qahö. ³³ Gi urugi jömuñi, mötkutukutugi jömuñi aka kuki jömuñi, miañön Anutu jöpaköba malman. Aka nangi jöpaköm añgumakzani, mewöñanök mönö

^s 12.26 Eks 3.6 ^t 12.28-34 Luk 10.25-28 ^u 12.29-30 Dut 6.4-5 ^v 12.31 Lew 19.18

^w 12.32 Dut 4.35 ^x 12.33 Hos 6.6

ambazip pakpak jöpaköm engiba malman. Jöjöpañ keu yahöt mi bohonñi ketañi akzahot. Mi tem kölmani, miañön mönö jöwöwöl pakpak aka naluk kötin tosatñi engonñitza.” ³⁴Mewö jiiga Jisösnöñ urumötmötñi möri dop köliga kewö jii mörök, “Gi Anutugö bemtohoññöñ aᅇgotmamgö dopdowizan.” Mewö eraum möröhotka körek yeñön Jisös toroqeba qesim wañgibingö kölköldömdöm aka mosötket. Mewö.

Kraist mi kiñ Deiwidkö kembuñi aka gwölöñarökñi.

Mat 22.41-46; Luk 20.41-44

³⁵Jisösnöñ jöwöwöl jikenöñ kinda Buña keu kusum engiba kewö qesim engiyök, “Kraistnöñ kiñ Deiwidkö gwölöñarökñi akzawi, Köna keugö böhi yeñön keu mi denöwögöra jimakze? ³⁶Deiwidnöñ nanñak Uña Töröñan sölölohöm wañgiiga kewö jiyök,

‘Anutunöñ kinda nöñgö Kembuni kewö jii mörök: Göñön mönö kaba nöñgö böröni öñje tatnöñga nöñön nalö sutñe kerökurupki tim tötöla luhut aleñgiba göhö köna tambö gwaröñe al engimam. Nalö mi kam kuñgumawañgö dop mönö asakmararaññöñ ki tatman.’

³⁷Deiwidnöñ nanñak mewö jiba qetñi ‘nöñgö Kembuni’ jiza.’ Kembuni jiba mönö denöwö aka yañgö gwölöñarökñi mohot akawak?” Mewö jiiga ambazip kambu ketañi yeñön Jisösgö keuñgö sihimñi möta kezap alget. Mewö.

Urumeleñgö silesile malmalgö galöm meme keu.

Mat 23.1-36; Luk 20.45-47

³⁸Jisösnöñ kusum engiba toroqeba kewö jiyök, “Inini mönö Köna keugö böhi yeñögöra galöm memba malme. Yeñön maluku köröpnji löñgöta anda kaba kondel aᅇgubingö mörakze aka maketnöñ me könanöñ ambazip engigetka jölöñini jimegö mörakze. ³⁹Köuluk mire qaikñe eu tatpingö sihimñi mörakze, aka közölömbuaññöñ dum tatat mutukñe jejep tatpingö mörakze. ⁴⁰Yeñön malö yeñgöreñ miri yuai bidañda gagabe köla eᅇguañgirakze, aka qetbuñañini asuhumapköra köuluk köröpnji köuluköba töptöpñine qemakze. Miañgöra Anutunöñ keuñini jim teköba likepnji öñgöñgöñi meleñni qakñine öñgöma.” Mewö.

Ambi malö kunöñ naluk kötin öñji alök.

Luk 21.1-4

⁴¹Jisösnöñ jöwöwöl jikenöñ naluk dundum andöñe tariga ambazipnöñ moneñ miañgöreñ alget geiga uba eñgehök. Ambazip pomñi sukinapñinambuk gwötpuk yeñön kañgota kina moneñ lömbötñambuk

alget geyök. ⁴² Alget geiga malö wanapni kunön kaŋgota souje kötñi yahöt, mi toiya tosatñi miangö dop ali geyök. ⁴³ Jisösnön mi eka gwarekurupni köl öröm engiba kewö jii mötket, “Nöñön keu ölni kun kewö jibi mötme: Malö wanapni kianön naluk aljawi, mi mönö tosatñi pakpak yeñön yuai dundumnön alget gezawi, miangö dopni ongita alja. ⁴⁴ Körek yeñön monen gwötpuk ahöm engiiga kitipñanöhök aljemö, ambi kianön mönö köruebörue maljawanö dop yuaini pakpak al teköba öne töhön malma.” Mewö.

Jöwöwöl jikenön köndenmönödeñ asuhuma.

Mat 24.1-2; Luk 21.5-6

13 ¹ Jisösnön jöwöwöl jike mosöta eriga gwarekurupni yengöreñök kunñan kewö jii mörök, “Böhi eknön! Jikegö tohoñ uruñe miriñi miriñi mi mönö wewelipñambuk. Mi kötnön memba meñölögetka ölpöbölöñi kinja.”

² Jisösnön mi möta keu kewö meleñnök, “Jikegö tohoñ uruñe miri ketanji ki engekzanmö, mi mönö köndengetka mirigö köt kun mi köt kungö qakñe qahö ahömappmö, qeqelañlan aka sahoññanök ahöma.”

Kahasililiñ aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kundunje öngöba likepñe endu jöwöwöl jikenön kinöhi, mi eka tatket. Miangöreñ tata Pitö, Jeims, Jon aka Andru yeñön Jisös nanñök öröba kewö qesim wanget, ⁴ “Böhi! Keu jizani, miangö ölni mönö wanat nalönön asuhum tiñgitma aka yuai pakpak mi könahiba asuhum tekömawi, miangö aiwesökñan mönö denöwö asuhuma? Mia ölop jinön mörin.”

⁵ Mewö qesim wangetka könahiba kewö jii mötket, “Kunñan isimkakalek aiga janjuñ anbeupköra mönö galömñini memba malme. ⁶ “Ambazip gwötpukñan asuhuba nöngö qetne kewö jime, ‘Nöñön Kraist akzal.’ Mewö jiba ambazip gwötpuk tilipköm engime. ⁷ Injini yarö miengö buzupñini aka ötöñini asuhuggetka mörakñe. Mi möta jönömñini kude undumakñe. Yuai mewöñi mi mutuhök asuhumapkö jijiñe. Mi asuhumappmö, gölmegö nalöñan mönö miangöreñök zilañ qahö teköma. ⁸ Kantri kunön kantri kun engubingöra wahötme. Ambazip kambu kunön kambu kun yembuk arön angubingöra wahötme. Gölmeñi gölmeñi miangöreñ kenön ketanji ketanji qözöla memba gölme meleñni gemakñe. Mewöyök bödiñi bödiñi (buöröñi buöröñi) asuhuba öngöba ahöma. Yuai mewöñi mi ambi köröbuknön masi könahiba engumakzawanö dop. Gölmegö nalöñan mönö miangö dop könahiba tekömamgö akña.

⁹ Mewö akñappmö, injini ölop galömñini mem anguba malme. Ambazipnön injini öröba keu jakeñe al engiba köuluk mireñini keu nupñini memba

^z 13.9-11 Mat 10.17-20; Luk 12.11-12

kömbinöŋ engume. Tosatŋan nöŋgöra aka enġuaŋgitketka kantriŋi kantriŋi yeŋgö kiŋ kembu aka premiö yeŋgö jemesoholġine kinme. Mewö kinda nöŋgö könaŋamni naŋgöba jiġetka mötme. ¹⁰Ölöwak Buŋa ki mönö mutuk gölmegö kantriŋi kantriŋi pakpak yeŋgöra jim sehim tekögetkun gölmegö nalöŋan miangö andöŋe teköma. ¹¹Öröba enġuaŋgita keu jakeŋe al enġiġetka kinmei, nalö miangöreŋ keu denöwö jibinak, miangö waimanjatŋi qeljiŋe kude mötme. Uŋa Töröŋan aua miangöreŋök keu enġimawi, mönö mia jime. Nanŋine uruŋinaŋgöra keu qahö jimemö, Uŋa Töröŋan mönö uruŋini sölölohöiga keu jime. ¹²Urumeleŋgö kopa kunöŋ darumunŋan uruŋi meleŋnöhaŋgöra aka i mamalolo meiga keu jakeŋe algetka qeget kömuma. Mewöyök iwi kunöŋ nahönböratŋi mamalolo meiga kömuma aka nahönbörat yeŋön iwinamurupŋini qetal enġiba jiġetka enġuget kömume. ¹³Kantri pakpak yeŋön nöŋgö qetnaŋgöra aka kazik ak enġiġetka malmemö, kunŋan kapaŋ köla köhöiba böŋ qeba kinda maliga gölmegö nalöŋan tekömawi, yaŋön mönö oyaenġkoyaenġ buŋa qem anguma. Mewö.

Jerusalem sitigö köndenġmöndeŋ uru-önönġambuk

Mat 24.15-28; Luk 21.20-24

¹⁴^b“Könaŋgep tosatŋan kaba köndenġmöndeŋ aka yuai aŋgöjörakŋambuk jikenöŋ qahö alalgö dop mi altanöŋ ala kiniga ekŋei, - keu ki oyoŋmawaŋön mönö ölöp kezap ala möt kutuma - nalö miangöreŋ Judia prowinsnöŋ malmei, enöŋ mönö miŋgöba öröba kunduŋe anme. ¹⁵“Miri kösutŋe sombemnöŋ malmawaŋön mönö eta yuaiŋi memamgöra miri uruŋe kude öŋgöma. ¹⁶Nupnöŋ anda malmawaŋön mönö mewöyök malukuŋi memamgöra liliŋgöba mirinöŋ kude anma. ¹⁷Yei! Ambi gölömbuk aka morö juzunöŋ yeŋön nalö miangöreŋ denöwö ösumŋinan anbeak. ¹⁸Miangöra yuai mi kie luhut nalöŋe kude asuhumapköra köuluköme. ¹⁹“Nalö miangöreŋ kahasililiŋ keta bölöġŋi asuhuma. Kahasililiŋ dopŋi mewöŋi mi mönöwök nalö kungen kude asuhuba ahöyök. Anutunöŋ yuai pakpak miwikŋaiyöhi, nalö miangöreŋök könahiba nalö kiangöreŋ mala kota nalö sutŋe kun qahö asuhuyök. Mönöwök qahö asuhuyök aka könaŋgep nalö kunöŋ qahö ahuma. Miangöra mönö köuluköba malme. ²⁰Kembunöŋ wahöjaliŋ nalö mi qahö mem töribawak ewö, ambaziŋ körekŋan mönö ayuhum teköbeakmö, ambaziŋ nanŋaŋgöra möwölöhöm enġiyöhi, yeŋgöra aka wehön miengö götöŋini mi mem törima.

²¹Nalö miangöreŋ kewö jime, ‘Mötket! Kraistnöŋ ki malja.’ aka ‘Eket! Amötqeŋe Toŋan endu kinja.’ Kunŋan mewö jima ewö, mi mönö kude möt narime. ²²Mi kewögöra: Amötqeŋe toŋi munenŋi aka kezapqetok

^a 13.13 Mat 10.22 ^b 13.14 Dan 9.27; 11.31; 12.11 ^c 13.15-16 Luk 17.31 ^d 13.19 Dan 12.1; Ind 7.14

ambazip takapulakaŋi asuhaba aŋgöletot aka aiwesök jemurutŋi megetka letotme. Mewö letotketka Anutunöŋ ambazip nanŋaŋgöra möwölöhöm eŋgiyöhi, i mewöyök eŋlololöŋ mem eŋgimegö esapköba kaparŋ kölgetka jaŋjuŋ akepuk. Eŋön ölöŋŋanök galömnini memba malgetka mi osibeak. ²³Nöŋön yuai pakpak mi kude asuhuiga qeljiŋe lökŋanök jibi mötze. Mi mutuk jizalaŋgöra mi mönö uruŋine ala galömnini mem aŋguba malme. Mewö.

Suep gölmegö azi ölnan mönö asuhum tiŋgitma.

Mat 24.29-31; Luk 21.25-28

²⁴eWahöjalinŋ mi teköiga nalö miangöreŋök wehön jeŋan injaŋ köliga köiŋnön ömuŋ kölma. ²⁵fSengelau yeŋön suepnöhök teköba etme aka suepnön uturuköiga miangö öroyuaiŋi mi tatatŋini mosöta eŋlololöŋ aketka sohoma. ²⁶gNalö miangöreŋ Suep gölmegö azi ölni yaŋön kousu qakŋe kaŋgori ekŋe. Kukösumŋi ketanŋan saköl-diŋdiŋambuk aukŋe asuhuiga asakmararaŋi ekŋe. ²⁷Kaŋgota Suep garataurupŋi melaim eŋgiiga yeŋön ambazip Anutunöŋ nanŋaŋgöra möwölöhöm eŋgiyöhi, i gölme göraŋi likepliŋep, euke emuke miangöreŋök kölolohoba eŋguangitme. Mewö.

Geröp ipkö dopkeu

Mat 24.32-35; Luk 21.29-33

²⁸Iŋini geröp ip eka tandökŋi mötmöriba dopkeu ki mötme. Böröŋan lök oŋambuk aiga sinŋan yoŋgoigetka mi eka möta kewö jimakze, ‘Wehön nalöŋan mönö dopdowiza.’ ²⁹Eŋön mewöŋanök aiwesök miangö dop asuhuiga eka möt asariba könaŋi kewö jime, ‘Jisösnön mönö nanŋunöŋ dopdowiza.’ ³⁰Nöŋön keu ölni kun kewö jibi mötket: Ambazip ki merak gölmenöŋ maljei, yeŋön qahö kömugetka yuai pakpak jizali, mi mönö yeŋgö malmal nalöŋine asuhuma ³¹Suep gölmenöŋ göröŋ qemahotmö, nöŋgö Buŋa keunan mönö qahö ayapköma.’ Mewö.

Jisös kamawaŋgö nalöŋi mi kunŋan qahö mötza.

Mat 24.36-44

³²hSuep gölmegö azi ölnan dawinöŋ kamawi, miangö wehönŋi me aua nalöŋi mi kunŋan kun qahö mötza. Suepnöŋ garata yeŋön mi qahö mötze. Anutugö Nahönŋan mewöŋanök mi qahö mötza. Iwinöŋ nanŋök mi mötza. ³³Nalö dawinöŋ asuhumawi, mi qahö mötzeaŋgöra eŋön mönö alöm memba uruguliguli malme. ³⁴iMi dopkeu kiangö dop ahöza: Azi kunöŋ miriŋi mosöta kantri kungen anök. Anmamgöra aka galömurupŋi

^e 13.24 Ais 13.10; Eze 32.7; Joel 2.10, 31; 3.15; Ind 6.12 ^f 13.25 Ais 34.4; Joel 2.10; Ind 6.13 ^g 13.26 Dan 7.13; Ind 1.7 ^h 13.32 Mat 24.36 ⁱ 13.34 Luk 12.36-38

yuai pakpakŋaŋgöra jim kutum eŋgiba naŋgu kiŋi böröŋine ala kukŋi eŋgiyök. Kukŋi eŋgiba welenqequeurupŋi mohok mohok nup keu eŋgiyök. Eŋgiba mala naŋgu galömŋi mewöyök uruguliguli malmapköra jim kutum waŋgiyök. ³⁵Miri toŋan dawinöŋ lilingöba kamawi, mi qahö mötze. Mare me suŋgem ömbibiŋe kama me? Waŋgaraŋ suruiga kama me? Wehön gĩaŋiiga kama me? Miangö dop iŋini mi qahö mötzeaŋgöra mönö uruguliguli malme. ³⁶Könöpuk wölaŋ kaiga eŋön gaun ahögetka mewö miwikŋaim eŋgibapuk. ³⁷Iŋini mönö uruguliguli malme. Keu mi gwarekurupŋi eŋgöra jizali, mi mewöyök alaurupni körek pakpak eŋgögöra jizal: Iŋini mönö urugwölögwölö malme.” Mewö.

Jisös qein kömumapkö aŋgönaŋ alget.

Mat 26.1-5; Luk 22.1-2; Jon 11.45-53

14 ¹Pasowa kendon^k aka beret yistŋi qahö miangö kendonŋi törüyohot. Wehön yahöt teköiga miangöreŋ könahibitkö ahotka jike nup galöm aka Köna keugö böhi yeŋön tokoget. Tokoba denöwö möndöŋninga Jisös ölöŋ memba qeget kömumbawak, miangö könani jaruba kewötket. ²Jaruba kewöta kewö jiget, “Ambazip irimŋini seheliiga karimŋi karimŋi asuhubepuköra mi sösoŋgai kendon nalöŋe akingö osibin.” Mewö jiget.

Ambi kunjan Jisös o umköhöwakŋambuknöŋ miriyök.

Mat 26.6-13; Jon 12.1-8

³Jisösnöŋ Betani mirinöŋ mala Saimon kun uzikukuŋi mem solaniyöhi, yaŋgö mire öngöba tarök. Miangöreŋ nene memba tariga ambi kunjan köt kirin kun memba yaŋgöreŋ kayök. Kirin mi nöluk tuat-tuat qetŋi alabastö mianön memeŋa. Mia o um-köhöwakŋambuk ölni qetŋi nad mianön kokolak qeba tarök. Yaŋön mi bohonŋi ketajan memba kaba nöluk jölŋi kutuba oŋi Jisösgö nöropŋe mimbiliba miriyök. ⁴Miriiga azi tatkeri, yeŋgöreŋök tosatŋan urubölö aka nanŋinök kewö eraum mötket, “Nad o mi mönö wuanöŋgöra mewö ayuhuzawi? ⁵Nad o kelökŋambuk mi bohonŋi memegöra albawak ewö, ölöp silim 300:kö töwaŋi (Kina 1500,-) oŋgita yöhötibawak. Mi ambazip wanapŋi eŋgiiga dop kölbawak.” Mewö jiba ambi mi jim waŋgiget.

⁶Jim waŋgigetka Jisösnöŋ kewö jii mötket, “Ambi ki kude jim waŋgime. Wuanöŋgöra uruŋi mem böliŋe? Yaŋön silik ölöpŋi ak soroköm niŋgiiga dop kölja. ⁷^mAmbazip wanapŋi mi nalöŋi nalöŋi sutŋine malgetka ölöpŋi ak eŋgibingö möta mi ölöp nalö dop akŋemö, nöŋön

^j 14.1 Eks 12.1-27 ^k 14.1 Kantri qetŋi Ijpt miangöreŋ Kembugö garatanöŋ eŋgehoriŋa eŋgoŋgirök, kendon miangö qetŋi Nei keunöŋ Pasowa. Eksodus 12.15 ^l 14.3 Luk 7.37-38 ^m 14.7 Dut 15.11

enjö sutņine nalö dop qahö malmam. ⁸ Yaņön mi nanņi akakmemeņanğö dop ak niņgiza. Nöņön kömumbi löm köl niņgimeanğöra ölöp qeljiņe sileni kelöknöņ nömıriza. ⁹ Nöņön keu ölni kun kewö jibi mötket: Ölöwak Buņa ki kantri igen waigen jim sehigetka anmawi, miaņğöreņ ambi kianğön yuai ak niņgizawi, miaņğö buņaji mohok jiget sehiiga yangöra mötmörıba malme.” Mewö.

Judasnöņ Jisös mamalolo mem waņğımamğö urumohok ahök.

Mat 26.14-16; Luk 22.3-6

¹⁰ Gwarekurupņi 12 yeņğöreņök kun qetņi Judas Iskariot yaņön Jisös mamalolo mem waņğımamğöra aka jike nup galöm yeņğöreņ anök. ¹¹ Yeņğöreņ anda keuņi jiiga mi möta uruņinan ölöwahıga söņğöröņi moneņ waņğıbingöra keu jöhöget. Keu jöhögetka Jisös nalö kungen mamalolo mem waņğımamğö köna möt jaruba köiņbiņğöba malök. Mewö.

Jisösnöņ gwarek yembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹² Beret yistņi qahö miaņğö kendon silim mutukņe (Seqononöņ) pasowa lama kun qeba ohozema. Miaņğöra Jisösgö gwarekurupņan jiget, “Böhi, nini miri denikeaņğöreņ anda pasowa lama mözözömgöm gihiba nemin? Sihimgi denöwö ahöza?”

¹³ Mewö jigetka gwarekyahötņi yahöt kewö jiba melaim etkiyök, “İņiri Jerusalem sitinöņ öņğöyohotka azi kun o kumbut kunduta kaıga miwikņaimahot. Miwikņaiıba i ölöp wuatañğöba anmahot. ¹⁴ Anohotka mire öņğöıga miaņğö toņi kewö jiyohot mötma, ‘Böhinöņ kewö jiza: Ölöp miri uruņi kun niņginöņga miaņğöreņ öņğöba gwarekurupņi yembuk pasowa lama nemin.’ ¹⁵ Mewö jiyohotka toņan möta miri qakņe eu öņğöba uruņi ketanı kun kondel etkima. Miaņğöreņ dum tatat yuai mözözömgöget ahöza. Mi kondel etkiıga miaņğöreņ lama qeba ohomahot.”

¹⁶ Mewö jiıga gwarekyahötņan mosöta sitinöņ öņğöba Jisösnöņ keu jiyöhi, miaņğö dop miwikņaiıba kindı lama qeba ohom mözözömgöyohot.

¹⁷ Miri söņauıga Jisösnöņ gwarekurupņi 12 yembuk miri miaņğöreņ kaņgotket. ¹⁸ ⁿ Kaņgota öņğöba dumnöņ tata nene negetka Jisösnöņ kewö jii mötket, “Nöņön keu ölni kun kewö jibi mötket: Eņğöreņök kun nömbuk nene nembı tatzaıaņön mönö mamalolo mem niņgıma.”

¹⁹ Mewö jiıga uruņinan wösöbirik aıga könahıba nanņök nanņök qesim waņğıba jiget, “Nöņğöra jıbanbuk?”

²⁰ Qesim waņğıgetka kewö jii mötket, “12 eņğöreņök kun nömbuk beret kulıuņnöņ kundıuņğözawi, yaņön. ²¹ Suep gölmegö azi ölnıan mönö

ⁿ 14.18 Sum 41.9

yaŋgöra keu ohoget ahözawaŋgö dop gölme mosöta anma. Anmapmö, mamalolo mem waŋgimawi, yaŋgöra Yei wösöbirik! jizal. Anutunöŋ mönö likepŋi öngöŋgöŋi melen waŋgima. Azi mi nam köröuruŋeyök qahö ahubawak, mianöŋ mönö amqem waŋgibawak.” Mewö.

Kembubuk semön qöndökŋi neget.

Mat 26.26-30; Luk 22.14-20; 1 Kor 11.23-25

²²Nene nempa tata Jisösnöŋ beret memba kötuatköba mindipköba eŋgiba kewö jiyök, “Ki nani busuni. Ki memba neget.”

²³Mewö jiba wain qambi memba saiwap jiba eŋgiiga körekŋan qambi kiangöreŋök neget. ²⁴Negetka kewö jii mötket, “Ki nani sepn. Ki Anutunöŋ ambazip yembuk jöhöjöhö areŋ aiga köhöimapköra sepn mokoget geiga ambazip gwötpuk amöt qem eŋgima. ²⁵Nöŋön keu ölni kun kewö jibi mötket: Nöŋön wain kösögö ölni kiangöreŋ kunbuk toroqeba qahö nemam. Könangep Anutugö bemtohoŋ uruŋe eu taringa közölömbuan almawi, wehön miangöreŋ mönö wain o qainŋi kun mia nemam.”

²⁶Mewö jiiga sösoŋgai liŋet köla mosöta anda Oil ip kundunje öngöget. Mewö.

Pitönöŋ Jisös qaŋ kölmapkö jii mörök.

Mat 26.31-35; Luk 22.31-34; Jon 13.36-38

²⁷Öngöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza,

‘Nöŋön galömŋini qebiga lama kambuŋan deŋme.’

Miangö dop eŋön körek uruŋini böliiga nömosöta buratime.

²⁸Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda miangöreŋ asuhum eŋgimam.”

²⁹Mewö jiiga Pitönöŋ kewö jii mörök, “Yeŋön körek uruŋini böliiga gömosöta buratime ewö, nöŋön mönö töndup mewö qahö akŋam.”

³⁰Jiiga Jisösnöŋ jii mörök, “Nöŋön keu ölni kun kewö jibi mötnöŋ: Kuruknöŋ indimŋi yahöt qahö qeriga göŋön merak suŋgem qaŋ köl niŋginöŋga indimŋi karöbut akŋa.”

³¹Mewö jiyökmö, Pitönöŋ kapaŋ köla köhöiköhöi ahök, “Böhi! Mewö qahöpmö, ni nuŋgugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pakpak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mat 26.36-46; Luk 22.39-46

³²Mewö eraum möta anda arö kun qetŋi Gezemane miangöreŋ aŋgotket. Aŋgota gwarekurupŋi kewö jii mötket, “Nöŋön endu anda köuluköbiga inŋini

° 14.24 Eks 24.8; Jer 31.31-34 P 14.27 Zek 13.7 ° 14.28 Mat 28.16

ölöp nalö sutje ki tatme.”³³ Mewö jiba Pitö, Jeims aka Jon enguangita anget. Angetka Jisösnöj könahiba könjilij kanjamnambuk möriga köna böröñj qeköyök.³⁴ Mewö aka kewö jii mötket, “Nöngö urunan mönö kondum köla kotzawañgöra aka wösöbirik mötpiga kömukömuñi ak niñgiza. Injini ölöp kiangöreñ tata nömbuk guli malbin.”

³⁵ Mewö jiba nanñök boromkun toroqeba anda simin köla sipköba sihimbölö nalöñi mi Iwiñangö jitñangö dop ongitmapköra köuluköyök.³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölögö qambiñi ki mönö noangitman. Noangitpanak, mi nöngö sihimgö dop qahöpmö, mönö nangi jitkahö dop asuhuma.”

³⁷ Mewö jiba lilingöiga gwarekurupñi karöbut yeñon gaun ahöget engeka Pitögö kewö jii mörök, “Saimon, gi gaun ahözan me? Gi aua mohot-töp guli malmangö kude köhöizan me?”³⁸ Uruninan guli malbingö sihimñi mörakzinmö, sileninan lölöwöröñi akza. Miangöra esapesapnön et enggubapaköra mönö köuluköba guliguli malme.”

³⁹ Mewö jii möriga kunbuk engömosöta anda keu miyöhök kunbuk jiba köuluköyök.⁴⁰ Köuluköba lilingöiga jeñini böñböñ meyohangöra kunbuk gaunök ahöget engehök. Gaunöhök wahöta keu melenbingö janjun aket.

⁴¹ Jisösnöj ani indimñi karöbut aiga lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wañgiiga bölöñi meme yeñgö böröñine öngöma. Miangö aua nalöñan lök kam kuñguza. Engö gaun ahöahö nalöñinan mönö teköza.”⁴² Mönö wahötketka anin. Mötket! Mamalolo mem niñgimawi, yañon mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöj mewö jiba kiniga miangöreñök gwarekurupñi 12 yeñgöreñök kun qetñi Judas yañon kambu kun jitje mem engiiga kangotket. Jike nup galöm, Köna keugö böhi aka kantrigö jitñememe yeñon i melaim engigetka bimgö sou ketañi aka liñipñini memba kaget.⁴⁴ Mamalolo memangö ahöhi, yañon mutuk yembuk aiwesök keu kewö jöhöba jii mötket, “Nöñon azi numbuñi yöhötüm nemami, i eka ‘Mönö mi!’ jiba memba jöhöba törörök galöm köla anme.”

⁴⁵ Mewö jiba kaba miangöreñök Jisösgöreñ angota “O Böhini!” jiba numbuñi yöhötüm neyök.⁴⁶ Yöhötüm neiga eka Jisös qelanjiba memba jöhöget.⁴⁷ Jöhögetka kösutje kingeri, yeñgöreñök kunñan bimgö sou ketañi öröba jike nup galöm bohonñangö welenqeqeñi qeba kezapñi köteköi erök.⁴⁸ Jisös jöhögetka keu kewö jii mötket, “Ni kegwek-kahasililij azia qahöpmö, töndup nöngöra mewö möta bimgö sou ketañi aka liñip memba nömemba jöhöbingöra kangotze.”⁴⁹ Nöñon wehön dop jöwöwöl jikenöñ embuk kinda Buña keu kusum

^r 14.49 Luk 19.47; 21.37

engiba malbiga qahö nömigetmö, yuai ki mönö Buṅa Kimbigö keuṅan ölnṅambuk akṅapakōra asuhuza. ⁵⁰Jisös jöhögetka gwarek yeṅṅon körek Jisös mosōta buratiba unjurata anget. Mewö.

Seguli kunöṅ unjurata anök.

⁵¹Azi gwabö kunöṅ bindoṅi tuatṅanök köpeiba Jisösgö andöṅe wuatṅgöba anök. Opoṅi tosatṅi qahö löṅgōta aniga i esapkōba meget. ⁵²Membingö osiba bindoṅi qekögetka aukṅamṅe unjurata anök. Mewö.

Jikegö jitṅememe yeṅṅon Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³Jisös jöhöba waṅgita jike nup galöm bohonṅaṅgö mire anget. Angetka jike nup galöm pakpak, kantrigö jitṅememe aka Kōna keugö böhi yeṅṅon miṅgöṅeṅ anda tokoget. ⁵⁴Angetka Pitönöṅ sikepsikep eṅguatṅgöba jike nup galöm bohonṅaṅgö mire ṅgota jakömbuak mirigö kiripo uruṅe öṅgöyök. Öṅgöba welenqeṅe azi yeṅgö sutṅine tata könöp kösutṅe jömörök. ⁵⁵Mewö tarökmö, jike nup galöm aka jike kaunsöl kambu yeṅṅon Jisösgö silenöṅ alal keu denöwö naṅgōinga qeget kömumapkö jim jarugetmö, könṅi kun qahö miwikṅaiget. ⁵⁶Jaruba kinda gwötpukṅan keu muneṅi sileṅe ala naṅgöba jigetmö, keuṅinan könṅi mohok qahö ahök.

⁵⁷Mewö aiga tosatṅan wahöta kinda keu muneṅi sileṅe ala naṅgöba kewö jiget, ⁵⁸“Yeṅṅon kewö jiiga mörin, ‘Nöṅṅon jöwöwöl jike börönöṅ memeneṅi ki köndenṅbiga gölmenöṅ eriga wehön karöbutkö uruṅe jike qainṅi kun börönöṅ memeneṅi qahö mi mem wahöta kuṅgumam.’” ⁵⁹Mewö jigetmö, töndup keuṅinan könṅi mohok qahö ahök.

⁶⁰Mewö aiga jike nup galöm bohonṅan wahöta mesohol köl engiba kinda Jisös qesim waṅgiba kewö jiyök, “Yeṅṅon göhö sileṅe keu ala naṅgözei, miṅgö likeṅṅi kun jiman me qahö?”

⁶¹Qesim waṅgiiga yuai bölöṅi kun qahö ahökmö, töndup likeṅṅi kun qahö melenṅa keuṅi böc kinök. Keuṅi böc kiniga jike nup galöm bohonṅan kunbuk kewö qesim waṅgiyök, “Anutu möpöseim waṅgimakzini, gi yaṅgö Nahönṅi Kraist akzan me qahö?”

⁶²‘Qesim waṅgiiga “Oṅ!” jiba kewö jii mötket, “Suep gölmegö azi öṅṅan mönö kukösum Toṅaṅgö böröṅi öṅṅe tata suepkö kousu qakṅe eri ekṅe.”

⁶³Keu mi jiiga jike nup galöm bohonṅan malukuṅi munjurata kewö jiyök, “Yei, iwinṅaṅgö jitṅi! Tosatṅan keuṅi naṅgömegöra kunbuk qahö qesim engibin. ⁶⁴“Anutu mepaiközawi, mi mönö nanṅinak möt teköze. Miṅgöra denöwö mötmörize?” Mewö qesim eṅgiiga yeṅṅon körek Jisös kömupkö buṅaya akṅapakōra jim teköget.

^s 14.58 Jon 2.19 ^t 14.62 Dan 7.13 ^u 14.64 Lew 24.16

⁶⁵Mewö jim teköba tosatñan könahiba söutkölap miriba jemesoholñi esuhuba böröñinan misiba qeba kewö jiget mörök, “Dañön guhuzawi, mi ölop jinöñ mörin.” Jikegö kiripo galöm (sikiriti) yeñön mewöyök Jisös memba nunñulumñe qekötahöget. Mewö.

Pitönöñ Jisös qañ kölok.

Mat 26.69-75; Luk 22.56-62; Jon 18.15-18, 25-27

⁶⁶Nalö miangöreñ Pitönöñ kiripo uruñe sombemnöñ malök. Emu maliga jike nup galöm bohonñangö welenqege ambiñi kunñan miangöreñ kañgorök. ⁶⁷Kañgota Pitönöñ könöp kösutñe jömöri ehiba kewö jiyök, “Gi mewöyök Nazaret azi Jisös miambuk malnöñ.”

⁶⁸Mewö jiyökmö, Pitönöñ qañ köla kewö jiyök, “Keu jizani, mi qahö möta köndatzal.” Mewö jiba kiripo nanñuñe geiga kindi kuruk qerök.

⁶⁹Nanñunöñ geiga welenqege ambi kunñan i miangöreñ kunbuk eka azi kösutñe kingeri, i könahiba kewö jii mötket, “Azi kianñön mönö yeñgöreñök kun akza.”

⁷⁰Mewö jii mötketmö, yeñön kunbuk qañ kölok. Qañ köliga nalö borom kun teköiga azi kösutñe kingeri, yeñön kunbuk Pitögöra kewö jiget, “Göñön Galili azia kun akzanangöra mönö alakña, yeñgöreñöhök kun akzan.”

⁷¹Mi möta könahiba nanñi qesuahöm anguba jöjöpañ keunöñ jim köhöiba jiyök, “Azi keuñi jizei, mi qahö möt wañgizal. Muneñ jibileñak ewö, Anutunöñ mönö likepñi meleñ niñgima.”

⁷²Mewö jiba kiniga miangöreñök kuruk qeri yahöt ahök. Kuruk qeriga Jisösgö keu kewö jii möröhi, Pitönöñ mi mötmöriyök, “Göñön indimñi karöbut qañ köl niñginöñga kuruknöñ qeri indimñi yahöt akña.” Keu mi mötmöriba wösöñi julmamgö aiga sahöt böliyök. Mewö.

Jisösnöñ premiö Pailötkö jeñe kinök.

Mat 27.1-2, 11-14; Luk 23.1-5; Jon 18.28-38

15 ¹Miri gianjiiga amandine jike nup galöm, kantrigö jitñememe (70), aka Köna keugö böhi aka jike kaunsöl pakpak yeñön kot öngöngöñi miangö totoko ala Jisösgö keu jim teköget. Jim tekögetka Jisös jöhöba wañgita premiö Pailötkö böröñe alget. ²Rom premiö yeñön Jisös kewö qesim wañgiyök, “Ölña, gi Juda yeñgö kiña akzan me qahö?” Qesim wañgiiga Jisösnöñ meleñda jii mörök, “Möno nangak jizani, mewö.”

³Jike nup galöm yeñön keu gwötpuk Jisösgö sileñe ala jiget. ⁴Jigetka Pailötnöñ Jisös kunbuk qesim wañgiba jiyök, “Mötnöñ! Yeñön keu gwötpuk göhö silege ala jizei, göñön miangö likepñi kun jiman me qahö?”

⁵Mewö jiyökmö, Jisösnöñ bölöñi kun qahö ahökmö, töndup keu kitipñi kunbuk qahö meleñnök. Keu böc kiniga premiönöñ welipköyök. Mewö.

Pailötnöŋ Jisös kömumapkö jim teköyök.
Mat 27.15-26; Luk 23.13-25; Jon 18.39–19.16

⁶Yambu (yara) dop pasowa sösöŋgai nalöŋe premiönöŋ kösö mireyök azi kun qetŋi qeta qesigeri, mi pösat eŋgizapma. ⁷Nalö miangöreŋ azi kun qetŋi Barabas qetkeri, yaŋön kösö mire tarök. Yaŋön kegwek-kahasililiŋ azi tosatŋi yembuk karim gila azi kun qeget kömuyöhi, miangöra kösö mire al eŋgiget. ⁸Mewö aiga könagesö yeŋön premiögö miri sombemŋe eu öŋgöba kinda könahiba akŋalöhaŋgö dop akŋapkö qesim waŋgiget. ⁹Qesim waŋgigetka melenŋa kewö jii mötket, “Nöŋön Juda eŋgöreŋ kiŋ pösatpi etmapkö mötze me?” ¹⁰Jike nup galöm yeŋön Jisösgöra körögisigisi mötkeraŋgöra aka i premiögö böröŋe al waŋgiget. Mi möta sihimŋinaŋgö mewö qesim eŋgiyök.

¹¹Qesim eŋgiiga jike nup galöm yeŋön ambazip kambu uruesiesi mem eŋgiba kewö jiget, “Mönö Jisös mosöta Barabas pösatman! Mewö qesim waŋgime.” ¹²Mewö jigetka kunbuk melenŋa qesim eŋgiyök, “Mewö jizeaŋgöra Juda eŋgöreŋ kiŋ qetŋi mewö qerakzei, nöŋön mönö i denöwö ak waŋgibileŋak?”

¹³Mewö qesim eŋgiiga kunbuk qetket, “Mönö maripomnöŋ qeget jiman!”

¹⁴Mewö qetketka Pailötnöŋ kewö jii mötket, “Mi wuanöŋgöra? Yaŋön mönö wani bölöŋa ahök?” Mewö jiyökmö, yeŋön mi möta kapaŋ köla toroqeba qet gigilahöba kewö qetket, “Mönö maripomnöŋ qeget jiman!”

¹⁵Mewö qetketka Pailötnöŋ ambazip kambu sihimŋinaŋgö dop akŋamgö möta Barabas pösat eŋgi erökmö, Jisösyia jiiga ihilek wahiŋambuknöŋ qeyöyaköba qeget. Mewö qegetka maripomnöŋ gemegöra Rom yarö azi yeŋgö böröŋine alök. Mewö.

Jisös kukulömbuaŋ ak waŋgiget.

Mat 27.27-31; Jon 19.2-3

¹⁶Yarö azi yeŋön Jisös waŋgita premiögö jakömbuak mirigö kiripo uruŋe aŋgotket. Aŋgota yarö kambu lökŋanök öröm eŋgigetka miangöreŋ kaget. ¹⁷Kaba maluku pisikŋi gugakgugak mi Jisösgö sileŋe löŋgöt waŋgiba sötman kösö limbiŋda ila ewö nööröpŋe kölget geyök. ¹⁸Mewö geiga könahiba waikŋi memba jölöŋi jiget, “Owe owe, Juda yeŋgöreŋ kiŋ, owe!” ¹⁹Titipepe mewö aka jigetka jehotnöŋ nööröpŋe qeba söutkölap qeba simin köl waŋgiba sipköba möpöqöpösei munenŋi mem waŋgiget. ²⁰Mepaqepaik mewö ak waŋgim teköba maluku pisikŋi gugakgugak mi qeköba nanŋe sile esu löŋgöt waŋgiba maripomnöŋ qebingöra waŋgita anget. Mewö.

Jisös maripomnöy qeget.*Mat 27.32-44; Luk 23.26-43; Jon 19.17-27*

²¹ʷAnda köna namnje azi kun qetnji Saimon miwiknjaiget. Yanön Afrika siti qetnji Sairini miangö aziña aka Aleksander aka Rufus yetkö iwinjira. Yanön nupnöhök kanjoriga kunjum wanjigetka Jisösgö maripomnji memba anjuyök. ²²Jisös mewö wanjita gölme kun qetnji Golgota mi nanine keunöy nöröp sihit, miangörey anda anjotket. ²³Angota wain o aka marasin qetnji mör mi mindiriba lolonqalony memba wanjigetmö, Jisösnöy mi tököyök. ²⁴ʷTököiga kinda maripomnöy qeget. Qeget kiniga kiawen meget qötöni ahuiga Jisösgö sile esunji mohok mohok sutjine miangö dop mendenja meget. ²⁵Söjan 9 kilok miangörey maripomnöy qeget. ²⁶Maripomnöy qeba nöröpne eu qegerangö könañi kewö ohoba qeget, “Juda yengö kiñ kembuñina ki.” ²⁷Kegwek-kahasililij azi yahöt mewöyök yambuk maripomnöy etkuget. Kun böröñi ölje kun qaniñe likeplikep mewö etkuget. ²⁸ˣ(Anutugörey Buña Kimbinöy keu kewö ohoget ahöza, “I kewöta kegwek-kahasililij azi ewö mötmöröba yengö sutjine alget.” Keu mianjön mewö ölñambuk ahök.)

²⁹ʷAmbazip onjita anda kaba kukulömbuan aka jelikit aka nöröp köla kewö jiget, “Yei! Gi mönö jöwöwöl jike ölop köndenönjga gölmenöy eriga wehön karöbutkö uruñe kunbuk mem wahöt kunjumangö jinöy. O, gi azi qetpuk! ³⁰Mönö nangi bauköm anjuba maripomnöhök etman.”

³¹Jike nup galöm aka Köna keugö böhi yenjön mewöyök sutjine mepaqepaik ak wanjiba jiget, “Tosatña bauköm enjiba malökmö, nanñi bauköm anjumangö osiza. ³²Yanjön Amötqeqe Tonji Kraist aka Israelgö kiñ akza ewö, mönö döлки maripomnöhök eri eka mi möt naribinak.” Mewö jiget.

Azi yambuk maripomnöy etkugeri, yetkön mewöyök uruqeqe keu töhörey jim wanjiyohot. Mewö.

Jisösnöy kömuyök.*Mat 27.45-56; Luk 23.44-49; Jon 19.28-30*

³³Silim bibiñi 12 kilok aiga miangörey söñaupnöy eta gölme pakpak dop köla ahöiga anda aua karöbutkö dop ahök. ³⁴ˣJisösnöy 3 kilok miangörey nanñe keunöy kewö qet ketani qerök, “Eloi, eloi, lama sabaktani?” Mi nanine keunöy: Anutuni, Anutuni mönö wuanöngöra andö nuñguzan?

³⁵Mewö qeriga azi kösutñe kingeri, yengöreyök tosatñan mi möta jiget, “Mötket! Mönö Elaijagöra qetza.” ³⁶ˆYengöreyök kunöy ösumñan

ˆ 15.21 Rom 16.13 ˆ 15.24 Sum 22.18 ˆ 15.28 Ais 53.12 ˆ 15.29 Sum 22.7; 109.25;
Mak 14.58; Jon 2.19 ˆ 15.34 Sum 22.1 ˆ 15.36 Sum 69.21

anda mömöndö kun kahali tandök mi memba wain o asölhambuknöñ kundumgöba ip göröm kitipnje jöhöba suruba Jisös numbu susuje eu ali neiga jiyök, “Mönö mosötketka nanjök kinök. Elaijanöñ kaba meköi etma me qahöpto, mönö mi ekin.”

³⁷Mewö aketka Jisösnöñ qet ketanji qeta wösöñi nöñ qeiga kömuyök.

³⁸^bKömuiga mianggöreñök jöwöwöl jikegö uruje opo kinöhi, miangön mönö euyök bibiñe jurata eta yahöt ahök. ³⁹Suahö galömnöñ maripom mesohol köla kinda Jisösnöñ wösöñi nöñ qeiga kömuyöhi, mi eka kewö jiyök, “Azi kianjön mönö ölña Anutugö nahönja akza.”

⁴⁰^cAmbi tosatjan mewöyök sikep kinda yuai mi eket. Yeñgö sutjine Magdalagö Maria aka Maria Jeims dubatnji aka Joses yetkö namjiri aka Salome yeñön mohotje kinget. ⁴¹Yeñön Jisösnöñ Galili prowinsnöñ maliga mianggöreñ i wuatangöba welen qem wangiba malget. Mewöyök ambi tosatnji gwötpuk Jisösbuk Jerusalem sitinöñ öngöba kageri, yeñön mewöñanök kösutje kinget. Mewö.

Jisösgö qamötñi löm kölget.

Mat 27.57-61; Luk 23.50-56; Jon 19.38-42

⁴²Sabat kendon tatatköra yuai mözözömgögetka Sabat kendonöñ könahimangöra dopdowiiga mare aka kayök. ⁴³Nenggie mianggöreñ Arimatia tonji, azi qetbuñangbuk qetnji Josef yanjön kayök. Yanjön mewöyök Anutu bemtohoñangö ölñi asuhumapköra mamböta malök. Yanjön Juda yeñgö jike kaunsöl kambugö jitjememe kun aka Sabat kendonöñ könahimangö ahörañgöra aka keñgötñi yaköriba Pailötköreñ anda Jisösgö qamötñi memangö qesiyök. ⁴⁴Qesiiga “Ölña kömuza me qahöpto?” jiba mötmöriba suahö galömñi jii kaiga “Jisösnöñ nalö köröpñi me töröpñi kömuza,” jiba qesim wangiyök. ⁴⁵Qesim wangiiiga buzup keunji möta Jisösgö qamötñi Josef jim teköm wangiyök. ⁴⁶Jim teköm wangiiiga opo tuatnji söngöröñi memba anda qamötñi maripomnöñök qeköba memba eta oponöñ esuhuyök. Esuhuba memba qaksirinöñ anda kötnöñ köteñ urorohogetka dum ahöyöhi, mianggöreñ alök. Ala köt kötanji kun metaliga köteñ numbuñi közipköyök. ⁴⁷Denike alöhi, mi Magdalagö Maria aka Maria Josesgö namñi yetköñ kinda ehot. Mewö.

Jisösnöñ kömupnöñök wahörök.

Mat 28.1-8; Luk 24.1-12; Jon 20.1-10

16 ¹Sabat kendon tatket teköiga mianggöreñ Magdalagö Maria, Maria Jeimsgö namñi aka Salome yeñön “Jisösgö qamötñi anda miribin.” jiba jiniñ jimoroñ umköhöwankambuk söngöröñi meget. ²Memba ahöba Sonda söñanök wahöta miri gianji wehön jilinjölañ kori

^b 15.38 Eks 26.31-33 ^c 15.40-41 Luk 8.2-3

qaksirinön anget. ³Anda eraum möta jiget, “Qaksirigö numbuje köt ketañi tatzawi, mi mönö dañon qetalma?” ⁴Mewö jiba ugetka ani kewö eket: Köt keta bölökñi mi lök qetalget anda ahöyök. ⁵Qaksirigö köt köteñ numbuñi mewö añañiba kiniga uruje öngöget. Öngögetka öljine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶Awöwöligetmö, kewö jii mötket, “Mönö keñgötñini kude mötme. Iñini Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangöreñ suluget ahöyök. ⁷Miangöra mönö anda Pitö aka gwarekurupñi pakpak buzup kewö jiget mötme, ‘Yañon mönö qeljiñe mutuk Galili prowinsnöñ anma. Iñini mewöyök miangöreñ anda keuñi jiyöhañgö dop i ekñe.’”

⁸Mewö jiiga auruba jöñömñini unduiga köt köteñök eta ösumñinan anget. Sömbuñini mötkerañgöra keu kun kude jigetmö, keuñini bököyök. Mewö.

Jisösnön Magdalagö Mariagöreñ asuhuyök.

Mat 28.9-10; Jon 20.11-18

⁹Jisösnön Magdalagö Maria yañgö urujeyök öme 7 enguatangöiga malök. Jisösnön kömupnöñök wahöta Sonda söñan amandiñnöñ mutuk Maria mi asuhum wañgiyök. ¹⁰Asuhum wañgiiga alaurupñan Jisösbuk mala kota nalö miangöreñ jingey köla sahötkeri, Marianön mönö yengöreñ anda buzupñi jii mötket. ¹¹Mötketmö, Jisösnön guliba mali Marianön ehöhi, mi qahö möt nariget. Mewö.

Jisösnön alayahötñi yetköreñ asuhuyök.

Luk 24.13-35

¹²Miangö andöñe alayahötñan Jerusalem siti mosöta miri kunön anbitköra könanön anohotka Jisösnön kaisongolomñan meleñniga asuhum etkiyök. ¹³Yetkön mewöyök anda buzupñi mi alaurupñi jiyohot mötketmö, yeñon mi mewöyök qahö möt nariget. Mewö.

Jisösnön gwarekurupñi asuhum enñiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴Könañgep gwarekurupñi 11 mienön tokoba nene nempa tatketka yengöra mewöyök asuhuyök. Asuhuba uruköhöikñinañgöra tembula kömupnöñök wahöriga ekerañon buzupñi jiget möta mi qahö möt narigeri, miangöra i jim enñiyök. ¹⁵Jisösnön kewö jii mötket, “Iñini mönö kantri dop anda gölmeñi gölmeñi liliköba ambazip mal anjeañgö dop Ölöwak Buñani jim asarigetka mötme. ¹⁶Kunñan Anutu möt nariiga

^d 16.7 Mat 26.32; Mak 14.28 ^e 16.15 Apo 1.8

o melun mem wan̄gigetka urūji melen̄mawi, yān̄ön mönö letota Suepkö būyaya ak̄ja. Kun̄jan qahö möt nariba yāngisēn malmawi, Anutunȫn mönö yāngö keūji jim teköiga könöp siagö būyaya ak̄ja. ¹⁷Möt narim nīngiba malmei, mi aiwesök mem en̄gibiga kön̄ān̄am̄nīni kewö asuhuma: Yēn̄ön nȫngö qetne ömewöröme en̄guatan̄göme. Kantri tosat̄ni yēngö keūjini jime. ¹⁸Mokolēn börȫn̄inan memba wahötme. Möröm warabe o yuai negetka miān̄ön mönö qahö mem bölim en̄gima. Börȫn̄ini kawöl ambazip qak̄jine algetka ölöwak̄je.” Mewö.

Jisösnȫn Suep mire ȫngöyök.

Luk 24.50-53; Apo 1.9-11

¹⁹^fKembu Jisösnȫn keūji mewö jii mötkētka Anutunȫn wan̄giriga Suepnȫn ȫngöba Anutugö börȫni ȫl̄je tata malja. ²⁰Eu maljapmö, gwarekurup̄nan mosöta miri gölme dop anda Būja keūji jim sehiba malget. Mewö malgetka Kembunȫn yembuk nup memba inahöm en̄giiga āngöletot asuhugetka keūjinan köhöyök. Mewö.

^f 16.19 Apo 1.9-11

Luk

Ölöwak Buja Luknön ohoyök.

Jim-asa-asari

Urumelej yejön miti dölökñi qahö memba kazei, dokta Luknön mi azi öngöngöñi Tiofilusgöra kondelmamgöra aka Ölöwak Buja ki ohoyök. Luk yañön Jisösgö gwarekñi 12 yeñgöreñök kun qahöpmö, Grik azia aka kawöl ambazip mem ölöwak nupnön malök. Luknön Jisösgö könañi yahöt kewö kondel neñgiza: 1) Anutunön Amötqeçe Tonj melaimamgö keu jöhöiga Israel yeñgöra asuhuyök, 2) Yañön mönö kantriñi kantriñi mem ölöwak neñgimamgöra kayök. Kembugö Uñañan Jisös oholiga “ambazip etqeçeñi yeñgöra Ölöwak Buja” jim asariyök. Ambazip yuai könañi könañi miangöra osigeri, Jisösnön yeñgöra waimanjat möta bauköm eñgiba malök. Luknön kösohot mewönji sehisehiñi areggöba ohom teköyök. Luknön sösongaigö kösohotñi gwötpuk ohoyök. Jisösnön mutuk gölmenön erök aka teteköñe miangöreñ gölme mosöta Suepnön öngöyök. Miangöra sösongai sehisehiñi mi boñ 1-2 aka boñ 24 miangöreñ ahöza. Jisösnön Suepnön öngöiga Buja nup mem sehigetka mötnarip kambunön qariba qariba anök. Luknön miangö kösohotñi mi buk qetñi “Aposol nup meme” miangöreñ ahöi ahöza.

Luknön Ölöwak Buja ohoyöhi, miangö keu bohonñi mi kewö dop köla ali ahöza: Köuluk nup megetka ölni asuhuyök, Uña Töröñan ambazip sölölohöm eñgii malget, Ambi yejön Jisösbuk nup gwötpuk nañgöba meget, Anutunön siñgisöndokñini mosöta malök.

Buk kiangö bahöñi bohonñi 8 mi kewö:

Buk kiangö könañi Luknön ohoyök boñ *1.1-4*

Jon O-melun azi aka Jisös asuha qariyohot *1.5-2.52*

Jon O-melun azinön Anutugö nup meyoñ *3.11-20*

Jisös o melun mem wañgiiga esapesap miwikñaiyök *3.21-4.13*

Jisösnön qenjarök nupñi Galili prowinsnön meyoñ *4.14-9.50*

Galili mosöta köna anda Jerusalem añgorök *9.51-19.27*

Jerusalem añgota sonda qöndökñi malök *19.28-23.56*

Wahöta asuhum eñgiba Suepnön öngöyök *24.1-53*

Matyu Mak Jon yejön kösohot tosatñi qahö ohogeri, mi Luknön nanjök ohoi bahöñi 2 aka 6 miangöreñ ahöza. Kösohot tosatñi mi kewö: Garata yejön

lijet kölget, Lama galöm yejön Jisös asuhuiga kaba eket, Jisösnöñ moröröpñe jöwöwöl jikenöñ öñgöyök, Samaria azinöñ gurusep azi ak kömum wangiyök aka nanñi imbi-imbi azinöñ siñgisöndoknöñ geba sohoyöhi, miangö dopkeu.

Luknöñ kimbi Tiofilusgö ohoyök.

1 ¹Kezapqetok ambazipnöñ Amötqeqe Tonji ahumapkö keu jigetka miangö ölni sutnine asuhuyöhi, ambazip gwötpukñan miangö kösohotñi könahiba ohoget. ²Yuai ölni mi sutnine asuhuiga tosatñan mi könakönahineyök könahiba kota nanñine jeñinan eka möt yakögeri, yejön miangö dop miangö buzupñi toroqeba jim sehigetka kezapnine geba nanine buñaya ahök. Ambazip mewöñji yejön Buña mi könahiba papianöñ ohoba areñgöget ahöza.

³Nöñön mewöyök yuai pakpak asuhiba koröhi, mi törörök qesim eñgibi könañeyök könahiba jigetka möt kutuzal. O Tiofilus nöñön göhöra mötpi öñgöñgöñi akzan. Nöñön göbuk keu eraum mötpitkö mötpi ölöwahiga Jisösgö kösohotñi mi körekñanök areñgöba ohozal. ⁴Buña keu ölni kusum gihigetka mötzani, göñön miangö könañi oyoñda körekñanök möt kömuman. Mewö.

Jon asuhumapkö keuñi Geibrielnöñ jiyök.

⁵Judia prowinsgö kiñ qetñi Herod yañgö nalöñe azi kun qetñi Zekaraia malök. Yañön jike nup galöm mala Abaiagö nup areññöñ kinök. Anömñji qetñi Elisabet yañön mewöyök jike nup galöm Arongö gwölönarökñi kun ahök. ⁶Yekñön Anutugö jeñe malmal diñdiñi mala Kembugö jöjöpañ keu aka jimkutukutuñi pakpak törörök wuatangöba köpösihitkö keuñiri qahö malohot. ⁷Malohotmö, Elisabetnöñ köpingöra gwölönarökñiri qahö mala ambazip namñi ahot.

⁸Nalö kunöñ Abaiagö nup areñ nalöñan kaiga Zekaraianöñ jike nup galöm nup memapköra Anutugö jemesoholñe kañgorök. ⁹Kañgoriga jike nup galöm yejön aiakanjini wuatangöba sutñine nup mendeñda Zekaraia mekögetka Kembugö altanöñ öñgöba jiniñ wörönñambuk ohoyök. ¹⁰Jiniñ wanafu ohoho nalöñan kam kuñguiga yañön yuai wörönñambuk mi ohoiga ambazip kambu pakpak yejön jöwöwöl jike yaigepñe mamböta Anutu köuluköba malget.

¹¹Jiniñ ohoiga wörönñan pukpuköba miri uruñi dop köliga miangöreñ Kembugö garata kunöñ altanöñ eu asuhum wanggiba böröñi öñje göröken kinök. ¹²Kiniga Zekaraianöñ eka auruba keñgötñi mörök. ¹³Keñgötñi mörökmö, garatanöñ kewö jii mörök, “Zekaraia, gi keñgötki kude mötnöñ. Anutunöñ köuluki lök mötza. Miangöra anömgan gölöm ala morö nahöna mema. Mi meiga göñön qetñi Jon qetman.

^a 1.5 1 Hist 24.10

¹⁴Nahönñi asuhuiga urugan yaŋgöra ölöwahiga söŋgainönŋa ambazip gwötpukŋan sösoŋgai akŋe. ¹⁵^bI nam körö uruŋe tariga Uŋa Töröŋan miangöreŋök könahiba uruŋi kokolak qeiga qariba wain me o köhöikŋi mi qahö nembra Kembugö qöhöröŋe azi öŋgöŋgöŋi aka malma.

¹⁶Mewö mala Israel ambazip gwötpuk urumelen eŋgiiga Kembuŋini Anutugöreŋ lilingöme. ¹⁷^cAnutugö Uŋaŋan kezapqetok azi Elaija inahöiga kukösum qakŋe nup meyoŋhi, yaŋön mönö miangö dop mutuk qeljiŋe aniga Kembunöŋ andöŋe kama. Yaŋön anda könagesö uru kuŋgum eŋgiiga Kembunöŋ kamapköra jöjöröba kinme. Iwi aka nahönbörat jula deŋgetka uru kuŋgum eŋgiiga kunbuk mindirim aŋgume aka qequetal ambazip mi diŋdiŋi yeŋgö mötmöt areŋnöŋ aŋgotme.”

¹⁸Suep garatanöŋ mewö jiiga Zekaraianöŋ jiyök, “Anömnï netkön ambazip namŋi akzirangöra keugan mönö dewöwö öŋŋambuk akawak?”

¹⁹^dMewö jiiga meleŋnök, “Ni Geibriel. Nöŋön Anutugö mesoholŋe kinbi melaim niŋgii buzup ölöŋŋi ki memba kaba jibi mötzan. ²⁰Nöŋgöreŋ keu jit öŋŋambuk asuhumawi, göŋön mi jibi qahö möt narizanaŋgöra keugan mönö qahöwahiga mötök malman. Mewö malnöŋga buzup keu kiangö öŋŋi asuhumapkö nalöŋan kam kuŋguiga miangöreŋ nesilamgan lolohoi keu kunbuk jiman.”

²¹Nalö sutŋe miangöreŋ ambazipnöŋ mamböt mala Zekaraianöŋ jöwöwöl jikenöŋ nalö köröp tiŋtiŋi kinöhangöra mötkurumkurum aket.

²²Mewö aka tatketka yaigep eta keu jimangö osiiga möt asariba kewö jiget, “Yaŋön jöwöwöl jikenöŋ kinda jeŋi meleŋni Suepnöhök imut kun ekza.” Mewö jigetka böröŋanök kaisöpsöp al eŋgiba mötök aka malök.

²³Mewö mala jike nup meme nalöŋan teköiga lilingöba miriŋe anök. ²⁴Wehön tosati teköiga Elisabetnöŋ gölöm ala köiŋ 5 miangö dop mire asamböta kewö jiba tata malök, ²⁵“Moröni qahöpköra ambazipnöŋ memba eta al niŋgigetka Kembunöŋ mesohol köl niŋgiba miangö lömbötŋi memba gila ak kömum niŋgiza.” Mewö.

Jisös asuhumapkö keuŋi Geibrielnöŋ jiyök.

²⁶Elisabetnöŋ gölöm alöhangö köiŋi 6 aiga Anutunöŋ garatani qetŋi Geibriel melaiiga Galili prowinsgö miriŋi kun qetŋi Nazaret miangöreŋ erök. ²⁷^eEta ambi seram jömukŋi qetŋi Maria yaŋgöreŋ anök. Yaŋön azi qetŋi Josef yaŋgö ambi buŋaya malök. Josefnöŋ kiŋ Deiwidkö gwölönarökŋi kun ahök. ²⁸Garatanöŋ Mariagöreŋ anda kewö jiyök, “O Maria, silimgi ölöŋŋi. Kembunöŋ kalem möriam gihiba göbuk kinma.”

²⁹Mewö jiyökmö, Marianöŋ jölöŋ miangöra gwötpuk auruba könaŋi jaruba mötkurumkurum ahök. ³⁰Mötkurumkurum aiga kewö jii mörök, “Maria, Anutunöŋ kalem möriam gihiiga yaŋgö jeŋe dop köŋan.

^b 1.15 Jan 6.3 ^c 1.17 Mal 4.5-6 ^d 1.19 Dan 8.16; 9.21 ^e 1.27 Mat 1.18

Miaŋgöra kenğötki kude mötnöŋ. ³¹ Mötnöŋ, gøjön gölöm ala morö nahöna meman. Memba qetŋi Jisös qetman. ³² Jisös yaŋön qariba azi qetbuŋaŋambuk aiga qetŋi ‘Öngöŋgöŋi ketaŋaŋgö Nahönŋi,’ qetketka malma. Mewö mali Kembu Anutunöŋ amböŋi kiŋ Deiwidkö jakömbuak dum waŋgiiga salupŋe ambazip galöm köl eŋgiba malma. ³³ Jeikobkö könagesö yeŋgö kiŋa aka teteköŋi qahö galöm köl eŋgiba malma. Bemtohoŋi miaŋön mönö nalö kunöŋ kude qahöwakŋa.”

³⁴ Garatanöŋ mewö jiiga Marianöŋ jii mörök, “Ye! Ni azigö könäŋi qahö mötzal. Miaŋgöra keu jizani, miaŋgö ölni mönö denöwö asuhuma?”

³⁵ Mewö jii möta meleŋnök, “Uŋa Töröŋan mönö aum köl gihiiga Anutu öngöŋgöŋi ketaŋaŋgö ösumŋan dop köla turum gihima. Miaŋgöra morö memani, yaŋön töröŋi aiga ambazipnöŋ qetŋi ‘Anutugö Nahönŋi,’ jiba qerakŋe. ³⁶ Mötnöŋ. Tinigi Elisabet yaŋön mewöyök ‘Köpin mala morö memangö osiza,’ jigetmö, töndup ambi namŋi aka nalö kewöŋe morö nahöngö gölömŋambuk aiga köiŋi 6 akza. ³⁷ Anutunöŋ yuai kun akŋamgö jiba mi qahö qaköba osimakza.”

³⁸ Mewö jiiga Marianöŋ jiyök, “Mötnöŋ, nöŋön Kembugö welenqeŋe ambia akzal. Miaŋgöra keu jizani, miaŋgö dop ölöŋ ahum niŋgima.” Mewö jiiga Suep garatanöŋ mosöta anök. Mewö.

Marianöŋ Elisabetköreŋ kusus anda ehök.

³⁹ Marianöŋ mi möri nalö köröpŋi qahö aiga wahöta zilaŋ jöjöröba gölme kundupŋe öngöba Judia prowinsgö taon kunöŋ anök. ⁴⁰ Anda Zekaraiagö mire öngöba anöŋŋi Elisabet eka söŋgaiba jölöŋi jiyök. ⁴¹ Jölöŋi jiiga miaŋgöreŋök möri morö nahönöŋ körö uruŋe luhuba öngöba eri Uŋa Töröŋan Elisabetkö uruŋi kokolak qeyök.

⁴² Kokolak qeiga qet ketaŋi qeta kewö jiyök, “O alani, Anutunöŋ kötumötuetŋi öngöŋgöŋi al gihiiga ambi sutnine malman aka morö memani, i mewöŋanök kötuatköm waŋgima. ⁴³ Denöwögöra Kembunangö namŋan kaba neiga mewö asuhum niŋgiza? ⁴⁴ Mötnöŋ, gi jölöŋni jinöŋga keu jölgi kezapne gei morönöŋ urune mewöyök sö söŋgai qakŋe luhuba öngöba etza. ⁴⁵ Kembunöŋ buzup keuŋi jiiga möta miaŋgö ölni asuhumawi, mi möt narizanangöra göhö mötpi simbawoŋ akzan.” Mewö.

Marianöŋ sö söŋgai liŋet kölök.

⁴⁶ Marianöŋ keu mi möta kewö jiyök,

“I-ia! Nöŋgö urukönöŋnan mönö önöŋi qahö Kembu möpöseiza.

⁴⁷ Nöŋgö uŋanan Anutu, Amötqeŋe Toni yaŋgöra söŋgaiba köiraŋ kölja.

^f 1.31 Mat 1.21 ^g 1.32-33 2 Sml 7.12, 13, 16; Ais 9.7 ^h 1.37 Jen 18.14 ⁱ 1.46-55 1 Sml 2.1-10

- 48 ^jNöñön welenqeçe ambi etqeçeñi maljalmö, Anutunöñ töndup mesohol köla ak kömum niñgiza. Mötnöñ, ambazip kambuñi kambuñi merak könahiba asuhumei, yeñön mönö nöñgöra ‘Simbawoñ!’ jiba möpöseim niñgiba malme.
- 49 Kukösum Toñan mönö añgöletot öñgöñgöñi mem niñgi maljal. Yañgö qetñi mi Töröñi.
- 50 Ambazip merak gölmenöñ maljei aka könañgep ahum sehimei, yeñgö sutñine gwöt isik denike yeñön Anutugö jitñi oñgitpinbukö keñgötñini mötmei, yañgö ak-kömukömuñan mönö yembuk pöndañ ahöma.
- 51 Anutunöñ böröñan añgöletot memba miañön kukñi kondel neñgiiga ehin. Ambazip nanñini miwidimgöba söñgöröqök malgeri, yañön mönö i köndeñ eñgiiga simbisembel aka malget.
- 52 ^kKiñ kembuñi kembuñi jakömbuak dumñine tata ambazip galöm köl eñgiba malgeri, yañön i miañgöreñök qeköba utal eñgiiga etket. Etketmö, etqeçeñi ia mönö mem wahöta al eñgiyök.
- 53 Ambazip yuaigö jañkötatañ malgeri, mieñgö uruñini mönö yuai ölöpñi ölöpñi miañön kokolak qeyökmö, ambazip pomñi mi melaim eñgiiga böröñini börak öne anget.
- 54-55 ^lYañön ambösakonurupñini meköba eñgömeiga Israel aketka nini toroqeba Anutugö welenqeçeurupñi maljin. Anutunöñ mönöwök jöjopañ keuñi kewö jim jöhöm neñgiyök, ‘Nöñön Abraham aka yañgö gwölönarökurupñi teteköñi qahö mal öñgöba malmei, i ak kömum eñgiba malmam.’ Mewö jiba keuñi mi qahö ölum qei mala korök. Qahöpmö, yañön mönö keu jitñi mi wuatañgöba mala merak bauköm neñgimamgöra kaza.”
- Marianöñ mewö jiyök.
- 56 Marianöñ köiñ karöbut miañgö dop Elisabetpuk mala kunbuk miriñe liliñgöyök. Mewö.

Jon O-melun azinöñ asuhuyök.

57 Elisabetkö morö meme nalöñan kam kuñguiga morö nahöna meyök. 58 Morö nahöna meiga miri kösutñe malgeri aka tinitosolomurupñi yeñön Kembunöñ ak-kömukömu öñgöñgöñi kondel wañgiyöhi, mi möt asariba yambuk mohotñe sösoñgai aket.

^j 1.48 1 Sml 1.11 ^k 1.52 Job 5.11; 12.19 ^l 1.55 Jen 17.7

⁵⁹ Sösöngai aka wehön 7 teköiga wahöta anda Anutugö aiwesökñi morö silene yandimegöra tokoget. Tokoba iwiñangö qetñi Zekaraia mi wakan mem wañgibingöra jiget. ⁶⁰ Jigetmö, namñan jiyök, “Mi qahöpmahöpmö, qetñi mönö Jon qetpin.”

⁶¹ Jiiga kewö jiget mörök, “Jon qetzanmö, göhö tinitosolomgi yengöreñök kunñangö qetñi mi qahö ahöza.” ⁶² Mewö jiget möri kinda iwiñan yangö qetñi qetmapkö qesiba böröñinan kaisöpsöp alget.

⁶³ Kaisöpsöp algetka tafegöra qesii wañgigetka miangöreñ kulem kewö ohoyök, “Qetñi mi Jon.” Mewö ohoiga miangöra körek aurum tililingöget. ⁶⁴ Aurum tililingögetka miangöreñök numbuñi amgöiga nesilamñi lolohoiga keu jiba Anutu möpöseiyök. ⁶⁵ Möpöseiya miri alaurupñini pakpak yeñön qemsömbuñini gwötpuk mötket. Mötketka yuai asuhuyöhi, miangö buzupñi eraum mötketka sehiba Judia kundunji gölme pakpak dop kölök.

⁶⁶ Buzupñi eraum mötketka körekñan mi möta urukönömñine ala añgön kölget. Kembunöñ kukösumñi morösepsep qakñe mokoi malöhi, miangö könañi möt asariba kewö jiget, “Morö kianñon qariba mönö wani yuaia kun denöwö akña?” Mewö.

Zekaraianöñ kezapqetok keu jiyök.

⁶⁷ Mewö jigetka Uña Töröñan iwiñi Zekaraia gö urunji kokolak qeiga kezapqetok keu kewö jiyök,

⁶⁸ “Nini Israel nengöreñ Kembu Anutu möpöseibin. I-ia!

Yañön mönö könagesöurupñi mesohol köl nengiba sohoppini memangöra jöjöröba kama.

⁶⁹ Anutunöñ welen aziñi kiñ Deiwidkö könagesö nengö sutnineyök azi kukösumñambuk kuñgui wahöta Amötqege Tonina akña.

⁷⁰ Möpñangö möpñeyök kezapqetok ambazipurupñi tök-kutukutuñi i sölöhöm engii keu jit kewö jiba malget,

⁷¹ ‘Nöñön mönö kerökurupñini yengö ösumñini qebi eriga bohonñini jöhömam.

Denike yeñön kazik ak engimei, nöñön mönö körek yengö böröñineyök meköba sel jöhöm engimam.’

⁷² Keu mewö jiba bömönurupñini ak kömum engiba yembuk jöhöjöhö areñ qainñi kun jöhöyöhi, mi mötmöriba wuatangöiga amötqegegö ölni asuhuma.

⁷³ Jöhöjöhö keu mi bömönini Abrahamgöra jiba jöjöpañ keunöñ jim köhöii ahöza.

⁷⁴ Jöhöjöhö keu miangö ölni kewö:

Yañön nini kerökurupñini yengö böröñineyök meköm nengyiiga yengöra kengötnini qahö möta welenñi qem wañgiba malbin.

^m 1.59 Lew 12.3

- 75 Yañön keunini jim teköi solaniba yangö jeñe sarakñi aka malmalnini ölülop mewö mala kömumbin.
- 76 "O gömokni Jon, göñön qariba mala qeljiñe mala ambazip uruñini mindiñgöba mewö mianñön Kembugö könani mesatnönnga kama.
Miangöra qetki 'Anutu öñgöñgöni ketañangö kezapqetok azia,' mewö qetketka malman.
- 77 Mewö mala amötqeqegö könani mi Anutugö könagesöurupñi kusum enjinönnga mi möt kutuba uruñini melejgetka Anutunöñ siñgisöndokñini sañgoñda mosötma.
- 78 Anutuninan uruñan jöpaköba ak kömum neñgimakza.
Mewö aka mesohol köl neñgiba undiñi euyangöreneñök ali gilikbilik akza.
Mewögöra neñön mönö wañgarañ surui aukñe asaribingö akzin.
- 79 "Nini pandamanöñ jipjap taringa kömupkö kondotkondot Toñan aum köl neñgimakzappmö, wehön jiliñbölañ kota qaknine kuñguba mem asarim neñgima.
Mem asarim neñgiiga luaigö könani aukñe asuhui eka miangöreñ añgota tiba kinbin." Zekaraianöñ mewö jiyök.
- 80 Morö Jon yañön qariba wahöriga Uña Töröñan inahöm wañgiiga Anutugö kolek azi köhöikñi ahök. Mewö aka gölme qararañkölkölñe mala mali nalöñan kam kuñguiga Israel könagesö yeñgö jeñine aukñe asuhuba qenjarök nupñi könahiba meyök. Mewö.

Jisös Betlehem taonöñ ahuyök.

Mat 1.18-25

2 ¹Jon O-melun azinöñ ahuiga nalö miangöreñ sisa kiñ Ogastus yañön Rom sitinöñ gölmeñi gölmeñi galöm köl enñiyök. Galöm köl enñgiba takis könahiba memegöra gawmangö jimkutukutu aliga gölmeñi gölmeñi pakpak yeñön tokogetka kuskus (sensus azi) yeñön qetñini papianöñ ohoba areñgöget.

²Areñ nup mi nalö mutukña meget. Megeri, nalö miangöreñ azi qetñi Qirinius yañön Siria prowinsgö premiö mala galöm köl enñiyök.

³Ogastusnöñ jimkutukutu aliga ambazip körek pakpak yeñön öröba anda qetñini areñnöñ ohomegöra nanñini ahuahui miri bohonñini dop anget.

⁴Galili prowinsgö taon qetñi Nazaret miangöreñ azi qetñi Josef malök. Yangö amböñi mi kiñ Deiwid. Kiñ Deiwidkö taonñi qetñi Betlehem mi Judia prowinsnöñ ahöyök. Miangöra Josefnöñ Nazaret mosöta öñgöba geba Betlehem anök. ⁵Anmam jiiga nalö miangöreñ ambi buñani qetñi Marianöñ gölömnambuk malök. Maliga i auañgita qetñiri ohomegöra mohotñe anohot.

ⁿ 1.76 Mal 3.1 ^o 1.79 Ais 9.2

⁶Anda Betlehem angorohotka Mariagö morö meme nalöjan kam kuŋguyök. ⁷Kam kuŋguiga qenjarök ahöahö mire angota miangö uruŋe tiŋi qahö miwikŋaiyohot. Miangöra bau bulmakau miriŋe öngöba tarohot. Tata miangören nahönŋi mutukŋi memba oponöŋ esuhuba bulmakau joutŋe ali geba ahöyök. Mewö.

Lama galöm yeŋön Suep garata engeketa.

⁸Betlehem taon gölme miangören azi tosatŋan suŋgem dop gölme köröŋi miangören anda lama kambuŋini galöm köl enŋiba malget. ⁹Mewö malgetka suŋgem miangören Kembugö garata kuŋŋan kösutŋine asuhum enŋiyök. Asuhum enŋiiga Kembugö asakmararaŋan liliköm enŋiba asariiga qem sömbuŋini möta jönömŋini unduyök. ¹⁰Jönömŋini unduyökmö, Suep garatanöŋ jii mötket, “Mönö kezap alget. Nönön sösoŋgai Buŋa ketaŋi ambazip körek pakpak yeŋgöra memba kazal, mi indel enŋimam. Miangöra jönömŋini kude unduma. ¹¹Buŋa mi kewö: Enŋö Amötqeŋe Toŋinan dölki ahuza. Yeŋön kiŋ Deiwidkö taonöŋ asuhuba Kambu qetŋi Kraist akza. ¹²Keu miangö aiwesökŋi kewö: Iŋini anda morö sepsep oponöŋ esuhuba bulmakau joutŋe alget ahözawi, mi miwikŋaime.”

¹³Garatanöŋ mewö jiiga miangörenök garata kambu ketaŋan Suepnöhök kaŋgota yambuk aitöngöba Anutugö möpömpöseŋi liŋet köla kewö jiget,

¹⁴ “Anutugö qetbuŋaŋi möpöseŋinga Suepnöŋ euyangören öngöza.

Yeŋön ambazip nanŋangöra meköm enŋiyöhi, yeŋgöra körö ölöwak möta gölmenöŋ lui al enŋiza.” Mewö.

Lama galöm yeŋön anda Jisös eket.

¹⁵Garata yeŋön enŋömosöta Suepnöŋ liliŋgöba öngögetka lama galöm yeŋön naninak kewö jiget, “Ayop, Betlehem miangören yuai ahuiga Kambuŋöŋ miangö keuŋi jii mötzini, nini mönö mia anda ekin.”

¹⁶Mewö jiba ösumŋinan anda Maria Josef aka morösesep bulmakau joutŋe ahöyöhi, miwikŋaiba eket. ¹⁷Eka kinda garatanöŋ morögöra keu jii möta kageri, mi indela jim asariget. ¹⁸Jim asarigetka mötkeri, yeŋön körek pakpak auruba welipköget.

¹⁹Welipkögetmö, Marianöŋ keu pakpak mi uru könömŋe ala dumgöba jöhöba könaŋi mötmöriba malök. ²⁰Welipkögetmö, yuai pakpak Suep garatanöŋ jiyöhanŋö dop asuhuyöhi, mi lama galöm yeŋön eka möta miangöra Anutugö sösoŋgai liŋet köla möpöseiget. Möpöseiba mosöta liliŋgöba anget. Mewö.

Morö qetnji Jisös qetket.

²¹^pJisös ahui Sonda mohot miangö dop teköiga Anutugö aiwesökni sileje yandibingö nalöni kaiga qetnji Jisös qetket. Suep garatanöj qet mi mutuk qeta waŋgiigun nalö miangöorenök namŋaŋgö gölöm uruŋe ahuyök. Mewö.

Jisös waŋgita Anutugö buŋaya alget.

²²^qMosesgö Köna keunöj keu kewö ahöza, “Ambinöj morö nahönji mutukni memba silim 40 kounŋe mali teköiga sörö guluŋi köl könjörat waŋgiba inini mönö jöwöwöl jikenöj öngöba morö mi Anutugö jeje algetka yaŋgö buŋaya akŋa.” Miangöra nalö mi kam kuŋguiga Josef Maria yetkön keu mi tem köla Jisös waŋgita Kembugö buŋaya akŋapköra Jerusalem öngöyohot.

²³^rKembugö Köna keunöj keu kewö ohoget ahöza, “Morö nahön pakpak sep mutuk mokozei, mi mönö Kembugö buŋaya akŋapköra qem teköba mem sarahime.” Yetkön keu mi wuatangöyohot. ²⁴Mewöyök Kembugö Köna keunöj jimkutukutu keu ahözawaŋgö dop kembö me kembö supsup nei yahöt mi jöwöwöl ohomahotköra Jerusalem sitinöj öngöba anohot.

²⁵Nalö miangöoren azi kun qetnji Simeon Jerusalem malök. Yaŋön uruŋi jömuK Anutugören qekötahöba urumelenögö kölguliguli aiga Uŋa Töröŋan yambuk kiniga Amötqeqe Toŋan Israel uruŋe asuhumapköra mamböta malök. ²⁶Mamböta maliga Uŋa Töröŋan keu kewö indeli mörök, “Gi Kembugö Amötqeqe Toŋi Kraist ahui mutuk ekagun kömupkö sihimbölöni mötman.” ²⁷Iwinamŋan Mosesgö Köna keu wuatangöba Jisös waŋgita jöwöwöl jikenöj öngöyohot. Öngöyohotka Uŋa Töröŋan Simeon sölölohöi nalö miangöorenök mewöyök jikenöj öngöyök. ²⁸Öngöba morö mi eka memba dohongöba Anutu möpöseiba kewö jiyök,

Simeongö sösongai liŋet

²⁹“O Kembu, merak welen azigan ölop anda uruluainöj mala kömuma.

³⁰Göhö keugahö dop Amötqeqe Toŋi melainöj asuhuiga i nani jenan eka simbawon mötzal.

Miangöra ölop anda kömumam.

³¹ Göñön amötqeqegö könaŋi mözözömgöba kantri pakpak yengöra indel enŋinöŋga mi eka möt kutume.

³²^sGöñön Amötqeqe Toŋaŋgö asakni indelnöŋga kian kantri yengö uruŋini kuŋguiga asarime

^p 2.21 Lew 12.3; Luk 1.31 ^q 2.22-24 Lew 12.6-8 ^r 2.23 Eks 13.2, 12 ^s 2.32 Ais 42.6; 49.6; 52.10

aka qetbuḡagan nangi könagesögi Israel nenḡo sutnine mewöyök qarima.”

Simeongö kezapqetok keu

³³ Simeonöḡ morögöra keu mewö jüiga iwinamḡan möta köḡkuḡ aka welipköyohot. ³⁴ Welipköyohotka kötuetaköm enḡiba namḡi Maria kewö jii mörök,

“Mötnöḡ, Anutunöḡ morö ki kuḡguba ali Israel ambazip sehisehiḡan i andö qeba eta enḡugetka gwötpukḡan uruḡini melenḡa ölöwakḡe. Anutunöḡ nanḡak i ali aiwesök aiga gwötpukḡan i tuaköpek jim wangime.

³⁵ Tuaköpek jim wangigetka urumötmötḡini asa-asambötḡan mewö aukḡe asuhuma.

Nangi urugan mewöyök wösöbirik aiga miaḡön sou zuluk alalḡi ewö urugi kuḡguba qesiḡma.” Mewö.

Ana ambigö kezapqetok keu

³⁶ Jerusalem miaḡöreḡ kezapqetok ambi namḡi kun qetḡi Ana malök. Yaḡö isikḡi qetḡi Aser, iwiḡi qetḡi Fanuel. Ambi miaḡön seramḡe azi memba mali yambu (yara) 7 mohotḡe malohot. ³⁷ Malohotka apḡi kömui malö aka mala kori nalö miaḡöreḡ yambuḡi 84 ahök. Yaḡön nalö dop jöwöwöl jikenöḡ öḡgöba mi silim kun qahö mosörökmö, suḡgem asak Anutugöra nene siḡi mala köuluköba waikḡi memba möpöseiba malök.

³⁸ Yaḡön nalö miaḡöreḡök kaḡgota morö mi eka Anutu möpöseiyök. Anutunöḡ Jerusalem ambazip sohopḡini memapköra mamböta malgeri, körek yeḡgöra morö miaḡö könaḡi jim asarii mötket. Mewö.

Jisösbuk Nazaret liliḡöget.

³⁹ ^tJosef Maria yetköḡ Kembunöḡ areḡi jim kutuiga Köna keunöḡ ahözawi, mi körek ahot teköiga Galili prowinsnöḡ liliḡöba taonḡiri Nazaret miaḡöreḡ anohot. ⁴⁰ Morönöḡ qariba wahöta köhöiba mötkutukutuḡi ahuba kokolak qeiga Anutugö kalem möriamḡan qakḡe öḡgöi kinök.

Jisös yaraḡi 12 aiga jöwöwöl jikenöḡ öḡgöget.

⁴¹ ^uJisös iwinamḡan yambu (yara) dop ak-kömukömu^v kendon nalöḡe Jerusalem siti öḡgöba anjahotma. ⁴² Mewö mala Jisös yambu (yara)ḡi 12 aiga silikḡini ahakzeḡgö dop nalöḡi kam kuḡguiga mewöyök öḡgöba

^t 2.39 Mat 2.23 ^u 2.41 Eks 12.1-27; Dut 16.1-8 ^v 2.41 Anutunöḡ Ijiti miaḡöreḡ Israel ambazip enḡehoriba enḡongiröhi, ak-kömukömu kendon miaḡö qetḡi kun Pasowa.

anget. ⁴³Anda mala kendon nalö mianjön teköiga lilingöba mirinjire anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot. ⁴⁴“Yañön ambazip kambu yembuk anja,” jiba silim mohotkö dop köna anda sepkitip aka alaurupñiri yengö urujine qeta jaruyohot. ⁴⁵Qeta jaruyohotmö, qahö miwikñaiuba kunbuk lilingöba Jerusalem anda jaruyohot.

⁴⁶Jaruba malohotka silim karöbut teköiga jöwöwöl jikenöñ öngöba miangöreñ miwikñaiyohot. Miwikñaiyohotka azi ketani yengö sutjine tarök. Tari kusum wanjigeri, mi möta qesim engiba tarök. ⁴⁷Tata Buña keugö könanji törörök möt asariba diñdiñanök melejñiga körek pakpak yeñön mi möta welipköget. ⁴⁸Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimanjat möta qeta jaruba malit.”

⁴⁹Mewö jiiga kewö melej etkiyök, “Injiri mönö wuanöñgöra ni göraim niñgizahot? Ni Iwinangö mire tatpi dop kölja, mi mötzahot me qahö?” ⁵⁰Mewö melej etkiyökmö, yetkön keu jiyöhi, miangö könanji mi qahö möt asariyohot.

⁵¹Qahö möt asariyohotmö, töndup wahöta yetpuk lilingöba Nazaret taonöñ anda iwinamñi tem köl etkiba malök. Jisösnöñ keu jiyöhi, namñan mi pakpak möta urukönömñe ala jöhöba angön kölök. ⁵²ⁱJisösnöñ mala qarui yambu (yara)ñi öngöiga mötkutukutuñi asariba sehiiga Anutunöñ kalem möriamñi wanji köhöiba ambazip aka Anutu yengö jeñine dop köl engiyök. Mewö.

Jon O-melun azinöñ Buña keu jiyök.

Mat 3.1-12; Mak 1.1-8; Jon 1.19-28

3 ¹Zekaraiağö nahönñi Jon yañön nupñi könahiyök. Nalö miangöreñ sisa kiñ qetñi Taiberius yañön Rom sitinöñ mala gölmeñi gölmeñi mindiriba yambu (yara) 15 azi kembu aka toroqeba galöm köl engii malget. Galöm köl engimamgöra gölmeñi gölmeñi Israel liliköba ahözei, mi mesinjetka bahöñi 4 aiga miengö kiñini 4 mi kewö kuñguget:

Pontius Pailöt, Herod, Filip aka Lisanius. Pontius Pailöt mi Judia prowinsgö premiönjina malök. Kiñ Herodnöñ Galili prowins galöm köl engiyök aka datñi Filipnöñ Ituria aka Trakonitis prowins yahöt miengö kembuñina malök aka Lisanius yañön Abilene gölme memba malök.

²Jike nup galöm bohonñini yahöt malohot, qetñiri Anas aka Kaiafas. Nalö miangöreñ Zekaraiağö nahönñi Jon yañön gölme qararankölkölñe maliga Anutugöreñ Buña keu asuhuiga mörök. ³Anutugö Buña möta anda Jordan o töwatñangö kösutñe miri dop liliköba malök. Liliköba mala Buña keunöñ urujini kuñguba kewö jiba malök, “Injini mönö urujini

ⁱ 2.52 1 Sml 2.26; Qam 3.4

melengetka nöjñon o melun mem engimam. Mewö aketka Anutunöj siŋgisöndokñini saŋgojda mosötma.”

⁴*Miaŋgö keuñi mi kezapqetok azi Aisaianöj ohoi yaŋgö Buzup Kimbinöj kewö ahöza,

“Kolek garata kunñan gölme qararaŋkölkölñe qeta maliga anda qetji kewö mötme,

‘Kembunöj kamawo! Miaŋgöra mönö jöjöröba könani mesatket. Mönö uruñini mindiŋgöba könani qölöleiget.

⁵Köna örue pakpak mönö qem tigetka diñdiji akña.

Kunduñi wanjañi pakpak mi mönö qeköba köl qölöleigetka köröñi akña.

Köna mösökqösökñambuk mi mönö möhamgögetka diñgime.

Luhutnöj köna misiiga simbiñsambañ tatzawi, mi mönö kutuba mesatketka solanima.

⁶Anutunöj oyaeñkoyaeñ Toñi melaii kaiga gölmeñi gölmeñi pakpak yeññon mi eka ek kutume.”

⁷Jonöj miaŋgö dop uruñini kuñguiga ambazip kambuñi kambuñi yeññon o melun mem engimapköra yaŋgöreñ kagetka eñgeka yeñgöra kewö jiyök, “O qatö moröñi, iñini uruñini qahö melengetka Anutugö irimñan seholiiga likepñi meleñ engimamgö akza. Mi ölöñ kölbिंगö goro keuñi mi mönö daññon jii möta sömbuñini möta ki kaze?

⁸“Miaŋgöra mönö öljañök uruñini meleñme. Bölöñamñineyök liliñgögetka öljñi asuhui mi mönö ahakmemeninan aukñe kondela malme. Uruñine möndömöndö keu kewö kude mötmörime, ‘Neññon mönö Abrahamgö gwölöñarökña malinga Anutunöj qahö ayuhum neñgima.’ Mewö töptöpñine qemakzemö, öljñi mi qahö ahakze. Nöjñon miaŋgöra kewö jibi mötket: Anutunöj köt ki ölop jim kutum eñgiiga letota Abrahamgö gwölöñarökurupñi aka Anutu möpöseimakñemö, iñini denöwö?

⁹“Uruñini qahö meleñme ewö, Anutunöj mönö iñini ip ewö teñgöri etpingö akze. Ip pakpak öljñi ölopñi qahö kuñgumakzei, mi mönö köli etket könöpnöñ gili geme. Ip mewöñi kölmamgö kesinji lök jitñi sañe ala ip könañe ali jöjöröba ahöza. Anutunöj mönö bölöñamñinañgö likepñi meleñ eñgima.”

¹⁰Mewö jiiga ambazip kambuñi kambuñi yeññon kewö qesiba jiget, “Mewögöra nini mönö denöwö ahinga dop kölma?”

¹¹Qesiba jigetka kewö meleñnök, “Kunñan maluku yahöt memba maljawu, yaññon mönö mietköreñök kun mi malukuñi qahö i wañgima aka denike yeññon neneñnambuk maljei, yeññon mönö mewöyök neneñni qahö yeñgöra mendeñ eñgime.”

* 3.4-6 Ais 40.3-5 † 3.7 Mat 12.34; 23.33 ‡ 3.8 Jon 8.33 § 3.9 Mat 7.19

¹² ^bTakis meme azi tosatŋan mewöyök o melun mem enġimapkö kaba qesim waŋgiget, “Böhi, neŋön mönö denöwö aHINGA dop kölma?”
¹³ Qesim waŋgigetka jii mötket, “Gawmanöŋ takisgö jim kutum enġii ahözawi, dop mi mönö qahö oŋgita meme.”

¹⁴ Yarö azi tosatŋan mewöyök qesim waŋgiget, “Niniato? Neŋön denöwö aHINGA dop kölma?” Qesim waŋgigetka kewö jii mötket, “Kungören monenġöra kuŋguba upetkupet aka kiom kude kölmemo, nanŋini töwaŋini memakzei, miambuk mönö urumohok aka ösöŋ malme.” ¹⁵ Ambazip pakpak yeŋön “Jonöŋ Amötqeŋe Tonŋi Kraist akapuk,” jiba uruŋinan mewö mötmöriget. Mianġö könaŋi mötpingö kezapŋini köröpŋi aket.

¹⁶ Mewö aketka Jonöŋ körek yeŋgöra kewö jiyök, “Nöŋön o töhöönöŋ melun mem enġizalmö, azi kukösumŋi köhöikŋi kun kama. Yaŋgö kukösumŋi öŋgöŋgöŋan mönö nöŋgören oŋgitma. Yaŋön azi öŋgöŋgöŋi akŋawaŋgöra nöŋön yaŋgö köna esuŋaŋgö kösöŋi bauköba pösatmamgö qötötanġömmam. Yaŋön mönö Uŋa Töröŋi uruŋine ali könöŋ bölamŋan köl könjörat enġiiga mewö mianġön melun mem enġima. ¹⁷ Yaŋön ölni aka kamböŋi menden etkimamgö sapakŋi memba kaŋgota uba qörörenġöba kewötma. Kewöta wit kötŋi tokoba köweŋe almapmö, kamböŋi aka gwaugulapŋi mi mönö usuŋniga könöpnöŋ geba teteköŋi qahö jema.”

¹⁸ Keu mewöŋi mewöŋi gwötpuk toroqeba jiba uruŋini kuŋguba Ölöwak Buŋa ambazip kambu yeŋgöra jim asariba malök. ¹⁹ Malökmö, gölme bahöŋaŋgö kiŋ Herod yaŋön datŋaŋgö anömŋi qetŋi Herodias mi ölöŋ meyök aka bölöŋi könaŋi könaŋi aka malöhi, mianġö sapŋi Jonöŋ qeba munjurariga jim waŋgiyök. ²⁰ Jim waŋgiba bölöŋamŋi kun toroqeba aka Jongören nupŋi tözöpköba suahe galömmi jii Jon memba kösö mire alget. Mewö.

Jonöŋ Jisös o melun mem waŋgiyök.

Mat 3.13-17; Mak 1.9-11

²¹ Jonöŋ ambazip pakpak o melun mem enġiba Jisös mewöyök o melun mem waŋgiyök. Mem waŋgii köuluköiga mianġörenök Suepnöŋ aŋaŋiyök. ²² ⁴Aŋaŋiiga Uŋa Töröŋan melenġa kembö nei ewö aka Jisösgö qakŋe erök. Mewö eriga Suepnöhök qet kun kewö asuhuyök, “Göŋön mönö nani wölböt nahöna aknöŋga köroni ölöwahiga geknahöm ak gihizal.” Mewö.

Jisösgö isikurupŋi yeŋgö qet arenini

Mat 1.1-17

²³ Jonöŋ Jisös o melun mem waŋgiiga yambu (yara)ŋi 30 mianġö dop aiga amötqeŋe nupŋi könahiba memba malök. Memba maliga Josefġö

^b 3.12 Luk 7.29 ^c 3.19-20 Mat 14.3-4; Mak 6.17-18 ^d 3.22 Jen 22.2; Sum 2.7; Ais 42.1; Mat 3.17; Mak 1.11; Luk 9.35

nahönja akzawi, ambazipnön mewö mötmöriget. Jisös iwiñi Josef, asañi qetñi Heli. ²⁴Jisös amböñi qetñi Matat, sukumñi qetñi Liwai. Liwai iwiñi Melki, asañi Janai, amböñi Josef, ²⁵sukumñi Matatias. Matatias iwiñi Amos, asañi Nahum, amböñi Esli, sukumñi Nagai. ²⁶Nagai iwiñi Mat, asañi Matatias, amböñi Semen, sukumñi Josek. Josek iwiñi Joda, ²⁷asañi Joanan, amböñi Resa, sukumñi Zerubabel. Zerubabel iwiñi Sealtiel, asañi Neri,

²⁸amböñi Melki, sukumñi Adi. Adi iwiñi Kosam, asañi Elmadam, amböñi Er, ²⁹sukumñi Josua. Josua iwiñi Eliezer, asañi Jorim, amböñi Matat, sukumñi Liwai. ³⁰Liwai iwiñi Simeon, asañi Juda, amböñi Josef, sukumñi Jonam. Jonam iwiñi Eliakim, ³¹asañi Melea, amböñi Menna, sukumñi Matata. Matata iwiñi Neitan, asañi Deiwid, ³²amböñi Jesi, sukumñi Obed. Obed iwiñi Boaz, asañi Salmon, amböñi Nason,

³³sukumñi Aminadab. Aminadab iwiñi Admin, asañi Arni, amböñi Hezron, sukumñi Perez. Perez iwiñi Juda, ³⁴asañi Jeikob, amböñi Aisak, sukumñi Abraham. Abraham iwiñi Tera, asañi Nahor, ³⁵amböñi Serug, sukumñi Reu. Reu iwiñi Peleg, asañi Eber, amböñi Sela, ³⁶sukumñi Kainan. Kainan iwiñi Arpaksad, asañi Siem, amböñi Noa, sukumñi Lamek. ³⁷Lamek iwiñi Metusela, asañi Enok, amböñi Set, sukumñi Adam. Adam mi Anutunöñ mei ahuyök. Mewö. ³⁸(-)

Satanöñ Jisös esapköba malök.

Mat 4.1-11; Mak 1.12-13

4 ¹Jonöñ Jisös o melun mem wañgiiga Uña Töröñan uruñi kokolak qei Jordan onöhök liliñgöiga wañgita gölme qararañkölkölñe anök. ²Anda miangöreñ mali Bölöñi Toñan esapköm wañgii wehön 40 teköyök. Nalö 40 miangöreñ nene kun qahö nempa mali teköiga neneñangö kömuyök.

³Yakañangö kömuiga Bölöñi Toñan jii mörök, “Gi Anutugö nahönña akzan ewö, mi mönö kondela köt ki jim kutunöñga letota beret aketka neman.”

⁴Jii möta meleñnök, “Qahö, Buña Kimbinöñ keu kewö ohoget ahöza, ‘Nenenöhök ambazip malmal qahö neñgimaksa.’”

⁵Meleñniga wañgita kundunji köröñji kunöñ öngöba gölmegeg kantriñi kantriñi pakpak mi zilañ kondel wañgiyök. ⁶Kondel wañgiba jii mörök, “Nöñön kantri pakpak mi galöm köl eñgimangö kukösumñi aka inap yuaiñangö aködamunñi mi nöñgö böröne alalña ahöza. Miangöra mi nani sihimnañgö dop niñia wañgimam jiba ölop wañgimam. Miangöra yuai pakpak ki mönö göhö böröge almam. ⁷Miangöra gi waikni memba möpöseim niñgiman ewö, mi pakpak mönö göhö buñaya ak teköma.”

^e 4.4 Dut 8.3

^{8f}Mewö jii möta kewö meleşnök, “Qahö, Buña Kimbinöŋ keu kewö ohoget ahöza, ‘Gi mönö Kembugi Anutu waikŋi memba möpöseiba ia mohot welen qem waŋgiba malman.’”

⁹Meleşniga Jisös waŋgita Jerusalem sitinöŋ anda jöwöwöl jikegö boŋe euyaŋgöreŋ öŋgöba kewö jii mörök, “Gi Anutugö nahönŋa akzan ewö, mönö kiaŋgöreŋök luhuba emu geman. ^{10g}Buña Kimbinöŋ keu kun kewö ohoget ahöza, ‘Anutunöŋ garataurupŋi jim kutum eŋgiiga ölöpŋanök galöm köla sel jöhöm gihime,’ ^{11h}aka keu kun kewö, ‘Yeŋön böröŋine ala nönögölim gihigetka geba kötnöŋ könage qahö guhum qizit akŋa.’” Miangöra geba kude ayuhuman.

¹²ⁱMewö jiyökmö, Jisösnöŋ kewö meleş waŋgiyök, “Qahö! Anutunöŋ jiza, ‘Gi mönö Kembugi Anutu kude esapköm waŋgiman.’”

¹³Bölöŋi Toŋan esapesap pakpak mi Jisös ak waŋgi teköiga mosöta anök. Mewö.

Jisösnöŋ könahiba amötqeqe nup meyök

Mat 4.12-17; Mak 1.14-15

¹⁴Jisösnöŋ gölme qararaŋkölkölŋi mosöri Uŋa Töröŋaŋgö ösumŋan yambuk kiniga Galili prowinsnöŋ liliŋgöyök. Liliŋgöiga keu buzupŋan sehiba miri gölme liliköba tat angeri, mi pakpak dop köla anök. ¹⁵Dop köli miriŋi miriŋi liliköba köuluk miriŋine öŋgöba Buña keu kusum eŋgiyök. Kusum eŋgiiga mötkeri, körek yeŋön mönö söŋgaiba möpöseim waŋgiget. Mewö.

Nazaret yeŋön Jisös andö qeget.

Mat 13.53-58; Mak 6.1-6

¹⁶Jisösnöŋ liliŋgöba malqarip taonŋi Nazaret miangöreŋ anök. Sonda kendonöŋ kaiga ahakzawaŋgö dop köuluk mire öŋgöba Buña Kimbi oyon eŋgimamgö wahörök. ¹⁷Wahöri kezapqetok azi Aisaiaŋgö Buzup Kimbi waŋgigetka kötula keu kempaŋi kewö ohoget ahözawi, mi miwikŋaiyök: ^{18j}“Kembugö Uŋa Töröŋan nöŋgö urune geba nup memegö kelök supapŋi köl niŋgiba ambazip etqeqeŋi yeŋgöra Ölöwak Buña jim asarimakzal. Yaŋön melaim niŋgiiga keu kewö jim sehimakzal: Bölöŋan gwaröhöm eŋgi maljei, Anutunöŋ mönö i pösata meköm eŋgiiga malme.

Anutunöŋ jegömöl ambazip jeŋini mem tohoiga kunbuk uba ekŋe. Taikpaik memba eta alget maljei, Anutunöŋ mönö i meköm eŋgiiga siyonsayonŋi qahö malme.

¹⁹ Kembunöŋ amötqeqegö yambu ölöpŋi ali kam kuŋgumawi, nöŋön miangö kolekŋa kaba mi jim asarimakzal.”

^f 4.8 Dut 6.13 ^g 4.10 Sum 91.11 ^h 4.11 Sum 91.12 ⁱ 4.12 Dut 6.16 ^j 4.18-19 Ais 61.1-2

²⁰Keu mewö oyoŋda köpöp supap mi köpeiba galömŋi waŋgiba eta tarök. Tariga köuluk mire tatkeri, yeŋön körek je qisilmisilŋi qahö dörötköba ehiget. ²¹Ehigetka könahiba kewö jii mötket, “Buzup Kimbigö keu ki oyoŋbi kezapŋine gei mötzei, miangö ölŋan mönö merak asuhuza.”

²²Mewö jii mötketka kalem möriam keuŋi keuŋi numbuŋeyök eriga körekŋan mi möta welipköba jim soroköm waŋgiba keu miangö jiji-kilik-kilikŋi mi kewö jiget, “Azi ki Josefö nahönŋa me?”

²³Jigetka kewö jii mötket, “Iŋini nalöŋi nalöŋi keu kötŋi ki jimakze, ‘Mem ölöwak azi gi mönö nangi mem ölöwak aŋguman.’ Iŋini keu kötŋi mi döлки nöŋgöra jibingö mötze, mi mötze. Mi jiba kewö jibeak, ‘Gi Kaperneam taonöŋ anda aŋgöletot öŋgöŋgöŋi menöŋga buzupŋi möriŋi, miangö dop mönö nangi miri kiangöreŋ mewöyök meman.’” ²⁴^kMewö jiba jiyök, “Nöŋön keu ölŋi kun kewö jibi mötme: Kezapqetok ambazip kunöŋ mönö nanŋi malqarip taonöŋ qahö dop kölja.

²⁵^l“Nöŋön keu ölbölŋi kun kewö jibi mötme: Elaijagö (Elia) nalöŋe Anutunöŋ Suet naŋgunŋi köli yambu (yara) karöbut aka köiŋ 6 miangö uruŋe kie qahö yöhöiga bödi ketanŋi ahuiga gölme pakpak dop kölok. Nalö miangöreŋ ambi malö gwötpuk Israel uruŋe malget. ²⁶^mGwötpuk malgetmö, Anutunöŋ Elaija yeŋgöreŋök kungöreŋ anmapkö qahö melaiyökmö, kian gölme Saidongö miri qetŋi Sarefat miangöreŋ ambi malö mohot-töp yaŋgöreŋ melaiiga anök. ²⁷“Kezapqetok azi Elisagö nalöŋe uzikukunöŋ Israel azi gwötpuk turum eŋgiiga malgetmö, yeŋgöreŋök kunŋan kun qahö solaniyök. Qahöpmö, kian gölme Siriagö azi qetŋi Naman yaŋön mohot-kun mönö Elisagö keuŋi möt nariba solaniba ölöwahök.”

²⁸Jisösnöŋ mewö jiiga köuluk mire tatkeri, yeŋön körek keu mi möta irimŋini seholiiga urupik aket. ²⁹Urupik aka wahöta Jisös közöla taon yaigepŋe wuatangöba taon mi kundunangö sem kösutŋe meget kinöhi, miangöreŋ aköget gemapköra anget. ³⁰Angetmö, sutŋine qendenŋa eŋgömosöta anök. Mewö.

Kaperneam taonöŋ öme kun közölök.

Mak 1.21-28

³¹Jisösnöŋ Galili prowins uruŋe Kaperneam sitinöŋ eta aŋgota Sabat kendonöŋ ambazip kambu kusum eŋgiyök. ³²^oKusum eŋgiiga keuŋan kukösunŋambuk aiga jiyök. Miangöra könagesö yeŋön mi eka auruba welipköget.

³³Köuluk miri miangöreŋ azi kun ömeŋambuk tarök. Tariga ömeŋan teriŋgöba silata qetŋi kewö qerök, ³⁴“Aek! Jisös,

^k 4.24 Jon 4.44 ^l 4.25 1 Kiŋ 17.1 ^m 4.26 1 Kiŋ 17.8-16 ⁿ 4.27 2 Kiŋ 5.1-14 ^o 4.32 Mat 7.28-29

Nazaret azia! Gi wania ak neŋgimamgö akzane? Mönö ayuhum neŋgimamgöra kazan me? Ni könaŋamgi möt kutuzal. Gi Anutugöreŋ azi Tök-kutukutuŋi akzan.”

³⁵Mewö qeriga Jisösnöŋ tembula kewö jim waŋgiyök, “Gi mönö keugi bököiga azi ki mosöta kesalnöŋ.” Mewö jim waŋgiiga ömenöŋ azi mi memba gili tala sutŋine gölmenöŋ geiga miziqizikŋi qahöpmahöp aka kota mosöta anök.

³⁶Aniga körekŋan nemböŋini teköiga welipköba sutŋine eraum möta kewö jiget, “Yei! Keu ki mönö wani keuya? Yaŋön kuk aka ösum-mumu qakŋe ömewöröme jim kutum eŋgiiga tem köla kota anje.” ³⁷Mewö asuhuiga Jisösgö qetbuŋaŋan sehiba miri pakpak kösutŋe tat angeri, miangöreŋ anda gölme mi dop kölök. Mewö.

Jisösnöŋ kawöl ambazip gwötpuk meiga ölöwaket.

Mat 8.14-17; Mak 1.29-34

³⁸Jisösnöŋ wahöta Kaperneam köuluk miri mi mosöta Saimon Pitögö mire öŋgöyök. Öŋgöiga Saimongö suhunŋan sile könöp öŋgöŋöŋi yöhöi ahöyök. Ahöiga yaŋgöra aka Jisös köuluköm waŋgiget. ³⁹Köuluköm waŋgigetka anda sipköba geba sile könöp jim kutum waŋgiiga mosöriŋa miangöreŋök wahöta nene ohoba gumohom eŋgiyök.

⁴⁰Wehön jeŋi teköba geiga miangöreŋ ambazip denike yeŋön alaurupŋini kawöl könaŋi könaŋi miaŋön eŋgöhöi ahögeri, mi körek eŋguangita Jisösgöreŋ kaget. Kagetka böröŋi körek yeŋgö qakŋine inanŋik inanŋik aliga ölöwak teköget. ⁴¹Ömewöröme yeŋön mewöyök ambazip gwötpuk yeŋgö uruŋineyök kota silata kewö qetket, “Gi Anutugö nahöŋŋi akzan.”

Jisösnöŋ Amötqeŋe Toŋi Kraist akzawi, yeŋön mi mötkeŋgöra Jisösnöŋ jim eŋgiba numbuŋini muhungöba eŋguatangöyök. Mewö.

Amötqeŋe nupŋi Galili dop kölök.

Mak 1.35-39

⁴²Jisösnöŋ gaun ahöiga miri waŋgaraŋ suruiga wahöta nanŋik tiriŋ (tiŋ) kutuba geba göraŋe kunöŋ anök. Anökmö, ambazip yeŋön göraim waŋgiba anda miwikŋaiba kude eŋgömosöta anmapköra esapköba aŋgön köl waŋgiget. ⁴³Aŋgön köl waŋgigetmö, kewö jii mötket, “Nöŋön Anutu bemtohonŋaŋgö Ölöwak Buŋaŋi mi taon tosatŋi yeŋgöra mewöyök jim asarim eŋgibi dop kölma. Anutunöŋ mönö miangöra melaim niŋgiyök.”

⁴⁴Mewö jiba anda Galili prowins liliköba köuluk miriŋine Buŋa keunöŋ uru kuŋgum eŋgiba malök. Mewö.

Jisösnöŋ gwarekurupŋi mutukŋi enghoholök.

Mat 4.18-22; Mak 1.16-20

5 ¹Nalö kunöŋ Jisösnöŋ Genesaret o aŋgö jitŋe kiniga ambazipnöŋ kambu köla Anutugö Buŋa keu mötpingö ölöqöloköba liliköm waŋgiget. ²Liliköm waŋgigetka kinda waŋge yahöt köwet göraŋe tarohotka etkehök. Söra örörö weŋön waŋge mi mosöta geba mösakŋini kusahöla saŋŋonget. ³Waŋge kun mi Saimongöreŋa. Jisösnöŋ miangöreŋ öngöba toŋi kewö qesim waŋgiyök, “Göŋön mönö naŋgönöŋga borom kun noaŋgita onöŋ göröken anma.” Qesim waŋgiiga naŋgöiga anda waŋgenöŋ tata ambazip kambu kusum engiyök.

⁴Kusum enŋim teköba Saimongöra jiyök, “Göŋön mönö waŋge ki naŋgönöŋga o aŋgö bibiŋe aniga alaurupki yembuk mösakŋini söragöra gilgetka gema.”

⁵Jiiga Saimonöŋ meleŋnök, “Ketaŋamni, nini suŋgem köröp mösak gil bibihiba ölni kun qahö mezin. Qahöpmö, göŋön jim kutuzanaŋgöra mönö töndup anda gilin gema.” ⁶Mewö meleŋni jiyöhaŋgö dop aketka söranöŋ awamŋi qahö mösakŋine gegetka buratibingö aket. ⁷Mewö aketka alaurupŋini waŋge kunöŋ malgeri, weŋgöra kaba bauköm enŋimegö börökaek kölgetka kaget. Kagetka waŋge yahöt mi söranöŋ kokolak gegetka nemulahöm taköyohot.

⁸⁻⁹Söra öngöŋgöŋi mewö memba eka miangöra körekŋan welipköget. Welipköba Saimon Pitönöŋ mi eka Jisösgö wösöŋe geba simin köla jiyök, “O Kembu, ni siŋgisöndok azia akzalaŋgöra mönö nömosöta anöŋ.”

¹⁰Saimongö alayahötŋi Jeims aka Jon Zebedigö nahönyahötŋi yetkön mewöyök nemböŋiri teköiga welipköyohot. Saimonöŋ keuŋi jiyökmö, Jisösnöŋ kewö meleŋnök, “Mönö keŋgötki kude mötman. Gi kiangö andöŋe ambazip mi söra ewö öröba enŋömemba malman.”

¹¹Mewö jiiga waŋgenŋini öröba kota saknöŋ ala öroyuaiŋini pakpak mosöta Jisösgö andöŋe wuatangöba anget. Mewö.

Jisösnöŋ uzikuku azi kun mem solaniyök.

Mat 8.1-4; Mak 1.40-45

¹²Jisösnöŋ taon kunöŋ maliga miangöreŋ azi kun sileŋi uzikukunöŋ mem bölim teköiga tarök. Tata Jisös eka kösutŋe simin köla geba kewö köuluköm waŋgiyök, “O Kembu, göŋön sihimgan mem ölowak niŋgimangö mötzan ewö, mönö ni ölop mem solanim niŋgiman.”

¹³Mewö jiiga böröŋi böröŋda sileŋi misiriba jiyök, “Nöŋön mi akŋamgö mötzal. Gi mönö solaniman.” Mewö jiiga uzikukuŋi mi miangöreŋök solaniyök. ¹⁴Solaniiga kewö jim kutum waŋgiyök, “Mötnöŋ kiangö

¶ 5.1-3 Mat 13.1-2; Mak 3.9-10; 4.1 ¶ 5.5 Jon 21.3 ¶ 5.6 Jon 21.6 ¶ 5.14 Lew 14.1-32

buzup keuji mi kun kude jinöŋ mötme. Qahöpmö, gi mönö jike nup galömgöreŋ anda silegi kondel waŋgiba Mosesgöreŋ jimkutukutuŋi wuatangöba solanizanaŋgö saiwap nalukŋi ala jöwöwöl ohoman. Mi ohonöŋ ehiga ambazipnöŋ könaŋamgi möt kutume.”

¹⁵Mewö jiyökmö, mi töndup Jisösgö qetbuŋaŋi sehiba miri dop asariba anök. Anöhaŋgö dop ambazip kambuŋi kambuŋi yeŋön keuji mötpingö aka kawölŋini mem ölöwakŋapkö waŋgöreŋ kaba tokoget. ¹⁶Kagetmö, Jisösnöŋ eŋgömosöta gölme qararaŋkölkölŋe anda mala köuluköyök. Mewö.

Jisösnöŋ azi sile likepŋi kömukömuŋi möhamgöyök.

Mat 9.1-8; Mak 2.1-12

¹⁷Jisösnöŋ wehön kunöŋ Buŋa keu kusum eŋgiiga Farisi (Köna keugö kapaŋkölköl) aka Köna keugö böhi tosatŋan Galili aka Judia prowinsgö miriŋi miriŋi aka Jerusalemök kaba ambazip kambu sutŋine tatket. Kembugö kukösumŋan Jisös nam köl waŋgiiga ambazip kawölŋini mei ölöwaket.

¹⁸Nalö miaŋgöreŋ azi tosatŋan alaŋini sile likepŋi kömukömuŋi mi kululunöŋ ala aŋguba kaget. Kaba kutuba Jisösgö kösutŋe miri uruŋe öŋgöba albingö esapköget. ¹⁹Esapkögetmö, ambazip kambunöŋ ölököba kingeraŋgöra paŋpaŋgöba miri uruŋe öŋgöbingö köna kun qahö miwikŋaiba memba miri qakŋe öŋgöget. Öŋgöba bo kötnöŋ memenŋi mi esim luluŋgetka kinimŋi ahui kawöl azi kululuŋambuk kösönöŋ jöhöba miaŋgöreŋ algetka ambazip sutŋine Jisösgö wösöŋe geyök. ²⁰Mewö geiga Anutu möt narim waŋgigeri, Jisösnöŋ yeŋgö tandökŋini mi ehi dop köliga kawöl azigöra kewö jiyök, “Alani, nöŋön siŋgisöndoki mosötzal.”

²¹Mewö jiiga Köna keugö böhi aka Farisi yeŋön mi möta könahiba kewö jiba mötmöriŋet, “Azi ki niŋia? Yaŋön mönö Anutu ilita mepaqepaik akza. Anutu mohotŋan siŋgisöndoknini mosöarakzapmö, azi kunŋan mi qahö.”

²²Mewö mötmöriŋetmö, Jisösnöŋ uruŋini ek kutuba kewö jii mötket, “Tosatŋi iŋini uruŋinan wuanöŋgöra keu jizali, miaŋgöra gwötŋuk mötmöriŋe? Mi qahö dop kölja. ²³‘Nöŋön siŋgisöndoki mosötzal, jizali, keu miaŋön mönö awamŋanök jijiŋa. Kunŋan mewö jiiga tosatŋan keu miaŋgö ölnŋi qahö ekŋe. Miaŋgöra mi keu awamŋaŋgö dop. Nöŋön keu kun kewö jimamamgö mötŋal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölnŋi asuhuma me qahöwi, miaŋön mönö aukŋe asuhui ekŋe.

²⁴Mötket, gölmenöŋ siŋgisöndok mosötmosötkö kukösumŋi mi Sup gölmegö azi ölnŋaŋgöreŋ ahözawi, iŋini miaŋgö könaŋaŋgöra jaŋjuŋ malbepuk. Miaŋgöra keu lömbötŋi mi azi kiaŋgöra jibi ölnŋi eket.” Mewö jiba azi sile likepŋi kömukömuŋi waŋgöra jiyök, “Nöŋön göhöra jizal: Gi mönö

wahöta tumbulahöpki memba mirige anöj. Keu lömbötñi mi öljambuk akña ewö, keu awamñi mi mönö mewöyök denöwögöra omañi akawak?”

²⁵Mewö jiiga mianggöreñök jeñjine wahöta tumbulahöpñi ahöyöhi, mi memba Anutu möpöseiba mosöta miriñe anök. ²⁶Mewö asuhuiga ambazip körekñan welipköba sömbuñini möta Anutu möpöseiba jiget, “Yei! Merak yuai qetpuk soroha ekzin.” Mewö.

Jisösnöñ Matyu (Liwai) oholök.

Mat 9.9-13; Mak 2.13-17

²⁷Mianggö andöñe Jisösnöñ Kaperneam mosöta anda takis ofis oñgitmamgö aiga mianggöreñ takis meme azi qetñi Liwai tariga eka jii mörök, “Gi mönö nöngö andöne kanöñ.” ²⁸Mewö jii möta nupñi pakpak mosöta wahöta Jisösgö andöñe anök.

²⁹Anda Jisös miriñe köl öröba yanggöra közölömbuan ketañi mözözömgöyök. Mözözömgöba takis meme tilipqilipñinambuk aka alaurupñi tosatñi öröm eñgiiga kambu ketañi köla yembuk tata nene neget. ³⁰Mewö negetka Farisi (Köna keugö kapañkölköl) aka yeñgöreñ böhi yeñön mi eka jimoñgot aka Jisösgö gwarekurupñi kewö jim eñgiget, “Aek! Injini mönö wuanöñgöra takis meme tilipqilipñinambuk aka siñgisöndok ambazip yembuk tata nene aka o neze? Mi qahö dop kölja.”

³¹Mewö jim eñgigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak eñgimakzadmö, kawöl ambazipnöñ mönö doktagöreñ anakze. ³²Nöñön siñgisöndok ambazip uruñini meleñmegö eñgoholmamgöra kaba maljalmö, ambazip nanñinañgö mötketka solanñi akzei, i qahö.”

Nene siñgi malmalgö keuñi

Mat 9.14-17; Mak 2.18-22

³³Ambazip tosatñan Jisösgöreñ kaba qesiget, “Jon O-melun azigö gwarekurupñi neñön nalö gwötpuk Anutugöra nene siñgi mala köuluk totoko köröpñi alakzin. Farisi (Köna keugö kapañkölköl) yeñgö gwarekurupñinan mewöñanök aka maljemö, nangi gwarekurupkan mönö pöndañ nene aka o nemakze.”

³⁴Mewö qesigetka kewö meleñnök, “Ölña! Nini wani nalönöñ nene siñgi malakzin? Ambi meme nalöñe azigö andöurupñan könöpñi algetka ambigö sep kitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga siñgi malbingö jigetka yeñön aijölöñ söñgaiba tata siñgi malbingö osimakze. ³⁵Osimakzemö, Anutunöñ noañgiri kömumbiga yeñön mönö nalö mianggöreñ ölop siñgi malakñe.

¹ 5.30 Luk 15.1-2

³⁶“Injini malmal walŋi aka sösöŋgai Buŋa dölökŋi mi mindirim etkibingö osime. Miangö dopkeu pasetŋi kun mi kewö jibi mötket: Löŋgölöŋgöt walŋi jurariga kunöŋ löŋgölöŋgöt dölökŋi mitiba opo su jöhanŋi miaŋön qahö ala uhum göreŋgömakza. Mewö akawak ewö, opo su jöhanŋi dölökŋan mönö walŋambuk öröröŋ qahö aka mi öröba munjurariga böliqölibapuk.

³⁷“Mewöŋanök kunöŋ wain o dölökŋi mi jobö me toru walŋi lama sileŋan memerŋi miaŋgöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk.

³⁸“Miangöra wain o dölökŋi mi toru dölökŋeyök mokoin geiga dop kölma. (Mewöŋanök kunöŋ o ölöŋŋi mi gina gisagisahöŋe qahö umakzin. Mewö ubinak ewö, miaŋön mönö jula kisipisirik eriga nempa kawöl neŋgöhöbapuk. Mewö akapüköra o ölöŋŋi mi gina ölöŋŋe umakzin. Injini mewöyök malmal walŋi aka Ölöwak Buŋa dölökŋi mi mindirim etkibingö osime.) ³⁹Kunŋan wain o walŋi möpöseiba nempa malakzawi, yaŋön wain o dölökŋi nemangö sihimŋi qahö möta ölan alakza.” Mewö.

Jisösnöŋ Sabat kendongö Kembuŋi akza.

Mat 12.1-8; Mak 2.23-28

6 ¹“Miangö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Ani gwarekurupŋan wösöŋini eŋguiga wit öŋŋi mohot mohot böröŋinan misiba sömaŋda neget. ²Mewö negeranögöra Farisi (Köna keugö kapaŋkölköl) tosatŋan mi eka kewö jiget, “Injini mönö wuanöŋgöra Sabat kendongö nup meme soŋgoŋi oŋgitze?”

³“Mewö jigetmö, Jisösnöŋ kewö meleŋnök, “Kiŋ Deiwidnöŋ yarö aziurupŋi yembuk liliköba wösöŋini eŋguiga yuai akeri, mi lök oyonget me qahö? ⁴“Yaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö meiga neget. Beret kömbukŋi mosötmosötŋi mi jike nup galöm yeŋönök nezema. Yaŋön aka yaŋgö sungurumurupŋan mi nembepüköra soŋgo ahöyök mi töndup neget.”

⁵Mewö jiba kewö jii mötket, “Suep gölmegö azi öŋŋan mönö Sabat kendongö Kembuŋi akza.” Mewö.

Jisösnöŋ azi böröŋi sösöröŋgöŋi mem ölöwahök.

Mat 12.9-14; Mak 3.1-6

⁶Jisösnöŋ Sabat kendon kunöŋ köuluk mire öŋgöba Buŋa kusum eŋgyök. Miangöreŋ azi kun böröŋi öŋŋi soholiiga tarök. ⁷Köna keugö böhi aka Farisi (Köna keugö kapaŋkölköl) yeŋön Jisös eka keu jakeŋe

^u 6.1 Dut 23.25 ^v 6.3-4 1 Sml 21.1-6 ^w 6.4 Lew 24.9

al waŋgibingö könani jaruba “Azi mi Sabat kendonöŋ möhamgöma me qahö?” jiba je galöm memba tatket. ⁸Tatketmö, Jisösnöŋ mötmötŋini mi möt kutuba azi böröŋi sosoholiŋi mi kewö jii mörök, “Mönö wahöta jenine kinöŋ.” Mewö jiiga wahöta kinök.

⁹Kini Jisösnöŋ jii mötket, “Köna keu wuatangöba Sabat kendonöŋ yuai ölöŋi me bölöŋi akin? Ölöŋ kungö bohonŋi jöhöbin me mosöringa ayuhuma. Wanat kun meinga dop kölma? Mi qesim engibi jiget.” ¹⁰Mewö jiba körek pakpak lilingöm purik engeka azi miaŋgö jiyök, “Gi mönö börögi qötöteinöŋ.” Mewö jiiga böröŋi qötöteiiga kunbuk ölöwahök.

¹¹Ölöwahökmö, galöm yeŋön irimŋini gwötpuk seholiiga “Jisös denöwö ak waŋgibin?” jiba nanŋini eraum mötket. Mewö.

Gwarekurupŋi 12 möwölöhöm engiyök.

Mat 10.1-4; Mak 3.13-19

¹²Nalö miaŋgöreŋ Jisösnöŋ kundunje köulukömamgö öngöba sungem köröp mi Anutu köuluköm waŋgiba mali miri alök. ¹³Miri gianjiiga gwarekurupŋi engohola yeŋgöreŋök 12 möwölöhöm engiba melaimelai azi aposol qet mi engiyök.

¹⁴Qetŋini kewö qerök: Saimon, Jisösnöŋ qetŋi Pitö waŋgiyök, yaŋgö munŋi Andru aka Jeims, Jon, Filip, Bartolomyu, ¹⁵Matyu, Tomas, Jeims Alfusgö nahönŋi aka Saimon qetŋi kun Tuaköpek azi qetket.^x ¹⁶Judas Jeimsgö nahönŋi aka Judas Iskariot. Kariot azi miaŋön könangen mamalolo asia ahök.

Jisösnöŋ kawöl ambazip mem ölöwak engiyök.

Mat 4.23-25

¹⁷Jisösnöŋ aposolurupŋi yembuk kunduneyök eta gölme köröŋe anda kinget. Kingetka gwarek kambuŋi ketaŋi aka ambazip kambulembe yeŋön yaŋgöra tokoba mambötket. Yeŋön “Buŋaŋi jii möringa kawölnini mem ölöwakŋa,” jiba miaŋgöra Judia prowins pakpak, Jerusalem siti aka köwet jitneyök Taiö aka Saidon taon miaŋgöreŋök kaba tokoget. ¹⁸Ömewörömenöŋ kölköljinjin mem engiyöhi, yeŋön mewöyök kaba ölöwaket. ¹⁹Kükösumŋan yaŋgöreŋök kutuba yeŋgöreŋ öngöiga körek ölöwak engiyök. Miaŋgöra ambazip körekŋan Jisös misiribingö jaram tiget. Mewö.

Simbawoŋ aka kezapjupjup ahakö keuŋi

Mat 5.1-12

²⁰Jisösnöŋ gwarekurupŋi uba wahöta engeka kewö jiyök,

^x 6.15 Nasönöl pati zelot yeŋön Rom gawman tuarenjoŋ aka nanŋine kinkin memingö tuaköpek memba malget.

“Anutugö bemtohoŋ mi wanapŋi eŋgö buŋaya. Miaŋgöra wanapŋi iŋini

mönö simbawoŋ akze.

²¹Nalö kewöŋe nenegö ewö kömumba qemjeŋ qeba maljei, Anutunöŋ mönö

sihimŋini mi gumohom eŋgima. Miaŋgöra iŋini mönö simbawoŋ akze. Nalö kewöŋe sahötzei, eŋön mönö sösoŋgai aka gön kölme. Miaŋgöra wösöbirik maljei, iŋini mönö simbawoŋ akze.

²²“Ambazipnöŋ iŋini Suep gölmegö azi ölnaŋgöra aka kazik aka yaköriba silene ala uruqeŋe keu töhöreŋ jim eŋgiba kiam sekbölö ewö qetŋini kutumei, iŋini mönö simbawoŋ akze.

²³“Amböskonurupŋinan miaŋgö dop kezapqetok ambazip yeŋgöra aka eŋgiba malget. Mötket! Anutunöŋ töwaŋini öŋgöŋgöŋi Suep mire ali ahöza. Miaŋgöra mewö ak eŋgigetka nalö miaŋgöreŋ mönö söŋgaiba köiraŋ kölme.

²⁴Iŋini simbawoŋ maljemö, pomŋi sukinapŋinambuk iŋini malmal siyoŋsayoŋi qahö maljei, mi teköma. Miaŋgöra nöŋön eŋgöra wölkiköba ‘Yei!’ jizal.

²⁵Nalö kewöŋe nem timbireŋ maljei, iŋini mönö wösöŋini ali (buörö) bödi malme. Miaŋgöra nöŋön eŋgöra wölkiköba ‘Yei!’ jizal. Nalö kewöŋe sösoŋgai aka gön köljei, iŋini mönö amburereŋ aka sahötme. Miaŋgöra nöŋön eŋgöra wölkiköba ‘Yei!’ jizal.

²⁶“Amböskonurupŋinan kezapqetok ambazip takapulakaŋi jim möpöseim eŋgiba malget. Ambazip pakpak miaŋgö dop ak eŋgigetka nöŋön eŋgöra wölkiköba ‘Yei!’ jizal.” Mewö.

Kerökurupki mönö jöpaköm eŋgiman.

Mat 5.38-48; 7.12a

²⁷“Bölöŋi ak eŋgimemö, iŋini keuni möta maljei, nöŋön eŋgöra kewö jibi mötme: mönö kerökurupŋini uruŋinan jöpaköm eŋgiba malme. Denike yeŋön kazik ak eŋgizei, i mönö ölöpŋanök ak eŋgiba malme.

²⁸“Denike yeŋön qesuahöba jŋjjerereŋ ak eŋgizei, i mönö köl tömbiba kötuatköm eŋgime. Örom ureim ak eŋgizei, yeŋgöra mönö Anutugö köuluköme.

²⁹“Kunŋan nuŋgulumgi likepŋi qekötahöliiga likepŋi mewöyök meleŋ waŋgiman. Kunŋan qakŋaŋgö malukugi goaŋgiriga göŋön mönö dutŋaŋgö opoŋi mohokŋe memamgö möri mi kude aŋgön kölman.

³⁰“Yuaigö ulet gihigetka mi mönö körek yeŋgöra eŋgiman. Kunŋan göhö inap yuaigi meiga mi mönö meleŋ gihimapkö kude kapaŋ köla

[†] 6.22 1 Pitö 4.14 [‡] 6.23 2 Hist 36.16; Apo 7.52

qesiman. ³¹“Ambazipnön yuai nanjinaᅅgö ak engimegö mörakzei, miangö dop mönön nanjini mewöyök i ak engimakje.

³²“Gölmegö siᅅgisöndok ambazipnön alaurupjinan jöpaköm engigetka kitipji melenᅅa jöpaköm engiba möpöseim angumakze. Injini miangö dop gölmegö tandökji wuatangömakze ewö, Anutugöreᅅ tosa qahö ahuiga mönön denöwö injini möpöseim engibawak? Alaurupjini aka kerökurupjini mi mönön mohotje jöpaköm engigetka töwa enᅅiiga oyaenᅅkoyaenᅅ akje.

³³“Gölmegö siᅅgisöndok ambazipnön alaurupjinan yuai ölöᅅji ak engigetka kitipji meleᅅ engiba ala ak anguba möpöseim angumakze. Injini miangö dop aka gölmegö tandökji wuatangömakze ewö, Anutugöreᅅ tosa qahö ahuiga injini qahö möpöseim engima.

³⁴“Gölmegö siᅅgisöndok ambazipnön monenᅅ yuai mi siᅅgisöndok ambazip tosatji yengöra engiba kitipji miyök meleᅅ engimegöra kapaj kölakze. Mi gölmegö ahakmemeya. Injini tosatjan tosanjini meleᅅ engimegö al mambötkeᅅa Anutunöᅅ mönön denöwö möpöseim engibawak? Tosatjan tosanjini qahö meleᅅ engigetka Anutunöᅅ mönön kitipji mi melenᅅa töwa engima.

³⁵“Injini mönön Suep Toᅅangö ahakmemeya aka memba malme. Gölmegö ambazipnön bölöᅅji aka saiwap qahö jimakzemö, Anutunöᅅ töndup i ölöᅅji ak engimakza. Miangöra injini mönön kerökurupjini uruᅅinan jöpaköba ölöᅅᅅanök ak engiba monenᅅ yuai engiba miangö likeᅅji kun meleᅅa engimegöra kude al mambötme. Mewö aka malgetka töwanjanan sehiba öᅅgöᅅgöᅅji aiga Anutu öᅅgöᅅgöᅅangö nahönböraturupji aka malme.

³⁶“Suep Iwiᅅinan körek pakpak ak kömum engimangö mötzawi, injini mönön miangö dop ambazip pakpak ak kömum engiba malme.” Mewö.

Jimtekötekö toᅅji ewö kude akje.

Mat 7.1-5

³⁷“Ambazip tosatji yengö keuᅅjini mi kude kewöta jim teköme. Mi qahö jim teköm engigetka Anutunöᅅ mönön nanjini mewöyök qahö jim teköm engima. Injini tosatji yengö siᅅgisöndokjinangö likeᅅji mi qahö meleᅅ engime. Mi qahö meleᅅ engigetka Anutunöᅅ mönön nanjini siᅅgisöndokjinangö likeᅅji mi mewöyök qahö meleᅅ engima. Injini mönön tosatji yengö siᅅgisöndokjini mosötme. Mi mosötkeᅅa Anutunöᅅ nanjini siᅅgisöndokjini mewöyök saᅅᅅonᅅa mosötma.

³⁸“Injini ambazip tosatji yengöra yuai ak engigetka Anutunöᅅ mönön miangö dop kewöta yuai mi melenᅅa engöra ak engima. Miangöra injini mönön yuai kalema engimakje. Mewö engigetka Anutunöᅅ mönön

^a 6.31 Mat 7.12

mewōjanōk kalema engimakŋa. Ōlŋa, Anutunōŋ ekbonep qahō mōta baukōm engimakŋa. Anutunōŋ kewōta iŋini engigeri, miangō dopŋi jōmuk memba kiwinōŋ mokoi numbuŋe kori utukōi qōrōraŋ aiga mulungōi gei toroqeba qakŋe mokoi dopŋi oŋgita qeqelaŋlaŋ eri, mi mōnō gōsōŋine lōŋgōt engima.” Anutugō kōnaŋi mewō.

Ambazipnōŋ nanŋini kōnaŋini eka mōtme.

³⁹^bJisōsnōŋ dopkeu kun kewō jii mōtket, “Jegōmōl ambazip kunōŋ jegōmōl alaŋi kun ōlōp bōrōŋe memba waŋgitma me qahō? Mewō anbahorak mōnō mohotŋe lōmnōŋ geba etkubawak. ⁴⁰“Gwareknōŋ bōhiŋi qahō oŋgita. Bōhiŋinan mōtmōt pakpak tōrōrōk kusum engii mōt kōmumei, kōrek yeŋōn mōnō bōhiŋini ewō akŋe.

⁴¹“Gi wuanōŋgōra alagahō jeŋe gōdōwōrōt morōrōkŋi ekzanmō, nangi jege ip sahotŋi ketaŋi ahōzawi, mia denōwō kude ek kutuzan? ⁴²Nangi jege ip sahotŋi ketaŋi ahōzawi, mi qahō ek kutuba denōwōgōra alagahō kewō jibanak, ‘Alani mōtnōŋ! Jege euke gōdōwōrōt geba tatzawi, mi ōlōp itakōbi etma.’ O urumelengō silesile azi, gi mōnō mutuk nange jegeyōk ip sahotŋi (tapōtŋi) ketaŋi mi memba gilman. Mi mem gilagun tōrōrōk ek kutuba alagahō jeŋe gōdōwōrōt geba tatzawi, mi ōlōp itakōnōŋga etma.” Mewō.

Ipkō kōnaŋi mi ōlŋi eka kewōta mōt kutume.

Mat 7.16-20; 12.33-35

⁴³“Ip ōlōpŋi kunŋan ōlŋi bōlōŋi qahō kuŋgumakza. Mewōjanōk ip bōlōŋi kunŋan ōlŋi ōlōpŋi qahō kuŋgumakza. ⁴⁴^dJau kōtŋi mi jōmnōŋ asuhuiga membingō osimakzin aka muli ōlŋi mi koururuknōŋ asuhuiga qekōbingō osimakzin. Miangō dop ipkō ōlŋi eka kewōta kōnaŋi mōt kutume.

⁴⁵^e“Azi uruŋan yuai kokolak qei ahōzawi, mia mōnō numbuŋan aukŋe jimakza. Miangōra azi ōlōpŋaŋgō uru kōweŋe ōlōpŋaŋgō mōriamŋi ahōzawi, yaŋōn mōnō ōlōpŋi mi aukŋeyōk jimakza. Azi bōlōŋaŋgō uru kōweŋe bōlōŋi ahōzawi, yaŋōn mōnō bōlōŋi mi aukŋe jimakza.” Mewō.

Miri tandō kōhōikŋi aka lōlōwōrōŋi

Mat 7.24-27

⁴⁶“Iŋini nōŋgōra ‘Kembu Kembu!’ qet mi mōnō wuanōŋgōra qerakzemō, nōŋōn yuai memegō jimakzali, mi qahō tem kōla memakze.

⁴⁷“Denike yeŋōn nōŋgōreŋ kaba keuni mōta tem kōla mezei, nōŋōn yeŋō kōnaŋamŋini kondela dopkeunōŋ jimam. ⁴⁸Yaŋōn mitim qeŋe azi kiangō

^b 6.39 Mat 15.14 ^c 6.40 Mat 10.24-25; Jon 13.16; 15.20 ^d 6.44 Mat 12.33 ^e 6.45 Mat 12.34

dop akza: Azi mianjön 'Miri memam,' jiba löm köröpri esiba geba tandöri köt jamönjij qakne kungum köhöi kinök. Mewö kiniga kie uru nalöje o göulu köhöikni gila miri kembraje kunguyökmö, ölöpnanök mem muhungöi kinök. Miangöra kusumangö qem bibihiiga köhöiba kinök. ⁴⁹Qem bibihiyökmö, kunön keuni möta qahö tem köla mezawi, yanjön mönö mitimqege azi kiangö dop akza: Yanjön 'Miri memam,' jiba tandö qahö esim kömöta gölme qakne kut bim miyök ala meyök. Mei kiniga kie uru nalöje o göulu köhöikni gila miri kembraje kunguiga miri mi miangöreñök kusuiga goromororöngöba erök." Mewö.

Jisösnöñ suahö galöm kungö nup aziñi mem ölöwahök.

Mat 8.5-13

7 ¹Jisösnöñ ambazip kambu sutjine mala Buña keunji pakpak mi jii mötketka engömosöta Kaperneam taonöñ kañgorök. ²Miangöreñ Rom suahö galöm kungö nup aziñan kawöl yöhöi kömumangö ahök. Galömñan yanğö möri öngöñgöñi ahök.

³Miangöra Jisösgö buzupji möta Juda yanğö jitjememe tosatji melaim engiiga Jisösgöreñ anda kewö qesiget, "Mönö kaba welen aziñi mem ölöwakñan." ⁴Anda Jisösgöreñ aņgota kapañ köla köuluköba jiget, "Ketañamnini, suahö galöm mianjön mönö bauköm waņgimanangö dop ölop sorokni akza. Miangöra mönö kanöñ." ⁵Mötnöñ, yanjön Juda ambazip kambu neņgöra ak waņgiiga 'Köuluk mirinini membin,' jiinga kian yanjön moneñ ali meget."

⁶Mewö jiget möta yembuk anök. Anökmö, suahö galömgö miriñi dopdowii yanjön alaurupji melaim engiba Jisösgöra keu kewö alök, "O Kambu, ni mewörökni malbiga nöngö miri boñan gualöñmapkö gamuni mötzal. Miangöra mönö qahö aum kömumba kaman. ⁷Ni nanangö mötpi eretji akzawangöra göhöreñ kamangö dop kude mötzalmö, keu jitkanök jinöñga welen azinan ölöwakña. ⁸Mi kewögöra: Ni nanak mewöyök galömnangö kukösum bapne al niñgiget maljal. Nöngö bapne yarö azi malgetka mi jim kutum engimakzal. Yanğöreñök kungöra 'Anman' jim kutubi yanjön anma. Kungöra 'Kanöñ' jim kutubi yanjön kama aka welen azini kungöra 'Nup ki meman,' jibiga yanjön mi mema."

⁹Jisösnöñ keu mi möta suahö galömgöra welipköba ambazip kambu wuatangöba kageri, yanğöreñ lilingöba kewö jiyök, "Nöñön kewö jibi mötme: Israel könagesö sutjine mewöyök mötnarip ketañi mewöñi mi kungö uruñe qahö miwikñaijal."

¹⁰Mewö jiiga suahö galömgö kolekaziurupñan lilingöba mire aņgota welen azi miwikñaiaba eketka ölöwaka tarök. Mewö.

Jisösnöñ malö kungö nahönñi mem guliyök.

¹¹Miangö andöñe Jisösnöñ taon qetji Nain miangöreñ aniga gwarekurupji aka ambazip kambulelebenöñ wuatangöba anget.

¹² Mianğörej taon kiripo nanğunji dopdowiiga qamöt kun anğuba kaget. Malö kungö nahönña mohok-kunğan kömuiga taongö ambazip kambu ketağan tokoba löm kölbingö kaget.

¹³ Kembunöñ malö mi eka wösöñji möta jii mörök, “Kude sahötman.”

¹⁴ Mewö jiba anda bokis anğuba kageri, mi jii dörök algetka bokis misiriba kewö jiyök, “Azi gwabö, mönö wahötnöñ. Nöñön göhöra mewö jizal.” ¹⁵ Mewö jiiga qamöt mianğön guliba wahöta könahiba keu jiyök. Keu jiiga Jisösnöñ namğambuk anmapkö wañgiyök.

¹⁶ Ambazip pakpak yeñön mi eka qem sömbunini möta Anutu möpöseiba jiget, “Kezapqetok azi ketañi kunöñ mönö sutnine asuhuba malja.” Tosatğan jiget, “Anutunöñ könagesöñji mesohol köl nengii maljin.”

¹⁷ Yañgö keu buzupñi mi sehiba Judia prowins pakpak dop köla gölmeñi gölmeñi likeplikep mianğörej an teköyök. Mewö.

Jongö gwarekyahötñi Jisösgörej kayohot.

Mat 11.2-19

¹⁸ Jon O-melun azinöñ kösö mire tariga gwarekurupğan yuai pakpak mi asuhuyöhi, mianğö kösohotñi jiget mörök. ¹⁹ Jiget möta gwarekñi yahöt etkoholi kayohotka Kembugörej anda kewö qesim wañgimahotköra melaim etkiyök, “Mem ölöwak azi kamapköra mamböringa göñön mia akzan me azi kun bian kamapköra mambötpin.”

²⁰ Melaim etkiiga Jisösgörej anğota jiyohot, “Jon O-melun azinöñ kewö qesim gihibitköra melaim netkiiga kazit, ‘Mem ölöwak azi kamapköra mamböringa göñön mia akzan me azi kun bian kamapköra mambötpin.’ ”

²¹ Jisösnöñ nalö mianğörejök ambazip gwötpuk uzi kawöl izekwaizek (ijeñwaijeñ) aka ömeñinambuk mi mem ölöwak enğiyök aka jegömöl ambazip gwötpuk jeñini metohoi uba eket. ^{22f} Jongö gwarek yahötñan anğota qesim wañgiyohotka kewö meleñnök, “Yuai eka mötzahori, mianğö kösohotñi mönö anda Jon kewö jiyohot mötma: Jegömöl yeñön uba eketka lokon yeñön köna anda kagetka uzikuku yeñön solanigetka kezapduhup yeñön keu mötketka kömuget yeñön guliba wahötketka etqegeñi yeñöra Ölöwak Buña jim asaribiga mörakze. ²³ Mewö asuhui eketka kungö uruğan qahö bölii andö nuñgumawi, yeñön mönö simbawoñ akza.”

²⁴ Mewö jiiga Jongö gwarek yetköñ anohotka Jisösnöñ könahiba Jongö könañi ambazip kambu yeñöra kewö jim asariyök, “Iñini gölme qararañkölkölñe mianğörej wania ekingöra anget? Luhutnöñ jehot uwutapköba metali anjañbanjañ ahakzawi, iñini azi mewöñi ekingöra anget me?

²⁵ “Me wanat yuaia ekingöra anget? Azi malukuñi aködamanğambuk löngöta malöhi, mi ekingöra me? Mötket, ambazip malukuñini kulemñi

^f 7.22 Ais 35.5-6; 61.1

ek sihimꞋambuk löngöta anda kaba siyoꞋsayoꞋꞋi qahö maljei, mieꞋön mönö kiꞋ yengö jakömbuak miriꞋine malje. Mi gölme qararaꞋkölkölje qahö.

²⁶ “Me wanat yuaia ekingöra anget? Kezapqetok azi kun ekingöra me? Ölja, nöꞋön kewö jibi mötket: Azi ekeri, yaꞋön mönö kezapqetok ambazip tosatꞋi engoꞋgita tandökꞋi kun akza. ²⁷ ^sYaꞋgö könaꝼi mi mönöwök kewö ohoget ahöza, ‘Mötnöꝼ, nöꝼön kolekni garata kun melaibiga qelꝼije anda ambazip uruꝼini mindiꝼgöba göhö könaꝼi mesariga göꝼön mönö yaꝼgö andöꝼje gölmenöꝼ emu geman.’ ²⁸ Keu mewö ahözapmö, nöꝼön kewö jibi mötket: Ambinöhök morö pakpak engömegetka asuhugeru, yengö sutꝼine Jonöꝼ mönö körek engoꝼgita qetbuꝼaꝼambuk kinja. Kinjapmö, Anutugö bemtohoꝼ uruꝼe aꝼgota Anutugö qetbuꝼaꝼi miwikꝼaimakzei, yengö sutꝼine eretꝼi kondikꝼi yaꝼön mönö Jon oꝼgitza.”

²⁹ ^h Ambazip könaꝼesö pakpak aka yengö sutꝼine takis meme yeꝼön mohokꝼe Jongö Buꝼaꝼi mötkeri, yeꝼön jim köleꝼda “Aha! Anutugö köna diꝼiꝼi jim asariza,” jiba uruꝼini meleꝼgetka Jonöꝼ o melun mem engiyök. ³⁰ Mewö engiyökmö, Farisi aka Köna keugö böhi yeꝼön Anutugö areꝼi qahö tem köla Buꝼaꝼi andö qeba silekmalek aketka Jonöꝼ o melun qahö mem engiyök.

³¹ “Ambazip merak gölmenöꝼ maljei, mi mönö wanatpuk dop al engibileꝼak? Yengö silikꝼini mi denöwö? ³² Yeꝼön namande ewö akze. Mieꝼön maket sombemnöꝼ tata keu gön gila laꝼ qeta kewö jimakze, ‘Nini awölop uinga iꝼini liꝼet gwawet qahö unduget. Nini jingꝼ kölinga iꝼini qahö toroqeba sahötket.’ ³³ Mianꝼgö könaꝼi kewö: Jon O-melun azinöꝼ kaba nene siꝼgi mala wain o qahö neiga iꝼini yaꝼgöra jimakze, ‘Öme kunöꝼ uru괊e geiga malja.’

³⁴ “Suep gölmegö azi öljaꝼ kaba nene nem söꝼgaip aiga eꝼön jimakze, ‘Mötket, yaꝼön bau numbu tandök közöjeriba wain o gwötpuk nempa takis tilipqilipꝼinambuk aka bölöꝼi meme yengö alaꝼina malja.’ ³⁵ Körek pakpak Anutugö mötkutukutu köl gulimakzei, yengö ahakmemeꝼinaꝼgö öljaꝼ mönö mötkutukutuꝼinan dop köljawi, mi kondelakza.” Mewö.

Singisöndok ambinöꝼ Jisösgö könaꝼi kelök miriyök.

³⁶ Farisi (Köna keugö kapaꝼkölköl) azi yengöreꝼök kunꝼan Jisös mi nanꝼi miri괊e kaba nene nempa괋ö köl öroyök. Köl öroi anda miri괊e öꝼgöba nene dum괊e tarök. ³⁷ ⁱ Taon mian괊öre괊 singisöndok ambi kun malök. Ya괊ön Jisös Farisi azigö mire ö괊göba tata nene neyöhi, mian괊ö buzup괊i möta kelök umköhöwaka괊ambuk mokoi köt kirin kun kokolak qeyöhi, mi memba ö괊göba kayök. Kirin mi nöluk tuat-tuat qet괊i alabastö mian괊ön meme괊a.

§ 7.27 Mal 3.1 ^h 7.29-30 Mat 21.32; Luk 3.12 ⁱ 7.37-38 Mat 26.7; Mak 14.3; Jon 12.3

³⁸ Öngöba kaba Jisösgö könane geba tata könahiba sahöri imbiljan tingita geba könane miriyök. Miriiga nörop juḡḡan kereḡ memba kutui öroniiga könani numbuḡan yöhötüm nembra kelök umköhöwakḡambuknöḡ miriyök. ³⁹ Miriyökmö, Farisi azinöḡ Jisös kölä öroyöhi, yaḡön mi eka uruḡan kewö mötmöriyök, “Ambi ki siḡḡisöndokḡambuha. Azi kianön kezapqetok azia malbawak ewö, yaḡön mönö ambi könane misirizawaḡö könani möt kutubawak.”

⁴⁰ Jisösnöḡ mi möt kutuba kewö meleḡda jiyök, “Saimon, nöḡön keu kun jimangö mötzal.” Jiiga jiyök, “Böhi, ölop jinöḡ mötpi.”

⁴¹ Jiiga Jisösnöḡ kewö jii mörök, “Ambazip yahötḡan benknöḡ anda tosa albitkö monerḡ galömḡaḡö qesiyohot. Kunöḡ silim 500:kö töwaḡi (Kina 2500,-), kunöḡ silim 50:gö töwaḡi (Kina 250,-) miangö dop tosa albitkö qesiyohot. Qesiyohotka miangö dop etkiyök. ⁴² Etkiba könangep tosaḡiri misimahot jiiga monerḡiri qahöwahiga osiyohot. Osiyohotka benk galömḡan tosaḡiri qeköba kutuba mosöt etkiyök. Mosöt etkiiga yetköreḡök daḡön i uruḡan gwötpuk jöpaköm waḡḡimakza?”

⁴³ Mewö qesiiga Saimonöḡ kewö meleḡnöḡ, “Nöḡö mötmötnöḡ tosa ketaḡi kutuba mosöt waḡḡiyöhi, yaḡön.” Mewö meleḡniga jiyök, “Gi keu törörök kewöta jizan.”

⁴⁴ Mewö jiba ambigöreḡ lilingöba kewö jii mörök, “Ambi ki eknöḡ. Nöḡön mirige kotpiga göḡön könan i saḡḡonḡamangö o kun qahö niḡḡizanmö, ambi kianön mönö könan i imbiljan miriba nörop juḡḡan kereḡ memba kutui öroniza. ⁴⁵ Göḡön numbuni qahö yöhötüm nezanmö, ambi kianön mönö mire kotpiga miangöreḡök kapaḡ kölä könan i yöhötüm nembra malja. ⁴⁶ Göḡön nöropni kelök kude mirizanmö, ambi kianön mönö kelök umköhöwakḡambuknöḡ könan i nömiriza. ⁴⁷ Miangöra nöḡön kewö jibi mötnöḡ: Anutunöḡ ambi kiangö siḡḡisöndokḡi gwötpuk mi mosöta saḡḡonḡiga miangöra uruḡan ni gwötpuk jöpaköm niḡḡiza. Kunöḡ siḡḡisöndok boromdökḡi ahiga Anutunöḡ siḡḡisöndokḡi morörökḡi mosöriḡa yaḡön uruḡan borom kun miyök jöpaköm niḡḡimakza.”

⁴⁸ Mewö jiba ambi mi kewö jii mörök, “Nöḡön göhö siḡḡisöndoki saḡḡonḡda mosötzal.”

⁴⁹ Mewö jiiga azi mohotḡe nene nembra tatkeri, yeḡön könahiba nanḡinök kewö jiget, “Siḡḡisöndok saḡḡonḡda mosötzawi, yaḡön mönö niḡi azia akḡamgö mötza?”

⁵⁰ Mewö jigetmö, Jisösnöḡ ambigöra jiyök, “Mötnariḡkan mönö amöt qem gihiza. Ölop luainöḡ anman.” Mewö.

Ambi tosaḡḡan Jisös naḡöba anget.

8 ¹ Miangö andöḡe Jisösnöḡ liliköba taonḡi taonḡi aka miriḡi miriḡi miangöreḡ anda Anutugö bemtohoḡö könani jim asariba Ölöwak Buḡa keunöḡ ambazip uruḡini kuḡḡuba malök. Gwarekurupḡi

12 yeñon yambuk mohotje anget. ²Mewöyök ambi tosatjan yambuk anget. Ambi mi mutuk kawöl engöhöi ömenön kölköljinjin mem engii malgetka Jisösnön mem ölöwak engiyök. Ambi mi kewö: Maria qetji kun Magdalagö ambia qetket. Jisösnön yanğö uruñeyök öme 7 közöl engii kota anget. ³Ambi kun qetji Joana. Yanğö apñi qetji Kuza yanğon kin Herodkö jakömbuak miri miangöreñ gawmangö monen galömña malök. Ambi kun qetji Susana, Yeñon aka ambi tosatji gwötpuk yeñon nanñini monen inapñinan Jisös aka gwarekurupñi könanon galöm köla nanğom engiget. Mewö.

Qesinqesin azigö dopkeu

Mat 13.1-9; Mak 4.1-9

⁴Ambazipnön taon dop miangöreñök öröba Jisösgöreñ kaba kambulembenön tokogetka Jisösnön dopkeu kun kewö jiyök:

⁵“Azi kunön nene kötji qesin gilmamgö anök. Anda qesiniga kötji tosatjan köna jitre geba kölget. Geba kölgetka ambazipnön tim tökötahögetka könakemba (warawen) neiñi neiñi kanğota mi nem teköget. ⁶Kötji tosatjan köt jamönjinön geba kölget. Geba köla miangöreñ gölme oñambuk qahö miwikñaiba korapñi kota soholiba gororonğöget.

⁷“Kötji tosatjan siri uret wahinambuknön geba kölget. Geba kölgetka mienön örörön kota engongita qem turuba böbölohot mem engiget. ⁸Kötji tosatjan gölme ölöpne geba kölget. Geba köla jula wahöta ölnini ölöpñi asuhuba handötkö dop ahum sehiget.”

Keu mi jim teköba qet ketanji kewö qerök, “Kunjan urukezapñambuk malja ewö, yanğon mönö dopkeu ki kezap ala möt kutuma.” Mewö.

Jisösnön denöwögöra dopkeugö könani jiyök.

Mat 13.10-17; Mak 4.10-12

⁹Mewö jiiga gwarekurupñan dopkeu kiangö könanañgöra Jisös qesim wanğiget. ¹⁰^kQesim wanğigetka jiyök, “Anutugö bemtohoñe anğota malbingö keu tolapñi mi engöra aukne jibi möt kutuzemö, tosatji yeñgöra mia dop keunön jibi mörakze. Mewö möta nanñini jeñinan yuai ekagun könani töndup qahö ek kutume. Nanñini kezapñinan keu törörök mötagun könani töndup qahö möt asarime.”

Jisösnön dopkeugö könani jiyök.

Mat 13.18-23; Mak 4.13-20

¹¹“Dopkeu miangö könani kewö: Köt qesin giljawi, mi Anutugöreñ Buña keu. ¹²Nene kötji köna jitre geba kölgeri, mi kewö: Ambazip tosatjan Buña

^j 8.2-3 Mat 27.55-56; Mak 15.40-41; Luk 23.49 ^k 8.10 Ais 6.9-10

keu mötzmö, mi mötketka Bölöŋi Tonjan kaba uruŋini melenḁa Suepkö buḁa akepeköra keu kötŋi mi uruŋineyök qeköba enḁuanḁirakza. ¹³Nene kötŋi qesiŋniga köt jamönjiŋnönḁ geba kölgeri, mi ambazip söpsöpŋi kun. Yeŋön Buḁa keu möta mi söšönḁai qakŋe möt anḁön kölakzemö, uruŋine geba jalöŋini qahö megeranḁöra nalö töröptökŋi miyök möt nariba malgetka esapesapkö nalöŋe mönö tala enḁuma.

¹⁴“Nene kötŋi qesiŋniga siriuret wahiŋinambuknönḁ geba kölgeri, mi kewö: Yeŋön Buḁa keu mötketka uruŋine gezapmö, gölmenönḁ malmalgö waimanjatŋi aka monenḁ inap memegö urukönöpŋi ahuba lömbörim enḁimakza. Qetbuḁanjanambuk akingöra köpösönḁgögetka sihim kömbönanŋi bölöŋi tosatŋan mewöyök uruŋine dumgöba Buḁa keu böbölohot mem waŋgize. Mewö aiga ölniŋi qahö gilipitŋi akŋe. ¹⁵Qahöpmö, nene kötŋi gölme ölöŋne geba kölgeri, mi ambazip kewönŋi: Yeŋön Buḁa keu kezap ala mötketka uruŋini ölöŋŋi geŋmonŋi qahö miaŋḁöreŋ geiga sohobapukö mököšönḁda 8kapanḁ köla galöm kölgetka ölniŋi ölöŋŋi ölöŋŋi miwikŋaimakze.” Mewö.

Yuai asa-asambötŋi pakpak mi aukŋe ahuma.

Mak 4.21-25

¹⁶“Kunjan lambe me kiwa ohotiriba kimbutnönḁ kude köl turuma me dum bapŋe qahö alma. Mi qahöpmö, mi miaŋḁö dum qakŋe ali tatma. Tata asariiga tosatŋan miri uruŋe öŋḁöbingö mötzei, yeŋön miaŋḁö asakŋi eka ölöŋ öŋḁöme.

¹⁷“Mewöŋanök urunine yuai kun asambötket tölapŋe ahözawi, mi mönö aukŋe asuhum tiŋgitma. Yuai kun köl turuin ahözawi, mi mönö lulunḁetka kötula ahöma.

¹⁸“Miaŋḁöra Anutugö keu mötzei, mi mönö urukönömŋine ala mötmöriba köl guliba malme. Kunjan mötkutukutuŋambuk maljawi, Anutunönḁ mönö mi toroqem waŋgii qarimapmö, kunjan mötkutukutuŋi qahö maljapmö, ‘Miambuk maljal,’ jizawi, Anutunönḁ mönö mötmötŋi morönŋi mi mewöyök qeköba waŋgitma.” Mewö.

Jisösgö nam-munurupŋi.

Mat 12.46-50; Mak 3.31-35

¹⁹Jisösnönḁ mewö jiba maliga nam munjan i ekingö kagetmö, ambazip kambu ketanjan ölököba gwözönḁgeranḁöra kösutŋe anbingö osiget. ²⁰Osiba kingetka kunjan kewö jii mörök, “Göhö nam-mungan mönö yaigep kinda gi gekingö mötze.”

²¹Jii mörökmö, Jisösnönḁ kewö melenḁa jii mötket, “Ambazip ki Anutugö Buḁa keu möta tem köla köl gulimakzei, mienön mönö nöŋḁö namni aka munurupŋi akze.” Mewö.

¹ 8.16 Mat 5.15; Luk 11.33 ^m 8.17 Mat 10.26; Luk 12.2 ⁿ 8.18 Mat 25.29; Luk 19.26

Jisösnöñ jiiga raidimbom göröñ qeyök.

Mat 8.23-27; Mak 4.35-41

²²Wehön kunöñ Jisösnöñ gwarekurupñi kewö jii mötket, “Mönö mosöta o anğö kutuba likepñe anğotpin.” Mewö jiiga wañgenöñ mohotñe öngöba o anğö qakñe anget. ²³Anda opo seri mörörengögetka luhutnöñ nañgöiga angetka Jisösnöñ gaun ahöyök. Ahöiga luhut raidimbom o anğönöñ gila siri kunduriga wañge uruñe geyök. Geba numbunje qemamgö aiga ayuhubingö aket.

²⁴Ayuhubingö aka gwarekurupnan anda möndöba jiget, “Kembu Ketañamini, mönö nini anğönöñ ayuhubingö akzin.” Mewö jigetka imbiñi möta luhut aka o anğögö siriñi kewö jim qetal etkiiga ösumñiran eriga nöñ qeba ahöyök.

²⁵Mewö aiga jii mötket, “Enğö mötnariññini mi denike?” Mewö jiyökmö, yeñön awöwöliba qem sömbunñini möta jiget, “Ye, azi kia mönö denöwöñan malja? Yañön mönö luhut aka köwet siri jim kutum etkiiga jitñi tem köl wañgizahot.” Mewö.

Ömenöñ bau uruñine gegetka azinöñ ölöwahök.

Mat 8.28-34; Mak 5.1-20

²⁶Jisösnöñ gwarekurupñi yembuk toroqeba opo seri mörörengögetka luhutnöñ nañgöi anda o anğö kutuba Galili prowins likepñe Gerasa gölmenöñ anğotket. ²⁷Miañgöreñ anğota saknöñ öngöi azi ömeñambuk kun mi taonöhök kaba Jisös miwikñaiyök. Azi mi qaksirinöñ mala qamöt köteñi esiba urorohoget ahögerañgöreñ ahöm malök. Nalö köröpñi opo maluku qahö löngöta miri kungö uruñe qahö ahömalök.

²⁸⁻²⁹Ömenöñ nalö köröpñi öröm ureim wañgiiga azi gwötpukñan börö takñi qeba könañi tapepnöñ (muñgamuñga) jöhöba galöm köla malgetmö, tapepñi öroi tiñgitqiñgiriga ömenöñ kuñguiga gölme qararañkölkölñe anda lañ malök. Miañgöra Jisösnöñ ömeñi mi kewö jim kutum wañgimamgöra ahök, “Öme bölöñi, gi mönö kota azi ki mosöta anöñ.” Mewö jimamgö aiga Jisös eka silata gölmenöñ kösutñe geba qet gigilahöba kewö qerök, “Aek Jisös, gi Anutu öngöñgöñangö nahöññi akzan. Gi mönö denöwö ak niñgimamgöra ki kazan. Nöñön ulet gihizal: Gi sihimbölö könöpñambuk kude ak niñginöñ.”

³⁰Mewö jiiga kewö qesiyök, “Gi qetki niñi?” Ömewöröme gwötpuk uruñe geba malgerañgöra “Qetnini lijön jizin” jiget. Mi nanine keunöñ Kerök kambu ketañi. ³¹Mewö jiba Jisös kewö ulet wañgiget, “Gi neñguatañgöba öme löm dutñi qahö miañgöreñ gebingöra kude jim kutum neñgiman.”

³²Kösutñine kundunñi marömñe miañgöreñ bau kambu ketañi kun gwözözak uruñe kulunđa malget. Miañgöra ömenöñ kewö jiba ulet

wanjiget, “Gi ölop jinönga nini bau miengö uruñine gebin.” Ulet wanjigetka “Mönö anda geget.” Jiba jim kutum enjgiyök. ³³Jim kutum enjiiga azi uruñeyök kota anda bau uruñine geget. Gegetka bau kambu yeñon mönö luhuba nembönembönöñ anda jororongöba o angönöñ geba nemulahöba kömuget.

³⁴Mi asuhuiga bau galöm yeñon mi eka taon aka miri morömorö miangöreñ ölon unjurata anda keu buzupni mi jiget mötket. ³⁵Jiget möta ambazip sesegilgil yeñon yuai asuhuyöhi, mi ekingöra kaget. Kaba Jisösgöreñ kangota azi uruñeyök ömenöñ kotkeri, yañon könaje tariga miwikñaget. Opo sileötañi törörök jöhöba uruñi amöriiga imbi mötmötñi pakpak asuhuiga eka awöwöliget. ³⁶Azi ömenambuk malöhañon denöwö ölöwahöhi, mi jeñinan ekerañon jiget mötket.

³⁷Möta gwötputuk awöwöliba qem sömbuñini mötket. Miangöra Gerasa gölmegö ambazip kambu pakpak yeñon Jisösnöñ enjgömosötmapköra ulet wanjiget. Ulet wanjigetka lilingöba anmamgö wangenöñ öngömamgö ahök. ³⁸Öngömamgö aiga azi uruñeyök ömenöñ kotkeri, yañon kaba Jisösbuk mohotje anda malmamgöra qesiyök. Mewö qesiyökmö, Jisösnöñ qetala melaim wanjiba kewö jiyök,

³⁹“Gi mönö lilingöba mirige anda Anutunöñ angöletot ketañi ketañi ak gihiyöhi, miangö kösohotñi jinönga mötme.” Mewö jiiga anda Jisösnöñ angöletot ketañi ketañi ak wanjiyöhi, miangö keuñi mi taon uruñe liliköba miri dop jim sehuyök. Mewö.

Jairusnöñ böratñangöra Jisös köuluköyök.

Mat 9.18-26; Mak 5.21-43

⁴⁰Ambazip pakpak Jisösgö mambötketka lilingöba kaiga kambu köla söngaiba öröm wanjiget. ⁴¹Köuluk mirigö keu galöm kun qetñi Jairus yañon kaba Jisösgö wösöñe geba simin köla miriñe kamapköra köuluköm wanjiyök. ⁴²Moröurupñi qahöpmö, böratñi mukmorö mohok yambuñi (yara) 12:gö dop mala kömumamgö ahök. Jisös köl öröm wanjigetka aniga ambazip kambunöñ likeplikep ölököba utal wanjiget. Mewö.

Kawöl ambi kunöñ Jisösgö malukuñi misiriyök.

⁴³Utal wanjiba angetka miangöreñ sutñine ambi kun malök. Yañon yambu (yara) 12 miangö dop köiñnöñ ehiga nalö dop kawöl yöhöiga malök. Yañon sile galöm yeñgö töwanjini moneñ inapñi pakpak gil maliga sile galöm körekñan mem ölöwakingö osiget. ⁴⁴Ambi miñon Jisösgö andöñe anda malukuñangö kitip suñi misiriiga miangöreñök sepñi jöpköyök.

⁴⁵Jisösnöñ qesiba jiyök, “Danñon nömisiriza?” Mewö jiyökmö, ambazip körekñan mi qañ kölgetka Pitönöñ jiyök, “Ketanamni, ambazip kambunöñ ölököba utal anguba kaba goseize.”

46 Jiiga Jisösnöj jiyök, “Qahö, kunñan nömisiiriiga ösumni kun ani mötzal.” 47 Mewö jiiga ambinöj “Könañamni lök asuhuza,” jiba jönömñi unduiga kaba Jisösgö wösöñe simin köla kawölñangö könañi aka misiriba miangörejök ölöwahöhi, miangö könañi aukñe jiiga ambazip kambu körekñan mötket. 48 Mötketka Jisösnöj kewö jii mörök, “Böratni, mötnaripkan mönö mem ölöwak gihiza. Ölop urubönjöññöñ anman.” Mewö.

Jisösnöj Jairusgö böratñi mem guliyök.

49 Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratkan kömuza! Miangöra böhigö qakñe lömböt toroqeba kude alman.”

50 Jiyökmö, Jisösnöj keu mi möta köuluk mirigö keu galömñi kewö jii mörök, “Keñgötki kude mötman! Mohok-kun akñan. Mönö ni möt narim niñginöñga böratkan ölöwakña.”

51 Mewö jiba yangö mire anda ambazip tosatñi eñgömosöta Pitö, Jon, Jeims aka morö böratkö iwinamñi iyök eñgungiri nanñinök miri uruñe öngöget. 52 Öngögetka ambazip körekñan jingey köla sahöta amburereñ megetmö, Jisösnöj jiyök, “Yañon qahö kömuzapmö, gaunök ahöza. Miangöra mönö sahöt mosötme.”

53 Mewö jiiga gönahit ewö aiga “Mönö kömuza!” möta gön köl wañgiget. 54 Gön köl wañgigetmö, börat mi böröñe memba qeta jiyök, “Böratni, mönö wahötnöj.” 55 Mewö jiiga uñañan lilingöiga miangörejök wahöta kinök. Kiniga numbu nene wañgiget nemapkö jiyök. 56 Iwinamñan mi eka welipköyohotmö, Jisösnöj yuai asuhuyöhi, miangö buzupñi kun jiget mötpepukö soñgo al eñgiyök. Mewö.

Jisösnöj gwarekurupñi 12 melaim eñgiyök.

Mat 10.5-15; Mak 6.7-13

9 1 Jisösnöj gwarekurupñi 12 mi eñgoholi tokogetka ömewöröme pakpak közöl eñgimegöra aka uzi kawöl mem ölöwakñegöra kukösumñi ösum-mumuñambuk al eñgiyök. 2 Kukösum eñgiba kewö jiba melaim eñgiyök, “Inini mönö anda Anutugö bemtohoñangö könañi ambazip jim asarim eñgiba kawöl ambazip mem ölöwak eñgiba malme.” 3 3^o Melaim eñgiba jii mötket, “Inini köna anmeañgöra yuaiñi kun qahö memba anme, öröp qahö, gösö qahö, köna nalem qahö, soujeñi qahö. Maluku semöññi qahöpmö, mohok meme.

4 “Anda mire denike denike añgotmei, mönö miangörejök mala nup memba taon mi mosöta köna anme 5 Anda mala miri kunöñ añgotketka qahö köl öröm eñgiba keuñini qahö mötketka nesampurekñini mönö

° 9.3-5 Luk 10.4-11; Apo 13.51

kewö jiba kondel enjime, ‘Nini engö gölmenöŋ kainga sölbuham köna tambönine mekötahözawî, mi mönö tim tönjöraringa nanjine lilingöba gema.’ Mewö jigetka könanamjini solanji möt kutugetka ölop taon mi mosöta toroqeba anme.”

⁶Mewö jiiga mosöta anda miriŋi miriŋi liliköba miri dop Ölöwak Buja jim asariba kawöl ambazip mem ölöwak enjiba malget. Mewö.

Herodnöŋ Jisösgöra lalalulu siksauk ahök.

Mat 14.1-12; Mak 6.14-29

⁷Yuai pakpak asuhuyöhi, miangö qetbujaŋan sehiba gölme bahöŋangö (Galili prowingsö) kiŋ Herodkö kezapŋe geiga mörök. Ambazip tosatŋan kewö jiget, “Jon O-melun azinöŋ mönö kömupnöhök wahöta malja.” Miangöra kiŋnöŋ keugö jaruba lalalulu siksauk ahök. ⁸Ahökmö, tosatŋan jiget, “Elaijanöŋ kunbuk asuhuba malja.” Tosatŋan toroqeba jiget, “Kezapqetok azi walŋi yeŋgöreŋök kunöŋ mönö guliba wahöta malja.” ⁹Mewö jigetmö, kiŋ Herodnöŋ kewö jiyök, “Jon O-melun azi mi nöŋön jibi jölŋi kutugetmö, kungö keuŋi mewö jiget mötzali, mi mönö daŋön?” Mewö jiba Jisös ekŋamgö kapaŋ köla jörömqröm ahök. Mewö.

Jisösnöŋ azi 5000 nene gumohom enjiyök.

Mat 14.13-21; Mak 6.30-44; Jon 6.1-14

¹⁰Melaimelai azi aposol yeŋön Jisösgöreŋ lilingöba yuai aka megeri, miangö kösohotŋi pakpak jiget mörök. Jiget möta enjuaŋgita ambazip qenjarökŋini mosöta taon qetŋi Betsaida miangö kösutŋe nanjinök kötikŋe malbingö anget. ¹¹Angetmö, ambazip kambu yeŋön mi möta Jisös andöŋe wuatangöba anget. Anda Jisösgöreŋ kagetka köl öröm enjiba Anutu bemtohoŋangö könanji jim asariba kawöl ambazip mem ölöwak enjiyök.

¹²Mewö aka mali wehön jeŋan teköba gemamgö ahök. Mewö aiga gwarek 12 yeŋön kaba Jisös kewö jiget mörök, “Nini gölme kötikŋi kiaŋgöreŋ maljinangöra gi ölop ambazip kambu ki melaim enjinöŋga miri koum dowe dowe tat anjei, miangöreŋ anda ahöahö miri aka nene miwikŋaime.”

¹³Mewö jigetmö, kewö jii mötket, “Enöŋ mönö nanjinak i nene gumohom enjime.” Mewö jiiga melenget, “Nini beret sahötŋi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeŋgöra nene söŋgörüŋi membinak me? ¹⁴(Yeŋön azi 5000:gö dop malje.)” Mewö melengetka gwarekurupŋan kewö jii mötket, “Enöŋ mönö ambazip enjgöra jiba mendeŋ enjigetka kambu dop 50:gö dop nene nemingö tokoba eta tatme.”

^p 9.7-8 Mat 16.14; Mak 8.28; Luk 9.19

¹⁵ Jiiga mewö aka menderj engigetka ambazip körekñan eta kambuñi kambuñi tat anget. ¹⁶ Tat angetka beret 5 aka söra yahöt mi memba suepnöñ ui öngöiga kötuetköyök. Kötuetköba beret mindipköba gwarekurupñi enjiiga ambazip kirip dop menderjda sutñine alget. ¹⁷ Sutñine algetka körekmakörek nembra nem timbireñ aket. Nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. Mewö.

Pitönöñ Jisösgö könañi jim miwikñaiyök.

Mat 16.13-20; Mak 8.27-30

¹⁸ Nalö kunöñ Jisösnöñ nanñök gölme kungen köuluköiga gwarekurupñan yambuk malgetka qesim enjiba kewö jiyök, “Ambazipnöñ nöngöra denöwö jimakze? Ni niñia akzal?”

¹⁹ “Jiiga melerjda kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kunñan kömupnöñök wahöta maljan.’ ”

²⁰ “Mewö jigetka kewö qesim enjiyök, “Aka nanñinak nöngöra denöwö jize? Ni niñia akzal?” Qesim enjiiga Pitönöñ melerjda jii mörök, “Gi Anutugöreñ Amötqeçe Toñi Kraist akzan.” Mewö.

Jisösnöñ kömumamgö keuñi jiyök.

Mat 16.20-28; Mak 8.30–9.1

²¹ Mewö jiiga könañi aukñe jiget kunñan mötpepuköra soñgo köhöikñi al enjiyök. Mewö. ²² Jisösnöñ jiyök, “Suep gölmegö azi öljän mönö sihimbölö gwötpuk mötma. Kantrigö jitñememe, jike nup galöm aka Köna keugö böhi yeñön mönö andö qeba qegetka kömuma. Kömumba wehön karöbut aiga kömupnöñök wahötma.” Mewö.

Kraist wuatangöbingö söñgöronji

²³ Jisösnöñ ambazip pakpak yeñgöra keu kewö jii mötket, “Kunñan nöngö andöne nuatangöba kamamgö mötzawi, yeñön mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñjda ni nuatangöba kama.

²⁴ “Kunñan malmalñi nanñangöra angön köla nanñi imbi-imbi maljawawi, yeñön mönö malmalñi öljñi jöhöi sohoma. Sohomapmö, kunñan gölmegö malmalñi nöngöra aka kölerjda tököm niñjimawi, yeñön mönö malmal öljangö könañi miwikñaiba köhöiba malma.

[¶] 9.19 Mat 14.1-2; Mak 6.14-15; Luk 9.7-8 [¶] 9.20 Jon 6.68-69 [¶] 9.23 Mat 10.38; Luk 14.27 [¶] 9.24 Mat 10.39; Luk 17.33; Jon 12.25

25 “Kunjan gölmeŋi gölmeŋi miengö öröyuaini pakpak köl öröiga buŋari an teköiga uruŋangö malmalni mem sohoba silebile mala kömuiga Anutunöŋ keuŋi jim teköiga könöp sianöŋ geba uŋaran ayuhuiga qahö dop kölma. Sukinapŋi miangön mönö urusösöŋgai qahö ak waŋgima. Qahöpmaöhöp!

26 “Kunjan nöŋgö qetni aka Buŋa keuni memba eta aljawi, i Suep gölmegö azi ölnjan mewöyök ehöröŋ kölma. Yaŋön könangep Suep garata töröŋi yembuk ki etketka yeŋgö, nanŋangö aka Iwiŋangö asakmararaŋini eka aurume. Nalö miangöreŋ azi me ambi mewöŋi mönö ehöröŋ köl waŋgima. 27 Nöŋön keu ölni kun kewö jibi mötme: Kiaŋgöreŋ kinjei, eŋgö sutŋineyök tosatŋan Anutugö bemtohoŋan asuhumawi, mi ek kutume. Jebuk mala kömupkö sihimbölöŋi qahö mötketka asuhum tiŋgiriŋa mi ekŋe.” Mewö.

Jisösgö sileŋe letotqetot ahök.

Mat 17.1-8; Mak 9.2-13

28^u Keu mi jiiga wehön 8:kö dop teköiga Jisösnöŋ Pitö, Jon aka Jeims enŋuangita kundue öngöba Anutu köululköyök. 29 Köululköiga miangöreŋ jemesoholŋangö kaisongolomŋan letota tandökŋi murutŋi ahök. Malukuŋan tuat lalamŋi aka kölköl-bilikbilikŋambuk asariyök. 30 Miangöreŋök eketka azi yahötŋan asuhuba Jisösbuk keu keu jiget. Mi Moses aka Elaija. 31 Asakmararaŋ uruŋe asuhuba Jisösbuk keu kewö eraum mötket, “Anutunöŋ Jisös sihimbölö möta kömumapkö melaiiga eta zilaŋ Jerusalem sitinöŋ aniga areŋ miangön ölnambuk ak teköma.”

32 Mewö eraum mötketmö, Pitönöŋ alayahötŋi yetpuk jeŋinan lömböriiga gaun ahöget. Ahögetmö, gaunöhök imbiŋini möta jeŋini uba Jisösgö asakmararaŋi aka azi yahöt yambuk kinohori, mi engeket. 33 Engeketka kinda Jisös mosötpitkö ahotka Pitönöŋ Jisösgöra jiyök, “Ketaŋamnini, neŋön kiaŋgöreŋ uru ölöwak mötzin. Miangöra neŋön ölöp koum karöbut qebin: Göhö kun, Mosesgö kun aka Elaijagö kun.” Pitönöŋ mewö jiyökmö, nanŋi keuŋangö könaŋi mi qahö möt kutuyök.

34 Mewö jiba kiniga unuŋunuy kunöŋ eta aumŋan esuhum enŋiiga kousu uruŋe mala awöwöliba jönömŋini unduyök. 35^v Jönömŋini undui kingetka kousu uruŋeyök qet kun kewö eriga mötket, “Azi ki mi nani nahöna. I ambazip amöt qem enŋimangöra möwölöhöm waŋgial. Mönö yaŋgö keuŋi möta malme.”

36 Qet miangön eri möta gwarek yeŋön miangöreŋök uba Jisösnöŋ nanŋök kini eket. Kundue yuai ekeri, miangö buzupŋi mi nalö miangöreŋ kude jiba keu böc malgetka kunŋan kun qahö mörök. Mewö.

Jisösnöŋ öme wuatangöi morönöŋ ölöwahök.

Mat 17.14-21; Mak 9.14-29

37 Ahöba wahötketka Jisösnöŋ gwarekurupŋi karöbut yembuk kundueyök eta sörokŋe ambazip kambuleleme engeget. 38 Engegetka ambazip

^u 9.28-35 2 Pitö 1.17-18 ^v 9.35 Ais 42.1; Mat 3.17; 12.18; Mak 1.11; Luk 3.22

kambunöhök azi kunjan qeta kewö jiyök, “Böhi, nöngö nahöni mukmoröya akzawaŋgöra mönö kaba i ekjan. Miaŋgöra köuluköm gihizal. ³⁹Mötnön, öme kunön i memba mendawöli miaŋgöreŋök qet gigilahöi utuköm waŋgii wölöhariiga numbuŋeyök qölqölsöutsöt erakza. Öme miaŋön öröm ureim waŋgiba nalö gwötpuk qahö mosörakza. ⁴⁰Mewö aiga göhö gwarekurupki öme mi wuatangömegö ulet engizalmö, yeŋön mi osize.”

⁴¹Mewö jiiga Jisösnön meler waŋgiba jiyök, “Yei, gölmegö yaŋgiseŋ aka misimkaulup ambazip, nöŋön mönö nalö dawik embuk mala qatön eŋgubiga Anutu qahö möt narigetka sihimbölö mötmam? Nahöngi mönö waŋgita ki kanön.”

⁴²Morö mi waŋgita kaiga nalö miaŋgöreŋ mewöyök ömenön morö utuköba urepköm waŋgiiga wölöhariyök. Mewö ahökmö, Jisösnön öme mi jim waŋgii mosöri morö mem ölöwaka iwiŋi waŋgiyök. ^{43a}Anutugö kukösümŋi ketaŋan mewö asuhuiga körekjan mi eka nemböŋini teköi welipköget. Mewö.

Jisösnön kömumangö buŋaŋi jiiga yahöt ahök.

Mat 17.22-23; Mak 9.30-32

^{43b}Jisösnön yuai pakpak mi meyöhi, miaŋgöra ambazip körekjan welipkögetka Jisösnön nalö miaŋgöreŋ gwarekurupŋi keu kötŋi kewö jii mötket, ⁴⁴“Keu ki mönö kezap ala mötme: Anutunön Suep gölmegö azi ölŋi mi gölme ambazip yeŋgö böröŋine al waŋgii gema.” ⁴⁵Keu kötŋi mi jii mötketmö, mi qahö möt kutuget. Anutunön mi köl turui tölapŋe ahöiga mi qahö möt asariget aka könaŋi denöwö, mi qesibingö kölköldömdöm aket. Mewö.

Gwarek sutŋine daŋön mutukŋi akza?

Mat 18.1-5; Mak 9.33-37

⁴⁶“Gwarek neŋgöreŋök ‘Daŋön öngöŋöŋi akza?’ jiba keu mi mötmöriget. ⁴⁷Mi mötmörigetmö, Jisösnön urumötmöŋiŋi möt kutuba namande moröŋi kun memba qöhöröŋe ali kinök. ⁴⁸“Kiniga kewö jii mötket, “Körek engöreŋök kunjan eretŋi kondökŋi akzawi, yaŋön mönö öngöŋöŋi akza. Miaŋgöra kunjan namande ki nöngö qetne miriŋe köl öröba köyan kölmawi, yaŋön mönö ni köl öröm niŋgima. Kunjan ni köl öröm niŋgimawi, yaŋön melaim niŋgiyöhi, mönö i mewöyök köl öröm waŋgima.” Mewö.

Kunön keröki qahö, yaŋön mönö alagi akza.

Mak 9.38-40

⁴⁹Nalö miaŋgöreŋ Jonön könahiba keu kewö jiyök, “Ketaŋamni, azi kunjan göhö qetnön öme közöl eŋgiiga ehin. Yaŋön nembuk qahö liliköba maljawaŋgöra nini i qetal waŋgiin.”

^w 9.46 Luk 22.24 ^x 9.48 Mat 10.40; Luk 10.16; Jon 13.20

⁵⁰Mewö jiyökmö, Jisösnöñ kewö jii mörök, “I kude qetal wañgime. Kunñan qahö qetal engim�kzawi, yañön mönö engö areññöñ malja. (Miañgöra inini mönö nöñgö alaurupni tosatñi mi qetala angösirip mem engibepuk.)” Mewö.

Samaria miri kun yeñön Jisös andö qeget.

⁵¹Jisösnöñ Suepnöñ öñgömamgö ahök. Miañgö nalöñi törizawañgöra Jisösnöñ kinda “Jerusalem sitinöñ anmam,” jiba jim köhöiba könahiba könanöñ anök. ⁵²Anda kolek qeljiñe aliga mutuk anget. Könanöñ anda mala Samaria prowinsgö miri kunöñ angota “Jisösgöra mözöqözözöm akingöra kazin,” jiget. ⁵³Jiba angetka anökmö, “Ni Judia prowinsnöñ Jerusalem jike göröken anmam” jiiga miañgöra miri angön köla yaizözkök qahö jiget. ⁵⁴“Mewö aketka gwarekyahötñi Jeims aka Jon yekñön mi eka jiyohot, “O Kembu, Suepnöhök könöp eta engohoi qahöwakeak, mewö köuluköbingö mötzan me qahö?”

⁵⁵Mewö jiyohotmö, Jisösnöñ lilingöba tembula jim etkiyök.

⁵⁶Miañgöreñgök toroqeba miri kunöñ anget. Mewö.

Jisös wuatangöbingö möndömöndö keuñi

Mat 8.18-22

⁵⁷Könanöñ angetka azi kunñan kaba Jisösgöra jiyök, “Gi denike denike anmani, nöñön mönö miañgöreñ gi guatangöba kamam.”

⁵⁸Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön aipñini memba malakzemö, Suep gölmegö azi öññan mönö denike anda nöropñi wani qömböññöñ nariba luhut membawak.”

⁵⁹Jisösnöñ azi kungöra jiyök, “Gi kaba ni nuatangöman.” Jiyökmö, kewö meleñnök, “Kembu, mi ölöpmö, iwinan kömumamgö aiga mutuk jinöñga anda galöm kölbi kömui löm kölbigun.”

⁶⁰Mewö jiyökmö, Jisösnöñ meleñña jiyök, “Mosötnöñ! Köhömuñi yeñön qamötñini köhömuñi mi ölop löm kölmemö, göñön mönö anda Anutu bemtohoñangö könañi jim asarim engiba malman.”

⁶¹“Kunbuk azi kunñan kañgota jiyök, “Kembu, nöñön gi guatangömamgö sihimni mötzmö, mötnöñ, gi ölop jinöñga mutuk mire anda tinitosolomurupni yaizözkökñini jibigun.”

⁶²Jiyökmö, Jisösnöñ meleñnök, “Kunöñ gölme mesinmesinöñgö kinöñ mi hos andöñe jöhöba böröññan kinöñ supñe memba kini aniga dumñe lilingöba andöñe uzawi, yañön mönö Anutugö bemtohoññöñ angota nupñi memawañgö dop qahö akza.” Mewö.

[†] 9.54 2 Kiñ 1.9-16 [‡] 9.61 1 Kiñ 19.20

Jisösnöŋ gwarek 72 melaim enġii anget.

Mat 9.37-38; 10.7-16

10 ¹Miangö andöŋe Kembunöŋ gwarek tosatŋi 72^a mi möwölöhöm enġiyök. Nanġak “Taonŋi taonŋi miriŋi miriŋi anman,” jiba miangöreŋ yahöt yahöt meköba mutuk melaim enġiyök. ²^b“Melaim enġimam,” jiba kewö jii mötket, “Anutugö nupnöŋ nene ölni gwötpuk öliba ahözapmö, mi tokobingöra nup meme ambazip nini awamdökŋi maljin. Miangöra mönö nene öliölinangö Kembuŋi köuluköm waŋgigetka nup meme ambazip melaim enġiiga ölni mem tokome.

³“Iŋini mönö anme. Mötket, lama yeŋön arökŋangö kiam kalŋi yeŋgö sutŋine gegetka luhuba enġöhöbepuk, nöŋön iŋini miangö tandök ewö melaim enġibi anme. ⁴Iŋini moneŋ irimuŋga me gösö kun me köna esu mi kude memba anme. Anda könanöŋ ambazip enġeka jiji-kilik-kilik yaizözkök kude akŋe.

⁵“Anda miri kunöŋ öŋgöba mutuk kewö jime, ‘Anutunöŋ miri kiangöreŋ luai ali bönjöŋ malme.’ ⁶Mewö jigetka kunŋan luai aŋgön kölmamgö dop akzawi ewö, luaiŋinan mönö yaŋgö qakŋe öŋgömapmö, kunŋan mi qahö aŋgön köлма ewö, luaiŋinan mönö lilingöba nanŋini qakŋine öŋgöma. ⁷eMiri öŋgömei, mönö miangöreŋök mala nup meme. Ambazipnöŋ nup meme ambazip malmalŋini nanġömeaŋgö dop akze. Miangöra yeŋön nene aka o enġime, mi mönö neme. Miri tosatŋe laŋlaŋ kude ahöme. Miri suen kude anda kame.

⁸“Taon miangöreŋ me miangöreŋ aŋgotketka köл öröba nene enġime, mia mönö neme. ⁹Nemba tosatŋan miangöreŋ kawöl enġöhöi ahöme, i mönö mem ölöwak enġime. Mewö aka kewö jiget mötme, ‘Anutugö bemtohoŋan mönö dowe kaiga miangö uruŋe aŋgotme.’ ¹⁰fMewö akŋemö, taon kunöŋ aŋgotketka andö enġume, miangöreŋ mönö maketnöŋ me sombemnöŋ anda kewö jiget mötme,

¹¹‘Nini enġö taonöŋ kaininga sölbuham yuai köna tambönine mekötahözawi, mi mönö tim tönjöraringa nanŋine lilingöba gema. Gemapmö, keu ki mönö möt yaköme: Anutugö bemtohoŋan mönö kösutŋine asuŋuza.’ ¹²gNöŋön kewö jibi mötket: Anutunöŋ nalö ketanŋe qemasolokepŋinaŋgö likepŋi meleŋni taon miangö qakŋe öŋgömawi, dop miangön mönö Sodom yeŋgö sihimbölä dopŋi oŋgita toroqem enġima.”^h

^a 10.1 Tosatŋan oyoŋda 70 jize. Tosatŋan 72 jize. ^b 10.2 Mat 9.37-38 ^c 10.3 Mat 10.16 ^d 10.4-11 Mat 10.7-14; Mak 6.8-11; Luk 9.3-5 ^e 10.7 1 Kor 9.14; 1 Tim 5.18

^f 10.10-11 Apo 13.51 ^g 10.12 Jen 19.24-28; Mat 11.24; 10.15 ^h 10.12 Sodom yeŋön bölöŋi kanjamŋambuk memba mala uruŋini qahö meleŋgetka Anutunöŋ könöpnöŋ könden enġiyök.

Jisösnöŋ taon 3 yeŋgöra ‘Yei wösöbirik!’ jiyök.

Mat 11.20-24

¹³ ⁱ“O Korazin toŋi, nöŋön eŋgöra ‘Yei!’ jiba sahötzal aka Betsaida toŋi, eŋgöra mewöyök ‘Yei!’ jiba sahötzal. Nöŋön yeŋgöreŋ anbiga keuni jibi sösönihii aŋgöletotni kukösumŋinambuk asuhugetmä, uruŋini töndup qahö meleŋget. Aŋgöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köröpŋi uruŋini meleŋbingö kaisösöpŋi kondela dodohonöŋ aŋgömiriba kau ariba sahötpeak.

¹⁴ ^k“Sahötpeakmä, Anutunöŋ könangep Korazin aka Betsaida yeŋgö keuŋini jim teköba likepŋi meleŋni sihimbölä mötmei, nalö ketanji miaŋgöreŋ mi mönö Taiö aka Saidon yeŋgö sihimbölä dopŋi oŋgita mötme. ¹⁵ ^jAka Kaperneam toŋi, Anutunöŋ iŋini öläp mem wahöt eŋgii Suep mire öŋgöbeak me qahöpto? Qahöpmahöp! Iŋini mönö kömupkö senjom mire kölölohoba geme.

¹⁶ ^k“Kunŋan keuŋini mötmawi, yaŋön mönö nöŋgö keuni mötma. Kunŋan andö eŋgumawi, yaŋön mönö ni andö nuŋgumapmä, kunŋan ni andö nuŋgumawi, yaŋön melaim niŋgiyöhi, mönö i andö qema.” Mewö.

Gwarek 72 yeŋön lilingöba söŋgaiget.

¹⁷ ^lGwarek 72^l yeŋön mala lilingöba kaba söŋgaiba kewö jiget, “Kembu, nini göhö qetke öme wöröme jim kutum eŋgiinga yeŋön mewöyök keunini bapŋe anda tököba anget.”

¹⁸ ^mMewö jigetka Jisösnöŋ meleŋnök, “Nöŋön Satan kakögetka Suepnöhök luhuba wölbilik ewö aköba gei ehal. ¹⁹ ^mMötket, nöŋön kukösum eŋgibiga iŋini öläp kitim soramem, skorpion (nendaŋ kömbukŋi pomemba) aka kerökniŋaŋgö ösum-mumuŋi jitŋambuk pakpak tiget eriga luhut alme. Miaŋgöra yuai kunŋan qahö eŋgum mizit ak eŋgima.

²⁰ ⁿ“Miaŋgöra ömewöröme yeŋön keuŋini bapŋe anjemö, töndup eŋgöreŋ söŋŋgai bohonŋi mi miaŋgöra kude söŋgaime. Eŋgö qetŋini Suep mire ohoget Anutugö bukŋöŋ ahözawi, miaŋgöra mönö önöŋi qahö söŋgaime.” Mewö.

Jisösnöŋ söŋgaiba Anutu möpöseiyök.

Mat 11.25-27; 13.16-17

²¹ ⁿNalö miaŋgöreŋ Uŋa Töröŋan Jisös inahöm waŋgiiga söŋgaiba keu kewö jiyök, “O Iwini, göŋön Buŋa keugi mötkutukutu ambazip mötmöt ketanji megeri, yeŋgöreŋ asambötnöŋmä, ambazip nahönbörat

ⁱ 10.13 Ais 23.1-18; Eze 26.1–28.26; Joel 3.4-8; Amos 1.9-10; Zek 9.2-4 ^j 10.15 Ais 14.13-15 ^k 10.16 Mat 10.40; Mak 9.37; Luk 9.48; Jon 13.20 ^l 10.17 Tosatŋan oyoŋda 70 jize. ^m 10.19 Sum 91.13

ewö nanjinangöra mötketka gukmaulem akzei, mi mönö yengören indelnonga möt asarize. Mianğöra nöjön Suep gölmeğö Kembuñi gi möpöseim gihizal. O Iwini, gi nangak mewö asuhumapköra mötnöj dop köli ölöwahök.

²²“Iwinan mönö yuai pakpak jim kutuiga nöngö bujaya ahök. Iwinan Nahönnañğö könani nanjök möt yaköiga kunjan mi qahö mötza. Mewöyök kunjan Iwiñangö könani qahö möt yaköiga Nahönnanök mi mötza aka ambazip möwölöhöm engiba yengöra mi indelmawi, yejön mönö Iwi möt wañgime.”

²³Jisösnöj mewö jiba gwarekurupñi yengören lilingöba nanjinök ölöñ kewö jii mötket, “Injini yuai ek kutuzei, denike yejön mi ek kutuzei, yejön mönö jeñinangöra aka simbawoñ akze. ²⁴Mianğö könani kewö: Nöjön keu kewö jibi mötket, Kezapqetok ambazip aka kiñ azi kembu gwötpukñan injini yuai ki ekzei, mi ekingö awöwengöba malgetmö, mi qahö eket. Injini keu ki mötzei, yejön mi mötpingö awöwengöba malgetmö, mi qahö mötket.” Mewö.

Jöjopañ keu bohonñi yahöt mi denöwö?

Mat 22.34-40; Mak 12.28-31

²⁵°Köna keugö böhi kunjan wahöta Jisös bötak ala kewö qesim wañgiba jiyök, “Böhi, nöjön denöwö aka malmal kömbönañi teteköñi qahö buña qem angubilenjak?” ²⁶Jiiga Jisösnöj kewö melenđa qesiyök, “Mosesgö Köna keunöj keu denöwö ohoget ahöza? Mianğö könani denöwö?” ²⁷°Qesiiga melenđa jiyök, “‘Gi urugi jömukñi, uñagi jömukñi, kuki jömukñi aka mötmötki jömukñi mianjön mönö Kembu Anutugi jöpaköba malman,’ aka ‘Nangi jöpaköm angumakzani, mewöñanök mönö ambazip pakpak jöpaköm engiba malman.’”

²⁸°Jiiga Jisösnöj melenjök, “Törörök melenjan. Mi tem köla malmal kömbönañangö bujaya akñan.” ²⁹Mewö melenjök, Köna keugö böhinöj ‘Mi tem köla solanñi akzal,’ mewö mötmöriba könañamñi kondelmamgö möta Jisösgöra jiyök, “Ambazip sutñine mala koralı, yengörenök mönö dagöra jizan? Niñia qahö jöpaköm wañgibilenjak?”

Samaria azinöj gurusep azi ak-kömum wañgiyök.

³⁰Mewö jiiga Jisösnöj melenđa jiyök, “Azi kunjan Jerusalem siti mosöta Jeriko mire geba könanöj kegwek-kahasililij yengö böröñine gei meget. Membra inap yuaiñi wañgita opoñi qeköba gurusep qeba gila angetka kömumamgö aka ahöyök. ³¹Ahöba mamböriga jike nup galöm kunjan köna miyök anda eka ek siriba köna likepñeyök anda oñgita

° 10.22 Jon 3.35; 10.15 ° 10.25-28 Mat 22.35-40; Mak 12.28-34 P 10.27 Lew 19.18; Dut 6.5 ° 10.28 Lew 18.5

anök. ³²Aniga mamböri jike nup azi (Liwait) kunjan miangörej kangota eka mewöjanök ek siriba ongita anök. ³³†Anökmö, Samaria prowinsgö azi^s kunjan köna miyök anda ahöyöhi, miangörej angota eka wösöni möta ehoriyök.

³⁴“Ehoriba kösutnje geba uziñi kelök aka wain onjan miriba esuhuyök. Uziñi esuhuba memba kököbihiba doñkiñi qaknje ala wanjuta qenjarök ahöahö mire anda ala köyan köl wanjiyök. ³⁵Köyan köl wanjiba ahöba wahöta söjanök silim yahötkö töwanji (Kina 10,-) uzeta qenjarök mirigö toni wanjiba jiyök, ‘Azi ki mönö köyan köl wanjiba malnönga monen gihizali, mi kude dop köla ongitma ewö, mi mönö lilingöba kaba miangörej toroqeba gihimam.’ ³⁶Azi karöbut könanamñini mewö kondelget. Azi kegwek-kahasililiñ yengö böröñine geyöhi, yängö alani dañon ahök? Yengörejök dagöra mötnöñ, i uru kalem ak wanjiyök?”

³⁷Qesim wanjiiga meleñnök, “Ak kömum wanjiyöhi, yanön.” Mewö meleñniga Jisösnöñ jii mörök, “Gi mönö anda mewöjanök aka malman.” Mewö.

Jisösnöñ Marta Maria yetpuk kujuk tarök.

³⁸†Jisösnöñ gwarekurupñi yembuk könanöñ angetka Kembuñinan miri kunöñ angorök. Angoriga ambi kun qetñi Marta yanön köl öröm wanji miriñe öngöyök. ³⁹Martagö munñi qetñi Maria malök. Yanön Kembu eka könanji kösutnje eta tata Buña keu jiyöhi, mi kezap ala mörök. ⁴⁰Mörökmö, Martanöñ lömbuan nupnöñ öroi anda kaba mökösusu aka Jisösgöra jiyök, “Kembu, munan nömosöri nanök welen nup membi mötnöñ dop kölja me qahö? Miangöra mönö Maria jinönga kaba bauköm niñgima.”

⁴¹Jiiga Kembunöñ meleñda jii mörök, “Marta Marta, gi yuai könanji könanji miangöra waimanjat möta mötkurumkurum aka könöpñambuk aka kinjan. ⁴²Mewö kinjanmö, waimanjat mohok kun memba mem köhöininga dop kölma. Nini yuai sehisehiñi miangöra qahö osizin. Marianöñ kewöta urugö likepñi möhamgöm anjumamgö möwölöhöba simbawon akza. Malmalgö bahöñi ölopñi mi kunjan kun kude wanjiitma.” Mewö.

Jisösnöñ köulukö könanji kusum enjiyök.

Mat 6.9-13; 7.7-11

11 ¹Jisösnöñ miri kunöñ köuluköba mali teköiga gwarekurupñi yengörejök kunjan kewö jiyök, “Kembu, Jon O-melun azinöñ gwarekurupñi köulukö könanji kusum enjiyöhi, gi mönö mewöjanök nini kusum neñgiman.”

† 10.33-34 2 Hist 28.15 ^s 10.33 Juda yanön Samaria ambazip jijiwililit ak enjizema.

† 10.38-39 Jon 11.1

2 Jiiga Jisösnöŋ kewö jii mötket, “Iŋini köuluköbin jiba kewö jime:

Iwi, göhö qetkan mönö töröŋi ahöma. Mönö galöm köl
neŋginöŋga bemtohoŋgahö ölni asuhuma. (Göhö jitsihitki
Suepnöŋ tem kölakzei, gölmenöŋ mönö mewöŋanök
asuhuma.)

3 Gi wehön dop nene dopnine neŋgiman.

4 Tosatŋan bölöŋi ak neŋgigeri, nini körek yeŋgö siŋgisöndokŋini
mosötzin ewö, gi mönö neŋgöreŋ siŋgisöndok saŋgoŋ
neŋgiman.

Gi esapesapnöŋ eta neŋgubapuköra aŋgön köl neŋgiba Bölöŋi
Toŋaŋgö böröŋeyök meköm neŋgiman.”^u

5 Jisösnöŋ toroqeba kewö jii mötket, “Eŋgöreŋök kunŋan suŋgem
bibine alaŋaŋgö mire anda möndöba kewö jima, ‘Alani, beret karöbut
niŋginöŋga likepŋi biaŋ meleŋ gihibi. 6 Alani kunŋan könanöŋ mala
nöŋgöreŋ kaŋgoriga neneŋamni qahöpköra gumohom waŋgimamgö
jaruzal.’ 7 Mewö jii alaŋan miri uruŋeyök kewö meleŋda jima, ‘Gi gaun
gwölö ak neŋgizan. Ni naŋguni lök köl köhöibiga nahönböratuurupnan
nömbuk tumbulahöpnini tumbula gaun ahözin. Mi aŋgöra wahöta mi
gihimamgö osizal.’ 8 Mewö jimapmö, nöŋön jibi mötket: Miri toŋan alaŋi
akzawaŋgöra aka qahö wahöta waŋgimapmö, mi töndup kapaŋ köla jiba
kinjawaŋgöra mi ölöp wahöta qesizawaŋgö dop körek waŋgima.

9 “Nöŋön mi aŋgö likepŋi kewö jibi mötket: Mönö Anutu köuluköme.
Köulukögetka eŋgima. Anutugöreŋ mönö yuaigö böröŋaŋ memba
jarume. Mi jarugetka kondeliga miwikŋaime. Kinda naŋgunöŋ qeme.
Qegetka naŋgu tal eŋgima. 10 Kunŋan Anutu köulukömakzawi, yaŋön
mönö likepŋi buŋa qem aŋguma, yuaigö jarumakzawaŋön mönö mi
miwikŋaime. Naŋgunöŋ qemakzawaŋgöra mönö naŋgu öröm waŋgima.

11 “Iwiurup eŋgöreŋök daŋön kewö akza: Nahöŋnan söragöra qesiiga
salupŋe qatö waŋgima. 12 me kuruk kötŋaŋgö qesiiga skorpion (nendaŋ
kömbukŋi pomemba) waŋgima? 13 Mewögöra iŋini ambazip bölöŋi
akze aka töndup kalem ölöpŋi ölöpŋi mi nahönböratuurupŋini eŋgibingö
mötze ewö, Suep Iwinöŋ mönö kalemŋi denöwö aŋgön kölbawak? Yaŋgö
uruŋaŋgö ahakmemeŋi mi neŋgoŋgita tandökŋi kun akza. Mi aŋgöra Uŋa
Töröŋaŋgöra köuluköba qesim waŋgime ewö, yaŋön mönö sihimŋan i
melaiiga uruŋine gema.” Mewö.

Jisösnöŋ öme yeŋgö ösumŋini oŋgita qei etza.

Mat 12.22-32; Mak 3.20-27

14 Ömenöŋ azi kun töŋöt aka numbuŋi jöhöiga mötök maliga
Jisösnöŋ ömeŋi mi wuatŋgöiga kota mosöri nesilamŋan lolohoiga

^u 11.4 Tosatŋan keu mi kewö meleŋda jimakze: bölöŋeyök meköm neŋgiman.

kunbuk keu jiyök. Keu jiiga ambazip kambu yeñon mi eka welipköget. ¹⁵Welipkögetmö, yeñgöreñök tosatñan kewö jiget, “Yañon mönö öme yeñgö kembuñini Katakömulat yañgö ösumnöñ ömewöröme eñguatanğömakza.”

¹⁶Mewö jigetka tosatñan Jisös keugö bötaknöñ örömapköra esapköm wañgiba kewö qesiget, “Gi mönö jim kutunöñga Suepnöhök añgöletot kun asuhuiga ekin.” ¹⁷Qesigetmö, yañon uru mötmötñini möt teköba kewö jii mötket, “Kantri denike yeñgö galömurupñinan sutñine añgururuk aka julmei, yeñon mönö ayuhum añgugetka kantriñinan böliba sahopñanök ahöma. Mewöyök miri kungö könagesö yeñon julmei, miriñinan mönö qeqelanñan ahöma.

¹⁸“Mötket! Satangö könagesö yeñon mewöyök sutñine añgururuk aka julbeak ewö, yeñon mönö gawman nupñini mbingö osigetka ömetohonñan mönö denöwö kinbawak? Inini nöñgöra kewö jize: Yañon Katakömulatkö ösumnöñ ömewöröme eñguatanğömakza. ¹⁹Mewö jizemö, mötket, nöñon Katakömulatkö ösumnöñ ömewöröme közöl eñgibileñak ewö, eñgö alaurupñinan mönö dagö ösumnöñ mi közöl eñgibeak? Miañgöra yeñon mönö keuñini ölni me qahö, mi kewöta jim teköme.^x ²⁰Mi jim tekömemö, Anutugö ösumñan nöñgö böro kesötñi sölölohöi öme eñguatanğömakzal ewö, Anutugö bemtohonñan mönö eñgöreñ kam kuñguza.

²¹“Azi köhöikñan timbi liñgipñambuk miri gölmeñi galöm meiga sukinapñan mönö kahaimök ahöma. ²²Mewö ahömapmö, azi köhöikñi kötökñan luhuba kaba qeba luhut al wañgiba timbi liñgipñi nariyöhi, mi körek wañgita qezanña sukinapñi memba anda alaurupñi menden eñgima.

²³“Kunñan nömbuk qahö maljawi, yañon mönö qetal niñgimakza. Kunñan ambazip nöñgö qetne tokomegöra qahö öröm eñgimakzawi, yañon mönö menden eñgimakza.” Mewö.

Öme yeñon azi uruñe liliñgöbingö kapan kölje.

Mat 12.43-45

²⁴“Ömenöñ azi uruñeyök kota gölme qararañkölkölñe anda lañ liliköba mala luhut memangö miri jaruba kun qahö miwikñaiba ölan yöhöiga kewö jima, ‘Mirini mosöta kazali, miañgöreñ mönö kunbuk liliñgömam.’ ²⁵Mewö jiba liliñgöba miriñi usuñda meñölöi ahöyöhi, mi mewöñanök

^v 11.15 Mat 9.34; 10.25 ^w 11.16 Mat 12.38; 16.1; Mak 8.11 ^x 11.19 Nanñini sile galömurupñinan Anutugö qetñi qeta töndup öme mi Katakömulatkö kukösumnöñ közöl eñgigetka nöñon mi Anutugö ösumnöñ közöl eñgimakzal. Örorön qahö kinjinangöra dañon ölni aka dañon keu muneñi wuatanğömakzawi, mi ambazipnöñ kewöta jim teköme.
^y 11.23 Mak 9.40

ahöi miwikñajima. ²⁶Mewö miwikñajiba anda öme tosatñi 7 enġuañgitma. Öme 7 mi nanñi oñgita bölöñi kötökñi akze. Yañön mi enġuañgiriga kaba miri mi öñgöba miañgö uruñe malme. Mewö aiga azi miañgö könanñi mutuk kileñkileñ ahökmö, könanġep bölüm qölim teköma.” Mewö.

Denike yeñön simbawoñ akze?

²⁷Jisösnöñ keu mewö jiba mali ambazip kambu sutñineyök ambi kunñan qeta Jisös kewö jii mörök, “Gömokni, ambinöñ gölöm ala gömimba juzu gumohom gihiyöhi, nöñön yañgö mötpi simbawoñ akza.” ²⁸Mewö jiyökmö, Jisösnöñ kewö melenñök, “Mi jizanmö, nöñön kewö jimam: Ambazip Anutugö keugöra kezap ala möta tem köla köl gulimakzei, yeñön mönö simbawoñ akze.” Mewö.

Böhi tosatñan añgöletotköra kapañ köla uletket.

Mak 8.11-12; Mat 12.38-42

²⁹^zAmbazip kambunöñ tokogetka qariiga Jisösnöñ toroqeba keu kewö jiyök, “Ambazip merak gölmenöñ maljei, mi kambu bölöña. Yeñön Anutugö aiwesökñanġöra kapañ kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al enġima. ³⁰“Keu miañgö könanñi kewö: Anutunöñ mönöwök Jona melaiiga Niniwe yeñgö sutñine anda Anutugö aiwesökñi ahök. Miañgö dop Suep gölmegö azi ölñan mewöyök ambazip kambu kianġö sutñine asuħuba uruñini melenmegöra kuñgum enġiba aiwesökñina akña.

³¹^b“Könañamñinañgö kaisösöpñi kun kewö: Anutunöñ mönöwök mötkutukutu öñgöñgöñi ketañi mi kiñ Solomon wañgiiga Saut görökenök kantri kungö qin ambinöñ Solomongö mötkutukutuñi mötmamgö sihimñi mörök. Sihimñi möta gölme gorañeyök wahöta köna köröp tiñtiñi kaba mala Solomongö mötmötñi mörök. Mi mörökmö, mötket, nalö kewöñe nöñön sutñine asuħuba kinda Anutugöreñ mötkutukutu öñgöñgöñi memba kazali, mi Solomongö mötkutukutuñi oñgitza. Oñgitzapmö, iñini töndup nesampurek ak niñgiba tönpin kingetka qahö dop kölja.

“Miañgöra Anutunöñ könanġep ambazip körek pakpak öröm enġii keuñini jim tekömapköra jeñe añgotmei, nalö miañgöreñ Saut kantrigö qin ambi miañön mönö mewöyök añgotma. Yañön ambazip kambu ki kinjei, embuk öröröñ kömupnöñök wahöta enġö qöhöröñine mohotje kinma. Mohotje kinda keu kewö enġö sileñine alma, ‘Iñini Jisös nesampurek ak wañgigetka Anutunöñ likepñi meleñ enġii sihimbölö öñgöñgöñi mötme.’ Yañön mewö jiiga silikñi kewöta nanñinañgöra gamuñini mötme.

^z 11.29 Mat 16.4; Mak 8.12 ^a 11.30 Jona 3.4 ^b 11.31 1 Kiñ 10.1-10; 2 Hist 9.1-12

³² “Jonanöŋ Niniwe ambazip sutŋine anda Anutugö keunöŋ uruŋini kuŋgui möta miaŋgöreŋök uruŋini melengetmö, mötket, nöŋön sutŋine asuhuba kinda Jonagö ahakmemerŋi oŋgita ahakzal. Mewö ahakzalmö, iŋini töndup nesampurek ak niŋgimakze.

Miaŋgöra Niniwe ambazipnöŋ jimtekötekögö nalö ketaje ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinme. Mohotŋe kinda Niniwe yeŋön keu kewö eŋgö silenine alme, ‘Iŋini Suep gölmegö azi ölni nesampurek ak waŋgigetka Anutunöŋ likeŋŋi melen eŋgii sihimbölö öŋgöŋgöŋi mötme.’ Niniwe yeŋön mewö jigetka ahakmemerŋinan nanŋini könaŋamŋini indelgetka gamuŋini mötme.” Mewö.

Kiwa mi asakŋi neŋgimapköra ahöza.

Mat 5.15; 6.22-23; Mak 4.21-23

³³ ^d “Kunŋan lambe me kiwa ohotiriba köwe waŋgömŋe me kimbutnöŋ qahö almappmö, mi mönö miaŋgö dum tatatnöŋ alma. Mewö ali tosatŋan miri uruŋe öŋgöbingö mötzei, yeŋön miaŋgö asakŋi eka ölop öŋgöme.

³⁴ Göhö jegi mi uru silegahö kiwaŋi akza. Miaŋgöra kawöl kunöŋ jegi qahö mem böliza ewö, miaŋön mönö tohoba asarim teköi Anutugö asakŋan ölop uruge mem asariiga malmalgi pakpak asakŋe malman. Asakŋe malmanmö, sihim kömbönaŋi bölöŋan me yuai kunŋan jegi mem böliha asakŋi közambötza ewö, miaŋön silegö malmalgi mewöyök mem söŋauiga pandaman uruŋe jipjap malman.

³⁵ “Mewö aiga mötnöŋ, söŋaupnöŋ urugahö asakŋi közamböri söŋaubapüköra mönö tihitki möta galöm mem aŋguman. ³⁶ Mewö aknöŋga Anutugö asakŋan urugi körek dop köli waŋgömŋi kun qahö söŋauza ewö, göhö silegan mönö mewöyök asoŋ-kilik-kilikŋambuk aka jemesoholgan asariza. Kiwa ketanŋan silege kuŋguba kölköl-bilikbilikŋambuk mem asarim gihizawi, malmalgi mönö miaŋgö dop Anutugö asakŋe al teköba malman.” Mewö.

Urumelenöŋ silesile tandököra ‘Yei!’ jiiga 6 ahök.

Mat 23.1-36; Mak 12.38-40; Luk 20.45-47

³⁷ Jisösnöŋ keu mi jim teköi Farisi (Köna keugö kapaŋkölköl) azi kunöŋ kewö jiba köl öröm waŋgiyök, “Gi ölop nöŋgö mire öŋgöba tata nene nembin.” Mewö jiiga anda öŋgöba nene nemamgö tarök. ³⁸ Mutuk böröŋi qahö saŋgoŋda eta tarökmö, Farisi azinöŋ silik mi eka welipköyök. ³⁹ Welipköiga Kembunöŋ kewö jii mörök, “O Farisi iŋini mönö ölna amöt qem aŋgubingöra qambi aka al nenegö silenŋi saŋgoŋ yakömakzemö, nanŋini uruŋinan mönö tölohoza. Mi dogo jimamoŋ aka qewöloŋ miaŋön kokolak qei malje.

^c 11.32 Jona 3.5 ^d 11.33 Mat 5.15; Mak 4.21; Luk 8.16

40 “O injini, uruŋini qahö. Kunöŋ sileŋi pakpak miwikŋaiyöhi, yaŋön mönö uruŋi mewöyök miwikŋaiyök me qahö? Injini mönö wuanöŋgöra uru likepŋaŋgöra taŋqaŋ akze? Mi qahö dop kölja. 41 Miangöra yuai kiwi al nenenöŋ tatzawi, mi mönö kalema ambazip wanapŋi engime. Mewö aketka Anutunöŋ amöt qem engii engöreŋ yuai pakpak mönö sarakŋi ahöma.” Mewö.

42 “O Farisi ambazip, lömböt qakŋine öŋgözawaŋgöra mönö wölkiköba ‘Yei!’ jizal. Injini nene pakpak mendeŋda bahöŋi 10 miangöreŋök mohot Anutugö buŋaya qemakze. Gipŋi, supe aka yöha könaŋi könaŋi mi mewöyök meŋdeŋda tenöhök mohot mi Anutugö buŋa qemakze. Naluk mi törörök alakzemö, Köna keugö kötŋi bohonŋi ki mönö oŋgita mosörakze: Gi Anutu uru könömŋan jöpaköm waŋgiman aka ambazip sutŋine ahakmeme diŋdiŋi wuatangöba malman. Keu bohonŋi mi mönö kapaŋ köla wuatangöba malme aka keu morömorö mi mewöyök kude oŋgita mosötme.

43 “O Farisi, lömböt qakŋine öŋgözawaŋgöra mönö wölkiköba ‘Yei!’ jizal. Injini köuluk mire dum tatat mutukŋe jegep tatpingö sihimŋi mörakze. Maketnöŋ me könanöŋ ambazip engeketa jölöŋini jimegö mörakze. 44 O injini, lömböt qakŋine öŋgözawaŋgöra wölkiköba ‘Yei!’ jizal. Injini qaksiri qetŋini qahö miangö dop akze. Ambazipnöŋ qamöt wöröŋŋambuk denike ahözawi, mi qahö möta qakŋine laŋlaŋ tiba yuai döŋqizinŋambuk oseiba tölohomaŋke.” Mewö.

45 Jisösnöŋ keu mewö jiiga Köna keugö böhi yeŋgöreŋök kunŋan möta melenŋda kewö jiyök, “Böhi, gi keu mewö jiba nini mewöyök gamu qem neŋgizan.”

46 Mewö jiyökmö, Jisösnöŋ keu kewö jiyök, “O Köna keugö böhi, engö qakŋine mewöyök lömböt öŋgözawaŋgöra wölkiköba ‘Yei!’ jizal. Injini keuŋi keuŋi jim kutuba miangö köŋjöŋ lömbötŋi ambazip qakŋine alagun algetka mi tem kölbिंगö lömböriiga jaraŋbaraŋ ahakzemö, nanŋinak i kesötŋinan borom kun bauköm engibingö wösömötötŋini kun qahö ahöza.

47 “O injini, lömböt qakŋine öŋgözawaŋgöra mönö wölkiköba ‘Yei!’ jizal. Injini kezapqetok ambazip yeŋgö qaksirinöŋ simen kouw memba meŋölömakzemö, nanŋini ambösakonŋinan mönö i enguget kömuget. 48 Nanŋini ambösakonŋinan kezapqetok ambazip enguget kömugetka injini yeŋgö qaksiriŋine kouw memba simen alakze. Mewö aka mianjön ambösakonŋini yeŋgö ahakmemegöra imbi köla keuŋini naŋgöba jiba dangunu ewö kinje.

49 “Miangöra Anutu, mötkutukutu Toŋi yaŋön kewö jiza, ‘Nöŋön kezapqetok ambazip aka aposol melaim engibi engöreŋ kame. Kagetka

© 11.42 Lew 27.30

yeŋgöreŋök tosatŋi i enġuget kömume aka tosatŋi sesewerowero ak enġime.’

⁵⁰“Anutunöŋ Suep gölme miwikŋaim etkiyöhi, nalö miangöreŋök könahiba kezapqetok ambazip enġugetka sepŋini mokoget eri, miangö sep kitipŋi pakpak mi ambazip merak maljei, mönö enġö qakŋine öŋgöi sihimbölä mötme. ⁵¹fAbelgö sepŋan eri miangöreŋök könahiba enġuba kota mala Zekaraia jöwöwöl alta aka jöwöwöl jike kömbukŋi mietkö sutŋire qeget sepŋi eri miangöreŋ teköyök. Nöŋön keu kewö jibi mötme: Sepŋinaŋgö kitipŋan mönö ambazip merak maljei, enġö qakŋine öŋgöiga sihimbölä mötme.

⁵²“O Köna keugö böhi iŋini, lömböt qakŋine öŋgözawaŋgöra mönö wölziköba ‘Yei!’ jizal. Iŋini Anutugö mötmöt membingö naŋgu ki moröŋi mi ambazip enġuaŋgita aŋgön köl enġimakze. Nanŋinak miangö uruŋe qahö aŋgotket aka tosatŋan miangö uruŋe aŋgotpingö akzei, iŋini i jöhöba aŋgön köl enġiba malget.”

⁵³Jisösnöŋ keu mewö jiba mosöta ani Köna keugö böhi aka Farisi yeŋön könahiba keu könöpŋambuk jim waŋgiba keu könaŋi könaŋi jimapkö qeqesi gwötpuk al waŋgiget. ⁵⁴Al waŋgigetka numbuŋeyök keu kun qiwitipköiga miaŋön köpeiba keugö bötaknöŋ örömapköra mönöget. Mewö.

Urumeleŋgö silesile malmalgö galöm meme keu

Mat 10.26-27

12 ¹Jisösnöŋ keuŋi jiiga nalö sutŋe miangöreŋ ambazip tausenŋi tausenŋi yaŋgöreŋ tokoba öläqölököba utakutal aŋguba kinget. Mewö aka kingetka könahiba gwarekurupŋi kewö jii mötket, “Yuai mutukŋi ki: Iŋini mönö Farisi (Köna keugö kapaŋkölköl) yeŋgö urumeleŋgö silesile ahakmemeŋinaŋgöra galömnini meme. Mi wösö kömbukŋi ewö akza. Mi qahö mosötme ewö, miaŋön mönö yist ewö qariba mem bölim enġima.

²h“Ambazipnöŋ yuai önun meget ahözawi, mi pakpak mönö kötulgetka aukŋe ahuma. Mewöŋanök keu asambötket ahözawi, mi pakpak mönö indelgetka möt kutume. ³Miangöra mönö keuŋinaŋgö galöm memba malme. Iŋini keu söŋaupnöŋ ölöŋ jimei, mi mönö asakŋe jigetka mötme. Iŋini miri uruŋe waŋgömŋi kungen saŋepnöŋ kezapŋine jimei, mi sobemnöŋ aukŋe jim asarime.” Mewö.

Dagöra keŋgötnini mörin dop kölma.

Mat 10.28-31

⁴“Alaurupni nöŋön enġöra kewö jibi mötme: Tosatŋan sileŋini qem kömumba miangö andöŋe yuai kun toroqeba akingö osimei, yeŋgöra

^f 11.51 Jen 4.8; 2 Hist 24.20-21 ^g 12.1 Mat 16.6; Mak 8.15 ^h 12.2 Mak 4.22; Luk 8.17

mönö keŋgötŋini kude möta malme. ⁵Mi qahöpmö, dagöra keŋgötŋini mötketka dop kölmawi, nöŋön mi kondel eŋgimam. Kun daŋön kukösum memba eŋgui kömugetka tötal eŋgii könöp sianöŋ gemei, yaŋgöra mönö keŋgötŋini möta malme. Eŋgöra keu mi kunbuk jizal: yaŋgöra mönö keŋgötŋini möta malme!

⁶“Tosatŋan bekösöm (jöpöröm, ulisit) 5 mi toiya yahötŋan söŋgöröŋi memegöra alakzemö, Anutunöŋ miengöreŋök mohok-kungö qahö ölum qeyök. ⁷Anutunöŋ köyan köl eŋgiba nörop jupŋini pakpak mewöyök oyon teköba jaŋgöŋini mötza. Ambazip eŋgö söŋgöröŋini mi bekösöm ulisit gwötŋuk eŋgongita öŋgöŋgöŋi akza. Miangöra keŋgötŋini mönö kude möta malme.” Mewö.

Kraist jim miwikŋaime me qaŋ kölme?

Mat 10.32-33; 12.32; 10.19-20

⁸“Nöŋön keu kun jibi mötket: Kunŋan ni ambazip jeŋine jim miwikŋaim niŋgimawi, Suep gölmegö azi öŋan mönö mewöŋanök i Anutugö garataurup yeŋgö jeŋine jim miwikŋaime. ⁹Mewömmö, kunŋan ni ambazip jeŋine qaŋ köl niŋgimawi, nöŋön mönö mewöŋanök i Anutugö garataurup yeŋgö jeŋine qaŋ kölmam.

¹⁰ⁱ“Kunŋan Suep gölmegö azi öŋŋi qetala keu jimawi, Anutunöŋ mi ölop mosötmapmö, kunŋan Uŋa Töröŋi ilita mepaqepaik akŋawi, yaŋgö siŋgisöndokŋi mi Anutunöŋ qahö mosötma.

¹¹^j“Ambazipnöŋ iŋini öröba keu jakeŋine al eŋgigetka köuluk miriŋine me kiap premiö aka kantriŋi kantriŋi miengö kiŋ kembu yeŋgö jemesoholŋine kinmei, nalö miangöreŋ keuŋinaŋgö likeŋŋi wani keuya denöwö jibinak miangö waimaŋjatŋi kude mötme. ¹²Mi kewögöra: Iŋini keu jimei, mi Uŋa Töröŋan aua miangöreŋök kusum eŋgiiga jime.” Mewö.

Nepaqepalok azi pomŋaŋgö dopkeu

¹³Ambazip kambu sutŋineyök azi kunŋan Jisösgö jiyök, “Böhi, iwiniran kömuiga gi mönö datnaŋgö jinöŋga iwiniraŋgöreŋ börösamotŋi mendeŋda niŋgima.”

¹⁴Mewö jiyökmö, Jisösnöŋ kewö meleŋ waŋgiyök, “O azi, daŋön etkö jimtekötekö toŋiri akŋamgöra kuŋgum niŋgiyöha gölmeŋiri mendeŋbileŋak?” ¹⁵Mewö jiba keu kewö toroqeyök, “Inap ainemalukuŋinan awamŋanök me keleŋmaleleŋ ahöbawak, malmalŋinaŋgö könaŋi mi miangöreŋ qahö ahöza. Malmalŋini qahö kewöta moneŋ sukinapnöŋ möndöme ewö, mönö ayuhume. Miangöra membagan membingö nepaqepalok (gridi) pakpaköra mönö galömnjini memba malme.”

ⁱ 12.10 Mat 12.32; Mak 3.29 ^j 12.11-12 Mat 10.19-20; Mak 13.11; Luk 21.14-15

¹⁶Mewö jiba dopkeu kun kewö jii mötket, “Azi pomŋi kun malök. Yaŋön gölmeŋe nene nupŋi meiga töhötmörïam ketaŋi asuhuyök. ¹⁷Mi asuhuiga uruŋan kewö mötmörïba jiyök, ‘Nöŋgö köwe mirini mi morörökŋi. Miaŋgöra padi gösöŋi gösöŋi, koŋ kambuŋi kambuŋi, sehöŋ böranŋi böranŋi mi mönö denikeaŋgöreŋ tokobilenak? Mönö denöwö akŋamto?’ ¹⁸Mewö jiba jiyök, ‘Mönö kewö akŋam: Ni köwe mirini köndeŋda salupŋe köwe miri ketaŋi ketaŋi memam. Mi memba nene töhötmörïamni aka sukinapni pakpak mönö miaŋgöreŋ qezaköbi tatma. ¹⁹Miaŋgöreŋ tariga nananŋöra kewö jimam: O gi simbawoŋ! Töhötmörïamgi mönö awamŋi qahö ahöm gihiza. Miaŋgöra mönö nene nem söŋgaiba yambuŋi yambuŋi siyoŋsayoŋi qahö luhut memba ösöŋ malman.’ ²⁰Mewö jiyökmö, Anutunöŋ kewö jii mörök, ‘O gi, urugi qahö! Nöŋön nalögi ala jim teköba uŋagi suŋgem kiaŋgöreŋök goaŋgitpiga kömuman. Kömunöŋga öroyuai pakpak buŋa qem aŋguba malnöŋi, mi mönö dagö buŋaya akŋapto?’

²¹“Kunŋan nanŋanŋöra ainemaluku guli dötnam yuai tokomakzapmö, Anutugö qöhöröŋe urugö töhötmörïamŋi qahö ahöm waŋgizawi, yaŋgöra mönö lömböt ketaŋi mewö asuhuma.” Mewö.

Anutu möt nariba waimanjat kude akŋe.

Mat 6.25-34

²²Jisösnöŋ gwarekurupŋi kewö jii mötket, “Mewö asuhumapmö, nöŋön eŋgöra kewö jibi mötket: Iŋini gölmenöŋ malmeaŋgö waimanjatŋi mi kewö jiba kude akŋe: Nini mönö wanat yuainöŋ gumohom aŋgubinak aka wanatnöŋ sileninaŋgö löŋgötpinak? ²³Sileŋinambuk maljei, miaŋön bohonŋi aiga opo kereŋnöŋ mönö miaŋgö nembö bapŋe ahöza. Jeŋinambuk maljei, miaŋön bohonŋi aiga nenenöŋ mönö miaŋgö nembö bapŋe ahöza.

²⁴“Mönö koekoe nei eŋgekŋe: Mienöŋ nene kötŋi qahö qesiŋ gilakze. Padi ölni qahö yandiba köwe miriŋine qahö tokomakze. Yöha sihiŋini mi qeköm nembu mirinöŋ qahö alakze aka Anutunöŋ mi töndup i gumohom eŋgimakza. Ambazip eŋgö söŋgöröŋini mi nei söŋgöröŋini eŋgoŋgita öŋgöba ahöza. Mönö mi mötmöriget anök.

²⁵“Eŋgöreŋök kunŋan waimanjat aka mewö miaŋön gölmenöŋ malmawaŋgö nalöŋi mi sömaŋi mohotkö dop mem toroqema me qahö? Mi qahöpmahöp!^k

²⁶“Mewö aiga yuai morörökŋi mewö akingö osime ewö, yuai tosatŋi pakpaköra mönö denöwögöra waimanjat akeak? ²⁷Iŋini mönö jariŋ juraŋi aködämunŋinambuk mi eŋgekŋe: Mienöŋ opo söröŋinaŋgöra möt

^k 12.25 Tosatŋan kewö melaŋda jize: Eŋgöreŋök kunŋan waimanjat aka mewö miaŋön sileŋi wan fitkö dop toroqeba mem körimaŋgö osima. ¹ 12.27 1 Kiŋ 10.4-7; 2 Hist 9.3-6

qahö loŋgalakze. Nup yuai tosatŋi kun qahö memakze aka mi töndup kewö jibi mötket: Kiŋ Solomonöŋ goul silwöŋi qeraköba malukuŋi asoŋ-bilibilikŋambuk löŋgöta malökmö, yaŋgö malukuŋi mi kiteŋ soranŋiŋgö dop eksihimŋambuk qahö ahöyök.

²⁸“Jariŋ juranŋi töhöŋ mi merak gölmenöŋ kösutnine ahöi uran kölgetka eri gila qezaköba ohoget jema. Mi töndup Anutunöŋ juranŋi mewöŋi kun mi tok ölöŋŋanök meŋölömakza. Mianŋgöra yaŋön iŋini mewöyök ölop esuhum eŋgima. Iŋini jariŋ juranŋi mianŋgö dop qahö akze. Anutunöŋ köyan köl eŋgimamgö mötzawi, sihimŋi mianŋön mönö yuai pakpak eŋgongita öŋgöza. O ambazip, mötnariŋŋinan mönö wuanöŋgöra morörökŋi akza?

²⁹“Mewö aiga iŋini mewöyök malmalŋinanŋgöra mötkurumkurum kude akŋe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruŋini mianŋgöreŋ kude ala urueret aka urukönöpuk miwikŋaibepuk. ³⁰Kantri dop urumelengö kopa yeŋön yuai mewöŋi pakpak buŋa qem aŋgubingö kapaŋ köla urukönöp ahakze. Mi ahakzemö, iŋini nene opo yuaigöra mözöröŋgöba osizei, Iwiŋinan mönö mi möt teköza. ³¹Mianŋgö urukönöp kude akŋemö, mönö Anutugö bemtohoŋnöŋ aŋgotpingö kapaŋ kölme. Uruŋini mianŋgöreŋ alget ahöiga yaŋön mönö galöm köl eŋgiba yuai mewöŋi mi mewöŋanök toroqem eŋgima.” Mewö.

Buŋanini Suepnöŋ me gölmenöŋ tokoinga dop kölja?

Mat 6.19-21

³²“O kambuni morörökŋi, Iwiŋinan bemtohoŋ al eŋgimamgö mötzawaŋgöra mönö keŋgötŋini kude möta malme. ³³Gölmegö moneŋ inapŋi mi kapaŋ köla qeraköbepuk. Mianŋgöra yuai ahöm eŋgizawi, mi mönö söŋgöröŋaŋgö ala moneŋ öröba bahöŋi ambazip wanapŋi kalemŋinanŋgöra eŋgime. Mewö aketka qetbuŋanŋini guli dötnam ewö mi Suep mire ahöba sehiba kude qahöwakŋa. Moneŋ gösöŋini qainŋi kun mi Suep mianŋgöreŋ qahö bölime. Gurem jijilukut aka yoŋgorö meme yeŋön mönö eu öŋgöba yuai mem bölibingö osime.

³⁴“Yuaigöra aködamunŋi memba mötnöŋ öŋgözawi, mianŋön miri kungen ahöiga göŋön mönö urugi mewöyök mianŋgöreŋ qekötahöba malman.” Mewö.

Urugwölö mala nup megetka dop kölma.

³⁵“Iŋini mönö Anutugö nupŋi membingöra jöjöröba opo söroŋini jöhöm yaköba aködamunŋinambuk kinda uruŋinanŋgö kiwaŋan ohotirigetka jeiga malme. ³⁶“Mi kianŋö dop: Miri tonŋi kun mi ambazip

^m 12.35 Mat 25.1-13 ⁿ 12.36 Mak 13.34-36

amemegö lömbuanñöñ kaba söñgaibingöra öröm wanjigetka anök. Mianğöreñ ani moröurupñan mire tata lilingömapköra jeñinan yaigep uba 'Kiñsiñ-pañsañ!' jiba kapañ köla mambötze. Mamböta malgetka yañön nalö mianğöreñ me mianğöreñ kañgota nañgunöñ qebawak, yeñön mönö mianğöreñök nañgu örögetka kotma. Injini mönö morö miengö dop aka jöjöröba malme.

³⁷“Kembunöñ lilingöba kaiga nup memeurupñi tosatñan urugwölö malgetka mewö miwikñaim engimawi, yeñön mönö simbawoñ akze. Nöñön ölña kewö jibi mötket: Yañön kañgota tokom engiba nene dumnöñ ali tatketka nene gumohom engimamgö jöjöröm añguba welen qem engima. ³⁸Yañön ömbibiñe me miri awörañgöiga mianğöreñ lilingöi tosatñan urugwölö malgetka miwikñaim engimawi, yeñön mönö simbawoñ akze.

³⁹“Gwölö malbingö keu ki mönö ölop mötmörime: Sunğem aiga kegwek azinöñ wanat nalönöñ me auanöñ kamawi, miri toñan mi mötpawak ewö, yañön mönö gwölö mala miriñi ölop galöm meiga qesiñda öngömamgö osima. ⁴⁰Injini ‘Suep gölmegö azi ölñan nalö kianğöreñ qahö kañgotma,’ jiba mötmörime, yañön mönö nalö mianğöreñök kañgotma. Mianğöra injini mewöyök jöjöröba malme.” Mewö.

Nup azinöñ silekmalek mala ayuhuyök.

Mat 24.45-51

⁴¹Jisösnöñ keu mewö jii Pitönöñ qesiyök, “Kembu, gi dopkeu ki mi neñgöra me ambazip tosatñi pakpak yeñgöra mohok jizan?”

⁴²Mewö qesii Kembunöñ jiyök, “Nup meme ambazip sutñine dañön tiñ kutuba tosatñi engoñgitza? Tosatñan söörauba nup mosötketka kunñan mötkutukutu ölopñangö qakñe kapañ köla pöndañ memakzawi, yañön mönö simbawoñ akza. Miri toñan ahakmemeñi kewöta eka kungen anda miriñangö öroyuaiñi mi yañgö böröñe ali galöm aña. Galöm aka welenqeçeurupñi jiyöhanğö dop köyan köla nalö diñdiñe gumohom engimakña. ⁴³Mewö köyan köl engiba maliga toñan lilingöba kaba mewö eka mönö simbawoñ jima.

⁴⁴“Nöñön keu ölñi kun kewö jibi mötket: Toñan simbawoñ jiba sukinapñi pakpakö galömñi kuñgum wanğima. ⁴⁵Kuñgum wanğimapmö, nup meme okonñi yañön uruñan mötmöriba kewö jima ewö, ‘Kembunangö kaka nalöñan mönö köröpñi ahöza.’ Mewö jiba könahiba nup meme ambazipurupñi engum ureiba közölömbuan ala söñgaiba o köhöikñi nemba uruñi sohoiga eñololoñ silekmalek aka malma.

⁴⁶Mewö mala nalö kunöñ Kembunñi kañgotmapköra qahö mambötmawi,

° 12.39-40 Mat 24.43-44

mönö miangörej kaŋgotma. Nalögöra ikmaok iŋululuŋ mali mönö aua miangörej kaŋgota qeba yaijapaleleŋ mem waŋgiba jim kutuiga qegetal ambazip ewö könöp sianön geba sihimbölö mötma.

47“Nup meme kunŋan Kembuŋaŋgö jitsihitŋi möt yaköyökmö, keu areŋi jiyöhaŋgö dop qahö jöjöröm aŋguba nupŋi memba malöhi, Kembuŋan miangö likepŋi jiiga jöhöba ihileknön ambemŋi gwötpuk qeaköba qeme. 48Mewö qememö, nup meme azi kunŋan Kembuŋaŋgö jitsihitŋi qahö möt yaköba yuai aka meiga likepŋi ölop jiget ihileknön qemeaŋgö dop akzawi, Kembunön miangö likepŋi jiiga amqeqeŋi qeme. Anutunön kungöra yuai gwötpuk waŋgiyöhi, yaŋön mönö mi mem sehiiga ölni gwötpuk ahumapköra al mambötma. Anutunön kungöra yuaigö warökŋi sehisehiŋi al waŋgiyöhi, yaŋön mönö mi mem sehiiga ölni sehisehiŋi ahui meleŋ waŋgimapköra qesima.” Mewö.

Jisösnön könöp bölam memba eri deŋnök.

Mat 10.34-36

49“Nöŋön gölmenön könöp ala ubi jemapköra etpiga urusihimni miangö bölamŋan lök jeyöhaŋgöra ahöza. 50^PAhözapmö, mi ‘Ala umam,’ jibi sihimbölö gwötpuk mi nöŋgö qakne öŋgöba mösölumgöm niŋgimamgö akŋa. Anutunön mewö miangön melun murutŋi mem niŋgima. O ni wahöjalin ketanŋi möta malbi mem niŋgii miangörej teköma. 51Kewö mötmöribepuk: Jisösnön luai qemamgöra aka gölmenön erök. Nöŋön kewö jibi mötket: Nöŋön luai qemamgöra qahöpmö, nöŋgöra aka jula deŋgetka köŋ jabö ahuma.

52“Mi kewögöra jizal: Nöŋgö Buŋa keunan ambazip uruŋini kuŋgui melengerangöra nalö kewöneyök könahiba kewö asuhuma: Miri kungö uruŋe ambazip 5 yeŋön sutŋine aŋgururuk aka julme. Likep karöbut yeŋön yahöt yetpuk aŋgururuk aketka likep yahöt yetkön karöbut yembuk jujul aka malme. 53^IIwi morö yetkön jula kerök-kerök ahotka nam morö yetkön tötal aŋguyohotka iranŋan iranŋi qetala julmahot.” Mewö.

Nalö maljini, mi möt kewötme.

Mat 16.2-3

54Jisösnön toroqeba ambazip kambu yeŋgöra kewö jii mötket, “Wehön gegeŋe miri böuleiba kousu töwiiga iŋini mi eka miangörejök ‘Kie kama,’ jimakze. Mewö jigetka kama. 55Saut görökenök luhut giliga eka möta kewö jimakze, ‘Miri könöpŋambuk akŋa.’ Jigetka miangö dop akŋa. 56O urumeleŋgö silesile ambazip, iŋini suep gölmegeg tandökŋiri eka kie wehögö könaŋiri ölop kewörakzemö, nalö ki maljini, miangö könaŋi qahö kewöta möt kutugetka qahö dop kölja.” Mewö.

^P 12.50 Mak 10.38 ^Q 12.53 Mai 7.6

Anggururukɲini mindiŋgögetka solanima.

Mat 5.25-26

57“İɲini ‘Yuai diɲdiɲi mi denöwö akin,’ jiba miangö könaɲi mi denöwögöra aka nanɲinak qahö kewöta jim tekömakze? Mi qahö dop kölja. 58Kerökan silege ala keu jakeɲe öröm gihimamgö aiga jimtekötekö galömgöreɲ anda köna namɲe miangöreɲ mönö kapan köla imbi mohok aka keuɲiri jim solanimahot. Mewö qahö akɲahot ewö, kerökan ölop örörahöm gihiiga (jas, majistreit) jimtekötekö toɲangö jeɲe aɲgotnöɲga möta jii opotöröpkö böröɲe genöɲga kösö mire al gihibapuk. 59Nöɲön kewö jibi mötnöɲ, Gi miangöreɲ töwagi pakpak almanangö dop qaköba tatman. Toiyagi kondikɲi mewöyök al teköbagun mönö töwagi memba etman.” Mewö.

Uruɲini meleɲget me kömumba ayuhuget.

13 1Nalö miangöreɲök tosatɲan kaɲgota Jisös kösohot kewö jiget mörök, “Galili ambazip tosatɲan Jerusalem jikenöɲ jöwöwöl ohogetka premiö Pailötnöɲ jiiga suahö galömurupɲan miangöreɲ öɲgöba eɲgum kömugetka seɲɲini eta lama bulmakau seɲɲinambuk lolonɲalön ahök.”

2Mewö jigetka meleɲda kewö jii mötket, “İɲini miangöra kewö mötmöríbepuk: Galili ambazip mieɲön Galili ambazip tosatɲi pakpak eɲgongita siɲgisöndok aka malgerangöra sihimbölä mi mötket. 3Mewö qahöpmö, nöɲön kewö jibi mötket: İɲini uruɲini qahö meleɲme ewö, iɲini körekɲan mönö mewöyök ayuhum teköme. 4Me miri qetɲi Siloam miangöreɲ miri köröpɲi kunɲan eta köla ambazip 18 turum eɲgii kömugeri, iɲini yeɲgöra kewö mötmöríbepuk: Yeɲön Jerusalem könagesö tosatɲi pakpak eɲgongita siɲgisöndok aka keuɲinambuk malget. 5Qahöpmö, nöɲön kewö jibi mötket: İɲini uruɲini qahö meleɲme ewö, iɲini körekɲan mönö mewöyök ayuhum teköme.” Mewö.

Muli ip gorosonɲangö dopkeu

6Jisösnöɲ dopkeu kun kewö jiyök, “Azi kunɲan muli ip kömöri nupɲe kota kini miangö ölni jarumamgö anökmö, kun qahö miwikɲaiyök. 7Qahö miwikɲaiba nup galömnangöra jiyök, ‘Mötnöɲ, nöɲön muli ip kiaɲgö ölni yambu (yara) karöbutkö dop kaba jaruyalmö, kun qahö miwikɲaial. Miangöra mi mönö wuanöngöra toroqeba gölmegö kelökɲi önewat öroi sihitɲanök akapuk. Miangöra mi mönö köla gilnöɲ anma.’ 8Toɲan mewö jiyökmö, galömnöɲ meleɲda jii mörök, ‘O azi kembuni, mi ölop mosötnöɲga yambu (yara) ki kunbuk kinma. Nöɲön nalö sutɲe kiaɲgöreɲ kinöɲnöɲ gölme esiba kundupköba isonɲbason ala liliköbi kelökɲambuk akɲa. 9Nöɲön mewö akiga yambu (yara) andöɲe miangö ölni ölop ahubawak. Mi qahö ahuma ewö, mi ölop kölman.’ ” Mewö.

Jisösnöŋ Sabat kendonöŋ ambi kun mem ölöwahök.

¹⁰ Jisösnöŋ Sabat kendonöŋ köuluk miri kunöŋ öngöba Buŋa keu kusum eŋgiyök. ¹¹ Mianğöreŋ ambi kun tarök. Ömenöŋ yambu (yara) 18 mianğö dop mem löwörim waŋgiiga könisemŋi milipköiga qötöteimamgö osiba tata malök. ¹² Jisösnöŋ ambi mi eka oholi kaiga kewö jii mörök, “Ambi, eksekpeksek kawölgan mönö gömosöri ölöwakzan.” ¹³ Mewö jiba böröŋi nööröŋe ali mianğöreŋök qötöteiba Anutu möpöseim waŋgiyök.

¹⁴ Möpöseim waŋgiyökmö, Jisösnöŋ Sabat kendonöŋ ambi mi mem ölöwahöhi, köuluk mirigö galömŋan mi eka mianğöra möri bölii keu könahiba ambazip kambu yeŋgöra jiyök, “Nup memegö nalö 6 ahözawi, mianğöreŋ mönö kaba mem ölöwak eŋgimapköra jime. Mi Sabat kendonöŋ qahö.”

¹⁵ Mewö jiyökmö, Kembunöŋ melenđa kewö jiyök, “O urumelenğö silesile ambazip! Injini pakpak bulmakau aziŋini me doŋkiŋini mi Sabat kendonöŋ mireyök pösata eŋguaŋgitketka onöŋ anda nemakze me qahö? Eŋgöreŋök kunöŋ mi qahö aŋgön köl eŋgimakza. ¹⁶ Mötket! Ambi kianğön Abrahamgö gwölönaröha aiga Satanöŋ jöhöm waŋgii yambu (yara) köröpŋi 18:gö dop maliga nöŋön kösöŋi mi Sabat kendonöŋ pösatpi dop köl eŋgiza me qahö?” ¹⁷ Mewö jiiga tuarenjoŋurupŋi pakpak yeŋön gamuŋini mötket aka ambazip kambu pakpak yeŋön aŋgöletot wewelipŋambuk meyöhi, mi pakpak eka möta söŋgaiget. Mewö.

Nejoŋ kötŋaŋgö dopkeu

Mat 13.31-32, 34; Mak 4.30-32

¹⁸ Jisösnöŋ dopkeu kun kewö jiyök, “Anutugö bemtohoŋaŋgö könaŋi mi denöwö? Mi wanatpuk dop albileŋak? ¹⁹ Mi nejoŋ kötŋaŋgö dop kewö akza: Azi kunŋan mi memba nupŋe anda esiiga wahöta qariba ip ahök. Ip aiga könakemba neiŋi neiŋi mienöŋ aipŋini ip mianğö böröŋe alget.” Mewö.

Yistkö dopkeu

Mat 13.33

²⁰ Jisösnöŋ dumŋe kunbuk dopkeu kun kewö jiyök, “Anutugö bemtohoŋi mi wanat yuaibuk dop albileŋak? ²¹ Mi yist me flaua mem qariqarigö dop kewö akza: Ambi kunŋan ‘Beret ohomam,’ jiba yist memba flaua könde karöbut mianğöreŋ mindiriba melenqeleŋ aka anda anda tari körekŋanök qariyök.” Mewö.

Mönö naŋgu giwikŋe jaram tiba aŋgotme.

Mat 7.13-14, 21-23

²² Jisösnöŋ anda taonŋi taonŋi aka miriŋi miriŋi mianğöreŋ Buŋa kusum eŋgiba anda mala Jerusalem sitinöŋ göröken anök. ²³ Ani kunŋan kewö qesim

^r 13.14 Eks 20.9-10; Dut 5.13-14

wanjiyök, “Kembu, uruñini melenget Anutunöñ amöt qem engii letotmei, mi ambazip awamdökña me denöwö?” Qesim wanji kewö jii mötket,

24 “Injini mönö nanju giwikñe angotpingö jaram tiba aum-mörime. Nöñön kewö jibi mötket: Ambazip gwötpukñan Anutugö bemtohoñ uruñe angotpingö esapkömömö, mi osime. 25 Könanjep miri toñan wahöta nanju köligun injini nalö miangöreñ könahiba yaigep kinda nanjunöñ qeba kewö jime, ‘Kembu, mönö nanju öröm neñginöñ.’ Mewö jigetka melenja kewö jii mötme, ‘Ni qahö möt engizal. Injini denikegöra, mi qahö mötzal.’ 26 Mewö jiiga injini miangöreñök könahiba kewö jime, ‘Neñön mönö göbuk köisirik tata nene nein. Göñön mönö liliköba neñgö sombemñöñ Buña kusum neñginöñ.’ 27 Mewö jimemö, yañön keu kewö jima, ‘Injini denikeangöra, ni qahö möt engizal. Miangöra kewö jibi mötket: Bölöñji meme pakpak, injini mönö nömosöta kesalget.’

28^{t u} “Kesalgetka miangöreñ Abraham, Aisak, Jeikob aka kezapqetok ambazip pakpak yeñön Anutugö bemtohoñ uruñe kingetka engekñemö, nanñini aköm engigetka yaigep kinme. Könanjini mewö miwikñaiba sahöt gigilahöba irimñini yöhözömgögetka qetñi qeri malme. 29 Ambazipñi ambazipñi mi wehön kotkotñeyök aka geñeyök aka likeplikep Not Saut miangöreñök kaba Anutugö bemtohoññöñ angota dum tatatñini memba nene nem söñgaip aka malme. 30 Mewö malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe.” Mewö.

Kiñ Herodnöñ kiam soñ miangö dop akza.

Mat 23.37-39

31 Nalö miangöreñök Farisi (Köna keugö kapañkölköl) tosatñan Jisösgöreñ kaba kewö jiget, “Kiñ Herodnöñ guhui kömumangö mötza. Miangöra mönö miri ki mosöta anman.”

32 Jigetka kewö melej enjiyök, “Injini mönö arökñangö kiam soñ mi kewö jiget mötma, ‘Mötnöñ! Nöñön merak aka uran ömewöröme enjuatangömam aka kawöl ambazip mem ölöwak enjiba malmam. Anmami, uruwale mönö miangöreñ angota nupni mekömam.’ 33 “Kezapqetok ambazip sehiseñji mi Jerusalem sitinöñ enjugetka kömuget. Miri tosatñe qahö toroqeba enjuget kömumakze, miangö tandöktandök ahöza ekzal. Miangöra nöñön merak aka uran uruwale köna anda malmam. Jerusalem angotpiga nunjuget kömumam ewö, mönö yeñgöreñ aiakanjina mi toroqeba akñe.” Mewö.

Jisösnöñ Jerusalem sitigöra sahörök.

Mat 23.37-39

34 Jisösnöñ jiyök, “O Jerusalem Jerusalem, injini kezapqetok ambazip enjuget kömugetka Anutunöñ ambazip melaim engii engöreñ kamakzei,

^s 13.27 Sum 6.8 ^t 13.28 Mat 22.13; 25.30 ^u 13.28-29 Mat 8.11-12 ^v 13.30 Mat 19.30; 20.16; Mak 10.31

mi kötnöj kumbuköm engimakze. Poi namñan moröurupji ginginji bapje ala köjöhohom engimakzawi, nöjñon mianggö dop nalöñi nalöñi göhö könagösöurupki suhuba tokom engimangö möta malalmö, injini mi tököba mala kotket. ³⁵ *Mötket! ‘Anutunöj mönö jike miriñini andö qeiga sahopñanök ahöma.’ Mewö ahömapmö, nöjñon kewö jibi mötket, injini ni kunbuk qahö neknemö, könangep nalö kun kam kuñgui mianggöreñ neka kewö jime, ‘Kembugö qetje kam neñgizawi, Anutunöj mönö i kötuetaköm wañgima.’ Mewö.”

Jisösnöj kawöl azi kun mem ölöwahök.

14 ¹Jisösnöj Sabat kendon kunöj Farisi (Köna keugö kapañkölköl) yeñgö jitñememe kungö miriñe öngöba nene neyök. Nemba tari tosatñan galöm memba ektiget. ²Mianggöreñ yanggö jemesoholje kawöl azi kun köna böröñi onöj ölököba qarri tarök. ³Jisösnöj i eka könahiba Köna keugö böhi aka Farisi mi qesim engiba kewö jiyök, “Sabat kendonöj azi mem ölöwak wañgiba mewö miangñon Köna keu oñgitpin me qahö?”

⁴Mewö jiyökmö, yeññon göröñ qeba tatket. Tatketka böröñan azi mi misiriba mem ölöwaka melaii anök. ⁵ *Ani kewö jii mötket, “Enggöreñök kungöreñ morö me bulmakau aziñi mi Sabat kendonöj o lömnöñ gema ewö, mi mönö ösumok örögetka kotma. Daññon mi qahö öröi kotpawak?” ⁶Mewö qesim engii mianggö likepñi meleñbingö lömbörriba numbuñini muhungöba böc tatket. Mewö.

Jisösnöj sile mem-öñgö-öñgö mi qetalök.

⁷Farisi (Köna keugö kapañkölköl) azinöñ ambazip nenegöra köc öröm engiyöhi, yeññon dum qaikñe eu meköba tatkeri, Jisösnöj mi eka mianggöra dopkeu kun kewö jii mötket, ⁸ *^y“Kunñan gi amembitkö lömbuanggöreñ köc öröm gihii mianggöreñ anda dum jegenñeyök qahö memba tatman. Mewö akñan ewö, tosatñi köc öröm engiyöhi, yeñgöreñök kunñan gi gongita qetbuñañambuk akapuk.

⁹“Yaññon kañgoriga lömbuanñ toñan göhöreñ kaba kewö jibawak, ‘Gi dum ki mosötnöñga öngöñgöñi yaññon tatma.’ Mewö jima ewö, gi mönö wahöta bapje emu eta dum memba tata gamugi senjombuk mötpanbuk. ¹⁰Mewö qahöpmö, kunöñ köc öröm gihimawi, gi ölop dum siminñe emu anda tatman. Mewö tatnöñga lömbuanñ toñan kota geke jima, ‘Alani, gi ölop kaba dum jegenñe eu anda tatman’. Mewö jiiga göññon ambazip göbuk tata nene nezei, mönö körek yeñgö jeñine qetbuñagabuk akñan. ¹¹ *Mi kewögöra: Nanñini uruñini memba öñgömei, Anutunöj i körek memba et al engima. Kunñan nanñi uruñi memba etmawi, Anutunöj mönö i memba öngöba al wañgima.”

* 13.35 Sum 118.26; Jer 22.5 * 14.5 Mat 12.11 ^y 14.8-10 Qam 25.6-7 ^z 14.11 Mat 23.12; Luk 18.14

¹²Farisi (Köna keugö kapaŋkölköl) azinöŋ ambazip köl öröm eŋgii lömbuaŋnöŋ tatketka Jisösnöŋ lömbuaŋ tonji lilingöba eka kewö jii mörök, “Gi silimgö me suŋgemgö lömbuaŋ kun ohoba miangöreŋ nangi alaurupki me darumunurupki mi kude köl öröm eŋgiman. Tinitosolomurupki me miri kasunŋaŋgö ambazip pomŋi qetbuŋaŋinambuk mi kude köl öröm eŋgiman. Mewöŋi lömbuaŋgöra köl öröm eŋginöŋi, i mewöŋanök köl öröm gihiba tosagi mi meköm gihiget teköma. Mewö akŋan ewö, Anutunöŋ mönö miangö töwaŋi qahö gihima.

¹³“Mewö qahöpmö, lömbuaŋ mözözömgöba ohomani, gi mönö ambazip etqeŋeŋi mia köl öröm eŋgiman. Ambazip wanapŋi, simalokon aka jegömöl akzei, mönö mia engoholnöŋga dop kölma. ¹⁴Mi köl öröm eŋginöŋga yeŋön tosa meköm gihibingö osigetka gi miangöra simbawoŋ aka malman. Tosaŋini mi öne ahöi malnöŋga solanŋi yeŋön kömupnöhök wahötketka nalö miangöreŋ Anutunöŋ nanŋak mi göhöra meköm gihima.” Mewö.

Lömbuaŋ ali möndömöndö keu jiba tököget.

Mat 22.1-10

¹⁵Jisösnöŋ mewö jiiga nene nempa tatket yeŋgöreŋök kunŋan mi möta kewö jii mörök, “Kunöŋ Anutugö bemtohoŋ uruŋe aŋgota nene nempa tatmawi, nöŋön yaŋgöra simbawoŋ jizal.”

¹⁶Mewö jiiga kewö meleŋnök, “Azi kunŋan suŋgemgö lömbuaŋ ketaŋi mözözömgöba ohoba ambazip gwötpuk öröm eŋgiget kamegöra jiyök. ¹⁷Lömbuaŋ nalöŋi kam kuŋgui welenqeŋeŋi kun melaii köl öröm eŋgimamgö jiyöhi, yeŋgöreŋ anda jii mötket, ‘Yuai pakpak lök mözözömgöinga ahöza. Miangöra mönö ölöp kame.’ ¹⁸Jii mötketmö, mi möta yeŋön körekmakörek könahiba yuai tosatŋe möndöba tököget. Mutukŋan jiyök, ‘Ni arö kun söŋgöroŋi mealangöra miangöreŋ anda ekŋamgö mötzal. Miangön jöhöm niŋgiza. Miangöra ölöp anda jinöŋga möta kude möt bölim niŋgima.’ ¹⁹Kunŋan jiyök, ‘Ni bulmakau aziŋi 10 söŋgöroŋini meali, mi kösönöŋ ilikŋine jöhöbi kinöŋ örögetka anda nup esapköba qeba qindipkömam. Miangön jöhöm niŋgizawangöra ölöp jinöŋga möta kude möt bölim niŋgima.’ ²⁰Kunŋan toroqeba kewö jiyök, ‘Ni ambi urandöpki bohonŋi mealangöra kamamgö osizal.’

²¹“Mewö jigetka welenqeŋeŋöŋ lilingöba azi kembuaŋgöra buzup mi jii mörök. Möta uruŋi könöp jeiga welenqeŋeŋi kewö jim kutum waŋgiyök, ‘Gi mönö wölaŋ taongö köna namŋe aka sombemnöŋ anda ambazip etqeŋeŋi, wanapŋi, köna böroŋini titiŋitŋi, jegömöl aka simalokon ambazip mi mönö eŋguaŋitnöŋga lömbuaŋ miri uruŋe ki kame. ²²Jiyöhaŋgö dop ak teköba kaba kewö jiyök, ‘Kembuni, jim kutum niŋgizanaŋgö dop akzalmö, dum tiŋi tok ahöza.’

²³“Mewö jiiga azi kembunöŋ jiyök, ‘Gi mönö könanöŋ aka rowoŋqeŋeŋine anda ambazip tat anjei, mi kapaŋ köla kuŋgum

enjinönğa lömbuaŋ miri uruŋe kaŋgota kokolak qeme. ²⁴Nöŋön kewö jibi mötket: Ambazip mutuk köl öröm engimamgö jiali, yeŋgöreŋök kunŋan kun nöŋgö lömbuaŋnönŋ qahö kaŋgota nempa nahömŋi mötma.’” Mewö.

Jisösgö gwarek malmalgö kõnaŋi

Mat 10.37-38

²⁵Jisösnönŋ ani ambazip kambu ketanŋi yeŋön wuatangöba angetka lilingöba kewö jii mötket, ²⁶“Kunŋan nömbuk kaba malmam jiba ni göragöra al niŋgiba iwinamŋi, anöm-morönŋi, darumunŋi, nenbehötŋi aka nanŋi malmalnŋi mewöyök jegep ala jöpakömakzawi, yaŋön mönö nöŋgö gwarekni akŋamgö osima. ²⁷^bSisitŋini megetka kunŋan ni nuatangöba sihimbölö möta maripomnönŋ kömumamgö qahö jöjörömawi, yaŋön mönö nöŋgö gwarekni akŋamgö osima.

²⁸“Enŋöreŋök kunŋan miri köröpŋi memamgö mötza ewö, yaŋön mönö mutuk eta tata moneŋi miri mem tekömawangö dop akza me qahö, miangö kõnaŋi kewöta ek kutuma. ²⁹Mewö qahö aka miri tandönŋi kömöta mi mem tekömamgö köhököhöiŋi qahö ahöm waŋgiiga mosöri öne kiniga ambazip pakpak mi eka kõnahiba jiji-ilit jiba mepaik waŋgibepuk. ³⁰Mewö ak waŋgiba kewö jibepuk, ‘Azi mi kõnahiba miriŋi meyökmö, mi mem tekömamgö qahö köhöiyök.’ Miangö dop Jisös wuatangöman me qahö, mi törörök kewöta möt kutuman.” Mewö

³¹Jisösnönŋ keu mi toroqeba kewö jiyök, “Mewöyök kiŋ azi kembu kunŋan kiŋ kunbuk arönŋda ‘Bim qemam,’ jiba denöwö akŋa? Yaŋön zilaŋök kerök qahö al waŋgimamö, mutuk jembonurupŋi öröm tokom enŋii tata qambaŋ keu kewö eraum mötme, ‘Nanine aziurupnini 10.000 malŋin aiga likepŋe kerökurupnini mi 20.000 malje. Azi kembuŋinan i enŋuangita kaget enŋeka ölp köhöiba enŋubin me qahöpto?’ ³²‘Qahö köhöibin,’ jime ewö, yaŋön kerök kiŋnönŋ köröwen tariga miangöreŋök jitŋememurupŋi melaim enŋii yaŋgöreŋ anda luai qebingö goro eraum mötme. ³³Mewöyök enŋöreŋök kunŋan yuai pakpak ahöm waŋgizawi, mi jegep almawaŋön mönö nöŋgö gwarekni akŋamgö osima. Miangöra mönö nia jegep al niŋgigetka dop kölma.” Mewö.

Howe nahömŋi qahö mi yuaia omanŋi kötökŋi.

Mat 5.13; Mak 9.50

³⁴“Howe mi ölöpŋi akzapmö, sihimŋi mosötma ewö, mi mönö denöwö möhamgöinga kunbuk sihimŋambuk akawak? ³⁵Nesak omanŋi mi gölme kelökŋambuk akŋapköra tokoba isonbasonŋ alakzinmö, howe nahömŋi qahö mi yuai kungöra qahö dop kölma. Qahö! Mi mönö önewat gölmenönŋ

^a 14.26 Mat 10.37 ^b 14.27 Mat 10.38; 16.24; Mak 8.34; Luk 9.23

gilinga geba öne töhöntöhön ahöma. (Gi mewöjanök nongö gwarekni aka kembangan kutuba nömosötman ewö, mönö yuai omañi akñan.) Kunñan kezapñambuknön malja ewö, yañön mönö keu mi möt kutuma.” Mewö.

Lamanöñ sohöyök, miangö dopkeu

Mat 18.12-14

15 ¹Takis tilipqilip aka megeri aka siñgisöndok ambazip tosatñi mi jesöngöñan Jisösgö Buñani mötpingö kaget. ²Mewö kagetmö, Farisi aka Köna keugö böhi yeñön Jisösgöra uruñinan böliiga irikuruk keu kewö jiget, “Azi miañön siñgisöndok ambazip engimemba yembuk tata nene neza.” ³Mewö jigerangöra Jisösnöñ dopkeu kun kewö jii mötket,

⁴“Engöreñök kungö lamaurupñi 100 malgetka miengöreñök kunñan sohoba jañjuñ aniga toñan denöwö akña? Yañön mönö 99 mi gölme qararañkölkölñe engömosöta anda mohot jañjuñ anöhi, miangö jaruba anda mala miwikñaiiga teköma. ⁵Miwikñaiiba urusösöngai aka awötñe ala kama. ⁶Mire kaba alaurupñi aka tosatñi kösutñe malmei, mi engoholi tokogetka kewö jii mötme, ‘Lamani sohöyöhi, mi lök miwikñaiizalangöra mönö nömbuk söösöngai akin’ ⁷Nöñön kewö jibi mötme: Miangö dop siñgisöndok azi mohotñan uruñi meleñmawi, yañgöra Sup mire söösöngai ketañi asuhuma. Ambazip 99 nanñine jeñine solañi diñdñi aka uruñini meleñbingö qahö möta maljei, yeñgöra söösöngai mewöñi qahö asuhuma.” Mewö.

Moneñ kötni sohöyök, miangö dopkeu

⁸“Mewöyök ambi kunñan silwö moneñ kötni 10 memba maliga miengöreñök mohokñan geba sohoiga denöwö akña? Yañön mönö kiwa ohotiriba kapañ köla miri usuñda jaruma. Jaruba mala miwikñaiiga teköma. ⁹Mi miwikñaiiba ambi alaurupñi aka ambi tosatñi kösutñe maljei, mi engoholi tokogetka kewö jii mötme, ‘Nöngöreñ soujeñi mohotñan sohöyöhi, mi miwikñaiizalangöra mönö nömbuk söösöngai aki.’ ¹⁰Miangö dop nöñön kewö jibi mötme: Siñgisöndok ambazip kunñan uruñi meleñniga Anutugö garataurupñi yeñön miangöra söösöngai öngöñgöñi akñe.” Mewö.

Nañi imbi-imbi azinöñ kumkanjam aka imbiñi meleñnök.

¹¹Jisösnöñ toroqeba kewö jiyök, “Azi kungö nahönyahötñi yahöt malohot. ¹²Munñan iwiñangöra kewö jiyök, ‘Iwini, gi mönö moneñ sukinapki mendeñda nongö bahöñi niñgiman.’ Mewö jiiga öroyuaiñi pakpak dopñire mendeñda etkiyök. ¹³Mi etkiiga nahöñni moröñan

© 15.1-2 Luk 5.29-30

sömaŋi yahöt karöbut mala inap yuaiŋi pakpak mi kölölöhoba memba kantri kungen anök. Mianğöreŋ anda nanŋi imbi-imbi aka kõna ketaŋi ambi yembuk kiam bau ewö söŋaup malmal mala moneŋ inapŋi gil teköyök.

¹⁴“Yuai pakpak gil teköiga bödi (buörö) ketaŋi asuhuba gölme pakpak mi dop kölök. Yaŋön nalö mianğöreŋ kõnahiba öngöpŋi aka osiyök. ¹⁵Osiba kantri mianğö toŋi kungöreŋ anda nupköra qesim waŋgiiga melaii yaŋgö bau selŋe geba bau galömŋina malök. ¹⁶Mianğöreŋ mali bau yeŋön sokop kötŋi neget eka ‘Ölöp mi nemi gölömni dop kölbawak,’ jiyökmö, mi mewöyök kunŋan qahö waŋgiyök.

¹⁷“Mewö mala uruŋi ahuiga kewö jiyök, ‘Iwinanğö nup ambazip wanat awamŋi yeŋön nup megetka söŋgöroŋi eŋgii nene nem timbireŋ aka maljemö, nõŋön kianğöreŋ uzukörörap aka bödi mala kõmumamğö akzal. ¹⁸Ni mönö wahöta iwinanğöreŋ lilingöba anda kewö jibi mötma, ‘Iwini, ni siŋgisöndok memba mianğön gi aka Suep Toŋi qetal etkiba qetki mem böliial. ¹⁹Mianğöra göŋön kunbuk nõŋgöra ‘Nahöni,’ jimananğö dop qahö akzal. Gi ölop jinöŋga welenqegega kun akŋam.’

²⁰“Mewö jiba wahöta iwinanğöreŋ anök. Anda mala miri dopdowii iwiŋan tikep endu kinda ehi kaiga wösöŋi pöröraköiga ehoriba ösumŋan diŋdiŋgöba anda imbiŋe gili geiga numbuŋi yöhötüm nempa ‘Nahöni, owe owe!’ jiyök. ²¹Mewö ahökmö, nahönŋan jiyök, ‘Iwini, ni siŋgisöndok memba mianğön gi aka Suep Toŋi qetal etkiba qetki mem böliial. Mianğöra göŋön kunbuk nõŋgöra ‘Nahöni,’ jimananğö dop qahö akzal.’

²²“Mewö jii iwiŋan mianğöreŋök welenqegeurupŋi kewö jii mötket, ‘Iŋini mönö ösumok maluku aködamunŋambuk kun memba kaba löŋgöt waŋgiget. Ila jalö imbiŋe köla meŋölöm waŋgiba kõna esu kõnaŋe löŋgöt waŋgiget. ²³Mewöyök selnöŋ anda bulmakau dömŋi kelökŋambuk kun memba kaba qeba ohogetka nempa sösoŋgai albin. ²⁴Nahöni ki kõmum taköyöhaŋön mönö kunbuk guliba kaza. Yaŋön lök sohoigun Anutunöŋ kunbuk miwikŋaiiga asuhum tiŋgitza.’ Mewö jiiga kõnahiba sösoŋgai alget.

²⁵“Sösoŋgai algetmö, datŋan nupnöŋ mala lilingöba miri dopdowiba mianğöreŋ liŋet gwawet köla unduba söŋgaigeri, mianğö kourukŋi mörök. ²⁶Mi möta welen morö kun qeri kaiga ‘Mi denöwögöra akze?’ jiba qesim waŋgiyök. ²⁷Qesim waŋgiiga kewö jiyök, ‘Mungan lilingöba kaiga iwiŋan i kunbuk meiga unditundit aiga mianğöra jiiga bulmakau dömŋi kelökŋambuk qeba ohoba söŋgaize.’

²⁸“Mewö jiiga irimŋi seholiiga mire öŋgömamğö tököyök. Tököyökmö, iwiŋan mi möta yaigep eta uruluai keu ösoŋ jiba mölöwörim waŋgiyök. ²⁹Mölöwörim waŋgiyökmö, yaŋön meleŋda kewö jiyök, ‘Iwini, nõŋön yambu gwötpuk welengi qeba mala jimkutukutugi nalö kunöŋ qahö oŋgita malalmö, töndup göŋön nalö kunöŋ meme (noniŋ) moröŋi

kun alaurupni yembuk sösöngai albingöra qahö ninginöŋ. ³⁰Qahö ninginönömo, nahöngi kianön köna ketanji ambi yembuk mala monen inapki ayuhuba kanŋoriga gönjön mönö yanŋöra aka jinönŋa bulmakau dömnji kelökŋambuk qeba ohoze.'

³¹“Jiiga iwiŋan kewö jii mörök, ‘Nahöni, gi nalö dop nanambuk malakzan. Mianŋöra nani buŋani pakpak mi mönö göhö buŋaya mohok akza. ³²Mohok akzapmö, mungi kianön kömum taköyöhaŋön kunbuk guliba kaza. Yanŋön lök sohoiga Anutunöŋ kunbuk miwikŋaiiga asuhum tiŋgitza. Mianŋöra dölki nene sösöngai alinga dop kölja.’” Mewö.

Sukinap galöm tilipqilipŋambukö dopkeu

16 ¹Jisösnöŋ gwarekurupni keu kun kewö jii mötket, “Azi pomŋi kungö sukinap galömŋi kun malök. Tosatŋan kaba azi pomŋi mi luasö keu jiget mörök, ‘Yanŋön göhöreŋ monen inapki köndenŋa laŋ gila malja.’ ²Mi möta galöm mi jii kaiga jim wanŋiyök, ‘Ni göhöra buŋa bölöŋi jiget mötzal. Gi nöŋgö miri aka sukinapni kunbuk galöm kölmananŋö dop qahö akzan. Mianŋöra mi denöwö galöm köla malnöŋ, mianŋö löpötŋi jim asarim ningiman.’ ³Mewö jiiga uruŋan kewö mötmöriyök, ‘Miri toŋan galömkölköl nupni noanŋiri denöwö akŋamto? Ösumni qahö dop köljananŋöra gölme esimangö osizal aka ulet azi malmangö gamuni mötzal. ⁴Yanŋön galömkölköl nupni noanŋitmawi, nöŋön nalö mianŋöreŋ denöwö akiga tosatŋan miriŋine köl öröba köyan köl ningibeak? Aha! Köna kun mötmörizal.’

⁵“Mewö jiba ambazip toŋan tosa al enŋiyöhi, mi pakpak nanŋik nanŋik öröm enŋiiga kaget. Mutukŋan kaiga yanŋöra kewö jiyök, ‘Tonanŋöreŋ tosa göhöreŋ dawik ahöza?’ ⁶Mewö qesiiga jiyök, ‘Oil dram 100 meal.’ Mewö jiiga kewö meleŋnök, ‘Gi tosa papiagi memba ki tata ösumok uteköba 50 ohonöŋga ahöma.’ ⁷Mewö jiba azi kun qesim wanŋiyök, ‘Aka gi? Göhöreŋ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba mianŋöreŋ 16.800 kilogram mewö ohonöŋga ahöma.’

⁸“Mewö aiga miri toŋan möta jim-ölöwak keu kewö jiyök, ‘Galömnan tilipqilip qakŋe yuai ahöhi, mi mötkutukutu ölöpnji kondelja.’” Kembu Jisösnöŋ kösohot mewö jiba toroqeba jiyök, “Söŋaupkö ahakmeme wuatangömakzei, yanŋö mötkutukutuŋini mi ambazip tosatŋi merak maljei, mi tilipqilip ak enŋimeanŋö dop ahözapmö, Anutugö asakŋe maljei, yanŋö mötkutukutuŋini mi mianŋö bapŋe akza.

⁹“Mianŋöra kewö jibi mötket: Tosatŋan gölmegö monen inapnöŋ ambazip tilipköm enŋimakzemö, enŋön mönö mianŋön memba alaurup miwikŋaim enŋime. Mi miwikŋaim enŋigetka gölmegö yuainöŋ qahöwakŋawi, Anutunöŋ mönö nalö mianŋöreŋ köl öröm enŋiiga malmal köhöikŋi mire anŋota teteköŋi qahö malme.

¹⁰“Kunjan yuai morörökñi memba kapañ köla törörök galöm köljawi, yañön mönö yuai ketañi mewöyök törörök galöm kölma. Kunjan yuai morörökñi galöm köla kitik-katuk akzawi, yañön mönö yuai ketañi mi mewöyök galöm kölmapkö jiinga kitik-katuk akña. ¹¹Gölmegö moneñ inañi böröñine algetka mi pöndañ qahö galöm kölgetka ölni qahö asuhuyök ewö, kunjan mönö yuai buñañi öngöñgöñi ölni mi böröñine qahö alma. ¹²Iñini tosatñi yeñgöreñ yuai mi pöndañ qahö galöm kölgetka ölni qahö asuhuyök ewö, nanñini uruñinañgö buña ölni mi dañön kun eñgibawak?

¹³“Welenqeçe kunjan kembu yahöt welen qem etkimamgö osimakza. Kunjan mewö akñamgö mötzawi, yañön mönö kun kazik ak wañgiba kun uruñan jöpaköma. Kungöreñ qekötahöba kun jijiwilit ak wañgima. Miangöra eñön Anutu aka moneñ inap mi mindiriba welen qem etkibingö osime.” Mewö.

Moneñgö urukönöp akepekö goro keu

Mat 11.12-13; 5.31-32; Mak 10.11-12

¹⁴Farisi (Köna keugö kapañkölköl) yeñön moneñgö nahöm gwötpuk ahöm eñgii malgerañgöra Jisösnöñ keu pakpak mi jiyöhi, mi möta je misiba ilit wañgiget. ¹⁵ilit wañgigetka kewö jii mötket, “Farisi eñön mönö ambazip jeñine solañi tandök kondel eñgibingö könöpuk ahakzemö, Anutunöñ uruñinañgö könañi möt kutum teköza. Ambazip jeñine yuai kungöra mötketka öngöñgöñi akzawi, mi Anutunöñ ehi imbilonloñambuk ahakza.

¹⁶“Bemtohoñgö könañi mi Mosesgöreñ Köna keunöñ aka kezapqetok ambazip yeñgö Buzup Kimbiñine ohogetka oyoñda mala koringa Jonöñ asuhuba ölni aukñe indelök. Nalö miangöreñök könahiba keu mi jim sehiba Anutugö bemtohoñe añgotmegöra ambazip uruñini kuñgumakzin. Ambazip körekñan mönö jaram tiba kapañ köla bemtohoñ miangö uruñe añgotpingö ahakze. ¹⁷Suep gölmenöñ göröñ qemahotkö dop akzahotmö, Köna keugö kulem jönbölanñi mohok-kun mi nalö kungen qahö kötökñi ayapköma. Mewö.

¹⁸“Azi kunjan anömñi mosöta ambi kun memawi, yañön mönö qesabulum akña. Azi kunjan ambi añañan mosöröhi, mi memawañön mönö mewöyök qesabulum akña.” Mewö.

Azi pomñi aka Lazarus

¹⁹“Azi pomñi kun malök. Yañön opo maluku gugakgugak pisikñi aködamanuñambuk löngöta mala nalö dop nene söñgaip aka siyoñsayoñi

^d 16.13 Mat 6.24 ^e 16.16 Mat 11.12-13 ^f 16.17 Mat 5.18 ^g 16.18 Mat 5.32; 1 Kor 7.10-11

qahö malök. ²⁰Mewö malökmö, yangö miri nangunji kösutnje azi wanapni kun qetji Lazarus ahöba malök. Uzi nömböjnön sileji dop köla tarök. ²¹Wösöni aliga gwarönön ahöba azi pomnangö tebolnöhök nene irip boromni eri mia nemangö mörök. Möta ahöiga kiam yejön kangota uzi nömböni bözöba malget.

²²“Mewö mala wanapni yangön kömuyök. Kömui Suep garata yejön wangita öngöba Abrahamgö qöhöröje alget tarök. Azi pomni yangön mewönanök kömuiga löm kölget. ²³Löm kölgetka kömupkö senjom mire geiga jem sölöngöi sihimbölö ketañi möta ui öngöiga Lazarus Abrahamgö qöhöröje köröwen endu tari etkehök. ²⁴Etkeka silata qeta jiyök, ‘O iwini Abraham, mönö wösögi möt ningiman. Ni könöp bölamnön nohi kiangörej wahöjalij öngöngöni möta kinjal. Miangöra mönö Lazarus melainön anda kesöt sujan onöj kusahöla kaba nesilamne mirii amörima.’

²⁵“Mewö jiyökmö, Abrahamnön meleşnök, ‘Nahöni, mönö ki mötmörinön anök. Göñön gölmenön malmal söşöngainambuk lök malnön teköyökmö, Lazarusnön gölmenön malmalji qemjem-mamjeñ aka malök. Mewö malökmö, nalö kewöne urukölalep ak wanggiinga tatzapmö, göñön sihimbölö möta wahöjalij qakje kinjan. ²⁶Mewö maljin aiga toroqeba kewö jizal: Anutunön nini aka injini sutnine mendeña jabö al köhöii ahöza. Miangöra tosatñan jabö qösököba neñgöreñök engöreñ kangotpingö mötpeak, mi mönö osime. Mewöyök likep endu maljei, eñön mewöyök neñgöreñ yuhu kangotpingö qaköme.’ ²⁷Mewö jiiga kewö jiyök, ‘Iwini, mewö aiga kewö ulet gihizal: Göñön mönö Lazarus melainönga iwinangö mire anma. ²⁸Miri miangöreñ darumunurupni 5 maljei, yejön mewönanök senjom miri kiangöreñ eta sihimbölö ketañi mötpepuk. Miangöra mönö jinönga anda kezapqetok keu jii mötme.’

²⁹“Mewö ulerökmö, Abrahamnön jiyök, ‘Qahö! Mosesgö Köna keu aka kezapqetok ambazip yeñgöreñ Buzup Kimbi mi yeñgö buñaya ahöza. Keu mia mönö kezap ala mötme!’ ³⁰Mewö jiiga kewö jiyök, ‘O iwi Abraham, mewö qahöpmö, kömukömuñi neñgöreñök kunñan yeñgöreñ anbawak, mewö mönö uruñini meleşbeak.’ ³¹Jiiga Abrahamnön kewö jii mörök, ‘Yejön Moses aka kezapqetok ambazip yeñgö keugöra kezap qahö alje ewö, mewönanök kömukömuñi neñgöreñök kunñan wahöta keu jibawak, yejön mönö töndup Anutu qahö möt narim wangibeak.’ ” Mewö.

Singisöndokö kölgorom mönö qetal engime.

Mat 18.6-7, 21-22; Mak 9.42

17 ¹Jisösnön gwarekurupni keu kewö jii mötket, “Bölöñangö supatitikan mönö awamnanök asuhumakza. Kunön supatitik angön kölmangö osimakzapmö, kun danön tosatni kölgorom ak enjiiga singisöndok akñei, yangöra mönö wöziköba ‘Yei!’ jizal. Sihimbölö

öngöngöŋan mönö yaŋgö qakŋe öngöma. ²Yaŋön ambazip moröŋi yeŋgöreŋök kun kölgrom ak waŋgiiga ŋiŋgisöndok akŋawi, azi miaŋön mönö lömböt öngöngöŋi miwikŋaima. Anutunöŋ lömböt miaŋgö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulumgöi gebawak, miaŋön mönö awamŋi ahum waŋgii tandök akawak.

³“Miaŋgöra mönö nanŋini galöŋŋini mem aŋguba malme. Alagi kunŋan ŋiŋgisöndok akzawi, i mönö jim mindiŋ ak waŋgiman. Jim mindiŋ ak waŋginöŋga möt bölim aŋguba wösöŋi mötma ewö, gi mönö ŋiŋgisöndokŋi mosöt waŋgiman. ⁴Wehön kungö uruŋe ŋiŋgisöndok 7 ak bölim gihiba indimŋi 7 göhöreŋ liliŋgöba kewö jima, ‘Alani, ni ŋiŋgisöndok akzalaŋgöra möt bölim aŋguzal.’ Mewö jima ewö, gi mönö ŋiŋgisöndokŋi mosöt waŋgiman.” Mewö.

Mötnaripkö öŋŋi mi kukösumŋambuk.

Mat 17.20; 21.21; Mak 11.23

⁵Aposol yeŋön Kembugöra jiget, “Mötnariŋnini mönö toroqeba mem köhöiman.” ⁶Mewö jigetka Kibunöŋ meleŋnök, “Mötnariŋŋinaŋgö öŋŋi mi nejöŋ köŋŋaŋgö dop ahöbawak ewö, eŋön ölöŋ nömözup ipⁱ kiaŋgöra kewö jim kutubeak, ‘Gi mönö jöla jalögabuk wahöta luhuba köwetnöŋ geba nangi kömöta kinman.’ Mewö jiba möt narigetka ip miaŋön mönö keuŋini tem kölma.” Mewö.

Welenqeŋe ölöŋŋi mi denöwö?

⁷“Eŋgöreŋök kungö nup azinöŋ bulmakau memba nupnöŋ anda kinöŋ öröi gölme meŋŋma me lama galöŋŋina malma. Mala mire kaŋgöri miaŋgöreŋ toŋan kewö jii mötma me qahöpto, ‘Gi mönö mire kota tata neneŋi neman.’ ⁸Mewö qahö! Yaŋön mönö kewö jima: ‘Gi mönö o ariba möhamgöm aŋguba ŋuŋgemgö neneŋamni ohoba ala niŋginöŋ nemam. Miaŋgö andöŋe nangi neneŋamgi ohom neman.’ ⁹Mewö jim kutum waŋgiiga nup aziŋan jiyöhöŋgö dop nupŋi mem teköi dop köliga galöŋŋan miaŋgöra möpöseim waŋgima me qahö? Qahö! ¹⁰Eŋgö könaŋini mi mewöŋanök ahöza. Galöŋŋinan yuai pakpak jim kutum eŋgiyöhi, iŋini mi ak teköba miaŋgöreŋ kewö jime, ‘Nini nup ambazip töhöna maljin. Galöŋŋinan yuaigöra jiyöhi, mönö miyök memba kazinaŋgöra möpömöpöse jarubingö osizin.’ ” Mewö.

Jisösnöŋ azi 10 sileŋini mem solaniyök.

¹¹Jisösnöŋ Jerusalem sitinöŋ anmamgöra Galili aka Samaria prowins yahöt mietkö sutŋire köna ahöyöhi, miaŋgöreŋ anök. ¹²Könanöŋ anda

^h 17.3 Mat 18.15 ⁱ 17.6 Jisösnöŋ mulberi ip kun kondelök. Ip mi nömözup ewöya, köŋŋi köuruk (köwörörök) köŋŋi ewö neneŋa.

miri kunöŋ aŋgoriga azi 10 sileŋini uzikukuŋambuk yeŋön miwikŋaiba eka tikep endu kinget. ¹³Kinda köhöikŋanök qeta jiget, “Ketaŋamni Jisös, mönö neŋgöra ak kömum gihima!”

¹⁴Jeta jigetka eŋgeka kewö jii mötket, “Injini mönö jike nup galöm yeŋgöreŋ anda sileŋini kondel eŋgime.” Mewö jiiga tem köla könanöŋ angetka sileŋinan miangöreŋ solaniba ölöwahök. ¹⁵Ölöwahökmö, 10 yeŋgöreŋök kunŋan sileŋi solanii eka lilingöba kaba Anutu köhöikŋanök qeta möpöseiyök. ¹⁶Möpöseiba Jisösgö könaŋe geba sipköba simin köla ‘Saiwap!’ jiyök. Azi mi Samaria azia. Juda yeŋön Samaria prowinsgö ambazip yeŋgöra mötketka eretŋi ahakzapma.

¹⁷Saiwap! jiiga Jisösnöŋ melenja jiyök, “Mi ölop akzanmö, azi pakpak 10 eŋgö sileŋinan lök solanim teköyök me? Azi 9 mieŋön mönö denike malje? ¹⁸Kian azi göŋön nangik lilingöba kaba Anutu möpöseizanmö, azi 9 yeŋön mönö anda nöŋöŋan akze.” ¹⁹Mewö jiba kewö jii mörök, “Mötnaripkan mönö mem ölöwak gihiza. Miangöra ölop wahöta anman.” Mewö.

Anutugö bemtohoŋi mi denöwö asuhuma?

Mat 24.23-28, 37-41

²⁰Farisi (Köna keugö kapaŋkölköl) yeŋön Jisös kewö qesim waŋgiba jiget, “Anutugö bemtohoŋi mi mönö wanat nalönöŋ asuhuma?” Jiget möta melenja kewö jiyök, “Anutugö bemtohoŋan mönö jeninan ekinangö dop qahö asuhuma. ²¹Mötket! Anutugö bemtohoŋi mi sutŋine uruŋine asuhuba ahöza. Miangöra mi kiangöreŋ me enduyangöreŋ ahözawi, mewö jibingö osimakzin.”

²²Jisösnöŋ gwarekurupŋi kewö jii mötket, “Könaŋep nalö kun kam kuŋgumawi, miangöreŋ Suep gölmegö azi ölnangö nup meme wehöŋŋi mieŋgöreŋök kun ekingö ak eŋgimapmö, mi kunbuk ekingö osime. ²³Nalö miangöreŋ kewö jiget mötme, ‘Mötket! Amötqeŋe Toŋan mönö endu malja. Mötket! Mönö ki asuhuza.’ Mewö mewö jigetka i ekingöra miangöreŋ ösumok kude luluhuba anme. ²⁴Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akŋa: Mi suep likepŋeyök zilaŋ biliksik ala asariba likepŋe dop köla anjawi, yaŋön mönö miangö dop asuhuma. ²⁵Könaŋep mewö asuhumapmö, mutuk ambazip nalö kewöŋe gölmenöŋ maljei, yeŋön azi mi yaköriba andö qem waŋgigetka sihimbölö ketaŋi mötma.

²⁶^k“Mönöwök Noagö nalöŋe ambazipnöŋ malmalŋini qemasolokep qakŋe mala ayuhugeri, miangö dop mönö Suep gölmegö azi ölnan kunbuk kamawangö nalöŋe mewöyök asuhuma. ²⁷^lNoagö nalöŋe nene lömbuanj ala o köhöikŋi nempa ambi kenam bohonŋangö alget anda

^j 17.14 Lew 14.1-32 ^k 17.26 Jen 6.5-8 ^l 17.27 Jen 7.6-24

kaiga angömeget. Ahakmeme mewö aka memba qemasolokep malgetka Noanöj waŋge uruŋe öngöyöhi, silim miangörej teköyök. Teköiga o göulu ketanjan kaba ambazip jinonji qahö löm köl enjii o nemulahöba kömuget.

²⁸ ^m“Lotkö nalöŋe mewöyök qemasolokep malgetka mewöjanök asuhuyök. Ambazipnöj nene lömbuaŋ ala o jawat nempa nup köl kömöta jike miriŋini memba qeköm nemi ala yuai bohonji memegöra algetka yuai tosatji bohonji memba malget. ²⁹Mewö aka memba malgetmö, Lotnöj Sodom miri mosöta aniga wehön miangörejök könöp aka köt sömsöm könöpŋambuk mi mönö kie ewö suepnöhök eta ambazip jinonji qahö enjohoi kömuget. ³⁰Könaŋep Suep gölmegö azi ölnjan kunbuk asuhumawi, nalö miangörej ambazipnöj mewöjanök qemasolokep aka mala ayuhume.

³¹“Silim miangörej sombemnöj malmawaŋön mönö inap yuaiŋi memamgöra miri uruŋe kude öngöma me nupnöj anda malmawaŋön mönö mewöjanök miriŋe kude liliŋgöba kama. ³²Lot anömŋan melenja andöŋe uba kömumba köt ahöhi, mönö mi mötmörime. ³³“Kunjan malmalji siyoŋsayonji qahö nanjanöra angön köla nanji imbi-imbi malmamgö mötzawi, yanjö malmaljan mönö sohomapmö, kunjan malmalji nöngöra aka köleŋniga sohomawi, yanjön mönö malmal ölnjanö könaŋi miwikŋaiba oyaenköyaen malma.

³⁴“Nöjön kewö jibi mötket: Sunjem miangörej azi yahöt dumnöj mohotje ahöyohotka yetkörejök kun waŋgita kun mosötme. ³⁵Mewöyök ambi yahöt mi mohotje taweŋ urasiba (bunahöba) tatmahori, yetkörejök kun waŋgita kun mosötme.” ³⁶(Azi yahöt nupnöj malohotka yetkörejök kun waŋgita kun mosötme.)

³⁷Jisösnöj mewö jiiga gwarekurupjan melenja jiget, “O Kumbu, mi denikeangörej asuhuma?” Mewö jigetka kewö jii mötket, “Sömbup gisakjan kungen göröken ahömawi, manu köraraknöj mönö miangörej öröba tokomakzei, mönö miangö dop asuhuma.” Mewö.

Malönöj kapan köla uleriga azi ketanjan bauköyök.

18 ¹“Injini mönö nalö dop Anutu köuluköba qemalokolip qahö aka malme.” Jisösnöj mewö jiba miangö dopkeuŋi kewö jii mötket, ²“Taan kunöj keu jimtekötekö azi kun malök. Yanjön ambazip yanjö keugöra gamuŋi qahö möta nanji imbi-imbi mala Anutugö jitji oŋgitpilenbuköra keŋgötŋi qahö mörök. ³Taan miangörej malö ambi kun malök. Yanjön sundan dop keu jimtekötekö azi miangörej anda kewö jiba malök, ‘Kunjan nömbuk anjururuk akzawaŋöra göjön ölop bauköm niŋgibanak.’

^m 17.28-29 Jen 18.20–19.25 ⁿ 17.33 Mat 10.39; 16.25; Mak 8.25; Luk 9.24; Jon 12.25

4“Mewö jiiga nalö köröpni mi möta andö qeba malökmö, könangep urujan kewö jiyök, ‘Nöñön ambazip yeñgö keugöra gamuni qahö möta nani imbi-imbimala Anutugö jitni oñgitpilenbuköra keñgötñi qahö mötzal. 5Mewö maljalmö, malö kianñön mönö keu söksök pöndañ jim niñgiba kamakzawañgöra ölan nöhöiga ölop bauköm wañgibiga keuñi teköma. Qahö bauköm wañgibileñjak ewö, yaññön mönö qösösök kaiga qeriqerini mötpilenbuk.’ ”

6Kembunöñ kösohot mi mem teköba jiyök, “Jimtekötekö azi goñgoñan keu jiyöhi, mönö miangöra kezap ala könani mötmöriget. 7Anutunöñ ambazip nanñangöra möwölöhöm eñgiyöhi, yeññön sun gem asak bauköm eñgimapköra köulukögetka Anutunöñ mönö yeñgö keuñini kewöta jim teköi ölöwakñe. Bauköm eñgimangö jiba tañqañ qahö aka nalö qahö könjörari öñgöma. Mi qahöpmañhöp! 8Nöñön kewö jibi mötket: Anutunöñ mönö nalö kude köriiga keuñini kewöta jim teköi ölöwakñe. Wölañ bauköm eñgimakzapmö, mi töndup Suep gölmegö azi öññan liliñgöba kaba ambazip kewöt eñgimawi, nalö miangöreñ mötnarip öñni miwikñaima me qahöpto?” Mewö.

Farisi aka takis meme yetkö köulukñiri

9Ambazip tosatñan nanñinañgö mötket öñgöiga solanñi diñdini akzin jiba tosatñi mötketka eretñi ahök. Jisösnöñ i eñgeka dopkeu kun kewö jii mötket, 10“Azi yahötñan jöwöwöl jikenöñ öñgöba köuluköyohot. Kunöñ Farisi aka kunñan takis meme azia.

11“Farisi (Köna keugö kapañkölköl) yaññön kinda nanñök kewö köuluköyök, ‘O Anutu, ambazip tosatñan uruñini goñgiiga kalöpmaalöp aka sero yoñgorö ahakze, ni yeñgö dop qahö maljal me takis meme endu kinjawi, ni yañgö dop mewöyök qahö maljal. Miangöra saiwap jim gihizal. 12Nöñön sonda dop sömañi yahöt nenegö siñgi malakzal. Nöñön moneñ inapni pakpak mendeñda 10:nöhök mohok Anutugö buñaya qemakzal.’

13“Mewö köuluköyökmö, takis meme yaññön wañgömñi kunöñ kinda Suepnöñ eu umangö gamuñi möta böröñan jeñi esuhuba kewö köuluköyök, ‘O Anutu, siñgisöndok azi ni mönö ak kömum niñgiman.’ 14“Nöñön kewö jibi mötme: Yaññön mönö Anutugö jeñe solaniba miriñe liliñgöyökmö, Farisi (Köna keugö kapañkölköl) yaññön mewö qahö. Denike yeññön nanñini uruñini memba öñgömei, Anutunöñ mönö i körek memba et al eñgimapmö, kunñan nanñi uruñi memba etmawi, Anutunöñ mönö i memba öñgöba al wañgima.” Mewö.

Jisösnöñ nahönbörat kötuetköm eñgiyök.

Mat 19.13-15; Mak 10.13-16

15Ambazip tosatñan nahönbörat morömorö mewöyök eñguañgita Jisösnöñ böröñan eñgimisirimapköra yañgöreñ kaget. Kagetmö,

° 18.14 Mat 23.12; Luk 14.11

gwarek yejön mi eka jim qetal ak engiget. ¹⁶Mewö aketmö, Jisösnön nahönbörat mi köl öröm engii kagetka kewö jiyök, “Nahönbörat moröñi mi ölop engömosötetka nöngörej kame. Anutunöñ ambazip mewö mia bemtohoñi buña qem engima. Miañgöra i kude jöhöm engime. ¹⁷Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem angumawi, yañön mönö miañgö uruñe angotmamgö osima.” Mewö.

Jisösnön azi pomñi kungö qambañ keu jiyök.

Mat 19.16-30; Mak 10.17-31

¹⁸Galömkölköl azi kunñan Jisösgörej kaba kewö qesim wañgiyök, “Böhi ölöpnji, nöñön mönö denöwö aka malmal köhöikñangö buña qem angubileñak?”

¹⁹Qesim wañgiiga kewö jii mörök, “Gi nöngöra ‘Böhi ölöpnji’, mi wuanöngöra jizan? Anutu mohotñan ölöpnji akza. Azi kunñan i ewö ölöpnji qahö akza. ²⁰Gi jöjopañ keu ki möt teközan, ‘Sero yoñgorö kude akñan, Ambazip kun kude qenöñ kömuma, Yoñgorö kude meman, Jitnön alal keu kude jiman, Iwinamgi mönö göda qem etkimakñan.’ ”

²¹Mewö jiyökmö, galömkölköl azinöñ kewö jiyök, “Mi pakpak mönö gwaböneyök tem köla mala kotzal.” ²²Jii Jisösnön möta kewö jii mörök, “Mohot-kungöra kewö osizan. Gi mönö anda sukinapki pakpak söñgöronji memegöra alnöñ moneñ kaiga meñdeñda ambazip wanapñi engiman. Mewö aknöñga sukinapki ketañi (guli masapu, milyön kina ewö) mi Suep mire ahöm gihima. Mewö aka ni nuatañgöba kaman.” ²³Mewö jiyökmö, azi miañön kindiñbirik malöhañgöra aka keu mi möta wösöbirik aka jeñi asöliiga öne mosöta anök.

²⁴Wösöbirik ahöhi Jisösnön mi eka kewö jiyök, “Yei! Ambazip moneñ inapñinambuk yejön mönö Anutugö bemtohoñnön angotpingö lömböriba kupuk-kapak akñe. ²⁵Mi kewö jim tuarimam: Sömbup ketañi kamel mi kondi kinimñe ölop qahö angotma. Miañgö dop ambazip pomñi yejön Anutugö bemtohoñ uruñe angotpingö lömböriba qaköme.”

²⁶Keu mi jii mötkeri, yejön kewö jiget, “Opoñon! Ambazip dañön mönö Suepkö buñaya akawak?” ²⁷Mewö jigetka kewö meleñnök, “Ambazipnön mi esapköba osiba qakömakzemö, Anutunöñ mönö yuai pakpak ölop ahakza. Yañön yuai kun aka memamgö qahö osiba qakömakza.”

Jisösgö nup memegö töwañi

²⁸Pitönöñ keu mi möta meleñda kewö jiyök, “Mötnön, neñön mönö miri gölmenini mosöta gi guatañgöba kain.” ²⁹Mewö jiiga Jisösnön kewö

jii mötket, “Nöhön keu öljü kun kewö jibi mötme: Kunjan Anutugö bemtohoñangöra aka yuai kun mosöröhi, - mi miri gölmeñi, anöm-moröñi, darumunñi me iwinamñi - mi engömosöriga ³⁰ Anutunöñ monö salupñe toroqeba oñgita likepñi melej wañgiiga mi gölmegö malmalnöñ mema aka malmal könañgepñe malmal köhöikñi teteköñi qahö buña qem añguma.”

Jisösnöñ kömumamgö keuñi jiiga karöbut ahök.

Mat 20.17-19; Mak 10.32-34

³¹ Jisösnöñ gwarekurupñi 12 mi öröm eñgii kagetka kewö jiyök, “Mötket, nini Jerusalem öngöbin. Kezapqetok ambazipnöñ Suep gölmegö azi ölnañgöra keu pakpak ohogeri, mi mönö ölnambuk ak teköma. ³² Kunöñ i mamalolo mem wañgiiga kian gawman yeñgö böröñine gema. Yeñön jijiwilit aka mepaiköba keu töhörej jim wañgiba söutkölap qeme. ³³ Söutkölap qeba ihilek wahinambuknöñ tauköm wañgiba qeget kömuma. Kömumba wehön karöbut aiga kömupnöhök wahötma.”

³⁴ Mewö jiyökmö, gwarek yeñön keu mi qahöpmahöp möt asariget. Keu jiyöhi, mi asa-asambötñe ahöiga mi qahö möt kutuget. Mewö.

Jisösnöñ jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöñ anda Jeriko mire dopdowiiga jegömöl azi kunjan nene moneñ wañgimegöra uleta köna jitñe tarök. ³⁶ Tariga ambazip kambu könanöñ oñgita angetka kourukñini möta “Wanat yuai asuhuza?” jiba qesim eñgiyök.

³⁷ Qesim eñgiiga kewö jiget, “Jisös, Nazaret azinöñ mönö könanöñ kaba gonñitmamgö akza.”

³⁸ Jigetka kewö qerök, “Jisös, Deiwidkö gwölönarökñi! Gi mönö ak-kömum niñgiman!”

³⁹ Mewö qeriga ambazip mutuk angeri, yeñön böc tatmapköra qetal wañgigetmö, wañön kapañ köla qet gigilahöyök, “Deiwidkö gwölönarökñi! Gi mönö ak-kömum niñgiman!”

⁴⁰ Qet gigilahöiga Jisösnöñ dörök ala kewö jim kutuyök, “I mönö böröñe memba nöñgöreñ kame.” Jiiga memba dowe kañgotketka kewö qesim wañgiyök,

⁴¹ “Alani! Gi mönö wani yuai ak gihimamgöra mötzan?” Qesim wañgiiga jiyök, “Kembu! Ni jeni kunbuk umamgöra mötza!”

⁴² Jiiga Jisösnöñ kewö jii mörök, “Mönö jegi unöñ. Mötnaripkan mönö mem ölöwak gihiza.”

⁴³ Mewö jiiga miangöreñök jeñi tohoiga törörök uba Anutu möpöseiba Jisös wuatangöba andöñe anök. Ambazip pakpak yeñön yuai mi eka Anutu möpöseiget. Mewö.

Zakiusnön uruñi meleşnök.

19 ¹Jisösnön Jeriko taonön kaṅgota kutuba anmamgö ahök. ²Miaṅgöreñ azi kun qetñi Zakius malök. Yañön azi pomñi aka takis meme yeṅgö jítjememenjina malök. ³Yañön Jisösgö kaisoṅgolomñi ekñamgö ak waṅgiyökmö, azi töröptökñaṅgöra ambazip kambu sutñine kinda kököriba osiyök. ⁴“Jisösnön ki kaba neṅgoṅgitma,” jiget möta ekñamgöra ösumök anda ambazip eṅgoṅgita sikamore ip^q qakñe öṅgöba tarök. ⁵Tari Jisösnön miaṅgöreñ aṅgota jeñan ui öṅgöi eka yaṅgöra kewö jiyök, “Zakius, gi mönö ösumök etnön. Ni merak göhö mire kabi mohotje tatpit.”

⁶Mewö jiiga ösumök eta söṅgaiba köl öröm waṅgiiga miriñe anohot. ⁷Anohotka ambazip körekñan mi eka irikuruk aka kewö jiget, “Mönö wuanöṅgöra siṅgisöndok azi mewöñaṅgö mire öṅgöba tatza?”

⁸Mewö jigetmö, Zakiusnön ambazip sutñine aukñe wahöta kinda Kembugöra kewö jiyök, “Kembu mötnön, nõñön ainemalukuni bibiñe mendeṅda likepñi ambazip wanapñi yeṅgöra eṅgimam aka denike yeṅgöreñ öroyuai kun dop oṅgita tilipqilip aka waṅgirali, mi mönö ambemñi 4:gö dop toroqeba meleşda eṅgimam.”

⁹Mewö jiiga Jisösnön yaṅgö köñaṅgöra kewö jiyök, “Anutunön merak miri kiaṅgö toñi amöt qem waṅgii letotza. Yañön mewöyök Abrahamgö gwölönarökurupñi yeṅgö sutñine malja. ¹⁰Suep gölmeṅö azi öñan mönö ambazip sohogeri, mi jaruba amöt qem eṅgimamgöra aka erök.” Mewö.

Moneṅ esu 10 mendeṅda eṅgiyök, miaṅgö dopkeu.

Mat 25.14-30

¹¹Jisösnön kaba Jerusalem siti dopdowiba keuñi jii ambazip mi mötkeri, yeñön kewö mötmöriget, “Anutugö bemtohoṅgö öñan zilaṅ asuhuma.” Mewö mötmörigerañgöra Jisösnön dopkeu kun kewö jiyök, ¹²“Azi qetbuñaṅambuk kunñan kewö jiyök, ‘Ni mirini mosöta kantri kunön körowen anbiga miaṅgöreñ ni kiñ kembu kuṅgum niṅgigetka mala liliṅgöba kamam.’ ¹³Mewö gölme körowen anmamgö jiba nup aziurupñi 10 eṅgoholi kagetka moneṅ esu 10 mendeṅda eṅgiba kewö jiyök, ‘Nõñön anda mala biaṅ liliṅgöba kamam. Eñön nalö sutñe kiaṅgöreñ moneṅ kiañön kölköl-örörö nup memba mem sehime.’ ¹⁴Mewö jiba anökmö, könagesöurupñan kazik ak waṅgiba kewö jiget, ‘Nini azi kiañön nanine azi kembu aka galöm köl neṅgimapkö töközin.’ Mewö jiba welen azi tosatñi melaim eṅgiget andöñe anda buzup mi jiget mörök.

^q 19.4 Sikamore mi köwu ewöya, kötni neneña. ^r 19.10 Mat 18.11 ^s 19.11-27 Mat 25.14-30

¹⁵“Mewö mörökmö, tündup kantri anök, miangörej yeñon i azi kembu kungum wañgigetka nanji prowinsnöj kunbuk lilingöba kayök. Kaba nup aziurupji monej esu engiyöhi, mi jiiga yangö jeñe kañgotket. Mohot mohot yeñon kölköl-örörö nup memba monej mem sehigetka dawik asuhuyöhi, mi kondelget ekñamgöra qesim engiyök. ¹⁶Nup azi mutukñan jeñe kañgota jiyök, ‘Kembu, nöñon monej esugi mem sehibiga toroqeba kunbuk esu 10 miwikñaijal.’

¹⁷“Mewö jiiga kewö jii mörök, ‘Mi ölop. Gi nup meme azi ölopñi. Gi yuai morörökñi memba mi kapañkapañ aka galöm köla malnönga sehiyök. Miangöra nöñon taon gölme 10 mindiriba göhö böröge albi yeñgö galömjina malman.’ ¹⁸Mewö jiiga nup azi alañan jeñe kañgota kewö jiyök, ‘Kembu, nöñon göhö monej esugi mem sehibiga toroqeba kunbuk esu 5 miwikñaijal.’ ¹⁹Mewö jiiga yangöra mewöyök kewö jii mörök, ‘Mi ölop. Nöñon taon gölme 5 mindiriba göhö böröge albi yeñgö galömjina malman.’

²⁰“Kunbuk kunñan kañgota jiyök, ‘Kembu eknöj. Göhö monej esugi ki. Mi oponöj esuhuba lolongöbi ahöyök. ²¹Göñon azi könöpñambuk akzanangöra aka göhöra keñgötni möta malal. Gi nangak inap yuai köwenöj qahö alnöñi, mia tündup memamgö mörakzan. Gi nangak nene kötni qahö kömötnönga asuhuyöhi, miangö ölni mi tündup yandiba memamgö mörakzan.’

²²“Mewö jiiga melenja kewö jim wañgiyök, ‘Gi nup azi bölöñi. Nangak keu jizani, nöñon miangö dop kewöt gihiba likepñi melej gihimam. Ni azi könöpñambuk akzal. Nanak yuai köwenöj qahö ala mi memamgö mörakzal. Nanak nene kötni qahö kömöta miangö ölni mi tündup yandiba memamgö mörakzal. Mi ölop möta malnöj. ²³Gi könani mewö mötagun mönö wuanöngöra monej esuni mi benknöj qahö alnönga qariyök. Mi kölköl-örörö nupnöj albanak ewö, miangon mönö sehiiga nöñon kaba suñambuk membilenjak.’

²⁴“Mewö jiba azi kösutje kingeri, mi kewö jii mötket, ‘Inini mönö yangö böröñeyök monej esuji mi wañgita esu 10 miwikñaiyöhi, i wañgime.’ ²⁵Jii möta kewö jiget, ‘Kembu, yangörej monej esu 10 mi lök ahöza!’ ²⁶“Mewö jigetka melenja jiyök, ‘Nöñon kewö jibi mötket: Ambazip yuai ahöm engizawi, yeñgöra körek mönö mi toroqem engigetka sehimapmö, kungörej yuai kun qahö ahözawi, morörökñi mia mönö mewöyök wañgitketka öne töhön malma.’ ²⁷Mewö jizalmö, kerökurupnan nöñon kiñ kembu aka galöm köl engimamgö tökögeri, i mönö enguawñgita kagetka engeka jim kutubi engugetka kömume.’ ” Mewö.

Jisösgöra köirañ kölgetka Jerusalem öngöyök.

Mat 21.1-11; Mak 11.1-11; Jon 12.12-19

²⁸Jisösnöj keu mi jim teköba mosöta Jerusalem sitinöj öngömamgöra mutuk anök. ²⁹Anda Betfage aka Betani miri yahöt

¹ 19.26 Mat 13.12; Mak 4.25; Luk 8.18

kösutjire kaba kundunji qetnji Oil ip kundunji qerakzei, miangörej öngöba gwarekyahötjni yahöt melaim etkiyök. Melaim etkimamgö aka ³⁰kewö jiyök, “Miri wösöjire tatzawi, mönö miangörej anmahot. Anda miangörej aŋgota doŋki moröŋi kösönöŋ jöhöget kinjawi, mi miwikŋaimahot. Doŋki mi dölökŋa, azi kunöŋ qakŋe qahö tatatŋa. Mi mönö pösata memba ki kamahot. ³¹Pösarohotka kunjan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’”

³²Mewö melaim etkiiga anda jiyöhaŋgö dop miwikŋaiyohot.

³³Miwikŋaiba doŋki moröŋi pösatpitkö ahotka toŋan jiget, “Hei! Doŋki moröŋi mi wanigöra pösatzahot?”

³⁴Jigetka kewö meleŋnohot, “Kembuniran miangöra osiza.” ³⁵Mewö jiba memba Jisösgörej kaba malukuŋini qeköba doŋki qakŋe tumbula jigetka Jisösnöŋ öngöba tarök. ³⁶Mewö tata aniga ambazip kambu yeŋön göda qeba opo malukuŋini qeköba kōna namŋe tumbulget.

³⁷Tumbulgetka anda Jerusalem dopdowiba Oil ip kundunjaŋgö sörökŋe geiga gwarek kambu pakpak yeŋön kōnahiba söŋgaiba aŋgöletot pakpak kukösum qakŋe mei ekeri, miengöra qet ketani qeta Anutu möpöseim waŋgiba ³⁸“kewö jiba qetket, “Anutu möpöseizin. Kiŋ Kembangö qetŋe kamawi, Anutunöŋ mönö i kötuetskōma. Luaigi aka qetbuŋagi möpöseininga Suepnöŋ euyangörej öngöza. Owe owe!”

³⁹Mewö qetketka Farisi (Kōna keugö kapaŋkölköl) tosatŋan ambazip kambu sutjine kinda kewö jim waŋgiget, “Böhi, mönö gwarekurupki jim eŋginöŋ.” ⁴⁰Mewö jim waŋgigetka kewö meleŋnök, “Nöŋön kewö jibi mötme: Yeŋön göröŋ kinbeak ewö, köt yeŋön mönö silata qetpeak.” Mewö.

Jisösnöŋ Jerusalem sitigöra sahörök.

⁴¹Jisösnöŋ Jerusalem dopdowiba siti mi eka sahörök. ⁴²Sahöta kewö jiyök, “Eŋgörej luai denöwö ahubawak! Inini miangö kōnani wehön kiangörej möt kutugetka dop kölbawakmö, nalö kewöŋe mi yeŋini qahö tohozawaŋgöra aka tölapŋe ahöza. ⁴³Miangö kōnani kewö: Nalö kun kam kuŋgumawi, miangörej kerök yeŋön kaŋgota kiripo köhöikŋan siti ki kuŋgum liliköba likeplikep eu emu kinda gwan ala kahasililiŋ ak eŋgime. ⁴⁴Anutunöŋ mesohol köla eŋgoholiga inini nalö bohonŋi mi qahö möt kutuba nesampurek aka Anutu andö qeba laŋ mala kotzei, miangöra kerök yeŋön kōndenmōnden eŋgigetka mirigö köt kun mi köt kuŋgö qakŋe qahö kinmapmö, siti kianöŋ mönö qeqelanŋaŋ ahōma. Yeŋön jike miriŋini kōndenŋa moröurupŋini siti uruŋe maljei, mi eŋgum ureime.” Mewö.

^u 19.38 Sum 118.26

Jisösnöŋ jöwöwöl jike jim kömbuhiyök.

Mat 21.12-17; Mak 11.15-19; Jon 2.13-22

⁴⁵Jisösnöŋ keu mi jim teköba jöwöwöl jikegö tohoŋ uruŋe anda inap bohonŋi memegöra algeri, mi könahiba közöl enŋiiga etket. ⁴⁶“Közöl enŋiba kewö jii mötket, “Aisaiänöŋ keu kun kewö ohoi ahöza, ‘Nöŋgö jikenan mönö köulukö miriŋina akŋa.’ Keu mi ahözapmö, inŋini mi utekögetka kegwek-kahasililiŋ yeŋgö baŋet ewö akza.”

⁴⁷“Jisösnöŋ nalö dop jöwöwöl jikenöŋ öŋgöba Buŋa keu kusum enŋiba malök. Mewö malökmö, jike nup galöm aka Köna keugö böhi yeŋön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?” ⁴⁸Mewö jigetmö, ambazip kambu pakpak mieŋön yambuk qekötahöba Buŋaŋi kezap ala mötket. Miaŋgöra “Mönö denöwö akinak?” jiba köna kun qahö miwikŋaiget. Mewö.

Jitŋememe yeŋön Jisösgö kukösumŋaŋgö qesiget.

Mat 21.23-27; Mak 11.27-33

20 ¹Jisösnöŋ jöwöwöl jikenöŋ öŋgöba ambazip kambu kusum enŋiba Ölöwak Buŋa jim asarim enŋiba malök. Nalö kunöŋ mewö aiga jike nup galöm aka Köna keugö böhi yeŋön kantrigö jitŋememe tosatŋi yembuk Jisösgö jeŋe kaŋgotket. ²Kaŋgota kewö qesim waŋgiget, “Gi kiaŋgöreŋ yuai akzani, mi mönö daŋön jim kutum gihiiga ahakzan? Miaŋgö kukösumŋi mi daŋön gihiyök? Mi jinöŋga mötpin.”

³Qesim waŋgigetka kewö meleŋ enŋiyök, “Nöŋön mewöyök qesim enŋibi mi jiget mötmam. ⁴Jonöŋ ambazip o-melun mem enŋiba malöhi, yaŋön miaŋgö kukösumŋi mi denikeyök meyök? Suep Toŋan waŋgiyök me gölme toŋan waŋgiget?”

⁵Mewö meleŋ enŋiiga sutŋine eraum möta kewö jiget, “ ‘Kukösumŋan Suepnöhök asuhuyök,’ mewö jibin ewö, yaŋön mönö kewö jima, ‘Mewö aiga inŋini i mönö wuanöŋgöra qahö möt narim waŋgiget? Mi qahö dop kölja.’ ⁶Könagesö pakpak yeŋön Jongöra ‘Kezapqetok azia akza,’ jiba mi köhöikŋanök möt nariba malje. Miaŋgöra ‘Gölme ambazipnöhök asuhuyök,’ jibin ewö, yeŋön mönö irimŋini seholiiga kötnöŋ nengume.” ⁷Keu mewö kewöta kewö meleŋget, “Kukösumŋan denikeyök ahuyöhi, nini mi qahö mötzin.”

⁸Mewö meleŋgetka Jisösnöŋ kewö jii mötket, “Mewö aiga nöŋön mewöyök yuai ki ahakzalaŋgö kukösumŋi daŋön niŋgiyök, mi qahö jibi mötme.” Mewö.

† 19.46 Ais 56.7; Jer 7.11 * 19.47 Luk 21.37

Wain kösö nup galöm bölöni, miengö dopkeu

Mat 21.33-46; Mak 12.1-12

⁹*Jisösnöñ könahiba ambazip dopkeunöñ kewö jii mötket, “Azi kunjan wain kösö nup köla kömörök. Köl kömöta nup galöm tosatñi miwikñaim engiba jiiga nupñi memba ölnangö bahöni nanjini memba bahöni tonji wangimegöra böröñine alök. Böröñine ala engömosöta kantri kunöñ anda nalö köröpñi malök.

¹⁰“Mala mali ölni öliyöhangö nalöni (yambu 5) töriiga miangörej welenqeqeñi kun melaim wanggiiga galöm yengörej anda wain nup ölnangö bahöni wangimegöra jiyök. Jiyökmö, nup galöm yeñön i kömbinöñ qeba wuatangögetka böröni börak lilingöyök. ¹¹Miangö andöñe welenazi kun melaim wanggiiga anökmö, i mewöyök kömbinöñ qeba gamu qem wangiba wuatangögetka böröni börak lilingöyök. ¹²Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³“Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’ ¹⁴Mewö jiba nahönñi melaiiga anökmö, wain nup galöm yeñön i eka sutñine kewö eraum möta jiget, ‘Yañön mönö börösamotñangö tonji akña. Ayop, i mönö qein kömuiga wain kösö nup kiañön mönö nanine buñanina akña.’ ¹⁵Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak engima?

¹⁶Yañön mönö nanjak kaba nup galöm mi köndej engima aka nup galöm dölökñi miwikñaim engiba wain kösö nupñi yengö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!” ¹⁷Jigetmö, Jisösnöñ i törörök engeka kinda kewö jiyök, “Buña Kimbigö keu kun kewö ahöza,

‘Miri meme yeñön köt tandö kun andö qeba öne mosötket taröhi, miañön mönö tandö kömbönañi aiga miwikñaiget.

Miañön tinjiriga mirinöñ mönö gororongöba eta kölma.’ Keu miangö könañi denöwö?

¹⁸Miangöra kewö jibi: Kunjan tandö bohönñi miangörej tötöngata eta qemawi, mi mönö silenji kutumutumapmö, ain tandö miañön jöla tala kungö qakñe eta kölmawi, mi mönö körek qözömöz zamgöma.”

¹⁹Jisösnöñ mewö jiiga Köna keugö böhi aka jike nup galöm yeñön keu miangö könañi möt asariba kewö jiget, “Dopkeu mi mönö nengöra jiza.” Miangöra i nalö miangörejök memba jöhöbingö mötketmö, ambazip kambu yengöra kenjötñini möta osiget. Mewö.

Takis alalgö Jisös esapköm waŋgiget.

Mat 22.15-22; Mak 12.13-17

²⁰ Juda jitnememe yeŋön Jisösgö jegalöm meget. Mewö memba keuŋi kun qiwitipköi keugö bötaknöŋ öröi gwaröhöm waŋgimegöra aka azi tosatŋi melaim engiget yaŋgöreŋ kaget. Opotöröp aka premiö yeŋgö böröŋine al waŋgibingö möta Buŋa keu ölopŋi jiji tandök aka qesiba keuŋaŋgö kezap alget.

²¹ Areŋ mewö ala qesiba kewö jiget, “Böhi, nini göhö könagi mötzin. Göŋön keu diŋdiŋi jiba kusum neŋgimakzan. Göŋön ambazip tosatŋi qahö eŋgek soriba tosatŋi qahö qepureim eŋgimakzanmö, dop mohotnöŋ kewöt neŋgimakzan. Mewö aka Anutugöreŋ köna mi keu ölnaŋgö dop kusum neŋgimakzan. ²² Miangöra nini sisa-kiŋgöra takis ala mianjön Mosesgö Köna keu siŋgibin me qahö?”

²³ Mewö jigetmö, Jisösnöŋ isimkakalek areŋini möt kutuba kewö jii mötket, ²⁴ “Ölöp silwö moneŋ (Kina 5) kun kondel niŋgigetka eki. Dagöreŋ imut aka qet mi miangöreŋ ohoget ahöza?” “O, mi sisa-kiŋgöreŋ,” mewö meleŋda jiget.

²⁵ Jigetka kewö jii mötket, “Mewö aiga yuai sisa-kiŋgö imutŋambuk buŋaŋi akzawi, mi mönö yaŋgöra al waŋgime. Yuai kun Anutugö buŋaya akzawi, mi mönö Anutugö buŋa qeme.” ²⁶ Jisösnöŋ mewö jiyöhaŋgöra ambazip kambu yeŋgö jeŋine keugö bötaknöŋ al waŋgibingö osiba keuŋaŋgöra welipköba keu bök kinget. Mewö.

Kömupnöhök wahötwahötkö Jisös esapköm waŋgiget.

Mat 22.23-33; Mak 12.18-27

^{27z} Sadyusi böhi pati yeŋön “Kömugeri, yeŋön kude wahötmé,” jiba malget. Yeŋgöreŋök tosatŋan Jisösgö jeŋe kaŋgota kewö qesim waŋgiba ²⁸ “jiget, “Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munjan ölop malöŋi memba mala gwölönarök qiwikŋaim waŋgiiga datŋaŋgö qet bisiba malma.’

²⁹ “Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ³⁰ Kömuiga munjan malöŋi mi meyök. ³¹ Miangö andöŋe munŋi kunjan ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ³² Kömugetka tekögetka qöndökŋi malöŋini mi mewöyök kömuyök. ³³ Göŋön ‘Kömugeri yeŋön guliba wahötmé,’ jizänmö, nini mi qahö möt narizin. Mötnöŋ, azi 7 pakpak mi öröröŋ wahötpeak ewö, ambi mohok mi anömŋina meget malöhaŋgöra aka mönö dagö anömŋa akawak?”

^z 20.27 Apo 23.8 ^a 20.28 Dut 25.5

³⁴Mewö jigetka Jisösnöŋ kewö meleşnök, “Nalö kewöŋe gölme kiangörej ambazip awanöm aka malahakze. ³⁵Mi malahakzemö, ambazip uruŋini meleşgetka Anutunöŋ eka möri dop köliga kömupnöhök wahöta miri gölme kun euyangörej aŋgota malmei, yeŋön miangörej qahö amime.

³⁶“Miangö könari kewö: Mötnari ambazip guliba kömupnöhök wahötmei, yeŋön Anutugö nahönböraturuŋi akze. Yeŋön Suep garata tandök ewö aka kunbuk qahö kömumemö, teteköŋi qahö mal öŋgöme. ³⁷^bMötket! Kömugeri, yeŋön guliba wahötmegö keuŋi mi Mosesnöŋ mewöyök nangöba jiyök. Ip köhösnöŋ könöp bölam ahuba qahö jem kutuyöhi, yeŋön mi eka kösohotŋi ohoi miangörej keu kewö ahöza, ‘Nöŋön Anutu Abrahamgö Kembu, Aisakö Kembu aka Jeiköbkö Kembuya mala kota maljal.’ ³⁸Isik bömöŋ karöbut yeŋön Anutubuk mala mal köhöiba öŋgöme. Körek köhöiba maljei, yeŋön mönö malmalŋini Anutugöra malje. Miangöra Anutunöŋ köhömuŋi yeŋgö Kambuŋini qahöpmö, malmal köhöikŋi maljei, mönö yeŋgö Kambuŋina akza.”

³⁹Jisösnöŋ mewö meleşniga Köna keugö böhi tosatŋan meleşda kewö jiget, “Böhi, mi törörök jizan.” ⁴⁰Mewö jiba keu kun kunbuk qesim waŋgibingö kölköldömdöm aka mosötket. Mewö.

Kraist mi kiŋ Deiwidkö Kambuŋi aka gwölönarökŋi.

Mat 22.41-46; Mak 12.35-37

⁴¹Jisösnöŋ keu kun kewö jii mötket, “Kraistnöŋ Kiŋ Deiwidkö gwölönarökŋi akzawi, tosatŋan keu mi denöwögöra jimakze?

⁴²‘Deiwidnöŋ nanŋak keu kewö jiiga Sumbara (Buŋa liŋet, sam) Kimbinöŋ ahöza,

‘Anutunöŋ kinda nöŋgö Kambuŋi kewö jii mörök, Göŋön mönö kaba nöŋgö böroni ölŋe tatnöŋga

⁴³ nöŋön nalö sutŋe kerökurupki tim tötala luhut al eŋgiba göhö köna tambö gwaröŋe al eŋgimam.

Nalö mi kam kuŋgumawaŋgö dop mönö asakmararaŋnöŋ ki tatman.’

⁴⁴Deiwidnöŋ mewö jiba qetŋi ‘Nöŋgö Kambuŋi’ jiza. ‘Kambuŋi’ jiba mönö denöwö aka waŋgö gwölönarökŋi mohot akawak?” Mewö.

Urumeleŋgö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵Jisösnöŋ gwarekurupŋi yeŋgöra keu kewö jiiga ambazip kambu pakpak mi mötket, ⁴⁶“Köna keugö böhi yeŋgöra mönö galömŋini memba malme. Yeŋön maluku köröpŋi löŋgöta anda kaba kondel aŋgubingö

^b 20.37 Eks 3.6 ^c 20.42-43 Sum 110.1

mörakze. Maketnönj me könanönj ambazip engeketa jölönjini jimegö mörakze. Mewöyök köuluk mire qaikje eu tatpingö sihimñi mörakze aka közölömbuanñönj dum tatat mutukje jegep tatpingö mörakze. ⁴⁷Yeñön malö yeñgöreñ miri yuai bidanña gagabe köla enguanñirakze aka qetbuñanñini asuhumapköra köuluk köröpnji köuluköba töptöpnjine qemakze. Mianğöra Anutunönj keunñini jim teköba likepnji öngöngöñi meleñni qakñine öngöma.” Mewö.

Ambi malö kunñan naluk kötin ölnj alök.

Mak 12.41-44

21 ¹Jisösnönj kinda ui ani ambazip pomñi yeñön nalukñini mi naluk dundumñe alget geyök. ²Alget geiga ambi malö wanapñi kunñan kaba souje kötnji pisikñi yahöt ali geyöhi, mi mewöyök ehök. ³Mi eka kewö jiyök, “Nöñön keu ölnji kun kewö jibi mötket: Malö wanapñi kianñön naluk aljawi, mi mönö tosatñi pakpak enğonñgita alja. ⁴Mianğö könanñi kewö: Körek yeñön moneñ ketanñi ahöm enñiiga kitipñanöhök aljemö, ambi kianñön köruebörue maljawanğö dop yuaiñi pakpak al teköba öne töhön malma.” Mewö.

Jöwöwöl jikenönj köndenñmöndeñ asuhuma.

Mat 24.1-2; Mak 13.1-2

⁵Jerusalem jöwöwöl jike mi köt eksihimñambuk aka kalemñi kalemñi Anutugöra algeri, mianñön meñölögetka aködammunñambuk ahöyök, gwarek tosatñan mi eka eraum mötketka Jisösnönj keu kewö jii mötket, ⁶“Miri ki engekzei, mi mönö köndenñgetka mirigö köt kun mi köt kungö qakñe qahö ahömapmö, qeqelaññan aka sahopñanök ahöma.”

Kahasililij aka sesewerowero asuhuma.

Mat 24.3-14; Mak 13.3-13

⁷Mewö jiiga möta qesim wanñiget, “Böhi, keu jizani, mianğö ölnji mönö wanat nalönönj asuhum tinñitma aka asuhumamgö akñawi, mianğö aiwesökñan mönö denöwö asuhuma?”

⁸Qesim wanñigetka kewö jiyök, “Kunñan isimkakalek aiga janñun anbeupköra mönö galömñini memba malme. Ambazip gwötpukñan asuhuba nöngö qetne kewö jime, ‘Nöñön Kraist akzal,’ aka, ‘Nalönönj mönö töriza.’ Mewö jimemö, enñön mönö yeñgö andönñine kude anme. ⁹Yarö aka karimñi karimñi asuhugeta ötönñini mötmemö, jönömñini kude unduma. Yuai mi mutuhök asuhumapkö jijiña. Mi asuhumapmö, gölmegö nalöñan mönö mianğöreñök zilañ qahö teköma.”

¹⁰Mewö jiba toroqeba kewö jii mötket, “Kantri kunönj kantri kun enğubingöra wahötme. Ambazip kambu kunönj kambu kun yembuk arönj anğubingöra wahötme. ¹¹Gölmeñi gölmeñi mianğöreñ kenönj ketanñi

ketaŋi qözöla memba gölme meleşni gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Kawöl köhöikŋi köhöikŋi miejön asuhetka sesegilgil kömumakŋe. Suepnöŋ aiwesök ketaŋi jemurutŋi murutŋi engeka keŋgöt kotkot akŋe.” Mewö.

Ölöwak Buŋagöra kerök asuhuma.

Mat 24.9-14; Mak 13.9-13

¹²“Yuai pakpak mi asuhumemö, mutuk qeljiŋe tosatŋan iŋini uruŋini melenŋeraŋgöra aka enŋömembra jöhöba sesewerowero ak enŋime. Tosatŋan öröm enŋiba köuluk miriŋine keu nupŋini memba jim tekögetka kösö miriŋi miriŋi miangöreŋ al enŋime. Tosatŋan nöŋgö qetnaŋgöra aka enŋuaŋgitetka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. ¹³Mewö kinda nöŋgö könaŋamni naŋgöba jigetka mötme. ¹⁴“Keu jakeŋe al enŋigetka kinmei, nalö miangöreŋ keu denöwö jibinak, miangö waimanŋatŋi qeljiŋe kude mötme. Keu mi mönö urukönömŋine algetka ahöma.

¹⁵“Mi kewögöra: Nöŋön embuk kinda mötkutukutu enŋiba numbuŋini mem amqemam. Uruawamŋanök malgetka tuarenjoŋurupŋini yeŋgöreŋök kunŋan mötkutukutu mi qetala keuŋini qeapköba memba et al enŋibingö osima. ¹⁶Nanŋini iwinam, darumun, tinitosolom aka alaurupŋini yeŋön mewöyök anŋönaŋ mem enŋigetka enŋöreŋök tosatŋi enŋugetka kömume. ¹⁷Kantri pakpak yeŋön nöŋgö qetnaŋgöra aka kazik ak enŋigetka malme.

¹⁸“Mewö malmemö, nöŋön köyan köl enŋibi nööröŋinaŋgö juŋŋi kunŋan qahö sohoma. ¹⁹Iŋini kapaŋ köla köhöiba böŋ qeba kinda miangön mönö luhut ala oyaenŋkoyaen malmal buŋa qem anŋume.” Mewö.

Jerusalem sitigö köndeŋmöndeŋ uru-önönŋambuk

Mat 24.15-21; Mak 13.14-19

²⁰“Könaŋgep yarö kambu yeŋön kaŋgota Jerusalem siti liliköba gwan almei, iŋini mi eka miangöreŋ kewö mötmörime, ‘Siti bohonŋi köndeŋmöndeŋmegö nalöŋan mönö kam kuŋguza.’ ²¹Nalö miangöreŋ Judia prowinsnöŋ malmei, enŋön mönö misinŋöba öröba kunduje anme. Sitinöŋ malmei, enŋön mönö siti mosötme. Siti yaigepŋe mire malmei, enŋön mönö sitinöŋ kude anme.

²²“Mi kewögöra: Buŋa Kimbinöŋ kezapqetok keu ohoget ahözawi, mi pakpak mönö öŋŋambuk akŋa. Keu miangö dop Anutunöŋ nalö miangöreŋ siŋgisöndokŋinaŋgö likeŋŋi meleşda qakŋine ali öŋgöma. ²³Anutunöŋ Israel könaŋesö siŋgisöndokŋinaŋgöra irimŋi seholiiga kazikŋi kondel enŋiiga gölmenöŋ kahasililiŋ keta bölökŋi asuhuma.

^d 21.14-15 Luk 12.11-12 ^e 21.22 Hos 9.7

Ambi gölömbuk aka morö juzunöy yejön mönö nalö miangörey denöwö ösumñinan anbeak? Miangöra Ye! jizal.

24 “Köndeymöndey miangörey ambazip tosatñi mi bimgö sou ketajan enjgugetka kömume. Tosatñi kösö gwaröhöm engiba enjguangitketka kantri pakpak yejgö sutñine aḡgotme. Aḡgotketka kian kantri yejön kaḡgota Jerusalem tiangöba malme. Mewö malgetka Anutunöy nalöñini tohot qei tatzawi, miangön kam kuḡguiga mosötme.” Mewö.

Suep gölmegö azi öljän mönö asuhum tiḡitma.

Mat 24.29-31; Mak 13.24-27

25^f “Wehön aka köiy jeñire aka sengelau miangörey aiwesök murutñi murutñi asuhume. Köwetnöy siri qegetka ötöy ketañi ahumakzawangöra gölmegö kantri pakpak yejön tötbörömñini kaiga wahöjaliḡ möta malme. 26 Mewö malgetka suepnöy uturuköiga miangö öroyuaiñi mi tatatñini mosöta eḡlololöy aketka sohoma. Miangöra gölmeñi gölmeñi miangörey lömböt bölöñi kötökñi asuhumapköra mamböt-torok mala keḡḡötñini möta uruñini duhuiga jegilgil akñe.

27^g “Nalö miangörey Suep gölmegö azi öljä yejön kousu qakñe kaḡgori ekñe. Kukösumñi ketajan saköl-diḡdiḡambuk aukñe asuhuiga asakmararañi ekñe. 28 Mewö kaḡgotmapmö, yuai mi könahiba asuhumei, eḡön mönö nalö miangörey Suepnöy öḡḡöbingö nalöñinan törimawangöra nöropñini uba wahöta uruñini qezaköba awösamkakak kinme.” Mewö.

Geröp ipkö dopkeu

Mat 24.32-35; Mak 13.28-31

29 Jisösnöy dopkeu kun kewö jii mötket, “Iñini geröp aka ip tosatñi mi eka tandökñini mötme. 30 Ip mi sinñan yoḡgoigetka mi eka miangö könañi nanñinak möt asariba kewö jimakze, ‘Wehön nalöñan lök dopdowiza.’ 31 Eñön mewöñanök keu jizali, miangö öljän asuhuiga eka möt asariba könañi kewö jime, ‘Anutugö bemtohoñan mönö dopdowiza.’

32 “Nöñön keu öljä kun kewö jibi mötket: Ambazip merak gölmeñöy maljei, yejön qahö kömugetka yuai pakpak jizali, mi mönö yejgö malmal nalöñine asuhuma. 33 Suep gölmeñöy göröy qemahotmö, nöḡḡö Buḡa keunan mönö qahö ayapköma.” Mewö.

Urugwölö mosöta köhömuñi malbinbuk.

Mat 24.42-44; Mak 13.33-37

34-35 “Nalö ketañi miangön ambazip körek gölmeñöy maljei, yejgö qakñine mewö asuhuma. Miangöra miangön wölaḡök kaba simba ewö

^f 21.25 Ais 13.10; Eze 32.7; Joel 2.31; Ind 6.12-13 ^g 21.27 Dan 7.13; Ind 1.7

qeraköm enġibapuk. Mianġöra gölmenöj malmalgö waimanjatjan qakņine öngöiga közölömbuaņ ala o köhöikņi negetka eņololoņ aiga uruņinan lömböribapuköra mönö galömjini mem aņguba malme.

³⁶“Mianġöra mönö nalö dop uruġwölö mala köuluköba malme. Mewö malgetka ösum enġiiga yuai pakpak mi asuhumawi, mianġö uruņeyök kök ala mönö Suep gölmegö azi ölņaņgö jemesoholņe awösamkakak kinme.” Mewö.

³⁷^hNalö mianġörej Jisösnöj wehön dop jöwöwöl jikenöj kinda Buņa kusum enġiiga miri mare aiga mosöta kunduņi qetņi Oil ip kunduņi qerakzini, mianġörej öngöba ahömalök. ³⁸Mewö maliga ambazip kambu pakpak yeņön wehön dop söņaņök jöwöwöl jikenöj öngöba Buņaņi jii mötņingöra yaņgörej kamalget. Mewö.

Jisös qein kömumapkö aņgönaņ alget.

Mat 26.1-5; Mak 14.1-2; Jon 11.45-53

22 ¹ⁱMewö malgetmö, beret yistņi qahö mianġö söšöņgainņi, qetņi kun Pasowa kendon jimakzin, mi töriyök.^j ²Töriiga mianġörej jike nup galöm aka Köna keuġö böhi yeņön ambazip kambu yeņgö keņġötņini mötkeņaņgöra aka nanņinök tokoba “Denöwö ahinga qeget kömumbawak,” jiba köna jaruba mötmöriġet.

Judasnöj Jisös mamalolo mem waņġimamġö urumohok ahök.

Mat 26.14-16; Mak 14.10-11

³Nalö mianġörej Satanöj Judasġö uruņe geyök. Judas mi Jisösgö gwarekurupņi 12 yeņgöreņök kun. Kariot mireyök kayöhaņgöra qetņi kun Iskariot qetket. ⁴Yaņön jike nup galöm aka jikeġö kiripo galöm bohonņi yeņgörej anda Jisös mamalolo memba böroņine almamġö keuņi jiyök. ⁵Yeņön mi möta “Ayop!” jiba uruņinan ölöwahiga söņgöroņi moneņ waņġibingö keu jöhöget. ⁶Keu jöhögetka Judasnöj Jisös ölöņ mamalolo memba böroņine almamġö köna möt jaruba köiņbingöba malök. Mewö.

Jisösnöj gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷Beret yistņi qahö mianġö kendon silim kunöj Pasowa lama qeba ohozema. Nalö mianöņ kam kuņguyök. ⁸Jisösnöj Pitö aka Jon kewö jiba melaim etkiyök, “Inņiri anda Pasowa lama mözözmöġyohotka nembin.”

⁹Mewö jiiga qesim waņġiyohot, “Mi denikeaņgörej anda mözözmöġöbit?”

¹⁰Qesim waņġiyohotka kewö meleņnök, “Mörohöt! Inņiri sitinöj aņgorohotka azi kun o kimbut kunduta kaiga miwikņaimahot. Miwikņaiiba i wuatangöba

^h 21.37 Luk 19.47 ⁱ 22.1 Eks 12.1-27 ^j 22.1 Pasowa mi nanine keunöj neņģehoriba neņģöņġirök. Eksodus 12.15

anda mire öngömawi, miangörej öngömahot. ¹¹ Öngöba miri tonji kewö jiyohot mötma, ‘Böhinöj göhöra jiza: Ala mirigi denike? Nenjon ölop miangö uruje kaba gwarekurupni yembuk Pasowa lama nembin?’ ¹² Mewö jiyohotka möta miri qakne eu öngöba uruji ketanji kun kondel etkima. Miangörej dum tatat yuai mözözömgöget ahöza. Mi kondel etkiga miangörej lama qeba ohomahot.”

¹³ Mewö jii anda Jisösnöj keu jiyöhi, miangö dop miwikñaiba kinda lama qeba ohom mözözömgöyohot. Mewö.

Kembubuk semön qöndökni neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöjan kaiga Jisösnöj aposolurupji yembuk nene nemingö eta tatket. ¹⁵ Tatketka kewö jii mötket, “Nöjön Pasowa lama ki embuk nemingö gwötpuk ak niñgiba malök. Nene ki nembagun mönö sihimbölö mötmam. Miangö nalöjan töriza. ¹⁶ Mi törizawañgöra kewö jibi mötket: Nöjön Pasowa lama kiangörej kun toroqeba qahö nemam. Könañgep nene semön kiangö ölnan aukne asuhumawi, mi Anutugörej bemtohoj uruje euyangörej nemam.”

¹⁷ Mewö jiba wain qambi memba kötuatköba kewö jiyök, “Mönö ki memba nanjinak anguba neme. ¹⁸ Nöjön kewö jibi mötket: Ni wain kösögö ölni kiangörej kunbuk toroqeba qahö nemam. Kunbuk nemami, mi Anutugörej bemtohoj asuhum teköiga miangörej nemam.”

¹⁹ Mewö jiba beret memba kötuatköba mindipköba engiba kewö jiyök, “Ki nani busuni. Ki engöra aka tököm engizal. Nemba ni mötmörim niñgiba malme.” ²⁰ ^k Mi engii negetka mewöñanök wain qambi memba kewö jiyök, “Qambi ki mi jöhöjöhö arej dölökni akza. Nöjön amöt qem engimangöra aka sepni mokoba kömumam. Sep miañön mönö Anutugörej jöhöjöhö areni mem köhöima.

²¹ ^l “Mewö akzapmö, mötket, mamalolo mem niñgimawañön mönö mohotje ki nene memba tatzit. ²² Ölna, Anutunöj jim kutuyöhi, Suep gölmegö azi ölnan mönö miangö dop gölme mosöta anma. Anmapmö, mamalolo mem wañgimawi, wañgöra mönö wöziköba ‘Ye!’ jizal. Anutunöj mönö likepni öngöñgöni melej wañgima.”

²³ Mewö jiiga gwarekurupñan könahiba sutñine eraum qesim anguba jiget, “Nengörejök mönö danjon mamalolo mem wañgibawak?” Mewö.

Gwarek yeñön sutñine goranora aket.

Mat 20.25-27; Mak 10.42-44

²⁴ ^m “Gwarek nengörejök galöm bohonji mi danjon akza?” mewö jigetka miangöra mewöyök sutñine goranora asuhuyök. ²⁵ ⁿ Mi asuhuiga Jisösnöj kewö

^k 22.20 Jer 31.31-34 ^l 22.21 Sum 41.9 ^m 22.24 Mat 18.1; Mak 9.34; Luk 9.46

ⁿ 22.25-26 Mat 20.25-27; Mak 10.42-44

jii mötket, “Gölmegö kantriji kantriji miengö kiñinan mönö azi kembu tandök aka galöm köl engimakze. Yengö pom jembonñinan mönö keu jim kutuba könagesöñjini mindiñgöm engigetka welenñjini qeba ‘Azi ölöñji!’ jiba möpöseim engimakze. ²⁶°Mewö ahakzemö, eñön miangö dop kude akñe. Engö sutñjine kunñan ketañamñjini akzawañön mönö eretñangö dop aka malma. Galöm bohonñan mönö welenqege ewö aka malma.

²⁷°“Kunöñ tata nene neiga kunñan nene köl wañgiba anda kamakzawi, yetköreñök öñgöñgöñi mi dañön? Öñña, ‘Tata nene nezawañön mönö öñgöñgöñi akza.’ Mewö jiget mörakzinmö, nöñön engö sutñjine welenqege ewö aka maljal.

²⁸“Mewö malbi esapköm niñgigetka wahöjalinñ wahösömbu uruñe añgotpiga iñjini töndup kapañ köla nömbuk qekötahöba mala kotze. ²⁹Iwinan jim kutum niñgiiga nöñön yangö bemtohoñi kukösum qakñe galöm kölakzal. Miangöra nöñön toroqeba jim kutum engibiga iñjini mewöyök kukösum qakñe ambazip kiñ ewö galöm köl engimakñe. ³⁰°Miangöra iñjini ölöp nöñgö bemtohoñne añgota nene dumni liliköba tata o aka nene namba malme aka azi kembu tatatnöñ tata Israel ambazip kambu 12 yengö keuñjini kewöta jim teköm engime.” Mewö.

Pitönöñ Jisös qañ kölmakpö jii mörök.

Mat 26.31-35; Mak 14.27-31; Jon 13.36-38

³¹Jisösnöñ jiyök, “O Saimon Saimon! Mötnöñ! Kölkömöt azinöñ wit padi kötñi joutnöñ ala uturuköiga kamböñi deñda erakzawi, Satanöñ mönö miangö dop eñön löwöriba yangö böröñe gemegöra uturuköba esapesap al engimamgö kapañ köla jöjöröza. ³²Jöjörözapmö, göhö mötnaripkan sörauba pömsöm qebapuköra nöñön göhöra köululuköba malal. Miangöra nalö kungen urugi melenñda nöñgöreñ kamani, miangöreñ mönö mötnarip alaurupki nañgöba mem köhöim engiman.”

³³Mewö jiiga Saimonöñ melenñök, “Kembu, nöñön göbuk kösö mire anbitkö aka mohotñe kömumbitkö jöjöröba maljal.”

³⁴Mewö jiyökmö, Jisösnöñ jii mörök, “Pitö, nöñön kewö jibi mötnöñ: Kuruknöñ merak qahö qeriga göñön mutuk ni möt niñgimamgö qañ kölnöñga indimñi karöbut akña.

Gösö aka bimgö sou ketañi miyök memba anme.

³⁵°Jisösnöñ gwarekurupñi kewö qesim engiyök, “Nöñön iñjini mutuk gösö qahö, moneñ gösö qahö, köna esu qahö mewö melaim engibi angeri, miangöreñ yuai kungöra osiget me qahö?” Qesim engiiga “Yuai kungöra qahö osiin,” jiget.

° 22.26 Mat 23.11; Mak 9.35 ° 22.27 Jon 13.12-15 ° 22.30 Mat 19.28 ° 22.35 Mat 10.9-10; Mak 6.8-9; Luk 9.3; 10.4

³⁶ Jigetka kewö toroqeba jiyök, “Mutuk mewö aketmö, nalö kewöñe kungörej gösö aka moneñ gösö tuñi ahözawi, mi ölop memba tenğöba malma. Bimgö sou ketanji mi kungörej qahö ahöza, yañön mönö malukuñi bohonji memegöra ala moneñ miwikñaiba sou mi bohonji mema. ³⁷ Nöñön miañgöra kewö jibi mötket: Anutugö keu nöngöra jigeri, mi körek pakpak köhöim teköma. Miañgö nalöñan mönö kam kuñgumangö akza. Buña keu kun kewö ohoget ahöza, ‘Yañön bölöñi meme yeñgö kambuñine ahöma, jiget.’ Miañgöra jizal: Keu miañgö ölnji mi nöngörej asuhum teköma.”

³⁸ Mewö jiiga gwarekurupñan jiget, “Kembu eknöñ, bimgö sou ketanji yahöt ki ahözahot.” Mewö jigetka “Mi dop kölja,” jiba meleñ ençiyök. Mewö.

Jisösnöñ Gezemane arönöñ köuluköyök.

Mat 26.36-46; Mak 14.32-42

³⁹ Jisösnöñ miri mosöta silikñi wuatangöba Oil ip kundunje öñgöiga gwarekurupñan andöñe anget. ⁴⁰ Öñgöba miañgörej angota kewö jii mötket, “Esapesapnöñ et ençubapuköra mönö köuluk nup meme.”

⁴¹ Mewö jiba ençömosöta köt gilil anakzawi, miañgö dop anda simin köla köuluköyök ⁴² Köuluköba kewö jiyök, “Iwini, göñön urusihimgi mötzan ewö, sihimbölögö qambinji kianön mönö nöngö qakne öñgöbapuköra noañgitman. Noañgitman me qahö, mi mönö nangi jit keugahö dop asuhuma. Mi nöngö sihimgö dop qahö.” ⁴³ Mewö köuluköiga garata kunñan Suepnöhök asuhuba mem köhöim wañgiyök. ⁴⁴ Mem köhöim wañgiiga köñjilij öñgöñgöñi möta mönö kapañ köla uruñi qezaköba köuluköyök. Köuluköiga nöngöpñi mi sep jöjöl ewö tiñgita gölmenöñ etket.

⁴⁵ Köuluköm teköba wahöta gwarekurupñi yeñgörej anök. Anda miwikñaiba ençehi wösöbiriknöñ mem et ençii söroraua gaun ahöget. ⁴⁶ Ahögetka jiyök, “Mönö wuanöñgöra gaunök ahöze? Mönö wahöta esapesapnöñ et ençubapuköra köuluköget.” Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷ Jisösnöñ mewö jiba kiniga miañgörej azi kambu kañgotket. Gwarekurupñi 12 yeñgörejök kun qetñi Judas yañön jitñemem ençiba Jisösgörej kañgota numbuñi yöhötim neyök. ⁴⁸ Yöhötim neyökmö, Jisösnöñ kewö jii mörök, “Judas, gi numbuni yöhötim nemba mewö miañön Sup gölmegö azi ölnji mamalolo mem wañgizan me?”

⁴⁹ Mewö aiga tosatñan Jisös liliköm wañgiba kingeri yeñön yuai asuhumangö ahi mi eka jiget, “Kembu, nini bimgö sou ketanjan ençuin

^s 22.37 Ais 53.12

me?”⁵⁰ Mewö jiba yengöreñök kunñan jike nup galöm bohonñangö welenqeçeñi qeba kezapñi ölni köteköi erök.

⁵¹ Erökmö, Jisösnöñ melenñda “Mönö mosötket!” jiba welenqeçeñi kezapñi yandiyöhi, mi misiriiga ölöwahök.

⁵² Ölöwahiga kinda jike nup galömurup, jikegö kiripo galöm bohonñi aka kantrigö jittjememe yeñön Jisös membingö kañgotkeri, mi kewö jii mötket, “Ni kegwek-kahasililiñ azia qahöpmö, töndup nöngöra mewö möta bimgö sou ketañi aka liñgip memba kañgotze.”⁵³ “Nöñön wehön dop jöwöwöl jikenöñ embuk malbiga iñini böröñini böranña ni qahö nömiget. Mi qahöpmö, dölkö söñaupkö ösumñan luhut ala aukñe asuhuiga engö nalöñinan kam kunguza.” Mewö.

Pitönöñ Jisös qañ kölök.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yeñön Jisös memba jöhöba wañgita jike nup galöm bohonñangö mire anget. Angetka Pitönöñ andöñine sikepsikep enñuatangöba anök. ⁵⁵ Mianğöreñ anda jakömbuak mirigö kiripo uruñe geba sombem bibiñe könöp ohoba mohotñe tatket. Pitönöñ mewöñanök yengö sutñine tarök. ⁵⁶ Tari welenqeçe ambi kunñan Pitönöñ könöp kösutñe tari ehiba kewö jiyök, “Azi kianñön mönö mewöyök yambuk malök.”

⁵⁷ Mewö jiyökmö, Pitönöñ qañ köla kewö jiyök, “Ambi, ni i qahö möt wañgizal.”

⁵⁸ Mewö jiba tari kude köriiga azi kunñan eka jiyök, “Gi mewöyök yengöreñök kun akzan.” Mewö jiyökmö, Pitönöñ meleşnök, “Alani, ni qahö.”

⁵⁹ Aua mohotkö dop teköiga kunñan keu mi kunbuk kapañ köla jiyök, “Azi kianñön mewöyök ölna yambuk malök. Yañön mönö Galili azia akza.”

⁶⁰ Mewö jiyökmö, Pitönöñ meleşnök, “Azi, keu jizani, mi köndatzal.” Mewö jiba kiniga mianğöreñök kuruk qerök.

⁶¹ Qeriga Kembunöñ liliñgöba Pitö uba ehiga mianğöreñök keuñi kewö jiyöhi, mi mötmöriyök, ‘Gi merak indimñi karöbut qañ köl niñginöñga kuruknöñ qetma.’ ⁶² Keu mi mötmöriiba wösöñi julmamgö aiga yaigep geba sahöt böliyök. Mewö.

Jisös jim gönahit ak wañgiget.

Mat 26.67-68; Mak 14.63-65

⁶³ Yarö azi Jisös memba jöhögeri, yeñön mepaqepaik ak wañgiba kinda qeapköget. ⁶⁴ Qeapköba jemesoholñi esuhuba qesiba jiget, “Gi kezapqetok azia akzananğöra dañön guhuzawi, mönö yañgö qetñi qetnöñ!” ⁶⁵ Mewö jiba gwötputk tereñqereñda ilita jim qetal wañgiget. Mewö.

¹ 22.53 Luk 19.47; 21.37

Jikegö jitnememe yeñön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶Jim qetal wañgiba malgetka miri gianjiiga kantrigö jitnememe aka jike nup galöm aka Köna keugö böhi yeñön tokoba Jisös wañgita Juda yeñgö jike kaunsöl kambu yeñgö jeñine alget.

⁶⁷Miañgöreñ algetka jiget, “Göñön Amötqeçe Toñi Kraist akzan ewö, mi mönö aukñe pañ jinöñga mötpin.” Mewö jigetka melenök, “Mi jibi mötpeaha kun, mi mönö qahö möt narime. ⁶⁸Me qesim engibileñaha kun, mi mönö qahö meleñ ningime. ⁶⁹Mewö mötzalmö, nalö kewöñeyök könahiba Suep gölmegö azi öñi yañön mönö Anutu, kukösum Toñangö böröñi öñe tata malma.”

⁷⁰Mewö jiiga miañgöreñök körekñanök kewö jiba qesiget, “Öñaha, gi Anutugö nahöñña akzan me qahö?” Mewö qesigetka kewö meleñ eñgiyök, “Mi akzalañgö keuñi mönö nanñinak jize.” ⁷¹Meleñ eñgiiga jiget, “Nanñak uñemuñem (guñemguñem) keuñi mönö nanñi numbuñan jiiga möt teközin. Miañgöra tosatñan keuñi nañgömegöra mönö wuanöñgöra kunbuk qesim eñgibinak?” Mewö.

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Jon 18.28-38

23 ¹Mewö jiiga kambu körek yeñön wahöta Jisös wañgita premiö Pailötköreñ anget. ²Yañgöreñ anda könahiba sileñe keu ala undeñda kewö jiget, “Azi kiangö könañi kewö eka mörin: Yañön ambazip kuñgum eñgiiga eñololoñ aka karim asuhumakze. Nini Sisa kiñgö takis kude almegöra soñgo alakza. Nanñangöra ‘Ni Amötqeçe Toñi Kraist aka kiñ akzal,’ jimakza.”

³Mewö jigetka Pailötnöñ kewö qesim wañgiyök, “Öñaha, gi Juda yeñgö kiña akzan me qahö?” Qesim wañgiiga Jisösnöñ meleñda jiyök, “Mönö nangak jizani, mewö.”

⁴Pailötnöñ jike nup galöm aka ambazip kambu yeñgöra kewö jii mötket, “Nöñön azi kiangö pinjitñi kun qahö miwikñaizal.”

⁵Mewö jii möta kunbuk kapañ köla kuñguba jiget, “Yañön mönö ambazip kambu kuñgum eñgiba Buñañi Galili prowinsnöñ könahiba kusum eñgiba gölme dop köla kaba Judia prowins kiangöreñ mewöyök mi jim sehimakza.”

⁶Mewö jiget möta qesim eñgiba jiyök, “I Galili azia me akza qahö?” ⁷Mewö jiiga “Mönö mi!” jiget möta Herodnöñ Galili aka prowins tosatñi mindiriba galöm köñ eñgiba nalö miañgöreñök Jerusalem sitinöñ kaba malöhi, miañgöra Pailötnöñ Jisös Herodköreñ wañgita anget. Mewö.

Jisösnöñ kiñ Herodkö jeñe kinök.

⁸Herodnöñ Jisösgö kösohotñi möta lök nalö köröpñi ekñamgö sihimñi möta malöhañgöra i eka uruñan gwötpuk ölöwahök. Jisösnöñ añgöletot

kun meiga ekɲamgö al mamböta malök. ⁹Miaɲgöra qeqesi gwötɲuk Jisös qesim waɲgiyök. Mi qesim waɲgiyökmö, Jisösnöɲ likeɲɲi kun qahö jii mörök.

¹⁰Jike nup galöm aka Köna keugö böhi yeɲön kinda silenöɲ alal keu könöɲɲambuk jim waɲgiget. ¹¹Herodnöɲ yarö aziurupɲi yembuk Jisös memba et ala jijiwilit aka mepaqepaik mem waɲgiget. Mewö aka maluku aködampungambuk kun löngöt waɲgiget kini melaiiga kunbuk premiö Pailötkö jeɲe anök. ¹²Mutuk Pailöt aka Herod yetkön kerök-kerök ak aɲguba malohora nalö miaɲgöreɲ ala-ala ahot. Mewö.

Pailötnöɲ Jisös kömumapkö jim teköyök.

Mat 27.15-26; Mak 15.6-15; Jon 18.39–19.16

¹³Jisösnöɲ kaiga premiö Pailötnöɲ jike nup galöm aka galömkölköl aziurupɲi aka ambazip kambu öröm eɲgii tokoget. ¹⁴Tokogetka kewö jii mötket, “Iɲini azi ki kewö jiba nöɲgöreɲ waɲgita kaze, ‘Yaɲön ambazip kambu kuɲgum eɲgiiga eɲololon ahakze.’ Mötket! Iɲini keu silene aljei, nöɲön miaɲgö könaɲi eɲgö jeɲine kewöta kewö miwikɲaizal: Iɲini azi kiaɲgö silene keu aljei pakpak, miaɲön pinjitiɲi qahö akza. ¹⁵Herodnöɲ keu mewöɲanök jiba melaiiga kunbuk neɲgöreɲ kaza. Mötket, yaɲön yuai pinjitiɲambuk kun qahö ahök. Miaɲgöra kömupkö buɲaya akɲapakö osima. ¹⁶Miaɲgöra nöɲön jibi yarö azi yeɲön ihileknöhök qegetka pösatpi etma.” ¹⁷(Pailötnöɲ yambu (yara) dop Pasowa sösöɲgai nalöɲe kösö mireyök azi mohok pösat eɲgimalɲapma.)

¹⁸Mewö jiiga yeɲön körebök silata qeta jiget, “Ia mönö yapmakek! Barabas mönö pösat neɲginöɲ.” ¹⁹Barabas miaɲön sitinöɲ karim gila malgeri, yeɲgö galömɲina aka azi kun qei kömuyöhi, miaɲgöra kösö mire alget tarök.

²⁰Pailötnöɲ Jisös pösatmamgö möta keu kunbuk jiyök. ²¹Jiyökmö, yeɲön qetala öraɲböraɲ misiba qet gigilahöget, “Maripomnöɲ qeget! Maripomnöɲ qeget!”

²²Qet gigilahögetka yaɲön keu indimɲi karöbut kewö jiyök, “Yaɲön mönö wani bölonja ahök? Nöɲön yaɲgöreɲ pinjit kun kude miwikɲaibiga kömupkö buɲaya akɲawaɲgö dop qahö akza. Mewö aiga nöɲön jibi yarö azi yeɲön ihileknöhök qegetka pösatpi etma.”

²³Mewö jiyökmö, yeɲön jakbak memba kapaɲ köla toroqeba qet gigilahöba qetket, ‘Jisös maripomnöɲ qeget kömuma.’ Mewö qeta Pailötköreɲ keu mi qeapköget. ²⁴Qeapkögetka Pailötnöɲ keuɲini baɲe anda keu kapaɲ köla jigeri, miaɲgö ölni ahumapkö jim teköyök. ²⁵Jim teköba Barabas etmapkö kapaɲ kölgeraɲgöra i pösari erök. I karim qeba malgeri, yeɲgö galömɲina aka azi kun qei kömuyöhi, miaɲgöra kösö mire alget tarök. Mi pösari erökmö, Jisös sihimɲinaɲgö dop jaunɲauranɲa ak waɲgimegöra böronjine alök. Mewö.

Jisös maripomnöj qeget.

Mat 27.32-44; Mak 15.21-32; Jon 19.17-27

²⁶Pailötnöj Jisös böröjine aliga waŋgita köna namŋe anda Afrika siti qetŋi Sairini miangö azi kun qetŋi Saimon miwikŋaiget. Yaŋon nupnöhök kaŋgoriga jim kutum waŋgiba Jisösgö maripomŋi waŋgita yaŋgö awötŋe algetka aŋguba wuatangöba anök.

²⁷Mewö aniga ambazip kambu ketanŋi yeŋon luluŋda andöŋe wuatangöba anget. Yeŋgö sutŋine ambi tosatŋan mewöyök jingey köla sahöta anget.

²⁸Sahöta angetka Jisösnöj lilingöba eŋgeka kewö jiyök, “O Jerusalem ambi, iŋini mönö nöngöra kude sahötket. Nöngöra qahöpmö, nanŋini aka nahönböratuŋrupŋini miengöra mönö sahötme. ²⁹Mötket! Könaŋep nalö kun kai miangöreŋ kewö jime, ‘Ambi köpin mi simbawoŋ. Gölöm qahö ala morö kude megeri, mi simbawoŋ akze. Nahönbörat juzu eŋgiba qahö dohongögeri, mi simbawoŋ.’ ³⁰“Nalö miangöreŋ ambazipnöj könahiba kundunŋi Toŋi yeŋgöra kewö uletme, ‘Iŋini mönö kundunŋi mi jigetka teköba qaknine öŋgöme.’ Aka sem siagö Toŋi mi kewö ulet eŋgime, ‘Iŋini mönö baŋetŋine asamböt neŋgime.’

³¹“Nöŋon Anutugöreŋ ip gwölögwölö akzal aka nöngöra töndup kewö ak niŋgize. Iŋini ip köhömunŋi siŋgisöndokŋinambuk könöp sihit qeba kinje. Miangöra Anutunöj likepŋi melen eŋgiiga könöpnöj amqeqeŋanök eŋgohotiriiga sihimbölö öŋgöŋgöŋi mötme.”

³²Bölöŋi meme yahöt mi mewöyök Jisösbuk mohotŋe etkubingöra etkuangita anget. ³³Anda gölme qetŋi Nöröpsihit qetzei, miangöreŋ aŋgota Jisös maripomnöj qeget. Qeba bölöŋi meme yahöt mi mohotŋe kun ölje kun qaniŋe likeplikep mewö etkuget. ³⁴“Mewö aketmö, Jisösnöj jiyök, “Iwini, yeŋon yuai akzei, miangö könaŋi qahö möt kutuzeangöra siŋgisöndokŋini mönö mosöt eŋgiman.”

Qeget kiniga Jisösgö sile esuŋangöra kiawen megetka qötöŋi ahui miangö dop mendenŋa meget.

³⁵“Mewö aketka ambazip kambu yeŋon kinda mi uba eket. Eketmö, Juda jitŋememe yeŋon mewöyök mepaqepaik mem waŋgiba kewö jiget, “Anutunöj möwölöhöm waŋgii Amötqeqe Toŋi Kraist akza ewö, tosatŋi bauköm eŋgiba malöhaŋon mönö nanŋi bauköm aŋguma.”

³⁶“Yarö azi yeŋon mewöyök keu gönahit jiba ilita kösutŋe anda wain o asölŋambuk kusahöla memba öŋgöba waŋgiba ³⁷kewö jiget, “Gi Juda yeŋgöreŋ kiŋ kembuya akzan ewö, mönö ölöp nangi bauköm aŋguman.”

³⁸Nöröpŋe eu kulem kun kewö ohoget kinök, “Juda yeŋgö kiŋ kembuŋina ki.”

^u 23.30 Hos 10.8; Ind 6.16 ^v 23.34 Sum 22.18 ^w 23.35 Sum 22.7 ^x 23.36 Sum 69.21

³⁹Kegwek-kahasililih azi yahöt mohotŋe möndögetka kingeri, yetköreŋök kunŋan uruqeŋe keu töhöreŋ Jisös jim waŋgiba kewö jiyök, “Gi Amötqeŋe Tonji Kraist akzan ewö, mönö nangi bauköba niri mewöyök bauköm netkinöŋ.”

⁴⁰Mewö jiyökmö, alaŋan jim waŋgiba kewö jiyök, “Gi gödaŋeŋeŋi qahö. Gi Anutugöra mewöyök keŋgötki qahö mötzan me? Yeŋön jim teköba sihimbölä öröröŋ neŋgigetka bisizin. ⁴¹Niri ölna pinjit ahiraŋgöra likepŋi dopŋe melenŋa ak netkigetka sihimbölä mötzi. Mi mötziŋmö, azi kiaŋön bölöŋi kun qahö aiga ia töndup ayuhuze.” ⁴²Mewö jiba jiyök, “Jisös, gi bemtohoŋgahö uruŋe aŋgotmani, miaŋgöreŋ mönö ni mötmörim niŋgiman.”

⁴³Jiiga kewö jiyök, “Nöŋön keu ölna jibi mötnöŋ: Göŋön mönö merak nömbuk oyaenŋkoyaen mire öŋgöba malman.” Mewö.

Jisösnöŋ kömuyök.

Mat 27.45-56; Mak 15.33-41; Jon 19.28-30

⁴⁴Silim bibiŋi 12 kilok aiga wehön jeŋi böuleiiga söŋaupnöŋ eta gölme pakpak dop köla ahöiga anda aua karöbutkö dop ahök. ⁴⁵Nalö miaŋgöreŋ jöwöwöl jike uruŋe opo kinöhi, miaŋön mönö euyök bibiŋe jurata eta yahöt ahök. ⁴⁶Jisösnöŋ nalö miaŋgöreŋ köhöikŋanök qeta kewö jiyök, “Iwini, nöŋön uŋani göhö böroge aljal.” Mewö jiba söŋgöro ösum kondikŋi öroba kömuyök.

⁴⁷Kömuiga yuai asuhuyöhi, suahö galömnöŋ mi eka Anutu möpöseiba kewö jiyök, “Yaŋön mönö ölna azi solanŋa akza.”

⁴⁸Ambazip kambu pakpak mi ekingö kaba tokogeri, yeŋön yuai mi asuhui eka wösöŋini juliga nörop gila mohot mohot miriŋine anget. ⁴⁹Angetmö, ambazip pakpak Jisös möt waŋgigeri, yeŋön sikep kindi i uba eket. Ambi tosatŋan Jisös wuatangöba Galiliyök kageri, yeŋön mewöyök kindi mi eket. Mewö.

Jisösgö qamötŋi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹Juda yeŋgöreŋ taon qetŋi Arimatia miaŋgöreŋök azi ölöpŋi qetbuŋaŋambuk qetŋi Josef yaŋön mewöyök kayök. Yaŋön Anutu bemtohoŋaŋgö ölni asuhumapköra mamböta malök. Yaŋön Juda yeŋgö jike kaunsöl kambugö jitrjememe mala Jisösgö keu jim jöhöba akeri, miaŋgö urumohok qahö ahök.

⁵²Yaŋön Pailötköreŋ anda Jisösgö qamötŋi memamgö qesiyök. ⁵³Qesiba öŋgöba qamötŋi maripomnöhök qeköba memba eta opo tuatŋan esuhuyök. Esuhuba memba qaksirinöŋ anda köt köteŋ kun urorohoba qamöt kun

† 23.45 Eks 26.31-33 ‡ 23.46 Sum 31.5 § 23.49 Luk 8.2-3

mianğoreñ qahö algeri, Jisösgö qamötñi mi mianğoreñ alök. ⁵⁴Sabat kendon tatatkö yuaiñi mözözömgögeri, mianğö wehön jeñi gemamgö ahök.

⁵⁵Gemamgö aiga ambi Jisösbuk Galiliyök kageri, yeñön Josefö gönaje qaksirinöñ anda yañön Jisösgö qamötñi memba köt köteññöñ alöhi, mi eket. ⁵⁶^bMianğoreñök lilingöba mire anda jiniñ suamburup umköhöwakñambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnöñ Köna keunöñ Sabat kendongöra jim kutui ahöyöhi, mi wuatangöba luhut memba ösöñ tatket. Mewö.

Jisösnöñ kömupnöhök wahörök.

Mat 28.1-10; Mak 16.1-8; Jon 20.1-10

24 ¹Sabat kendon tatket teköiga Sonda söñanök miri gianjiiga ambi yeñön wahöta jiniñ jimoron umköhöwakñambuk mözözömgögeri, mi memba qaksirinöñ anget. ²Anda kunñan qaksirigö numbuñe köt ketañi qetali ani eket. ³Mi eka köt köteñ uruñe öñgögetmö, Kembu Jisösgö qamötñi qahö miwikñaget. ⁴Mianğöra mötkurumkurum möta kingetka azi yahöt malukuñiri tuatñi kölköl-bilikbilikñambuk yetkön wösöñine kinohotka etkeket.

⁵Mi etkeka awöwöliba gölmenöñ geba dapkögetka kewö jiyohot mötket, “Jebuk mal köhöizawi, i mönö denöwögöra kömukömuñi yeñgö sutñine jaruze? ⁶Yañön ki qahö ahözapmö, mönö guliba wahötza. Galili prowinsnöñ mala keu jii mötkeri, mi mönö mötmörime: ⁷Yañön kewö jiyök, ‘Kunöñ Suep gölmegö azi ölni mamalolo mem wañgiiga bölöñi meme yeñgö böröñine geiga maripomnöñ qeget kömumba wehön karöbut aiga guliba wahötma.’”

⁸Mewö jiyohotka keuñi mi mötmötñine angoriga mötmöriget. ⁹Mewö mötmöriba qaksirinöhök lilingöba kaba yuai pakpak asuhuyöhi, mianğö buzup keuñi mi gwarek 11 aka tosatñi pakpak yeñgöra jiget mötket. ¹⁰Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñi yembuk malgeri, yeñön mi kaba aposol yeñgöra jiget mötket.

¹¹Buzup keu mi jiget mötketmö, keu jigeri, mi keu omanñi tandök ahöhi, mewö mötmöriba mi qahö möt nariget. ¹²Qahö möt narigetmö, Pitönöñ wahöta ösumñan qaksirinöñ anda köt köteñ uruñe ui aniga opo esu miyök mianğoreñ tari ehök. Mi eka yuai asuhuyöhi, mi nanñök mötmöriba welipköba mire lilingöyök. Mewö.

Gwarek yahötñan Emeus könanöñ anohot.

Mak 16.12-13

¹³Wehön mianğoreñök Jisösgö gwarekurupñi yeñgöreñök yahötñan Jerusalem siti mosöta miri qetñi Emeus sewen mail mianğoreñ anbitkö

^b 23.56 Eks 20.10; Dut 5.14 ^c 24.6-7 Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

anohot. ¹⁴Könanön anda yuai asuhuyöhi, mi pakpak nanñirök eraum mörohot. ¹⁵Mi eraum möta könañi jim lömböriba anohotka Jisösnön nanjak kösutñire angota mohotje anget. ¹⁶Angetmö, jeñiri közamböri i qahö ek kutuyohot. ¹⁷Qahö ek kutuyohotka kewö jiyök, “Inñiri nanñirök wani keuya könanön eraum möta kazahot?” Mewö jiiga dörok mitiba wösöbirik jeje uba eka kinohot.

¹⁸Eka kinda yetköreñök kun qetñi Kliopas yañön kewö qesim wañgiyök, “Pasowa kendonön yuai asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

¹⁹Qesim wañgiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yañön kezapqetok azia mala Anutu aka ambazip pakpak yeñgö jeñine ahakmeme kukösumñambuk aka keu köhöikñi jiba malök. ²⁰Mewö maliga neñgö jike nup galömnini aka galömkölköl aziurupninan i wañgita premiögö böröñe algetka kömumapkö jim teköi maripomnön qeget kömuyök. ²¹Yañön Israel könagesönini kösönöhök pösata sohopnini memapköra al mamböta jörömqöröm aka malinmö, Yei! i mönö qeget kömuyök. Yuai mi asuhuiga mala koringa merak sömañi karöbut lök akza.

²²“Mi qahö dop köliga merak neñgöreñök ambi tosatñan keunön kuñguba welipköm neñgiget maljin. Yeñön söñan amandine qaksirinön anda, ²³qamötñi qahö miwikñaiba lilingöba kewö jize, “Nini Suep garata yahötkö jemelen imut ehinga yetköñ ‘Jisösnön guliba malja,’ ” jiyohotka mötzin. ²⁴Keu mi möta azi nembuk maljei, yeñgöreñök tosatñan qaksirinön anda ambi yeñön keu jizei, miangö dop ahöiga ekze. Löm gwamönñi ekzemö, nanñi qahö ekze.”

²⁵Keu mi möta kewö jii mörohot, “Yei! Inñini kezapqetok yeñön keu jigeri, mi pakpak mönö wuanöngöra ölanbölan aka ajojohoba gawönjeje mala qahö möt narize? ²⁶Amötqeqe Toñi Kraistnön sihimbölö mewöñi mötagun nanñi asakmararañ uruñe öngöma. Miangö dop ohoget ahöza me qahö?” ²⁷Mewö jii mörohotka Moses aka kezapqetok ambazip pakpak yeñön keu jigeri, miangöreñök könahiba nanñañgöra keuñi pakpak ohoget ahözawi, miangö könañi jim asarim etkiyök.

²⁸Jim asarim etkiba anda miri anbitkö jiba anohori, mi dopdowiba miangöreñ toroqeba anmamgö mörök. ²⁹Mewö mörökmö, yetköñ kapañ köl wañgiba kewö jiyohot, “Miri mare aiga wehön jeñan lök gemamgö akza. Miangöra ölop netpuk tata ahöman.” Mewö jiyohotka yetpuk mire öngöba tatket. ³⁰Tata yetpuk nene nembangö aka beret memba kötuetköba mindipköba etkimamgö aiga yuai kewö asuhuyök:

³¹Miangöreñök jeñiran tohoiga ek kutuyohotka at atop (jiatatoñ) köliga kunbuk qahö ehot. ³²Mewö aiga nanñirök kewö eraum mörohot, “Köna namñe Buña Kimbigö keu jiba könañi jim asarim netkizawi, nalö miangöreñök mönö urunire könöp jezawañgö dop mötzit.”

³³Mewö jiba miangörenjök wahöta Jerusalem sitinöj lilingöba angota gwarekurupji 11 aka alaurup yembuk tokoba tatkeri, mi miwiknjaim enjgiyohot. ³⁴Miwiknjaim enjgiyohotka kewö jiget mörohot, “Kembunöj mönö ölna wahöta Saimongörenj asuhum wanjiza.”

³⁵Mewö jigetka nanjirak könänöj yuai asuhuyök aka beret mindipköyöhi, nalö miangörenj urujiri tohoiga möt kutuyohot, miangö kösohotji mem enjgiyohot. Mewö.

Jisösnöj gwarek kambuji asuhum enjgiyök.

Mat 28.16-20; Mak 16.14-18; Jon 20.19-23; Apo 1.6-8

³⁶Gwarekurupji yejön keu mi eraum möta tatketka miangörenjök Jisösnöj nanjak sutjine asuhuba kinda kewö jiyök, “Alaurupni, luainöj embuk ahöma!”

³⁷Mewö jiiga kenjötporinj aka jönömjinini undui “Öme imura ekzin,” mewö mötmöriget. ³⁸Mewö mötmörigetmö, kewö jii mötket, “Injini denöwögöra auruba mötmöt mewöni urujine ahuza? ³⁹Ni nanak ki maljal. Mi nanjinak köna böröni uba eka mötme. Öme imut mi bususihitjini qahö. Ni bususihitnambuk kinbi nekze. Mönö nömisiriba nek kömume.”

⁴⁰Mewö jiba köna böröni kondel enjgiyök. ⁴¹Kondel enjgiyökmö, mi sösöngaininangöra töndup qahö möt nariba welipköba tatketka kewö qesiba jiyök, “Nenenamjini kun ki tatza me qahö?” ⁴²Mewö jiiga söra jejeji miangö kitipji kun wanjiget. ⁴³Wanjigetka memba neiga eket.

⁴⁴Neiga eketka kewö jii mötket, “Ni embuk mala nalö miangörenj keu jibi mötkeri, miangö ölni nalö kiangörenj asuhui ekze. Nöjön kewö jiba malal: Nöngö keu mi Mosesgö Köna keu aka kezapqetok azi yejögö Buzup Kimbi aka Sumbara (Buja lijet) buknoj ohoget ahözawi, mi pakpak mönö öljambuk ak teköma.”

⁴⁵Mewö jii mötketka miangörenjök Buja Kimbigö könani möt kutumegöra urujini metohoyök. ⁴⁶Metohoba kewö jii mötket, “Keu kewö ohoget ahöza: Kraistnöj sihimbölö möta kömumba sömanji karöbut aiga kömupnöhök wahötma. ⁴⁷Miangöra enjön mönö Jerusalem sitinöj könahiba Buja keu nöngö qetne jim asariba kantri pakpak dop köla anda uru kuñgum enjimakje. Denike yejön urujini melenjmei, Anutunöj mönö yejögö sijgisöndokjini mosöta sanjoñma.

⁴⁸“Keu mi öljambuk ahök aka akjawi, injini mi asuhui eka nanjögöba jiba dangunu ewö kinme. ⁴⁹^dMötket! Iwinan kalem enjgimapkö keu jöhöyöhi, nöjön i melalbiga urujine gema. Euyangörenjök kukösum albi qakjine öngöma. Injini siti kiangörenj miangöra mamböta tata malme.” Mewö.

^d 24.49 Apo 1.4

Jisösnöŋ Suep mire öŋgöyök.*Mat 16.19-20; Apo 1.9-11*

⁵⁰ Jisösnöŋ keuŋi jim teköba gwarekurupŋi enġuaŋgita anda Betani miri kösutŋe aŋgota miaŋgöreŋ böröŋi mem wahöta kötuetköm enġiyök. ⁵¹ Kötuetköm enġiiga miaŋgöreŋök Anutunöŋ waŋgiriga enġömosöta Suepnöŋ öŋgöyök. ⁵² Öŋgöiga söŋŋgai ketanŋi möta sipköba waikŋi memba möpöseim waŋgiba Jerusalem lilingöget. ⁵³ Lilingöba sundan dop jöwöwöl jikenöŋ mala Anutu möpöseim waŋgiba malget. Mewö.

^e 24.50-51 Apo 1.9-11

Jon

Ölöwak Buña Jonöñ ohoyök.

Jim-asa-asari

Jonöñ nanji qetji Ölöwak Buña kianğoreñ aukñe qahö ohoyökmö, nanñanğöra kewö jiza, “Gwarek Jisösnöñ uruñan jöpaköm wañgiyök.” (19.26) Jonöñ urujöpak urukalemğö keuñi kapañ köla jimakza. Jonöñ Ölöwak Buña ki mi ambazipnöñ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, ölna Anutugö Nahönñi aka Amötqeçe Toñi akza. Inini mönö i möt köhöiba mewö miañön malmal köhöikñi miwikñaima.” Jisösnöñ mutuk Iwigöreñ mala keu jitña malök. (1.1) Mewö mala gölme azia aka ösum-mumuñi aka mötmötñi mi aiwesök añğöletot memba miañön kondelök. Mi kondela bemtohoñğö könañi jim asariğa tosatñan uruñini melenğetka tosatñan töndup yañgiseñ aket.

Jisösnöñ kewö akza, jiyök: Amötqeçe Toñi (4.26), malmalgö nene wötñi (6.35), miri gölme euyañğö buñaya (8.23), bem koñkoñ (8.58), gölme pakpakö asakñi (9.5), nañgu (10.7), lama galöm ölöpñi (10.11), Anutugö Nahönñi (10.36), Kembu aka Böhi (13.13), kömupnöhök wahötwahöt Toñi aka malmal kömbönañi Toñi (11.25), köna, keu ölni aka malmal köhöikñi (14.6), wain ip ölni (15.1), kulem namñi mutukñi aka teteköñi A aka Z (Ind 1.8), Mutukñi aka Qöndökñi (Ind 1.17) aka mewö mewö.

Jisösnöñ gwarekurupñi ölna jöpaköm eñgiba malöhi, goro keu qöndökñan (Boñ 13-17) mi törörök kondelja. Keu mi nahömñambuk. Kömupnöhök wahötagun Pitö mem köhöimapköra kewö qesiyök: “Ni jöpaköm niñgizan me qahö? Mewö akzan ewö, mönö alaurupni köyan köl eñgiman.”

Buk kianğö bahöñi bohonñi 6 mi kewö:

Keu mutukñi *1.1-18*

Jon O-melun azi aka gwarekurup mutukñi *1.19-51*

Jisösnöñ qenjarök nup meyök *2.1-12.50*

Teteköñe Jerusalem kaba mala kömuyök *13.1-19.42*

Guliba wahöta alaurupñi asuhum eñgiyök *20.1-31*

Galili kaba gwarekurupñi asuhum eñgiyök *21.1-25*

Anutugö numbu jitñi malmalñambuk.

1 ¹Könakönahiñe möpñangö möpñeyök keu jit malök. Yañön malmalgö könani nañgöba jiba kota malök. Keu jit yañön Anutugö qöhöröñe mala korök aka nanñak bem Anutuyöhök ahök. ²Keu jit yañön könakönahiñe Anutugö qöhöröñe malök. ³Yañgö qöhöröñe mala bauköm wañgiiga yuai pakpak ahuyök. Yuai kun qahö bauköm wañgibawak, mi mönö qahö ahubawak. ⁴Keu jit yañön malmal bömöññanök ahök. Yañgöreñ malmal köhöikñi miañön ambazip mem asarim eñgiiga eka mala kotket. ⁵Asakñan panaman uruñe asarimakzapmö, söñaupnönj malgeri, yeñön asakñangö könani mi qahö möt asariba mala kotket. Mewö.

⁶⁻⁷Anutunönj ambazip körek pakpak asakñi möt narimegöra möta kolek azi qetñi Jon melaiiga asuhuyök. Asuhuba kaba asakñangö könani indela nañgöba jiba malök. ⁸Jonönj nanñak asakñi mi qahö aka malökmö, yañön mönö asakñangö könani mi nañgöba jiba malök. ⁹Asak ölbölñi yañön ambazip gölme dop mem asarim nengimakzawi, yañön gölmenönj asuhumamgö ahök.

¹⁰Yañön könakönahiñe gölmenji gölmenji miañgö öröyuaiñi pakpak mi nam köl eñgiiga ahuget. Ahugetka nanñak sutñine mala korökmö, gölme ambazipnönj töndup i qahö möt kutum wañgiba tönpin malget. ¹¹Mewö tönpin malgetka nanñi miri gölmenje kaiga könagesourupñan zikzik tököba nesampurek aka andö qem wañgiget. ¹²Mewö aketmö, denike yeñön köl öröm wañgiba qetbuñani möta möt narigeri, yañön mönö körek yeñgöra köna mesari kewö asuhuyök: Nanñak nam köla kukösum eñgiiga ahuañu dölökñi ahuba Anutugö nahönböraturupñi aket. ¹³Anutugö jitsihitñan mönö nam köl eñgiiga asuhuyet. Gölme azinönj jit sihitñi wuatañgöba anömñambuk keu jöhöiga gölöm ala morö meiga asuhuzawi, yeñön köna mewö miañön Anutugö nahönböraturupñi qahö aket. Mewö.

¹⁴Keu jit yañön azi silebuk aka sutnine anda kaba malök. Mewö maliga aködämunñi uba eka malin. Iwiñan Nahöññi mohok-kungöra aködämunñi pakpak ala aum köl wañgiiga gainñi kun maljawi, yañön mönö miañgö dop kalem möriamñan uruñi kokolak qeiga aködämunñambuk aka nalö dop keu öl töhöññi jiba malök.

¹⁵Jonönj azi miañgö könani nañgöba kewö qeta jiba malök, “Nöñön kungöra keu jiba malali, yañön mönö mia akza. Kewö jiba malal: Nöñgö andöne azi kun kamawi, nöñön qahö asuhubiga yañön mutuk malök. Miañgöra yañgö qetbuñañan mönö ni noñgita öñgöñgöñi akza.” Jon O-melun azinönj mewö jiba malök.

^a 1.6 Mat 3.1; Mak 1.4; Luk 3.1-2

¹⁶Kalem möriamnan azi miangö uruñi kokolak qeiga aködamunñambuk malöhi, yañön mönö miangö dop kötuetköm nenngiba malök. Kötumötuetñi mi nalöni nalöni mokoiga körek nenngö qaknine öngöi malin. ¹⁷Mosesnöñ Köna keunini nam köli asuhuyökmö, Jisös Kraistnöñ keu ölni indel teköba Anutugö kalem möriamñi nam köli aukñe asuhuyök. ¹⁸Gölme azi kunñan Anutu nalö kunöñ qahö ehök. Nahönñi mohok-kunñan Iwigö wösöñe mala kota malöhi, yañön mönö gölmenöñ eta könañi indel nenngii mörin. Mewö.

Jon O-melun azinöñ nanñi könañi jim asariyök.

Mat 3.1-12; Mak 1.1-8; Luk 3.1-18

¹⁹Juda jitñememe yeñön jike nup galöm aka jöwöwöl jikegö welenqece tosatñi Jerusalem sitinöhök melaim enñigetka Jongöreñ kaget. Kaba qesim wañgiba jiget, “Gi wani azia akzan? Könañamgi denöwö?” Mewö jigetka könañamñi indela jii mötket.

²⁰Könañamñi qahö qañ kölökmö, aukñe kewö jim miwikñaiyök, “Nöñön Amötqece Toñi Kraist qahö akzal.”

²¹^bMewö jiiga kapañ köla qesim wañgiget, “Gi mönö azi niñia akzan? Gi Elaija (Elia) akzan me qahö?” Qesim wañgigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” meleñnök.

²²Meleñniga qesiget, “Gi niñia akzan? Melaim nenngigetka kazini, yeñgöra mönö denöwö meleñda jiin mötme? Gi nangi könañi denöwö jim asariman?”

²³“Qesigetka kewö jii mötket,

“Kezapqetok azi Aisaianöñ keu kun kewö jii ahöza, ‘Ni garata aka gölme qararañkölkölñe mala kewö qerakzal: Kembunöñ kamawo!

Miangöra inñi mönö uruñini mindiñgöba könañi mesata möhamgöget.’ Ni miangö kolek garatañi akzal.”

²⁴Azi melaim enñigetka Jongöreñ kageri, mi Farisi (Köna keugö kapañkölköl) azia aket. ²⁵Yeñön kunbuk kewö jiba qesim wañgiget, “Gi Amötqece Toñi Kraist qahö akzan aka Elaija (Elia) me kezapqetok azi yeñgöreñök kun qahö akzani, miangöra mönö wuanöñgöra ambazip o melun mem enñimakzan?”

²⁶Qesim wañgigetka kewö meleñ enñiyök, “Nöñön o töhönöñ enñömirimakzalmö, azi kun inñi qahö möt kutuzei, yañön lök sutñine kinja. ²⁷Azi kun nöñgö andöne kamapköra jiba malali, yañön mönö mi. Yañön kaiga ketañamni aka malma. Miangöra nöñön yañgö kösutñe anda wayangösöñi teñgöba köna esuñangö kösöñi pösatmamgö qötötangömam.”

^b 1.21 Dut 18.15, 18; Mal 4.5 ^c 1.23 Ais 40.3

28 Jonöŋ Jordan o likepŋe miri qetŋi Betani miangöŋeŋ mala ambazip o melun mem eŋgiba malök. Yuai mi mönö miangöŋeŋ asuhuyök. Mewö.

Jonöŋ Jisösgöra “Anutugö lama moröŋi,” jiyök.

29 Mi asuhuiğa miri gianjiğa Jonöŋ Jisös tikep kaiga eka jiyök, “Eket, azi mi Anutugöŋeŋ lama moröŋi. Yaŋön mönö gölmeŋi gölmeŋi neŋgö siŋgisöndoknini köl könjörari solanibin. 30 Nöŋön kungöra keu jiba malali, yaŋön mönö mia akza. Kewö jiba malal: Nöŋgö andöne azi kun kamawi, nöŋön qahö asuhubiga yaŋön lök mutuhök malök. Miangöra yaŋgö qetbuŋaŋan mönö ni noŋgita öŋgöŋgöŋi akza. 31 Nöŋön i mutuk qahö möt kutuyalmö, Anutunöŋ könaŋamŋi Israel ambazip neŋgöra indeli mötpingöra mötza. Mi möta ni melaim niŋgiğa kaba o melun mem eŋgimakzal.”

32 Jonöŋ mewö jiba dangunu ewö kinda naŋgöba kewö jiyök, “Uŋa Töröŋan mönö Suepnöhök eta kembö nei ewö yaŋgö nöŋöŋe eta köla tari ehal. 33 Nöŋön i mutuk qahö möt kutuba malalmö, kunöŋ ambazip o melun mem eŋgimangöra melaim niŋgiyöhi, yaŋön kewö jii möral, ‘Uŋa Töröŋan kungö nöŋöŋe eta köla tari ekŋani, yaŋön mönö Uŋa Töröŋi ambazip uruŋine ala melun mem eŋgima.’ 34 Nöŋön mi ehalangöra aka könaŋamŋi kewö naŋgöba jizal, ‘Yaŋön Anutugö Nahöŋŋi akza.’” Mewö.

Jisösnöŋ gwarekurupŋi mutukŋi eŋgoholök.

35 Mewö jiğa miri gianjiğa Jonöŋ kunbuk o jitŋe miangöŋeŋök aniga gwarekurupŋi yeŋgöŋeŋök yahötŋan yambuk mohotŋe kinget. 36 Kingetka Jisösnöŋ miangöŋeŋ eŋgöŋgita anöhi, i törörök uba ehiba jiyök, “Azi mi ehot. Yaŋön mönö Anutugöŋeŋ lama moröŋi ewö akza.”

37 Mewö jiğa gwarek yahöt yetkön keu mi möta Jisösgö andöŋe anohot. 38 Anohotka Jisösnöŋ lilingöba andöŋe kayohori, i etkeka kewö qesim etkiyök, “Iŋiri niŋja jaruba kazahot?” Mi möta jiyohot, “Ketaŋamniri! Gi miri denike ahöba maljan?” (Juda yeŋön ‘Ketaŋamnini’ keu mi böhiğöra jiget.)

39 Mewö jiyohotka meleŋnök, “Mönö kaba ehot!” Mewö meleŋniga wehön möŋaiğa 4 kilok miangö dop ahök. Wehön möŋaiğa miangöŋeŋ mohotŋe anda miri denike ahöba malöhi, mi eket. Mi eka miangöŋeŋ yambuk malohotka miri söŋauba suŋgem aiga mosöta kayohot.

40 Jonöŋ keu jiğa gwarek yahötŋan möta Jisösgö andöŋe anohori, yetköŋeŋök kungö qetŋi Andru, datŋi qetŋi Saimon Pitö. 41 Andru yaŋön mutuk datŋi Saimon miwikŋaiba kewö jii mörök, “Niri Amötqeŋe Toŋi mönö miwikŋaizit.” Amötqeŋe Toŋi mi Grik keunöŋ Kraist. 42 Mewö jiba datŋi waŋgita Jisösgöŋeŋ anohot. Anohotka Jisösnöŋ Saimon törörök uba ehiba jiyök, “Gi Saimon, Jongö nahöŋŋi akzanmö, nöŋön qetki Sifas qetpi ahöma.”^d Mewö.

^d 1.42 Sifas mi Grik keunöŋ Pitö, nanine keunöŋ köt jamönŋiŋ.

Jisösnöŋ Filip aka Natanael etkoholök.

⁴³Miri gianjiiga Jisösnöŋ Galili prowinsnöŋ anmamgö möta anda kōnanöŋ azi qetŋi Filip miwikŋaiba kewö jii mörök, “Gi mönö ni nuatanŋöba kaman!” ⁴⁴Filipnöŋ Andru aka Pitö yetpuk mirinŋini mohok. Taonŋini qetŋi Betsaida.

⁴⁵Filipnöŋ azi qetŋi Natanael miwikŋaiba kewö jii mörök, “Mosesnöŋ azi kungöra Kōna keunöŋ ohoba kezapqetok yeŋön toroqeba ohoget ahözawi, nini mönö azi mia miwikŋaizin. Azi mi qetŋi Jisös, iwiŋi qetŋi Josef, mirinŋi qetŋi Nazaret.”

⁴⁶Natanaelnöŋ mi möta welipköba jiyök, “O Nazaret! Mi miri qandakŋa. Yuai ölpöŋi kun mönö miangöreŋök asuhumawangö dop qahö.” Mewö jiiga Filipnöŋ jii mörök, “Mönö kaba nangak ek kutuman!”

⁴⁷Mewö jii möta Jisösgöreŋ kaba asuhuiga eka yangöra keu kewö jiyök, “Eket! Azi kianŋön mönö Israel azi ölni akza. Uruŋe muney geŋmoŋi kun qahö.”

⁴⁸Mewö jiiga Natanaelnöŋ qesim wangiba jiyök, “Gi mönö denöwö aka ni möt kutum ningizan?” Mewö jiiga Jisösnöŋ melenŋa jiyök, “Gi fig ip^e kōnaŋe tatnōŋga gek kutuyal. Mutuk gek kutubiga Filipnöŋ miangö bapŋe geke goholök.”

⁴⁹Mewö jiiga Natanaelnöŋ melenŋa jii mörök, “O Ketaŋamni, gi mönö ölna Anutugö Nahōnŋi akzan. Gi Israel neŋgöreŋ azi Kembuya maljan!”

⁵⁰Mewö jiiga Jisösnöŋ melenŋa jiyök, “Ni mutuk kewö jizal, ‘Gi fig kōnaŋe tatnōŋga gek kutuyal.’ Mewö jim miwikŋaizalanŋöra ölpö möt narim ningizan. Anutugöreŋ kukösum ki eka mötzani, mi mönö yuai kōtonŋökŋi akza. Ölni ketaŋi mi mönö bian eka möta malman.”

⁵¹^fMewö jiba toroqeba jii mörök, “Nōŋön keu ölni töhōnŋi kun kewö jibi mötnöŋ: Kōnaŋep nōŋgö gwarekurupni aketka kutum eŋguasōriga imut kewö ekŋe: Suep naŋgunöŋ taliga Anutugö garataurupŋan asuhuba Suep gölmegö Azi Ölni yambuk nariba yangöreŋ eta öŋgöba aketka eŋgekŋe.” Mewö.

Jisösnöŋ o mem letoriga wain ahök.

2 ¹Jisösnöŋ Filip aka Natanael etkoholiga silimŋi karöbut teköi malgetka kunöŋ ambi memegö maren lömbuaŋ ali tokoget. Mi Galili prowinsgö miri qetŋi Kana miangöreŋ alget. Jisösgö namŋan miangöreŋ mohotŋe ani malget. ²Jisös aka yangö gwarekurupŋi mi mewöyök öröm eŋgigetka lömbuaŋnöŋ mohotŋe malget. ³Miangöreŋ malgetka wain onöŋ qahöwahiga Jisös namŋan nahōnŋaŋöra jiyök, “Yeŋgöreŋ wain o qahöwakza.”

^e 1.48 Fig mi sambu ewöya. Mi nupŋine kömötketka köŋi nahōmŋambuk asuhuiga mi nalö gwötupuk nezema. ^f 1.51 Jen 28.12

⁴Mewö jiiga kewö jii mörök, “Namni, mi denöwö akñamgöra jizan? Jim kutum niñgizan me? Nöngö aŋgöletot meme nalönan mönö qahö kam kuŋguiga maljal.”

⁵Mewö jii möta welenqeçe yeŋgöra kewö jiyök, “Yañön yuai kungöra jim kutum eŋgimawi, mi iñini ölop akñe.”

⁶Juda yeñön amöt qem aŋgubingöra Kona keuñini wuatañgöba böröñini saŋgoñmaljema. Mianğö dop miri mianğöreñ köurañen ketanji 6 tarök. Köurañen mohot mohot mi o gina 8 me 12 mianğön geba kokolak qenahanğö dopñan tatket.

⁷Jisösnöñ mi eka kewö jii mötket, “Iñini mönö o uba kaba mokogetka köurañen ki kokolak qeget.” Mewö jii möta jiyöhanğö dop aket.

⁸Köurañen mi kokolak qegetka kewö jim kutum eŋgiyök, “Mönö o qakñi tosatñi uba anda lömbuañ galöm wañgime.” Jim kutum eŋgiiga memba anget.

⁹Uba angetmö, galömnöñ o letota wain ahöhi, mi nempa möta denikeyök memba kageri, mi qahö möt asariba auruyök. Auruyökmö, welenqeqenöñ o ugeri, yeñön mi möta jigetka galömnöñ maren toñi oholi kayök. ¹⁰Kaiga kewö jii mörök, “Maren nalöñe körek pakpak yeñön wain o ölopñi mi mutuk memba kaba eŋgimakze aka mi nempa eñololon aketkun wain o nahömñi qahö mi könanğep eŋgimakze. Göñön wain o ölopñi mi mutuk aŋğön köla qahö eŋgiba dölki nalö oŋgita memba kazan. Mi silik murutñi kun akzan.”

¹¹Jisösnöñ aŋgöletot mutukñi ki mi Galili prowinsgö miri qetñi Kana mianğöreñ meyök. Mi memba mewö mianğön kukösumñi indeliga asuhuyök. Mi asuhuiga gwarekurupñan möt narim wañgiget.

¹²^gKözölömbuaññöñ malget teköiga Jisös, yaŋğö nam-munñi aka gwarekurupñi yeñön miriñine Kaperneam anget. Mianğöreñ anda sömañ tosatñi toroqeba malget. Mewö.

Jisösnöñ jöwöwöl jike jim kömbuhiyök.

Mat 21.12-13; Mak 11.15-17; Luk 19.45-46

¹³^hNalö mianğöreñ Juda neŋgöreñ ak-kömükömu kendon nalöñan dopdowiyök. Anutunöñ mönöwök neŋgehoriba neŋgoŋgiröhi,ⁱ mianğöra söñgaibingö aketka Jisösnöñ mewöyök miriñi mosöta Jerusalem sitinöñ öngöyök. ¹⁴Sitinöñ öngöba jöwöwöl jikegö tohoñ uruñe anda yuai kewö miwikñaiyök: Ambazip bulmakau aziñi, lama aka kembö nei mi bohonñi memegöra alget aka tosatñan moneñ utekutek albingöra tatkeri, mi eñgehök.

^g 2.12 Mat 4.13 ^h 2.13 Eks 12.1-27 ⁱ 2.13 Anutunöñ Ijpt mianğöreñ Israel ambazip neŋgehoriba neŋgoŋgirök, mianğö sösongaiñi mi Nei keunöñ Pasowa. Eksodus, Mekömekö 12.15

¹⁵Mi engeka kösönöj tapep (munḡamunḡa) mönjönḡa mianön enḡohotiriba enḡuyök. Enḡuba ambazip mi körek közöl enḡiba lama bulmakaunḡambuk jöwöwöl jikenöhök enḡuatāḡöyök. Utektek ambazip yenḡö souje kötḡini metaliga mokoba eriga tebolḡini metali anget. ¹⁶Kembö bohönḡini memegöra algeri, ambazip mi kewö jim enḡiyök, “Yuai mi mönö memba kesala yaigep anget. Inḡini nöḡö Iwināḡö jöwöwöl jikenḡi ki mönö wuanönḡöra utekögetka kölköl-örörö miri ewö akza?”

¹⁷Mewö jiiga Buḡa keu kun gwarek yenḡö mötmötḡine kaḡgoriga mötmöriget. Keu mi kewö ohoget ahöza, “Nöḡö urunan göhörej jike mi kömbukḡi ahömāḡkōra kapaḡ kölbiga mianön urune newaḡ könöp ewö jeiga waimanḡat mianön kawöl miwikḡaimakzal.”

¹⁸Mi közöl enḡiiga Juda jitḡememe yenön tembula wahöta Jisösgöreḡ kaḡgota kewö qesim waḡiget, “Gi mönö wani āḡöletot kun aknönḡa kukösūḡi ehinga dop köl nenḡiigun kimbi mewönḡi akanak?”

¹⁹^kMewö qesim waḡigetka kewö meleḡ enḡiyök, “Inḡini jöwöwöl jike ki köndenḡetka gölmenönḡ eriga nöḡön mi wehön karöbutkö uruḡe memba wahöta kuḡḡumam.”

²⁰Meleḡ enḡiiga kewö jiget, “Yambu (yara) 46:gö uruḡe jöwöwöl jike ki memba mala mem tekögetka asuḡuba kinḡa aiga göḡön mi wehön karöbutkö uruḡe mönö denöwö aka memba wahöta kuḡḡubanak?”

²¹Mewö jigetmö, Jisösönḡ jikegö keu mi nanḡi sileḡāḡö söpsöpḡa ala jiyök. ²²Jisösönḡ könāḡep kömupnööhök wahöriga söpsöp keu jiyöhi, mi nalö miaḡgöreḡ gwarekurupḡi yenḡö mötmötḡine kaḡgori ölop möt asariget. Mi mötmöriba Jisösönḡ keu jiyöhi, mi aka Buḡa keu ohogeri, mi pakpak möt nariget. Mewö.

Jisösönḡ ambazip könāḡamnini möt teköza.

²³Jisösönḡ Jerusalem sitinönḡ ak-kömukömu kendongö nalöḡe mala āḡöletot kukösūḡambuk meyöhi, mi ambazip gwötḡukḡan eka qetḡi möt nariba yaḡgöreḡ lapinḡöget. ²⁴Lapinḡögetmö, Jisösönḡ ambazip pakpak yenḡö könāḡamnini möt kutum teköyök. Mewögöra ambazip pakpak qahö möt narim teköm enḡiba keuḡinaḡö bapḡe qahö anda malök. ²⁵Ambazip uruḡine keu yuai ahöyöhi, Jisösönḡ kuḡḡan ambazip uruḡinaḡö könāḡi mi indela kondel waḡḡimawaḡö dop qahö ahök. Mönö nanḡak mi ölop möt kutum teköyök. Mewö

Jisösönḡ Nikodemus urumelenḡö könāḡi kusum waḡḡiyök.

3 ¹Juda könagesögö jike kaunsöl sutḡine jitḡememe azi kun qetḡi Nikodemus malök. Yaḡön Farisi (Köna keugö kapaḡkölköl)

^j 2.17 Sum 69.9 ^k 2.19 Mat 26.61; 27.40; Mak 14.58; 15.29

kambunöŋ kinök. ²Yaŋön suŋgem kunöŋ Jisösgöreŋ kaŋgota kewö jii mörök, “Ketaŋamni, gi aŋgöletot memakzani, mi azi kunŋan Anutu yambuk qahö kiniga nanŋök memamgö osimakza. Mianŋöra gi Anutunöŋ nam köl gihiiga böhi akzan, mewö mötzin.”

³Mewö jiiga kewö jiba meleş waŋgiyök, “Nöŋön keu öl töhöŋŋi kun kewö jibi mötnöŋ: Kunŋan Anutugöreŋök ahuahu dölökŋi qahö ahuma ewö, yaŋön mönö Anutugö bemtohoŋe aŋgota ekŋamgö osima.”

⁴Meleş waŋgiiga kewö jiyök, “Kunŋan lök ahuha ambazip namŋi aka malagun ahuahu dölökŋi mönö denöwö ahubawak? Yaŋön mönö nam körö uruŋe aŋgori kunbuk gölöm ala memamgö osima.”

⁵Mewö jiiga kewö meleŋnök, “Nöŋön keu öl töhöŋŋi kun kewö jibi mötnöŋ: Kunŋan o melun mem waŋgigetka Uŋa Töröŋan uruŋe geiga mewöŋi mianŋön ahuahu dölökŋe qahö ahuza ewö, mewöŋi mianŋön mönö Anutugö bemtohoŋ uruŋe aŋgotmamgö osima. ⁶Gölmegö iwinam eŋgöreŋök morö ahuzawi, mi gölme moröya. Uŋa Töröŋan inahöba nam köliga morö asuhumakzawi, mi mönö Suepkö moröya.

⁷“Mewögöra iŋini ahuahu dölökŋi Anutugöreŋök qahö ahume, mianŋön mönö qahö dop kölja. Keu mi jibiga mianŋöra mönö kude auruman. ⁸Luhutnöŋ nanŋi imbi-imbi laŋ giliga ötoŋi mörakzanmö, mi denikeyök kaba gilakza aka denike gila anakzawi, gi mianŋö könaŋi qahö möt asarizan. Uŋa Töröŋan ambazip nam köl eŋgiiga ahuahu dölökŋe ahugeri, körek yeŋgö könaŋinan mönö luhut mianŋö dop akza.”

⁹Mewö meleŋniga Nikodemusnöŋ köŋkuŋ aka kewö jiyök, “Mi ahakö dop qahö.”

¹⁰Mewö jiiga Jisösnöŋ jiyök, “Gi Israel könagesö kusum neŋgimakzan aka töndup keu mianŋö könaŋi qahö möt asarizan. Mi kude dop kölja.

¹¹Nöŋön keu öl töhöŋŋi kun kewö jibi mötnöŋ: Neŋön wania möt kutuzini, mi jiba indelakzin aka wania jeninan eka mötzini, mi nanŋöba jimakzin. Mewö ahakzinmö, eŋön töndup Buŋa keunini mi qahö möt aŋgön kölakze.

¹²“Gölmegö yuaiŋi jenöŋ ehekŋi mianŋö keuŋi jibiga möta qahö möt narim niŋgize ewö, nöŋön Suepkö yuaiŋi qahö ehekŋi mianŋö könaŋi jibiga mötmei, mi mönö denöwö möt naribeak? ¹³Gölmegö azi kunŋan Suepnöŋ qahö öŋgöyökmö, Suep gölmegö Azi ölnan Suep mire mala eta asuhuyöhi, yaŋön mönö liliŋöba Suepnöŋ öŋgöma.

¹⁴¹⁴“Anutunöŋ Moses gölme qararaŋkölkölŋe jim kutui kopö ainöŋ mokoleŋ imutŋi memba tohotnöŋ kösököi kinöhi, mianŋö dop Suep gölmegö Azi Ölni mi kösökögetka öŋgöba kinma. ¹⁵Ambazip i möt narim waŋgizei, yeŋön körek pakpak malmal köhöikŋi miwikŋaiba malmegöra aka eu öŋgöma.

¹ 3.14 Jan 21.9

¹⁶“Miangö könäji kewö: Ambazip i möt narim waŋgizei, yeŋgöreŋök kunŋan ayuhubapuköra Anutunöŋ gölme dop önöŋi qahö jöpaköm neŋgiyök. Neŋön körek letota malmal köhöikŋaŋgö buŋaya akingöra mönö Nahönŋi mohotsirik mi neŋgiyök. ¹⁷Ambazip gölme dop mal anjini, Anutunöŋ Nahönŋi neŋgö keunini jim tekömapköra aka qahöpmö, Nahönŋan amöt neŋguiga kantri dop letota oyaenŋkoyaen akingöra aka melaiiga gölmenöŋ erök.

¹⁸“Ambazip kunŋan Nahönŋi möt narizawi, Anutunöŋ yaŋgö keuŋi jim teköiga qahö ayuhumapmö, kunŋan Jisös qahö möt narim waŋgizawi, Anutunöŋ yaŋgö keuŋi lök jim teköiga malja. Anutugö Nahönŋi mohotsirikö qetŋi qahö möt narizawaŋgöra aka könöp siagö buŋaya akŋa. ¹⁹Anutunöŋ gölme ambazip keunini jim tekömakzawi, miangö könäji kewö: Asakŋan lök gölmenöŋ eta asuhuyökmö, ambazipnöŋ ahakmeme bölöŋi bölöŋi aka memba malget. Mewö mala Anutugö asakŋi tököba uruŋini söŋaupkö ahakmemenöŋ laŋ jöhöba mala kotket.

²⁰“Körek pakpak ahakmeme bölöŋi ahakzei, yeŋön Anutugö asakŋi tököba andö qemakze. Anutunöŋ ahakmemeŋini bölöŋi bölöŋi mi indela jim eŋgiiga gamuŋini mötpepuköra keŋgötŋini mörakze. Mi möta asakŋaŋgö uruŋe qahö aŋgorakze. ²¹Qahö aŋgorakzemö, kunŋan kun keu öŋi wuatangöba maljawi, yaŋön ölop asakŋaŋgö uruŋe kaŋgotma. Anutunöŋ sölölohöm waŋgiiga ahakmemeŋi aka memba malöhi, miangöra ahakmemeŋi miangön aukŋe asuhumapköra mötza.” Mewö.

Jon O-melun azinöŋ Jisösgö könäji jim miwikŋaiyök.

²²Jisösnöŋ mewö jim teköba kinda gwarekurupŋi eŋguangita Jerusalem siti mosöta Judia prowinsgö miri andöŋe anget. Miangöreŋ anda gwarekurupŋi yembuk sonda tosatŋi toroqeba yembuk mala ambazip o melun mem eŋgiba malök. ²³Jisösnöŋ mewö malökmö, Jonöŋ mewöyök miri qetŋi Salim miangö kösutŋe malök. Miri qetŋi Ainon miangöreŋ o jök ahöyök aka ambazipnöŋ Jongöreŋ kaŋgota o melun mem eŋgimapkö qesigetka amqeba mem eŋgiba malök. ²⁴^mNalö miangöreŋ Jon mi kösö mire qahö algetka tarök.

²⁵Juda yeŋön amöt qem aŋgubingöra böröŋini saŋgoŋmaljema. Mewögöra Jongö gwarekurupŋi yeŋön Juda azi kunbuk keu miangö goranora aka könahiba jitnakölik jiget. ²⁶Mewö jigetka lömböriiga Jongöreŋ kaba kewö jiget mörök, “Ketaŋamnini mötnöŋ, azi Jordan o likepŋe göbuk maliga nangak könaŋamŋi naŋgöba jinöŋi, yaŋön ambazip o melun mem eŋgiiga jesöŋgöŋan mönö yaŋgöreŋ anakze.”

²⁷Jonöŋ mi möta kewö meleŋnök, “Anutunöŋ azi kungöra yuai kun Suepnöhök qahö al waŋgibawak ewö, yaŋön mönö mi buŋa qem

^m 3.24 Mat 14.3; Mak 6.17; Luk 3.19-20

anğumamgö osiza. ²⁸Yambuk mala kewö jial, ‘Ni Amötqeqe Tonji Kraist qahö akzalmö, Anutunöŋ melaim niŋgiiga mutuk kazala yaŋön andöne kama.’ Nöŋön keu mi jiali, injini mi ölop nanŋinak nanğöba jiba malbeahangö dop akze. ²⁹Miaŋgö keuŋi dop ala kewö jimam: Azi kunŋan ambi buŋaŋambuk aka ambi memamgöra sösöŋgai keu jim sehiba malja. Mewö maliga azi alañan kösutŋe kinda sösöŋgai keuŋangö jölŋi möta yaŋgöra önöŋi qahö söŋgaimakza. Miaŋgö dop nöŋön Jisösögö alaŋi aka yaŋgöra söŋgaibiga sösöŋgai miaŋön dölkö uruni kokolak qeiga maljal. ³⁰Jisösögö qetbuŋaŋan qarim sehiiga nöŋgöreŋan mönö waziiga dop kölma.” Mewö.

Jisösnöŋ Suepnöhök eröhaŋgö könaŋi jiyök.

³¹“Daŋön euyaŋgöreŋök eröhi, yaŋön ambazip körek pakpak enğongita öŋgöŋgöŋi akza. Kunŋan gölmenöŋ asuhuba gölmegö buŋaya akza aka gölmenöŋ malmalgö keuŋi jimakza. Suepnöhök eta kayöhaŋön mönö körek pakpak enğongita öŋgöŋgöŋi akza. ³²Yaŋön yuai eka möt kutuba malöhi, miaŋgö könaŋi jiba nanğöba dangunu ewö kinja. Mewö kinjapmö, nanğönaŋgö keuŋi mi ambazip kunŋan kun qahö möt anğön kölja.

³³“Ambazip kunŋan nanğönaŋgö keuŋi möt anğön köljawi, yaŋön Anutu ölbölŋi akzawaŋgö keuŋi mem köhöiiga pöwöwömŋi akŋa. ³⁴Anutunöŋ kolek aziŋi melaiba Uŋaŋi Töröŋi musa qakŋe qahöpmö, keleŋmaleleŋ waŋgimamakza. Miaŋgöra kolek aziŋan mönö Anutugö keu töhöŋŋi indela jimakza. ³⁵°Iwinöŋ Nahönŋi uruŋan jöpaköm waŋgimamazawaŋgöra aka yuai pakpak buŋa qem waŋgiba böröŋe ali ahöza.

³⁶“Ambazip kunŋan Nahönŋi möt nariba uruŋi melenjawi, yaŋön mönö kunbuk letota malmal köhöikŋangö buŋaya akza. Kunŋan Nahönŋangö keuŋi qahö tem kölakzawi, Anutugö irimsesewölŋan mönö yaŋgö qakŋe öŋgöba pöndaŋ kini malmal köhöikŋangö könaŋi qahö ek kutuba önewat laŋ malja.” Mewö

Jisösnöŋ Samaria ambi kunbuk keu eraum mörohot.

4 ¹Jisösnöŋ mewö ambazip kusum enğiiga gwarekurupŋi aketka o melun mem enğiba mewö miaŋön Jon O-melun azi luhut ala malöhi, keu mi Farisi (Köna keugö kapaŋkölköl) yengö kezapŋine gei mötket. Yeŋön mi mötkeri, buzup mi jiget sehiba Kembugö kezapŋe gei mörök. ²Jisösnöŋ nanŋak ambazip qahö o melun enğiyökmö, yaŋön jiiga gwarekurupŋan mi aket. ³Mi möta Judia prowins mosöta lilingöba kunbuk Galili prowinsnöŋ göröken anget. ⁴Köna mewö anda Samaria prowins onğita anget.

ⁿ 3.28 Jon 1.20 ° 3.35 Mat 11.27; Luk 10.22

⁵POnḡita anda Samaria prowinsgö taonni kun qetnji Sikar miangörej anḡorök. Sikar taon mi Jeikobnön ḡölme bahöni kun nahönni Josef waḡiyöhi, miangö kösutnje ahöza. ⁶Jeikobkö o lömni diginḡambuk mi Sikar taonön ahöza. Jisösnön köna kayöhanḡöra aka sileni lömböriiga silim bibiḡe o lömni miangörej anḡota kösutnje eta tarök.

⁷O löm kösutnje tariga Samaria ambi kunön o umamḡö kayök. Kaiga Jisösnön eka kewö jii mörök, “Gi ölop o niḡinönḡa nembileḡak.” ⁸Nalö miangörej gwarekurupḡan nene bohonni memingöra i mosöta taonön angetka nanḡirök kinohot.

⁹Juda ambazipnön Samaria prowins qepureim enḡiba yembuk köisirik qahö maljema aka pake mohot miangön o qahö uzema. Mewögöra nanḡirök kinohot miangörej ambinön kewö jii mörök, “Gi Juda azia aiga ni Samaria ambiapmö, denöwögöra ‘O niḡinönḡa nembileḡak,’ jiba qesim niḡizan?”

¹⁰Jisösnön qeqesi mi möta kewö meleḡ waḡiyök, “Gi Anutu kalemḡanḡö könaḡi möt kutunönḡa dop kölbawak. Daḡön ‘O niḡinönḡa nembileḡak,’ jiba qesim gihizawi, waḡḡö könaḡi möt asaribanak ewö, i mönö qesinönḡa malmalgö onḡi gihibawak.”

¹¹Mewö jiiga kewö jii mörök, “O ketaḡamni, o umamḡö pakegi kun qahö ahöza aka o löm kiaḡön mönö diginḡambuk akza. Miangöra malmalgö ogöra jizani, mi mönö denikeyök miwikḡainönḡa ahubawak? ¹²Isik bömönini Jeikob waḡön o lömni ki neḡiyök. Waḡön mutuk nanḡak aka waḡḡö andöḡe nahönurupḡan ki kaba o uba nempa maljema aka bulmakau kambuḡi kambuḡi o enḡigetka nempa maljema. Gi Jeikob onḡita öḡḡöḡḡöni aka ambazip o mem sehim enḡimamḡö jizan me?”

¹³Mi möta Jisösnön kewö meleḡnök, “Ambazip körekḡan o ki nembagun mönö kunbuk ogö kömumba nemingö mörakḡe. ¹⁴Mewö malmemö, nöḡön kungöra o waḡḡimami, waḡön mi nembagun nalö kunön ogö kunbuk qahö kömuma. Mewö qahöpmö, o waḡḡimami, mi mönö waḡḡö uruḡe letota malmalgö o jeḡi jöpjöpköni qahö aiga malma. Mewö mali mönö uzumḡöba malmal köhöikḡi teteköni qahö waḡḡimakḡa.”

¹⁵Mewö meleḡniga ambinön jiyök, “O ketaḡamni, gi mönö o mia niḡinönḡa nemi. Mi nembagun nalöni nalöni kunbuk ogö qahö kömumbileḡak aka o umamḡöra ki könasöksök qahö tibileḡak.”

¹⁶Mi jiiga kewö jim kutum waḡiyök, “Gi mönö anda apki waḡḡita ki kamahot.”

¹⁷Mewö jim kutum waḡḡiiga “Ni apni qahö,” jiba meleḡnök. Meleḡniga kewö jii mörök, “Gi ‘Apni qahö,’ keu mi törörök jizan. ¹⁸Gi ölna azi 5 enḡömemba malnön aka merak kun memba maljani, waḡön mönö ḡöhö apki qahö akza. Keu jizani, mi öl töhöḡḡa.”

^p 4.5 Jen 33.19; Jos 24.32 ^q 4.9 Esra 4.1-5; Neh 4.1-2

¹⁹Ambinön mi möta kewö jii mörök, “Ketañamni, gi mönö kezapqetok azi qainji kun akzan. Nönjön tandöki mewö gek kutum gihizal. ²⁰Neñgö ambösakonurupninan kundunji kondela kianğoreñ öngöba sipköba köuluköba malgetmö, Juda enjön kewö jimakze, ‘Samaria enjön mönö Jerusalem sitinön öngöba jöwöwöl jikenön sipköba köulukögetka dop kölja.’ ”

²¹Mi möta Jisösnön kewö jim kutuyök, “O ambi, nalö kun kam kuñguma. Injini nalö miangöreñ Iwi waikñi memba möpöseibingöra kundunji kianğoreñ me Jerusalem miangöreñ qahö öngöba malme. Gi keu mi ölop möt narinönga dop kölma. ²²Samaria injini Anutugö könani törörök qahö möt kutuba töndup yanğö waikñi lañ memba möpöseimakze. Amötqeqegö könani mi Juda neñgö sutnine aukñe asuhuba ahöza. Miangöra Juda neñgö Anutuninanğö könani möt kutuba waikñi memba möpöseininga dop kölja.

²³“Töndup nalö kun kewö asuhuma: Nalö miangöreñ Uña Töröñan ambazip sölölohöba inahöm enğiiga keu ölnji wuatangöba Iwi waikñi memba ölnja möpöseiba malme. Iwininan ambazip mewöñi jarum enğiba asuhumegöra sihimñi möta malja. Nalö murutñi miangön mönö lök kam kuñguba dölki ahöza. ²⁴Anutunön Uñaya akza. Miangöra Uña miangö waikñi memba möpöseimakzei, yeñön mönö Uña Töröñan sölölohöba inahöm enğiiga keu ölnji wuatangöba möpöseiba malme.”

²⁵Jisösnön mewö jim kutuiga ambinön jii mörök, “Amötqeqe Toñi qetñi Kraist qetzei, yanğön kamamğö akza, mi mötzal. Yanğön kamawi, nalö miangöreñ mönö keu pakpak indel neñğiiga mötpin.”

²⁶Jisösnön keu mi möta könani kewö indelök, “Göbuk ki kinda keu eraum mötziri, nönjön mönö mia akzal.” Mewö.

Gwarek yeñön kaba yetpuk toroqet.

²⁷Könañamñi indeliga gwarek yeñön miangöreñök lilingöba kaget. Kaba ambibuk eraum mörohot, mi eka welipkögetmö, kunön kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekñan ölöñ tatket.

²⁸Ölöñ tatketka ambinön o pakenji mosöta taonön anda ambazip yeñgöra kewö indela jii mötket, ²⁹“Mötket! Nönjön azi kun miwikñaibiga yuai pakpak aka malali, miangö könani indela jii mötzal. Miangöra yanğön mönö Amötqeqe Toñi Kraist akapuk. Mönö nanñinak kaba azi mi ekñe.” ³⁰Keu mi möta taon mosöta öröba Jisösgöreñ anget.

³¹Gwarek yeñön nalö sutñe miangöreñ Jisös qesim wañgiba kewö jiget, “Ketañamnini, ölop nene nenöñ.”

³²Mewö jigetmö, kewö jiyök, “Nönjön neneñamni qainji kun memba maljali, injini miangö könani qahö möt kutuze. Qahö!”

³³Mi möta nanñini qesim añguba kewö jiget, “Kunñan nene kun memba kaba wañgiza me denöwö?”

³⁴Mewö jigetka kewö jii mötket, “Melaim niŋgiiga kayali, nõjõn yaŋgö jiti tem kõla nupni mem sorokõmakzali, miajõn mõnõ nõjõgõ nenejamni akza. ³⁵Ijini keu kewö jibepuk, ‘Kõij 4 kunbuk ahõiga õlõm-izi-izi nalõjan tõrima.’ Mötket, nõjõn miangõra kewö jizala kezap alget: Nup boni ketani miejõgõ õljinan lõk õliiga meme nalõjanan kam kunguza. Ijini mõnõ jejini uget aniga mi urujine ek kutume. ³⁶Tosatjan mutuk keu kõtji qesijda gila malgetka õljan nalõ kewõje asuhuiga tosatjan mi lõk tokoba tõwanini megetka ambazipji ambazipji malmal kõhõikjajõgõ bujaya ahakze. Mewö asuhuiga õlji meme yejõn qesij gilgil ambazip yembuk mindiriba mohotje sõjgaiba simbawõj mõtze. ³⁷‘Kunõj kõtji qesij giliga kunõj õlji mezawi,’ keu mewö jimakzei, mi keu õlja. Mi Anutugõ nup memegõ kõnanj indelja. ³⁸Nõjõn ijini melaim engibiga nup qainji kunõj nanjinak yuai kõtji qahõ kõmõtteri, mõnõ nup miangõreŋ anda õlji meme. Tosatjan mutuk silenini qeba nup memba malgetka eŋõn yejõgõ kõnanjine anda nup megerajõgõ õlji miwikjaiba memakje. Mewö melaim engizal.” Mewö

Samaria ambazip gwõtjukjan urujini melenjet.

³⁹Samaria ambinõj keu kewö naŋgõba jiyõk, “Nõjõn azi kun miwikjaibiga yuai pakpak aka malali, yaŋõn mõnõ miangõ kõnanj indela jii mõtzal.” Mewö jiyõhaŋgõra Samaria ambazip gwõtjukjan Sikar taon miangõreŋ urujini melenja Jisõs mõt narim waŋgiget. ⁴⁰Mõt narim waŋgiba yaŋgõreŋ kaba yembuk toroqeba malmapkõra kapaŋ kõla qesigetka silim yahõtkõ dop toroqeba miangõreŋ malõk.

⁴¹Mewö mala keu jiba malõhaŋgõra aka gwõtjukjan Jisõs mõt nariba toroqem waŋgigetka kambujini qariyõk. ⁴²Toroqem waŋgiba ambigõra kewö jiget, “Azi kianõn õlja gõlmeŋi gõlmeŋi neŋgõreŋ Amõtqeŋ Tonina akza. Nejõn mi gõhõ keugõrõk qahõ toroqeba mõt narizinmõ, mi naninak kezap ala mõta mõt kutuzin.” Mewö.

Jisõsnõj jembon azi kungõ nahõnji mem õlõwahõk.

⁴³Jisõsnõj Samaria maliga silim yahõt tekõiga engõmosõta Galili prowinsnõj anõk. ⁴⁴Jisõsnõj nanjak nalõ kunõj keu kun kewö naŋgõba jiyõk, “Kezapqetok ambazip kunjan nanje miri gõlmeŋõj maliga yaŋgõra qahõ mõtket õjgõiga gõda qahõ qem waŋgimakze.”

⁴⁵Mewö jiyõkmõ, tõndup nalõ miangõreŋ nanje Galili prowinsnõj kaŋgoriga miangõreŋ mewõyõk tosatjan jõlõni jiget. Yejõn ak-kõmukõmu kendongõra Jerusalem sitinõj õjgõba Jisõsnõj kendon nalõje aŋgõletot meyõhi, mi pakpak eka mõtket. Miangõra nalõ miangõreŋ õlõp kõl õrõm waŋgiget.

^r 4.44 Mat 13.57; Mak 6.4; Luk 4.24 ^s 4.45 Jon 2.23

46^t Galili prowins yejön köl öröm wanġigetka miri qetņi Kana mutuk o meiga letota wain ahöhi, miangörej kunbuk kayök. Taon qetņi Kaperneam miangörej kiņ kembugö jembonņi kun malök. Yanġö nahönņan kawöl yöhöiga ahöyök.

47 Ahöba kömumangö ahök. Miangöra Jisösnöņ Judia prowins mosöta Galili uruņe kayöhi, yanġön miangö buzupņi möta Jisösgöreņ anda kewö qesim wanġiyök, “Gi ölop kaba nahöni mem ölowak wanġiman.” 48 Qesim wanġiiga kewö jii mörök, “Inġini ni öne qahö möt narim niņgimeangö dop akzei, mi qahö dop kölja. Nöņön anġöletot aiwesök membi ekagun mönö amqeba ni möt narim niņgiba uruņini melenbeak.”

49 Mewö jii mörökmö, jembonöņ kewö jiyök, “Ketanamni, nahönan kömumbapuköra mönö ösumok kaman.”

50 Mewö jiiga melen wanġiyök, “Nahöngan mönö ölowaka malma. Miangöra mönö ölop lilingöba anman.” Mewö melen wanġiiga yanġön mi möt nariba lilingöba anök. 51 Anda könanöņ maliga welenqequeurupņan kaba miwikjaiba kewö jiget mörök, “Nahöngan lök ölowaka malja.”

52 Mi möta qesim enġiba jiyök, “Wani nalönöņ könahiba ölowahök?” Mewö jiiga jiget mörök, “Uran mare wan kilok miangörej sile könöpņi mosörök.” 53 Mi möta mötmötņi kewö ahuba asariyök: Aha! Jisösnöņ “Nahöngan mönö ölowaka malma,” jiyöhi, mönö aua miangörejök ölowahök. Keu mi möt asariba i aka saiwaurupņi pakpak yejön uruņini melenġa Jisös möt narim wanġiget.

54 Jisösnöņ Judia mosöta Galili prowins uruņe kaba anġöletot kun ki meiga yahöt ahök. Mewö.

Jisösnöņ Betesda o anġö jitņe azi kun mem ölowahök.

5 1 Könanġep nalö kunöņ Juda yeņġö kendon ketaņi kun töriiga Jisösnöņ Jerusalem sitinöņ öņġöyök. 2 Jerusalem sitigö selnöņ nanġu kun mi lama yeņġöra ahöyök. Miangö kösutņe o anġö kun qetņi Hibru keunöņ Betesda qetkeri, mi ahöyök. Miangö ġöraņe luhut miri köröpņi ketaņi 5 tatket. 3 Luhut miri 5 miangö uruņe kawöl ambazip kambu ketaņi ahözema. Tosatņan jeņini gömölii tatket. Tosatņan simalokon aka tatket. Tosatņan likeņņini kömukömuņa tatket. 4

4 Nalö tosatņe Kembugöreņ garata kunöņ eta o anġönöņ timjaliiga unduzapma. Onöņ unduiga nalö miangöreņök kunņan mutuk anġönöņ geiga kawölņi mi me mi miänön ölowahakzapma. Miangöra mamböta tatket. 5 Miangöreņ azi kun yambu (yara) 38 miangö dop kawöl yöhöiga ahömalök. 6 Miangöreņ ahöiga Jisösnöņ kanġota eka lök nalö köröp

^t 4.46 Jon 2.1-11 ^u 5.3 Mötmöt ambazip tosatņan kewö mötmörimakze: Könakönahije jabö 3:gö kitipņi teteköņi aka jabö 4 mi kewö ohoget ahöyök: Yejön o anġönöņ ġwözöņġa undumapkö mamböta tatzema.

tiŋtiŋi kawöl yöhöi ahöba malöhi, mi möta kewö qesim waŋgiyök, “Gi ölöwakŋangö ak gihiza me qahö?”

⁷Qesim waŋgiiga kewö meleş waŋgiyök, “O Kembu, onöŋ unduba ötöŋ qeiga alani daŋön noaŋgita o aŋgönöŋ anda al niŋgibawak? Alani mewöŋi kun qahö malja. Nanak anmamgö möta esapköba malali, nalö miaŋgöreŋök tosatŋi yeŋgöreŋök kunöŋ ni noŋgita anda gemalget.”

⁸Meleş waŋgiiga Jisösnöŋ jii mörök, “Gi mönö wahöta tumbulahöpki memba anöŋ.” ⁹Mewö jii möta miaŋgöreŋök ölöwaka tumbulahöpŋi memba anök. Anökmö, yuai mi Sabat kendonöŋ asuhuyök. ¹⁰“Miaŋgöra Juda yeŋön azi ölöwahöhi, yaŋgöra kewö jiget mörök, “Merak Sabat kendon akza. Miaŋgöra tumbulahöpki memba aŋgunöŋga qahö dop kölja.”

¹¹Mi möta kewö meleŋni mötket, “Möhamgöm niŋgizawaŋön mönö kewö jim teköm niŋgiza, ‘Gi mönö tumbulahöpki memba anöŋ.’”

¹²Mi möta kewö qesim waŋgiget, “Azi daŋön göhöra ‘Tumbulahöpki memba anöŋ,’ jiza?”

¹³Qesim waŋgigetmö, Jisösnöŋ mem ölöwahiga ambazip kambu ketaŋan ölökögetka yeŋgö sutŋineyök sömuniba anök. Miaŋgöra daŋön mi ak waŋgiyöhi, mi qahö möta tönpin kinök.

¹⁴Miaŋgö andöŋe jöwöwöl jike tohoŋ uruŋe öŋgöiga Jisösnöŋ miaŋgöreŋ miwikŋaim waŋgiba qambaŋ keu kewö jii mörök, “Mötnöŋ, gi lök ölöwakzan. Miaŋgöra ayuayuhu törösait bölöŋi kötökŋi kun asuhum gihibapuköra mönö ŋiŋgisöndok kunbuk kude aka malman.”

¹⁵Azi ölöwahöhi, yaŋön Jisös ek kutuba anda Juda jitŋememe yeŋgöra kewö jii mötket, “Azi mem ölöwak niŋgiyöhi, yaŋgö qetŋi Jisös.” ¹⁶Mi möta Jisösnöŋ Sabat kendonöŋ nup mewöŋi meyöhi, Juda jitŋememe yeŋön miaŋgöra aka sesewerowero ak waŋgiba malget. ¹⁷Mewö malgetmö, Jisösnöŋ kewö meleş eŋgiyök, “Nöŋgö Iwinan sundan dop nup memakza aiga nöŋön mewöŋanök mi memakzal.”

¹⁸Mewö meleş eŋgiba ambazip Sabat kendongö keu tosatŋi toroqeba algetka Jisösnöŋ mi ahakmemenän qeapköba yeŋgö jeŋine ŋiŋgisöndok ahök. ŋiŋgisöndok mi toroqeba Anutugöra ‘Iwini’ jiba Anutu tandök ewö maljawaŋgö dop aka nanŋi mem öŋgöyök. Juda ambazip yeŋön yuai yahöt miaŋgöra aka möt kömbuhiba kapaŋ köla Jisös qebingö jim köhöiget. Mewö.

Malmal gulimapkö kukösumŋi mi Jisösgöreŋ ahöza.

¹⁹Mewö aketmö, Jisösnöŋ keu kewö jii mötket, “Nöŋön keu ölä töhöŋŋi kun kewö jibi mötket: Nahönöŋ nanŋi uruŋaŋgö yuai kun qahö memakzapmö, Iwinöŋ yuai memakzawi, Nahönŋan mönö mewöŋanök

^v 5.10 Neh 13.19; Jer 17.21

memakza. Mianğöra Iwinöŋ yuai meiga ehakzawi, yaŋön mönö miyök memakza. ²⁰Iwinöŋ Nahönŋi urunöŋ jöpaköm waŋgiba mala nanjak nup memakzawi, mi pakpak kondel waŋgimakza. Mianğöra aŋgöletot eka maljei, mi yuai eretŋi. Mianğö ölni mi könangep kondel eŋgiiga eka nemböŋini teköi welipköba malme.

²¹“Kun kewögöra welipköme: Iwinöŋ ambazip kömukömuŋi eŋgömindiga gulimakze. Nahönŋan mönö mianğö dop mewöŋanök ambazip köhömuŋi niŋia gulimegö mötzawi, mi eŋgömindiga gulimakze. ²²Mewöŋanök Iwinöŋ kungö keuŋi qahö jim tekömakzapmö, jimtekötekö nupkö kukösumŋi pakpak mi kewögöra Nahönŋaŋgö böröŋe ali ahöza:

²³“Ambazip Iwi göda qem waŋgimakzei, mianğö dop körekŋan Nahönŋi göda qem waŋgimegöra mötza. Iwinöŋ Nahönŋi melaim waŋgiyök. Mianğöra kunŋan Nahön qahö göda qem waŋgizawi, yaŋön mönö Iwi mewöyök göda qahö qem waŋgiza.

²⁴“Mianğöra nöŋön keu ö! töhöŋŋi kun kewö jibi mötket: Kunŋan nöŋgöreŋ Buŋa keu möta mötmöriba ni melaim niŋgiyöhi, i möt narim waŋgiza ewö, yaŋön mönö malmal köhöikŋaŋgö buŋaya akza. Nöŋön keuŋi jim teköbiga könöp siagö buŋaya qahö akŋa. Kömup köhöikŋaŋgö likepŋi mosöta jabö kutuba malmal köhöikŋaŋgö likepŋe aŋgota mal öŋgöma.

²⁵“Nöŋön keu ö! töhöŋŋi kun kewö jibi mötket: Nalö kun kama aka nöŋgöra aka lök kam kuŋguza. Nalö mianğöreŋ ŋiŋgisöndok aka uru köhömuŋi akzei, yeŋön Anutugö Nahönŋan keu qeri mötme. Mi möta tem kölmeaŋön mönö guliba köhöiba malme. ²⁶Mi kewögöra: Iwinöŋ nanjak malmal köhöikŋi kondorakzawi, mianğö dop malmal gulim köhöimapkö kukösumŋi mi Nahönŋi waŋgii yaŋön mewöyök ambazip mem gulim eŋgimakza. ²⁷Yaŋön Suep gölmegö Azi Ölni maljawaŋgöra aka Iwinöŋ ambazip keuŋini jim tekömapkö kukösumŋi mewöyök yaŋgö böröŋe ali buŋaŋi ahök.

²⁸“Nöŋön keu kötni jizali, mianğöra mönö kude aurume. Nalö kun kam kuŋgumawi, mianğöreŋ körek pakpak qaksirinöŋ ahözei, yeŋön mewöyök qet qetmawi, mi mötme. ²⁹“Qetŋi mi möta wahöta aukŋe asuhugetka ahakmeme ölöŋŋi aka malgeraŋön malmal köhöikŋe öŋgömemö, ahakmeme bölöŋi aka malgeri, nöŋön yeŋgö keuŋini jim teköbiga kömup köhöikŋaŋgö buŋaya akŋe. ³⁰Nöŋön nani urunaŋgö yuai kun nanak aka memamgö osizal. Ni Iwigö jitŋe mörakzali, mönö mianğö dop ambazip keuŋini jim teköm eŋgimakzal. Nani imbinangö dop laŋ qahö memakzalmö, melaim niŋgiyöhi, mönö yaŋgö keuŋi wuatangömakzal. Mianğöra jimtekötekö keuni jimakzali, mi mönö dopŋeyök asuhumakza.” Mewö.

^w 5.29 Dan 12.2

Tosatjan Jisösgö könañamñi nañgöba jiget.

³¹“Nöñön nani könañamni nañgöba jibilenjak ewö, keuni mianñön ölop qahö köhöibawak. ³²Alani kunöñ nöñgö könañamni nañgöba jimakza. Yañön nöñgöra keu jimakzawi, mianñön mönö köhöiba öñambuk akza, mi mötzal. ³³“Inini jitñememe melaim engigetka Jongörej kagetka keu öññañgö dop nöñgö könañamni indela jiba nañgöyök.

³⁴“Jiba nañgöyökmö, nöñön gölme azigö nañgönañgö keunji mi möta qahö mötpi öñgöza. Qahö öñgözapmö, Jongö nañgönañgö keugöra jimakzali, mi mönö inini nalö kewöñje letotketka Anutunöñ bohonñini jöhömapköra aka jimakzal. ³⁵Jonöñ kiwa ketanji aka ölopñanök jeba asariyökmö, inini nalö köröñji qahöpmö, töröptökñanök yangö asakñe lañ söñgaibingö sihimñi mötket.

³⁶“Jonöñ könani töröptökñanök jiiga mötketmö, kunöñ mi nañgöba jimakzawi, yangö keuñan mönö Jongörej nañgönañgö keu oñgitza. Nani Iwinan nupñi al niñgii membiga öñji asuhumakza. Öñji mianñön mönö könañamni kewö nañgöba indelakza: Iwinöñ mönö melaim niñgii jitñe memenji akzal. ³⁷Iwinöñ melaim niñgii erali, yañön könañamni nañgöba jiba malök. Inini nalö kunöñ yangö keu kourukñi qahö mötket aka kaisoñgolomñi qahö eket. ³⁸Yañön niñja melaiiga eröhi, inini i qahö möt narim wañgize. Mianñgöra yangö keuñan mönö engö uruñine qahö kinja.

³⁹“Inini malmal köhöikñañgö könañi mi Buña Kimbinöñ ahöm engiza, mewö mötmörriba mi oyonña uru könömñine ala Suepkö buñaya akingö mötze. Mewö mötzemö, kimbiñi kimbiñi pakpak mienñön mönö nöñgö könañamni nañgöba indelakze. Mi möt yaköze me qahö? ⁴⁰Nañgönañgö keu gwötpuk ahözapmö, inini malmal köhöikñi buña qem añgubingöra nöñgörej kabingö tökömakze.

⁴¹“Gölme ambazipnöñ qetbuña niñgigetka qarimapköra qahö mambötzal. Mi niñgigetka mötpi qahö öñgöi maljal. ⁴²Mewö maljalmö, engö könañamñini mi kewö ahöza, mi mötzal: Inini uruñini Anutugörej qahöpmahöp jöhöba urukalem qahö ak wañgiba malje. ⁴³Nöñön Iwinangö qetñi qeta kabiga inini andö qem niñgimakzemö, kunöñ nanñi qetñi qeta kamawi, inini mönö i ölop möt añgön köla köl öröm wañgime.

⁴⁴“O inini nanñini möpöseim añguba qetbuñañini qarimapkö mötket öñgöza. Öñgözapmö, bem mohotñan Anutu öñji akzawi, yañön qetbuña engimapköra qahö kapañ kölje. Mewö aködamunñinambuk akñegöra qahö jaram tiba kinje. Mianñgöra denöwö ni möt narim niñgibeak? Mi mönö osibeak.

⁴⁵“Nöñön inini ‘Iwigö jemesoholñe keu jakñe al eñgimam,’ mewö mötmöribepuk. Inini Mosesgö keugö jörömqöröm al wañgiba Suep mire

× 5.33 Jon 1.19-27; 3.27-30 √ 5.37 Mat 3.17; Mak 1.11; Luk 3.22

öngöbingö mamböta maljemö, Anutugö jeje angotketka Mosesnön nanjak Anutugö keu jakeje ala jim aum engiiga gamunini mötme.

⁴⁶“Mi kewögöra: Mosesnön nöngö könajamni jim asariba Buja Kimbinön ohoi ahöza. Miaᅇgöra Moses möt narim waᅇgibeak ewö, mönö nia möt narim niᅇgibeak. ⁴⁷Mewömö, Mosesgöreᅇ kimbua qahö möt nariba tem köljeaᅇgöra mönö nöngö keuni mi denöwö möt naribeak? Mi kupuk-kapakᅇambuk akapuk.” Mewö.

Jisösnön azi 5000 nene gumohom engiyök.

Mat 14.13-21; Mak 6.30-44; Luk 9.10-17

6 ¹Miaᅇgö andöᅇe Jisösnön Galili o angö, qetᅇi kun Taiberias o angö qetkeri, mi kutuba likeᅇᅇe aᅇgorök. ²Kawöl ambazip möhamgöm engii angöletot asuhui ekerangöra aka ambazip kambu jesöᅇgöᅇan Jisösgö andöᅇe wuatangöba kaget. ³Jisösnön gwarekurupᅇi engömeiga kundueᅇ öᅇgöba tatket.

⁴Nalö miaᅇgöreᅇ Juda neᅇgöreᅇ ak-kömukömu kendonöᅇ töriyök.^z

⁵Jisösnön je ui aniga ambazip kambu jesöᅇgöᅇan yaᅇgöreᅇ kaᅇotkeri, i enᅇeka Filipköra jiyök, “Nini nene denikeyök bohonᅇi meinga kambu mewöᅇan nem timbireᅇ aketka dop kölbowak?” ⁶Yuai akᅇamgö ahöhi, mi nanjak mörökmö, keu mi Filip esapköm waᅇgiba jiyök.

⁷Mewö jiiga kewö meleᅇnök, “Nene beret silim 200:kö töwaᅇi (Kina 1000,-) miaᅇön bohonᅇi memba mendeᅇninga körek yeᅇön kitipᅇanöhök nembeak aka töndup qahö dop köl engibowak.”

⁸Mewö jiiga gwarekurupᅇi yeᅇgöreᅇök kun qetᅇi Andru, Saimon Pitögö munᅇan kewö jii mörök, ⁹“Azi moröᅇi kun kiaᅇgöreᅇ malja. Yaᅇgöreᅇ bali^a beret 5 aka söra yahöt ahözapmö, ambazip sehiseᅇiᅇi kewö kagetka yeᅇgöra mi qahö dop kölma.”

¹⁰Jisösnön jiyök, “Iᅇini mönö ambazip kambu ki jiba mendeᅇ engigetka nene nemingö eta tatme.” Gölme miaᅇgöreᅇ keᅇwaᅇ luplup gwötpuk ahöyök. Miaᅇgöra azi jaᅇgöᅇiᅇi 5000:gö dop yeᅇön gölmenöᅇ eta tatket.

¹¹Eta tatketka Jisösnön beret mi memba saiwap jiba ambazip tatkeri, mendeᅇda engiyök aka söra mi mewöyök mendeᅇda sihimᅇinan jigerangö dop engiyök. ¹²Mendeᅇda engiiga memba nem timbireᅇ aketka Jisösnön gwarekurupᅇi kewö jii mötket, “Nene kitipᅇi ayuhubapuköra mi mönö qezaköᅇet.” ¹³Mewö jiiga möta bali beret 5 miaᅇgöreᅇök memba kitipᅇi kitipᅇi mosötket taröhi, mi qezaköᅇetka sakap 12 miaᅇgöreᅇ geba kokolak qeyök.

¹⁴Jisösnön angöletot mewö mei asuhuiga ambazipnön eka welipköba jiget, “Kezapqetok azi gölmenöᅇ asuhumapkö jigeri, yaᅇön mönö öᅇᅇa

^z 6.4 Anutunöᅇ mönöwök neᅇgehoriba neᅇgöᅇiröhi, Juda yeᅇön miaᅇgöra yambu (yara) dop nalö ala söᅇgaimakze. Nei keunöᅇ qetᅇi Pasowa jize. Eksodus 12.15 ^a 6.9 Bali mi padi, wit, out aka sehöᅇ miaᅇgö alajini kun.

mia akza.”¹⁵ Mewö jiba Jisösgöra köiran ala kiñ kembunini akñapakö mötmöriget. Mötmöriba kaba liliköm wanğiba walimgöba kiñ kungum wanğibingö aket. Mewö möt kutuba engek tököba engömosöta kunbuk kundunje öngöba nanjök malök. Mewö.

Jisösnöñ o anğö qakñe tiba tiba anök.

Mat 14.22-33; Mak 6.45-52

¹⁶ Neget teköiga mare aiga Jisösgö gwarekurupñi yeñön o anğögö jitñe geget. ¹⁷ Geba wanğenöñ öngöba gölme mi mosöta o anğö kutuba likepñe Kaperneam mire göröken anget. Angetka miri söñaum teköiga Jisösnöñ töndup yeñgöreñ qahö asuhuyök. ¹⁸ Angetka luhut köhöikñanök giliga o anğönöñ könöpuk kunduta öngöba erök.

¹⁹ Öngöba eriga lökuatnöñ qeba nanğöba 5 me 6 kilomita miangö dop angetka Jisösnöñ o anğö qakñe tiba tiba wanğe kösutñe kaiga eka auruba keñgötporiñ aket. ²⁰ Mewö mötketka kewö jii mötket, “Nanak kazal. Keñgötñini kude mötme.” ²¹ Mewö jii möta Jisösnöñ wanğenöñ öngömapkö jigetka öngöyök. Öngöiga wanğenñinan miangöreñök ösumok enğuanğita gölme göreñe anbingö akeri, miangöreñ anğotket. Mewö.

Ambazip yeñön Jisösgöra um jarum bibihiget.

²² Miangöreñ anğotketka miri gianğiga ambazip kambu ketanñi yeñön o anğö likepñe toroqeba mala kewö mötmöriget, “Uran wanğe mohotñan tari ehinga Jisösnöñ gwarekurupñi yembuk wanğenöñ qahö öngöba anök. Jisös umbula nanñinök anget. Wanğe murutñi kun qahö ehin. Miangöra Jisösnöñ kunbuk ki malja.”

²³ Mewö mötmöriba tosatñan kewö jiget, “Wanğe mohotnöñ angetmö, ölna, Taiberias taonök wanğe tosatñi kaget. Wanğe mi Kembunöñ beretköra saiwap jiiga nempa tarini, mönö gölme miangö kösutñe kagera Jisösnöñ wanğe miengöreñök kunöñ öngöba anök me denöwö?” ²⁴ Ambazip kambu yeñön mewö jiba Jisös aka gwarekurupñi miangöreñ qahö miwikñaim enğiget. Mewö eka möta mewöñanök wanğenöñ öngöba Kaperneam taonöñ anda Jisös jaruget. Mewö.

Jisösnöñ malmal köhöikñanğö neneñi akza.

²⁵ Ambazipnöñ Jisös jaruba o anğö likepñe yuke göröken miwikñaiaba eka kewö jiget mörök, “O Ketanjamnini, gi mönö wani nalönöñ ki kazan?”

²⁶ Mewö jigetka kewö meleñ enğiyök, “Nöñön keu öñ töhöññi kun kewö jibi mötket: Inini anğöletot membi ekeranğöra aka ni qahö jarum niñgizemö, nene beret kötuetköbi nempa nem timbireñ akeri, mönö miangöra ni nuatanğöba ki kaze. ²⁷ Nene ayapkömawi, mi miwikñaiabingöra urukönöp kude aka malmemö, urugö neneñan malmal köhöikñi enğimakzawi, mönö mia buña qem anğubingöra kapañ köla

malme. Iwi Anutunöŋ muŋgem silimbannŋi Suep gölmegö Azi Ölnŋi waŋgiiga kukösumŋan walöŋniga ölop urugö nene eŋgiiga oyaenŋkoyaen akŋe. Mewö aka mal köhöiba kömumba toroqeba teteköŋi qahö malme.”

²⁸Mewö meleŋ eŋgiiga kewö qesim waŋgiget, “Anutugö sihimŋangö dop ahakmeme tandökŋi mönö denöwö ahinga dop kölbawak?”

²⁹Qesim waŋgigetka kewö meleŋök, “Anutunöŋ azi melaim waŋgiyöhi, iŋini i möt narim waŋgiba malme. Ahakmeme miaŋön mönö Anutu sihimŋangö dop akza.”

³⁰Mewö meleŋniga kewö qesim waŋgiget, “Mewö aiga gi kunbuk wani aŋgöletot kukŋambuk kun menöŋga eka möt narim gihibinak? Gi mönö wani yuai kun Mosesnöŋ ahök, miaŋgö dop aka meman? ³¹^bBuŋa Kimbi kun kewö ohoget ahöza, ‘Yaŋön Suepnöhök nene beret eŋgiiga neget.’ Keu miaŋgö dop nanine ambösakon yeŋön gölme qararaŋkölkölŋe anda mala nene qetŋi mana nempa malget aka gi mönö könaŋamgi Moses oŋgita denöwö kondelbanak?”^c

³²Qesim waŋgigetka Jisösnöŋ kewö jii mötket, “Iŋini miaŋgö könaŋi ölop qahö möt kutuze. Nöŋön keu ölä töhöŋŋi kun kewö jibi mötket: Mosesnöŋ aŋgöletot Toŋi qahö ahök. Yaŋön nene beret mi Suepnöhök qahö eŋgii negetmö, nani Iwinan mönö Suepnöhök beret ölbölnŋi eŋgimakza. ³³Anutugö nene beret mi mönö Suepnöhök eta asuhuba gölme dop ambazip malmal köhöikŋi eŋgimakza.”

³⁴Mewö jii möta kewö jiget mörök, “O Kembu, gi nalö dop nene beret mi neŋinöŋga nempa malbin.”

³⁵Jisösnöŋ mi möta jiyök, “Nöŋön malmal köhöikŋangö neneŋi akzal. Kunŋan nöŋgöreŋ kazawi, yaŋön nem timbireŋ aka wösöŋi nalö kunöŋ qahö alma. Kunŋan ni möt narim niŋgimakzawi, yaŋön ogöra qahö kömuma. ³⁶Mewö aigun iŋini ni nek teköba töndup qahö möt narim niŋgize. Mi mönö lök jibi mötze. ³⁷Aka töndup Iwinöŋ ambazip tosatŋi niŋgimakzawi, yeŋön mönö körek nöŋgöreŋ kame. Kunŋan nöŋgöreŋ kamawi, nöŋön mönö i qahö yakörimam.

³⁸“Nöŋön Suepnöhök eta nani imbinangö dop yuai laŋ aka memba malmamgöra qahö asuhuyal. Mewö qahö. Melaim niŋgiyöhi, mönö yaŋgö jitrök dop nup memba malmamgöra eral.

³⁹“Melaim niŋgiyöhi, yaŋgö jitsihitŋan kewö ahöza: Yaŋön ambazip nöŋgö böröne al eŋgiiga maljei, nöŋön mi pakpak köyan kölä eŋgiba malbiga yeŋgöreŋök kunŋan kun qahö sohoba ayuhuma. Qahö ayuhugetka nöŋön i nalö ketaje eŋgömindiba mem gulim eŋgimam.

^b 6.31 Eks 16.4, 15; Sum 78.24 ^c 6.31 Gölme qararaŋkölkölŋe Anutunöŋ söŋan dop söŋangö yuai amötŋi, jöhanŋi tuatŋi aka awamŋi juzu paura ewö ali gölmenöŋ ahöi eka yaigep söbemmöŋ anda qezaköba koumŋine kaba beret lölöwöröŋi memba nezema. Eks 16.13-36

40 “Iwinangö jitsihitjan kewö ahöza: Tosatjan Nahönji eka möt narim wangizei, yejön körek nalö kewöje letota malmal köhöikji buja qem anguba malme. Mewö mal kömugetka nöjön i nalö ketanji miangörej engömindiba mem gulim engimam.”

41 Jisösnöj mewö jiiga keu kötji kun kewö ahök, “Nöjön malmalgö nene ölnji aka Suepnöhök eta asuhuyal.” Mewö jiyöhangöra aka Juda jitjememe yejön möt böliba uruñinan ihururuk jiba jim wangiget. 42 Jim wangiba jiget, “Azi ki Jisös, Josefko nahönja. Yangö iwinamji mi ölop möt etkizinmö, mönö denöwögöra ‘Suepnöhök eta asuhuyal,’ jiza?”

43 Mewö jigetka möta kewö melejnök, “Uruñinan mönö kude ihururuk jiba jim niñgime. 44 Iwi ni melaim niñgiyöhi, yejön ambazip qahö öröm engiza ewö, engöreñök kunjan nöngöreñ kamamgö osima. Öroi kabawak ewö, nöjön i mönö nalö ketanje engömindiba mem gulim wangimam.

45^d “Kezapqetok yengöreñ kimbinöj keu kewö ohoget ahöza, ‘Anutunöj i körek pakpak kusum engii mötme.’ Iwinöj ambazip kusum engii keu möta urukönömñine ala maljei, yejön mönö körekjanök nöngöreñ kame. 46 Ambazip kunjan Iwi qahö eka malja. Iwigöreñök eröhi, yejön mohot kun mönö i eka malja. 47 Nöjön keu öl töhöñji kun kewö jibi mötket: Kunjan ni möt narim niñgizawi, yejön mönö malmal köhöikji buja qem anguba mal öngöma.

48 “Nöjön malmal köhöikjangö nene ölnji akzal. 49 Mötket! Engö ambösakonuruñinan gölme qararankölkölñe anda mala nene qetji mana namba malgetmö, töndup kömumba gisahöget. 50 Yejön kömugetmö, nene beret nalö kewöje Suepnöhök eta maljawi, kunjan mi namba mala qahö kömum köhöima.

51 “Nene beret malmalñambuk Suepnöhök eröhi, mi nöjön akzal. Kunjan nene mi namba malmawi, yejön mönö teteköñji qahö köhöiba malma. Nene wangiba malmami, mi nöngö busuni. Gölmeñi gölmeñi yejön köhöiba malmegöra mi al engimam.”

52 Jisösnöj mewö melejniga Juda jitjememe yejön sutñine urukönöpñöj jim qesim anguba jiget, “Ye! Azi kianön mönö denöwö aka busunji nenggiiga nembinak?”

53 Mi möta jigetka kewö jii mötket, “Nöjön keu öl töhöñji kun kewö jibi mötket: Injini Suep gölmegö Azi ölnjangö sepñi aka busunji qahö neme ewö, malmal köhöikji miañön mönö engö uruñine qahö ahöma. 54-55 Nöngö sepnan o ölnji akza aka nöngö busunan nene ölnji akza. Miangöra kunjan nöngö sep busuni nemakzawi, yejön mönö letota malmal köhöikjangö bujaya aka mal öngöma. Mewö mal kömuiga nöjön i nalö ketanje mindiba mem gulim wangimam.

56 “Kunjan nöngö sep busuni nemakzawi, yejön mönö nömbuk qekötahöba kinakza aka nöjön yambuk kinakzal. 57 Iwinöj Malmal

^d 6.45 Ais 54.13

Toŋi aka melaim niŋgiba wötni aka nam köl niŋgiiga köhöiba maljal. Mewöŋanök kunŋan ni nem niŋgimakzawi, nöŋön mönö mewöŋanök yaŋgö wötŋi aka nam köl waŋgibiga ölop köhöiba malma. ⁵⁸Nene ölni Suepnöhök eröhi, mi nöŋön akzal. Engö ambösakonurupŋinan Anutugö nene namba mala kömugetmö, nalö kewöŋe engöreŋök kunŋan beret ki namba malmawi, yaŋön mönö teteköŋi qahö köhöiba malma.”

⁵⁹Jisösnöŋ Kaperneam taongö köuluk miriŋe kinda keu mi jim kusum eŋgiyök. Mewö.

Gwarek gwötpukŋan uruŋini böliiga Jisös mosötket.

⁶⁰Jisösgö gwarekurupŋi yeŋgöreŋök gwötpukŋan keu mi möta jiget, “Keu jit jizawi, miaŋön mönö keu köt ewö lömbötŋambuk akza. Mi möriŋga uruninan lömböriba bölim teköza. Miaŋgöra mi kunbuk mötŋingö ölan neŋgöhöiga i mönö mosötŋin.”

⁶¹Gwarek yeŋön Jisösgö keugöra möt böliba uruŋinan ihururuk jiba jim waŋgigetka Jisösnöŋ mi uruŋan eŋguaŋgita möta kewö jii mötket, “Keu jizali, mi möt böliŋe me qahö? ⁶²Keu miaŋgöra möt böliŋe ewö, könŋeŋep mönö denöwö asuhubawak? Suep gölmeŋe Azi ölnan mutuk miri mala koröhi, euyaŋgöreŋ kunbuk liliŋgöba öŋgöi ekŋe ewö, nalö miaŋgöreŋ mönö denöwö mötme?

⁶³“Uŋa Töröŋi yaŋön ambazip mem gulim eŋgimakza. Iŋini gölme ambinöhök ahuba busuŋinambuk akzemö, ahuaŋu döläkŋe qahö ahuba nanŋini ösumŋinan öne letota Suepkö buŋa ahak mi qahöpmahöp. Uŋa Töröŋan malmal köhöikŋi eŋgizawi, nöŋön keu kötŋi mi jim tuaribi möta malget. ⁶⁴Mewö möta malgetmö, eŋgöreŋök tosatŋan töndup ni qahö möt narim niŋgiba malje.” Denike yeŋön qahö möt narim waŋgigeri aka daŋön könŋeŋep mamalolo mem waŋgimawi, Jisösnöŋ mi könakönahiŋeyök möta korök. Miaŋgöra mewö jiyök.

⁶⁵Mewö jiba toroqeba jiyök, “Miaŋgöra nöŋön kewö jibi mötme: Nöŋgö Iwinan ambazip kun qahö inahöm waŋgiza ewö, yaŋön mönö nöŋgöreŋ kamamgö osima.”

⁶⁶Keu miaŋgöra aka gwarek yeŋgöreŋök gwötpukŋan poraiba ziriŋziriŋ aka mosöta yambuk qahö toroqeba anda kaget. ⁶⁷Miaŋgöra Jisösnöŋ gwarek 12 miŋgöra kewö jiyök, “Iŋini mönö mewöŋanök nömosöta anbingö mötze me qahö?”

⁶⁸^eMewö jiiga Saimon Pitönöŋ meleŋnök, “O Kembu, nini mönö dagöreŋ anbinak? Malmal köhöikŋaŋgö Buŋa keuŋi mi mönö göhöreŋ ahöza. ⁶⁹Göŋön Anutugöreŋ azi sarakŋi akzani, nini mi möt nariba möt asariba maljin.”

⁷⁰Mewö meleŋniga Jisösnöŋ möta jiyök, “Nöŋön azi 12 iŋini möwölöhöm eŋgial aka eŋgöreŋök kunöŋ mönö bölöŋaŋgö bohönŋi

^e 6.68-69 Mat 16.16; Mak 8.29; Luk 9.20

akza.”⁷¹ Judas Saimon Iskariotkö nahönñi yañön gwarek 12 yeñgö sutñine mala könagep mamalolo mem wañgiyök. Jisösnöñ keu mi yañgöra möta jiyök. Mewö.

Jisösnöñ munurupñi yembuk keu eraum mötket.

7 ¹Juda jitñememe yeñön Jisös qebingö kapañ kölgerañgöra Judia prowins uruñe anda kamamgö tököyök. Mianğgöra Judia mosöta Galili prowins uruñe anda liliköba maliga köiñ tosatñi teköyök. ²Mi teköiga Juda yeñgöreñ kendon kun qetñi koumkoum mianğgö nalöñan töriyök.⁸

³Mianğgöra Jisösgö munurupñan kewö jiget mörök, “Gi kianğöreñ mala aņgöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöñga dop kölma. ⁴Kunñan nanñak aukñe asuhumamgö mörakzawi, yañön yuai kun tölapñe qahö memakza. Aņgöletot mewöñi memakzanañgöra mönö ambazip kambuñi kambuñi yeñgö jeñine anda asuhuba könañamgi indelman.” ⁵Munurupñan qahö möt narim wañgiba tönpin malgerañgöra aka mewö lañ jiget.

⁶Mewö jigetka kewö jii mötket, “Urugö nup aukñe memamgö nalöñan qahö kam kuñguiga maljalmö, eñgö nalöñinan mönö sundan dop anmeañgö dop ahöza. ⁷Gölme ambazipnöñ kazik ak eñgibingö osimakzemö, nöñön yeñgö ahakmemeñini bölöñi indela nañgöba jibi mötzeañgöra mönö ni kazik ak niñgimakze. ⁸Anmamamgö nalönan mönö qahö kam kuñguza. Mianğgöra nöñön sösongai kendon kianğöreñ qahö öñgömam. Nöñön mire tatpiga iñini ölop endu anda öñgöba söñgaime.” ⁹Keu mewö jii mötketka Galili prowins uruñe toroqeba malök. Mewö.

Jisösnöñ koumkoum sösongainöñ malök.

¹⁰Jisösgö munurupñan koumkoum kendongöra angetmö, nanñak mire tata könagep aukñe qahöpmö, tölapköba anda Jerusalem öñgöyök.

¹¹Juda yeñgö jitñememeurupñinan sösongai nalöñe Jisösgö jeñi jaruba qesiqesi aka kewö jiget, “Azi mi denike?”

¹²Ambazip kambu yeñön sutñine Jisösgöra sañep keu gwötpuk jiget. Tosatñan “Azi mi ölop sorokñi,” jigetmö, tosatñan kewö jiget, “Qahö! Yañön mönö ambazip kambu eñololon ak eñgiiga kahapmahap ahakze.”

¹³Mewö mewö lañ jigetmö, Juda jitñememe yeñgöra keñgötñini möta malgerañgöra kunñan yañgö keuñi aukñe qahö jiyök. Mewö.

^f 7.2 Lew 23.34; Dut 16.13 ⁸ 7.2 Juda yeñgöreñ yambu jeñi qeçe sösongai kendonñi mi yambu (yara) dop kewö alget: Wain nupñine anda ip sinñi memba koumkoum qeba mianğgöreñ ahöba wehön 8 söñgaiba kendon tata malget. Wehön kondikñe sösongai öñgöñgöñi alget. Mönöwök gölme qararañkölkölñe yambu (yara) 40 mianğgö dop opo koumñine ahöba kaba malgeri, mi mötmöriba söñgaiget. Lew 23.33-36,39-43; Dut 16.13-15

Jisösnöŋ nanŋi könaŋi ambazip kusum enġiyök.

¹⁴Kendon sösöŋgai bibiŋe malgetka Jisösnöŋ jöwöwöl jike tohoŋ uruŋe öŋgöba könaħiba ambazip kusum enġiyök. ¹⁵Kusum enġiiga Juda yeŋön welipköba kewö jiget, “Azi ki mötmöt jake öŋgöŋgöŋe qahö öŋgöba töndup Buŋa Kimbigö könaŋi denöwö möt soroköza?” Mewö jiba welipköget.

¹⁶Welipkögetka kewö jii mötket, “Mötmöt Buŋa jimakzali, nöŋön miaŋgö Toŋi qahö akzal. Nanak qahöpmö, melaim niŋgiyöhi, nöŋön mönö yaŋgö mötmötŋi memba kaba jimakzal. ¹⁷Ambazip kunŋan Anutugö jitsihitŋaŋgö dop aka memamgö mötzawi, yaŋön mötmöt jibiga miaŋgö Toŋi daŋön akza, mi möt kutuma. Anutunöŋ Buŋaŋi nöŋgö urune ali asuhuza me nani imbinäŋgö keu laŋ jimakzal?

¹⁸“Kunŋan nanŋi imbiŋe mötmöriba keu jimakzawi, yaŋön nanŋak qetbuŋaŋambuk akŋamgö mötza. Mewö mötzapmö, melaimelai azi kun toŋan qetbuŋaŋambuk akŋapköra kapaŋ köljawi, yaŋön mönö jitŋememe ölböŋi geŋmoŋi qahö akza. ¹⁹Mosesnöŋ Köna keu al enġii mi ahöza me qahö? Mi ahözapmö, enġöreŋök kunŋan mi qahö tem köla wuatäŋgömakza. Injini mönö wuanöŋgöra kapaŋ köla ni nuŋgubingö mötmörize?”

²⁰Mewö jii möta ambazip kambu yeŋön kewö melenġet, “Ömewörömenöŋ mönö uruge geba kinja. Daŋön kapaŋ köla gi guhumamgö mötmöriza?”

²¹Mewö melenġetka jii mötket, “Nöŋön aŋgöletot mohot membiga injini körek pakpak auruba köŋkuŋ akze. ²²^hMosesnöŋ silenġine Anutugö aiwesök yandibingöra jim kutum enġiyöhi, o Mosesnöŋ mi mutuk qahö jim kutuyökmö, ambösakonurupninan mi könaħiba memba malgetka silik mi neŋgöreŋ kaiga Sabat kendonöŋ mewöyök azi silenġini yandimakze.

²³ⁱ“Nini Mosesgö Köna keu walöŋnin siŋgisöndok aħubapüköra köhöikŋi mötzin. Mi mötzinmö, keu mi qetala Sabat kendonöŋ mewöyök azi silenġini yandiba töndup nanŋini qahö jim aŋguba silebile malje. Mewö maljemö, nöŋön azi jömukŋi Sabat kendonöŋ mem ölöwak waŋgiali, miaŋgöra mönö wuanöŋgöra mi yom jim niŋgize? ²⁴Injini ambazip silenġini miyöhök eka mewö miaŋön bahösöhamök kewöta keu laŋ jim tekömakzei, mi mönö mosötme. Mi mosöta uruŋini törörök möt kewöta keu öŋŋanök jim teköme.” Mewö.

Jisösnöŋ Amötqeŋe Toŋi akza me qahö?

²⁵Jerusalem toŋi yeŋgöreŋök tosatŋan kewö jiget, “Azi kapaŋ köla gebingö mötmörizei, yaŋön mönö mia me? ²⁶Eket, yaŋön ambazip jeŋine

^h 7.22 Jen 17.10; Lew 12.3 ⁱ 7.23 Jon 5.9

aukŋe keu jiiga qahö jim waŋgize. Mewögöra azi kianjön Amötqeŋe Toŋi Kraist akzawi, keu mi ölŋa galömkölköl azi yeŋgö kezapŋine geiga mötze me qahö? ²⁷Amötqeŋe Toŋi Kraistnön kamapköra jiba kota malgeri, yaŋjön ‘Denikeyök asuhumawi, mi kunön kun qahö mötma,’ jizemö, azi kianjön denikeyök asuhuyöhi, mi mönö ölöp mötzin.”

²⁸Mewö eraum mötketka Jisösnön jöwöwöl jikegö tohoŋ uruŋe kinda imbiŋi memba wahöta kusum eŋgiba keu kewö jiyök, ‘Injini nöŋgöra kewö jize, ‘Azi mi möt waŋgiba miriŋi denikegö mi ölöp mötzin.’

Nani kukösum qakŋe qahö asuhuba kinjal. Melaim niŋgiyöhi, yaŋjön melaimelai Toŋi ölŋi aiga i qahö möt kutum waŋgiba malje. ²⁹Yaŋjön melaim niŋgiiga yaŋgöreŋök eralaŋgöra i ölöp möt waŋgizal.”

³⁰Mewö jiiga i memba jöhöbingö mötketmö, nalöŋan qahö kam kuŋguyöhaŋgöra aka kunŋan sileŋe qahö meyök. ³¹Mewö mötketmö, ambazip kambu yeŋgöreŋök gwötpukŋan möt narim waŋgiba kewö jiget, ‘Kraistnön kamawi, yaŋjön mönö azi ki oŋgita aŋgöletot memba malma me denöwö? Mewö tandök akza.” Mewö.

Jisös memba jöhömegöra naŋgu galöm melaim eŋgigetka kaget.

³²Ambazip kambu yeŋjön Jisösgöra mewö goranora jiba jitnakölik akeri, mi Farisi (Köna keugö kapaŋkölköl) yeŋjön mötket. Mi möta jike nup galöm yembuk kinda naŋgu galöm (sikiriti) tosatŋi melaim eŋgigetka memba jöhöbingö kaget. ³³Kagetka Jisösnön kewö jiyök, “Nöŋön embuk nalö töröptökŋi toroqeba malmam. Mi malagun eŋgömosöta melaim niŋgiiga erali, mönö yaŋgöreŋ liliŋgöba öŋgömam. ³⁴Öŋgöbiga göraim niŋgiba malmemö, ni qahö miwikŋaim niŋgime. Nöŋön miri malmami, injini miaŋgöreŋ kabingö osime.”

³⁵Mewö jiiga Juda jitŋememe yeŋjön sutŋine kewö erauget, “ ‘Nini miwikŋaim waŋgibingö osibin,’ jiza. Miaŋgöra mönö denikeaŋgöreŋ öŋgömamgöra jiza? Juda ambazip tosatŋan deŋda kantri tosatŋe anda Grik yeŋgö sutŋine maljei, mönö yeŋgöreŋ anda Grik ambazip kusum eŋgimamgö möta jiza me? ³⁶Keu kewö jiza, ‘Göraim niŋgiba malmemö, ni qahö miwikŋaim niŋgime,’ aka keu kun kewö jiza, ‘Nöŋön miri malmami, injini miaŋgöreŋ kabingö osime.’ Keu yahöt mietkö könaŋjiri denöwö?”

Malmal köhöikŋaŋgö oŋan mönö jeŋi tohoba kaŋgotma.

³⁷Mewö eraugetmö, kendon söŋgaigeri, miaŋgö wehön qöndökŋi ketanŋi miaŋjön kam kuŋguiga Jisösnön kinda köhöikŋanök qeta kewö jiyök, “Kunŋan ogöra kömuzawi, yaŋjön mönö nöŋgöreŋ kaba nema. ³⁸‘Buŋa Kimbigö keu kun kewö ohoget ahöza, ‘Kunŋan ni möt narim

^j 7.37 Lew 23.36 ^k 7.38 Eze 47.1; Zek 14.8

niŋgizawi, yaŋgö uruŋeyök malmal köhöikŋaŋgö oŋan mönö tohoba saksaköba kaŋgorakŋa.’”

³⁹Mewö jiyökmö, keu mi Uŋa Töröŋaŋgöra aka kewö jiyök, “Denike eŋön ni möt narim niŋgizei, iŋini mönö Uŋa Töröŋi buŋa qem aŋguba malme.” Anutunöŋ Jisös gölmenöŋ malöhaŋgö dop Suepkö asakmararaŋi qahö al waŋgiiga malök. Miaŋgöra Uŋa Töröŋi qahö melaiiga eta uruŋjine geiga öne malget. Mewö.

Ambazip sutŋine jujul ahu malget.

⁴⁰Jisösnöŋ mewö jiiga ambazip kambu yeŋgöreŋök tosatŋan keu mi möta kewö jiget, “Azi kiaŋön mönö ölna kezapqetok azi asuhumapkö jigeri, mönö mia akza.”

⁴¹Tosatŋan jiget, “Yaŋön Amötqeqe Toŋi Kraist akza.” Mewö jigetmö, tosatŋan qetala jiget, “Kraistnöŋ mönö denöwö Galili prowinsnöhök kabawak? Mi qahö dop kölja. ⁴²Buŋa Kimbinöŋ kewö jiza, ‘Kiŋ Deiwidnöŋ Judia prowinsgö taon moröŋi Betlehem miaŋgöreŋ malöhi, Kraistnöŋ miaŋgöreŋök asuhuba Deiwidkö gwölönarökurupŋi yeŋgöreŋök kunŋan akŋa.’”

⁴³Mewö mewö laŋ jigetka ambazip kambu yeŋön Jisösgöra aka jula deŋget. ⁴⁴Yeŋgöreŋök tosatŋan memba jöhöbingö mötketmö, kunŋan sileŋe qahö meyök. Mewö.

Juda galöm yeŋön Jisös qahö möt narim waŋgiget.

⁴⁵Jöwöwöl jikegö kiripo galöm (sikiriti) yeŋön lilingöba jike nup galöm aka Farisi (Köna keugö kapaŋkölköl) yeŋgöreŋ kagetka kewö jim eŋgiget, “Iŋini wuanöŋgöra i qahö memba kaze?”

⁴⁶Jim eŋgigetka kewö meleŋget, “Azi miaŋön keu jimakzawi, kunŋan nalö kunöŋ keu tandökŋi mewöŋi qahö jiyök.”

⁴⁷Mewö meleŋgetka Farisi (Köna keugö kapaŋkölköl) yeŋön qesiba jim eŋgiget, “Iŋini tok eŋololoŋ ak eŋgii malje me? ⁴⁸Galömkölköl azi neŋgöreŋök kunŋan mönö i qahö möt narim waŋgiyök. Aka Farisi (Köna keugö kapaŋkölköl) neŋgöreŋök kunöŋ kun uruŋi yaŋgöreŋ göröken meleŋnök me qahö? ⁴⁹Mewö qahöpmahöpmö, ambazip kambu Mosesgö Köna keu qahö möt kutuba Jisösgö keu möta kopa keu laŋ jimakzei, yeŋgöra muat! Anutunöŋ mönö i qesuahöm eŋgiiga ayuhume.”

⁵⁰^mMewö jim eŋgigetka azi qetŋi Nikodemus mutuk Jisösgöreŋ kaiga qambaŋ waŋgiyöhi, yaŋön mewöyök yeŋgöreŋök kun aka sutŋine tata kewö jii mötket, ⁵¹“Azi kunöŋ siŋgisöndok ahöhi, mi qahö qesiinga jiiga möta töndup kewöriŋa dop kölja me qahö? Qahö kewöta keuŋi öne jim teköbin ewö, mönö naninak Köna keunini qebin me? Mi qahö dop köлма.”

¹ 7.42 2 Sml 7.12; Mai 5.2 ^m 7.50 Jon 3.1-2

⁵²Mewö jii möta kewö melenj wanjiget, “Gi mewöyök Jisös ewö melenjda Galili qandak azia akzan me? Galili prowinsnöhök kezapqetok azi kun qahö asuhumawi, mi mötzin. Mewö mi nangak Buja Kimbi oyondä könäni jaruba möt kutuman.” ⁵³Mewö jtnakölik aka jula denjda mirinjine anget. Mewö.

Ambi kunöŋ serowilin aiga miwikŋaiget.

8 ¹Mirinjine angetmö, Jisösnöŋ anda Oil ip kundunje öngöyök. ²Öngöba ahöba miri gianjiiga söŋanök kunbuk lilingöba jöwöwöl jikenöŋ öngöiga ambazip kambu pakpak kaba liliköm wanjigetka eta tata kusum engiyök.

³Kusum enjiiga Köna keugö böhi aka Farisi (Köna keugö kapaŋkölköl) yeŋön ambi kun wanjita yanğoreŋ kaget. Ambi mianjön sero yonğorö ahiga mianğöra memba jöhögeri, mi wanjita kambu jeŋine alget.

⁴Jeŋine ala Jisösgöra jiget, “Böhi, ambi kianjön qesabulum ahiga mönö mianğoreŋök miwikŋaiba memba kazin. ⁵”Mosesnöŋ Köna keu ala mianğoreŋ ambi mewöŋi mi kötnöŋ gila qeinga kömumapköra jim kutum neŋgiyöha ahöza. Mewö ahözapmö, göŋön yanğöra denöwö jiman?”

⁶Mewö jiba mianğoreŋ möndöba Jisös keugö bötaknöŋ öröi qaköiga qebingö könäni ahui keu jakeŋe albingöra jiget. Mewö jigetka sipköba eta böröŋan kulem kun gölmenöŋ ohoyök.

⁷Ohoyökmö, toroqeba kapaŋ köla qesim wanjigetka hök ala wahöta diŋdiŋi kindä kewö jii mötket, “Enğoreŋök kunjan siŋgisöndok kun qahö aka maljawi, yanjön mönö ölöp köt mutukŋi memba gila qema.”

⁸Mewö jii mötketka kunbuk sipköba eta kulem kunbuk gölmenöŋ ohoyök.

⁹Jisösnöŋ keu jiyöhi, mianjön engömemba jöhöiga nanjini siŋgisöndokŋini gamuŋambuk akeri, mi Anutunöŋ kondeliga nanjini uruŋinan nanğöba jiiga isikusukŋini qahöwahök. Mianjön qahöwahiga keu göröŋ kingetka bohonjnan mutuk engömosöta aniga yanğö nemböŋan andöŋe aniga tosatŋi mohot mohot yeŋön mömölaköba körek an teköget. Qöndökŋan aniga Jisösnöŋ zoŋ kuŋguba tari ambinöŋ nanjök yambuk kinök. ¹⁰Jisösnöŋ hök ala wahöta diŋdiŋi kindä ambi eka kewö jii mörök, “Ambi, keu jakeŋe al gihibingö jizei, yeŋön mönö denike gi sök ni sök anjeje? Yenğoreŋök kunöŋ kindä gi kömumangö keuŋi qahö jim teköza me?”

¹¹Jii möta meleŋnök, “O Kambu, kunöŋ qahö jim teköm niŋgiza!” Mewö meleŋniga jii mörök, “Nöŋön mewöyök gi qahö jim teköm gihizal. Gi mönö döлки könahiba siŋgisöndok kunbuk kude aka malman.” Mewö.

^a 8.5 Lew 20.10; Dut 22.22-24

Gölme dop neŋgö asaknini mi Jisös.

¹²°Jisösnöŋ keu kunbuk suariba kewö jii mötket, “Nöŋön ambazip gölmeŋi gölmeŋi tat anjei, eŋgö asakŋini akzal. Kunŋan ni nuatanŋöba kamawi, yaŋön mönö söŋaupnöŋ jipjap qahö qeba malmapmö, malmal köhöikŋaŋgö asakŋi miaŋgö uruŋe malma.”

¹³°Mewö jiiga Farisi (Köna keugö kapaŋkölköl) yeŋön kewö jiget mörök, “Nanganök könaŋamgi naŋgöba jim asarimakzani, miaŋön mi qahö dop köl köhöiza. Qahö!”

¹⁴°Mewö jiget möta kewö jii mötket, “Nöŋön denikeyök eta kayali aka denike anda öŋgömami, mi möt teközal. Miaŋgöra nanak könaŋamni naŋgöba jim asarimakzali, keu mi mönö ölop dop köl köhöiza. Mi köhöizapmö, iŋini nöŋgö könani mi ölna qahö möt kutuze. ¹⁵°Eŋön ambazip sileŋini miyöhök eka mewö miaŋön bahösapsap kewöt eŋgiba keuŋini laŋ jim tekömazemö, nöŋön ambazip kungö keuŋi qahö jim tekömazal.

¹⁶°“Ni nanök qahö maljalmö, Iwi melaim niŋgiyöhi, yaŋön mönö nömbuk kini maljit. Miaŋgöra kungö keuŋi jim teköbilenak ewö, mi mönö diŋdiŋanök kewöta dopŋe jim teköbilenak. ¹⁷°Yahötŋan keu kun urumohot aka naŋgöba jiyohotka dop köl köhöimakza. Keu mi eŋgö Köna keuŋine mewöyök ohoget ahöza.

¹⁸°“Nöŋön nani könaŋamni naŋgöba jimakzal aka Iwi melaim niŋgiyöhi, yaŋön mewöyök nöŋgö könaŋamni naŋgöba jimakza. Miaŋgöra yahöt akziga miaŋön ölop dop köla köhöim teköza.”

¹⁹°Jisösnöŋ mewö jii möta kewö qesim waŋgiget, “Göhö Iwigi mi denike malja?” Qesim waŋgigetka meleŋnök, “Iŋini ni aka Iwini netkö könaŋamniri qahö möta malje. Iŋini nöŋgö könaŋamni möt kutubeak ewö, mönö nöŋgö Iwini mewöyök möt waŋgibeak.”

²⁰°Jisösnöŋ jöwöwöl jikegö naluk dum kösutŋe kinda ambazip kusum eŋgiba keu mi jiyök. Mi jiyökmö, nalöŋan qahö kam kuŋguyöhangöra aka kunŋan i qahö memba jöhöyök. Mewö.

“Denike öŋgömami, iŋini miaŋgöreŋ öŋgöbingö osime.”

²¹°Jisösnöŋ keu kun kewö toroqeba jii mötket, “Nöŋön eŋgömosöta anda malbige iŋini ni göraim niŋgiba malme aka siŋgisöndok akeri, miaŋgöreŋ qekötahöba kinda kömum köhöime. Miaŋgöra denike öŋgömami, iŋini miaŋgöreŋ öŋgöbingö osime.”

²²°Juda jitŋememe yeŋön mi möta jiget, “Kewö jiza, ‘Denike öŋgömami, iŋini miaŋgöreŋ öŋgöbingö osime.’ Keu mi denöwö? Imbi aumangöra jiza me?”

° 8.12 Mat 5.14; Jon 9.5 ° 8.13 Jon 5.31 ° 8.17 Dut 19.15

²³Mewö jigetka jii mötket, “Inini gölme kiangö tonji aka maljemö, nöñön miri gölme euyangö buñaya akzal. Eñön gölmenöñ ahuba gölme kiangö buñaya aka maljemö, nöñön mutuhök gölme kiangöreñ qahö ahuyal. ²⁴Qahö ahuba malmalgö könani nalö dop mala korali, nöñön mönö mia akzal. Nöñgöra mewö qahö möt narize ewö, mönö siñgisöndok akeri, mi qahö mosötpiga miangöreñ qekötahöba kinda kömum köhöime. Könani miangöra aka kewö jibi mötze, ‘Inini siñgisöndok akeri, mönö miangöreñ qekötahöba kinda kömum köhöime’. Keu mi ölna.”

²⁵Keu mi möta kewö qesim wañgiget, “Gi mönö niñia akzan?” Qesim wañgigetka meleñnök, “Könañamni lök indelbiga mötzei, nöñön mönö mia akzal. ²⁶Nöñön engöra keu gwötpuk ölop toroqeba jibileñak aka siñgisöndok gwötpuk akeri, miangö keunji ölop jim teköbilenakmó, melaim niñgiyöhi, yañön mönö nöñgö melaimelai Toni ölni akza. Yañön keu jiiga yañgöreñök möta kota maljali, nöñön mönö keu mi aukñe jibiga gölmeñi gölmeñi yeñön mörakñe.”

²⁷Mewö meleñnökmo, Iwigöra keu suariba jiyöhi, yeñön mi qahö möt asariget. ²⁸Jisösnöñ toroqeba kewö jii mötket, “Nöñön malmalgö könani nalö dop mala korali, mönö mia akzal. Miangö könani mi könangep ölop möt asarime. Nöñön yuai kun nani ösumnan me nani imbinangö dop qahö ahakzalmó, Iwinan keu kusum niñgiba malöhi, mönö miangö dop keu jitni ki jimakzal. Keu kötñi yahöt miangö könani mi könangep möt asarime. Inini Sup gölmegö Azi Ölni kösökögetka eu öngöba kömumawi, nalö miangöreñ mi ölop möt asarime.

²⁹Melaim niñgiyöhi, yañön mönö nömbuk kini maljit. Ahakmeme möri dop köl wañgimakzawi, nöñön mönö sundan mia ahakzal. Miangöra yañön qahö nömosöriga nanök qahö maljal.”

³⁰Keu mewö jiyöhañgöra aka ambazip gwötpukñan uruñini meleñda Jisös möt narim wañgiget. Mewö.

Abrahamgö gwölönarökurup muneni aka Jisös.

³¹Jisösnöñ Juda ambazip tosatñan möt narim wañgigeri, yeñgöra keu kewö jii mötket, “Nöñgö Buña keunan uruñine geiga miangöreñ qekötahöba kinje ewö, mönö ölna nöñgö gwarekurupni akze. ³²Mewö mala keu ölnangö könani möt kutugetka Buña keu ölnan inini bölöñangö kösönöhök pösat enñgiiga solanñi (fri) aka malme.”

³³Mewö jii möta meleñda kewö jiget, “Nini Abrahamgö gwölönarökurupñi mala könagesö walñi akzin. Mewögöra azi kunöñ kösö gwarö mem enñgiiga maljinangö jizani, mi qahö. Nini mönö nalö kunöñ etqeçeni mewö qahö aka malin. Aiga gi denöwögöra aka kewö jizan, ‘Kösönöhök pösat enñgiiga solanñi aka malme?’ Keu mi qahö dop kölja.”

^r 8.33 Mat 3.9; Luk 3.8

³⁴Mewö jigetka kewö melej enġiyök, “Nöñön keu öl töhönñi kun kewö jibi mötket: Siñgisöndok akzei, körek yeñön siñgisöndokö welenqeçe omanñi töwa qahö aketka miangö kösöñan köpeim enġimakza. ³⁵Köpeim enġimakzapmö, welenqeqenöñ toñangö miri uruñe nalö dop qahö mal öñgöma. Nanñi Nahönñan ölop miriñe nalö teteköñi qahö malma.

³⁶“Nahönñan bölöñangö kösönöhök pösat enġiiga solanime ewö, eñön mönö ölna kösö gwarö qahö solanñi (fri) aka malme. ³⁷Iñini Abrahamgö gwölönarökurupñi maljei, mötzalmö, bölöñan uruñini gwözönjawangöra nöñgö Buña keunan mösösönihim enġiba kondondongöba erakza. Könañi miangöra mönö kapan köla ni nuñgubingö mötze. ³⁸Nöñön Iwinangö qöhöröñe mala yuai eka mala korali, miangö keuñja jimakzal. Eñön mewöyök iwiñinan keu jii mötkeri, miangö dop ahakze.”

³⁹Jisösnöñ mewö melej enġiiga kewö jiget mörök, “Abrahamnöñ mönö nanine iwiambönini akza.” Mewö jiget möta jiyök, “Iñini Abrahamgö gwölönarökurupñi akeak ewö, mönö yangö ahakmemenñi wuatangögetka dop kölbawak. ⁴⁰Miangö tandökñi kewö akza: Nöñön Anutugö jitneyök keu möta miangö dop keu ölbölñi mi jibi mörakze. Nalö kewöñe iñini kapan köla azi ni nuñgubingö mötzemö, Abrahamnöñ mewö qahö ahök. ⁴¹Nanñini iwiurupñinangö ahakmeme miyök wuatangöba malje.” Mewö jiiga jiget mörök, “Serowilinöñ qahö ahuba iwi qahö (bastet) mi qahö akzinmö, Iwininambuk maljin. Anutunöñ mohok-kun nanñak iwi ak neñgiza.” Mewö.

“Bölöñi Toñangö buñaya akze,” jiyök.

⁴²Jisösnöñ kewö jii mötket, “Anutunöñ nanñak iwi ak enġibawak ewö, nöñön yangöreñök eta asuhuyalangöra mönö ölop ni uru jöpakömm niñgibeak. Nani ösumnöñ nam köliga qahö asuhuyalmö, Anutunöñ melaim niñgiiga eta maljal. ⁴³Keu jimakzali, mi wuanöñgöra möt asaribingö lömbörimakze? Nöñgö keunan uruñini undenjawangöra mi möt kutubingö ölan qeba zikzik tökömakze. Mewögöra mi möt asaribingö osimakze?

⁴⁴“Mönö iwiñini Bölöñi Toñangö buñaya akze. Sihim kömbönañinan mönö iwiñinangö sihimñi bölöñi wuatangöbingöra ahöza. Yangön könakönahineyök ambazip enġuget kömukömu asia aka kota malja. Keu ölnan uruñe qahö kinjawangöra aka keu ölni onġita lolonqalolon kinja. Munenñ jiji asia aka munenñ jijigö iwiñi akzawangöra munenñ jimakzawi, mi mönö nanñi uruñangöra jimakza.

⁴⁵“Yangön munenñ jimakzapmö, nöñön keu ölni jimakzal aigun iñini ni qahö möt narim niñgimakze. ⁴⁶Iñini körekñan nöñgö könani kewö kondelbingö osize: Yangön siñgisöndok aka keuñambuk malja. Könañamni mewö jaruzemö, nöñön keu ölni jimakzali, mi mönö wuanöñgöra qahö möt narim niñgize?

47“Kunjan Anutugö buña akzawi, yañön mönö Anutugören keu kezap ala mörakza. Injini Anutugö buña qahö akzeañgöra aka keu mi qahö möta möt asarimakze.” Mewö.

Jisösnöñ nanñangöra denöwö jim miwikñaiyök?

48 Jisösnöñ Juda ambazip yeñgö könañini indeliga likepni melenja kewö jiget mörök, “Gi Samaria prowinsgö lolonqalon azia aknöñga ömewörömenöñ uruge geiga maljan. Mewö jiba dopje jizin me qahöwi, mi ölop nangak jinöñ mörin.”

49 Mewö möta kewö melenök, “Ömenöñ urune qahö geiga maljal. Ni Iwinanök göda qem wañgiba maljal aigun töndup eñön gamu qem niñgimakze. 50 Mewö ahakzemö, nanak qetbuñanambuk akñamgö jaram qahö timakzal. Mohot kunjan mewö akñamgö bimñi qeba malja. Azi yañön mohot kewöt niñgiba ‘Dop köljan,’ jiba jim teköm niñgimakza. 51 Nöñön keu öl töhöññi kun kewö jibi mötket: Kunjan nöñgö Buña keuni tem köla wuatañgömakzawi, yañön mönö nalö kunöñ kömup köhöikñangö buñaya qahö akña.”

52 Mewö melenñiga Juda jitñememe yeñön Jisös kewö jiget mörök, “Abraham aka kezapqetok ambazip yeñön kömuget aigun göñön töndup kewö jinöñga siksauk akza, ‘Kunjan nöñgö Buña keuni tem köla wuatañgömakzawi, yañön nalö kunöñ kömup köhöikñangö buñaya qahö akña.’ Mewö jizañgöra gi öme kunöñ uruge geiga maljan. Mi döлки ölop möt asarizin. 53 Neñgö bömöñini Abraham kömuyöhi, göñön mönö i ongita yañgö ketañamñi akzan me? Kezapqetok yeñön mewöyök kömuget. Gi nangahöra mötnöñ öñgöiga ‘Ketañi niñja akzal?’ jiba mötzan?”

54 Mewö jiget möta kewö melenök, “Nañangöra mötpi öñgöiga Anutugö aködamunñi mi nana buña qem añgubileñak ewö, qetbuñani mi mönö nesak akawak. Iwinan nanñi aködamunñi niñgiyöhañgöra aka qetbuñanambuk aka maljal. Eñön yañgöra ‘Neñgö bem Anutunini akza,’ jize. 55 Eñön könañi mi ölop qahö möt kutumakzemö, nöñön i ölop möt wañgizal. ‘I qahö möt wañgizal,’ jibileñak ewö, mönö injini ewö tilipqilip azi akileñak. Ni azi mewöñi qahö akzalmö, i ölop möt wañgizal aka yañgö keunji tem kölakzal. 56 Eñgö bömöññini Abrahamnöñ ni gölmenöñ eta malmangöra mamböta nalö mi ekñamgöra uru sösonggai aka malök. Nalö kewöñe Suepnöñ mal köhöiiga nöñön asuhubiga nöñgö nalöni eka miangöra söñgaiyök.”

57 Mewö melenñiga Juda jitñememe yeñön kewö jiget mörök, “Yambugi (yara) 50 qahö ongita miangö bapñe maljan aka ‘Abraham ehal,’ jinöñga qahö dop kölja.”

58 Mi möta jii mötket, “Nöñön keu öl töhöññi kun kewö jibi mötket: Abrahamnöñ qahö asuhuga nöñön lök nalö miangören malal.”

⁵⁹Mewö jii möta kötnöŋ gila qebingöra köt umburaŋgöba megetmö, Jisösnöŋ tölapköba jöwöwöl jikegö tohoŋi mosöta ölöŋ köla anök. Mewö.

Jisösnöŋ jegömöl azi kun mem ölöwahök.

9 ¹Jisösnöŋ toroqeba köna anda azi kun nam körö uruŋeyök jegömöl asuhuyöhi, mi ehök. ²Mi ehiga gwarekurupŋan qesim waŋgiba jiget, “Ketaŋamnini, yaŋön mönö dagö siŋgisöndoköra aka jegömöl mewöŋi asuhuyök? Nanŋi siŋgisöndoköra me iwinamŋi yetkö siŋgisöndoköra?”

³Jigetka kewö melerŋök, “Nanŋak siŋgisöndok kun qahö ahök aiga iwinamŋan siŋgisöndok qahö ahotmö, Anutugö kukösumŋan yaŋgö malmalŋe aukŋe asuhumapköra mewö ahuyök. ⁴Wehönöŋ asariba ahözawaŋgöreŋ mönö melaim niŋgiyöhaŋgö nuwa töp memba malbin. Suŋgem akŋawi, miaŋgöreŋ körek nup membingö osibin. ⁵“Nöŋön gölmenöŋ malmamaŋgö dop gölmeŋi gölmeŋi eŋgö asakŋini aka asariba malmam.”

⁶Mewö jiba gölmenöŋ söutköi geiga gwakötak melerŋda jegömöl azigö jeŋe timbiliyök. ⁷Timbiliba kewö jim kutuyök, “Gi mönö Siloam o aŋgönöŋ anda jegi saŋgoŋman.” (Siloam qet mi nanine keunöŋ Melaimelai azi.) Mewö jim kutuiga anda jeŋi saŋgoŋni tohoiga ui asariiga liliŋgöba miriŋe kayök.

⁸Mewö kaiga alaurupŋan kösutŋe malgeri aka tosatŋan mutuk nene yuaigöra ulet eŋgiba mali ekeri, yeŋön i eka jiget, “Jegömöl azi nenegö uleta tata malöhi, yaŋön azi mia me?”

⁹Tosatŋan jiget, “Yaŋön mönö mia.” Tosatŋan jiget, “Qahö, kaisoŋgolomŋi i ewö akzapmö, yaŋön qahö.” Mewö mewö jigetka nanŋak jiyök, “Nöŋön mönö ia akzal.”

¹⁰Mewö jiiga kewö qesiget, “Jegi mönö denöwö aknönŋa tohoza?”

¹¹Qesigetka kewö melerŋ eŋgiyök, “Azi qetŋi Jisös qerakzei, yaŋön söutköi gwakötaknöŋ geiga melerŋda jene timbiliba jim kutuba kewö jiyök, ‘Gi mönö Siloam o aŋgönöŋ anda jegi saŋgoŋman.’ Mewö jiiga o miaŋgöreŋ anda jeni saŋgoŋbi tohoiga ubi asariyök.”

¹²Mewö melerŋ eŋgiiga kewö qesiget, “Azi mi denike malja?” Qesim waŋgigetka “Qahö mötzal,” jiyök. Mewö.

Farisi yeŋön jeŋi tohoyöhaŋgöra qeqesi alget.

¹³Azi jegömöl malöhi, yaŋön “Qahö mötzal,” jiiga ambazipnöŋ i waŋgita Farisi (Köna keugö kapaŋkölköl) yengöreŋ anget. ¹⁴Jisösnöŋ söutŋan gwakötakpuk melerŋda jeŋe timbiliba metohoyöhi, mi mönö Sabat kendon nalöŋe meyök. ¹⁵Miaŋgöra Farisi yeŋön mewöyök kewö qesim waŋgiget, “Jegi mönö denöwö aknönŋa tohoza?” Qesim waŋgigetka

° 9.5 Mat 5.14; Jon 8.12

kewö meleş engiyök, “Azi miañon mönö söutñan gwakötakpuk meleşda jene timbiliiga anda jemesoholni sañgonða jeni ubi asariza.”

¹⁶Mewö meleş engiiga Farisi yengöreñök tosatñan jiget, “Azi miañon Sabat kendon köteközawi, miañgöra mönö Anutugöreñ azia qahö akza.” Tosatñan jiget, “Mewö qahö! Azi goñgoñi kunñan mönö denöwö aka añgöletot mewöñi memamgö köhöibawak?” Mewö mewö jiba nanñini jula deñget.

¹⁷Mewö deñgetka jegömöl azi miañgöreñ kunbuk lilingöba jiget, “Jegi metohoyöhi, yañgöra mönö denöwö jiman?” Mewö jigetka “Kezapqetok azia akza,” jiyök.

¹⁸Mewö jiiga jeñi ölña gömöliyöha tohoiga uyöhi, Juda jitñememe yeñon mi qahö möt nariget. Qahö möt nariba uruyahöt kinda iwinamñi öröm etkigetka kayohot. ¹⁹Kayohotka kewö qesim etkiget, “Azi ki etkö nahönñira me qahö? ‘Jegömöl asuhuyök,’ jizahotmö, denöwö aka mönö dölki jeñi uba ekza?”

²⁰Qesim etkigetka kewö meleşnohot, “Azi ki netkö nahönira akza aka jegömöla asuhuyök, mi ölop mötzit. ²¹Mewö mötzitmö, denöwö aka dölki jeñi uba ekzawi, mi qahö mötzit. Dañon jeñi metohoi uzawi, niri mewöyök qahö mötzit. Gömokñi qahö, lök qariba töwatñi jörak alalña aka mötkutukutuñambuk akza. Miañgöra mönö nanñangö qesigetka könani ölop jima.”

²²Juda jitñememe yengöra keñgötñiri möta mewö jiyohot. Yeñon sutñine keu kewö jöhöba urumohot aka kinget, “Kunñan Jisös Amötqeqe Toñi Kraist akzawi, mewö jim miwikñaima ewö, i mönö köuluk miri kambunöhök közöl wañgibin.” ²³Keu miañgöra aka kewö jiyohot, “Gömokñi qahö, lök qariza. Miañgöra mönö nanñi qesim wañgime.”

²⁴Miañgöra azi jegömöl malöhi, mi kunbuk öröget kaiga kewö jiget mörök, “Azi mi siñgisöndok azia akza, mi mötzin. Miañgöra mönö Anutugö qetbuñani möpöseinönga aködamunñambuk ahi dop kölma.”

²⁵Mi möta kewö meleşnök, “Siñgisöndok azia akza me qahö, nöñon mi qahö mötzal. Mohot kewöyök mötzal: Nöñon jegömöl malalmö, dölkwöñe kunbuk ölop uba ekzal.”

²⁶Mewö meleşniga kewö qesim wañgiget, “Wani yuaia ak gihiza? Jegi mönö denöwö metohoza?”

²⁷Qesim wañgigetka kewö meleş engiyök, “Nöñon lök meleş engizalmö, eñon keu jizali, mi qahö mötze. Wuanöñgöra mi kosikñi kunbuk jibi mötpingö kapañ kölje? Eñon mönö mewöyök yañgö gwarekurupñi akingö mötze me?”

²⁸Mewö meleş engiiga mepaqepaik aka uruqeqe keu töhöreñ kewö jim wañgiget, “Gi mönö yañgö gwarekña akzanmö, neñon Mosesgö gwarekurupña maljin. ²⁹Anutunöñ Mosesya Buña keu wañgii mötzinmö, azi miañon mönö igen me waigenök asuhuyöhi, mi qahö mötzin.”

³⁰Mewö jigetka keu kewö jii mötket, “Yañön denikeyök asuhuyöhi, injini miangöra tok kök qeba tönpin akzeangöra mi welipközal. Ölja welipközalmö, töndup nöngö jeni metohoiga ölop uba ekzal. ³¹Ambazip goŋgoŋi yeñön Anutu köulukögetka qahö möt engimakza, mi mötzin. Mi mötzinmö, kunŋan Anutu göda qem waŋgiba diŋgiba keu jitŋi tem köla wuatangömakzawi, yaŋgö köulukŋi mönö kezap ala mörakza. ³²Kun jegömöl asuhuiga kunöŋ kaba jeŋi metohoyöhi, kösohot mewöŋi mi mutuhök qahö möta malin. Suep gölmenöŋ asuhuyohot, nalö miangöreŋök könahiba kota mala merak miangöreŋ kösohot mewöŋi kun qahö mörin. ³³Anutugöreŋök qahö kabawak ewö, yañön mönö yuai mewöŋi memangö osibawak.”

³⁴Mewö jii möta kewö jim waŋgiget, “Twinamgan siŋgisöndokpuk gölöm alohotka siŋgisöndok pakpak miambuk ahuba qarinoŋañön merak ninia kusum neŋgimangö mötzan. Mi qahö dop kölja.” Mewö jim waŋgiba közölgetka gumnöŋ erök. Mewö.

Urujenöŋ gömöliiga ilingösöŋ jipjap malmal.

³⁵Közölgetka gumnöŋ eröhi, keu mianöŋ Jisösgö kezapŋe gei möta azi mi miwikŋaiba kewö jii mörök, “Gi Anutugö Nahönŋi möt narim waŋgizan me qahö?”

³⁶Mi möta kewö qesiba meleŋnök, “O Ketaŋamni, azi mi dañön? Mi jinöŋ mötagun i ölop möt narim waŋgimam.”

³⁷Meleŋniga kewö jim kutum waŋgiyök, “Gi kewö uba neknöŋ. Göbuk keu jizali, azi mia mönö nöŋön akzal.”

³⁸Mi möta jiyök, “O Kembu, ni möt narim gihizal.” Mewö jiba sipköba köuluköm waŋgiyök.

³⁹Jisösnöŋ jiyök, “Nöŋön ambazip kewöta keuŋini jim tekömangöra aka eta gölmenöŋ asuhuyal. Nöŋgöra aka tosatŋan jegömöl akzei, yeŋgö jeŋini tohoiga ölop uba ek kutume. Tosatŋi jeŋini ölöŋŋi maljei, yeñön nöŋgöra aka bau jegömöl aka malme.”

⁴⁰Mewö jiiga Farisi tosatŋan kösutŋe miangöreŋ kinda keu mi möta kewö qesiget, “Wae! Nini tok jegömöl azia akzin me? Neŋgöra jizan me?”

⁴¹Mewö qesigetka kewö jii mötket, “Injini ‘Jegömöl akzin,’ jibeak ewö, mönö siŋgisöndok qahö ahöm eŋgibawakmö, nalö kewöŋe ‘Ölop ek kutuzin,’ mewö jimakzeangöra aka siŋgisöndokŋinan mönö ahöm köhöim eŋgima.” Mewö.

Lama aka galömŋini ölöŋŋi.

10 ¹Jisösnöŋ galöm meme keu kewö jiyök, “Nöŋön keu ölä töhöŋŋi kun kewö jibi mötket: Tosatŋan lama tohoŋ uruŋe öŋgöbingöra naŋgunöhök qahöpmö, sel walöŋda gezei, yeñön mönö kegwek aka yoŋgorö meme ambazip akze. ²Kunŋan naŋgunöŋ gezawi, yañön lama

mienjö galömnjina akza. ³Yañön kaŋgoriga naŋgu galömŋan eka naŋgu öröm waŋgiiga eta qeriga lama yeŋön keu jölŋi ölop möt kutumakze. Galömŋinan nanŋi lamaaurupŋi engohola qetŋini qeta enġuaŋgiriga tohoŋini mosöta ölop yaigepŋe anakze.

⁴“Nanŋi lamaaurupŋi pakpak enġuaŋgiriga tohoŋini mosöta yaigepŋe angetka yaŋön jitŋememeŋini aka mutuk aniga keu jölŋi möt kutuzeaŋgöra andöŋe wuatangöba anakze. ⁵Nanŋini galömŋini ölop wuatangömakzemö, kian kunŋan kaiga i qahöpmahöp wuatangöme. Kian yeŋgö keu jölŋini qahö möt kutuzeaŋgöra mönö zirinŋirinŋ aka yaŋgöra kök ala deŋme.”

⁶Jisösnöŋ keu tölapŋi mi jii mötketmö, keuŋaŋgö könaŋi qahö möt asariba köŋkuŋ qeget. Mewö.

Jisösnöŋ lama galöm ölopŋi akza.

⁷Köŋkuŋ qegetka toroqeba eŋgöra kewö jiyök, “Nöŋön keu öl töhöŋŋi kun kewö jibi mötket: Nöŋön lama tohoŋgö naŋguŋi akzal. ⁸Nöŋgö andöne kambu galöm pakpak mutuk kageri, yeŋön kegwek aka yoŋgorö meme ambaziwa aket. Mewö akerangöra lama yeŋön i qahö möt kutum eŋgiba malget.

⁹“Nöŋön mohot lama tohoŋgö naŋguŋi akzal. Denike eŋön Anutubuk köhöiba malbingö jiba nömbuk qekötahöba maljei, nöŋön mönö amöt qem eŋgibiga letotme. Mewö aka lama tohoŋ uruŋe öŋgöba eta yaigep anda nene gölmeŋi möriamŋambuk miwikŋaimakŋe. ¹⁰Yoŋgorö meme yeŋön wuanöŋgöra kamakze? Yeŋön yoŋgorö memba neŋguba ayuhum neŋgibingöra kamakze. Yuai murutŋi akingöra qahö. Nöŋön mewö qahö akzal. Nöŋön iŋini malmal köhöikŋi miwikŋaiba oyaenŋkoyaenŋ aka malmegöra kaba maljal.

¹¹“Nöŋön lama galöm ölopŋi akzal. Lama galöm ölopŋan mönö lamaaurupŋi yeŋgöra aka malmalŋi köleŋda eŋgima. ¹²Kunŋan lama toŋi qahö aka bohon memegörök kaba laŋ galöm köleŋ eŋgimakzawi, mi kewö: Kiam kalŋan kaiga eka lamaaurup eŋgömosöta unjurata aniga kiam kalŋan lama eŋgöhöba kiom eŋguba mendeŋ eŋgima. ¹³Yañön yaigewök kaba bohon memegörök ‘Lama galöm köleŋ eŋgimam,’ mi jitnöŋ jiba lama eŋgöra waimanŋat qahö möta nesampurek qakŋe mala laŋ unjurata anma.

¹⁴⁻¹⁵“Nöŋön lama galöm ölopŋi akzal. Iwinaŋ ni möt niŋgiiga nöŋön Iwini möt waŋgiba maljal. Miaŋgö dop nöŋön nani lamaaurupni möt eŋgibiga yeŋön ni möt niŋgimakze. Nöŋön malmalni lamaaurupni eŋgöra aka köleŋda mosötmam. ¹⁶Nöŋgöreŋ lama kambu tosatŋi mi mewöyök ahuba malme. Yeŋön lama tohoŋ kiaŋgö toŋi qahö maljemö, töndup nöŋgö keu jölŋi mörakŋe. Nöŋön i mewöyök enġuaŋgitpiga miaŋgö dop

¹ 10.15 Mat 11.27; Luk 10.22

anda kamakŋe. Könŋep kambuŋi kambuŋi mienjōn mindiriba kambu mohot aketka galōm mohotŋan galōm kōl enŋiiga malme.

¹⁷“Iwinōŋ kewōgōra aka ni urunōŋ jōpakōm niŋgimakza: Nōŋjōn malmalni mosōta kunbuk guliba mal ōŋgōmam. Mi Iwigō jeŋe dop kōlja. ¹⁸Malmalni kunŋan qahō noaŋgitmapmō, mi nanak kōleŋda mosōtmam. Iwinan jim kutum niŋgiiga nanak malmalni kōleŋda mosōtmam aka miaŋgō andōŋe kunbuk guliba mal ōŋgōmam. Kukōsum mewōŋi mi nōŋgōreŋ ahōza.”

¹⁹Jisōsnōŋ keu mi jiyōhaŋgōra aka Juda jitŋememe yeŋgō sutŋine goranora kunbuk asuhuyōk. ²⁰Yeŋgōreŋōk gwōtpukŋan kewō jiget, “Ōmewōrōmenōŋ uruŋe geyōhawa mala kahapmahap akza. Mōnō wuanōŋgōra keuŋi mōtpinak? Muat mosōtpin.”

²¹Tosatŋan jiget, “Keu mewōŋi mi kōlkōljijijij azigō keu ewō qahō. Ōmewōrōmenōŋ mōnō jegōmōl ambazip yeŋgō jeŋini denōwō metohobawak?” Mewō erauget.

Juda jitŋememe yeŋjōn Jisōs andō qeget.

²²Mōnōwōk jōwōwōl jike kōl kōnjōrata naŋguŋi ōrōget. Mi yambu (yara) dop mōtmōriba kendongō sōŋgaibingōra^a Jerusalem tokoget. Nalō miaŋjōn kam kuŋguiga kōmunjaŋ kie uru nalō amōtŋi ahōk.

²³Jisōsnōŋ jōwōwōl jikegō tohoŋ uruŋe kiŋ Solomōngō sombem sōraŋambuk qetkeri, miaŋgōreŋ anda lilikōyōk. ²⁴Anda lilikōiga Juda jitŋememe yeŋjōn kaba lilikōm waŋgiba kewō qesim waŋgiget, “Kōnaŋamgi kōyatinōŋga mōnō nalō dawik toroqeba mambōtpingō mōtzan? Gi Amōtqeŋe Toŋi akzan me qahō, mi mōnō aukŋe jinōŋga mōtpin.”

²⁵Mewō jim qesim waŋgigetka kewō meleŋ enŋiyōk, “Nōŋjōn lōk jibiga mōtketmō, iŋini nōŋgō keuni mi qahō mōt narize. Nōŋjōn Iwināŋgō qetŋe aŋgōletot ahakzali, miaŋjōn mōnō kōnaŋamni indela naŋgōba kondelakze. ²⁶Mi naŋgōba kondelakzemō, iŋini nōŋgō lama kambu uruŋe qahō maljeaŋgōra aka keuni qahō mōt narimakze.

²⁷“Nōŋjōn mōnō lamaurupni mōt enŋigibiga yeŋjōn mewōyōk nōŋgō keu jōlni mōta ni nuataŋgōmakze. ²⁸Nōŋjōn malmal kōhōikŋi enŋigibiga letota nalō kunōŋ qahō kōtōkŋi ayuhume. Kunŋan kun i nōŋgō bōrōneyōk qahō ōrōba kōndeŋ enŋima. ²⁹Nōŋgō Iwinan i nōŋgō bōrōne al enŋiyōhi, yaŋjōn kōrek enŋoŋgita ōŋgōŋgōŋi ketaŋi akza. Miaŋgōra kōrekŋan i nōŋgō Iwināŋgō bōrōneyōk ōrōba kōndeŋ enŋigibingō osime. ³⁰Ni aka Iwi netkōn mōnō mohot aka maljit.”

³¹Jisōsnōŋ mewō jiiga Juda jitŋememe yeŋjōn kunbuk gōlmenōhōk kōt umburaŋgōba memba miaŋjōn gila qebingō aket. ³²Mewō aketmō, kewō

^a 10.22 Kendon qetŋi Hanuka mi Disemba 25 kōnahiba wehōn 8 miaŋgō dop tata sōŋgaiget. Miri pakpak kiwa ohotiriget asariiga ip sinŋi tokoba liŋet kōla sōsōŋgai aket.

jim enjgiyök, “Iwinön nam köl niñgiiga anğöletot ketanji gwötpuk aka membiga ekeri, miengöreñök mönö wania kun mötmöriba ni kötnön gila nunğubingö mötze?”

³³ Jim enjiiga Juda yejön melenja jiget, “Nejön anğöletot ketanji aknönanğöra aka qahö kötnön gila guhubingö akzinmö, Anutu mepaqepaik ak wanğizananğö likepñi ak gihibin. Gi gölme azia aigun silegi öne mem öngöba Anutu tandök akñamğö jizan.”

³⁴ “Mewö jigetka Jisösnön melen enjgiyök, “Buña Kimbinön Köna keu kun kewö ohoget ahöza, ‘Anutu nöjön jial: İjini mönö nöğgö bemurupni akze.’ ³⁵ Buña Kimbigö keu mi mönö pömsöm qahö qemapmö, pöwöwöm ahöma. Mianğöra Anutunön keunji ali kaba ambazip buñañina ahöhi, Anutunön yeğgö qetñini ‘bemurup’ mewö qet enjgiyök. ³⁶ Ambazip omanji mewö qet enjgiyökmö, Iwinön azi mem sarahiba melaiiga gölmenön eröhi, ejön mönö denöwö aka yanğöra kewö jize, ‘Gi Anutu mepaqepaik ak wanğiba maljan.’ Nöjön ‘Anutugö nahönñi akzal,’ keu mewö jibiga ejön mönö wuanönğöra mi mötket qahö dop kölja? İjini Anutugören Buña keu mi qeze me?”

³⁷ “Nup memakzali, mi eketka Iwinanğö ahakmemegö dop qahö ahakza ewö, mönö kude möt narim niñgime. ³⁸ Iwinanğö ahakmemegö dop aka memba maljal ewö, könañamni mewö eka mönö möt narim niñgime. Mi keunanğöra aka qahö möt naribeak ewö, mönö anğöletotnangöra aka töndup möt narim niñgime. Iwinön nömbuk qekötahöba kinja aka nöjön Iwibuk qekötahöba kinjali, ijini mianğö könañi möt sölöngöba asarimeğöra jizal.”

³⁹ Jisösnön mewö jiiga kunbuk memba jöhöbingö mötketmö, börö bapñineyök unjurata eta anök.

⁴⁰ xEnğomosöta Jordan o töwatñi kutuba kunbuk likepñe anda Jonön mutuk o melun mem enğiba malöhi, mianğören anğota nalö tosatñi toroqeba mianğören malök. ⁴¹ Mianğören maliga ambazip gwötpukñan yanğören kanğota eka kewö jiget, “Jonön anğöletot mohot kun qahö meyökmö, keu pakpak azi kianğöra jiyöhi, mi mönö keu ölña jiba malök.” ⁴² Kanğotkeri, yeğörenğök gwötpukñan uruñini melenja möt narim wanğiget. Mewö.

Jisösgö alañi Lazarusnön kömuyök.

11 ¹ Betani taongö azi kun qetñi Lazarus mianjön kawöl yöhöi ahöyök. Maria aka Marta darumun yetkön Betani taon mianğörenğök malohot. ² Maria mianjön Kembu o köhöwakñambuknön miriba nörop jupñan könañi kereñ meyök. Lazarus kawöl yöhöi ahöyöhi,

v 10.33 Lew 24.16 w 10.34 Sum 82.6 x 10.40 Jon 1.28 y 11.1 Luk 10.38-39

z 11.2 Jon 12.3

mi yaŋgö nenna. ³Lazarusnön kawöl yöhöi ahöiga nenyahötŋan buzup keu kewö alohotka Jisösgöreŋ anök, “Kembu mötnön, alagi yaŋgö ak gihimakzawi, yaŋön mönö kawöl yöhöi ahöza.”

⁴Buzup mi anökmö, Jisösnön mi möta kewö jiyök, “Kawöl miaŋön azi alani kömumapköra aka qahö asuhum waŋgii ahöza. Miaŋgöra qahöpmö, Anutugö Nahönŋan i mem ölöwaka miaŋgöra Suepkö aködamanŋambuk aiga ambazipnön könaŋi mi ek kutuba Anutu möpöseigetka qetbuŋaŋan asarim sehima. Kawöl mi miaŋgöra aka asuhum waŋgiyök.”

⁵Jisösnön Marta, yaŋgö munŋi aka nennaŋi Lazarus yaŋgöra ak waŋgiiga malök. ⁶Mewö malökmö, töndup kawölŋaŋgö buzupŋi möta miri malöhi, miaŋgöreŋök sömaŋ yahöt toroqeba malök. ⁷Mi mali nalö mi teköiga gwarekurupŋi yaŋgöra kewö jii mötket, “Nini mönö Judia prowinsnön lilingöba anbin!”

⁸Mewö jiiga meleŋget, “Ketaŋamnini, Juda yaŋön uruwale kapaŋ köla kötnön gila guhubingö mötket. Miaŋgöra kunbuk Judia lilingöba anmamgö jizani, mi qahö dop kölja.”

⁹Mewö meleŋgetka Jisösnön keu kewö jiyök, “Wehöngö auaŋi 12 ahözei, kunŋan miaŋgö asakŋe köna anmawi, yaŋön mönö yuai kunŋan qem mizit qahö ak waŋgima. Gölmegö asakŋan asarim waŋgiiga ölop eka anma. ¹⁰Ölop anmapmö, kunŋan kiwaŋi qahö ahöm waŋgiiga sun gem jipjap anmawi, yaŋön mönö qem mizit miwikŋaima.” ¹¹Keu mi jibagun kewö jii mötket, “Alanini Lazarusnön gaunwat ahözapmö, nöŋön anda gaunöhök möndöbi wahötma.”

¹²Keu mi möta kewö jiget mörök, “Kembu, ölna gaun ahöza ewö, mönö ölop ahöba ölöwakŋa.”

¹³Jisösnön Lazarus kömuyöhaŋgö keu saiŋi jiyökmö, gwarek yaŋön ‘Gauna ahöza,’ jiyöhi, miaŋgö möt bibihiba keu könaŋi qahö möt kutuget. ¹⁴Qahö möt kutugerangöra Jisösnön aukŋeyök jim miwikŋaiba jiyök, “Lazarusnön kömuyöha ahöza. ¹⁵Nöŋön yambuk qahö malbiga kömuyöhaŋgöra nöŋön anda mem gulibiga wahöri eketka mötnaripŋinan asuhum köhöima. Mewö aiga engöra söŋgaiba ‘Simbawoŋ akŋe!’ jizal. Mönö wahötketka yaŋgöreŋ anin.”

¹⁶Mewö jim miwikŋaiiga Tomas qetŋi kun Siwisiwi qetkeri, yaŋön gwarek alaurupŋi yaŋgöra kewö jii mötket, “Nini ölop mohotŋe miaŋgöreŋ anin. Andagun yambuk kömuin.” Mewö.

Malmal Toŋan nenyahötŋi uruŋiri qesawöliiyök.

¹⁷Lazarusnön kömumba wehön 4 lök qaksirinön ahöi teköiga Jisösnön kaŋgoriga buzupŋi mewö jiget mörök. ¹⁸Betani taon mi Jerusalem siti mosöta 3 kilomita anangö dop dowe ahöyök. ¹⁹Miaŋgöra Juda ambazip gwötpukŋan Marta Maria nennaŋi kömuyöhaŋgöra ‘Soŋgon etkekin,’ jiba kaba tatket.

²⁰Tatketka Martanöŋ “Jisös kaza,” jiget möta miri mosöta könanöŋ anda miwikŋaiyökmö, Marianöŋ mire tarök. ²¹Könanöŋ miwikŋaiba kewö jii mörök, “Kembu, gi kiangöreŋ malbanak ewö, nenan mönö qahö kömumbawak. ²²Qahö kömumbawakmö, göŋön nalö kewöŋe mewöŋanök Anutugö yuai kungöra köuluköman ewö, mi pakpak ölop miwikŋaim gihiiga asuhuma, mewö mötzal.”

²³Keu mi möta Jisösnöŋ jii mörök, “Göhö nengan mönö guliba wahötma.”

²⁴Mi möta Martanöŋ jiyök, “Gölmegö nalö teteköŋe kömukömuŋi yeŋön wahötmei, yaŋön mönö nalö ketaŋi miangöreŋ guliba wahötmawi, mi möt yaközal.”

²⁵Mewö jiiga Jisösnöŋ jii mörök, “Kömupnöhök wahötwahötkö Toŋi mi nöŋön akzal. Nanak Malmal köhöikŋangö Toŋi akzal. Miangöra kunŋan ni möt narim ningizawi, yaŋön kömumapmö, töndup toroqeba mal köhöiba malma. ²⁶Kunŋan kun gölmenöŋ mala möt narim niŋgiza ewö, yaŋön mönö nalö kunöŋ qahö kömum köhöima. Qahö! Keu mi möt narizan me qahö?”

²⁷Martanöŋ keu mi möta jiyök, “O Kembu, mi möt narizal. Göŋön Anutugö Nahönŋi akzan. Amötqeŋe Toŋi Kraist gölmenöŋ asuhumapkö jigeri, göŋön mönö mia akzan. Mewö möt narizal.” Mewö.

Jisösnöŋ sahöri imbilŋan erök.

²⁸Martanöŋ keu mewö jiba miriŋe liliŋöba anda munŋi Mariagöra keu ölöŋ jiiga göraŋe kaiga jiyök, “Böhinöŋ kaba könanöŋ kinda göhöra endu anda ekŋangöra jiza.”

²⁹Mewö jiiga Marianöŋ keu mi möta miangöreŋök i mosöta Jisösgöreŋ anök. ³⁰Anökmö, Jisösnöŋ miri sombemnöŋ qahö kaŋgoriga endu Martanöŋ köna namŋe miwikŋaiba ehöhi, miangöreŋök kinök. ³¹Juda ambazip yeŋön Mariabuk miri uruŋe uru qesawölökö tatketka Marianöŋ zilaŋ wahöta gumnöŋ eta aniga eka kewö mötmöriba jiget, “Yaŋön mönö qaksirinöŋ anda sahötma.” Mewö jiba yaŋgö andöŋe wuatangöba anget.

³²Marianöŋ anda Jisös kinöhangöreŋ aŋgota eka könaŋe sipköba eta kewö jii mörök, “O Kembu, göŋön ki malbanak ewö, nenan mönö qahö kömumbawak.”

³³Mewö jiba silata qeta sahöriŋa Juda ambazip yambuk kaba naŋgöba mohotŋe sahötkeri, Jisösnöŋ mi eka wösöŋi pölpölgöiga jeŋi asöliiga köna böroŋi jönömŋambuk unduyök. ³⁴Jönömŋambuk undui qesim eŋgiyök, “I denike alget ahöza?” Qesim eŋgiiga jiget mörök, “Kembu, kewö kaba eknöŋ!”

³⁵Mewö jigetka Jisösnöŋ sahörök. ³⁶Sahöriŋa Juda ambazip yeŋön eka jiget, “Ye! Mönö alaŋangöra önöŋi qahö ak waŋgii malök.”

³⁷Mewö jigetmö, tosatŋan keu mi qeba kewö jiget, “Jegömöl ambazip jeŋini metohoba malök ewö, mönö ölop Lazarus jiiga qahö kömumbawak me?” Mewö.

Jisösnöŋ Lazarus mem guliiga kömupnöhök wahörök.

³⁸Mewö laŋ jigetka Jisösgö wösöŋi kunbuk põlpölgöiga jeŋi asöliiga qaksirinöŋ anök. Qaksirinöŋ anda yuai kewö ehök: Köt köteŋ urorohoba qamötŋi miaŋgö uruŋe ala naŋguŋi köt ketaŋan köl közipkögetka tarök. ³⁹Mi eka kewö jiyök, “Mönö köt qililingögetka anök.” Mewö jiiga azi kömuyohaŋgö nenŋi Marta yaŋön kewö jii mörök, “O Kembuni, sömaŋ 4 ahözawaŋgöra lök wörönŋambuk akza.”

⁴⁰Jisösnöŋ mi möta Martagöra kewö jiyök, “Gi möt narim niŋgibanak ewö, Anutugö kukösümŋan aködamunŋambuk asuhuiga ekanak. Mutuk keu mewö jibiga mötnöŋ me qahö?”

⁴¹Mewö jiiga köt qililingöget aniga Jisösnöŋ eu ui öngöiga kewö jiyök, “Iwi, gi köulukni mötzaŋgöra aka ‘Pipsaiwap!’ jim gihizal. ⁴²Gi nalö dop köulukni mörakzani, mötzalmö, göŋön melaim niŋginöŋga gölmenöŋ erali, ambazip kambu liliköm niŋgiba ki kinjei, yeŋön mi möta möt narimegöra aka keu ki jizal.”

⁴³Mewö jiba imbiŋi memba wahöta ketaŋanök qeta kewö jiyök, “Lazarus, gi mönö wahöta kaŋgotnöŋ!” ⁴⁴Mewö qeriga azi kömukömuŋi yaŋön guliba wahöta kayök. Köna böröŋi opo kawukŋambuknöŋ esuhuba jemesoholŋi opo johanŋan köpeiba jöhöget ahöi dundunŋambuk kayök. Mewö kaiga Jisösnöŋ jiyök, “Mönö dundunŋi pösatketka ölop anma.” Mewö.

Juda galöm yeŋön Jisös kömumapkö aŋgönaŋ geget.

Mat 26.1-5; Mak 14.1-2; Luk 22.1-2

⁴⁵Juda ambazip Mariagöreŋ kaŋgota Jisösnöŋ yuai aiga asuhuiga ekeri, yeŋgöreŋök gwötŋukŋan uruŋini meleŋda Jisös möt narim waŋgiget.

⁴⁶Möt narim waŋgigetmö, tosaŋŋan Farisi (Köna keugö kapaŋkölköl) yeŋgöreŋ anda Jisösnöŋ yuai ahöhi, miaŋgö kösohotŋi jiget mötket.

⁴⁷Mi jiget mötketka jike nup galöm aka Farisi yeŋön jike kaunsöl jitŋememe öröm eŋgiget tokogetka kewö jiget, “Azi miaŋön aŋgöletot kukösümŋambuk sehisehiŋi memakzawaŋgöra i mönö denöwö ak waŋgiinga dop kölbawak? ⁴⁸Wakosoraŋ aka yuai kun qahö ak waŋgiinga toroqeba mewö aka malma ewö, mönö ambazip körek pakpak i möt narim waŋgibeak. Mewö aketka Rom gawman yeŋgö irimŋini seholiiga kaba nanini jöwöwöl jikenini aka ambazip kambu ki nenguaŋgitketka öne töhön malbinbuk.”

⁴⁹Mewö jiget tatketka yeŋgöreŋök kun qeŋŋi Kaiafas yaŋön yambu (yara) miaŋgöreŋ jike nup galöm bohonŋi aka nup mia memba malök. Yaŋön wahöta goro keu kewö jii mötket, “Iŋini uru mötmötŋinaŋgö kinimŋi tok qahö tohoza. ⁵⁰Iŋini keu ki ölop qahö kewötze: Nini ambazip kambu körekŋanök ayuhuinga lömböt keta bölökŋi akapuk. Miaŋgöra azi

mohotjan Juda kambu neŋgö aip selnini ala sohpnini memba kömuiga dop kölma.”

⁵¹Yaŋön keu mi nanŋi imbiŋe qahö ahuiga jiyökmö, yambu (yara) miangöreŋ jike nup galöm bohonŋi malöhaŋgöra aka nanŋak keuŋaŋgö könani qahö möta kezapqetok keu jiyök, “Jisösnöŋ ambazip kambu neŋgöra aka kömui dop kölma.” Keu mi ölna jiyök. ⁵²Juda ambazip kambu neŋgөрöhök qahö kömuyökmö, Anutugöreŋ urumelenŋ könagesö gölme dop deŋqeqda mal anjini, nini mewöyök mindirim neŋgiiga urumelenŋ kambu mohok aka malbingöra kömuyök. Kömumapkö keuŋi mi qeljije jiyök.

⁵³Wehön miangöreŋök könahiba jitŋememe yeŋön tokoba mewö eraum möta Jisös kömumapkö keuŋi jim köhöiba areŋi alget. ⁵⁴Miangöra Jisösnöŋ toroqeba Juda yeŋgö sutŋine aukŋe qahö anda kaba malök. Mewö qahöpmö, eŋgömosöta gölme qararaŋkölkölnaŋgö goraŋe anök. Miangöreŋ anda taon qetŋi Efraim miangöreŋ aŋgota gwarekurupŋi yembuk nanŋinök malget.

⁵⁵Juda neŋgöreŋ ak-kömukömu kendonöŋ törüyök.^a Miangöra Juda ambazip gwötpukŋan miri dop miriŋini mosöta köl könjorat ak aŋgubingöra möta Jerusalem sitinöŋ öŋgöget. ⁵⁶Jisös jaruba mala jöwöwöl jikegö tohoŋ uruŋe kinda eraum möta kewö qesim aŋguget, “Jisösnöŋ sösoŋgai kendongöra ki kama me qahöpto? Denöwö mötze?”

⁵⁷Mewö qesim aŋgugetmö, jike nup galöm aka Farisi yeŋön jimkutukutu keu kewö algetka sehiyök, “Kunŋan Jisösgö ahöm tatatŋi eka mötmawi, yaŋön mönö neŋgöreŋ kaba buzupŋi jii möta anda memba jöhöbin.” Mewö.

Marianöŋ Jisös o köhöwakŋambuknöŋ miriyök.

Mat 26.6-13; Mak 14.3-9

12 ¹Anutunöŋ mönöwök neŋgehoriba neŋgongiröhi, miangö ak-kömukömu kendonŋan^b töriba sömaŋi 6 teköiga miangöreŋ kam kuŋgumamgö ahök. Jisösnöŋ nalö miangöreŋ miri qetŋi Betani miangöreŋ anök. Mutuk azi qetŋi Lazarus mem gulli kömupnöhök wahöta malöhi, mönö yaŋgö mire aŋgorök. ²Miangöreŋ aŋgoriga Jisös göda qem waŋgibingöra miri kunöŋ nene ohoba mözözömgöget. Martanöŋ ohom töndeŋ köl eŋgiyökmö, azi Jisösbuk mohotŋe tata nene negeri, Lazarusnöŋ yeŋgö sutŋine tarök.

³“Mewö tatketka Marianöŋ kelök kiring kun lömbötŋi 500 gram mi memba Jisösgöreŋ kayök. Kiring mi o umköhöwakŋambuk ölni qetŋi nad

^a 11.55 Kendon qetŋi Nei keunöŋ Pasowa jize. Anutunöŋ mönöwök Israel ambazip neŋgehoriba neŋgongiröhi, miangöra yambu dop nalö ala söŋgaimakzema. Eksodus 12.15

^b 12.1 Eksodus 12.15 ^c 12.3 Luk 7.37-38

bohonji öngöngöni ketani miañon kokolak qequea. Yañon mi memba kaba simin köla Jisös könaje mimbiliba miriba nörop juñjan keren meyök. Mewö aiga miri uruje tatkeri, mi ogö wöronñan pukpuköba dop köla ahöiga mötket.

⁴Mewö asuhuiga Jisösgö gwarek yeñgöreñök kun qetji Judas Iskariot, könagep Jisös mamalolo meyöhi, azi miañon qetala kewö jiyök, ⁵“O köhöwakñambuk mi mönö wuanöngöra bohonji memegöra qahö alök? Iwinañgö jitji! Mi albawak ewö, mönö silim 300:kö töwanji (Kina 1500,-) miañgö dop yöhötibawak. Mia ambazip wanapji enjiinga dop kölbawak.” ⁶Mewö jiyökmö, keu mi ambazip wanapji yeñgöra waimanjat mörohañgöra aka qahö jiyök. Yeñgöra aka qahöpmö, yongorö meme azia mala moneñ gösö kutukutulañini galöm köli moneñ alget geiga miañgöreñök kitipji nanñangöra memba malök. Mönö miañgöra aka mi jiyök.

⁷Mewö jiiga Jisösnöñ jiyök, “Inini ambi ki mönö kude jim wañgime. Nöñon kömumbiga löm köl niñgimeañgö nalöni törizawañgöra ölop sileni o umköhöwakñambuknöñ nömiriza. ⁸^dAmbazip wanapji mi mönö nalö dop sutjine malakzemö, nöñon embuk nalöñi nalöñi qahö malmam.” Mewö.

Lazarus qebingö keu jöhöba añañon alget.

⁹Jisösnöñ Betani mire malöhi, mi Juda ambazip kambu gwötpukñan möta miañgöreñ kaget. Jisösgöröhök qahö kagetmö, Lazarus kömupnöhök mem gulii wahöröhi, i mohot ekingö likepliket öröba kañgotket. ¹⁰Mewö kañgotketmö, jike nup galöm yeñon Lazarus mewöyök qein kömumapkö keu jöhöget. ¹¹Juda ambazip gwötpukñan Lazarusgöra aka Betani anda urujini meñda Jisös möt nariget. Miañgöra keu mewö jöhöget. Mewö.

Jisös köirañ kölgetka Jerusalem öngöyök.

Mat 21.1-11; Mak 11.1-11; Luk 19.28-40

¹²Mewö aketka ahöba wahöta miañgöreñ ambazip kambulembenöñ ak-kömukömu kendongöra Jerusalem sitinöñ kañgota malgeri, yeñon buzup keu kewö mötket, “Jisösnöñ Jerusalem kamamgö könanöñ kaza.” ¹³“Keu mewö möta umji böröñi memba könanöñ miwikñaibingö anda kewö jiba qetket,

“Hosana, owe owe! Anutu möpöseizin. Kembugö qetje kamawi, Anutunöñ mönö kötuetköma! Israel neñgö Kiñ Kibunini owe owe!”

¹⁴Jisösnöñ doñki moröñi kun miwikñaiba miañgö qakje öngöba tarök. Mi kezapqetok keu kun kewö ohoget ahözawañgö dop asuhuyök,

^d 12.8 Dut 15.11 ^e 12.13 Sum 118.25, 26

15 ^f“O Jerusalem ambazip Zaion kunduŋi liliköba maljei, injini mötket, enġö Kiŋ Kambuŋinan mönö kama. Doŋki moröŋaŋġö qakŋe tata kama. Mianġöra keŋġötŋini mönö kude mötme.”

16 Jisösgö gwarekurupŋan yuai asuhuyöhi, mianġö könaŋi mutuk qahö möt kutugetmä, könaŋep ölop möt asariget. Jisösnöŋ Suepnöŋ öŋgöba asakmararaŋambuk malöhi, keu mi nalö mianġöreŋ mötmöröiba kewö jiget, “Aha! Keu mi mönö Jisösgöra ohoget ahöza aka ambazipnöŋ keu mianġö dop ak waŋġigetka ölnambuk ahök.”

17 Ambazip Jisösbuk Betani malgeri, yeŋön dangunu ewö kinda buzupŋi jim sehiget. Jisösnöŋ Lazarus qeriga kömupnöhök guliba wahöta qaksirigö köt köteŋ mosöta kaŋgoriga ambazip kambunöŋ ekeri, yeŋön Jisösgö könaŋi naŋgöba jiba jim asariget. 18 Jisösnöŋ aŋġöletot mi meyöhi, keu mi mötkeraŋgöra aka ambazip kambunöŋ luluŋda köl öröm waŋġibingö anget.

19 Mewö angetka Farisi (Köna keugö kapaŋkölköl) yeŋön nanŋinök eraum möta kewö jiget, “Mötket. Gölmeŋi gölmeŋi ambazip yeŋön mönö luluŋda öröba yaŋġö andöŋe anakze aka nini keu nup miyök mem bibihiinga ölni kun qahö asuħuza.” Mewö.

Grik ambazip tosatŋan Jisös jaruget.

20 Juda ambazip ak-kömukömu kendongöra Jerusalem sitinöŋ öŋgöba Anutu waikŋi memba möpöseigeri, yeŋġö sutŋine Grik ambazip tosatŋi mohotŋe malget. 21 Yeŋön gwarek qetŋi Filip yaŋġöreŋ kaget. Filipnöŋ Galili prowinsġö taon qetŋi Betsaida mianġö azia malök. Grik yeŋön yaŋġöreŋ kaba qesiba kewö jiget mörök, “Ketaŋamnini, nini sihimninan Jisös ekingö mötzin.”

22 Mewö jiget möta Andrugöreŋ anda keu mi jii mörök. Jii möta mohotŋe anda Jisös jiyohot mörök. 23 Keu mi möta meleŋda kewö jiyök, “Suepkö asakmararaŋan Suep gölmegö Azi Ölni yaŋġöreŋ kunbuk asuħum kutuiga asarimawi, mianġö nalöŋan mönö töriza. 24 Nöŋön kömupnaŋġö söpsöp keu öln töhöŋni kun kewö jibi mötket: Sehoŋ kötŋi gölmenöŋ qahö geba julma ewö, mönö öne miyök ahöma. Mewö öne ahömapmä, geba julma ewö, korapŋan mönö jula öndölböndöl wahöri ölni ġwötpuk söhöma.

25 ^g“Mianġö dop denike yeŋön malmalŋini nanŋinaŋgöra aŋġön köla nanŋini imbi-imbi siyoŋsayoŋi qahö malbingö ak enġimakzawi, yeŋġö malmalŋinan mönö sohoma. Mewö sohomapmä, kunŋan kun nanŋi malmalŋi göragöra ala nia jegep al niŋġimawi, yaŋġön mönö malmal ölni öndölböndölnambuk miwikŋaiba köhöiba teteköŋi qahö mal öŋgöma.

^f 12.15 Zek 9.9 ^g 12.25 Mat 10.39; 16.25; Mak 8.35; Luk 9.24; 17.33

26 Kunjan ni welen qem niŋgimamgö jizawi, yaŋön mönö ni nuatangöba mali dop kölma. Weleni qemakzawi, mönö ni anda kaba malmamangören mewöyök nömbuk malma. Kunjan nömbuk mala weleni qem niŋgimakzawi, Iwinöŋ mönö i göda qem waŋgii malma.” Mewö.

Jisösnöŋ kömumba gulimawaŋgö keu saiŋi jiyök.

27 Jisösnöŋ jiyök, “Wösöni dölki kot gwözöŋniga amqam aka maljal. Denöwö jibileŋak? Keu jaruzal. O Iwi, gi ölop aua nalö kewöŋaŋgö köŋjiliŋnöhök meköm niŋgiman. Töndup kewögöra mewö qahö köulukömam: Aua kiangö sihimbölöŋi mi mökösoŋda bisimamgöra aka nangak qakne aljan. 28 O Iwi, gi mönö nangi aködamungi al niŋgiba qetbuŋagi mem qariman.” Mewö köuluköiga Suepnöhök keu kewö asuhiba erök, “Nöŋön aködamuni lök al gihiba mewö qetbuŋani mem qarial aka toroqeba mem qaribiga sehiba anma.”

29 Keu mi asuhuiga ambazip kambu kinget yeŋön mi möta jiget, “Wöl pöndaŋ qetza.” Tosatŋan jiget, “Suep garata kunjan yaŋgöra keu jiiga kourukŋi mötzin.”

30 Mewö mewö jigetka kewö jii mötket, “Kouruk mi nöŋgöra aka qahö asuhuzapmö, mi eŋgöra aka asuhuza. 31 Nalö kewöŋe gölmeŋi gölmeŋi ambazip ahakmeme bölöŋi wuatangömakzei, yeŋgö kewötkewöt nalöŋinan mönö mesohol köl eŋgiza. Anutunöŋ yeŋgö keuŋini jim teköba likepŋi meleŋ eŋgiiga qakŋine öŋgömapkö akza. Nalö kewöŋe Anutunöŋ Bölöŋaŋgö Kembuŋi gölme dop galöm köl eŋgimakzawi, mönö i közöliga yaigep etmapkö akza. 32 Yaŋön etmapmö, nöŋgöra kewö asuhuma: Ambazipnöŋ gölmenöhök nömemba könakemba kösököm niŋgigetka öŋgöba kinbiga köna ahuiga ambazip gölme dop öröm eŋgibiga luluŋda nöŋgöreŋ kaba kambu köla kinme.” 33 Mi kömup denöwöŋi kömumawi, miangö keu saiŋa mewö jii mötket.

34^h Ambazip kambu yeŋön mi möta kewö jiget mörök, “Nini Köna keu oyoŋda kewö mötzin, ‘Kraistnöŋ qahö kömumba teteköŋi qahö mal öŋgöba malma.’ Göŋön wuanöŋgöra kewö jizan, ‘Suep gölmeŋe Azi Ölöŋi gölmenöhök memba kösökögetka könakemba öŋgöba kinma.’ Suep gölmeŋe Azi Ölöŋi mi daŋön?”

35 Mi möta meleŋ eŋgiyök, “Asakŋan nalö töröptökŋi kunbuk sutŋine asariba malma. Söŋaupnöŋ qakŋine öŋgöba turum eŋgii miangö buŋaŋi akepuköra mönö asakŋe anda kaba malme. Asakŋan ahöm eŋgimawaŋgö dop mönö asakŋe malme. Daŋön panamanöŋ jipjap anda kamakzawi, mönö denike aŋgotmawi, mi qahö mötza. 36 Miangöra asakŋan nalö dawik embuk malmawi, nalö miangöreŋ mi mönö urunöŋ möt aŋgön köla malme. Asakŋaŋgö könagesö aka malmegöra mönö asakŋi mi möt

^h 12.34 Sum 110.4; Ais 9.7; Eze 37.25; Dan 7.14

nariba malme.” Jisösnöŋ keu mewö jiba eŋgömosöta tölapköba anök. Mewö.

Juda ketanŋi yeŋgö uruköhöikŋinan qahö löwöriyök.

³⁷Jisösnöŋ aŋgöletot gwötpuk memba maliga Juda yeŋön mi jeŋinan eketmö, töndup i qahö möt narim waŋgiba silebile malget. ³⁸ⁱMewö malgetka kezapqetok azi Aisaiagöreŋ keu kun mi ölnambuk asuhuyök. Yaŋön keu mi kewö ohoyöha ahöza,

“O Kembu, neŋön Buŋa keu jim asariba uruŋini kuŋgum eŋgimazimö, daŋön mi möt naribawak?

Kembunöŋ kukösumŋi mi mönö dagöra indeli möt asarima?”

³⁹Amötqeqe Toŋi möt narim waŋgibingö lömböriba osigeri, Aisaiänöŋ miaŋgö könaŋi möta keu kun qeljiŋe kewö jiba ohoyöha ahöza,

⁴⁰ ^j“Nanŋini jeŋinan yuai eka könaŋi ek kutubepuk me uruŋinan keu könaŋi möt asaribepuk. Mi möt asariba uruŋini melenŋepuk. Uruŋini melenŋetka mem ölöwak eŋgibileŋbuk. Yaŋön mewö asuhubapuköra ambazip jeŋini mem gömöliba uruŋini gwözöŋniga malje.”

⁴¹Jisösnöŋ Suepkö asakmararaŋnöŋ asariba mali Aisaiänöŋ mewö eka könaŋi jim asariba keu mi jiyök.

⁴²Jitŋememe aka galömkölköl azi yeŋgöreŋök gwötpukŋan mewöyök Jisös möt narigetmö, Farisi (Köna keugö kapaŋkölköl) yeŋön köuluk miri kambunöhök közöl eŋgibepuköra mi aukŋe qahö jim miwikŋaiget.

⁴³Ambazipnöŋ möpöseim eŋgimegöra kapaŋ kölgetmö, Anutunöŋ möpöseim eŋgimapköra mi qemasolokep aket. Mewö.

Jisösgö keuŋan ambazip kewöta keunini jim teköma.

⁴⁴Tosatŋan mewö aketmö, Jisösnöŋ keu qeta kewö jiyök, “Kunŋan möt narim niŋgizawi, yaŋön niyök qahö möt narim niŋgizapmö, kunöŋ melaim niŋgiyöhi, i mewöyök möt narim waŋgiza. ⁴⁵Kunŋan ni neka mönö melaim niŋgiyöhi, i mewöyök ehakza. ⁴⁶Ambazip kun ni möt narim niŋgizawaŋön mönö söŋaupnöŋ qekötahöba malbapuk. Miaŋgöra nöŋön eta asuhuba gölmeŋi gölmeŋi eŋgö asakŋina aka maljal.

⁴⁷“Nöŋön eta asuhuba gölmeŋi gölmeŋi eŋgö keuŋini jim tekömamgöra aka qahö kayalmö, ambazip gölme dop amöt qem eŋgibiga nalö kewöŋe letota Suepkö buŋaya akŋegöra aka kayala maljal. Miaŋgöra ambazip nöŋgö Buŋa keuni möta qahö tem köla wuatangömakzei ewö, nöŋön yeŋgö keuŋini qahö jim tekömam. ⁴⁸Denike yeŋön jijiwilit ak niŋgiba Buŋa keuni qahö möt aŋgön köljei, yeŋgö jim teteköŋinan mönö kewö asuhuma: Nöŋön Buŋa keu jibi mötkeri, keu miaŋön mönö nalö ketanŋe keuŋini jim teköiga sihimbölöŋini miaŋgö dop mötme.

ⁱ 12.38 Ais 53.1 ^j 12.40 Ais 6.10

49“Könaŋi kewögöra mewö asuhuma: Nöŋön Buŋa keu jiba malali, mi keu omaŋi qahö. Mi nani imbineyök qahö asuhuiga jiba kota malal. Mewö qahöpmö, Iwi melaim niŋgiyöhaŋön nanŋak keu jit denöwö jimami, miaŋgö jim kutum niŋgiiga jiba kota maljal. 50Iwigörej jimkutukutu miaŋön mönö iŋini malmal köhöikŋe al eŋgimakza, mi mötzal. Miaŋgöra Iwinan mi jimamgö jim kutum niŋgiyöhi, mönö miaŋgö dop Buŋa keu jimakzal.” Mewö.

Jisösnöŋ gwarek yeŋgö könaŋini saŋgoŋnök.

13 ¹Ak-kömukömu kendonöŋ^k töriiga Jisösnöŋ könaŋi kewö möt yaköyök, ‘Gölme mosöta Iwinaŋgörej öŋgömamaŋgö nalöŋan mönö töriza.’ Mewö möt yaköba nanŋi alaurupŋi gölmenöŋ malgeri, mi uruŋan jöpaköm eŋgiba mala teteköŋe miaŋgörej mewöyök uru jöjöpaŋi mi kondel eŋgiyök.

²Kömumawaŋgö nalöŋan kam kuŋgumamgö aiga nalö kunöŋ suŋgemgö nene nemingö tokoba mohotŋe tatketka yuai kewö asuhuyök: Saimon Iskariotkö nahöŋŋi qetŋi Judas i Satanöŋ lök sölölohöyök. Jisös mamalolo ak waŋgimapkö keuŋi mi saŋep ali uruŋe geiga möta tarök.

³Jisösnöŋ nanŋi könaŋi mi kewö möt kutuyök, ‘Iwinöŋ yuai pakpakö kukösumŋi mi nöŋgö böröne aliga Anutugörejök eta mala kunbuk yaŋgörej öŋgömamgö akzal.’

⁴Könaŋi mewö möt kutuba nene nempa tatkeranŋgörejök wahöta malukuŋi köteköba nupkö opo jöhanŋi kun memba kempaŋe köpeiba jöhöyök. ⁵Mi jöhöba o joutnöŋ mokoŋi geiga könahiba gwarekurupŋi yeŋgö könaŋini saŋgoŋnök. Saŋgoŋ teköba opo jöhanŋi (tauöl) kempaŋe köpeiba jöhöyöhi, miaŋön könaŋini kutuyök. ⁶Saŋgoŋda anda Saimon Pitögö könaŋe kaŋgoriga kewö jii mörök, “O Kambu gi welenqeŋe etqeŋeŋi qahö. Göŋön nöŋgö könaŋi saŋgoŋnöŋga qahö dop kölma.”

⁷Mewö jii möta kewö meleŋnök, “Yuai dölkö akzali, göŋön miaŋgö könaŋi nalö kewöŋe qahö möt kutuzanmö, könaŋeŋepnöŋ mi ölöp möt asariba malman.”

⁸Meleŋniga kewö kapaŋ köla jiyök, “Gi mönö nöŋgö könaŋi nalö kunöŋ qahöpmahöp saŋgoŋman.” Mewö jiiga kewö jiyök, “Nöŋön gi qahö saŋgoŋ gihimam ewö, gi mönö nöŋgö gwarekni toroqeba malmamgö osiman.”

⁹Mewö jiiga Saimon Pitönöŋ pörösöl ala auruba meleŋnök, “Kambu, mewögöra gi könananök qahöpmö, böröni aka nöropni mi mohotŋe saŋgoŋman.”

¹⁰Mewö meleŋniga kewö jii mörök, “Kunŋan o ariba kaiga könaŋi tok saŋgoŋninga töwötŋi qahö sarakŋi ak teköma. Iŋini körek lök sarakŋi

^k 13.1 Anutunöŋ mönöwök Israel ambazip neŋgehoriba neŋgoŋgiröhi, kendon miaŋgö qetŋi Nei keunöŋ Pasowa jize. Eksodus 12.15

ak teközemö, mohotnöhök sarakñi qahö akza.”¹¹ Dañön mamalolo ak wañgimamgö ahöhi, Jisösnöñ mi möta miañgöra kewö jiyök, “Iñini körek sarakñi qahö akze.”

¹² ^lKönañini sañgoñ teköba malukuñi kunbuk löngöta eta tari negetka kewö qesim engiba jiyök, “Nöñön yuai ak engizali, iñini miañgö könañi möt asarize me qahö? ¹³ Iñini nöñgöra ‘Böhi!’ aka ‘Kembu!’ mewö noholakze aka nöñön mi ölna akzal. Miañgöra mi dopñe jimakze. ¹⁴ Nöñön engö Kembu Böhiñini aka welenqeqe eretñangö silik memba könañini sañgoñjal ewö, iñini mönö mewöñanök memba et al añguba weleqeqe aka könañini sañgoñ añguba malgetka dop kölma. Mi mönö nupñina.

¹⁵ “Nöñön aka kondel engizali, iñini mönö miañgö dop nañgöba welen qem añguba malme. Mewö malmegöra miañgö silikñi nöñön merak kondel engibiga ekze. Mi mötmöriba miañgö tandökñi wuatangögetka dop kölma. ¹⁶ ^mNöñön keu ö! töhöññi kun kewö jibi mötket: Welenqeqenöñ eretñi aiga toñan öngöñgöñi akza. Gwareknöñ böhiñi oñgita öngöñgöñi akñamgö osima. Mewöyök azi kembu kunöñ garatañi melaiiga kolek anda nup memakzawi, yañön mönö kembuñangö bapñe malakza. ¹⁷ Iñini keu kötni mi merak möt kutuze. Mewögöra silememe mosöta alaurupñini nembö bapñine anda malme ewö, nöñön mönö engöra ‘I-ia simbawoñ!’ jimam.” Mewö.

Kunöñ mamalolo ak wañgimapkö qeljiñe jiyök.

Mat 26.20-25; Mak 14.17-21; Luk 22.21-23

¹⁸ ⁿ“Keu jizali, mi mönö iñini lökñanök qahö engömeza. Nöñön niñia möwölöhöba engömeali, engö könañamñini mönö ölop möt kutuzal. Mewö maljalmö, Buña Kimbi kun miañön ölnambuk aiga dop kölma. Keu mi kewö, ‘Kunöñ nöñgöreñ nene mohotñe neziri, yañön mönö kelewele aka gwakötñan tötal niñgiba nuñgumamgö jöjöröza.’^o

¹⁹ “Ni ölni könañgep asuhumawañgö keuña mutuk jizal. Miañgöra ölni asuhumawi, iñini nalö miañgöreñ nöñgö könani möt asariba kewö jime, ‘Aha! Malmalgö könañi nalö dop mala kota malöhi, yañön mönö mia akza.’ Mewö jiba möt narim niñgimegöra nöñön keu mi qeljiñe aukñe jibiga mötze.

²⁰ ^p“Nöñön keu ö! töhöññi kun kewö jibi mötket: Nöñön ambazip kun melaibi nup memamgöra kaiga kunñan i kö! örozawi, yañön mönö ni tok kö! örom niñgima. Mewöñanök ni kö! örom niñgizawañön mönö melaim niñgiyöhi, mönö i mewöyök kö! örom wañgima.”

^l 13.12-15 Luk 22.27 ^m 13.16 Mat 10.24; Luk 6.40; Jon 15.20 ⁿ 13.18 Sum 41.9

^o 13.18 Gwakötñan tötal niñgiba nuñgumamgö jöjöröza, keu mi Israel yeggöreñ dopkeu kun. Könañi kewö: Yañön uruñan qetala utaköm niñgiza. ^p 13.20 Mat 10.40; Mak 9.37; Luk 9.48; 10.16

21 Jisösnöŋ keu mewö jiba wösöŋi kot gwözöŋda jul takömamgö ahiga keu indela kewö jiyök, “Nöŋön keu öl töhöŋŋi kun kewö jibi mötket: Engöreŋök kunŋan ni mamalolo mem niŋgima.”

22 Mewö jiiga gwarekurupŋan nanŋini kuŋkaliliŋ uba aŋgehiba nanŋök nanŋök kewö mötmöriget, ‘Mönö dagöra jizapto?’ Mewö mötmöriba uruyahöt tönpin tatket. 23 Tönpin tata nene negetka Jisösgö wölböt gwarekŋan yaŋgö qöhöröŋeyök tarök. 24 Yaŋön tariga Saimon Pitönöŋ nöörpŋan gwarek mi söpsöp ak waŋgiba kewö jii mörök, “Keu mi dagöra jizawi, mi qesiba jinöŋ mötŋi.”

25 Mewö jii möta lapingöba Jisösgö töptöpŋe nanŋöba kewö qesiyök, “Kembu, azi mi daŋön?”

26 Mewö qesiiga meleŋ waŋgiyök, “Beret kitipŋi kuluŋnöŋ kundumgöba kun waŋgimami, yaŋön mönö mi.” Meleŋ waŋgiba beret kitipŋi memba kuluŋnöŋ kundumgöba Judas waŋgiyök. Judasgö iwiŋi qetŋi Saimon Iskariot. 27 Beret kitipŋi mi waŋgiiga Satanöŋ miangöreŋök Judasgö uruŋe geyök. Miangöra Jisösnöŋ i jim kutum waŋgiba kewö jiyök, “Yuai akŋani, mi mönö zilaŋ akŋan.” 28 Keu mewö jiyökmö, mi wuanöŋgöra jii möröhi, mi gwarek tosatŋan mohokŋe tata nene negeri, yeŋgöreŋök kunŋan kun qahö möt asariyök. 29 Gwarek tosatŋan miangöra kewö mötmöriget, “Judasnöŋ moneŋ gösögö galömŋa malöhi, miangöra kendon nalöŋe yuai osibini, mi bohönŋi memapköra melaiza me ambazip wanapŋi moneŋ yuai kun memba engimapköra jiza.”

30 Judasnöŋ keu mi ölop möt asariba beret kitipŋi mi memba miangöreŋök mosöta yaigep aniga suŋgem ahök. Mewö.

Jisösnöŋ jöjöpäŋ keu dölökŋi jim kutuyök.

31 Judasnöŋ mosöta yaigep aniga Jisösnöŋ kewö jiyök, “Dölki Anutunöŋ aködämunŋi Suep gölmegö Azi Ölŋi al teköm waŋgiiga yaŋön Anutugö qetbuŋaŋi mem qarii asuhuza. 32 Yaŋön Anutugö qetbuŋaŋi mem qariba Anutubuk qekötahözawangöra Anutunöŋ mönö mewöŋanök yaŋgö qetbuŋaŋi mem qarima. Mi nalö qahö körii mem qariiga asakmararaŋan asuhum tiŋgiri mal öŋgöma.

33 ^a“O gömokurupni, nöŋön nalö töröptökŋi kunbuk embuk malmam. Mi mala engömosötpiga könangep jarum niŋgiba malme. Juda yeŋgöra kewö jibi mötket, ‘Ni miri anmami, iŋini miangöreŋ kabingö osime.’ Keu miyöhök dölki engöra mewöyök jizal.

34 ^r“Nöŋön jöjöpäŋ keu dölökŋi jim kutum engizal: Iŋini mönö uruŋinan jöpaköm aŋguba malme. Nöŋön urukalem ak engiba malali, iŋini mönö miangö dop jöpaköba urukalem ak aŋguba malme. 35 Sutŋine uruŋinan jöpaköm aŋguba malme ewö, ambazip körek yeŋön engeka

^a 13.33 Jon 7.34 ^r 13.34 Jon 15.12, 17; 1 Jon 3.23; 2 Jon 5

kōnanjani mōt kutuba kewō jiba malme, ‘Aha! Mōnō Jisōsgō gwarekurupni akze.’ Mewō.

Pitōnōj Jisōs qaŋ kōlmapkō keu qeljiŋe jiyōk.

Mat 26.31-35; Mak 14.27-31; Luk 22.31-34

³⁶Saimon Pitōnōj Jisōs kewō qesim waŋgiyōk, “Kembu, gi denike anman?” Qesim waŋgiiga meleŋnōk, “Ni denike anmami, gi miangōreŋ nuataŋgōba kamamgō osiman. Nalō kewōŋe osimanmō, kōnangep mia ölöp nuataŋgōba kaman.”

³⁷Meleŋniga kewō qesiyōk, “Kembu, ni mōnō wuanōŋgōra nalō kewōŋe gi guataŋgōba kamamgō osimam? Nōŋōn mōnō malmalni gōhōra aka kōleŋda mosōtmam.”

³⁸Qesiiga kewō meleŋnōk, “Gi öŋa malmalgi nōŋgōra aka kōleŋda mosōtmamgō jizan me? Keu mi jitkanōk jizan. Nōŋōn keu öŋ tōhōnŋi kun kewō jibi mötnōŋ: Merak kuruknōŋ qetmamgō dopdowiiga gōŋōn nalō miangōreŋ qaŋ kōl niŋŋinōŋga indimŋi karōbut akja.” Mewō.

Jisōsnōj gwarekurupni urukōlalep mem eŋgiyōk.

14 ¹“Uruŋinan mōnō waimanjat kude mōta wōsōbirik kude aka malme! Mōnō Anutu mōt narime aka ni mohok mōt narim niŋgiba malme! ²Nōŋgō Iwinangō miri bohōŋe miri uruŋi sehisehiŋi ahōze. Mi qahō ahōbeak ewō, mōnō eŋgōra keu kewō jibileŋak: Nōŋōn mōnō miangōreŋ öŋgōba eŋgō dum miri mem mōhamgōmam.

³“Nōŋōn mutuk anda öŋgōba eŋgō dum miriŋini mem mōhamgōmam-mō, nōŋōn miri malmami, iŋini mewōyōk nōmbuk miangōreŋ mohotŋe malbingō sihimŋi mötzal. Miangōra nōŋōn mōnō kunbuk liliŋgōba kaba eŋguangitpiga euyangōreŋ öŋgōme. ⁴Nōŋōn miri denike anmami, iŋini miangō kōnani lök mōt kutuze.” Mewō.

Iwigōreŋ anangō kōna mi Jisōs.

⁵Jisōsnōj mewō jiiga gwarek qetŋi Tomas yaŋōn kewō jiyōk, “O Kembu, gi miri denike anmani, nini mi qahō mötzin. Miangōra miangō kōnani mi mōnō denōwō mōt kutubinak?”

⁶Mi mōta kewō jii mōrōk, “Nōŋōn Kōna akzal. Nōŋōn Keu öŋi aka Malmal kōhōikŋi akzal. Kunjan Iwigōreŋ aŋgotmamgō mōta nōŋgōreŋ kama ewō, yaŋōn mōnō kōna miwikŋaima. Kōna murutŋi kun qahō ahōza. ⁷Iŋini ni öŋa mōt kutum niŋgibeak ewō, mōnō nani Iwini mewōŋanōk mōt kutum waŋgibeak. Iŋini nalō kiangōreŋōk kōnahiba nōŋgō Iwini lök eka mōt waŋgize.”

⁸Mewō jiiga Filipnōj kewō jii mōrōk, “O Kembu, gi Iwi kondel neŋŋinōŋga neŋōn i uba ehinga dop kōl neŋgima.”

⁹Mi mōta Jisōsnōj jii mōrōk, “O Filip, ni nalō körōp tiŋtiŋi embuk pōndaŋ malbigun neka tōndup kōnani qahō mōt kutuzan me? Kunjan ni

nek kutuyöhi, yañön mönö Iwini mewöyök eka malja. Miangöra gi mönö denöwögöra Iwi kondel neñginönga ekingöra jizan?

¹⁰“Nöñön Iwibuk qekötahöba kinbiga Iwinöñ nömbuk qekötahöba kinjawi, mi möt narizan me qahö? Keu Buña jibiga mörakzei, nöñön keu mi nani uruneyök qahö memba jimakzal. Qahö! Nup memakzali, mi mewöyök Iwi nömbuk qekötahöba kinjawañön nam köl ningii ölni ahumakza. Miangöra nup memakzali, mi mönö yañgö nuwa memakzal.

¹¹“Nöñön Iwibuk qekötahöba kinbiga Iwinöñ nömbuk qekötahöba kinja. Injini mönö mewö möt narim niñgiget. Keu mi jitnöñ jibi möta qahö möt narim niñgibeak ewö, mi mönö aņgöletotni ekzeañgöra aka möt narim niñgime. ¹²Nöñön keu öl töhöñni kun kewö jibi mötket: Denike yeñön ni möt narim niñgize, yeñön mewöyök ni aņgöletot memba malali, miyöhök memakñe. Miyöhök memakñe aka nalö tosatñe nöñön meali, miangö dopni oñgita mi memakñe. Nöñön Iwigöreñ öñgöba malmamañgöra aka aņgöletot öñgöñgöñi ketañi megetka asuhume.

¹³“Iwinan nöñgöra aka qetbuñañambuk akñapkö mötzal. Miangöra aka Injini nöñgö qetne wani yuaigöra köulukömei, nöñön mönö mi akñam. Mewö akigun mianöñ Iwinañgö qetbuñañi jigetka qarimakña. ¹⁴Injini yuai kungöra nöñgö qetne köuluköba qesim niñgime ewö, nöñön mönö mi akñam. ¹⁵Injini uruñinan jöpaköm niñgimakze ewö, mönö nöñgö jöjöpañ keuni tem köla wuatañgöba malme.” Mewö.

Jisösnöñ Uña Töröñi melaimamgö jim jöhöyök.

¹⁶“Nöñön Iwi köuluköm wañgibiga yañön nam köiput Toñi kun eñgiiga eta nöñgö salupni aka teteköñi qahö embuk mal öñgöma. ¹⁷Nam köiput Toñi mi Uña Töröñi. Yañön keu ölnañgö Toñi akza. Uruñini qahö melenget yeñön i qahö ek kutuba qahö möt wañgize. Miangöra yeñön i köl öröba möt aņgön kölbingö osimakzemö, Uña yañön lök embuk malja aka könañgep uruñine geba embuk kinma. Miangöra i kiana qahöpmö, i ölop möt kutum wañgize.

¹⁸“Nöñön eñgömosötpiga gwani morö ewö qahö aka malme. Ni mönö eñgöreñ lilingöba kamam. ¹⁹Nalö töröptökñi teköigun gölme ambazip omañi yeñön ni kunbuk qahö neka malme. Yeñön qahöpmö, uruñini melengeri, eñön ni ölop nehakñe. Nöñön köhöiba maljalangöra injini mewöñanök guliba köhöiba malme. ²⁰Iwi, nani aka injini, nini mohok aka maljin. Nöñön Iwinambuk qekötahöba kinbiga injini nömbuk qekötahöba kingetka nöñön embuk qekötahöba kinjal. Miangö könañi mi Uña Töröñan uruñine gemawañgö nalöñe ölop möt asarime.

²¹“Kunñan nani jöjöpañ keuni pakpak möt aņgön köla tem kölakzawi, yañön mönö uruñan ni jöpaköm niñgimakza. Kunñan ni jöpaköm niñgiiga nöñgö Iwinan mönö i jöpaköm wañgimakza aka nöñön i jöpaköm wañgimakzal. Nöñön i jöpaköba könañamni indel wañgibiga möt kutuma.”

²² Jisösönj mewö jiiga Judas Iskariotkö wakanj Judas yañon kewö jiyök, “Kembu, gi denöwögöra kōnanjamgi neñgōreñjök indelman aka ambazip uruñini qahō melenjeri, yeñgōra mi köyatim eñgimamgō jizan?”

²³ Mewö jiiga kewö melej wañgiyök, “Kunñan uruñan jōpakōm niñgimakza ewö, yañon mönō nōñgō Buña keuni tem köla wuatangōba malma. Mewö maliga Iwinan i jōpakōm wañgiiga Iwi netkōn mönō yañgō uruñe geba pōndanj yambuk mohotje malbin. ²⁴ Kunñan ni uruñan qahō jōpakōm niñgimakza ewö, i mönō nōñgō Buña keuni qahō tem köla wuatangōba malma. Keu jibi mōrakzei, mi nani Buñaya qahōpmō, Iwi melaim niñgiyōhi, yañon mi niñgiiga jimakzal.

²⁵ “Nōñon keu pakpak mi embuk pōndanj malali, nalō miangōreñ kusum eñgiba malal. ²⁶ Mewö malalmō, Iwinōñ Uña Tōrōñi nōñgō qetne melaiiga eta nam köiput (aka tinjonjon) Toñini akña. Yañon keu pakpak kusum eñgiba nōñon qambañ keu pakpak eñgiali, mi ölum eñgubapukōra köl gulim eñgimakña.

²⁷ “Nōñon luai eñgizal. Nane luai sorokni qainñi kun mi albi uruñine ahōma. Gölmenōñ ambazip yeñon luai qem añgumakzei, nōñon miangō tandök ewö kude qem eñgimakzalmō, mi oñgita luai qainñi kun eñgimakñam. Miangōra uruñinan mönō wōsōbirik kude aka keñgōtñini kude möta malme.

²⁸ “Nōñon keu kewö jibiga mötket, ‘Nōñon eñgōmosōta öñgōba mala kunbuk eñgōreñ lilinğōmam.’ Iñini uruñinan ni ölna jōpakōm niñgibeak ewö, keu jizali, miangōra ölop söñgaibeak. Iwinōñ nōñgō ketañamni akza. Miangōra ni ‘Iwinangōreñ öñgōmam,’ jizali, iñini mi möta ölop urusōsöñgai miwikñaigetka dop kölbawak. ²⁹ Keu dölki jibi mötzei, miangō ölni bian asuhuma. Ölni asuhumawi, iñini nalō miangōreñ mi ölop mötmōriba möt narime. Miangōra mi nalō kiangōreñ qeljiñe jibi mötze.

³⁰ “Nalōni törizawangōra embuk keu gwōtpuk kunbuk jimamgō dop qahō mötzal. Bölōñangō Kembuñan gölme dop galōm köl eñgimakzawi, yañon mönō kamamgō jōjörōza. Yañgō ösumñan mönō luhut qahō al niñgiba kondondongōma. Nōñgōreñ kōna mi yañon jim kutumawangō dop qahō ahōza. ³¹ Qahō ahōzapmō, nōñon Iwi jōpakōm wañgimakzalanğōra yuai pakpak keu jim kutum niñgimakzawangō dop ahakzal. Gölme ambazipnōñ nōñgō kōnanjamni mewö jim kusum eñgigetka möt asarimegōra mötzal. Miangōra mönō mosōta wahōta kagetka anbin.” Mewö.

Jisösönj wain ip bōmōññi, neñon bōrōñi akzin.

15 ¹ Jisösönj gwarek yeñgōra kewö jiyök, “Nōñon wain ip öl sorokñi akiga nōñgō Iwinan wain nupkö toñi akza. ² Nōñon ip ewö qak bōrōnambuk akzal. Ip bōrōni pakpak ölniñi qahō miwikñaiiba gilipitñi

akzei, Iwinan mi kutum gil engima. Ip böröni pakpak nöngörej tatketka ölnjini ahum sirizei, Iwinan mi mönö köl könjorat engima. Ahakmemegö ölnji qarim kuwulem sehisehiji miwikñajimegöra mönö mem solanim engima.

³“Injini Buña keu jibi mötketka miañön lök mem solaniba köl könjorat engii sarakñji aka malje. ⁴Miañgöra eñön mönö nömbuk qekötahöba kinme. Mewö kingetka nöñön embuk kinmam. Wain böröni kunñan ip kemañe qahö tata tala etza ewö, mi mönö nanñi nam köl añguba ölnji ahum wañgimapkö osima. Miañgö dop injini mewöñanök nömbuk qahö qekötahöba kinje ewö, mönö nanñinök ahakmemegö ölnji öne ahum wañgibingö osime.

⁵“Ni waingö ipñi akiga eñön miañgö böröni akze. Injini nömosöta nanñinök kinda yuai kun akingö osime. Miañgöra kunñan nömbuk qekötahöba kiniga nöñön yambuk qekötahöba kinbiga yañön mönö ahakmemegö ölnji önöñji qahö miwikñaiiba siriba malma. ⁶Denike yeñön nömbuk qahö qekötahöba kinje ewö, wain ip toñan mönö i ip böröñji ewö kutum engiba gili yaigep anme. Anda soholigetka memba tokoba könöpnöñ gili geba jeme.

⁷“Yeñön jememö, likepñi injini mönö nömbuk qekötahöba kinme. Mewö kingetka nöñgö Buña keunan engö uruñine qekötahöba kinja ewö, injini i me wai buña qem añgubingö mötzei, mi mönö Iwi köuluköm wañgigetka engima. ⁸Injini nöñgö gwarekurupni aka kingetka ahakmemenjanangö ölnji önöñji qahö ahuba eta tatketka malme. Mewö memba malgerañgöra Iwinangö qetñan mönö aködamunñambuk aka ahöma. ⁹Iwinan ni jöpaköm niñgiba malöhi, nöñön mönö miañgö dop mohot jöpaköm engiba malal. Injini mönö nöñgö urukalem uruñe kinme. ¹⁰Nöñön Iwinangörej jöjöpañ keu tem köla mala kota yangö urukalem uruñe kinjal. Miañgö dop eñön nöñgö jöjöpañ keuni memba tem köla malme ewö, mönö ölop nöñgö urukalem uruñe kingetka jöpaköm engiba malmam.

¹¹“Nöñön uru sösongai al engibi engörej kutuiga uruñini kokolak qei ahöiga önöñji qahö söngaim sehiba malmegöra keu mi jibi mötze. ¹²³Nöñgörej Köna keu mi kewö: Nöñön uru jöpaköm engiba malali, injini mönö miañgö dop nanñini jöpaköm añguba malme. ¹³Kunñan alaurupñi yengöra aka nanñi malmalñi tököba mosötmawi, miañön mönö urukalem öngöñgöñji ketañji akza. Kunñan mi oñgita jöpaköm engimamgö osima. Urukalem tosatñji mi miañgö eretñji.

¹⁴“Nöñön yuai akñegöra jim kutum engimakzali, injini miañgö dop ahakze ewö, mönö nöñgö alaurupni akze. ¹⁵Welenqeqegö könañji kewö: Galömñan nupñi denöwö aka memakzawi, mi welenqeqeñan qahö mörakza. Miañgöra engö qetñini ‘Welenqeqeurupni,’ mewö qahö

* 15.12 Jon 13.34; 15.17; 1 Jon 3.23; 2 Jon 5

toroqeba engoholmam-mö, Iwinangöreñök Buña keu mörali, mi pakpak mönö engöra indelbiga mötze. Mewögöra qetjini ‘Alaurupni,’ mewö engoholbiga dop kölja.

¹⁶“O alaurupni, ejön ni qahö möwölöhöm niñgigetmö, nöñön injini möwölöhöba kuñgum engibiga kinje. Miañgöra ejön liliköba anda ölni kewö miwikñaiba pöndañ sirigetka ahöahöñi ahi dop kölma: Nöñgö qetni qeta yuai mi me mi miañgöra Iwi köulukömei, mi mönö engii buñañini akña. ¹⁷Injini mönö sutjine jöpaköm anguba malme. Nöñön jöjöpäñ keuni mewö jim kutum engizal.” Mewö.

Urumelengö kopañi yeñön injini kazik ak engime.

¹⁸“Gölmenöñ uruñini qahö melenget yeñön kazik ak engime ewö, mönö keu kewö mi möt kutume: Yeñön mutuk ni mewöñanök kazik ak niñgiba malget. ¹⁹Injini urumelengö kopa kambunöñ malbeak ewö, kambu-urup mienöñ mönö nanñini alaurupñini urukalem ak engibeak. Mi ak engibeakmö, nöñön injini möwölöhöba yeñgö areñnöñök engömembiga murutji aka malje. Yeñgöreñ ahakmeme bölöñi mi andö qeba maljeañgöra aka kazik ak engimakze.

²⁰“Nöñön keu kun kewö jibi mötkeri, mi mönö urukönömñine ala mötmörime, ‘Welenqeqenöñ eretji aiga toñan ketanamñi akza. Gwareknöñ böhiñi oñgita öñgöñgöñi akñamgö osima.’ Miañgö dop tosatjan ni sesewerowero ak niñgiba mala kotket ewö, tosatji yeñön mönö nöñgö undumurupni injini mewöñanök sesewerowero ak engiba malme. Yeñön nöñgöreñ Buña keu möt angön köla malget ewö, injini nöñgö keuni jim sehiba malgetka mönö mewöñanök ölop möt angön köla malme. ²¹Mewö malmemö, ni melaim niñgiyöhi, yeñön i qahö möt wañgize. Miañgöra silebile qakñe yuai könañi könañi lañ ak engime, mi mönö nöñgö qetbuñanangöra aka asuhum engima.

²²“Nöñön yeñgöreñ qahö eta Buña keu jibi mötpeak ewö, yeñön mönö köpösihitñinañgö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba köl turubingö osize. Möndömöndö keuñini mönö denöwö miwikñaibeak? ²³Kunñan ni kazik ak niñgizawi, yeñön mönö Iwini mewöñanök kazik ak wañgiza. ²⁴Angöletot öñgöñgöñi ketanji meali, mi kunñan kun engö sutjine qahö memba malök. Nöñön mi qahö membilenak ewö, yeñön mönö köpösihitñinañgö gamuñi mi qahö möta malbeak. Tönpin malbeakmö, nalö kewöñe nöñön mi membiga ek teköbagun töndup ni aka Iwini mewöñanök öne töhön kazik ak netkiba malje.

²⁵“Mewö ak netkiba malgetka Buña keu kun öññambuk ahök. Mosesnöñ köna keu engiyöhi, miañgöreñ keu mi kewö ohoget ahöza,

¹ 15.20 Mat 10.24; Luk 6.40; Jon 13.16 ^u 15.25 Sum 35.19; 69.4

‘Yeñön öne töhön lañ kazik ak niñgiba malget.’ Keu mianjön lök ölnambuk ahök.

²⁶Nöñön Iwigöreñ öngöba köiput Toñi melai biga engöreñ kaba uruñine geba nañgöm engima. Uña Töröñi yañön keu ölna ngö Toñi akza. Yañön Iwigöreñök eta nöngö könañamni nañgöba jim asarim engiba malma. ²⁷Yañön mewö malma aka eñön mewöñanök nöngö könañamni nañgöba jim asariba malme. Nöñön könahiba urugö qenjarök nup memba malali, eñön mönö könakönahineyök nömbuk mala kotket. Miangöra injini mönö mi ölop jim asariba malme. Mewö.

Jisösgö gwarekurupñi bim engöhöi utal engime.

16 ¹Jisösnöñ toroqeba kewö jiyök, “Injini tala eta engui jañjuñ akepuköra nöñön keu mi qeljiñe jibi mötze. ²Uruñini qahö meleşget yeñön mönö köuluk miri kambuñineyök utal engigetka yaigep eta malme. Könañgep nalö kun kam kuñgumawi, miangöreñ injini nöngöra aka engugetka kömume. Mewö enguba kewö jime, ‘Mewö mianjön Anutugö welenni qeinga Anutugö uruñan ölöwakza.’ Körekan mewö möt sohoba jime. ³Yeñön Iwi aka ni netkö könañamniri qahö möt asarimakzeangöra aka mewö ak engiba malme.

⁴“Mewö tönpin malmemö, nöñön keu mi qeljiñe engöra jibi mötze. Miangöra nalö mi kam kuñguiga keu miangö ölni asuhumawi, injini nalö miangöreñ ölop kewö jime, ‘Kraistnöñ kiangö buzup keuñi lök qeljiñe jii mörin.’ Nanak embuk malalañgöra aka keu mi nalö köröpñi ahöiga mutuk qahö jibi möta kotket.” Mewö.

Uña Töröñan nupñi kewö memakza:

⁵“Nöñön nalö kiangöreñ melaim niñgii erali, mönö yañgöreñ öngömangö akzal aigun engöreñök kunñan kun kewö qahö qesim niñgiza, ‘Gi denike anman?’ ⁶Keu mewö jizali, eñön mi möta miangöra wösöbiriknöñ uruñini kokolak qei malje.

⁷“Mewö maljemö, töndup nöñön miangö likepñi keu ölni kun kewö jibi mötket: Nöñön engömosöta lilingöba öngömami, miangö ölnan asuhuiga mönö kewö mem ölöwak engima: Nöñön öngöba köiput Toñi melai biga engöreñ eta uruñine gema. Nöñön qahö engömosöta öngöbilenjak ewö, Toñi yañön mönö engöreñ etmamgö osima.

⁸“Köiput Toñi yañön eta malmalgö könañi kewö kondel engiba malma: Gölme dop siñgisöndokñini indela kondeli Anutunöñ keuñini jim teköiga solanime me uruñini qahö meleşgetka keuñini jim teköba likepñi meleş engima. Ambazipnöñ könañamñini mewö eka möt kutume. ⁹Ni qahö möt narim niñgizeangöra siñgisöndökö könañi indel engiiga möt kutume.

¹⁰“Anutugö köna solanñi möt sohoba nöngöra keu lañ jimakze. Miangöra yañön nöngö könañamni indela kondel engiiga kewö möt

kutum niŋgime: Nönjön solanji mala Iwinanğoreŋ lilingöba öngöbiga ni kunbuk qahö neka malme. ¹¹Bölönanğö Kambuŋi gölme dop galöm köl eŋgimakzapmö, Anutunöŋ yanğö keuŋi lök jim teköyöha könöp siagö Toŋi akŋa. Mianğö dop körek neŋğö keunini mewöyök jim teköma.

¹²“Nönjön ölop keu gwötpuk toroqeba jibileŋakmö, mi nalö kewöŋe jibiga usuŋumburaŋ aka köl gulibingö osibepuk. ¹³Mi osibepukmö, keu ölnanğö Toŋi, Uŋa Törönji yanğön eta uruŋine geba keu saŋep qei mötme. Mi nanŋi imbiŋanğö dop laŋ qahö jiba malmamö, Anutugöreŋ keu kezap ala mötzawi, yanğön mönö miyök jimakŋa aka könanğep yuai asuhumawi, mi qeljiŋe indela jima. Mianğöra yanğön eŋğömemba keu ölni pakpak mianğö o anğöŋe al eŋgiiga keu ölnanğö köna tiba anme.

¹⁴“Yanğön mönö nane köwenöhök keu memba jim asariba uru kuŋgum eŋgiba malma. Mianğöra mönö nönğö könani indeliga nönjön qetbuŋanambuk ahakŋam. ¹⁵Iwinanğoreŋ yuai pakpak ahözawi, mi mönö nönğö böröne ali ahöza. Mianğöra jizal, ‘Yanğön mönö nane köwenöhök keu memba jim asariba uru kuŋgum ak eŋgiba malma.’ Keu mi mewö.”

Wösöbirik malgetka meleŋniga urusösöŋgai mötme.

¹⁶“Nalö töröpŋi kun teköiga iŋini ni kunbuk qahö nekŋe. Mianğö andöŋe nalö töröpŋi kun teköigun mönö asuhum eŋgibi ölop kunbuk nekŋe.”

¹⁷Mewö jiiga gwarekurupŋi yeŋğoreŋök tosatŋan nanŋinök kewö eraum mötket, “Keu kewö jiza, ‘Nalö töröpŋi kun teköiga iŋini ni qahö nekŋe. Mianğö andöŋe nalö töröpŋi kun teköigun mönö asuhum eŋgibi ölop kunbuk nekŋe,’ aka keu kun kewö jiza, ‘Ni Iwinanğoreŋ öngömam.’ Mewö jiiga mötzini, keu yahöt mianğö könaŋi mi denöwö?” ¹⁸Mewö eraum möta uzohola jiget, “Yanğön ‘Nalö töröpŋi teköigun,’ jizapmö, keu mianğö könaŋi denöwö? Mi wuanönğöra jizawi, nini mi qahö möt asarizin.”

¹⁹Mewö jiba qesim waŋgibingö mötketka Jisösnöŋ eŋgek kutuba kewö jii mötket, “Keu kewö jizal, ‘Nalö töröpŋi kun teköiga iŋini ni qahö nekŋe. Mianğö andöŋe nalö töröpŋi kun teköigun mönö asuhum eŋgibi ölop kunbuk nekŋe,’ Iŋini mönö keu mianğö könaŋi jaruba eraum mötze me?”

²⁰“Nönjön keu öl töhönŋi kun kewö jibi mötket: Nönjön anbiga iŋini jinğen köla sahötmemö, uruŋini qahö meleŋget yeŋön laŋ börum memba sösöŋgai aka malme. Iŋini wösöbirik aka malmemö, wösöbirikŋini mianğön mönö nönğöra aka meleŋda sösöŋgai aka malme. ²¹Ambinöŋ morö memamğö nalöŋi kam kuŋguiga masö qeiga qemjeŋ qakŋe morö mezapmö, morö dölökŋi memba kindi i eka sösöŋgaiyanğöra mönö sihimbölöŋi mi ölum qemakza. ²²Mianğö dop iŋini mewöyök nalö kewöŋe wösöbirikpuk maljemö,

nöjön könangep kunbuk asuhuba engekiga injini ölop urusösöngai buk malme. Urusösöngainjini mi kunjan kun qahö enjuaŋgitma.

²³“Nalö miaŋgöreŋ yuai kungöra ni qahö qesim ningimemö, köulukŋjini Iwigöreŋ algetka diŋdiŋanök ani ampei malme. Nöjön keu öl töhöŋŋi kun kewö jibi mötket: Injini nöŋgö qetnön yuai kungöra Iwi köuluköm waŋgime ewö, yaŋön mi mönö tököm enjima. ²⁴Nömbuk mala kageri, injini nalö miaŋgöreŋ yuai kungöra nöŋgö qetne qahö köuluköba malget. Mönö Iwi köuluköba malme. Köulukögetka ölop melen enjima. Mi enjiiga söösöngaiŋinan asuhum sehiba uruŋjini kokolak qem teköi malme.” Mewö.

Jisösnöŋ gölmeŋö ahakmeme bölöŋi mi luhut alakza.

²⁵“Keu jibi möta kamakzei, mi keu saiŋambuk jibi möta malget. Könangep nalö kun kam kuŋgumawi, miaŋgöreŋ keu saiŋi mi kunbuk qahö qeba jibi mötme. Qahöpmö, Iwinangö könaŋi mi aukŋe jim asariba malmam. ²⁶Nalö miaŋgöreŋ injini nöŋgö qetni qeta Iwi köuluköba malme. Miaŋgö könaŋi kewö: Injini köulukŋjini Iwigöreŋ albingöra nöŋgöreŋ kunbuk qahö kamakŋemö, nanŋinak Iwigöreŋ diŋdiŋi köuluköba malme. Nöjön enjögö jit memba Iwigö qahö köulukömam.

²⁷“Iwinöŋ nanŋak uruŋjan jöpaköm enjiba köulukŋjini kewögöra möta malma: Nöjön Anutugöreŋök erali, injini nöŋgö könani mewö möt nariba pöndaŋ uruŋjan jöpaköm niŋgiba mala kotketka köna mewö ahuiga köulukŋjini möta malma. ²⁸Nöjön Iwi mosöta gölmenöŋ eta mala gölme mosöta kunbuk liliŋgöba Iwinangöreŋ öŋgömam.”

²⁹Mewö jiiga gwarekurupŋan jiget, “Mötnöŋ, keu döлки jizani, mi saiŋi qahö qeba jizan. Mi mönö aukŋeyök jinöŋga ölop möt asarizin. ³⁰Nini merak könaŋamgi kewö möt yaközin: Göŋön mönö nanganök yuai pakpak möt tekönöŋga kunjan kun qesiba kusum gihimapköra qahö osizan. Miaŋgöra gi Anutugöreŋök etnöŋi, nini mi ölop möt narizin.”

³¹Mewö jigetka Jisösnöŋ melenja jiyök, “Merak ölop möt narim niŋgizemö, ³²mötket, nalö tandökŋi kun kama aka mianjön lök mesohol köla ŋanŋunöŋ kinja. Nalö mianjön kam kuŋguiga enjön keŋgötŋjini möta nömosöta denjenda simbisembel aketka nanök malmam. Töndup nanöhök töhöŋ qahö malmam-mö, Iwinan nömbuk malma. Iwinöŋ nömbuk malmawangöra aka nanöhök töhöŋ qahö malmam. ³³Enjön toroqeba gölmenöŋ mala kahasililiŋ qakŋe möta malmemö, nömbuk qekötahöba luainöŋ malmegöra möta keu qöndökŋi ki jibi mötze. Keuyök qahö jizalmö, nöjön gölmeŋö ahakmeme bölöŋi mi lök luhut ala wahijambanŋi kusum teköbiga erök. Miaŋgöra mönö ewebibiŋinambuk köhöiba saitiŋgit malme.” Mewö.

Jisösnöŋ nanŋangöra Iwi köuluköyök.

17 ¹⁻²Jisösnöŋ keu mewö jim teköba Suepnöŋ göröken ui öŋgöiga kewö köuluköyök, “Iwini, göŋön gölme dop ambazip pakpak

Nahöngi nöngö bapne al enjinönga kukösum qakŋe Kembu ak enjizal. Ambazipnöŋ Nahöngi nöngö keuni ölop qahö andö qeba oŋgita malme. Göŋön ambazip sutŋineyök tosatŋi meköba nöngö böröne al enjiba kewö jim kutum niŋginöŋ, ‘Gi mönö i körek kusum enjinönga malmal köhöikŋi miwikŋaiba malme.’ Nup mi mem teköbiga Nahöngan qetbuŋagi mem qarimapköra mönö aködamungi niŋginöŋ. Nöngö nalöni mi dölkki kam kuŋguiga kinda mewö köuluközal.

³“Malmal köhöikŋaŋgö könaŋi mi kewö: Göŋön mohot Anutu ölni akzan aka azi Jisös Kraist ni melaim niŋginönga erali, ambazipnöŋ netkö könaŋamniri mewö möt kutume. Malmal kömbönaŋi mewö miwikŋaibe. ⁴Nup al niŋgiba ‘Meman,’ jiba jim kutum niŋginöŋi, nöŋön mi tem köla memba mala meköyal. Aködamungabuk mala qetbuŋagi gölmenöŋ indel sehibiga aködamunŋambuk ahök.

⁵“O Iwi, nöŋön gölme qahö asuhiuga Suep mire miangöreŋ göhö qöhöröŋge asakmararaŋbuk asariba malal. Asakmararaŋ miyöhök mönö dölkki kunbuk al niŋginönga asuhum kutum niŋgiiga kunbuk göhö qöhöröŋge asakmararaŋbuk asariba malmam.” Mewö.

Jisösönŋ gwarekurupŋi yeŋgöra aka köuluköyök.

⁶“O Iwini, göŋön gölme ambazip tosatŋi kewöta nöngö böröne al enjinöŋi, nöŋön göhö qetbuŋagi mi yeŋgöra indela kondela malal. Yeŋön göhö buŋaya aketka göŋön i nöngö böröne al enjinönga yeŋön göhö Buŋa keugi mi möt aŋgön köla malje. ⁷Göŋön yuai niŋginönga mi pakpak göhöreŋök kamakzawi, yeŋön mi nalö kewöŋe lök möt kutuze. ⁸Göŋön keu Buŋa niŋginöŋi, nöŋön mi gwarekurupni kusum enjibiga möt aŋgön köla malje. Ni gömosöta gölmenöŋ erali, yeŋön mi ölna möt yaköze. Göŋön melaim niŋginönga asuhuyali, yeŋön mi mewöyök möt narize.

⁹“Ni yeŋgöra aka köuluköm gihizal. Urumelengö kopa ambazip yeŋgöra qahö köuluközalmö, könagesö nöngö böröne al enjinönga uruŋini meleŋda göhö buŋaya akzei, mönö yeŋgöra aka köuluköm gihizal. ¹⁰Ambazip pakpak nöngö buŋa akzei, yeŋön mönö göhö buŋaya akzei aka ambazip göhö buŋaya akzei, yeŋön mönö nöngö buŋa mewöyök akze. Nani aködamuni al enjibiga miangö qakŋe kinda ahakmemeni aketka nöngö qetbuŋanan qarim sehimakŋa. ¹¹Ni gölmenöŋ malmalni teköiga göhöreŋ kotmamgö akzalmö, yeŋön toroqeba gölmenöŋ malme. O Iwi Töröŋi, göŋön qetki niŋginönga miangö ösumŋan mönö sel jöhöm enjinönga qahö julme. Netkön mohot aka maljiri, yeŋön miangö dop mohot aka malmegöra köuluközal.

¹²“Nöŋön yembuk gölmenöŋ mala korali, nalö miangöreŋ qetbuŋagi niŋginönga miangön sel jöhöm enjiba malal. Buŋa Kimbigö keu kunöŋ

† 17.12 Sum 41.9; Jon 13.18

ölŋambuk akŋapköra azi mohok-kunŋan sohoba könöp siagö buŋaya aka sihimbölö möta malma. Nönŋön galöm köl enŋialaŋgöra yeŋgöreŋök tosaŋŋan qahö ŋarjuŋ aka sohoget. ¹³Tosaŋŋan qahö sohogetmö, nönŋön döli gölmenöŋ mala göhöreŋ kamamgöra kaba keu ki jizal: Nönŋö uru sösönŋainan mönö yeŋgöreŋ kutui megetka uruŋini kokolak qeiga sönŋaiba malme. Mewö asuhumapköra köuluközal. ¹⁴Nönŋön göhö Buŋa keugi kusum enŋibiga möta malje. Nönŋön gölmegö ahakmeme bölöŋi mi qahö wuaŋgömakzali, yeŋön mönö mewöyök mi qahö wuaŋgöba andö qemakze. Mianŋöra gölmenöŋ uruŋini qahö melenŋet yeŋön mönö kazik ak enŋimakze.

¹⁵“Nönŋön gölmenöhök enŋuaŋgitmangöra qahö qesim gihizalmö, Bölöŋi Toŋaŋgöreŋök aŋgön köla sel jöhöm enŋiba malmangöra köuluközal. ¹⁶Nönŋön gölmegö ahakmeme bölöŋi andö qeba mi qahö wuaŋgöbiga yeŋön mewöyök mi andö qeba qahö wuaŋgömakze. ¹⁷Keu ölni mianŋön mönö mem sarahim enŋiba malman. Göhö Buŋa keugan mönö keu öl töhöŋni akza. ¹⁸Göŋön melaim niŋginöŋga gölme ambazip sutŋine anda nup memba malali, nönŋön mewöŋanök i melaim enŋibiga gölme ambazip yeŋö sutŋine deŋda anme. ¹⁹O Iwini, yeŋön keu ölnaŋgö dop malmalŋini körek tököm gihimegöra aka bauköm enŋiba nani malmalni jömuŋ tököm gihizal.” Mewö.

Jisösnöŋ mötnariŋ ambazip pakpak neŋgöra köuluköyök.

²⁰“O Iwini, nönŋön gwarekurupni yeŋgörök aka qahö köuluközalmö, Buŋa keu jim sehigetka ambazip möt narim niŋgimei, mönö yeŋgöra aka mewöyök köuluközal. ²¹Iwi göŋön nömbuk qekötahöba kinöŋga nönŋön mewöyök göbuk qekötahöba kinjal. Mianŋö dop yeŋön mewöyök netpuk qekötahöba kinmegöra mötzal. Nangak melaim niŋginöŋga erali, gölme ambazipnöŋ mi möt narimegöra aka yeŋön körek pakpak mohot aka malmegöra köuluközal. ²²Naniri mohot aka maljiri, yeŋön mewöŋanök mohot aka malmegöra aka aködampung al niŋginöŋi, nönŋön mi yeŋgöra al enŋial.

²³“Nönŋön yembuk qekötahöba kinbiga göŋön nömbuk qekötahöba kinjan. Mianŋö dop yeŋön keuŋini jöhöm teköba mohot aka malmegöra köuluközal. Mohot aka kingetka gölme ambazipnöŋ könaŋamni kewö möt asarime: Göŋön melaim niŋginöŋ etpiga jöpaköm niŋgiba malnöŋi, mianŋö dop i mewöyök jöpaköm enŋiba malnöŋ.

²⁴“O Iwini, göŋön gölme qahö miwikŋainöŋi, qelŋiŋe nalö mianŋöreŋ lök urugan jöpaköm niŋgiba asakmararaŋ al niŋginöŋga mala koral. Könaŋgep alaurup niŋginöŋi, nönŋön yeŋön mewöyök asakmararaŋ mi ekŋegöra mötzal. Mianŋöra nönŋön miri malmami, yeŋön mianŋöreŋ nömbuk mohotŋe malbingö sihimŋi mötzal.

²⁵“O Iwi solanŋi, gölme ambazip uruŋini qahö melenŋeri, yeŋön gi qahö möt kutum gihiba mala kotketmö, nönŋön gi ölöŋanök möt kutum gihizal. Nangak

melaim niŋginöŋi, nönğö urumelerŋ alaurupnan mi lök möt yaköze. ²⁶Nönjön göhö qetki mi jim tuarim enğibiga möta malget. Göñön urugan jöpaköm niŋgiba malnöŋi, urukalem miañön uruñine ahöi mötketka nöñön yembuk qekötahöba kinbi malmegöra mönö toroqeba qetki jim tuarim enğiba malmam.” Mewö.

Jisös memba jöhöget.

Mat 26.47-56; Mak 14.43-50; Luk 22.47-53

18 ¹Jisösnöŋ keu mi jim teköba gwarekurupŋi enğömeiga siti mosöta geba o qetŋi Kidron kutuba likepŋe anğota arö kun ahöyöhi, miañğöreŋ anget. ²Jisös aka yangö gwarekurupŋi yeñön qösösök miañğöreŋ tokoba malget. Miañğöra Judas mamalolo mem waŋgimamgö ahöhi, yañön mewöyök arö mi ölop mörök.

³Jike nup galöm aka Farisi (Köna keugö kapaŋkölköl) yeñön jöwöwöl jikegö kiripo galöm (sikiriti) tosatŋi melaim enğigetka Judasnöŋ i aka gawmangö yarö azi kambu kun enğömeiga mohotŋe kaget. Yeñön kiwa lambe aka timbi liŋgipŋini memba bisiba arönöŋ kaget. ⁴Kagetka Jisösnöŋ yuai pakpak mewö asuhum waŋgimawi, mi lök möröhanğöra aka wahöta aukŋe kaba kewö qesim enğiyök, “Inini dagöra jaruze?”

⁵Qesim enğiiga kewö meleŋget, “Nini Jisös Nazaret toŋi mia jaruzin.” Meleŋgetka kewö jiyök, “Mia nöñön.” Judas mamalolo meme azi yañön mewöyök yembuk kinök.

⁶“Mia nöñön,” Jisösnöŋ keu mewö jiiga möta andöandö anda gölmenöŋ tala eta enğuyök. ⁷Mewö aketka kunbuk qesim enğiyök, “Inini mönö dagöra jaruze?” Qesim enğiiga jiget, “Jisös Nazaret toŋi ia jaruzin.”

⁸Jigetka meleŋnök, “Mia nöñön, mi lök jibi mötze. Inini nia jarum niŋgize ewö, mönö azi ki ölop enğömosötketka öne anme.” ⁹Mutuk köuluköba gwarekurupŋi yeŋğöra keu kun kewö jii mötket, “Ambazip nöŋgö böröne al enğinöŋga maljei, nöñön mi köyan köl enğiba malbiga yeŋğöreŋök kunöŋ kun qahö sohoba ayuhuyök.” Keu miañön ölnambuk akŋapaköra Jisösnöŋ jitmeme yeŋğöra keu mewö jiyök.

¹⁰Mewö jiiga Saimon Pitönöŋ bimgö sou ketaŋi memba malöhi, yañön mi kupinŋeyök öröba jike nup galöm bohonŋangö welen aziŋi qeba kezapŋi ölje göröken köteköi erök. Welenqege azi mi qetŋi Malkus. ¹¹“Mewö asuhuiga Jisösnöŋ Pitö kewö jim kutum waŋgiyök, “Gi bimgö sou ketaŋi mi mönö kunbuk alnöŋga kupinŋe geyök. Iwinan sihimbölogö qambi o qölŋambuk nöŋgö buŋaya qeyöhi, mi ölop möta mökösöŋda mesohol kölmam.” Mewö.

Jisös waŋgitketka Anasgö jeŋe kinök.

¹²Suahö galömŋinan jiiga yarö azi kambu aka Juda yeŋgö naŋgu galöm (sikiriti) yeñön Jisös memba jöhöget. ¹³Jöhöba waŋgita mutuk jike nup

^w 18.11 Mat 26.39; Mak 14.36; Luk 22.42

galöm qetji Anas yaŋgö mire anget. Anasgö qingŋi qetji Kaiafas yaŋön jike nup galöm bohonji aka yambu (yara) miangörej nup mi memba malök. ¹⁴*Kaiafasnöh mutuk Juda ambazip yeŋgöra qambaŋ keu kewö jiyök, “Ambazip kambu jömuk ayuhum teköbinbuköra azi mohotjan neŋgöra aka kömuiga dop kölma.” Mewö.

Pitönöh Jisös könahiba qaŋ kölök.

Mat 26.69-70; Mak 14.66-68; Luk 22.55-57

¹⁵ Jisös memba angetka Saimon Pitö aka gwarek alaŋi kun yetkөн andöhjine anohot. Anohotka alaŋi miaŋön jike nup galöm bohonji möt waŋgiyöhäŋgöra aka ölop amqeba Jisös wuatangöba jakömbuak miri sel uruŋe geyök.

¹⁶ Yaŋön geyökmö, Pitönöh sel yaigepŋe naŋgunöh kinök. Mewö kiniga gwarek alaŋan jike nup galöm bohonji möt waŋgiyöhi, yaŋön yaigepŋe geba naŋgu galöm ambi yambuk keu jii möta naŋgu öröiga Pitö waŋgita sel uruŋe geyohot. ¹⁷ Gebitkö ahoŋi, miangörej welenqeqe ambi sel naŋgunji galöm kölöhi, yaŋön Pitö eka kewö qesim waŋgiyök, “Gi ölja mewöyök azi miangö gwarek yeŋgöreŋök kun akzan me?” Mewö qesim waŋgii möta “Ni qahö!” jiyök.

¹⁸ Welen azi aka naŋgu galöm (sikiriti) yeŋön amötŋangöra aka könöp jeba ururuŋgöba ahöiga jömöta kinget. Mewö kingetka Pitönöh mewöyök yeŋgö sutŋine anda könöp jömöta kinök. Mewö.

Jike nup galöm bohonjan Jisös qeqesi al waŋgiyök.

Mat 26.59-66; Mak 14.55-64; Luk 22.66-71

¹⁹ Jike nup galöm bohonji Anas yaŋön Jisösgö qeqesi al waŋgiba kewö jiyök, “Gi ambazip denöwö kusum eŋgiba gwarekurupki niŋi niŋi eŋgömemba maljan?”

²⁰ Mewö jiiga kewö melej waŋgiyök, “Ni nalö dop aukŋe ambazipŋi ambazipŋi kusum eŋgiba malal. Juda könagesö pakpak neŋön jöwöwöl jikenöh öngöba köuluk mirininangö dop tokomakzini, ni mönö miangörej kindä kusum eŋgiba malal. Buŋa keu tölapŋi kun qahö jial. ²¹ Nöhön keu denöwö ambazip kusum eŋgiba malali, wuanöngöra ni mewö qesim niŋgizan? Nöhön keu jibiga ambazip möta malgeri, yeŋön mönö keunaŋgö kötŋi möt teköze. Miangöra i qesim eŋginöŋga dop kölma.”

²² Mewö melej waŋgiyökmö, jikegö kiripo galöm (sikiriti) kunöh kösutŋe kindä Jisös nuŋgulumŋe qekötahöba jiyök, “Jike nup galöm bohonjan qesim gihiiga gi keu silik mewöŋi mönö wuanöngöra melej waŋgizan? Gödaqeqegi qahö.”

* 18.14 Jon 11.49-50

²³Mewö jiiga kewö melenj waŋgiyök, “Keu bölöŋa jibileŋak, mi mönö indelnöŋga dop kölmapmö, keu ölni jizal ewö, mönö wuanöŋgöra ni öne nuŋguzan?”

²⁴Mewö melenj waŋgiiga Anasnöŋ Jisös melaiba jiiga tapepni (muŋgamuŋga) tok böröŋe tariga waŋgita jike nup galöm bohonji Kaiafas waŋgöreŋ anget. Mewö.

Pitönöŋ Jisös qaŋ köliga yahöt karöbut ahök.

Mat 26.71-75; Mak 14.69-72; Luk 22.58-62

²⁵Saimon Pitönöŋ könöp jömöta kiniga tosatŋan qesiba kewö jiget, “Gi ölna mewöyök yaŋgö gwarekurupni yeŋgöreŋök kun akzan me qahö?” Mewö jigetka qaŋ köla “Ni qahö,” jiyök.

²⁶Pitönöŋ jike nup galöm bohonjanga welen azini qeba kezapni qeköi eröhi, yaŋgö tinitosolomni welenqeqa alaŋi kunöŋ mi möta qesiba jiyök, “O gi mönö arönöŋ yambuk mohokŋe malohotka gekzal me denöwö?”

²⁷Mewö jiiga Pitönöŋ kunbuk qaŋ köliga nalö miaŋgöreŋök kuruknöŋ könahiba qeriga mörök. Mewö.

Jisösnöŋ premiö Pailötkö jeŋe kinök.

Mat 27.1-2, 11-14; Mak 15.1-5; Luk 23.1-5

²⁸Miri gjanjiiga söŋanök Jisös Kaiafasgö mirinöhök waŋgita eta Rom premiögö jakömbuak mire anget. Juda yeŋön uruŋini tölöhoba kölköljinjin akinbuköra waimanjat möta kewö jiget,^y “Ak-kömukömu kendongö lama nembangö osibinbuk.” Mewö jiba möt lömböriba premiögö jakömbuak miri uruŋe qahö öŋgöget. ²⁹Miaŋgöra premiö Pailötnöŋ yaigep eta eŋgeka kewö qesim eŋgiyök, “Azi kianön mönö wani pinjit aiga keu jim waŋgiba waŋgita kaze?”

³⁰Qesim eŋgiiga melenget, “Azi miaŋön kegwek me bölöŋi meme azi kun qahö akawak ewö, neŋön mönö öne töhön i waŋgita göhö böröge qahö albinak.”

³¹Mewö melengetka Pailötnöŋ jii mötket, “Injini mönö nanŋinak keu jakeŋine al waŋgiba Köna keuŋinangö dop kewöta keuŋi jim teköme.” Mewö jii möta jiget, “Neŋön azi kun kömumapkö keuŋi jim teköbingö soŋgo ahöi osizin.” ³²^zJuda yeŋön mewö jigetka Jisös nanŋak kömup denöwöŋi kömumawi, keu mi indela jiiga mewö miaŋön öljambuk ahök.

³³Pailötnöŋ Juda yeŋgö keuŋini möta kunbuk jakömbuak miri uruŋe öŋgöba Jisös oholi kaiga kewö qesim waŋgiyök, “Gi Juda eŋgöreŋ kinj kembuŋina akzan me qahö?”

^y **18.28** Rom gawman yeŋgöra Juda yeŋön kewö möt nariget: Nini Rom yeŋgö jakömbuak mire öŋgöinga urunini tölöhoi ösumnini eri kölköljinjininambuk aka ak-kömukömu kendongö lama töröŋi nembangö osibin. Miaŋgöra sombemnöŋ yaigep malget.

^z **18.32** Jon 3.14; 12.32

³⁴Mewö qesim waŋgiiga melenḡa kewö qesiyök, “Keu mi mönö nangi urugeyök jizan me tosatḡan nönḡöra keu mewö jiba jitke algetka jizan?”

³⁵Mewö qesiiga Pailötnön melenḡök, “Ye! Ni mönö Juda azia aka Juda enḡö keunḡini naŋḡomakzal me? Qahöpmaḡö! Ni Rom premiö malbiga nangi ambazip kambu-urupki aka jike nup galöm yeḡön mönö goaḡgita nönḡö böröne al gihize. Göḡön mönö wanat yuai aknönḡ?”

³⁶Mewö melenḡniga jiyök, “Nönḡö kiḡtohoḡni miangḡö könaḡi mi gölme kiangörej qahö ahöza. Nönḡön gölmegö kiḡtohoḡ kungö kiḡ kembuya akileḡak ewö, nönḡö suḡgurumurupnan mönö ölop wahöta nönḡöra aka suahö akeak. Suahö aka nönḡön Juda jitḡememe yeḡö börönḡine gebileḡbuköra kapaḡ köla bim qegetka nömembangö osibeak. Mi osibeakmö, nönḡö kiḡ tohoḡnaḡö könaḡi mi miri kungen ahöza. Ni gölme azi kembuya qahö akzal.”

³⁷Keu mi jiiga Jisös kewö qesim waḡgiyök, “Gi töndup kiḡ kembu qainḡi kun akzani, mi ölna me qahö?” Mewö qesim waḡgii melenḡök, “Ni kiḡ kembu qainḡi kun akzali, mi nangak jizan. Nönḡön keu ölni naḡḡöba jim tuarimangöra aka gölmenön eta asuhuyal. Körek yeḡön keu ölnaḡö likeḡḡe maljei, yeḡön mönö nönḡö keuni kezap ala mörakze.”

Jisös kömumapkö jim teköget.

Mat 27.15-31; Mak 15.6-20; Luk 23.13-25

³⁸Mewö melenḡniga Pailötnön mepaqepaik aka qesiyök, “Keu ölni mi mönö wania kun?” Mewö qesiba kunbuk Juda yeḡörej geba söndaknön kinda kewö jii mötket, “Nönḡön azi miangḡö pinḡitḡi jaruba kun qahö miwikḡaizal.”

³⁹“Kun qahö miwikḡaizalmö, ahakmemeni kun kewö ahöi mötze: Yambu (yara) dop ak-kömükömu kendon nalönḡe kösö mireyök azi mohot enḡöra pösatḡi erakza, mi mötze. Miangöra Juda enḡö kiḡ kembuḡini ölop enḡöra pösatḡi etpawak me qahö? Miangöra iḡini sihimḡinan denöwö mötze?”

⁴⁰Mewö jii möta melenḡa kewö qetket, “Qahö, i qahöpö, Barabas pösatnönḡa nenḡörej etma!” Mewö qetketmö, Barabas yaḡön kegwek azia aka bim karim kun megeri, miangḡö bohonḡi ahök. Mewö.

Pailötnön Jisös maripomnön kömumapkö jim teköyök.

19 ¹Silata qetketka Pailötnön Jisös waḡgita anda jiiga yarö azi yeḡön ihilek wahinambuknön tauköba qeget. ²Yarö azi yeḡön tauköba mepaqepaik kewö ak waḡgiget: Yeḡön Jisös qeba kösö wahinambuk memba köpeiba ila möhamgöba nöropḡe kölget geiga maluku pisikḡi gugakgugakḡambuk mi köl waḡgigetka geyök. ³Mewö aka kösutḡe areḡḡöba kinda jiget, “Owe owe! Juda enḡö Kiḡ Kembuḡini, owe!” Mewö jiba nuḡgulumḡe gwötpuk qekötahöget.

⁴Mewö mepaqepaik ak waḡgigetka Pailötnön kunbuk yaigepḡe geba kewö jii mötket, “Mötket! Nönḡön azi mi kewöta pinḡitḡi kun qahö

miwikŋaizal. Miangöra i kunbuk waŋgitpiga eŋgö jeŋine eriga kōnaŋi mewö möt kutuba ekje.”⁵ Mewö jii mötketka Jisösnoŋ eta söndakŋe kini kewö eket: Tosatŋan kōsö wahibuknoŋ ila köpeiba nöroŋŋe köla maluku pisikŋi gugakgugakpuk köl waŋgigetka kiniga Pailötnöŋ jii kewö mötket, “Azi ölni ki eket!”

⁶Mewö jii mötketka jike nup galöm aka naŋgu galöm (sikiriti) yeŋön i eka keu wölwölbuk qeta jiget, “Maripomnöŋ qeget kömuma. Maripomnöŋ qeget kömuma.” Mewö jigetka Pailötnöŋ jitŋine memba kewö jii mötket, “Nöŋön pinjitŋi kun qahö miwikŋaizal. Miangöra inini mönö nanŋinök i memba maripomnöŋ qeget kömumbawak.”

⁷Juda jitŋememe yeŋön keu mi möta kapaŋ köla kewö jiget, “Neŋgöreŋ Kōna keu ahōza. Keu miangö dop kewōringa kömumawaŋgö dop akza. Nanŋi memba öŋgōba ‘Anutugö nahōnŋi akzal,’ jimakza. Miangöra mönö kömupkö buŋaya aiga dop kölma.”

⁸Mewö kapaŋ köla jigetka Pailötnöŋ möta bönni wahōriga jōnōmŋi undui keŋgōtŋi mörök. ⁹Mewö möta Jisös waŋgita kunbuk jakōmbuak miri uruŋe öŋgōba kewö qesim waŋgiyök, “Gi denikegöra?” Qesim waŋgiyökmö, waŋön kitipŋi kun qahö meleŋda keu bök kinök. ¹⁰Keu bök kiniga kewö jii mörök, “Gi nöŋgöra keu kitipŋi kun meleŋman me qahö? Nöŋön jim tekōbiga pōsat gihime me maripomnöŋ guhugetka kömuman. Miangö kukōsumŋi mi nöŋgöreŋ ahōza. Miangö kōnaŋi mötzan me qahö?”

¹¹Mewö jii möta kewö meleŋ waŋgiyök, “Kunöŋ euyangöreŋök kukōsum qahö al gihiyök ewö, gi mönö azi omaŋi mala yuai ak niŋgimangö osibanak. Miangöra azi kun daŋön ni göhö böroge al niŋgizawi, waŋgö siŋgisōndokŋan mönö göhöreŋ pinjit oŋgita ketaŋi akza.”

¹²Mewö meleŋ waŋgiyōhaŋgöra aka Pailötnöŋ Jisös pōsari etmapkö kapaŋ kölök. Mewö kapaŋ kölökmö, Juda yeŋön qet gigilahōba kewö jiget, “Pōsatnöŋga etma ewö, mönö sisa kiŋgö alaŋi qahö toroqeba aka malman. Kunöŋ nanŋaŋgö möri öŋgōiga ‘Kiŋ kembuya akzal’ jizawi, waŋön mönö sisa kiŋ tuarenjoŋ ak waŋgiza.”

¹³Mewö jigetka keu mi möta jim kutuiga Jisös waŋgita yaigep etket. Etketka premiö Pailötnöŋ jake kun kötnöŋ ala tömbulget ahōyōhi, miangöreŋ öŋgōba keu jimtekōtekögö dum tatatŋe eta tarök. Jake miangö qetŋi Hibru keunöŋ Gabata jimalget. Mi nanine keunöŋ Jake Kötnöŋ mem tömbultömbulŋi. ¹⁴Eta tarōhi, Juda ambazipnöŋ wehön miangöreŋ ak-kömukōmu kendon tatpingöra jōjöröget. Wehön mi aiga silim bibiŋi dopdowiiga Pailötnöŋ dum tatatŋe tata Juda yeŋgöra kewö jii mötket, “Eket, eŋgö kiŋ kembuŋini ki!”

¹⁵Mewö jii möta qet gigilahöget, “Yapmakek! Yapmakek! Maripomnöŋ qeget kömuma!” Qet gigilahögetka kewö jiyök, “Eŋgö kiŋ kembuŋinaŋgö

keunji jim teköbige maripomnöy öngömapkörä jize me?” Mewö jiiga jike nup galöm yeñön meleşda jiget, “Sisa kiñnöy mohok kiñ kembunina akza. Neñgöreñ kiñ kembu murutji kun qahö ahöza!”

¹⁶Mewö meleşda jigetka Pailötnöy Jisösgö keunji jim teköba maripomnöy qeget kömumapkörä böröñine alök. Böröñine aliga yarö azi yeñön Jisös memba galöm kölget.

Jisös maripomnöy qeget.

Mat 27.32-44; Mak 15.21-32; Luk 23.26-43

¹⁷Galöm kölgetka nanñi maripomñi nanñak anguba siti kutuba yaigep geba gölme kun qetñi Nöröpsihit qerakzema, miangöreñ anget. Nöröpsihit qet mi Hibru keunöy Golgota qerakze. ¹⁸Miangöreñ anda maripomnöy qeget aka yambuk azi yahöt likeplikep mohotñe etkuba Jisös sutñire algetka kinget.

¹⁹Mewö qegetka Pailötnöy kulem ohoba jiiga maripomnöy Jisösgö nöröñe göröken eu ala qeget. Kulem mi kewö ohoi kinök, “Jisös Nazaret toñi, Juda yeñgö kiñ kembunina ki.” ²⁰Jisös maripomnöy qegeri, gölme mi siti kösutñe ahöyök aka kulem mi keu karöbut, Hibru, Latin aka Grik keu miangön ohoget kinök. Miangöra Juda ambazip gwötpukñan ongita anda kaba eu uba kulem mi oyonget. ²¹Mewö ohoiga Juda yeñgö jike nup galöm yeñön Pailöt kewö jiget mörök, “ ‘Juda yeñgö kiñ kembunina ki,’ mewö kude ohomanmö, kewö ohoman, ‘Nanñangöra Juda kiñ kembunina akzal, jiyök.’ ”

²²Mi möta Pailötnöy keu kewö meleşnö, “Keu lök ohozalängöra mi mönö mewö ahöma.”

²³Yarö azi yeñön Jisös maripomnöy qebagun opo silepöke öroyuaiñi memba azi 4 sutñine mendeñda 4 aiga totoñine meget. Mewö megetka malukunji ahöi megetmö, mi kewögöra ölop qahö mendeñget: Mi körekñanök opo johannji mohotñan memeña. Opo kitipñi kitipñi qahö mindiriba euyök liliklilik uhum megetka emu gegenji ahöyök. Miangöra mi bölipapüköra mendeñbingö osiget. ²⁴“Osiba eraum möta kewö jiget, “Mi mitiinga qahö dop kölma. Miangöra ölop miangö unji qeinga toñi ahuma.” Mewö jiba unji qegetka Buña keu kun öljambuk ahök. Keu mi kewö ohoget ahöza,

“Yeñön opo silepökene memba sutñine mendeñda totoñine memba malukunangö unji mönahot algetka kunöy luhut alma.”

Yarö azi yeñön keu miangö dop aket.

²⁵Jisös maripomnöy qeget kiniga ambi kewöñan könañe kinget: Jisösgö nam nasöñi aka Klopas anömñi qetñi Maria aka Magdalagö ambi qetñi Maria. ²⁶Jisösnöy namñi aka wölböt gwarekñi kösutñe kinohotka etkeka

^a 19.24 Sum 22.18

namñangöra kewö jiyök, “Namni, mönö nahöngi ki eka tönjongöba malman.”

²⁷Mewö jiba gwarek mi kewö jii mörök, “Mönö namgi ki eka tönjongöba malman.” Mewö jii möta Jisösgö namñi nalö mianggörenjök wangiriga miriñe anda mohotñe malohot. Mewö.

Jisösnöñ maripomnöñ kinda kömuyök.

Mat 27.45-56; Mak 15.33-41; Luk 23.44-49

²⁸^bJisösnöñ nupñi pakpak mem teköyöhi, mi möta mianggörenj Buña Kimbigö keu kunöñ öñjambuk akñapaköra kewö jiyök, “Ni ögöra ak ningiza.”

²⁹Mianggörenj qem nene kun wain o asöñjambuk miangön kokolak qeba tarök. Mi tariga köwet mömöndö kun kahali tandök mi memba wain onöñ kundungöba songorep suñe qesamböta meget öñgöiga numbuñe alget. ³⁰Algetka wain o asöñjambuk mi memba jiyök, “Mönö teköza.” Mewö jiba malmalñi mosötmangöra nöropñi wambelahöi eri imutñi koriga nöñ qeyök. Mewö.

Jisösgö marömñi liñgipnöñ utohoget.

³¹Jisösnöñ nöñ qeiga Juda ambazipnöñ silim mianggörenj ak-kömukömu kendon tatpingöra jöjöröget. Ak-kömukömu Sabat kendon mi kendon nalö ketañi ahök. Mianggöra Juda jitñememe yeñön waimañjat möta kewö jiget, “Qamöt mieñön Sabat kendon nalöñe maripomnöñ kingetka qahö dop kölja.” Mewö jiba premiö Pailötköreñ anda kewö qesim wangiget, “Gi ölop jinönga anda maripomnöñ engugeri, yeñgö töwat sihitñini kusugetka qamötñini meköin etme?” ³²Qesim wangigetka jim teköiga yarö azinöñ kañgotket. Kañgota Jisösbuk maripomnöñ etkugeri, mi zilañ kömumahotköra mutuk yetköreñök kungö töwat sihitñi kusuba likep anda kungörenj mewöñanök aket.

³³Mewö aketmö, Jisösgöreñ kañgota eketka lök kömuyök. Mewö eka sihitñi qahö kusuget. ³⁴Qahö kusugetmö, yarö azi yeñgöreñök kunñan liñgip memba marömñi umburatiiga mianggöreñök sep aka o erök.

³⁵Mewö aketka kunöñ yuai mi jeñan ehöhi, yañön mi nañgöba jiba ki ohoi ahöi döлки oyoñje. Keu nañgöba jiba ohoi ahözawi, mi mönö keu öñja akza. Injini mewöyök mi möt narimegöra möta keu öñja jizawangö dop mötza. ³⁶Yuai mi asuhuyöhi, mi Buña Kimbigö keu kunöñ öñjambuk akñapaköra asuhuyök. Keu mi kewö,

“Yañgö sihitñi mönö kude kusume.”

³⁷^dAka Buña Kimbigö keu kun kewö ahöza,

^b 19.28 Sum 69.21; 22.15 ^c 19.36 Eks 12.46; Jañ 9.12; Sum 34.20 ^d 19.37 Zek 12.10; Ind 1.7

“Azi utohogeri, yeñon mönö yangörej göröken jeñini uba ekje.”
Injini keu yahöt miangöra aka mi möt narime. Mewö.

Jisösgö qamötñi köt köteñnöh löm kölget.
Mat 27.57-61; Mak 15.42-47; Luk 23.50-56

³⁸Miangö andöñe Arimatia taon tonji qetñi Josef kayök. Yañon Jisösgö gwarekñi aka malökmö, Juda jitñememe yeñgöra keñgötñi möta mötnaripñi köyatiba malök. Yañon kaba premiö Pailötkörej anda Jisösgö qamötñi mekömamgö qesim wañgiyök. Qesim wañgiiga möta jim teköiga kaba meköyök.

³⁹“Azi qetñi Nikodemus mutuk Jisösgörej sunjem kayöhi, yañon mewöyök kayök. Kaba qamöt mirimamgöra kelök köhöwakñambuk qetñi mör mi repa oñambuk meleñgeri, mi esu mohot lömbötñi 30 kilogö dop bohonñi memba kaba Josef bauköm wañgiyök. ⁴⁰Bauköm wañgiiba mohotñe Jisösgö qamötñi meköyohot. Meköba jiniñ wöronñi ölöpnji memba qamöt sileñe ala opo tuatñi miangön köpeiyohot. Juda ambazip neñon qamötnini mewö aka mözözömgöba löm köl engizinma.

⁴¹Jisös maripomnöh qegeri, gölme miangö likepñe arö kun ahöyök. Arö miangörej qaksirigö köt köteñ löm dölokñi kun urorohoget kinök. Miangörej qamöt kun qahö algetka gwamönñi ahöyök. ⁴²Gwamönñi aka kösutñe ahöiga Juda ambazipnöh ak-kömukömu kendon tatpingöra jöjörögetka nalöñini töriyök. Miangöra Jisösgö qamötñi memba miangörej ala löm kölohot. Mewö.

Jisösgö löm qaksiriñan gwamönñi ahök.
Mat 28.1-8; Mak 16.1-8; Luk 24.1-12

20 ¹Sabat kendon tatket teköiga Magdalagö Maria yañon Sonda söñanök wañgarañ suruiga qaksirinöh anök. Anda je ui ani köt ketañi ehiga miangön lök köteñ urorohoñi miangö numbuñeyök qetalget kaba ahöyök. ²Mewö eka miangörejök mosöta ösumok anda Saimon Pitö aka Jisösgö wölböt gwarekñi yetkörej kaba kewö jii mörohot, “Mönö Kembugö qamötñi qaksirinöhök memba anda denike alget ahözawi, mi qahö mötzin.”

³Mewö jii möta mosöta qaksirinöh anohot. ⁴Mohotñe ösumok anohotmö, gwarek alañan ösumñan anda Pitö oñgita mutuk qaksirinöh añgorök. ⁵Añgota köt köteñ urorohoñi miangö uruñe qahö öñgöba numbuñe öne kökörüba ui aniga oponji köpeköpeñanök ahöiga ehök. ⁶Mi ehiga Saimon Pitönöh mewöyök andöñe kañgota köt köteñ uruñe öñgöba oponji köpeköpeñanök ahöi ehök. ⁷Mi ehök aka nööröpnji opo jahönñi kunöh köpeiba esuhugeri, mi tosatñan kusuba silegö oponji miambuk qahö mindiriba kungen algetka nanjök tariga ehök.

^e 19.39 Jon 3.1-2

⁸Mewö ehiga gwarek alaŋan mutuk qaksirinöŋ kaŋgoröhi, yaŋön mewöyök köt köteŋ uruŋe öŋgöba yuai mi eka möt nariyök. ⁹Jisös guliba kömupnöhök wahötmawi, yetköŋ Buŋa Kimbigö keu mewöŋi mi qeljiŋe qahö möt asariba tönpin mala korohot. Mewö.

Jisösnöŋ Magdalagö ambi Mariagöreŋ asuhuyök.

Mat 28.9-10; Mak 16.9-11

¹⁰Mala kota miangöreŋök möt nariba lilingöba miriŋire anohot. ¹¹Yetköŋ anohotmö, Marianöŋ nanŋök qaksirigö köt köteŋ numbuŋe kinda sahörök. Mewö sahöta köteŋ urorohoŋi miangö uruŋe kököriba ui anök. ¹²Ui aniga Suet garata yahöt malukuŋiri tuat lalamŋi etkehök. Jisösgö qamötŋan ahöyöhi, yetköŋ mönö miangöreŋ tarohot. Kunöŋ nööröŋi ahöyöhaŋgöreŋ tariga kunöŋ könaŋe tarök.

¹³Mewö tata kewö jiyohot mörök, “Ambi, gi mönö wuanöŋgöra sahötzan?” Mi möta jiyök, “Kembunaŋgö qamötŋi memba anda denike alget ahözawi, mi qahö mötzal.”

¹⁴Mewö jiba lilingöba Jisösnöŋ kösutŋe kiniga ehökmö, kaisöŋgolomŋi mi qahö ek kutuba tönpin kinök. ¹⁵Tönpin kiniga Jisösnöŋ kewö qesim waŋgiyök, “Ambi, gi mönö wuanöŋgöra sahötzan? Dagöra jaruzan?” Mewö qesim waŋgiiga arö galömŋan kinja me denöwö, mewö mötmöriba kewö jiyök, “O ketaŋamni, gi qamötŋi memba aŋguba kungen anda alnöŋ ewö, mönö denike ahöza, mi jinöŋga möta anda memam.”

¹⁶Mewö jiiga Jisösnöŋ qetŋi qeta “Maria!” jiyök. Mi qeta jiiga yaŋgöreŋ lilingöba Hibru keunöŋ qeta “Raboni!” jiyök. Mi nanine keunöŋ “Ketaŋamni.”

¹⁷Mewö jiiga kewö jii mörök, “Ni Iwinangöreŋ qahö öŋgöba ki kinjal. Miangöra ni kude nömisirimanmö, nöŋgö munurupni yaŋgöreŋ anda buzup kewö jinöŋ mötme: Nöŋön mönö Iwi Anutuni aka eŋgö Iwi Anutuŋini yaŋgöreŋ lilingöba öŋgömam.”

¹⁸Mewö jii möta Magdalagö ambi Maria yaŋön lilingöba anda gwarekurupŋi kewö jii mötket, “Nöŋön Kembu ekiga keu mewö mewö jii mötzal.” Mewö.

Jisösnöŋ gwarekurupŋi asuhum eŋgiyök.

Mat 28.16-20; Mak 16.14-18; Luk 24.36-49

¹⁹Sonda miangöreŋök miri söŋauiga gwarek yaŋön ömbibiŋe tokoba Juda yaŋgöra keŋgötŋini möta miri naŋguŋi köla ki namŋi misiget geiga tatket. Mewö tatketka Jisösnöŋ asuhuba sutŋine kinda kewö jiyök, “Alaurupni, luainöŋ embuk ahöma!” ²⁰Mewö jiba böroyahötŋi aka marömŋi kondeliga Kembu eketka sösongainöŋ uruŋini kokolak qeyök. ²¹Kokolak qeiga toroqeba kewö jiyök, “Alaurupni, luainöŋ embuk ahöma! Iwinöŋ ni melaim niŋgiiga nöŋön iŋini mewöŋanök melaim eŋgizal.”

²²Mewö jiba nöröpɽine memba ösum enggiba uwulamgöba jiyök, “Mönö Uŋa Töröŋi meget. ²³ʃɽini ambazip siŋgisöndokɽini mosöta saŋgoŋje ewö, mi mönö Anutugö jeŋe solanim teköza. Ambazip siŋgisöndokɽini qahö mosöta saŋgoŋje ewö, mi mönö Anutugö jeŋe qahö solaniza.” Mewö.

Jisösnöŋ Tomas asuhum waŋgiyök.

²⁴Jisösnöŋ gwarekurupɽi mewö asuhum engiyökmö, gwarek 12 yeŋgöreŋök kun qetɽi Tomas, qetɽi alaŋi Siwisiwi qetkeri, yaŋön nalö miaŋgöreŋ sutɽine qahö malök. ²⁵Tomasnöŋ kaiga gwarek tosatɽan “Mönö Kembu ekzin,” jiget möta kewö jiyök, “Jenan biriŋ löpötɽi böröŋe eka kesötnan marömŋe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta öŋa mi qahö möt narimam.”

²⁶Mewö jiiga sonda mohot teköiga gwarek yeŋön Sonda miaŋgöreŋ kunbuk mire qezaköba naŋgu köla ki memba Tomasbuk mohotɽe tatket. Mohotɽe tatketka Jisösnöŋ kunbuk asuhuba sutɽine kinda kewö jiyök, “Alaurupni, luainöŋ embuk ahöma!” ²⁷Mewö jiba Tomasgöra jiyök, “Gi mönö börögi böranɽa böröyahötni eka kesötkan marömne misiriman. Mewö aka yaŋgiseŋ mosöta uruyahötki yaköriba ni möt narim niŋgiman.”

²⁸Mewö jiiga kewö meleŋnök, “O, gi nöŋgö Kembu Anutuna!”

²⁹Mewö meleŋniga kewö jii mörök, “Gi nekzanangöra ni ölop möt narim niŋgizanzmö, ambazip qahö neka töndup ni möt narim niŋgimakzei, yeŋön mönö simbawoŋ akze.” Mewö.

Jonöŋ Ölöwak Buŋa ki kewögöra ohoyök:

³⁰Jisösnöŋ nup ösum-mumu qakɽe memba maliga aŋgöletot sehisehiŋi tosatɽi mi gwarek yeŋgö jeŋini qakɽe asuhugetmö, mi buk kiaŋgöreŋ qahö ohoyal. ³¹Keu tosatɽi ohoyali, mi kewögöra ohoyal: Jisösnöŋ Anutugö Nahönɽi aka Amötqeqe Toŋi Kraist akzawi, iŋini keu mi möt nariba mewö miaŋön Jisösgö qetbuŋaŋangöra aka malmal köhöikɽi buŋa qem aŋgume. Mewö aka malmegöra nöŋön Ölöwak Buŋa papia ki ohobiga engöreŋ kaza. Mewö.

Jisösnöŋ gwarek 7 yeŋgöreŋ asuhuiga söra jök öröget.

21 ¹Könangep Jisösnöŋ kunbuk gwarek tosatɽi yeŋgöreŋ asuhuyök. Taiberias o aŋgö jitɽe miaŋgöreŋ kewö asuhum engiyök: ²Gwarek azi kewöŋan mohotɽe malget: Saimon Pitö, Tomas qetɽi kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötɽi yahöt aka gwarek tosatɽi yeŋgöreŋök yahöt.

† 20.23 Mat 16.19; 18.18

³ Mohotnje malgetka Saimon Pitönöj jii mötket, “Ni mönö söra örömamgöra anmam.” Mewö jiiga tosatjan jiget, “Nini ölop göbuk mohoknje anbin.” Mewö jiba mosöta waŋgenöj öngöba anda suŋgem miaŋgöreŋ söra kun qahö öröget. ⁴ Söra qahö öröba öne malgetka miri lök gianjiiga Jisösnöj saknöj kinök. Kinökmö, yaŋgö kaisoŋgolomŋi mi qahö ek kutuget. ⁵ Jisösnöj kinda engohola jiyök, “Alaurupni, söra kun öröze me qahö?” Jiiga melenja “Qahö!” jiget.

⁶ “Qahö!” jigetka kewö jim kutum engiyök, “Inini mönö mösakŋini waŋge ölje göröken gilgetka eri ölop söra miwikŋaime.” Mi möta mösakŋini gilgetka söra sehisehiŋi geba ölökögeraŋgöra öröget kotmapkö osiiga öröm suksuköget.

⁷ Mewö aiga Jisösgö wölböt gwarekŋi miaŋön Saimon Pitö kewö jii mörök, “Mi mönö Kembuya!” Mewö jiiga Kembangö qetŋi möta opo bindoŋanök jöhöba malöhaŋgöra silepökeŋi köpeiba miaŋgöreŋök o aŋgönöj luhuba geyök. ⁸ Yeŋön sak qöhöröŋe 100 mita miaŋgö dop kösutnje anda malget. Miaŋgöra Pitönöj geba ani gwarek tosatŋi yeŋön waŋge lökuatnöj qem naŋgöba anda mösak söraŋambuk örögetka waŋge andöŋe kayök.

⁹ Mewö kaba sak köriknje öngöba miaŋgöreŋ yuai kewö eket: Könöp jeiga gapnöj söra jejeŋi aka beret soŋsoŋ ahöyök. ¹⁰ Mi eketka Jisösnöj kewö jii mötket, “Inini döлки söra örözei, mönö miaŋgöreŋök tosatŋi memba ki kaget.”

¹¹ Mi jiiga Saimon Pitönöj möta waŋgenöj öngöba mösak öröiga köriknje öngöyök. Öngöiga öljŋi 153 eket. Mösak mi söra ketaŋi sehisehiŋi mieŋön kokolak qegetmö, mösaknöj töndup qahö tiŋgirök. ¹² Öljŋi mi eketka Jisösnöj kewö jii mötket, “Mönö kaba söŋangö neneŋi neget!” Mewö jii möta kaba “Mi Kembunina,” mewö möt kutugetmö, gwarek yeŋgöreŋök kunŋan “Gi daŋön?” mewö qesimangö urulömböt aka qahö qesiyök. ¹³ Qahö qesiyökmö, Jisösnöj anda beret memba engiba söra mewöyök mendenja engiyök.

¹⁴ Jisösnöj kömupnöhök wahöta gwarekurupŋi asuhum engiyöhaŋgö indimŋi karöbut mi ahök. Mewö.

Jisösnöj Pitö kunbuk kuŋguba mem köhöiyök.

¹⁵ Söŋangö neneŋi neget teköiga Jisösnöj Saimon Pitögöra kewö jii mörök, “Saimon Jongö nahönŋi! Alaurupki kieŋön ni uruŋinan jöpaköm niŋgimakzei, gi mönö i engoŋgita gwötpuk jöpaköm niŋgimakzan me qahö?” Mi möta kewö melenök, “O Kambu, ni göhöra ak niŋgimakza. Gi wölböt alani akzan. Mi nangak ölop mötzan.” Mewö melenniga Jisösnöj jii mörök, “Gi mönö nöŋgö lamaurupni moröŋi gumohom engiba malman.”

§ 21.3 Luk 5.5 h 21.6 Luk 5.6

¹⁶Mewö jii möri indimnji yahöt qesim waŋgiyök, “Saimon Jongö nahönji! Gi ölŋa jöpaköm niŋgimakzan me qahö?” Mi möta kewö meleŋnök, “O Kembu, ni göhöra ak niŋgimakza. Gi wölböt alani akzan. Mi nangak ölop mötzan.” Mewö meleŋniga Jisösnöŋ jii mörök, “Gi mönö nöŋgö lamaurupni galöm köl eŋgiba malman.”

¹⁷Mewö jii möri indimnji karöbutnji qesim waŋgiyök, “Saimon Jongö nahönji! Gi mönö ölŋa wölbötkan (jojopaŋgan) nöŋgö ak gihimakza me qahö?” Mewö qesim waŋgiiga urujöjöpakö qeqesinji mohot miyök qesiiga indimnji karöbut ahöhaŋgöra Pitönöŋ wösöbirik möta meleŋda kewö jiyök, “O Kembu, gi yuai pakpak ölop möt teközan. Gi wölböt alani akzan. Göŋön mönö nangak mi ölopŋanök mötzan.” Mewö jiiga Jisösnöŋ jii mörök, “Gi mönö nöŋgö lamaurupni gumohom eŋgiba malman.

¹⁸“Nöŋön keu öl töhöŋnji kun kewö jibi mötnöŋ: Gi sepgulia mala nangak sileötaŋgi jöhöba köna igen me waigen ‘anmam,’ jiba ak gihiyöhäŋgö dop ölop anda kaba malnöŋ. Mewö mala malnöŋmö, azi namnji akŋani, nalö miaŋgöreŋ börögi böraŋnönŋga kunŋan kaba opo silepökegi jöhöm gihiba köna kungen qahö anmangö mötmani, mönö miaŋgöreŋ goaŋgiriga anman.”

¹⁹Jisösnöŋ kezapqetok keu mewö jiba Pitö kömumawaŋgö keu saiŋi indelök. Yaŋön kömup tandökŋi qainnji kun kömuiga Anutugö qetbuŋaŋi qarimapköra mötmörriba mi jiyök. Keu mi jiba yaŋgöra jii mörök, “Gi mönö kaba ni nuataŋgöba malman!” Mewö.

Jisösnöŋ Pitöbuk gwarek kungö keuŋi eraum mörohot.

²⁰Pitönöŋ Jisösbuk anda liliŋgöba Jisösgö wölböt gwarekŋan andönjire kaiga ehök. Gwarek miaŋön ak-kömükömu lama negeri, miaŋgöreŋ nööröŋŋan Jisösgö töptöpŋe nariba jiyök, ‘Kembu, göhöreŋ mamalolo azi mi daŋön?’ ²¹Gwarek miaŋön könaŋjire kaiga Pitönöŋ i eka Jisös kewö qesim waŋgiyök, “Kembu, gwarek kiaŋgöra mönö denöwö asuhuma?”

²²Qesim waŋgiiga kewö jii mörök, “Nöŋön yaŋgö malmal areŋi mewö me mewö albileŋak, mi mönö göhöreŋ waimanjara qahö. Nöŋön jibiga yaŋön qahö kömumba nöŋön gölmenöŋ liliŋgöba kamamaŋgö nalöŋe toroqeba jebuk mal öŋgöbawak, keu mi yaŋgö keuya akawak. Gi mönö yaŋgö keuŋi mosöta nangi malmalgi möhamgöba galöm köl aŋguba nöŋgö andöne kaba ni nuataŋgöba malman.”

²³Keu mewö jiiga tosatŋan laŋ möta jim sehigetka urumeleŋ alaurup yengö sutŋine keu mi kewö jim sohoget, “Gwarek miaŋön qahö kömuma.” Mewö jim sohogetmö, Jisösnöŋ jebuk teteköŋi qahö mal öŋgömapköra qahö jiyökmö, keu kewö jiyök, “Nöŋön yaŋgö malmal areŋi mewö me mewö albileŋak, mi mönö göhöreŋ waimanjara qahö. Nöŋön jibiga yaŋön qahö kömumba nöŋön gölmenöŋ liliŋgöba kamamaŋgö nalöŋe toroqeba jebuk mal öŋgöbawak, keu mi yaŋgö keuya akawak. Gi mönö yaŋgö

keuŋi mosöta nangi malmalgi möhamgöba galöm köl aŋguba malman.”
Mewö.

Nanak mi pakpak jenan eka naŋgöba ohom eŋgizal.

²⁴Gwarek miaŋön yuai mi jeŋan eka mala miaŋgö dop mi naŋgöba jim asariba Ölöwak Buŋa ki ohoyök. Körek pakpak eŋön gwarek miaŋgö könaŋi mötzeaŋgöra aka ölop tönguba kewö jiba malme, “Yaŋön keu naŋgöba jiyöhi, miaŋön mönö keu öl töhöŋŋi akza.”

²⁵Jisösŋöŋ nup aka aŋgöletot tosatŋi sehisehiŋi mi mewöyök aka memba malök. Mieŋgö kösohotŋini mohot mohot mi lökŋanök törörök ohobinak ewö, mönö buk papia böranŋi böranŋi sehisehiŋi asuhugetka kantri dop papia köwe miri (laibreri) pakpak miaŋgöreŋ alinga kokolak qeba ölököiga tiŋi töndup qahö dop kölbawak. Mewö mötmörizal.

Aposol Nup Meme

Aposol yeñön Uña Töröñangö ösumnöñ nup meget.

Jim-asa-asari

Dokta Luknöñ buk qetji “Kraistkö Ölöwak Buña” ohoba kösohotñi toroqeba buk qetji “Aposol nup meme” ohoyök. Jisösnöñ gwarekurupñi mutukñi kusum engii Uña Töröñan sölölohöm engiiga Kraistkö keu buzupñi jim sehigeri, Luknöñ miangö kösohotñi aukñe almamgöra möta kewö (1.8) ohoyök, ‘Yeñön mi Jerusalem sitinöñ könahiba Judia prowins dop köla Samaria prowinsnöñ anda toroqeba gölme görañe eu emu likeplikep angetka dop köl teköba anök.’ Mutuk Juda könagesö uruñe nup megetka uruñini melenja guligetka Kraistkö qeburuñ könahiba yöhöba sehiba anda anda kantriñi kantriñi dop köliga urumelenj könagesö yeñgö bohonñini ahök. Kösohotñi oyonjei, Luknöñ yeñgö uruñini böñjön almamgö kapañ köla keu kötñi yahöt kewö ohom asariyök,

1) ‘Kraistkö alaurupñan Rom mindimindiri gawman mi tuarenjonj qahö ak engiba malje. Yeñön mi memba et almegöra tuaköpek qahö akze. Tosatñan mewö mötpeak, mi böññi öne wahötpapuk.’

2) ‘Juda yeñön jike nup meget korembenji aiga ölnji asuhumapköra mamböta malgeri, Jisösnöñ mönö ölnji mi memba kaba engiyök.’ Keu kötñi mi.

Jisösgö Buña keuñi kunguba jim sehiba zioz könahiba mem köhöigetka toroqeba aniga urumelenj yeñgö kambuñinan qariyök. Miangö dop “Aposol nup meme,” kösohot mi juliga keu bahöñi bohonñi karöbut kewö akze: 1) Jisösnöñ Sup mire öngöiga gwarek yeñön Jerusalem malgetka Kraistkö Buña keuñan könahiba qeburuñ yöhöyök. 2) Yöhöba qariba Palestain gölmegö prowins tosatñe anök. 3) Kunbuk qariba kantriñi kantriñi Sutñire Köwet liliköba tat anjei, mi dop köla teteköñe siti bohonñi Rom anök.

“Aposol nup meme” miangö keu bohonñi mi Uña Töröñangö könañi aka nup memenji. Aposol aka mötnarip ambazip yeñön yambu dölokñangö (Pentekost) nalöñe Jerusalem köulukögetka Uña Töröñan ösumñambuk uruñine geyök. Uruñine geba sölölohöba mem köhöim engiiga denja kantri liliköba nup megetka ölnji könañi könañi asuhuyök. Zioz ambazip aka yeñgö jitmeme yeñön Kraistkö Buña keu mi könakönahiñe denöwö jiba malgeri, Luknöñ miangö keuñi ohoiga mi ölop buk kiangöreñ oyonja mötpin. Ambazip uruñini melenja mindiriba

nanğöm anğuba malgeri, yeñön Buña keugö kukösumñi möt kutugetka miri dop aukñe asuhuyök. Denöwö asuhuyöhi, Luknön miangö kösohotñi ohoba Uña Töröñangö kukösumñi kondel neñgiza.

Buk kiangö bahöñi bohonñi 4 mi kewö:

1. Buña keu nanğöba jibingöra jöjöröget 1.1-26
 - a) Jisösnön jimkutukutu ala Uña engimamgö jiyök 1.1-14
 - b) Judas Iskariotkö salupñe Matias meköget 1.15-26
2. Jerusalem sitinön Buña keu nanğöba jiget 2.1-8.3
3. Judia aka Samaria Buña keu nanğöba jiget 8.4-12.25
4. Polnön misin nup memba malök 13.1-28.31
 - a) Misin nup liliköba megetka 1 ahök 13.1-14.28
 - b) Jerusalem totoko ala keu jöhöget 15.1-35
 - c) Misin nup liliköba megetka 2 ahök 15.36-18.22
 - d) Misin nup liliköba megetka 3 ahök 18.23-21.16
 - e) Pol Jerusalem, Sisaria aka Rom kösö mire tarök 21.17-28.31

Jisösnön zioz könahiyök.

1 ¹“O Tiofilus! Luk nönön kösohotni mutukñi ohoyali, miangöreñ Jisösnön nup könahiba memba liliköba ambazip kusum engiba malöhi, miangö kösohotñi pakpak arengöba albi eknön. ²Jisösnön nup memba melaimelai azi aposolurupñi möwölöhöba kusum engiba mala Uña Töröñangö ösum qakñe nup memegöra jim kutum engiyök. Mi engiiga Anutunön wañgiri Suepnön öngöyök. Nönön kösohotni ohoyali, mi miangöreñ ohom teköyal. Merak miangöreñök kösohot mi toroqeba ohomam.

³Jisösnön sihimbölö möta kömumba kömupnöhök wahöta wehön 40 gölmenön toroqeba malök. Nalö miangö uruñe aposolurupñi sömañi gwötpuk asuhum engiba Anutu bemtohoñangö könañi toroqeba jim asarim engiba malök. Mewö mala aiwesök tandök könañi könañi memba kondel engiyök. Yeñön mi eka Jisösnön guliba maljawi, mi ölop möt yaköget. Aiwesök ekeri, yeñön mi nanğöba jiba dangunu ewö kinje aka kunñan mi qeapkömamgö osima.

⁴^bNalö kunön yembuk mohotñe mala kewö jim kutum engiba jiyök, “Injini Jerusalem siti ki mönö zilañ kude mosötme. Iwinan ‘Kalem uruñine al engimam,’ jiba keuñi jöhöi jibi mötkeri, mi mönö öljambuk akña aiga eñön mönö miangöra mamböta malme. ⁵“Mutuk Jonön ambazip o töhönön melun mem engiba malökmö, Anutunön nalö kude köriiga Uña Töröñi uruñine ala miañön melun mem engima.” Mewö.

^a 1.1 Luk 1.1-4 ^b 1.4 Luk 24.49 ^c 1.5 Mat 3.11; Mak 1.8; Luk 3.16; Jon 1.33

Jisösnöŋ Suep mire öŋgöyök.

⁶Aposol yeŋön nalö kunöŋ tokogetka Jisösnöŋ sutŋine asuhuiga kewö qesim waŋgiget, “Kembu, göŋön mönö nalö kewöŋe me wani nalönöŋ Israel kantrigö tohoŋi mi kunbuk kuŋguba mem köhöiman?”

⁷Qesim waŋgigetka kewö jii mötket, “Iwinöŋ nanŋi kukösum qakŋe yambu gwani aka aua nalö areŋgöba ali ahözawi, mi mönö eŋön mötmeaŋgö dop qahö. ⁸“Mi qahöpmö, Uŋa Töröŋan eta uruŋine gemawaŋön mönö kukösum eŋgiiga letota nöŋgö könani naŋgöba jiba malme. Mi Jerusalem sitinöŋ könahiba Judia prowins dop köla Samaria prowinsnöŋ anda liliköba toroqeba gölme göraŋe eu emu likeplikep angetka dop köl teköba anma.” ⁹“Jisösnöŋ keu mi jim teköiga Anutunöŋ yeŋini qakŋe waŋgita wahöriga kousunöŋ eta esuhuiga euyaŋgöreŋ öŋgöiga ekingö uget öŋgöba at atop (jiatatoŋ) köliga jaruba kinget.

¹⁰Mewö öŋgöiga suepnöŋ eu ehiba kingetka miaŋgöreŋök azi yahöt malukuŋiri tuat lalamŋi yetköŋ kösutŋine asuhaba kinohot. ¹¹Kinda kewö jiyohot, “Galili azi iŋini mönö denöwögöra suepnöŋ eu ubayök kinje? Anutunöŋ Jisös ki eŋgö sutŋineyök waŋgita Suep mire eu öŋgöi ekzei, yaŋön mönö tandök mewöŋanök kunbuk liliŋgöba etma.” Mewö.

Judas Iskariotkö salupŋe Matias meget.

¹²Mewö jiyohotka aposol yeŋön Jerusalem siti kösutŋe kundunŋi qetŋi Oil ip kundunŋi miaŋgöreŋök liliŋgöba eta 1 kilomitagö dop kaba sitinöŋ kaŋgotket^f. ¹³“Jerusalem kaŋgota miri uruŋi kun qakŋe tat malgeri, miaŋgöreŋ anda öŋgöget. Öŋgögeri, yeŋgö qetŋini kewö: Pitö, Jon, Jeims aka Andru; Filip, Tomas, Bartolomyu aka Matyu; Jeims Alfiusgö nahönŋi, Saimon Zelot politik asia aka Judas Jeimsgö nahönŋi^h. ¹⁴Azi pakpak mieŋön urumohot aka ambi yembuk kapaŋ köla köuluköba malget. Yeŋgö sutŋine Jisös munurupŋi aka namŋi Maria yeŋön mewöyök malget.

¹⁵Köuluköba mala wehön kunöŋ mötnarip ambazip jaŋgöŋini 120 miaŋgö dop tokogetka Pitönöŋ sutŋine wahöta keu kewö jiyök, ¹⁶“Azi alaurupni! Jisös memba jöhögeri, Judasnöŋ yeŋgöra köna kondelök. Uŋa Töröŋan Judasgö keu mi mutuhök kiŋ Deiwidkö uruŋe saŋep ali numbu jitŋan jiiga Sumbara buk (Buŋa Liŋet buk Sam) miaŋgöreŋ ohoget ahözawi, miaŋön mönö öŋŋambuk ahuyök. ¹⁷Jisösnöŋ Judas möwölöhöi nanine kambunöŋ kun mali nupŋi memapkö kuŋgui melaimelai azi bohönŋi aposol ahök.

^d 1.8 Mat 28.19; Mak 16.15; Luk 24.47-48 ^e 1.9 Mak 16.19; Luk 24.50-51 ^f 1.12 Juda yeŋön 1100 mita mi Sabat kendonöŋ qahö oŋgita anjema. Miaŋgöra Köna keu qahö oŋgita kaget. ^g 1.13 Mat 10.2-4; Mak 3.16-19; Luk 6.14-16 ^h 1.13 Zelot pati yeŋön nanŋini kinkin membingöra Rom mindimindiri gawmanbuk tuaköpek aka urukönöp aka malget.

¹⁸ ⁱ“Judasnön ahakmeme bölönj aiga söngörönj waŋgiget memba miangön gölme körönj kun bohönj meyök. Mi memba miangörej imbi auba nööröpnan melenja gölmenönj kuŋguiga gölönj juliga irip kömongoknj datnj munj mi körek usuba erök. ¹⁹Mewö ahiga Jerusalem ambazip pakpak miangö buzupnj möt teköba gölme miangö qetnj nanjine keunönj Akeldama qetket. Mi nanine keunönj Sep Gölme körönj.”

²⁰ ^jPitönönj toroqeba kewö jiyök, “Sumbara (Sam) buk miangörej keu kun kewö ohoget ahöza,

‘Miriñj mönö balonj gwamön kinma. Mi kunjan tonj qahö aka maliga miriyök kinma,’

aka keu kun kewö ahöza,

‘Kunönj ölop yaŋgö salupnje galöm nup memba kinma.’

²¹⁻²² ^k“Mewögöra aka nini azi kun möwölöhöba kuŋguinga nembuk jitje meme aka dangunu ewö kinda Jisösnönj kömupnöhök wahöröhi, miangö Buñanj naŋgöba jiba mali dop kölma. Jonönj Jisös o melun mem waŋgiiga Kembunönj nalö miangörejök qenjaröknönj anda nupnj könahiba memba neŋgö gölmenönj liliköba anda kaba mali Anutunönj sutnineyök waŋgita öngöyök. Azi nalö pakpak miangörej kambunine mohotje mala korini, mönö yeŋgörejök kun möwölöhöinga dop kölma.”

²³ Pitönönj mewö jiiga azigö jaruba azi yahöt qetnjiri qetket. Kun qetnj Josef, qetnj alanj Barsabas aka qetnj kun Jastus. Azi kungö qetnj Matias. ²⁴ Qetnjiri qeta kewö köuluköba jiget, “O Kambu, gi ambazip urunini körek pakpak möt kutuzan. Miangöra gi azi kietkörejök niñja möwölöhözani, mi mönö kondel neŋgiman. ²⁵ Judasnönj goŋgiba geŋmonj aka eta aposol nup mosöta bölönjamŋangö dop ayuhuba geyöhi, yaŋgö salupnje azi kunönj mönö aposol aka kinda melaimelai azigö nup memba malma.”

²⁶ Mewö jiba yetkö kiawen (kas, lot) algetka Matias asuhuyök. Asuhuiga aposol 11 yeŋgö sutjine dum kun waŋgigetka kambunine toroqeyök. Mewö.

Uña Töröñan eta gwarek uruñine geyök.

2 ¹ Jisösnönj kömuyöhi, nalö miangörejök sonda 7 teköiga wehön ⁵⁰ ^m miangörej yambu jeñj qeje nalönj kam kuŋguiga urumelenj ambazip pakpak yeñön tokoba kendon tatket. ² Tatketka miangörejöhök Suepnöhök yuai kun biliksik eri kouruk ketanj asuhui mötket. Dimbomnönj köhöikñanök qemakzawi, mönö miangö tandök ewö asuhuba eta miri tatkeri, mi körek kokolak qeyök. ³ Miri kokolak qeba yuai miangön denqenja sehiba könöp bölam tandök ewö nööröpnini qakje öngöi eket.

ⁱ 1.18-19 Mat 27.3-8 ^j 1.20 Sum 69.25; 109.8 ^k 1.22 Mat 3.16; Mak 1.9; 16.19; Luk 3.21; 24.51 ^l 2.1 Lew 23.15-21; Dut 16.9-11 ^m 2.1 50 mi Grik keunönj Pentekost.

⁴Mewö asuhuiga Uŋa Töröŋan körek yeŋgö uruŋini kokolak qeiga gölme tosatŋe keu ahözawi, mi könahiba jiget. Uŋa Töröŋan sölölöhöba keu saŋep alöhaŋgö dop aukŋe jiget.

⁵Juda ambazip tosatŋan Anutu göda qeba kantri könäŋi könäŋi suep bapŋe tat anjei, miaŋgöreŋ deŋda anda mala Jerusalem lilingöba kageri, tosatŋi mewöŋi mewöyök sitinöŋ malget. ⁶Mewö mala kouruk ketäŋi mi möta ambazip kambu gwötpukŋan kaŋgota tokoget. Tokoba kingetka mötnarip ambazipnöŋ keu murutŋi murutŋi jigeri, mi pakpak möta nanŋak nanŋak möt asariba miaŋgöra aurumpurik aka köŋkuŋ aket.

⁷Köŋkuŋ aka welipköba jiget, “Mötket! Azi ki keuŋi keuŋi jizei, yeŋön mönö körek Galili ambaziwa akze me? ⁸Nini kantri murutŋi murutŋi miaŋgöreŋ ahuba kota malinga yeŋön mönö denöwö aka malqarip kantrininangö dop keunini nanŋik nanŋik jigetka mötzin? ⁹Nini Partia ambazip, Midia ambazip aka Elam ambazip ki kinjin. Nini tosatŋan Mesopotemia malin. Tosatŋan Judia malje aka tosatŋan Kapadosia gölmenöŋ malget. Ambazip tosatŋan Pontusgöra, tosatŋan Eisia prowinsgöra akzin aka yeŋön nanini keunine keu jigetka mötzin.

¹⁰“Tosatŋan Frigia gölme mosöta ki kaba malje. Tosatŋan Pamfilia taon mosötket. Tosatŋan Ijpt kantrinöŋ malget. Tosatŋan Sairini gölme likepŋe Libia kantrinöŋ malget. Tosatŋi nini Rom sitiyoŋ kusukŋanök ki kaba maljin. ¹¹Nini tosatŋan Juda ambazip ahuba maljin aka tosatŋan kantri tosatŋe ahuba könäŋep Juda ambazip ahin. Mewö kinjin aka yeŋön keu jigetka nini keunini mohot mohot mi ölöp möt kutuzin. Neŋgöreŋök tosatŋan gölme jölanŋi qetŋi Krit mosöta köwet kutuba kaget. Tosatŋan Arebia keu jize. Nini mewöŋan maljinmö, yeŋön söŋgaiba Anutunöŋ aŋgöletot öŋgöŋgöŋi ahöhi, miengö könäŋi mi nanine keunöŋ nanŋik nanŋik jigetka mötzin.” ¹²Mewö jiba körek yeŋön auruba lalalulu siksauk aka nanŋini kewö jim qesim aŋguget, “Kiaŋgö könäŋi mönö denöwö?” Mewö qesim aŋguba keu jaruba tönpin kinget.

¹³Tönpin kingetmö, tosatŋan mepaqepaik aka kewö jiget, “Yeŋön wain o nahömŋambuk gwötpuk nempa eŋololoŋ akze.” Mewö.

Pitönöŋ Uŋa Töröŋangö könäŋi jim asariyoŋk.

¹⁴Mewö jigetka Pitönöŋ aposol 11 yembuk mohotŋe wahöta kinda köhöikŋanök qeta ambazip kambu yeŋgöra kewö jii mötket, “Alaurup, Juda ambazip aka ambazip körek Jerusalem maljei, nöŋön yuai asuhuzawangö könäŋi jibi kezap ala mi mötket. ¹⁵Injini tosatŋan neŋgöra kewö jize, ‘Yeŋön o köhöikŋi negetka uruŋinan eŋololoŋ akza.’ Mewö mötmörizemö, neŋön mewö qahö akzin. Ki söŋangö 9 kilokŋi akza. Söŋan mi o nene nalöya qahö. ¹⁶Qahöpmö, kezapqetok azi Joelöŋ Buŋa keu kewö jiyöhi, miaŋön mönö ölhambuk akza,

- 17 "Anutunöŋ jiza: Kembugö kaka nalöŋan törimawi, nöŋön nalö mianğöreŋ Uŋani Töröŋi mokobiga ambazip körek yeŋgö qakŋine öŋgöma. Öŋgöba sölölohöba kutum enğuasöriğa kewö asuhuma:
 Enğö nahönböratuŋinan kezapqetok keuŋi keuŋi jimakŋe.
 Enğö gwabö seramuruŋinan jeŋjini meleŋni imutŋi imutŋi ehakŋe.
 Enğö ambazip namŋi yeŋön gaunŋi gaunŋi ekŋe.
- 18 Uŋani Töröŋi mokomami, mi azi aka ambi weleni qeba malmei, yeŋgö qakŋine mewöyök öŋgöiğa kezapqetok keu jimakŋe.
- 19 Nöŋön aŋğöletot suepnöŋ albīga uget eu öŋgöiğa ekŋe aka gölmenöŋ aiwesök mi kewö ekŋe:
 Yuai seŋŋambuk, könöp öŋgöŋgöŋi aka köwak köndumŋambuk mi asuhume.
- 20 Wehön jeŋan pandaman meiga köiŋnöŋ pisihiba sep ewö akŋa. Mewö asuhiğa mianğö andöŋe Kembugöreŋ nalö ketaŋan kam kuŋguma.
 Wehön mi aködämun aka qetbuŋaŋambuk.
- 21 Denike yeŋgöreŋök kuŋŋan kun Kembugö qetŋi qeta köulukömawi, yaŋön mönö amöt qem waŋgiğa letotma.⁷
 Joelnöŋ mewö ohoi ahöza.

22 "O Israel ambazip, iŋini mönö kezap ala keu ki mötket: Anutunöŋ Jisösgö malmal nalöŋe sölölohöm waŋgii mali aŋğöletot, aiwesök aka aiaka ösum-mumuŋambuk mi enğö sutŋine gölmenöŋ aukŋe asuhuget. Iŋini mi ölop mötze. Anutunöŋ yuai mi asuhum waŋgiba mewö mianğön Nazaret azi mianğö könaŋi naŋgöba jiba kondel enğiba malök.

23 ^o"Anutunöŋ mönöwök Jisösgö keuŋi qeljiŋe jöhöba möt kutuba kewö jiyöha ahöza, 'Amötqeqe Toŋan mönö pinjit azi yeŋgö böröŋine etma.'

Keu mianğö dop Anutunöŋ Jisös qahö aŋgön köli enğö böröŋine erök. Mewö eriga iŋini kömumapkö qetketka kian kantri gawman yeŋön Mosesgöreŋ Köna keu qahö möta töndup jim kutugetka böröŋinan Jisös memba maripomnöŋ qeget kömuyök. Kömuyökmö, seŋŋan mönö enğö qakŋine öŋgöyöha ahöza. ²⁴^pJisösnöŋ kömuyökmö, kömupkö kösö gwaröŋe eri kömup Toŋan i jöhöba nalö köröpŋi galöm köl waŋgimamgö osiyök. Mi Anutugöreŋ qahö dop kölök. Mianğöra yaŋön i mem guliba kömupkö sihimbölöŋeyök meköiğa wahörök. ²⁵^qKiŋ Deiwidnöŋ Jisösgöra kewö jiyök ahöza,

'Nöŋön garaŋguruŋ aka talbilenbuköra Kembunöŋ böröni öŋŋe malja.

ⁿ 2.17-21 Joel 2.28-32 ^o 2.23 Mat 27.35; Mak 15.24; Luk 23.33; Jon 19.18 ^p 2.24 Mat 28.5-6; Mak 16.6; Luk 24.5 ^q 2.25-28 Sum 16.8-11

- Yaŋön nalö dop qöhöröŋne kini imut ewönöŋ eka maljal.
 26-27 Mewö mala kömumam-mö, kömupkö uŋem mire gebiga andö qahö nuŋguman.
 Göŋön nangi wölböt azi sarakŋi tök-kutukutuŋi ni mönö meköm niŋginöŋga kömupkö lömnöŋ ahöba qahö gisahömam.
 Miaŋgöra urunan sösöŋgai aiga numbu nesilamnan renduŋ liŋet köla maljal.
 Silenan mewöyök guliba wahötmawaŋgöra al mamböta jörömqöröm aka luhut memba ahöma.
 28 Göŋön malmal köhöikŋaŋgö könani kondel niŋginöŋga möt kutumam.
 Nöŋön göhö jemesoholge pöndaŋ malbiga göŋön uruni sösöŋgainöŋ kokolak qeman.⁷ Deiwidnöŋ Jisösgöra mewö jii ahöza.

²⁹“O alaurupni! Pitö nöŋön bem ambönini kiŋ Deiwidkö könani mi awösamakak qakŋe aukŋe kewö jim asarimam: Deiwidnöŋ kömuiga löm kölgetka qaksiriŋan merak sutnine ki ahöza. ³⁰Deiwidnöŋ kezapqetok azia aka malöhaŋön kewö mörök: Anutunöŋ gwölönarökurupŋi yeŋgöreŋök kun möwölöhöba kuŋgui nanŋi ewö azi kembugö dum tatatŋe tatma. Anutunöŋ keu mi jöhöba jöjopaŋ keunöŋ jim köhöiba malök. ³¹Kunŋan tatmawi, mi qeljiŋe eka mörök. Amötqeŋe Toŋi Kraist yaŋön kömupnöhök wahötmawi, Deiwidnöŋ mi möta kewö jiyök, ‘Kraistnöŋ mala kömumapmö, kömupkö uŋem mire geiga Anutunöŋ i andö kude qei ahöma.

Yaŋgö sileŋi mi kude mosöri qamötŋan kömupkö lömnöŋ qahö gisahöma.’

³²Anutunöŋ Jisös mem gulli wahöriga mewö miaŋön keu mi öŋŋambuk ahök. Nini körek mi je kötninan eka naŋgöba jiba dangunu ewö kinjin.

³³Jisösnöŋ wahöta mala Anutunöŋ waŋgiri öŋgöba böröŋi öŋŋe tatza. Miaŋgöreŋ tata Iwinöŋ Uŋa Töröŋi melaimapkö jim jöhöyöhi, yaŋön (promis) mi möta i mokoï eriga öŋŋi merak ki asuhui eka mötze.

³⁴Deiwidnöŋ Suepnöŋ kude öŋgöyök. Yaŋön nanŋak keu kewö jii ahöza, ‘Anutunöŋ Suep miri uruŋe nani Kembunaŋgöra kewö jim kutui mörök:

Göŋön mönö kaba böröŋi öŋŋe asakmararaŋ kiaŋgöreŋ eta tata malman.

³⁵ Mewö tata malnöŋga nöŋön nalö sutŋe kiaŋgöreŋ tuarenjoŋurupki tim tötala luhut al eŋgimam.

Luhut al eŋgibiga yeŋön tala geba sihimbölö möta sahöta köna döŋ ewö akŋe.

^r 2.30 Sum 132.11; 2 Sml 7.12-13 ^s 2.34-35 Sum 110.1

Mewö aketka göjñon ölop wahöta yeñgö qakñine tiba söñgaiba malman.’

³⁶“O Israel ambazip, iñini Jisös maripomnön qegetka kömuyökmö, Anutunön Jisös mi kuñguiga Kembu aka Amötqeqe Toñi Kraist ak neñgiba malja. Israel kambu pakpak iñini mönö miangö könani möt yaköme.”

³⁷Pitönön mewö jiiga ambazip kambunön möta uruñini qesiñni Pitö aka aposol tosatñi yeñgöra kewö jiget, “Azi alaurup, nini mönö dendenöwö ahin dop kölma?”

³⁸Jigetka Pitönön kewö jii mötket, “Iñini mönö uruñini melenget. Mohot mohot uruñini melengerangö dop neñon mönö Jisös Kraistkö qetñe o mem melun mem engibin. Mi enñiinga Anutunön singisöndokñini sañgonña mosöta Uña Törön kalemñi mi buña qem enñima. ³⁹Anutunön Uña mi enñimangö jim jöhöyöhi, keu mi mönö nanñini aka enñgö gwölönarökurupñini enñgöra aka jiyök. Enñgöra aka tosatñi köröwen mal angetka Anutu Kembuninan enñgoholmawi, yañon jöhöjöhö keu (promis) mi mönö körek enñgöra aka mewöyök jiba jöhöi ahöza.”

⁴⁰Pitönön mewö jiba toroqeba qambañ keu tosatñi gwötpuk miangön uruñini kuñguba kewö jiyök, “Ambazip misimkaulup ki gölmenön maljei, Anutunön mi amöt qem enñiiga letotmegö mötza. Yembuk sihimbölö miwikñai bepuköra mönö uruñini melenña ambazip gonñoni mi jabö ala enñgömosötme.” ⁴¹Pitönön mewö jiiga ambazip jesöñgöñan keuñi möt anñgön kölgetka o melun mem enñiget. Mi mem enñigetka könagesöñine toroqetgetka jañgöñinan wehön miangöreneñök 3000 miangö dop qariyök. Mewö.

Mötnariñ yeñon uru jöhöm anñguba malget.

⁴²Uruñini melenñeri, yeñon urumohok aka urunön jöhöm anñguba nalö dop anñgeka tokogetka aposol yeñon Buña keu kusum enñigetka beret mindipköba nembra köuluk nup membra malget. Pöndañ malmal mewöñi malget.

⁴³Mewö kinda Anutugö qetñan bölöbapuköra jönöm undu-undu aka malget. Mewö malgetka Anutunön sölölohöm enñiiga aposol yeñon jitñe memeniñi aka nup megetka anñgöletot aiwesök murutñi murutñi asuhugot. ⁴⁴‘Anutu möt narigeri, yeñon körek malmalñini mohotñe mala sukinap (ainemaluku) yuaiñini pakpak mindiriba mohotñe membra malget.

⁴⁵Mewö membra mala gölme sukinap yuaiñini bohonñi memegöra algetka söñgöronñi enñiget kayöhi, mi sutñine mözöqözörön aka osigerangö dop menden anñguba malget. ⁴⁶Mewö mindiriba mala qösösök (qörörök) urumohot aka nalö

‘ 2.44 Apo 4.32-35

dop jöwöwöl jikenöŋ tokomalget. Beret mi mirinjini dop mindipköba nemalget aka numbu nenerjini mi geŋmoŋjini qahö sösöŋgai qakŋe tata nemalget. ⁴⁷Aiakarjini mewö aka Anutu möpöseiba malgetka ambazip pakpak yeŋön i engek soriba malget. Engek soriba malgetka kamburjinan qariga Kembunöŋ nalö dop ambazip tosatŋi uru meŋeŋ eŋgiiga letota mindimindiri areŋjine toroqeget. Mewö.

Pitönöŋ lokon azi kun mem ölöwahök.

3 ¹Juda yeŋön mare dop 3 kilok köuluközema. Mare kunöŋ Pitö Jon yetköŋ köuluk nalö miangöreŋ jöwöwöl jikenöŋ öŋgöyohot. ²Öŋgöyohotka miangöreŋ azi kun nam körö uruŋeyök lokon asuhuba tat malöhi, mi aŋguba kaba jöwöwöl jikegö kiripo nangune alget. Alaurupŋan silim dop kaba kululunöŋ aŋguba kiripo nangu qetŋi Nangu Eksihimŋambuk qetkeri, miangöreŋ alget tarök. Tata ambazip jikenöŋ öŋgögeri, yeŋön moneŋ kalem waŋgimegöra ulet eŋgiba malök.

³Mewö algetka tari Pitö Jon yetköŋ jöwöwöl jikenöŋ öŋgöbitkö ahotka etkeka i mewöŋanök kalemgö ulet etkiyök. ⁴Ulet etkiiga jemesoholŋi uba eka Pitönöŋ kewö jii mörök, “Mönö niri netkeknöŋ!”

⁵Mewö jii möta je kusumusulŋi qahö etkehiba yuai kun böröŋireyök niŋgimahotkö mambörök. ⁶Etkehiga Pitönöŋ jiyök, “Nöŋgöreŋ silwö me goul moneŋ qahö ahözapmö, nöŋgöreŋ yuai kun ahözawi, mi ölop gihimam: Gi mönö Nazaret azi Jisös, Amötqeŋe Toŋi Kraistkö qetŋe wahöta anman!”

⁷Mewö jiba böröŋi öŋe memba kököbihiiga wahörök. Wahöriga könäŋi aka gwaköt sihitŋi mönö miangöreŋök köhöiget. ⁸Köhöigetka wahöta luhuba yetpuk jöwöwöl jikenöŋ öŋgöba miangöreŋ anda kaba sereŋsereŋ unduba Anutu möpöseiyök. ⁹Mewö anda kaba Anutu möpöseim waŋgiiga ambazip kambu pakpak yeŋön mi eket. ¹⁰Mi eka kewö jiget, “Azi ki kalem waŋgimegöra jikegö kiripo Nangu Eksihimŋambukö kösutŋe tata uleta malöhi, mönö mia.” Mewö jiba möt waŋgiba “Sileŋe wani yuaia asuhuzapto?” jiba auruba nemböŋjini teköi welipköget. Mewö.

Pitönöŋ jöwöwöl jikenöŋ Buŋa keu jii mötket.

¹¹Welipkögetka ulet azi miangöŋ sundan Pitö Jon yetpuk mohotŋe anda kaiga ambazip kambu körek pakpak yeŋön ösumŋinan kösutŋine kaba jöwöwöl jikegö tohoŋ uruŋe öŋgöba kiŋ Solomongö sombem söraŋŋambuknöŋ tokoba kinda ehiget.

¹²Mewö ehigetka Pitönöŋ engeka könahiba kewö jii mötket, “O Israel alaurupni, injini mönö wanigöra yuai ki eka auruze? Wanigöra niri uba netkehize? Azi kianöŋ ölöwaka köna anda kazawi, mi mönö netkö ösumnöŋ me Anutugö Buŋaŋe pitirik maljiraŋgöra aka qahö. Mewö kude mötmörime. ¹³“Nanine ambösakonini Abraham, Aisak aka Jeikob yeŋgö bem Anutunöŋ mönö Nahöŋŋi Jisös

^u 3.13 Eks 3.15

asakmararan wanggiiga jitnememenji öngöngöni ahiga ölni asuhuiga ekze. Injini Jisös mi memba galöm yengö böröjine algetka premiö Pailötnöj pösatmamgö keunji jöhöba jiyökmö, ejön Jisös mi yangö jeje qan köla andö qem wangiget.

¹⁴“Injini azi dijdini aka sarakni mi andö qem wangiba azi qeqe azi kun pösatmapkö kapan köla qeta qesiget. ¹⁵Mewö qeta qesiba mewö miajön malmalgö Tojan kömumapkö keunji jigetka kömuyök. Kömuyökmö, Anutunöj i mem guliiga kömupnöhök wahörök. Netkón mi jeninan eka nangöba jiba yangö dangunu ewö kinjin. ¹⁶Mewö kinda Jisösgö qetni möt narim wangiba maljit. Azi ki eka möt wangizei, mi mönö qet miajögö ösumjan mem köhöiiga kinja. Jisösnöj sölölohöm netkii mötnaripniran asuhui miajögö qakne kinda jim kutuziga köna gwakötjan ölöwak teköiga injini körek mi ekze.

¹⁷“O alaurupni! Jisös kömumamgö kapan kölgeri, ejön mi mönö gukmalem qakne aket, mi mötzal. Nanjini aka galömurupjnan mewöyök yuai ak wangigeri, miajögö könanji kude möt kutuba lan aket. ¹⁸Mewö aketmö, miajögö likepni Anutunöj kewö ahök: Anutunöj keunji mönövök kezapqetok ambazipurupni pakpak yengö jitjine aliga qeljine kewö jiba ohoget, ‘Anutugö Amötqeqe Toji Kraistnöj mönö sihimbölä mötma.’ Miajögöra injini mewö aketka Anutugö keu miajön mönö mewö öljambuk ahök. ¹⁹Miajögöra mönö urujini melenja Anutugöreñ lilingöba kagetka singisöndokjini kutuba sanjoñma.

²⁰“Anutunöj oyaenkoyaen Toji akza. Injini öne lan malbepuköra Anutunöj Jisös qeljine möwölöhöyök. Miajögöra injini mönö urujini melengetka Amötqeqe Toji Kraist melaiiga engöreñ kaiga yambuk gekötahögetka malmaljinan guliiga oyaenkoyaen nalöjnan kam kunguma. ²¹Anutunöj möpñangö möpñe könahiba keunji kezapqetok ambazipurupni tök-kutukutunji pakpak yengö jitjine aliga qeljine kewö jiba malget, ‘Anutunöj Amötqeqe Toji angön köl wangii Suep mire tata mali yuai pakpak kunbuk arengöba kölönaimawi, mönö nalö miajögöreñök melaiiga Suep mosöta etma.’

Jisösnöj keu miajögö dop eta neñgöreñ kayök.

²²“Mosesnöj kewö jii mötket,

‘Kembu Anutunöj Juda kambu engö sutjineyök kezapqetok azi kun mem guliiga wahöta Moses ni ewö akña.

Yañön ipñina kinda engöra keu jimawi, mönö mi pakpak kezap ala möta tem köla malme!

²³ *Kunjan kun kezapqetok azi miajögö keunji qahö tem kölmawi, Anutugö könagesö ejön mönö yangö keunji jim teköba ayuhum wangime.’

^v 3.14 Mat 27.15-23; Mak 15.6-14; Luk 23.13-23; Jon 19.12-15 ^w 3.22 Dut 18.15, 18

^x 3.23 Dut 18.19

24 Kezapqetok ambazip Samuelgöreñök könahiba kota keu jigeri, mieñön mönö körekmakörek mewöyök kezapqetok keu nalö kewöñe ölnambuk akzawi, mia qeljiñe jiba malget. 25^yAnutunöñ ambösakonurupnini yembuk jöhöjöhö areñi aka Abrahamgöra kewö jii mörök,

‘Göhö gwölöñarökurupki yeñgöreñök kunñan ahuba wahötmawi, Anutu nöñön mönö yañgöra aka gölmegö ambazip kambuñi kambuñi pakpak kötuetköm engibi oyaenjkoyaen akñe.’

Anutunöñ jöhöjöhö keuñi indeli kezapqetok ambazipnöñ mi toroqeba jim köhöiba malgeri, mi mönö engöra aka ali ahöza. 26 Anutunöñ Nahönñi mem guli wahöri kötuetköm engimapköra melaiiga mutuhök engöreñ erök. Miangöra mönö döлки uruñini melenđa nanjik nanjik malmalñinañgö köna bölöñi andö qeme. Mewö aka oyaenjkoyaen akñe.” Mewö jiyök.

Pitö Jon yetköñ jike kaunsöl kambunöñ kinohot.

4 1 Pitö Jon yetköñ ambazip kambu yeñgöra keu mewö jiyohotka jike nup galöm yeñön, jikegö kiripo galöm bohonñan aka Sadyusi (Jike nupkö kapañkölköl) yeñön wahöta jeñire kañgotket. 2 Gwarekyahötñan ambazip kambu kusum engiba kewö jiyohot, “Jisösnöñ kömupnöñök wahörök. Miangö dop kömugeri, yeñön mewöñanök guliba wahötm.” Mewö jiyohotka uruñini bölöiiga yetköreñ kañgotket. 3 Kañgota etkömembra miri söñauyöhañgöra aka kösö mire al etkiba jiget, “Miri gianjiigun keu jakeñe al etkibin.”

4 Mewö jigetmö, Buña keuñiri mötkeri, yeñgöreñök jesöñgöñan uruñini melenđa Jisös möt nariget. Möt narigeri, yeñgö jañgöñinan qariiga 5000:gö dop aka malget.

5 Miri gianjiiga galömkölköl aziurupñini, Juda yeñgö jitñe memeurupñini aka Köna keugö böhi yeñön Jerusalem tokoget. 6 Tokoba jike nup galöm bohonñi qetñi Anas yañön sutñine tarök. Mewöyök Kaiafas, Jon, Aleksander aka jike nup galöm bohonñangö saiwaurupñi tosatñi pakpak mi mohotñe tatket. 7 Tatketka Pitö Jon etkuangita jeñine al etkiget kinohotka kewö qesim etkiget, “Etkön mönö denöwö ahot? Dagö qetñi qerohotka ösumñi etkualöñni letorök?”

8 Qesim etkigetka Uña Töröñan Pitögö uruñi kokolak qei kinda kewö jii mötket, “Kantrigö galömkölköl azi aka jitñememeurupñini, mötket! 9 Niri lokon azi denöwö alabauk ak wañgiziga könañi guliba ölöwahök, merak mewö qesim netkize. 10 Miangöra miangö likepñi mi ölöp jibiga iñini aka Israel ambazip könagesö pakpak mötme. Eñön Nazaret azi Jisös, Amötqeçe Tonini maripomnöñ qegetmö, Anutunöñ i

mem guli kömupnöhök wahörök. Jisös qetnjängö ösumjan mönö azi ki möhamgöiga engö jejine ölöwaka kinja. ¹¹ *Keu kun kewö,

‘Miri meme azinöj köt tandö kun andö qeba mosötketmö,
Anutunöj mi aliga ain tandö kömbönañi bohonñi akza.’

Ain tandö bohonñi mi Jisös.

¹²“Jisös mohotnöj mönö amöt qem neñgiza. Qet kun köuluköinga mi osimemö, Jisösgö qetjan mönö dop kölja. Anutunöj qet kun Suepkö bapñe qahö neñgiiga ahöza. Qahö! Qet mohot mi qeta letota Suepkö buñaya akin.”

¹³Mewö jim teköiga tandökñiri eka kewö jiget, “Azi yahöt kietkön mötmöt mire qahö öngöba töndup keu köhöikñi köhöikñi jiba awösamkakak kinda suahö ewö akzahot.” Mewö jiba köñkuñ aka welipköba könañiri möt kutuba jiget, “Alakña! Azi yahöt mietkön mönö Jisösbuk mala letorohot.”

¹⁴Könañiri möt kutuba jiba lokon azinöj ölöwaka yetpuk kinöhi, mi eka keuñiri qeapköbingö osiget. ¹⁵Mi osiba jike kaunsöl kambu engömosöta yaigep gemahotkö jim kutuget geyohotka nanñinök keu jaruba goro aket.

¹⁶Goro aka jiget, “Nini azi yahöt ki mönö denöwö ak etkibinto? Yetkön jim kutuyohotka añgöletot qainñi kun asuhuyöhi, mi Jerusalem körek pakpak yeñön möt teköze aka nini mi mewöyök qañ kölbängö osizin. ¹⁷Mi osizinmö, miangö keuñi ambazip sutñine kunbuk sehiba anbapuköra mönö ölop kewö jim kutum etkiinga dop kölma, ‘Inñiri mönö Jisösgö qetnöj keu kunbuk kude jimahot.’ Mewö jiba köhöikñanök jim qetal etkiinga sörauyohotka kunjan kun mi qahö möri teköma.”

¹⁸Mewö jim jöhöba etkoholget öngöyohotka kewö jim kutum etkiget, “Inñiri mönö Jisösgö qetnöj keu kun kude toroqeba jiba ambazip kusum engimahot.” Mewö jiba soñgo köhöikñi al etkiget. ¹⁹Mewö jim kutum etkigetmö, Pitö Jon yetkön melenña kewö jiyohot, “Netkön engö jimkutukutuñini tem kölbitköra Anutugöreñ keu memba et aljiga omañi akapuk. Mi Anutugö jemesoholñe dop kölja me qahöwi, mi mönö nanñinak kewöta jiba jöhöme! ²⁰Mewö me mewö jiba jöhöbeakmö, netkön yuai eka möriri, mi köyatiba keu bök malbirangö dop qahö.”

²¹Mewö jiyohot mötketka ambazip körekñan añgöletot asuhuyöhi, miangöra Anutu möpöseiget. Mewö möpöseigerangöra aka “Likepñi denöwö ak etkibinak?” jiba köna kun qahö miwikñaiget. Qahö miwikñaiba galöm meme keu köhöiba jim etkiba etkömosötketka erohot. ²²Añgöletot asuhuiga lokon azi ölöwahöhi, mi (yara) yambuñi 40 lök öngita malök. Miangöra mönö Anutu gwötpuk möpöseiba malget. Mewö.

Mötnarip yeñön köuluköba kin köhöiget.

²³Jike nup galöm bohonñi aka jitñememe yeñön Pitö Jon galöm meme keu jim etkiba etkömosötketka nanñiri alaurupñiri yeñgöreñ lilingöba

^z 4.11 Sum 118.22

anohot. Anda keu pakpak jigeri, mi jiyohotka mötket. ^{24 a}Mi jiyohotka möta urumohot aka uruñini qezaköba jölñini memba wahöta Anutu kewö köuluköm wangiget, “O Kembu öngöngöñi ketarñi, göñön Suep, gölme, köwet aka yuai pakpak miengöreñ ahözawi, mi miwikñaim engiba Toñina akzan. ^{25 b}Göñön mönöwök nangi Uña Töröñi melainöñ eta nup azigi Deiwid, nengö ambönini yangö numbuñe keugi ali göhö jitki memba kewö jiyök,

‘Urumelengö kopa yeñön mönö wuanöngöra göjuñi göjuñi memakze?

Kantriñi kantriñi yeñön mönö denöwögöra aka mötmöt omarñi omarñi mötmörimakze?

26 Gölmeğö kiñ kumbuñi kumbuñi yeñön gölmeñinañgö dop wahörakze.

Pom jembonñi jembonñi yeñön mindiriba tokomakze. Mewö qeburuñ yöhöi Kembu aka yangö Amötqeçe Toñi qetal etkimakze.’

^{27 c}Ölña, keu miangö dop siti kiangöreñ asuhuyök. Gi Nahöngi Töröñi Jisös kuñgunöñga Amötqeçe Tonina akza. Yangöñ asuhuiga azi kembu yahöt Herod aka Pontius Pailöt yetkön Rom gawman galöm aka nanine Israel isikurupnini yembuk mindiriba totoko ala tuarenjoñ ak wangiget. ²⁸Gi nangak ösumgi aka jitkahö dop yangöra yuai asuhumapkö keuñi jiba qeljine jöhöba areñgönöñ. Yeñön yuai mi ak wangigetka keu areñ pakpak mi mewö öljambuk ahök.

²⁹“O Kembu, nini gi welen qem ghiinga merak galöm meme keu neñgizei, gi mönö mi eka nañgöm neñginöñga ölop göhö Buña keugi suahö ewö awösamkakak kinda jiba malbin. ³⁰Göñön mönö börögi surunöñga kawöl ambazip mi Nahöngi Töröñi Jisösgö qet ösumje ölöwakñe aka angöletot aiwesök murutñi murutñi asuhumakñe. Keu mi ölna.”

³¹Mewö köulukögetka miri tokoba tatkeri, gölme mi memenjaliba utuköiga Uña Töröñan körek pakpak uruñini kokolak qeiga anda suahö ewö awösamkakak kinda Anutugö Buña keu jiba malget. Mewö.

Mötnariñ ambazipnöñ uru jöhöm angugot.

^{32 d}Urumelengö kambu ketarñi yeñön urumohot aka mötmöt mohot aka malget. Yuai pakpak ahöm engiyöhi, mi göhöreñök me nöngöreñök, mewö qahö jigetmö, yuai pakpakñini mi mutulañgöba mohot aiga malget. ³³Mewö malgetka Anutugö ösumñan engualöñniga köhöigetka aposol yeñön jitñini memba dangunu ewö kinda Kembu Jisösnöñ

^a 4.24 Eks 20.11; Neh 9.6; Sum 146.6 ^b 4.25-26 Sum 2.1-2 ^c 4.27 Mat 27.1-2; Mak 15.1; Luk 23.1, 7-11; Jon 18.28-29 ^d 4.32 Apo 2.44-45

kömupnöhök guliba wahöröhi, keu mi nanğöba jiba malget. Mewö malgetka Anutunöŋ kalem möriamni ketani mokom enğiiga ambazipnön göda qem enğiget. ³⁴Mewö malgetka miangö dop sutjine kunjan yuai kungöra qahö mözöröngöba osiba malök. Körek pakpak nene nupji nupji aka miriŋi miriŋi miengö toni akeri, yeŋön mi bohonji memegöra alget. Mewö algetka söngöröŋi moneŋ kaiga mi memba kaget. ³⁵Memba kaba aposol yeŋgö böröŋine algetka körek pakpak mözöröngöba osigeranğö dop mi sutjine mendenja enğiba malget.

³⁶Azi kun qetji Josef, aposol yeŋön qetji Barnabas qetkeri, mi nanine keunöŋ: Uru nanğonanğö azi, yanğön gölme jölanji qetji Sairpus miangöreŋ asuhaba qariba jike nup azia (Liwait) malök. ³⁷Yanğön mewöyök nene nup gölmeŋi bohonji memegöra ali moneŋ kaiga söngöröŋi mi memba aposol yeŋgöreŋ kaba böröŋine alök. Mewö.

Ananias Safaira yetköreŋ tilipqilip

5 ¹Mewö aka malgetmö, azi kun qetji Ananias anömni qetji Safaira yetkön nup gölmeŋiranğö bahöŋi bohonji memegöra alohot.

²Alohotka söngöröŋi kaiga azinöŋ moneŋ bahöŋi nanğanğöra anğön köla asamböri anömnan mi möt teköi bahöŋi kun memba kaba aposol yeŋgö böröŋine alök.

³Böröŋine alökmö, Pitönöŋ kewö jiyök, “O Ananias, gi mönö wuanöŋgöra Satan qahö qetalnönğa urugi kokolak qeza? Yanğön urugi kokolak qeiga göŋön esapköba Uŋa Töröŋi isimkakalek ak waŋgiba nup gölmeğö moneŋ bahöŋi anğön köla asambötzan? ⁴Gi miangö toni aknöŋi, nalö miangöreŋ mi nangi buŋaya ahök me? Aiga nup gölmeği bohonji megetka söngöröŋi kayöhi, moneŋ mi mönö göhö buŋaya ahök me? Gi mönö wuanöŋgöra urugan keu jöhöba yuai ki akzan? Gi muneŋ jiba mewö miangön ambazip qahö tilipköm neŋgizanmö, Anutu nanji mönö tilipköm waŋgizan!”

⁵Mewö jiiga keu mi möt sasauha tala gölmenöŋ geba kömuyök. Mewö kömuiga ambazip pakpak miangö buzupji möta sömbu mötmöt ketani aket. ⁶Kömuiga azi gwabö yeŋön kota qamötji memba esuhaba anğuba anda löm kölget.

⁷Aua karöbut teköiga anömnan yuai asuhuyöhi, mi qahö möta kayök. ⁸Kaiga Pitönöŋ anömni Safaira kewö qesim waŋgiyök, “Injiri nup meme gölmeŋiri bahöŋi bohonji memegöra alohotka moneŋ kayöhi, mi miangö dop me qahö? Mi jinönğa mötpi!”

Qesim waŋgiiga kewö meleŋnök, “Moneŋ mi ölna miangö dop kayök.”

⁹Mewö meleŋniga jim waŋgiyök, “Injiri mönö wuanöŋgöra urumohok aka Kembugö Uŋa Töröŋi tilipköm waŋgizahot? Mötnöŋ, apkan kömuiga azinöŋ memba anda löm köljei, yeŋön mönö nanğu ki dopdowigetka kourukni mötzan. Yeŋön gi mewöyök esuhaba anğum gihiba anme.”

10 Mewö jiiga miangöreñök tala Pitögö könaje geba kömuyök. Kömuiga azi gwabö yeñön kota qamötñi miwikñaiba memba anguba anda apñangö qöhöröñe löm kölget. 11 Löm kölgetka urumeleñ kambu jömukñi yeñön möta awöwöligetka buzupñi sehiiga körek pakpak mötketka sömbu mötmöt ketarñi aket. Mewö.

Aposol yeñön ambazip gwötpuk mem ölöwak engiget.

12 Mewö aketka Anutugö kukösumñan aposol inahöm engiiga nup memba böröñini ambazip qakñine algetka Anutunöñ aiwesök angöletot meiga sutñine gwötpuk asuhuget. Ambazip Jisös möt narigeri, körek yeñön jöwöwöl jikegö tohoñ uruñe öngöba kin Solomongö sombem söranñambuknöñ tokoba kambu mohot aka malget.

13 Mewö tokoba malgetka ambazip tosatñan kenngötñini möta ziriñziriñ aketka kunñan totokoñine qahö öngöyök. Mewö qahöpmö, ambazip kambu yeñön göda gwötpuk qem engiba malget. 14 Mewö tokoba malgetmö, töndup ambazip sehisehñi yeñön kambuñini toroqem engiba malget. Azi aka ambi kambuñi kambuñi yeñön Jisös möt nariba uruñini melengetka kambuñinan qariba sehiyök. 15 Aposol yeñön nup mewö megetka ambazip sehisehñan ölöwaket. Mewö ölöwakerangöra aka tosatñan kawöl ambazip enguangita kululu köla anguba köna görane mewöyök dum möhamgöba möki tumbula miangöreñ al engiba kewö jiget, “Pitönöñ kaba nenngongitmawi, imutimutñan mönö nalö miangöreñ yengöreñök kungö qakñe öngöi ölöwakawak!”

16 Mewöyök taon aka miri Jerusalem siti liliköba tat anjei, miengöreñök ambazip kambu gwötpukñan öröba kaget. Mewö kaba ambazip kawöl engöhöyöhi aka ömenöñ töñöt memba^e kölköljinjin ak engigeri, mi enguangita kaba kangotket. Kangotketka körek yeñön ölöwaket. Mewö.

Garatanöñ aposol kösö mireyök enguangiri etket.

17 Mewö aka malgetka jike nup galöm bohonñan aka yangö sungurumurupñi Sadyusi (Jike nupkö kapañkölköl) pati nangöm wangigeri, körek yengö irimñini seholiiga urupik aket. 18 Urupik aka aposol engömemba jöhöba gawmangö kösö mire al engiget. 19 Al engigetmö, sungem miangöreñ ahögetka Kembangöreñ garata kunöñ kösö miri nanñuñi öröba enguangita yaigep eta kewö jiyök, 20 “Mötket! Inini mönö anda jöwöwöl jikenöñ öngöba ambazip jeñine kinda malmal dölokñangö könaji pakpak aukñe jigetka mötme.”

21 Mewö jii möta miri gianjiiga jöwöwöl jikenöñ öngöba kinda Buña keu kusum engiget. Mewö kinda kusum engigetka jike nup galöm bohonñi aka alaurupñan nangöm wangigeri, yeñön angota jike kaunsöl kambu aka

^e 5.16 Töñöt mi kewö: Ömenöñ numbuñi möwöngöiga keu böc malja.

Israel jitjememeurup köl öröm engigetka mohotje tokoget. Tokoba kinda opotöröp tosatnji aposol enjgungitpingö melaim engigetka kösö mire anget. ²²Angetmö, i mianğöreñ qahö miwikñaim enjgiba öne lilingöba kösohotñini kewö alget, ²³“Nini ölña kösö mire angota nanğunji köhöikñi kötökñi kölget kini wahip azinöñ nanğunöñ kingetka ehin. Mi ehinmö, nanğunji öröba öngöba mianğöreñ azi kun qahö miwikñazain.”

²⁴Mewö jigetka jikegö kiripo galöm bohonñi aka jike nup galöm bohonñi yeñön keu mi möta uruñini lalalulu siksauk aiga jiget, “Oporoñ! Merak mewö asuhuba könanğep kunbuk supapköiga denöwö akapuk!” ²⁵Mewö jigetka kunñan kota kewö jii mötket, “Mötket, azi kösö mire al enjgigeri, yeñön mönö jöwöwöl jikenöñ kinda ambazip Buña keu kusum enjgize!” ²⁶Mewö jii mötketka jikegö kiripo galöm bohonñan opotöröp enğömeiga anget. Anda “Ambazipnöñ köt gila nengubepuk!” jiba kenğötñini möta lolonñanök jöwöwöl jikenöñ öngöba aposol enjgungita kaget.

²⁷Mewö enjgungita kaba jike kaunsöl kambu yeñö jeñine alget kingetka jike nup galöm bohonñan kewö qesim enjgiyök, ²⁸“Injini Jisösgö qetñe keu kun kude kusum enjgime! Neñön mewö jiba soñgo köhöikñi al enjgiinmö, keu mianğö ölñan mönö denöwö asuhuyök? Eñön mönö toroqeba kusum enjgiba mala Jerusalem siti ki Jisösgö keunöñ kokolak qegetka maljin. Aiga azi mianğön kömumba sepñi mokoiga enñön nengöra kewö jimakze, ‘Yanğö keunñan mönö Juda nengö qakñine öngöyöha ahöza.’ ”

²⁹Mewö jiyökmö, Pitö aka aposol tosatñan kewö melenget, “Neñön ambazip enğö jimkutukutuñini tem kölbingsöra aka Anutugöreñ keu andö qeinga qahö dop kölma. Qahö! ³⁰Anutunöñ nanine ambösakonurupninangö bemñina akza. Injini Jisös ip kemañe möndöba qegetka kömuyökmö, Anutunöñ i mem gulii wahörök. ³¹Anutunöñ i mem guliba wañgita öngöi nanñi böröñi ölñe ali tatza. Euyangöreñ tari Anutunöñ siñgisöndoknini mosöt nengimamğöra kuñgui Pom Kembunini aka Amötqeçe Tonini akza. Mewö aka Israel könagesö urumelen ak nengimamğö mötza. ³²Nini yuai mi eka keu pakpak mi nanğöba jiba dangununji aka kinjin. Uña Töröñan mewöyök keu mi nanğöba jimakza. Anutunöñ Uña Töröñi ambazip jitñi tem köl wañgimakzei, mönö yeñö uruñine ala buña qem enjgiza.”

³³Pitönöñ keu mewö jiiga jike kaunsöl kambu yeñön mötketka uruñini sounöñ qesiñqesiñ ewö qesiñnök. Qesiñniga uruñini könöp jeiga aposol enjguget kömumegö mötket. Mewö.

Gamalielnöñ alaurupñi jim mölöwörim enjgiyök.

³⁴Mewö mötketmö, Farisi (Köna keugö kapanğölköl) azi kun qetñi Gamaliel yanğön jike kaunsöl kambu yeñö sutñine tarök. Yanğön

† 5.28 Mat 27.25

Köna keugö böhi azia mali ambazip pakpak göda qem wanğigetka jıtjememeņina ahök. Mewö aka wahöta aposol enguanğitketka yaigepņe geba borom kun mambötmegöra jim kutuyök.

³⁵Mewö jim kutui gegetka jıtjememe alaurupņi kewö jii mötket, “Israel aziurup, iņini azi ki denöwö ak engibeak, miangöra mönö ölpņanök galöm mem anğume. ³⁶Mutuk emune azi kun qetņi Teudas yaņön wahöta ‘Nöņön ketaņamņina akzal,’ jiiga merak (yara) yambu tosatņi teköi maljin. Teudasnöņ mewö jiiga azi 400:gö dop yambuk öröröņ jöhöba mindiriba malgetmö, kunņan qei kömui tosatņan aziurupņi imbi köl wanğigeri, mi kuņğum engigetka buratigetka qeburuņinan pömsöm qeba qahöwahök.

³⁷“Yaņgö andöņe Galili azi kun qetņi Judas asuhuyök. Yaņön takis memegöra ambazip qetņini ohoba areņgögeri, nalö miangöreņ asuhuyök. Asuħuba ambazip mölöwörim eņgiiga karim akņegöra sunğurum alabaukurupņi aket. Mewö aketmö, i mewöyök qegetka kömuyök aka tosatņan sunğurumurupņi imbi köl wanğigeri, mi kuņğum eņğigetka buratiget. ³⁸Mewö aiga nöņön kewö jibi mötket: Iņini mönö azi kieņgö sileņine yuai laņ kude akņe. Yeņön nup ki megetka qeburuņ ahuzawi, mi gölme ambazipkö mötmöt areņineyök ahuza ewö, mi mönö sohoba pömsöm qeba qahöwakņa. Miangöra i mönö eņgömosötketka etme. ³⁹Mi qahöwakņapmö, Anutugö mötmöt areņnöhök ahubawak ewö, eņön mönö qeburuņ mi jöhöbingö osime. Iņini Anutu nanņi qetala tuarenjoņ ak wanğiba malbepuk. Nanņini könaņini mewö miwikņaibepuköra mönö galömmņini mem anğume!”

⁴⁰Gamalielnöņ mewö jiiga goro keuņi aņğön köla wuatangöget. Mi wuatangöba aposol eņgoholget kotketka opotöröpköra jigetka raukapaņ (raurapaņ) mem eņğiget. Raukapaņ mem eņğigetka jike kaunsöl kambu yeņön aposol mi Jisösgö qetņe keu kun toroqeba jibepukö soņgo köhöikņi al eņgiba “Eta anme,” jiget.

⁴¹Mewö jigetka jike kaunsöl kambu mosöta anget. Könanöņ anda kewö jiget, “Jisösgö qetköra aka qetbuņanini mewö mem sohozei, mi Anutunöņ mötza. Yaņön nini sihibölö mewöņi mötpinaņgö dop möta neņgeħiga ölp dop kölja.” Mewö jiba uruņinan miangöra ölöwahiga söņgaiget.

⁴²Söņgaiba nup toroqeba memba silim dop jöwöwöl jikenöņ öņgöget aka miriņi miriņi miangöreņ anda Buņa keu kusum eņgiba malget. Jisösnöņ Amötqeqe Tonj Kraist akzawi, yeņön miangö Ölöwak Buņaji jiba mianjön ambazip uruņini kuņğuba malget. Mewö.

Nupbauk azi (dikon) 7 meköm eņğiget.

6 ¹Gwarek jaņgöņinan qariba öņgöiga Juda ambazip kambu yahöt aka malget. Tosatņan kantri tosatņeyök kaba Grik keu jiget aka tosatņan nanņine gölmeņine mala kota Arameik aka Hibru keu jiget.

Mewö malgetka nalö mianğöreñ goranora (noragora) asuhuyök. Grik keu jigeri, yeñön kewö jigetka böliyök, “Aposol yeñön nalö dop nene inap mendeñ neñgimakzemö, Grik keu ambi malö neñgö nene inap bahöñi mi bahösapsap neñgimakze. Öroröñ qahö misigetka qahö dop kölja.”

²Mewö jigeranğöra aka aposol 12 yeñön gwarek kambu köl öröm eñgiget tokogetka kewö jiget, “Neñön silegö nup memba nene mendeñda eñgiba Anutugö Buña nupköra nalönini ölop qahö dop köli urugö nupninan etpapak. Mi kude dop kölja. ³Mewögöra alaurupnini, mötket! Eñön mönö nanñini sutñineyök nupbauk miwikñaim eñgime. Uña Töröñan azi uruñini kokolak qeiga Anutunöñ mötkutukutuñi qainñi kun al eñgii qetbuña ölopñi memba kinjei, mönö azi mewöñi 7 meköm eñgime. Mi meköm eñgigetka nup mi eñgiinga mi galöm köla memba malme. ⁴Yeñön mewö malmemö, naninak nalö jömukñanök köuluköba Anutugöreñ Buña keu jejep kinda jim sehiba malbin. Nup mianğöreñ mönö pöndañ kinbin.”

⁵Mewö jigetka kambu pakpak yeñön “Ölop dop kölja!” jiget. Mewö jiba azi qetñi Stiwen meköget. Stiwen mi Anutu köhöikñanök möt narim wañgiiga Uña Töröñan uruñi kokolak qei malök. Toroqeba azi kewö meköba möwölöhöm eñgiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetñi Antiokia mianğöreñ ahuba könagep Juda azia aka uruñi Kraistköreñ meleñnök. ⁶Mi meköba möwölöhöm eñgigetka aposol yeñgö jemesoholñine öñgöm angetka böröñini nörorñine ala köuluköba kötuetköm eñgiget.

⁷Anutugöreñ keu jim sehigetka töhötmöriamñambuk aiga gwarek yeñgö jañgöñinan Jerusalem sitinöñ qariba sehiyök. Jike nup galöm yeñgö kambunöhök sehisehiñi yeñön mewöyök uruñini mendeñda Jisös möt nariget. Mewö.

Stiwen meraköba memba jöhöget.

⁸Anutugö kalem möriamñi aka kukösumñi mianñön nupbauk azi Stiwegö uruñi kokolak qei kinda aiwesök anğöletot ketanñi ketanñi mi ambazip sutñine mei asuhuget. ⁹Mi asuhugetmö, Juda tosatñan wahöta Stiwen anğötuarenjoñ ak wañgiget. “Lolohoba kageranğö köuluk miri kambu”^s yeñgö sutñine Juda tosatñan Sairini aka Aleksandria Ijpt siti yahöt mianğöreñök liliñgöba kaba kinget. Azi mewöñan mindiriba wahöta Silisia aka Eisia prowinsnöhök kageri, yeñgö kambunöhök Juda azi tosatñi eñgömemba mohotñe Stiwenbuk möndöñda goranora aka jitnakölik erauget.

^s 6.9 Köuluk miri kambu kungö qetñi mi kewö asuhui qetket: Ambazip pomñi yeñön tosatñi bohonñini eñgömegetka buñanñini aka toñinanğö welennñini öne qeba mala (sleiw) böröñineyök lolohoba kageri, yeñön mönö nanñini köuluk miri kambuñini ala qetñini mi mewö qetket.

¹⁰Mewö jigetmö, Ura Töröñan Stiwen sölölöhöi mötkutukutu ketañangö qakñe keuñi melenđa jiyöhi, mi Juda yeñön qeapköbingö osiba etket. ¹¹Osiba eta mömölaköba anda azi tosatñi miwikñaiba kuñgum eñgiba kaba kewö jiget, “Yañön mepaqepaik keu jiba mianñön Moses aka Anutu qetal etkii mörin.”

¹²Mewö jiba anda ambazip kambu, yeñgö jitñememe aka Köna keugö böhi miengö urugege keu jigetka uruñini könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yeñgö jeñine anget. ¹³Anda azi tosatñi eñgungitketka kota Stiwegö sileñe keu muneñi ala kewö nañgöba jiget, “Azi kiañön mönö jöwöwöl jikenini aka Mosesgöreñ Köna keu tuarenjoñ aka qahö mosörakzapmó, mi toroqeba jimahakza. ¹⁴Tuarenjoñ aka kewö jii mörin, ‘Jisös, Nazaret azinöñ mönö jöwöwöl jike ki könderñiga qeqelanñan ahöma aka Mosesnöñ Köna keu neñgii ahözawi, mi uteköma.’ ”

¹⁵Mewö jigetka jike kaunsöl kambugö totokonöñ tatkeri, yeñön körekñan Stiwen törörök ugetka kaisoñgolomñan Suep garata tandök ewö ahiga eka mötket. Mewö.

Stiwenöñ keu likepñi melenđa jii mötket.

7 ¹Stiwen keu jakeñe al wañgigetka kini jike galöm bohonñan kewö qesim wañgiyök, “Keu mi öñja me muneña?”

Stiwenöñ Abrahamgö kösohotñi jiyök.

²^hQesim wañgiiga likepñi kewö melenñök, “Aziurup, iwi darumuni, nöñön kewö jibi mötket: Nanine ambönini Abrahamnöñ Mesopotemia gölmenöñ maliga asakmararañ Toñi Anutu yañön asuhum wañgiiga Mesopotemia mosöta Haran mirinöñ anda malök. ³Anutunöñ kewö jii mörök,

‘Gi nangi miri gölmeği aka tinitosolomurupki eñgömosöta gölme kun kondel gihimami, mönö miangöreñ anda malman.’

⁴ⁱMewö jii möta Kaldia gölme mosöta Haran gölmenöñ anda malök. Miangöreñ mali iwiñan kömui Anutunöñ melaim wañgiiga iñini nalö kewöñe ki maljei, mönö gölme kiangöreñ kaba könahiba tata malök.

⁵^jGölme kiangöreñ tata maliga Anutunöñ gölme kitipñi borom kun köna tamböñangö dop mi qahö buña qem wañgiyök. Gölme kiangö toñi qahöpmahöp qahöpmö, Abrahamgö gwölönarökñi qahö ahuiga Anutunöñ nalö miangöreñök yañgö keu qeljiñe kewö jiba jöhöyök,

‘Nöñön gölme ki mi gi aka göhö andöge gwölönarökurupki ahumei, mönö eñgöra eñgibi miangö toñi akñe.’

⁶^kMewö jiba toroqeba keu kewö jiyök,

^h 7.2-3 Jen 12.1 ⁱ 7.4 Jen 11.31; 12.4 ^j 7.5 Jen 12.7; 13.15; 15.18; 17.8 ^k 7.6-7 Jen 15.13-14

‘Göhö gwölönarökurupkan gölme kungen anda kian aka malme. Kian aka malgetka gölme miangö tonji yejön jöhöm engigetka tonjanangö welennjini öne qeba malme. Mewö malgetka tulumgöm engigetka nup lömbötñi lömbötñi öne megetka söngöröñi qahö engigetka (yara) yambu 400:gö dop wahöjalij qakñe malme.

- 7 ‘Mewö malmemö, nöñön könangep gölme ambazip welennjini qeba malmei, mi keunöñ ala jim teköm engimam.’

Mewö jiba toroqeba jiyök,

‘Mewö asuhuiga gwölönarökurupkan gölme mi mosöta gölme kiangöreñ lilingöba kaba waikni memba möpöseim ningiba malme.’ Mewö.

Aisak, Jeikob aka Josef yengö kösohotñini jiyök.

8^m“Anutunöñ Abrahamgöra mewö jiba aiwesök kewö akñegöra jii mörök, ‘Injini nömbuk jöhöjöhö akñegöra mönö nöngö aiwesök esöñjini köla azi sileñjine yandiba malme.’ Miangö dop Abrahamnöñ nahönñi Aisak ahuiga silim 8 aiga miangöreñ aiwesök mi sileñe yandiyök. Aisaknöñ nahönñi Jeikob qiwikñaiaba aiwesök mi yandiyök aiga Jeikobnöñ nahönurupñi qiwikñaim engiba miangö dop yandim engiyök. Jeikobkö nahönurupñi 12 yejön Israel neñgöreñ ambösakonurupnina aket.

9ⁿ“Ambösakonurupninan munñjini Josef mi andö qem wangiba bohonñi memegöra algetka tosatñan söngöröñi memba wangita Ijpt kantrinöñ anda algetka malök. Miangöreñ malökmö, Anutunöñ yambuk kinök. 10^oYambuk kiniga könjilij könañi könañi qakñe öngöi möröhi, körek miengöreñök mönö meköm wangiyök. Meköm wangiba kalem möriamñi wangii mötkutukutuñi ölöpnñan asuhuyök. Mi asuhuiga Ijpt kantrigö farao kiñ yeñgö jeñe añgori ehi dop köliga azi kembu kuñgum wangii Ijpt kantri aka farao kiñgö jakömbuak miri yuaiñi galöm köñ engiba malök. 11^pGalöm köñ engiiga bödi nalöñi kam kuñguiga Ijpt pakpak aka Kenan gölme mi dop kölöc. Miangöra ambazipnöñ kahasililij ketañi möta malget. Mewö mala nanine amböurupninan nene miwikñaiwingö meme yanğap meget.

12 “Mewö megetka ‘Ijpt gölme miangöreñ padi ahöza,’ mewö jigetka Jeikobnöñ mörök. Mewö möta nahönurupñi, nanini amböurupnini mi nalö mutukñi melaim engii miangöreñ anget. 13^qMewö anda mala lilingöba iwiñjanangöreñ kaget. Könangep indimñi kun kunbuk angetka Josefñöñ könañamñi indeli mötket. Mötketka farao kiññöñ mewöñanök

¹ 7.7 Eks 3.12 ^m 7.8 Jen 17.10-14; 21.2-4; 25.26; 29.31-35.18 ⁿ 7.9 Jen 37.11, 28; 39.2, 21 ^o 7.10 Jen 41.39-41 ^p 7.11 Jen 42.1-2 ^q 7.13 Jen 45.1, 16

tinitosolomnji engeka kōnanjini mōt kutuyōk. ¹⁴ Mōt kutuiga Josefñōn keu ala iwiñi Jeikob aka tinitosolomurupñi pakpak mi köl örōm enḡii yanḡōreñ anget. Ambazip angeri, yanḡō yanḡōñjini mi 75 ahōk.

¹⁵ “Jeikob mewō yanḡitketka Ijīpt gölmenōñ anōk. Anda mala miyanḡōreñ kōmuyōk. Ambōurupñinan mewōyōk kōmum tekōget. ¹⁶ Kōmum tekōgetka qamōtñjini memba anḡuba Kenan gölmenōñ liliḡōba Sekem mire kaba lōm köl enḡiget. Mōnōwōk Abrahamñōñ Sekem (Sikem) mala gölme kun azi qetñi Hamor yanḡō gwōlōnarōkurupñi yanḡōreñōk monerññōñ sōñḡōrōñi meyōhi, mōnō miyanḡō qaksiriñe kōt kōter uorohoba miyanḡōreñ al enḡiget.” Mewō.

Mosesñōñ Ijīpt kantrinōñ ahuba mala korōk.

¹⁷ “Stiwenōñ toroqeba kewō jiyōk, “Anutunōñ mōnōwōk jōhōjōhō keu Abraham yanḡiyōhi, mi ōlḡambuk akḡapko nalōñi tōriba dopdowiyōk. Dopdowiyōhi, miyanḡō dop Israel yanḡōn Ijīpt gölmenōñ ahum sehiba malgetka kambuñinan qariba ōñḡōyōk. ¹⁸ Qariba ōñḡōiga farao kiñ kunōñ wahōta kōnahiba Ijīpt galōm köl enḡiyōk. Kiñ dōlōkñi miyanḡōn Josefḡō kōnanji mi qahō mōta malōk. ¹⁹ Yanḡō kōnanji kude mōta nanini kōnagesō mi isimkakalek qakñe tilipkōba ambōurupñini mulumḡōm enḡii malget. Mewō malgetka kiññōñ kōhōiba Israel kewō jim kutum enḡiyōk, ‘Iñjini mōnō morō azi sepsepñjini memba yaigepñe anda onōñ gilgetka geba kōmume.’

²⁰ “wō jiiga nalō miyanḡōreñōk morō kun qetñi Moses asuhuyōk. Anutunōñ i eka mōri dop kölōk. Mosesñōñ ahuiga iwinamñan i kōiñ karōbut miyanḡō dop miriñire galōm kōla malohot. ²¹ Kōiñ karōbut mi tekōiga namñan yanḡita yaigepñe anda kōndenōñ o qakñe ala mosōrōk. Mosōta ani farao kiñḡō bōratñan miwikñjaiba meiga nahōññi aiga galōm köl yanḡii malōk. ²² Mewō maliga Ijīpt yanḡōreñ mōtmōt aka aiaka pakpak mi kusum yanḡigetka miyanḡō dop Ijīpt yanḡōreñ mōtkutukutu azi ketañi ahōk. Yanḡōn keuñi aka ahakmemenji mi ōsum-mumu qakñe jiba aka malōk.

²³ “Mosesḡō (yara) yambuñi 40 tekōiga miyanḡōreñ Israel darumunurupñi yanḡō prowinsñōñ anda enḡekñamḡō mōtmōriba keuñi jōhōba anōk. ²⁴ Anda Ijīpt azinōñ Israel azi kun yambuk ōne tōhōn anḡururuk aka örōm ureim ak yanḡiba qeyōhi, mi ehōk. Mi eka anda Israel azi mi baukōm yanḡiba andōñe anda likepñi melenḡa Ijīpt azi mi qeba qem kōmuyōk. ²⁵ Qem kōmuiga Anutunōñ Mosesḡōreñ nariba Israel ambazip farao kiñḡō bōrōñeyōk mekōm enḡimamḡōra kukōsum

† 7.14 Jen 45.9-10, 17-18; 46.27 † 7.15 Jen 46.1-7; 49.33 † 7.16 Jen 23.3-16; 33.19; 50.7-13; Jos 24.32 † 7.17-18 Eks 1.7-8 † 7.19 Eks 1.10-11, 22 † 7.20 Eks 2.2 † 7.21 Eks 2.3-10 † 7.23-29 Eks 2.11-15

wanji kayök. Yejon Moses eka konaji mewö ölop möt asarize, mewö mötmöriyökmö, yejon mi qahö möt asariba öne tönpin malget.

²⁶“Miri gianjiiga kunbuk yengören ani Israel azi yahötjan auyohotka etkehök. Etkeka esapköba sutjire luai ahumapkö möta kewö jiyök, ‘Azi yahöt, injiri darumuna. Nanjiri mohot miajon mönö wuanöngöra mewö ayuhum anguzahot?’ ²⁷Mewö jiyökmö, azinön ala ni mem bölim wanjiyöhanön mönö Moses könöpuk utala kewö jim wanjiyök, ‘Gi mönö nengören galöm aka jimtekötekö azia akzan me? Dajon mewö ku ngum gihiiga kinjan?’ ²⁸Gi uran Ijpt azi qenön kömuyöhi, mönö mewö ni nu ngumangöra jizan me?’

²⁹“Mewö qesim wanjiiga keu miangöra aka Ijpt kantri mosöta ölon köla Midian gölmenön anda kiana malök. Mewö mala ambi memba nahönyahötji yahöt qiwikjaim etki malget.” Mewö.

Mosesnön gölme qararankölkölne yambu 40 malök.

³⁰“Stiwenön keu toroqeba kewö jiyök, “Mewö malgetka (yara) yambu 40 teköiga miangören Mosesnön gölme qararankölkölne liliköba kundunji qetji Sainai miangö konaje mali Suep garata kunjan asuhuyök. Mi ip köhösö kema je konöp bölam asuhuba qahö jem kutuyöhi, miangören asuhum wanjiyök. ³¹Mewö asuhum wanjiiga tandök miangöra welipköba konaji eka möt kutumangöra kösutje ani Anutugörenök keu kun kewö kai mörök, ³²‘Nönön göhö amböskonurupki yengö Anutujina akzal. Nönön Abraham, Aisak, Jeikob yengö Kembujina mala kota maljal.’ Mewö jii möta jönömji konahiba unduiga miangören göröken uba ekjamgö ke ngötji mörök.

³³“Ke ngötji mörökmö, Kembunön kewö jii mörök, ‘Gölme tiba kinjani, mi gölme kömbukja. Miangöra gi mönö köna esugi qeköman! ³⁴Nöngö ambazip kambu-urupni Ijpt maljei, mi mulumgöm engigetka sihibölö qakje aum-möriba malje. Nönön mi eka maljal. Yejon osongom engui sahöt uletzei, nönön mi möt teközal. Nönön yengö böröjineyök meköm engimangöra etzal. Miangöra gi mönö döлки wahöta ki kanönga melaim gihibiga Ijpt anman!’ Mewö jiyök.”

Mosesnön Israel enguanjiri yambu 40 konanön malget.

³⁵^bStiwenön keu toroqeba kewö jiyök, “Yejon Moses qaj köla köndat wanjiba kewö jiget, ‘Gi mönö galöm aka jimtekötekö azia akzan me? Dajon mewö ku ngum gihiiga kinjan?’ Mewö qaj köla jigetmö, Anutunön Moses mi melaim wanjiiga yengö pom kembujina ahök. Suep garatanön ip köhösönön bölam jeyöhangören asuhum wanjiyöhi, yajon mönö Anutugören buzup keu mi memba kaba urunji ku ngui mekömekö azi jina

^a 7.29 Eks 18.3-4 ^a 7.30-34 Eks 3.1-10 ^b 7.35 Eks 2.14

ahök. ³⁶ cIsrael mekömekö aziñina aka ambazipurupji mi aiwesök anğöletot könaji könaji memba Ijpt kantrinöhök meköba enğuanğiriga mosöta Köwet Pisikñi miangörej kaget. Emu kagetka miangörej aka gölme qararañkölkölñe mewöñanök toroqeba aiwesök anğöletot murutñi murutñi mi (yara) yambu 40 miangö uruñe memba kondeli eka malget. ³⁷ dMosesnöh pom kembuñina mala Israel könagesö yengöra kewö jiyök, ‘Anutunöh Juda kambu engö sutñineyök kezapqetok azi kun möwölöhöba kuñguiga ni ewö akña.’

³⁸ e“Israel yeñon gölme qararañkölkölñe kaba malgetka pom kembuñini aka nanine ambösakonurupnini yembuk mala könagesöñini galöm köl engiyök. Galöm köl engiba kunduñi qetñi Sainai miangörej öngöi Suep garata kunñan keu jii möta yambuk malök. Mewö mala Anutunöh malmal köhöikñangö keuñi sundan jii möta malöhi, yeñon keu mi miangö dop jiiga nengö Buñaya ahök.

³⁹ f“Yeñon pom kembuñina malökmö, nanine ambösakonini yeñon keuñi tem köl wañgibingö ölan engöhöiga andö qeget. Andö qeba utal wañgiba uruñini möñaiiga Ijpt kantrinöh kunbuk lilingöbingö sihimñi mötket. ⁴⁰ gMewö möta Mosesgö datñi Aron yañgöra kewö jiget, ‘Mosesnöh pom kembunini aka Ijpt kantrinöhök meköba enğuanğiriga kaini, yeñon kunduñe öngöba tandök denöwö akzawi, nini mi qahö mötzin. Mi qahö mötzinañgöra göñon ölop tandö lopioñ menöñga mieñon jitlememenini aketka könajine toroqeba anbin.’

⁴¹ h“Mewö jiba miangörejök goul memba miangön lopioñ kun bulmakau moröñangö tandök meget. Mi memba jöwöwöl memba kaba al wañgiba lömbuan ohoba yuai böröñinan megeri, miangö sösongai aka möpöseiget. ⁴² iMewö aketmö, Anutunöh mi eka ölan yöhöiga andö enğui Suepkö señgelau Tonji waikñini memba möpöseim enğimegöra enğömosörök. Kezapqetok azi Amosnöh keu kun ohoi Buzup Kimbinöh ahözawi, mönö miangö dop kewö aket,

‘O Israel ambazip, iñini gölme qararañkölkölñe kaba (yara) yambu 40:gö dop mala nalö miangörej sömbup jöwöwöl ohoba naluk tosatñi memba kaba niñgiba malget me qahö?

⁴³ j Mi qahöpmö, eñon mönö bem qetñi Molok yañgö opo seri koumñi mi anğuet aka bem qetñi Refan yañgörej señgelau imutñi mi anğuba kaba malget.

Eñon imut lopioñ mi waikñiri memba möpöseim etkibingö meget buñajina ahök.

Miangöra aka nöñon mönö iñini közöl enğibi kerökurupñinan kaba enğuanğitketka anda mala köröwen Babilon kantrigö andöñe öngöba malme!’ ” Mewö.

° 7.36 Eks 7.5; 14.21; Jañ 14.33 d 7.37 Dut 18.15, 18 e 7.38 Eks 19.1–20.17; Dut 5.1–33

f 7.40 Eks 32.1 g 7.41 Eks 32.2–6 h 7.42–43 Amos 5.25–27

Stiwenöŋ opo seri jikegö keuŋi jiyök.

⁴⁴“Ambösakonurupnini yeŋön gölme qararaŋkölkölŋe kaba mala Anutugö dangunuŋi kuŋguba opo seri jike memba aŋguba malget. Mi memba aŋguba Anutunöŋ jikeŋi memegöra Moses jim kutum waŋgiba söpsöp imutuŋi kondel waŋgii ehöhi, mönö miangö dop meget kinök. ⁴⁵Mosesnöŋ ambösakonurupnini galöm köl eŋgiiga yeŋön opo seri jike mi aŋguba malget. Könangep Josuanöŋ wahöta galöm köl eŋgii gwölönarökurupŋinan jike mi buŋa qem aŋguba toroqeba kaba mala kantri ki kaŋgotket. Kantri ki kaŋgotketka Anutunöŋ gölme toŋi kambuŋi kambuŋi eŋguataŋgöi angetka gölmeŋini aŋgön köla meget. Memba tata malgetka kiŋ Deiwidnöŋ asuhuyök.

⁴⁶“Yaŋön asuhuba Anutu jemesoholŋe kalem möriamŋi miwikŋaiba kewö qesim waŋgiyök, ‘Anutu Jeikobkö bemŋi, göŋön ölop jinöŋga nöŋön jim kutubi nini göhöra jöwöwöl jike bohonŋi membin.’ ⁴⁷Mewö qesim waŋgiyökmö, Solomonöŋ jiiga Anutugöra jöwöwöl jike meget. ⁴⁸Mi megetmö, Öŋgöŋgöŋi Ketani yaŋön azinöŋ miri böröŋinan megeri, miangöreŋ qahö malja. Miangö keuŋi kezapqetok azi kunŋan kewö ohoi ahöza,

⁴⁹ “^m“Kembunöŋ jiza: Nöŋgöreŋ jakömbuak dum tatatni mi Suepnöŋ ahöiga gölme mi könanangö döppŋi aiga miangöreŋ tiba tatzal.

Iŋini mönö nöŋgöra miri tandökŋi denöwö megetka dop kölbawak?

Me miri denikeangöreŋ miwikŋaim niŋgigetka miangöreŋ öŋgöba luhut memba malbileŋak?

⁵⁰ Yuai pakpak mi mönö nanak nani börönan miwikŋaim eŋgial mi mötze.’ ” Mewö.

Stiwenöŋ kaunsöl yeŋö uruŋini kuŋguyök.

⁵¹“O qegetal ambazip, eŋgö uruŋinan mönö duhuiga kopa akze! Kezapŋinan köungöba qahö kötökŋi tohoza! Mi duhuzawangöra Anutugöreŋ keu qetala kezapjupjup ahakze. Ambösakonŋinan Uŋa Töröŋi tuarenjoŋ ak waŋgiba malgetka eŋön mönö yeŋgö dop toroqeba mewöŋanök Uŋa Töröŋi sundan dop andö qemakze! ⁵²Eŋgö ambösakonurupŋinan kezapqetok ambazip awamŋi qahö sesewerowero ak eŋgiba malget. Yeŋgöreŋök daŋön mönö kahasililiŋ qahö miwikŋaiyök? Yeŋön Azi Solanŋan asuhumapkö kezapqetok keuŋi jigetka i eŋguget kömuget. Yeŋön kömugetka Azi Solanŋan nanŋak asuhuiga iŋini i mamalolo ak waŋgiba qeget kömuyök.

ⁱ 7.44 Eks 25.9, 40 ^j 7.45 Jos 3.14-17 ^k 7.46 2 Sml 7.1-16; 1 Hist 17.1-14 ^l 7.47 1 Kiŋ 6.1-38; 2 Hist 3.1-17 ^m 7.49-50 Ais 66.1-2 ⁿ 7.51 Ais 63.10

⁵³ Anutunöŋ garataurupŋi melaim enŋiiga Suepnöhök eta Köna keu enŋigetka Buŋaŋini ahökmö, enŋon mi qahö tem köla malget.” Mewö.

Stiwen kötnöŋ qeget kömuyök.

⁵⁴ Stiwenöŋ keu mewö jiiga jike kaunsöl yeŋön mötkeri, mi uruŋini sounöŋ qesiŋqesiŋi ewö qesiŋnök. Qesiŋniga uruŋini könöp jeiga ambarik (amdabö) yöhöba wahöta kinget. ⁵⁵ Mewö aketmö, Uŋa Töröŋan Stiwenöŋ uruŋi kokolak qeiga jeŋi Suepnöŋ göröken ui öŋgöiga Jisös Anutugö asakmararaŋ uruŋe euyaŋgöreŋ Anutugö böröŋi öŋne kini ehök. ⁵⁶ Jisös eka jiyök, “Mötket! Suepnöŋ aŋaŋiiga Suep gölmegö Azi Öŋan mönö Anutugö böröŋi öŋne kiniga ekzal.”

⁵⁷ Mewö jii möta qet gigilahögetka göju ketaŋi wahöriga kezapŋini böröŋinan gwözöŋda körekŋan luhuba anda qeraköba meget. ⁵⁸ Mewö memba taon göraŋe örörahöba anda yaigeŋe ala kötnöŋ könahiba gila qeget. Mewö qegetka tosatŋan mi eka kinda malukuŋini qeköba mölohoba azi gwabö Solgö kösutŋe alget. ⁵⁹ Mewö aka kötnöŋ gila qebayök kingetka Stiwenöŋ Anutugö köuluköba kewö jiyök, “O Kembu Jisös, gi mönö uŋani memba aŋgön kölman!” ⁶⁰ Mewö jiba siminŋan geba köla qet gigilahöba jiyök, “Kembu, siŋgisöndok ki akzei, miaŋgö lömbötŋi mönö yeŋgö qakŋine kude alman!” Mewö jiba nöŋ qeba kömuyök. Mewö.

Solnöŋ urumeleŋ kambu sesewerowero ak enŋii deŋget.

8 ¹ Stiwen qeget kömuyöhi, mi Solnöŋ mewöyök möri dop kölök. Nalö miaŋgöreŋök sesewerowero ketaŋi ahuiga Jerusalem sitigö urumeleŋ kambu kazik ak enŋiget. Miaŋgöra yeŋön körekŋanök siti mosöta deŋda Judia aka Samaria prowins yahöt mi dop köla angetka aposol yeŋönök kapaŋ köla sitinöŋ malget. ² Ambazip Anutu göda qeba waikŋi memba malgeri, yeŋgöreŋök tosatŋan Stiwen kömuyöhaŋgöra jingŋeŋ köla gwötpuk sahöta qamötŋi memba anda löm kölget.

³ Löm kölgetmö, Solnöŋ urumeleŋ könagesö janggauranga mem enŋiba mirinŋi mirinŋi liliköba öŋgöba urumeleŋ azi aka ambi örörahöba enŋömemba gili etketka jiiga kösö mire al enŋiget. Mewö.

Filipnöŋ Samaria sitinöŋ Buŋa nup meyök.

⁴ Urumeleŋ ambazipnöŋ deŋda miri dop anda kaba liliköba malgeri, yeŋön Ölöwak Buŋa jiba miaŋön ambazip uruŋini kuŋguba malget. ⁵ Filipnöŋ Samaria prowinsgö siti kunöŋ geba Amötqeqe Toŋi Kraistkö könaŋi jim asarim enŋii mötket. ⁶ Mia jim asarim enŋiba aŋgöletot meiga letotketka ambazip kambu yeŋön mi eka keu jiyöhi, mi urumohot aka kezap ala möta aŋgön kölget.

° 8.3 Apo 22.4-5; 26.9-11

⁷Filipnön nup meiga Anutugö ösumñan öme gwötpuk mi ambazip uruñneyök enġuatangöyök. Enġuatangöiga qet bölöbölö qeta kota anget. Nup meiga ambazip sehisehiñi likepñini kömukömuñi aka lokon malgeri, mi ölöwaket. ⁸Mewö aiga Samaria sitinön sösöñgai öngöñgöñi asuhuba ahöyök. Mewö.

Sile galöm azi Saimonön timbiqim bilim ahök.

⁹Sösöñgai ahöyökmö, Samaria siti miangörej suña jinañ azi kun qetñi Saimon malök. Yañön (yara) yambu tosatñi qarösongo amötqeqe nup memba Samaria ambazip welipköm enġiiga malget. Mewö malgetka “Azi öngöñgöñi akzal,” jiba nanñangöra möri öngöyök. ¹⁰Ambazip öngöñgöñi eretñi yeñön körek pakpak Saimongö keugöra kezap ala möta kewö jimalget, “Anutugö ösumñi qetñi ‘Kukösum ketañi,’ qetzei, mianñön mönö azi miangö uruñe geiga ahöza.” ¹¹Saimonön qarösongo amötqeqe nup mi nalö köröññi memba ambazip welipköm enġiiga malget. Mewö ak enġiyöhangöra aka yangörej qekötahöba malget.

¹²Mewö malgetmö, Filipnön kaba Anutugö bemtohoñe añgotpingö Ölöwak Buñañi aka Jisös Kraist qetñangö könañi mi jim asarim enġiyök. Mi jim asarim enġiiga ambazip gwötpukñan Buña keu möt nariba uruñini melengetka o melun mem enġiyök. ¹³Mewö aketka Saimonön mewöyök keu mi möt nariiga o melun mem wangigetka Filipkö kösutñe kaba mala wuatangöyök. Mewö aiga Filipnön añgöletot aiwesök ketañi ketañi mei asuhugetka mi eka welipköba malök. Mewö.

Uña Töröñan Samaria yeñgö uruñine geyök.

¹⁴Samaria ambazipnön Anutugörej Buña keu mewö möt añgön kölgeri, miangö buzupñan sehiba Jerusalem sitinön ani aposol yeñön mötket. Yeñön mi möta Pitö aka Jon meköba melaim etkigetka yeñgörej anohot. ¹⁵Anda añgota yeñgöra aka köuluköba Uña Töröñan uruñine gemapköra Kembu qesiyohot. ¹⁶Könañi kewögöra qesiba köuluköyohot: Yeñön Kembu Jisösgö qetñe o melun mem enġigetmö, Uña Töröñan yeñgörejök kungö uruñe qahö gei öne malget. ¹⁷Miangöra köuluköba böröñjiri nöropñine alohotka Uña Töröñan uruñine geiga meget. Mewö.

Saimonön Uña Töröñi söngöröñi memamgö jiyök.

¹⁸Aposol yetköñ böröñjiri ambazip nöropñine alohotka Anutunön miangö dop Uña Töröñi yeñgö uruñine aliga Saimonön mi eka moneñ memba kaba kewö jiyök, ¹⁹“Injiri mönö kukösum mewöñi mi nia kun niñgiyohotka memba böröñi denike yeñgö nöropñine almami, Uña Töröñan mönö yeñgö uruñine gema.”

²⁰Mewö jiyökmö, Pitönön kewö jim wangiyök, “Aek! Yapmakek! Göñön Anutugö kalemñi mi moneñnön söngöröñi memamgöra jizan.

Miangöra gi mönö moneŋgabuk könöp sianöŋ geman. ²¹Göhö urugan mönö Anutugö jeŋe qahö diŋgiza. Miangöra gi Buŋa keu kiangö ölni kun qahöpmahöp meman. ²²Bölöŋamgeyök mönö urugi meleŋda Kembu köulukönöŋga yaŋön uru mötmötkahö ŋiŋgisöndokŋi mi mosötpawak. ²³Göhö urugan mönö kömbuhiiga wösökömbuk ewö jula kokolak qem gihiza. ŋiŋgisöndokan mönö kösö ewö köpeim gihiiga qaközan.”

²⁴Pitönöŋ mewö jiiga suŋa jinaŋ azi Saimonöŋ kewö meleŋ etkiyök, “Mönö nöŋgöra aka Kembugö köuluköyohotka keu jizahori, miangö ölni kun qahö asuhum niŋgibawak.”

²⁵Aposol yetköŋ Kembugö Buŋa keu mi siti miangöreŋ naŋgöba jiba jim asariba eŋgömosöta anohot. Könanöŋ anda Samaria prowinsgö miriŋi miriŋi liliköba ambazip uruŋini Ölöwak Buŋa keunöŋ kuŋgum eŋgiba mala Jerusalem sitinöŋ liliŋgöba anohot. Mewö.

Filipnöŋ Afrika azi kungöra Buŋa keu jii mörök.

²⁶Kembugöreŋ garata kunŋan Filipköra keu kewö jii mörök, “Gi mönö Jerusalem siti mosöta Saut göröken anman. Gölme qararaŋkölkölŋe köna isikŋi (walŋi) Gaza taonöŋ gemakzei, mönö miangöreŋ anman.” ²⁷Mewö jii möta Filipnöŋ amqeba mosöta anök. Anda Afrika azi kunŋan miriŋe liliŋgöba ani könanöŋ miwikŋaiyök. Yaŋön Etiopia kantrigö kandas i qingö jembonŋi öŋgöŋgöŋi aka ambi kembugö jakömbuak miriŋe moneŋ aka inap yuaiŋi galöm köla malök. Sileŋaŋgö yuaigöra aka Juda azi akŋamgö osiyökmö, töndup Anutugö waikŋi memba möpöseimamgöra Jerusalem sitinöŋ kayök.

²⁸Kaba miriŋe liliŋgömamgöra hos karenöŋ öŋgöiga hosnöŋ örögetka könanöŋ anök. Miangöreŋ anda kezapqetok azi Aisaiagö buk kötula oyoŋda tarök. ²⁹Mewö aiga Uŋa Töröŋan Filipköra saŋep ala keu kewö jiyök, “Gi mönö hos kare miangö qöhöröŋe anda mötöteiba anman.”

³⁰Uŋa Töröŋan mewö jiiga miangöreŋök ösumŋan kösutŋe anök. Anda azinöŋ kezapqetok azi Aisaiagö buk miangö Buŋa keuŋi oyoŋni mörök. Möta kewö qesim waŋgiyök, “Keu oyoŋjani, mi ölop möt asarizan me qahö?”

³¹Qesim waŋgiiga jiyök, “Kunŋan qahö jim asariiga nanak mi denöwö möt asaribileŋak?” Mewö jiiga hos karenöŋ öŋgöiga mohotŋe tarohot.

³²Buŋa Kimbi oyoŋnöhi, mi kewö,

“Azinöŋ lama qem yandibingöra memba waŋgitzei, yaŋön mönö miangö dop ösöŋ sororoŋgöba ahöyök.

Galömŋan lama moröŋaŋgö juŋŋi fitanöŋ mitiiga qöhöröŋe göröŋ qeba tim gwiriŋi qahö kinjawi, yaŋgö numbuŋaŋgö dop mönö qahö waumgöba aŋaŋiyök.

33 Momba et al wanjigetka kunjan keu jakeje keujanjo likepni qahö nanjööba jiiga öne jim teköget. Gölmenöj malmalni mewö wanjitket.

Gwölönarökurupni qahö mewö kömuyök. Mianjööra kunjan qet areji könanjep qahö oyojda jima.”

34 Jembonöj mi oyojda Filip kewö qesim wanjiyök, “Kezapqetok azinöj keu mi dagöra jiza? Mi nanjanjööra me azi kungöra jiza? Gi ölop mianjöö könanji jinöj mötpi.” 35 Qesim wanjiiiga kezapqetok yengörej Buzup Kimbinöhök könahiba Jisösgö Ölöwak Buja mi könanjambuk jim asarii mörök. 36 Mewö eraum möta könanöj anda o kösutje angorohotka qin jembonjan jiyök, “Eknöj, o töwatni ki ahöza. Mianjööra gi ölop o melun mem niŋgiman. Keu kunöj anjön köl gihiza me qahö?” 37 (Mewö jiiga Filipnöj jiyök, “Gi keu jibi mötzani, mi urugi jömuk Anutugörej ala möt narizan ewö, mi ölop akjam.” Jiiga keu kewö melejnök, “Jisös Kraistnöj Anutugö Nahönji akza, nöjön mi möt narizal.”

38 Mewö melejda jim kutuiga hos kare jöhögetka mohotjanjire oe geba Filipnöj o melun mem wanjiyök. 39 Mi mem wanjiiiga onöhök korohotka Kembangö Uja Töröjan Filip wanjiri öngöba sök aliga qin jembonjan i kunbuk qahö ehök. Qahö ehökmö, toroqeba sösongai qakje miri gölmeje Etiopia anök. 40 Filipnöj sök ala anda taon qetji Asdod mianjöörej asuhui miwikjaiget. Mianjöörejök toroqeba taonji taonji liliköba mianjöörej Ölöwak Buja keunöj ambazip urujini kunjuba anda mala Sisaria taonöj kanjorök. Mewö.

Kembunöj Sol asuhum wanjiiiga urujni melejnök.

Apo 22.6-16; 26.12-18

9 ¹Nalö sutje mianjöörej Solnöj urukönöp qakje kinda uru silenji bölam tepköiga Kembangö gwarekurupni engum ureim engiba malök. Mewö mala jike nup galöm bohönji yanjöörej anök. ²Yanjöörej anda kewö kunjuba qesiyök, “Köna dölökni wuatangöba maljei, yanjöörejök tosatjan Damaskus sitinöj körowen malje. Mianjööra nöjön ölop endu anda jarum engiba kun miwikjaimami, i mönö jöhöba wanjita Jerusalem sitinöj kamam. Damaskus sitinöj Juda nengö köuluk miri galöm kölakzei, yejön i anjön köl engibepuköra mönö jimtekötekö kimbi ohoba niŋginöjga momba anda kondel engimam.” Mewö jii ohoi momba anök.

³Könanöj anda mala Damaskus siti dopdowimamgö aiga yuai kun wölanj kewö asuhuyök: Asakmararanj kun Suepnöhök wöbilik ewö asuhuba eta liliköm wanjiyök. ⁴Liliköm wanjii tala gölmenöj geba ahöba kouruk kun möriga keu kewö jii mörök, “Sol Sol, gi mönö wuanöngöra sesewerowero qakje al niŋgizan?”

⁵Mewö jiiga Solnöj qesiba jiyök, “Kembu, gi danjön?” Mewö jiiga melejnök, “Ni Jisös sesewerowero qakje al niŋgimazani, ni mönö mi.

⁶Mi akzalmö, ölop wahöta sitinöŋ anman. Mianğöreŋ anda wani yuai akŋani, kunŋan mianğö buzupŋi jii mötman.”

⁷Azi yambuk köna anda malgeri, yeŋön keuŋini qahöwahiga tömtömimba kinget. Yeŋön keu kouruk ölna mötketmö, azi kun qahö eket. ⁸Keu meleŋniga Solnöŋ gölmenöhök wahörökmö, jeŋi uba yuai kun qahö eka jipjap kinök. Mewö kiniga böröŋe memba Damaskus sitinöŋ waŋgita anget. ⁹Angetka wehön karöbut mianğö dop jipjap mala o me nene kun qahö nempa öne malök. Mewö.

Ananiasnöŋ Sol o melun mem waŋgiyök.

¹⁰Damaskus sitinöŋ Jisösgö gwarekŋi kun qetŋi Ananias malök. Kembunöŋ kutum wasöriga imut ehiga “Ananias!” qerök. Qetŋi qeriga jiyök, “O Kembu, ni ki maljal.”

¹¹Mewö jiiga jii mörök, “Gi mönö wahöta köna qetŋi Köna Diŋdini jimakzei, mianğöreŋ anman. Mianğöreŋ anda Judasgö mire öŋgöba Tarsus azi qetŋi Solgöra qesiman. Mötnöŋ, yaŋön ni köuluköm niŋgiba tatza. ¹²Köuluköba tata uruŋan imut kun kewö ehök: Azi qetŋi Ananiasnöŋ miriŋi uruŋe kaŋgota jeŋi kunbuk tohomapköra böröŋi nööröŋe alma.”

¹³Kembunöŋ keu mewö jii möta meleŋnök, “O Kembu, ambazip gwötpukŋan azi mianğö kösohotŋi lök jiget möral. Yaŋön Jerusalem sitinöŋ göhöreŋ könagesöurup sarakŋi mi gwötpuk eŋgum ureim ak eŋgiba malök. ¹⁴Jike nup galöm bohonŋi yeŋön nam köla kukösum waŋgigetka Damaskus siti kianğöreŋ mewöyök nup miyök memamgöra kayök. Ambazip göhö qetki qeta köulukömakzini, yaŋön mönö nini körek pakpak neŋgömemba jöhöm neŋgimamgö mötza.”

¹⁵Mewö meleŋnökmö, Kembunöŋ jii mörök, “Nöŋön azi mi meköm waŋgibiga qetni bisiba nöŋgöra bim qeba malma. Mewö mala gölmeŋi gölmeŋi liliköba Buŋani jim sehiiga Israel aka kian kantri ambazipnöŋ mötme. Keu jakeŋi jakeŋi mianğöreŋ örögetka azi kembu gwötpuk yeŋgö jeŋine aŋgota Buŋani jii mötme. Mianğöra mönö töndup anöŋ. ¹⁶Yaŋön qetni bisiba mianğöra sihimbölö gwötpuk mötma. Nöŋön mianğö areŋi kondel waŋgimamgö mötza.”

¹⁷Mewö jii möta Ananiasnöŋ anda miri mianğö uruŋe öŋgöba böröyahötŋi Solgö nööröŋe ala jiyök, “Sol alani, köna namŋe kanöŋga Jisösnöŋ asuhum gihiyöhi, Kembu mianğön mönö melaim niŋgiiga kazal. Göhö jegan kunbuk tohoiga Uŋa Töröŋan urugi kokolak qemawaŋgöra jiiga kazal.” ¹⁸Mewö jiiga mianğöreŋök yuai sönuetŋambuk tandök mianğön jeŋeyök tala et teköi jeŋi tohoyök. Jeŋi tohoiga ui asariiga wahörök. Wahöta jiiga o melun mem waŋgiyök. ¹⁹O melun mem waŋgiiga nene nempa köhöiyök. Solnöŋ köhöiba gwarek yeŋgö sutŋine Damaskus sitinöŋ wehön tosatŋi malök. Mewö.

Solnōḡ Damaskus sitinōḡ Buḡa nup meyōk.

²⁰Mala miangōreḡwahōta Juda yeḡḡō köuluk miriḡi miriḡi miangōreḡ öḡḡōba Jisōsgō könaḡi jim asariba ambazip uruḡini kuḡguba kewō jiyōk, “Jisōsnōḡ mönō Anutugō nahōḡḡi akka.”

²¹Mewō jii möta körek yeḡḡōn auruba welipkōba jigeḡ, “Jerusalem sitinōḡ qet mia qet köulukōgeri, azi kiaḡōn mi eḡḡum ureiba malōk me qahō? Mewōḡḡanōk kiaḡōreḡ kayōhi, mi mönō nini jōhōba neḡḡuaḡḡita jike nup galōm bohōḡḡi yeḡḡō börōḡḡine al neḡḡimamḡōra kayōk. Miangōra mönō denōwō letota nanḡak Anutugō keu miyōk naḡḡōba jiza?”

²²Mewō jigeḡmō, Anutunōḡ Sol ösum-mumu waḡḡii kunbuk köhöiba malōk. Köhöiba mala Juda ambazip Damaskus sitinōḡ malgeri, yeḡḡō uruḡini kuḡguba kewō jiba malōk, “Jisōsnōḡ öḡḡa Anutugōreḡ Amōtqeḡe Tonji Kraist akka.” Keu mi jim köhöiba könaḡi kondela maliga yeḡḡōn köḡkuḡ akka keu mi qeapköbingō osiba malgeḡ.

²³“Silim gwōḡḡuk tekōiga miangōreḡ Juda yeḡḡōn tokoba keu nup memba Sol qeḡeḡ kömumapkō aḡḡōnaḡi algeḡ. ²⁴Aḡḡōnaḡi algeḡmō, miangō buzupḡi mi Solḡō kezapḡe gei mörōk. Solnōḡ Damaskus siti mosōtmangō aiga miangōreḡ qeḡeḡ kömumapkōra siti kiripo naḡḡuḡe yaḡḡōra suḡḡem asak je galōm memba malgeḡ. ²⁵Mewō memba malgeḡmō, gwarekurupḡan suḡḡem kunōḡ sakap (misak) ketaḡi memba kösōnōḡ jōhōba Sol sakapnōḡ ala siti selḡō kinimḡeyōk algeḡ geba anōk. Mewō.

Solnōḡ Jerusalem kusukḡḡanōk anda malōk.

²⁶Solnōḡ anda Jerusalem sitinōḡ aḡḡota Jisōsgō gwarekurup yembuk esapkōba toroqeyōkmō, körek yeḡḡōn Sol gwarek aka malōhi, mi qahō möt narigerangōra aka yaḡḡōra keḡḡōḡḡini möḡket. ²⁷Keḡḡōḡḡini möḡketmō, azi qeḡḡi Barnabas yaḡḡōn ala ak waḡḡiba köyan köla waḡḡita aposol yeḡḡōreḡ anda kondela kösohotḡi kewō jim asarim eḡḡiyōk, “Sol azi kiaḡōn könanōḡ kaiga Kembunōḡ asuhum waḡḡii ehiga keuḡi jii mörōk aka könaḡḡep Jisōsgō qeḡḡi mi Damaskus sitinōḡ jim asariba köhöikḡḡanōk uru kuḡḡum eḡḡiba malōk.”

²⁸Kösohotḡi mewō jim asarim eḡḡiiga yembuk toroqeba Jerusalem siti uruḡe lilikōba awōsamkakak kinda Kembangō qeḡḡi aukḡe qeta ambazip urukunḡukunḡu köhöikḡi al eḡḡiba malōk. ²⁹Mi al eḡḡiba mala Juda ambazip Grik keu möta malgeri, yembuk eraum möta möndōmkōsōk keu melenḡeleḡ ahōkmō, yeḡḡōn Sol kapaḡ köla qeḡeḡ kömumapkō möḡket. ³⁰Mi esapkōgetka alaurupḡan Sol miwikḡaiba waḡḡita Sisaria taonḡ

⁹ 9.23-25 2 Kor 11.32-33

anda kinda melaigetka nanjök toroqeba ahuahua taonji qetji Tarsus miangörej anök. Mewö.

Urumelej kambu yejön luainöj malget.

³¹ Solnöj uruji melejniga miangö andöje urumelej könagesö pakpak Judia, Galili aka Samaria prowins dop köla malgeri, yejön luai miwikjagetka Uja Töröjan i mem köhöiba nanjöm engiiga malget. Mewö mutulağöba Kembugö keuji oņgitpinbuköra keņgötjini möta nup megetka urumelej könagesöjnan qarim sehiiiga malget. Mewö.

Pitönöj Lida azi kun mem ölöwahök.

³² Pitönöj mirinji mirinji liliköba Jisösgö könagesö sarakji eņgeka anda mala nalö kunöj taon qetji Lida miangörej aņgorök. ³³ Aņgota miangörej azi kun qetji Ainias miwikjaiyök. Likeņji kömukömuji aiga dumnöhök ahöba mali (yara) yambu 8 teköyök. ³⁴ Pitönöj i miwikjaiba kewö jiyök, “Ainias, Jisös Kraistnöj gi mem ölöwak gihiza. Miangöra mönö wahöta tumbulahöpki qezaköman.” Mewö jiiga miangörejök wahörök. ³⁵ Mewö asuhiiga Lida aka Saron ambazip pakpak yejön i eka urujini meļda Kembugörej qekötahöget. Mewö.

Pitönöj Jopa anda Tabita mem guliyök.

³⁶ Jopa taonöj gwarek ambi kun qetji Tabita malök. (Qet mi Grik keunöj Dorkas, nanine keunöj teu, Inĳlis keunöj deer.) Yaņön nalö dop nup ölöņji ölöņji memba kalem sehisehiņi mendeņda ambazip etqeņeņi bauköm eņgiba malök. ³⁷ Pitönöj gölme miangörej mali Tabitanöj nalö miangörej kawöl asuhum waņgii kömuyök. Kömui qamötņi saņgoņda memba miri uruji kunöj öņgöba alget.

³⁸ Lida mi Jopa taon kösutņe tarök. Miangöra Pitönöj Lida malöhi, gwarek yejön mi möta azi yahöt melaim etkigetka anda Pitö kewö qesim waņgiyohot, “Gi mönö zilaņ kanöņa netpuk Jopa taonöj anbin.” ³⁹ Qesim waņgiyohotka miangörejök amqeba yetpuk anget. Anda aņgotketka qamöt miri uruje ahöyöhaņgörej waņgita öņgöget. Öņgögetka ambi malö pakpak Pitö liliköba sahöta Dorkasnöj yembuk mala opo maluku uhum memba eņgiyöhi, mi kondel waņgiget. ⁴⁰ Kondel waņgigetmö, Pitönöj jii körek yejön gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöj.” Mewö jiiga jeņi uba Pitö eka wahöta tarök.

⁴¹ Tariga Pitönöj böröje memba kököbihiiga wahöta kinök. Kiniga urumelej alauruņji aka ambi malö eņgoholi öņgöget. Öņgögetka kömupnöhök guliba wahöröhi, ambi mi jemesoholņine ali eket. ⁴² Miangö keu buzupņi mi Jopa uruje miri dop ani möta ambazip gwötupkuņan könahiba Kembu möt narim waņgiget. ⁴³ Pitönöj Jopa miangörej sömaņi

tosatnji toroqeba mala Saimongö mire tata ahöyök. Azi mi köna esu memegöra bulmakau silejni urasiba sanjonnda möhamgöba malök. Mewö.

Korniliusnön Pitö ohola uruñi meleşnök.

10 ¹Taon qetnji Sisaria miangörej suahö galöm kiannji kun qetnji Kornilius malök. Yanön yarö kambu bahöni kun qetnji “Italigö yarö kambu” qetkeri, miangörej yarö azi 100 yeñgö galömñina malök. ²Yanön saiwaurupñi pakpak yembuk Anutu göda qeba waikñi memba möpöseiba malget. Mewö malgetka Juda ambazip wanapñi yeñgöra kalem sehisehiñi eñgiba Anutu qösösök (qörörök) köuluköba malök. ³Mare kunön 3 kilok miangö dop aiga Kembunön Kornilius kutum wasöriga imut kun ehök. Imut törörök eka miangörej Anutugörej garata kunñan miriñe öngöi ehök. Garata miangön öngöba “Kornilius!” jiba qetnji qerök.

⁴Mewö qeriga garata ehiba sömbuñi möta jiyök, “Ketañamni, wanigöra ki kazan?” Mewö jiiga meleşnök, “Gi köuluköba malnönnga keugi Anutugörej öngöiga möri ölöwakza. Gi ambazip wanapñi kalemñi kalemñi mender eñgimakzani, mi Anutunön möta angön köla göhöra mötmöriba melaim niñgiiga kazal. ⁵Miangöra mönö dölki kolek alnönnga Jopa taonön aniga azi qetnji Saimon, qetnji kun Pitö qetzei, ia wanğita kame. ⁶Yanön sömbup sileñangö nup meme azi qetnji Saimon yanğö mire köwet jitñe miangörej malja.”

⁷Suep garatanön Korniliusgöra keu mewö jibagun mosöta anök. Mosöta aniga welenqeqeñi yahöt etkoholi kayohot. Kayohotka yarö azi kun kösutñeyök kapañ köla Anutu göda qeba malohori, i mewöyök oholi kayök. ⁸Kagetka garatagörej keu mi körek jii mötketka melaim eñgii Jopa taonön anget. Mewö.

Kembunön Pitö kutum wasöriga imut ehök.

⁹Azi yeñön könanön angetka miri gianji taon dopdowigetka silim bibiñe miangörej Pitönön miri uruñi kun eu miangörej öngöba kinda köuluköyök. ¹⁰Kinda köuluköba nenegö kömumba yuai nemamgö möta jii ohoget. Ohogetka nalö miangörej Kembangö alburupñan qeiga tata imut kun kewö ehök: ¹¹Suepnön anañjiiga könde ketañi kun erök. Könde mi opo tuatñi ketañangö tandök ewö ahök. Garata yeñön yuai miangö wanğömñi 4 miangörej memba nanğöbeak, miangö tandök ewö gölmenön erök. ¹²Yuai miangö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönön ölölöngöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde miangö uruñe mohotñe etket. ¹³Etiketka miangörej qet kun asuhuba keu kewö jii mörök, “Pitö, gi mönö wahöta yuai ki qeba ohoba nenön.”

¹⁴Mewö jii mörökmö, Pitönöñ jiyök, “O Kambu, mewö qahö kötökñi! Mi dönqizinnambuk. Ni nalö kunöñ yuai angjöörakñambuk mi kude neal. Ni miangöra imbilonlon mötzal.”

¹⁵Mewö jiiga qet mianön kunbuk asuhuba yangöra jiyök, “Anutunöñ yuai jim könjörari ahözawi, göñön miangö qetñi angjöörakñambuk mewö qetnönga qahö dop kölja.” ¹⁶Yuai mewöñi mi kunbuk asuhui indimñi karöbut ahök. Indimñi karöbut aiga miangöörenök könde mi kunbuk örogetka Suepnöñ öñgöyök.

¹⁷Pitönöñ imut mi eka miangö könañangöra könkuñ aka mötmamgö möt bibihiba tarök. Mewö tariga nalö miangöörenök Korniliusnöñ azi melaim engii kaba Saimongö miri jaruba miangöra qeqesi aka miwikñaiba kañgota miri nañguñe kinget. ¹⁸Miri nañguñe kinda kewö qeta qesiget, “Saimon qetñi alañi Pitö qetzei, yañön miri kiangöören malja me qahö?”

¹⁹Pitönöñ toroqeba imut miangö könañangöra möt bibihiba tariga Uña Töröñan kewö jii mörök, “Mötnöñ, azi karöbutñan kaba gi jarum gihize. ²⁰Nöñön azi mi melaim engibiga ki kaze. Miangöra mönö döлки wahöta geba uruyahöt mosöta yembuk anman.” ²¹Mewö jiiga Pitönöñ azi miangöören geba jiyök, “Mötket, iñini azi jaruzei, nöñön mia akzal. Mönö denöwögöra kaze?”

²²Jiiga melenget, “Suahö galöm Kornilius mi azi diñdiñi akza. Yañön Anutu waikñi memba möpöseiba mali Juda ambazip kambu körek yeñön göda öngöñgöñi qem wañgimakze. Anutugö garata töröñi kunñan asuhum wañgiba kewö jim kutui mörök, ‘Gi mönö kolek ala Pitö köl öröm wañginönga mirige öngöba keu uruñeyök jimawi, mi kezap ala mötman.’ ” ²³Mewö melengetka öröm engii miri uruñe öngögetka köyan köl engii köisirik tata ahöget. Ahögetka miri gianjiiga Pitönöñ wahöta yembuk anök. Jopa taon miangöörenök ala tosatñi engömeiga yambuk mohotje anget. Mewö.

Pitönöñ kian ambazip yembuk tokoget.

²⁴Mohotje anda sömañi mohot ahöba anda mala Sisaria taonöñ angotket. Angotketka Korniliusnöñ yeñgö mamböt aka malök. Mewö mala tinitosolom aka alaurupñi ölöpñi mi köl öröm engii miriñe tokoba tatket. ²⁵Angota Pitönöñ mire öngömamgö aiga Korniliusnöñ wahöta eta jölöñi jiba könañe geba sipköm wañgiyök. ²⁶Sipköm wañgiyökmö, Pitönöñ böröñe memba kököbihiiga wahöri kewö jiyök, “Möno wahötnöñ, nia kun gölme aziyök akzal.”

²⁷Mewö jii yambuk eraum möta miri uruñe öngöyohotka ambazip gwötpukñan tokoba tatkeri, mi engehök. ²⁸Engeka kewö jii mötket, “Iñini Juda ambazip neñgö könañamnini mötze. Juda nini ambazip kianñi engö mire öngöba embuk köisirik tatatkö songo ahöi osizin. Mi osizinmö,

Anutunöŋ keuŋi kun kondel niŋgiba kewö jiyök, ‘Göŋön ambazip iŋi waiŋi yeŋgö qetŋini mi aŋgöjörak imbilonŋolambuk mewö kude qetman.’²⁹ Mianğöra iŋini kolek ala köl öröm niŋgigetka nöŋön qahö qetala kaba kaŋgotzal. Kaŋgota kewö qesizal: Iŋini mönö wuanöŋgöra kolek ala köl öröm niŋgiget? Mi ölop jiget mötŋi.”

³⁰Mewö jiiga Korniliusnöŋ meleŋnök, “Ni mare kunöŋ nalö kewöŋe 3 kilok mianğöreŋ mirine tata köuluk nup memba mala kotŋi merak sömaŋi 4 akza. Köuluk nup memba malbiga mianğöreŋök azi kun sileötaŋi asakmararaŋambuk mianğön asuhiba wösöne kinök. ³¹“Wösöne kinda kewö jiyök, ‘Kornilius, gi köuluköba malnöŋga keugi Anutugöreŋ öŋgöiga möri ölowakza. Gi kalemŋi kalemŋi ambazip wanapŋi mendeŋ eŋgimakzani, mi Anutunöŋ möta aŋgön köla göhöra mötmöriba melaim niŋgiiga kazal. ³²Mianğöra mönö dölki kolek alnöŋga Jopa taonöŋ aniga azi qetŋi Saimon, qetŋi kun Pitö qetzei, ia waŋgita kame. Yaŋön sömbup sileŋaŋgö nup meme azi Saimon yaŋgö mire köwet jitŋe malja.’

³³“Mewö jiyöhaŋgöra aka nöŋön mianğöreŋök kolek albiga göhöreŋ kaget. Göŋön keuni möta kazaŋgöra uruni ölowakza. Kembunöŋ keu pakpak jimangö jim kutum gihiyöhi, göŋön mi ölop jinöŋ mötŋin. Nini pakpak dölki mianğöra tokoba Anutugö jemesoholŋe ki tatzin.” Mewö.

Pitönöŋ Korniliusgö mire Buŋa keu jiyök.

³⁴Korniliusnöŋ mewö jiiga Pitönöŋ könahiba kewö jiyök, “Aha! Anutunöŋ ambazip tosatŋi qahö eŋgek soriba tosatŋi qahö qepureim eŋgimakzapmö, dop mohotnöŋ kewöt neŋgimakza. Yaŋgö jeŋe kunŋan aŋgöjörakŋambuk qahö akza. Nöŋön mi dölki ölŋa möt kutuzal.

³⁵“Mewö qahöpmö, ambazip kambuŋi kambuŋi körek yeŋgö sutŋine denike yeŋgöreŋök kunŋan Anutu waikŋi memba möpöseiba aiakanan köna diŋdiŋi wuatangözawi, yaŋön mönö Anutugö jeŋe dop kölja. ³⁶Jisös Kraistnöŋ ambazip körek neŋgö Kembuya aka luai qem neŋgimakzawi, Anutunöŋ Buŋa keuŋi mi Israel könagesö neŋgöreŋ ali kayök. Buŋa mianğön kaiga nini mianğö Ölowak Buŋaŋi jim asariba maljin. ³⁷Jonöŋ ambazip uruŋini kuŋguba kewö jiyök, ‘Iŋini mönö uruŋini meleŋgetka nöŋön o melun mem eŋgimam.’ Mewö jiiga mianğö andöŋe keu mi Galili prowinsnöŋ könahiba jiget sehiba anda Judia prowinsnöŋ aŋgota körek dop kölök. Iŋini mi lök mötze.

³⁸“Anutunöŋ Uŋa Töröŋi Nazaret azi Jisösgö uruŋe mokoiga kukösüm buŋa qem aŋguba gölme dop liliköba malöhi, mi yambuk kiniga anda ambazip ak kömum eŋgiyök. Bölöŋaŋgö Toŋan ambazip ösumŋan jöhöba öröm eŋgi gegeri, yaŋön mi pakpak mem ölowak eŋgim teköyök.

³⁹Yuai mi Juda neŋgö gölmenöŋ aka Jerusalem sitinöŋ aka memba

^r 10.34 Dut 10.17

maliga ip kembraje ala qeget kömuyök. Nini mi pakpak eka nangöba jiba dangunuji aka kinjin. ⁴⁰Kömumba ahöi sömañi karöbut aiga Anutunöñ mem guli wahörök. Wahöta indimñi gwötpuk ambazip asuhum engiyök.

⁴¹“Yañön ambazip kambu pakpak yengöra qahö asuhuyökmö, Anutunöñ mutuhök nini möwölöhöm neñgiiga Jisösnöñ kömupnöhök wahöta malöhi, nalö miañgöreñ yambuk keu eraum möta nene aŋgum nem malini, mönö neñgöra asuhuiga nini miañgö keuñi nangöba jiba kinjin. ⁴²Mewö kininga Jisösnöñ kewö jim kutum neñgiyök, ‘Anutunöñ kuŋgum niñgiiga nöñön ambazip maljei aka kömugeri, yengöreñ jimtekötekö Toñina akzal. Miañgöra eñön mönö nöñgö könañamni mi ambazip kambu dop yengöra nangöba jim asariba malme.’ ⁴³Ambazip denike yeñön Jisös möt narim wañgiba qetñi qerakzei, Anutunöñ mönö qet mi möta yeñgö siñgisöndokñini mosöta sañgoñmakza. Yañgö könañamñi mewö ahözawi, mi kezapqetok ambazip körek yeñön nangöba jim asariba ohoget ahöza.” Mewö

Uña Töröñan kian ambazip yengöreñ erök.

⁴⁴Pitönöñ keu mewö jibayök kiniga Uña Töröñan ambazip kezap ala mötkeri, yeñgö uruñine geyök. ⁴⁵Anutunöñ Uña Töröñ kalemñi mi kian ambazip yeñgö uruñine mewöyök mokoi geyöhi, mi Pitögö alaurupñan eka auruget. Juda ambazip sileñine Anutugö aiwesökñi yandigetka uruñini meleñda Jisös möt nariba Pitö wuatangöba kaba tatkeri, mieñön mönö auruba kewögöra welipköget: ⁴⁶Yeñön kantri tosatñi yeñgö keuñini murutñi murutñi könahiba jiba Anutu möpöseiget. Miañgöra welipkögetka Pitönöñ kewö qesiba jiyök, ⁴⁷“Yeñön Uña Töröñi mi neñön ahin ewö aŋgön köla buña qem aŋguzei, mi mötzin. Miañgöra i ölop o melun mem eñgiinga dop kölma. Mi ahinga dañön qetal neñgibawak?”

⁴⁸Mewö jiba jim kutum eñgiiga Pitögö alaurupñan kinda Jisös Kraistkö qetñe Kornilius saiwaurupñi o melun mem eñgiget. O melun mem eñgigetka Pitö aŋgön köl wañgigetka toroqeba silim tosatñi yembuk malök. Mewö.

Pitönöñ Jerusalem anda nupñangö kösohotñi jiyök.

11 ¹Kian kantri yeñön mewöyök Anutugöreñ keu memba aŋgön kölgeri, miañgö buzupñi mi aposol aka urumeleñ alaurup Judia prowins dop köla mala mötket. ²Miañgöra Pitönöñ Jerusalem sitinöñ lilingöba öngöiga Juda sileñine Anutugö aiwesök yandigetka uruñini meleñgeri, yeñön jijiwilit (jelikit) aka jim wañgiget. ³Jim wañgiba kewö jiget, “Kian kantri azi Anutugö aiwesökpuk qahö maljei, gi mönö wuanöngöra anda yembuk köisirik tata nene nenöñ? Mi qahö dop kölja.” ⁴Mewö jigetka könakönahineyök könahiba yuai asuhuyöhi, mi körek pakpak areñambuk jim asarim eñgiba kewö jiyök,

5“Nöjön Jopa sitinöj mala köuluköbiga Kembugö alburupjan nuŋguiga tata imut kun kewö ehal: Suepnöj aŋaŋiiga könde ketanji kun erök. Könde mi opo tuatŋi ketanjanjö tandök ewö ahök. Garata yejön yuai miangö waŋgömŋi 4 miangöreŋ memba nanjöbeak, miangö tandök ewö nöngö kösutneyök eta ahöyök. 6Eta ahöiga yuai miangö uruŋe törörök ekiga sömbup könaŋi könaŋi miangöreŋ tatket. Sömbup tosatŋi mi gölmenöj köna 4:ŋan tiba anakze. Tosatŋi kalŋi könöŋŋinambuk akze. Tosatjan wösöŋinan ölölöngöba anakze. Mewöyök nei könaŋi könaŋi könakemba bölbölgöba anakzei, yuai mewö mi könde miangö uruŋe mohotŋe etketka eŋgehal. 7Eŋgekiga qet kun mewöyök asuhaba kewö jii möral, ‘Pitö, mönö wahöta yuai ki qeba ohoba nenöj.’

8“Mewö möralmö, nöjön kewö jial, ‘O Kembu, ni miangöra imbilonloŋ mötzal. Yuai dönqizin aŋgöjörakŋambuk mewöŋi mi nalö kungen nöngö numbunan qahö oseiyök. Miangöra mi mönö qahö kötökŋi nemam.’ 9Mewö jibiga qet miangön kunbuk Suepnöhök asuhaba kewö jiyök, ‘Anutunöj yuai jim könjörari ahözawi, göjön miangö qetŋi aŋgöjörakŋambuk mewö kude qetman.’ 10Yuai mewöŋi mi indimŋi karöbut asuhuyök. Mewö asuhiiga yuai pakpak mi kunbuk örögetka Suepnöj lilingöba öŋgöyök. 11Öŋgöba atatop (jiatatoŋ) köliga nalö miangöreŋök Korniliusnöj Sisaria taonöhök azi karöbut melaim eŋgii nöngöreŋ kageri, yejön miri tarini, miangö nanŋuŋe kinget.

12“Nanŋuŋe kingetka Uŋanöj kewö jim kutum niŋgii möral, ‘Gi mönö uruyahöt yaköriba yembuk anman.’ Keu mi mötpiga urumeleŋ alaurupni 6 yejön mewöyök Jopa mosöta nömbuk Sisaria taonöj anin. Sisaria aŋgota suahö galöm miangö mire öŋgöin. 13Öŋgöinga keu kösohot kewö ak neŋgiyök, ‘Garata kunjan nöngö mire asuhiiga ekiga kinda kewö jii möral: Gi mönö Jopa mire kolek ala azi qetŋi Saimon, qetŋi kun Pitö i waŋgita kaget. 14Yaŋön kaiga Buŋa keu jiiga gi aka saiwaurupkan mi möt nariba uruŋini melengetka körek amöt qem eŋgiiga letotme.’

15“Kösohot mi ak neŋgiiga nöjön könahiba Buŋa keu jial. Mi jibi mötketka Uŋa Töröŋan könakönahiŋe neŋgö urunine geyöhi, mönö miangö dop kezap ala mötketka yeŋgö uruŋine mohot geyök. 16^sYaŋön geiga ekiga miangöreŋök Kembugö keu kun nöngö mötmötnöj kaŋgori mötmörial. Keu mi kewö, ‘Jonöj o töhönöj melun mem eŋgiyökmö, nöjön Uŋa Töröŋi uruŋine ala miangön melun mem eŋgimam.’ 17Nejön Kembu Jisös Kraist möt narim waŋgiinga Anutunöj kalemŋi neŋgiyöhi aka yejön möt narigetka Anutunöj kalemŋi miyök eŋgö uruŋine mewöyök alök. Miangöra aka ni ewöŋan mönö denöwö Anutu kukösum Toŋi esapköba qetal waŋgibileŋak? Yaŋön mewö ak eŋgiiga nöjön aŋgön köl waŋgimangö osial.”

^s 11.16 Apo 1.5

¹⁸Pitönöŋ kösohotŋi mewö jii möta uruŋini amörii bönjöŋ aiga Anutu möpöseiba kewö jiget, “Ölŋa, nini urunini melenŋda malmal köhöikŋangö buŋaya akzin mötzinmö, Anutunöŋ köna mohot mi kian kantri ambazip yengöra mewöyök al engii ahöza. Mi mönö döлки asariba möt kutuzin.” Mewö.

Kian kantrinöŋ urumeleŋ kambu mutukŋi asuhuyök.

¹⁹Stiwen qeget kömuyöhangöra aka kahasililiŋ asuhuiga urumeleŋ ambazipnöŋ denŋa liliköba anda kaget. Anda kagetka tosatŋan köwet jitŋe Fonisia gölmenöŋ anget. Tosatŋan köwet kutuba gölme jölanŋi qetŋi Saiprus miangöreŋ anget. Tosatŋan Siria prowinsgö sitiŋi qetŋi Antiokia anget. Mewö denŋa angetmö, ambazip sutŋine Jisösgö Buŋa keu mi Juda ambazip yengörök jigetka mötket. Kian kantri yengöra mi qahö jiget. ²⁰Qahö jigetmö, Saiprus aka Sairini azi tosatŋan yengö sutŋine malget. Yeŋön kian gölmenöŋ qariba Antiokia sitinöŋ kaŋgota gölme toŋi yembuk Grik keunöŋ eraum möta Kembu Jisösgö Ölöwak Buŋa mi mewö Juda qahö yengöra mewöyök jim asarim engiget. ²¹Mi jim asarim engigetka Kembunöŋ yembuk mali ösumŋan ambazip uruŋini kuŋgum engii gwötpuk yeŋön Kembu Jisös möt nariba uruŋini melenŋda yaŋgöreŋ qekötahögetka kambuŋini qariiga ketanŋi ahök.

²²Mewö aiga miangö buzupŋan anda Jerusalem könagesö yengö kezapŋine gei mötket. Mi möta Barnabas melaigetka Antiokia sitinöŋ anök. ²³Anda aŋgota Anutunöŋ kalem möriamŋi ambazip engii ölöwakeri, mi jeŋan eka möri öŋgöi söŋgaiba qambaŋi kewö jiyök, “Iŋini mönö körek pakpak uruŋini qezaköba köhöiba Kembubuk qekötahöba kinme.” ²⁴Barnabasnöŋ azi ölöpŋi aiga Uŋa Töröŋan uruŋi kokolak qeiga uruyahöt andö qeba uruŋi jömuk miangön Jisös möt narim waŋgiba malök. Miangöra ambazip gwötpukŋan uruŋini melenŋda Kembugö kambunöŋ toroqegetka qariyök.

²⁵Barnabasnöŋ Antiokia mosöta Sol jarumangöra Tarsus taonöŋ anök. ²⁶Anda miwikŋaiba waŋgiri Antiokia sitinöŋ kayohot. Kaba miangöreŋ mohotŋamŋire (yara) yambu mohot jömukŋanök mala zioz nup memba uruŋini melenŋeri, mi kambuŋi kambuŋi köla kusum engiyohotka ambazip gwötpukŋan mötmöt memba urukönömŋine alget. Antiokia ambazipnöŋ mutukŋi könahiba gwarek qetŋini Kraistkö alaurup (kristen, Kraistkö buŋa) qeta malget. Mewö.

Kian kantrigö urumeleŋ yeŋön Juda naŋgöm engiget.

²⁷Nalö miangöreŋ kezapqetok ambazip tosatŋan Jerusalem mosöta Antiokia sitinöŋ eta kaŋgotket. ²⁸“Yeŋgöreŋök kun qetŋi Agabus mi

¹ 11.19 Apo 8.1-4 ² 11.28 Apo 21.10

wahöta Uḡa Töröḡan sölölöhöi buzup keu kewö jii mötket, “Bödi ketaḡan asuhuba gölmeḡi gölmeḡi dop köla ahöma.” Mewö jiiga miangö dop sisa kiḡ qetḡi Klodius yaḡgö galömkölköl nalöḡe asuhuyök. ²⁹Mi asuhuiḡa gwarek yeḡön mindiriba urumeleḡ alaurupḡini Judia prowinsnön malgeri, mi naḡgöm eḡgiba mindimindiri naluk ketaḡi alget anmapkö keu jöhöget. ³⁰Keu mi jöhöget aka miangö dop öḡḡa aket. Yeḡön moneḡ aka yuai tokoba Barnabas Sol yetkö böröḡire ala melaim etikigetka Jerusalem anda urumeleḡ könagesö yeḡgö jitḡememeurupḡini eḡgeka eḡgiyohot. Mewö.

Herodnön Jeims qeba Pitö kösö mire alök.

12 ¹Nalö miangöreḡ kiḡ Herodnön¹ urumeleḡ könagesö sesewerowero mem eḡgibingö möta jiiga urumeleḡ ambazip tosatḡi eḡgimemba jöhöm eḡgiget. ²Kiḡnön jiiga Jongö datḡi Jeims mi bimḡö sou ketaḡan qegetka kömuyök.

³Mewö jii kömuḡa Juda ambazip tosatḡan mi mötket ölöwahiga ehök. Mi eka miangöra toroqeba jiiga Pitö mewöyök memba jöhöget. Yuai mi beret yistḡi qahöpkö kendon nalöḡe jiiga asuhuyök. ⁴“Miangöra kiḡnön kewö jiyök, “Nönön ak-kömukömu kendon^x teköḡiga Juda yeḡgö keu jakeḡe almam.” Mewö jiba jii kösö mire alget. Algetka yarö azi 16 yeḡön sutḡine kambu 4 köla nalö utekutek aketka azi 4:ḡan sundan suḡgem asak kinda galöm mem waḡgiba malget. ⁵Pitö mewö galöm mem waḡgiba malgetka kösö mire ahöyökmö, urumeleḡ könagesö yeḡön sundan dop yaḡgöra aka Anutu kapaḡ köla köuluköba malget. Mewö.

Suep garatanön Pitö pösata waḡgita erök.

⁶Köuluköba malgetka ak-kömukömu (Pasowa) kendon teköḡiga suḡgem miangöreḡ yarö azi yahötḡan Pitö tapep (muḡgamuḡa) yahötnön jöhöm köhöiyohotka sutḡire gaun ahöyök aka wahibuk tosatḡan naḡgu andöḡe kinda kösö miri galöm meget. Kiḡ Herodnön miri gianaḡiga Pitö waḡgita keu jakeḡe almamḡö mötmöriba areḡ ali gaun ahöget. ⁷Gaun ahögetmö, Kembugö garata kunḡan wöḡaḡ asuhuba Pitö qöhöröḡe kini kösö mirigö uruḡi asarim teköi Pitögö nambulḡe qeba jiyök, “Mönö zilaḡ wahötnön.” Mewö jii tapep (muḡgamuḡa) yahötḡan miangöreḡjök Pitögö böröḡeyök öne sulohot. ⁸Sulohotka garatanön jii mörök, “Mönö opogi jöhöba köna esugi utnön.” Mi möta mewö ahök. Mi aḡa toroqeba jii mörök, “Mönö malukugi kölnön geḡa ni nuatanḡöba kaman.”

^v 12.1 Kiḡ Herod Agripa I (mutukḡi) yaḡön (yara) yambu 37-44 miangöreḡ Palestin pakpak galöm köḡ eḡgiba malök. ^w 12.4 Eks 12.1-27 ^x 12.4 Pasowa nanine keunön qetḡi alaḡi mi walönsörak aka goukölköl. Israel ambazip yeḡön Iḡipt mala naḡguḡini sepnön mirigetka Anutugö garatanön neḡgehoriba neḡgoḡgita morö mutukḡini qahö eḡgui kömuget.

⁹Mewö jii möta miri uruŋi mosöta wuatangöyök. I wuatangöba anökmö, garatanöŋ yuai ahöhi, mi ölna asuhuyök me qahö, yaŋön miangöra möri jaŋjuŋ ahök. Yaŋön gaun ahöba imut ehöhi, miangö tandöktandök möri ahök. ¹⁰Miri uruŋi mosöta naŋgu mutukŋe galöm memba kinohori, mi etkoŋgita naŋgu kunöŋ aŋgota etkoŋgita öne kutuba anda kösö miri sileŋangö ain kiripone aŋgorohot. Aŋgorohotka naŋgu köhöikŋi ketaŋi miaŋön mönö nanjök öne taliga yaigepŋe siti köna numbuŋe geyohot. Geba köna namŋi strit kun toroqeba anohotka garatanöŋ wölaŋ Pitö mosöta sök alök.

¹¹Sök aliga Pitögö uruŋi tohoiga kewö jiyök, “O Kembunöŋ mönö garataŋi melaii kaba Herodgö böröneyök meköm niŋgiza, mi mötzal. Juda ambazipnöŋ nöŋgö silene yuai asuhumapköra mambötzei, yaŋön mönö yuai pakpak miangöreŋök bohoni jöhöza. Nöŋön dölkü mi ölna möt kutuzal.”

¹²Mewö möt kutui asariiga Jongö namŋi Mariagö mirinöŋ göröken anök. Jon miangö qetŋi kun Mak qetket. Miri miangöreŋ ambazip gwötpukŋan tokoba Anutu köuluköba malget. ¹³Mewö malgetka Pitönöŋ kaba söndaknöŋ kinda naŋgunöŋ qeyök. Naŋgunöŋ qeiga welenqege ambi qetŋi Roda yaŋön kaba “Gi daŋön?” jiba qesiyök. ¹⁴Qesiba kinda Pitögö jölŋi möt kutuba “I-ia kazan!” jiba söŋgaiba luhuba naŋgu qahö öröba ösumŋan miri uruŋe öŋgöba jiyök, “Pitönöŋ kaba naŋgunöŋ kinja.” ¹⁵Jii möta yaŋgöra “Uruŋi sohoi jizan,” jiget. Jigetmö, yaŋön bohon köla “Keu ölna jizal!” jiyök. Mewö jiiga jiget, “Mi mönö Pitögö garataŋan kinja.”

¹⁶Mewö eraum mötketmö, Pitönöŋ naŋgu qebayök kiniga öröba eka auruget. ¹⁷Aurugetka böröŋan söpsöp ala ölöŋ almegegö jiyök. Jiba Kembunöŋ kösö mireyök waŋgiri yaigepŋe eröhi, kösohot mi jiyök, “Injini buzup ki mönö bisop Jeims aka urumelenj alaurup tosatŋi yaŋgöra jigetka mötme.” Mewö jiba eŋgömosöta miri kungen anök. Mewö.

Pitönöŋ kösö miri mosöriŋa Herodgö irimŋi seholyök.

¹⁸Miri giaŋiiga yarö azi yaŋön Pitö jaruba “Denike sömuniba sök ala anja?” jiba miangöra kahasililiŋ aka waimanjat ketaŋi mötket. ¹⁹Herodnöŋ mewöyök Pitö miwikŋaimegegö jii jarum bibihiba qahö miwikŋaigetka azi wahibuk Pitögö galöm megeri, mi keu jakeŋe ala gwötpuk qesim eŋgiba jim teköba eŋguangita eŋguget kömumegö jim kutum eŋgiyök. Miangö andöŋe Judia prowins mosöta Sisaria taonöŋ geba miangöreŋ malök. Mewö.

Anutunöŋ kiŋ Herod kitipŋi waŋgii kömuyök.

²⁰Fonisia prowinsgö taon qetŋiri Taiö aka Saidon yaŋön nenegö nupŋini membingö osiba kiŋ Herodkö kantri yaŋgöreŋök nene yuaŋiŋi

[†] 12.18 Kösö azinöŋ ölöŋ kölbawak, azi wahibuk mi mönö eŋgugetka kömuzema. Rom gawman nupkö areŋi mewö. Miangöra kahasililiŋ aka waimanjat ketaŋi mötket.

bohonji memba malget. Mewö malgetka Herodkö irimji seholiiga Taiö Saidon kerök ak engiba nene engimegö soŋgo alök. Miangöra yejön mindiriba jitnememeurupjini melaim engigetka kambu köla kiŋ Herod ekingöra anget. Angetka jembonji qetji Blastus jakömbuak miriŋangö galömŋan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak waŋgigetka jiyök, “Ölöp keuŋini kötöngöba andöŋine kinmam.”

²¹Mewö jiiga kiŋnön keu melen engimangö nalö mem enjiiga miangöreŋ tokogetka nanji sileji meŋölöba kiŋ azi kembugö malukuŋi köla eta jakömbuak dum tatatŋe tata yeŋgöra sösöŋgai keu jiyök. ²²Jiiga ambazip kambu yejön möta kewö jiba qetket, “Keu mi Anutugöreŋ keuya. Mi gölme azigö keuya qahö.” ²³Mewö qetketmö, kiŋnön mewö aka Anutugö qetbuŋaŋi qaŋ köla qahö möpöseiba nanji möri öŋgöyök. Miangöra Kembugöreŋ Suep garata kunŋan miangöreŋök qei döhöŋöŋ yöhösii kömuyök. ²⁴Mewö asuhuyökmö, Anutugöreŋ Buŋa keu mi jiba malgetka töhötmöriamŋambuk aka sehiyök.

²⁵Antiokia siti yejön Barnabas aka Sol naŋgönaŋgö misin nup kun^z etkigeri, yetköŋ mi Jerusalem mala meköyohot teköyök. Mi teköiga Jon qetji kun Mak qetkeri, i waŋgita mohotŋe Jerusalem mosöta Antiokia sitinön liliŋöba kaget. Mewö.

Barnabas Sol yetköŋ misin nupkö könahiba anohot.

13 ¹Antiokia sitinön tosatŋan uruŋini melenŋa urumelen könaŋesö aketka jitnememeni kewöŋan kezapqetok keu jiba kusum engiba malget: Qetjini Barnabas aka Simeon qetji kun Injaŋi (Grik keunön Naijö) aka Lusius (Sairini gölmegöra), Manain (mi kembu gawönö Herod^a yambuk örörön mala qariyohot) aka Sol. ²Urumelen könaŋesö yejön Kembugö waikŋi memba möpöseiba nene siŋgi malgetka miangöreŋ Uŋa Töröŋan kewö jiyök, “Nöŋön Barnabas aka Sol nup qainŋi kun memahotköra etkoholal. Miangöra eŋön mönö i jim teköba melaim etkigetka anmahot.”

³Mewö jiiga köulukömegöra nene siŋgi mala böröŋini nöropŋire algetka Kembugö ösumŋan etkualöŋniga melaim etkigetka anohot. Mewö.

Saiprus gölme jölanŋe anda nup meget.

⁴Uŋa Töröŋan mewö melaim etkiiga miri qetji Selusia miangöreŋ geyohot. Miangöreŋ geba waŋgenön öŋgöyohotka opo seri öröba

^z 12.25 Antiokia yeŋgöreŋ naŋgönaŋgö moneŋ mi memba anda Jerusalem urumelen könaŋesögö jitnememeurup yeŋgö böröŋine alohot. Miangöra qetji naŋgönaŋgö misin nup kun jizin. Apo 11.30 ^a 13.1 Herod Antipas yaŋön (yara) yambu 4 B.K.-39 A.D. miangöreŋ Galili aka Perea prowins yahöt mi galöm köl engiba malök.

mörörengögetka luhutnön nangöi anda gölme jölanji Saiprus miangö wehön kotkotnje angotket. ⁵Angotketka siti qetji Salamis miangörej anda Juda ambazip yengö köuluk mirinji mirinji miangörej öngöba Anutugö Buja keu jiba uru kuŋgum enjiyohot. Azi qetji Jon i mewöyök waŋgirohotka yetpuk anda kaba alabaukñira malök. ⁶Mewö mala gölme jölanji jömukñi liliköba kutuba likepñe wehön gegeñe Pafos sitinön angotket. Miangörej angota Juda azi qetji Barjisös miwikñaiget. Yañön suña jinañ azia aka kezapqetok azi takapulakanji malök.

⁷Suña azi mi gölme jölanji miangö kiapñi qetji Sergius Pol yañgö mire tata malök. Kiap mianön mötkutukutu azia malök. Mewö mala Anutugörej Buja keu mötmangö sihimñi ahöiga Barnabas Sol köl öröm etkii yañgörej kayohot. ⁸Kayohotmö, Elimas, (suña memegöra qetji Grik keunön mewö jimalgeri,) yañön kiapnön Anutu möt narim wañgibapuköra tuarenjor ak etkiba kiap uruñi keunön enjololöñ memangö esapköyök. ⁹Esapköiga Sol, qetji alañi Pol qetkeri, Uña Töröñan yañgö uruñi kokolak qei Elimas törörök ek kutuyök.

¹⁰Ek kutuba kewö jiyök, “Ye! Timbiqimibilim azi gi mönö Bölöñi Tonjañgö moröya akzan! Satanön urugi isimkakaleknön kokolak qeiga silenön alal könañi könañi aka malakzan. Keu diñdijñi pakpakö kerökñi aka Kembugörej köna diñdijñi möwörangönöñga goñgimakzawi, mi mönö mosötman me?

¹¹Miangöra mötnön! Kembunön mönö böröñi qake aliga ösumñan turum ghiiga jegi gömölii wehön asakñi ekñamgö osiman. Yañön nalö meyöhangö dop mönö janjuñ aka malman.” Jii miangörejök söñjaupnön qakñe eta turui ömuñ köla jipjap aka ilingösön anda kaba böröñe memegö qesiba böröñan mezañqezañ ahök. ¹²Yuai mi asuhuiga kiapnön mi eka Kembugö Buja keu mötmötñangöra welipköba möt narim wañgiyök. Mewö.

Pisidiagö Antiokia taonön misin nup meget.

¹³Polnön nejakurupñi yembuk Pafos miri mosöta wañgenön öngögetka opo seri öröba mörörengögetka luhutnön nangöiga anda mala Pamfilia prowinsgö siti qetji Perga miangörej angotket. Miangörej angota kinda Jonön etkömosöta eleñda Jerusalem sitinön lilingöyök. ¹⁴Lilingöyökmö, yetkön Perga siti mosöta toroqeba anda Pisidia prowinsgö taon qetji Antiokia miangörej angorohot. Miangörej angota Sabat kendonön köuluk mirinjne öngöba tarohot. ¹⁵Tarohotka köuluk mirigö galöm yepñ Mosesgö Köna keu aka kezapqetok yengörej Buzup Kimbi oyonda welen algetka eta kewö qesim etkiget, “Azi alayahöt, etköreñ keu kun könagesö urunini kuñgubingöra ahöza ewö, mi mönö ölöp jiyohot mötpin.”

¹⁶Mewö jigetka Polnön wahöta börö misiba kewö jiyök, “Israel kianurup aka gölme toñi nembuk Anutu waikñi memba möpöseimakzei, iñjini mönö kezap ala mötket. ¹⁷^bIsrael ambazip kambu nanine

^b 13.17 Eks 1.7; 12.51

bemnini mi Anutu. Yañon bömönurupnini möwölöhöm engiiga ambösakonurupninan Ijpt gölmenöñ anda kian aka malget. Anutunöñ nalö miañgöreñ Israel ambazip kambu mi töhötmöräm engiiga sehiba qetbuñañinambuk aket. Mewö aketka Anutunöñ angöletot aka kukösumñi kondela miañon enğuangiri Ijpt kantri mosöta yaigep kaget.

¹⁸“Kaba mala gölme qararañkölkölñe kutuba kaba ahakmeme bölöñi aka malgetka Anutugö irimñan seholiiga (yara) yambu 40:gö dop urubölö möta malök. ¹⁹^dMöta malökmö, töndup kaba mala Kenan gölmenöñ kañgotket. Kañgotketka miañgöreñ ambazip kambu 7 közöla könden enğiba gölmenini memba mendenđa isikurupnini toñe toñe akñegö buña qem enğiyök. ²⁰^e“Mewö asuhuiga (yara) yambu 450 miañgö dop anök. Miañgö andöñe Anutunöñ jimtekötekögö azi kembuñi kembuñi kuñgum enğiyök. Mi kuñgum enğii mala kotketka Samuelnöñ asuhuyök. Yañon jimtekötekögö azi kembu qöndökñi aka kezapqetok azia malök.

²¹^f“Samuelnöñ asuhaba mali nalö miañgöreñ kiñ kembugöra uletketka Anutunöñ azi qetñi Sol enğiyök. Sol yañon Benjamin isikurup yengöreñök azi qetñi Kis yangö nahönña ahök aka (yara) yambu 40:gö dop kiñ kembuñina malök. ²²^gMi malökmö, Anutunöñ Sol uteköba salupñe azi qetñi Deiwid kiñ azi kembuñini akñapaköra möwölöhöba kuñguyök. Kuñguba könañamñi jim asariba kewö jiyök, ‘Nöñon Jesigö nahönñi Deiwid miwikñaizal. Yangö uruñi kewöta mötpi ölöp dop köl niñgiza. Yañon mönö ahakmemeñi pakpak miañgöreñ nöñgö jitni tem köla malma.’ ²³Anutunöñ mönöwök Amötqeqe Toñi melaím nengimapkö jiyöhi, jöhöjöhö keu miañgö ölnan mönö kewö asuhuyök: Deiwidkö gwölönarökurupñi yengöreñök azi qetñi Jisös asuhuiga Anutunöñ i Israel kambu neñgö Amötqeqe Tonini aka malmapaköra kuñguyök.

²⁴^h“Jisösnöñ qahö asuhuiga qeljiñe miañgöreñ Jonöñ mutuk kaba kewö jiba malök, ‘Inini mönö uruñini melenget. Uruñini melengetka nöñon o melun mem enğimam.’ Mewö jiba Israel ambazip kambu pakpak uru kuñgum enğiba malök. ²⁵ⁱMewö malökmö, yañon mirililik nupñi mem tekömamgö aka miañgöreñ kewö jii mötket, ‘Inini nöñgöra denöwö mötmörize? Yuai mötmörizei, nöñon mia qahöpmö, mötket, nöñgö andöne azi kun kama. Yañon kaiga nöñon yangö qöhöröñe eretñi maljalañgöra wayangösöñi tengöba köna esu kösöñi pösatmamgö qötötangömam.’

²⁶“O alaurupni, Abrahamgö gwölönarökurupñi aka gölme toñi enñon nembuk Anutu waikñi memba möpöseimakzei, Anutunöñ amöt qem nengimapkö Buñañi mi ali neñgöreñ kaza. ²⁷Miañgö könañi

^c 13.18 Jañ 14.34; Dut 1.31 ^d 13.19 Dut 7.1; Jos 14.1 ^e 13.20 Kemb 2.16; 1 Sml 3.20
^f 13.21 1 Sml 8.5; 10.21 ^g 13.22 1 Sml 13.14; 16.12; Sum 89.20 ^h 13.24 Mak 1.4; Luk 3.3
ⁱ 13.25 Mat 3.11; Mak 1.7; Luk 3.16; Jon 1.20, 27

kewö: Jerusalem tonji aka galömurupnini yejön Jisösgö könani qahö möt kutuget. Kezapqetok yengöreñ Buzup Kimbi Sabat kendon dop oyoñmakzemö, miangö könani qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keuñi jim tekögetka kezapqetok ambazip yengöreñ keu mi mewö miañön öljambuk ahök. ²⁸Yejön Jisös kömupkö buña akñawanğö dop keu könani jaruba kun qahö miwikñaiba töndup “Yapmakek!” qetket. Qeta Pailötnöñ jim teköi kömumapkö qeta uletket.

²⁹^k“Yağöra keu pakpak ohoget ahözawi, yejön mönö miangö dop aketka ölni ahum teköiga Jisös ipnöhök meköba eta qaksirinöñ anda köt köteñ uruñe alget. ³⁰Algetmö, Anutunöñ i kömupnöhök mem gullii wahörök. ³¹Wahöri yambuk Galili prowinsnöhök Jerusalem sitinöñ kageri, yeğöra mönö silim gwötpuk miangöreñ asuhum engiyök. Alaurupñi asuhum engiyöhi, yejön nalö kewöñe ambazip sutñine dangunu ewö kinda könani nañğöba jim asariba malje. ³²Anutunöñ Juda amböskonurupnini yembuk yuai akñamğö keu jim jöhöiga nini yeğö gwölönarökurupñi ahinga keu walñi miangö öljän mönö nalö kewöñe neğöra kewö asuhuyök: Yañön Jisös mem gullii wahöta malja. Miangöra nejön miangö Buña ölöpnji mi jim asarim engizin.

³³^m“Anutunöñ Jisösgöra keu jii Deiwidnöñ möri Sumbara (Buña liñet Sam) jañğö yahöt miangöreñ kewö ohoi ahöza,

‘Göñön nani nahöna akzani, nöñön mi merak ambazip engöra kondelbiga eka mötze.’

Yañön keu miangö dop Jisös mem gullii wahörök.

³⁴ⁿ Jisös mem gullii kömupnöhök wahöta köhöiba mala könangep kunbuk qahö kömuma. Miangö keuñi Anutunöñ kewö jii ahöza,

‘Ni kalem möriamni kiñ Deiwid wañgiba malbiga sarakñi aka pöwöwöm köhöiba kinöhi, miangö dop mi mönö engöra tököm engimam.’

³⁵^o Deiwidnöñ miangö keuñi mi Sumbara (Buña liñet Sam) kun miangöreñ mewöyök kewö ali ahöza,

‘Nangahö wölböt azigi sarakñi i mönö qahö mosötnöñga kömupkö lömnöñ qahö gisahöma.’

³⁶ Nini kiñ Deiwidkö könani mötzin: Yañön malmalñi mala Anutugö jitñi wuatangöba nup wañgiyöhi, mi mem teköba nöñ qeba kömuyök. Kömui amböskonurupñi yeğö kösutñine löm kölgetka qamötñan ahöba gisahöba qahöwahök. ³⁷Deiwidnöñ gisahöba qahöwahökmö, Anutunöñ azi mem gullii wahöröhi, yañön mönö qahö gisahöyök.

^j 13.28 Mat 27.22-23; Mak 15.13-14; Luk 23.21-23; Jon 19.15 ^k 13.29 Mat 27.57-61; Mak 15.42-47; Luk 23.50-56; Jon 19.38-42 ^l 13.31 Apo 1.3 ^m 13.33 Sum 2.7 ⁿ 13.34 Ais 55.3 ^o 13.35 Sum 16.10

38 “Azi alaurupni, miangöra keu ki mönö mötket: Anutunöŋ Jisösgöra aka siŋgisöndokŋini mosöta saŋgoŋma. Neŋön miangö Buŋaŋi jim asarim eŋgizin. 39 Mutuk ‘Mosesgöreŋ Köna keu wuatangöba mewö miangön solanŋi akin,’ jiiŋmö, mi inöŋ wainöŋ qaköba osiba malin. Mewö malinmö, nalö kewöŋe denike yeŋön Jisös möt nariba yambuk qekötahömei, Anutunöŋ mönö körek yeŋgö keuŋini jim teköiga solanime. 40 Kezapqetok ambazipnöŋ keu jiba ohoget ahözawi, Anutunöŋ miangö dop likepŋi melenŋi qakŋine öŋgöbapuköra mönö galöŋŋini mem aŋgume. Keu mewöŋi kun kewö,

41 ^p“Nöŋön eŋgö malmal nalöŋe aŋgöletot qainŋi kun memam.

Kunŋan miangö keu buzupŋi jii mötpeak, mi öŋŋi akŋapkö qahö möt naribeak.

Miangöra keu mi memba et ala jiiwilit ahakzei, iŋini mönö öne uba eka welipköba ayuhume.’ ”

42 Polnöŋ mewö jiiga Barnabasbuk köuluk miri mosöta erohotka tosatŋan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneanöŋ ölöp toroqeba jiyohot mötpinak.”

43 Köuluk mireyök eta dengetka ambazip gwötpukŋan Pol aka Barnabas könaŋire etkuatangöget. Tosatŋan Juda ahuba malget aka tosatŋan kian kantrinöŋ ahuba könaŋep Juda ambazip aka malget. Yeŋön etkuatangögetka eraum möta qambaŋ keu kewö eŋgiyohot, “Anutunöŋ kalem möriam eŋgiyöhi, miangöreŋ mönö böŋ qeba kinme.”

44 Sabat kendon kun kam kuŋguyöhi, miangöreŋ taon gölme miangö ambazipŋi mi kölolohoba “Anutugö Buŋa keu mötpin!” jiba kaŋgota tokoget. 45 Kaŋgota tokogetka Juda yeŋön ambazip kambuŋi kambuŋi eŋgeka irimŋini seholim teköyök. Seholim teköiga Polgö keuŋi qemegö jiiŋnakölik aka goranora (noragora) jiba mepaqepaik ak etkiget. 46 Mewö ak etkigetka Pol Barnabas yetköŋ awösamkakak kinda köhöiba keu kewö jiyohot, “Anutunöŋ nup netkiiga Buŋaŋi mutuk Juda ambazip eŋgöra jiinga dop kölbawakmö, iŋini mi andö qeba laŋ kewö jize, ‘Nini malmal köhöikŋe aŋgotpingö dop qahö.’ Miangöra mötket, netköŋ mönö eŋgömosöta kian kantriŋi kantriŋi yeŋgöreŋ eleŋda anbit. 47^q Kembunöŋ miangö keuŋi kewö jiba jim kutum neŋgiyök,

‘Nöŋön kuŋgum gihibiga kian kantri yeŋgö asakŋina aka amötqeqegö könaŋi jim asariba malnöŋga gölme göraŋi göraŋi dop köŋ teköi likeplikep eu emu yeŋön letota Suepkö buŋaya akŋe.’ ”

48 Mewö jiyohotka gölme toŋi Juda qahö malgeri, yeŋön möta uruŋini ölöwahi Kembugöreŋ Buŋaŋi möpöseiget. Möpöseiba malmal köhöikŋangö buŋa akŋegöra Anutunöŋ möt kewöt eŋgiyöhi, yeŋön miangö dop uruŋini melenŋa Jisösgö Buŋaŋi möt nariget.

^p 13.41 Hab 1.5 ^q 13.47 Ais 42.6; 49.6

⁴⁹Möt narigetka Kembangö Buña keu jim sehigetka prowins pakpak mi dop köla anök. ⁵⁰Ölöp anökmö, Juda yeñon taongö azi ipni aka ambi öngöngöni Anutu göda qeba malgeri, mienggö uruñini esiba kuñguba Pol Barnabas mohotje sesewerowero ak etkiba miri gölmenjeyök etkuatangöget. ⁵¹rAnbitkö aka nesampurekñini kondela kewö jiyohot, “Netkön engö gölmenön kaziga sölbuham köna tambönire ahözawi, mi mönö tim tönjöratziga nanjine lilingöba gema.” Mewö jiyohotka könañamniri solanji möt kutugetka anda Galesia prowins uruñe siti qetñi Aikoniam miangöreñ angorohot. ⁵²Añgorohotmö, gwarekurup Antiokia taonön malgeri, Uña Töröñan yeñgö uruñini kokolak qei önöñi qahö söñgaiba malget. Mewö.

Aikoniam sitinön uru kuñgum engjiyohot.

14 ¹Pol Barnabas yetkön Aikoniam sitinön angota mewöñanök Juda yeñgö köuluk mire öngöba Buña keu jiyohot. Jiyohotka Juda aka kian kantri ambazip yeñgöreñök kambu sehisehiñi yeñon uruñini meleñda Jisös möt nariget. ²Möt narigetmö, Juda ambazip qahö möt narigeri, yeñon gölme toñi Juda qahö malgeri, mienggö uruñini esiba aposol urunön gege ak etkimegöra uruñini kuñguget. ³Kuñgugetka töndup nalö köröpñi miangöreñ mala Kembu möt nariba awösamkakak kindu Buñani jiba malohot. Kembu kalem möriamñangö keuñi jim asariyohotka keuñiri nangöba ösumñi börönjire ali aiwesök angöletot meyohotka asuhuget. ⁴Mewö asuhugetka taongö ambazipñan jula denget. Tosatñan Juda jitjememe yembuk örörön jöhögetka tosatñan aposol yetpuk toroqeba kinget.

⁵Mewö arönja kingetka gölme toñi aka Juda ambazip kianji yeñon wahöta jitjememeurupñini yembuk urumohot aka melaimelai azi aposol mi “Kötnön gila etkubin!” jiba mötmöriget. ⁶Mewö mötmörigetka möta ölöñ köla tököba Likaonia prowinsnön anohot. Miangöreñ anda taon qetñiri Listra aka Derbe aka miri liliköm etkiba tat angeri, miangöreñ angorohot. ⁷Miangöreñ angota Ölöwak Buña jim asariba uru kuñgum enggiba malohot. Mewö.

Listra taonön Pol Barnabasgöra bem qetket.

⁸Listra taonön azi kun köna yahötñi kömukömuñi malök. Mi nam körö uruñeyök lokon asuhuba nalö kungen köna qahö tiba öne tatmalök. ⁹Polnön Buña keu jii möta tari uba könañamñi kewö eka mötmöriyök, “Yangö uruñe mötnaripñi ahöm wañgiyöhangöra aka ölöp ölöwakña,” mewö jiyök. ¹⁰Mewö mötmöriba qet ketanji qeta jii mörök, “Mönö wahöta kinön.” Mewö jii pörañ ala wahöta anda kaba kinök.

^r 13.51 Mat 10.14; Mak 6.11; Luk 9.5; 10.11

¹¹Polnön mewö aiga ambazip kambu yeñön mi eka Likaonia keujine kewö silata jiget, “Bem yetkön letota azi silebuk aka sutnine asuhuba neñgöreñ eta maljahot.” ¹²Mewö jiba Barnabas qetnji bem bohonjini qetnji Zus qetket aka Polnön jitje memba keu jiyöhangöra aka bem qetnji Hermes qetket. ¹³Mewö qetketka bem Zus yanggö jöwöwöl jikeñi taon wösöñe ahöyöhi, miañgö jike nup galömñan bulmakau aziñi enjuañgita kayök. Mewö kaba ila kösasorom memba kaba taon kiripo nangunje kinda ambazip kambu yembuk jakenöñ ala jöwöwöl ohom etkibingö aket.

¹⁴Mewö aketka aposolyahöt yetkön mi möta “Qahö dop kölja,” jiba qetala silepökeñiri munjurata ösumñiran ambazip kambu urunje anda qerohot. ¹⁵Qeta kewö jiyohot, “Aziurup, iñini mönö denöwögöra aka yuai mewöñi akze? Niri mewöyök iñini ewö gölme azi töhöna akzit. Niri Anutugö Ölöwak Buña jim asarim enjizit. Miañgöra iñini mönö bem omañi andö enjume aka uruñini melenja Anutu malmal Toñangöreñ qekötahöme. Anutu malmal Toñan Suep, gölme, köwet aka mienggö uruñine yuai pakpak ahözawi, mi miwikñaim enjii malje. ¹⁶Gölmeñi gölmeñi pakpak yeñön mönöwök mala kotkeri, Anutunöñ i qahö añgön köl enjii nanñini imbiñinañgö dop malmalñini ilingösöñ malget.

¹⁷“Qahö añgön köl enjiiyökmö, töndup tönpin jipap qahö malget. Qahöpmö, Anutunöñ yuai ölöpñi ölöpñi ak enjiba malök. Yañön jiiga kie yöhöi wehön qei töhötmöriamñan nalöñi nalöñi asuhui nem söñgaip aka mewö miañön uruñini kuñgum enjii malget. Mewö malgetka nanñi könäñi mötmegöra kalemñi mi kondel enjiba mewö miañön dangunuj ali malget.” ¹⁸Yetkön mewö jiba ambazip kambu jöwöwöl ohom etkibepuköra jarañbarañ tiba jim susuhum enjiiyohotka löwöriba mosötket. Mewö.

¹⁹Listra yeñön Pol Barnabas etkömosötketmö, Juda ambazip tosatñan Antiokia taon aka Aikoniam siti mietköreñök kañgota ambazip kambu urunöñ gege ak enjiget. Ak enjiba yembuk öröröñ luhuba Pol kötnöñ qeba “Mönö kömuza!” jiget. Mewö jiba örörahöba taon andöñe eta mosötket ahöyök. ²⁰Ahöyökmö, gwarek yeñön kañgota liliköm wañgigetka wahöta anda taonöñ öngöyök. Miañgöreñ öngöiga ahöyohot miri gĩañiiga Barnabasbuk Derbe sitinöñ anohot.

Siriagö Antiokia sitinöñ lilingöba kayohot.

²¹Derbe sitinöñ Ölöwak Buña jim asariba uruñini kuñgum enjiiyohotka gwötpukñan uruñini melenja Jisösgö gwarekurupñi aket. Mewö aketka Derbe taon mosöta Listra Aikoniam aka Antiokia taon mienggöreñ lilingöba anda enjehot. ²²Enjeka tata miri dop liliköba Jisösgö gwarekurup yeñgö uruñini nañgöba mem köhöiyohot. Kembu

* 14.15 Eks 20.11; Sum 146.6

möt narigeri, yambuk qekötahöba kinmegö qambaŋ keuŋi engiba kewö jiyohot, “Nini mönö iririkwarörök qakŋe (lömböt könani könani miwikŋaiba) mala paŋpaŋgöba Anutugö bemtohoŋnöŋ eu aŋgotpin.”²³ Urumeleŋ könagesö dop jitŋememeurupŋini möwölöhöba galöm malmegö könani kusum engiba kuŋgum engiyohot. Kuŋgum engiba Anutugöra nene siŋgi mala gwarek kambu yeŋgöra köuluköba Kambu möt narigeri, yaŋgö böröŋe al engiyohot.

²⁴Al engiba eŋgömosöta Pisidia prowins kutuba anda Pamfilia prowinsnöŋ aŋgorohot. ²⁵Miaŋgöreŋ aŋgota Perga sitinöŋ tata Buŋa keu jiba uruŋini kuŋgum engiba Atalia taonöŋ geyohot. ²⁶Miaŋgöreŋ geba waŋgenöŋ öŋgöyohotka opo seri öröba möröreŋgögetka luhutnöŋ naŋgöi anda mala Antiokia sitinöŋ aŋgorohot. Antiokia urumeleŋ könagesö yeŋön i Anutugö kalem möriam uruŋe misin nup memahotköra mutuk Anutugö böröŋe al etkiŋgetka eŋgömosöta anohot. Anda liliköba nupŋiri mi mem teköba kunbuk nanŋire sitinöŋ liliŋgöba kayohot.

²⁷Miaŋgöreŋ kaba urumeleŋ könagesö köŋ öröm engiyohot. Köŋ öröm engiyohot tokogetka keu kösohotŋiri kewö jiyohot, “Anutunöŋ netpuk mala aŋgöletot ketani ketani aka memba malök. Yaŋön nam köŋ netkii nup meziga kian kantriŋi kantriŋi yeŋön Jisös möt narimegöra naŋgu öröm eŋgii uruŋini melenget.” ²⁸Kösohotŋiri mewö jiba gwarek kambu yembuk nalö köröŋŋi qem köriba tata malohot. Mewö.

Kian kantri yeŋgöra aka zioznöŋ julmamgö ahök.

15 ¹Antiokia malohotmö, Judia prowinsnöhök ambazip tosatŋan eta kaba könahiba urumeleŋ ambazip kewö kusum eŋgiget, “Iŋini Mosesgöreŋ Köna keugö dop Anutugö aiwesökŋi sileŋjine qahö yandime ewö, mewö mönö Suepkö buŋaya akingö osime.” ²Mewö kusum eŋgigerangöra aka aŋgururuk ahuiga Pol Barnabas yetköŋ tuarenjöŋ ak engiba könöpŋambuk jim engiyohot. Jim engiyohotka urumohot qahö aka keu kewö jöhöba jiget, “Nini mönö Pol Barnabas aka jitŋememe tosatŋi melaim eŋgiinga Jerusalem sitinöŋ öŋgöba keu mi memba aposol aka Jerusalem urumeleŋ könagesögö jitŋememe yeŋgöreŋ anda jime.”

³Keu mewö jöhöba jigetka urumeleŋ könagesö yeŋön i melaim eŋgigetka könanöŋ anget. Anda mala Fonisia aka Samaria prowins yahöt mi kutuba könanöŋ könagesöŋi könagesöŋi eŋgeket. Eŋgeka kian kantri tosatŋi yeŋön uruŋini melengerangö buzupŋi jiba urumeleŋ kambu yeŋgöra sösoŋgai ketani al eŋgiget. ⁴Al engiba anda mala Jerusalem sitinöŋ aŋgotket. Aŋgotketka aposol aka jitŋememe yeŋön urumeleŋ könagesö yembuk köŋ öröm eŋgiget. Köŋ öröm eŋgigetka kösohotŋini kewö jiget, “Anutunöŋ nam köŋ neŋgii misin nup meinga nembuk mala

¹ 15.1 Lew 12.3

anğöletot ketañi ketañi aka memba malök.”⁵ Kösohot mi jigetmö, Farisi (Köna keugö kaparıñkölköl) kambunöhök urumelenj azi tosatñan wahöta kewö jiget, “Kian kantri yeñon uruñini meleşgeri, yeñgöra mönö kewö jim kutubin: Yeñon mönö Anutugö aiwesök sileñine yandiba Mosesgören Köna keu pakpak wuatangöba malme.” Mewö.

Jerusalem totoko ala anggururuk keu mindingöget.

⁶ Mewö jigetka aposol aka jitñememe yeñon keu mi jim kewötpingö tokoget. ⁷ Tokoba goranora (noragora) keu gwötpuk jiba jitnakölik aket. Mi aketka Pitönöñ wahöta kewö jii mötket, “Azi alaurupni, Anutunöñ mutuhök sutnine nup mendeñda möwölöhöm niñgiba nöñgöra kewö jiyök, ‘Gi mönö kian kantrinöñ anda Ölöwak Buña keu jim asarim eñginöñga yeñon uruñini meleşda Kembu möt narime.’ Injini keu mi mötze. ⁸ Anutunöñ ambazip pakpak urunini möt kutuzawañon könañamñi kondela Uña Töröñi Juda ambazip neñgöra melaiiga eröhi, miañgö dop mönö kian kantri ambazip yeñgöra mewöñanök i melaii uruñine geyök.

⁹ “Melaii geiga mewö miañon Juda ambazip qahö eñgek soriba kantri tosatñi qahö qepureim eñgiyök. Qahöpmö, yeñon Anutu möt narigetka siñgisöndokñini mosöta uruñini sañgoñniga sarakñi aket. ¹⁰ Miañgöra injini mönö wuanöñgöra Anutu esapesapnöñ al wañgibeak? Wuanöñgöra gwarek dölokñi yeñgö qakñine tem könjöñ toroqeba alinga anğubeak? Tem könjöñ mewöñi mi nanine ambösakoninan me naninak mewöyök anğubingö dop qahö akmalin. ¹¹ Mewö qahöpmö, kewö möt narizin: Kembu Jisösgö kalem möriamñan mönö Anutu nam köl wañgiiga amöt qem neñgiiga Suepkö buñaya akin. Kian kantri yeñon mewöyök köna mohot miyök wuatangöba letota Suepkö buñaya akingö möt narimakze.”

¹² Mewö jiiga kambu yeñon lökñanök keu jaruba böc tatket. Tatketka Pol Barnabas yetkön keu kösohotñiri kewö jiyohot, “Anutunöñ nam köl netkii kian kantrinöñ anda sutñine misin nup meziga aiwesök anğöletot ketañi ketañi asuhuget.” Mewö jiyohotka kezap ala mötket. Mewö.

Bisop^w Jeimsnöñ keu jii mötket.

¹³ Pol Barnabas yetkön kösohotñiri jim teköyohot mötketka Jeimsnöñ keu kewö jiyök, “Azi alaurupni, nöñon keu jibi kezap ala mötket. ¹⁴ Anutunöñ nalö mutukñi kian kantri ambazip mesohol köl eñgiba sutñineyök ambazip nanñangöra möwölöhöm eñgiiga qetñi bisiba könagesöñi toroqeget. Anutunöñ mewö aka könañamñi kondel neñgiyöhi,

^u 15.7 Apo 10.1-43 ^v 15.8 Apo 2.4; 10.44 ^w 15.12 Bisop, Grik keunöñ episkopos, nanine keunöñ jegalöm me inspekta. Yañon zioz nup pakpakö mindimindiri galömñi akza. Jeims kianñon Jisösgö gwarekñi qahöpmö, Jisösgö munñi.

Saimon Pitönöŋ miaŋgö keuŋi jii mötzin. ¹⁵Keu mewöŋi mi kezapqetok ambazip yeŋön mewöyök naŋgöba jize. Yeŋön keu kun kewö ohoget ahöza,

¹⁶ ^xMiaŋgö andöŋe nöŋön liliŋgöba kaba kiŋ Deiwidkö kantri tohoŋi kunbuk memba wahötmam.

Yaŋön mutuk jakömbuak koumŋi qeba ambösakonini galöm köl enŋiiga koumŋan buratiba tiŋgita erökmö, nöŋön mi kunbuk möhamgöba kuŋgubiga kantrinöŋ ölöwaka kinma.

¹⁷ Mi kewö asuhumapköra akŋam: Ambazip kambu tosatŋi pakpak yeŋön Kembu jarume.

Kian kantri pakpak nani buŋani akŋegöra enghoholali, yeŋön Kembu ni göraim niŋgime.

Kembu nöŋön mewö jizal aka miaŋgö dop kantrinŋini mem ölöwakŋam.

¹⁸ Mewö ahakzali, mi mönö möpŋaŋgö möpŋeyök möta kota malje.’

¹⁹“Miaŋgöra Jeims nöŋön keu mi kewöta mötmötnan kewö möta jizal: Kian kantri ambazip uruŋini Anutugöreŋ meŋeŋjei, neŋön mönö lömböt könjöŋ ketaŋi yeŋgö qakŋine alinga qahö dop kölma. ²⁰’Mewö qahöpmö, yeŋgöra kimbi kewö ohoina dop kölma: Yeŋön sömbup busuŋi bem lopiöŋgö naluk buŋa qeba könaŋine algetka ösumŋinan walöŋnöhi, mi kude neme. Sero yoŋgorö kude akŋe. Sömbup jölŋi qeŋeŋaŋgö busuŋi aka sep mi kude neme. Yuai 4 mi mosötmegöra jim köhöibinak.

²¹Mosesgö Köna keu mi mönö möpŋaŋgö möpŋeyök miri dop jim asariba kota maljin. Mi Sabat kendon dop köuluk mirinine oyöŋda mörakzin. Miaŋgöra keu 4 mi ölöp qahö mosötpin.” Mewö.

Jerusalem totokonöŋ kian kantri yeŋgöra kimbi ohoget.

²²Jeimsnöŋ mewö jiiga aposol aka jitŋememe yeŋön könagesö pakpak yembuk keu mi mötket dop kölök. Mötket dop kölīga sutŋineyök azi tosatŋi möwölöhöm enŋiba Pol Barnabas yetpuk mohotŋe Antiokia sitinöŋ melaim enŋibingöra jiget. Mewö jiba azi qetŋi Judas qetŋi alaŋi Barsabas aka Sailas möwölöhöm etkiget. Azi yahöt mi urumeŋeŋ kambugö jitŋememe azia ahot.

²³Azi mi melaim etkibin jiba kimbi kun kewö ohoba böröŋire alget,

“Mötnaripkö kian alaurupnini, Antiokia siti aka Siria aka Silisia gölmenöŋ maljei, neŋön enŋö jölöŋini jizin. Aposol neŋön mötnarip könagesögö jitŋememe yembuk enŋö urumeŋeŋ alaurupŋina akzin. Mewö embuk keu eraum mötŋingöra kimbi al enŋizin.

²⁴ Nanine ambazip tosatŋi qahö jim kutum enŋiinga nanŋinök neŋgömosöta enŋöreŋ kaba uruŋini kuŋguba keu murutŋi kekelolo enŋigetka uru mötmöŋŋini siksauk aiga mörin.

^x 15.16-18 Amos 9.11-12 ^y 15.20 Eks 34.15-17; Lew 17.10-16; 18.6-23

- 25 Miangöra nini körekjanök totoko ala urumohot ahin dop kölök.
Dop kölīga azi yahöt meköba melaim etkiinga wölböt
alayahöt Barnabas Pol yetpuk engörej kame.
- 26 Barnabas Pol yetkôn nanine Kembu Jisös Kraistkö qetjanğöra aka
malmaljiri köleñnohotka tosatjan etkuget kömumbitkö ahot.
- 27 Nini Judas Sailas melaim etkiinga kaba keu miyök toroqeba jitröñ
jiyohotka mötme.
- 28 Uña Töröñi aka neñön keu kewögöra urumohot ahinga dop kölja:
Engö qakñine lömböt könjör qahö toroqeba albin. Keu
bohönji 4 miyök wuatangöme. Mi ongiketka julbinbuk.
- 29 Keu 4 mi kewö: Sömbup busunji bem lopionğö naluk buña qeba
könañine algetka ösumñinan walöñnöhi, mi kude neme.
Mewöyök sep me sömbup jölñi qeqeñangö busunji mi kude
neme. Sero yoñgorö kude akñe. Yuai 4 mi mosöta andö
qegetka urumohot ahinga Anutunöñ kötuatköm engiiga
ölöwaka malme. Mönö uru böñjör malme.” Mewö.

Keu memba angetka Antiokia siti yeñön söñgaiget.

³⁰ Kimbi mewö ohoba melaim engigetka anget. Köna anda geba
Antiokia sitinöñ angotket. Angota urumeleñ könagesö köl öröm
engigetka tokoget. Tokogetka kimbi mi engigetka oyonget. ³¹ Mi
oyongetka miangöra amqeba urukölalep möta söñgaiget. ³² Judas Sailas
yetkôn nanñirak kezapqetok azia mala goro keu gwötpuk engiba urugö
nanğönangö keu jiba mem köhöim engiyohot. ³³ Mem köhöim engiba nalö
tosatñi miangörej toroqeba malohot. Malohot teköiga urumeleñ alaurup
yeñön “Luaibuk anmahot,” jiba melaim etkiget. Jerusalem malohotka
melaim etkigeri, Judasnöñ mönö yeñgörej lilingöyök. ³⁴ (-)^z

³⁵ Pol aka Barnabas yetkôn toroqeba Antiokia sitinöñ mala ambazip
tosatñi gwötpuk yembuk Kembangörej Buña keu kusum engiba urunini
kuñgum engiba malget. Mewö.

Pol aka Barnabas yetkôn deñnohot.

³⁶ Mewö malgetmö, nalö tosatñi teköiga Polnöñ Barnabasgöra kewö
jiyök, “Netkôn taon miri pakpak liliköba Kembangörej Buña keu jim
asariba maliri, mönö miangörej lilingöba urumeleñ alaurupniran
denöwö maljei, mi ölop anda eka mötpit.” ³⁷ Mewö jiiga Barnabasnöñ Jon
qetñi alañi Mak qetkeri, i mewöyök wañgita mohotñe anbingö mörök.

³⁸ “Mewö mörökmö, Jonöñ mutuk Pamfilia taonöñ löwöriba etkömosöta
yetpuk toroqeba nup qahö meyök. Miangöra Polnöñ i wañgita anbingö

^z 15.34 Tosatjan toroqeba jabö v 34 kewö alje: Lilingöyökmö, Sailasnöñ keunji jöhöba
toroqeba miangörej malök. ^a 15.38 Apo 13.13

möri qahö dop kölök. ³⁹Qahö dop kölīga angururuk aka uruñiri könöp jeiga deñnohot. Deñda Barnabasnöñ Mak wañgita geba wañgenöñ öñgöyohotka opo seri öröba möröreñgögetka luhutnöñ nanğoi gölme jölanñi Saiprus miangöreñ anohot. ⁴⁰Anohotmö, Polnöñ azi qetñi Sailas meköiga urumelen alaurup yeñön Kembangö böröñe al etkiba kalem möriamñan sel jöhöm etkimapköra jigetka mosöta anohot. ⁴¹Anda mala Siria aka Silisia prowins yahöt mi kutuba liliköyohot. Liliköba Polnöñ urumelen könagesöñi könagesöñi enğeka mem köhöim enğiba malök. Mewö.

Timotinöñ Pol aka Sailas yetpuk toroqeyök.

16 ¹Polnöñ liliköba anda mala taon qetñiri Derbe aka Listra miangöreñ anğorök. Listra anğota miangöreñ gwarek kun qetñi Timoti miwikñaiyök. Namñan Juda urumelen ambia ahökmö, iwiñan Grik azia. ²Polgö azi alaurupñan Listra aka Aikoniam malgeri, yeñön Timotigö könani jim ölöwaka jiget mörök. ³Mewö jiget möta wañgiri mohotñe anmamgö mörök. Mi mörökmö, Timotigö iwiñan Grik azia malöhi, mi körekñan möt teköget aka miri gölme miangöreñ Juda ambazip gwötpuk malget. Miangöra yeñön Pol jim wañgibepuköra Timoti wañgita Anutugö aiwesökñi sileñe yandiyök. ⁴Yandiiga anda taon aka miri dop anğotkeri, miangöreñ Jerusalem mindimindiri totokogö keunji jiget. Aposol aka Jerusalem urumelen könagesögö jitñememe yeñön keu jöhöm köhöigeri, mi wuatangömegöra jim kutum enğiget. ⁵Mewö lilikögetka Jisösgö könagesöñi könagesöñi miri dop malgeri, yeñgö mötnaripñinan köhöiyök. Mewö köhöiba Buña keu jigetka tosatñan uruñini meleñda wehön dop kam toroqegetka kambuñinañgö jañgöñan qariba öñgöyök. Mewö.

Anutunöñ Pol gaunöñ kutum wasöriga Yurop anget.

⁶Liliköba mala “Eisia prowinsnöñ anda Buña keu jim asaribin,” jigetmö, Uña Töröñan soñgo ala anğön köl enğiyök. Miangöra yeñön toroqeba anda Frigia aka Galesia prowins yahöt mi öne kutuba etkongita anget. ⁷Anda mala Misia gölme görañe anğota Bitinia prowinsnöñ anğotpingö mötketmö, Jisösgö Uña Töröñan miangöreñ anmegö urumohot qahö ahök. ⁸Urumohot qahö aiga mosöta anda Misia gölme öne kutuba köwet jitñe geba Troas taonöñ anğotket. ⁹Troas anğota sunğem gaun ahögetka Anutunöñ Pol kutum wasöriga imut kun kewö ehök: Yurop azi kunñan Masedonia likepñe kindia ohola kewö jiba köuluköm wañgiyök, “Gi mönö köwet kutuba Masedonia gölmenöñ kaba bauköm neñgiman.”

¹⁰Polnöñ jemeleñ imut mi ehiga nini miangö könani kewö möt kutuba jiiñ, “Anutunöñ mönö neñgohola köwet kutuba Yurop uruñe anda Ölöwak

Buŋa Masedonia prowinsnōj jim asarim engbingōra jiza.” Mewō jiba miangōreŋjōk mosōta anbingō mötmōriba amqein. Mewō.

Filipai ambi Lidianōj uruŋi meleŋnōk.

¹¹Nejōn amqeba geba waŋgenōj ŋgōinga opo seri örōba mōrōreŋgōgetka luhutnōj naŋgōi Troas siti mosōta anda diŋdiŋanōk Samotres gōlme jōlanŋe aŋgorin. Aŋgota ahōba miri gāŋjiiga toroqeba anda Neapolis sitinōj aŋgorin. ¹²Miangōreŋ aŋgota waŋgenōhōk eta kōna anda Filipai sitinōj aŋgorin. Rom ambazip yeŋōn mōnōwōk kaba Filipai siti mi memba miangōreŋ malmal tatatŋini algetka Masedonia prowinsgō siti ketāŋi ahōk.^b Nini Filipai aŋgota wehōn tosatŋi miangōreŋ malin.

¹³Miangōreŋ mala Sabat kendonōj siti kiripo yaigepŋe anin. Miangōreŋ anda Juda yeŋōn o sakŋe tokoba Anutu kōlulukōmakzei, mewō mötmōriba geba rowoŋqeqe kunōj anin. Anda ambi tokoba tatkeri, i eŋgeka tata eraum mōta Anutugōreŋ Buŋa keu yeŋgōra jiinga mötket. ¹⁴Mōtkeri, yeŋgō sutŋine ambi kun qetŋi Lidia malōk. Yaŋōn Taiataira sitinōhōk Filipai kaba opo pisikŋi gugakgugak akōdamunŋambuk tokoba bohōŋi memegōra ala malōk aka Anutu waikŋi memba möpōseiba malōk. Kembunōj uruŋi mem amqeiŋa Polnōj keu jiyōhi, miangōra sihimŋan ahui kezap ala mōta aŋgōn kōlōk. ¹⁵Aŋgōn kōli nanŋi aka saiwaurupŋi o melun mem eŋgiinga qesim neŋgiba kewō jiyōk, “Inŋi nōŋgōra ‘Kembu möt narizal,’ jize ewō, mōnō ölp kaba nōŋgō mire ŋgōba tata nene namba ahōme.” Mewō jiba kapaŋ kōla qesim neŋgiyōk. Mewō.

Pol Sailas yetkōn kōsō mire tarohot.

¹⁶Nini nalō kunōj kōluluk rowoŋqeqeŋe gebingō kōna namŋe aninga welenqeqe ambi kunōj miwikŋaim neŋgiyōk. Ambi mi andō lawōnŋambuk mala ambazip kōnaŋini aukŋe jim miwikŋaimamgō mōrōk. Mi mōta kezapqetok keu asambōtŋi jim miwikŋaiba mewō miangōn moneŋ yuai mi gwōtpuk örōba mali tourupŋi yeŋgō bōrōŋine geyōk. ¹⁷Yaŋōn Pol aka nini neŋgeka neŋgō andōnine kaba kewō jiba qerōk, “Azi kienōn Anutu ŋgōŋgōŋi ketāŋangō welenŋi qeba Suepkō buŋaya akingō kōnaŋi jim asarim eŋgimakze.” ¹⁸Mewō jiba sōmaŋi gwōtpuk qeta malōk. Mi malōkmō, Polnōj tōkōba miangōra sihiblōlō mōrōk. Mi mōta nalō kunōj lilingōba ömeŋi kewō jim kutum waŋgiyōk, “Ni Jisōs Kraistkō qetŋe jizal: Gi mōnō ambi kiangō uruŋeyōk kota anōj.” Mewō jim kutum waŋgi miangōreŋjōk kota mosōta anōk.

^b 16.12 Masedonia prowinsgō siti bohōŋi mi Tesalonaika. Distrik mutukŋangō siti bohōŋi mi Amfipolis aka siti keta bölōkŋi kun Filipai. Rom yeŋōn Filipai mi Itali ewō galōm kōl eŋgiget. Grik miri toŋi yeŋōn nanŋine gōlmenōj kian ewō aka malget.

¹⁹Mi anökmö, ambi tourupñan mi möta moneñ yuai öröbingö könani jöpköyöhi, mi miwikñaiba irimñini sehohiyök. Irimñini sehohiiga Pol Sailas etkömembra jöhöba maket sombemñe öröm etkiba galöm azi yeñgö jeñine etkuangita anget. ²⁰Etkuangita anda keu jake galöm yeñgö jeñine al etkiba sileñire keu kewö ala jiget, “Nini siti kianğoreñ luainöñ maljinmö, azi yahöt kietkön kaba eñololoñ ak neñgimakzahot. Yetkön Juda azia akzahot ²¹aka Juda silikñini kusum neñgimakzahot. Nini Rom mindimindiri kantrigö tohoñ toñi akzin. Mianğöra nini silikñini mi ölop qahö möt angön kölbini. Mi memba wuatangöbingö soñgo ahöi osizin.”

²²Sileñire keu mewö aka jim etkigetka ambazip kambu yeñön mewöyök wahöta mindiriba qetal etkim köhöiget. Qetal etkim köhöigetka galöm yeñön kuñgum engigetka sileötañiri öröba munjukunjuratket aka jim kutum engigetka arawambu kömbinöñ etkuget. ²³Gwötpuk etkim teköba kösö mire al etkibingö etkuangita wahibuknöñ ölopñanök galöm mem etkimapkö jim kutum wangiget. ²⁴Mewö jim kutum wangigetka möta etkömembra kösö miri bibiñe miri uruñi kunöñ anda könayahötñiri ip özöpañ^c sutñire ala kösönöñ jöhöba miri uruñi mianğö nañguni yahöt mi ki misigetka tarohot. Mewö.

Kösö miri galömñan uruñi meleñök.

²⁵Pol Sailas yetkön mewö tarohot. Tata mala suñgem bibiñi aiga mianğoreñ Anutu köuluköba liñet köla möpöseiba malohotka kösö azi körekñan kezap ala mötket.

²⁶Mewö aketka mianğoreñök wölañ kenöñ (nañ) ketañi giliga kösö mirigö tandöñi pakpak anjanjanjañ kölget. Mewö kölgetka mianğoreñök nañgu pakpak talgetka kösö azi pakpak yeñgö ain tapepñinan (muñgamuñga) lolohoba erök. ²⁷Mewö asuhuiga kösö miri galöm yañön gaun uruñeyök wahörök. Wahöta kösö mirigö nañguni pakpak tal tekögeri, mi eka jiyök, “Kösö azinöñ an teköze me denöwö?” Mewö jiba mötmöriba jönömñi unduiga bimgö sou ketañi mi kupinñeyök öröba nanñi aumamgö ahök. ^d ²⁸Nanñi aumamgö ahökmö, Polnöñ pauppaupñ teringöba kewö jiyök, “Nini körekñanök ki tatzin. Mönö nangi silegi öne kude ayuhuman.”

²⁹Mewö jii möta kiwa wangimegöra qesii wangigetka ösumñan kösö miri uruñe anda jönömñi unduiga Pol Sailas yetkö kösutñire anda simin köl etkiyök. ³⁰Simin köl etkiba kösö mireyök etkuangita eta kewö qesim etkiyök, “Azi ketañi yahöt, ni mönö denöwö akiga Anutunöñ amöt qem niñgiiga letotpileñak?”

^c 16.24 Ip özöpañnöñ könaniñiri yöhöraköiga osiba tarohot. Imutñi ekñan. ^d 16.27 Kösö azinöñ ölnöñ köliga galömñi mi keu jakeñe ala qegetka salupñe sihimbölo möta kömuzapma. Nanñi gamuñi möta aubawak, mewö amqeba kömumbawak.

³¹Qesim etkiiga jiyohot, “Mönö urugi melenja Kembu Jisös möt narim wanjinönga gi aka saiwaurupkan mewöyök letota Suepkö bujaya akje.” ³²Mewö jiyohotka miriñe angetka könagesöurupñi pakpak yembuk tokogetka Anutugöreñ Buja keu jiyohot mötket. ³³Jiyohot möta sungemgö aua miangöreñök etkuangita anda uziñiri sanjoññök. Sanjoñniga miangöreñök i aka saiwaurupñi pakpak mi o melun mem enjiyohot. ³⁴O melun mem enjiyohotka etkuangiri nene mire öngöba nene ohoba ala etkiyök. Etkiba nanñi aka saiwaurupñi yeñön körek Anutu möt narigeranjöra sösöngai aket. Mewö.

Kösö mireyök közöl etkigetka erohot.

³⁵Miri gianjiiga keu jake galöm (majistreit) yeñön opotöröp melaim enjigetka kösö mire kaba kewö jiget, “Azi yahöt mi mönö pösat etkinönga etmahot.”

³⁶Mewö jigetka wahibuknöñ kaba buzup mi Polgöra kewö jii mörök, “Majistreit galöm yeñön keu kewö alget kaza: Inñiri mönö kösöñiri pösatpiga etmahot. Miangöra etkön mönö döлки mosöta eta luainöñ anmahot.”

³⁷Mewö jii mörökmö, Polnöñ opotöröp yeñgöra kewö jiyök, “Rom mindimindiri gawmanöñ sel jöhöm netkiba miangö (jimkutukutu) paspot netkigetka maljit. Miangöra yeñön keuniri qahö kewöta jim teköba töndup aukje ambazip jeñine öne lañ arawambu kömbinöñ netkuba kösö mire al netkiget. Mi gamuñambuk. Mewö al netkiget tatziga döлки denöwögöra melaim netkiget öne ölöñ etpirak? Mi qahö dop kölja. Niri qahöpmañöp etpitmö, yeñön mönö nanñinak kaba netkömegetka etpirak.”

³⁸Polnöñ opotöröp yeñgöra mewö jiiga keu mi memba majistreit galöm yeñgöreñ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuñini mötket.

³⁹Sömbuñini möta kösö mire kaba ösöñ susuhuba kelök ala kuñgum etkigetka geyohot. Geyohotka Filipai siti mosötmañotkö ulet etkiget.

⁴⁰Ulet etkigetka Pol Sailas yetkön kösö miri mosöta Lidiagö mire anohot. Miangöreñ anda urumelenj alaurupñiri engeka urugö nanjönanjö keu jiba enjömosöta anohot. Mewö.

Tesalonaika nup megetka sesewerowero aket.

17 ¹Anda mala Amfipolis aka Apolonia siti yahöt mi kutuba Tesalonaika sitinöñ angotket. Siti bohonñi miangöreñ Juda yeñön köuluk mirinini meget kinök. ²Polnöñ ahakmemenji aka malöhi, miangö dop köuluk miriñine öngöba Sabat kendon karöbut miangöreñ yembuk Urumelenjö Buja Kimbi oyonja könanji eraum möta malget. ³Mewö mala Buja Kimbigö könanji jim asariba kewö jiyök, “Anutunöñ

arej ala Amötqege Tojan sihimbölö möta kömumba kömupnöhök wahötmapkö jiyök.” Mewö jiba miangö könäji Buja Kimbinöhök kondela urujini kuŋguba kewö jiyök, “Azi Jisös jim asarim enġizali, yañön mönö Amötqege Toji Kraist akza.”

⁴Mewö jiiga Juda könagesö yengörenök tosatñan möt nariba urujini melenġa Pol Sailas yetpuk toroqeba kinget. Grik ambazip tosatñan Anutu waikñi memba möpöseigeri, yengörenök mewöyök kambu ketani yeñön yembuk toroqeket aka ambi öngöñgöñi qetbuñañinambuk yengörenök gwötpukñan urujini melenġet.

⁵Urujini melenġetmö, Juda ipñi yeñön urujini seholiiga urunöj mututqutut möta andöqege aket. Mi aketka injarere ambazip rowoñqeqenöñ lañ malgeri, yengören anda azi goñgoñi tosatñi enġömeget. Mi enġömembra mindiriba ambazip kambu urujini kuŋguba öröm enġigetka tokoget. Tokoba lañ qetketka qeburuñ göjupmajup ahuiga siti dop köl teköyök. Lañ qeta luhuba azi qetñi Jeison yañgö miri töungöba (töwöngöba) Pol Sailas ambazip kambu jeñine al etkibingöra jarum etkiget. ⁶Jarum etkigetmö, qahö miwikñaim etkiba Jeison aka urumelenġ alaurup tosatñi jöhöm öröm enġiba sitigö galömkölköl azi yengö jeñine aŋgota kewö qetket, “Ye! Azi gölmeñi gölmeñi liliköba miri dop uru kuŋgum enġigetka kahapmahap aka sohomakzei, yeñön mönö ki mewöyök kayohot. ⁷Kiangören kayohotka Jeisonöñ i etkömembra aŋgön köl etkiyök. Ambazip pakpak mienön kewö jimakze, ‘Azi kun qetñi Jisös yañön kiñ kembunini akza.’ Mewö jiba Rom sisa kiñgö jimkutukutuñi qetala memba eta alakze.”

⁸Mewö qetketka ambazip kambu aka galömkölköl azi yeñön mötketka urujinan eta raidimbom ewö siksauk ahök. ⁹Siksauk aiga Jeison aka urumelenġ alaurup tosatñi kuŋguba qesim enġigetka moneñ ala meköm etkiba pösatketka eta anget. Mewö.

Berea angetka Baiböl stadi ala keuniri kewötket.

¹⁰Eta angetmö, urumelenġ alaurup yeñön Pol aka Sailas miangörenök melaim etkigetka mosöta suñgem miri qetñi Berea miangören anohot. Anda aŋgota Juda yengö köuluk miriñine öngöyohot. ¹¹Köuluk miriñine öngöba Buja keu jiyohori, mi sihim ketani möta möt aŋgön kölget. Juda könagesö Berea malgeri, yeñön Tesalonaika könagesö enġoñgita ölop sorokñi aket. Keu törörök jiyohot me qahö, mi wehön dop Buja Kimbigö keunöñ kewöta oyoñda eraum möta malget.^e Silik ölopñi mewöñi wuatangöba Juda ambazip Tesalonaika malgeri, mi luhut al enġiget. ¹²Buja keu jiyohotka Juda yengörenök jesöñgöñan möt nariba urujini melenġet. Grik ambazip yengörenök mewöyök gwötpukñan Jisös möt narigetka sutñine ambi öngöñgöñi qetbuñañinambuk mi gwötpuk malget.

^e 17.11 Berea yeñön Baiböl stadi ölopñi alget.

¹³ Jisös möt narigetmö, Polnön Berea miangörej mewöyök Anutugörej Buṅa keu jim asariba malöhi, miangö buzupṅan sehiba Tesalonaika anda Juda jittjememe yeṅgö kezapṅine geyök. Kezapṅine gei möta wahöta Berea kaba mewöṅanök ambazip uruṅini esiba kuṅguget. ¹⁴ Kuṅgugetka urumelenṅ alaurup yeṅön mi möta miangörejök Pol melaigetka köwet jittje geyök. Geyökmö, Sailas Timoti yetkön toroqeba Berea malohot. ¹⁵ Azi Pol umbulgeri, yeṅön toroqeba waṅgita anda Atens sitinönṅ aṅgotket. Aṅgotketka kewö jim kutum eṅgiiga mötket, “Inṅini mönö lilingöba Sailas aka Timoti jigetka ösumok nöṅgörej kamahot.” Keu mi möta mosöta anget. Mewö.

Polnön Atens sitinönṅ mala nup meyök.

¹⁶ Polnön Atens sitinönṅ tata Sailas Timoti yetkö mamböta mala liliköyök. Liliköba siti mi tandö lopionṅi lopionṅi mieṅön kokolak qegetka köna töwokṅe töwokṅe kingetka eṅgeka awöwöliba tembula uruṅi könöp jeyök. ¹⁷ Polnön Juda yeṅgö köuluk mirinṅine öṅgöba Juda kian ambazip aka gölme toṅi Anutu waikṅi memba möpöseigeri, yembuk kinda eraum mötket. Polnön wehön dop rowoṅqeṅe sombemṅini dop anda ambazip miwikṅaim eṅgiba yembuk aitoṅgöba eraum mötket.

¹⁸ Eraum mötketka Epikuros aka Stoik mötmöt jake yahöt mietkörejök böhi tosatṅan kaba Polbuk keu siṅṅinṅi siṅṅinṅi jiba goranora aka jittnakölik erauget.^f Tosatṅan toroqeba Polgö keuṅi möta kewö jiget, “Mötmöt kitipṅi kitipṅi zezengok ewö usuṅda um jaruba laṅ qezaköba mohot yahöt miwikṅaim bibihiba memba kaza. Mi memba kaba sesekṅai ewö laṅ jizapmö, keuṅaṅgö ölnṅi wania jimamgö mötzawi, mi qahö mötzin.”

Polnön Jisösgö Buṅaṅi jim asariba uruṅini kuṅguba kömupnöhök wahörök^g jiyök. Miangöra tosatṅan toroqeba kewö jiget, “Bem kianṅi memba kaba mietkö könaṅiri jim asariza, miangö tandök ewö akza, ekzin.”

¹⁹ Mewö laṅlaṅ jigetka Pol waṅgita maket sombem ketanṅi Areopagus^h miangörej öṅgöba kaunsöl yeṅgö jeṅine alget kini kewö jiget, “Gi mötmöt areṅ dölökṅi aukṅe kusum neṅgimazani, miangö könaṅi denöwö? Mi ölop jinöṅga mötpin. ²⁰ Göṅön kian kantri yeṅgörej keu murutṅi memba kaba jinöṅga kezapṅine gei mötzin. Miangöra göhö keu areṅgahö könaṅi mi törörök mötpingö mötzin.” ²¹ Atens toṅi aka kian miangörej malgeri,

^f **17.18** Mötkutukutu böhi qetṅi Epikuros yaṅön uruölöwak mötpingö könaṅi kusum eṅgiyök. Stoik mötmöt jake (akademi) miangö böhinṅi qetṅi Zeno yaṅön sihim ölopṅi aka bölonṅi qömbököba böṅ qeba köhöiba kinbingö könaṅi kusum eṅgiyök. ^g **17.18** Jisös aka Kömupnöhök wahötwahöt keu yahöt mi qahö möt asariba tönpin kinda kewö jiget, ‘Yaṅön mönö bem azi ambi yahöt yetkö qetṅiri mewö qetza.’ ^h **17.19** Areopagus miangö könaṅi mi yarögö bemṅi qetṅi Ares yaṅgö kunduṅa.

yejñon pakpak öne lañlañ mala mötmöt keu dölökñi dölökñi ongitgongit aka jiba möta uruñini mianggöreñ ala nalöñini ayuhuba malget. Mewö.

Polnöñ Areopagus sombemnöñ kinda keu jiyök.

²²Polnöñ wahöta Areopagus sombem bibiñe anda kaunsöl yeñgö jeñine kinda kewö jiyök, “Atens aziurup, nöñon ki kaba yuai pakpak eka könañini kewö ahöi mötzal: Iñini bemurupñini göda ölopñi qeba möpöseim engiba malje. ²³Nöñon liliköba engöreñ miri kömbukñi kömbukñi eka miengö sutñine alta kulemñambuk kun miwikñaiial. Mianggöreñ kewö ohoget ahöi ehal, ‘Bem könañi qahö mötzini, yanggöra mein.’ Mianggöra iñini bem kun könañi qahö möta töndup waikñi memba möpöseimakzei, nöñon mönö yanggö könañi indela jibi mötme.

²⁴ⁱ“Bem Anutunöñ Suep gölme aka yuai pakpak mietkö uruñire ahözawi, mi miwikñaim engiyök. Yeñon Suep gölmegö Kembuñja akza. Yeñon jöwöwöl jike börönöñ memeni mianggöreñ qahö tata malja.

²⁵Yeñon nanñak malmalgö könañi akza. Mi aka neñon gölmenöñ malbinañgöra sile, uña (imut) aka yuai tosatñi pakpak neñgiiga söñgöörö ösum örömakzin. Mewö neñgimakzawanggöra aka nanñak nene me yuai kunggöra qahö osiza. Mianggöra ambazip nini gumohom wañgibingö osizin. Nini böröñinan yuai qahö memba naluk al wañgiin ewö, yeñon mönö qahö kömuma. Yeñon azi tandök qahö malja. Qahö.

²⁶“Yeñon mutuk azi mohot miwikñaiiga yanggöreñök sehiba deñda gwala injañi aka sile tosatñi aka gölmeni gölmeni pakpak dop köla maljin. Yeñon nalöñini pakpak törörök areñgöm neñgiiga mianggö dop maljin aka miri gölme denike denike ahöm tat ala maljini, mianggö gorañi aka aiwesökñi ala jim kutuiga mianggö dop maljin. ²⁷Nini mönö Anutu nanñi möt jarum wañgibinggöra yuai pakpak mi areñgöba al neñgiyök. Yeñon körek pakpak kösutninyök maljapmö, töndup mezañgezañ ala Anutu jaruba mala miwikñaiabin me qahö? ²⁸Nanñini Grik mötmöt ambazipnöñ keu kötñi areñgöba ohogeri, yeñgöreñök yahötñan mewöyök keu kötñi kun kewö jiyohot,

‘Ninia kun yanggö gwölöñarökurupñi maljin.’

Azi mewöñi kunñan keu kötñi kun kewö ohoyök,

‘Yeñon mönö mem letot neñgiiga yanggö aumñe malmalnini malakzin, könanini anda kamakzin aka ahöm wahötnini ahakzin.’^j

²⁹Keu miengö dop nini mönö Anutugö gwölöñarökurupñi mala kösutñeyök kinjin. Kösutñeyök kinjinmö, töndup yanggö könañi möt

ⁱ 17.24-25 1 Kiñ 8.27; Ais 42.5; Apo 7.48 ^j 17.28 Mötmöt azi ketañi Pol yeñon mötmöt jakeñi jakeñi öñgöba Grik yeñgöreñ buk murutñi murutñi oyoñda möt kutuba mianggöreñök keu kötñi kötñi amqeba memba aukne jiyök.

sohoba jaŋjuŋ akinbuk. Imut ohoho azi yeŋön mötmöt qakŋe kinda bem kungö tandökŋi mötmöriba goul, silwö me köt jamönjŋi memba urorohoba tandö lopionj söhöba meŋölöba memakzei, yaŋön mönö mewö tandök qahö akza. ³⁰ Ambazipnön gukmaulem aka jipjap mala kotketka Anutunön nalö miaŋgöreŋ ahakmemenjini möt böliiga likepŋi qahö melenja malökmö, nalö kewöŋe keuŋi indela kewö jiza, ‘Ambazip körek pakpak miriŋini dop tat anjei, iŋini mönö uruŋini melenja nönögöreŋ kaŋet.’

³¹ “Anutunön nalö ketaŋi ali kam kuŋguma. Yaŋön nalö miaŋgöreŋ ambazip gölmeŋi gölmeŋi pakpak mal anjei, mi tokom neŋgiba keunini kewöta törörök jim teköma. Yaŋön azi kun keunini jim tekömapköra möwölöhöba jimtekötekögö kukösumŋi böröŋe alök. Yaŋön azi mi mem gulii kömupnöhök wahöriŋa mewö miaŋön kukösumŋi ketaŋi mi ambazip pakpak kondel neŋgiiga eka mötzin. Azi kömupnöhök wahöröhi, yaŋön mönö jimtekötekö Tonina akza.”

³² ‘Anutunön azi kun kömupnöhök mem gulii wahöröhi,’ tosatŋan keu mi möta mepaqepaiköget. Mewö aketmö, tosatŋan kewö jiget, “Keu jizani, nini mi kunbuk mötpingö mötzin. Miaŋgöra gi ölop nalö kunöŋ keu mi toroqeba jim tuariman.” ³³ Mewö aketka Polnön yeŋgö sutŋineyök wahöta eŋgömosöta anök. ³⁴ Anökmö, tosatŋan kaba Jisös möt nariba yambuk toroqeket. Möt narigeri, yeŋgö sutŋine Areopagus kaunsöl kambu yeŋgö jitŋememe azi kun qetŋi Dionisius malök. Mewöyök ambi ketaŋi kun qetŋi Damaris aka tosatŋan yetpuk toroqeba möt nariget. Mewö.

Polnön Korint sitinön ani uruŋini melenget.

18 ¹ Yuai mi asuhuiga Polnön Atens siti mosöta Grik siti kun qetŋi Korint miaŋgöreŋ anök. ² Korint anda Juda azi kun qetŋi Aqila miwikŋaiyök. Aqila yaŋön Eisiagö prowinsŋi qetŋi Pontus miaŋgöreŋ ahuba könangep mindimindiri siti Rom anda malök. Miaŋgöreŋ mali sisa kiŋ qetŋi Klodius yaŋön jimkutukutuŋi kewö alök, “Juda ambazip iŋini mönö körek pakpak Rom siti mosöta deŋme.” Mewö jiyöhangöra aka Itali kantri mosöta Grik geba nalö miaŋgöreŋ Korint kaŋgorök. Kaŋgoriŋa Polnön miwikŋaiba i aka anömŋi qetŋi Prisila yetköreŋ anök. ³ Malmalŋiri naŋgöbitköra opo koumŋi koumŋi meyohot. Polnön mewöyök opo seri koum meme asia. Miaŋgöra yetköreŋ ani nupŋini örörön ahöiga yetpuk mala ahöba opo seri koum nup mohotŋe meget. ⁴ Memba malgetka Sabat kendon dop köuluk mire öngöba Juda aka Grik ambazip yembuk Jisösgö könanŋi erauba mesiŋda uruŋini melenmegöra kuŋgum eŋgiba malök.

⁵ Kuŋguba mali alayahötŋi Sailas Timoti yetkön Masedonia prowinsnöhök kaŋgorohotka Jisösgö Buŋanŋi nalö dop jim asariba malök. Mewö mala

Jisösnöj Amötqece Toñi Kraist akzawi, miangö könañi aukñe kondela keu miarjón Juda ambazip uruñini kuñguyök. ⁶Uruñini kuñguyökmö, Pol tuarenjoñ aka uruqece keu töhörej jim wañgigetka böröñan jeñine kuñguba sölburañi töñjörari eriga kewö jiyök, “Nöñön köpösihit qahö akiga injini ayuhuba miangö likepñi mi mönö nöñgö qakne albingö osime. Mi nanñinak bisime. Injini Buña keu qetalgetka nöñön ölop eñgömosöta merak kinda öñgömawi, miangörej kian kantri ambazip yeñgörej eleñda anmam.”

⁷Mewö jiba eñgömosöta köuluk miri görañe azi kun qetñi Titius Jastus yañgö mire öñgöba malök. Yañjón Juda azia qahöpmö, töndup Anutugö waikñi memba möpöseiba malök. ⁸Görañe anökmö, köuluk mirigö galöm qetñi Krispus aka yañgö anöm-moröñi yeñjón körek uruñini melenña Kembu möt nariget. Mewöñanök Korint ambazip tosatñi Polgörej keu mötkeri, yeñgörejök gwötpukñan Jisös möt nariba uruñini melenñetka o melun mem eñgiget.

⁹Polnöj sungem kunöñ gaun ahöiga Kembunöñ kutum wasöriга imut ehiga kewö jii mörök, “Gi keñgötki kude mötmanmö, Buña keu mönö köhöiba jiba malman. ¹⁰Siti kiangörej ambazip kambu gwötpuk yeñjón nöñgö buñaya akze. Miangöra nöñön göbuk malbiga kunñan yuai kun qahö könahiba mem bölim gihima.” ¹¹Mewögöra Polnöj nalöñi mem köriба yeñgö sutñine (yara) yambu mohot aka köiñ 6 miangö dop mala Anutugörej Buña keu kusum eñgimalök.

¹²Kusum eñgimalökmö, Rom yeñjón azi Galio kuñgugetka Akaia prowinsgö kiap gawönö malöhi, nalö miangörej Juda jitñememe yeñjón mindiriba Pol tuarenjoñ ak wañgiba öröba keu jakene al wañgiget. ¹³Keu kewögöra al wañgiget, “Azi kianñön ambazip eñololon ak eñgimakza. Rom yeñjón jimkutukutuñini alget ahözawi, yañjón ambazip köna mi qösököba Anutugö waikñi memba möpöseimegöra uru kuñgum neñgimakza.”

¹⁴Keu mewö sileñe ala jigetka Polnöj keu jimamgö aiga kiap gawönö Galio yañjón Juda ambazip yeñgöra jiyök, “Juda ambazip eñgö sutñine kunñan azi qei kömumbawak me pinjit bölöñi kötökñi kun akawak ewö, miangöra nöñön ölop keuñini kezap ala mötpileñak. ¹⁵Mimö, eñgö sutñine mötnaripkö keu asuhuiga qet murutñi murutñi qeta añgururuk aka jimkutukutuñini denöwö akñei, mi mönö nanñini lömbötñina. Nöñön yuai mewöñi mi kewöta jim tekömamañgö dop qahö akzal.” ¹⁶Mewö jiba keu jakeneñyök eñgutañgöiga etket. ¹⁷Eta nanñinök mindiriba mohotñe luhuba köuluk mirigö galöm qetñi Sostenes mi qeraköba memba kaba keu jakeneñgö köna numbuñe ala qeget. Qegetka kiap gawönö Galionöñ mi eka miangöra möriга ölni kun qahö ahök. Mewö.

Polnöj nanñi miriñe Antiokia sitinöñ lilingöyök.

¹⁸^kPolnöj töndup toroqeba Korint sitinöñ silim gwötpuk malök. Mal teköba urumeleñ alaurupñi yaizözkök keuñini jiba eñgömosöta Prisila aka Aqila

^k 18.18 Jañ 6.18

etkõmemba kõwetnõj geba wañgegõra mambõta tatket. Mutuk Anutugõ jeñe kewõ jiyõk, “Nõñõn Anutugõ nupñi põndañ kapañ kõla memam.” Keu mewõ jiba mi jõjõpañ keunõj jõhõba malõk. Nalõ mi tekõiga kõwetnõj miri qetñi Senkria miangõreñ geba jõjõpañ keuñangõra jiiga nõrõp jupñi mitiget. Wañge kun Siria prowinsnõj anmamgõ ahõhi, mi miwikñaiba miangõreñ õngõba opo seri õrõba mörõreñgõgetka luhutnõj nanñgõ anget.

¹⁹Anda Efesus taonõj angota Polnõj Prisila aka Aqila etkõmosörõkmõ, nanñak kõuluk mire õngõba Juda yembuk Jisõsgõ kõnañi eraum mõtket. ²⁰Eraum mõta kewõ qesim wañgiget, “Gi õlõp nalõ kõrõpñi nembuk malman.” Mewõ qesim wañgigetmõ, Polnõj miangõ urumohot qahõ ahõk. ²¹Miangõra yaizõkzõk kewõ jiyõk, “Anutunõj miangõ Oñ! jima ewõ, mõnõ õlõp lilingõba engõreñ kamam.” Mewõ jiba wañge kunõj õngõgetka opo seri õrõba mörõreñgõgetka luhutnõj nanñgõ Efesus mosõta anget.

²²Anda taon kun qetñi Sisaria miangõreñ angota wañge mosõta gõlme kõna Jerusalem õngõyõk. Õngõba lilingõba urumeleñ kõnagesõ jõlõjini jiyõk. Mi jiba tata wahõta geba Antiokia sitinõj anõk. ²³Antiokia sitinõj anda mali sonda tosatñi tekõiga engõmosõta kõnanõj anõk. Kõnanõj anda Galesia aka Frigia prowins yahõt mi õngita miri dop lilikõba gwarek pakpak engeka kõl gulim engii kõhõiget. Mewõ.

Apolosnõj Efesus aka Korint nup meyõk.

²⁴Nalõ miangõreñ Juda azi kun qetñi Apolos mi Efesus kayõk. Apolos yañõn Ijptkõ taon qetñi Aleksandria miangõreñ ahuba mala mõtmõt mire õngõi tekõiga Buña Kimbi Walñangõ keuñi õlõpñanõk mõt kutuyõk. Mi mõt kutuba kõnañi jii keuñi tandõkñi miangõra ambazip miri dop sihim gwõtputuk mõta sõñgaiget. ²⁵Kembugõ kõnañi wuatangõbingõ kõnañi kusum wañgigetka Anutugõreñ kõnõp bõlamñan uruñe jeyõk. Jisõsgõ kõnañi tõrõrõk diñdiñi kusum engiba Jonõj o melun mem engiyõhi, miangõ kõnañi õlõp mõt sõlõngõba jiyõk. Mi jiyõkmõ, miangõ likepñi kun mosörõk. Uña Tõrõñan melun mem neñgizawi, mi qahõ mörõk.

²⁶Yañõn kaba kõuluk miri uruñe kõnahiba keu õsum-mumuñambuk jiyõk. Jiiga Prisila Aqila yetkõn keuñi mõta kinda wañgirohotka yetkõ mire anget. Anda Anutugõ kõnañi õlõpñanõk toroqeba jim asariba jiyohotka mörõk. ²⁷Apolosnõj Grik kantrigõ bahõñi qetñi Akaia miangõreñ anmamgõ möriga Efesus urumeleñ alaurup yeñõn kötõngõm wañgiget. Kõtõngõm wañgiba Akaia gwarekurup yeñgõra kimbi kewõ ohoget, “Azi ki mõnõ kõl õrõm wañgime.” Apolosnõj kimbi mi memba Akaia prowinsnõj anda ambazip Anutugõ kalem mõriamñi mõt asariba uruñini melenjeri, mi gwõtputuk baukõm engiyõk. ²⁸Baukõm engiba “Jisõsnõj Amõtqece Toñi akza,” jiba miangõ kõnañi mi Buña Kimbigõ keuñi keuñi oyoñda miangõn kondel engii mõtket. Juda yeñõn keu mi

möta jitnakölik aketka goranora (noragora) ahuyökmö, Apolosnön Anutugö kukösum qakne kinda keuñini aukne qeapköiga etket. Mewö.

Polnön Efesus mala nup meyök.

19 ¹ Apolosnön Korint sitinön maliga Polnön Antiokia siti mosöta prowins tosatñi¹ ongita mala mala köwet görane Efesus sitinön angorök. Angota miangörej gwarek tosatñi miwikñaiba engehök.

² Engeka kewö qesim engyök, “Inini möt nariba uruñini melenjeri, Uña Töröñan mönö nalö miangörej uruñine geyök me qahö?” Mewö qesim engiiga kewö melenja jiget, “Uña Töröñan maljawi, nini miangö keuñi qahöpmahöp mörin.”

³ Melenja jigetka kewö jiyök, “Inini mönö wani o melun mem enjigerawa malje?” Mewö jiiga melenjet, “Nini Jonön o melungöra jiba malöhi, mönö mi mem nenjiget mein.”

⁴ Mewö melenjetka Polnön jiyök, “Jonön Jisösgöra keu jiba ambazip kambu uruñini kuñguiga kewö mötket, ‘Nöngö andöne azi kun kamawi, inini mönö i möt nariba uruñini melenjet.’ Mewö jii möta uruñini melenjeri, Jonön i o melun mem enjiba malök.”

⁵ Mewö jii mötketka Polnön Kembu Jisösgö qetne o melun mem engyök. ⁶ Mem enjiba böröñi nöropñine aliga Uña Töröñan uruñine geiga kantri tosatñangö keu murutñi murutñi könahiba jiba kezapqetok keu jiget. ⁷ Azi mi mindiriba 12 miangö dop malget.

⁸ Polnön köuluk mire öngöba kinda Anutugö bemtohoñangö könani eraum möta awösamkakak kinda suahö ewö uruñini kuñgui keuñi qeapköbingö osiba malget. Mewö malgetka köiñ karöbut teköyök. ⁹ Qeapköbingö osigetmö, tosatñan yangiseñ aka qahö möt nariba Kembangörej könani aukne jim böliba ambazip jeñine luasö jiba kinget. Mewö jiba kingetka Polnön kewöta menden enjiba engömosöta gwarekurupñi enjuangiriga tikep anget. Tikep anda azi qetñi Tiranus yangö qenjarök mötmöt jakenön silim dop (aua 5 tokoba) kusum engiiga eraum-mötmöt aka malget. ¹⁰ Mewö aka malgetka Kembangö Buña keuñan sehiiga (yara) yambu yahöt teköyök. Mi teköiga Buña keu mi Eisia prowins uruñe miri toñi aka Juda ambazip pakpak yangö kezapñine gei möt teköget. Mewö.

Sewa nahönurupñan öme közölbingö osiget.

¹¹ Anutugö kukösumñan Polgörej angoriga nup memba böröñi ambazip nöropñine ali Anutunön angöletot murutñi murutñi meiga asuhuget. ¹² Mewö mali ambazip kawöl engehöhi malgeri, tosatñan Polgö

¹ 19.1 Gölme mi nalö kewöñe kantri qetñi Töki (Turkey) miangö uruñe ahöza. ^m 19.4 Mat 3.11; Mak 1.4, 7-8; Luk 3.4, 16; Jon 1.26-27

sileneyök nongöp mitimiti aka opo johanni tosatni mewöyök memba anda kaba qakjine algetka kawöljini engömosöri ömenjini kota angetka ölowaket. ¹³Juda sile galöm tosatjan liliköba öme enguatangöba anda kaba malgeri, yejön mewöjanök könahiba ömenöj kölköljinjin mem engigeri, yejgö qakjine Kembu Jisösgö qetni qeta ösumni köl öröbingö esapköget. Esapköba kewö jiget, “Polnön Jisösgö qetni qeta uru kuḡum neḡgimakzawi, nöjön mönö Kembu miangö qetne öme kota kesalmegöra jim kutum engizal.” ¹⁴Jisösgö qetni mewö qetkeri, yejgö sutjine Juda jike nup galöm bohönji qetni Sewa yangö nahönurupni 7 yejön mewöyök malget.

¹⁵Yejön ömewöröme kun mewö jim kutum wangigetmö, yejön meleḡda kewö jim engiyök, “Ni Jisös möt wangizal aka Pol möt wangizalmö, injini mönö niḡia?”

¹⁶Mewö jim engiba azi uruḡe kinöhaḡön mönö luhuba qakjine öḡgöba qeraköba engömeyök. Mewö körek pakpak luhut ala yaijapaleḡ mem engiba silejini kutumutuba opo malukuḡini munjukunjurariyök. Munjukunjurariga nanḡik nanḡik silejine sepgwörörök eta kini tököba kesala miri uruḡi mi mosöta silejini gwamönḡi aukḡe eta angaiget. ¹⁷Mewö asuhuḡa Juda kian aka gölme toḡi Efesus malgeri, körek yejön miangö buzupni möta gwötpuk auruba awöwöliget. Awöwöligetka tosatjan Kembu Jisösgö qetni kapaḡ köla möpöseigetka aködamunḡambuk ahök. ¹⁸Möt nariba uruḡini meleḡgeri, yeḡgöreḡök gwötpukjan anda siḡgisöndokjini indela jim köleḡget. ¹⁹Tosatjan qarösoḡo amötqeqe memba malgeri, yeḡgöreḡök gwötpukjan buk papiḡjini memba kaba tokoba ambazip pakpak yeḡgö jeḡine kinda aukḡe könöpnöḡ gilget jeyök. Buk papia miḡgö söḡgöröḡjini oyöḡda mindirigetka mindimindiri jaḡḡöḡjini mi silwö moneḡ (Kina) 50.000 miangö dop ahök. ²⁰Tandök mewö aketka Kembuḡö Buḡa keuḡan mönö ösum-mumuḡambuk sehiba köhöiba anök. Mewö.

Polnön nupḡangö areḡi alök.

²¹Yuai pakpak mi asuhum teköiga Uḡa Töröḡan Pol sölölohöm wangii keuḡi jöhöba kewö jiyök, “Ni köwet kutuba Grik kantrigö likepni yahöt Masedonia aka Akaia miangöreḡ liliköbi teköiga mosöta Jerusalem sitinöḡ anmam.” Mewö jiba toroqeyök, “Miangöreḡ anda tata Jerusalem mosöta Rom siti mewöjanök anda ekḡam.” ²²Mewö jiba neḡakni yahöt Timoti aka Erastus melaim etkiiga Masedonia anohotka nanḡak toroqeba nalö tosatni Eisia prowins uruḡe malök. Mewö.

Efesus yejön bim karim aket.

²³Efesus sitinöḡ Kembuḡöreḡ köna wuatangögetka miangöra nalö miangöreḡ eḡololoḡ ḡöjupmajup keta bölöḡkni asuhuyök. ²⁴Silwö

nup meme azi kun qetnji Demetrius yanön silwö ohoiga kolkolgöiga qekötahöba bem ambi qetnji Artemis yangö jöwöwöl jikegö dop imut morömorö memba malök. Mi meiga bohonji memba malgetka monen öngöngöñji öröi kölköl-örörö alaurupñan mendenä meget. ²⁵Megetka Demetrius aka kambu tosatñan nup mewöñji memba malgeri, mi mohotñe engoholi kaba tokogetka kewö jii mötket, “Azi alaurup, nini nup ki meinga bohonji ölöpnji asuhuba kamakza, mi mötzin. ²⁶Mi mötzinmö, Pol azi mianön Efesus kiangörej kangota ambazip uruñini esiba ki aka Eisia prowins pakpak dop köla ambazip kambuñi kambuñi kuñgum engii janjuñ akzei, mi nalö kewöñe ölop eka mötze. Yanön kewö jimakza, ‘Bem börönönj memeñji mi bem ölnji qahö.’

²⁷“Mewö jiba maliga nini kölköl-örörö nupnini memakzini, miangö qetnji mem bölii jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruñe aka gölmeñji gölmeñji pakpak miangörej bem ambi öngöngöñji Artemis waikñi memba möpöseimakzei, yangö bem qetbuñani ketanñan ayuhuba ösumñan etpapak aka jöwöwöl jikeñangö qetñan böliba ambazip jeñine eta omanji akapuk. Urulömböt mewö ahöza. Miangöra waimanjat möta keu ki jizal.”

²⁸Demetriusnön mewö jiiga sungurum alaurupñan mi möta irimñini sehiliiga kewö jiba qet gigilahöget, “Efesus nengörej Artemis mi öngöngöñji!” ²⁹Qet gigilahögetka enjololon göjupmajup mianön sehiba sehiba siti körek dop kölök. Mewö aiga Masedonia azi yahöt qetñiri Gaius aka Aristarkus Polgö sungurumyahötñi mi qeraköba etkömembra örörahöm etkiba qezakqezak mirinön anda totoko alget. ³⁰Totoko algetka Polnön mewöyök ambazip kambuleleme yengö sutñine anmamgö mörökmö, urumelen ambazipnön i angön köl wanñiget.

³¹Eisia prowinsgö galömkölköl azi tosatñan Polgö alaurupñi akeri, yeñon mewöyök kolek ala kewö ulet wanñiget, “Qezakqezak mirinön totoko aljei, gi mönön nangi miangörej kude kondel engiman.” ³²Totoko algeri, miangörej ambazip gwötpukñan kinda tokogerangö könañi kun qahö mötkerangöra nanñik nanñik lanlan qet gigilahöba siksauk enjololon ketanji megetka sehiba anök. ³³Mewö ani Juda yeñon azi qetñi Aleksander kuñguba nangögetka kambu yeñon öröba köna algetka qaikñe eu öngöba kinök. Öngöba kinda ambazip jemesoholñine keu likepñi meköba jimamgö möta böro pözön misiba aiwesök mem engiyök.

³⁴Aiwesök mem engiyökmö, Juda azia akzawi, mewö möt kutuba miangörejök numbuñini mindiriba körekñan könahiba keu kewö qetket, “Efesus nengörej Artemis mi öngöngöñji!” Mewö qeta mala aua yahötkö dop silata qeta kinget.

³⁵Qeta kingetka siti pomñan ambazip kambu uruñine memba eta ali görön algetka kinda kewö jiyök, “Efesus ambazip, nini nanine siti kiangörej Artemis öngöngöñji mi möpöseiba maljin. Nini yangörej

jöwöwöl jike aka köt imutņi kömbukņi Suepnöhök eröhi, mi galöm köla maljin. Keu mi iņini körek ölop mötze. ³⁶Mi kunņan qaņ kölmawaņgö dop qahö. Mianğöra iņini mönö uruņini ösöņ memba eta ala böņjön malme. Kezapjupjup yuai kun kude akņe. ³⁷Azi ki jöwöwöl jikenöņ öngöba yuai kun qahö kiom qeba mem böliyohot. Bem ambinini qahö ilit waņgiyohot. Iņini töndup i etkuangitketka ki kinjahot.

³⁸“Demitrius aka yaņgö kölköl-örörö alaurupņan tosatņi yembuk aņgururuk aka keu jim aņgubeak ewö, kiap mönö ahöze aka keu jakegö totokonņi totokonņi mi keu mindiņgöbingöra alakze. Mianğöra mönö ölop mianğöreņ anda keu jakeņe al aņguba aröņda kingetka dop kölma. ³⁹Iņini yuai kun toroqeba jibingö mötpeak ewö, siti kianğö toņan mönö ölop könagesö öröm enņiiga qenjarök sombemnöņ tokoba keu kewöta jim teköme. ⁴⁰Merak eņololonğöjupmajup ketanņi ki könanņi qahöpmö, töndup imbisölöm asuhuzawı, mi Rom gawman yeņön möta kewö jibepuk, ‘Efesus yeņön Rom mindimindiri gawman qetala bim karim akze.’ Mewö jiba keu jakeņe al neņgibepuk. Mianğö urulömbötņi akza, mi mötzal. Keu jakeņe al neņgiba karim kianğö könanğöra qesim neņgibeak ewö, nini mönö likepņi gagabe köla jibinaņgö dop qahö mötzin.” ⁴¹Efesus siti pomņan keu mewö jiba ambazip kambu köndenğ enņiiga sörörauba denğda anget. Mewö.

Polnöņ Masedonia aka Grik anda nup meyoک.

20 ¹Efesus mianğöreņ göjupmajup mianğön sörauba teköiga Polnöņ gwarekurupņi enğoholi kagetka urugö naņğönaņgö keu qambaņ enğiba yaizözkök jiba enğömosöta Masedonia prowinsnöņ anök. ²Masedonia anda gölmeņi gölmeņi kutuba liliköba mianğöreņ qambaņ keu gwötpek jiba mala Grik kantrinöņ kayök. ³Grik kaba köiņ karöbut malök. Mi mal teköiga waņge memba köwet kutuba Siria anmamgö mörök. Mewö mörökmö, Juda jitņememe yeņön könanöņ qebingö aņğönaņi algetka kezapņe gei mörök. Mi möta mianğöra Masedonia prowins kutuba gölme köna miriņe lilingömamgö keuņi uruņan jöhöyök.

⁴Keuņi jöhöi suņgurumurupņi kewöņan yambuk anget: Berea azi qetņi Sopater Pirusgö nahöņņi, Tesalonaika azi qetņiri Aristarkus aka Sekundus, Derbe azi qetņi Gaius, Timoti aka Eisia prowinsgö azi qetņiri Tikikus aka Trofimus. ⁵Yeņön qeljiņe Troas anda mianğöreņ neņgöra mamböta malget. ⁶Troas anda malgetmö, Luk ni aka tosatņi neņön beret yistņi qahöpkö kendon mi Filipai sitinöņ tarin. Mi tarin teköiga waņgenöņ öngöinga opo seri öröba möröreņgögetka luhutnöņ naņgöi anda wehön 5 aiga Troas yeņgöreņ aņgorin. Troas aņgota mianğöreņ wehön 7 toroqeba malin. Mewö.

Polnöņ nalö kondikņi Troas malök.

⁷Wehön 7 malin teköiga Polnöņ wehön 8 mianğöreņ enğömosöta anmamgö mörök. Mi möta suņgem kondikņi Sondagie mianğöreņ

tokoba Jisös mötmöriba beret mindipköbingöra tarin. Mewö taringa Polnön yembuk eraum möta keunji jim köriba mali mali sunjem bibinji ahök. ⁸Nini miri urunji kungö qakne eu öngöba tokoba taringa lambe gwötpuknan jeba asariget. ⁹Tokoba taringa azi gwabö kun qetnji Yutikus yanön jengenannön tarök. Tari Polnön keu jiba mali möri nalö körüiga gaunjangö möta ahöba gwörörök öröba könakembayök tala imbinji qahö möta miri urunji karöbut ongita gölmenön geba qeyök. Geba qeiga luhuba geba memba wahöringa kömuyöhi, ehin.

¹⁰Mewö ehinmö, Polnön geba kepölaköba jiyök, “Kunbuk söngörö ösum ala guliza. Miangöra kude awöwöliget.” ¹¹Mewö jiba kunbuk eröhangörej öngöba beret mindipköba neyök. Nemba yembuk nalö köröpni keu jiba mala mala miri gianjiigun engömosöta könanön anök. ¹²Aniga azi gwabö mi wangitketka guliba malöhi, mi eka urukölalep ketanji möta anget. Mewö.

Polnön Troas mosöta Miletus anök.

¹³Yeñon angetmö, Polnön nanjak gölme köna anmamgö möta kewö jim kutum neñgiyök, “Injini mönö qeljine köwet köna miri qetnji Asos miangörej angetka aitonngöba noangitketka wangenön öngöbin.” Miangöra neñon mosöta wangenön öngöinga opo seri öröba mörörengögetka luhutnön nangöi anda Asos miangörej angorin. ¹⁴Asos angota nembuk aitonngöba Pol wangiringa wangenön öngöba miri qetnji Mitilini miangörej anin. ¹⁵Mitilini anda miangörej opo seri kunbuk öröba mörörengögetka luhutnön nangöi anda mala ahöba wahöta gölme jöhanji qetnji Kios miangö kösutne angorin. Angota toroqeba kutuba anda ahöba wahötagun miri qetnji Samos miangörej geba kunbuk anda ahöba wahöta miri qetnji Miletus miangörej kewögöra angorin: ¹⁶Polnön “Yambu dölökni (Pentekost) mi esapköba Jerusalem sitinön tatmam,” jiba nalö ayuhubinbuköra ösumok anbingö mörök. Miangöra Eisia prowinsnön nalö köröpni ayuhubinbuköra möta wangenön öngöba Efesus siti ongitpingö keunji jöhöi malin. Mewö.

Polnön Efesus yengöra keu kondikni jiyök.

¹⁷Miletus angoringa Polnön Efesus yengöra kolek ala urumelen könagesögö jitnememeurup yeñon eta kamegöra köl öröm engiyök. ¹⁸Köl öröm enjii miri qetnji Miletus miangörej kangotketka engeka kewö jii mötket, “Nöñon nalö mutukni Eisia prowinsnön kayali, miangörejök könahiba nalö pakpak embuk mala kota nup meali, injini miangö tandökni ölop möt yaköze. ¹⁹Nöñon Kembangö jeje uruni mem et al angum teköba nupni denöwö memba kota malali, injini mi ölop mötze. Nupni memba ambazip engöra sahöta imbilni eriga malal. Juda yeñon urunji qahö melenjeri, yeñon nalö tosatni miangörej silenön alal aket aka nunngubingöra areñ asa-asambötji ala malget. Mi ala malgerangöra aka esapesap murutji murutji miwiknaiba sihimbölö möta malal.

²⁰“Nöñon Buja keu mem ölöwak engimakzawi, mi jim asarim engiba malal. Mi qenjaröknöñ tokoba aka miriñi miriñi miangörej öngöba kusum engiba malal. Nöñon miangöra poraiba nup qahö mosöral. ²¹Nup qahö mosöralmö, Juda kian aka gölme toni engöra mewöyök keu köñji kewö nangöba jiba malal, ‘Injini mönö uruñini melenđa Anutugörej qekötahöba Kembunini Jisös Kraist möt narim wangime.’ Injini mi pakpak ölop möt teköze.

²²“Mötket, merak Uja Töröñan ni Jerusalem sitinöñ anmamgö kuñgum niñgiza. Miangörej anbi wani yuai asuhum niñgimawi, mi qahö mötzal. ²³Mohok-kun kewö mötzal: Nöñon taon denike denike anda malali, Uja Töröñan miangörej sañep ala kewö nangöba jii möta malal, ‘Gi mönö kahasililiñ möta malnöñga kösö mire al gihigetka tatman.’ ²⁴“Mewö jii möta malalmö, muat. Nöñon toroqeba malbileñak me kömumbileñak, mi keu kun qahö ak niñgiza. Mi qahöpmahöpmö, Kembu Jisösnöñ nup al niñgiyöhi, nöñon mönö mia mem yakömamgö möt köhöizal. Yañon nöñgöra kewö jiyök, ‘Anutunöñ kalem möriamñi ambazip engimamgö mötzawi, gi mönö miangö Ölöwak Bujañi jim asariba malman.’ Miangöra gölmenöñ malmami me kömumami, mi mönö yuai omañi kötökñi ak niñgiza. Ambazip mönahotkö aongit akzei, kuñjan miangörej kembra kutuba luhut qahö alma. Nöñon mönö miangö dop nupñi memba kembra kutuba mosötpileñbuköra ösumni pakpakñan kapañ köla anda malmam.

²⁵“Mewö malmam-mö, mötket, nöñon engö sutñine anda kaba Anutu bemtohoñangö könañi jim asaribi mötkeri, injini nöñgö jesöñgöroni mi kunbuk qahö ekñe. Engörejök kuñjan kun qahö nekñawi, merak mewö mötzal. ²⁶⁻²⁷Miangöra nöñon injini Anutugö jitiñi pakpak wuatangömegöra jiba uru kuñgum engiba malal. Mi mönö qahö poraiba mosöral. Miangöra engörejök kuñjan kun siñgisöndokñangöra sohoba kömumba köñöp sianöñ gema ewö, injini mönö ni jim niñgibingö osime. Nöñon mi merak engöra aukñe nangöba jim köhöizal.

²⁸“Kembunöñ nanñi sepñi mokoba miangön köñagesöurupñi bohonñini meiga bujañi ak teközei, injini mönö i lama ewö galöm köla köyan köl engiba malme. Uja Töröñi yañon nanñak nup mi al engiyök. Miangöra injini mönö nanñini aka Kembugörej lama kambu yengöra galömñini mem anguba malme. ²⁹Nöñon anbiga miangö andöñe ambazip kanjamñinambuk mi kiam kalñi ewö engö sutñine asuhume. Yeñon asuhuba lama kambu engöra qahö möta piakñi aka lañ kaba engöhöme, mi mötzal. ³⁰Nanñini sutñineyök azi tosatñan wahöta kinda Jisös gwarekurupñan göräñe anmegöra öröm engiba muneñ keu jiba malme. ³¹Miangöra injini mönö uruguliguli mala keu ki uru köñömñine ala mötmörime: Nöñon (yara) yambu karöbutkö dop suñgem asak qambañ

ⁿ 20.24 2 Tim 4.7

keunji keunji mi injini mohot mohot qösösök (qörörök) kusum engiba malbiga imbilni erök.

³²“Nöñön merak injini Anutugö böröñe al engiba kewö jizal: Yangö Buña keunan mönö kalem möriamji indela köyan köl engimakña. Anutunöñ köhöiba uruñini nangöba möhamgöiga ölop köhököhöi miwikñaiba mutulanğömakñe. Injini Anutubuk lapingögetka alaurupñi pakpak tök kutum enğıga sarakñi akzei, mönö yeñgö sutjine angota dum tatatñini memba oyaenğkoyaeñ aka malme. ³³Ni engöreñök kungö guli jalö me moneñ opo mi qahö buña qem angumamgö möta malal. ³⁴Ni aka sungurumurupnan yuaigöra osiba malini, mi mönö nani böröni kianñon nup memba miwikñaiba malal.

³⁵“Mi pakpak aka memba silik ölöñji kondel engial. Injini mönö mewöñanök nup memba malme. Mewö mala ambazip löwöriba nup memegö osizei, mi ölop köyan köl engiba malme. Nup megetka ölnji ahuiğa Kembu Jisösgöreñ keu ki mötmörime: Yañon nanñak keu kun kewö jiyök, ‘Inap yuai buña qem angugetka teköba pömsöm qeiga öne malmemö, tosatiñ yeñgöra yuai kalemñina engigetka Anutunöñ likepñi meleñniga oyaenğkoyaeñ akñe.’ Mewö.”

³⁶Polnöñ keu mewö jiba eta simin köla körek yembuk Anutu köuluköyök. ³⁷Köuluköiga körek yeñon amburereñ aka urusahöt qeba angum wañgiba numbuñi yöhötüm neget. ³⁸Polnöñ mutuk keu kun kewö jii mötket, “Injini nöñgö jesöñgöroni kunbuk qahö ekñe.” Keu mewö möta miangöra wösöbirik öñgöñgöñi möta kinda wañgita wañgenöñ öñgöba yaizözkök jiba umbulget. Mewö.

Polnöñ Jerusalem anök.

21 ¹Yaizözkök jiba neñgömosötketka opo seri öröba möröreñgögetka luhutnöñ nangöi anda gölme jölanni qetñi Kos miangöreñ göröken diñdiñanök anda angorin. Angota ahöba wahöta toroqeba gölme jölanni qetñi Rodos miangöreñ anin. Miangöreñök toroqeba Lisia prowinsgö miriñi qetñi Patara miangöreñ angorin. ²Angota kinda wañge kun Fonisia gölmenöñ anmamgö ahiga mi miwikñaiba miangöreñ öñgöinga opo seri öröba möröreñgögetka luhutnöñ nangöi anin.

³Anda mala gölme jölanni qetñi Sairpus miangö kösutñe kaba eka mösököba Saut görökenök onğita toroqeba luhutnöñ nangöiga Siria prowins göröken anin. Anda “Wañgegö inapñi mi Taiö taonöñ anda wañgenöhök memba albin,” jigerangöra miangöreñ anin. Miangöreñ anda wañge mosöta gein. ⁴Geba gwarekurup miwikñaim engiba yembuk toroqeba wehön 7 malin. Miangöreñ malinga Uña Töröñan sölölohöm enğii Pol Jerusalem sitinöñ anhapuköra galöm meme keu jiget. ⁵Mi jigetmö, nini wehön 7 mi yembuk malin teköiga engömosöta köna anin. Köna anbin jiinga yeñon körek pakpak anöm-moröurupñinambuk

neŋgubula taon mosöta sileŋe kaget. Taon sileŋe kaba köwet sakŋe eta simin köla Anutu köuluköin. ⁶Köuluköba yaizözköknini jim anŋuinga Jerusalem anbingöra waŋgenöŋ öŋgöingā yeŋön miriŋine lilingöget.

⁷Pol aka nini yaŋgö sungurumurupŋan mewö Taiö mosöta toroqeba anda miri qetŋi Tolemes miangöreŋ anŋgota waŋge mosörin. Waŋge mosöta urumeleŋ alaurup jölöŋjini jiin aka yembuk wehön mohot malin.

⁸°Mala ahöba wahöta engömosöta gölme köna anda Sisaria taonöŋ kaŋgorin. Jerusalem urumeleŋ kambu uruŋe urukuŋgukuŋgu azi (ewanjelis) sewen meköm engigeri,^p yeŋgöreŋök kun qetŋi Filip yaŋön Sisaria malök. Neŋön Sisaria kaŋgota yaŋgö mire anda tata ahöin. ⁹Filipkö börataturupŋi 4 malget. Anutunöŋ ambi seram miengö uruŋine kezapqetok keu jijiŋö mötmöt kalem aliga malget.

¹⁰°Neŋön Sisaria taon miangöreŋ wehön gwötpuk toroqeba malin. Miangöreŋ malinga Juda prowinsnöhök kezapqetok azi kun qetŋi Agabus erök. ¹¹Neŋgöreŋ eta Polgöreŋ örigit memba mianöŋ nanŋi köna böronŋi jöhöba kewö jiyök, “Uŋa Töröŋan kewö jiza, ‘Juda jitŋememe yeŋön örigit kiangö toŋi mi Jerusalem sitinöŋ kewö jöhöba kian kantrigö galöm’ yeŋgö böronŋine alme.’ ” ¹²Mewö jii möta nini aka urumeleŋ alaurup miangöreŋ malgeri, yeŋön mohot Polnöŋ Jerusalem anbapüköra uleta qetal waŋgiin. ¹³Qetal waŋgiingā kewö meleŋda jiyök, “Inŋini mönö denöwö akze? Sahöta keu jiba mewö mianöŋ uruni munjuratze. Nöŋön Jerusalem anbi gwaröhöm niŋgimegöra jöjörözal aka miyök qahöpmö, Kembu Jisös qetŋaŋgöra aka nuŋgugetka kömumbileŋak, nöŋön mönö miangöra mewöyök jöjöröba kinjal.”

¹⁴Mewö jiiga mölöwörim waŋgibingö osiba urunini bönjöŋ köliga kewö jiin, “Mi mönö Kembugö jitsihitŋangö dop asuhuma.”

¹⁵Sisaria taonöŋ malin nalö mi teköiga amgöba mözözömgöba engömosöta anda Jerusalem sitinöŋ öŋgöin. ¹⁶Sisaria miangöreŋök gwarek tosatŋan mewöyök neŋgö köinini kaget. Kaget yeŋön kewö jiget, “Inŋini Saiprus azi qetŋi Nason yaŋgö mire ahöba malme.” Mewö jiba neŋguangita yaŋgö mire anin. Nasonöŋ mutuhök uruŋi meleŋda Jisösgö gwarekŋi aka mala korök. Mewö.

Polnöŋ Jerusalem sitinöŋ kaŋgorök.

¹⁷Neŋön Jerusalem anŋoringa urumeleŋ alaurup yeŋön neŋgömemba söŋgaiba jölöŋjini jiget. ¹⁸Jölöŋjini jigetka ahöba wahöta Polnöŋ nembuk bisop Jeims ekingö möta anin. Aninga urumeleŋ könagesögö jitŋememe yeŋön körek pakpak miangöreŋ kaŋgota tatket.

° 21.8 Apo 6.5; 8.5 p 21.8 Aposol nup meme boŋ 6 miangöreŋ azi 7 mi meköm engigetka nanöŋaŋgö nup aka ewanjelis nup mi mindiriba meget. q 21.10 Apo 11.28 r 21.11 Kian kantri yeŋgö böronŋine alget, mi Rom gawman yeŋgöra jiza.

¹⁹Tatketka Polnön jölönjini jiba kösohotñi alök. Anutunön köiput aka nam köl neñgiiga kian kantri yeñgö sutñine anda liliköba misin nup meinga ölni ahuyöhi, miangö kösohotñi mesiñda mohot mohot mi körekñanök jii mötket. ²⁰Mi jii möta Anutu möpöseigetka azi ipñi kunñan kewö jiyök, “Pol alanini, Juda ambazip tausenñi tausenñi yeñön Jisös möt nariba uruñini melenñda töndup körek pakpak toroqeba Mosesgö Köna keu mi törörök wuatangöbingö kapan kölje. ²¹Mewö kapan köljemö, göhö buzupki mi kewö lañ jiget mötket, ‘Juda ambazip deñda kian kantri yeñgö sutñine anda maljei, göñön liliköba i kewö kusum engiba maljan, jimakze, “Iñini mönö Mosesgö köna keu andö qeba Anutugöreñ aiwesök mi azi morosepsep sileñine kude yandime aka Juda ahakmeme tosatñi mi kude wuatangöme.” ’

²²“Mi jimakzeangöra aka göñön kazani, yeñön mi möta miangöreñök öröba kambu ketañi köla tokobeak. Miangöra nini waimanjat möta mönö denöwö ahinga dop kölbawak? ²³“Miangöra neñön dölki keu göhöra jibini, göñön mönö miangö dop akñan. Azi 4:ñan yuai akingö keuñini Anutugöreñ jiba jöjopañ keunön jöhöget. ²⁴Mi keunön jöhögetmö, monengöra osiba mamböta sutñine ki malje. Miangöra göñön mönö i engömembra yembuk köl könjorat ak anguba yeñgöra aka naluk alnönnga dop köli ölop nörop juñjini mitigetka keuñini köhöima. Göñön mewö aka Mosesgö Köna keu tem köla wuatangöba maljani, körek pakpak göhö könañamgi mi törörök eka möt asarime. Mi möt asariba göhöra keu jiget mötkeri, mi ölni kun qahö miwikñagetka omanji aiga kömuma. ²⁵“Göhöreñ keu kömumapmö, kian kantri yeñön Jisös möt nariba uruñini melenñeri, neñön yeñgöra keu kewö jöhöba kimbi ohoba alin anök, ‘Sömbup busuñi bem lopioñ yeñgö naluk buña qeba könañine algetka ösumñinan walöñnöhi, mi mönö kude neme. Mewöyök sep me sömbup jölñini qeqeñi miangö busuñi mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop kölma.’ ”

²⁶Jitñememe yeñön mewö jigetka Polnön azi 4 mi engömembra ahöba wahöta yembuk köl könjorat ak anguget. Ak angugetka jöwöwöl jikenön öngöba azi mohot mohot engöra naluk ala jöwöwöl ohogetka köl könjorat nalöñjini tekömawi, miangö nalö buzupñi jii mötket. Mewö.

Jöwöwöl jikegö tohoñ uruñe Pol memba jöhöget.

²⁷Polnön mi jii mötketmö, silim 7 mi tekömamgö aiga Juda tosatñi Eisia prowinsnöhök kageri, yeñön Pol jöwöwöl jikenön öngöi eket. Eka ambazip kambu körek uruñini kuñgum engiget wahöri Pol qeraköba meget.

²⁸Qeraköba memba kewö qetket, “Israel ambazip, mönö bauköm neñgiget! Azi kianön mönö gölmenji gölmenji liliköba miri dop kusum engiba uruñini

° 21.23-24 Jañ 6.13-21 ‘ 21.25 Apo 15.29

kewö kuṅgum engimakza: Injini pakpak mönö Israel ambazip kambu qetala mem bölim nengime. Nanine Köna keu mosöta jöwöwöl jikenine laṅ öṅgöba iwilele aka malme. Mewö kusum engiba malök aka merak Grik azi mi tok waṅgita jöwöwöl jikenöṅ öṅgöiga miri kömbukṅi kianṅön mönö töwiba kölköljinṅambuk akapuk.”²⁹ “Mi kewögöra qetket: Efesus azi Trofimus yaṅön mutuk siti könanöṅ Polbuk ani etkeka kewö mötmöriget: Polnön i waṅgiri mohotṅe jöwöwöl jikenöṅ öṅgöbahotpuk.

³⁰Mewö qetketka ambazipnön eṅololonṅ aka ösumṅinan luluṅda kaba tokoba göjupmajup aketka qeburuṅ ketanṅi yöhöi siti körek dop kölök. Mewö aiga Pol qeraköba jöhöba jöwöwöl jikenöhök öröba yaigep eta miangöreṅök jikegö kiripo naṅgunṅi pakpak mi miangöreṅök köla jöhöget. ³¹Pol jöhöba qebingö kapaṅ kölgetka buzupṅi sehiba Rom yarö kambugö suahö galöm bohonṅi yaṅgö kezapṅe keu kewö geiga mörök, “Jerusalem pakpak yeṅön karim aka bim qeze.” ³²Mewö möta miangöreṅök yarö azi kambu tosatṅi suahö galömṅinambuk eṅuaṅgita luhuba yeṅgöreṅ geget. Gegetka i eṅgeka Pol qegeri, mi mosötket.

³³Mosötketka suahö galöm bohonṅan sutṅine anda jim kutuiga Pol memba tapep (muṅgamuṅga) yahötnöṅ jöhöget. Jöhögetka kewö jiba qesim eṅgiyök, “Azi ki niṅja?” aiga “Wania aiga qeze?” ³⁴Qesim eṅgiyökmö, ambazip kambunöhök keu murutṅi murutṅi meleṅda laṅlaṅ qetket. Mewö laṅlaṅ qeta göju megeraṅgöra aka könaṅi törörök mötmamgö osiyök. Mi osiba miangöra jim kutuiga Pol waṅgita yarö azi yeṅgö ain kiripo uruṅe anget. ³⁵⁻³⁶Waṅgita angetka ambazip kambu ketanṅi yeṅön könaṅine eṅuatangöba kaba kewö qetket, “Mönö qeget kömuma. Yapmakek!” Mewö qetketka yarö azi yeṅgö ain kiripo naṅgunṅe aṅgoriga könöpuk anda kaba göjupmajup ketanṅi akerangöra aka gwötṅpuk lömböriyök. Miangöra yarö azi yeṅön Pol memba aṅguba anget. Mewö.

Polnön keuṅaṅgö likeṅṅi könahiba meleṅda jiyök.

³⁷Aṅguba kaba yarö azi yeṅgö sel uruṅe öṅgöbingö aketka Polnön suahö galöm bohonṅi kewö qesim waṅgiyök, “Ni göhöra keu kun ölop jimam me qahö?” Qesim waṅgiiga möta köṅkuṅ aka jiyök, “O, gi Grik keu mötzan me? ³⁸Miangöra gi Ijpt asia akzan me qahö? Ijpt azi kuṅṅan uruwale tuarenjoṅ azi timbiṅinambuk 4000 mi eṅololonṅ ak eṅgiiga Rom gawman tuarenjoṅ aka bim karim könahiba aka eṅuaṅgiri gölme qararaṅkölkölṅe anget. Gi galöm azi mia akzan me qahö?”

³⁹Mewö jiiga Polnön jiyök, “Ni Juda asia. Ni Silisia prowinsgö taon qetṅi Tarsus mötzani, mönö miangöreṅ ahuba mala koral. Miangöra qesim gihibi: Gi ölop jinöṅga nöṅön ambazip kambu kiengöra keu jibi mötme.”

^u 21.29 Apo 20.4

⁴⁰Mewö jiiga “Ölöp jiman,” jiiga Polnön döpnön kinda ambazip engöra börö misiyök. Börö misiiga göju mosöta keu bök kingetka Hibru keunön keu kewö jii mötket,

22 ¹Polnön kinda kewö jiyök, “Azi alaurupni, nöñön keugö likepñi jimami, mi mönö kezap ala mötket.” ²Hibru keunön keu jii möta keunjini körek bököm teköi kingetka toroqeba jiyök,

³“Ni Juda azia. Ni Silisia prowinsgö taon qetñi Tarsus miangörej ahubiga Jerusalem siti kiangörej galöm köl ningigetka mala qarial. Mala qariba kota böhi qetñi Gamaliel yangö keu bapñe tatpiga yañön Juda ambösakonurupnini yengörej Köna keu aka ahakmeme mi törörök kusum niñgiiga miangö mötmötñi möta malal. Merak eñön körek pakpak Anutugö keu bapñe aᅅgota kapan köla yangöra bim qeba maljei, nöñön mönö miangö dop aka malal. ⁴“Mewö mala ambazip Kembangö könañi wuatangöba maljei, mi köndenda sesewerowo ak engibiga sihimbölö möta tosatñan kömuget. Nöñön ambazipñi ambazipñi enguangita tapepnön (muᅅgamuᅅga) jöhöba kösö mire al engial. ⁵Jike nup galöm bohonñi aka jitñememe pakpak yeñön mi ölöp mötze aka yengörej anda qesim eᅅgiinga mi ölöp naᅅgöba jibeak. Yeñön Juda azi ipñi Damaskus sitinön maljei, yengöra kimbi ohoba niᅅgiget memba malal. Miangörej ambazip Kembangö könañi wuatangöba maljei, nöñön mönö mi mewöñanök ‘Likepñi meleᅅ eᅅgimegöra gwaröhöm eᅅgiba Jerusalem ki eᅅuangitmam,’ jiba könanön anal.”

Polnön nanñi urumeleᅅangö könañi jiyök.

Apo 9.1-19; 26.12-18

⁶“Könanön analmö, Damaskus siti dopdowibiga miangörej yuai kun kewö asuhuyök: Silim bibiᅅe miangörej asakmararaᅅ ketañi kun Suepnöhök wölbilik ewö asuhuba wölaᅅ eta turum niᅅgiyök. ⁷Turum niñgiiga tala gölmenön eta ahöbiga Suepnöhök keu kun kewö asuhui möral, ‘Sol Sol, gi mönö wuanöñgöra sesewerowo qakñe al niᅅgimakzan?’ ⁸Mi möta meleᅅnal, ‘Kembu, gi dañön?’ Mewö meleᅅbiga jiyök, ‘Ni Nazaret azi Jisös, sesewerowo qakñe al niᅅgimakzani, nia mönö mi.’ ⁹Azi nömbuk kaba kingeri, yeñön asakmararaᅅ mia eketmö, keu nöñgöra jiyöhi, miangö kourukñi kun qahö mötket. ¹⁰Mewö jiiga nöñön qesiba jial, ‘Kembu, mönö nöñön denöwö akñam?’ Jibiga jiyök, ‘Gi mönö dölkö wahöta Damaskus sitinön anöᅅga Anutunön wani yuaia akñangö jimawi, mi kunñan jiiga mötman.’ ¹¹Asakmararaᅅ miañön jeni qeiga jaᅅjuᅅ aka kinbiga azi nömbuk malgeri, yeñön böröne memba noaᅅgitketka Damaskus sitinön anin.

¹²“Miangörej azi kun qetñi Ananias malök. Yañön Anutu göda qeba Mosesgörej Köna keu törörök wuatangöba malök. Miangöra Juda

^v 22.3 Apo 5.34-39 ^w 22.4-5 Apo 8.3; 26.9-11

ambazip Damaskus malgeri, yeñön körek gödanji ölopñi ak wañgiba malget. ¹³Yañön nönögöreñ kaba kösutne kinda nönögöra kewö jiyök, ‘Sol alani, jegi mönö kunbuk tohoyök.’ Mewö jiiga aua nalö miangöreneñk jeni tohoiga uba ehal. ¹⁴Ekiga Ananiasnön jiyök, ‘Göñön ahakmeme diñdini solanñañgö Toña eknönga keu jitñan jii könömñi mötnön. Nanine ambösakonini yeñgöreñ Anutu yañön gi möwölöhöm gihiiga yañgö jitsihitñi möt kutuman. ¹⁵Gi wani yuai eka mötzani, mönö mi nañgöba jiba yañgö jitñe memerñi aka gölmerñi gölmerñi ambazip jeñine dangunu ewö kinda malman. ¹⁶Mewögöra gi wuanöngöra mambötzan? Mönö wahöta yañgö qetñi qeta köuluköba jinönga o melun mem gihiinga siñgisöndoki sanjoñniga solanima.’ Ananiasnön mewö jiyök.”

Misin nup kian kantri yembuk memamgöra noholök.

¹⁷“Damaskus siti mosöta Jerusalem sitinön lilingöba jöwöwöl jikenön köuluköbiga Kembugö alburupñan (añsumbemñan) nuñgui kinda imut kun ehal. ¹⁸Imut miangöreneñ Jisös ekiga nönögöreñ kaba kewö jiba jii möral, ‘Gi kantri kiangöreneñ nönögö könani aka Buña keuni mi kude jiba malman. Mi nañgöba jinönga nesampurek aka andö qeme. Miangöra Jerusalem siti ki mönö ösumok mosöta anman.’

¹⁹“Mewö jiiga jial, ‘Kembu, yeñön könanañmi mötze. Nönön mutuk liliköba ambazip gi möt narim gihizei, mi köuluk mirinñi mirinñi miangöreneñ öngöba miwikñaim eñgiba jöhöba ihilek wahiñambuknön tauköm eñgiba tosatñi kösö mire al eñgiba malal. ²⁰×Göhöreñ nupbauk azi Stiwenönj könagi nañgöba jiiga qeget sepñi mokoi eri nönön nalö miangöreneñ mewöyök kösutñine kinda imbi köla malukuñini galöm memba kinbiga qeget kömuyök.’ ²¹Mewö jibiga Kembunönj nönögöra jiyök, ‘Nönön melaim gihizalawa gi mönö köröwen kian kantri ambazip yeñgöreñ anman.’ Mewö.”

Romgö yarö azi yeñön Pol galöm kölget.

²²Polnönj keu likepñi jiyöhi, mi ambazip kambu yeñön kezap ala mötketmö, (Kembunönj kian kantri ambazip yeñgöreñ anmamgö jiiga jiyöhi,) keu mi möta miangöreneñk köhöikñanök silata jiget, “Yapmakek! Azi mewöñi mi qeget kömuma. Mi gölmenön nembuk malmawañgö dop qahö.” ²³Mewö jiba qeta opo kereñ qeköba gila (könañinan börömböröm tiba) sömsöm urata könakemba lañlañ gilget. ²⁴Mewö aketka Rom eñgö suahö galöm bohonñan jim kutuiga yarö azi yeñön Pol wañgita anda yarö azi yeñgö ain kiripo uruñe alget. Kiripo uruñe algetka Juda yeñön i wanigöra aka göju memba qetzei, miangö könani mötmamgöra kewö jim kutuyök, “Inini mönö Pol memba ihilek wahiñambuknön qeba qesim wañgigetka könani aukñe jii mötpin.” ²⁵Mewö jim kutuyökmö,

× 22.20 Apo 7.58

Pol memba jöhöba ihilek wahijambuknön qebingö aketka Rom suahö galöm kunjan kösutje kini Polnön kewö jiyök, “Rom mindimindiri gawman yejön sel jöhöm niŋgigetka böröŋine maljal. Nöŋön miangö (jimkutukutu) paspot memba maljal. Miangöra iŋini nöŋgö keuni qahö möta kewöta laj jim teköba öne ihilek wahijambuknön nuŋgumei, mi mönö Rom jimkutukutu toni yeŋgö jeŋine dop kölma me qahö?”

²⁶Polnön mewö jiiga suahö galömnön möta miangöreŋök suahö galöm bohonji yaŋgöreŋ anda buzup waŋgiba kewö jiyök, “Azi miangön mönö Rom gawmangö (jimkutukutu) paspot memba malja. Miangöra gi mönö denöwö akjan?”

²⁷Mewö jiiga suahö galöm bohonjan Polgöreŋ anda qesiba jiyök, “Gi ölna Rom gawmangö (jimkutukutu) paspot memba maljan me qahö? Mi jinön mötpi.” Jiiga Polnön meleŋnök, “Ölna, nöŋön mi memba maljal.”

²⁸Mewö meleŋniga jiyök, “Ni monen ketanji gila Rom mindimindiri gawmangö (jimkutukutu) paspot bohonji membi niŋgigetka maljal.” Jiiga Polnön jiyök, “Mi ölöpmö, nöŋgö iwinan Rom gawmangöreŋ paspot memba maliga nöŋön yaŋgö nahönŋi ahuba miangöreŋök qet mi memba maljal.”

²⁹Mewö jiiga azi qesim waŋgibingö akeri, yejön miangöreŋök mosöta liliŋgöba anget. Polnön “Ni Rom gawmangö paspot memba maljal,” jiiga suahö galöm bohonjan mi möta Rom azia gwaröhöm waŋgiyöhangöra aka awöwöliba sömbuŋi mörök.^y Mewö.

Polnön jike kaunsöl kambu yeŋgö jeŋine kinök.

³⁰Miri gianjiiga suahö galöm bohonjan wahöta Juda yejön wuanöŋgöra Pol keunön al waŋgiba jigeri, miangö könani törörök mötmangöra möta jike nup galöm bohonji aka jike kaunsöl kambu pakpak yejön tokomegöra jim kutum eŋgiyök. Mewö tokogetka jiiga Polgö tapepŋi (muŋgamuŋga) pösatketka waŋgita eta yeŋgö jemesoholŋine ali kinök. Mewö.

23 ¹Polnön kindi jike kaunsöl kambu mi uba eŋgeka kewö jiyök, “Azi alaurupni, nöŋön ahakmemeni pakpak mi Anutugö jemesoholŋe aka memba malbiga yaŋön eka ‘Dop kölja,’ jiiga uruŋgö kezapnan möta ölöwaka kota mala merak ki kinjal.” ²Polnön mewö jiyökmö, jike nup galöm bohonji qetŋi Ananias yaŋön kösutje kingeri, i jim kutum eŋgiiga nuŋgulumŋe qekötahöget. ^{3z}Qekötahögetka Polnön jii mörök, “Anutunön mönö gi qekötahöm gihima. Göŋön miri sel tuatŋaŋgö dop akzan. Silenji mundanön ohogetka tuatŋi akzapmö, uruŋi sewön memba injanji akza. Göŋön Mosesgö Köna keu memba miangön kewöt

^y 22.29 Kun Rom gawmangö paspot memba malöhi, mi kösönön gwaröhöm waŋgibepukö soŋgo ahöyök. Kunjan soŋgo mi walöŋnök ewö, i mönö keunön al waŋgizema. Miangöra sömbuŋi mörök. ^z 23.3 Mat 23.27-28

ningiba keuni jim tekömamgöra tatzanmö, töndup nangk Mosesgö Köna keu miyök qeba jim kutum enjinönga nunguze. Mi qahö dop kölja.”

⁴ Polnöh mewö jiiga kösutnje kingeri, yeñön jiget, “Gi Anutugöreñ jike nup galöm bohonñi mepaqepaik aka gamu qem wañgizan me?”

⁵ “Mewö jigetka jiyök, “O alaurupni, yañön jike nup galöm bohonñi akzawi, mi qahö möta jizal. Buña Kimbigö keu kun kewö ahöza, ‘Gi mönö könagesö kambugahö azi kembuñi kude qesuahöman.’ ”

⁶ “Mewö jiyökmö, jike kaunsöl kambu yeñgöreñök tosatñan Sadyusi (Jike nupkö kapañkölköl) pati qekötahögetka tosatñan Farisi (Köna keugö kapañkölköl) pati azia malget. Polnöh mi möta miangöra jike kaunsöl kambu yeñgö jeñjine keu kewö qerök, “Azi alaurupni, nöñön Farisi azia akzal. Iwinan mewöyök Farisi pati azia. Kömukömuñi yeñön guliba wahötmei, nöñön mewö asuhumapkö al mamböta jörömqöröm aka maljal. Mewö maljalangöra aka keu jakeñe al niñgigetka kewöt niñgiba jize.”

⁷ Mewö jiiga miangöreñök Farisi aka Sadyusi pati miengö sutñjine añgururuk ahui jike kaunsöl kambu yeñön jula kambu yahöt aket. ⁸ “Sadyusi (Jike nupkö kapañkölköl) yeñön kewö jizema, “Ambazip kömukömuñi yeñön kude guliba wahötme. Suep garata qahö malje. Öme aka uña mi qahö malje.” Mewö jigetmö, Farisi (Köna keugö kapañkölköl) pati yeñön keu karöbut miangöreñ qekötahöba miangö dop möt nariba kinjema. ⁹ Kambu yahöt mewö aka qetketka göju ketani ahuiğa Köna keugö böhi tosatñan Farisi kambu yeñgö sutñjineyök wahöta könöñjambuk tereñgöba kewö jiget, “Nini azi kiangö bölöñamñi kun qahö miwikñaizin. Suep garata me uña kunñan keu kutum wasöta yangö uruñe ali jibawak, mi mönö denöwö dop köl enñgibawak?”

¹⁰ Mewö jigetka añgururuk miangön kunbuk könöwiba qariyök. Qariiga awörañgöba Pol likeplikep örögetka anda kaiga mesiñ taköget. Mewö tandök ahök. Mewö aiga suahö galöm bohonñan miangö keñgötñi möta yarö kambu kun jim kutum enñgiiga geba Pol sutñjineyök öröba wañgita yarö azi yeñgö ain kiripo uruñe alget.

¹¹ Algetmö, suñgem miangöreñ gaun ahöiga Kembunöh Polgö qöhöröñe kinda kewö jiyök, “Mönö ewebibigabuk aka saitñgit malman. Nöñgö könañamni Jerusalem kiangöreñ nañgöba jiba malnöñi, miangö dop mönö Rom sitinöh mewöyök anda mi nañgöba jim asariba malman.” Mewö.

Pol qebingö añgönañ meget.

¹² Kembunöh mewö jiyökmö, miri gianañgi miangöreñ Juda azi tosatñan ölöñ tokoba Pol kömumapkö añgönañ meget. Yeñön areñ mi alget aka mi jöjöpañ keunöh jöhöm köhöiba kewö jiget, “Nini Pol

^a 23.5 Eks 22.28 ^b 23.6 Apo 26.5; Fil 3.5 ^c 23.8 Mat 22.23; Mak 12.18; Luk 20.27

kömumapköra mamböta nalö sutje kiangörej nene siŋgi malbin. Siŋgi mala qein kömuiga miangö andöŋe ölop nene me o kun kunbuk nembin.”
 13 Azi 40 aka jaŋgö mi oŋgitkeri, yeŋön mindiriba jöjöpaŋ keu mi jöhöm köhöiba jiget.

14 Mi jibagun jitŋememe aka jike nup galöm yeŋgörej anda kewö jiget, “Nini Pol kömumapköra mamböta nalö sutje kiangörej nene siŋgi malbin. Polnöŋ qahö kömuma ewö, ambazipnöŋ mönö ölna qesuahöm neŋgigetka dop kölma. Miangöra nini mönö mindiriba jöjöpaŋ keu kewö jöhöm köhöiba maljin: Pol qein kömuiga miangö andöŋe ölop nene me o kun kunbuk nempa malbin. 15 Miangöra aka iŋini mönö dölki jike kaunsöl kambu yembuk mohotje mindiriba suahö galöm bohonnaŋgörej anda keu kewö ala qesime, ‘Nini Polgörej keu könaŋi kunbuk qesiinga jii ölna mötpingö mötzin.’ Mewö tandök aiga qesigetka ölop Pol waŋgiriga eŋgörej etma. Etpawakmö, könanöŋ kaba eŋgörej kaŋgotmamgö akŋawi, miangörej mönö i qein kömumapkö jöjöröba malbin.”

16 Mewö jigetmö, qein kömumapkö aŋgönaŋ algeraŋgö buzupŋi mi Pol behötŋaŋgö kezapŋe gei mörök. Mi möta yarö azi yeŋgö ain kiripo uruŋe anda Pol taröhaŋgörej öngöba jii mörök. 17 Jii möta suahö galöm kun qeri kaiga kewö jiyök, “Azi gwabö kianön keu kun memba kazawaŋgöra göŋön i ölop waŋgita suahö galöm bohonnaŋgörej anöŋga keu mi jii mötma.”
 18 Mewö jiiga i memba waŋgita suahö galöm bohonnaŋgörej anohotka jiyök, “Kösö azi Polnöŋ noholi yaŋgörej anbiga azi gwabö ki waŋgita göhörej kamapköra qesim niŋgiza. Yaŋön göhöra keu kun memba kaza.”

19 Mewö jiba aniga galöm bohonnaŋ boröŋe memba waŋgita göraŋe anda qesim waŋgiyök, “Gi wani keuya memba kazan?”

20 Qesim waŋgiiga jiyök, “Juda jitŋememe yeŋön keu kun qesim gihibingöra jöhöba göhörej kaba kewö jime: Nini Polgö keu könaŋi törörök qahö möt kömuzin. Miangöra gi ölop Pol uran waŋgitnöŋga jike kaunsöl kambu yeŋgörej eriga kunbuk qesim waŋginöŋga jii könaŋamŋi ölni mötpin. Yeŋön mewö asuhumapköra mötze. 21 Mewö kaba jimemö, göŋön keu miangö imbi ölop kude kölman. Juda könagesö yeŋgö sutŋineyök azi 40 aka jaŋgö mi oŋgitkeri, yeŋön mindiriba Polgöra kewö jiba mi jöjöpaŋ keunöŋ jöhöm köhöiget, ‘Nini Pol kömumapköra mamböta nalö sutje kiangörej nene siŋgi malbin. Siŋgi mala qein kömuiga miangö andöŋe ölop nene me o kun kunbuk nembin.’ Mewö jiba göŋön imbi kölmangöra mamböta jöjöröba mönöze.”

22 Mewö jiiga azi gwabö mi melaiba kewö jii mörök, “Buzup ki jinöŋ mötzali, mi kun kude jinöŋ mötma.” Mewö.

Pol waŋgitketka Sisaria taonöŋ anök.

23 Suahö galöm bohonnaŋ mi möta suahö galömyahötŋi etkoholi kayohotka kewö jii mörohot, “Iŋiri mönö timbi azi 200, hos yarö azi

70 aka lingip yarö azi 200 mi jim kutum engiyohotka merak sunjemgö 9 kilok miangörej Sisaria anmegöra jöjöröme. ²⁴Mewöyök hos tosatji meköba möhamgöm engiba Pol kungö qakje ala köyan kölgetka sunjem kiangörejök premiö Feliksgörej anma.” ²⁵Mewö jii mörohotka premiögöra kimbi kun kewö ohoyök,

²⁶ “O Öngöngöjamni sorok premiö Feliks! Klodius Lisias, nöjön jölöngi jizal.

²⁷ “Juda yejön azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöjön mi möta miangörejök yarö kambu yembuk kangota sel jöhöm wangiba meköba bohonji jöhöyal.

²⁸ Wani keugöra keu jakeje aljei, nöjön miangö könaji mötmangö möta wangita Juda yejögö jike kaunsöl kambu yejögö jejne al wangial.

²⁹ Al wangibiga keu jakeje ala nanjini Köna keugö kösawöran keuji keuji miangöra angururuk aka tuarenjoj aka jim wangigetka miwikñaijal. Mi miwikñaijal, yuai bölöni kömumapkö dop me kösö mire alin tatmawangö dop mi qahö ahök. Yejön keu mewöña kun qahö jiget möral.

³⁰ Mi qahö möralmö, kunöj yangö buzup keuji kewö indeli möral: Tosatjan ‘Azi mi qein kömuma,’ jiba angönanj alget ahöza. Buzup keu mi möta dölkiangörejök melaibiga göhörej kaza. Keu jakeje al wangibingö mötzei, nöjön i mewöyök jim kutum engibiga göhö jemesoholge kangota keujini pakpak aukje jim miwikñaijetka mötman.”

³¹ Kimbi mewö ohoiga yarö azi jim kutum engigeri, yejön keu mi wuatangöba Pol memba wangita söñaupnöj miri qetji Antipatris miangörej anget. ³²Anda miri gianjiiga yarö azi hosñinambuk yejön Pol wangita köna toroqeba angetmö, timbi azi yejön nanjinak lilingöba yarö azi yejögö ain kiripo uruje kaget. ³³Yarö azi hosñinambuk yejön Sisaria taonöj angota kimbi mi premiö wangiba Pol mewöyök yangö jeje alget. ³⁴Algetka kimbi oyönda “Pol mi wani prowinsgöra?” jiba qesiyök. Qesiiga “Silisia prowins asia,” mewö jiget mörök. ³⁵Mewö jiget möta jiyök, “Keu jakeje al gihibingö mötzei, yejön mewöyök kangotketka miangörej ölop qesim gihimam.” Mewö jiba jim kutuiga Pol wangita kin Herodkö jakömbuak mirigö kiripo uruje ala jegalöm mem wangiget. Mewö.

Pol keunöj algetka premiö Filiksgö jeje kinök.

24 ¹Wehön nup memenji 5 teköiga jike nup galöm bohonji qetji Ananias yanön jitjememe tosatji aka loya (Köna keugö mötmöt azi) qetji Tertulus yembuk aitongöba Sisaria taonöj geba premiö Filiksgö jeje öngöba Pol keu jakeje albingö keuji jiget mörök.

²Mi möta Pol köl öröi kaŋgori loya Tertulusnönj könahiba Polgö silenje keu ala premiögö jemesoholje keu kewö jiyök, “O Filiks, göjön galöm köl neŋgiba malnönji, nini nalö miangörej luai ketaŋi möta guŋbönjönjön malin. Göjön ölopŋanök köyan köla jim kutum neŋginönŋa malmal tatatnini likeplikep möhamgögetka kantri kianjön uteköba wahöri ölöwakzin. ³O ketaŋamnini Filiks, nini mi miri dop ölopŋanök möt kutuba göhöra söŋgaiba kilik-kalukŋi kun qahö möta saiwap jim gihizin. ⁴Saiwap jim gihizimö, nönjön keu köröŋŋi jibi ölan göhöbapuköra kewö qesim gihizal: Nini keu memba kainga kötoŋanök jimami, mi mönö neŋgöra ak ghiiga kezap ala mötman.

⁵“Nini azi kiangö könaj keuwö eka miwikŋainin: Yaŋön kegwek-kahasililiŋ azi keŋgöt kotkotŋambuk akza. Yaŋön gölmeŋi gölmeŋi liliköba Juda ambazip uruŋini esiba kuŋgum eŋgiiga karimŋi karimŋi miri dop asuhugetka göjupmajup qeta alakze. Tosatŋan tuaköpek aka Nazaret azi kungö qetŋe pati aljei, yaŋön mönö yeŋgö ketaŋamŋina akza. ⁶Yaŋön jöwöwöl jike mi mewöyök kapaŋ köla mem töwiba memba et almangö ahök. Miangöra nini i memba jöhöin. Nini keuŋi kewöta nanine Köna keu wuatangöba jim teköbingö mörin. ⁷(Mi mörinmö, suahö galöm bohonŋi Lisias yaŋön yarö azi yembuk kaba kukösum ketaŋi miaŋön könöpuk börönineyök meköba waŋgitket.^d ⁸Waŋgita keu silenje ala jim waŋgizei, i göhö jemesoholge kaŋgotmegöra jim kutum neŋgiyök.) Göjön nangak qesim waŋginönŋa könaj indela jima. Mi jiiga keu memba kazini, miangö öljŋi pakpak ölop aukŋe asuhuiga mötman.” ⁹Mewö jiiga Juda ambazip yeŋjön mewöyök “Keu pakpak mi öljŋa,” jiba imbi köla mi nangöba toroqeba silenje ala jim waŋgiget. Mewö.

Polnönj keu likepŋi meleŋni Filiksnönj mörök.

¹⁰Pol jim waŋgigetka premiönönj keu jimapköra böröjöpaj kuŋguiga kewö meleŋda jiyök, “Göjön (yara) yambu gwötpuk ambazip kambu kiangö jimtekötekö toŋi aka malnönj mötzal. Miangöra nönjön keunangö likepŋi mi göhö jege awösamkakak jimam. ¹¹Nönjön uruwale Anutu waikŋi memba möpöseimangöra Jerusalem sitinönj öngöyol. Mi wehön 12 miyök teköiga merak ki kinjal. Nangak qesim eŋgibanak ewö, mi ölop nangöba jime. ¹²Nönjön jöwöwöl jikenönj me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikŋaim niŋgiget. Siti uruŋe köna me sombem kunönj ambazip uruŋini kuŋgubi ölököba liliköm niŋgigeri, mewö qahö neket.

¹³“Mewö qahö neka dölkŋi keu silene ala jim niŋgizei, yeŋjön miangö öljŋi kondel gihibingö osize. Keu omaŋi jize. ¹⁴Mi osizemö, keu kun mi öljŋa jim miwikŋaim gihimam: Yeŋjön Nazaret pati qetŋi qetzei, nönjön mönö miangö köna wuatangöba mala nanine amböskonurup yeŋgörej bem Anutu mi waikŋi memba möpöseimakzal aka Mosesgöreŋ Köna keu aka kezapqetok yeŋgöreŋ

^d 24.7 Keu sel uruŋe ahözawi, mi mötmöt ambazip yeŋjön kewöta Luknönj mi könakönahije ohoyök aka tosatŋan mi qahö ohoyök, mewö jigetka uruyahötŋambuk akza.

Buzup Kimbi miangörej keu ohoget ahözawi, mi pakpak möt narim köhöizal. ¹⁵Anutunöj ambazip diñdiji aka gonggorji mi körek pakpak mem gulim enggi kömupnöhök wahötmel, Juda azi kienjön miangöra mambötze. Nöjñon yembuk toroqeba öröröj kinda mewö asuhumapköra jörömqöröm aka mamböta maljal. ¹⁶Mewö mala Anutu aka ambazip jeñine diñdiji kinbiga Anutunöj keuni nanğöba jiiga urunangö kezapñan mörakzal. Jönömnan qahö unduza. Mönö sarakji aka malmangöra nalö dop kaparij köla köhöiba malakzal.

¹⁷“Nöjñon kungen malbiga (yara) yambu tosatñi teköi lilingöba miri tosatñi yengörejök kalem memba uruwale kayal. Mewö kaba ‘Mi nani könagesöurup wanapñi yengöra menden engimam,’ jiba Anutugö jöwöwöl ohoba naluk al wanğimangöra Jerusalem öngöyal. ¹⁸Miangörej öngöba köl könjörat ak anguba solanji mala jöwöwöl jikenöj öngöyal. Yuai mi ohoba Anutu al wanğibiga miwikñaim niñgiget. Miwikñaim niñgigeri, miangörej ambazip tosatñan qahö kaba liliköba ölököm niñgiba göju meget. ¹⁹Juda ambazip tosatñan Eisia prowinsnöhök kaba jikenöj öngöba nekeri, yenjön mönö döлки göhö jege kiangörej kanğota kinda keu kun ahöm engibawak, mi aukñe silene ala jim niñgigetka dop kölbawak.

²⁰“Me jike kaunsöl kambu yengö jeñine kinda keu jiali, mi wani Köna keu oñgita pinjit akiga keu jakeñe alalgö keuni miwikñaiget? Azi ki tatzei, yenjön mönö mi jigetka dop kölma. ²¹“Nöjñon yengö sutñine kinda keu mohok-kun jiba töhörej qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, ‘Kömukömuñi yenjön guliba wahötmel, nöjñon mewö möt narizalangöra aka keu jakeñe al niñgigetka merak keuni kewöta jim teköm niñgibingö akze.’” Mewö.

Polgö keuñi qahö jim teköba kösö mire alget.

²²Polnöj mewö jiiga premiö Filiksnöj Jisösgö könañi wuatangöba maljei, miangö könañi ölop möt soroköba Polgö keuñi kemañe kutuba kewö jiyök, “Suahö galöm bohonñi Lisiasnöj kanğoriga nalö miangörej Polgö keuñi jim tekömam.” ²³Mewö jiba suahö galöm jim kutuiga Pol qahö jöhöba öne jegalöm meiga kösö mire tarök. Tinitosolomurupñan Pol köyan köla yuai osiyöhi, mi memba wanğimegöra qahö qetal engiyök.

Polnöj keuñi jiiga Filiks aka Drusila mörohot.

²⁴Wehön tosatñi teköiga Filiksnöj anömñi qetñi Drusila, Juda ambi mi wanğita kayohotka Polgöra keu ali kaiga keuñangöra kezap ali Kraist Jisös möt narim wanğibingö könañi jim asariiga mörök. ²⁵Mi mörökmö, Anutugö keu tosatñi toroqeba eraum mötketka lömböriyök. Polnöj Anutugö jeñe solanibingö könañi jim asariba nanine ahakmemenini galöm köl angubingöra jiyök aka Anutunöj nalö kun ali miangörej kewöt

° 24.17-18 Apo 21.17-28 † 24.21 Apo 23.6

neŋgiba keunini jim tekömawi, keu karöbut miaŋön uruŋi kuŋguyök. Polnön keu mewöŋi jiiga töwöratiba bök qesiŋda jiyök, “Yapmakek! Muat mosötnön. Dölki ölop mosöta anöŋga nalö kun mötŋi dop kölmawi, miaŋgöreŋ ölop kunbuk köl öröm gihibi kaman.” ²⁶Mewö jiba töndup toroqeba Pol nanŋi töwaya moneŋ waŋgimapköra mötmöriyök. Mewö al mamböta jörömqöröm aka sömaŋi gwötpuk köl öröm waŋgii kaiga keukeu jiba tarohot.

²⁷Polnön kösö mire tari (yara) yambu yahöt teköyök. Mi teköiga azi qetŋi Porsius Festus yaŋön Filiksgö undumŋa premiö akŋamgö ahök. Mewö aiga Filiksnön Juda ambazipnön nek sorimegöra möta Pol qahö pösari kösö mire toroqeba tarök. Mewö.

Polnön premiö Festusgö jeŋe keu likepŋi jiyök.

25 ¹Festusnön premiö aka prowins uruŋe aŋgota tariga wehön karöbut teköiga Sisaria taon mosöta Jerusalem sitinön öŋgöyök. ²Öŋgöiga jike nup galöm bohonŋi aka Juda jitŋememe yeŋön jemesoholŋe kaŋgota Pol keu jakeŋe albingö jiba aröŋda kinget. ³Aröŋda kinda kewö jiba uletket, “O premiö, göŋön ölop neŋön möringa dop kölmapköra jim tekönöŋga keu algetka Pol waŋgita Jerusalem sitinön ki kame.” Yeŋön mutuk keu kewö jöhöba jiget, “Polnön könanön kaiga miaŋgöreŋ mönö qein kömuma.” Mewö jiba jöjöröba mönögeraŋgöra kaba uletket. ⁴Mewö uletketmö, Festusnön kewö melenŋ eŋgiyök, “Pol mi Sisaria taongö kösö mire tari galöm kölje. Ni nanak nalö kude köriiga miaŋgöreŋ lilinöba anmamgö mötzal.” ⁵Mewö jiba toroqeyök, “Miaŋgöra azi miaŋön bölöŋi kun akawak ewö, ölop eŋgö jitŋememeurup tosatŋan nömbuk Sisaria geba miaŋgöreŋ keuŋini sileŋe ala jim waŋgigetka mötmam.”

⁶Mewö jiba wehön 8 me 10 miaŋgö dop Jerusalem sitinön yembuk mali teköiga lilinöba Sisaria taonön geyök. Geba ahöba wahöta miaŋgöreŋök keu jimtekötekögö dum tatatŋe tata jim kutuiga Pol waŋgita kagetka jeŋe kaŋgota kinök. ⁷Polnön kaŋgota kiniga Juda jitŋememe yeŋön Jerusalem sitinöhök kageri, yeŋön liliköm waŋgiba kinda kazik qakŋe keu bölöŋi gwötpuk sileŋe ala jiget. Mi jigetmö, keuŋinaŋgö ölni mi kondelbingö osiget. ⁸Kazik keu öne jiba kingetmö, Polnön mi qeapköba kewö jiyök, “Nöŋön yuai bölöŋi kun qahö ahal. Juda neŋgöreŋ Köna keu qahö qetalal. Jöwöwöl jike qahö mem töwial aka Rom sisa kinögreŋ keugöra tuarenjoŋ qahö ahal.”

⁹Mewö jiiga Festusnön Juda yeŋön nanŋaŋgö mötket öŋgömapkö möta Pol kewö qesim waŋgiyök, “Silenön alal keu ki jizei, gi ölop miaŋgö likepŋi mi Jerusalem öŋgöba miaŋgöreŋ nöŋgö jemesoholne kinda jiman me qahö?”

¹⁰Qesim waŋgiyökmö, Polnön jiyök, “Rom sisa kiŋnön jim kutuiga keu jake ki kuŋgugera ki kinbiga kewöt niŋgiba keumi jim tekönöŋga

dop kölma. Ni Juda ambazip yeŋgöra bölöŋi kun qahö ahal. Mia nangak ölop möt yaközan. Mönö Wuanöŋgöra kunbuk yeŋgöreŋ anbileŋak?

¹¹ Bölöŋi kun qahö ahalmo, Köna keu kun qösököba yuai kun ak böliba miaŋgöra kömupkö buŋaya akileŋak ewö, ‘Nöŋön kömumbileŋbuk,’ jiba qahö öloŋ köla anmam. Mi qahöpmö, yeŋön kazik keu öne töhöntöhön jiba keuŋinaŋgö könaŋi kondelbingö osize ewö, keu omaŋaŋgöra aka kunŋan nömmiba yeŋgö böröŋine almapkö osima. Rom sisa kiŋnön mönö keuni mindiŋgöba jim teköi diŋgima. Miaŋgöra nöŋön mönö yaŋgö jeŋe anmamgö köhöiba qesizal.”

¹² Mewö jiiga Festusnön jembonurupŋi yembuk qambaŋ keu jaruba kewöta kewö meleŋ waŋgiyök, “Gi sisa kiŋgöreŋ anmamgö möta qesizani, miaŋgöra mönö ölop Rom anda yaŋgö jeŋe kinman.” Mewö.

Polnön kiŋ Agripagö jeŋe kinök.

¹³ Wehön tosatŋi teköiga kiŋ Agripa aka nenŋi Bernaisi yetkön Festus eka gödaŋiri kondelbitköra Sisaria taonön kayohot. ¹⁴ Kaba miaŋgöreŋ wehön gwötpuk malohotka Festusnön Polgöreŋ keu mi kiŋbuk eraum möta kewö jiyök, “Filiksönöŋ azi kun qahö pösari kösö mire kiaŋgöreŋ tata malja. ¹⁵ Nöŋön Jerusalem anbiga Juda yeŋgö jike nup galöm bohönŋini aka jitŋememurupŋinan nöŋgöreŋ kaŋgota kewö qesim niŋgiŋet, ‘Nini azi miaŋgö keu memba kainga göŋön mönö ölop yaŋgö könaŋi kewöta keuŋi jim teköman.’

¹⁶ “Mewö qesim niŋgiŋetmö, nöŋön yeŋgöra kewö jibiga mötket, ‘Rom gawman neŋgöreŋ köna mi kewö: Kungö sileŋe keu bölöŋi ala jizei, nini ambazip kun yaŋgö keuŋi mi laŋ kude jim tekömakzin. Mutuk öröba keu jakeŋe alin kazikurupŋan kagetka likeplikep öröröŋ aröŋda kingetka keu sileŋe ala jim waŋgiŋetka likeŋŋi ölop jima. Keu likeŋŋi jiiga mi kewöta ölni ahuiga miaŋgö dop ölop keuŋi jim tekömakzin.’ ¹⁷ Yeŋön ki kaba tokoŋetka nöŋön nalö qahö köriiga ahöba wahöta miaŋgöreŋök jimtekötekögö dum tatatŋe tata jim kutubiga azi mi waŋgita kagetka nöŋgö jene kaŋgorök.

¹⁸ “Kaŋgorökmö, keu memba kageri, yeŋön liliköm waŋgiba aröŋda kinda keu sileŋe ala jim waŋgiŋet. Mewö aketka yuai bölöŋi kötökŋi kun akawak, mewö jimegöra mamböralmö, keu mewöŋi kun qahö jiget möral. ¹⁹ Mi qahö jiget möralmö, salupŋe azi mi qetala nanŋini mötnariŋinaŋgö keu kambaŋi tosatŋi aka azi kun qetŋi Jisös yaŋgöra aŋgururuk aket. ‘Jisösönöŋ kömuyök,’ jigetmö, Polnön ‘Guliba malja,’ jiba kapaŋ köla köhöiyök. ²⁰ Mewö jiba kazik algetka nöŋön ‘Keu mewöŋi mi denöwö kewötpileŋak?’ jiba köna jaruba uruyahöt möral. Mi möta kinda kewö qesim waŋgial, ‘Silenöŋ alal keu jizei, gi ölop miaŋgö likeŋŋi mi Jerusalem öŋgöba miaŋgöreŋ jibanak me qahö?’ ²¹ Qesim waŋgialmö, Polnön Öŋgöŋgöŋaminanŋö jeŋe anmamgö kapaŋ köla kewö

qesiyök, ‘Mönö jinönga galöm köl niŋgigetka sisa kiŋgöreŋ anbiga keuni mindiŋgöiga diŋgima.’ Mewö qesiiga wahip azi jim kutum enggibiga galöm kölgetka tatza. Biaŋ melaim waŋgibiga sisa kiŋgö jemesoholŋe anma.”

²²Festusnöŋ mewö jiiga Agripanöŋ jii mörök, “Nia kun azi miaŋön keuŋi jii mötmamgö sihimŋi mötzal.” Jiiga meleŋnök, “Urangun ölop keuŋi mötman.”

²³Mewö jiiga ahöba wahötketka kantrigö jembon, suahö galöm ketaŋi aka jitŋememe öngöŋgöŋi yeŋön kaba Agripa aka Bernaisi yetköra jura sorom jölŋire uta sösöŋgai liŋet köla köl öröm etkigetka keugö jake miri öngöŋgöŋi miaŋgö uruŋe aŋgotket. Festusnöŋ jim kutuiga Pol waŋgitketka miaŋgöreŋ kaŋgorök. ²⁴Polnöŋ kaŋgoriga Festusnöŋ wahöta kinda kewö jiyök, “Kiŋ Agripa aka azi ketaŋi pakpak nembuk ki tatzei, iŋini mönö azi ki eket. Juda ambazip kambu pakpak yeŋön yaŋgöra aka uruni kuŋguget. Sisaria taon kiaŋgöreŋ aka Jerusalem siti miaŋgöreŋ ölna keunöŋ kuŋgum niŋgiba qet gigilahöba kewö jiba malget, ‘Azi kiaŋön gölmenöŋ malmawaŋgö dop qahö. Mönö yapmakek!’

²⁵“Mewö qeta malgetmö, nöŋön kewötpiga yuai kun kömupkö buŋa akŋawaŋgö dop mi qahö ahök. Nöŋön könaŋi mewö miwikŋaiba ehalmö, nanŋak Rom Öngöŋgöŋamninaŋgö jeŋe ani keuŋi mindiŋgöiga diŋgimapköra kapaŋ köla qesiyök. Miaŋgöra keu jöhöba melaibiga Rom anma. ²⁶Rom sitinöŋ anmapmö, yaŋgöreŋ keu mi denöwö ohoba Rom azi kembunaŋgöra albi anbawak? Yaŋgöra keu laŋ jizemö, keu könaŋambuk kun mi törörök qahö möt asarizal. Miaŋgöra jibi waŋgita kaba kiŋ Agripa göhö jege aka iŋini tosatŋi kiŋgö andöŋe ki tatzei, engö jemesoholŋine algetka kinja. Iŋini ölop böröjaŋ memba keuŋi kewötketka ölni asuhui mönö mi möta ölop kimbinöŋ ohobileŋak. ²⁷Azi kun kösönöŋ jöhöba keu jakeŋe alalgö keuŋi denöwö jizei, mi aukŋe jibingö osiba töndup öne melaibinbuk. Silik mi nöŋgö mötmötnöŋ kezapjupjup tandök ewö akza.” Mewö.

Polnöŋ keuŋaŋgö likepŋi kiŋ Agripagö jeŋe jiyök.

26 ¹Mewö tatketka kiŋ Agripanöŋ Polgöra jiyök, “Gi ölop nangaöhö keu likepŋi jinönga mötpi.” Mewö jiiga Polnöŋ kinda börö kutum waŋgiba nanŋi keuŋi aŋgön köla kewö könahiba jiyök,

²“O kiŋ Agripa! Juda jitŋememe yeŋön keu silene ala jim niŋgizei, nöŋön keu pakpak miaŋgö likepŋi mi merak ölop göhö jege aukŋe jimamgö simbawoŋ mötzal. ³Göŋön Juda neŋgöreŋ ahakmeme aka aŋgururuk keunini pakpak mi törörök möt yaközan. Miaŋgöra nöŋön ölna simbawoŋ mötzal. Mewö aiga qesim gihizal: Keu jimami, mi ölop möta mökösoŋda kezap alman.

⁴“Nöŋön Juda ambazip kambu uruŋe ahuba könakönahijeŋyök könahiba nani kantri ki aka sitinini Jerusalem miaŋgöreŋ mala koral.

Miaŋgöra Juda ambazip pakpak yeñon malmalni gwaböneyök denöwö kota malali, mi ölop möt kutuze. ⁵Yeñon könañamni nalö köröñji möt kutuze. Sihinñini ahöi mi ölop kewö nañgöba jibeak: Nanine jike nup uruñe Farisi pati neñon asa yeñgöreñ jike mötmöt mi törörök kötökñi wuatangöba maljin. Nöñon mutuk yeñgö kambu patinöñ angota Köna keu kapañ köla wuatangöba malal. ⁶Anutunöñ ambösakonurupnini yeñgöra jöhöjöhö keu alöhi, nöñon miañgö ölnji ahumapköra al mamböta jörömqöröm aka maljal. Miañgöra aka merak keu jakeñe al niñgigetka kinjal.

⁷“Nanine Israel ambazip kambu 12 neñon körek pakpak jöhöjöhö keu miañgö ölnji asuhumapköra mambörakzin. Mi mamböta jörömqöröm aka qösösök (qörörök) sungem asak Anutu waikñi memba möpöseimakzin. O Öngöñgöñamni, nöñon jörömqöröm mewö ahakzalañgöra Juda jitñememe yeñon keu bölöñji bölöñji silene ala jim niñgimakze. ⁸Anutunöñ ambazip kömukömuñi mem gulim eñgii wahötmei, iñini mi mönö denöwögöra aka qahö möt narize?

⁹“^hNanak mewöyök kewö mötmöriba malal, ‘Ni Jisös Nazaret azigö qetbuñaji sañgolbi qahöwakñapköra bim gwötpuk qemamangö dop akzal.’ Mewö mötmöriba kazik aka malal. ¹⁰Kazik aka Jerusalem miañgöreñ ölnja bim qeba malal. Jike nup galöm bohonñi yeñon nam köl niñgiget jim kutubiga Anutugö ambazip sarakñi mi gwötpuk eñgömemba kösö mire al eñgiget aka tosatñi kömumegö keu jigetka nöñon mewöyök keu mi kötöngöba imbi köla (wout ala) malal. ¹¹Nalöñi nalöñi liliköba köuluk miri dop böroñjañ mem eñgibiga uruñini melenñeri, mieñon asuhugot. Asuhugotka Jisös qañ köla ilit wañgimegöra kuñguba töhöreñ öröm ureim eñgial. Mewö ak eñgibiga ihileknöñ könöpuk tauköba eñgugetka sihimbölö kahasililiñ möta malget. Urunan könöp jem sölöñgöiga sesewerowero ak eñgimamgöra köröwen kötökñi kian kantrigö sitiñi sitiñi miañgöreñ anda malal.” Mewö.

Polnön uruñi meleñnöhangö kösohotñi jiyök.

Apo 9.1-19; 22.6-16

¹²“Kaisilik mewö aka malbiga nalö kunöñ jike nup galöm bohonñi yeñon nömbuk urumohot aka nam köl niñgigetka Damaskus sitinöñ anmamgöra könanöñ anal. ¹³O Öngöñgöñamni, nöñon könanöñ anbiga silim bibiñe miañgöreñ Suepnöhök asakmararañ kun wölañ erök. Eta wöbilik ewö asuhuba wehön jeñi oñgita asariiga ehal. Asak miañon mönö ni aka azi nömbuk anini, nini turum neñgiyök. ¹⁴Turum neñgiiga körek tala gölmenöñ eta kölin. Eta köla ahöinga nöñgöra keu kun kaiga Hibru keunöñ kewö jii möral, ‘Sol, Sol, gi wuanöñgöra sesewerowero ak niñgizan? Gi

^s 26.5 Apo 23.6; Fil 3.5 ^h 26.9-11 Apo 8.3; 22.4-5

mönö bulmakau aziñi ewö akanbuk. Toñan gölme mözö zamgömapköra bulmakau aziñi kinoñnön jöhöi ösön öröiga dop köljapmö, lañ öröba könöpuk yaköriba öröm ureiiga kerösuap jitñan uiga sihimbölö mörakza. Gi mönö miangö dop lañ luhuba nangi könisemgi öne töhön kutubanbuk.’

¹⁵“Mi möta qesial, ‘O Kembu, gi dañön?’ Qesibiga jiyök, ‘Ni Jisös sesewerowo qakñe al niñgimakzani, mönö mia akzal. ¹⁶Mi akzalmö, ölop wahöta kinön. Ni aka yuai ekzani aka könañgep toroqeba asuhuba kondel gihimami, mi mönö nañgöba jiba dangunu ewö kinda nöñgö jitñememeni aka weleni qeba malman. Gi nup mi memba malman. Nöñön miangöra aka asuhum gihizal. ¹⁷Nöñön mönö nangi Israel ambazip kambu yeñgö böröñneyök meköm gihimam aka kian kantri ambazip yeñgöreñ melaim gihibiga anmani, yeñön guhubepuköra mewöyök galöm mem gihimam. ¹⁸Nöñön melaim gihibiga anda ambazip jeñini metohonöñga uruñini melenña söñaupnöñök asakñe kañgotme. Jeñini tohoiga imbiñini melenña Satangö kukösumnöñök lolohoba Anutugö sel uruñe kame. Mewö kaba möt narim niñgigetka siñgisöndokñini sañgoñda mosötmmam. Mosötñiga Anutunön alauruñi tök kutum eñgiiga sarakñi akzei, mönö yeñgö sutñine añgota dum tatatñini memba oyaenköyaen aka malme.’ Jisösnön mewö kutum nuasöta jiyök.”

Polnön urugö nupñangö kösohotñi jiyök.

¹⁹“O kiñ Agripa, Jisösnön mewö jiiga nöñön Suepnöñök jemelen imut eka könañi möta mi köyatiba malmamgö mötpiga osiyök. Miangöra nöñön imut miangö keuñi mi tem köla nup memba malal. ²⁰‘Mi tem köla liliköba Buña keu kewö jim sehiba malal: Inini mönö uruñini melenña Anutugöreñ lilingöba kaba uru melenñerangö ölni mi ahakmemeninan kondela malme. Buña keu mi mutuk Damaskus aka Jerusalem siti yahöt miangöreñ maljei, yeñgöra jim asariba malal. Miangö andöñe Juda kantri pakpak yeñgöra jial aka kian kantri yeñgöra jiba uruñini kuñguba malal. ²¹Könañi miangöra aka Juda ambazip tosatñan jöwöwöl jikenön öñgöba miangöreñ qeraköba nömimba kapañ köla köhömuñi nuñgubingö aket.

²²“Mewö aketmö, uruni melenñalangöreñök mala kotñiga Anutunön bauköm niñgiba maliga nalö kewöñe toroqeba ölop maljal. Baukbauk miangöra aka ki kinda öñgöñgöñi aka eretñi eñgö jeñine keuni ki jizal. Moses aka kezapqetok ambazip yeñön yuai asuhumapkö jigeri, nöñön mönö yeñgö keuñini miyök törörök wuatangöba keu kewö nañgöba jizal: ²³‘Anutunön areñ ali Amötqeqe Toñi Kraist yañön sihimbölö möta kömumba azi mutukñi kömupnöñök wahötma. Wahöta Anutu asakñangö könañi mi Juda kambu neñgöra aka kian kantri yeñgöra indela jim tuarim eñgiba malmamgö jiyök.”

¹ 26.20 Apo 9.20, 28-29 ² 26.23 Ais 42.6; 49.6; 1 Kor 15.20

²⁴Polnön keuñangö likepñi mewö jiiga premiö Festusnön terengöba keu kemañe kutuba jiyök, “Pol, gi kahapmahap akzan. Papia miriñi miriñi miangörej öngönönga mötmötkan sehiba nöropsohop mem gihii maljan.”

²⁵Mewö jiyökmö, Polnön melenök, “O kembu sorokni Festus, nöñön nöropsohop qahö akzal. Keu jizali, mi mötkutukutu keu ölña akza. ²⁶Kiñ Agripanön keu kiangö könani möt soroköza, mewö mötzal. Yuai pakpak mi tölapñe wangööm kunön qahö asuhuyök. Miangöra keu buzupñi pakpak mi mönö kiñgö kezapñe gei möt teközawi, mewö möt köhöizal. Miangöra nöñön keuni ki ölop awösamkakak qakñe kinda jibiga mötzan. ²⁷O kiñ Agripa, Juda azi gi kezapqetok yengörej Buzup Kimbigö keuñi möt narizan me qahö? Mi möt narizan, mewö mötzal.”

²⁸Polnön mewö jiiga Agripanön melenja jiyök, “O Pol, göñön nalö töröptökñi kiangörej uruni kuñgunönga nöñön uruni melenja Kraistkö alañi akileñakgö mötzan me? Mewö mötmörizan me?”

²⁹Mewö jiiga Polnön melenök, “O kiñ, keu köröpñi me kötonji jibileñak, mi muatmö, göñönök qahöpmö, döлки keuni kezap ala mötzei, körek eñön mewöyök Kraistkö alaurupñi akñegöra urusihimnan möta kewö köuluközal: O Anutu, uruñini melenj eñginönga nöñön ki maljali, mönö miangö dop akñe. Tapep (muñgamuñga) miyök al eñgimapköra qahö köuluközal.”

³⁰Mewö jiiga kiñnön wahöriga premiö aka Bernaisi yetkön mewöyök wahörohot aka yembuk tatkeri, yeñön körek wahötket. ³¹Wahöta mosöta angetka azi ipñan nanñinök eraum möta kewö jiget, “Azi kiangön bölöñi kun qahö aiga wuanöngöra mönö gwaröhöm wangiget? Yañön kömupkö buña akñawangö dop qahö akza, mi mötzin.” ³²Mewö jiba eraum möta Agripanön Festusgöra jiyök, “Sisa kiñgörej anbiga keuni mindiñgöi diñgimapköra qahö kapañ köla qesiba jibawak ewö, mönö ölop pösaringa gebawak.” Mewö.

Pol wangenöñ algetka könahiba Rom anök.

27 ¹Azi ipñi yeñön neñgöra keu kewö jöhöget: Nini wangenöñ öngöinga luhutnön nangöi Itali kantrinön anbin. Keu mewö jöhögetka Pol aka kösö miri azi tosatñi mi suahö galöm kun qetñi Julius yangö böröñe al eñgiget. Julius yañön yarö kambu bahöñi kun qetñi “Rom sisa kiñgö yarö kambu” qetkeri, miangörej yarö azi 100 yengö galömñina malök. ²Miri kun qetñi Adramitium miangörejök wange kun kaba Eisia prowingö köwet jitñi mötöteiba wange döpnji mohot mohot miangörej anmapkö aka jöjöröyöhi, miangörej öngöin. Öngöinga opo seri öröba mörörengögetka luhutnön nangöi köwetnön anin. Masedonia prowingö siti qetñi Tesalonaika miangörejök azi kun qetñi Aristarkus yañön sunğurumnini aiga mohotñe anin.

³Anda ahöm wahöta miangörej Saidon mire anğorin. Anğoringa Juliusnön Pol ala ak wangiba jim teköiga wange mosöta alaurupñi yengörej anda

engehiga wani yuaigöra osiyöhi, mi bauköm wangiget. ⁴Miangörenök kunbuk köwetnön aninga luhutnön köna anbin jiini, miangören görökenök qeba gilohağgöra lömböriiga toroqeba gölme jölanji qetji Saiprus miangö tölapne geba qöhöröngöba mötöteiba anin. ⁵Aninga luhutnön nangöi köwet kutuba Silisia aka Pamfilia prowins yahöt mi etkonjita Lisia prowinsgö siti qetji Maira miangören angorin. ⁶Angota miangören suahö galömninan wange kun miwikjaiyök. Wange miangön ljiptkö siti qetji Aleksandria miangörenök kaba Itali kantrinön anmamgö aka jöjöröyök. Mi miwikjaiba jim kutum nenjiiga miangören öngöin.

⁷Öngöba köwetnön aninga luhutnön ölop qahö nangöi wehön gwötpuk mi ösönösön anda malin. Mewö malin teköiga miangören kupuk-kapak aka köwet miangören Nidas taon kösutje angorin. Kösutje angoringa luhut köhöiknanök gila miangören göröken toroqeba anbinangö könaji jöhöyök. Jöhöiga lömböriiga Krit gölme jölanjangö jitji köröpni qetji Salmone mi onjita anda gölme jöhanjangö tölapne geba qöhöröngöba mötöteiba anin. ⁸Köwet jitji dowe mötöteiba osikosibuk anda mala Lasea taon kösutje miri qetji “Wange surusuruji eksihimjambuk, Fair Hafens” qerakzei, miangören angorin.

⁹Miangören angota nalö köröpni mösöhöba malin. Mewö malinga singgisöndök sanjonaşanjongö kendonji qetji Yom Kippur^k miangö nalöjan teköiga luhutqege nalöjan lök kam kungui angorin. Luhutqege nalöje ambazip köwetnön anda “Ayuhubinbuk,” jiba wangenini jöhözema. Miangöra Polnön galöm meme keu kun kewö jii mötket, ¹⁰“Aziurup, nini köwet qakje toroqeba anbinbuk. Mönö kupuk-kapak qakje anda ayuayuhu miwikjaibinbuk. Wangenini raidimbomnön qei jömgöiga sukinapni gejmororon öngöngöni aiga naninak mewöyök kömumbinbuk. Miri tandöknan mewö ahiga ekzal.”

¹¹Galöm meme keu mewö jiyökmö, suahö galömninan Polgören keu mi qetala wange tonji aka stia (mönaqöngai lökuat) galömni yetkön “Ölop anbin,” jiyohori, suahö galömninan keunjiri mi möt nariyök. ¹²Miri qetji “Wange surusuruji eksihimjambuk” miangö wange döpnji mi luhutqege nalö tatatkö dop qahö ahök. Miangöra aka azi gwötpuknan anbingö keu kötöngöba kewö jiget, “Ki tatpingö ölan nenjöhöza. Ölop opo seri öroba mörörengögetka köwetnön anbin. Anda kapaş köla mala köna ahuiğa Finiks wange döpnön angotpinak. Miangören angota luhutqege nalö ki ölop tata malin teköma.” Wange döp qetji Finiks mi Krit gölme jölanji miangö jitje wehön gegenji göröken ahöza. Mewö.

Raidimbomnön köwet meiga böliyök.

¹³Anbingö keu mewö jigetka luhutnön ösönösön könahiba Saut görökenök gilök. Giliga “Ölop anda arejnini wuatangöba Finiks ekin,”

^k 27.9 Yom Kippur sösöngai kendon mi Septembe teteköje me Oktobe könakönahije alakze.

jiba mötmöriba kinda waŋgegö kösö mendanŋi musulgetka korök. Koriga waŋgenöŋ lolohoiga luhutnönŋ naŋgöi ösöŋ neŋguaŋgiriga Krit gölme jölanŋaŋgö jitŋi mötöteiba dowe anin. ¹⁴Mewö aninmö, nalö kude köriiga luhut ösumŋi köhöikŋi qetŋi mura (yoware, Not Istkö raidimbom (piwi) lilililikŋi) mianŋön mönö gölme jölanŋi mianŋö qakŋeyök qeba gila neŋguba kayök.

¹⁵Neŋguba kaiga waŋgenini galöm köl waŋgibingö mem bibihigetka luhut qeba kayöhaŋgöreŋ göröken anmamgö osiyök. Osiiga mosötketka luhutnöhök waŋge kuŋguba memba waŋgiriga nanŋak öne ani utuköm neŋgiiga laŋ malin. ¹⁶Utuköm neŋgiiga mala gölme jölanŋi moröŋi kun qetŋi Kauda mianŋö tölapŋe Saut göröken anin. Mianŋöreŋ anda gomba kösönöŋ jöhögetka waŋge andöŋe o kutuba kayöhi, mi aum-möriba köwetnöhök öröinga gwötpuk lömböriiga töndup kapaŋ köla öröinga korök.

¹⁷Gomba mi öröin koriga waŋge ketanŋe alin. Waŋgenöŋ utuköba jömgöbapuköra möringa kösö memba waŋge köpeiba jöhöm köhöiget. Mewö anda mala sak qetŋi Sirtis¹ mianŋöreŋ köwet röndumŋi köröpŋi qahö ahözawaŋgöreŋ kuŋguba qaköbinbuköra keŋgötŋini mörin. Mewö mörinaŋgöra aka waŋgegö opo seri yuaiŋi mi meköba eta ala waŋge galömkölköl mosötket. Mi mosötketka luhutnönŋ waŋge kuŋguba neŋgömiŋsiiga öne laŋ anin. ¹⁸Öne laŋ aninmö, raidimbom mianŋön mönö könöpŋambuk toroqeba gila utuköm neŋgiyök. Mewö utuköm neŋgiiga miri gianŋiiga mianŋöreŋ könahiba waŋgegö sukinap tosatŋi memba köwetnönŋ gilget geyök. ¹⁹Wehön karöbut aiga mianŋöreŋ waŋgegö öröyuai aködamunŋambuk mi nanŋinak memba gilgetka köwetnönŋ geyök. ²⁰Mewö memenjaliba anda mala suŋgem silim gwötpuk mianŋöreŋ wehön me seŋgelau kun qahö ehin. Raidimbom mianŋön mewöyök köhöikŋanök toroqeba gila ahöyök. Gilayök ahöiga lömböriiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

²¹Raidimbom uruŋe nalö köröpŋi kaba mala nene kun qahö nein. Mianŋöra aka Polnönŋ sutŋine wahöta kinda kewö jiyök, “Aziurup, nöŋön Krit gölme jölanŋi qahö mosötŋingö goro jiali, iŋini nöŋgöreŋ keu mi wuatangögetka dop kölbawak. Mewö ahinga geŋmororoŋ aka ayuayuhu kiaŋön mönö qaknine qahö öŋgöbawak. ²²Goroni mosötketmö, dölkü qambaŋ keu kewö eŋgizal: Eŋgöreŋök kunŋan kun malmalŋi qahö ayuhuma. Mi qahöpmö, waŋgeyök ayuhuma. Mianŋöra iŋini mönö ewebibiŋini möta tatme.

²³“Nöŋön bem qetŋi Anutu yaŋgö buŋaya aka welenŋi qeba maljal. Suŋgem gaun ahöbiga yaŋön Suep garatanŋi kun melaiiga nöŋgö kösutne

¹ 27.17 Sirtis mi Afrika kantri qetŋi Libia mianŋöreŋ göröken ahöza. Sirtis mianŋöreŋ köwet dutŋe sak kukundu ahöza.

kaba kinja. ²⁴Kinda kewö jiza, ‘Pol, gi kenğotki kude mötman! Gi ölop Rom sisa kinğö jemesoholŋe anöŋga kewöt gihima. Mötnöŋ! Anutunöŋ körö ölöwakŋi kondel gihiba ambazip pakpak göbuk waŋgenöŋ mohotŋe maljei, yeŋgö malmalŋini mönö göhö böröge ali göbuk kinda kunŋan qahö kömuma.’ ²⁵Suep garatanöŋ nöŋgöra keu jizawi, mönö miaŋgö dop asuhuma. Nöŋön Anutu mewö möt narim waŋgizal. Miaŋgöra aziurup, iŋini mönö eweŋini möta tatme. ²⁶Mewö asuhumapmö, luhutnöŋ gila muwutapköm neŋgiiga gölme jöhanŋi kungö jitŋe aŋgotpinaŋgö dop akza.” Mewö.

Suŋgem 14 aiga gölme dopdowiŋet.

²⁷Waŋgeninan Gölme Sutjire Köwetkö (Mediterranean Sea) bahöŋi qetŋi Adria Köwet miaŋgöreŋ öne laŋ aniga suŋgem 14 ahök. Mi aiga suŋgem bibiŋe miaŋgöreŋ waŋge nup meme azi yeŋön “Mönö gölme kun dopdowizin,” jiba uruŋinan mewö mötket. ²⁸Mewö möta kinda kösö kun lömbötŋambuk jöhöba gilgetka geba köwet dutŋi misiriyök. Misiriiga köwet röndumgö qötöŋi ahuyöhi, mi 40 mita (120 fit) miaŋgö dop ahök. Borom kun toroqeba anda tandök mohot miyök aketka qötöŋi miaŋön 30 mita (90 fit) miaŋgö dop aiga miwikŋaiget. ²⁹Mi miwikŋaiba waŋgeninan köt törom kemaŋe kuŋgubapüköra kenğotŋini mötket. Mewö möta waŋgegö kösö mendanŋi 4 mi waŋge andöŋeyök pösata ösöŋ memba eta alget aka asarimapkö miri qeba mamböta köuluköba tatket.

³⁰Mewö tatketmö, waŋgegö nup meme azi yeŋön kewö möndöba jiget, “Nini mönö waŋge numbuŋe göröken waŋgegö kösö mendanŋi tosatŋi gilinga gema.” Mewö möndöba jiba waŋge moröŋi gomba kun waŋgenöhök meköba mem et algetka köwetnöŋ eri waŋge mosöta esapköba tölapŋe ölöŋ köla anbingö aket. ³¹Mewö aketmö, Polnöŋ suahö galöm aka yarö azi yeŋgöra kewö jiyök, “Yeŋön waŋgenöŋ qahö mösölatiba kinme ewö, eŋgö malmal jöhöjöhögö könaŋi kun qahö ahuma.” ³²Mewö jiiga yarö azi yeŋön anda gombagö kösöŋi yandigetka nanjök aniga nup meme azi yeŋön ölöŋ köla anbingö osiget.

³³Waŋgaraŋ suruiga miaŋgöreŋ Polnöŋ körek pakpak nene nemegö qambaŋ keu jim kutum eŋgiba kewö jiyök, “Iŋini lök nalö köröpŋi uruyahöt mamböta nene kun qahö yöhöSORöba malgetka merak wehön 14:ŋi akza. ³⁴Miaŋgöra kewö jim kutum eŋgizal: Nini malmal jöhöbingö aum-möribini, miaŋgöreŋ ösumnini etpapüköra mönö köhöiba kinda ölöwahinga dop kölma. Miaŋgöra iŋini mönö nene neme. Eŋgöreŋök kunŋan kun sileŋi qahö qema. Nöröp juŋŋini moröŋa kun mi qahö kötökŋi sohoma.” ³⁵Mewö jiba Polnöŋ beret memba körek pakpak yeŋgö jemesoholŋine Anutugö saiwap jiba mindipköba könahiba neyök. ³⁶Mewö neiga eka körek yeŋön awösamŋini geiga mewöyök nene memba neget. ³⁷Nini waŋge uruŋe mindiriba jaŋgö 276 miaŋgö dop malin. ³⁸Yeŋön

körek pakpak nene nempa nem timbireŋ aket. Mewö aka waŋgenöŋ amqemapköra wit padi toru memba gilgetka köwetnöŋ geyök. Mewö.

Waŋgenöŋ köwet töromnöŋ kuŋguba qaköba jömgöyök.

³⁹Miri gĩaŋjiga gölme eka mi qahö möt kutuget. Qahö möt kutugetmö, köwet waŋgömŋi (bay) kun sakŋambuk miwikŋaiba eket. Mi eka “Mönö waŋge melenđa esapköba miaŋgöreŋ aŋgotpinak,” jiba keu jöhöget. ⁴⁰Keu mewö jöhöba kinda waŋgegö kösö mendanŋaŋgö kösöŋi yandigetka suliga mosötketka köwet dutŋe ahöyök. Mi yandiba miaŋgöreŋök likeplikep stia (möŋaqöŋai) lökuat yahöt ahöyöhi, mietkö kösöŋiri pösatketka lolohoyök. Mi pösata waŋge wösöŋaŋgö opo seriŋi öröba möröreŋgögetka luhutnöŋ naŋgöi waŋge möŋaigetka saknöŋ göröken anin. ⁴¹Mewö aninmö, waŋgenöŋ köwet töromnöŋ anapuköra jöhöbingö osiba mosöta gilgetka anda kuŋguyök. Miaŋgöreŋ kuŋguba waŋge giliŋan töromnöŋ qeba qaköba anda kamamgö osiba tarök. Mewö tariga köwet siriŋan waŋgegö andö likepŋi gila kinda ösum köhöikŋi miaŋön qeba qesiŋmesiŋnök.

⁴²Mewö ahiga jiget, “Kösö miri azi yeŋgöreŋök kuŋŋan o qeba kutuba ölöŋ köla anapuk.” Mewö jigetka yarö azi yeŋön kösö azi nini körek neŋgubingö mötket. ⁴³Mewö jigetmö, suahö galömninan Polgö malmalŋi jöhömamgö möta yarö aziurupŋan mewö akepuköra aŋgön köl eŋgiyök. Aŋgön köl eŋgiba kewö jim kutum neŋgiyök, “Denike eŋön köwet qeba anangö könaŋi mötzei, iŋini mönö mutuk luhuba geba köwet qeba anda körökŋe öŋgöme. ⁴⁴Yeŋön mutuk angetka tosatŋan andöŋine katapa sahöŋŋi qelanjiba meme me waŋgegö kitipŋi könaŋi könaŋi miwikŋaiba miaŋgö qakŋe ahöba köwet qeba anme.” Mewö jim kutum neŋgiiga tandök mewö aka körekŋan malmalnini jöhöba köwet jitŋe aŋgot teköin. Mewö.

Malta gölme jölanŋe mamböta malin.

28 ¹Malmalnini jöhöba köwet jitŋe kaŋgota miaŋgöreŋ gölme johanni qetŋi Malta qetketka mörin. ²Kaŋgoringa kienöŋ könahiba eri miri amöriyökmö, Malta ambazipnöŋ ala-ala tandök ölop kötökŋi kondel neŋgiba könöp ohoba neŋguaŋgitketka körekŋanök könöp kösutŋe anda jömöta tarin. ³Polnöŋ könöp omajarek qezaköba börangöba könöpnöŋ alök. Mi ali jeiga qatö kunöŋ könöp umŋan kösuiga kota böröŋe jöhöba yöhöyök. ⁴Mokoleŋnöŋ mewö jöhöba böröŋe möndöba eta kiniga gölme jölanŋaŋgö toŋan eka nanŋini eraum möta kewö jiget, “Azi ki köwetnöhök malmalŋi jöhöba korökmö, Songoriŋnöŋ töndup likepŋi melenđa malmalŋi kutum waŋgii kömuma. Miaŋgöra mönö eŋgui kömukömu azia akza. Mewö möt köhöizin.”

⁵Mewö jigetmö, Polnöŋ soramen utuköba kinda giliga könöp uruŋe geiga silene geŋmororoŋ kun qahö ahuyök. ⁶Mewö jiba ehiba “Sileni

qariba pisihima me wölaŋ kömumba gölmenöŋ tala eta kölma,” mewö jiba ek tiba mamböta kinget. Nalö köröpŋi mamböta kingetmö, Polgö sileŋe yuai bölöŋi kun qahö ahuyök. Mewö aiga mötmötŋini meleşniga jiget, “O, azi ki mönö bem azia akza.”

⁷Malta saknöŋ kaŋgota laŋ uba kösutŋe nene nup gölme körö jajapiŋi aka bau bulmakau kambuŋi kambuŋi ahögetka ehin. Mi gölme jöhanŋaŋgö azi kembuŋini qetŋi Publius yaŋgö buŋaya ahöyök. Gölme toŋi miaŋön köl öröm neŋgii miriŋe öŋgöinga urukalem qakŋe köyan köl neŋgiiga yambuk köisirik taringa wehön karöbutkö dop anök. ⁸Taringa Publius iwiŋan silekönöp aka irip suaip seŋjambuk kawöl (dysentery) miaŋön yöhöiga dumnöhök ahöyök. Ahöiga Polnöŋ yaŋgöreŋ anda köuluköba böröŋi nööröŋe ala mem ölöwahök. ⁹Mewö asuhiiga miangöreŋök kawöl ambazip tosatŋi pakpak gölme jöhanŋe ahögeri, yeŋön mewöyök kaŋgotketka Polnöŋ Anutu köuluköiga ölöwaket. ¹⁰Yeŋön kalem könaŋi könaŋi gwötpuk neŋgiba mewö miaŋön göda qem neŋgiba malget. Könaŋgep waŋgenöŋ öŋgöbingö ahini, nalö miangöreŋ köwet qakŋe köna malmalgö yuaiŋaŋgö osiini, mi memba neŋgöra waŋgenöŋ alget. Mewö.

Malta mosöta anda Rom sitinöŋ aŋgorin.

¹¹Köiŋ karöbut teköiga waŋge kun qetŋi “Bem Siwisiwi” miwikŋaiget. Waŋge miangö nunduŋe siwisiwi bemyahöt qetŋiri Kastor aka Poluks mietkö imutŋira memba meŋölöba alget kinohot. Waŋge miaŋön Ijpt kantrigö siti qetŋi Aleksandria miangöreŋök kaiga gölme jöhanŋe jöhöba luhutqeŋe nalöŋi mi tatket. Mi tatket teköiga öŋgöinga opo seri öröba möröreŋgögetka luhutnöŋ naŋgöi mosöta anin. ¹²Anda mala siti qetŋi Sairakyus miangöreŋ aŋgota gölmenöŋ eta wehön karöbut tarin. ¹³Tata waŋgenöŋ öŋgöinga opo seri öröba möröreŋgögetka anda Regium sitinöŋ aŋgorin. Aŋgota ahöm wahöta luhut Saut görökenök könahiba gilök. Gili anda silimŋi yahöt aiga miangöreŋ Rom likepŋe Puteoli taongö waŋge döpnöŋ aŋgorin.

¹⁴Aŋgota miangöreŋ urumeleŋ alaurup tosatŋi miwikŋaiba eŋgehina. Eŋgehinga kewö qesim neŋgiget, “Iŋini ölöp nembuk sonda mohot malbeak me qahö?” Qesim neŋgigetka “Ölöp!” jiba yembuk malin. Malin teköiga eŋgömosöta Rom sitinöŋ öŋgöin. ¹⁵Urumeleŋ alaurupninan Rom siti malgeri, yeŋön kainangö keu buzupŋi mötket. Mi möta miwikŋaim neŋgibingöra tosatŋan wahöta (köna 43 mail kaba) miri qetŋi Apius Forum maket miangöreŋ kaget. Tosatŋan (33 mail kaba) miri qetŋi Kian miri karöbut, miangöreŋ kaba miwikŋaim neŋgiba aŋgehina. Aŋgeka Polnöŋ “Anutu saiwap!” jiba möpöseiba uruŋi amqeiga ölöwahök. Mewö.

Polnöŋ Rom tata Juda ambazip uruŋini kuŋguyök.

¹⁶Rom sitinöŋ kaŋgota miangöreŋ Polnöŋ miri kunöŋ nanjök malmapkö jim teköm waŋgigetka yarö azi kunŋan galöm memba yambuk malök.

¹⁷Mewö jim teköm wanġigetka miri miangöreŋ tari silim karöbut teköiga Juda ambazip ipŋi köl öröm eŋgii kaba tokoget. Tokogetka Polnöŋ kewö jii mötket, “Iwi alaurupni, nöŋön nanine Juda ambazip kambunini qahö qetala kazik ak eŋgial me ambösakonurupnini yeŋgöreŋök ahakmeme möta maljini, mi qahö ak böliäl. Mewö qahöpmö, töndup Jerusalem sitinöŋ qeraköba nömimba jöhöm niŋgiba kösö mire al niŋgiget tatpiga Rom gawman yeŋgö böröŋine al niŋgiget. ¹⁸Al niŋgigetka böröjaŋ memba könaŋamnaŋgö qesiba kewötketka ölöwahök. Nöŋön yuai bölöŋi kun qahö aka kömupkö buŋaya akileŋakö dop qahö ahal. Yeŋön mewö eka pösat niŋgibingö mötket.

¹⁹^m“Mewö mötketmö, Juda jitŋememe yeŋön Judia miangöreŋ keu mi qetala tuarenjoŋ aket. Mewö aketka siksauk aka lömböriiga nöŋön köna jaruba kun qahö miwikŋaiba kewö kapaŋ köla qesial, ‘Ni ölop Rom sitinöŋ anbiga sisa kiŋnöŋ keuni mindiŋgöi diŋgima.’ Mewö qesibiga melaim niŋgigetka ki kayal. Nani Juda kambu yeŋön kazik al niŋgigetmö, töndup yeŋgö sileŋine keu bölöŋi kun ala jim eŋgimamgö qahö mötzal. Mewö qahö. ²⁰Anutunöŋ azi kun asuhumapkö jöhöjöhö keu al neŋgiiga Israel neŋön keu miangö ölni ahumapköra mamböta jörömqröm ahakzini, nöŋön mönö azi sorokŋi yaŋgöra aka gwaröhöm niŋgigetka tapap (muŋgamuŋga) ki bisizal. Könaŋamni mewö. Miangöra aka merak eŋgeka keukeu eraum mötpingöra köl öröm eŋgibiga ki kaba tokoze.”

²¹Mewö jiiga jiget, “Judia gölmenöŋ göhöra keu jiba malgetmö, neŋgöra kimbi kun qahö alget kaiga ehin. Mewöyök alaurupninan miangöreŋök ki kageri, yeŋgöreŋök kunŋan göhö keu buzup me kösohot bölöŋi kun qahö jii mörin. ²²Mi kun qahö jiget mörinmö, uruge keu ahözawi, nini mi ölop mötpingö mötzin. Göhöreŋ Nazaret pati kambu miangö keuŋi mi gölme dop jigetka ambazipnöŋ qetalgetka likeplikep miangöreŋ goranora keu gwötpuk jiba kazik ahakze. Pati kambu miangö buzupŋan mewö kezapnine gei mötzin.”

²³Mewö jiba Polnöŋ keu kunbuk jimapköra nalö kun areŋgöget. Mi areŋgögetka Juda ambazip jesöŋgöŋan nalö miangöreŋ kaba Pol miri malöhaŋgöreŋ tokoget. Tokogetka söŋanök könahiba Anutu bemtohoŋaŋgö könaŋi jim asariba mali miri söŋauyök. Jisösgö könaŋi möt yaköba möt nariba uruyahöt mosötmegöra kapaŋ köla uru kuŋgum eŋgiba malök. Mutuk Mosesgöreŋ Köna keu aka kezapqetok ambazip yeŋgöreŋ Buzup Kimbi oyoŋda keu miangöreŋök könahiba Jisösgö könaŋi indela miangöŋ kondela naŋgöba jiba malök. ²⁴Buŋa keu mewö jiba maliga tosatŋan uruyahöt mosöta möt narigetmö, tosatŋan mi qahö möt nariba tönpin malget. ²⁵Nanŋini urumohot qahö ak aŋguba sutŋine mötmöt kambu yahöt aka deŋbingö aket. Deŋbingö aketka Polnöŋ keu

^m 28.19 Apo 25.11

kewöyök jii mötket, “Uŋa Töröŋan keu kun kezapqetok azi Aisaiagö uruje saŋep ali ambösakonŋini jii mötkeri, mi mönö enğöra dopŋine törörök jiyök. ²⁶ Aisaiänöŋ keu mi kewö jii ahöza,

‘Gi mönö ambazip kambu kienğöreŋ anda kewö jinöŋ mötme:

Iŋini mönö kezapŋini ala keu öŋa mötagun könaŋi möt bibihiba töndup qahö möt asarime.

Jeŋinan uba yuai öŋa ekagun könaŋi ek bibihiba töndup qahö ek kutume.

27 Ambazip kambu kienğö uruŋinan mönö köhöiba gwözöŋda ahöza.

Kezapŋinan keu möt bibihiba jeŋini kömaziliköba malje.

Mewö qahö akeak ewö, mönö jeŋinan yuai ölop ek kutuba

kezapŋinan keu möta uruŋinan könaŋi möt asariba uruŋini meleŋgetka nöŋön i ölop mem ölöwak engibileŋak.’”

²⁸ Polnöŋ keu mi jim teköba kewö jiyök, “Miaŋgöra iŋini mönö keu kötŋi ki ölop möt yaköme: Anutunöŋ amötqeqegö Buŋa keuŋi mi mönö kian kantri yeŋğöreŋ ali anma. Yeŋğöreŋ aniga yeŋön mi ölop kezap ala mötme.” ²⁹ (Polnöŋ mewö jim teköiga Juda yeŋön nanŋinök könöpuk jitrakölik aka goranora erauget öŋgöba eriga mosöta anget.)^o

³⁰ Polnöŋ nanŋaŋgöra miri kun kusuk söŋğöröŋi memba miaŋgö uruje (yara) yambu yahöt jömukŋanök ahöm malök. Miaŋğöreŋ mala ambazip denike yeŋön ekingö kageri, yaŋön mi pakpak ölop köl öröm enğiba malök. ³¹ Awösamkakak qakŋe kinda Anutu bemtohoŋaŋgö könaŋi jim asariba uru kuŋgum enğiba malök. Kembu Jisös Kraist möt waŋgimegöra Anutu amötqeqegö könaŋi kusum enğiba malök. Mewö maliga kunŋan kun qahö qetal waŋgiiga mala kota malök. Mewö.

ⁿ 28.26-27 Ais 6.9-10 ^o 28.29 Mötmöt ambazip yeŋön Jabö 29:gö keuŋi kewöta tosatŋan Luknöŋ mi könakönahiŋe qahö ohoyök jizemö, tosatŋan keu miambuk urumohot qahö akze. Miaŋgöra jabö 29 mi sel uruje ahöza.

Rom kimbi

Polnön Rom yengöra kimbi alök.

Jim-asa-asari

Jim-asa-asari Rom sitinön kopa malgetka urumelen kambuñi kambuñi yeñön sutñine simbisembel denđa malget. Juda tosattjan uruñini melenđa Juda ahakmemenön aka Kõna keunön qekõtahõba sileñini yandiba sömbup qahõ nemba malget. Kian kantrigö urumelen kambu yeñön Anutugö kalem möriamñi qekõtahõba Anutugö Kõna keu bapñe qahõ anda söngöröqök aka siñgisöndok amqeba akingö mötket. (6.15) Anutunön Juda kõnagesö öljä andö eñguba salupñine kian ambazip eñgoholi buñañi akeri, miañgöra söñgaiba ilit eñgiget. (11.18-20) Mewö aka Juda urumelen yeñön silikñini walñi mewöyök wuatangögerañgöra aka jijiwilit ak eñgiba malget. Juda kambu yeñön kian kantrigö urumelen alaurupñini qepureim eñgiba Juda silikñini qahõ wuatangögerañgöra aka keuñini töhöreñ jim tekõba söngöröqök aket. (2.17-20; 14.3)

Mindirim eñgimamgöra Polnön kambu yahöt yeñgöra goro keu nanñök nanñök eñgimakza. Juda yeñgö kõnañini indeliga (2.21-27) kian kantri yeñön söñgaiget. Keu bohonñi kewö jiyök, ‘Jisös möt nariinga Anutunön mötnaripñini eka keunini jim tekõiga solanibin. Kõna murutñi kun qahõ ahõza.’ (1.17) Kian kantri ambazip söngöröqökñini qekõmapkõra kõnañini indela kewö jiyök: “Anutunön nanñini ölpñinañgöra aka qahöpmö, nanñi ak-kõmukõmuñangöra aka iñini möwölöhöm eñgiyök. (11.30-32) Miañgöra mönõ kapañ köla Kõna keu tem köla malme. (7.12-24) Körekmakõrek siñgisöndokö kõsö gwarönñi mala ayuhubingö akzinmö, (3.23; 5.12) Anutunön nanñi irimsesewölñan etmapkõra aka Kraist melaiyök. (5.8-9) Uñja Töröñan meköba siñgisöndok aka kõmupkö kukõsumnöhök pösat neñgima. Miañgöra siñgisöndok ahakmeme mosöta (6.11-14) mindiriba jöpaköm añguba kopa yeñgö sutñine kopa tandök kude malme.” Goro mewö eñgiiga ösöñösöñ tem köla mindiriba malget. Polnön nalö mutukñi Rom ani nañgöm wañgigetka toroqeba Spein kantrinön anmamgö möta mewö ohoyök.

Buk kĩañgö bahõñi bohonñi 7 mi kewö:

Jim asa-asari keu aka keu bohonñi *1.1-17*

Kõreknan siñgisöndokö amõtqeqegöra osizin *1.18–3.20*

Anutunöŋ amöt qem neŋgimakzawaŋgö könäŋi 3.21–4.25
 Kraistpuk malmal dölökŋaŋgö könäŋi 5.1–8.39
 Israel yeŋön Anutugö mötmöt areŋnön malje 9.1–11.36
 Urumeleŋ neŋgö silik ahakmemegö keu 12.1–15.13
 Keu teteköŋi aka nanŋi yaizökzök keuŋi 15.14–16.27

1 ¹Pol ni Jisös Kraistkö nup meme azia aka Rom urumeleŋ ambazip embuk keu eraum mötpingöra kaba kimbi ohozal. Anutunöŋ noholiga melaimelai azi aposol akzal. Anutunöŋ Ölöwak Buŋaŋi jim sehimamgöra möwölöhöm niŋgiiga maljal.

²Anutunöŋ oyaekoyaek akingö Ölöwak Buŋaŋi indelmapkö keuŋi mi qeljiŋe jöhöba jiiga kezapqetok ambazipnön möta Buŋa Kimbi töröŋi miaŋgöreŋ ohogetka ahöza. ³Ölöwak Buŋagö könäŋi mi nanŋi nahönŋi Jisös Kraist. Yaŋön gölme azi ewö kiŋ Deiwidkö gwölönarökurupŋi yeŋgöreŋök asuhuyök.

⁴Suep azi ewö Uŋaŋan solanŋi töröŋi ahök. Anutunöŋ i mem guliiga kömupnöhök wahöriga kukösumŋan aukŋe asuhuyök. Anutunöŋ mewö miaŋön nanŋi Nahönŋi akzawaŋgö keuŋi mi jim köhöiba kuŋgum waŋgiyök. Kembuninaŋgö könäŋi mewö. ⁵Kraistnön nupkö ölni kewö asuhumapköra mörök: Neŋön kian kantriŋi kantriŋi liliköba Jisösgö qetŋi sutŋine jim sehiinga möta uruŋini meleŋda möt narim waŋgiba keuŋi tem köla malme. Miaŋgöra aposol nupŋi aka kalem möriamŋi mi neŋgiiga memba maljin. ⁶Anutunöŋ ambazip Jisös Kraistkö buŋaya aka malmegöra eŋgoholöhi, Rom iŋini mewöyök yeŋgö sutŋine malje.

⁷Uruŋini meleŋda Rom sitinöŋ maljei, nöŋön körek eŋgöra kimbi ki ohozal. Anutunöŋ iŋini nanŋi ambazip sarakŋi malmegöra eŋgohola jöpaköm eŋgimakza. Anutu Iwinini aka Kembu Jisös Kraist yetköŋ mönö kalem möriam eŋgiyohotka luainöŋ malme. Mewö köulukömakzal.

Polnöŋ Anutu möpöseiba kewö köuluköyök:

⁸Gölmeŋi gölmeŋi pakpak yeŋön Rom eŋgö mötnaripŋinaŋgö kösohotŋi jigetka mörakzal. Miaŋgöra keuni könahiba Jisös Kraistnön nam köl niŋgiiga körek eŋgöra aka Anutuni saiwap jimakzal. ⁹Nöŋön mötmöt sihimni pakpak Anutugö nupnön ala welenni qeba Nahönŋaŋgö Ölöwak Buŋaŋi jim asarimakzal. Miaŋgöreŋ sundan iŋini mötmörim eŋgimakzali, mi Anutunöŋ naŋgöba jimakza.

¹⁰Nalö dop kewö jiba köulukömakzal, “O Anutu, nöŋön Rom yeŋgöreŋ anmamgö möta nalö köröpŋi lök mambötzal. Miaŋgöra mönö sihimgahö dop jinöŋga köna asuhuiga nalö kewöŋe ölop anmam.” Mewö. ¹¹Eŋgeka mötnaripŋinan köhöimapköra möta ölop nup memegö mötmöt kalem kun eŋgimam. Miaŋgöra nalö mutukŋa eŋgöreŋ kaba eŋgekŋamgö awöweŋgöba maljal. ¹²Kewö akingö awöweŋgömakzal: Nöŋön eŋgekiga

mutulangöba ni aka iḡini denöwö möt narimakzini, mi eraum möta urunöḡ nanḡgöba körö-ölöwak qem aḡgubin.

¹³ O urumeleḡ alaurupni, iḡini mönö kewö mötmöriba malme: Nöḡön kian kantri tosatḡi yeḡḡö sutḡine liliköba uruḡini kuḡgum eḡgibiga meleḡeri, miaḡḡö dop eḡḡö sutḡine mewöyök ölnḡ asuhui ekḡamḡö mötzal. Miaḡḡöra nalö gwötpuk lök eḡḡöreḡ kusuk kamamḡö areḡi ala malalmö, yuai tosatḡan mönö nalöḡi nalöḡi jöhöm niḡḡiiga osial. ¹⁴ Anutugö jeḡe tosa kewö ahöm niḡḡiza: Ambazip kambu könāḡi könāḡi bauköm eḡḡimamaḡḡö keuḡan mönö nöḡḡö qakne ahöza. Mötmöt ambazip aka gukmaulem ambazip mieḡḡö welenqeḡeḡini öröröḡ akzal. Mindimindiri keu Griḡ mötzei aka qandam^b mala nanḡini keuḡine irohowaroho jimakzei, mi körek bauköm eḡḡimamḡö mötzal. ¹⁵ Mewö möta Ölöwak Buḡa mi Rom siti eḡḡöra mewöyök jim asarimamḡö amqeba urukönöp ahakzal. Mewö.

Ölöwak Buḡaḡö kukösumḡi kewö:

¹⁶ Anutugö kukösumḡan nini körek mem letot neḡḡiiga nalö kewöḡe Suepkö buḡaya akzin. Juda neḡön mutuk urunini meleḡda mi möt nariin aka neḡḡö andönine kantri tosatḡi yeḡön mewöyök mi möt nariget. Miaḡḡöra Anutunöḡ kukösumḡi Ölöwak Buḡanöḡ ali ahözawaḡöra mi algamusum qahö ahakzal. ¹⁷ Ölöwak Buḡanöḡ mönö solanḡi akingö könāḡi indelakza. Buḡa keu kun kewö ohoget ahöza, “Solanḡi akzawi, yaḡön mönö Anutu möt nariba mewö miaḡön köhöiba mal öḡḡöma. Keu miaḡḡö könāḡi kewö: Nini Anutu könahiba möt nariinga mötnaripnini eka keunini jim teköiga solaniin aka gölmenöḡ malbinanḡö dop toroqeba möt narim waḡḡiba jeḡe solanimakin.” Mewö.

Neḡö siḡisöndoköra Anutugö irimḡan seholidmakza.

¹⁸ Ölop solanibinakmö, ambazip keu ölnḡ ahakmemeḡinan közaḡḡöba siksauk memakzei, Anutunöḡ mi Suepnöḡ euyay-göreḡök uba ehi qahö dop köliga irimḡi seholidmakza. Ambazip mewöḡi pakpak eḡgeka aḡḡöjörakḡini qetala silikḡini bölöḡaḡöra aka kazikḡi indeli asuhumakza. ¹⁹ Mi kewögöra: Anutugö könāḡi möt kutubināḡö dop akzawi, mi mönö nanḡak indel eḡḡiiga sutnine aukḡeyök ahöiga mörakze.

²⁰ Anutugö malmalḡi qahö ehakzinmö, kukösumḡi mi Suep gölme miwikḡaim etkiba miaḡḡöreḡök könahiba kondela mala koriga nalö teteköḡi qahö asuhumakza. Miaḡḡöra Anutugö börösöwöḡi törörök

^a 1.13 Apo 19.21 ^b 1.14 Qandam, Siawari imbinöḡ qandak, Nei keunöḡ bus kanaka, ambazip arökḡe nanḡinök töḡpin mala mötmöt miriḡini qahö gukmaulemnöḡ malget.

^c 1.16 Mak 8.38 ^d 1.17 Hab 2.4

ehinga bem aködamunꞡambuk akzawaꞡgö könaꞡan mönö ölop möt kutubinaꞡgö dop akza. Mianꞡgöra ambazipnöꞡ yuai kunöꞡ möndöba nanꞡine keuꞡinaꞡgö likepꞡi nanꝼgöba jibingö osimakze. ²¹ eAnutugö könaꝼi möt kutuba malgetmö, töndup “Yaꝼnön bemnina,” mewö qahö jiba i qahö möpöseigetka qetbuꝼaꝼi sutꝼine qahö ahöyök. Mewö qahö ahöyökmö, keu omani laꝼlaꝼ mötmörigetka mötmötꝼinan löwöriiga mötök aket. Uru mötkutukutuꝼini qahö mianꝼnön mönö ömuꝼ köla pandaman meiga jipjap malje. Mianꝼgöra “Anutugö könaꝼi qahö mötzin,” jiba möndömöndö laꝼ aketka qahö dop kölja.

²² “Mötkutukutu ambazip maljin,” jiba sileꝼini memba öꝼgöba malgetmö, mewö mianꝼnön uruqahö ambazip akze. ²³ fAnutu qetbuꝼaꝼi asakmararaꝼambuk nalö teteköꝼi qahö mal öꝼgömawi, i qahö möpöseiba waikꝼi qahö memba malgetmö, i mosöta salupꝼe tandö lopioꝼ aka imut tosatꝼi kunguget. Tandö lopioꝼ söhögetka kaisongolomꝼinan azi kömukömuꝼaꝼgö dop akze. Imut tosatꝼi megetka nei sömbup aka gölmenöꝼ baꝼꝼinan köla öläöꝼgömakzei, miengö dop akze. Yeꝼnön mi sipköba bem ewö möpöseim engiba malget.

²⁴ Mewö aka malgeraꝼgöra Anutunöꝼ i andö enguiga nanꝼini uruꝼinaꝼgö sihim kömbönaꝼini laꝼ wuatangaöba serowilin aka nanꝼini sileꝼini gamu qeba mem et al anguba malje. ²⁵ Anutugö keu öꝼi mosöta salupꝼe keu muneꝼi qekötahöget. Miwimiwikꝼai Tonꝼ öꝼa qahö göda qeba welenꝼi qahö qeba malgetmö, yuai miwikꝼaiyöhi me nanꝼini böröꝼinan megeri, mianꝼgö sihimꝼi asuhui möta börösöwö miengö waikꝼini memba möpöseim engiba malget. Mewö malgetmö, neꝼnön miwimiwikꝼai Tonini mi nalö teteköꝼi qahö möpöseimakin. Keu mi öꝼa.

²⁶ Mewö aka malgeraꝼgöra Anutunöꝼ i andö enguiga nan괁ini sihim kömböna괁ini gamu괁ambuk mi la괁 wuatangaöba kewö aket: Ye괁gö ambiurup괁inan awanöm köna di괁di괁i mosöta nan괁inak melen괁da amimba malget. ²⁷ Azi ye괁nön mewöyök ambibuk amimba malmal mosöta go괁giget. Kaisero akitkö sihim kömböna괁ini mi azi sut괁ine öröm anguba mötketka könö괁괁ambuk aiga nan괁inak melen괁da amimba angöjörak괁inambuk aka malget. Go괁giba jaubatbat malgera괁gö likep괁i mi Anutunö괁 dop괁ine melen괁 enguiga qak괁ine ö괁göiga böliget.

²⁸ Anutugö köna괁i möt kutubingöra mötketka eret괁i aiga mosötketka Anutunö괁 mönö mewö괁anök i andö enguiga nan괁ini mötmöt괁ini go괁go괁an galöm köl enguiga ahakmeme gamu괁ambuk aka memba malget. ²⁹ Ahakmeme go괁go괁i aka silik bölö괁i köna괁i köna괁i mian괁nön uru괁ini kokolak qeiga kewö ahakze: Yuaigö nepaqepalok membagan membingö köpösö괁göba isimkakalek ahakze. Tosat괁i ye괁göre괁 yuaigöra köro괁gisigisi ahakze. Ambazip enguget kömumakze. An괁ururuk aka

^e 1.21 Ef 4.17-18 ^f 1.23 Dut 4.16-18

tosatji tilipköm engimakze. Ambazip tosatji jiliwitiŋ qakŋe bölöŋi ak engibingö mörakze. Keu ambazip kezapŋine saŋep alget geiga diwoŋdawoŋ anakza.

³⁰Andöqeŋe keu jimakze. Anutugö yom jimakze. Silik bölöŋi könöpŋambuk tem köla wuatangömakze. Jakbak-öraŋböraŋ aka sileŋjini memba wahörakze. Silenöŋ alal aka silik bölöŋi murutji murutji miwikŋaimakze. Iwinam keuŋjini qahö tem kölakze.

³¹Mötmötŋjini qahö tohoiga uruqahö mala keu laŋ jöhöba qahö wuatangömakze. Ala-ala qahö aka tosatji yeŋgöra wösömötmöt qahö ak engimakze. ³²Anutunöŋ köna diŋdiŋi kewö jim kutui ahöza: Ambazip bölöŋi mewöŋi ahakzei, yeŋön mönö kömup köhöikŋangö buŋaya akŋeangö dop akze. Yeŋön jimkutukutu mi möt asarizemö, töndup nanŋinak bölöŋi mi ahakze aka miyök qahöpmö, tosatŋan mewö aketka “Ölöp!” jiba imbi köla nangöŋm engimakze. Mewö.

Anutunöŋ keunini kewöta diŋdiŋanök jim tekömakza.

2 ¹o alani, gi tosatji yeŋgö keuŋjini jim tekömakzan me qahö? Gi tosatji yeŋgö keuŋjini jim teköba nangak ahakmeme miyöhök ahakzan. Miangöra alagahö keuŋi kun jim teközan ewö, mönö nangahö keu mewöyök jim tekönöŋga miangö lömbötŋan nangi qake öŋgöma. Miangöra öŋgöŋgöŋi me eretŋi akzani, mi töndup mönö yuai kunöŋ möndöba nangahö keugö likepŋi nangöba jimangö osimakzan. ²Ambazip ahakmeme bölöŋi mewöŋi ahakzei, Anutunöŋ yeŋgö keuŋjini keu öŋŋangö dop kewöta jim tekömakza, mi mötzin.

³Miangöra denöwö mötmörizan? Gi gölme azia aka töndup yuai mewöŋi ahakzei, yeŋgö keuŋjini jim teköba nangak ahakmeme miyöhök aknöŋga dop kölja me qahö? Anutunöŋ keugi kewöta jim teköba likepŋi meleŋ gihiiga öŋga göhö qake öŋgöma. Anutugöra jeŋe qahö mömölaköba asambötman.

⁴Anutunöŋ ala ak neŋgiba bölöŋamninangö likepŋi zilaŋ qahö meleŋmapmö, mamböta möta mökösoŋmakzawi, keu miangöra jijiwilit akzan me? Anutunöŋ uruölöpŋi kondela urugi meleŋ-mangöra öröm gihimakzawi, miangöra tönpin malbanbuk. ⁵Gi kezapjupjup aka urugi qahö meleŋmani, mewö miaŋön Anutugö jeŋe qahö mömölakömanmö, irimsesewölŋan göhö qake sehiba öŋgöma. Kazik nalöŋan kam kuŋguiga keunini diŋdiŋanök jim teköma. Likepŋi meleŋ neŋgimawi, nalö miangöreŋ irimsesewölŋi mönö aukŋe indeliga eka mötpin.

⁶hAnutunöŋ mönö “Ahakmemeninangö dop mohot mohot neŋgöra likepŋi meleŋ neŋgimawi,” mi kewö: ⁷Anutunöŋ qetbuŋaŋi neŋgimapköra mamböta aködamuninambuk akingöra kapaŋ köla pöndaŋ kinda nup

§ 2.1 Mat 7.1; Luk 6.37 h 2.6 Sum 62.12; Qam 24.12

ölöpŋi ölöpŋi memba maljini, neŋgöra malmal köhöikŋi neŋgima. Mi neŋgiiga nalö teteköŋi qahö oyaenŋkoyaen mal öngöbin. ⁸Mewö mal öngöbinmö, ambazip nanŋinanŋgörök mötmöriba girinjabak memba Buŋa keu öljŋi andö qeba keu bölöŋi wuataŋgömakzei, Anutugö irimŋan mönö miaŋgöra seholiiga kazikŋi ali qakŋine öngöma. ⁹Kazikŋi mi mutuk Juda neŋgö qakŋine öngöiga neŋgö andönine kantri tosatŋi aiaka bölöŋi ahakzei, körek yeŋgö qakŋine mewöyök öngöiga sihimbölö kahasililin möta malme.

¹⁰Mewö malmemö, Juda aka neŋgö andönine kantri tosatŋan mewöyök urunini meleŋda aiaka ölöpŋi ahakzini, Anutugö aködamunŋan mönö körek neŋgö qakŋine öngöiga qetbuŋa neŋgiiga luainöŋ malbin. ¹¹ⁱAnutunöŋ ambazip tosatŋi qahö neŋgek soriba tosatŋi qahö qepureim eŋgim�akzapmö, dop mohotnöŋ kewöt neŋgim�akza.

¹²Miaŋgö könaŋi kewö: Kantri tosatŋi yeŋön Anutugöreŋ Köna keu qahö oyonŋda möta siŋgisöndok laŋ ahakzei, yeŋön mönö körekŋanök tönpin mala ayuhume. Juda neŋön Anutugöreŋ Köna keu oyonŋda möta töndup siŋgisöndok ahakzini, Anutunöŋ mönö keu miaŋgö dop körek kewöt neŋgiba keunini jim teköma. ¹³Ambazip Anutugöreŋ Köna keu öne mörakzei, yeŋön Anutugö jeŋe solanŋi qahö akze. Qahöpmö, Köna keu tem köla wuataŋ-gömakzei, Anutunöŋ mönö yeŋgö keuŋini jim teköiga solanize. ¹⁴Kantri tosatŋan Anutugöreŋ Köna keu qahö memba maljemö, tosatŋan töndup laŋ nanŋini imbi miaŋgö dop mötmöriba ahakze. Anutugö köna keuŋi qahö mötzmö, töndup mötmötŋinan jim kutum eŋgiiga Anutugö köna keugö dop aka miaŋgö bapŋe malje.

¹⁵Mewö maljeaŋgö könaŋi mi aukŋe asuhuba kewö ahöza: Anutunöŋ ambazip miwikŋaim neŋgiba miaŋgöreŋ Köna keuŋaŋgö jimkutukutuŋi mi körek neŋgö urunine ali ahöza. Miaŋgöra Anutunöŋ keuŋi jiba saŋep alakzawi, mi kian kantri yeŋön mewöyök mörakze. Mi uruŋinaŋgö kezapŋan mötketka keuŋini jiiga Anutubuk öröröŋ mörakze. Anutunöŋ urumötmöt eŋgiyöhi, miaŋön nalö tosatŋe keu jakeŋe ala kuŋgum eŋgiiga möt bölimahakze aka nalö tosatŋe keuŋini naŋgöba jiiga möt ölöwahakze. ¹⁶Ölöwak Buŋa jim asarim�akzali, miaŋgö dop nalö ketanŋe kewö asuhuma: Kraist Jisösnöŋ Anutu bauköm waŋgiiga ambazip neŋgöreŋ keu tölapŋi tölapŋi kewöta jim teköm neŋgima. Mewö.

Köna keu miaŋön könaŋamnini denöwö indelja?

¹⁷Gi nangi qetki Juda azia qeta Köna keunöŋ amöt qem gihim�akö möt nariba “Anutugö buŋaya akzal,” jiba silegi möpöseinöŋga dop kölja me qahö? ¹⁸Gi Anutugö jitŋaŋgö dop malmalgö keuŋi möt sölöŋgöba maljan. Anutugö Köna keu kusum gihigeranŋgöra aka köna

ⁱ 2.11 Dut 10.17

qetpuk sorok wuatangömamgö jiba keu pakpak kewöta ölni aka munenji mendermakzan. ¹⁹Gi “Ölöp jegömöl ambazip alabaukñini aka enguangitmam,” jiba aiweliköm angumakzan. Söjnapnönj maljei, mi mem asarim engimananğö dop awösamkakak akzan.

²⁰Mewö aka kewö jimakzan, “Köna keu kusum ningigetka mötkutukutu lök miwikñaiba keu ölnangö könanji mötzal.” Mewö jiba amqeba kewö jimakzan, “Ni ölöp ambazip mötmötñini qahö yeğgö böhiñina akñam. Ölöp mönö namande yeğgö qaqazuñina aka kusum engimakñam.” ²¹Mewö jiba tosatñi kusum engiba wuanöngöra nangi qahö kusum angumakzan? “Yonğorö kude meman,” jiba ambazip uruñini kuñgum engimakzanmö, nangak yonğorö meme aknönğa qahö dop kölja.

²²“Sero yonğorö kude akñan,” mewö jinönj mötketka nangak kaisero akzan me qahö? Tandö lopionj sisit mem engimakzanmö, töndup nangak jöwöwöl jikenönj öngöba yuainji angön köla kiom qeba memakzan. Mi qahö dop kölja.

²³Anutugöreñ Köna keubuk maljanangöra silegi lañ memba öngömakzanmö, nangak mi walönđa mewö mianjön Anutugö qetbuñaji memba et ala malnönğa gamuñambuk ahakza. ²⁴Miangö keuñi mi Buña Kimbinönj kewö ohoget ahöza, “Engö silikñinanğöra aka kian kantri könagesö yeñön Anutugö qetñi ilita sutñine mepaqepaik ahakze.”

²⁵Anutugöreñ Köna keu wuatangöba maljan ewö, Anutugö aiwesökñi silege yandigeri, mianjön mönö bauköm ghiiga dop kölja. Mi dop köljamö, köna keu walönđa siñgisöndok ahakzan ewö, mönö aiwesöki qahö memenji mewö tandök aka öne lañ maljan. ²⁶Tosatñan Anutugö aiwesökñi sileñine qahö yandigetka töndup köna keugö jimkutukutuñi wuatangömakze ewö, Anutunönj aiwesök mi sileñine ahözawañğö dop ewö engehiga dop kölja.

²⁷Mewö engehiga yeğgöreñök kunñan ölöp Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt angön köla maljanmö, mi walönđa siñgisöndok ahakanangöra aka etman. ²⁸Azi kunñan silenöhök Juda azia akza ewö, yañön mönö Juda azi ölni qahö akza. Mewöyök Anutugö aiwesökñi sileñeyök yandigetka yañgiseñ ahakze ewö, mi mönö aiwesök omanji, ölni qahö.

²⁹^kÖlni qahöpmö, azi kun uruñan Juda azia akzawi, yañön mönö Juda azi ölni akza. Mewöñanök Anutunönj urunini qesönđa Uñaji Törönji miangöreñ ali maljawı, mianjön mönö aiwesök ölni akza. Köna keugö bohonñi wuatangöba azi sileñi yandigetka gölme ambazipnönj mötketka öngömakzapmö, Anutunönj aiwesökñi urunine kinjawangöra möri öngöi möpöseim neñgimakza. Mewö.

^j 2.24 Ais 52.5 ^k 2.29 Dut 30.6

Anutunöŋ keuŋi pöndaŋ wuatangömakza.

3 ¹Mewö ahöiga Juda ambazip maljini, miaŋön mönö denöwö bauköm neŋgibawak? Anutugö aiwesökŋi silenine yandigeri, miaŋgö ölnan mönö denöwö ahum neŋgiza? ²Ölnan mönö malmal pakpak miaŋgöreŋ gwötpuk ahuba ölna bauköm neŋgimakza. Miaŋgö keuŋi mutukŋi kewö: Anutunöŋ Buŋa keuŋi neŋgiiga buŋanina aiga maljin.

³Mewö maljinmö, neŋgöreŋök tosatŋan Anutu qahö möt narim wangiba malgetka denöwö ak eŋgima? Yangiseŋ malgeraŋgö likepŋi meleŋda mönö denöwö ak neŋgima? Urukalemŋi jöhöba aŋgön köliga omaŋi akŋa me denöwö? ⁴!Mi qahöpmahöp! Nini körek pakpak muneŋ ambazip akzinmö, Anutunöŋ öl töhöŋŋi akza. Anutugö könaŋi mi Buŋa Kimbinöŋ kewö ohoget ahöza,

“Keu jakeŋe ala qesim gihigetka keugahö likepŋi jim asariba miaŋgöreŋ diŋdini aka luhut al eŋgiba kinman. Göhö könaŋamgi mewö miwikŋaiba naŋgöba jime.”

⁵Neŋön ahakmeme goŋgoŋi wuatangöinga Anutunöŋ qindiŋaim neŋgiiga ahakmemeŋi diŋdiŋan mewö aukŋe asuhuza ewö, neŋön keu miaŋgöra mönö denöwö jibinak? Ni keu mi gölme ambazip mötmötkö dop kewö jizal: Anutunöŋ likepŋi meleŋniga irimsesewölŋan qaknine öŋgözawi, yaŋgö mötmötŋan mewö goŋgiza me qahö? ⁶Qahö, mi yapmakek! Anutunöŋ goŋgoŋi akawak ewö, yaŋön gölmeŋi gölmeŋi neŋgö keunini mönö denöwö kewöta törörök jim teköbawak?

⁷Nöŋön muneŋ azia akiga Anutunöŋ keuŋi ölnan qindiŋaim niŋgiiga yaŋgö qetbuŋaŋan mewö aukŋe asuhum tiŋgitza. Mewö aiga nöŋön siŋgisöndok ahali, Anutunöŋ miaŋgö keuŋi mönö denöwögöra jim teköza? Nömosöri nani imbi-imbi malbi dop kölbawak me qahö? Keuŋan mönö qahö löwöriba etma. ⁸Mönö kewö jiinga dop kölbawak, “Nini ölöp bölöŋi toroqeba ahinga Anutunöŋ mi qindiŋaiiga ölöpŋangö ölnan asuhuiga keuŋan qetbuŋaŋambuk akŋa.” Tosatŋan neŋgöra keu sirongen mewö jiba toroqeba kewö jimakze, “Polnöŋ keu mewö jiba miaŋgö dop laŋ ahakza.” Mewö aka jigerangö keuŋi mi Anutunöŋ kewöta dopŋine jim teköm eŋgima, mötzal. Mewö.

Ambazip kunŋan solanŋi qahö akza.

⁹Keu mewö eraum möta mi denöwö jim teköbinak? Juda neŋön kantri tosatŋi eŋgoŋgita Anutugö jeŋe diŋdini akzin me qahö? Saumbanj! Miaŋgö keuŋi lök qeljiŋe kewö jim köhöinin: Juda me kantri tosatŋi akinak, nini körekmakörek siŋgisöndok ahinga köpeim neŋgiiga maljin.

¹ 3.4 Sum 51.4

Miaŋgöra silenini memba öngöbingö osimakzin. ¹⁰ ^mMiaŋgö keunji mi Buŋa Kimbinöŋ kewö ohoget ahöza,

“Kunŋan kun solanŋi diŋdiŋi qahö kötökŋi akza.

11 Kungö uruŋe mötmöt qahö ahum kutui laŋ malje. Kunŋan kun Anutu miwikŋaimamgö qahö kapan kolakza.

12 Qahöpmö, körekŋan mönö köna oŋgita jaŋjuŋ aka malje. Körekmakökerekŋan mönö böliba Anutugö jeŋe aŋgöjörakŋinambuk akze. Ölöŋŋi ahakzawi, mohot-töwa kun mi qahöpmahöp miwikŋaizal.

13 ⁿNesilamŋinan isimkakalek ahakze.

Jöl ginaginaniŋan qaksirigö löm ewö aŋaŋiba kiniga kömupkö qösösökŋi ewö miaŋön ambazip laŋ ayuhum eŋgimakze.

Keu bölöŋi mi qatögö jitŋi möröm warabe ewö numbuŋine kokolak qeba ahöiga jitŋinan ambazip laŋ eŋgöhömakze.

14 ^oSait keu kömbukŋambuknöŋ mönö numbuŋini kokolak qeiga ambazip laŋ qesuahöm eŋgimakze.

15 ^pAmbazip laŋ eŋguba sepŋini mokomegöra könaŋinan kik-kek ösumok anda kamakze.

16 Könaŋini goŋgii maljeaŋgö aiwesökŋini kewö akza: Denike lilikömakzei, miaŋgöreŋ mönö köndeŋ-möndeŋ agetka ambazip uruŋinan böliba kömbuhi-makza.

17 Luainöŋ malmalgö könaŋi mi qahö möt kutum yaköze.

18 ^qAnutu göda qebingö keunji mi uruŋine qahö ahöza. Jitŋi oŋgitpinbuköra keŋgötŋini qahö möta önewat laŋ malje.”

Anutugöreŋ keu mewö ahöza.

¹⁹ Anutunöŋ Köna keu kewögöra neŋgiyök, mi mötzin: Köna keu pakpak miaŋön gölme dop jöhöm neŋgimakza. Nini keu miaŋgö bapŋe anda tem köla malinga dop kölma. Qahö tem kölbin ewö, Anutunöŋ mönö likeŋŋi meleŋ neŋgii ayuhubin. Miaŋgöra sömbunini möta möndömöndönini mosöta keu bök mala tem köl waŋgiinga dop kölma. Anutunöŋ ambazip könanini mewö indelöha ahöza.

²⁰ ^rKöna keunöŋ jöhöm neŋgimakzapmö, nini lökŋanök mi wuatangöbingö osimakzin. Anutugöreŋ Köna keunöŋ siŋgisöndok qiwikŋaiiga aukŋe eka ölöŋ möt kutubinmö, köna miaŋön Anutugö jeŋe solanŋi akingö osibin. Mewö.

Solanŋi akinangö könaŋi mi mötnariŋ.

²¹ Naninak osimakzinmö, Anutunöŋ Köna keu wuatangöba solanŋi akingöra mi qahö jiyökmö, köna murutŋi kewö areŋgöba jii ahöza:

^m 3.10-12 Sum 14.1-3; 53.1-3 ⁿ 3.13 Sum 5.9; 140.3 ^o 3.14 Sum 10.7 ^p 3.15-17 Ais 59.7-8 ^q 3.18 Sum 36.1 ^r 3.20 Sum 143.2; Gal 2.16

Anutunöŋ nanjak keunini jim teköiga yangö jeŋe solanibin. Anutunöŋ keu mi Moses aka kezapqetok ambazip yeŋgöra indeliga nanğöba jiba Buŋa Kimbinöŋ ohogetka nalö kewöŋe aukŋe asuhuiga mötzin.

²² *Miaŋgöra denike denike neŋön Jisös Kraist möt narizini, Anutunöŋ mönö körek neŋgö keunini jim teköiga solanibin. Ambazip kambu murutŋi murutŋi neŋön Anutugö jeŋe öröröŋ akzin. ²³ Ambazip körek neŋön siŋgisöndok aka Anutugö asakmararaŋgöra osizin.

²⁴ Mi osizinmö, Anutugö kalem möriamŋan asuhuiga Kraist Jisösnöŋ sohopnini meyök. Anutunöŋ kalem miaŋgöra aka keunini jim teköiga solanibin. ²⁵ Mutuk siŋgisöndok aka malgeri, Anutunöŋ mi möta mökösoŋda likepŋi zilaŋ qahö meleŋ eŋgiyök. Mi qahö meleŋ eŋgiba nanŋi ahakmeme solanŋan aukŋe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeŋe köl könjorat neŋgimapkö könaŋa ahök. Sepŋi mokoyöhi, mi möt nariinga mewö miaŋön siŋgisöndoknini mosöri solanibin. ²⁶ Könaŋi mi nalö kewöŋe aukŋe asuhumapköra möta Jisös mewö ak waŋgiyök. Anutugö ahakmeme solanŋi mi kewö: Nanjak solanŋi akza aka kunŋan Jisös möt narizawi, mönö yangö keuŋi jim teköiga solanimakza.

²⁷ Mewö aiga mönö wanigöra silenini mem öŋgöbinak? Yuai kungöra aka qahöpmahöp. Köna keu wuatangöba solanŋi akingöra mi osizin. Mewö solanŋi qahö akinmö, Jisös möt nariinga Anutunöŋ neŋgeka keunini jim teköiga solanimakin. ²⁸ Keu ki jim teköba kötŋi kewö jim köhöizin: Köna keu wuatangömakzinangöra qahöpmö, Jisös möt narim waŋgizinaŋgöra aka Anutunöŋ keunini jim teköiga solanimakin. ²⁹ Anutunöŋ Juda neŋgö Anutuninanök qahö akza. Mönö kantri tosatŋi yeŋgö Anutunŋina mewöyök akza me qahö? Mönö yeŋgö Anutunŋina mohot akza.

³⁰ †Anutunöŋ mohot akza. Miaŋgöra silenini yandiget maljini, neŋön möt narim waŋgiinga mem solanim neŋgimakza aka sileŋini qahö yandiget maljei, mi mewöyök möt narim waŋgigerangöra aka mem solanim eŋgimakza. ³¹ Mötnarimegö keu jiba miaŋön kuŋgum eŋgiba mewö miaŋön Köna keu memba et alinga omaŋi akŋa me qahö? Mi yapmakek qahöpmö, Anutugöreŋ Köna keu mi qahö qeapkömakzinmö, mi mem köhöimakzin. Mewö.

Abrahamnöŋ Anutu möt nariba solanŋi ahök.

4 ¹ Nini bömön jalönini Abrahamgö könaŋangöra denöwö jibin? Yaŋön Anutugö könaŋi denöwö miwikŋaiba yangö jeŋe solanŋi ahök?

² Ölŋa, Anutunöŋ yangö keuŋi ahakmemeŋi ölöppangöra aka jim teköiga solanibawak ewö, yaŋön miaŋgöra ölöp sileŋi memba öŋgöbawakmö, mi

* 3.22 Gal 2.16 † 3.30 Dut 6.4; Gal 3.20

Anutugö jeŋe qahö. ³“Miaŋgö keuŋi Buŋa Kimbinöŋ kewö ohoget ahöza, “Abrahamnöŋ Anutu möt nariiga mötnaripŋi ehi dop köliga keuŋi jim teköiga solaniyök.” Keu mewö ahöza.

⁴Keuŋi mönö kalema jim teköiga solaniyökmö, kunŋan nup meiga galömnjan töwaŋi kalema qahöpmö, nup memakzawaŋgö dop ek kewöta töwaŋi waŋgimakza. ⁵Gölme galömnöŋ mewö waŋgimakzapmö, Anutunöŋ aŋgöjörak ambazip neŋgö keunini jim teköiga solanimakin. Miaŋgöra kunŋan oyaekkoaen akŋamgöra nup qahö memba Anutu öne möt narim waŋgizawi, Anutunöŋ mönö mötnaripŋi mi ehi dop köliga keuŋi jim teköiga solanima.

⁶Deiwidnöŋ mewöyök keu miaŋgö könaŋi naŋgöba keu kewö indela jiyök, “Kunŋan oyaekkoaen akŋamgöra nup qahö meiga Anutunöŋ mötnaripŋi ehi dop köliga keuŋi jim teköiga solanizawi, yaŋön mönö simbawoŋ akza.” ⁷“Mewö jiiga keuŋi mi kewö ohoget ahöza,

“Ambazip Köna keu walöŋgetka Anutunöŋ siŋgisöndokŋini mosöta köl könjörari maljei, yeŋön mönö simbawoŋ akze.

⁸Kembunöŋ kungö siŋgisöndokŋi saŋgoŋda ehi dop köliga likepŋi qakŋe qahö ali öŋgömawi, yaŋön mönö oyaekkoaen akza.”

Keu mewö ahöza.

⁹Anutunöŋ oyaekkoaen akingö könaŋi mewö indela Anutugö aiwesökninambuk neŋgörök jii ahöza me qahö? Mi qahö. Mi mönö kantri tosatŋi aiwesökŋini qahö yeŋgöra mewöyök ahöza. Neŋön lök kewö jiba ohozin, “Abrahamnöŋ Anutu möt nariiga mötnaripŋi ehi dop köliga keuŋi jim teköiga solaniyök.”

¹⁰Mönö wani nalöŋöŋ ehi dop köliga keuŋi jim teköiga solaniyök? Anutugö aiwesökŋi sileŋe yandiget malöhi, nalö miaŋgöreŋ qahöpmö, mutuk öne malöhi, Anutunöŋ mönö nalö miaŋgöreŋ mötnaripŋi ehi dop köliga keuŋi jim teköiga solaniyök.

¹¹“Mutuk öne mala Anutu möt nariiga keuŋi jim teköiga solaniyök. Miaŋgö andöŋe dop köljawaŋgö aiwesökŋi mi sileŋe yandimegöra jiiga muŋgem supap ewö ahök. Mewö aiga yaŋgö andöŋe Anutugö aiwesökninambuk qahö mala möt narim waŋgiinga mötnaripŋini ehi dop köliga keunini jim teköiga solanibini, Abrahamnöŋ körek neŋgö bömön jalönina ahök. ¹²Bömön jalönini yaŋön öne mala nalö miaŋgöreŋ uruŋi meleŋda Anutu möt nariba malöhi, nini aiwesökninambuk yaŋgö dop aka maljin. Anutugö aiwesökninambuk mala urunini meleŋda maljini, mönö neŋgö bömönina mewöyök ahök. Aiwesök yandim neŋgigetka öne laŋ qahö maljinmö, Abrahamgö köna lasupŋi wuatangöba möt narimakzin. Mewö.

^u 4.3 Jen 15.6; Gal 3.6 ^v 4.7-8 Sum 32.1-2 ^w 4.11 Jen 17.10

Anutugö jöhöjöhö keu möt nariinga ölnambuk akņa.

¹³xAnutunöŋ Abraham gölme buņa qem waŋgiiga toŋi aiga gwölönarökurupŋan yaŋgö andöŋe mewö mal öŋgömegö keuŋi jiba jöhöyök. Keu mi Köna keu wuatangöyöhaŋgöra aka qahö jiyökmö, Anutunöŋ mötnariŋŋi ehi dop köliga keuŋi jim teköi solanŋi ahöhaŋgöra keu mi jiyök.

¹⁴yTosatŋan oyaenŋkoyaenŋ akingöra Köna keunöŋ qekötahöba mewö miaŋön Anutugöreŋ yuai mi buņa qem angubeak ewö, yeŋön mönö möt naribingö keuŋi qeapkögetka omaŋi akawak. Mewö Anutugö jöhöjöhö keugöra qahö osiinga keu miaŋön omaŋi akapuk. ¹⁵Anutugöreŋ Köna keu walöŋninga irimŋi seholiiga kazikŋan qaknine öŋgömakzapmö, Köna keu qahö ahöbawak, mewö siŋgisöndökö keuŋi qahö jibinak.

¹⁶zAbrahamnöŋ mewö mindirim neŋgiba körek neŋgö bömöni akza. Miaŋgöra jöhöjöhö keuŋi neŋgiyöhi, mi Köna keunöŋ qekötahömakzei, yeŋgörök qahöpmö, Abraham ahök ewö möt narimakzini, neŋgöreŋ mewöyök ölnambuk akŋapköra mörök. Miaŋgöra Anutunöŋ jöhöjöhö keuŋi mi kewö areŋgöba alök: Mi möt nariinga ölni körek neŋgöra kalema neŋgiiga kalem möriamŋan aukŋe asuhumakza.

¹⁷aAbrahamgö keuŋi kun mi Buņa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yeŋgö iwiŋina akŋan.” Keu miaŋgö dop Abrahamnöŋ Anutugö jeŋe iwi ak neŋgimakza. Anutunöŋ kömükömuŋi mem gulim eŋgimakza. Könagesö malmalŋini qahö, mi jebuk maljeaŋgö tandök ewö eŋgoholi asuhumakze. Abrahamnöŋ mönö Anutu mewöŋi möt narim waŋgiyök.

¹⁸bAnutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö ölnambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeŋgö iwiŋini akŋamgö mamböta malök. Jöhöjöhö keu mutukŋaŋgö dop asuhumapköra mönö Anutu möt narim waŋgiba malök. ¹⁹cSaragö köröŋan morö memegö dop qahö aiga nanŋak yambuŋi lök 100:kö dop ahök. Miaŋgöra nanŋi mötmöriiga lök azi namŋi sileŋi waziba sohosoholiŋi ahökmö, töndup Anutugöreŋ keunöŋ ölnambuk akŋapköra möt narim waŋgiba maliga Abrahamgö mötnariŋŋan qahö sörauba löwöriyök.

²⁰Qahö löwöriyökmö, keuŋan ölnambuk akŋapkö möt nariba miaŋgöreŋ köhöiba kinök. Anutugö jöhöjöhö keugöra uruŋan an qem kam qem uruyahöt qahö ahökmö, mötnariŋŋan köhöiiga Anutu

x 4.13 Jen 17.4-6; 22.17-18; Gal 3.29 y 4.14 Gal 3.18 z 4.16 Gal 3.7 a 4.17 Jen 17.5

b 4.18 Jen 15.5 c 4.19 Jen 17.17

möpöseiba maliga Anutugö qetbuñanjan sehiyök. ²¹Anutunöñ yuai asuhumapkö keunji jiba jöhöba mi ak tekömamgö köhöimawkawi, mi möt köhöim teköba uruyahöt kun qahö aka malök. ²²Mewö aka malöhañgöra Anutunöñ Abrahamgö mötnaripñi ehi dop köliga keunji jim teköiga solaniyök. ²³Mötnaripñi ehi dop köliga keunji jim teköiga solaniyöhi, keu mi Abrahamgörök qahö ohoget ahöza.

²⁴Abrahamgörök qahöpmö, neñgöra aka mewöyök mi ohoget ahöza. Nini Kembunini Jisös mem gulli kömupnöhök wahöröhi, Anutu ia möt narim wanjiinga mötnaripnini ehi dop köliga jim teköm neñgiiga solanibin. ²⁵^dAnutunöñ neñgö siñgisöndok-ninangöra aka Jisös qahö añgön köli kömuyök aka solanji akingöra aka mem gulliiga kömupnöhök wahöta malja. Mewö.

Anutugö jeñe solaniba söñgaiba luainöñ maljin.

5 ¹Neñön Anutu möt nariinga keunini jim teköiga solanizin. Miangöra Kembunini Jisös Kraistnöñ mönö nam köl neñgiiga Anutubuk luai miwikñaiba maljin. ²Mewöyök Jisös Kraist möt nariinga nam köl neñgiiga kalem möriam buña qem añgubingö könañi miwikñaiba nalö kewöñe kalem möriam uruñe maljin. Anutugö asakmararañ uruñe añgotpingö jörömqöröm aka söñgaimakzin.

³Miangörök qahö söñgaimakzinmö, wahöjalij möta miangöra mewöyök söñgaimakzin. Köñjilij möta mököstönda mewö miangön kapañkölköl miwikñaibin. Mi möta miangöra söñgaimakzin.

⁴Kapañkölköl miwikñaiba esapesapnöñ köhöiba kinbin. Esapesapnöñ köhöiba kininga jörömqörömninan köhöimawkä. ⁵Anutunöñ Uña Töröñi al neñgiiga köna asuhuiga urukalemñi mokoiga urunine geiga maljin. Miangöra jörömqöröm aka oyaenköyaen akingö al mamböta gamumamusum qahö miwikñaibin.

⁶Miangö könañi kewö: Nini mutuk lölöwöröñi ösumnini qahö malini, Kraistnöñ mönö nalö diñdiñi miangöreñök kömumba ambazip añgöjörakninambuk neñgö sohopenini meyök. ⁷Kunöñ Köna keu törörök wuatangöba diñdiñi akzawi, ala mewöñangöra kunñan ölop qahö kömumbawak? Mi möriaga osibawakmö, kunöñ urukalem gwötpuk ambazip ak enjimawkawi, alañi kunñan yañgöra aka ölop sileñi köleñda kömumamgö mötpawak.

⁸Ambazipnöñ mewö ahakzinmö, Anutunöñ uruñan jöpaköm neñgimawkawi, yañön mi kewö kondelök: Yañön Kraist melaiiga eta mutuk añgöjörak ambazip malini, nalö miangöreñök mönö neñgöra aka kömuyök. ⁹Kömuiga nalö kewöñe sepñan sanjoñda jim teköm neñgiiga solaniba maljin. Töndup mi korembenji ewö aiga öljän mönö könañgep

^d 4.25 Ais 53.4-5

kewö asuhuma: Anutunöŋ siŋgisön-dokö urukönöpŋi aukŋe kondeliga yuai kanjamŋambuk gölmenöŋ asuhuma. Mi asuhiŋa Anutugö jeŋe solanŋi akzinaŋgöra Jisösnöŋ mönö jeŋberereŋ miangörenöŋ meköm neŋgiiga oyaenŋkoyaeŋ akin.

¹⁰Nini mutuk Anutugö kerökurupŋi malini, nalö miangören nanŋi Nahönŋi melaii kömumba miangön töwanini ahiga Anutubuk ala-ala ahini. Ahini, miangön korebenŋi akzäpmö, ölni bohonŋan könangep kewö asuhuma: Töwanini ali Anutugö alaurupŋi malinga Jisösnöŋ köhöiba maljawanŋgöra mönö amqeba meköm neŋgiiga oyaenŋkoyaeŋ akin. ¹¹Kembunini Jisösnöŋ Anutugö amötqeqe nupŋi meiga Anutunöŋ töwanini ali yambuk ala-ala ahini, miyöhök qahöpmö, ölna Anutubuk jöpaköm aŋguba kindä köiran köla söŋgaimakzin. Mewö.

Adamgöra aka köhömuŋi akzinmö, Kraistköra aka gulibin.

¹²^eAzi mohotnöŋ siŋgisöndok gölmenöŋ kondoriga asuhuyök. Anutunöŋ siŋgisöndok miangö likepŋi aliga kömup asuhuyök. Miangö dop ambazip körek neŋön siŋgisöndok aka malinga kömupnöŋ miangöra ambazip körek pakpak dop köl neŋgii maljin. ¹³Mutuk Köna keu qahö asuhiŋa nalö miangören mewöyök siŋgisöndok lök aukŋe asuhuba ahöyökmö, Köna keu qahö ahöiga siŋgisöndokö keuŋi mi qahö jim kewöta laŋ malget.

¹⁴Adamgö nalöneyök könahiba laŋ mala kotketka Mosesgö nalöŋe Köna keu asuhuyök. Ambazip nalö sutŋe miangören siŋgisöndok aketmö, Adamnöŋ köna walöŋnöhi, miangö dowök qahö walöŋda malgetmö, kömupnöŋ töndup i mewöyök galöm köl enŋgii malget.

Adam, azi mutukŋi yaŋön mönö azi kun kamawanŋgö söpsöpŋa ahök.

¹⁵Söpsöpŋa ahökmö, könaŋiri mi öröröŋ qahö akzahot. Adamnöŋ Köna keu walöŋda eri siŋgisöndok asuhum sehiba ambazip gwötŋuk dop köl enŋgiiga kömumba malget. Mi kömupkö könaŋi akzäpmö, oyaenŋkoyaeŋ akingö könaŋi mi kun. Mi kewö: Azi mohot Jisös Kraist yaŋön nam köl neŋgiba kalem möriamŋi indeliga Anutugö kalemŋan aukŋe asuhuba ambazip gwötŋuk dop köla qesalöpköm neŋgiyök. ¹⁶Toroqeba kewö jimam: Köna yahöt mi öröröŋ qahö akzahot. Azi mohotnöŋ siŋgisöndok aiga Anutunöŋ keuŋi jim teköiga siŋgisöndok ambazip körek neŋön könöŋ siagö buŋaya akzin. Mi gölme azigö könaŋi akzäpmö, Suep azigö könaŋi mi kun. Mi kewö: Nalö gwötŋuk Anutugö Köna keu walöŋninga kalemŋi kondela jim teköm neŋgiiga solanimakzin.

¹⁷Mi dumge jimam: Azi mohotnöŋ Köna keu walöŋda kömup kondoriga ambazip körekmakörek kömumba maljin. Adamgö siŋgisöndoköra aka kömupnöŋ körek dop köla galöm köl neŋgii laŋ malin. Mi köna

^e 5.12 Jen 3.6

etqeceŋi akzapmö, Anutu ösum-mumuŋaŋgö könarŋi mi kewö: Ambazip nini solanŋi akingö kalemŋi mi keleşmaleleŋ buŋa qem aŋguba kalem möriamŋaŋgö uruŋe malŋini, neŋön mönö oyaekoyaeŋ akin. Azi mohot Jisös Kraist yaŋön naŋgöba inahöm neŋgiiga suahö^f

¹⁸Dumge kunbuk jimam: Azi mohotnöŋ Anutugö Köna keu walöŋda eri Anutunöŋ keuŋi jim teköiga ambazip körek neŋön könöp siagö buŋaya ahin. Mewöŋanök azi kunŋan solanŋi akingö kondoriga urunini meleŋninga Anutunöŋ ölop ambazip pakpak neŋgö keunini jim teköiga solaniba köhöiba mal öngöbin. ¹⁹Dumge kunbuk kewö jimam: Azi mohotnöŋ qegetal aka ŋiŋgisöndok bohon köli sehiiga ambazip sehisehiŋi neŋön meleŋda ŋiŋgisöndok ambazip ahin. Mewöŋanök azi kunŋan Anutugö jitŋi tem köla ŋiŋgisöndokninanŋgö töwaŋi aliga köna asuhuiga Anutunöŋ ambazip sehisehiŋi neŋgö keunini jim teköiga solanibin.

²⁰Mutuk öne laŋ mala kotketmö, Mosesgö nalöŋe Anutunöŋ Köna keu ambazip ŋiŋgisöndokŋini möt kutumegöra toroqem eŋgiyök. Mi toroqem eŋgiyökmö, mi mötketka ŋiŋgisöndokŋinan sehiba aukŋe asuhuyök. Mewö aiga Anutunöŋ mönö kalem möriamŋi mewöyök mem sehiiga ŋiŋgisöndok oŋgita asuhuyök. ²¹ŋiŋgisöndokö kukösumŋi mi ketanŋi. Miaŋgöra ŋiŋgisöndok ahinga miaŋön galöm köl neŋgiiga köhömuŋi mala kömumba mala korin. Anutugö kalem möriamŋi miaŋön mönö mewöŋanök kukösumŋambuk akza. Jisös Kraist Kembuninan solanibingö kondoriga Anutunöŋ keunini jim teköiga diŋgiba malmal köhöikŋi miwikŋaiba nalö teteköŋi qahö mal öngöbin. Mewö.

ŋiŋgisöndok andö qeba Kraistpuk guliba malme.

6 ¹Anutunöŋ kalem möriamŋi neŋgii sehimapköra ŋiŋgisöndok toroqeba aka malbin me qahö? Miaŋgöra mönö denöwö jiinga dop kölma? ²ŋiŋgisöndok yapmakek! Nini ŋiŋgisöndokö kösönöhök lolohoba urunini walŋan qamöt ewö aiga ŋiŋgisöndok akingö tököba malŋin ewö, mönö denöwögöra ŋiŋgisöndoknöŋ toroqeba galöm köl neŋgii malbinak?

³Keu ki mötze me qahö: Nini körek Kraistköreŋ qeköta-höbingöra aka o melun mem neŋgiget. Miaŋgöreŋ urunini walŋan mönö Jisös qeget kömuyöhaŋgö tandök kömui malbingöra o melun mi mem neŋgiget.

⁴Iwinöŋ asakmararaŋi kondela Kraist mem gulli kömupnööhök wahöröhi, neŋgö uruninan mewöyök kölöŋaiiga dölökŋi aka malinga dop kölma. Iwininan nini Kraistkö tandök ewö guliba wahöta ahakmeme dölökŋi aka memba malbingöra mötza. Miaŋgöra o melun mi kewögöra mem neŋgiget: Urunini walŋan Jisösbuk mohotŋe kömumba ahömapköra urunini walŋi mi mewö löm kölget.

^f 5.17 Jembon oŋi nene (Siawari keunöŋ qariwe ilikŋi nene) ewö köhöiba mal öngöbin. ewö köhöiba mal öngöbin. * 6.4 Kol 2.12

⁵Urunini waljan Kraistpuk öröröj kömui miaᅅgöreᅅ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöᅅ kömupnöhök wahöröhi, mönö yaᅅgö tandök öröröj guliba malinga dop kölma. ⁶Urusilegö sihim kömbönaᅅnini bölöᅅan siᅅgisöndok akingö köpösöᅅgömakzawi, Anutunöᅅ sihim mi köndeᅅni gemapköra mörakza. Anutunöᅅ siᅅgisöndoknöᅅ toroqeba galöm köl neᅅgii welenᅅi qeba malbinbuköra mötza. Miaᅅgöra urunini walji mi Kraistpuk maripomnöᅅ lök qeiga kömuyök. Miaᅅgö dop maljin, mi mötzin.

⁷Kungö uruᅅi waljan kömuiga yaᅅön mönö siᅅgisöndokö kösönöhök lolohoba malja. ⁸Urunini waljan Kraistpuk kömuyök ewö, mewöᅅanök yambuk guliba mal köhöibingö möt narizin.

⁹Mewö möt nariba Kraistkö könaᅅi kewö ahöi möt yaközin: Anutunöᅅ i mem gulii kömupnöhök wahöta mal köhöiba kunbuk qahö kömuma. Kömupnöᅅ i qahö toroqeba galöm kölīga mal öᅅgöma. ¹⁰Kömup kömuyöhi, mewö miaᅅön mönö nalö mohot miaᅅgöreᅅ siᅅgisöndokö kukösümüᅅi köndeᅅniga nalö teteköᅅi qahö lölöwöröᅅi ahöm öᅅgöma. Malmal köhöikᅅi maljawi, mi mönö Anutugöra mala mal öᅅgöma. ¹¹Qamötnöᅅ siᅅgisöndok akingö osime. Inᅅi mönö mewöᅅanök nanᅅinaᅅgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

¹²Sileᅅini kömumawi, miaᅅgö sihim kömbönaᅅi bölöᅅan galöm köl eᅅgiiga i tem köl waᅅgiba siᅅgisöndok akepuköra mi mönö jöhöba malme. ¹³Miaᅅgöra sile kitipᅅini pakpak mi mönö siᅅgisöndok Toᅅaᅅgö böroᅅe kude alme. Mala mewö algetka buᅅaᅅi aiga bohon kölīga aᅅgöjörak asuhubapuk. Mewö qahöpmö, köhömuᅅeyök gulibagun mönö nanᅅini Anutu tököm waᅅgime. Sile kitipᅅini pakpak mi Anutugö böroᅅe algetka buᅅaᅅi aiga bohon kölīga ahakmeme solanᅅi asuhumakᅅa. ¹⁴Inᅅi Köna keu bapᅅe qahöpmö, kalem möriam uruᅅe malje. Miaᅅgöra siᅅgisöndoknöᅅ mönö öne jöhöba galöm köl eᅅgii malbepuk. Mewö.

Solanᅅi malmalgö Toᅅi welen qeba malme.

¹⁵Miaᅅgöra denöwö jibinak? Nini Köna keu bapᅅe qahöpmö, kalem möriam uruᅅe mala siᅅgisöndok ahinga dop kölja me qahö? Mi yapmakek! ¹⁶To yahöt akzahot. Nanᅅini yetköreᅅök kungö böroᅅe al aᅅguba jitᅅi tem köla welenᅅi qemakzei, miaᅅgöra mönö keu ki möt yaköme: Inᅅi kun jitᅅi tem kölakzei, mönö yaᅅgö welenqeᅅeurupᅅi akze. Siᅅgisöndok Toᅅaᅅgö welenqeᅅeurupᅅi akze ewö, yaᅅön mönö eᅅguaᅅgiriga kömum köhöime. Anutugö jitᅅi tem köla welenᅅi qemakze ewö, yaᅅön mönö keuᅅini jim teköiga solanᅅi aka mal öᅅgöme.

¹⁷Inᅅi mutuk siᅅgisöndok Toᅅaᅅgö welenqeᅅeurupᅅi aka malget. Mewö malgetka Buᅅa keu mindiᅅgöm eᅅgimakᅅapköra kusum eᅅgigetka

mötket. Mi möta miangö dop uruḡini melenḡa nalö kewöḡe Buḡa keu törörök tem köla Anutugö könani wuatangömakze. Mewö möta engöra “Anutu saiwap!” jiba maljin. ¹⁸Mi wuatangöba siḡgisöndokö kösönöhök lolohoba Anutugö welenḡi qeba ahakmeme solanḡi aka memba malje.

¹⁹Urusilenḡinan lölöwöröḡi akzawangöra aka keu miangö könani mi mönö gölme ambazip nenḡö keu jijigö dop nöḡön kewö jimam: Inḡini mutuk sile kitipḡini pakpak tököba iwilele Toḡangö (Satangö) böröḡe ala welenḡi qeba malget. Mewö malgetka ahakmeme angöjörakḡambuk asuhuiga uruḡinan tölöhoi malget. Mewö malgetmö, nalö kewöḡe sile kitipḡini pakpak mi mönö tököba Anutugö böröḡe alme. Mewö ala welenḡi qegetka ahakmeme solanḡi asuhuiga sarakḡi ahakḡe.

²⁰Inḡini siḡgisöndok Toḡangö welenqeḡeurupḡi malgeri, nalö miangöreḡ ahakmeme solanḡi mi qahö wuatangögetmö, nanḡini imbi-imbi laḡ malget. ²¹Nalö kewöḡe ahakmeme miangöra gamuḡini mötzeḡö, nalö miangöreḡ mewö aka mala öḡḡi mönö denöwö miwikḡaiget? Ahakmeme gamuḡambuk miangö öḡḡi mi kömup köhöikḡi.

²²Nalö kewöḡe Anutunöḡ siḡgisöndokö kösönöhök pösat enḡiiga lolohoba Anutugö welenqeḡeurupḡi aketka öḡḡi asuhuiga sarakḡi ahakze. Mewö aka malmal köhöikḡi mala teteköḡe oyaenḡkoyaen aka mal öḡḡöme. ²³Siḡgisöndok ahinga Toḡan töwa nenḡiiga kömup köhöikḡi miwikḡaibinmö, Anutugö kalemḡi mi oyaenḡkoyaen malmal. Kraist Jisös Kembuninambuk qekötahöba kinbin ewö, mönö köhöiba teteköḡi qahö mal öḡḡöbin. Mewö.

Awanöm malmalgö söpsöp keu

7 ¹O urumelenḡ alaurupni, inḡini Köna keu mötzeangö dop engöra kewö jimam: Köna keunöḡ ambazip jöhöm nenḡgiza. Gölmenöḡ mal öḡḡöbinangö dop mönö miangö bapḡe malbin, inḡini mi mötze me qahö?

²Miangö söpsöpḡi kun kewö: Köna keunöḡ ambi apḡambuk jöhöiga azinöḡ malmawangö dop awanöm malmahotmö, apḡan kömuma ewö, anömḡan mönö awanöm malmalgö Köna keunöhök lolohoma.

³Miangöra apḡan jebuk maliga azi kungöra Oḡ! jiiga mema ewö, yangö qetḡi mönö qesabulum ambia jimakzin. Mewö jimakzinmö, apḡan kömuma ewö, Köna keu miangön qahö toroqeba jöhöi malma. Mewö mala azi kun memawi, yangön mönö qesabulum ambia qahö akḡa.

⁴Miangöra urumelenḡ alaurupni, enḡö könaḡamḡinan mönö mewöḡanök ahöza. Inḡini mewöyök azi kungö buḡanḡi akḡegöra Kraistpuk qekötahöget. Anutunöḡ i mem gulii kömupnööhök wahöriga malmalninan öḡḡi Anutugöra miwikḡaii asuhumapköra mörakza. Kraistnöḡ kömuiga uruḡini walḡan yambuk kömuiga qamöt ewö aka Köna keugö buḡanḡi qahö malje. ⁵Mutuk urusilegö sihim kömbönaḡi bölöḡan galöm köḡ nenḡiiga laḡ malin. Nalö miangöreḡ Köna keunöḡ sölölohöba

kuŋgum neŋgiiga ŋiŋgisöndok akingö sihim kömbönaŋnini bölöŋan asuhum tiŋgita galöm köl neŋgiŋet. Mianŋöra urusileninan wahöriŋa malmalninan kömup köhöikŋaŋgö ölni miwikŋaiba laŋ malin.

⁶Mewö malinmö, mutuk keu mianŋön jöhöm neŋgiiga gwaröŋe mala köna keugö bohonŋi mohot mohot wuatangöbingö kapaŋ köla nupŋi memba malin. Kraistpuk qekötahöba kininga urunini walŋan yambuk kömuiga nalö kewöŋe köna keugö buŋa ahinaŋgöreŋök lolohoba kunbuk welenŋi qahö qemakzin. Nalö kewöŋe könaŋamninan kölöŋaiiga Uŋa Töröŋan inahöm neŋgiiga amqeba Anutugö nupŋi memakzin. Mewö.

Siŋgisöndok akinbukö kapaŋ köla aum-mörimakzin.

⁷Mianŋöra denöwö jibinak? Köna keu nanŋak ŋiŋgisöndok-ŋambuk akza me qahö? Mi yapmakek! Köna keunöŋ mönö ŋiŋgisöndokö könaŋi kondel niŋgiiga möral. Köna keu kun kewö ahöza, “Kungöreŋ yuaigöra kude köpösöŋgöman.” Mewö qahö jibawak ewö, nöŋön yuaigö köpösöŋgömakzali, mianŋö könaŋi qahö möt kutubileŋak. Mianŋöra Köna keu qahö möt kutubileŋak, mewö ŋiŋgisöndok qahö möt yaköbilenŋak.

⁸Köna keu qahö ahöbawak, ŋiŋgisöndoknöŋ mönö keu omaŋi aka köhömuŋi akawak. Mewö akawakmö, jöjöpaŋ keu mötpiga sel jöhöm niŋgiiga mi walöŋmamangö könaŋi ahuiga ŋiŋgisöndok aki asuhuyök. Jöjöpaŋ keunöŋ mönö kuŋgum niŋgiiga urunan wahöriŋa sihim kömbönaŋni bölöŋi könaŋi könaŋi asuhum tiŋgitketka bölöŋaŋgöra laŋ köpösöŋgömakzal. ⁹Mutuk Köna keu qahö möta tönpin malalmö, jöjöpaŋ keu mötpiga mianŋön aŋgön köl niŋgiyöhaŋgöra ŋiŋgisöndokö sihimnan guliiga urunan wahöri mi ahal. Siŋgisöndok akiga mem kömum niŋgiiga köhömuŋi ahal.

¹⁰Anutunöŋ jöjöpaŋ keu mi wuatangöba mal köhöimangöra aka al niŋgiyökmö, keu mi wuatangömamangö esapköbiga mem kömum niŋgiiga köhömuŋi ahal. Köhömuŋi ahali, mianŋön mönö aukŋe asuhui miwikŋaial. ¹¹Jöjöpaŋ keu möt kutubiga sel jöhöm niŋgiiga mi walöŋmamangö könaŋi ahui jöjöpaŋ keunöŋ kuŋgum niŋgiiga ŋiŋgisöndoknöŋ tilipköm niŋgiiga mi ahal. Siŋgisöndok aka keunambuk ahal. Mewö mianŋön Anutugö jöjöpaŋ keu mianŋön ŋiŋgisöndok bohon köliga aki mem kömum niŋgiiga köhömuŋi ahal.

¹²Mewö ahalmö, töndup Köna keu mianŋön mönö kömbukŋi aka sarakŋi akza. Mianŋö jöjöpaŋ keuŋan mönö diŋdiŋi aka ölöŋŋi akza.

¹³Mewö aiga jöjöpaŋ keu ölöŋŋi mianŋön mem kömum niŋgiiga köhömuŋi ahal me qahö? Mi yapmakek! Keu ölöŋŋan qahöpmö, Köna keunöŋ mönö nani ŋiŋgisöndoknaŋgö könaŋi indeli möt kutuyal. Siŋgisöndokö gamuŋi aukŋe asuhui kanjamŋambuk mötmangöra aka jöjöpaŋ keu mianŋön

^h 7.7 Eks 20.17; Dut 5.21 ⁱ 7.11 Jen 3.13

siŋgisöndokö selŋi jöhöiga urunan wahöri walönda siŋgisöndok ahal. Nani siŋgisöndokni mianjön mönö mem kömum niŋgiiga köhömuŋi ahal. Mewö.

Urone siŋgisöndokö yarö ahöi maljal.

¹⁴Uŋa Töröŋan Köna keu neŋgiiga diŋdiŋi akzawi, mi mötzinmö, nöŋön siŋgisöndok azia aka sihim kömbönaŋni bölöŋambuk akzal. Eta kölbiga siŋgisöndoknöŋ galöm köl niŋgiiga tem köla welenŋi qeba siŋgisöndok ahakzal.

¹⁵Miaŋgöra yuai ölöŋŋi akŋamgö mörakzali, mi qahö ahakzal. Mimö, yuai bölöŋi akŋamgö tököba sisitŋi memakzali, mönö mia ahakzal. Miaŋgöra yuai ahakzali, nöŋön miaŋgö könaŋi ölöŋ qahö möt kutumakzal. ¹⁶Miaŋgöra yuai bölöŋi akŋamgö ölan aka mia ahakzal ewö, Köna keunöŋ mönö töndup ölöŋŋi akza. Köna keugöra mönö urumohot akzal.

¹⁷Mewö aiga nöŋön nanak mi qahö toroqeba ahakzalmö, siŋgisöndok urune ahözawaŋön mönö kuŋgum niŋgiiga mi ahakzal. ¹⁸Ahakmeme ölöŋŋi akŋamgö sihimŋi ölna mörakzalmö, mi akŋamgö ösumnan qahö asuhum niŋgimakza. Miaŋgöra nöŋgö urune yuai ölöŋŋi kun qahö ahözapmö, urusilenan mönö siŋgisöndok akŋamgö kuŋgum niŋgimakza, mewö mötzal. ¹⁹Miaŋgöra yuai ölöŋŋi akŋamgö sihimŋi mörakzali, mia qahö ahakzalmö, yuai bölöŋi qahö akŋamgö mörakzali, mönö mia ahakzal. ²⁰Mewö aiga yuai akŋamgö tökömakzali, mia töndup ahakzal ewö, mi nanak qahö toroqeba ahakzalmö, siŋgisöndok urune ahözawaŋön mönö kuŋgum niŋgiiga mia ahakzal.

²¹Miaŋgöra nani könani kewö ahöi miwikŋaimakzal: Yuai ölöŋŋi akŋamgö sihimŋi mötpiga bölöŋaŋgö sihimŋan mönö uruni jöhöiga qakömakzal. ²²Miaŋgö könaŋi kewö: Uruneyök göröken Anutugöreŋ Köna keugöra urumohot aka tem kölmamgö mörakzal.

²³Mewö mörakzalmö, sileneyök göröken nani könaŋamni kewö ahöi miwikŋaimakzal: Silenaŋgö kitipŋi mienjön siŋgisöndokö bohonŋi aketka akŋamgö mörakzal. Siŋgisöndok akŋamgö sihimnan mönö urusihimni ölöŋŋi mi memba et almapköra möri auba yarö qemakzahot. Siŋgisöndok akŋamgö sihim kömbönaŋnan mönö silenenaŋgö kitipŋi kitipŋi sölölohöm eŋgiba jöhöm niŋgiiga kösö gwarönöŋ maljal. ²⁴O nöŋön bölim teköba aŋgöjöraknambuk akzal. Urusilenaŋgö sihimŋi bölöŋan noaŋgiri kömup köhöikŋi kömumbilenbuköra mönö daŋön sohopni memba amöt qem niŋgibawak?

²⁵O Jisös Kraist Kembuni, mönö yambuk nam köla “Anutu saiwap!” jizal. Könaŋamnan mewö aiga nanak urunanöhök Anutugöreŋ Köna

¹ 7.15 Gal 5.17

keugö bapŋe anda welenŋi qemakzalmö, sileni ŋiŋgisöndokŋambuk miangöreŋ göröken ŋiŋgisöndok akŋamgö sihim kömbönaŋnan jöhöm niŋgiiga miangö kösö gwarönöŋ maljal. Mewö.

Uŋa Töröŋan tim töndanini aiga mal köhöizin.

8 ¹Miangöra ambazip Kraist Jisösbuk qekötahöba kinjini, Anutunöŋ mönö neŋgö keunini jim teköiga nalö kewöŋe könöp siagö buŋa qahö aka maljin. ²Miangö könaŋi kewö: Gi ŋiŋgisöndokö sihimŋi tem köla malnöŋaŋgöra aka kömup köhöik-ŋaŋgö buŋaya aka malnöŋ. Mewö malnöŋmö, Kraist Jisösbuk qekötahöba kinöŋga malmal köhöikŋaŋgö Uŋaŋan mönö kömup köhöikŋaŋgö kösönöhök pösat gihiiga maljan.

³Ambazip urusilenine sihim kömbönaŋnini bölöŋi mi ahöza. Mi wuatangöingä Köna keugö ösumŋan löwöriba malmal köhöikŋi neŋgimapkö osiiga qaköin. Qaköba urusileninan ŋiŋgisöndok aka malini, Anutunöŋ ŋiŋgisöndok miangö keuŋi jim teköba likepŋi kewö meleŋnök: Yaŋön nanŋi Nahönŋi melaiiga gölmenöŋ eta ŋiŋgisöndok azigö sile tandök ahök. Toroqeba ŋiŋgisöndokö jöwöwöl tandök ewö aiga ohogetka kömuyök. Anutunöŋ malmal köhöikŋaŋgö könaŋi mewö mesarök.

⁴Anutunöŋ könaŋi mi kewögöra mesarök: Köna keunöŋ nini solanŋi aka diŋdiŋi malbingöra jim kutum neŋgimakzawi, Anutunöŋ keu miangö öŋŋan neŋgöreŋ asuhum tekömapköra mörök. Miangöra nini urusileninaŋgö sihim kömbönaŋnini bölöŋi wuatangöbingö tököba Uŋa Töröŋaŋgöreŋ naŋgöba jitsihitŋi wuatangöba ahakzin. ⁵Ambazip urusileninaŋgö sihim kömbönaŋi bölöŋi wuatangömakzei, yeŋgö uruŋinan mönö ŋiŋgisöndoköreŋ göröken akingö ahöza. Ambazip Uŋa Töröŋaŋgöreŋ naŋgöba jitsihitŋi wuatangöba ahakzini, neŋgö uruninan mönö Uŋa Töröŋaŋgöreŋ göröken akingö ahöza. ⁶Urusileninaŋgö sihim kömbönaŋnini bölöŋan mönö öröm neŋgiiga kömup köhöik-ŋaŋgöreŋ anbingöra ahözapmö, Uŋa Töröŋan urunine luai qeiga mal köhöibingö sihimŋi mörakza.

⁷Anutunöŋ Köna keu neŋgiiga ŋiŋgisöndok akingö sihim kömbönaŋninan mönö keu miangö bapŋe qahö anakza. Mi anmamgö osiza. Mi osiiga laŋ mala uruninan Anutu qetala kerök ak waŋgimakzin.

⁸Ambazip urusilegö sihim kömbönaŋinan galöm köŋ eŋgigetka laŋ maljei, yeŋön mönö Anutugö jeŋe dop köŋbingö jiiga qaköme.

⁹Yeŋön qakömemö, Anutugö Uŋa Töröŋan eŋgö uruŋine malja ewö, yaŋön mönö galöm köŋ eŋgii malje. Urusilegö sihim kömbönaŋnini bölöŋi mienöŋ mönö iŋini qahö galöm köŋ eŋgimakze. Kraistkö Uŋa Töröŋan kungö uruŋe qahö geiga öne maljawi, yaŋön Kraistkö buŋaŋi qahö akza. ¹⁰Qahö akzapmö, Kraistnöŋ eŋgö uruŋine malja ewö, sileŋinan ŋiŋgisöndoköra aka kömumemö, uŋaŋinan solanŋi akzeangöra aka mal köhöim öŋgöme. ¹¹^kAnutunöŋ Kraist Jisös mem gulii kömupnöhök wahöröhi, yaŋgö Uŋaŋan uruŋine malja ewö, yetköŋ iŋini Anutubuk qekötahöba kingetka sileŋini köhömuŋi mi mewöyök mem gulimahot.

^k 8.11 1 Kor 3.16

¹²O urumelenj alaurupni, guliba maljinangöra neñon mönö Anutugören tosabuk maljin. Urusilegö sihim kömbönañnini bölöñi wuatangöbinangö tosañi qahöpmö, Uña Töröñangö jitñi tem köla malbingö tosañan mönö ahöm neñgiza. Mianğöra nanini imbi-imbi lañ malbinbuk. ¹³Urusilegö sihim kömbönañnini bölöñi wuatangöba malje ewö, iñini mönö kömpup köhöikñangö buñaya akñe. Mewö akñemö, Anutugö köulukögetka Uña Töröñan urusilenjanangö ahakmeme bölöñi mem kömumakña ewö, mewö miañon mönö guliba mal köhöiba malme. ¹⁴Anutugö Uñañan ambazip eñguañgiri maljei, yeñon körek Anutugö nahönbö-raturupñi akze.

¹⁵^l mÖmewöröme yeñon ambazip sölölohöm eñgigetka jönömñini undui welenqeçe omañi aka maljemö, iñini öme mewöñi mia kun qahöpmö, Uña Töröñi i buña qem anguba malje. Mianğöra iñini mönö kunbuk toroqeba keñgöt qakñe malbepuk. Uña Töröñi yañon mönö mem letot eñgiiga Anutugö nahönböraturupñi akze. Uña miañon sölölohöm neñgiiga Anutugöra “Aba” ¹⁶Anutugö nahönböraturupñi akzini, keu mi Uña Töröñan nanñak nanini uñaninambuk imbi köla mohotñe nañgöba jimakzahot.

¹⁷Anutugö nahönböraturupñi akzin ewö, yañon nanñi ambazipurupñi neñgöra oyaenköyaen mözözömgöi ahözawi, mi mewöyök buña qem angubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kinda buña qem angubin. Kraistpuk mohotñe sihimbölö mörakzin ewö, mönö mewöyök Kraistkö asakmararañnöñ öñgöba yambuk mohotñe asariba malbin. Mewö.

Malmal asakmararañambuknöñ öñgöba malbin.

¹⁸Nalö kewöñe sihimbölö möta maljini, miañon malmal eretñi akza. Könangep Kraistkö asakmararañnöñ öñgöba asariba oyaenköyaen malbini, miañon mönö malmal öñgöñgöñi aködamunñambuk akña. Malmal yahöt mi likeplikep ala kewöt-pinañgö dop qahö. Mewö mötmörizal. ¹⁹Anutunöñ sömbup aka yuai pakpak miwikñaiyöha ahözei, mieñon mönö mamböta Kraistnöñ kaba Anutugö nahönböraturupñi meköba kondel eñgiiga asakmararañ asuhum eñgimapköra awöweñgömakze.

²⁰Anutunöñ sömbup aka yuai pakpak miwikñaiyökmö, mieñon mala kömumba ayapköme. Nanñini sihimñinangö dop qahöpmö, Anutunöñ mönö nanñi sihimñangö dop mewö areñgöyök. Yuai pakpak ayapkömemö, töndup jörömqöröm eñgiiga oyaenköyaen kewö asuhumapköra al mambörakze: ²¹Anutunöñ sömbup aka yuai pakpak miwikñaiyöha ahözei, mieñon mönö mewöyök kewögöra mambörakze: Anutunöñ i mewöyök añgöjörak malmalgö

¹ 8.15 Mak 14.36; Gal 4.6 ^m 8.15-17 Gal 4.5-7 ⁿ 8.15 Aba mi Arameik keunöñ iwi.’ Iwini!’ qerakzin. ^o 8.20 Jen 3.17-19

kösöñeyök pösat enjiiga qahö kömumba gisahöba ayapkömömö, Anutugö nahönbörat ewö lolohoba asakmararañinambuk asariba ahöm öngöme.

²²Miañgö könañi kewö: Anutunöñ sömbup aka yuai pakpak miwikñaiyöha ahözei, mieñön körek pakpak mönö mohotñe osongom köla morö memegö masö tandök möta ahöba kota nalö kewöñe mewöyök ahakze. Mi mötzin. ²³Anutunöñ sömbup aka yuai pakpak miwikñaiyöha ahözei, mieñönöhök qahöpmö, Anutugö yambu jeniqe qe ahinga Uñañi kalema neñgii maljini, neñön mönö mewöyök uruninan osongom köla maljin. Anutunöñ neñguañgiri nahönbörataturupñi qainñi kun akingö mamböta mala osongom ahakzin. Neñguañgita sile sohpnini meiga kunbuk letotpingöra awöweñgöba maljin.

²⁴Mewö letotpingö jörömqöröm aka urunini melenđa Suepkö buñaya ahin. Yuaigöra jörömqöröm ahakzini, miañgö öñji asuhui ehinga jörömqörömnini mewö miañön teköma. Kunöñ kun yuaigö öñji asuhui eka miañgö jörömqörömnji mi qahö toroqeba aka mambörakza. Mi qahö. ²⁵Yuaigö öñjan qahö asuhui ehakzini, miañgöra jörömqöröm akzin ewö, mi mönö kapañ köla asuhumapköra al mamböringa uruninan qahö erakza.

²⁶Mewöñanök löwöriinga Uña Töröñan bauköm neñgimakza. Denöwö köuluköinga dop kölbawak, mi qahö mötzinmö, Uña Töröñan mönö nanñak köuluk nupnine bauköm neñgiba neñgöra aka köuluköba keu jitñi aukñe qahöpmö, osongom aka sañepnöñ alakza. ²⁷Sañepnöñ ala Anutugö jitsihitñangö dop ambazip sarakñi neñgöra aka köulukömakza. Anutunöñ ambazip urunini ek kewörakzawi, yañön mönö amqeba Uña Töröñangö uru mötmötñi mörakza.

²⁸Anutunöñ köulukñi möta öroyuai pakpak galöm köliga miañgö mindimindiri öñjan mönö nanñi alaurupñan ölöwakñegöra asuhumakza. Mi mötzin. Öñji miañön ambazip amötqe qe areñangö dop engehöli jöpaköm wañgimakzei, mönö i mewö me mewö bauköm enñgimakza. ²⁹Anutugö areñangö könañi kewö: Nanñi nahönñan urumelenñ alaurup sehisehiñi neñgö sutnine mutuknini ak neñgimapköra mörakza. Miañgöra qeljiñe areñ ala nini tandökninan Nahönñangö dop akingöra mörök. Miañgöra ambazip qeljiñe möt neñgiyöhi, nini mewöyök mewö akingöra jim möwölöhöm neñgiyök. ³⁰Qeljiñe jim möwölöhöm neñgiyöhi, nini mewöyök neñgoholök. Neñgoholöhi, neñgö keunini mewöyök jim teköiga solaniin. Solaniini, neñgöra mewöyök köna kondeliga nanñe asakmararañnöñ öngöba oyaenkyoaen akin. Mewö.

Anutugö urukalemñangö möpömöpösei liñet.

³¹Keu mi möta miañgöra denöwö jibinak? Anutunöñ sel jöhöm neñgiba likepnine malja ewö, dañön mönö qetal neñgibawak? ³²Anutunöñ nanñi

Nahönŋi tok qahö aŋgön kölökmö, i jim teköiga malmalni körek neŋgöra aka köleŋnök. Mi köleŋniga Anutunöŋ yambuk kalem korembenji tosatŋi pakpak mi mewöyök amqeba neŋgima.

³³ Anutunöŋ ambazip nanŋaŋgöra möwölöhöm neŋgiba keunini jim teköiga solanimakzini, miangöra daŋön mönö keu jakeŋe al neŋgibawak? ³⁴ Kraist Jisösnöŋ kömuiga Anutunöŋ kunbuk mem guliiga Suepnöŋ öngöba Anutugö böröŋi öŋŋe tata toroqeba neŋgöra aka köulukömakza. Miangöra kunŋan kun keunini kewöta könöp sianöŋ gebingöra jim teköm neŋgimamgö osima.

³⁵ Kraistkö urukalem uruŋe malinga daŋön mönö miangöreŋök mendeŋ neŋgiiga etpinak? Kahasililiŋ ak neŋgigetka wahöjalin mötpinakmö, Kraistkö urukalemŋeyök ölöp qahö etpin. Sese-werowero ak neŋgibeakmö, miangöreŋök ölöp qahö etpin. Bödi akinak me opo söroninan qahöwahi malbinak, mönö ölöp qahö etpin. Kömumbinbuk keŋgöt qakŋe malbinak me yarö gilgetka kazik asuhubawakmö, mönö ölöp qahö etpin. ³⁶ "Miangö keuŋi Buŋa Kimbinöŋ kewö ohoget ahöza, "Nalö dop söŋanök könahiba kömumbingöra neŋgugetka anda mala suŋgem ahakza. Lamaya eŋgum nembinaŋgörök maljei, neŋgöra miangö tandök mötmörimakze."

³⁷ Keu miangö dop ak neŋgibeakmö, Kraistnöŋ urukalemŋi indeli mörini, yaŋön töngum neŋgiiga lömböt pakpak miangöreŋ mönö luhut ala köiraŋ köla malbin. ³⁸ Yuai kunöŋ mönö Kraistkö urukalemŋeyök mendeŋ neŋgimamgö osima. Mi öŋ töhöŋŋa möt yaközal. Kömupnöŋ me malmalgö yuaini kunöŋ mönö mendeŋ neŋgimamgö osima. Suep garata me ömewöröme yeŋön mönö nalö kewöŋe me könaŋgep nini mendeŋ neŋgibingö osime. Bem suahö kukösumŋinambuk yeŋön mi osime.

³⁹ Euyangö euŋe me emuyangö emuŋe maljei, yeŋön mönö mendeŋ neŋgibingö osime. Anutunöŋ öroyuai tosatŋi kun miwikŋaiyöha ahözei, mieŋön mönö mewöyök Anutugö urukalem miangöreŋök mendeŋ neŋgibingö osime. Anutugö urukalemŋi miangön mönö Kraist Jisös Kembunini yangöreŋ asuhui indeli, mi mötzin. Mewö.

Anutunöŋ sihimŋangö dop Israel möwölöhöm eŋgiyök.

9 ¹ Nöŋön Kraistpuk qekötahöba kinda muneŋ keu qahöpmö, keu öŋ töhöŋŋi kun jimam. Uŋa Töröŋangö keugöra kezap albi keuni naŋgöba jim köhöiba saŋep urune ali kewö möta jizal: ² Nöŋön Juda ambazip tosatŋi yeŋgö wösöbirikŋinan nuŋguiga urunan sihimbölo ketanji teteköŋi qahö kewögöra mörakzal:

³ Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel

⁹ 8.36 Sum 44.22

alaumurupnan uruņini melenmegöra aum-mörimakzal. Anutunöŋ yengö keuņini keworiga nanak yengö salupņini akiga likeņņi melenđa nöŋgö qakne kewö öŋgömapkö mötzal: Yaņön ni Kraistköreņök mendenĳ ningĳi könöp siagö buņaya akņamgö mötzal.

⁴Yeņön Israel kambu uruņe malgetka Anutunöŋ enĳuaņgiri buņani akze. Anutugö qetbuņani bisiba aködamunņinambuk akze. Anutunöŋ yembuk oyaeņkoyaeņ akingö jöhöjöhö walņi aka dölökņi aka Köna keuņi al enĳiyök. Miangöra jöwöwöl jikenöŋ öŋgöba Anutugö waikņi memba möpöseimakze. Anutunöŋ kötümötuetņi sehimapkö keu jöhöyöhi, miangö ölna asuhumapköra mambörakze. ⁵Yeņön bömön jalönini Abrahamgö gwölönarök-urupņi yengö isi moröurupņina malje. Kraistnöŋ yengöreņök gölme sile memba azia asuhuyök. Kraistnöŋ Anutunina aka yuai pakpak galöm köliga qetņi nalö teteköņi qahö möpöseimakin. Keu mi ölna.

⁶Mewö maljemö, Israel könagesönöhök asuhum sehiba malĳini, neņön pakpak mönö töndup Israel ambazip ölni qahö akzin. Miangöra Anutugö keuņan siņgiiga ösumņan erök tandök ahakza me? Mewö jibinak, mi keu ölna qahö. ⁷Abrahamgö gwölönarök-urupņi yengöreņök ahuzinangöra aka körek neņön mönö Anutugö nahönböraturupņa qahö akzin. Mewö qahöpmö, Anutunöŋ Abrahamgöra kewö jiyök, “Aisakö isimoröurupņan mönö göhöreĳ toroqeba qetki bisiba mal öŋgöme.”

⁸Keu miangö könaņi kewö: Abrahamgö gwölönarökurup gölme ambazip siliknöŋ morö ahumakzini, körek neņön mönö Anutugö nahönböraturupņi qahö akzin. Mewö qahöpmö, Anutunöŋ keu jöhöi ahözawangö dop ahuini, Anutunöŋ mönö ninia möt neņĳiiga Abrahamgö gwölönarökurupņi ölni akzin. ⁹Jöhöjöhö keu miangö Abrahamgöreĳ kewö kaiga mörök, “Yambu mohot teköiga miangöreĳ kunbuk kaba gekiga Saranöŋ mönö morö nahönņambuk akņa.”

¹⁰Keu mewö möri yaņgöreĳ mewö asuhuyökmö, miangöreĳök qahö teköyök. Yaņgö andöŋe Rebekagöreĳ mewöŋanök Anutugö keugö dop asuhuyök. Bömönini Aisak yaņön anöŋņi mi gölöm waņgiiga nahönyahötniri siwisiwi asuhuyohot. ¹¹Siwisiwi yetköŋ gölömņe tata qahö asuhuba yuai ölöpņi me bölöŋi kun qahö ahoři, Anutunöŋ mönö nalö miangöreĳ nahön yetköreĳök kun nanņangöra möwölöhöyök. Nanņi mötmöt areņan köhöiba ölnambuk ak tekömapköra aka munņi möwölöhöyök.

¹²“Nanņi ĳitsihitņan ölnambuk akņapköra Rebekagöra kewö jiyök, “Datņan mönö munņangö welenqeqeņi aka nembö bapņe malma.” Anutunöŋ mewö jiba ahakmemeņiri akahorahi, miangö dopņe i qahö kewöt etkiyökmö, nanņi mötmöt sihimņi miyök wuatangöba munņi oholiga datņangö ketaņamņi ahök. ¹³“Miangö keuņi Buņa Kimbinöŋ kewö

[†] 9.4 Eks 9.4 ^{*} 9.7 Jen 21.12 [†] 9.9 Jen 18.10 ^u 9.12 Jen 25.23 ^v 9.13 Mal 1.2-3

ohoget ahöza, “Jeikob urunan jöpaköba malalmö, Iso (Esau) mi tököba kazik ak waŋgiba malal.”

¹⁴Keu miangöra mönö denöwö jibinak? Anutunöŋ diŋdiŋi qahö akza me? Mewö qahöpmahöp! ¹⁵“Anutunöŋ Mosesgöra keu kewö jii ahöza, “Nöŋön mönö nani jitsihitni wuatangöba kun niŋia ehoriba ak kömumangö mötzali, ia mönö ak kömum waŋgi-makzal. Kun dagöra wösö mötmöt ak waŋgimangö jizali, yaŋgöra mönö wösöni mörakzal.” ¹⁶Keu miangöra aka gölme azinöŋ Anutu qahö galöm kölakzapmö, yuaigö sihimŋi möta akŋamgö esapköm bibihibawakmö, mi töndup Anutu qahö oŋgitma. Anutu nanŋak kalem möriamŋangö dop yuai pakpak galöm köliga yaŋgö böröŋe ahöza.

¹⁷“Anutunöŋ farao kingöra keu jiiga Buŋa Kimbinöŋ kewö ahöza, “Nani qetbuŋani jim sehigetka gölme körek pakpak dop kölmapköra mötzal. Mewö möta kukösumni kondelbi aukŋe asuhumapköra kuŋgum gihibiga göŋön asuhum tiŋgitnöŋ. Asuhum tiŋgita mala tuarenjoŋ ak niŋgiba malnöŋga mönö luhut al gihial.” ¹⁸Keu miangö dop Anutunöŋ nanŋi jitsihitni wuatangöba kun ehoriba ak kömumangö mötzawi, ia mönö ak kömum waŋgimakŋa aka kuŋgö uruŋi mem gwözöŋmamgö jizawi, ia mönö mem gwözöŋniga yaŋgisem ahakŋa. Mewö.

Anutugöreŋ irimsesewöl aka ak-kömukömu

¹⁹Engöreŋök kunŋan nöŋgöra kewö jibawak, “Mewö aiga körek neŋön mönö Anutugö jitsihitni tuarenjoŋ ak waŋgibingö osimakzin. Mewö aigun Anutunöŋ mönö wuanöŋgöra toroqeba jim neŋgimakza?” ²⁰“Kunŋan mewö jibawakmö, gölme azi gi mönö niŋia aka Anutu tuarenjoŋ aka aŋgururuk ak waŋgibanak? Börösöwönöŋ mönö nanŋi miwimiwikŋai Toŋi kewö ölöp qahö jim waŋgima, “Gi mönö wuanöŋgöra tandök kewöŋi miwikŋaim niŋinöŋ?” ²¹Kimbut meme azinöŋ mönö nanŋi kukösüm qakŋe sihimŋangö dop gwaköm meleŋda möwölöhöba gwaköm mohot miangöreŋök kouraŋen murutŋi murutŋi memakza. Tosatŋi nalö dop memba nupnöŋ alakzin aka tosatŋi aködamunŋinambuk mi mönö sösoŋgai nalöŋeyök nupnöŋ alakzin.

²²Anutu miwimiwikŋai Toninan mönö mewöŋanök ak neŋgimakza. Yaŋön irimsesewölŋi ambazip kondel neŋgiiga kukösümŋi eka mötpingöra mörakza. Mewö möta irimŋan seholiiga kazikŋan ambazip tosatŋi yeŋgö qakŋine öŋgöiga jöjöröba köndenŋ eŋgimangö aka malök. Mi töndup likepŋi zilaŋök qahö meleŋ eŋgiyökmö, yeŋgöra aka sihimbölä gwötputuk möta mökösoŋda uruŋini meleŋmegöra mamböta malök.

²³Mewöŋanök kalem möriamŋi indeli keleŋmaleleŋ asuhu-mapköra mörakza. Mewö möta ambazip aködamunŋi buŋa qem aŋgubingöra

^w 9.15 Eks 33.19 ^x 9.17 Eks 9.16 ^y 9.20 Ais 29.16; 45.9

möwölöhöm neŋgiyöhi, nini mönö neŋgehoriiğa aködamunŋambuk asarimakzin. ²⁴Nini mewöyök mewö akingöra neŋgoholök. Juda ambaziwök qahöpmö, kian kantriŋi kantriŋi i mewöyök mewö akneğgöra eŋgoholök. ²⁵^zAnutunöŋ mianğö keuŋi jiğa kezapqetok azi Hoseagö kimbinöŋ kewö ahöza,

“Ambazip nani könagesöurupni qahö aka malgeri, nöŋön mönö i eŋgoholbiga nani könagesöni akne. Tosatŋan nani wölböt alani qahö malgeri, yeŋgöra mönö ‘Nani wölböt alaurupni,’ mewö jiba malmam.

²⁶ ^aNöŋön gölme kungö ambazip yeŋgöra kewö jiba malal, ‘Iŋini nani könagesöurupni qahö malje.’ Mewö jiba malalmö, i mönö gölmeŋine mianğöreŋök eŋgohola qetŋini kewö qetmam: Iŋini mönö Anutu malmal Toŋaŋğö nahönböraturupŋi akze. Utekutek mewö asuhuma.”

²⁷^bAisaiianöŋ mewöyök Israel ambazip neŋgöra aka kewö sahöta jiyök, “Israel ambazip jaŋğönini köwet sak ewö akawak ewö, mia kun töndup neŋgöreŋök awamŋi neŋjönök mönö urunini meleŋninga amöt qem neŋgima. ²⁸Kembunöŋ gölmeŋi gölmeŋi pakpak neŋgö keunini zilaŋzilaŋ kewöta jim teköba likepŋi körek meleŋ neŋgim teköma.”

²⁹^cAisaiianöŋ mewö jiba qeljiŋe keu kun jiyöhi, mianğö ölŋan mönö neŋgöreŋ kewö asuhuza, “Kembu kukösum pakpak Toninan gwölönarökurupnini tosatŋi qahö eŋgehoru uruŋini meleŋbeak ewö, gölmeninan lök Sodom ewö meleŋni geiga könöp jebawak. Neŋön mönö Gomora ambazip ewö ayuhubinak. Anutunöŋ lök mewö ak neŋgibawak.” Mewö jiyök.

Israel jesöŋğöŋan Anutu yaŋgiseŋ ak waŋgimakze.

³⁰Mianğöra mönö denöwö jibinak? Kantri tosatŋan Anutugö jeŋe solanŋi akingö nupŋi qahö kapaŋ köla megeri, yeŋön mönö Anutugö jeŋe solaniget. Uruŋini meleŋda Anutu möt narigetka mianğöra keuŋini jim teköiga solaniba malje. ³¹Mewö maljemö, Israel neŋön solanŋi akingöra Köna keu wuatangöbingö kapaŋ köla mala kota mi töndup Anutugö jeŋe qahö solaniin.

³²Mianğö könaŋi kewö: Nanŋinanök esapköba ahakmeme diŋdiŋi aka mewö mianjön solanŋi akingö kapaŋ köla Jisös qahö möt narim waŋgiget. Yaŋön köt pöwöwöm ewö akzawi, mönö yaŋgöreŋ tötaŋğöba eŋgui qaköba andö qeget. Mianğöra solanŋi qahö aket. ³³^dMianğö keuŋi Buŋa Kimbinöŋ kewö ohoget ahöza,

“Eket, Anutu nöŋön mönö ain köt kun Zaion kunduje Israel kambu uruŋine kuŋgubiga yeŋön mianğöreŋ tötaŋğöba et

^z 9.25 Hos 2.23 ^a 9.26 Hos 1.10 ^b 9.27-28 Ais 10.22-23 ^c 9.29 Ais 1.9 ^d 9.33 Ais 28.16

engui andö qemakŋe. Kunŋan azi ip pöwöwöm köhöikŋi mi möt narim waŋgimawi, yaŋön mönö nalö kunöŋ yaŋgöra gamu qahö miwikŋaima.” Mewö.

10 ¹O urumeleŋ alaurupni, nöŋön nani könagesöurupnan uruŋini meleŋmegöra awöweŋgömakzal. Anutunöŋ amöt qem engimapköra uruni qezaköba yengöra aka Anutu köuluköm waŋgimakzal. ²Yengö könaŋamŋinan kewö ahöza: Yeŋön Anutugöra urukönöp ahakzemö, mi gukmaulem qakŋe ahakze. Yengö keuŋini mewö naŋgöba jizal.

³Anutunöŋ keunini jim teköiga solanizini, miangö könaŋi qahö möt yaköba nanŋinanök esapköba solanŋi akingö kapaŋ kölakze. Mewö aka Anutunöŋ keunini jim teköiga solanibingö jimakzawi, keu miangö bapŋe qahö anda qaköba öne laŋ malje. ⁴Kraistnöŋ nanŋök Köna keu wuatangöm teköyök. Nini tosatŋan mi osiba Kraist möt nariba urunini meleŋjini, mewö mönö Kraistköra aka Anutugö jeŋe solaniba dop köljin. Mewö.

Anutunöŋ nini körek amöt qem neŋgimangö mötza.

⁵“Mosesnöŋ Köna keu wuatangöba mewö miangön solanŋi akingö keuŋi mi kewö ohoi ahöza, “Köna keu wuatangöm tekömawaŋön mönö miangöra aka mal köhöima.” ⁶Keu mewö ahözapmö, urunini meleŋda möt nariinga Anutunöŋ keunini jim teköiga solanimakzini, Mosesnöŋ miangöra keu kewö jii ahöza, “Urugan kewö mötmöriba jibanbuk: Azi daŋön mönö Sup mire öŋgöbawak?” Ambazipnöŋ mi Kraist waŋgita etmapköra laŋ jiget. ⁷me “Azi daŋön mönö kömup mirigö dutŋe gebawak?” Ambazipnöŋ mi Kraist waŋgita kömupnöhök wahötmapköra laŋ jiget.

⁸Mewö jiba toroqeba kewö jiyök, “Buŋa keu mi körowen qahöpmö, mönö göhö numbuge aka uruge ahöza.” Buŋa keu mi möt naribingöra aka ahöza. Neŋön keu miangön ambazip uru kuŋgum engiba kewö jim asarim engimakzin: ⁹Anutunöŋ Jisös mem gulii kömupnöhök wahörök. Göŋön keu mi urugan möt nariba numbu jitkan “Jisösnöŋ Kembuni akza,” mewö jim miwikŋaizan ewö, mönö amöt qem gihiiga letotman.

¹⁰Gi urugan Buŋa keu möt narinöŋga Anutunöŋ keugi jim teköiga solaniman aka numbu jitkan Jisös jim miwikŋainöŋga amöt qem gihiiga letotman.

¹¹“Buŋa Kimbigö keu kun kewö jiget ahöza, “Daŋön i möt narim waŋgimawi, yaŋön mönö gamu qahö miwikŋaima.” ¹²Anutunöŋ Juda ambazip qahö neŋgek soriba kantri tosatŋi qahö qepureim engimakza. Kembu mohot yaŋön mönö körek neŋgö Kembunini aka dop mohotnöŋ

^e 10.5 Lew 18.5 ^f 10.6-8 Dut 30.12-14 ^g 10.11 Ais 28.16

kewöt nengimakza. Ambazip i qeta köulukömakzini, yañön mönö kötümütuətji nini körek keleŋ-maleleŋ nengimakza.

¹³^hMiaŋgö keuŋi mi Buña Kimbinöŋ kewö ahöza, “Ambazip denike yeñön Kembugö qetŋi qeta köulukömei, yañön mönö i körek amöt qem eŋgiiga letotme.”

¹⁴Ambazipnöŋ Kemu qahö möt narim waŋgiba yaŋgö qetŋi mönö denöwö qeta köuluköbeak? Yaŋgö könaŋi qahö jiget mötkeri, i mönö denöwö möt narim waŋgibeak? Kunŋan Buña keu qahö jim asarima ewö, yeñön mi mönö denöwö mötpeak? ¹⁵ⁱAmbazip kun Buña keugöra qahö melaibin ewö, yañön mönö denöwö anda mi jim asaribawak? Miaŋgö keuŋi Buña Kimbinöŋ kewö ohoget ahöza, “Ambazip Buña keu ölöŋŋi memba kamakzei, yeŋgö köna ötöŋini möringa qetpuk sorokŋi akza.”

¹⁶^jMewö ohoget ahözapmö, nöŋgö Israel könagesö öŋŋi yeñön Ölöwak Buña qahö tem köla malje. Miaŋgö keuŋi mi kezapqetok azi Aisaianöŋ kewö jii ahöza, “O Kemu, nini Buña keu jim sehiinga dañön mönö uruŋi meleŋda mi möt naribawakto?” ¹⁷Keu miaŋgö dop Kraistkö keuŋi jim sehiinga kezapŋine geiga mötketka mötnaripŋinan mönö mewö asuhuma.

¹⁸^kMötnarip mewö asuhumapmö, kewö qesim eŋgizal: Buña keu miañön mönö Juda yeŋgö kezapŋine qahö geiga mötket me? Qahö, mi mönö mötket. Miaŋgö keuŋi mi kewö jigetka Buña Kimbinöŋ ahöza,

“Keu jigetka keu kourukŋinan mönö anda anda gölme pakpak dop kölöc. Mi gölmeŋi gölmeŋi eu emu likeplikep miaŋgören mötket.”

¹⁹^lKeu miaŋgö dop Buña keu löc mötketmö, kunbuk toroqeba kewö qesim eŋgizal: Israel ambazipnöŋ mi qahö möt asariget me? Mosesnöŋ mutuk keu kewö jiyök,

“Ambazip könagesö öŋŋi qahö nöñön mi amöt qem eŋgibiga eŋgö uru mututqututŋinan mönö miaŋgöra aka asuhuma. Kian kambu gukmaulem maljei, yeñön iŋini eŋgoŋgitketka silik miañön mönö Juda eŋgö uruŋini kuŋgubiga irimŋini seholiiga uruŋinan wahötma.”

²⁰^mAisaianöŋ mönö köhöiba kinda kewö jii ahöza,

“Ambazip ni qahö jarum niŋgiba laŋ malgeri, yeñön mönö ni miwikŋaim niŋgiget.

Ambazip nöŋgö könananŋöra qahö qesiba malgeri, nöñön könanamni mönö yeŋgöra indelbi mötket.”

²¹ⁿYeŋgöra mewö jiyökmö, Israel neŋgöra mönö keu kewö jii ahöza, “Silim dop söñanök könahiba qequetal könagesö kezapjupjup ahakzei, iŋini nöŋgören kamegöra eŋgohola eŋgöra böro kaek köla malbiga suŋgem ahakza.” Mewö.

^h 10.13 Joel 2.32 ⁱ 10.15 Ais 52.7 ^j 10.16 Ais 53.1 ^k 10.18 Sum 19.4 ^l 10.19 Dut 32.21 ^m 10.20 Ais 65.1 ⁿ 10.21 Ais 65.2

Israel uruŋe urumeleŋ kambu moröŋi ahöza.

11 ¹Miaŋgöra kewö qesizal: Anutunöŋ nanŋi könagesöŋi andö qem neŋgiyök me qahö? Mi qahöpmaöhöp! Nönjön mewöyök Abrahamgö gwölönarökŋi kun akzal. Nanak Israel könagesögö kambu qetŋi Benjamin miaŋgö uruŋe maljal. ²Anutunöŋ nanŋi könagesöŋi qeljiŋe möwölöhöm neŋgiyöhi, nini mönö qahö andö qem neŋgiiga maljin. Kezapqetok azi Elaijagö (Eliagö) kösohotŋi mi Buŋa Kimbinöŋ ohogetka ahöza. Yeŋön Anutugö jeŋe Israel ambazip jim eŋgiba köuluköyöhi, injini keu kemaŋi mi mötze me qahö? Keu mi kewö, ³“O Kambu, yeŋön mönö göhö kezapqetok ambazipurupki eŋguget kömugetka göhöreŋ jöwöwöl ohoho altaŋi altaŋi köndenmöndenget. Ni mohot nömosötket malbiga mömö-laköba mönömba nuŋgubingö jöjöröze.”

⁴Mewö jiyökmö, Anutunöŋ mi möta mönö kewö meleŋ waŋgiba jiyök, “Gi nangok qahö maljanmö, nönjön azi 7000 mewöŋanök sel jöhöm eŋgibiga nani buŋani aka bem munerŋi Bal i qahö simin köl waŋgiba göbuk toroqeba malje.” ⁵Keu miaŋgö dop nalö kewöŋe mewöŋanök Anutugö kambu moröŋi ahöza. Anutunöŋ kalem möriamŋaŋgö dop ambazip awamŋi möwölöhöm neŋgiiga maljin.

⁶Kalem möriamŋan mönö nam köl waŋgiiga möwölöhöm neŋgiyök. Nini ahakmeme ölöŋŋi aka memba malbinahi, miaŋgöra aka qahö möwölöhöm neŋgiyök. Gölme ambazip ahakmemeninan nam köl waŋgiiga möwölöhöm neŋgibawak ewö, yaŋgö kalem möriamŋan mönö yuai omaŋi akawak.

⁷Miaŋgöra mönö denöwö jibinak? Israel könagesönöŋ solanŋi akingö kapaŋ köla malgetmö, solanibingö könanŋi mi qahö miwikŋaiget. Yeŋön qahöpmö, Anutunöŋ kambu moröŋi möwölöhöm neŋgiyöhi, neŋön kalemŋi mi miwikŋaiba solanŋi ahin. Tosatŋan mötmöt bölöŋan uruŋini gwözöŋŋi öne laŋ malje. ⁸Miaŋgö keuŋi mi Buŋa Kimbinöŋ kewö ohoget ahöza, “Gaun jeje malgetka Anutunöŋ öme qahö jöhöiga uruŋine geiga köhömuŋi aket. Yuai eka könanŋi ek kutubepuköra jeŋini mem sohoiga ömuŋ kölök. Keu kezapŋinan möta möt asaribepuköra mi mem gwözöŋnök. Mewö tönpin mala kota nalö kewöŋe mewöyök öne laŋ malje.” ⁹Kiŋ Deiwidnöŋ miaŋgö keuŋi kewö jii ahöza,

“O Anutu, yeŋön közölömbuaŋ ala nempa laŋ söŋgaimakze.

Miaŋgöreŋ mönö eŋgek miwikŋaiba siŋgisöndokŋinaŋgöra simba alnöŋga eŋgimema.

Mönö nanŋini dumŋine tötaŋgöba et eŋguiga likeŋŋi meleŋ eŋginöŋga sihimbölö mötme.

° 11.1 Fil 3.5 P 11.3 1 Kiŋ 19.10, 14 ¶ 11.4 1 Kiŋ 19.18 † 11.8 Dut 29.4; Ais 29.10

* 11.9-10 Sum 69.22-23

¹⁰ O Anutu, gi mönö jeñini mömbauba mem gömölinönga uba ekingö osime.

Mönö likepñi melenj enjinönga qakñine öngöba lömböriiga sundan dop upköba malme.”

Deiwidnöj mewö köuluköyök.

Kian kantri yeñön Anutugö ipñi ölni aket.

¹¹Toroqeba kewö qesizal: Juda könagesö ölni yeñön tötañgöba et enjuiga uruñinan gwözöñniga ölöwakingö osime me qahö? Mi qahö osime! Et enjuyöhi, miañön mönö Anutu möt kutubingö awöweñgömögöra aka asuhuyök. Juda könagesö ölni yeñön köna oñgita et enjuiga kian kantri yeñön salupñini aka uruñini melenja Anutugö buñani aket. Mewö akeri, miañön uruñini kuñguiga miañgöra irimñini seholiiga uruñini melejmegö sihimñan asuhumapköra aka mewö asuhuyök.

¹²Juda könagesö ölni yeñön köna siñgiba et enjuiga miañgöra kian gölmeñi gölmeñi yeñön oyaenjkoyaenjingö könañi miwikñaiget. Mi miwikñaiba uruñini melenja kötümötuet uruñe maljemö, Juda könagesö ölni yeñön tönpin mala Anutugö jeñe qahö dop kölje. Könañep Juda yeñön mewöyök körek uruñini melejme. Mewö asuhuiga Anutugö kötümötuetjan sehiba kelejmalelej aukñe asuhuma.

¹³Nöñön keuni ki Juda enjgöra qahöpmö, kian kantri könagesö enjgöra jizal. Nöñön kian kantri enjgöreñ melaimelai azi aposol akzalañgöra “Nupni qetbuñañambuk akza,” jiba mewö mötmörizal. ¹⁴Nupni mi membi ölni asuhuiga uruñini melejmakzei, nani Israel könagesöurupnan miañgö buzupñi mötmögöra kapañ köla awöweñgömakzal. Buzup keu miañön mohot mohot yeñgö uruñini kuñguiga miañgöra irimñini seholiiga uruñini melejbingö sihimñan asuhui melejgetka Anutunöj amöt qem enjgima. Nupni qetbuñañambuk mi mönö miañgöra aka kian kantri enjgö sutñine memakzal.

¹⁵Anutunöj Juda kambu andö qem neñgiiga miañgö ölnan mönö kewö asuhuyök: Kian kantriñi kantriñi enjön salupñine aketka Anutunöj töwañini qeba enjgömeiga alaurupñi aket. Juda könagesö ölni yeñön uruñini melejgetka Anutunöj amöt qem enjgiba möt anjgön köl enjgimawi, miañgö ölnan mönö kömupnöhök guliba mal köhöimeañgö dop akña.

¹⁶Yambu jeñiqeqe dölökñe nene Anutugöra kewöta ala sösongai ahinga sarakñi akza ewö, nupkö numbu neneñi pakpak mönö mewöyök sarakñi akza. Ip jalöñan töröñi akza ewö, böröñan mönö mewöyök töröñi akze.

¹⁷Juda kambu mi Anutu nanñangö oil ipñi akza. Anutunöj nanñi oil ipñi mi öñböñi memba böröñi tosatñi mitii etket aka arökñangö oil ip böröñi memba kaba sutñine ali toroqeba qarimakze. Kantri tosatñi injini

arökɲaŋgö oil ip miangö dop akzemö, Anutunöŋ töndup eŋgömeiga nalö kewöŋe ip börö qainŋi kun miengö sutɲine mal köhöimakze. Iŋini mönö Juda kambugö oil ip jalöneyök nene oŋi öröba nemba qarimakze.

¹⁸Iŋini Juda nembuk kinjemö, töndup Juda neŋgoŋgita sileŋjini memba öŋgöbepuk. Sileŋjini mem öŋgöbeak ewö, mönö keu ki mötme: Kantri tosatɲi iŋini ip böröŋanök ewö akze. Iŋini jalönini qahö bisimakzemö, nanine ip jalöŋan mönö iŋini eŋgömisiiga kinje.

¹⁹Keu kewö jibeak, “Anutunöŋ nini nanŋi ip kemaŋe al neŋgimapköra aka ip böröŋi mi kutui eriga tiŋi asuhuyök.” ²⁰Keu mi ölna. Anutunöŋ Juda ambazip uruŋjini qahö melenɲa möt narigerangöra aka kutum eŋgii etketmö, iŋini mönö mötnariŋinan töndangöm eŋgiiga zeŋ kinje. Mewö kinda jakbak-öraŋböraŋ kude aka aiweliköba malmemö, mönö kewö et eŋgubapuköra sömbuŋjini möta malme: ²¹Anutunöŋ nanŋi ipŋaŋgö böröŋi ölni qahö eŋgehoriba Juda könagesö kutum eŋgiyök ewö, iŋini mönö “Ölöp neŋgehorima,” mewö jibepuk. Öne mewö mötmöriba laŋ malbepuk. ²²Miangöra kian kantri iŋini Anutugö könani mötmöriba kewö jime, “Juda ambazip köna siŋgiba et eŋguyöhi, Anutunöŋ miangö likepŋi melenɲa mönö ölna könöpŋambuk ak eŋgimazapmö, nini ölöwak Toŋambuk qekötahöba kininga mem ölöwak neŋgimakza. Yambuk qahö toroqeba kinbin ewö, mönö kantri tosatɲi nini mewöyök kutum neŋgii etpin.”

²³Mewö ölöp jimemö, Anutunöŋ ambazip köna siŋgigeri, mi mewöyök ölöp köhöiba ip kemaŋe kunbuk toroqem eŋgima. Miangöra Juda könagesö yeŋön yaŋgiseŋjini mosöta uruŋjini melenɲe ewö, i mönö ölöp Jisösbuk toroqem eŋgima. ²⁴Anutunöŋ iŋini arökɲaŋgö oil ip miangöreŋök kutum eŋgiba kölkömötkö könani oŋgita oil ip qainŋi kungö kemaŋe al eŋgii toroqeget. Kantri tosatɲi iŋini mewö ak eŋgiyök ewö, miangöra nanŋi ip böröŋi ölni Juda könagesö ölni mi mönö amqeba eŋgömemba sihimŋan nanŋi oil ipŋaŋgö kemaŋe al eŋgii kunbuk toroqeme. Mewö.

Anutunöŋ Israel körek ak kömum neŋgimangö mötza.

²⁵O urumelenɲ alaurupni, nanŋjini mötkutukutu qakŋe laŋ malbepuköra mönö keu tölapŋi kun indela möt asarimegöra mötza. Keu mi kewö: Mötmöt bölöŋan Israel könagesögö bahöŋi kun yeŋgö uruŋjini gwözöŋni maljemö, nalö teteköŋi qahö yaŋgiseŋ qahö toroqeba malme. Qahöpmö, mutuk kian kantri yeŋgöreŋök jesöŋgöŋan uruŋjini melenɲa Anutugö bemtohoŋ uruŋe kaŋgotme. Mewö aketka Anutunöŋ jaŋgöŋjini ehi dop kölmawi, nalö miangöreŋ Juda könagesö yeŋgö yaŋgiseŋ nalöninan teköiga körek uruŋjini melenɲe. ²⁶Uruŋjini melenɲetka Anutunöŋ Israel

¹ 11.26 Ais 59.20

könagesö pakpak amöt qem enjiiga letotme. Mianğö keunji mi Buña Kimbinöñ kewö ohoget ahöza,

“Amötqeqe Toñan mönö Zaiön kunduneyök asuhuba Jeikob kambu neñgö ahakmemenini aņgöjörakñambuk mi köl könjöratma.

27 “Anutu nöñön siņgisöndokñini köl könjörata oyaenkyoaen akingö jöhöjöhö areñi mi yembuk akiga mohotje malbin.”

Keu mewö ahöza.

28 Juda könagesö ölnji yeñön Ölöwak Buña andö qeba Anutugö kerökurupñi akerañğöra kantri tosatñi eñön salupñine Anutugö alaurupñi akze. Mewö akzemö, Anutunöñ Israel bömön jalö-urupñini möwölöhöm enjiyöhangöra Juda neñön mönö toroqeba wölböt alaurupñi ölbölnji akzin. 29 Anutunöñ ambazip niñia möwölöhöba enğohola kalem enjimakzawi, keu mi mönö kunbuk urunji möñaiiga utekömawaņgö dop qahö. 30 Kian kantri iñini mewöyök mutuk Anutugö jitñi qahö tem köla lañ malgetmö, Juda könagesö ölnji yeñön yaņgiseñ akerañğöra aka Anutunöñ iñini ak kömum enjiiga letotket.

31 Juda könagesö ölnji yeñön nalö kewöñe Anutugö jitñi qetala lañ mala kotzemö, eñön letotkerañğöra aka Anutunöñ Juda könagesö nini mewöñanök nalö kewöñe ak kömum neñgimamgö mötza. Kian kantri eñön urunji meleñda letotketka mianğö silikñan urunji kuņgumakzawi, mianğöra yeñön mönö mewö-ñanök amqeba urunji meleñda ak-kömukömuñi buña qem aņgume.

32 Ambazip lökñanök pakpak nini Anutu qetala lañ malinga qegetalnini miwikñaiiba gwaröhöm neñgiyök. Körek pakpak ak kömum neñgimapköra aka kösönöñ gwaröhöm neñgiyök. Mewö.

Anutu möpöseiba omsa liñet kewö kölakzin:

33 ^vAnutu kalem möriamñangö köweñan mönö keta bölökñi akza. Iwinangö jitñi, mötmötñi mönö gegeñi teteköñi qahö. Mötkutukutuñan neņgöñgita öñgöñgöñi ketañi akza. Yañön keunini kewöta jim tekömakzawi, neñön mi lökñanök jim asarim teköbingö osibin. Malmalninañgö köna areñgömakzawi, mianğö könañi mönö möt kewöta miwikñaim teköbinangö dop qahö.

34 ^w“Kembugö urukönömñangö areñi mi ambazip körekñan möt yaköbingö osiba mala korin. Kunñan kun goro waņgimawaņgö dop qahö.”

35 ^x“Gölme ambazip kalem aņgumakzinmö, yambuk mewö akingö osiba mala korin.

Yuai waņgiinga kitipñi qahö meleñ neñgiiga ölöp dop köl waņgiza. Yuai kun biañ neñgimapkö tosa waņgibingö osimakzin.”

^u 11.27 Jer 31.33-34 ^v 11.33 Ais 55.8 ^w 11.34 Ais 40.13 ^x 11.35 Job 41.11

³⁶ Mi kewögöra osimakzin: Yañon yuai pakpakö Tonji aka bömön jalöñi akza. Yañon yuai pakpak nam köliga asuhuyök. Mi nanñi aködamun miwikñaim wañgimapköra aka asuhuyök. Mianğöra neñon qetbuñaji möpöseininga teteköñi qahö aködamunñambuk ahöba öñğöba ahöma. Keu mi ölna.

Malmalnini denöwö malinga Anutugöreñ dop kölma?

12 ¹ O urumelen alaurupni, Anutunöñ mewö ak kömum neñgiyö-hağgöra nöñon mönö uruñini kewö kuñgum eñgizal: Injini mönö ak-kömukömuñi mi urukönömñinan mötmöriba mianğö dop kitipñi meley wañgiba waikñi memba möpöseiba malme. Mewöyök nanñini sileñini mi Anutugö kötön naluha alme. Mewö alme ewö, injini mönö guliba sarakñi aketka Anutunöñ nalukñini mi ehi dop köli sihimñi mörakña.

² Mutuk gölmegö ahakmeme bölöñangö areñi wuatangöba malgetmö, nalö kewöñe mewö kude toroqeba ahakñe. Mewö qahöpmö, mönö urumötmötñinan kölöñaiiga letota malme. Mewö mala Anutunöñ eñgöra sihimñi denöwö mötzawi, mi jaruba ölop köhöiba kewöta miwikñaim. Mi miwikñaiiba mianğö dop ahakñe ewö, mönö köna ölöñji wuatangögetka dop köl wañgii aködamunñinambuk ahakñe.

³ Siksauk lañ malbepuköra keu kun jimam. Anutunöñ kalem möriam niñgiiga mianğö qakñe kinda körek eñgöra kewö jizal: Injini mönö nanñini mötket öñğöñgöñi qahö akñapmö, mohot mohot injini mönö törörök möt kutum añguba malme. Anutunöñ mötnariñ neñgiiga mianğö ölni asuhumakzawañgö dop mönö nanñini kewöt añguba mianğö dopkeu jiba malme.

⁴ Mianğö könañi kewö: Sileninan mohot akzapmö, sile kitipnini mi gwötpuk. Kitipñi pakpak mieñon nup mohot miyöhök qahö memakze. ⁵ Mianğö dop urumelen ambazip neñon mewöyök gwötpuk maljinmö, töndup Kraistpuk qekötahöba kinda sile ewö ölni mohot akzin. Mohot akzinmö, nanñök nanñök neñon mönö toroqem añguba mohotñe nup meinga dop köli kinjin.

⁶ Anutunöñ kalem möriamñi neñgiyöhangö dop nup memegö mötmöt kalem murutñi murutñi buña qem añguba maljin. Kunöñ kezapqetok nupkö mötmöt kalemñi buña qem añguza ewö, yañon mi mönö nupnön alakña. Mötnariñnan töndangöm wañgi-makzawañgö dop nupnön ala Anutugö keuñi jiba malma. ⁷ Kungöra welenqeqe nupkö mötmöt kalemñi wañgiyök ewö, mianğö dop mönö tosatñi pöndañ bauköm eñgiba malma. Kungöra böhi qaqazu nup memapkö mötmöt kalemñi wañgiyök ewö, yañon mönö memburik-qemburikñi qahö pöndañ tosatñi kusum eñgiba malma.

^γ 11.36 1 Kor 8.6 ^z 12.4-5 1 Kor 12.12 ^a 12.6-8 1 Kor 12.4-11

⁸ Kungöra uru nangönanğö nupkö mötmöt kalemni wañgiyök ewö, yañön mönö pöndan kapañ köla ambazip uruñini kuñguba nangöm eñgiba malma. Tosatñan yuaigöra mözöröngöba osigetka kungöra i nangöm eñgimapkö mötmöt kalemni wañgiyök ewö, yañön mönö koñwarakni qahö pöndan nangöm eñgiba malma. Kungöra galömkölköl nupkö mötmöt kalemni wañgiyök ewö, yañön mönö zeñ kinda tosatñi galöm köl eñgiba malma. Kungöra urukalem nupkö mötmöt kalemni wañgiyök ewö, yañön nup mi mönö sösöñgai qakñe memba malma. Mewö.

Urukalemğö könañi törörök wuatangöme.

⁹ Mönö geñmoñ mosöta törörök urukalem ak añguba malme. Bölöñi sisit memba andö qeba malme. Ölöpnangöra ak eñgiiga miangöreñ mönö qekötahöba malme. ¹⁰ Urumeleñ alaurupñini mi mönö guñböñjönjön qakñe ak eñgiba törörök jöpaköm añguba malme. Göda qem añgubingö kapañ kölakzei, miangöreñ mönö awöwengöba möpöseim añguba malme.

¹¹ Uruñinan mönö kude sörauba löwörimapmö, köulukögetka Uña Töröñan inahöm eñgiiga urukönöpnöñ kinda Kembugö nup memba malme. ¹² Jörömqöröm aka sösöñgainöñ malme. Kahasililiñ möta mökösoñda malme. Mönö böñ kinda Anutu köuluköba malme. ¹³ Anutugö ambazip sarakñan yuaigöra osizei, i mönö bauköm eñgiba malme. Mönö ambazip köl öröm eñgiba mohotñe tata nene nem sösöñgai ahakñe.

¹⁴ ^b Sesewerowero ak eñgimakzei, ambazip mi mönö kude qesuahöm eñgimemö, mönö Anutu köulukögetka kötuetköm eñgimakña.

¹⁵ Söñgaizei, yembuk mönö bauköba söñgaime. Sahötzei, yembuk mönö bauköba sahötme. ¹⁶ ^c Mönö urumohot ak añguba luainöñ malme. Nanñinanğöra mönö kude mötket öñgöma. Jakbak-örañbörañ kude akñemö, ambazip eretñi mönö ala ak eñgiba malme. Nanñinanğöra mötketka mötkutukutu ambaziwa maljeağö dop kude akña.

¹⁷ Jinöñ jibi, nuñgunöñ guhubi, aknöñ aki mi kungöra kude akñe. Ambazip körekñan silik tosatñi miengöra mötketka ahakmeme ölöpnöñ akzei, mi mönö kapañ köla memba malme. ¹⁸ Yuai kungöreñ qahö qaköze ewö, mönö köhököhöi ahöm eñgizawağö dop kapañ köla ambazip körek yembuk luainöñ malme.

¹⁹ ^d Keu kun mi Buña Kimbinöñ kewö ohoget ahöza, “Nöñön mönö bölöñağö likepñi melenbiga qakñine öñgöma. Mi nöñgö nuwa. Kembu nöñön mewö jizal.” Miangöra wölböt alaurupni, iñini nanñinak bölöñağö likepñi kude melenmemö, mi Anutugöra mosötketka irimñan seholiiga eñgö kitipñi melenđa meköm eñgima.

^b 12.14 Mat 5.44; Luk 6.28 ^c 12.16 Qam 3.7 ^d 12.19 Dut 32.35

²⁰ eMianggöra mi nanjinak kude meleşmemö, Buşa keu ki mönö wuatanggöba malme, “Kerökan nenegö kömuza ewö, i mönö nene gumohom wangiman. Göhö kerökan ogö mötza ewö, i mönö o wanginönga nema. Mewö aka göhöreş silik ölöpnj miangön mönö uru kuşgum wanginönga gamuşi möta mosötpawak.” Keu mi mönö wuatanggöba malme. ²¹ Kunşan silik bölöñj miangön luhut al gihibapukmö, nangak mönö silik ölöpnj aka miangön luhut al wangiba silikñj bölöñj mi koyonaniman. Mewö.

Gawman yeşgö keu bapñe anda tem köla malme.

13 ¹ Gawman kun mi nanşök qahö asuhuyökmö, Anutu, kukösum Tonji yaşön mönö gawman kuşgui miangö dop ketaşamninan kukösum qakñe kinda galöm köl eşgimakze. Jimkutukutu nupkö kondotkondotñj mi Anutu. Mianggöra inşini körek mönö nanşini gawman yeşgö keu bapñe anda malme. ² Könañj mewö mötzeanggöra aka kunşan jimkutukutu galöm yeşgö kukösumñini qetaljawi, yaşön Anutunöş malmalgö areñj alöhi, mönö mi qetalja. Jimkutukutu Tonji qetaljei, Anutunöş yeşgö keuñini jim teköba likepnj meleş eşgiiga lömböt miwikñaime.

³ Galömkölköl yeşön ambazip ahakmeme bölöñj ahakzei, mi keşgöt mötmöt ak eşgimakzemö, ölöpnj ahakzei, mi mewö qahö ak eşgimakze. Mianggöra galöm kukösumñinambuk yeşgö keşgötki mötmamgö mötşan me qahö? Mi qahö mötmamgö mötşan ewö, mönö ahakmeme ölöpnj aka memba malnöşga möpöşeim gihimakñe.

⁴ Gawman yeşön mönö Anutu welenşj qeba mem ölöwak gihibingö mötze. Mewö mötzeanggöra ambazip bölöñj akzei, mönö miangö likepnj meleşda qakñine öşgöi lömböt mötmeggöra kinje. Anutugö welenqeşeurupñj aketka buldömingö sou ketaş eşgiyöhi, mi öne töhön qahö memba malje. Mianggöra yuai bölöñj akşan ewö, mönö keşgötki möta malman. ⁵ Lömböt qakñine öşgöi mötpepukgöra mönö gawman jitñini tem köla malme. Mianggörök qahöpmö, Anutugö jeşe mohot dop kölmapköra mönö mewö ahakñe. Qahö tem kölgetka Anutugö irimşan sehöljii jii urukönömşninan mewö mötketka uruşinan bölibapukgöra mönö mewöyök gawman yeşgö keu bapñe anda malme.

⁶ Gawman yeşön mönö Anutugö nup bahöñj kun memba mianggöreş zeş kinda galöm köl eşgimakze. Nupñini mi memeggöra eşön mönö bauköm eşgiba takis mewöyök alakze. ⁷ Gawmangö takis aka kötön könañj könañj dawik eşgimeşgö jimakzei, mi mönö körek miangö dop eşgimakñe. Gawmangö takis könañj könañj pakpak mi mönö törörök eşgimakñe. Gawmangö nup meme ambazip yeşgöra mönö ewe ala göda qem eşgimakñe. Mewö.

e 12.20 Qam 25.21-22 f 13.6-7 Mat 22.21; Mak 12.17; Luk 20.25

Nalö ketanjan dopdowiiga mönö jöpaköm aᅅguba malme.

⁸Mewö aka kungörej tosa kun embuk kude ahöi malme. Töndup engö tosaᅅini mohok-kun mi nalö dop kewö ahöza: Iᅅini mönö uru jöpaköm aᅅguba malme. Kunᅅan tosatᅅi jöpaköba urukalem ak engimakzawi, yaᅅön mönö Köna keu wuatangöm tekömakza.

⁹Jöjöpaᅅ keu bohonᅅi kewö, “Nangi jöpaköm aᅅgumakzani, miangö dop mönö tosatᅅi pakpak jöpaköm engimakᅅan.” Keu miangö uruᅅe jöjöpaᅅ keu kewöᅅi ahöze, “Sero yoᅅgorö kude akᅅan,” “Ambazip kun kude qeᅅöᅅ kömuma,” “Yoᅅgorö kude meman,” “Yuaigöra mönö kude köpösöᅅgöman.” Mi aka jöjöpaᅅ keu tosatᅅi pakpak mi mönö keu bohonᅅi miangö nemböᅅe akze.

¹⁰Ambazip kun jöpaköm waᅅᅅizan ewö, yaᅅgöra mönö yuai bölöᅅi kun kude ak waᅅᅅiman. Miangöra urukalem aka mewö miangön mönö jöjöpaᅅ keu körek pakpak tem köla wuatangö-makzan.

¹¹Nalö kiangö könaᅅi mötzeangöra mönö ahakmeme mewöᅅi aka memba malme. Mutuk Kraist möt nariba urunini meleᅅᅅini, nalö miangörejök könahiba mala koringa Kembunöᅅ meköm neᅅᅅi Suepnöᅅ öᅅᅅöbini, miangö nalöᅅan mönö dowe ahöza. Miangöra iᅅini gaun ahözei, miangörejök imbiᅅini möta wahötmeangö nalöᅅan mönö lök kam kuᅅguza. ¹²Suᅅgem köropᅅi malinga wehön jeᅅi jililingöba koriga asarimamgö akza. Miangöra söᅅaupkö ahakmeme mi mönö tömbuluᅅaniget geiga asakᅅangö bim qeᅅingö aködamunᅅi mi mönö memba köᅅget geiga kinbin.

¹³Asakᅅangö uruᅅe malᅅinanᅅö dop mönö ahakmeme sarakᅅi aka memba malbin. Tosatᅅan közölömbuaᅅ pati ala bau numbu memba o köhöikᅅangöra eᅅololoᅅ ahakze. Sero namböᅅnamböᅅ aka laᅅ ambi yoᅅgorö öromakze. Jula deᅅda aᅅgururuk aka aᅅgöhöba urunöᅅ mututqutut möta andönöᅅ qem aᅅgumakze. Ahakmeme mewöᅅan mönö qahö dop köᅅja. ¹⁴Urusilegö sihim kömbönaᅅiᅅi bölöᅅan guliba wahötketka miengö sihimᅅini tem köᅅ engibepuköra mönö mi kude kezap ala mötmörim engimakᅅe. Mewö qahöpmö, Kembu Jisös Kraistkö ahakmemeᅅan mönö timbi saiwaᅅiᅅi aiga mi maluku ewö löᅅᅅöt aᅅguba malme. Mewö.

Alaurup lölöwöröᅅi i kude jim engiba malme.

14 ¹^hKungö mötnariᅅᅅan lölöwöröᅅi aiga i mönö köyan köla köᅅ örom waᅅᅅiba malme. Yambuk eraum möta kösawöraᅅ keugöra jitnaköᅅik kude ahakᅅe. ²Tosatᅅan mötnariᅅᅅinanᅅö dop nene pakpak ölöᅅ nemakzemö, tosatᅅi yeᅅᅅö mötnariᅅᅅinan lölöwöröᅅi aiga nene piakᅅanök

§ 13.9 Eks 20.13-15, 17; Dut 5.17-19, 21; Lew 19.18 ^h 14.1-6 Kol 2.16

nemakze. Uruņinan tölöhobapuköra uruyahöt aka sömbup tandö lopiongö naluk alalji mi sisitji memba yöha töhönök inanņik ohom nemakze. ³Nene pakpak nemakzeañön mönö alaurupņini yöhayök nemakzei, mi jijiwilit kude ak eņgimakņe. Anutunöņ alaurupņini nene pakpak nemakzei, mi mewöyök “Dop kölje,” jiba köyan köl eņgimakza. Miangöra yöhayök nemakzei, eņön mönö alaurupņini yeņgö keuņini kude jim teköme.

⁴Göņön mönö niņia aka kungö welenqeņeņi jim teköm waņgibanak? Yaņön mönö nanņi toņaņgö jeņe keuņaņgö likeņņi jiiga kewöta jim teköiga dop kölīga kinma me lömböt qakņe öņgöiga etma. Kembunöņ mönö köhöiba böņ qeba kinmapköra naņgöm waņgimakņa. Miangöra mönö ölöp böņ qeba kinma.

⁵Tosatņan silim pakpaköra mötmörigetka tandökņini öröröņ ahözemö, tosatņan silimņi silimņi kewöta silim kungö mötket öņgöiga qainņi kun aiga silim tosatņan miangö nemböņe akze. Iņini mohot mohot mönö nanņini mötmötņini qekötahöba miangöreņ uruyahöt körek yaköriba awösamakakak kinda malme. ⁶Tosatņan silimņi silimņi kewöta öņgöba eta alakzei, yeņön mi mönö Kembu qetbuņa waņgimapköra aka ahakze. Tosatņan sömbup nemakzei, yeņön mönö Anutu möpöseiba Kembunöņ mewö qetbuņaambuk akņapköra nemakze. Tosatņan sömbupkö siņgi malakzei, yeņön mönö Kembunöņ qetbuņaambuk akņapköra aka mi ahakze aka mewö mala Anutu möpöseimakze. ⁷Neņgöreņök kunņan kun mönö nanņaņgörök qahö malja aka nanņaņgörök qahö kömuma.

⁸Miangö könaņi kewö: Jebuk malbin ewö, mönö malmalnini Kembugöra köleņda malbin. Kömumbin ewö, mönö Kembugöra kömumbin. Miangöra malbin me kömumbin ewö, mönö Kembugö buņaya akzin. ⁹Kraistnöņ mönö kömugeri aka jebuk maljini, körek neņgö Kembunini aka malmapköra kömumba guliyök. ¹⁰ⁱAnutunöņ mönö körek neņguaņgita nanņi keu jakeņe al neņgiiga kinbin. Miangöra tosatņi eņön mönö niņia aka urumeleņ alaurupņini jim teköm eņgimakze? Mewöyök alaurupni tosatņi eņön mönö wuanöņgöra urumeleņ alaurupņini tosatņi mi jijiwilit ak eņgimakze? Jujuł silikņini miangön mönö qahö dop kölja. ¹¹^jMiangö keuņi mi Buņa Kimbinöņ kewö ohoget ahöza, “Kembu nöņön mal köhöizali, miangö dopkeu öł töhöņņi kewö jizal: Ambazip körek pakpak iņini mönö nöņgö jemesoholne simin köla jitņinan Anutu ni möpöseim niņgime.”

¹²Keu miangö dop nini körekņan mönö inanņök inanņök ahakmemeninangö kösohotnini mi Anutugöra jim asariinga kewöt neņgima. Mewö.

Kunöņ tötangöba et qebapuköra mötmörima.

¹³Miangöra mönö kude toroqeba jim bölim aņguba keuņini jim teköme. Urumeleņ alaurup yeņgö könanöņ tötangöba et eņgubapukö yuai kun mönö

ⁱ 14.10 2 Kor 5.10 ^j 14.11 Ais 45.23

kude alakŋe. Miangö keuŋi mönö kapaŋ köla jiba jöhöme. ¹⁴Nene yuai kunöŋ nanŋanök aŋgöjörakŋambuk qahö akzapmö, ambazipnöŋ yuaigö mötketka aŋgöjörakŋambuk akzawi, yeŋgörohök mi aŋgöjörakŋambuk akza. Nöŋön Kambu Jisösbuk kinda keu mi möta miangöra uruyahöt kun qahö akzal. ¹⁵Anutunöŋ nene pakpak amöt qem teköi sarakŋi akzemö, töndup alaurup tosatŋan dönqizizini aka sömbup qahö nemakze. Kraistnöŋ yeŋgöra aka kömuiga tosatŋi eŋön mönö wuanöŋgöra sömbup nemba mewö miaŋön yeŋgö uruŋini mem bölimakze? Mewö nanŋini imbi- imbi aketka urumelenŋ alaurupŋinan miangöra wösöbirik ahakzei, mewö mönö urukalemgö könŋi mi qahö toroqeba wuatangömakze.

¹⁶Mötmöt ölöŋŋi ahöm eŋgizapmö, miangö qakŋe ahak-memenŋinan laŋ aketka tosatŋan miangöra sirongen keu jiba jim eŋgimakze. Mewö asuhubapuköra galöm mem aŋguba malme. ¹⁷Wani neneya nembini aka wani oya nembini, miaŋön Anutu bemtohoŋaŋgö aiwesökŋi qahö akza. Yuai miaŋön mönö eretŋi akza. Yaŋgö bemtohoŋ uruŋe malmalgö ölni mi kewö: Uŋa Töröŋan inahöm neŋgiiga ahakmeme diŋdiŋi wuatangöingga luai qem neŋgiiga söŋgaiba maljin. Miaŋön mönö aiwesök muŋgemŋi akza. ¹⁸Denike yeŋön mewö aka Kraistkö welenni qemakzei, yeŋön mönö Anutugö jeŋe dop kölgetka ambazipnöŋ keuŋini mötketka dop köl eŋgimakza.

¹⁹Miangöra nini luai qem aŋguinga urumohot sehimapköra kapaŋ kölbin. Mewö miaŋön mönö urunini möhamgöba mem köhöim aŋgubin. ²⁰Anutunöŋ nene pakpak amöt qem teköi sarakŋi akze, mi mötzinmö, kunöŋ sömbup me nene kun neiga alaŋaŋgö uruŋan miangöra böliiga urukönöpŋi ahuiga ŋiŋgisön-dokpuk akzawi, miaŋön mönö qahö dop kölja. Kunŋan tosatŋi yeŋgöra qahö mötmöriba nanŋaŋgörök möta laŋ nezawi, yaŋön mönö mewöyök ŋiŋgisöndokpuk akŋa. Miangöra Anutunöŋ yeŋgö uruŋine nupŋi meyöhi, tosatŋi eŋön mönö nupŋi ölöŋŋi mi nenegöra aka kude mem bölime.

²¹Miangöra urumelenŋ alaurupŋini yeŋgöra aka sömbupkö ŋiŋgi mala wain o mi kude nemba malme. Mewö miaŋön mönö mohotŋe ölöwakŋe. Mewöyök uruŋinan yuaigöra aka böliiga ŋiŋgisöndokpuk aka löwöribawak, eŋön mi kude akŋe. Mewö mönö mohotŋe ölöwakŋe. ²²Kösawöraŋ keugö mötnariŋŋi mewö me mewö ahöm gihizawi, mi mönö Anutugö jemesoholŋe aŋgön köla malman. Kunŋan keu kungöra “Dop kölja,” jiba miangöreŋ qekötahöba möt köhöiba miangöra nanŋi qahö jim teköm aŋguzawi, yaŋön mönö simbawoŋ akza.

²³I me wai mötnariŋ qakŋe qahö kinda ahakzini, mi pakpak mönö ŋiŋgisöndok akza. Miangöra kunŋan nene kungöra uruyahöt aka töndup mi neza ewö, yaŋön mönö mewö ŋiŋgisöndok akŋa. Mötnariŋ qakŋe qahö kinda nezawaŋgöra Anutunöŋ mönö yaŋgö keuŋi jim teköi qaköba lömböt miwikŋaima. Mewö.

Mönö Kraistkö mötmötji wuatangöba malme.

15 ¹Mötnaripninan köhöikji akzawi, nejön mönö naninangörök laj sönngaiba nanini imbi-imbi malbinbuk. Tosatji yengö mötnaripninan lölöwöröni aiga tötöpinpinöni köna ongita törörök qahö wuatangömakzei, nejön i urukalem ak engiba lömbötjini bisimegö bauköm engibin. ²Nini mohot mohot mönö alaurup-ninan ölöwakneangö dop mötmöriba ak engimakin. Mewö ak engiba uruñini möhamgögetka köhököhöi miwiknaime. ³Kraistnöni mewöyök nanñangörök nanji imbi-imbi qahö sönngaiba ahökmö, Buña keu kiangö dop ak wangigetka malök, “Ambazip keu töhörej jiba gi jim gihimakzei, yengö keuñinan mönö nuñguiga sihimbölöni mörakzal.” Keu mewö ahöza.

⁴Anutunöni neñgöra sihimñi kewö mörakza: Nejön kapañ köla köhöiba kinda Buña Kimbi oyoñninga urunini nangöiga mewö miañön jörömqöröm aka malbin. Miañgöra Buña keu pakpak mönövök ohogeri, Anutunöni mönö miañgö dop kusum neñgimangö mötza. Miañgöra mi ohoget ahöza. ⁵Anutunöni mönö nanñak uruñini nangöiga ölop kapañ köla kin köhöime. Yañön mönö Uñari engiiga inahöm engiiga sutjine uru jöhöjöhö aka Kraist Jisösgö mötmötji wuatangöba malme.

⁶Mewö mala ölop urumohot qakne numbuñini mindiriba Anutu, Kembunini Jisös Kraistkö Iwiñi mi möpöseiba malme. Anutunöni enjön mewö aka malmegöra mörakza. Mewö.

Ölöwak Buñanöni kantri tosatje anda kayök.

⁷Kraistnöni inini möt angön köla köyan köni engimakzawi, miañgö dop inini mönö mewöyök köyan köni anguba malme. Anutugö qetbuñanjan sehimapköra mönö mewö aka malme. ⁸Nöñön keu ölni ki jimam: Anutunöni keuñi keuñi Juda könagesö neñgö bömönurupnini yengöra jiba jöhöyöhi, miañön ölnambuk akñapköra mörök. Miañgöra Kraist melaiiga Anutugö Buña keu ölnan köhöimapköra aka Juda neñgö sutnine eta welen qem neñgiba malök. ⁹Juda nini welen qem neñgiba malökmö, kantri tosatji neñön mewöyök yangö ak-kömukömuñi möta miañgöra Anutu möpöseiba malje. Miañgö keuñi mi Buña Kimbinöni kewö ohoget ahöza,

“Miañgöra nöñön kantri tosatji yengö sutjine mala möpöseim gihiba qetbuñagan sehimapköra liñet kölakñam.”

¹⁰^mMiañgö keuñi kun mi kewö jiba ohoget ahöza,

“Anutunöni Juda nini möwölöhöm neñgiiga könagesöni aka sönngaimakzin. Kantri tosatji inini mönö nembuk toroqeba sönngaiba köirañ ala malme.”

^k 15.3 Sum 69.9 ^l 15.9 2 Sml 22.50; Sum 18.49 ^m 15.10 Dut 32.43

¹¹ ⁿMiaᅇᅇō keuᅇi kun mi kewō,

“Kian kantrigō kambu pakpak iᅇini mōnō Kambu möpōseiba malme. Gölme dop maljei, iᅇini mōnō körek ‘Anutu saiwap!’ jiba liᅇet köla malme.”

¹² ^oKezapqetok azi Aisaia yaᅇōn mewōyök miaᅇᅇō keuᅇi kewō jii ahōza,
“Azi qetᅇi Jesi yaᅇᅇō andōjalōᅇnan mōnō sōᅇᅇi jula wahōta
ambazip gölme dop galōm köl eᅇgima.

Mewō ak eᅇgiiga jōrōmqōrōmᅇini yaᅇᅇōreᅇ ala baukōm
eᅇgimapkōra mambōta malme.”

Keu walᅇi miaᅇᅇōn mōnō nalō kewōᅇe öᅇᅇambuk ahakza.

¹³ Uᅇa Tōrōᅇᅇᅇō ösumᅇan mōnō naᅇᅇōm eᅇgiiga jōrōm-qōrōmᅇinan köhöiba pōwōwōm akᅇapᅇkōra möᅇzal. Miaᅇᅇōra jōrōmqōrōm Tonᅇi Anutu yaᅇōn mōnō luai qem eᅇgiba sōsōᅇgai pakpak miaᅇᅇōn uruᅇini kokolak qema. Mewō köulukōᅇbiga öᅇᅇ Anutu möᅇ narim waᅇᅇgiba oyaeᅇkoyaeᅇ akingō mambōta malme. Mewō.

Keu köhöikᅇi mi denōwōᅇōra ohozal?

¹⁴ O urumeleᅇ alaurupᅇi, nanak eᅇᅇōra kewō möᅇ köhöizal: Iᅇini mōnō töᅇpin qahō malᅇemō, Anutunōᅇ yuai pakpak öᅇᅇᅇi uruᅇine ali kokolak qeiga möᅇmōᅇ köᅇnaᅇi köᅇnaᅇi miwikᅇaiba miaᅇᅇōn öᅇᅇ goro qeba kusum aᅇᅇubināᅇᅇō dop akze. ¹⁵ Mewō akzemō, töᅇdup keu mi öᅇᅇ eᅇᅇubapukōra möᅇta miᅇᅇᅇō köᅇnaᅇini mi kunbuk köl gulim eᅇᅇizal. Anutunōᅇ kalem möriam niᅇᅇiiga miaᅇᅇō qakᅇe kinjalāᅇᅇōra mōnō awōsamkakak qakᅇe keu köhöikᅇi tosatᅇi ohom eᅇᅇizal.

¹⁶ Miaᅇᅇō köᅇnaᅇi kewō: Anutunōᅇ kian kantri eᅇᅇōn uruᅇini melenᅇetka Uᅇa Tōrōᅇᅇan mem sarahim eᅇᅇimapkōra mörakza. Mutuk jōwōwōl ohogetka köwakᅇan öᅇᅇᅇi Anutunōᅇ sōᅇᅇaizapma, miaᅇᅇō dop nalō kewōᅇe Anutunōᅇ ambazip gölme dop buᅇaᅇi aketka eᅇᅇeka sōᅇᅇaimamᅇōra awōweᅇᅇōmakza. Miaᅇᅇōra Öᅇᅇwak Buᅇaᅇi kantri tosatᅇi yaᅇᅇᅇō sutᅇine jim sehimamᅇᅇō jiba nupᅇi qakne aliga miaᅇᅇō dop urugō nup galōm aka Kraist Jisōsgō welenᅇi qemakzal.

¹⁷ Miaᅇᅇōra Kraist Jisōsbuk qekōᅇahōba kinda Anutugō nupᅇi membiga qetbuᅇa niᅇᅇiiga sileni memba öᅇᅇᅇōba awōsamkakak kinjal. ¹⁸ Kraistnōᅇ kantri tosatᅇi yaᅇᅇōn Anutugō jᅇᅇi tem köᅇmegōra möᅇta sölölöhōba kuᅇᅇum niᅇᅇimakzawi, miaᅇᅇōn mōnō nam köl niᅇᅇiiga keuᅇi jiba ahakmemeni ahakzal. Keu tosatᅇi laᅇ jim sehiseᅇigō awōsamkakakᅇi mi qahō ahōm niᅇᅇiza.

¹⁹ Uᅇa Tōrōᅇᅇᅇō ösumᅇan mōnō nam köl niᅇᅇiiga aᅇᅇöletot aiwesök kukōsumᅇinambuk asuhuget. Nōᅇᅇōn Jerusalem siti mosōᅇta kantriᅇi kantriᅇi lilikōba anda mala mala Yuropkō siti qetᅇi Ilirikum miaᅇᅇōreᅇ

ⁿ 15.11 Sum 117.1 ° 15.12 Ais 11.10

aŋgoral. Mewö gölme dop liliköba Kraistkö Ölöwak Buja mi jim asarim eŋgim teköyal. ²⁰Kunöŋ tandö kuŋguiga kunjan kaba nanji mirinji miaŋgö qakŋe memba mönö keuŋambuk akja. Miaŋgö dop kunöŋ Kraistkö keujan mötnaripkö tandö lök kuŋgui kinöhi, nöŋön mönö kaba yaŋgö tandö qakŋe töndangöba kinda uruŋini toroqeba möhamgöba mem köhöim eŋgimamgö tököba malal. Urugö nup mutukŋi memba miaŋön aködamuni miwikjaimamgö kapaŋ köla malal. Miaŋgöra ambazip denike yeŋön Kraistkö qetŋi qahö möta tönpin malgeri, nöŋön Ölöwak Buja yeŋgöra jim asarimamgö awöweŋgöba malal. ²¹^pMiaŋgö keuŋi Buja Kimbinöŋ kewö ohoget ahöza,

“Denike yeŋön keuŋi qahö jiget mötkeri, yeŋön mönö mala i ekje.

Denike yeŋön könaji mutuk qahö möta tönpin malgeri,
yeŋön mönö mala mi möt asarime.”

²²^qNup mewöŋan jöhöm niŋgiyöhaŋgöra mönö nalö dop eŋgöreŋ kamamgö osiba malal. Mewö.

Polnöŋ Rom anmamgö areŋi alök.

²³Mewö malalmö, liliköba urukuŋgukuŋgu nup mutukŋi memba gölme pakpak möt eŋgizini, miaŋgöreŋ mi mem teköba malal. Urugö nup mutukŋi memamamgö gölmeŋi mi nalö kewöŋe kunbuk qahö ahöza. Mewöyök inini eŋgekaŋamgö sihimŋi möta malbiga yambu (yara) gwötpuk lök teköyök. ²⁴Miaŋgöra kantri qetŋi Spein anmami, miaŋgö könaje mönö eŋgöreŋ kamamgö areŋi ala eŋgekaŋamgö jörömqröm aka kewö mötzal: Eŋgeka embuk sösoŋgai aka borom kun köisirik tatpiga bauköm niŋgigetka ölöp köna toroqeba Spein anmam.

²⁵^rMewö mötzalmö, nalö kewöŋe Jerusalem sitigö könagesö sarakŋi naŋgöm eŋgibingöra miaŋgöreŋ anmam. Miaŋgöreŋ andagun eŋgöreŋ kamam. ²⁶Masedonia aka Akaia prowins yahöt mietkö urumelen könagesö kambuŋi kambuŋi yeŋön mönö Jerusalem sitigö ambazip sarakŋi bauköm eŋgibingö keu jöhöget. Anutugö ambazip sarakŋi wanapŋi maljei, mönö yeŋgöra keu jöhöba naluk gwötpuk ketaŋi ala mindirigetka mi membagun anda eŋgimam.

²⁷^sMewö akingö uru sösoŋgai möta keu jöhöba mindimindiri naluk ketaŋi mi alget. Mewö almegö tosa ahöm eŋgiiga algetka ölna dop kölja. Anutunöŋ Juda könagesö kötuatköm nengimamgö keuŋi jii ahöiga kötumötuet miaŋön kian kantriŋi kantriŋi dop köla qakŋine öŋgöi malje. Miaŋgöra kian kantri yeŋgöreŋ tosa ahöiga likepŋi melenja kalemŋinan Juda könagesögö wanapŋi bauköm eŋgigetka dop kölja. ²⁸Nöŋön kalem mi memba anda böröŋine albi nupni miaŋön teköiga miaŋgö andöŋe eŋgömosöta kusukŋanök eŋgöreŋ kaba eŋgekagun toroqeba

^p 15.21 Ais 52.15 ^q 15.22 Rom 1.13 ^r 15.25-26 1 Kor 16.1-4 ^s 15.27 1 Kor 9.11

Spein anmam. ²⁹Engörej kamami, nalö miangörej mönö Kraistkö kötümütuətji mi körek memba kaba engimam. Mewö möt yaközal.

³⁰O urumelen alaurupni, nöjön Kembu Jisös Kraistpuk qekötahöba kinda kewö uru kuŋgum engizal: Uŋa Töröŋan jöpaköba nangömi engimakzawangö dop mönö nöngöra Anutu köuluköba malme. Aum-mörimakzali, miangörej mönö uruka-lemŋinan bauköm niŋgiba malme.

³¹Judia prowinsnöj anda ambazip Kraistköra yaŋgisej ahakzei, yeŋgö böröŋine gebilejbuköra mönö Anutugö köulukögetka sel jöhöm niŋgibawak. Mewöyök naluk kalem ketaŋi memba Jerusalem anda ambazip sarakŋi yeŋgö böröŋine albiga dop köli sihimŋi mötmegöra mönö köuluköba malme. ³²Mewö köulukö-getka Anutunöŋ sihimŋi mötza ewö, nöjön mönö sösöŋgai qakŋe engörej kaba embuk köisirik tata körö-ölöwak qem niŋgigetka malmam. ³³Luai Toŋi Anutu yaŋön mönö körek embuk kinma. Keu mi öljä.

Yaizözkök keu teteköŋi

16 ¹Alanini Fibi (Foibe) yaŋön Senkria urumelen könagesögö nup meme ambia akza. Yaŋön Rom engörej kamawi, i köyan kölmegöra mönö qesim engiba böröŋine aljal. ²Yaŋön ambazip gwötpuk aka ni mewöyök bauköm neŋgiba malök. Miangöra Anutugö ambazip sarakŋan alaurupnini köl öröm engimakzini, miangö dop Fabinöŋ kaiga i mönö Kembugö qetŋe köuluköba köl öröm waŋgime. Engörej kaba yuai kungöra osibawak, miangörej mönö bauköm waŋgime.

³Awanömyahöt Prisila aka Aqila Kraist Jisösbuk kinjahori, neŋakyahötni yetköra mönö nöngörej yaizözkökni jigetka mötmahot. ⁴Yetkö mönö nöngöra aka malmalŋiri köleŋda kömumbitkö ahot. Nöjönök qahö möpöseim etkizalmö, kantri tosatŋe urumelen könagesö kambuŋi kambuŋi yeŋön mönö mewöyök yetköra saiwap jimakze.

⁵Urumelen könagesö miriŋire tokomakzei, yeŋgöra mewöyök mönö nöngö yaizözkökni jigetka mötme. Eisia prowinsnöj nup membiga öljä mutukŋan asuhuiga Epainetus yaŋön uruŋi meleŋda Kraistkö buŋa ahöhi, wölböt alani yaŋgöra mönö nöngörej yaizözkökni jigetka mötma. ⁶Marianöŋ engöra aka nup ketaŋi memba malöhi, yaŋgöra mönö nöngörej yaizözkökni jigetka mötma. ⁷Andronikus aka Junias tinitosolomyahötni yetkö mötmutuk Kraistkörej qekötahöyohotka nöjön yetkö andöŋire uruni meleŋbiga miangö andöŋe nömbuk kösö mire malin. Aposol yeŋön yetköra mötketka sutŋine öngöŋgöŋi akzahot. Yetköra mönö nöngörej yaizözkökni jigetka mötmahot.

⁸Wölböt alani Ampliatus Kembubuk kinjawi, yaŋgöra mönö nöngörej yaizözkökni jigetka mötma. ⁹Neŋaknini Urbanus Kraistpuk kinjawi

¹ 16.3 Apo 18.2

aka wölböt alani Stakis yetköra mönö nöngörej yaizözköknj jigetka mötmahot. ¹⁰Apeles Anutunöj esapesap wanggiiga dop köli Kraistpuk qekötahöba kinjawi, yangöra mönö nöngö yaizözköknj jigetka mötma. Aristobulusbuk miri mohot maljei, yengöra mönö nöngörej yaizözköknj jigetka mötme. ¹¹Tinitosolomni Herodion yangöra mönö nöngörej yaizözköknj jigetka mötma. Narsisusbuk Kembu qekötahöba miri mohot maljei, yengöra mönö nöngörej yaizözköknj jigetka mötme.

¹²Trifina aka Trifosa ambi yahöt mietkön nup ketanji memba Kembubuk kinjatori, yetköra mönö nöngörej yaizözköknj jigetka mötmahot. Wölböt ambi alani Persis yanön Kembugöra nup keta bölökñi memba maljawi, yangöra mönö nöngörej yaizözköknj jigetka mötma. ¹³“Rufus yanön Kembugö nupñi ölop kötökñi memakzawi aka yangö namñi nalö dop ni tok nahönñi ewö köyan köl niñgiba malöhi, yetköra mönö nöngörej yaizözköknj jigetka mötmahot.

¹⁴Asinkritus, Flegon, Hermes, Patrobas, Hermas aka urumelej alaurup tosatñi yembuk maljei, yengöra mönö nöngö yaizözköknj jigetka mötme. ¹⁵Filologus, Julia, Nereus nenñambuk aka Olimp as aka ambazip sarakñi tosatñi pakpak yembuk maljei, yengöra mönö nöngörej yaizözköknj jigetka mötme.

¹⁶Urumelej alaurup sutñine mönö angum anguba nemböñini suhuba jölöñini jiba malme. Kraistkö urumelej könagesö pakpak yanön mönö yaizözköknj algetka engörej kaza. Mewö.

Qambañ keu teteköñi

¹⁷O urumelej alaurupni, nöñön uruñini kewö kuñguba jizal: Ambazip tosatñan uru mendenmenden asuhumapkö nam kölakzei, yengöra mönö je galöm mem anguba malme. Urumohotkö silik ölopñi kusum engigetka mötzemö, keu mi qetala kösawörañ keu tosatñi miañön uruñini kuñgugetka bölli qaköba erakze. Ambazip mewöñi mi mönö engömosöta tikep malme. ¹⁸Ambazip mewöñan mönö nanini Kembunini Kraistkö nupñi qahö memakzemö, nanñini sihimñinangö dop asuhumapköra tuaköpek jiba nanñini welen qem angumakze. Kelök keu ölopñi ölopñi nahömñambuk jiba ambazip geñmonñini qahö yengö uruñini kuñguba tilipköm engimakze.

¹⁹Iñini Ölöwak Buña tem köla wuatangömakzei, keu mi körek neñgö kezapnine geiga mötzin. Miañgöra nöñön engöra aka önöñi qahö söñgaimakzal. Mewö akzalmö, iñini kewö aka malmegöra mötzal: Mönö bölöñi akingö mötkutukutuñini mosötketka etma. Ölopñi akingö mötkutukutuñini mi mönö pöndañ köl guliba mem qarime. ²⁰Luai Tonji Anutu yanön mönö Satan ösumok töjöhöhöi engö bapñine eri köirañ köla söñgaiba malme.

^u 16.13 Mak 15.21

Kembunini Jisösgö kalem möriamñan mönö embuk ahöma.

²¹ *Nöngö neñakni Timoti yañön mönö yaizözkökñi ali engörej kaza. Nöngö tinitosolomurupni Lusius, Jeison aka Sosipater yañön mewöyök yaizözkökñini algetka engörej kaza.

²² Tertius nöñön Polgö keuñi möta kimbi ki ohozali, nöñön mewöyök Kembubuk kinda yaizözkökni albiga engörej kaza.

²³ *Gaiusnöñ miriñi jim teköi malbiga urumelen könagesö pakpak yañön mewöyök ki kaba tokogetka nene köisirik al neñgimawkawi, yañön mönö yaizözkökñi aliga engörej kaza. Erastus yañön siti pomñangö ofis uruñe takis moner galöm kölakzawi aka urumelen alanini Qartus yetkñi mönö yaizözkökñiri alohotka engörej kaza. ²⁴ Kembunini Jisös Kraistkö kalem möriamñan mönö embuk ahöma. Keu mi öñña.

Kembu möpöseiba kewö köulukömakzal:

²⁵ Ölöwak Buña keu öñña mi möpñangö möpñeyök mala kotketka miangörej tölapñe ahöyök. Mewö ahöiga Jisösnöñ eta indela jim asariiga möta jim sehimakzal. Buña keu miangö dop Anutunöñ mönö köhöiba mötnaripñini mem köhöiiga ölop zeñ kin köhöime. Miangöra neñön mönö Anutugö qetbuñani möpöseininga sehimakña.

²⁶ Mutuk Buña keu öññan asa-asambötñe ahöba korökmö, nalö kewöñe kezapqetok ambazip kulem ohoget ahözawangö dop mönö aukñe asuhuyök. Anutunöñ nalö dop mala kota teteköñi qahö mal öñgömawi, yañön ambazip kambuñi kambuñi neñön urunini meleda Buña keu möt nariba tem köla malbingöra mötza. Miangöra nup kewö membingö jim kutum neñgiyök, “Iñini mönö anda gölme dop liliköba Buña keu jim asariba malme.” Keu miangö dop neñön Buña keu mi ambazip kambu pakpak mötmegöra jim asariba malin.

²⁷ Anutu nanñök mötkutukutu Toñi akzawi, neñön mönö Jisös Kraistkö qetñe yangö qetbuñani möpöseininga nalö teteköñi qahö aködamunñambuk ahöm öñgöba ahöma. Keu mi öñña.

† 16.21 Apo 16.1 * 16.23 Apo 19.29; 1 Kor 1.14; 2 Tim 4.20

Korint Kimbi 1

Polnön Korint yeŋgöra Kimbi mutukŋi alök.

Jim-asa-asari

Polnön misin nup memba liliköiga indimŋi yahöt ahöi Grik siti Korint miangören anök. Korint mi Akaia prowinsgö siti bohonŋi. Miangö kösohotŋi mi (Apo 18.1-6) eka oyoŋme. Nalö miangören Korint mi siti keta bölökŋi. Bisnisŋini kōnaŋi kōnaŋi gwötpuk ala meget. Korint yeŋön tandö lopioŋ aka bem kōnaŋi kōnaŋi waikŋini memba möpöseiba malget. Mōnahotŋini kōnaŋi kōnaŋi ala söŋgaiget. Gwötpukŋan serowilin aka malget.

Kimbi ki kewögöra ohoyök: Polnön misin nup memba liliköiga indimŋi karöbüt ahöi Efesus sitinöŋ maliga tosatŋan Korintnöhök kaba sutŋine lömböt asuhuyöhi, miangö buzupŋi jigetka mörök. Lömböt tosatŋi kewö: Urumeleŋ kambu yeŋön deŋda simbisembel malget (1.10–4.21), serowilin laŋ aket (5.1-13), awanöm malmalgö kōnaŋan sohayök (Boŋ 7), tandö lopioŋgö bau nenegö goranora aket (Boŋ 8), semön töröŋi nenegö eŋololoŋ aket (11.17-34), zioz malmalgö areŋ qahö wuatangöba ilingösöŋ malget, kantri tosatŋangö keuŋi keuŋi aongit aka jiget (12-14). Tosatŋan keu kewö jiget: “Kömugeri, yeŋön kunbuk qahö wahötme.” (15.12-33) Korint yeŋön kimbi kun mewöyök ohogetka Polgören kayöhi, miangören qeqesi tosatŋi al wangiget, (mi 7.1; 8.1; 12.1; 16.1 miangören oyoŋman).

Polnön qeqesiŋini mi melenŋa lömbötŋinanöŋ qambaŋ keu eŋgiba kimbi ki ohoyök. Urukalemgö keu (Boŋ 13 mi qetpuk sorokŋi. Kōnangep nanŋak Korint anda eŋgekmanö keuŋi jiba ohoyök (16.5-7).

Buk kiaŋgö bahöŋi bohonŋi 8 mi kewö:

Jim-asa-asari keu *1.1-9*

Deŋda kambuŋi kambuŋi malget *1.10–4.21*

Serowilin aka awanöm malmal *5.1–7.40*

Urumeleŋgö aka urumeleŋgö kopa malmal *8.1–11.1*

Urumeleŋ malmal aka möpömöpöse areŋ *11.2–14.40*

Kraist aka körek neŋön kömupnöhök wahötŋin *15.1-58*

Judia urumelen kambu yengöra naluk alget 16.1-4
 Polgö arenj aka yaizözkök keunji teteköni 16.5-24

1 ¹Kraist Jisösnöj Pol ni noholiga Anutugö jitjangö dop melaimelai azi aposol akzal. Nönjön urumelen alani Sostenes yambuk tatzit.

²^aAnutugörej könagesö Korint sitinöj maljei, nönjön embuk Buja keu eraum mötpingöra kazal. Kraist Jisösnöj injini enggholiga yambuk qekötahögetka tök kutum enggiiga sarakni akze. Mewöyök ambazip denike yenjön gölme dop Kembunini Jisös Kraistkö qetji qeta köulukögetka i aka nini mohok kembu ak nengimakzawi, mönö körek engöra Buja Kimbi ki ohozit.

³Anutu Iwinini aka Kembu Jisös Kraist yetkön mönö kalem möriam engiyohotka luainöj malme. Mewö.

Polnöj Korint yengöra Anutu kewö möpöseiza:

⁴Injini Kraist Jisösbuk qekötahöba kingetka Anutunöj kalem möriamni engiyöhi, miangöra mönö nalö dop engöra Anutuni saiwap jiba möpöseimakzal. ⁵Injini Kraistpuk qekötahöba kingetka nup memegö mötmöt kalemni kelejmalelej enggiiga mötmöt könañi könañi buja qem anguba ölop Buja keugö könañi pakpak jimakze.

⁶Nini Kraistkö könañi nangöba jiinga keu miangö öljan ahuba köhöii kinjeangö dop mötmöt kalem pakpak mi engiyök. Miangöra Anutu möpöseimakzal. ⁷Miangöra nup memegö mötmöt kalem kungöra qahö osiba kinda Kembunini Jisös Kraistnöj kunbuk asuhumapköra mambörakze.

⁸Kembunini Jisös Kraistnöj mem köhöim enggiiga nalö teteköje aukje asuhumawi, nalö miangörej injini solanji aka keunji qahö kinda i ekje. ⁹Anutunöj keunji törörök wuatangöba bauköm enggimakja. Yanjön injini nanji Nahönji Jisös Kraist Kembuninambuk toroqeba malmegöra enggholök. Mewö.

Könagesöjnan denja kambunji kambunji ala kinje.

¹⁰O urumelen alaurupni, nönjön Kembunini Jisös Kraistkö qetje kewö uru kuñgum enggizal: Injini mönö körekjanök urumohot aka sutjine jujul kude aka malmemö, urujini mindirigetka mohot aiga mötmöt mohot wuatangöba malme. ¹¹O urumelen alaurupni, injini sutjine angururuk gwötpuk aka maljei, miangö buzup keunji ambi Kloegö saiwaurup tosatjan mönö jigetka möral.

¹²^bKewögöra mi jizal: Enggörejök tosatjan kewö jimakze, “Nejön Polgö keunji wuatangömakzin.” Tosatjan “Nejön Apologö keunji

^a 1.2 Apo 18.1 ^b 1.12 Apo 18.24

wuatangömakzin,” jimakze. Toroqeba tosatñan kewö jimakze, “Neñön Pitögö keuñi wuatangömakzin.” Dumñe kunbuk tosatñan kewö jimakze, “Neñön mönö Kraistkö keuñi wuatangömakzin.” ¹³Kraistnön jula gwötpuk ahök me? Pol nöñön mönö engöra aka maripomnöñ kömuyal me? Pol nöñgö qetne o melun mem engiget me? Mewö möt sohobepuk?

¹⁴“Nöñön engöreñök Gaius aka Krispus o melun mem etkialmö, tosatñi mi qahö mem engialangöra “Anutu saiwap!” jizal. ¹⁵Miangöra “Polgö qetñe o melun mem neñgiget,” kunñan keu omañi mewö jibapuk.

¹⁶“O ölna, Stefanas aka yangö saiwaurupñi mi mewöyök o melun mem engialmö, yengö andöñine kun o melun mem wangial me qahöpto, mi törörök qahö mötzal. ¹⁷Kraistnön ni ambazip o melun mem engimangöra aka qahö melaim niñgiyökmö, Ölöwak Buña jim sehimangöra jiiga anda kamakzal. Kraistnön neñgöra aka maripomnöñ kömuyöhi, nup miangö ösumñan eta omañi akapuk. Miangöra Buña keu mi gölme azigö mötkutukutu qakñe lañ qahö jimakzal. Mewö.

Kraistnön Anutugö kukösumñi aka mötmöt areñi indelök.

¹⁸Ambazip könöp siagö buñaya akñei, yeñön maripomñangö Buña keuñi möta miangöra mötket uruqahö keuya akza. Mewö akzapmö, Suepkö buñaya akzini, neñgöra keu miangön mönö Anutugö kukösumñi indeli mörakzin. ¹⁹“Miangö keuñi Buña Kimbinön kewö ohoget ahöza,

“Nöñön mötmöt ambazip mötkutukutuñini köndenbiga sohoma.

‘Möt asarim yakömakzin,’ jimakzei, yengö mötmötñini mönö mem sohobiga söörauba omañi akña.”

²⁰“Mötkutukutu ambazip ölni mi denike malje? Buk oyonja mötmötkö könañi miwikñaigeri, mi denike? Gölmenön jitnakölikö böhi aka keu meleñqeleñda jimakzei, mi mönö ölna qetpuk akze me? Gölmenön mötkutukutu ketañi ahözawi, Anutunön mönö mi mem kaheiiiga (sahahaiiga) uruqahö mötmöra akza. Keu mi ölna.

²¹Anutunön nanñi mötkutukutuñangö dop gölmenön malmalgö areñi alökmö, ambazipnöñ nanñini mötkutukutuñine nangöba mewö miangön Anutugö könañi möt kutubingö osiba tönpin malget. Osiba mala Kraistnön maripomnöñ kömuyöhi, miangöra “Uruqahö keuya!” jiba mötketmö, Anutunön Buña keu mi neñön jim sehibingöra jiyök. Mi jim asariinga denike yeñön uruñini meleñda möt narizei, mi dom-amöt qem engimangö möri dop kölök. ²²Juda yeñön aiwesök angöletot asuhumegöra kapañ kölakzemö, Grik kantri yeñön mötkutukutuñinan sehimapköra jarumakze.

²³Mi jarumakzemö, neñön Kraist maripomnöñ qeget kömuyöhangö Buña keuñi jim sehimakzin. Juda yeñön keu mi mötketka uruñini

^c 1.14 Apo 18.8; 19.29; Rom 16.23 ^d 1.16 1 Kor 16.15 ^e 1.19 Ais 29.14 ^f 1.20 Job 12.17; Ais 19.12; 33.18; 44.25

böliiga miangörej qaköba uruñini qahö melejmakze. Kian kantri yeñon miangöra mötketka uruqahö keuya akza.

²⁴Gwötpukñan mewö mötzmö, Anutunöñ neñgoholi urunini melejnini, neñgöra Kraistnöñ mönö Anutugö mötkutukutuñi indela Anutugö kukösumñi neñgimakza. Juda me kantri tosatñi akzini, mi töndup Kraistpuk qekötahöba kinda mohot akzin.

²⁵Ambazip neñgö mötkutukutunini aka ösumnini mi eretñi. Anutunöñ uruqahö akawak, miañon mönö töndup ambazip mötkutukutunini oñgita öngöñgöñi ketañi akawak. Anutunöñ lölöwöröñi akawak, miañon mönö töndup ambazip ösumnini oñgita köhöikñi kötökñi akawak.

²⁶Urumeleñ alaurupni, nanñini könañini denöwö ahöiga Anutunöñ eñgoholöhi, mi mötmöriget? Inini gwötpukñan gölmegö mötkutukutu ketañi qahö memba malget. Gwötpukñan kukösum qakñe sukinapñinambuk qahö malget. Iwiurupñini gwötpukñan qetbuñañinambuk qahö malget. ²⁷Mewö qahöpmö, gölme ambazipnöñ eñgöra mötketka uruqahö ambazip omanñi akzei, Anutunöñ mönö inini mewöñi möwölöhöm eñgiyök. Gölmegö mötmöt ambazip ipñi mi gamu qem eñgiyök. Gölme ambazipnöñ eñgöra mötketka lölöwöröñi akzei, Anutunöñ mönö inini mewöñi möwölöhöm eñgiyök. Gölmegö kukösum ambazip ipñi mi gamu qem eñgiyök.

²⁸Gölme ambazipnöñ jijiwilit ak eñgiba könañinangöra mötketka etqeqeñi akzei, Anutunöñ mönö inini mewöñi möwölöhöm eñgiyök. Gölmenöñ yuai akzei, yeñgö qetbuñañini mem solanii qahöwakñapköra yuai kun qahö akzei, mönö mi möwölöhöm eñgiyök.

²⁹Kunöñ Anutugö jemesoholñe sileñi memba öngöbapuköra mönö mewö meköba möwölöhöm eñgiyök. ³⁰Anutunöñ nam köl eñgiba eñguañgiriga Kraist Jisösbuk qekötahöba mal köhöimakze. Yañon Anutugö mötkutukutuñi qainñi kun indeli mörakzin. Kraistnöñ sohpnini memba keunini jim teköi solaniba maljin aka tök kutum neñgiiga sarakñi akzin. ³¹“Buñ Kimbinöñ keu kewö ohoget ahöza, “Kunñan sileñi memba öngömawi, yañon mönö Kembu möt wañgizawañgöra aka sileñi mem öngöma.” Keu miangö dop ahinga dop kölma. Mewö.

Kraist maripomnöñ kömuyöhangö keuñi jial.

2 ¹Urumeleñ alaurupni, nöñon eñgörej kaba Anutugö könañi nangöba jim asarim eñgiali, mi keuni nahöm sorokñambuk akñapköra qahö jiba malal me gölmegö mötkutukutu öngöñgöñi kondela miañon sileni qahö memba öngöba malal. ²Nöñon eñgö sutñine mötmöt murutñi pakpak görañe ala Jisös Kraistkö keuñi aka maripomnöñ kömuyöhangö könañi miyök möt kutuba mi jim sehimamgö keu jöhöyal.

§ 1.31 Jer 9.24

³Keu mewö jöhöba engören kayali, nalö miangören azi lölöwöröñi aka jönömni gwötpuk undui kengöt qakne malal. ⁴Nöñön Buja keu jim asarim engiali, mi mötkutukutu ketanangö kelök keunji qahö jiba malal. Mi qahöpmö, Uña Töröñan sölölohöm engii ösum-mumuñan uruñine inahömapköra kapañ köla jiba malal. ⁵Gölme ambazipkö mötkutukutuñinan qahöpmö, Anutugö kukösumñan nam köl engiiga möt narimegöra kapañ köla malal. Mewö.

Uña Töröñangö mötkutukutu mi qainji kun.

⁶Nöñön töndup urumeleñ alaurup aködamunñinambuk maljei, yengö sutñine tatpiga Anutugö mötkutukutuñi gegeñi mi ölop eraum mörakzin. Gölmeğö mötkutukutuñi mi qahö eraum mörakzin. Gölmeñi gölmeñi galöm köl engiba malgetka kukösumñinan qahöwakñawi, yengö mötkutukutuñini mi mewöyök qahö eraum mörakzin.

⁷Mi qahöpmö, Anutugö mötkutukutu tölapñi mönö mi eraum mörakzin. Anutunöñ Suep gölme qahö miwikñaim etkiiga miangören mönöwök qeljiñe lök areñi kewö ala jöhöyök, “Ambazipnöñ bian ahuba aködamun miwikñaiya oyaengkoyaen akñegöra mönö mötkutukutuni qainji kun mi engimam.” Mewö jiba tölapñe ali ahöyök. ⁸Gölmeğö azi kembuñi kembuñi mala kotkeri, yengörenök kunñan mönö mötkutukutu mi qahö möt kutuyök. Mi möt kutubeak ewö, Kembunini asakmararañambuk i mönö maripomnöñ qahö qegetka kömumbawak. ⁹Mötkutukutu qainji kun miangöra keu kewö ohoget ahöza,

“Kunñan yuai mi je kezapñan qahö eka mörök. Miangö mötmötñan kungö uruñe qahö asuhui mörökmö, ambazip Anutu uruñinan jöpaköm wañgimakzei, yengöra mi mönö mözözömgöiga jöjöröba ahöza.”

¹⁰Gölme ambazip yuai mi qahö möta jipjap malgetmö, Anutunöñ mi mönö Uñañi melaiiga neñgöra indeli mörin. Yañön keu pakpakö könañi jaruba miwikñaimakza. Anutugö mötmöt gegeñi mewöyök möt teközawañön mönö mi sölölohöm neñgiiga mörin.

¹¹Kungö uruñi kunöñ qahö mötza. Uruñangö uñañi yañönök mönö mi möt yaköza. Mewöñanök Anutugö uruñi mi kunñan qahö mötzapmö, Anutu nanñi Uñañi Töröñi yañönök mi möt yaköza. ¹²Neñön gölmeğö ahakmeme bölöñangö ömeñi kun qahö buja qem añguinmö, Anutunöñ yuai kalem neñgiyöhi, miangö könañi mötpingöra mönö nanñi Uñañi melaii urunine geiga maljin.

¹³Miangö könañi gegeñi tokoba eraum mörakzin. Gölme ambazipnöñ mötkutukutuñinangö qakne keu kusum neñgigetka miangö dop mi qahö eraum mörakzin. Mewö qahöpmö, Uña Töröñan keu kusum neñgiyöhi,

^h 2.3 Apo 18.9 ⁱ 2.9 Ais 64.4

miaṅgö dop mönö urugö keu ölni kewöringa sölölohöm neṅgii jim asarimakzin. ¹⁴Uṅa Töröṅan sölölohöm neṅgiiga keu mi mewö kewötzin ewö, könaṅi mönö miwikṅaiba möt asaribinaṅgö dop akza. Miaṅgöra Uṅa Töröṅan denike yeṅgö uruṅine qahö mali öne laṅ maljei, yeṅön Anutu Uṅaṅaṅgö buṅaṅi mi möt aṅgön kölbinaṅgö osimakze. Yeṅön Buṅa miaṅgöra mötketka uruqahö keu tandök aiga könaṅi möt asaribinaṅgö osize.

¹⁵Yeṅön osizemö, Uṅa Töröṅan sölölohöm neṅgiza ewö, mönö keu pakpakö könaṅi kewöta jim teköbinaṅgö dop akzin. Mewö akzinmö, urumeleṅ ambazip kungö könaṅamṅi mi gölme ambazip körekṅan törörök jim teköbinaṅgö osimakze. ¹⁶Miaṅgö könaṅi mi Buṅa Kimbinöṅ kewö ohoget ahöza,

“Kembugö urumötmötṅi mi azi kunṅan kun qahö mörök.

Miaṅgöra kunṅan i goro qambaṅ waṅgimawaṅgö dop qahö.”

Kunṅan mi qahö mörökmö, neṅön Kraistkö urumötmötṅi memba maljin. Mewö.

Anutugö nup meme ambazip

3 ¹O urumeleṅ alaurupni, iṅini namande ewö Kraistpuk qekötahöba kinget. Miaṅgöra nöṅön iṅini gölmeṅö ahakmeme mötöteimakzeṅgö tandök malgetka Buṅa keu mi jim asarim eṅgiba sutṅine malal. Uṅa Töröṅan sölölohöm eṅgii maljeṅgö tandök ewö eṅgöra jimamṅö osiba malal. ²Nöṅön keu möt asarimeṅgö dop juzu oṅi ewö gumohom eṅgiba malal. Nene ölni nembinaṅgö dop qahö akerṅgöra keu gegenṅi mi qahö eṅgial. Nalö miaṅgöreṅ nene ölni nembinaṅgö osiget aka nalö kewöṅe mewöyök mi ölop qahö nemakze.

³Iṅini toroqeba gölmeṅö ahakmeme bölöṅi mötöteiba malje. Iṅini urunöṅ mututqutut möta aṅgururuk aka keu jijinöṅ nongitnöṅ gongitpi ahakze. Mewö aketka uru sileṅö sihim kömbönaṅini bölöṅan galöm köl eṅgiiga urumeleṅgö kopa ambazip omaṅi yeṅgö tandök ahakze. ⁴Tosatṅan iṅini kewö jimakze, “Nini Polgö keuṅi wuatṅgömakzin.” Tosatṅan kewö jimakze, “Nini Apolosgö keuṅi wuatṅgömakzin.” Mewö mewö jiba mönö gölme ambazip omaṅan ahakzeṅgö tandök aka malje.

⁵Apolosnöṅ niṅia akza aka Pol nöṅön niṅia akzal? Niri mönö Anutugö nuwa memba maljit. Kembunöṅ nanṅik nanṅik netköra nup netkiyöhi, miaṅgö dop bauköm eṅgiziga uruṅini melaṅda Kembu möt nariba malje.

⁶Nöṅön köṅṅi kömötpiga Apolosnöṅ o memba kaba miaṅgöreṅ mokoyökmö, Anutunöṅ mönö meiga töhötmöriam asuhuyök. ⁷Miaṅgöra kömörohöi, yaṅön qetṅambuk qahö akza. O mokoyöhi, yaṅön mewöyök qetṅambuk qahö akzapmö, Anutunöṅ kötuetaṅköiga töhötmöriamṅi kota

^j 2.16 Ais 40.13 ^k 3.2 Hib 5.12-13 ^l 3.4 1 Kor 1.12 ^m 3.6 Apo 18.4–11.24-28

qarimakzei, yañönök mönö qetbuñañambuk akza. ⁸Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakzirangö dop nanñök nanñök membit.

⁹Netkön Anutugö nup nejakyahötñi aka yambuk nup memakzit. Engö uruñini mi Anutugö arö ewö aiga kölkömöt nupñi miañgöreñ memakza. Anutunöñ miri ewö uruñini inahöba mindirim enjiiga köhöiba wahörakze. ¹⁰Anutunöñ kalem möriam niñgiyöhi, nöñön miañgö dop miri memegö mötmöt azi ewö aka Anutugö tandö kömböñañi uruñine kuñguba kömötpiga kunöñ miañgö qakñe miri memakza. Ölop memakzapmö, mohot mohot neñön mirigö nupñi ölopñanök membinangö dop akzin. Ek kutuba memingöra mönö je galöm mem angubin. ¹¹Urugö tandöñi mi Jisös Kraist. Nöñön mi lök uruñine kömötpiga kunñan mötnaripkö tandö kun miwikñaimamgö osima.

¹²Tandö mohot akzapmö, miañgö qakñe tosatñan miriñini goul silwönöñ me köt ölninambuk tosatñi miañön memakze. Tosatñan miriñini ip kösönöñ, tömbö bohom sinñan me señgwenöñ memakze. Siliknini mewö me mewö memakzin ewö, ¹³urugö nupñinangö ölnan mönö inanñök inanñök aukñe asuhuma. Kembunöñ nalöñan kam kuñguiga miañgöreñ mönö mirigö esuñi luluñma. Miri esuninan mönö Anutugö könöp bölamñan asuhuiga jeba eriga ölnan aukñe ekingö dop akña. Könöp miañön mönö mohot mohot neñgö mirininañgö tandökñi ölni mi esapesapnöñ ala kewötma.

¹⁴Könöpnöñ jeba miri pakpak kewöt enjiiga megetka ölninan köhöiba kinme ewö, yeñön mönö nupñinangö töwañi buña qem angume. ¹⁵Tosatñan miriñini megetka ölninan jeba etme ewö, yeñön mönö töwa qahöpmö, geñmororöñ miwikñaima. Mi miwikñaimemö, nanñinak töndup Suepkö buñaya malme. Könöp bölamnöñ jem engohoiga miañgö tandök oñgitpingö jaram tiba kök alal ewö aketka Anutunöñ meköm enjiiga Suepnöñ öngöme.

¹⁶ⁿNanñinak Anutugö Buña jike (tempöl) aketka Anutugö Uñañan uruñine maljawi, mi mötze me qahö? ¹⁷Anutugö Buña jikenji mi kömbukñi akzawi, miañgö dop enñön sarakñi akze. Miañgöra kunñan Anutugö jike mem bölizawa ewö, Anutunöñ mönö i nanñi mem bölim wangima.

¹⁸Kunñan nanñi gölmegö mötmötñi wuatangöba tilipköm angubapuk. Engö sutñine kunñan nanñangöra möri “Gölmegö mötkutukutu öngöñgöñi memba maljal,” jiza ewö, yañön mönö mutuk uruqahö aka mewö miañön mötkutukutu ölni miwikñaiabawak.

ⁿ 3.16 1 Kor 6.19; 2 Kor 6.16

¹⁹°Anutunöŋ gölmeŋö mötkutukutu öngöŋgöŋi miangöra möri uruqahö keuya akza. Miangö keuŋi Buŋa Kimbinöŋ kewö ohoget ahöza, “Anutunöŋ mötkutukutu öngöŋgöŋi memba maljei, mi gwaröhöm enŋiiga nanŋini mötmöt imbi-imbinöŋ supapköba qaköme.” ²⁰°Miangö keuŋi kun kewö ahöza, “Kembunöŋ mötkutukutu ambazip yeŋgö mötmöt areŋinaŋgöra möri omaŋi akza.” ²¹°Miangöra enŋöreŋök kunŋan mönö ambazip neŋgöra aka sileŋi memba wahötpapuk. Körek neŋön mönö enŋö buŋaya akzin.

²²°Pol, Apolos, Pitö^q neŋön mönö enŋö buŋaya akzin. Ambazip gölme dop maljini, neŋön mönö körek enŋö buŋaya akzin. Miangöra ölop keu mi me mi kewöta memba mewö miangön malmalŋini malme aka kömupŋini kömume. Nalö kewöŋe maljini, körek neŋön mönö enŋö buŋaya akzin aka könaŋgep nup meme ambazip malmei, yeŋön mönö mewöyök enŋö buŋaya akŋe. ²³°Mewö ak enŋizimö, eŋön Kraistkö buŋaya aketka Kraistnöŋ Anutugö buŋaŋi akza. Mewö.

Nini Kraistkö aposolurupŋi akzin.

4 ¹°Miangöra ambazip körekŋan mönö neŋgöra kewö mötketka dop kölma: Kraistnöŋ jim kutum neŋgiiga nupŋi memakzin. Anutunöŋ keuŋi tölapŋi neŋgiiga buŋanini aiga galöm kölakzin. Neŋön miri galömnangö tandök ewö akzin. ²°Galöm yeŋgö toŋinan miri yuaiŋi galöm kölmegöra böröŋine aljawi, yaŋön mönö keu bohonŋi kewö kapaŋ köla jim kutum enŋimakza, “Nupŋini mönö misila pöndaŋ memba malme. Memburik-qemburik kude akŋe. Mewö miwikŋaim enŋigiba dop kölma.” ³°Korint eŋön me gölmeŋö keu jake kungö galömŋan ni kewöta jim teköm niŋgibeak ewö, nöŋön mönö keu miangöra mötŋi eretŋi kötökŋi akza. Nanak mewöyök nani keuni qahö jim teközal. ⁴°Uruni kewöta keu kun qahö mötŋiga mem lömbörim niŋgizapmö, miangöra töndup solanŋi qahö akzal. Ambazipnöŋ qahöpmö, Kembunöŋ mönö nöŋgö keuni kewöta jim teköm niŋgimakza.

⁵°Miangöra iŋini mönö nalö kewöŋe kungö keuŋi kun mi kude jim teköme. Kembunöŋ nalöŋi ali kam kuŋgumapköra mönö mambötme. Mamböta malgetka miangöreŋ kaba keu yuai ömukŋe asambötket ahözawi, mi mönö asakŋan indeliga aukŋe asuhuma. Yaŋön kaba ambazip urunini mem asariiga könaŋamnini ölnan aukŋe ekŋamgö dop akŋa. Könaŋamnini ölni eka mohot mohot kewöt neŋgiiga Anutunöŋ mönö miangö dop nalö miangöreŋ möpöseim neŋgibawak.

⁶°O urumeleŋ alaurupni, iŋini jula jakbak-öraŋböraŋ aka laŋ likeplikep aröŋda kinda qetal aŋgumakze. Mewö malbepüköra mönö Apolos niri mötmörim netkiba nanŋini imbi-imbi mosöta keu kianŋö könaŋi mötme,

° 3.19 Job 5.13 ° 3.20 Sum 94.11 ° 3.22 Pitö qetŋi alaŋi Sifas

“Buja keu ohoget ahözawi, mi mönö kude oŋgitme.” Keu mi mötket uruŋine ahöi tem kölgetka ölöwakjegöra mönö kösohotniri mewö ohozal. Mi nani aka Apolos netkö könaŋamniri kewöta mötmöriba möt asarimegöra ohozal. Jujulŋinan mewö teköma.

⁷Gölmegö kunŋan mönö qahö mem letot gihiiga tosatŋi engoŋgita qainŋi kun akanak me qahö? Mi qahö. Yuai pakpak ahöm gihiizawi, mi mönö Anutunöŋ kalem gihiiga buja qem aŋgunöŋ me qahö? Mi kalema buja qem aŋgunöŋ ewö, mönö wuanöŋgöra kalem qahöpkö tandök ewö silegi memba öŋgömakzan? Mi qahö dop kölja.

⁸Yuai pakpak memba malbingö sihimŋi mötzei, mi mönö lök ahöm eŋgim teköza. Anutunöŋ Suep köweŋeyök kalemŋi kalemŋi mokom eŋgiiga lök simbawoŋ akze. Neŋön qahö bauköm eŋgiinga nanŋinak töndup mötnaripkö azi kembu tandök akze. Nanŋinaŋgöra mewö mötmörim aŋguze. O eŋön ölna kiŋ aketka dop kölbawak. Mewö aketka neŋön mönö mewöyök azi kembu-urupŋini aka engö qöhöröŋine ölop silenini memba öŋgöba aiweliköm aŋgubinak. Nöŋön mewö akingö sihimŋi mötzal.

⁹Nöŋön mewö mötzalmö, nanini könaŋamnini eki tandök kewö akza: Anutunöŋ aposol nini al neŋgiiga ambazip jeŋine etqeŋeŋi töhön aka maljin. Ambazip eŋguget kömumegö jim tekögeraŋgö tandök aukŋe anda kainga laŋ qeta gamu qem neŋgimakze. Yuai ehekŋi qainŋi kun ahinga gölme dop miengö toŋi aka Suep jakeŋi jakeŋi miengö pom garataŋi miengön mönö jeŋinan neŋgek kutuba neŋgehimakze.

¹⁰Kraistköra aka uruni sohoi maljali, nöŋgöra mewö jimakzemö, eŋön Kraistpuk kinda mötmöt ambazip aködamunŋinambuk akzeaŋgö tandök akze. Nöŋön lölöwöröŋi akzalmö, eŋön “Ambazip köhöikŋi akzin,” jize. Ambazipnöŋ iŋini göda qem eŋgimakzemö, nöŋgöra mötket eriga jijiwilit ak niŋgimakze. ¹¹Nalö dölkewöŋe mewöyök nenegö kömumba ogöra ak neŋgiiga opo walŋi jujuratŋi löŋgöta malinga bimmöŋ laŋ neŋgugetka dum mirinini qahö mala toroqeba anda kamakzin.

¹²Nanini börönanan sileqeŋe tandök nup memakzin. Ambazipnöŋ laŋ qesuahöm neŋgimakzemö, neŋön mönö kötuatköm eŋgiba yeŋgöra köulukömakzin. Sesewerowero ak neŋgimakzemö, neŋön mönö mi möta mökösoŋda kapaŋ köla maljin. ¹³Uruqeŋe keu töhöreŋ jim neŋgimakzemö, neŋön mönö guŋböŋjönjön qakŋe ösoŋnöŋ meleŋmakzin. Neŋön gölmegö nesak lömŋaŋgö tandök ewö ahinga gölmeŋi gölmeŋi yeŋön sisitnini memba andö qem neŋgimakze. Mewö mala kota nalö dölkewöŋe mewö toroqeba maljin.

¹⁴Gamu qem eŋgimamgöra keu ki qahö ohozalmö, wölböt nahön böraturupni ewö mönö goro qambaŋ eŋgimamgö mötzal. ¹⁵Mötnaripkö

^r 4.12 Apo 18.3

böhi 10.000 yeñon Kraistpuk qekõtahöba köyan köla kusum engibeak ewö, mi töndup nöñon mönö Kraist Jisösbuk qekõtahöba Ölöwak Buja jim asariba iwiñini akiga uruñini meleşet. Mianğöra iwiurupuñini gwötpuk qahö malje.

¹⁶ Mianğöra uruñini kewö kuñgum engizal: Nöñon silik ahakzali, mianğö dop eñon mönö nöñgö silikni mi wuatangöba malme. ¹⁷ Nöñon silikni Kraist Jisösbuk qekõtahöba aka memba gölmenji gölmenji liliköba urumeleñ könagesö dop kusum engimakzali, mianğöra mönö ölum engubapuk. Nöñon mianğöra aka wölböt nahöni Timoti melaibiga engöreñ kama. Yañon nömbuk pöndañ mala Kembubuk qekõtahöba kinda kaba könañamni jiba köl gulim engima.

¹⁸ Engöreñök tosatñan nöñon engöreñ qahö kabileñak ewö möta sileñini möpöseiba jakbak-örañbörañ aka lañ malje. ¹⁹ Mewö maljemö, Kembunöñ sihimñan ni kamangö mötma ewö, mönö ösumök engöreñ kamam. Kamami, nalö mianğöreñ jakbak-örañbörañ ambazip yengö kukösumñanğöra qesim engibiga jim miwikñagetka mötmam. Sileñini memba wahöta keu ketañi ketañi lañ jimakzei, mianğon nöñgöreñ eretñi akza. ²⁰ Anutugö bemtohoñ mi keuyök jijigö yuaia qahöpmö, ölni mi Anutugö kukösum. Mianğon mönö nam köl neñgiza.

²¹ Mianğöra uruñini qahö meleşda lañ malme ewö, nöñon mönö kömbin memba kaba keunöñ engohotirimam. Uruñini meleşme ewö, mönö urubönjön qakñe urukalem ak engimamğöra kamam? Keu yahöta mi kewöta nöñgöra sihimñini denöwö mötzei, mi möt kewöta jime. Mewö.

Kunöñ serowilin ahöhi, i mönö sutñineyök közölme.

5 ¹ Keu kun kewö jigetka nöñgö kezapne geyök: Tosatñan urumeleñ könagesö sutñine serowilin ahakze. Kunñan iwiñangö anömñi memba malja. Serowilin mewöñi mi urumeleñgö kopa ambazip yengö sutñine mewöyök kun qahö ahöza. ² Kunñan mewö aiga iñini töndup sileñini memba öngöba lañ jakbak-örañbörañ ahakze. Mi qahö dop köljamö, silikñangö wösöbiriknön mönö mem kömum enğiiga dop kölbawak. Mewö aka ölop azi siñgisöndok mewö ahöhi, i mönö sutñineyök közölgetka yaigep etma. I denöwö aka qahö közöljeje?

³ Nöñon ölna engöreñök köröwen malbi sileni qahö nehakzemö, töndup uñanan mönö embuk maljal. Kunñan ahakmeme kanjamñambuk ahöhi, nöñon lök yañgö keuñi kewöta sutñine maljalangö tandök möta jim teköba kewö jizal: ⁴ Iñini mönö Kembunini Jisösgö qetñe totoko algetka nöñgö uñanan embuk toroqeiga Kembunini Jisösgö kukösumñan nam köl enğiiga örörön kinda keuñi jiba mönö kewö jöhöme: ⁵ Satanöñ sileñangö sihim kömbönañi bölöñi

^s 4.16 1 Kor 11.1; Fil 3.17 ^t 5.1 Dut 22.30

qei etmapköra mönö andö qem wanğiba yanğö böröñe algetka mindiñgöm wanğima. Mindingöm wanğiiga löwöriba uruñi meleñni Anutunöñ amöt qem wanğiba Kembuğö nalöñe urañi meköiga Suepkö buñaya akawak.

6 "Sileñini memba öñgömakzei, mi ölöññi qahö. İñini keu yahöt ki möt yaköze, "Yist kitipñi moröñi obuk mindiriba plauanöñ alinga mem qariiga dis kokolak qemakza. Mewöyök bau wösö kömbukñan tiñgirakzawi, mianñon mönö busu pakpak mem bölimakza."

7 "Keu mianğö dop iñini lök plaua dis sarakñi ewö aketmö, siñgisöndokö yistñi kun mi ket ewö sutñine kanğota eñgöhömakza. Körek bölibepuköra mönö yistñini walñi mi kewöt uteköme. Azi mi wösö kömbuk ewö közöla mönö dumñe kunbuk yambu jeñiqeqe dölökñanğö plaua dis sarakñi ewö aka malme. Ak-kömukömu kendon nalöñe lama jöwöwöl ohoba beret yistñi qahö nemakzei, mianğö dop Kraistnöñ nanine ak-kömukömu lamanini aiga lök qeget kömuyök. Mianğöra iñini ölöp plaua dis sarakñi yistñi qahö ewö akñe aka kunbuk oyaenkyoaen uruñe kanğota malme.

8 "Kraist kömuyöhanğöra mönö sösöñgai kendon aka malbin. Yist me wösö kömbukñi mi ahakmeme bölöñi iñgoñmanğonambuk. Mianğö qakñe mönö sösöñgai kendon kude akin. Mianğöra mönö geñmoñ mosöta keu öññi wuatañgöba beret yistñi qahö ewö aka mianğö qakñe sösöñgai kendon aka malbin.

9 Nöñon Buña Kimbi ohom eñgiba kewö jial: İñini serowilin ahakzei, yembuk mönö kude köisirik tata eraum mötme. 10 Gölmenöñ uruñini qahö meleñda ahakmeme bölöñi ahakzei, yeñğöra keu mi qahö ohoyal. Yeñon serowilin aka yuaigö nepaqepalok membagan memingö köpösöñgömakze. Yuai kalöpköba yoñgorö memakze aka tandö lopioñ waikñini memba möpöseim eñgimakze. Yeñğöra aka mewö ohom eñgibileñak ewö, iñini mönö gölmenöñ malbingö osibeak.

11 Yeñğöra aka qahöpmö, könañi kewögöra keu mi ohom eñgial: Kunñan nanñi qetñi urumeleñ ala jiba töndup serowilin akza me yuaigö nepaqepalok membagan memangö kösösöñgömakza me tandö lopioñ waikñi memba möpöseimakzawi, yambuk mönö kude köisirik tata eraum mötme. Mötnarip kambu eñgö sutñine kunñan mepaqepaik ahakza me o köhöikñi nempa eñololoñ ahakza me yuai kalöpköba yoñgorö memakza ewö, yambuk tata nene kun kude neme.

12 Yaigep maljei, nöñon yeñgö keuñini qahö jim tekömakzal. Mi nöñgöreñ nuwa qahö. İñini mewöyök könagesö pakpakö keuñini qahöpmö, uruñini meleñda sel uruñe maljei, mönö yeñgö keuñini miyök kewöta jim tekömakze. 13 "Yaigep lañ maljei, Anutunöñ mönö yeñgö keuñini kewöta jim teköma. Mianğöra mönö Buña keu kianğö dop akñe, "Azi bölöñi mi mönö sutñineyök közölme." Mewö.

u 5.6 Gal 5.9 v 5.7 Eks 12.5 w 5.8 Eks 13.7; Dut 16.3 x 5.13 Dut 13.5; 17.7

Urumeleŋ alaŋini mi yaigep yeŋgö keu jakeŋe kude alme.

6 ¹Urumeleŋ ambazip sutjine kunŋan alaŋi keu jakeŋe almamgö mötza ewö, yaŋön Anutugö ambazip sarakŋi engongita ambazip goŋgoŋi yeŋgö jeŋine aniga qahö dop kölja. Qahö! Urumeleŋgö kopa ambazip bauköm waŋgimegöra qesim enŋiiga gamuŋambuk akza.

²Anutugö ambazip sarakŋi neŋön kantriŋi kantriŋi yeŋgö keuŋini kewöta jim teköbini, mi lök mötze. Iŋini gölme pakpak yeŋgö keuŋini jim teköbingö dop akze ewö, mönö denöwö aka keu morömorö kewöta jim tekömeaŋgö dop qahö akze? Iŋini mönö ölna miaŋgö dop akze.

³Urumeleŋ ambazip neŋön Sup garataurup yeŋgö keuŋini kewöta jim teköbini, mi lök mötze. Miaŋgö dop akzin ewö, gölmenöŋ malmalgö keuŋi mi mönö amqeba kewöta ölop jim tekömakin.

⁴Miaŋgöra gölmenöŋ malmalgö keuŋi sutjine asuhumakzawi, keuŋini mi mönö wuanöŋgöra silene yeŋgö keu jakeŋe öŋgöba jim tekömegö qesim enŋimakze? Urumeleŋgö kopa ambazip sutjine jijiwilit ak enŋimakzei, yeŋgöra töndup keu nalöŋe mötketka öŋgömakza. Mi qahö dop kölja.

⁵Keu mi gamu qem enŋimamgöra jizal. Mötnarip ambazip enŋö sutjine keu ahözawi, enŋöreŋök kungö mötkutukutuŋi dop kölga keu mi ölop jim tekömawaŋgö dop akza me qahö? Mönö ölop sutjineyök azi mewöŋi miwikŋaime. ⁶Qahö tandök aiga urumeleŋ ala kunöŋ alaŋi silene yeŋgö keu jakeŋe alakza. Mewö ala ambazip Anutu qahö möt narizei, mönö yeŋgö jeŋine anda keu nupköra qesim enŋimakza. Mi qahö dop kölja.

⁷Sutjine keu jakeŋe al aŋgumakzei, mewö miaŋön mönö nanŋini eta enŋuiga Kraistkö qetbuŋaŋan lök eretŋi aiga malje. Ambazipnöŋ ak bölim enŋigetka uruŋini miaŋgöra wahöri keunöŋ al enŋigetka Anutugö jeŋe qahö dop kölja. Tilipqilip aka yuaŋini öroba megetka iŋini likepŋi qahö melen enŋigetka mewö miaŋön Kraistkö könaŋan mönö aködamuŋambuk akŋa.

⁸Iŋini Kraistkö qetŋi kewö mem bölimakze: Mönö nanŋinak tilipqilip aka ambazip ak bölim enŋiba yuaŋini öroba memakze. Urumeleŋ alaurupŋini yeŋgöra mewöyök mewö ak enŋimakze.

⁹Irimqirim ambazip yeŋön mönö Anutu bemtohoŋaŋgö uruŋe öŋgöba dum qahö meme. Mi mötze. Ahakmemenjanan mönö tilipköm aŋguba jaŋjuŋ akepuk. Tosatŋan serowilin aka tandö lopioŋ waikŋini memba möpöseimakze. Tosatŋan awanöm malmal oŋgita qesabulum ahakze. Tosatŋan monenŋöra laŋ amimba malje aka azi nanŋirök ambi nanŋirök amimba malje. Mewöŋi mienöŋ mönö Anutu bemtohoŋaŋgö buŋaŋi qahö akŋe.

¹⁰Tosatŋan yoŋgorö memba yuaigö nepaqepalok membagun membängö köpösöŋgömakze. Tosatŋan o köhöikŋi memba enjololoŋ aka

lan mepaqepaik ahakze. Tosatjan yuai kalöpköba yongorö memakze. Ambazip mewöñan mönö Anutugö bemtohoñi buña qahö qem angume. ¹¹Engöreñök tosatjan mutuk mewö aka malgetmö, könangep Kembunini Jisös Kraist buña qem angugetka sepñan sanğonda tök kutum engiba yanggö qetñe sarakñi aket. Mem solanim engiiga Anutuninağgö Uñañan mönö inahöm engiiga dıngiba malje. Mewö.

Sileñinan Anutugö jike kömbukñi akza.

¹²Nöñön yuai pakpak ölop memamağgö dop akzalmö, yuai pakpaknöñ mönö qahö mem ölowak niñgiza. Yuai pakpak ölop memamağgö dop akzalmö, yuai kunöñ kembu ak niñgibapuköra mönö galöm mem angumakzal. ¹³“Nene mi neneñök. Mi kömoñgokninağgöra aka ahöza. Kömoñgoknini mi nene nein gemapköra aka ahöza.” Kunöñ mewö jibawakmö, Anutunöñ mönö nene aka kömoñgok mi mohotñe jim teköi qahöwakñahot. Silenini mi serowilin akingöra qahöpmö, Kembugö nupñi membıngöra aka ahöza. Mewö ahöiga nanñak silenini ölowakñapköra nene yuai neñgimakza. ¹⁴Anutunöñ nanñi kukösumñan Kembu mem gullii kömupnöhök wahöröhi, yañön mönö nini mewöyök mem gulim neñgii wahötpin.

¹⁵Engö sileñinan Kraistpuk toroqeba sileñağgö kitipñi akzei, mi mötze me qahö? Miangöra nöñön Kraist sileñağgö kitipñi kun memba köna ketañi ambibuk qekötahömam me qahö? Mi qahöpmahöp! Mönö yapmakek! ¹⁶“Anutunöñ keuñi kewö jii ahöza, “Yetkön mönö sile mohot akñahot.” Miangöra kunñan köna ketañi ambibuk qekötahözawi, yañön mönö yambuk sile mohot akñahot. Mi mötze me qahö? ¹⁷Mohot akñahotmö, kunñan Kembubuk qekötahözawi, yanggö uñañan mönö Kembugö Uñañambuk mindiriiga mohok aka malmahot.

¹⁸Serowilin mi mönö misiğgöba mosötme. Siğgisöndok tosatñi mi me mi ahakzini, mi pakpak mönö sileninağgö yaigepñe asuhumakza. Kunñan serowilin ahakzawi, yañön mönö nanñi sileñi mem böliba siğgisöndok ahakza. ¹⁹“Sileñinan mönö Uña Töröñağgö Buña jikenji (tempöl) akza. Anutunöñ Uñañi engiiga buña qem angugetka uruñine malja. Miangöra nanñini buñaya qahö akzei, mi mötze me qahö?

²⁰Nanñini buñaya qahöpmö, Kraistnöñ söngöröñini ketañan bohonñini meiga yanggö buñaya akze. Miangöra sileñinan mönö ahakmeme sarakñi aketka Anutugö qetbuñañan sehimakña. Mewö.

Awanöm aka gwabö seram malmal tatat

7 ¹Iñini keu tosatñi ohoba qesigeri, mi jim asarimam. Azinöñ ambi qahö memba gwaböya maljawi, mi ölop. ²Mi ölopñi akzapmö,

^y 6.12 1 Kor 10.23 ^z 6.16 Jen 2.24 ^a 6.19 1 Kor 3.16; 2 Kor 6.16

silegö sihimņan sero yongorö akepeköra iņini mohot mohot mönö nanņik nanņik awanöm amemba malme. ³Azinön mönö anömņangö sihimņangö dop awanöm malmalgö arenņi wuatangöma. Anömņan mewöyök mönö apņangö sihimņi wuatangöba malma.

⁴Anömņangö sileņan mönö nanņi buņani qahö aiga nanņök mi qahö galöm kölakzapmö, apņan mi galöm kölakza. Apņangö sileņan mewöyök nanņi buņaya qahö aiga nanņanök qahö galöm kölakzapmö, anömņan mi galöm kölakza. ⁵Miaņgöra nanņiri mönö kude aņgön köl aņguba malmahot. Nanņirök urumohot aka pöndaņ köuluk nup membitköra ölöp nanņök nanņök malmahotmö, nalö tosatņi mewö malagun mönö kunbuk mindiriba mohotņe malmahot. Uruņiri ölöp qahö galöm kölohotka Satanön esapköm etkiiga siņgisöndoknön etpahotpeköra mönö mewö aka malmahot.

⁶Mewö akņahotköra ölöp jizalmö, jöjöpāņ keu mewöņi mi qahö al eņgizal. ⁷Nöņön ambazip körek pakpak ni ewö gwabulum malmegöra mötzalmö, iņini tosatņi Anutugö nup memegöra mötmöt kalem mewöņi mi qahö memba malje. Anutunön mötmöt kalemņi mendeņniga mohot mohot neņön mi me mi nanņök nanņök buņa qem aņguba maljin.

⁸Awanöm qahö aka malö maljei, eņgöra kewö jizal: Eņön ni ewö toroqeba awanöm qahöpmö, solanņi malmei, mi mönö ölöpņi akza. ⁹Ölöpņi akzapmö, awanöm akingö uruņini könöp jeiga malbepüköra mönö ölöp awanöm aketka amqema. Miaņgöra yeņön uruņini galöm kölbingö osize ewö, mönö ölöp awanöm akņe.

¹⁰^bAwanöm maljei, eņgöra kewö jim kutuzal, nöņönök qahöpmö, Kembunön nanņak mönö keu ki jiza: Anömņan apņi kude mosötma. ¹¹Mewö jizapmö, töndup apņi mosötma ewö, mönö azi kun kude memba öne malma me apņambuk kunbuk eraum möta urumohot aka malmahot. Mewöyök apņan anömņi kude mosötma.

¹²Mi Kembugö keuyapmö, awanöm tosatņi eņgö goronņini mi Kembunön qahö jizapmö, nanak mi kewö jizal: Urumeleņ azi kungö anömņan uruņi qahö meleņda töndup yambuk malmamgö mötzawi, yaņön mönö anömņi mi kude mosötma. ¹³Mewöņanök urumeleņ ambi kungö apņan uruņi qahö meleņda töndup yambuk malmamgö mötzawi, yaņön mönö apņi mi kude mosötma. ¹⁴Miaņgö könāņi kewö: Kungö apņan urumeleņgö kopa azia aiga Anutunön i töndup urumeleņ anömņi qekötahözawaņgöra aka tök kutum waņgiiga sarakņi akza. Mewöņanök kungö anömņan mötnaripņi qahöpmö, urumeleņ apņi qekötahözawaņgöra aka Anutunön i tök kutum waņgiiga sarakņi akza. Kunön sarakņi qahö akawak ewö, nahönböratņiran mönö Anutugö sel yaigepņe malbeak. Mewö malbeakmö, Anutunön mohotņe tök kutum eņgiyöhaņgöra mönö sarakņi akze.

^b 7.10-11 Mat 5.32; 19.9; Mak 10.11-12; Luk 16.18

¹⁵Saraknji akzemö, kunjan qahö möt nariba apji me anömñi mosötmanğö mötza ewö, mönö ölop mosötma. Mewö asuhuiga nongö keunan urumelen alanini mi qahö jöhöma. Anutunöñ injini luainöñ malmegöra engoholök. ¹⁶Ambi, gi apki uru kuñgum wañginöñga uruñi meleşma me qahöwi, mi mönö denöwö mötpanak? Me azi, gi anömgi uru kuñgum wañginöñga uruñi meleşma me qahöwi, mi mönö denöwö mötpanak? Mianğöra mönö luainöñ malme. Mewö.

Anutunöñ engoholöhañğö dop mönö toroqeba malme.

¹⁷Kembunöñ mohot mohot engö malmaljni areñ aliga awanöm me solanñi malgetka Anutunöñ engoholöhi, mianğö dop mönö toroqeba mala malmaljinanğö könani kude uteköme. Urumelen könagesöñi könagesöñi liliköba miri dop mewö jim kutum engimakzal.

¹⁸Anutugö aiwesökñi azi kungö sileñe yañdiget maliga mewö oholök ewö, mi mönö kutumamğö kude kapañ kölma. Anutugö aiwesökñi kungö sileñe qahö yañdiget maliga mewö oholök ewö, mönö mi yandimeğö kude kapañ kölma. ¹⁹Anutugö aiwesökñi silenine yandiget ahöza me qahöwi, mianğön Anutugö jeñe yuai omani akzapmö, jöjöpaj keuñi tem köla wuatangöinga ölni akza.

²⁰Anutunöñ engoholiga nalö mianğöreñ awanöm me solanñi malgeri, injini mohot mohot mönö mianğö dop toroqeba malme. ²¹Kungö welenqege omani aknöñga Anutunöñ goholök ewö, mianğöra mönö waimañjat kude aka malman. Urugi meleşda ölop solanñi aka nup kun miwikñaibanak ewö, mi mönö ölop miwikñaيمان me urugi amqeiga ölop toroqeba welenqege omani malman.^c

²²Mi kewögöra: Kunöñ welenqege omani aiga Kembunöñ mewö oholi uruñi meleşniga siñgisöndokñanğö kösöñi pösariga solanñi aka malja. Mewöñanök kunjan solanñi aiga Kembunöñ mewö oholi uruñi meleşniga nanñi imbi-imbis qahöpmö, Kraistkö jitiñi tem kölmapkö kösönöñ kinda welenñi qeba malja. ²³Kraistnöñ bohonñi ketanjan söngörönjini meiga maljeangöra mönö gölme ambazip yengö keu kenğöt bapñe anda welenqegeñini omani aka malbepuk. ²⁴Mianğöra urumelen alaurupni, Anutunöñ engoholiga nalö mianğöreñ solanñi kösönjini qahö me welenqege tonjanğö kösö gwarönöñ malgeri, injini mohot mohot mönö mianğö dop Anutugö jeñe toroqeba malme. Mewö.

Gwabö seram aka malö yengö goro keuñini

²⁵Ambi seram jömukñi^d engö goroya mi Kembunöñ qahö jim kutui mötzal. Mianğöra Kembunöñ ak kömum niñgiiga keuni lañ qahöpmö,

^c 7.21 Keu mianğö könani kun kewö: Urugi meleşda ölop solanñi aka nup kun miwikñaizan ewö, gi ölop toroqeba welenqege omani malman. ^d 7.25 qesabulum qahö qequeñi

möt nariget dop köljawañgö dop jimakzali, mönö mianğö dop kewöta nani mötmötnan kewö jimam:

²⁶Kahasililiñ nalöñi dopdowizawañgöra gwabö seram maljei, körek eñön mönö mianğö dop toroqeba malgetka ölöwakza. Mewö mötmörizal. ²⁷Ambi memba maljan ewö, anömgi mosötmangö kude akñan. Anömgi qahö solanñi maljan ewö, mönö ambigöra kude jaruman. ²⁸Töndup ambi memani, mianğön mönö siñgisöndokñi qahö akña. Mewöñanök ambi seramnöñ azi memawi, yañön siñgisöndok qahö akña. Siñgisöndok qahöpmö, mewö akñei, yeñön mönö sileñinan kahasililiñ gwötpuk miwikñaiba mötme. Eñön mi mötpepuköra mönö añğön köl eñğimamğö mötzal.

²⁹Mewö möta goro eñğizalmö, urumelenñ alaurupni, keu kun kewö jimam: Kembu kamawañgö nalöñan törizawañgöra aka ambi memba maljei, eñön mönö mewöyök nalö kianğöreñök könahiba anömñini qahö tandök ewö aka malme. ³⁰Wösöbirik aka sahötzei, eñön mönö qahö sahötmeañğö tandök ewö aka malme. Uruñini ölöwahiga söñgaizei, eñön mönö qahö söñgaimeañğö tandök ewö aka malme. Yuai bohonñi mezei, eñön mönö mi qahö buña qem añğumeañğö tandök ewö aka malme.

³¹Gölmenöñ nalö kewöñe areñ wuatañğömakzei, mianğön mönö ayapkömawañgö dop akza. Mianğöra gölmegö öroyuaiñi kölköl-örörö aka nupköra alakzei, eñön mönö mianğön uruñini jöhömakzawañgö tandök ewö kude aka malme.

³²Iñini gölmegö lömbötköra waimañjat qahö malmegö sihimni mötzal. Awanöm qahö solanñi maljawañön mönö Kembugö öroyuaigöra waimañjat mörakza. Mi möta “Denöwö akiga Kembugö uruñan ölöwahi dop kölbawak,” nanñañğöra mewö jimakza. ³³Mewö jimakzapmö, ambi memba maljawañön mönö gölmegö öroyuaigöra waimañjat mörakza. Mi möta “Denöwö akiga anömnanğö uruñan ölöwahi dop kölbawak,” nanñañğöra mewö jimakza.

³⁴Kembunöñ likep anömñan likep mötmötñi öroyohotka urudeñdeñ aka malja. Mewöñanök ambi aññi qahö aka ambi seram solanñi maljahorañön mönö Kembugö öroyuaigöra waimañjat mörakzahot. Mi möta “Denöwö akiga uñani aka sileni sarakñi aiga Kembugöra dop kölbawak,” nanñirañğöra mewö jimakzahot. Mewö jimakzahotmö, azi memba maljawañön mönö gölmegö öroyuaigöra waimañjat mörakza. Mi möta “Denöwö akiga apanğö uruñan ölöwahi dop kölbawak,” nanñañğöra mewö jimakza.

³⁵Nanñini bauköm eñğimamğö möta goro mi eñğizal. Mi tosatñi kösö ewö jöhöm eñğibi lömböt miwikñaimegöra qahöpmö, könanñi kewögöra mi eñğizal: Nöñön iñini ahakmeme diñdiñi wuatañğöba urudeñdeñ qahöpmö, pöndañ Kembubuk qekötahöba kin köhöimegöra mötzal. Mianğöra goroñini mi jizal. Mewö.

³⁶Azi kunjan ambi serambuk buŋa qeba malagun aŋgömosötpitkö mötmörizahori, yetkö goronjiri kewö jimam: Azi miaŋön kewö mötmöriba jiza, “Ambi mi memba mewö törörök qahö ak waŋgibileŋjak.” Mewö jiiga ambi memawaŋgö sihimŋi möt köhöiiga ambigö yambuŋi azi memegö dop akza ewö, yaŋön mönö ölop sihimŋaŋgö dop aiga ameyohotka dop kölma. Mewö miaŋön siŋgisöndokjiri qahö akŋa. ³⁷Qahö akŋapmö, azinöŋ ambi mi qahö memapkö keuŋi nanŋi uruŋan jöhöba möt köhöizawi, miaŋgöra kewö jimam: Kunjan azi mi kuŋgui qahö qaközapmö, ölop nanŋi sihimŋaŋgö dop wuatanaŋgöba keunöŋ qahö jöhöi ahakza ewö, yaŋön mönö ölop sihimŋaŋgö dop aka ambi mi qahö mema.

³⁸Mewö aiga ambi seram mezawaŋön mönö dopŋe akzapmö, i qahö mezawaŋön mönö köna ölop sorokŋi wuatanaŋgöba törörök akza. Mewö.^e (v 37b) Qahö akŋapmö, iwiŋan böratŋi azi qahö waŋgimapkö keuŋi nanŋi uruŋan jöhöba möt köhöizawi, miaŋgöra kewö jimam: Kunjan iwi mi qahö kuŋgui qaközapmö, ölop nanŋi sihimŋaŋgö dop wuatanaŋgöba keunöŋ qahö jöhöi ahakza ewö, yaŋön mönö ölop sihimŋaŋgö dop aka böratŋi aŋgön kölma. (v 38b) Mewö aiga börat seramŋi azi waŋgizawaŋön mönö dopŋe akzapmö, i qahö waŋgizawaŋön mönö köna ölop sorokŋi wuatanaŋgöiga törörök akza. Mewö.

³⁹Ambinöŋ apŋan jebuk malmawaŋgö dop amöamögö keuŋan jöhöi maljapmö, apŋan kömuma ewö, keu miaŋön mewöŋanök kömuiga ölop azi sihimŋan jimawaŋgö dop mema. Urumeleŋgö kopa azia qahöpmö, azi Kembubuk qekötahözawi, miyök mema. ⁴⁰Ölop azi memba söösöŋgai qorebenŋi miwikŋaimapmö, toroqeba solanŋi malma ewö, mönö urusösöŋgai ölni miwikŋaiba söŋgaimakŋa. Nöŋön keu mi kewöta mewö jizal. Anutugö Uŋaŋan nöŋgö urune mewöyök maljawi, miaŋgöra mönö mewö mötmöriba jizal. Mewö.

Nene tandö lopiongö naluk alalŋi mi nembin me qahö?

8 ¹Iŋini nene tandö lopiongö naluk alalŋi miaŋgöra ohogetka goro kewö jimam: Urukalemnöŋ mönö bauköm eŋgima. Goranora jigetka tosatŋan kewö jimakze, “Körek neŋön tandö lopiongö könaŋini möt yaköinga omaŋi akza.” Keu mi ölbölŋa akza, mi mötzin. Iŋini mötmöt mewöŋi jiba malgetka uruŋinan wahöriga koŋaen ewö terereŋgöba aiwelikömakze. Mewö aka deŋda siksauk malje. Köna bohonŋi mi urukalem. Köna mewö miaŋön mönö nanini urunini möhamgöba mem

^e 7.38 36b Azi kunöŋ böratŋi azi waŋgimamgö uruyahöt mötzawi, yaŋgö goronŋi kewö jimam: Iwiŋan kewö mötmöriba jiza, “Böratni waŋgiba mewö törörök qahö ak waŋgibileŋjak.” Mewö jiiga böratŋaŋgö yambuŋi azi memegö dop aiga azi waŋgimamgö sihimŋi möt köhöiza ewö, yaŋön mönö ölop sihimŋaŋgö dop aka mosöriga azi meiga dop kölma. Iwiŋan mewö miaŋön siŋgisöndok qahö akŋa.

köhöim anġubin. ²Kunöŋ “Keu kungö könani möt yaközal,” mi jġtönġ jizawi, yaŋġö mötkutukutuŋi ölnan mönö qahö asuhuiga toroqeba tönpin malja. ³Mi keunöhök jizapmö, kunġan Anutu uruġan jöpakömakzawi, Anutunöŋ mönö yaŋġöra möri ölni akza.

⁴Nene tandö lopionġ yaŋġöra naluk algeri, mi nembin me qahöpto? Keu kewö jimakze, “Tandö lopionġ mi bem ölni qahö maljeaŋġö kaisöpsöpŋini akze,” aka keu kun kewö, “Anutu mohotnöŋ malja. Alaŋi kun qahö.” Keu yahöt mi ölna akzahot, mi mötzin. ⁵Keu miaŋġö könani kewö, “Öme bemŋi bemŋi,” qetŋini mewö qerakzei, mi gwötpuk malje. Suepnöŋ me gölmenöŋ maljei, mi ölop qahö mötzin. Ölna ömewöröme, bem aka azi kembu mi gwötpuk malje.

⁶Mi maljemö, mi töndup Anutu mohot yaŋġönök nanini bemnini aka Iwinini akza. Yaŋġön yuai pakpak miwikŋaii asuhuyök. Malmalnini yaŋġöra malbingöra aka al neŋġii maljin. Mewöyök Kembu mohot Jisös Kraist malja. Yaŋġön Anutu bauköiga yuai pakpak miwikŋaiyohot. Nini mewöyök bauköm neŋġiiga mal köhöimakzin.

⁷Mewö möt narizinmö, ambazip körekŋan mönö mötkutukutu mewöŋi mi qahö memba malje. Mi qahöpmö, tosatŋan mutuk tandö lopionġ waikŋini memba möt köhöigeranġöra aka dölkewöŋe mewöyök toroqeba nene tandö lopionġö naluk alalŋi mi memba mewö miaŋġön amqeba bemurup mi mötmöriba malje. Uruġinan lölöwöröŋi aiga uruyahöt aka negetka uruġinan miaŋġöra tölöhomakza. ⁸Tölöhomakzapmö, nenenöŋ neŋġuaŋgita Anutu kösutŋe qahö al neŋġimakza. Nene siŋgi malbini, mewö geŋmororoŋ qahö miwikŋaibin. Nene memba malbini, qetbuġaninan mewö qahö qarima.

⁹Mi töndup nene pakpak nembingö amqzei, eŋön mönö jaubatbat laŋ malbepüköra galöm mem anġuba malme. Mewö malgetka tosatŋan eŋgeka uruġinan lölöwörö aka bölii et eŋgubapuk. ¹⁰Miaŋġö könani kewö: Göŋön mötkutukutu ölni memba mala amqeba tandö lopionġ jikeŋe anda tata nene nenöŋga alagi kunġan gehi kewö lömbörima: Uruġan lölöwöröŋi aiga uruyahöt akzawi, yaŋġön mewö geke uruġan wahöri amqeba nene tandö lopionġö naluk alalŋi mi memba et qebawak.

¹¹Göhö mötkutukutugi ölni miaŋġön mönö nangi urumeleŋ alagi kuŋguiga uruyahöt qakŋe lölöwöröŋi akzawaŋġöra mönö amqeba memba et qebawak. Kraistnöŋ yaŋġöra aka kömuyökmö, nene mi memba mewö et qeba ayuhuiga qahö dop kölma.

¹²Ayuhumapmö, urumeleŋ alaurupŋini mewö mem bölim eŋgiba uruġini lölöwöröŋi mi qeba köndenġa siŋgisöndok ahakzei, mewö miaŋġön mönö Kraist nanŋi qetala siŋgisöndok ahakze. ¹³Miaŋġöra nöŋön nene kun nembiga miaŋġön urumeleŋ alani kölgorom waŋġiiga et qeba siŋgisöndok akza ewö, nöŋön mönö nalö kunöŋ nene mi qahö toroqeba nemam. Nöŋön alani jölöŋgöba kölgorom waŋġibileŋbuköra kapaŋ köla kinjal. Mewö.

Aposol denöwö akiga dop kölbawak?

9 ¹Wani kösönöñ jöhöm ninggiiga solanñi qahö akileñak? Eñön kewöt ningigetka aposol akzal me qahö? Kembunini Jisösnöñ asuhum ninggiiga ehal me qahö? Nöñön Kembugöreñ nangöba nup membiga injini nup miangö ölni akze. ²Kembunöñ nanñak aposol nup ningii yambuk kinda membiga injini urunini melenja nöngö muñgem supapni akze. Miangöra tosatñan kewöt ningigetka aposol qahö akileñak ewö, eñön mönö könañamni mewö möt yaköze. Mi mönö amqeba nangöba jigetka dop kölma.

³Ambazip tosatñan nöngöra “Aposola qahö akza,” jiba tokoba andönöñ qeque ak niñgimakzemö, nöñön mönö eñgöreñ kösohot jiba mianjön nani könañamni nangöba jimakzal. ⁴Miangöra könöp numbu nene neñgigetka neñakurupni yembuk memba memba malbinak, mianjön mönö dopñe akawak. ⁵Pitö, aposol tosatñi aka Kembu Jisösgö munurupñi yeñön anömurupñini mötnaripñinambuha eñguangita mohotñe anda kamakze. Nöñön mewöyök mianjög dop akileñak ewö, silik mianjön mönö köna walöñda qötöñgatpileñak me qahö? Mi qahöpmahöp.

⁶Silegö malmalñe injini ambazip ipñi nangöm eñgimakzemö, ni aka Barnabas qahö. Niri töwa qahö netkigetka öne malakzit. Mi mötketka dop kölja me qahö? Tosatñan urugö nup megetka töwa eñgigetka sileñinanjög nup qahö memakzemö, netköröhök mönö nangönangöniri nanirak miwikñaibitkö dop jize me? ⁷Gawmangö yarö nup memakzei, yeñgöreñök kunñan nanñi malmalñi nangöm anguba memakza me qahö? Wain nup kömörakzei, yeñön körek mianjög ölni memba nemakze me qahö? Mewöñanök bulmakau galöm kölakzei, yeñön körek mianjög juzu oñi nemakze me qahö?

⁸Keu mi gölme ambazip nanine mötmötnöhök mötöteiba qahö jizal. Anutunöñ mewöyök mönö keu miyök Mosesgö Köna keunöñ jiza. ⁹Mosesgö Köna keunöñ Juda yeñgö nup meme silikñini mi jim asariba kewö ohoget ahöza, “Wit padigö kötni aka kamböñi kewötpingöra bulmakau aziñi wañgitketka padi kambu qakñe tiba tözözamgömakzawi, yangö numbuñi mönö kude mözöpköme. Mewö gumohom wañgigetka ölöp nene kitipñi neiga dop kölma.” Mianjög dop kiamnöñ böröjañ memba sömbup meköi qeba nene kitipñi wañgiget neiga dop kölma. Anutunöñ kiam bulmakau mienjöra waimanjat qahö möta mewö jiza. Mi qahö.

¹⁰Sömbupköra qahöpmö, keu mi mönö neñgöra jii ahöza. Keu mi neñön kewö akingöra aka ohoget ahöza: Kinoññöñ nup barözawañön mönö ölni asuhumapkö jörömqöröm qakñe nupñi memakña. Mewöyök padi dudutnöñ qeba ölni aka kamböñi kewötzawañön mönö bahöñi memba

^f 9.9 Dut 25.4; 1 Tim 5.18

nemapkö al mamböta nupni memakña. ¹¹Nejñon urugö keu kötñi sutñine qesin gila malinga eñon malmalgö nanñonangö yuai qahö neñgigetka gamuñambuk akza. Nöñon mem ölöwak engibiga eñon miangö likepñi melejda niñgigetka dopñe akña.

¹²Tosatñan sutñine urugö nup megetka nanñom engigetka dopñe akza ewö, ni mönö dop mi oñgita nanñom niñgigetka dop köлма. Likepñi eñgiinga miangö likepñi neñgigetka dop kölbawakmö, nöñon miangö dop akñegöra qahö qesim eñgial. Kraistkö Ölöwak Buña keu sehimapkö kónañi jöhöbinbuköra mönö yuai neñgimegöra qahö qesim eñgiin. Qahöpmö, naninahök mönö kapañ köla köhöiba lömböt pakpak bisiba malin.

¹³^hKeu ki mönö mötmörime: Jöwöwöl jikenöñ nup memakzei, yeñon mönö jike miangöreñök numbu neneñini memba nemakze. Jöwöwöl ohoba altagö könöpñi galöm kölmegöra kuñgum engigetka kinjei, yeñon ambazip nene nalukñini altagöreñ algetka nene miangö kitipñi tosatñi mi miangöreñök buña qem anñumakze. ¹⁴ⁱKeu miangö dop Kembunöñ mewöyök jim kutuba keu kewö jiyök, “Ölöwak Buña jim sehigetka ambazipnöñ mötmei, yeñon mönö Ölöwak Buñagö likepñi kötön naluk algetka malmalñinañgö nanñonangöñini miwikñaiba malme.”

¹⁵Nöñon ölop keu miangö dop mötmöriba urugö nup memba töwa niñgimegöra qesim engibileñakmö, kötön naluk almeangö keu pakpak mi mönö mosöral. Moneñ almeangö keu ohozali, mi eñon mewö ak niñgimegöra aka qahö ohozal. Töwa memangö mötmöriba lömböriiga kömukömugö mötpiga amqeza. Nanangöra mi keu omani qahöpmö, töwa qahö niñgimegö keuñi mi mönö sileni möpöseiba jizal. Nöñgöreñ keu mi kunöñ kun qeapkömamgö osiiga malmam.

¹⁶Ölöwak Buña jim sehimakzali, miangöra sileni möpöseimamgö dop qahö akzal. Nöñon Anutugö jimkutukutu bapñe mala mi jim sehimamgö dop akzal. Nup mi mönö mosötmamgö osizal. Ölöwak Buña qahö jim sehibileñak ewö, miangöra lömbötnöñ qakne öngöiga neka pölzik jimeangö dop akileñak.

¹⁷Nani sihimnañgö dop nup mi möwölöhöba membileñak ewö, mönö ölop töwa niñgimegöra mambötpileñak. Mimö, Anutunöñ kuñgum niñgiiga nani sihimni qahö mötöteiba Buñañi galöm kölakzal ewö, mi mönö Anutunöñ möt narim niñgiba nupñi niñgii maljalangö dop memakzal. ¹⁸Mewö aiga wanatnöñ mönö töwa ak niñgimakza? Ölöwak Buña jim sehiba mi söñgöronji qahö ahakzali, miangön mönö töwa ak niñgimakza. Anutunöñ nupñangö likepñi niñgimegöra jim kutui Buña Kimbinöñ ahözawi, keu miangö dop töwagöra qahö kapañ kölakzal.

¹⁹Ambazip kuññan kun qahö jöhöm niñgiiga ölop nani imbi-imbi malbileñakmö, mi töndup mönö nani memba et al anñguba maljal.

^s 9.11 Rom 15.27 ^h 9.13 Dut 18.1 ⁱ 9.14 Mat 10.10; Luk 10.7

Ambazip körekñan uruñini melejmegöra kapañ kölakzal. Mewö akñegöra ambazip körek welenñini qeba maljalmö, sehisehiñi yeñön töndup Kraistkö buñaya qahö akñeangö dop akze. ²⁰Juda yeñön uruñini melejmegö bauköm engiba sutñine Juda tandök aka malal. Mosesgö Köna keu bapñe maljeañön uruñini melejmegö bauköm engiba nanak Köna keu miangö bapñe qahö mala töndup keu miangö gwaröñe maljal tandök aka sutñine malal.

²¹Mosesgö Köna keu qahö möta maljeañön uruñini melejmegöra bauköm engiba sutñine Köna keu qahö möta maljalañgö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapñe anda mi tem kölakzal. Mi töndup yeñgö sutñine Anutugö Köna keu qahö mötmöt tandök aka malal. Ambazip sehisehiñan uruñini melejmegöra mewö aka malal.

²²Mötnaripnön lölöwöröñi maljeañön uruñini melejda köhöimegö bauköm engiba sutñine lölöwöröñi tandök aka malal. Ambazip tosatñi wani awamñan köna inön me wainön uruñini melejmegö meköm engiba ambazip könañi könañi yeñgö sutñine tandök könañi könañi aka malal.

²³Tandök pakpak mi Ölöwak Buñanön sehimapköra aka ahakzal. Sehiiga kötümötuetañan nani qakne öñgöi nanak mewöyök oyaenköyaen akñamgöra aka mewö ahakzal. ²⁴Keu ki mönö mötmörime: Ösumtiti nalöñe körek yeñön luhut almegöra ösumñini qezaköba anakzemö, mohot kunñan mönö luhut ala töwa mema. Iñini mönö mohot miangö dop ösumñinan anda töwa memingöra kapañ köla malme. Mönö miangö dop mötnarip köl guliba malme.

²⁵Ambazip mönahotnön luhut albingö anakzei, yeñön mönö körekñan nanñini törörök galöm köl añgubingö köl gulimakze. Yeñön kösatorom julkula gororöngömawi, miyök memingö kapañ kölakzemö, neñön ila jalö qahö ayapkömawi, mönö töwa mi memingö kapañ kölakzin.

²⁶Miangöra nöñön ösumnan lañlañ an köl kam köl qahö anakzal. Böröni misiba bim lañlañ qahö qemakzalmö, aongit alaurupni luhut al engimamgöra mönö diñdiñanök törörök qemakzal.

²⁷Nöñön ambazip tosatñi Buña keunön uruñini kuñguba malbi teköiga Anutunön mönö andö nuñgui nanak ila jalöñi qahö membileñbuk. Miangöra mönö nani sileni mindiñgöba törörök köl guliba galöm kölakzal. Mewö.

Israel mutuk malgeri, yeñgöreñ galöm meme keu

10 ^{1j}O urumeleñ alaurupni, Israel neñgö ambösakoninan Mosesgö andöñe kaba wuatangögetka yuai asuhuyöhi, miangöra mönö gukmaulem malbepuk. Miangöra Israel neñgö könanini kewö suariba

^j 10.1 Eks 13.21-22; 14.22-29

hozal: Yeñön mönö körek kousu bapje kaba mala Köwet Pisikñi kutugetka yeñgöreñök kunñan kun qahö ayuhuyök. ² Anutunöñ o melunji kousunöñ aka köwetnöñ aliga mi kutuba kaba körekñan uruñini meleñda Mosesgö könagesöñji aket. ³ ^kMewö aka körek yeñön urugö nene miyöhök miwikñaiba nemba malget.

⁴ ^lMewöyök körek yeñön urugö onji miyöhök miwikñaiba nemba malget. Urugö onji mi köt ketañi kunöñ enguatanğöba könañine kayöhi, mönö miangöreñök miwikñaiget. Köt ketañi mi Kraistkö söpsöpñi. ⁵ ^mMewö malgetmö, mi töndup Anutunöñ könagesö ölnji miengöra urusösöngai qahö möta maliga gölme qararañkölkölñe ayuhugetka qamötñinan qeqelanlan ahöba gisahöget.

⁶ ⁿMewö asuhuyöhi, mi nanini kezapqetoknina akza. Anutunöñ mönö söpsöp mi neñgöra aka aliga galöm meme keunina kewö akza: Yeñön uruñini qahö galöm köla bölöñañgöra köpösöñgögeri, neñön mönö miangö dop aka ayuhubinbuk. ⁷ ^oMewöyök Israel yeñgöreñök tosatñan tandö lopioñ waikñini memba möpöseiba malgeri, eñön mönö miangö dop aka malbepuk. Yeñgöra Buña Kimbinöñ keu kewö ohoget ahöza, “Könagesö yeñön nem sösöngai ala tokoba tatketka uruñinan wahöriga miangön meleñda kezapjupjup kewö ahök: Yeñön liñet gwawet unduba o köhöikñi nemba serowilin lan aket.” Keu mewö ahöza.

⁸ ^pYeñgöreñök tosatñan serowilin aketka Anutugö irimsesewölñañgöra aka ambazip 23.000 miangö dop silim mohotkö uruje kömumba etket. Neñön mönö tosatñi miengö dop serowilin akinbuk. ⁹ ^qMewöyök Israel yeñgöreñök tosatñan Kembu esapköm wañgigetka mokoleññöñ eñgöhögetka kömuget. Neñön mönö tosatñi miengö dop Kembu esapköm wañgibinbuk. ¹⁰ ^rYeñgöreñök tosatñan galömurupñini irikuruk jimongot aka andö eñguba malgetka mem ayuayuhu garatanöñ mönö eñgui kömuget. Neñön mönö tosatñi miengö dop irikuruk jimongot lan aka malbinbuk.

¹¹ ^sMewö asuhum eñgiyöhi, söpsöp keu mi mönö nanini kezapqetoknina akza. Gölmenöñ malmalgö nalö teteköñan kam kuñgum neñgii maljini, kösohot mi mönö neñgöra aka ohogetka galöm meme keunina akza.

¹² ^tMiangöra kin köhöimangö jizani, mönö et guhubapuköra galöm mem añguba malman.

¹³ ^uEsapesap qakñine öngömakzei, mi gölme ambazip körek neñgö qaknina öngömakze. Esapesap qainñi kun miwikñaibeak, miangöreñ ösumñinan qahö dop köljawañgöra etpeakmö, Anutunöñ keuñi jöhöyöhañgö dop mi pöndañ wuatangöba ahakza. Yañön esapesap Tonji añgön köliga esapesap ösumñini qahö dop kölmawañgö dop mi

^k 10.3 Eks 16.35 ^l 10.4 Eks 17.6; Jañ 20.11 ^m 10.5 Jañ 14.29-30 ⁿ 10.6 Jañ 11.4
^o 10.7 Eks 32.6 ^p 10.8 Jañ 25.1-18 ^q 10.9 Jañ 21.5-6 ^r 10.10 Jañ 16.41-49

al enggimangö osimakza. Mewögöra esapesap mötketka Anutunöñ ösumñi enggiba mewö miañön ölöñ kölbängö köna mewöyök mesat enggi asuhumakza. Miañgöra eñön gölmegö esapesapñi mi ölöp kin köhöiba luhut almeañgö dop akze. Mewö.

Tandö lopiongö lömbuan aka Kembangö semön kömbukñi

¹⁴Miañgöra wölböt alaurupni, tosatñan tandö lopion waikñini memba möpöseim enggimakzemö, eñön mi kök ala mosötme. ¹⁵Nöñön mötmöt ambazip aködampunginambuk akzeañgö dopkeu jimami, mi mönö nanñinak kewöta miañgö ölni miwikñaima.

¹⁶“Kembangö semön nene nembin,” jiba kötümötuetkö qambigöra Anutu saiwap jiba köuluköba qambi miañgöreñök nemakzinangöreñ mönö Kraistköreñ toroqeba sepñi nemakzin. Beret mindipköba miañgöreñök nemakzinangöreñ mönö Kraistköreñ toroqeba busuñi nemakzin. Miañgöra ölum enggubapuk. ¹⁷Köreñ neñön beret mohot miañgöreñök nemakzin. Beret mi mohot akzawangöra aka gwötpuk neñön mönö Kraistkö ölni mohot akzin.

¹⁸“Inini mönö Israel könagesögö malmalñi mötmörime. Ambazip jöwöwöl ohomegöra nene algetka tosatñan miañgö kitipñi nemakzei, yeñön mönö altagöreñ toroqeba nupñi Anutugöra memakze. ¹⁹Keu miañgö könañi ölni mi mönö denöwö jibileñak? Tandö lopion enggöra bau qegetka sepñi eri jöwöwöl ohomakzei, miañön ölnambuk akzawangöra jiza me qahö? Tandö lopion mi ölni akzeañgöra jiza me qahö? Keu miañgö könañi denöwö?

²⁰“Tandö lopion mi ölni qahöpmö, urumelengö kopa yeñön töndup jöwöwölñini ömewöröme yeñgöra ala ohomakze. Mi Anutugöra qahö. Nöñön inini ömewöröme yembuk toroqeba malbepuköra waimanjat mötzal. ²¹Inini Kembangö qambinöhök aka ömewöröme yeñgö qambinöhök öröröñ nembangö osime. Mewöyök Kembangö nene dum aka ömewöröme yeñgöreñ nene dum mi öröröñ toroqebingö osime. ²²“Ahakmeme mewöñan mönö Kembangö uruñi qei böliiga irimñi seholidapköra mötzin me? Kukösumninan mönö Kembangö ongita öngöba malñin me?

Nanine imbi-imbi mosöta Kembangö möpöseibin.

²³“Tosatñan kewö jimakze, “Nini ölöp nanine imbi-imbi yuai pakpak ahakzin.” Keu mi ölnapmö, ahakmeme pakpak miañön mönö qahö bauköm neñgimakza. “Nini ölöp nanine imbi-imbi yuai pakpak ahakzin,” mewö jimakzemö, ahakmeme pakpaknöñ mönö urunini qahö nangöba

^s 10.16 Mat 26.26-28; Mak 14.22-24; Luk 22.19-20 ^t 10.18 Lew 7.6 ^u 10.20 Dut 32.17

^v 10.22 Dut 32.21 ^w 10.23 1 Kor 6.12

mem köhöim neŋgimakza. ²⁴Kunjan kun nanŋaŋgörök mötmöriba ölöwakŋamgöra kapaŋ kölbaupukmö, alauruŋjan ölöwakŋegöra kapaŋ köli dop kölma.

²⁵Sömbup i me wai maketnönj aka qeköm nene mire bohonji memegöra alakzei, mi mönö uruyahöt mosöta nemakŋe. Sömbupköra uruŋjan tölöhobapukö qesiqesiŋi kun mönö kude akŋe. Qahö! ²⁶*Keu miaŋgö könaji mi Buŋa Kimbinönj kewö ohoget ahöza, “Gölme aka yuai pakpak miaŋgöreŋ ahözawi, mi Kembugö buŋaya akza.”

²⁷Kun Kraist qahö möt narizawaŋön eŋgoholiga yaŋgöreŋ anbingö möta anda tatketka nene i me wai jeŋine al eŋgimei, mi mönö uruyahöt mosöta neme. Nenegöra uruŋjan tölöhobapukö qesiqesiŋi mi mönö kude akŋe. Qahö! ²⁸Nanŋinaŋgöra qahöpmö, “Nene ki mönö tandö lopioŋ yeŋgö naluk alalŋi akza,” kunönj mewö jii mötme ewö, mi jiyöhi, yaŋgöra aka uruŋjan bölibapuköra mönö galöm mem aŋguba kude neme.

²⁹Nangi urugan tölöhobapuköra qahö jizalmö, alagahö uruŋjan bölibapuköra mi jizal. Nönön nani imbi-imbi yuai akiga alanangö uruŋjan böliiga kewöt niŋgiba Anutunönj keuni jim teköba likepŋi meleŋ niŋgibapuk. Öne mewö mendeŋ aŋguinga jabö ahuiga qahö dop kölja. ³⁰Nönön ambazip yembuk toroqeba tata neneŋinaŋgöra “Anutu pipsaiwap!” jiba sömbup nemami, tosatŋan mewö neka miaŋgöra andö nuŋgugetka qahö dop kölma. Sömbupköra Anutu möpöseizali, miaŋgöra mönö keu töhöreŋ jim niŋgigetka qahö dop kölja.

³¹Miaŋgöra o me nene nemei aka i me wai akŋei, mi pakpak mönö Anutugö qetbuŋaŋan sehimapköra aka ahakŋe. ³²Yuai kun kude aketka kungö uruŋjan miaŋgöra böliiga mötnariŋjan söörauba etpapuk. Juda me kantri tosatŋaŋgö ambazip me Anutugö könagesö mieŋgö sutŋine kungö uruŋjan mönö eŋgöra aka bölibapuk. ³³Nönön mewöyök yuai pakpak ahakzali, miaŋgöreŋ mönö ambazip körek pakpak uruŋjan ölöwakŋapaköra kapaŋ köla maljal. Nanök ölöwakŋamgöra qahö kinjalmö, ambazip sehisehiŋan ölöwakŋegöra jaram tibiga kunbuk letota Suepkö buŋaya akŋegöra kapaŋ kölakzal. Mewö.

11 ¹Nönön Kraistkö silik ewö ahakzali, miaŋgö dop eŋön mönö nönjö silikni wuatangöba malme. Mewö.

Ambi eŋön mönö nöropŋini esuhuba Kembu möpöseime.

²Nönön yuai pakpak ahakzali, iŋini miaŋgöreŋ mötmörim niŋgimakzeangöra saiwap jim eŋgizal. Iŋini kusum eŋgialangö dopkeuni tem köla wuatangömakzei, miaŋgöra mönö möpöseim eŋgizal. ³Nönön iŋini keu ki möt kutumegöra mötzal: Kraistnönj azi körek neŋgö bohonini akza. Azinönj ambigö bohonji akza aiga Anutunönj Kraistkö bohonji

* 10.26 Sum 24.1 † 11.1 1 Kor 4.16; Fil 3.17

akza. ⁴Miaŋgöra azi iŋini mönö duhuŋini qeköba köuluköba Anutugö keu jigetka dop kölja. Azi körekŋan nöörpŋini turuba köuluközei me Anutugö kezapqetok keu jim asarizei, Anutunöŋ mönö yeŋgö mötmötŋinaŋgöra möri gamuŋambuk aiga nanŋini memba et al aŋgumakze.

⁵Mewömö, ambi kunŋan nöörpŋi qahö esuhuba qenjarök totokonöŋ köuluközawi me Anutugö kezapqetok keu jim asarizawi, yaŋön mönö apŋi nöörpŋi akzawi, mi gamu qeba nanŋi memba et alja. Mewö aka nöörp jupŋi körek mitigetka aukŋe öne maljawaŋgö dop akza. ⁶Ambinöŋ nöörpŋi qahö esuħuza ewö, yaŋön mönö nöörp jupŋi mewöyök jiiga mitigetka dop kölja. Mi dop köljapmö, ambinöŋ nöörp jupŋi jiiga mitigetka gamuŋambuk akapuk. Miaŋgöra mönö nöörpŋi esuhuba mali dop kölja. ⁷Ambinöŋ apŋaŋgö aködamunŋi akzapmö, azinöŋ Anutugö imutŋi aka aködamunŋi akza. Miaŋgöra azinöŋ mönö nöörpŋi kude esuhui dop kölma.

⁸“Mi kewögöra: Mutuhök azinöŋ ambinöhök qahö asuhuyökmö, ambinöŋ azigöreŋök asuhuyök. ⁹Anutunöŋ azi mi ambigöra qahöpmö, ambi mi azigöra miwikŋaiiga malje. ¹⁰Könaŋi miaŋgöra aka ambinöŋ mönö kukösum bapŋe malmalgö aiwesökŋi mi nöörpŋi esuhuba maliga dop kölja. Mewö aiga Sup garata yeŋön gödaqeqegö silik ölopŋi ehakze.

¹¹Mewö dop köljapmö, Kembubuk qekötahöba malinga ambinöŋ mönö azigö keuŋi qahö oŋgita nanŋi imbi-imbi laŋ kude malma. Azinöŋ mewöyök ambigö keuŋi qahö oŋgita nanŋi imbi-imbi laŋ kude malma. ¹²Ambinöŋ azigö sihitŋeyök asuhuiiga miaŋgö dop azinöŋ mewöyök ambigö körö uruŋeyök asuhuba maljinmö, öroyuai pakpakö könaŋi mi Anutu.

¹³Miaŋgöra ambinöŋ nöörpŋi qahö esuhuba Anutu köuluköiga dop kölja me qahö? Keu mi mönö nanŋinak kewöta jöhöme. ¹⁴Anutunöŋ ambazip miwikŋaim neŋgiba gölmenöŋ mohotŋe malmal areŋgöyöhi, areŋ mi eka kewöta silik kewöŋi mönö möt asarizin me qahö? Azinöŋ nöörp jupŋi qahö mitiiga köriza ewö, miaŋön mönö gamu qem waŋgiza.

¹⁵Anutunöŋ ambigö nöörp jupŋi köröpŋi mi esuŋi akŋapköra waŋgii malja. Miaŋgöra ambinöŋ nöörp jupŋi qahö mitiiga köriza ewö, miaŋön mönö aködamunŋi ak waŋgiza. ¹⁶Kunöŋ keu miaŋgöra goranora akŋamgö mötza ewö, nöŋön miaŋgöra keu mohok-kun kewö jimam: Anutugö könagesöŋi könagesöŋi Anutu möpöseibingö tokomakzei, yeŋön mönö nembuk urumohot aka silik miyöhök wuatanaŋgöba silik tosatŋi tökömakze. Mewö.

Kembugö semön töröŋi nemegö silikŋi
Mat 26.26-29; Mak 14.22-25; Luk 22.14-20

¹⁷Iŋini urumelen totokonöŋ tokoba miaŋgöreŋ qahö ölöwahakzemö, mönö toroqeba böliqölimakze. Miaŋgöra qahö möpöseim engizalmö,

^z 11.7 Jen 1.26-27 ^a 11.8-9 Jen 2.18-23

arej ala jim kutum engizal. ¹⁸Keu mutukŋi kun kezapne gei kewö möral, “Injini urumelen könagesögö totokonöŋ tokomakzei, miaŋgöreŋ mönö sutŋine aŋgururuk ahakze.” Keu mi jiget möta bahöŋanök ölni akzawi, mewö möt narizal.

¹⁹Sutŋine deŋda kambu morömorö aketka Anutunöŋ engehiga denike eŋön mötnaripkö esapesapnöŋ kin köhöize aka denike eŋön qahö dop köljei, keu miaŋön mönö aukŋe asuhumakza. Miaŋgöra uruyahöt qahö mötzal. ²⁰Urumelen totokonöŋ tokomakzei, miaŋgöreŋ mönö Kembugö semön töröŋi nemingö silikŋi qahö wuatangömakze.

²¹Mi kewögöra jizal: Semön töröŋi nemakzei, miaŋgöreŋ öröröŋ qahöpmö, nanŋök nanŋök neneŋini memba könahiba laŋ neget teköiga tosatŋan toroqeba wösöŋini aliga tosatŋan o köhöikŋi gwötpuk namba eŋololon akze. ²²Ahöahö miriŋini ahöm engiza me qahö? Miaŋgöreŋ ölöp nene aka o neme. Anutugö urumelen könagesö jijiwilit ak engibingö mötze me ambazip wanapŋi neneŋini qahö mi memba et al engibingö mötze me? Miaŋgöra nöŋön injini möpöseim engimangöra mötze me? Mewö qahöpmahöpmö, denöwö jim engibileŋak?

²³Kembunöŋ keu niŋgiyöhi, nöŋön mönö eŋön mewöyök mi mötmegöra kewö jimam: Kembu Jisös mamalolo mem wanŋigetka suŋgem miaŋgöreŋ beret meyök. ²⁴Mi memba kötuetköba saiwap jiba mindipköba kewö jiyök, “Ki nani busuna. Mi engöra aka tököm engizal. Mi memba mönö ni mötmörim niŋgiba malme.” ²⁵^bMewö jiiga neget teköiga mewöŋanök qambi memba kewö jiyök, “Qambi ki mönö jöhöjöhö dölökŋi akza. Nöŋgö seŋni kiaŋön mönö Anutugö jöhöjöhöŋi mem köhöii ahöma. Mi nemakŋeangö dop mönö ni mötmörim niŋgiba malme.”

²⁶Beret aka qambi miaŋgöreŋök nemakŋei, miaŋgöreŋ mönö nalö dop Kembunöŋ kömuyöhi, miaŋgö buŋaŋi mem asariba mal öŋgögetka liliŋgöba kaiga teköma. ²⁷Miaŋgöra kunŋan beret me Kembugö qambi miaŋgöreŋök iwilele qakŋe nezawi, yaŋön mönö Kembugö busuŋi aka seŋŋi memba et ala siŋgisöndokŋambuk akza. ²⁸Miaŋgöra ambazip neŋön nanini uruninaŋgö könaŋi kewötagun mönö beret aka qambi miaŋgöreŋök neinga dop kölma.

²⁹Kunŋan Kembugö busuŋi aka seŋŋi qahö göda qeba nene töhön ewö laŋ nezawi, Kembunöŋ mönö yaŋgö keuŋi jim teköiga lömböt qakŋe öŋgöma. ³⁰Laŋ namba malgeraŋgöra aka ambazip sehisehiŋan mönö sutŋine löwöriba kawöl miwikŋaigetka gwötpukŋan lök nöŋ qeba kömuget.

³¹Kömugetmö, nanini urunini kewötpinak ewö, Anutunöŋ mönö keunini kewöta jim teköiga lömböt qahö miwikŋaibin. ³²Mi qahö miwikŋaibinmö, Kembunöŋ keunini kewöta jim teköba mewö mönö nalö

^b 11.25 Eks 24.6-8; Jer 31.31-34

kewöŋe mindiŋgöm neŋgimakza. Könəŋep jim teköm neŋgiiga ambazip uruŋini qahö meŋgeri, yembuk öröröŋ könöp sianöŋ gebinbuköra mönö mindiŋgöm neŋgimakza.

³³Miaŋgöra urumelen alaurupni, nene nemegöra tokomakŋei, miaŋgöreŋ mönö nanŋinaŋgöra mamböt aŋguba öröröŋ nemakŋe.

³⁴Kunöŋ wösöŋi alja ewö, yaŋön mönö nanŋe mire neneŋi nema. Tokoba laŋ negetka Anutunöŋ eŋgeka keuŋini jim teköi lömböt miwikŋaibepuköra mi jizal. Keu tosatŋi eŋgöreŋ kamami, nalö miaŋgöreŋ jim kutum eŋgimam. Mewö.

Nup memegö mötmöt kalem miəŋgö könəŋini

12 ¹O urumelen alaurupni, nöŋön Uŋa Töröŋaŋgö mötmöt kalemŋi kalemŋi miaŋgö keugöra gukmaulem malbepuköra mötzal. ²Urumelenŋö kopa malgeri, nalö miaŋgöreŋ inöŋ me wainöŋ eŋguaŋiriga tandö lopioŋ omaŋi waikŋini memba möpöseiba malget. Mewö me mewö jaŋjuŋ anda laŋ malgeri, mi ölöŋ mötze.

³Miaŋgöra iŋini keu ki mötmegöra jizal: Anutugö Uŋaŋan kun sölölöhöiga “Jisös qesuahözal,” keu mi qahö jiza. Mewöyök Uŋa Töröŋan azi me ambi kun qahö sölölöhöm waŋgiza ewö, yaŋön mönö “Jisösnöŋ Kembu ak niŋgiza,” keu mi jimamgö osiza.

⁴“Nup memegö mötmöt kalemŋi mi könəŋi könəŋi akzemö, Uŋa Töröŋan mönö mohot akza. ⁵Urumelen könagesö welen qem eŋgibingöra nup könəŋi könəŋi memakzinmö, Kembunöŋ mönö mohot akza. ⁶Welen qem eŋgibingöra Anutunöŋ kukösumŋi körek neŋgöra mendeŋ neŋgiiga amqeba köhöiba nup meinga öŋŋi könəŋi könəŋi asuhumakza. Öŋŋi pakpak mi Anutugöreŋök kamakzapmö, Anutunöŋ mönö mohot akza.

⁷Uŋa Töröŋan könagesö urunini naŋgöi köhöibingöra möta nup memegö mötmöt kalemŋi indeliga öŋŋan mönö mohot mohot neŋgöreŋ kewö me kewö asuhumakza: ⁸Uŋa Töröŋan kungö uruŋe geba Anutu nam köliga mötkutukutu keu jijiŋö kalemŋi waŋgiza. Uŋa mohot miaŋönök mönö kun sölölöhöiga mötmöt qainŋi kun möt yaközawaŋgö kalemŋi buŋa qem aŋguza.

⁹Kunöŋ Uŋa mohot mi qekötahöba mötnaripkö kalemŋi buŋa qem aŋguza. Toroqeba kunöŋ Uŋa Töröŋi miyöhök qekötahöba mem ölö-ölowakö kalemŋi kalemŋi buŋa qem aŋguza.

¹⁰Kungöra aŋgöletot memegö ösumŋi waŋgiza. Kungöra Anutugö kezapqetok keu jijiŋö kalemŋi waŋgiza. Kungöra uŋa aka öme mendeŋbingö kalemŋi waŋgiiga uŋa ölöŋŋan me ömewöröme kunöŋ sölölöhöiga maljawi, mi ölöŋ kewörakza. Kungöra keuŋi keuŋi qainŋi kun jijiŋö kalemŋi waŋgiza. Toroqeba kunöŋ keu qainŋi kun jiiga kungöra mi

© 12.4-11 Rom 12.6-8

meleŋmapkö kalemŋi waŋgiza. ¹¹Nup memegö mötmöt kalem pakpak mi Uŋa Töröŋi mohot miaŋönök mönö sölölöhöba möri dop köljawangö dop mendeŋniga körek neŋön nanŋök nanŋök buŋa qem anguba maljin. Mewö.

Kraistkö ölŋi mohotmö, kitipurupŋi gwötpuk.

¹²^dSilenini mohot akzapmö, töndup miaŋgö uruŋe silegö kitipurupŋi mi gwötpuk akze. Kitipŋi pakpak mi gwötpuk akzemö, töndup mi mindiriba sile mohot akze. Kraistkö ölŋan mewöyök mönö miaŋgö dop akza. ¹³Miaŋgö könani kewö: Uŋa mohotnöŋ mönö körek nini sölölöhöba melun mem neŋgiiga Kraistkö ölŋi mohot akzin. Nini Juda me kantri tosatŋangö toŋi maljini, nanini nupnini memakzini me tonini öne welen qem eŋgimakzini, mi töndup körek nini mönö Uŋa miyök buŋa qem aŋguinga urunine geiga möt waŋgizin.

¹⁴Sileninan mönö sile kitipŋi mohotkö dop qahö akzapmö, miaŋgö uruŋe kitipurupŋi mi gwötpuk akze. ¹⁵Könaninan kewö jibawak, “Ni böröya qahö. Miaŋgöra sile qahö toroqeba maljal.” Mewö jibawak ewö, miaŋgöra mönö töndup sile mosöta nanŋök qahö malbawak. ¹⁶Kezapninan kewö jibawak, “Ni jeya qahö. Miaŋgöra sile qahö toroqeba maljal.” Mewö jibawak ewö, miaŋgöra mönö töndup sile mosöta nanŋök qahö malbawak.

¹⁷Sileninan jömuŋ je akawak ewö, keu mötmötkö kezapninan mönö denike tatpawak? Mewöyök jömuŋŋanök kezap akawak, mewö wörön mötmötkö söŋgöröninan mönö denike tatpawak?

¹⁸Nanŋök nanŋök qahöpmö, Anutunöŋ sile kitip mohot mohot mi areŋgöba möri dop köljawangö dop mindirim eŋgiiga sile mohot akze. ¹⁹Sile kitip pakpak mi kitip mohot akeak ewö, mönö denöwö sile mohot akawak? ²⁰Mewö qahöpmö, sile kitipnini mi gwötpukmö, silenöŋ mönö mohok akza.

²¹Miaŋgöra jenöŋ börögöra kewö jimamgö osiza, “Ni göhöra qahö osizal.” Mewöyök nöropnöŋ könagöra “Ni göhöra qahö osizal,” mewö jimamgö osiza. ²²Simbisembel qahöpmö, sile kitipnini möringa lölöwöröŋi akzei, mieŋön qahöwaketka jebuk malbingö osibin. ²³Sile kitipnini möringa qetbuŋaŋini eretŋi akzei, mi mönö esuhuinga qetbuŋaŋinambuk akze. Sile kitipnini möringa gamuŋinambuk akzei, mi mönö törörök esuhuinga ambazip jeŋine dop kölja.

²⁴Sile kitipnini aukŋe kondelbingö gamu qahö mötzini, mi mönö qahö esuhuinga dop kölja. Mewö ahakzinmö, Anutunöŋ sile kitipŋi kitipŋi mindiriba jöhöm eŋgiba kitipŋi omaŋi mi qetbuŋa ketaŋi waŋgiiga öröröŋ akze. ²⁵Sile kitip yeŋön sutŋine jula aŋgururuk akepukmö, tandök

^d 12.12 Rom 12.4-5

mohot köyan köl anjumeğöra mönö arengöiga örörön akze. ²⁶Sile kitip kunjan sihimbölö mötzawi, tosatni pakpak mönö yambuk sihimbölö mörakze. Sile kitip kunön qetbuja miwikjaizawi, tosatni pakpak mönö yambuk söngaimakze.

²⁷Ejön Kraistkö ölni akze aka mohot mohot ejön mönö yangö öljangö sile kitipni akze. ²⁸^eMiangö dop Anutunön al enjiiga urumelen könagesögö nup kewö memakze: Mutuk tosatni kunjum enjiiga melaimelai azi aposol akze. Miangö andöje kambu yahötji kunjum enjiiga kezapqetok ambazip akze. Kambu karöbutji yejön böhi qaqazu akze. Miangö andöje tosatjan anğöletot meme ambazip akze. Tosatni yengöra mötmöt kalem enjiiga kawölji kawölji mem ölöwahakze. Tosatjan amqeba köhöiba tosatni alabauk ak enjimakze. Tosatni yengöra kalem enjiiga galömkölköl nup memakze. Tosatjan keu qainji kun jimakze.

²⁹Körek ejön mönö melaimelai azi aposol qahö akze. Saumba! Körek ejön mönö kezapqetok ambazip qahö akze. Körek ejön böhi qaqazu akze me qahö? Körek ejön anğöletot meme ambazip akze me qahö?

³⁰Kawöl mem ölöwakingö mötmöt kalemni kalemni mi körek enğören ahöza me qahö? Körek ejön mönö keu qainji kun qahö jimakze. Qahö. Keuji keuji qainji kun jigetka ejön mönö körek mi melejbingö amqeze me qahö? ³¹Ejön mönö nup memegö mötmöt kalemni kalemni ölp sorokni mi buja qem anğubingöra awöweğömakje. Mewö awöweğögetka nöjön köna qetpuk sorokni kondela miangö mötmöt kalemni mi kewö jim asarimam:

Jöpaköm anğuanğugö kalemni

13 ¹Nöjön ambazip aka Suep garata yengö keuji keuji qainji kun miajön keu jiba malbilenakmö, urukalemnan qahö asuhuza, mönö töndup kewö akilenak: Goj qegetka gojgoj qeri anğötömualni mörakzini me göjön (biret) uturukögetka kinqororöj qerakzawi, mönö miangö dop akilenak.

²Kezapqetok keu jijigö mötmöt kalemni ahöm niñgiiga keu asa-asambötji pakpak mötpilenak aka keu pakpakö könanji möt yaköbilenak, miajön mönö dopje akza me qahö? Mi töndup urukalemnanğö öljän qahö asuhuiga mewö mönö yuai omajanök aka öne töhön malbilenak. Mötnarip köhöikni kötökni miwikjaiba miangö qakje kundunğö Toji jim kutubiga ölp tem köla kundunji qeköba kungen albawakmö, urukalemni qahö asuhuza, mewö töndup mönö yuai omajanök aka öne töhön malbilenak.

³Sukinapni pakpak ambazip wanapni yengöra mender enğibilejak aka sileni tosatjan ohoget jemapköra tököm enğibilejakmö, urukalemnanğö öljän qahö asuhuza ewö, miajön mönö qahö kötökni bauköm niñgima.

^e 12.28 Ef 4.11 ^f 13.2 Mat 17.20; 21.21; Mak 11.23

⁴Kunjan alaŋi uruŋan jöpaközawi, yaŋön mönö urukönöpŋi qahöpmö, urubönjöp qakŋe ala ak waŋgimakza. Körögisigisi qahö möta yuaiaŋgöra qahö köpösöŋgömakza. Sileŋi qahö mem wahöta jakbak-öraŋboraŋ qahö malja. ⁵Ahakmemeŋan alaŋaŋgö uruŋi qahö mem bölimakza. Nanŋi ölöwakŋamgörök qahö kapaŋ kölakza. Uruqeŋe ak waŋgigetka urukönöp zilaŋ qahö ahakza. Mem bölim waŋgigetka sihibölö möröhi, mi qahö mötmöriba mosöarakza.

⁶Tosatŋan bölöŋi akzei, miaŋgöra qahö söŋgaizapmö, keu ölnji wuatŋgömakzei, mönö yembuk mohotŋe söŋgaimakza. ⁷Nalö dop alaŋi sel jöhöba qöhöröŋe kin köhöiba möt narim waŋgimakza. Mewö me mewö asuhuiga Anutugö jörömqöröm aka al mamböta awösamkakak kinda sihibölö pakpak möta mököstöŋgömakza.

⁸Urukalem ahakmeme mi nalö teteköŋi qahö ahöm öŋgöma. Kezapqetok keu jiba keuŋi keuŋi qainŋi kun jimakzei, miaŋön qahöwakŋa aka mötmöt qainŋi kun miaŋön mönö mewöyök omaŋi ak teköma. ⁹Mötmöt qainŋi kun mi bahösapsap möt yakömakzin aka kezapqetok keu mi bahösapsap jimakzin. ¹⁰Bahösapsap ahakzinmö, Anutugö kalemŋi kalemŋi aködamunŋinambuk asuhumei, nalö miaŋgöreŋ bahösapsap malmalninan mönö qahöwahiga oyaenŋkoyaen siyoŋsayoŋi qahö malbin.

¹¹Nöŋön namande malali, nalö miaŋgöreŋ namande keu jiba malal. Urumötmötŋan namande aiga miaŋgö dopkeu kewöta mötmöriba malal. Azi ketaŋi aka miaŋgöreŋ namandegöreŋ ahakmeme mi mosöta andö qeal. ¹²Miaŋgö dop nalö kewöŋe Anutugö aködamunŋi mi ölöp qahö ehakzin. Mi piliknöp uba ehekö tandök ek bibihiba tandökŋi törörök qahö möta öne mötmörimakzin. Mewö mötmörimakzinmö, könaŋgep Anutubuk mesohol köla aŋguba ek soroköbin. Nalö kewöŋe mötmöt qainŋi kun mi bahösapsap möt yaközalmö, nalö miaŋgöreŋ mi mönö körek möt yaköm tekömam. Anutunöp ni möt kömum niŋgizawi, nöŋön miaŋgö dop yaŋgö könaŋamŋi möt kömum tekömam.

¹³Keu ki jim köhöizin: Kalem karöbut mötnarip, jörömqöröm aka urukalem mi köhöiba ahöm öŋgömemö, urukalem ahakmeme miaŋön mönö sutŋine öŋgöŋgöŋi akza. Mewö.

Kezapqetok keu aka keu qainŋi kun jijigö kalemŋi

14 ¹Urukalemgö könaŋi mönö wuatŋgöba malme aka nup memegö mötmöt kalem könaŋi könaŋi mi mönö buŋa qem aŋgubingö kapaŋ köla malme. Miaŋön ölöpmö, kezapqetok keu jijigö kalemŋi memingöra mönö köhöiba kapaŋ köla malme. ²Kunöp keu qainŋi kun jizawaŋön mönö ambazip neŋgöra qahöpmö, mönö Anutugörök mi jimakza. Uŋa Töröŋan sölölohöiga keu asa-asambötŋi asuhui jimakzawaŋgöra tosatŋi neŋön keu mi qahö möt asarim waŋgimakzin. Mönö nanŋanök bauköm aŋgumakza.

³Tönpin maljinmö, kezapqetok keu jimakzawañön mönö ambazip urunini mem köhöiba nanğöba urukölalep ak neñgimamğöra aka keu jimakza. ⁴Kunñan keu qainñi kun jiba miañön mönö nanñi uruñi möhamğöba köhököhöi miwikñaimakzapmө, kezapqetok keu jimakzawañön mönө urumeleñ könagesө pakpak urunini möhamğöba mem köhöim neñgimakza.

⁵Iñini körekñan keu qainñi kun jimeğöra mötzalmө, kezapqetok keu jimeğöra mönө kapañ köla gwөtpuk mötzal. Kezapqetok keu jimakzawañön mönө keu qainñi kun jimakzawi, mi oñgitza. Keu qainñi kun jiba mi miañğöreñök nanine keunөñ melenjawi, mewө mönө örөрөñ akzahot. Mewө aiga keuñan mönө urumeleñ könagesө urunini möhamğöba mem köhöim neñgiiga dop kölja.

⁶O urumeleñ alaurupni, nөñön eñğöreñ kaba keuñi keuñi qainñi kun jibileñak, mewө mönө denөwө mem ölöwak eñgibileñak? Mewө qahөpmө, Anutugөreñ keu indelmam me mötmөt qainñi kun eñgimam me kezapqetok keu jimam me goro kusum eñgimam ewө, miañön mönө mem ölöwak eñgimam.

⁷Awөlop me gita kulele me yuai kunөñ liñetkö imbiñi miwikñaimakzini, mieñön mönө malmalñini qahөpmө, könanñini mönө mewөñanök kewө ahөza: Kunñan awөlop lañ uba me gita kulele lañ qeiga miañön qetñini nanñök nanñök qahө miwikñaimakza ewө, liñetkö imbiñi mönө denөwө möt asaribinak? ⁸Mewөyөk tömun um böligetka qetñi törөрök qahө möt asarizin ewө, dañön mönө bim qegegөra jөjөрөbawak?

⁹Eñgө könanñinan mewөñanök ahөza: Nesilamñinan ambazip qahө möt asarimeañgө dopkeu lañ jize ewө, kunñan keu mewөñi mönө denөwө möt asaribawak? Keu mewө jizei, miañön mönө öne lañ luhutnөñ anakza. ¹⁰Gölmeñi gölmeñi miañğöreñ keu murutñi murutñi dawik jimakzini, mi dañön mötpawakmө, töndup körek mieñön mönө keugө könanñi möt asaribingөra aka ahөze.

¹¹Könanñi miañğöra aka jimakzinmö, kunөñ keu jiiga keuñañgө könanñi qahө mötzal ewө, nөñön yañgө keuñañgө kianñi akiga yañön mewөyөk nөñgө keuñañgө kiani akza. ¹²Eñgө könanñinan mewөñanök ahөza: Iñini nup memegө mötmөt kalemñi kalemñi buña qem añgubingө awөweñgөgetka dop kölja. Miañğöreñ mönө kalem kewөñi mөmbingөra kapañ köla malme: Mötmөt kalem urumeleñ könagesө uruñini möhamğöba mem köhöimakzei, mönө mi buña qem añguba nupnөñ algetka qetpuk akña.

¹³Miañğöra keu qainñi kun jimakzawañön mönө kewө köuluköiga dop köлма, “O Anutu, keu jizali, mi meleñmamgө mötmөt kalemñi niñgiman.” ¹⁴Miañgө könanñi kewө: Nөñön keu qainñi kun jiba köuluközal ewө, nөñgө uñanan keuyөk jiba köuluközapmө, urumөtmөtnan mönө ölni kun qahө miwikñaiza.

¹⁵Miangöra mönö denöwö akiga dop kölma? Nönjön mönö uñananöhök qahöpmö, urumötmötni mewöyök miangörej ala köulukömakñam. Liñet köla möpöseimakzali, mi uñananöhök qahöpmö, urumötmötni mönö mewöyök miangörej ala kölakñam. ¹⁶Gi Anutu uñagan möpöseim wangizan ewö, ambazip omanji kunñan totokoñine kaba tata möpöseizanañgö könani qahö möt kutumawi, yañön mönö “Keu mi ölna,” mi denöwö jibawak? Wania jizani, yañön mi qahö möt asariba öne tönpin tatza. ¹⁷Gi ölop Anutu möpöseizanamö, keugan tosatñi yeñgö uruñini qahö möhamgöba mem köhöim eñgiza.

¹⁸Nönjön körek iñini eñgoñgita keuñi keuñi qainñi kun mi gwötpuk jimakzali, miangöra Anutu möpöseizal. ¹⁹Anutu möpöseizalmö, urumelenj könagesö uruñe ambazip kusum eñgimangöra kapañ köla möt asarimegöra keu jitñi 5 jimangö mötpi ölni akza. Keuñi keuñi qainñi kunöñ keu jitñi 10.000 nanañgörök jimangö mötpi eretñi akza.

²⁰Urumelenj alaurupni, iñini keu kewöta mötmörimakzei, miangörej mönö namande tandök mosöta ambazip ketañi yeñgö dop mötmöriba malme. Bölöñi akin jigetka miangörej mönö morösepsep ewö aka osimemö, mötkutukutuñinan mönö ambazip ketañi aka malme.

²¹ *Mosesgö Köna keunöñ keu kun kewö ohoget ahöza,

“Nönjön kian ambazip kuñgum eñgibiga könagesö kiengörej kaba jitñinan keu tandökñi kun jigetka lañ welipkömakñemö, mi töndup nöñgö keuni qahö mötme. Kembu nöñön mewö jizal.”

²²Keu miangö dopkeu qainñi kun jiinga uruñini qahö melenget yeñön mötketka Anutugö aiwesökñi ak eñgizapmö, mötnarip ambazip neñgöra miangön mönö aiwesökñi kun qahö akza. Mi qahöpmö, kezapqetok keu jiinga miangön mötnarip ambazip neñgöra Anutugö aiwesökñi akza. Urumelenjö kopa yeñön mi mötketka Anutugö aiwesökñi kun qahö ak eñgiza.

²³Urumelenj könagesö eñön tokoba körek eñön keuñi keuñi qainñi kun miangörej jigetka tosatñan Buña keu qahö kusum eñgigetka uruñini qahö melenjda öne miangörej öngömei, yeñön mönö auruba kewö jibeak me qahö, “Nöröpñinan mönö sohoi kahalalom akze.”

²⁴Mewö jibeakmö, körek eñön kezapqetok keuñi keuñi jigetka kunñan Buña keu qahö kusum wangigetka mötnaripñi qahö öne totokoñine öngöma ewö, körek eñön mönö singisöndokñi indela uruñi qahö melenñohangö keuñi jim tekögetka könanaññi möt kutuiga aukñe asuhuma. ²⁵Uruñangö keu tölapñi tölapñi aukñe asuhuiga yañön mönö dapköba eta Anutu waikñi memba möpöseiba kewö jim miwikñaiba qetma, “Anutunöñ ölna eñgö sutñine malja.” Mewö.

Urumelenj totokogö areñi kewö:

²⁶O urumelenj alaurupni, mewögöra nini mönö denöwö jiinga dop kölma? Iñini Buña keugö tokomakñei, miangörej mohot mohot eñön

* 14.21 Ais 28.11-12

mönö körek arejini kun me kun mi kewö ahakɲe: Kunöŋ Buɲa liɲetkö areɲi aliga kunöŋ Buɲa keu kusum enɲiiga kunöŋ Anutugö goro dölökɲi indeliga kunöŋ keu qainɲi kun jiiga kunöŋ mi meleɲma. Areɲ pakpak mi mönö urumeleɲ könagesö urunini kuɲguget köhöibingöra aka ahakɲe.

²⁷Tosatɲan keu qainɲi kun jime ewö, ambazip 4 qahöpmö, yahöt me karöbut yeɲönök mönö totoko mohotkö uruɲe mewö jime. Yeɲönök mönö areɲinangö dop awataɲ jigetka kunɲan mi meleɲma. ²⁸Kunɲan keu meleɲmamgö dop qahö akza ewö, yeɲön mönö urumeleɲ könagesögö totokonöŋ keu bök tata nanɲinangörök keuɲini qainɲi kun jigetka Anutunöŋ mötma. ²⁹Kezapqetok ambazip yeɲgöreɲök yahöt me karöbut yeɲgörök mönö areɲ enɲigetka keu jigetka tosatɲan mönö keuɲini kewötm.

³⁰Mewö akɲemö, kunɲan totokonöŋ tariga Anutunöŋ goro keu uruɲe indeli mötza ewö, yaɲön mönö mi jiiga kezapqetok keu mutuk jizawaɲön keuɲi mosöta bök tatma. ³¹Ambazip körekɲan Anutugö goronɲi mötketka uruɲini naɲgöi ölöwakɲegöra iɲini mönö körek pakpak ölöp nalöɲini memba areɲinangö dop kezapqetok keu jime. ³²Kezapqetok ambazip yeɲön mönö ölöp uɲaɲini galöm kölgetka uɲaɲinan keu bapɲe anjeangö dop akze.

³³Anutunöŋ kizik-kazuk Toɲi qahöpmö, luai Toɲi akza. Mianɲgöra totokonɲini mönö areɲnöŋ wuatangöba ahakɲe. Ambazip sarakɲi yeɲgö sutɲine könagesö dop ahakzei, iɲini mewöyök mönö mianɲgö dop kewö ahakɲe: ³⁴Ambi enöŋ mönö urumeleɲ könagesögö totokonɲine keu bök tatme. Yeɲön keu jimeangö dop qahö akzemö, Köna keu ahözawaɲgö dop mönö keu bapɲe anda malme.

³⁵Ambinöŋ urumeleɲ könagesögö keu jim kutuba kusum enɲiiga qahö dop kölja. Mianɲgöra keu kungö könaɲi mötpingö mötze ewö, yeɲön mönö miriɲine anda tata nanɲini apurupɲini qesim enɲime.

³⁶Anutugöreɲ Buɲa keu mianöŋ mönö enɲgö sutɲineyök ahuyök me qahö? Keu mianöŋ ahuba sehiba mala enɲgöreɲ kaba enɲgö buɲayök akza me qahö? ³⁷Kunöŋ kewö jibawak, “Nöŋön kezapqetok keu jibiga Uɲa Töröŋan sölölohöm niɲgiiga keu miambuk urumohot qahö akzal.” Mewö jizawaɲön mönö keu ki möt yaköma: Nöŋön ambigöra keu ohom enɲgizali, mianöŋ mönö Kembangö jöjopaɲ keu akza. ³⁸Kunɲan keu mianɲgö kezap qahö ala silebile malja ewö, iɲini mönö azi yaɲgö keugö kude kezap al waɲgiba malme.

³⁹Mianɲgöra urumeleɲ alaurupni, iɲini mönö kezapqetok keu jibingöra awöweɲgöba malme aka keu qainɲi kun jimegö soɲgonɲi mi kude alme. ⁴⁰Mi kude almemö, yuai pakpak mönö törörök areɲ ala wuatangöba ahakɲe. Mewö.

Kraistnöŋ kömupnöhök wahörök.

15 ¹O urumeleɲ alaurupni, nöŋön Ölöwak Buɲa jim asarim enɲgiali, mi ölum enɲgubapüköra mönö köl gulim enɲgimam. Iɲini mi buɲa

gem anguba mötnariprijini miangörej ala töndangöba kinje. ²Nöñon Ölöwak Buja jim asarim engjali, injini mi miangö dop töp memba angön kölme ewö, miangön mönö mem letot enggiiga Suepkö bujaya akje. Mewö qahö akje ewö, urujini mönö öne töhön melenja malje.

³Nöñon keu tosatji pakpak göranje ala nanak Buja keu möt angön kölali, mi mötpi öngöiga miangö keu kötji mötmegöra mi kewö engjal: Kraistnöj mönö Buja Kimbi ahözawañgö dop neñgö siñgisöndokninangöra aka kömuyök. ⁴Kömuiga Buja Kimbi ahözawañgö dop löm kölgetka sömañi karöbut aiga kömupnöhök wahörök. ⁵Kömupnöhök wahöta Pitögörej asuhuyök aka miangö andöñe gwarekurupji 12 yengörej asuhuyök.

⁶Miangö andöñe nalö mohot miangörejök urumelen alaurupnini qötöñini 500 öñgiröhi, mönö yengörej asuhuyök. Yengörejök ambazip öñji yeñon toroqeba nalö kewöñe mewöyök maljemö, tosatjan lök kömuget. ⁷Miangö andöñe munji Jeimsgörej asuhuyök aka miangö andöñe aposol pakpak yengörej asuhuyök.

⁸Miangörej körek asuhubagun qöndökñi mönö nöñgörej mewöyök asuhuyök. Nöñon aposol mi asai ewö öropköba aluji asuhuyal. ⁹Miangö könañi kewö: Nöñon aposol yengö sutñine mötpi eriga dagibezupñini akzal. Anutugö urumelen köñagesö sesewerowero ak enggiba malali, miangöra nöñgö qetni aposol qetketka mötpi gamuñambuk akza.

¹⁰Gamuñambuk akzapmö, nalö kewöñe yuai akzali, mi mönö Anutugö kalem möriamñan mem letota nam köl niñgiiga maljal. Yeñon kalem möriamñi niñgiiga liklak qahö akiga eta qeba omañi qahö ahökmö, nöñon mönö aposol körek luhut al enggiba köhöiba nup memba malal. Mi nanak qahöpmö, Anutugö kalem möriamñan mönö inahöm niñgiiga nupnañgö öñji mewö asuhuba sehiyök.

¹¹Nöñon meali me yeñon megetka öñji asuhuyöhi, mi muat. Neñon mönö Ölöwak Buja keu mewö jim asarimakzin aka injini miangö dop urujini melenja Kraist möt nariba malje. Mewö.

Nini kömupnöhök denöwö guliba wahötpin?

¹²Mötket! Kraistnöj guliba kömupnöhök wahöröhi, yañgö könañi mewö jim asarimakzin ewö, engörejök tosatjan mönö denöwö aka kewö jimakze, “Kömukömuñi yeñon qahö guliba wahötme.” ¹³Mewö jimakzemö, kömukömuñi yeñon qahö guliba wahötpeak ewö, Kraistnöj mönö mewöyök qahö guliba mal köhöibawak. ¹⁴Anutunöj Kraist qahö mem guli kömupnöhök wahötpawak ewö, nini Buja keuñi mi jim asarimakzini mi omañi akawak. Mi möt narigetka miangön mewöyök pömsöm qeba omañi akawak.

^h 15.3 Ais 53.5-12 ⁱ 15.4 Sum 16.8-10; Mat 12.40; Apo 2.24-32 ^j 15.5 Mat 28.16-17; Mak 16.14; Luk 24.34, 36; Jon 20.19 ^k 15.8 Apo 9.3-6 ^l 15.9 Apo 8.3

¹⁵ Anutunöŋ ölnja kömukömuŋi qahö mem gulim enġii wahötpeak ewö, Kraistnöŋ mönö mewöyök qahö mem guli wahötpawak. Nini mi töndup Anutugö könaŋi kewö naŋgöba jimakzin, “Anutunöŋ mönö Kraist mem guli kömupnöhök wahörök.” Keu mi ölni qahö akawak, ambazipnöŋ mönö miangöra aka könaŋamnini miwikŋaigetka munenji aiga ölp nönġöra kewö jibeak, “Anutugö könaŋi mönö naŋgöba jim sohomakza.” Keu miangön mönö gamuŋamŋuk akawak. ¹⁶ Anutunöŋ kömukömuŋi qahö mem gulim enġii wahötme ewö, Kraistnöŋ mönö mewöŋanök qahö guliba wahötpawak.

¹⁷ Anutunöŋ Kraist qahö mem guli wahötpawak ewö, inġini mönö öne töhöntöhön möt narim waŋgiba toroqeba ŋiŋisöndokŋinanġö kösögwarönöŋ malbeak. ¹⁸ Mewö aiga alaurupninan Kraistpuk qekötahöba kömugeru, yeŋön mönö mewöyök sohoba könöp ŋiagö buŋaya akeak. ¹⁹ Nini Kraist jörömqöröm ak waŋgiba gölmenöŋ malbinanġö dop galöm köl neŋġii miangören tekömapköra mambötzin ewö, nini mönö ambazip tosatŋi pakpak enġoŋgita bapŋine geba öngöpŋi daböŋi malinga körekŋan wösö mötmöt ak neŋġimakzeanġö dop akinak.

²⁰ Mewö akinakmö, Kraistnöŋ mönö ölnja guliba kömukömuŋi yeŋġö jiteŋe memenini aka kömupnöhök wahörök. ²¹ Miangö könaŋi kewö: Azinöŋ kömup kondoriga asuhui könahiba kömumba mala korin. Kömumba maljinanġöra aka azi kunŋan kömumba guliba malmal köhöikŋi kondoriga asuhuyök. Miangöra nini körekŋan mönö mewöyök guliba kömupnöhök wahötpin. ²² Körek neŋön Adam ewö aka kömumbini, mewöŋanök Kraistpuk qekötahözini, Anutunöŋ nini körek mal köhöibingöra mem gulim neŋgima.

²³ Mem gulim neŋġimapmö, körek neŋön mönö Anutunöŋ nalö alöhanġö dop guliba wahötpin. Kraistnöŋ jiteŋememenini aka guliiga miangö andöŋe yanġö buŋaŋi akzini, neŋön lilingöba kaiga nalö miangören guliba wahötpin. ²⁴ Kraistnöŋ mönö lilingöba kaba ömewöröme pakpak gölme dop ösum-mumu qakŋe galöm kölakzei, miangö kukŋini memba et ala ösumŋini körek köndenma. Mi köndenpa bemtohoŋi Anutu Iwiġö böröŋe aliga gölmenöŋ malmal miangören teköma.

²⁵ ^m Kraistnöŋ galöm köla mal öngöiga Anutunöŋ Buŋa keu ahözawaŋġö dop “mönö kerökurupŋi körek luhut ala nanŋi köna bapŋe al enġima.” Kraistkö galömkölköl nupŋan mönö miangören teköma. ²⁶ Kerökurupŋi luhut al enġiiga miangören kömup Toŋan mönö qöndökŋi aiga memba et al waŋgima.

²⁷ ⁿ Miangö könaŋi mi Buŋa Kimbinöŋ kewö ahöza, “Anutunöŋ mönö yuai pakpak yanġö köna bapŋe ali ahöza.” Keu mewö ahözapmö, “Yuai

^m 15.25 Sum 110.1 ⁿ 15.27 Sum 8.6

pakpak ali ahöza,” keu mewö jiiga könari mönö aukne kewö ahöza: Anutunöy yuai pakpak Kraistkö bapne ali ahöiga nanhi mönö qahö memba eta Kraistkö bapne al aŋguyök. ²⁸Mewö qahöpmö, Anutunöy yuai pakpak Nahönŋaŋgö bapne aliga galöm köla kerökurupni pakpak nanhi kukösumŋaŋgö bapne al eŋgima. Mi teköiga miaŋgöreŋ Anutunöy mönö Nahönhi mewöyök nanhi kukösumŋaŋgö bapne ala galöm köl wangima. Mewö aka Anutunöy yuai pakpakö Kembunji ak teköba mal öŋgöma.

²⁹Keu kun kewö: Ambazip tosatŋan uruŋini qahö meleŋda öne kömugeranŋöra tosatŋan kömukömuŋi mi bauköm eŋgimegöra jiba salupŋini aketka dumne kunbuk o melun mem eŋgimakze. Kömukömuŋi yeŋön qahö guliba wahötpeak ewö, yeŋgö nup ölnan mönö denöwö asuhubawak? Anutunöy kömugeri, mi qahöpmahöp mem gulim eŋgii wahötpeak ewö, ambazip mewöŋan mönö denöwögöra aka jigetka yeŋgö salupŋine o melun mem eŋgimakze? Nupŋini mi mönö öne membepuk.

³⁰Kömumba qahö wahötpinak ewö, neŋön mewöyök mönö urunini Anutugö nupnöy qahö ala jöhöbinak. Anutugö nupköra aka kömumbinbukö lömböt bapne sundan qahö anda malbinak. Qahö.

³¹Kömupnöy mönö nalö dop gwahöt niŋgimamgö dop akza. Keu mi ölna. O urumeleŋ alaurupni, nöŋön Kraist Jisös Kembunini yambuk kinda eŋgöra aka sileni memba öŋgömakzali, miaŋgö dopkeu ölni mi aukne jibi mötmegöra mötzal.

³²°Nani imbi-imbi wuatangöba nup ki memamgö mötmörize ewö, yuai kianŋön mönö denöwö bauköm niŋgima? Mewö qesim eŋgibiga mi mönö mötmöriba meleŋme: Nöŋön Efesus siti kianŋöreŋ ambazip ubibi kanjamŋinambuk ewö miwikŋaiba kömumbileŋbuköra yembuk auba malal. Mönö tötböröm aka auba malal. Kömumbagun qahö guliba wahötmini, mewö mönö qahö aubileŋak. Qahö! Mewö aiga ölop tosatŋi yembuk kewö jibileŋak, “Uran kömumbinaŋgöra mönö ölop nene sösoŋgai ala o köhöikŋi nempa malbin.”

³³Jaŋjuŋ kude akne. “Ambazip bölöŋi yembuk köisirik tatketka ahakmeme ölopŋan bölöma.” Keu kun mewö ahöza. ³⁴Eŋgö sutŋine tosatŋan Anutu qahö möt wangizei, miaŋgöra gamuŋini mötmegöra mi jizal. Miaŋgöra mönö gukmaulemŋini mosötme. Imbiŋinan letoriga törörök möta siŋgisöndok kude toroqeba ahakne. Mewö.

Sileninan guliba wahöta tandökŋi kun akŋa.

³⁵Kunöy kewö qesibawak, “Anutunöy kömukömuŋi mi denöwö mem gulim eŋgii wahötme? Sileninan mönö tandök denöwö meleŋniga asuhume?” ³⁶Mewö qesibawak, mönö uruqahö keuya jibawak. Inŋini sehöŋ kötni qahö kömuiga öne qesiŋ gilme ewö, miaŋön mönö qahö jula

° 15.32 Ais 22.13

wahötma. ³⁷Kötñangö ipñi wahötmawi, mi qahö kömötzanmö, kötñanök qesin giljan. Wit me sehonj kötñi me kötñi tosatñi gilakzan.

³⁸Miyök gilakzanmö, Anutunöñ mönö sihimñangö dop ipñi wanğima. Kötñi tandökñi nanñök nanñök mi nanñini ipñi engimakza.

³⁹Yuai busunini mi tandökñini mohot qahö. Ambazip busunini nanñök, sömbup busunini nanñök, nei busunini nanñök aka söra busunini mi nanñök.

⁴⁰Miangö dop Suepnöñ malmalgö sile mi nanñök akza aka gölmenöñ malmalgö sile mi nanñök akza. Nanñök nanñök akzahotmö, Suep silegö aködamunñi mi gölme silegö aködamunñi onğita qainñi kun akza.

⁴¹Wehönğö asakmararañi mi nanñök, köinğö asakmararañi nanñök aka señgelau mieñğö asakmararañini mi nanñök. Señgelau asarigetka tosatñi mieñğö asakmararañini mi señgelau tosatñi mieñğö asakmararañini onğirakza.

⁴²Guliba kömupnöñöhök wahötpini, miangö könañan mönö miangö dop ahöza. Sile löm kölbini, miañön gisahöba qahöwakñapmö, Anutunöñ mi mem guli wahötmawi, miañön mönö qahö kömuma. ⁴³Sile löm kölbini, miañön lölöwöröñi aködamunñi qahö akzapmö, Anutunöñ mi mem guli wahöta miangöreñ mönö köhöikñi aka asakmararañambuk akña.

⁴⁴Sile löm kölbini, miañön gölmenöñ malmalgö sileya akzapmö, Anutunöñ mi mem guli wahöta miangöreñ mönö uña mire malmalgö sileya akña. Gölmegö sile ahöza ewö, miangö dop uñagö sileñi mi mewöyök ahöza. ⁴⁵^PMiangö keuñi mi Buña Kimbinöñ mewöyök kewö ohoget ahöza, “Azi mutukñi Adam yañön letota uñañi miwikñaiiba söñğörö ösumñi öröba malmalñambuk ahök.” Keu mi möringa likepñi kewö asuhuyök: Adam qöndökñan mönö memguliguligö uñañi ahök.

⁴⁶Uñagö yuaini mi mutuk qahö asuhuyökmö, gölmegö yuaini miañön mönö mutukñi akza. Uñagö yuainan mönö miangö andöñe asuhuyök.

⁴⁷Anutunöñ azi mutukñi sömsömnöhök miwikñaiiga gölme azia asuhuyök. Azi könangepñi yañön mönö Suepnöhök eta sutnine asuhuyök.

⁴⁸Gölme ambazipnöñ azi gölmenöhök asuhuyöhi, mönö yañğö dop akze. Suepkö buña akzinañön azi Suepnöhök eta asuhuyöhi, mönö yañğö dop akzin. ⁴⁹Nini gölme azi mutukñangö kaisongolomñi memba maljini, miangö dop Suep azigö kaisongolomñi mi mewöyök memba malbin. Mewö.

⁵⁰O urumeleñ alaurupni, nöñön keu kewö jibi mötme: Sep busuninan mönö Anutugö bemtohoñ uruñe anğota dum memegö dop qahö. Mi osimahot. Sile kianñön gisahöba qahöwakñawi, miañön mönö oyaenčkoyaen qahö akña. Suepkö dum qahö ayapkömawi, sile kianñön mönö mi memangö osima.

⁵¹ Mötket! Nöñön keu tölapñi kun kewö indelman: Körek neñön mönö qahö nöñ qeba kömumbin. Qahöpmö, kömukömuñi yeñön letotketka tosatñi neñön mönö sileninambuk letotpin. ⁵² Anutunöñ kömukömuñi mem gulim enjiiga tömun qainñi kun qöndökñan qeriga miangörey wahötketka neñön biliksik aliga wölañök letotpin. Mutuk kömuger, yeñön mönö kunbuk qahö kömume.

⁵³ Sep busu ki gisahöba qahöwakñawi, miangön mönö letota qahö ayapkömawanğö dop akña. Sile ki kömumawi, Anutunöñ mi mönö opo ewö qeköba miangö salupñe sile qahö kömumawi, mi neñgii memba maluku ewö löngötpin.

⁵⁴ Mewö akzapmö, letotletot mi ak teköiga silenini qainñi kun meinga qahö kömumba gisahömawi, nalö miangörey mönö söñgaibin. Buña Kimbinöñ keu ohoget ahözawi, miangön mönö öñgambuk aiga miangö dop kewö jime, “Yañön mönö kömup Toñi köndeñda luhut aliga köirañ aljin.”

⁵⁵ Keu miangö alañi kun kewö, “O kömup Toñi, göñön mönö luhut almanangö dop qahö. O kömup Toñi, göhörey liñgip jitñi miangön mönö neñgöhömangö osima.”

⁵⁶ Keu mewö ahözapmö, kömupkö liñgip jitñi mi siñgisöndok ahakmeme. Jöjöpañ keuñan mönö siñgisöndok akinbukö soñgo aliga töndup ahinga kukñambuk ahakza. ⁵⁷ Kukñambuk ahakzapmö, Kembunini Jisös Kraistnöñ mönö Anutugörey bohon köliga alabauknini aiga yañgöra aka luhut ala malbin. Miangöra “Anutu saiwap!” jizal.

⁵⁸ O wölböt alaurupni, luhut albinangöra eñön mönö kin köhöiba anjañbanjañ mosöta uruñini kude öñgöba eta ahakña. Kembugörey qekötahöba nupñi megetka öññan mönö eta omañi qahö akña. Mi möt yaköba Kembugö nupñi mi mönö urukönöp^t qakñe böñ qeba pöndañ memba malme. Mewö.

Jerusalem alabauk enjimegö jimkutukutuñi

16 ¹ Judia könagesö sarakñi yeñgöra alabauk moneñ tokomegöra qesim niñgigeri, miangöra kewö jim kutum enjizal: Nöñön Galesia prowinsgö urumelen könagesöñi könagesöñi jim kutum enjiali, eñön tok mönö miangö dop kewö ahakñe:

² Sonda dop wehön mutukñi miangörey iñini körek nanñök nanñök mönö naluk alakñe. Töhötmöriam memakzeangö dop moneñini bahöñi mi köweñini görañe ala galöm köla malme. Mewö aketka nalö enğörey kabiga miangörey naluk sañgabañga almeangö dop qahö akñemö, mi ölöp köweñineyök memba altanöñ alme.

³ Mewö aketka enğörey kamami, nöñön nalö miangörey ölöp jim-asa-asari kimbi ohoba azi nup miangö mötket dop köljawi, mönö yeñgö

[¶] 15.51-52 1 Tes 4.15-17 [†] 15.54 Ais 25.8 [§] 15.55 Hos 13.14 [‡] 15.58 Urukönöp mi Kembugörey ölöpñangöra jiza. Urukönöp bölöñi mi qahö. [¶] 16.1 Rom 15.25-26

böröjine ala melaim enggibiga mindimindiri kalemjini mi memba Jerusalem anme. ⁴Nöjñon yembuk mohotje anmamgö anmam ewö, yejñon mönö ölop nömbuk toroqeba mohotje köwet kutuba anbin. Mewö.

Polgö nupñangö aka köna anangö areñi

⁵Nöjñon Masedonia prowins ongita anmam. Mianğöra Masedonia mosötagun mönö engöreñ kamangö mötzal. ⁶Engöreñ kaba nalö tosatji embuk tatpileñak me kömunjañ kie nalöñi (winter) mi mewöyök engö sutñine toroqeba mal teköbilenak. Mewö malbi ölop bauköm niñgigetka denike denike anbileñak, mianğöreñ mönö amqeba köna toroqeba anmam. ⁷Nalö kewöñe engöreñ kaba kusukñanök engeka engongita anmamgö qahö mötzalmö, Kembunöñ oñ jima ewö, mönö nalö tosatji embuk tatmamgö jöjörözal.

⁸ *Mewö jöjörözalmö, mutuk Efesus siti kianğöreñ toroqeba malbi yambu jeñiqe qe dölökñi (pentekost) mianñon kam kuñguma. ⁹Anutunöñ nöñğöra nupkö nañguñi ketanji öröi ölop nup ketanji membi ölni asuhum sehimakzapmö, gwötpukñan tuarenjoñ ak niñgimakze. Mianğöra kianğöreñ toroqeba malmamgö mötzal.

¹⁰ Timotinöñ ni ewö Kembugö azi ipñi aka nupñi memba malja. Mianğöra yaññon engöreñ kama ewö, iñini mönö köyan köl wañgigetka keñgöt mötmötñi qahö engö sutñine malma. ¹¹Kunñan kun kude ek sirik kölmapmö, embuk mal teköba nöñğöreñ kamangö jimawi, mianğöreñ mönö bauköm wañgigetka luainöñ engömosöta lilinğöba kama. Nöjñon urumeleñ alaurup yembuk i ekingö mambötzin.

¹²Urumeleñ alanini Apolos yañğö keuñi kewö jimam: Yaññon urumeleñ alaurup yembuk engöreñ kameğöra jiba köhöikñanök uru kuñgum wañgial. Mi wañgialmö, nalö kewöñe engöreñ kamangö tököm köhöiza. Könañgep nalöñi ölop ahöm wañgimawi, mönö mianğöreñ kama. Mewö.

Yaizökök keu teteköñi

¹³Iñini mönö uruguliguli mala mötnaripñini köl guliba kin köhöiba malme. Azi köhöikñangö dop mönö urugö nañğönañğö ambazip aka Kembugö kukösumñambuk kinme. ¹⁴Yuai pakpak aka memej, mi mönö urukalemñöñ aketka asuhuma.

¹⁵ Stefanas yañğö mire maljei, iñini mi möt engize. Akaiia prowinsnöñ nup meinga uruñini melengetka nupninangö ölni mutukñi mewö asuhuyöhi, mötze. Yeññon ambazip sarakñi mi pöndañ welen qem engiba uruñini mianğöreñ jöhöba ala maljei, mi mötze. O urumeleñ alaurupni, nöjñon uruñini kewö kuñgum engizal: ¹⁶Iñini tok ambazip mewöñi aka

† 16.5 Apo 19.21 * 16.8 Lew 23.15-21; Dut 16.9-11 * 16.8-9 Apo 19.8-10 † 16.10 1 Kor 4.17 † 16.15 1 Kor 1.16

yembuk toroqeba nup mohotqe memba Anutu welenni qemakzei, mönö körek yeŋgö keuŋini bapqe anda malme.

¹⁷Nöŋön Stefanus Fortunatus aka Akaikus ki kageraŋgöra söŋgaimakzal. Inini nömbuk Efesus ki qahö malgetka yeŋön mönö eŋgö salupŋini aka köisirik ak niŋgigetka dop kölja. ¹⁸Yeŋön eŋgö uŋaŋini körö-ölöwak qeba maljei, miaŋgö dop mönö nöŋgö uŋani mewöyök körö-ölöwak qem niŋgiba malget. Miaŋgöra inini mönö azi mewöŋi yeŋgöra mötket öŋgöiga mi aukŋeyök jiba keuŋinaŋgöra törörök kezap ala malme.

¹⁹^aUrumeleŋ könagesöŋi könagesöŋi Eisia prowins kiaŋgöreŋ maljei, yeŋön mönö yaizözkökŋini algetka eŋgöreŋ kaza. Aqila Prisila aka urumeleŋ könagesö yetkö mire tokomakzei, yeŋön mönö Kembugö qetqe yaizözkökŋini gwötpuk algetka eŋgöreŋ kaza. ²⁰Urumeleŋ alaurup pakpak Efesus ki maljei, yeŋön mönö yaizözkökŋini algetka eŋgöreŋ kaza. Inini mönö urumeleŋ alaurupŋini yembuk jölöŋini jiba aŋgum aŋguba numbuŋini yöhötim nempa malme.

²¹Nani yaizözkökni eŋgöreŋ ala qetni nani börönan kewö ohozal: Pol.

²²Kunŋan Kambu qahö jöpaköba urukalem qahö aka malja ewö, Kembunöŋ mönö qesuakŋi yaŋgö qakŋe ali öŋgöma. Kembunini, gi mönö kanöŋ!

²³Kambu Jisösgö kalem möriamŋan mönö embuk ahöma.

²⁴Kraist Jisösbuk qekötahöba kinjei, nöŋgö urujöpaknan mönö körek embuk ahöba kötuatköm eŋgii malme. Keu mi öŋa. Mewö.

^a 16.19 Apo 18.2

Korint Kimbi 2

Polnön Korint yeŋgöra kimbi aliga 2 ahök.

Jim-asa-asari

Pol aka Korint urumelen könagesö yeŋön urumohot ölpnji qahö aketka nalö miangören Polnön Masedonia mala kimbiŋi ki ohoyök. Tosatjan Pol tuarenjon köhöikŋi ak waŋgetmö, Polnön töndup aŋgururuk memba et ala yembuk urumohot akingö kapaŋ kölök. Aŋgururukŋini tekömapkö urusösöŋgaiŋi kondel eŋgiyök.

Kimbi bahöŋi mutukŋi (Boŋ 1-7) miangören Polnön Korint urumelen könagesö yembuk jöhöjöhö ahöhaŋgö keuŋi jiza. Könaŋi denöwögöra urumelen könagesö mi köhöikŋanök jim eŋgiyök? Mewö aiga uruŋini meleŋda urumohot akeri, miangö sösöŋgaiŋi kondela jim asariza.

Kimbi bahöŋi 2 (Boŋ 8-9) miangören Judia urumelen könagesö bauköm eŋgiba naluk eŋgimegöra kuŋgum eŋgiza.

Kimbi bahöŋi 3 (Boŋ 10-13) miangö keuŋi kewö: Böhi takapulakaŋi tosatjan nanŋini qetŋini 'Aposol ölni' jiba Polgöra aposol muneŋi jigetka Polnön keu miangö likepŋi meleŋ eŋgiyök.

Buk kiangö bahöŋi bohonŋi 5 mi kewö:

Jim-asa-asari keu *1.1-11*

Pol aka Korint urumelen könagesö *1.12-7.16*

Judia urumelen kambu yeŋgöra naluk alme *8.1-9.15*

Polnön aposol ölni akzawaŋgö kukösumŋi *10.1-13.10*

Keu teteköŋi *13.11-13*

1 ^a Anutunöŋ sihimŋaŋgö dop Pol ni kuŋgum niŋgiiga Kraist Jisösgö melaimelai azi aposol akzal. Nöŋön urumelen alanini Timotibuk tatzit. Korint sitinöŋ Anutugö urumelen könagesö maljei aka ambazip

^a 1.1 Apo 18.1

sarakñi pakpak Akaia prowinsjni dop köla maljei, netkôn embuk Buja keu eraum mötpingöra kaba kimbi ki ohozit.

²Anutu Iwinini aka Kembu Jisös Kraist yetkôn mönö kalem möriam enghiyohotka luainöñ malme.

Polnöñ Anutu urukölalepñangöra möpöseiza.

³Nini Kembunini Jisös Kraistkö Anutu Iwiñi möpöseimakzin. Yañön mönö ak-kömukömu Toñi aka urukölalep pakpak neñgimakzawangö Anutuñi akza.

⁴Nini kahasililiñ könani könani miwikñaimakzini, nalö miangörej Anutunöñ uruqesawölim neñgimakza. Uruqesawölim neñgii möta miangö qakñe kininga tosatñan kahasililiñ könani könani miwikñaimakzei, mi mönö ölop amqeba uruqesawölim enghimakin. ⁵Miangö könani kewö: Kraistpuk qekötahöinga yangö sihimbölonñan qaknine öngöi kelejmalelej mörakzinmö, miangö dop uruqesawölim mewöñanök neñgii Kraist qekötahöinga urukölalepñan urunine geiga kelejmalelej mörakzin.

⁶Neñön köñjiliñ uruñe maljin ewö, Anutunöñ mönö iñini uru qesawölim enghii uruñini kunbuk melenña oyaenköyaen akñegöra mötza. Anutunöñ uru qesawölim neñgiiga enñon mi eka nanñinak uru qesawölim miwikñaima. Uru qesawölim enghimakzawangö ölnñan mönö uruñine kewö asuhumakza: Nini sihimbölö möringa enñon tok sihimbölö miyöhök miwikñaima ewö, mi mönö ölop möta mökösonña kin köhöiba malme. ⁷Sihimbölonñan qakñine öngöi mörakzei, uru kölalepnöñ mönö mewöñanök qakñine öngöi malje, mötzin. Mi möta miangöra enñon kin köhöimegöra mamböta jörömqöröm köhöikñi ahakzin.

⁸^bO urumelenñ alaurupni, nini Eisia prowins uruñe nup memba mala nupkö sihimbölö möta kahasililiñ miwikñaima möriini, iñini miangöra gukmaulem malbepuköra mötzin. Nupkö lömbötñan ösumnini öngita öngöngöñi aka mulumgöm neñgiiga kin köhöibingö osinmö, töndup kapañ kölinga mem et al neñgiiga malin. Mewö asuhuiga toroqeba malbin me qahöwi, miangöra mewöyök tötböröm aka malin.

⁹Mewö mala uruninan kewö mötmöriin: Kunöñ kömumbingö keuñi lök jim teköi keu miangön qaknine öngöi ayuhubingö mambörin. Nanini ösumnöñ nariba malbinbukmö, Anutu kukösum qakñe nariba malbingöra aka mewö asuhuyök. Anutunöñ kömukömuñi mem gulim enghii wahötmei, yañön mönö amqeba nini mewöyök bauköm neñgimakña.

¹⁰Kömumbinbukö keñgöt mötmöt öngöngöñi ahinmö, Anutunöñ mönö miangörejök meköm neñgiyök. Meköm neñgiyök aka toroqeba meköm neñgimakña. Nini jörömqörömnini Anutugörej ala mewö möt narim wangiba kinjin. ¹¹Iñini mewöyök bauköm neñgiba neñgöra

^b 1.8 1 Kor 15.32

aka köulukögetka meköm neŋgimaknya. Gwötpukŋan neŋgöra aka köulukögetka Anutunöŋ möta miangö likeŋi meleŋi kalem möriamŋan dop köl neŋgii neŋgehorimakŋa. Mewö meköm neŋgiiga alaurup gwötpukŋan mi möta neŋgöra aka mindiriba möpöseigetka köiraŋ köulukŋinan öŋgöba Anutugö kezapŋe gemakŋa. Miangöra mönö toroqeba nöŋgöra aka Anutu köulukömakŋe. Mewö qesizal.

Polnöŋ köna anangö areŋi uteköyök.

¹²Tosatŋi iŋini nöŋgö könaŋamnaŋgöra uruyahöt akzei, miangöra keu kewö jimam: Anutunöŋ solanŋi malbingö mörakzawi, neŋön miangö dop gölmeŋi gölmeŋi liliköba miangöreŋ ahakmeme sarakŋi mi pöndaŋ wuatangöba malin. Engö sutŋine mi mönö kapaŋ köla törörök wuatangöba malin. Mi gölme ambazip mötkutukutuninaŋgö dop qahöpmö, Anutugö kalem möriamŋan inahöm neŋgiyöhaŋgö dop mi aka memba malin. Anutunöŋ ahakmemeni mi eka naŋgöba “Dop kölja,” jiiga urukezapnan keu mi mörakzal aiga miangöra silenini memba öŋgömakzin.

¹³Kulem ohomakzali, miangö keuŋi pakpak mönö ölop oyoŋda möt asarimeangö dop akza. Keuŋi mi geŋmoŋi qahö. Keu könaŋi asa-asamböŋi kun qahö ohomakzal. Mi aukŋeyök ahöza. Miangöra nöŋgö könani mi körek möt asarim tekömegöra möta jörömqöröm akzal.

¹⁴Nöŋgö könani mi lök bahösapsap kewö möt asarize: Kembunini Jisösnöŋ kunbuk kamawi, nöŋön mönö nalö miangöreŋ engöra aka sileni memba öŋgömam. Miangö dop iŋini mewöyök ölop nöŋgöra aka silenini möpöseigetka dop kölma. Iŋini nöŋgö könani mewö möt asarim tekömegöra mötzal.

¹⁵Nöŋön keu miangö qakŋe awösamkakak kinalangöra aka mutuk engöreŋ kaba engekŋamgö areŋi alal. Indimŋi yahöt engekiga kötümötuet mötmegöra aka köna anmamgö areŋi kewö albi ahöyök: ¹⁶“Masedonia prowinsnöŋ anmamgö könanöŋ mutuk iŋini engeka toroqeba Masedonia anda lilingöba kunbuk engöreŋ kamamgö jial. Kaba malbi yuai tosatŋi bauköm niŋgiba melaim niŋgigetka engömosöta Judia prowinsnöŋ anmamgö möral.

¹⁷Areŋni mewö albi ahöyökmö, mi uteköyal. Mewö aka an köl kam köl qakŋe möndöba laŋ qahö ahal. Nani areŋni mi gölme ambazipkö dop nanangöra laŋ mötmöriba qahö ahal. Mewö kude mötmörimo. Numbu ösum mohot miangönök “Oŋ, ölop kamam!” aka “Qahö kamam!” keu yahöt mi mindiriba qahö jial. Mönö ahakmeme sarakŋi wuatangömakzal.

¹⁸Anutunöŋ keu jiba miangö dop pöndaŋ ahakzawi, neŋön mönö yangö jeŋe kewö jim köhöizin: Neŋön nalö kunöŋ “Oŋ, mi ölop akin,”

jim jöhöba miangö andöŋe “Mi qahö akin,” pötagororoŋ keu mewö meŋqeleŋ qahö jiba malin.

¹⁹ ^dAnutu Nahönŋangö könaŋi kewö: Nönön Sailas aka Timoti yetpuk engö sutŋine Kraist Jisösgö könaŋi jim asariba malinga yaŋön “Anutugö jitiŋi tem kölmam!” aka “Qahö tem kölmam!” keu jöl yahötyahötkö qakŋe meŋqeleŋda qahö kaba malökmö, Anutugöra keu jiba jöhöyöhi, miangöra mönö “Oŋ!” jiba miangö dop aka memba malök.

²⁰ Anutunöŋ jöhöjöhö keu (promis) sehisehiŋi dawik neŋgiyöhi, qötöŋini qahö mötzinmö, Kraistnöŋ keu körek miengöra “Oŋ!” jiba mem köhöiiga pöwöwöm ahöza. Miangöra Kraistnöŋ mewöyök nam köl neŋgi keu miengö ölninan asuhui möta “Keu mi ölja,” jibin. Mewö aHINGA Anutugö qetbuŋaŋan sehimakŋa.

²¹ Anutu nanŋak mönö nini aka iŋini mohot mem köhöim neŋgiiga Kraistpuk qekötahöba kin köhöibin. Yaŋön mönö Buŋa keu jim sehibingöra aka bedu mem neŋgi maljin. ²² Anutunöŋ urunine Uŋa Töröŋi mekötahöiga yaŋön oyaenŋkoyaen malbingö keuŋi naŋgöba jim köhöimakza. Anutunöŋ mewö aka buŋaŋi akzinangö muŋgem supapŋi mi mekötahöm neŋgiyök.

²³ Nönön tembula lömböt enggibileŋbuköra möta zilaŋ Korint engöreŋ qahö liliŋgöba kayal. Mewö jiba Anutugö qetŋi qetpi ölop keuni mi naŋgöba jima. ²⁴ Silik denöwö aka Anutu möt narimakzei, miangöreŋ kembu ak engimamgö qahö mötzal. Mötnariŋŋinan lök töndangöm engiiga kin köhöimakze. Miangöra sösöŋgai qakŋe malmegöra bauköm engimamgö möta embuk mohotŋe urugö nup memakin. Mewö.

2 ¹ Mutuk engöreŋ kaba siksauk akerangöra jim enggibiga gamuŋini möta wösöbirik aket. Miangöra engöreŋ kabiga kunbuk mewö akepuköra möta urunan keu jöhöba köna anangö areŋni uteköyal.

² Miangö könaŋi kewö: Gamu qem enggibi wösöbirik akeak ewö, daŋön ölop uruni qesawölim niŋgiiga kunbuk sösöŋgai miwikŋaibileŋak? Janjuŋinangöra aka jim enggibi wösöbirik akeak ewö, tosatŋan sösöŋgai ak niŋgibingö osigetka nanak mewöyök wösöbirik aka malbileŋbuk. Miangöra zilaŋ kaba gamu qem engimamgö töközal.

³ Kimbi köhöikŋi mi könaŋi kewögöra ohoba alal: Nönön söŋgaibiga körek eŋön mönö nömbuk söŋgaime. Nönön iŋini körek mewö uruyahötŋi qahö möt narim engizal. Nönön tosatŋi engöra sösöŋgai miwikŋaimamgö mötzalmö, kabiga könaŋamŋini sohoi laŋ malgetka eŋgeka wösöbirik akileŋbuk. ⁴ Wösöbirik akŋegöra kimbi mi qahö ohoyalmö, önöŋi qahö uru jöpaköm engimakzali, iŋini miangö könaŋi möt yakömegöra mönö keu köhöikŋi mi kimbinöŋ ohoyal. Urunan engöra aka waimanŋat ketanŋi möta köŋjiliŋ qakŋe tata imbilnan eriga ohoyal. Mewö.

^d 1.19 Apo 18.5

Kunjan kõna oŋgiröhi, yaŋgö ŋiŋgisöndokŋi mönö mosötme.

⁵Kunöŋ ŋiŋgisöndok aiga gamu aka wösöbirik asuhuyöhi, miaŋön mönö nöŋgö qakneyök qahöpmö, körek eŋgö qakŋine mewöyök öŋgöyök. Keu mi jim qaribi sohobapuköra mönö kewöyök jimam: Gamu miaŋön mönö körek dop köl eŋgii miaŋgöra gwötpuk me borom kun wösöbirik aket. ⁶Könagesö ölnan keuŋaŋgö likepŋi meleş waŋgigeri, miaŋön mönö dop köl waŋgii uruŋi kunbuk meleşnök.

⁷Nalö kewöŋe gamu aka wösöbirik keta bölökŋi möriga miaŋön jem keleşgöbapuköra mönö lömböt kude toroqem waŋgime. Lömböt qahöpmö, mönö kapaŋ köla ŋiŋgisöndokŋi mosöta urukölalep ak waŋgime. ⁸Miaŋgöra kewö uru kuŋgum eŋgizal: Injini mönö keu jöhöba urukalemŋini kunbuk toroqeba köhöiba kondel waŋgiba malme. ⁹Nöŋön kimbini mi kewögöra ohoyal: Injini nöŋgö keuni pakpak tem köla esapesapnöŋ kin köhöime me qahö tem köla töteköba etme, miaŋgö kõnaŋi kewöta mötmamgöra möta mi ohoyal.

¹⁰Injini kungö ŋiŋgisöndokŋi mosötze ewö, nöŋön mi mewöyök mosöt waŋgizal. Bölöŋi ak niŋgiyöhi, miaŋgöra qahö mötpi öŋgözapmö, eŋön kunbuk ölöwaka mindirim aŋgumegöra mötzal. Miaŋgöra bölöŋamŋi mi lök Kraistkö jeŋe ölna mosöt waŋgibiga teköyök. ¹¹Satanöŋ areŋi ala silenöŋ alal kõnaŋi kõnaŋi ahakzawi, miaŋgöra tönpin qahö maljal. Miaŋgöra Satanöŋ luhut al neŋgibapuköra aka azi miaŋgö ŋiŋgisöndokŋi mönö mosöt teköme. Mewö.

Polnöŋ Troas mala Taitusgöra waimanjat mörök.

¹²°Nöŋön Kraistkö Ölöwak Buŋaŋi jim sehimamgöra aka Troas taonöŋ anbiga Kembunöŋ nanju öröm niŋgiiga nupŋi miaŋgöreŋ memamgö amqeyök. ¹³Mewö amqeyökmö, urumeleŋ alani Taitus qahö miwikŋaibi keuŋini qahö jii möralaŋgöra aka waimanjat möta luainöŋ urune qahö ahöyök. Miaŋgöra yaizökzökŋini jiba eŋgömosöta Taitus jarumamgöra Masedonia prowinsnöŋ anal. Mewö.

Kraistnöŋ ösum neŋgiiga luhut alakzin.

¹⁴Neŋön Anutu kewögöra möpöseimakin: Kraistkö buŋa aka welenni qeinga Anutunöŋ nalö dop suahö galöm ewö aka neŋguaŋgiriga anda köiraŋ kölakzin. Luhutnöŋ plaua juraŋaŋgö wörönŋi ölöpŋi memba kaiga mörakzin. Miaŋgö dop Anutunöŋ nam köl neŋgiiga denike denike liliköba Kraistkö kõnaŋi jim asariinga aukŋe asuhum sehiba aniga gölme dop mörakze. Miaŋgöra Anutu möpöseimakzin.

¹⁵Miaŋgö kõnaŋi kewö: Neŋön ambazip Suep mire öŋgömei aka könöp sianöŋ gemei, yeŋgö sutŋine anda kainga wörönini sarakŋi mörakze.

° 2.12-13 Apo 20.1

Kraistkō kōnaŋi jim sehiinga Anutunōŋ nupninaŋgō wōrōnŋi mōt
ōlōwahakza.

¹⁶Kōnōp sianōŋ gemei, yeŋōn Buŋa keunini mōtketka miaŋōn
keunini jim tekōiga kōmum kōhōimegō mōta mōnō qamōtkō mumu
wōrōnŋi ewō akza. Suep mire ōŋgōmei, yeŋōn Buŋa keunini mōtketka
oyaeŋkoyaeŋ eŋgimapkō mōta mōnō malmal kōmbōnaŋaŋgō wōrōnŋi
umkōhōwakŋambuk ewō akza. Daŋōn nup mewōŋi memawaŋgō dop
akza? ¹⁷Ambazip tosatŋi gwōtpukŋan mōnō ni ewō qahō akze. Yeŋōn
malmalŋini naŋgōbingōra mōta Anutugōreŋ keu mi kōlkōl-ōrōrō ewō
laŋ memba ala jimakze. Nōŋōn yeŋgō dop qahō ahakzalmō, Kraist
qekōtahōba kōŋbiŋ mosōta uruni sarakŋi aiga kinjal. Anutunōŋ melaim
niŋgiyōhi, mi mōta yaŋgō jemesoholŋe kinda Buŋa keuŋi tōrōrōk jim
sehimakzal. Mewō.

Jōhōjōhō areŋ dōlōkŋaŋgō nup meme ambazip akzin.

3 ¹Nanak kōnaŋamni kunbuk kōnahiba jim ōlōwakŋamaŋgōra
mōtmōrize me? Mi qahō. Nup meme ambazip tosatŋan Korint eŋōn
yeŋgō kōnaŋini mōtmegōra mōta jim ōlōwak kimbi ohobingō kapaŋ
kōlakze. Tosatŋan Korint eŋōn yeŋgō kōnaŋini naŋgōba jiba jim ōlōwak
kimbiŋi kimbiŋi ohomegōra iŋini kuŋgum eŋgimakze. Nōŋōn nupni
diŋdiŋanōk mealangōra jim ōlōwak kimbi mewōŋaŋgōra qahō osizal.
²Anutunōŋ Korint iŋini bōrōne al eŋgii letota wōlbōt kōtŋi aka nanŋinak
nōŋgō jim ōlōwak kimbini ewō akze. Anutunōŋ nōŋgō jim ōlōwak
kimbini mewō ohoiga ambazip kōrekŋan silik tandōkŋini dōlōkŋi mi eka
oyōŋmakze.

³Iŋini Kraistkō papia kimbi ewō akzei, miaŋōn aukŋe ahōza.
Mosesnōŋ Kōna keuŋi naŋim oŋi iŋk miaŋōn kōt tafenōŋ ohoyōhi, iŋini
miaŋgō dop qahō akzemō, Kraistnōŋ kimbiŋi eŋgō uruŋinaŋgō tafene
kewō ohoi kinje: Neŋōn nup meinga ōlŋi asuhui Kraistnōŋ Anutu malmal
kōhōikŋi Toŋaŋgō Uŋaŋi uruŋine ali letotket. Ambazipnōŋ nupninaŋgō
ōlŋi mi eketka miaŋōn baukōm eŋgiiga nupninaŋgō kōnaŋi mōt
asarimakze.

⁴Kraistpuk qekōtahōinga Anutunōŋ nupninaŋgō tandōkŋi mōtza.
Miaŋgōra nup meinga iŋini Kraistkō buŋaŋi akeri, mi ōlōp Anutugō
jeŋe awōsamkakak kinda jizin. ⁵Nanini kōhōkōhōi qakŋe nup ōlōpŋi ki
Anutugō jeŋe membinaŋgō dop akzini, mewō ōlōp qahō jibin. Nanini
yuai kunōŋ qahō lapingōmakzinmō, Anutunōŋ nanŋōk inahōba mōtmōt
neŋgiiga nup ki memakzin.

⁶Anutunōŋ inahōba mōtmōt neŋgiiga jōhōjōhō areŋ dōlōkŋaŋgō
nup meme ambazip akzin. Mosesgō Kōna keuŋaŋgō kulemŋi mohot

† 3.3 Eks 24.12; Jer 31.33; Eze 11.19; 36.26 * 3.6 Jer 31.31

mohotkora urukönöp akinak ewö, keu mianjön mönö keunini jim teköiga kömum köhöibinak. Uña Töröñangö nup areñi jim asariinga yañön mem gulim neñgiiga mal köhöibin. Miangöra Köna keugö areñi miyök wuatangömegöra qahö kapan kölakzinmö, Uña Töröñi möt angön kölmegöra uru kuñgum eñgimakzin. Mewö.

Jöhöjöhö areñ dölökñangö nupñi mi aködamunñambuk.

^{7h}Anutunöñ Köna keuñi jiba kulemñi kötnöñ möndömgöba ohoyökmö, ambazipnöñ mi qahö tem kölgetka Anutunöñ keu miangö dop kewöta likepñi melen eñgiiga kömumba köhömuñi mala kotket. Anutunöñ mutuk Köna keuñi neñgiiga nalö miangörej asakmararañan Mosesgö jemesoholñi qei asariyök. Asakmararañ mianjön waziba ayapkömawangö dop ahökmö, mi töndup Israel ambazipnöñ jemesoholñi törörök uba ekingö dop qahö aket. Gwötpuk asariyöhangöra mi osiget. Köna keugö Buña areñ walñan lök mewö asakmararañambuk asuhuyök.

⁸Mewö asuhuyökmö, Uña Töröñan Buña areñ dölökñi neñgii miangö asakmararañan asuhumawi, mianjön mönö jöhöjöhö areñ walñangö asakmararañi oñgita önöñi qahö asariba jenini gamugamu ahakña.

⁹Mutuk Mosesgö Köna keu asuhuba kewöt neñgiiga miangö dop könöp siagö buñaya akzin. Buña keu mi lök aködamunñambuk asuhuyök. Miangöra Anutunöñ keunini kewöta jim teköi solanibini, Buña keu miangö aködamunñan mönö keta bölökñi akza. Mianjön jöhöjöhö areñ walñangö aködamunñi mi gwötpuk oñgita qetbuñangambuk akza.

¹⁰Buña nup walñan mutuk aködamunñambuk ahökmö, mi Buña nup areñ dölökñambuk mindiriba kewöringa walñi mianjön mönö qetbuñañi qahö akza. Uña Töröñangö nup areñ miangö aködamunñan öngöñgöñi akzawangöra nup areñ walñan mönö yuai omañi ewö akza.

¹¹Anutu amötqeqeñangö köna walñan lök waziba ayapkömawangö dop ahök. Mianjön lök asakmararañambuk asuhuyök. Miangöra köna dölökñi teteköñi qahö ahöm öngömawi, miangö asakmararañan mönö köna mutukñangö asakmararañi mi önöñi qahö oñgita jenini gamugamu ahakza.

¹²Jöhöjöhö dölökñan teteköñi qahö bauköm neñgiiga asakmararañan asuhumawi, mewö Anutu jörömqöröm al wangimakzin. Miangöra keñgötnini qahöpmahöp möta awösamkakak kinda keu mi kusum eñgimakzin. ¹³ⁱMosesnöñ Israel ambazip asakmararañ waziba ayapköyöhi, mi ehipebuköra manjat möta jemesoholñi opo jahönñan esuhuyök. Neñön miangö dop qahö ahakzinmö, Buñanini aukñeyök jimakzin.

¹⁴Buña walñangö asakmararañi eketmö, uruñinan töndup gwözöñni lañ mala kotket. Nalö kewöñe mewöyök yuai kuññan mönö opo jöhan

^h 3.7 Eks 34.29 ⁱ 3.13 Eks 34.33

miaŋgö dop Juda ambazip gwötpuk yengö uruŋini gwözöŋni malje. Miaŋgöra Jöhöjöhö Walŋangö Buŋa keuŋi keuŋi oyonjei, miengö könaŋini mi törörök qahö möt asarimakze. Uruŋini melenŋa Kraistpuk toroqegetka mewö miaŋönök mönö opo johanŋini mi qeköi möt asarime. ¹⁵Nalö kewöŋe mewöyök Mosesgö Köna keuŋi oyongetka yuai kunŋan mönö opo johan ewö uruŋini gwözöŋni mötmötŋinan lömbörii malje.

¹⁶Mewö maljemö, Buŋa Kimbigö keu kun kewö ahöza, “Mosesnön ‘Kembubuk eraum mötpit,’ jiba opo johanŋi mesoholneyök qeközapma.” Keu mewö ahöiga yengöreŋök kunŋan uruŋi melenŋa Kembubuk toroqezawi, nalö miaŋgöreŋök mönö yuai opo johanŋangö dop mi qeköi Anutugö amötqeŋangö könaŋi möt asarima. ¹⁷Keu miaŋön “Kembugöra” jiba mi mönö Kembugö Uŋaŋangöra jiza. Kembugö Uŋa Töröŋan denike yengö uruŋine maljawi, yaŋön mönö siŋgisöndokŋinangö kösöŋi pösariga solanŋi (fri) malje. (Mewö mala solanŋi diŋdiŋi akingöra Köna keu wuatangöbingö qahö kapaŋ kölakze.)

¹⁸Miaŋgö dop urunini melenŋinga Kembugö asakmararaŋan körek neŋgö je mesoholnine kuŋguiga bilikbilik aliga jenini qahö esuhuinga ambazipnön neŋgeka Anutugö aködamunŋi qetpuk mi piliknön uba ehökö tandök ehakze. Nini mi qarim sehiba ehakŋeangö dop letorakin. Mewö letota aködamunŋi qetpuk mi qariba asariba Kembugö tandöktandök ahakin. Kembunön Uŋaya akzawi, yaŋgö asakmararaŋan mönö mewö mem letot neŋgimakza. Mewö.

Nini kouraŋen ewö ahinga Uŋa Töröŋan ölni akza.

4 ¹Anutunön ak kömum neŋgiyöhanŋö dop nup ki qaknine ali memakzini, miaŋgöra mönö böŋ kininga uruninan qahö etma. Qahö! ²Neŋön nup memegö köna tölapŋi gamuŋinambuk mi körek andö qein. Tilipqilip qahö aka Anutugö keuŋi qahö möwöramgömakinmö, keu ölni mi aukŋeyök alakzin. Mewö Anutugö jemesoholŋe ambazip uruölöwak möt neŋgimegöra kininga jim ölöwak keuninan asuhui körekŋan keunön törörök jim neŋgibingö osimakze.

³Mewö ahakzinmö, iŋini tosatan kewö jimakze, “Polnön Ölöwak Buŋaŋi mi esuŋambuk jimakza.” Mewö jibileŋak ewö, esu miaŋön könöp sianön gemei, mönö yengö uruŋine ahöba miaŋgöra gwözöŋniga qakömakze.

⁴Kraistnön Anutugö imutŋi akza. Kraistkö aködamunŋi mi nanŋi Ölöwak Buŋaŋan indela asakŋi ewö asarimakzapmö, yengö jeŋinan ömuŋ köli jipjap ahakza. Nalö kewöŋe bölöŋangö Kembuŋi gölme dop galöm köl eŋgimakzawi, yaŋön urumelenŋö kopa ambazip yengö mötmöt jeŋini mem gömöliiga laŋ malje. Miaŋgöra Ölöwak Buŋagö asakŋi ek asaribingö osimakze.

¹ 3.16 Eks 34.34

⁵Nani qetbuʻanan qarimapkō Buʻa keuʻi qahō jim asarimakzalmō, eʻjōn Kembu Jisōs Kraistkō kōnaʻi mōta jitʻi tem kōlmegōra uru kuŋgum eŋgimakzal. Neʻjōn Kembangō jitʻi wuatangōba iʻjini welen qem eŋgimakzin. ⁶^kKōnaʻi kewōgōra welen qem eŋgimakzin: Anutunōʻj mutuk kewō jim kutuyōk, “Asaknan mōnō sōʻnaup qeiga asarima.” Mewō jiyōhaʻjōn mōnō Buʻaʻangō asakʻi ali urunini qeiga asariyōk. Kraistnōʻj ahakmemenʻi aka meiga Anutugō asakmararaʻan jemesoholʻe asarii ekeri, Anutunōʻj nini miaŋgō kōnaʻi mōt kutubingōra kapaʻj kōlakza. Asakʻangō kōnaʻi jim sehibingōra aka asakʻi mi neʻjgiyōk.

⁷Asakʻan urunini qei asariŋa mōtkutukutu miaŋgō bohonʻi mi milyōn kina oŋgita ōŋgōŋgōʻi akzampō, silenini mi kouraʻen ewō amqeba julakza. Anutu asakʻan mōnō sile mewōʻangō uruʻe ahōza. Ambazipnōʻj miaŋgō kōnaʻi ekʻegōra Anutunōʻj areʻi al neʻjgiyōk. Dopkeu miaŋgō kōnaʻi kewō: Kukōsum ōnōʻj qahō al neʻngimakzawi, mi neʻngōreʻjōk ōne asuhumakzawangō dop qahōpmō, Anutunōʻj mōnō miaŋgō Toʻji akza.

⁸Eu emu likep likep miaŋgōreʻjōk lōmbōt kōnaʻi kōnaʻi qaknine ōŋgōba qōlōlōmbōrim neʻngigetka wahōjaliʻj mōrakzin. Mi mōrakzinmō, tōndup mienōʻn qahō qōzōjahōm neʻngigetka erakzin. Nalō tosatʻe juʻj ewō wangōmʻe qakōba kōna qahō miwikʻaimakzinmō, tōndup tōtbōrōm qahō ahakzin.

⁹Ambazipnōʻj sesewerowero ak neʻngimakzemō, Anutunōʻj andō qahō neʻngumakza. Ambazipnōʻj mulumgōm neʻngimakzemō, tōndup qahō ayuhumakzin. ¹⁰Jisōs qem kōmugeri, miaŋgō dop nini mewōʻnanōk buʻaʻi jim sehimakzinaʻngōra aka neʻnguget kōmumbinbukō mōta anda kaba malʻjin. Jisōsbuk mal kōhōininga inahōm neʻngimakzawi, ambazipnōʻj miaŋgō kōnaʻi mōt kutumegōra aka mewō malbingō urumohot akzin.

¹¹Gōlmenōʻj jebuk mala Jisōsgō nupʻi memakzinaʻngōra aka nalō dop kōmumbingō dop akzin. Sileninan kōmumawangō dop akzampō, Jisōsnōʻj urunine mal kōhōiba silenini mem gulimakzawi, ambazipnōʻj miaŋgō ōlʻi ek asarimegōra aka kinʻjin. ¹²Nini nalō dop sihimbōlō mōta kōmumbingō dop ahakzinmō, nōʻjōn eŋgō sutʻine nup memba malali, eʻjōn miaŋgōra aka guliba malmal kōhōikʻe aŋgota mal ōŋgōme.

¹³^lSumbara (Sam) kunōʻj keu kewō ohoget ahōza, “Anutu mōt nariba kōmupnōhōk mekōm niŋgimapkō kōulukōba malal.” Neʻjōn keu miaŋgō dop kōmupnōhōk mekōm neʻngimapkō mōt narizin. Mōtnaripkō Uʻja Tōrōʻj miyōk buʻa qem aŋguzinaʻngōra neʻjōn mōnō mewōyōk keunini jiba kōulukōmakzin. ¹⁴Anutunōʻj Kembu Jisōs mem guli kōmupnōhōk wahōrōhi, yaʻjōn mōnō nini mewōyōk mem gulim neʻjgi wahōta

^k 4.6 Jen 1.3 ^l 4.13 Sum 116.10

Jisösbuk öngöinga jemesoholŋe al neŋgii embuk mohotŋe mal öngöbin. Mi mötzinaŋgöra aka keunini jiba köulukömakzin.

¹⁵Keunini jiba köuluköinga Anutugö kalem möriamŋan toroqeba ambazip sehisehiŋi dop köl eŋgima. Mewö aiga yeŋön amqeba Anutu kelenmaleleŋ möpöseigetka qetbuŋaŋan sehimakza. Eŋön mewöyök Anutu möpöseim sehimegöra mötzal. Miaŋgöra lömböt könaŋi könaŋi bisiba aum-möriba maljin.

Mötnarip malmalŋaŋö tandök mi kewö:

¹⁶Nini mem gulim neŋgimapkö möta mönö böŋ qeba kininga uruninan qahö etma. Öŋa silenini ewö waziba soholimakzinmö, mi töndup urunini ewö nalö dop kölŋaimakzin. ¹⁷Mi kewögöra: Gölmenöŋ kahasililiŋ nalö töröptökŋi möta malbinmö, miaŋgö andöŋe asakmararaŋ önöŋi qahö miwikŋaiba teteköŋi qahö oyaeŋkoyaeŋ malbin. Asakmararaŋ aka kahasililiŋ yahöt mi kewöt etkiinga asakmararaŋ miaŋön mönö öngöŋgöŋi aiga gölmegö kahasililiŋ könaŋi könaŋi mi möringa awamŋi aka eretŋi akza.

¹⁸Ambazip aka öroyuai jenöŋ ehəkŋi mi nalöŋini teköi ayapkömemö, Suep mirigö öroyuaiŋi nalö kewöŋe qahö ehakzini, mieŋön mönö nalö teteköŋi qahö ahöm öngöme. Miaŋgöra neŋön jeninan ehəkŋi mia qahöpmö, qahö ehəkŋi mönö mieŋgöreŋ göröken uba eŋgehakzin. Mewö.

Polnöŋ Suepkö oyaeŋkoyaeŋ koumnöŋ anmamgö mörök.

5 ¹Neŋön keu ki mötzin: Gölme silegö opo seri koumŋe malinga kömupnöŋ mi köndeŋniga etmawi, Anutunöŋ nalö miaŋgöreŋ silegö miri dölökŋi nanŋak meiga Suepnöŋ ahömawi, mi buŋa qem neŋgiiga miaŋgöreŋ malbin. Silegö miri qainŋi kun mi teteköŋi qahö köhöikŋi ahöm öngöma.

²Keu mi möta nalö sutŋe kiaŋgöreŋ letotpingö osoŋgom köla Suep malmal mirinine öngöbingö möta awöweŋgömakzin. ³Suepnöŋ öngöinga sile qainŋi kunöŋ löŋgöt neŋgii tatpini, nalö miaŋgöreŋ mönö uŋa sile meinga kunŋan aukŋe qahö miwikŋaim neŋgima.

⁴Gölme sile ki qekömegöra qahö mötzinmö, Suep malmal mirinine öngöba silenini dölökŋi memingö awöweŋgömakzin. Sile ki kömumawi, mi malmal köhöikŋan gwahöri qahöwahiga Anutunöŋ salupŋe oyaeŋkoyaeŋ sileya neŋgimapkö mötzin. Miaŋgöra nalö kewöŋe seri koum kiaŋgö uruŋe mala urulömbötnini bisiba letotpingö osoŋgom ahakzin. ⁵Anutu nanŋak Suep sile memingöra möta miwikŋaim neŋgiba Uŋa Töröŋi urunine aliga oyaeŋkoyaeŋ akingö dangunŋi akza.

⁶Miaŋgöra neŋön mönö nalö dop ewebibininambuk saitŋgit mal köhöiba kewö mörakzin: Sileninaŋgö malmal koumnine ki malbini, nalö miaŋgö dop eu Suep malmal mirinine Kembu Jisösbuk qahö malbin.

7 Nalö kewöŋe Suep mirigö öröyuaini qahö uba engehakzinmö, töndup mi möt nariba miaŋgö dop aka memba malinga nam köl neŋgimakze. 8 Miaŋgöra ewebibininambuk köhöiba sileninaŋgö malmal koumŋi ki mosötpingö kapaŋ köla mirinini ölni eu öŋgöba Kembubuk malbingö mötzin.

9 Miaŋgöra mirinine ki me eu malbini, neŋön mönö urunini Kambu Jisös uruölöwak ak waŋgibingöra jöhöba miaŋgöra köhöiba kapaŋ kölakzin. 10^m Miaŋgö könaŋi kewö: Körek neŋön mönö Kraistkö keu jakeŋe asuhubin. Gölmenöŋ silebuk mala Kembugö jitsihitŋi dopŋe tem kölini me qötömötötaŋ ahini me önewat laŋ malini, nanŋak mönö keunini mi kewöta miaŋgö dop töwanini nanŋök nanŋök neŋgii buŋa qem aŋgubin. Mewö.

Ambazip Anutubuk urumohot akŋegö nupŋi memakzin.

11 Kraistkö keu jakeŋe kinbini, neŋön mi möta Kembugö mötmötŋi oŋgitpinbuköra keŋgötnini mörakzin. Mi mötzingöra ambazip könanini sarakŋi mötmegöra kapaŋ köla uru kuŋgum eŋgimakzin. Könaninan mönö Anutugö jeŋe aukŋe ahöza. Nöŋön tilipqilip azia qahö, eŋön mewöyök mi uruŋinan möt yakömegöra möta jörömqöröm akzal.

12 Mewö jiba nanini jim ölöwak keunini mötmegöra kunbuk qahö kapaŋ kölakzalmö, könanini miyök jim asarim eŋgimamgö mötzal. Inŋini mi möta ölop neŋgö silenini mi böhi takapulakaŋi yeŋgö jeŋine möpöseigetka dop kölma. Yeŋön yuai eŋgö uruŋine ahözawi, miaŋgöra qahöpmö, sileninaŋgö yuaiŋi jenöŋ ekingö dop akzawi, mönö miaŋgöra aiweliköba nanŋini silenini memba öŋgöba keu laŋ jimakze. Miaŋgöra keuni ki jizal. Eŋön yeŋgö keuŋini gilipitŋi (ambetakŋi) mötzeaŋgöra mönö neŋgö könanini jim asariba törörök meleŋ eŋgime.

13 Eŋön nöŋgöra “Urusohop tandök ewö akza,” jiget ewö, nöŋön mönö Anutu nupŋaŋgöra aka urukönöp aka malal. Tosatŋan nöŋgöra kewö jize, “Urukönöpŋi qahöpmö, keuŋi ösöŋök jimakza,” Mewö jize ewö, mi mönö inŋini bauköm eŋgibingöra aka ahal. Miaŋgöra ölum eŋgubapuk.

14 Miaŋgö könaŋi kewö: Kraistnöŋ jöpaköm neŋgimakzawi, miaŋön mönö kondota kuŋgum neŋgiiga nupŋi memakzin. Azi mohotnöŋ körek neŋgö salupnine neŋgö kömupnina kömuyök. Miaŋgöra siŋgisöndokninaŋgö likepŋi qahö meleŋ neŋgiyökmö, körek neŋgö siŋgisöndoknini mosöri toroqeba köhömuŋi qahö akzin. Keu mi möt asariba möt yaközini, Kraistkö urukalemŋan mönö körek nini jölöŋgöba nupŋi memingöra kuŋgum neŋgimakza.

15 Yaŋön mönö kewögöra körek neŋgö salupnine kömuyök: Gölmenöŋ jebuk maljini, neŋön mönö malmalnini toroqeba naninaŋgörök

^m 5.10 Rom 14.10

malbinbuk. Mewö qahöpmö, kun neŋgöra aka kömumba wahöröhi, malmalnini mönö yaŋgöra tököba ala malbingöra kömuyök.

¹⁶Miaŋgöra urunini melenjini, nalö miaŋgöreŋök könahiba ambazip silesile qahö kewöt engizin. Ambazip kun gölmenöŋ silikŋaŋgö dowök qahö möt kutum waŋgizin. Mutuk Kraist kewöta möringa gölme azi töhön ahökmö, nalö kewöŋe möt kutum waŋgiinga Suepkö Amötqeŋe Tonina akza. ¹⁷Miaŋgöra kunŋan Kraistpuk qekötahöza ewö, yaŋön mönö ahuahü dölökŋi ahüba döŋŋi dölökŋi akza. Malmal walŋan ayapköiga malmal dölökŋan mönö salupŋe asuhum waŋgiza.

¹⁸Mewö maljapmö, yuai pakpak miaŋgö kondotkondot Toŋi mi Anutu. Yaŋön Kraist melaiiga töwanini qeba neŋgömeiga Anutu nanŋambuk urumohot akingö könäŋi möwölöhöyök. Köna mewö asuhüiga Anutunöŋ nup neŋgiiga neŋön ambazip Anutugö alaurupŋi akŋegöra jölöŋgöba kuŋgum engimakzin.

¹⁹Anutubuk urumohot akingö könäŋi kewö: Kraistnöŋ eta gölmeŋi gölmeŋi neŋgö töwanini qeiga dop köli Anutunöŋ neŋgömeiga alaurupŋi ahin. Köna oŋgita mala korini, siŋgisöndok miengö keuŋini qahö oyöŋda mötmöröba likeŋŋi qahö melenj neŋgiyök. Anutugö alaurupŋi ahinga möt narim neŋgiba Kraistkö töwagöra aka Anutubuk urumohot akingö Buŋa keuŋi mi böröŋine alök.

²⁰Mi aliga Kraistkö jiteŋememeurupŋi akzin. Anutunöŋ keu saŋep al neŋgii miaŋgö dop ambazip uruŋini kuŋgum engimakzin. Kraistkö jiteŋi mamba kapaŋ köla kewö qesim engimakzin: Mönö Kraistkö töwaŋi buŋa qem aŋguba Anutugö alaurupŋi akŋe. ²¹Anutunöŋ körek neŋgö siŋgisöndokninangö keuŋi jim teköba likeŋŋi melenjda Kraist siŋgisöndok kun qahö ahöhaŋgö qakŋe ali öŋgöiga salupŋine sihimbölö mörök. Kraistkö sihimbölöŋi miaŋgöra aka yaŋgöreŋ qekötahöinga Anutunöŋ ölop keunini jim teköi solanibin. Mewö.

6 ¹Nini Anutu nanŋaŋgö nup meme alaurupŋi akzinangöra aka uruŋini kewö kuŋguzin: Anutugö kalem möriamŋan omaŋi akapuköra mi mönö buŋa qem aŋguba malme. ²ⁿAnutunöŋ keu kun kewö jii Buŋa Kimbinöŋ ahöza,

“Gehorimangö nalönan kam kuŋguiga nöŋön köuluki möral.

Amötqeŋe nalönan kam kuŋguiga miaŋgöreŋ bauköm gihial.”

Keu mewö ahöiga mötket! Nalö dölkiaŋön mönö Anutugö amötqeŋe nalöŋi akza. Anutunöŋ engehörimangö möri nalöŋan kam kuŋguiga akkömükömuŋi mi mönö dölkö buŋa qem aŋgume. Mewö.

Polnöŋ kahasililiŋ könäŋi könäŋi miwikŋaiyök.

³Neŋön mönö kungö uruŋan neŋgöra aka bölii etpapuköra galömnini mem aŋgumakzin. Jim neŋgigetka nupninan keuŋambuk aka

ⁿ 6.2 Ais 49.8

etpapuköra mewö ahakzin. ⁴Anutugö nup meme ambazip ölop sorokni akzini, ahakmeme pakpakninan mönö mi kondelakza. Kahasililiñ aka jaŋgauranğa könani könani ak neŋgigetka wahöjalin uruñe maljinmö, miangören mönö mökösoñda kapañ köla kin köhöimakzin.

⁵Ihilek wahinambuknöñ neŋguba kösö miriñ miriñ miangören al neŋgigetka malin. Karimni karimni asuhugetka miangö uruñe kömumbinbukö keŋgötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶Ahakmeme sarakni wuatangöba Anutugö sihimni möt asariba lömböt möta mökösoñda ambazip ala ak eŋgimakzin. Uña Töröñan urunini kokolak qeiga sutñine geñmoñi qahö jöpaköm eŋgiba maljin. ⁷Keu öñanök jiinga Anutugö kukösumñan bohon köl neŋgiiga ahakmeme solanñangö timbi saiwanji meinga böro ölnine aka qaninine ahöiga kinjin. Mewö kinda likep Buña keu jim sehiba likep keu muneni silenine algetka miangö likepñi jim mindinğöba malin.

⁸Qetbuña neŋgigetka silenini qahö möpöseimakzin. Yom jiba gamu qem neŋgigetka uruninan qahö erakza. Neŋgöra kösohot ölopni kösohot bölöñi mi lañ jimakze. Munenji jiji ambazip ewö ak neŋgimakzemö, töndup keu öñanök pakpak jimakzin.

⁹Ambazipnöñ könanini ölop möt kutumakzemö, töndup tosatñan nönöñgan aka nesampurek ak neŋgimakze. Nalö tosatñe kömumbingö aka malinmö, töndup toroqeba jebuk maljin. Kegwek-kahasililiñ ewö neŋguba malgetmö, töndup qahö kömuin. ¹⁰Wösöbiriknöñ neŋguiga töndup nalö dop soñgaiba maljin. Wanapñi mala töndup ambazip gwötpuk bauköm eŋgiinga uruñinan pomñi ahakze. Gölmeğö sukinapnini qahöpmö, töndup oyaenköyaen pakpak buña qem anguba pipsimbawoñ maljin.

¹¹O Korint ambazip, neñön mönö uruninañgö nañguñi eñgöra öröba keu kun qahö kölin geiga könanini aukñeyök jibiga mötze. ¹²Eñön neñgö urumötmötnini mötpepuköra mi qahö angön kölakzinmö, neñön eñgö uruñini mötpinbuköra mönö nanñinanök angön köl angumakze.

¹³Nöñön urumötmötni eñgibiga eñön mönö miangö likepñi mewöyök törörök niñgime. Nöñön nahönböratuñpni ewö tandök keu eñgöra kewö jiba ohozal: Injini mewöyök mönö nanñini uruñinañgö nañguñi öröba urukalemñini mi sehiba kondel neñgime. Mewö.

Mötnariñpini qahö yembuk kude qekötahöme.

¹⁴Ambazip uruñini qahö meleñgeri, yembuk mönö uruñini kude jöhöba^p öröröñ kude malme. Malmal solanñi aka malmal goñgoñi mi

^o 6.5 Apo 16.23 ^p 6.14 Könjöh me mötöp (yoke) mi hos me bulkamau yahötkö imbiñire alget geiga kare me kinöñ yuai örömakzahot. Mewö nanñiri imbi-imbi akitkö osimakzahot. Mewö jañjuñ anbanbuk.

nanjök nanjök akzahot. Mi mindirim etkibingö osibin. Söjauþ aka asakñi mi mohotñe qahö akzahot. Qahö! ¹⁵Kraist aka Katakömulat (Satan) yetkön mönö urumohot aka mohotñe malbitkö osimahot. Miañgöra urumeleñ ambazip kunñan ahakmemerñi urumeleñgö kopa ambazip kun yambuk mohotñe mindiriba akitkö osimakñahot. ¹⁶“Anutu nanñak keuñi kun kewö jii ahöza,

“Nöñön könagesöni yeñgö uruñine mala sutñine anda kaba Kambuñini ak engibiga yeñön nöñgö weleni qeba möpöseim niñgiba malme.”

Keu miañgö dop Anutugö Uñañan uruñine maliga sileninan Anutu malmal köhöikñi Toñañgö jikeñi akza. Anutunöñ nanñi jöwöwöl jikeñe tandö lopioñ möpöseibingö soñgo ali ahöi osimakzin. Anutugö jikeñi aka asa jikeñi mi inanñök inanñök. Miañgö dop neñön urumeleñgö kopa ambazip yembuk qekötahöbingö soñgo ali ahöi osimakzin.

¹⁷Miañgöra iñini mönö Kembunöñ keu kewö jiyöhañgö dop akñe,

“I mönö eñgömosöta yaigep kaba kambu nanñi kun malme.

Añgöjörakñinambuk ahakzei, mi mönö kude eñgoseigetka nöñön möt añgön köla köyan köl eñgiba malmam.

¹⁸ Nöñön mönö Iwiñini akiga iñini nöñgö nahönböraturupni aka malme.

Kembu kukösum pakpakö Toñan mewö jiza.” Mewö.

7 ¹O wölböt alaurupni, Anutunöñ mönö köyan köl neñgimamgö keuñi mewö jöhöm neñgii ahöza. Miañgöra yuai sile uñanini mem tölöhozawi, neñön mönö mi körek qeköbingöra Kraist köuluköinga amöt qem neñgima. Anutugö jitñi oñgitpinbuköra mönö keñgötnini möta kapaj kölinga mem solanim neñgiiga sarakñi ak teköbin. Mewö.

Uruñini meleñgerañgöra Polnöñ uruölöwak mörök.

²Neñön kun qahö mem bölim wangiinga ayuhuyök. Kun qahö geñmororoñ ak wangiin. Miañgöra eñön mönö uruñinañgö nanñuñi öröba nini urunöñ jöhöm neñgiba malme. ³Tosatñan sutñine nup memba silenöñ alal keu mewö jiba jim neñgigetmö, nöñön keu mi eñgö keuñini jim teköba likepñi meleñ eñgimamgöra aka qahö jizal. Nöñön lök keu kewö jibi mötket: Neñön uruninañgö nanñuñi öröba iñini uruninan jöhöm eñgimakzin. Mewö aka ölöp embuk öröröñ jöhöba kömumbin aka öröröñ mal köhöibin.

⁴Eñgö uruyahöt qahö mötnaripni ketañi eñgiba maljal. Eñgö silenini mönö gwötpuk möpöseimakzal. Eñgöra aka urukölalepni ketañi miwikñajazalañgöra kahasililiñ könañi könañi möta miañgöreñ mönö töndup önöñi qahö söñgaizal.

^a 6.16 Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

Masedonia prowinsnōḡ anda Taitusbuk aitōḡōit.

⁵Taitus jaruba malalaḡōra^s jiali, keu mi toroqeba jimam. Masedonia prowinsnōḡ kaḡgota miāḡōreḡ mōnō mewōyōk uruluai miwikḡaimamḡō osial. Denike denike anali, miāḡōreḡ mōnō kōḡjiliḡ kōnaḡi kōnaḡi miwikḡaial. Anutugō bim qeba tosatḡi yembuk aḡgururuk aka eḡōra waimanjat mōta malal. ⁶Mewō malalmō, Anutunōḡ urueret ambazip naḡḡōm neḡgimakzawi, yaḡōn mōnō Taitus kayōhi, miāḡōn urukōlalep ak niḡḡiyōk.

⁷Taitusnōḡ kayōhi, miāḡōnōk qahōpmō, Korint eḡōn urukōlalep ak waḡḡigetka yaḡōn jii mōtpiga Anutunōḡ miāḡōn mewōyōk urukōlalep ak niḡḡiyōk. Eḡō kōsohotḡini kewō jiyōk, “Eḡōn ni nekingō kōpōsōḡōba kinje. Wōsōḡini ōḡa mōt niḡḡiba lōmbōt niḡḡigerāḡō keuḡi jiba nōḡō likepne naḡḡōba jibingō jōjōrōmakze.” Kōsohot mi jii mōta urusōsōḡgai keta bōlōkḡi mōral.

⁸Nōḡōn uruḡini Buḡa keunōḡ kuḡguba kimbi mi ohobi oyoḡda nanḡini mōt bōlim aḡgugeri, miāḡōra qahō mōt bōlim aḡguzal. Mutuk mōt bōlim aḡguyali, mi tōndup nalō kewōḡe kewōḡōra kunbuk sōḡaizal: Kimbi keunan uruḡini mem bōlii wōsōbirik aketmō, wōsōbirik miāḡōn mōnō meleḡda nalō tōrōptōkḡanōk ahōba tekōyōk. Kōnaḡini mewō ehal.

⁹Nalō kewōḡe iḡini mōt bōlim aḡgugeraḡōra aka qahō sōḡaizalmō, kewōḡōra sōḡaizal: Iḡini ahakmemeninaḡōra aka mōt bōlim aḡgugetka gamu wōsōbirikḡinan baukōm eḡḡiiga uruḡini kunbuk meleḡda diḡḡiget. Mi Anutugō jitḡaḡō dop asuhuiga uruḡinan mōnō neḡḡōra aka qahō bōliyōkmō, ōḡa baukōm eḡḡial.

¹⁰Siḡḡisōndōkḡinaḡōra aka mōt bōlim aḡguzin ewō, gamu wōsōbirik miāḡōn mōnō baukōm neḡḡiiga urunini kunbuk meleḡda diḡḡibin. Diḡḡibinaḡōreḡ Anutunōḡ mōnō neḡḡuaḡḡiri Suepnōḡ ōḡḡōbin. Miāḡōra kunḡan uruḡi meleḡda miāḡōra qahō mōt bōlim aḡguma. Gōlme ambazip tosatḡan siḡḡisōndokḡinaḡō wōsōbirik mōrakzemō, Anutunōḡ mi mosōtmapkō qahō qesime ewō, yaḡōn mōnō likepḡi meleḡ eḡḡiiga kōmum kōhōime.

¹¹Eḡōn Anutugō sihimḡaḡō dop wōsōbirik aketka gamu miāḡō ōḡan uruḡine ahui letotkeri, mi kewōta ek welipkōba kewō jime, “Nini gōnmōnahotnini mosōta urunini tokoba urukōnōp qakḡe wahōta kōnanini sohosohoḡi kewōta mindiḡḡōin. Ambazip siḡḡisōndok akeri, miēḡōra uruninan wahōri sisit memba jim eḡḡiin. Anutugō jitḡi oḡḡitpinbukōra auruba keḡḡōtnini mōta Polnōḡ kaba uru meleḡḡinaḡō ōḡḡi ekḡapkō kōpōsōḡōba malin. Urunini ahakmeme diḡḡiḡi akingōra alin aka kunōḡ kōna qiwitipkōyōhi, mi mindiḡḡōm waḡḡibingō jōjōrōba

^r 7.5 2 Kor 2.13 ^s 7.5 2 Kor 2.13 miāḡōreḡ Taitusgōra jiyōk.

malin.” Mewö jigetka dop kölma. Nalö kewöñe köna diñdiñi wuatangözei, mi kondel ningigetka ehal.

¹²Miangöra kunjan sutñine böliyöhi, iyök mindiñgöm wangimegöra aka kimbini qahö ohoyal me kun i mem bölim wangiyöhi, iyök bauköm engimegöra kimbi mi qahö ohoba alal. Mi kewögöra ohoyal: Injini Anutugö jemesoholñe nömbuk urumohot akingö kapan kölakzei, silik miañön mönö aukñe asuhumapköra kimbi mi ohoyal.

¹³Nani urukölalepni miyök qahö mötzalmö, Taitusgö uruñan sutñine ölöwahi ehinga miañön mewöyök uruni nanñgöi önöñi qahö söñgaimakzal. Eñön körekñanök Taitus körö-öLöwak qem wangigerangöra söñgaimakzawi, söñngai miañön mönö mewöyök nanñgöm köl ningii miañgöra önöñi qahö söñgaizal. ¹⁴Nöñön silikñinanñgöra silenini Taitusgö jeñe möpöseiba malali, eñön miañgöra gamu qahö ningiget. Nöñön eñgö sutñine mala keu pakpak jibi mötkeri, mi öñanök jial. Miangö dop eñgö keunini Taitusgö jeñe jim möpöseiba malali, keu miañön mönö mewöñanök könañini mindiñgögetka öññi ahök.

¹⁵Injini körek pakpak mönö nöñgö keuni tem köla Taitusnöñ kaiga sömbuñnambuk möta jönömñini undui köl öröm wangiget. Taitusnöñ silikñini mi mötmöriba keu jiiga uru ölöwakñan eñgöra aka qariiga köhöiba möpöseim eñgimakza. ¹⁶Nöñön ahakmemeñini pakpak mötmöriba miangöreñ mönö ölöp eñgöra aka ewebibinambuk möt köhöiba saitingit malmam. Miangöra söñgaimakzal. Mewö.

Urumeleñ alaurup nanñgöm eñgibingö keuñi

8 ¹O urumeleñ alaurupni, Anutunöñ kalem möriamñi urumeleñ könagesöñi könagesöñi miangöreñ neñgii öññan mönö Masedonia prowins uruñe ölöpñanök asuhuyök. Nöñön injini miangöra gukmaulem malbepuköra möta kösohotñi kewö jimam: ²Yeñön kahasilililñ miwikñaiba mötketka lömbötñambuk esapköm eñgiiga wanapñi kötökñi maljemö, mi töndup önöñi qahö söñgaigerangöra aka urumeleñ alaurup nanñgöm eñgibingöra moneñ naluk keta bölökñi alget.

³Yeñgö könañini kewö nanñgöba jimam: Kunñan qahö kuñgum eñgii nanñini sihimñinan töndup ahuiga amqeba ösumñinanñgö dop nalukñini alget aka mi tok oñgita eñgiget. ⁴Yeñön mönö kapan köla gwötput kuñgum neñgiba kewö uleta jiget, “Nini tok Judia prowinsgö ambazip sarakñi bauköm eñgibingö mötzin. Miangöra Pol, gi ölöp Oñ! jinöñga mönö simbawoñ möta nup miangö bahöñi amqeba membin.”

⁵Mewö jiget jibiga naluk almegö mambörali, miangö dowök qahöpmö, mi oñgita kewö aket: Yeñön mutuk nanñgönangö Kembugö jeñe dop köljawi, mi akingöra uruñini jöhöget aka miangö andöñe Anutugö jitñi

¹ 8.1-4 Rom 15.26; Eks 16.18

tem kölbängö möta nanjini malmalnjini mi mewöyök neŋgö börönine alget. ⁶Miaŋgöra Taitus kewö jim kutum waŋgial, “Gi mönö nanjönangö nup mi lök könahiba menöŋ. Miaŋgöra mi mönö toroqeba Korint könagesö bauköm eŋginöŋga urukalemnjini kondela moneŋ naluk ketaŋi mi kunbuk toroqeba algetka sutjine teköma.”

⁷Urugö yuai könaŋi könaŋi mi keleşmaleleş buŋa qem aŋguba kewö aka malje: Ölöŋjanök Kraist möt nariba Buŋa keu ölni jim soroköba Anutugö sihimŋi möt kutuba tosatŋi nanjöm eŋgibingö pöndaŋ köpösöŋgömakze. Eŋön mönö tosatŋi eŋgoŋgita ölöŋjanök jöpaköm neŋgiba qetpuk akze. Miaŋgö dop nanjönangö nup ki mewöyök mönö ölöŋ mem soroköba tosatŋi eŋgoŋgitketka qetpuk akŋa.

⁸Mewö jiba moneŋ almegöra qahö jim kutum eŋgizal. Mi qahöpmö, urukalemnjini geŋmoŋambuk akza me qahöwi, mönö mi esapesapnöŋ ala könaŋini mötmangö mötzal. Könagesö tosatŋan gönmönahot mosöta nanjönangö nupjini ölä töhöŋŋa memba zeŋ kinjei, keu mi jiba miaŋön iŋjini esapköm eŋgizal.

⁹Naluk dawik almegöra kewötmei, miaŋgöreŋ mönö Kembunini Jisös Kraistkö könaŋangö tandökŋi mötmörime. Ijini yanjögö kalem möriamŋi ketaŋi mi kewö mötze: Yanjön Suepkö öroyuai pakpakö Toŋi öŋgöŋgöŋi ahökmö, töndup iŋjini oyaeŋkoyaeŋgö pomŋi akŋegöra aka gölmenöŋ eta etqeŋeŋi aka malmalŋi tököba mosörök.

¹⁰Moneŋ almegöra qahö jim kutum eŋgizalmö, Jisösnöŋ söpsöp alöhi, miaŋgö dop qambaŋni miyök eŋgizal. Eŋön yambu emune lök nanjönangögö mutukŋi aka miaŋgö nupŋi kapaŋ köla meget aka mi toroqeba membingö sihimŋi köhöikŋi mötket. ¹¹Nalö kewöŋe nupjini mi mönö mem teköme. Mutuk nanjönangö nup membingö kapaŋ köla awöweŋgögeri, miaŋgö dop mi mönö toroqeba mem teköme. Yuai ahöm eŋgizawaŋgö dop mönö nalukŋini gwötpuk alme. ¹²Miaŋgö könaŋi kewö: Naluk albingö sihimŋinan ahuba ahöza ewö, mönö yuai ahöm eŋgizawaŋgö dop algetka Anutunöŋ möt aŋgön köli dop kölja. Yuai qahö ahöm eŋgizawaŋgö dop mönö qahö kewöta jim eŋgimakza.

¹³Naluk ketaŋi algetka alaurup yeŋgö malmalŋinan amqeiga nanjini qakŋine lömböt öŋgömapköra qahö mötzinmö, alaurup osiba mözöröŋgözei, yembuk mendeŋda öröröŋ malbingöra mötzin.

¹⁴Miaŋgöra nalö kewöŋe yuai keleşmaleleş ahöm eŋgiiga tosatŋan malmalŋinangö yuaigöra osizei, iŋjini mönö mi bauköm eŋgigetka dopŋe akŋa. Mewö aka nanjini könaŋep yuaigö osigetka yeŋgö öroyuaiŋinan keleşmaleleş ahömawi, nalö miaŋgöreŋ mönö i kun bauköm eŋgime. Mewö ak aŋgugetka alabauk silikŋinan öröröŋ akŋa. ¹⁵Mi Buŋa keu ki ohoget ahözawaŋgö dop akŋa, “Gwötpuk mem tokoba malgeraŋön nanjini dop negetka numbu surukŋini qahö ahöiga boromborom mem tokoba malgeraŋön nene yuaigöra qahö osiget.” Mewö.

Neñakurup karöbut melaim engiinga kaba baukôm engime.

¹⁶ Anutunöj Taitusgö urunji sölölohöiga engöra ni ewö waimanjat möta baukôm engimamgö kapañ köla malja. Miangöra “Anutu saiwap!” jizal. ¹⁷ Nöñön Taitus engören kamapkö qesiba urunji kuñgubiga imbiñi meleşnök. Miyök qahöpmö, nanñak injini baukôm engimamgö möta köpösöngöba nanñi sihimñangö dop neñgömosöta Korint engören kamamgö jiyök. ¹⁸ Neñön urumelej alanini kun melaininga yambuk kamahot. Kiañgören Ölöwak Buña jim sehimakzawangöra i mönö urumelej könagesö dop möpöseim wangimakze.

¹⁹ Yangö keunji toroqeba kewö jimam: Masedonia urumelej könagesö yeñön mönö i möwölöhögetka nañgönañgö nalukñi mi memba nembuk mohotje köna anbin. Neñön Kembu nanñangö qetbuñañan sehimapköra möta naluk ketañi mi ölop galöm köla Judia prowinsnöj anda engibin. Alabauk engibingö urukalemnini mewö aukñe kondeljin.

²⁰ Mewö aka nañgönañgö naluk ketañi mi tilipqilip asuhui sohobapüköra ölop galöm köl soroköbin. Kunñan siliknini miangöra jim neñgibapükö möta kapañ köla kinjin. ²¹ “Keu miangö könañi kewö: Neñön silik Kembugö jeje diñdiñi akzawi, mi qötöñgatpinbukö galöm mem angumakzin. Miyök qahöpmö, silik ambazip jeñine dop köljawi, mi mewöyök akingö möta kapañ köljin.

²² Yetpuk urumelej alanini kun mi mewöyök melaininga kama. I nalö gwötpuk esapköm wangiba tandökñi kewö ehin: Yangön mönö nalöñi nalöñi Kembugö nupñi memamgö könöpkönöp ahakza. Nalö kewöñe injini tosatñi alabauk engibingö mötzei, mewö möt narim engizawangöra mönö engören kaba baukôm engimamgö möta urukönöp ketañi ahakza.

²³ Nöñön Taitus kewögöra möwölöhöyal: Yangön nöñgö alabaukni aka nup meme neñakni akza. Urumelej könagesöñi könagesöñi yeñön alayahötnini yahöt mi möwölöhöm etkigetka jitñememenjini akzahot. Kraistkö qetbuñañan mönö yetköra aka qarimakza. ²⁴ Miangöra azi karöbut mi kamei, i mönö urukalem ak engiba könañini mewö kondelgetka ekñe. Mewö akñe ewö, neñön silikñinañgöra silenjini möpöseinini, keu miangö ölnan mönö aukñe asuhuiga eketka urumelej könagesö gwötpuk yeñön mötme. Mewö.

Mönö urumelej alaurupñini baukôm engime.

9 ¹ Anutugö ambazip sarakñi alabauk monej engimegöra ohomamgö mötzalmö, injini keu mi lök möta miangöra qahö osize. ² Injini alabauk akingö sihimñinan ahui mötze. Nöñön mi möta engö silenjini mi miangöra Masedonia urumelej ambazip yeñgö jeñine möpöseiba

^u 8.21 Qam 3.4

kewö jial, “Korint aka Akaia urumelenj alaurup tosatanj monö yambu emuneyök könahiba Judia alabauk ak enggingö jöjöröba malje.” Mewö jibiga engö urukönöpñinanğöra mötketka keu mianğön monö kuñgum engiyök. Mianğöra könagesö ölnj yengö uruñinan monö amqeba alabauk akingö urukönöp aket.

³Engö sihimñinan ahui mötzemö, töndup nejakurupni karöbut ki melaim engizal. “Korint yeñön monö monej tokobingöra jöjöröba malje,” mewö jial aka keu mianğöra engö silenini möpöseial. Keu mianğön omanj aiga gwötpukñan ekepukmö, keuñinanğö dop monej ölna algetka kahaimök tari körekñan mewö engekñegöra mötzal.

⁴Keu mianğön omanj aiga moneñinan qahö kahaimök tari öne malgetka Masedonia nejakurup tosatanj nömbuk kaba mewö miwikñaim engibeak ewö, nöñön monö engöra aka gamu miwikñabileñbuk. Tem kölmegö möt narim engiba malbiga ölnj qahö asuhubawak ewö, inini monö mewöñanök keuñini omanğöra aka gamu miwikñabilebuk.

⁵Mianğöra urumelenj alaurupnini karöbut mi uru kuñgum engimamgö mötpi dop köli kewö jial, “Inini monö qeljine Korint yeğöreñ anda nanğönangö naluk ketanj almegö keu jöhögeri, areñ mi wuatangöba al tekömegöra monö kuñgum engime. Mewö aketka alabauk nalukñini mi kik-kukñambuk ekbonep qakñe qahöpmö, monö sakalakñi aka amqeba gwötpuk alme. Mi mindirigetka zioz köwenöñ kahaimök tari kabiga ölöp membini.” Mewö jial.

Kötñi monö amqeba gwötpuk qesiñda gilme.

⁶Keu ki monö mötmöröba malme: Nene kötñi awamñanök qesiñda giljawanğön monö ölnj mewöyök awamñanök mema. Nene kötñi gwötpuk qesiñda giljawanğön monö ölnj mewöyök gwötpuk mema. Mianğöra gwötpuk algetka Anutunöñ salupñe gwötpuk engima. ⁷Inini nanğök nanğök nalukñini monö uruñinan jöhögerangö dop alakñe. Sösöngainöñ amqeba mözöközöröñ ambazip kalem engizei, Anutunöñ monö i jöpaköm engimakza. Mianğöra nalukñini kunñan kuñgum engizawanğöra aka uruyahöt qakñe kude alme. Mi kik-kukñinambuk kude alme.

⁸Uruawam qakñe kötönñini gwötpuk algetka Anutunöñ monö köhöiba kalem möriamñi pakpak mem sehim engimakña. Mewö engiiga malmal pakpak mianğöreñ yuaigöra osimei, mi pakpak monö nalö dop buña qem angugetka dop köl engimakña. Mewö aiga nup ölöpñi könani könani mi ölöp megetka ölnj keleñmaleleñ asuhuma. ⁹Ekbonep mosöta naluk ketanj ketanj alakzei, mi Buña Kimbi keu ki ohoget ahözawanğö dop akze,

“Yañön amqeba kalemñi kalemñi mendenja ambazip wanapñi engimakza.

† 9.9 Sum 112.9

Ahakmemeŋi diŋdiŋi kik-kukŋi qahö miaŋön mönö nalö teteköŋi qahö Anutugö jeŋe ahöm öŋgöma.”

¹⁰ *Anutunöŋ qesiŋ gilgil azigöra nene kötŋi waŋgiiga nene asuhui nemakzini, yaŋön mönö nenegö mözöközöröŋ ahakŋei, mi mewöyök eŋgimakŋa. Mi eŋgii uruŋinan lolohoiga ölop amqeba keu kötŋi qesiŋ sehiba gilgetka ahakmeme solanŋaŋgö ölni asuhui Anutunöŋ mi mem qarii sehimakŋa. ¹¹ Mewö aketka Anutunöŋ mönö malmal pakpak miaŋgöreŋ sehiba kötuetköm eŋgiiga ölöwahakŋe. Mewö ölop amqeba ambazip nalö dop geŋmoŋi qahö kalem gwötpuk eŋgimakŋe. Mewö aketka mi memba (Jerusalem anda) eŋgiinga ambazip gwötpukŋan kötönŋinaŋgöra aka Anutu möpöseigetka ölni eŋgöreŋ asuhumakŋa.

¹² Naŋgönaŋgö nup ki memakŋei, miaŋön mönö Anutugö ambazip sarakŋan yuaigöra mözöközöröŋ aketka bauköm eŋgimakŋa. Miyök qahöpmö, miaŋgöra “Anutu saiwap!” keu mi gwötpuk jimegöra aka ölni eŋgöreŋ asuhumakŋa.

¹³ Miaŋgö könaŋi kewö: Naŋgönaŋgö nup ki memba mewö miaŋön mötnariŋinaŋgö könaŋi kondelgetka ambazip gwötpukŋan mi eka Anutu tem kölmeaŋgöra möpöseim waŋgiba kewö jime, “Korint yeŋön mönö Kraistkö Ölöwak Buŋaŋi keunöhök qahö jim miwikŋaizemö, Polgö keuŋi geŋmoŋi qahö tem köla amqeba sakalakŋi aka neŋgöra aka tosatŋi pakpak yeŋgöra kalem jesöŋgö eŋgimakze.”

¹⁴ Mewö jiba eŋgöra köuluköba miaŋgöreŋ waikŋini gwötpuk mem eŋgiba kewö jime, “Ia! Anutunöŋ mönö kalem möriamŋi keleŋmaleleŋ Korint eŋgiiga urukalemŋinaŋgö ölni gwötpuk neŋgiget.” Mewö jigetka Anutugö kalemŋan aukŋe asuhuma. ¹⁵ O nini Anutu kalemŋaŋgöra aka möpöseimakin. Yaŋgö kalemŋi Jisös Kraistnöŋ mönö qetpuk sorok akza. Naŋgönaŋgö almeaŋgö keuŋi mi mewö kaba teköza.

Polgö nupköra keu jigetka likeŋni meleŋnök.

10 ¹ Tosatŋan eŋgö sutŋine nöŋgöra kewö jimakze: Mesohol köl aŋguba köhöikŋi tandök qahö akzapmö, kungen anda miaŋgöreŋ mönö keu köhöikŋanök jim neŋgimakza. Mewö jimakzemö, Kraistnöŋ ak kömumba guŋböŋjönjön niŋgimakzawi, nöŋön mönö miaŋgö qakŋe nanak uruŋini kewögöra kuŋgumam:

² Tosatŋi mieŋön neŋgöra kewö tandök mötmöriba jimakze, “Pol aka yaŋgö neŋakurupŋi yeŋön gölmegö ahakmeme tandök wuatangöba nanŋinaŋgöra mötmöriba ahakze.” Nöŋön eŋgöreŋ kaba keu mewö jimakzei, i mönö tembul eŋgiba awösamkakak kinda jim eŋgimamgö mötzalmö, töndup uruŋini köhöikŋi kötökŋi kuŋguba jim eŋgimamgö töközal. Miaŋgöra iŋini ambazip nöŋgöra keu mewö jimakzei, i mönö

* 9.10 Ais 55.10

zilarj andö engume. Keuñini mewö mindiŋgögetka engeki urunan mönö luai qei sutñine kaba böñjöh malmam.

³Ölña, ahakmemeni gölmenöh ahakzalmö, mi töndup nanaŋgöra aka gölmegö ahakmeme bölöŋaŋgö dop bim qahö qemakzal. Mewö qahöpmö, Anutugö suahö galöm aka kerökurupji kiripo kuŋgum engiba mianggöreŋ areŋ sarakñi wuatangöba bim qemakzal. ⁴Gölme ambazip uruñini walŋaŋgö dop bimgö yuainji pakpak miambuk bim qemakzin. Yarö azi yeñön jakömbuak ain selji selji eriba köndeŋgetka erakzemö, Anutunöh timbi saiwanji kukñinambuk neŋgii inahöm neŋgigetka miangön mönö kerök yeŋgö keu areñini pöwöwöm köhöikñi kuŋguba qeapköinga erakze.

⁵Urumelenğö kopa yeñön Anutugö könañi möt kutubepuköra aka nanñini silenini memba öngöba mötmötñini közamböta liklak ahakzemö, neñön yeŋgö kiripo areñini goŋgoñi pakpak mi qeapköba köndeŋninga erakze. Ambazipnöh keu mötmötñini bölöñi meraköba jöhömegöra köna kondel engiinga ölop keuñini pakpak Kraist tem köl waŋgimakingö dop mötmörimakje.

⁶Mewö mötmöriba Korint iñini mutuk Kraistkö keu pakpak tem köla aposol nupni naŋgömegöra mambötzin. Iñini uruñini mewö kunbuk melengetkun nini mönö qegetal ambazip yeŋgö keuñini pakpak kewöta jim teköba likepñi melenj engibingö jöjöröba maljin. Mewö.

⁷Iñini yuai pakpak mönö silegörök kude eka kewötme. Sutñine ahakmeme sohomakzawi, miangö könañi öljö mönö mötmörime. Tosatñan sutñine ni memba et ala nanñini Kraistkö jitñememeurupji akzeangöra uruyahöt qahö aka möt köhöize ewö, yeñön mönö toroqeba nöŋgöra mewöyök kewö mötmörime: Yeñön Kraistkö buñañi akzei, nöñön mönö mewöyök Kraistkö buñaya akzal.

⁸Kembunöh kewögöra kukösum niŋgiyök: Iñini mem et al engimamgöra qahöpmö, mönö uruñini möhamgöbi köhöimegöra aka maljal. Miangöra kukösum miangöra aiweliköba koŋaŋ ewö sileni memba öngöba terereibileŋak ewö, mi töndup mönö gamu kun qahö miwikñaibileŋak. ⁹Kimbiñi kimbiñi ohoba albi oyoŋda kukösumni mötketka keŋgöt mötmöt mem engibileŋbuk. Miangöra keu mi nalö kewöŋe qahö toroqeba jimam. Mewö.

¹⁰Tosatñan keu kewö jimakze: Polnöh kimbiñi miangöreŋ mönö keu lömbötñambuk ohoba urunini ölña kuŋgumakzapmö, sutnine kini ehinga azi löwötñi akza aka keuñi jii möringa qetpuk qahö akza. ¹¹Nöñön keu miangö likepñi kewö jimam: Keuñini omanji mönö mosöta nöŋgö könanangöra kewö mötmörime: Ni kungen anda kimbinöh keuni köhöikñi ohomakzali, miangö dop mönö sutñine mala mewöyök köhöikñanök mindiŋgöm engimam.

¹²Timbiqimibilim mienöh nanñini jim ölöwak ak aŋgumakzemö, ölña ni nongita aposol qetpuk akeak ewö, nöñön mönö gamuni mötpileŋak.

Mewö aiga nani aka engö silikɲini likeplikep ala kewötmamgö qötötangöba kölköldömdöm akileɲjakmö, yeɲön mönö mötmötɲini töröpɲi wuatangöba nanɲini imbiɲinanɲö dop uruɲini dop ala kewörakze. Ahakmemenini mewö laɲ kewöta “Pol ongitzin,” jiba uruölöwak mörakze. Keu omaɲi mewö jiba uruqahö akze. Anutugö dopnöh kewöt niɲgigetka ölop engongita maljal.

¹³ Anutunöh nup memegö jaböɲi al niɲgiyöhi, mi qahö ongita sileni gwötpuk möpöseimamgöra qahö mötzal. Anutunöh nup meme areɲni al niɲgii memakzali, miangö dop mönö engö sutɲine mewöyök nup memakzal aka miangö ölnangörök mönö sileni möpöseimakzal.

¹⁴ Tosatɲan keu kewö jim sohomakze, “Polnöh Korint sutɲine nup meyöhangöra sileɲi möpöseiiga qahö dop kölja. Anutunöh gölme mesinɲa nup memapkö jabö al waɲgiyöhi, Polnöh mi ongita laɲlaɲ walöɲmakza.” Yeɲön mutuhök nup sutɲine qahö megetmö, töndup ni mem et al niɲgiba nanɲini sileɲini keunöhök jiba möpöseimakze. Nöhön Kraistkö Ölöwak Buɲa jim sehiba anda mala mutuk Korint engöreɲ kaba urugö nup meal. Mutuk qahö kabileɲak ewö, timbiqimibilim böhi mienöhön nöngö keuni mewö jigetka dop köli nöñön nani könanangö könaɲi jiba jim sohobileɲak.

¹⁵ Anutunöh gölme mesinɲa nup memegö jabö al engiyöhi, yeɲön selɲini mi walöɲda engö sutɲine kaba urugö nup memakze. Nanak selni qahö walöɲda tosatɲi yeɲgö sutɲine nup mealangöra sileni qahö möpöseimakzal. Böhi tosatɲan urugö nup memba malgeri, miangöra mewöyök sileni qahö möpöseimakzal. Engö sutɲine mutuk nup mealangöra mewö akiga ölop dop kölja. Anutugö areɲi wuatangöba sutɲine nup memba malinga mötnariɲɲinan toroqeba qariiga nanɲgöm neɲgimegöra mamböta jörömqöröm akzal.

¹⁶ Nanɲgöm neɲgigetka ölop gölmeɲi gölmeɲi Korint likeɲɲine Not göröken ahözei, mönö enduyangöreɲ mewöyök anda Ölöwak Buɲa jim asaribin. Nupninan mewö qariiga andöqeqe keunɲinan teköma. Anutunöh tosatɲi yeɲgö nup meme jaböɲini al engii megetka ölni lök asuhuyöhi, miangöra nani sileni möpöseimamgöra qahö mötzal.

¹⁷x Mewö qahöpmö, Buɲa keu kiangö dop akɲamgö mötzal, “Kunɲan sileɲi möpöseimamgö mötzawi, yaɲön mönö Kembugö nupkö ölnangöra aka sileɲi möpöseii dop köлма.” ¹⁸ Keu miangö könaɲi kewö: Nanɲini jim ölöwak ak aɲgumakzeañön mönö Anutugö jeɲe qahö dop köljemö, Kembunöh niɲia jim ölöwak ak waɲgimawi, yaɲön mönö esapesapnöh köhöiba kinma. Mewö.

Aposol takapulakanɲi yeɲön tilipköm engibepuk.

11 ¹ Nöhön borom kun uruqahö keu qakɲe silememe aki miangöra mönö kude möt lömbörime. Mi töndup ni kude andö nuɲguze,

x 10.17 Jer 9.24

mötzal. ²Nöñön iñini azi mohot Kraist yanğö buñañi aketka ambi seram jömukñi sarakñi ewö engibiga yanğönök engömemapkö keunji jiba jöhöyal. Miangöra Anutunöñ uruñan engöra aka mututqutut mörakzawi, nöñön mönö miangö dop tosatñan kelök keunöñ jiba engömeget bölibepuköra waimanjat mörakzal.

³Kewögöra waimanjat mörakzal: Mokoleñnöñ isimkakalek aiga Iwnöñ (Ewanöñ) böliyöhi, miangö dop timbiqimibilim yeñön mewö me mewö jiba tilipköba engömegetka uruñinan tölöhoiga janjuñ akepuk.

⁴Miangö könani kewö: Tosatñan kaba Jisös jim asariini, mi qahöpmö, Jisös murutñi kungö könani jim sehiba malgetka yeñgöra qahö mötket lömböriza. Uña Töröñi buña qem angugeri, mi qahöpmö, öme kunöñ tosatñi engö uruñine gei lolonqalon mala miangöra töndup köñjiliñ qahö mötze. Ölöwak Buña möt angön kölgeri, mi qahöpmö, keu tandökñi kun qetñanök Ölöwak Buña qeta lañ jigetka tosatñan mi awamñanök möt angön kölakze. Mewö asuhumakzawañgöra mönö töndup waimanjat kun qahö akze.

⁵Miangöra waimanjat mörakzalmö, ahakmemeni mewö me mewö kewötketka etqegeñi qahö akzal. Tosatñan aposol qet memba timbiqimibilim lañ ahakzei, nöñön mönö yeñgö nembö bapñine qahöpmahöp maljal. ⁶Keu niñgizei, miangö likepñi kewö jizal: Keu ölop sorokñi jijigö tandökñi mi ölop qahö mötzalmö, Buña keugö könani mönö möt soroközal. Mi mönö nalö dop pöndañ aukñe indelbiga möt yaköze.

⁷Iñini mem wahöt engimamgö möta nani mem et al anguba malmalni nanğömamgöra nup memba malal. Miangöra Anutugö Ölöwak Buña mi engöra söñgöronñi qahö jim asarim engiba malal. Mewö aka malalangöra tosatñan nöñgöra uruqahö keu kewö jimakze, “Polnöñ mönö köna onğita siñgisöndok ahakza.” ⁸Urumeleñ könagesö tosatñe nup qahö membiga töndup nalukñini öne niñgigetka membi nanğöm niñgiiga iñini welen qem engiba malal. Tosatñan miangöra kewö jimakze, “Polnöñ yonğorö nene silik tandök ak engiba malja. Miangöra aposol qahö akzapmö, nanñi nupña memakza.” Nöñgöra mewö jiba jim sohomakze.

⁹Embuk mala yuaigöra osiba mözöröngöba miangöreñ mönö engöreñök kun qahö kuñguba mem lömböriba nene yuañi qahö memba malal. Mewö qahöpmö, urumeleñ alaurup Masedonia prowinsnöhök kaba yuaigöra osiali, mi ek asariba moneñ niñgigetka dop kölök. Ahakmemeni pakpak miangöreñ mem lömbörim engibilenbuköra möta galöm mem anguba malal aka mewö toroqeba malmam.

¹⁰Mem lömbörim engibilenbukö keuni miangöra mönö nani sileni memba öngöba maljal. Kunñan keuni mi Akaia prowinsñinangö gölmeñi gölmeñi pakpak miangöreñ qeapkömamgö osima. Kraistkö keu öljan

mönö nam köl niŋgiiga keu mewö jöhöba jiba kinjal. ¹¹Mi wuanöngöra? Mi iŋini qahö jöpaköm engibilerjak, miaŋgöra me? Mönö ölna jöpaköm engimakzali, mi Anutunöŋ mötza.

¹²Aposol sesekŋai ewö ahakzei, yeŋön nembuk “Öröröŋ akingö nup tandök miyöhök memakzin,” mewö jibingö mötze. Miaŋgöra kewö kuŋgum engimakze, “Polgö tandök ewö nup memakzinaŋgöra mönö Pol ewö naŋgöm nengime.” Nupŋinaŋgöra sileŋini möpöseibingö möta miaŋgö könaji jarumakzemö, mi ölop qahö miwikŋaime. Nöŋön i ewö qahö akzal. Miaŋgöra mem lömbörim engibilerbuköra mönö nani galöm mem aŋguba maljal aka toroqeba mewö malmam.

¹³Yeŋön aposol ölni qahöpmö, mönö aposol takapulakani aka nup meme ambazip isimkakalekŋinambuk akze. Kraistkö aposol neŋgö tandök kondel aŋguba nup laŋ memakze. ¹⁴Satanöŋ nanŋak asakŋaŋgö garata tandök ewö kondel aŋguba nup laŋ memakza. Miaŋgöra timbiqimbiŋ mieŋön mewö akerangöra qahö welipkömakin.

¹⁵Miaŋgöra Satangö welenqeŋe ambazipurup mieŋön ambazip welenŋini qebingö tandöktandök aka Köna keu wuatangöba mewö miaŋön solanŋi akŋegöra jim sohoba kondel aŋgumakze. Mewö nup laŋ memakzeangöra mönö qahö auruba welipkömakzin. Silememe mewö ahakzemö, nalö teteköŋe Anutunöŋ mönö likeŋi ahakmemeŋinaŋgö dop meleŋ engima. Mewö.

Polnöŋ aposol nup memba sihimbölö gwötpuk mörök.

¹⁶Keuni kunbuk kewö jimam: Engöreŋök tosatŋan nöŋön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm niŋgime. Mewö aketka ölop i ewö nani sileni memba öngöba sutŋine malmam. ¹⁷Awösamakak ketanŋi möta sileni memba öngöba keuni jizali, mi Kembugö mötmöt sihimŋaŋgö dop qahöpmö, mi uruqahö azigö tandök ewö jizal.

¹⁸Ambazip gwötpukŋan sutŋine gölmegö ahakmeme bölöŋi wuatangöba sileŋini memba öngömakzei, miaŋgöra nöŋön mönö mewöŋanök aka keuni miaŋgö dop jizal. ¹⁹Nanŋinak “Mötmöt ambazip öngöŋgöŋi akzin,” jizeangöra mönö uruqahö ambazip yeŋgöra mötketka qahö lömbörimakza.

²⁰Iŋini öl közömŋa kewö akze: Ambazip kewöŋi yeŋgöra mötketka uruŋinan qahö lömbörimakza: Kunŋan engömemba jöhöiga welenqeŋeurupŋi etqeŋeŋi akze. Kunŋan tutuhum engiba nenenŋini nem tekömakza. Kunŋan jim kelök ak engiiga buŋanŋi akze. Kunŋan nanŋi sileŋi memba öngöba keu töhöreŋ jiba nuŋgulumŋini qekötahömakza.

²¹I ewö öröm ureim ak engimangöra mönö lölöwöröŋi aka malal. Ösöŋ ak engialangöra “Keŋgöt moröya akza,” jiba nöŋgöra mewö mötmöriŋe me qahö? Keu mewö jiba miaŋön ölop gamu qem niŋgimeangö dop akzal

me? Keu jimami, mi mönö uruqahö azigö dop jimam. Timbiqimbilim yejön nup memakzeangöra silejini memba öngömögöra gamuñini qahö mötze ewö, nöjön mönö mewöyök nupnañgöra aka sileni memba öngömamgö möt köhöimakzal.

²² Yejön keu kewö jiba silejini memba öngömakze, “Nini Juda ambazip aka Hibu keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupji akzin,” jimakzemö, nia kun mewöyök akzal.

²³ “Keu kun mi uruqahö azigö keu tandök ewö jimam, “Yejön Kraistkö nupji memakzin,” jimakzemö, nöjön mi mönö i luhut ala engongita memakzal. Nöjön mönö ambazip mi engongita nup köhöiba memba malal. Kraistkö nupköra aka kösö mire al niñgigetka miangörej i engongita nalö gwötpuk taral. Ihilek wahiñambuknöñ mönö könöruk könöruk nuñguba malget. Nalöñi nalöñi lömböt miwikñaiba kömumamgö dop aka malal.

²⁴ ^b Juda jike galöm tosatjan jigetka arawambu kömbinöñ nuñgugetka areñi 39 aiga sihimbölöñi möta malal. Mewö ak niñgigetka indimñi 5 ahök. ²⁵ “Rom gawman yejön jigetka ihilek wölkznöñ nuñgugetka indimñi karöbut ahök. Sömañi mohot kötnöñ nuñgugetka kömumamgöra ahal. Wañge ketaje malbiga köwet töromnöñ kuñguba qaköba jömgöiga indimñi karöbut ahök. Nalö kunöñ wañge jömgöiga köwetnöñ geba silimñi mohot aka suñgemñi kun köwet qakje lañ malal.

²⁶ ^d Nalöñi nalöñi köna anda kaba malal. O töwatñi töwatñi (göwöñi göwöñi) kutuba miangörej lömböt miwikñaiba ayuhumamgö dop aka malal. Kegwek-kahasiliñ ambazip yeñgöra aka kömumamgö keñgötñi möta malal. Juda könagesöurupni yeñgöra aka lömböt miwikñaiba ayuhumamgö dop aka malal. Kian kantri yeñgöra aka lömböt miwikñaiba ayuhumamgö dop aka malal. Taonñi taonñi miangörej lömböt miwikñaiba ayuhumamgö dop aka malal. Arökñangö miriñi miriñi miangörej lömböt miwikñaiba ayuhumamgö dop aka malal. Köwet kutuba anda miangörej lömböt miwikñaiba ayuhumamgö dop aka malal. Alaurup takapulakañi yejön nuñguget kömumbilenbuköra wösöni kot gwözöñniga malal.

²⁷ Malmalni nanñgömamgöra nup köhöiba memba malal. Gaun guli gwötpuk malal. Nup gwötpuk mealangöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba sanñenñi möta malal. ²⁸ Miyök pakpak qahöpmö, toroqeba kewö möta malal: Urumeleñ könagesöñi könagesöñi pakpak yejön waimanjatñini jigetka urunan mönö nalö dop möt lömböriba malal.

^a 11.23 Apo 16.23 ^b 11.24 Dut 25.3 ^c 11.25 Apo 16.22; 14.19 ^d 11.26 Apo 9.23; 14.15

²⁹Mötnarip alaurup denike yeñon sörauba löwörize ewö, nöñon mönö mewöñanök i uru al engizal. Kunjan kölgorom aliga urumelej alanan siñgisöndok akzawi, siñgisöndok miangö könöpñan mönö nöñgö uruni mewöyök nohoiga tembulakzal.

³⁰Silememe keuyök mönö mötpingö ak engiza. Miangöra sileni memba öñgömamañgö dop akileñak ewö, ni memba et al niñgigetka ösumeret tandök akzali mönö miangöra aka sileni memba öñgömakzal.

³¹Kembu Jisösgö Iwi Anutuñi nalö dop möpöseininga teteköñi qahö aködamurañbuk mal öñgömawi, yañon mönö nöñgö könañamni möri muney keu qahöpmö, keu öñji mi jizal.

³²^eDamaskus sitinöñ malbiga kiñ Aretasgö kiapñan mönö buldömin aziurupñan nömmimba jöhöm niñgimegö jim kutum engiiga Damaskus ambazip yeñgö siti sel nañguñe mönimba ölöñ köla anbileñbuköra galöm memba kinget. ³³Mewö kingetmö, alaurupnan nömmemba sakapnöñ al niñgiba kösönöñ jöhöba siti sel jeñgenañeyök ösöñöñ algetka gölmenöñ eta köla böröñeyök ölöñ köla kayal. Mewö.

Polnöñ jemelej imut eka indelindel keu mörök.

12 ¹Engö silememe alaurupñinan jemelenjö keuñi keuñi jimakzei, miangöra nöñon mewöyök sileni möpöseiba jemelenjö keuni jimam. Keu mi ölop qahö bauköm engimapmö, töndup keu toroqeba jemelej imutñi imutñi eki Kembunöñ keuñini indeli mörali, miangö kösohotñi jimam. ²Azi kun möt wañgibi Kraistpuk qekötahöba malja. Uña Töröñan i wañgiriga gölmegö kousu luhut jaböñi oñgita öñgöba señgelau jaböñi oñgita öñgöba Anutu nanñangö Suep miri uruñe eu öñgöyök. Nalö miangöreñök yambu 14 lök teköi maljin. Silebuk me sileñi qahö uñañanök öñgöyöhi, mi qahö mötzal. Anutunöñ mi mötza.

³⁻⁴Uña Töröñan azi mi wañgiri Anutugö oyaenköyaen miriñe öñgöi keu qainñi kun jigetka mörök. Gölmee azi nöñon keu mi jimamgö soñgo ahöza aka keu mi gölme ambazip neñgö keuninan jibinañgö dop qahö. Silebuk me sileñi qahö öñgöyöhi, mi Anutunöñ mötza. Nöñon mi qahö mötzalmö, yañgö kösohotñi mötzal.

⁵Nöñon azi yañgöreñ yuai asuhuyöhi, miangöra sileni memba öñgömamañgö dop akzal. Nanangöra mi asuhuyökmö, töndup miangöra aka nani sileni qahö möpöseimakzal. Miangöra qahöpmö, ösumeret akzalañgöörök mönö mewö ahakzal.

⁶Nanangöra sileni mewöyök memba öñgömamgö mötpileñak ewö, keuni mönö keu öljangö dop jibileñak. Mewö keu omanji jiji asia qahö akileñakmö, mi kewögöra köyatim angumakzal: Körek eñon jemelenji mi ehalangöra keu diñdiñi oñgita nöñgöra mötket öñgöñgöñi akileñbuk.

^e 11.32-33 Apo 9.23-25

Ahakmemeni aki eketka keu jibi mötkeri, mönö miangö dowök kewöt niŋgimegöra mötzal.

⁷Indelindel keu öngöngöni mötŋi keu tosatŋi öngirakzawi, miangöra aiweliköm aŋgubilenbuköra Anutunöŋ yuai jitrjambuk nöŋgö silene aliga kondi sötmanö dop nuŋgumakza. Satangö garatanöŋ sihimbölö mi niŋgiiga mörakzal. ⁸Miangöra Kembunöŋ mi sileneyök mem gilmapköra köuluköbiga indimŋi karöbut ahök.

⁹Mewö köuluköyalmö, keu kewö jii möral, “Qahö. Ösumeret aknöŋga nöŋgö kukösumnan mönö amqeba urugi kokolak qeiga aködamungabuk ahakŋan. Miangöra nöŋgö kalem möriamni mönö buŋa qem aŋgunöŋga dop köлма.” Keu mi jii möta Kraistkö kukösumŋan qakne öngömapköra mörakzal. Miangöra ösumeret ahakzalaŋgöra sileni möpöseimakzal. Lömböt mi qahöwakŋapköra qahö toroqeba köulukömakzal.

¹⁰Kraistnöŋ ni ösumeret ahakzali, nalö miangöreŋ ösum niŋgiiga köhöiba kinakzal. Miangöra ösumeret akzalaŋgöra töndup mötŋi dop köli siksuk qahö akzal. Tosatŋan uruqeqe keu töhöreŋ jim niŋgigetka mötŋi dop köl niŋgiza. Kraistköra aka kahasililiŋ sesewerowero ak niŋgigetka wahöjalini möta miangöreŋ töndup urubönjöŋ miwikŋaimakzal. Mewö.

Polnöŋ Korint yeŋgöra waimanjat mörök?

¹¹Sileni memba öngöba mönö uruqahö tandök akzal. Diŋgimegöra aka köna murutŋi kun qahö miwikŋaiba nöŋgöra mötket öngömapköra mi jizal. Ölna, Anutunöŋ qahö bauköm niŋgibawak ewö, nanak mönö yuai kun qahö aki andöqeqe keuŋinan ölni akawak. Ölni akawakmö, ahakmemeni mewö me mewö kewötzali, mönö etqeqeŋi qahö akzal. Tosatŋan aposol qetpukö qet memba timbiqimibilim laŋ maljei, nöŋön mönö yeŋgö nembö bapŋine qahöpmahöp maljal.

¹²Engö sutŋine nup memba lömböt gwötpuk möta mökösoŋda malali, miangöreŋ Anutugö kukösumŋan sölölohöm niŋgiiga aŋgöletot aiwesök könaŋi könaŋi asuhuget. Ahakmeme mianöŋ mönö aposol akzalaŋgö könaŋi kondel eŋgiiga eket.

¹³Iŋini bauköm eŋgial aka urumelen könagesö tosatŋi mi embuk öröröŋ ak eŋgial. Tosatŋi eŋgömembu wahötketka iŋini mönö denöwö eŋgömosötŋi öne malbeak? Ölna, naŋgöm niŋgimegö lömbötŋi mi eŋgö qakŋine qahö alal. Aposol takapulakaŋi yeŋön lömböt mi eŋgö qakŋine alakzemö, nöŋön mi tosatŋi yeŋgö qakŋine albi bisimakze. Naŋgöm niŋgimegöra qahö kuŋgum eŋgiba mewö köpösihit ak eŋgial me? Miangöra “Polnöŋ köpösihit azia akza,” jibeak, mönö pinjitni mi mosötmegöra qesim eŋgizal.

¹⁴Mötket, nalö kewöŋe kunbuk eŋgöreŋ kamamgö jöjöröbiga indimŋi karöbut akŋa. Kaba nupni naŋgömegö lömbötŋi mi dumŋe kunbuk eŋgö qakŋine qahö almam. Mi qahö. Nanŋini sukinapŋinaŋgöra qahö

köpösöngömakzalmö, nanñinak mönö nöngöra ak engimapköra mötzal. Nahönbörat yeñön iwinamurupñini nanğöba inap tokoba engimeanğö dop qahö akzemö, iwinam yeñön mönö mi nahönböraturupñini yeñgöra tokogetka dop kölja. Mianğö dop urugö nupnön göröken nöñön iwinjini akzal. Mianğöra urunöñ göröken bauköm engimamğö mötzal.

¹⁵ Mianğöra eñön ölöwakñegöra yuaini pakpak mi sösöngai qakñe tököm engibi engö buña akñapköra mötzal. Nani malmalni mewöñanök ölöwakñegöra mosötmamğö mötzal. Mewö önöñi qahö jöpaköm engibi urukalemnan qarimakzampö, engö urukalemñinan mönö töndup wuanöñgöra wazimakza?

¹⁶ Ölna, nanğöm niñgimeğö lömbötñi mi engö qakñine qahö alal. Nöngö tuarenjoñurupnan keu mianğöra urumohot akzemö, tosatñan kewö jibeak, “Pol mi mötmöt azia aka tilipqilipñambuk uruñini mezañda köpeim engiba moneñini mewö me mewö örömakza.” Keu mianñön ölni qahö. ¹⁷ Mi denöwögöra jize? Neñakurupni melaim engibiga engöreñ kageri, yeñgöreñök kunñan Pol inap wañgimeğöra kuñgum engiyök me qahö? Qahö. ¹⁸ Taitus engöreñ kamapkö kuñgum wañgiba urumeleñ ala kun yambuk melaibi kayohot. Taitusnöñ ni inap niñgimeğö kuñgum engiyök me qahö? Qahö. Uña mohot mianñön mönö sölölohöm netkiiga nup nanğönanğögö köna mohot anda kaba malit. Mewö.

Polnöñ mönö Anutugö kukösum qakñe kama.

¹⁹ Kimbi ki oyonđa mianğöreñ nöngöra kewö mötmöríbepuk, “Keu jim enğıinga mianğö likepña kapañ köla jiba mewö ohoza.” O wölböt alaurupni, mianğöra kewö jimam: Mönö Kraistpuk qekötahöba keuni Anutugö jemesoholñe jiba ohoyal. Nupnini pakpak mi eñön uruñini möhamğöba köhököhöi miwikñaimegöra memakzin.

²⁰ Engöreñ kaba eki ahakmemeñini tökömakzali, mi wuatangöba malbepuk. Mewö miwikñaim engibileñbuköra waimanjat mötzal. Ahakmemeñinanğö likepñi meleñ engibi qakñine öngömawi, eñön mönö tandök akñami, mi tökömegöra mötzal. Sutñine ahakmeme kewö akepuköra goro mötzal: Urunöñ mututqutut aka aņgururuk akepuk. Urusingok aka yom jibepuk. Silenöñ alal ak aņguba denđa nanñini kambugörök mötmöriba malbepuk. Andöqeçe keu töhöreñ jiba mianñön mem bölim aņgubepuk. Tosatñi yeñgö keuñini tölapñe jigetka diwoñdawoñ anbapuk. Jakbak-orañbörañ aka areñi törörök qahö wuatangöba nanñini imbi-imbi lañ malbepuk.

²¹ Mewö aka malme ewö, nöñön mönö kewö asuhumapköra waimanjat möta kamam: Ambazip gwötpukñan mutuk siņgisöndok aka malgeri, yeñgöra mönö urukömbuk aka sahötpileñbuk. Ahakmeme töwötñambuk lañ wuatangöba sihimñini kömbönañi miwikñaimegöra serowilin akerangöra gamu qahö möta qahö möt bölim aņguget. Sutñine kabiga

uruḡini kunbuk qahö meleşget engekiga Anutunöḡ mönö uruni kuḡḡui kunbuk urueret akileḡbuk. Mewö.

Galöm meme keu qöndökḡi

13 ¹Nalö kewöḡe enḡöreḡ kabiga indimḡi karöbut akḡa. “Keuḡö jakeḡe alalgö keuḡi pakpak mi mönö ambazip yahöt me karöbutḡan naḡḡöba jigetka köhöimakza.” ²Nöḡön Buḡa keu miaḡḡö dop akzal. Enḡö sutḡine malbi indimḡi yahöt aiga miaḡḡöreḡ lök galöm meme keu enḡial. Keu mi nalö kewöḡe kunbuk köl guliba qelḡḡeyök jizali, miaḡḡön teköza. Miaḡḡöra kunbuk kamami, nalö miaḡḡöreḡ ambazip siḡḡisöndok mutuk akeri me akzei, mi mönö qahö enḡehorimam. Bölöḡamḡinambuk iḡini mönö körek mindiḡḡöm enḡimam.

³Kraistnöḡ mönö ösumeret qakḡe qahö ak enḡimakzapmö, kukösumḡi sutḡine kondelakza. Kraist miaḡḡönök mönö sölölohöm niḡḡiiga aposol aka keu jimakzali, iḡini miaḡḡö könaḡḡöra uruyahöt aka kapaḡ köla qesim aḡumakze. Miaḡḡöra silikḡinaḡḡö dop mönö keu enḡiba mindiḡḡöm enḡimam.

⁴Kraist maripomnöḡ qegetka kömuyöhi, nalö miaḡḡöreḡ mönö ösumeret tandök malökmö, töndup Anutugö kukösumḡan nam köl waḡḡiiga mal köhöiza. Nöḡön mewöḡanök yambuk qekötahöba nani ösumeret aka maljalmö, Anutugö kukösumḡan mönö nam köl niḡḡiiga Kraistkö jitḡi memba mindiḡḡöm enḡimamḡö mal köhöizal.

Mönö nanḡini kewöt aḡguba uruḡini meleşme.

⁵Mönö nanḡini törörök kewöt aḡgume. Uruḡini meleşda öḡḡa Kraist möt narize me qahö, miaḡḡöra mönö esapesapnöḡ ala kewöt aḡgume. Kraist Jisösgö Uḡaḡan uruḡine mal köhöizawi, mi möt kutuze me qahö? Uruḡine qahö malja ewö, iḡini mönö esapesap miaḡḡöreḡ et enḡuiga Kraistkö buḡaya qahö akze. ⁶Nöḡön enḡöreḡ aposol öḡḡi akzal me qahö, iḡini mewö kewöt niḡḡigetka esapesap miaḡḡöreḡ kude eta nuḡguma, mewö mötzal. Iḡini nöḡḡö könani mewö aukḡe eka möt kutumegöra jörömqöröm aka maljal. Miaḡḡöra mindiḡḡöm enḡibi öḡḡa dop köḡma.

⁷Keu pakpak ohoba kotzali, mi ak sohobepuköra Anutu köuluközin. Keu kun jim sohoba malgetka kaba mindiḡḡöm enḡibiga tuarenḡoruḡupnan mönö aposol kukösumni öḡḡa eka ek asarime. Mewö asuhumapköra qahö köuluközal. Iḡini qahö mindiḡḡöm enḡimamaḡḡö dop nekepuköra qahö köuluközalmö, enḡön urumeleḡ diḡḡiḡi akḡegöra köuluközal. Uruḡini öḡḡa meleşme ewö, nöḡön mönö qahö mindiḡḡöm enḡibi tuarenḡoruḡupnan nöḡḡöra toroqeba azi lölöwöröḡi tandök ewö mötpeakmö, mi muat.

^f 13.1 Dut 17.6; 19.15

⁸Nini keu ölji qetala kun uteköbingö osibinmö, keu öljan sehimapköra ölop kinbin. ⁹Nöjön kukösumni qahö kondela ösumeret tandök malbiga ejön köhöiba kinmei, nalö mewöje mönö sösöngai ahakin. Urumelenjö aködamunjini körek miwikjaiba köhöiba kinmegöra nejön Anutu köulukömazin. ¹⁰Kembunöj injini memba et al engimangöra qahöpmö, urujini möhamgöbi köhöimegöra möta kukösumnji mi al niñgiyök. Kukösum miañgö qakje kinda engöreñ kamami, nalö miañgöreñ könöpuk ak engibileñbuköra mönö keu ki köröwen mala engöra kimbi ohozal. Nanñinak mindiñgöm añgume ewö, mönö ösöñ ak engimam. Mewö.

Yaizözkök keu teteköñji

¹¹O urumelenj alaurupni, keuni jim teköba qambañ kewö engizal: Mönö söñgaiba malme. Könañamñini sohoyöhi, mi mönö körek mindiñgöm teköme. Urukunğukunğu keu engizali, mi mönö buña qem añguba tem kölme. Keu jiali, miañgöreñ mönö urumohot aka luainöñ malme. Mewö aketka Anutu jöpaköm añgumegöra inahöm neñgiba luai qem neñgimawi, yañön mönö embuk malma.

¹²Injini urumelenj alaurupñini yembuk jölöñjini jiba mönö köna sarakñi wuatangöba jölöñjini jiba añgum añguba numbuñjini yöhötim nempa malme. Anutugö ambazip sarakñi pakpak ki maljei, yejön yaizözkökñjini algetka engöreñ kaza.

¹³⁻¹⁴Kembu Jisös Kraistnöñ mönö kalem möriamñi enñgiiga Anutugö urujöpakñan nam köl enñgiiga Uña Töröñan körek inahöm enñgiiga urumohot aka köisirik malme. Mewö.

Galesia Kimbi

Polnönj Galesia yeŋgöra Kimbi alök.

Jim-asa-asari

Polnönj Buŋa Kimbi ki Galesia prowinsgö urumelenj könagesö yeŋgöra ohoyök. Galesia prowins mi Eisia Mainö (Töki) uruŋe Rom yeŋgö bapŋine malget.

Aposol yeŋön Anutugö Buŋa keu jim sehigetka mutuk Juda tosatŋi aka könanŋep kian kantri tosatŋan mewöyök uruŋini melenget. Nalö miangörenj Juda yeŋön kapaŋ köla keu yahöt kewö jigetka lömböriyök:

- 1) “Kian kantri yeŋön Mosesgörenj Köna keugö dop Anutugö aiwesökŋi sileŋine qahö yandime ewö, yeŋön mönö urumelenj könagesö öljŋi qahö akŋe.” Anutunönj ambazip nanŋanŋgöra möwölöhöm eŋgiyöhi, yeŋgö aiwesökŋi mi sile yandiyandi. Jen 17.10–12. Polnönj mi möta “Keu mi öljŋi qahö!” jiba kewö jim kutum eŋgiyök, “Kian kantri yeŋön Jisös möt narigetka Anutunönj mötnariŋŋini miangöra aka keuŋini jim teköi solaniba urumelenj kambu öljŋi akŋe.”
- 2) Böhi takapulakaŋi yeŋön Polnönj Uŋa Töröŋanŋö ösumnönj nup meyöhi, mi memba et ala kewö jiget, “Pol mi aposol öljŋi qahö akzawaŋgöra keuŋi kude mötme.” Mewö jigetmö, Polnönj köhöiba jiyök, “Nöŋön Jisösgö Ölöwak Buŋa jiji azia aka Anutunönj meköba kuŋgum niŋgiiga aposol öljŋa maljal.” Mewö jiba Galesia yeŋgö urumelenj kambuŋi kambuŋi ahakmemegö qambaŋ keu ohoyök. Urunini melenbin ewö, mönö amqeba Kraist jöpaköba nupŋi meinga öljŋi asuhuma.

Buk kiaŋgö bahönji bohonŋi 5 mi kewö:

Keu mutukŋi *1.1-10*

Pol ni aposol öljŋi akzal *1.11–2.21*

Anutu kalem möriamŋanŋö Buŋa keu *3.1–4.31*

Nanini imbi-imbi akinbukö soŋgo *5.1–6.10*

Kimbigö keu kötnji bohonŋi *6.11-18*

1 ¹Pol nõjõn keu eraum mötpingöra Galesia urumelen kõnagesö engöra kimbi ki ohozal. Melaimelai azi akzalaᅅgö kõnaᅅi kewö: Ambazipnõᅅ aposol nupkõra qahö kuᅅgum niᅅgigetka memba maljal. Gölme azi kuᅅᅅan qahö melaim niᅅgiyökmö, Jisös Kraist aka Iwi Anutu i kõmupnõhök mem guliyõhi, yetkõn mönõ areᅅgõba aposol nup al niᅅgiyohotka kinjal. ²Neᅅakurup pakpak nõmbuk kinjei, yeᅅõn ni kõtõᅅgõm niᅅgigetka kimbi ki albi Galesia prowinsnõᅅ anda urumelen kõnagesö kambuᅅi kambuᅅi engõreᅅ kaza.

³Anutu Iwinini aka Kembu Jisös Kraist yetkõn mönõ kalem möriam engiyohotka luainõᅅ malme.

⁴Jisõsnõᅅ nanine Anutu aka Iwi yaᅅgö numbu jitᅅi wuatangõba neᅅgö siᅅgisõndokninangõra aka malmalᅅi kõleᅅniga qeget. Nalö kewõᅅe gölmegö nalö bölõᅅe malakzini, yaᅅõn mönõ kiangõreᅅᅅök amõt qeba meköm neᅅgimapkõra aka kõmuyök. ⁵Miangõra Anutugö qetbuᅅaᅅi nalõᅅi nalõᅅi möpõseininga tetekõᅅi qahö akõdamunᅅambuk ahõba ahõm õᅅgõma! Keu mi õlᅅa.

Ölöwak Buᅅa mi kude jim sohoba mondokqondokõme.

⁶Nõjõn engö kõnaᅅinaᅅgõra aka aurubiga je kõtᅅi jõlᅅa. Anutunõᅅ Kraistkö kalem möriamᅅi buᅅa qem angumegõra engoholiga yambuk malgetmõ, nõjõn engõmosõtpiga tosatᅅan kaba Ölöwak Buᅅa murutᅅi jigetka nalö qahö kõriiga eleᅅda keu goᅅgoᅅi miangõreᅅ qekõtahõba eᅅololoᅅ malje. Miangõra mönõ õlᅅa auruzal. ⁷Keuᅅini mi Ölöwak Buᅅa õlᅅi qahõpmahõp akzapmõ, ambazip tosatᅅan Kraistkö Ölöwak Buᅅaᅅi mi eᅅololoᅅ memba meleᅅqeleᅅ aketka möwõköwõramgõiga goᅅgiza. Mewõ aiga laᅅ lilikõba ambazip kuᅅgum engigetka uruᅅinan siksauk aiga malje.

⁸Ambazip mewõᅅi mi yapmakek! Neᅅõn Ölöwak Buᅅa lõk jim asarim engiba malini, kuᅅᅅan mi qeapkõba buᅅa keu murutᅅi jim asaribawak ewõ, yaᅅõn mönõ Anutugö jeᅅe kõnõp siagõ buᅅaya akza. Mi neᅅgõreᅅᅅök kuᅅᅅan me Suepkõ garata kuᅅᅅan eta jibawak, mi tõndup keu mewõᅅi mönõ qahõpmahõp tem kõlme. Keu goᅅgoᅅi mi muat. ⁹Keu mutuhök jiba malini, miyõhök mönõ dõlki kunbuk jizal: Eᅅõn Ölöwak Buᅅa lõk möt angõn kõlgeri, kunõᅅ mi qeapkõba buᅅa keu murutᅅi jim asaribawak ewõ, Anutunõᅅ mönõ i jõrahõm waᅅgiiga kõnõp sianõᅅ gema.

¹⁰Keu mewõ jizali, mi ambazipnõᅅ nek soriget nanak jeᅅine dop kõlmamgõra aka qahö jizalmõ, Anutunõᅅ nehi yaᅅgö jeᅅe dop kõlmamgõra aka mi jizal. Nõjõn gölme ambazip uru ölöwak möt niᅅgimegõra qahõpmahõp kapaᅅ kõlakzal. Toroqeba ambazip kelõk ak engiba sipkõbileᅅak ewõ, nõjõn mönõ Kraistköreᅅ nup memamgõ osibileᅅak. Mewõ.

Kraistnōŋ mem letot niŋgiiga aposol ahal.

¹¹O alaurupni, Ölöwak Buŋagö könani mi kewö möt yaköme: Buŋa keu jim asarimakzali, mi gölme azi kunŋan qahö jimbureŋ jiyöha ahöza. ¹²Kunŋan kun mi qahö kusum niŋgiyök. Mi gölme azi kungöreŋök qahö möt aŋgön kölalmö, Jisös Kraistnōŋ nanŋak asuhum niŋgiba Ölöwak Buŋani indeliga möt asaribiga nōŋgö buŋaya ahök.

¹³^aEŋön nōŋgö könanamni ölop mötze. Juda ambazipnōŋ Anutugö Köna keugöra urukönöp ahakzei, nōŋön mutuhök yeŋgö mötmötŋini wuatangöba yeŋgö dop aka memba malal. Mewö mala Anutugöreŋ urumelen könagesö mi engum ureiba janŋauranga mem engiba malal. Könöpŋambuk sesewerowero ak engiba mem ayuhum engimamgö esapköba malal. ¹⁴^bJuda ambazip gwabö alaurupni qötönini mohot kota malini, nōŋön yeŋgöreŋök sehisehiŋi mi luhut al engiba Köna keugöra urukönöp aka malal. Mewö mala Juda ahakmemegö könani törörök wuatangöba amböskoninangö jimkutukutu keu etpapaköra mönö önöŋi qahö kapaj köla malal.

¹⁵^cMewö aka malalmö, Anutunōŋ mutuhök nam körö uruŋeyök neka nanŋangöra möwölöhöba al niŋgiyök aka könangep kalem möriamŋangöra aka noholök. Noholöhi, yaŋön mönö nōŋgöra areŋ kewö möri dop kölök: ¹⁶Yaŋön Nahōnŋangö könani nōŋgöra indeli mötmamgö möta Jisösgö Ölöwak Buŋani memba kian kantri tosatŋe anda yeŋgö sutŋine jim asariba malmamgö jiyök. Yaŋön mewö jiyöhangöra aka nōŋön wahöta könakōnahiŋeyök könahiba gölme ambazip yeŋgö goro keuŋinangöra mönö qahöpmaŋöp jaruba qesim engiba mala koral.

¹⁷Mewōŋanök Jerusalem sitinōŋ qahö öngöba melaimelai azi aposol mutuk mala kotkeri, yeŋgöreŋ qahö anda asuhuyal. Mewö qahöpmö, miangöreŋök Arebia gölmenōŋ anda mala kunbuk Damaskus sitinōŋ liliŋgöyal. ¹⁸^dDamaskus liliŋgöbiga yambu (yara) karöbut teköiga “Pitö eka möt kutumam,” jiba Jerusalem sitinōŋ öngöba yambuk sömaŋi 15 miangö dop malal. ¹⁹Miangöreŋ malalmö, melaimelai azi aposol tosatŋi i qahö eŋgehal. Kembangö munŋi Jeims iyök ehal.

²⁰Miangöra mötket, keu ohom engizali, mi keu ölni akza. Muneŋi kun qahö. Keu mi Anutugö jemesoholŋe jizal.

²¹Jerusalem mosöta Siria aka Silisia gölmenōŋ anda miri tosatŋi liliköba malal. ²²Mewö anda malalmö, Judia prowinsgö urumelen könagesö kambuŋi kambuŋi Kraistpuk qekötahöba kinjei, yeŋön qahö nekerangöra nalö miangöreŋ ni qahö möt kutum niŋgiba malget.

²³Nōŋgöreŋ buzup keu kewöyöktöp yeŋgö kezapŋine geiga mötket,

^a 1.13 Apo 8.3; 22.4-5; 26.9-11 ^b 1.14 Apo 22.3 ^c 1.15-16 Apo 9.3-6; 22.6-10; 26.13-18

^d 1.18 Apo 9.26-30

“Mutuk sesewerowo ak nenngiba malöhi, yanjon mönö letota malja. Mötnarip keu ayapkömapköra janngauranga mem nenngiyöhi, yanjon nalö dölkewöne nanjak keu miyöhök jim asarimakza.” ²⁴Mewö möta nöngöra aka Anutu möpöseim wanggiba malget. Mewö.

Aposol yanjon Pol örögetka sutjine kayök.

2 ¹Miangö andöne yambu (yara) 14 teköiga miangörej “Barnabasbuk Jerusalem sitinöj kunbuk öngömam,” jiba Taitus mewöyök wanggitpiga mohotje öngöin.

²Anutunöj mutuk nöngöra asuha anmamgö keu indelöhangöra aka yetpuk anda Jerusalem angota nupnanjö könaji jim asarim engial. Nup pöndañ memba kota maljali, miangön aposol yanjöra qahö dop köliga nupnanjö öljan eta qeiga pöröpköbapuk. Mewö mötmöriba kösohotni ambazip omañi yanjöra laj qahö jialmö, jitjememeurupnini göda qem engimakzini, iyök öröm engibiga tokoget. Tokogetka miangörej Ölöwak Buja kian kantri sutjine liliköba jim sehimakzali, mi aukje al engibiga mötket. ³Yanjon mi möta “Ölöp!” jiget. Mewö jiba nenjakni Taitus Grik azi yanjon nömbuk malökmö, töndup ketanjaninan Anutugö aiwesökñi silenje yandimegö qahö jim kutum wangiget. Juda nenngörej Köna keu mi qahö al köhöim wangiget.

⁴Juda ketani yanjon qahöpmö, tosatjan silenji yandibingö möta sutje sutje kunguba jigeri, böhi takapulakani miengö könanini kewö: Yanjon “Urunini melenjin,” jiba mewö möndöba nenngö könanini ek kutumegöra ölön janjan kaba ala tandök sutnine kangota malget. Nini Kraist Jisösbuk qekötahöinga malmal walnanjö kösönöhök pösat nenngiiga solanji maljini, miangö silikñi ek kutumegöra kinget. Yanjon nenngöra kewö möta köpösöngöget: Ölöp malgetka engömeinga nanine sel uruje kagetka Mosesgö Köna keu bapje al engiinga nanine welenqequeurupnini akje. ⁵Mewö köpösöngöba metal nenngigetmö, nenjon mönö Ölöwak Buja keu öljan lolonqalon akapüköra kinjin. Mi engö sutjine kahaimök ahöm köhöimapköra kinjin. Miangöra nalö kunöj qahö löwöriba keunjanjö bapje anbingö qahöpmahöp imbi köl wangiin.

⁶Totokonöj nöngö Buja keuni jim asaribiga jitjememe yanjon “Ölöp!” jiba nöjon keu kun toroqeba jimamgö qahö jiget. Azi mi ipjina aketka göda qem engimakze. Qetbujanjini mewö me mewö akzawi, nöjon miangö mötpi dop mohot akza. Anutunöj ambazip tosatñi qahö nengek soriba tosatñi qahö qepureim engimakza. Dop mohotnöj kewöt nenngimakza. ⁷Buja keuni qahöpmahöp utekögetmö, Anutugö nup arenji miangöra mönö “Aha!” jiba kewö ek asariget: Anutunöj möt narim nenngiba Ölöwak Buja jim asaribingö nupñi mi kewö mendernök:

° 2.1 Apo 11.30; 15.2 † 2.6 Dut 10.17

Nöñön mi kian kantri sutjine jim sehibiga Pitönöñ Buña keu miyök Juda könagesö yeñgöra jim asariba uruñini kuñgum eñgimakza.

⁸Nupji mewö mendeñda aposol Pitö inahöm wañgiiga Juda azi sileñjini yandigeri, yeñgö sutjine urukuñgukuñgu nup memakza aka ni mewöñanök inahöm niñgiiga melaimelai azia aka kian kantri sutjine liliköba nup miyöhök memakzal. ⁹Miañgöra Jeims, Pitö aka Jon, azi ipñi qetbuñañinambuk yeñön Kembunöñ kalem möriam mewöñi niñgi malali, keu mi möt kutugetka urumohot ahin. Nup mewö mendeñda miañgö kaisöpsöpña Barnabas niri böröniri qegetka kewö jim köhöinin, “Niri kian kantri yeñgöreñ anda nup meziga nanñini Juda könagesö yeñgö sutjine toroqeba nup memakje.” ¹⁰Mohot-kungöra qesim netkiba kewö toroqeba jiget, “Ambazip wanapñi bauköm eñgibitköra mönö toroqeba mötmöriba malmahot.” Mewö jigetka mönö mewöyök ak eñgimamgö kapañ köla maljal. Mewö.

Polnöñ Pitö qetala jim wañgiyök.

¹¹Mewö jim köhöininmö, Pitönöñ Antiokia sitinöñ kaba möñaqöñai aiga ambazip uruñinan gwötpuk böliyök. Miañgöra Pitönöñ kaiga ehali, nalö miañgöreñ mönö jeñe kuñguba kewögöra tuarenjoñ ak wañgial: ¹²Pitönöñ mutuk kian kantri yembuk mala nene mohokje nema malgetmö, azi tosatñan Jeims mosöta Jerusalemök kagetka miañgö andöñe ambazip mi eñgek siriköba tikeptikep kinök. Anutugö aiwesökñi sileñjine yandiget yeñgöra keñgötñi möta ziriñzirij aka Juda kambu yembuk qekötahöba malök.

¹³Mewö kian kantri ambazip mi ölan eñguba koñgwarak aiga Juda urumeleñ ambazip tosatñan mewöyök Pitöbuk qekötahöba silesile silik aket. Silesile silik aka Barnabas mewöyök örögetka yembuk jañjuñ ahök. ¹⁴Mewö aka ahakmemeñinan Buña keu öñi diñdiñanök qahö wuatangögeri, nöñön mi eka ambazip körek yeñgö jemesoholjine kinda kewö jial, “Pitö, gi Juda aziapmö, töndup kian kantri yeñgö ahakmemeñini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kuñgum eñgiba urukönöp ahakzan? Mi qahö dop kölja.” Mewö.

Juda aka kian kantri neñön Anutugö jeñe öröröñ akzin.

¹⁵Juda asuha urunini meleñnini, neñön mönö kian kantri ambazip siñgisöndokñinambuk qahö aka maljin. ¹⁶^sMewö maljinmö, amötqeqegö könañi mi kewö ahöi möt yaközin: Jisös Kraist möt nariinga keunini jim teköi solanizin. Kunñan Köna keu wuatangöba mewö miañön solañi qahö akña. Miañgöra neñön tok solañi akingö möta Kraist

^s 2.16 Sum 143.2; Rom 3.20, 22

Jisös möt narim wanjiinga keunini jim teköi solaniin. Mi Köna keu tem kölbinahaŋgöra aka qahö.

¹⁷Mewö Kraist qekötahöba Anutugö jeŋe solanibingö kapan kölinga Anutunöŋ töndup miwikŋaim neŋgiiga naninak kantri tosatŋi tandök siŋgisöndokninambuk maljin ewö, Kraistnöŋ mönö siŋgisöndok akingö nam köl neŋgiza me qahö? Qahöpmahöp! Keu mi yapmakek! ¹⁸Köna keu wuatangöba solanji akingö keunji lök köndenŋa qeapköyal. Qeapköyalmö, mi kunbuk esapköba jim kuŋgubilerŋak ewö, mönö Köna keu miyök qetala siŋgisöndok azia aka könaŋamni kunbuk mewö miwikŋaibilerŋbuk. ¹⁹Mutuk könaŋamni mewö miwikŋaiba Köna keugöra aka kömukömuŋi tandök ewö ahal. Mewö akiga Köna keunöŋ mönö qahö toroqeba galöm köl niŋgiiga solanji maljal. Nöŋön malmalni Anutugöreŋ albige Kraistpuk maripomnöŋ nuŋguget ewö kömumba kinda yambuk köhöiba maljal.

²⁰Miaŋgöra nanak qahö toroqeba maljalmö, Kraistkö Uŋaŋan mönö nöŋgö urune köhöiba malja. Kraistnöŋ uru jöpaköm niŋgiba malmalni nöŋgöra köleŋda sohopni meyök. Miaŋgöra toroqeba silebuk malmal malmami, mi mönö Anutugö Nahönŋi möt narim wanjiinga malmam. ²¹Köna keu wuatangöba mewö miaŋön solanji akinak ewö, Kraistnöŋ mönö öne töhön kömumbawak. Kömuyöhi, mi möt nariba Anutugö kalem möriamŋi mewö qahö qeapkömakzal. Miaŋön mönö nam köl neŋgiiga solanimakzin. Mewö.

Köna keugörök kinme me Jisös möt narime?

3 ¹O Galesia kahapmahap ambazip, uruŋini qahö! Nöŋön Jisös Kraist maripomnöŋ qegeraŋgö könaŋi mi jeŋine ala jim kondel eŋgialmö, kunŋan nöŋgö andöne kaba kahalalom mem eŋgiiga janjuŋ akze. Mi qahö dop kölja. ²Yuai mohot-töp qesim eŋgibige jiget mötmamgö mötzal: Eŋön Uŋa Töröŋi mi mönö denöwö aka buŋa qem aŋguget? I Köna keu wuatangögeraŋgöra aka qahöpmö, Ölöwak Buŋa möta Jisös möt narigetka Uŋa mi uruŋine ali buŋa qem aŋguget. Nöŋön keu mia ölum eŋgubapüköra kinda uruŋini kuŋguzal. ³Mia ölum eŋguyök tandöktandök melenŋa mötmötŋini mosöta kahalalom akze. Mutuk Uŋa Töröŋan uruŋine geba inahöm eŋgiiga könaŋi könahiba anetmö, kunbuk Mosesgö Köna keugö könaŋe geba anakze. Nalö kewöŋe nanŋini ösum qakŋe solanji akingö esapkömakze me? Ösumŋini miaŋön mönö qahö dop kölja.

⁴Kraistköra aka sihimbölö gwötpuk ak eŋgigetka qakŋine öŋgöyöhi, mi mönö öne töhön möta bisiba malget me? Öljö qahö aiga mi mönö öljö öne töhön bisiget. Miaŋgöra iŋini mönö uruqahö ambaziwa malje. ⁵Miaŋgöra Anutunöŋ Uŋa Töröŋi eŋgiba sutŋine aŋgöletot ösum-mumuŋambuk memakzawi, mi eŋön Buŋa keunji möta Jisös möt

narimakzeanğöra aka memakza. Köna keu wuatangömakzeanğöra aka mi qahö memakza. Qahö. Keu mi kude ölum enguma. Mewö.

Abrahamgö köna wuatangöinga dop kölma.

⁶Keu miangö dop Anutunöŋ Abraham ak wanğiiga mi Buŋa keunöŋ kewö ohoget ahöza, “Abrahamnöŋ Anutu möt narim wanğiiga eka keunji jim teköiga solaniyök.” ⁷Miangöra Abrahamgö könanji mötmöriba kewö mötme: Denike yeŋön Anutu möt narimakzei, yeŋön mönö Abrahamgö undumurupŋi aka malje. ⁸Anutunöŋ qeljiŋe areni kewö alök, “Ambazip Juda qahö yeŋön ni möt narim niŋgigetka keunji ni jim teköbi solanime.” Areŋi mewö ala miangö dop Abrahamgöra Ölöwak Buŋa keu qeljiŋe kewö jii mörök, “Göhöra aka nöŋgö kötuetnan mönö gölmegö ambazip kambu pakpak yeŋgö qakŋine öŋgöma.” Tosatŋan keu mi qeljiŋe ek asariba Buŋa keunöŋ ohoget. ⁹Abrahamnöŋ Anutu möt narim wanğiiga kötuetköm wanğiiga mötnaripkö bömönjalöŋi ahök. Miangö dop denike yeŋön Abrahamgö dop möt narizei, Anutunöŋ i mewöyök kötuetköm enğiiga Abrahamgö undumurupŋi akŋe.

Jisösnöŋ salupnine qesuahöp buŋa qem anğuyök.

¹⁰JMewö akŋemö, körek yeŋön Köna keu wuatangöba miangö qakŋe nariba maljei, Anutunöŋ mönö jörahöm enğiiga malme. Keu mi Buŋa keunöŋ kewö ohoget ahöza, “Köna keu Kimbinöŋ keu pakpak ohoget ahözawi, kunŋan kun mi körek qahö tem köla wuatangömakzawi, Anutunöŋ mönö i qesuahöm wanğiiga malma.” ¹¹^kBuŋa keu kun kewö ohoget ahöza, “Ambazip solanji kungö mötnaripŋan mönö nam köl wanğiiga köhöiba malma.” Miangöra kunŋan Köna keu wuatangöba miangö solanji akŋamgö mötzawi, yanğön mönö Anutugö jeŋe qahö solanima. Qahö. Keu mi lök aukŋe kondel enğibiga teköza. ¹²^lMötnaripnöŋ Mosesgö Köna keu qahö nam kölja. Keu miangö jöjöpäŋ keu pakpak tem köl teköbingöra urunini kuŋgumakza. Köna yahöt mi nanğök nanğök. Köna keugö könanji mi kewö jii ohoget ahöza, “Köna keu pakpak tem köla wuatangömakzawaŋön mönö köhöiba malma.”

¹³^mKöna keu qahö walöŋbinak, mewö malmal köhöikŋi miwikŋaibinak. Mewömö, Anutunöŋ nini nanŋi Köna keunğangö dop qesuahömamgö tököba Kraist melaiiga alabauknini aka sohpnini meyök. Buŋa Kimbinöŋ keu kun kewö ohoget ahöza, “Ambazip ip kemaŋe möndöm enğizei, Anutunöŋ mi körek qesuahöm enğiiga malje.” Miangö dop Kraist ipnöŋ möndögetka nanini salupnini aiga Anutunöŋ qesuahöm wanğiiga mewö miangö sohpnini meyök. Jöramörahöp nengö qaknine öŋgöyöhi, mi qeköyök.

^h 3.6 Jen 15.6; Rom 4.3, 7; Rom 4.16 ⁱ 3.8 Jen 12.3 ^j 3.10 Dut 27.26 ^k 3.11 Hab 2.4
^l 3.12 Lew 18.5 ^m 3.13 Dut 21.23

¹⁴Bömönini Abrahamnönj Anutu möt nariiga kötuetköm wanjiyöhi, miangö dop kötümötuet miangön kian kantri pakpak dop köla yengö buñajina akñapakö mörök. Mewö möta körek nenjö sohohnini meyök. Sohohnini meiga Kraist möt nariinga köna kewö ahuma: Anutunönj Uñaji nenjimangö keunji jöhöyöhi, nini urunini melenja Uña mi ölop buña qem angubin. Mewö.

Köna keu aka oyaenköyaen akingö jöhöjöhö keu

¹⁵O urumelenj alaurupni, nöñön gölmenönj malmalgö söpsöp keunji kun kewö jimam: Kunönj börösamotñi tosatñi yengö buñajina akñapakö keunji kambunönj jiiga jöhögetka ahözawi, mi kunñan kun qeapköba könañgep keu kun qakñe toroqemangö osima. ¹⁶Mötket, Anutunönj jöhöjöhögö keunji mi Abraham aka yangö gwölönarökñi yetköra jiba jöhöi ahöza. Buña keu miangön “gwölönarökurupki” nenjöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki wanjimam.” Azi mohot mi Kraist.

¹⁷Keu miangö könañangöra kewö jizal: Jöhöjöhögö keu miangö öljän mönö etmapkö osima. Anutunönj mi mutuhök jiba jöhöba yambu (yara) 430 teköiga miangörej Köna keunji miwikñaiba Moses wanjiyök. Köna keu miangön mönö jöhöjöhö keunji mutuk jiyöhi, mi qeapkömamgö osima. ¹⁸Oyaenköyaen akingö kötümötuetñi mi Köna keu wuatangöba miwikñaibinak ewö, Anutugö jöhöjöhö keugöra qahö toroqeba osinga öne töhön ahöbapuk. Buña keunji Abraham wanjiyöhi, mi öne töhön qahö ahöyökmö, Anutunönj keunji miangö dop Abraham kötuetköm wanjiiga oyaenköyaen ahök.

¹⁹Abraham öne kötuetköm wanjiba Köna keu mi mönö denöwögöra ali ahöza? Miangö könañi kewö: Ambazipnönj köna ongita janjuñ aka malgerangöra Anutunönj Köna keu mi könañgep toroqeba jim miwikñaiyök. Jim miwikñaiiga Suep garata yenön mi memba eta alabauk azi (namel man, mediator) Mosesgöra indela böröñe algetka Anutugö jitñe memba ambazip sutnine kinda jim kutuyök. Köna keu miangön nalö dop ahöm öngöba galöm köl nenjimapköra aka qahöpmö, könañgep Köna keugö ösumñan etmapköra mi nenjiyök. Abrahamgö gwölönarök kungö jöhöjöhö keunji nenjiiga azi miangön asuhuyöhi, nalö miangörej Köna keugö ösumñan eri teköyök.

²⁰Alabauk azi yanön Anutu aka ambazip sutnine kinda keu nup memakza. Anutunönj jöhöjöhö keunji mi alabaukñi qahöpmö, mönö nanjak Abraham wanjiyök. Miangöra oyaenköyaen akingö jöhöjöhö keunji mi öngöñgöñi aiga Köna keunji miangön nemböñi akza. Mewö.

Köna keugö nupñi öljñ mi denöwö?

²¹Mewö aiga Köna keu aka oyaenköyaen akingö jöhöjöhö keu mi auzahot me qahö? Saumbañ! Anutunönj mal köhöibingö Köna keunji

^a 3.16 Jen 12.7 ° 3.17 Eks 12.40 P 3.18 Rom 4.14

neŋgibawak ewö, mönö ölna Köna keu wuatanggöba Anutugö jeŋe solanŋi akinak. Miaŋgöra keu yahöt mi qahö auzahot. ²²Qahöpmö, keu yahöt mi nanŋök nanŋök. Anutunöŋ jöhöjöhö keunŋi mi mötnarip ambazip oyaenŋkoyaen ak neŋgimanggöra aka ali ahöza. Jöhöjöhö keu miaŋön Jisös Kraist möt narizini, mönö neŋgöreŋ ölnambuk akŋapköra möta kewö areŋgöba jiyök, “Siŋgisöndok ambazipnöŋ urunini qahö meleŋme ewö, mönö öne töhön Anutugö jeŋe qahö solanime.” Miaŋgö könaŋi mi Buŋa keunöŋ kewö jii ahöza, “Siŋgisöndoknöŋ mönö gölme dop ambazip pakpak gwaröhöm neŋgiiga maljin.”

²³Mutuk urunini qahö meleŋninga mötnaripninan qahö asuhuiga Köna keunöŋ jöhöba galöm köl neŋgiba gwarö uruŋe misim neŋgiyök. Könaŋep Anutunöŋ mötnaripkö könaŋi indeli asuhuyöhi, nalö miaŋgöreŋ kösö gwarö malmalninan teköyök.

²⁴Mewö taringa Köna keunöŋ mönö böhinina aka Kraistkö könaŋi mötŋingöra kusum neŋgimakza. Böhi leuam kusum enŋgigeri, miaŋgö dop keu miaŋön mönö neŋguaŋgita solanŋi akingö mindiŋgöba galöm köl neŋgimakza. Mewö aka Kraistkö könaŋi möt asariba möt narim waŋgiinga keunini jim teköi solanibingöra kuŋgum neŋgimakza. Urunini meleŋninga böhigö nupŋan mönö nalö miaŋgöreŋ teköza. ²⁵Urunini meleŋninga mötnaripninan asuhuiga Köna keu bapŋe qahö malinga miaŋön böhi ewö qahö toroqeba galöm köl neŋgimakza. Mewö.

Anutugö nahönböraturupŋi aka maljin.

²⁶Körek enŋön mönö Jisös möt narim waŋgigetka ahuahu dölökŋi enŋgiiga Anutugö nahönböraturupŋi aka Kraistpuk qekötahöba kinje.

²⁷Kraistpuk kinmegöra o melun mem enŋgigeri, körek enŋön mönö Kraist möt anŋön köla miaŋön maluku tuatŋi ewö esuhum anŋuba yambuk qekötahöba kinje. ²⁸Iŋini körek pakpak Kraist Jisösbuk qekötahöba kingetka mindirim enŋgiiga mohot aka malje. Miaŋgöra Juda aka kantri tosatŋi enŋön Anutugö jeŋe kambu yahöt mi kunbuk qahö akze. Nanŋini nupŋini memakzei aka welenqeŋe omaŋi akzei, Anutunöŋ enŋgehiga kambu yahöt qahö toroqeba akze. Azi ambi enŋön Anutugö jeŋe kambu yahöt qahö toroqeba akze.

²⁹Iŋini Kraistkö buŋaya akze ewö, mönö Abrahamgö gwölönarökŋi yaŋgöreŋök ahuba tinibaniurupŋi malje. Mewö ahuba jöhöjöhö keuŋaŋgö ölni oyaenŋkoyaen mi buŋa qem anŋumeaŋgö dop akze. Mewö.

Neŋön Kraistköra aka Anutugö nahönböratŋi ahin.

4 ¹Keu mi toroqeba könaŋi kewö jimam: Nahönöŋ iwiŋaŋgö börösamotŋi buŋa qem anŋumawaŋgö dop akzapmö, morö gwabö

⁹ 3.29 Rom 4.13

mala nalö miangörej welenqege omañi yembuk öröröñ tandök akza. Iwiñangö börösamot yuai pakpakö toñi akñapmö, töndup welenqege yengö qöhöröñine alañina aka nup töwañi qahö memakza.

²Mewö morö mala galömjñi yengö nembö bapñine kiniga yeñön malmalñi pakpak arengöba galöm köla jim kutum wañgimakze. Iwiñan nalö al wañgii kam kuñgumawi, miangörejök könahiba nanñak börösamot toñi aka malma. ³Nanini mewöñanök mutuk urugö likepñe morö gwabö ewö malin. Nalö miangörej bem suahö galöm Suep gölme sutñire yuai pakpak galöm köl enggimakzei, mienñön mönö nini mewöyök galöm köl neñgigetka öne yengö welenñini qeba nemböñini bapñe malin.

⁴Mewö malinmö, Anutugö nalöñan kam kuñguiga Nahöññi melaiiga ambigörejök asuhuyök. Juda neñgö Köna keu bapñe malmangöra asuhuyök. ⁵Köna keu bapñeyök pösat neñgiba sohpnini memamgöra asuhuyök. Mewö Anutugö nahönböratuñi aka buñaji möt añgön köl teköba maljin.

⁶Mewö Anutugö nahönböratñi akzeañgöra aka Anutunöñ Nahöññangö Uñaji melaiiga urunine geba kewö qerakza, “O Aba Iwini!”^s ⁷Mewö qerakzawañgöra aka qahö toroqeba welenqege omañi akzanmö, Anutugö nahönböratñi aka maljan. Mewö maljanangöra aka Anutunöñ oyaenköyaen Buñaji gihiiga buña qem añguba galöm köla malman. Mewö.

Polnöñ Galesia yengöra waimañat mörök.

⁸Iñini mutuk Anutu qahö möt kutuba malget. Nalö miangörej tandö lopioñ aka bem suahö galöm bem öñangö malmalñi qahö memba maljei, mi töwañini qahö welen qem enggiba etqeñi malget. ⁹Mewö malgetmö, uruñini meñda nalö kewöñe Anutugö könañi möt kutuba malgetka Anutunöñ möt kutum enggiga malje. Anutunöñ möt enggizawi, keu miangön bohonñi ak enggiza. Mewö maljemö, wuanöñgöra dumñe kunbuk bem suahö galöm yuai pakpak galöm kölakzei, mönö yengörej meñda mesohol köl enggiba malje? Bem suahö galöm mi ösumñini eretñi akzemö, eñön mönö töndup mi welen qem enggiba etqeñi akingö sihimñi mötze. Mi qahö dop kölja.

¹⁰Mi welen qem enggiba kendon tatat nalö könañi könañi mi mötket öngöiga törörök wuatangömakze. Sabat kendon tarakze. Köiñ dölokñi koriga bemñini mötmöriba köiñ dop söñgaimakze. Yambu jeñiqe qe söñngai aka söñngai tosatñi mi yambu (yara) dop törörök wuatangömakze. ¹¹Nöñön enggöra aka keñgötni kewögöra mötzal: Nöñön enggö sutñine nup membiga öñi qahö ahuiga öne töhön sileqege akilenbuk.

^r 4.5-7 Rom 8.15-17 ^s 4.6 Aba mi Arameik keunöñ Iwi.

Galesia yeñön Pol andö qebingö aket.

¹²O urumelenj alaurupni, nõñön kewö kuñguba qesim eñgizal: Nõñön injini ewö aka malalañgöra eñön mõnõ nõñgö dop akñe. Yuai bölõñi kun kude ak niñgiget. ¹³Nõñön mutuk eñgöreñ kaba kawöl nõhöi sileni eri malali, kõnañi mewögöra tata Ölöwak Buña jim asaribiga mötket. Eñön mi möt kõmuze. ¹⁴Nõñön sile-eret malbiga andö nuñgubingö esapesapñi miwikñaiget, mi mötzalmö, tõndup qahö jijiwilit aka qepureim niñgiget. Mewö qahöpmö, ni neketka Anutugö garata ewö akiga nõmeget. Opopoñ, nõñgöra Kraist Jisös nanñangö tandök mötmöriba öröm niñgiba “Owe owe!” jiget.

¹⁵“Owe owe!” jiba silene pölpöl qeba je kötñini uzula niñgibingö mötketmö, mi qahö dop kõliga mosötket. Eñgö kõnañamñini möta mi ölña mewö nañgöba jizal. Yei! Nalö miangöreñ jim sösöñgai önõñi qahö akeri, mi mõnõ denöwögöra nalö kewöñe qahöwahi öne malje? Mi qahö dop kõlja. ¹⁶Eñgöra Buña keu ölñi jimakzalañgöra mõnõ kerök ak niñgize me?

¹⁷Ambazip tosatñi mienñön eñgöra aka urukönöp ahakzemö, mi urukönöp ölpñi qahö. Mi ölpñi qahöpmö, yeñön injini neñgöreñök eñguañgita sutnine jabö ala tököm niñgimegöra mötze. Mewö mendenj neñgigetka urukönöp qakñe nanñini nañgöm eñgimegöra kapañ kölakze. ¹⁸Injini ahakmeme ölpñi akñegöra urukönöp ahakzei, mi mõnõ qetpuk. Nõñön eñgö sutñine malbiga nalö miangöreñök qahöpmö, mõnõ nalö dop mewö aketka dop kõlma.

¹⁹O gömokurupni, ni ahuahu dölökñi ahumegöra masö tandök nuñguiga sihibölö mörali, miyöhök mõnõ dumñe kunbuk mötzal. Kraistkö ahakmemeñan eñgöreñ ahum kutumapköra sihibölö mi möta maljal. ²⁰Nõñgö urunan mõnõ eñgöra aka lalalulu siksauk akza. Miangöra nõñön nalö kewöñe eñgö sutñine malmamgö mötkurumkurum akzal. Embuk mala keu imbini memba eta ala keu ösöñ jimamgö ak niñgiza. Mewö.

Hagar aka Sara yetkö söpsöp keuñiri

²¹Tosatñi eñön Juda neñgö Kõna keu Kimbi wuatangöbingö mötzemö, keu miangö kõnañi mi ölña möt kutuze me qahö? Kõnañi mi möt asarimegöra qesiba kuñgum eñgizal. ²²‘Buña keu kun kewö ohoget ahöza: Abrahamgö nahönyahötñi yahöt ahuyohot: Kun welenqeçe ambi etqeçeñan (sleiw) meyök aka kun mi nanñi songgojarinj anömñi solanñi (fri) malmalñan meyök. ²³Welenqeçe ambinöñ nahönñi meyöhi, miangön morö ahuahugö kõnanöñ ahuyökmö, kun ambi solanñi (fri) malmalñan

[†] 4.22 Jen 16.15; 21.2

meyöhi, yañon Anutunöŋ morö nahön ahumapkö keu jöhöyöhi, mönö keu miangö ölnan asuhumapköra ahuyök.

²⁴Keu miangö könanji mi tölapnji. Ambi yahöt mi Anutunöŋ ambazip nembuk jöhöjöhö areŋ yahöt alöhi, mönö mietkö söpsöpŋira. Jöhöjöhö areŋ kun mi Sainai (Sinai) kunduje alöhi, miangö söpsöpŋi mi ambi qetnji Hagar. Ambazip jöhöjöhö areŋ mi wuatangömakzei, yeñon mönö Köna keugö jimkutukutu bapŋe malje aiga gwölönarökurupŋinan keu miangö welenji qemakŋegöra ahumakze.

²⁵Hagar mi Sainai kunduji, Arebia gölmenöŋ kinjawanğö söpsöpŋi akza. Sainai miangö alanji mi Juda gölmegö siti qetnji Jerusalem. Siti miangö könagesögö ketanji moröŋi yeñon nalö kewöŋe Köna keu bapŋe malgetka jöhöm enğii solanji (fri) qahö akze. Miangöra dopnji mohok akzahot.

²⁶Solanji (fri) qahö akzemö, Jerusalem siti kun euyangöreŋ maljei, yeñon mönö kösö gwaröŋini qahö solanji malje. Neŋgö namnini Sara yañon mönö siti miangö söpsöpŋi akza. ²⁷“Miangö kezapqetok keuji mi kewö ohoget ahöza,

“Ambi azinöŋ ölan qeyöhi, yañon mönö nahönbörat enğömiiga sehigetka mewö ambi apŋambuk mi luhut alma.

Miangöra ambi köpin morö qahö menöŋi, gi mönö töndup söŋgaiba malman.

Masö qahö guhui malnöŋi, gi mönö töndup qet gigilahöba morö ahumapköra köiraŋ ala malman.”

²⁸O urumeleŋ alaurupni, iñini mönö Aisakö dowa Anutugö jöhöjöhö keujan nam köl enğiiga ahuahuhö dölökŋi ahuba malje. ²⁹“Nalö miangöreŋ morö ahuahugö könanöŋ ahuyöhi, yañon munŋi Uŋa Töröŋan nam köl waŋgiiga ahuyöhi, mi sesewerowero ak waŋgiba malök. Nalö kewöŋe mewöŋanök sesewerowero mewöŋi mi ahöza.

³⁰“Mewö ahözapmö, Buŋa keu kun mi toroqeba kewö jigetka ahöza, “Welenqeŋe ambigö nahönŋan mönö Iwiŋangöreŋ börösamotnji qahö mema. Ambi solanji malmalŋi yaŋgö nahönŋambuk mi mohotŋe qahö mendeŋda aŋgön kölmahot. Miangöra welenqeŋe ambi etqeŋeŋi mi mönö közölnöŋga nahönŋambuk anmahot.” ³¹O urumeleŋ alaurupni, söpsöp keu mewöŋangö dop neñon mönö welenqeŋe ambigö undumurupŋi gwaröŋinambuk qahö akzinmö, ambi solanji malmalŋangö undumurupŋi akzin. Miangöra loloŋqaloŋ ahakmeme mi közölme. Mewö.

Lolongöba Kraistpuk kinkin solanŋe kinme.

5 ¹Kraistnöŋ Köna keu bapŋeyök pösat neŋgiiga solanŋi maljin. Mewö mala tosatŋan iñini kunbuk öröba Köna keugö mötöpñöŋ^x jöhöm

^u 4.27 Ais 54.1 ^v 4.29 Jen 21.9 ^w 4.30 Jen 21.10 ^x 5.1 Ip kemaŋi (yoke) mi bulmakau yahötkö jöŋjire ala jöhögetka mindirim etkiiga miangöŋ mohotŋe kare me gölmeqeŋegö kinöŋ örömakzahot. Miangö dop Köna keu gwaröŋöŋ maljan ewö, nupŋi mönö töp meman.

enġibepukōra mōnō galōm mem aṅguba malme. Welenqece omani ewō akepekōra mōnō kōhōiba bōṅ qeba kinme.

²Mōtket! Pol nōṅōn kewō jibi mōtket: Tosatṅan Anutugō aiwesōkṅi sileṅine yandimegō mōtketka imbi kōlme ewō, Kraistnōṅ mōnō baukōm eṅgimamgō osima. ³Keu mi toroqeba kewō naṅgōba jimam: Azi pakpak sileṅine aiwesōk yandimegō mōtketka imbi kōlmei, yeṅōn mōnō Kōna keu pakpak tem kōla wuatāṅgōme. Mi qahō wuatāṅgōgetka qahō dop kōlma. ⁴Kōna keu tem kōla wuatāṅgōba mewō miaṅōn solanṅi akingō mōtzei, eṅōn mōnō Kraistkō selṅi qōsōkōba yambuk qahō toroqeba kinje. Eṅōn mōnō Anutugō kalem mōriamṅi mosōta yaigep eta laṅ malje.

⁵Laṅ maljemō, neṅōn mōnō Anutugō jeṅe diṅdiṅi akingō jōrōmqōrōmṅi aka awōweṅgōmakzin. Mewō ahinga Uṅa Tōrōṅan inahōm neṅgiiga Anutu mōt narim waṅgiinga keunini jim tekōi solanibingōra mambōrakzin.

⁶Kraist Jiśōsbuk kininga urugō ōlṅi mōtnarip mi mohotṅan mōnō baukōm neṅgimakza. Anutu mōt nariinga inahōm neṅgiiga amqeba urukalem ak aṅguinga dop kōljamō, mōtnarip ōlṅi qahō mi qahō baukōm neṅgimakza. Mewōyōk Anutugō aiwesōkṅi silenine yandiget ahōza me qahō, mi mōnō dop mohot akza. Silegō kun me kun mi Anutugō jeṅe qahō baukōm neṅgima.

⁷Mutuk uru meleṅmeleṅgō aonṅitnōṅ mōnahot ewō ōsumṅinan anget. Ōlōpṅanōk angetmō, bōhi takapulakaṅi kunōṅ kaba siksauk mem eṅgiba kemaṅe kutuiga keu ōlṅi qahō toroqeba tem kōlakze. ⁸Kun daṅōn eṅgoholakzawi, yaṅōn mōnō kemaṅe kutumegōra qahō tutuhuba kuṅgum eṅgimakza. Mi qahō. ⁹Yist boromdōkṅi kimbutnōṅ ala plauabuk meleṅninga kōrek pakpak meiga qariba wahōrakza. Miaṅgō dop siksauk morōṅan mōnō dop kōl eṅgiiga kōrekmakōrek jaṅjuṅ akekup.

¹⁰Bōhi takapulakaṅi yaṅōn siksauk mem eṅgiiga jaṅjuṅ ahakzei, Anutunōṅ mōnō yaṅgō ahakmemeṅaṅgō likepṅi meleṅ waṅgiiga sihimbōlōṅi mōta malma. Nōṅōn Kembubuk kindā mōt narim eṅgiba eṅgōra kewō mōta awōsamkakak akzal: Injini Kraistkō Buṅa keu tōrōrōk wuatāṅgōba mōtmōt murutṅi pakpak yakōribingō mōt kōhōiba malme.

¹¹O urumeleṅ alaurupni, iṅini mewō malmemō, nōṅōn Kraist maripomnōṅ kōmuyōhaṅgō kōnaṅi jim sehibiga Juda yeṅgō uruṅinan miaṅgōra bōlimakza. Maripomgō keuṅi mosōtpileṅak ewō, mōnō sesewerowero qahō ak niṅgibeak. Anutugō aiwesōk azi sileṅine yandiyandimegō Buṅa keuṅi toroqeba jiba uru kuṅgum eṅgibileṅak ewō, mōnō kahasililiṅ qahō ak niṅgibeak. ¹²Tosatṅan kuṅgum eṅgiba siksauk memakzei, yeṅōn mōnō yandiyandigō keuṅini wuatāṅgōm tekōba nanṅini sile kitipṅini kōrek yandim aṅgugetka mōtpi dop kōlbawak.

¹³O urumeleṅ alaurupni, Anutunōṅ iṅini kōna walṅaṅgō keunōhōk lolohoba gwarōṅini qahō malmegōra eṅgoholōkmō, kewōgōra mōnō

ᵛ 5.9 1 Kor 5.6

galöm mem anguba malme, “Mönö lolohoba solanji maljin,” mewö jiba möndöba uruñinan wahöri silegö sihim kömbönañini bölöñan mönö galöm köl engibapuk. Nanjini imbi-imbi qahöpmö, mönö urukalem qakñe kinda welen qem anguba malme. ¹⁴*Köna keu bohonji mohot wuatangögetka Anutugöreñ keu pakpak mönö mewöyök ölninambuk akñe. Keu bohonji mohok mi kewö, “Nangi jöpaköm angumakzani, miañgö dop mönö ambazip pakpak urugan jöpaköm engimakñan.” ¹⁵Mewö jizapmö, bau kiam ewö angöhöm söksök aka aumakze ewö, mönö nanjini ayuhum angubepuköra töhötnjini pöndañ möta malme. Mewö.

Uña Töröñan galöm köl engiiga malme.

¹⁶Nöñön kewö jimam: Uña Töröñan mönö ahakmemeñini galöm köliga malme. Mewö malgetka urusilegö sihim kömbönañini bölöñi qei eri kude tem köla wuatangömakñe. ¹⁷^aMiañgö könañi kewö: Urusilegö sihim kömbönañi bölöñan mönö Uña Töröñi qetala lañ köpösöñgöiga Uña Töröñan uru walñangö kukñi qemangö möriga sutñire jujul ahöi aumakzahot. Mewö aumakzahorañgöra eñön yuai ölöpnji aka membingö möta mi osimakze. ¹⁸Mi osimakzemö, Uña Töröñan enguangiriga anda malje ewö, mönö Köna keu bapñe qahö malje.

¹⁹Urusilegö ahakmeme walñangö nup ölni mi aukñe ahöi mötzin. Mi kewö: Kaisero namböñnamböñ lañ aketka uruñinan tölöhoiga serowilin ahakze. ²⁰Tandö lopioñ waikñjini memba bemñjini möpöseim engigetka uruñjini sölölohöm engii suña jinañ ahakze. Kerök asuhui angururuk aka aumakze. Kungöreñ yuaigöra urunöñ mututqutut möta eröm ota yom jiba urusingok ahakze. Nanñinañgörök mötmöriba yuai öröba girinjabak memakze. Jula mendeñ anguba kambuñi kambuñi ala jijiwilit ak angumakze.

²¹Tosatñi yeñgö yuaigöra eksihim möta körögisigisi aka közölömbuan pati ala bau numbu nempa o köhöikñangöra eñololoñ ahakze. Mi aka silik tosatñi mewöñi ahakzei, yeñgöra mutuk jial aka miañgö dop galöm meme keu mi qeljiñe dumñe kunbuk kewö jizal: Ambazip silik mewöñi ahakzei, yeñön mönö Anutugö bemtohoñ uruñe qahö öñgöme.

²²Yeñön qahöpmö, Uña Töröñan nup memakzawangö ölni mi urukalem, sösongai, luai aka ahakmeme ölöpnji kewö: Lömböt pakpak möta mökösongda tosatñi ala ak engiba ahakmeme sakalakñi ahakze. Keuñi misila pöndañ wuatangömakze. ²³Gunbönjönjön qakñe tosatñi ak engiba nanjini törörök galöm köl angumakze. Ambazip silik mewö ahakzei, yeñön Köna keu qahö qetalakze. ²⁴Ambazip Kraist Jisösgö buñaya aka maljei, yeñön uru sileninañgö sihim kömbönañini bölöñi aka

^z 5.14 Lew 19.18 ^a 5.17 Rom 7.15-23

bölönɔŋgö urukönöprjini mi körek Jisösbuk maripomnöŋ algetka mem kömuyöhawa malje.

²⁵Uŋa Töröŋan urunine geiga maljin ewö, ahakmemenini mönö mewöyök Uŋa miaŋön galöm köl neŋgii aka memba malbin. ²⁶Mewö mala qetbuŋa omaŋi neŋgimegö kude kapar köla öne töhöŋ kude aiweliköm aŋgumakŋe. Urubölö ak aŋgubepuköra mönö uruköŋgar kude aka uruöngöp qakŋe kude ak aŋgumakŋe. Mewöyök körögisigisi kude ahakŋe. Mewö.

Lömbötŋini mönö bisiba bauköm aŋgumakŋe.

6 ¹O urumeleŋ alaurupni, kunŋan köna oŋgita siŋgisöndok aiga miwikŋaize ewö, urumeleŋ alaurup eŋön mönö mökököli qakŋe ala ewö mindiŋgöm waŋgigetka kunbuk köna miwikŋaima. Mewö aka nangk mewöyök esapesapnöŋ et guhubapuköra mönö galöm mem aŋguba malman. ²Lömbötŋini mönö bauköm aŋguba bisimakŋe. Mewö miaŋön Kraistkö Köna keuŋi wuatangögetka öŋambuk ahakŋa. ³Kunŋan eretŋi mala töndup nanŋangö möri öŋgöŋgöŋi akzawi, yaŋön mönö nanŋi tilipköm aŋgumakza.

⁴Mewö kude akŋemö, mohot mohot eŋön mönö nanŋini ahakmemenini kewöta esapkögetka dop kölma. Mewö aka alaŋini oŋgita qetbuŋaŋinambuk akzeangöra kude aiwelikömemö, mönö nanŋini könaŋinaŋgörök sileŋini möpöseigetka dop kölma. ⁵Anutunöŋ lömbötnini murutŋi murutŋi mendeŋ neŋgiiga nanŋök nanŋök bisimakzin. Miaŋgöra nanini tosatŋi yembuk likeplikep ala kewöt aŋgubingö osimakzin.

⁶Böhi qaqazunöŋ kungöra Buŋa keu kusum waŋgimakzawi, yaŋön mönö miaŋgö töwaŋi meleŋda yuaiŋi ölöprjini pakpak mendeŋda bahöŋi waŋgimakŋa.

⁷Nanŋini mönö kude tilipköm aŋgumakŋe. Kunöŋ nene warökŋi kömöriŋa öŋi miaŋgö dop ahui miwikŋaima. Keu miaŋgö dop Anutunöŋ bölönamnini eka likeprjini miaŋgö dop neŋgima. Miaŋgöra Anutu mi azi omaŋi ewö mepaqepaik ak waŋgibingö osimakzin. ⁸Urusilegö sihim kömbönaŋi bölönan kun nam köl waŋgiiga miaŋgö warökŋi laŋ kömörakzawi, yaŋön mönö miaŋgö köndenmöndeŋi miwikŋaiba bölimakŋa. Yaŋön bölimakŋapmö, Uŋa Töröŋan kun sölölöhöm waŋgiiga miaŋgö warökŋi kömörakzawi, yaŋön mönö öŋi miaŋgö dop miwikŋaiba malmal köhöikŋangö buŋaya aka malma.

⁹Nini jegep kinda nup ölöprjini ölöprjini memba mala miaŋgöreŋ mönö löwöriŋa zölokzölok kude akŋe. Tanŋar aka nup qahö mosötpin ewö, öŋi meme nalöŋan kam kuŋguiga nupninaŋgö töwaŋi mönö miwikŋaibin.

¹⁰Miaŋgöra gölmenöŋ malbinaŋgö dop neŋön mönö ambazip ölöprjini ak eŋgibingö jegep kinda malbin. Urumeleŋ könagesö uruŋe maljei, i mutuk alabauk ak eŋgimakin aka yeŋgö andöŋjine ambazip tosatŋi pakpak köna asuhuiga mem ölöwak eŋgimakin.

Galöm meme aka yaizözkök keu teteköni

¹¹Pol nöñön kirifi memba nani börönan kulem je ketanji ki engöra ohozali, mi ekje. ¹²Ambazip Anutugö aiwesökñi sileñine yandimegöra kuñgum engimakzei, yeñön mönö körek sile megetka gölme ambazipnöñ yeñgöra mötket öngömäpköra kapan kölakze. Kraistnöñ maripomnöñ kömuyöhi, keu miañgöra sesewerowero ak engibepuköra mönö mewö kuñgum engimakze. Miañgö könañi murutñi kun qahö. ¹³Anutugö aiwesökñinambuk mieñön mönö nanñinak mewöyök Köna keu qahö wuatangöm teköba malje. Mewö qahöpmö, engö sileñini yandimegö mötzeañön mönö engö sile kitipñinañgöra aka nanñini sileñini mem öngöba qetbuñanambuk akingö mörakze.

¹⁴Mewö mörakzemö, nöñön Kembunini Jisös Kraist maripomnöñ kömuyöhi, mönö Buña miañgöra aka sileni möpöseimakzal. Qetbuña murutñi kun qahö jarumakzal. Mi yapmakek! Kraistnöñ maripomnöñ kömuiga yambuk toroqebiga mötmöt areñnan uteköiga silik bölöñangö sisitñi memakzal. Gölme ambazipnöñ silegö ahakmeme bölöñi memingö mötmöröba keu jimakzei, nöñön mönö miañgöreñ göröken köhömuñi tandök akzal. Möpöseim niñgime me silene keu almei, miañgö likepñi mi qahö meleñmam. Gölmenöñ keu kewöta tosatñi mötket öngöi tosatñi mötket eretñi akzawi, mi mönö nöñgö mötmöt areñbuk dop mohot qahö akzahot.

¹⁵Silenine aiwesök yandiget me qahöwi, miañön mönö dop mohot akza. Miañön gorosonñi akzapmö, ahuahü dölökñangö dömnñi akzini, miañön mönö öl töhöññi akza. ¹⁶Ambazip ahuahü dölökñangö jimkutukutu keu wuatangöba maljei, Anutunöñ Juda körek mi aka Anutugö urumeleñ köñagesö pakpak iñini mönö ak kömum engiiga luainöñ malme.

¹⁷Keu teteköñi kewö jizal: Nöñön Jisös qegerangö löpötñi mi nani silene ahöiga bisimakzalañgöra kunöñ mönö urulömböt kude toroqem niñgima.

¹⁸O urumeleñ alaurupni, Kembunini Jisös Kraistkö kalem möriamñan mönö embuk ahöba uñañini kötuetkömakña. Keu mi öñja.

Efesus Kimbi

Polnön Efesus yengöra Kimbi alök.

Jim-asa-asari keu

Polnön Rom sitigö kösö mire tata Efesus urumelej kambu yengöra Kimbi ki ohoyök. Efesus mi Eisia prowinsgö siti bohonji. Siti mianggö uruje kölköl-örörö gwötpuk ahömalget. Polnön misin nup memba liliköi indimji karöbut ahiga Efesus kaba yambu karöbut mianggören Buja keu jiba malök. Efesus sitinön Juda ambazip tosatji miri toji yengö sutjine malgerangöra Polnön kimbi ki ohoba kewö kusum engiyök, “Kraistnön lök kambu yahöt toroqeiga urumelej kambu mohok-kun akzahot.” (2.15-16),(3.6) Anutunön jitsihitji aka kalem möriamji urumelej kambu nengöra denöwö ali ahözawi, mi gwötpuk jim asariza. (3.10) Mianggö dopkeu karöbut kewö jiyök:

1. Urumelej könagesö enön sile sep busu mohot aketka Kraistnön nanjak nöropjini akza. (1.23; 4.15-16)

2. Urumelej könagesö enön miri mohot tandök aketka Kraistnön engö tandöjini kömbönaji akza. (2.21-22)

3. Urumelej könagesö enön ambi buja ewö aketka Kraistnön apjanggö tandök akza. (5.25-27) Mewöyök Kraistnön Efesus engö kambu yahöt toroqem etkiiga mianggöra sile sep busu mohot akze. Asakjanggö ambazip akerangöra malmaljinanggö goro keuji keuji ohoyök. Mewö.

Buk kianggö bahöji bohonji 4 mi kewö:

Keu mutukji keu 1.1-2

Kraist aka urumelej könagesö 1.3–3.21

Kraistpuk malmal dölökji 4.1–6.20

Kimbigö keu kötji bohonji 6.21-24

1 ¹“Anutunöŋ Pol ni jitsihitŋaŋgö dop melaim niŋgiiga Kraist Jisösgö aposol akzal. Mötnariŋ alaurup sarakŋi Kraist Jisösbuk qekötahöba Efesus sitinöŋ maljei, nöŋön embuk keu eraum mötŋingöra kimbi ki ohozal.

²Anutu Iwinini aka Kembu Jisös Kraist yetköŋ mönö kalem möriam enŋiyohotka luainöŋ malme.

Kraistnöŋ Anutugö kötümötuetŋi neŋgimakza.

³Neŋön Kembunini Jisös Kraistkö Iwi Anutuŋi möpöseimakin. Yaŋön nini Kraistpuk qekötahöinga uruninan ölöwakaŋpaköra Suep mirigö kötümötuetŋi aka kalemŋi könäŋi könäŋi mi urunine alöha kayambu asuhui mala kotket. ⁴Anutunöŋ nini mutuk möpŋaŋgö möpŋeyök kewö akingöra möwölöhöm neŋgiyök: Kraistnöŋ nam köŋ neŋgiiga neŋön yaŋgö buŋaŋi sarakŋi aka Anutugö jemesoholŋe keunini qahö kinbin. Mewö möwölöhöm neŋgiba miaŋgö andöŋe Suep gölme miwikŋaiba al etkiyök. Nalö miaŋgöreŋök könahiba ambazip jöpaköm neŋgiba mala korök.

⁵Jöpaköm neŋgiba urusihimŋaŋgö dop qeljiŋe keu jit areŋi ala keunini kewö jim teköyök: Jisös Kraistnöŋ nam köŋ neŋgiiga Anutunöŋ neŋgömeiga nanŋi nahönböraturuŋi akin. ⁶Wölböt Nahönŋi neŋgöra melaiiga eta Anutugö kalem möriamŋaŋgö kukösumŋi buŋabuŋaŋambuk köleŋda söŋgöronŋi qahö öne neŋgiyök. Nini mönö kalem möriamŋi miaŋgöra Anutu möpöseim waŋgimakin. ⁷^bAnutugö kalem möriamŋaŋgö köweŋi mi keta bölöknŋi. Miaŋgö dop Jisösnöŋ seŋŋi mokoba miaŋön sohohnini meyök. Mi meyöhaŋgöra Anutunöŋ ölöŋ siŋgisöndoknini mosöta saŋoŋ neŋgimakza.

⁸Yaŋön kalem möriamŋi mi köweŋeyök keleŋmaleleŋ mokoiga qaknine öŋgöyök. Mötkutukutuŋi öŋgöŋgöŋi pakpak miaŋgö dop kewö möt asarim neŋgiyök: ⁹Anutunöŋ mutuk nanŋi uruŋe keu areŋ jöhöba möri ölöwahiga tölapŋe ahöi öne mala kotketmö, Kraistnöŋ Anutugö keu jitŋaŋgö dop wuatangöba eta neŋgöreŋ indeliga eka mörin. ¹⁰Anutunöŋ mutuhök kalem möriam areŋaŋgö könäŋi kewö mötmöriyök, “Anutu nöŋön areŋ mi wuatangöba mala malbiga nalöŋi törörök kam kuŋguiga miaŋgöreŋ öŋambuk aiga kewö asuhuma: Körek Suep mirigö jakeŋi jakeŋi miaŋgöreŋ me gölmenöŋ ahuba maljei, nöŋön mönö mi pakpak mindiriba jöhöm enŋimam aka Kraist kuŋgum waŋgibiga körek yeŋgö bohönŋini mohot aka malma.”

¹¹Anutunöŋ mutuhök nanŋi uruŋaŋgö dop keu jöhöi ahözawi, mönö areŋ miaŋgö dop kuŋgukuŋgu keuŋi jiiga yuai pakpak asuhumakza. Nanŋi areŋi miaŋgö dop qeljiŋe Juda könagesö nini nanŋi buŋaŋi aka malbingöra jim teköba al neŋgiyök. Miaŋgö dop nini tosatŋan Kraistpuk qekötahöinga

^a 1.1 Apo 18.19-21; 19.1 ^b 1.7 Kol 1.14

meköm neŋgiiga buŋaŋi börösamot ewö aŋgön köla memba maljin. ¹² Juda könagesö neŋön Kraistnön galöm köl neŋgimapkö mamböta qeljiŋe jörömqöröm ak waŋgiba mala korini, yaŋön nini Anutugö kukösumŋi buŋabuŋaŋambuk möpöseiba malbingöra aka möwölöhöm neŋgiyök.

¹³ Kian kantri eŋgöreŋök tosatŋan mewöyök Kraistpuk toroqeba qekötahöget. Amötqeqegö Ölöwak Buŋaŋi jigetka keu ölni mi möta uruŋini melenget. Uŋa Töröŋi yaŋön Anutu buŋaŋaŋgö muŋgem aiwesökŋi akza. Uŋa mi melaii etmapkö keu jöhöyöhi, yaŋön mönö mi uruŋine ali geyök. Kraist möt narim waŋgigetka Anutunön aiwesökŋi kömbönaŋi mi mekötahöm eŋgiiga malje. ¹⁴ Anutunön könagesöuruŋi Suep Buŋa neŋgimamgö keu jöhöyöhi, mi membingö aiwesökŋi Uŋa Töröŋi mi mutuk al neŋgiyök. Uŋa Töröŋi urunine ali maljawangöra mönö kewö möt köhöizin: Anutunön lök sohpnini memba buŋauruŋi ahinga biaŋ gölmenöhök neŋguaŋgiriga Suepnön öŋgöba oyaeŋkoyaeŋ akin. Miangöra mönö Anutugö kukösumŋi buŋabuŋaŋambuk möpöseimakin. Mewö.

Polnön Anutu möpöseiba kewö köuluköyök:

¹⁵ Mewö oyaeŋkoyaeŋ akingöra aka nöŋön Efesus eŋgöra köulukömakzal. Eŋön Kembu Jisös pöndaŋ möt nariba ambazip sarakŋi pakpak uruŋinan jöpaköm eŋgimakzei, tosatŋan miangö buzup keuŋi jigetka möral. ¹⁶ Miangöra buzup keu mi mörali, nöŋön mewöyök eŋgöra aka Anutu möpöseiba mala qahö mosöral. Qahö. Nöŋön köuluköba miangöreŋ mötmörim eŋgimakzal.

¹⁷ Mötmörim eŋgiba Kembunini Jisös Kraistkö Anutuŋi mi kewö köuluköm waŋgimakzal, “O Iwi kukösum Toŋi, gi mönö Uŋagi Töröŋi Efesus alaurup eŋgiman. Uŋa mi uruŋine alnöŋga mötkutukutuŋini qainŋi kun asuhuiga Anutugö könaŋi ölöŋŋanök indeliga möt yaköme. ¹⁸ Anutu, gi mönö uru jeŋini mem asarinöŋga nangi Buŋagahö könaŋi möt yaköme.” Anutunön nanŋi ambazip sarakŋi neŋgöra Suep Buŋa kukösumŋi buŋabuŋaŋambuk mi neŋgimamgö keu jöhöiga iŋini yuai mi asuhumapkö al mamböta jörömqöröm akŋegöra eŋgoholök. Jörömqöröm aketka Jisösnön kunbuk asuhuiga aködamunŋinambuk akŋei, iŋini oyaeŋkoyaeŋ miangö könaŋi möt sölöŋgömegöra köulukömakzal.

¹⁹ Möt narim waŋgiinga Anutugö kukösum köhöikŋan urunine sehiba nup memakzawi, mianŋön mönö keta bölökŋi teteköŋi qahö akza. Iŋini miangö könaŋi möt kutumegöra köulukömakzal. Ösum-mumuŋi wewelipŋambuk mianŋön silenini kutuba inahöm neŋgimakzawi, Anutunön miangö kukŋi kewö kondel neŋgiyök:

²⁰ ^c Anutunön kukösumŋi nupnön ala Kraist mem gulim waŋgii kömupnöhök wahörök aka waŋgiriga Suep mire öŋgöba selŋi selŋi

^c 1.20 Sum 110.1

liliköba jakenji jakenji engonggiriga Anutunöj böröni öljne dum tatat mutukne ali tatza. ²¹Ali jakömbuak dumne tata öroyuai pakpakö bohonina kinja. Bem suahö galöm aka yengö nemböjine jembon pom aka gawman kiap öngöngöni eretji kukösumnjambuk kembu ak nehgim�akzei, Kraistnöj mönö mi körek pakpak galöm köl engim�akza. Suep mire, gölmenöj aka mietkö sutnjire galöm qet pakpak qet engigetka bisizei, Kraistnöj mi körek engonggita öngöza. Gölmegö nalö kewöneyök qahöpmö, könangep nalö qainji kun asuhuiga mal öngöbini, miangörej mewöyök öroyuai pakpak galöm köla mal öngöma.

^{22 d e}Anutunöj uja, ömewöröme, ambazip aka öroyuai pakpak mi memba eta Kraistkö bapne al nehgii malinga Kembunini öngöngöni akza. Anutunöj Kraist mi urumelej könagesö nehgiba bohonini kinmapköra kuñgum wañgiiga malja. ²³Yañön kötal nehgiba bohonini aiga neñön yañgö öljañgö köna börö su-urupni akzin. Kraistnöj nöröwök aiga qahö dop kölbawakmö, neñön yañgö törömunji aka toroqeinga öljn asuhum tinjiriga dop kölja. Kraistnöj mewöñanök öroyuai pakpakö törömunjina kun aka toroqeiga körek pakpak mieñön mönö Anutugö aködamunjinambuk asuhuba dop köla anakze. Mewö.

Köhömuñeyök guliba Kraistpuk köhöiba maljin.

2 ^{1 f}Mutuhök köna ongita siñgisöndokni siñgisöndokni akerangöra malmal köhömuñi mala kotket. ²Iñini nalö miangörej gölmegö ahakmeme bölöni wuatangöget. Ömewöröme yengö Kembuñinan nalö kewöje Suep gölme sutnjire mala qegetal ambazip uruñini sölölohöba galöm köl engim�akzawi, mönö yañgörej qekötahöba tem köl wañgiba malget.

³Neñön körek mewöñanök mutuk yengö sutnjine silebile aka lañ malin. Uru silegö sihim kömbönañnini bölöni wuatangöba nanine imbi- imbi malin. Mewö lañ malinga Anutunöj neñgehi qahö dop köliga irimsesewölñi qaknine ali malin. Qegetal ambazip tosatni yengö dowök Anutugö irimsesewölñangö bujaya aka malin.

⁴Mewö malinmö, nalö kewöje mewö qahö. Anutunöj ak-kömukömunji teteköñi qahö miangöñ mönö jöpaköm neñgiyök. ⁵Köna ongita Anutu qetala miangöra köhömuñi aka malinmö, Anutunöj Kraist mem guliyöhi, nini mewöyök mönö mewöñanök mem gulim neñgiiga köhöiba maljin. Yañgö kalem möriamñan mönö amöt qem engiiga kunbuk letotket.

⁶Kraistnöj wahöröhi, nini mewöyök mönö mewöñanök neñgömindiiiga köhömuñeyök wahörin. Anutunöj Kraist Jisös wañgiriga Suep mire öngöyöhi, nini mewöyök mönö mewöñanök Suep malmalgö jake ahözei, mönö miangörej al neñgiiga yambuk tosatni galöm köl engiba maljin.

^d 1.22 Sum 8.6 ^e 1.22-23 Kol 1.18 ^f 2.1-5 Kol 2.13

⁷Anutunöŋ kewögöra mewö al neŋgiyök: Anutunöŋ kalem möriamŋaŋgö köwenj teteköŋi qahö miaŋön aukŋe asuhui möt asaribingöra mörök. Möt asariba könangep nalöŋi nalöŋi qainŋi kun asuhugetka teteköŋi qahö mal öŋgöbini, nalö miaŋgöreŋ mi neŋgim qarimapköra mörök. Anutunöŋ Kraist Jisös melaiiga kaba urukalemŋi mewö kondel neŋgiyök. ⁸Anutu möt narim waŋgigetka kalem möriamŋan mönö amöt qem eŋgiiga kunbuk letotket. Nanŋini nam köl aŋguba mewö miaŋön qahö letotketmö, Anutunöŋ mi kalemŋa ak eŋgiyök. ⁹Nanŋinak yuai kun ak sorokögeraŋgöra aka qahö letotket. Kunöŋ kun nanŋi silenj memba öŋgöbapuköra mönö kalem möriamŋaŋgörök aka mewö ak eŋgiyök.

¹⁰Nini Anutugö börösöwöya maljin. Kraist Jisösbuk qekötahöinga Anutunöŋ uru dölökŋi miwikŋaiba al neŋgiyök. Anutunöŋ qeljiŋe nup ölöŋŋi ölöŋŋi möwölöhöba mözözömgöyöhi, neŋön mi memba malbingöra mewö miwikŋaim neŋgiiga maljin. Mewö.

Kraistpuk qekötahöba öljŋi mohot akzin.

¹¹Miaŋgöra aka Efesus iŋini mutuk Juda ambazip qahö ahuba Anutugö könagesö qahö malgeri, mönö mi mötmöriba malme. Tosatŋan eŋgöra kewö jiba jim eŋgimalget, “Nini Anutugö aiwesökŋinambuk maljinmö, kantri tosatŋi iŋini ambazip omaŋi aiwesökŋini qahö!” Qet mi azi börönöŋ aiwesök silenine yandimakzei, mönö mi mötmöriba jimalget. ¹²Iŋini nalö miaŋgöreŋ uruŋini Kraistpuk qahö jöhöba öne yaigep malget. Kian kantri iŋini Juda könagesö neŋgö kau likepurupnina malget. Anutunöŋ ambazip nanŋaŋgöra möwölöhöm neŋgi maljini, iŋini neŋgö sutnine qetŋini qahö malget. Anutunöŋ Buŋaŋi alaurupŋi eŋgimamgö jiba keu jöhöyöhi, iŋini mi qahöpmahöp möt kutuba tönpin malget. Oyaenköyaen akingö jörömqörömŋini qahö. Anutuŋini qahö tandök gölmenöŋ önewat laŋ malget. Mönö mia mötmöriba malme.

¹³Iŋini mutuk tikep malgetmö, Kraist Jisösbuk qekötahögetka sepŋan saŋgoŋ eŋgiiga nalö kewöŋe amqeba Anutugö kösutŋe kaba malje. ¹⁴Kraistnöŋ nanŋak luai Tonini akza. Yaŋön Juda könagesö aka kian kantri ambazip kambu yahöt nini mindirim neŋgiiga kutulangömakzin. Sutnine kerök ahöba sel paset köhöikŋi ewö mendeŋ neŋgiyöhi, yaŋön mönö soŋgo mi tumbaköba lulupniga urumelenj könagesö mohot akzin. ¹⁵*Jisösnöŋ nanŋi gölme silenŋan kömuiga mewö miaŋön Juda neŋgöreŋ Köna keu aka miaŋgö jöjöpäŋ keuŋi aka jimkutukutu tosatŋi mi köndeŋnök. Sile kambu yahöt mindirim neŋgiba könagesö dölökŋi mohot akingöra mi köndeŋnök. Miaŋgöra uru dölökŋi miwikŋaiba al neŋgiiga Kraistpuk qekötahöinga sutnine luai qei asuhum neŋgiyök.

* 2.15 Kol 2.14

¹⁶ ^hKraistnönj kömumba keröknini maripomnönj qem kömui erök. Sileñi mohot miañgö sepñjan mönö ambazip kambu yahöt nenguanjgiriga ölop lilingöba Anutugö kösutñe kabin. Mewö mindirim neñgiiga ölop böröqeqe akin. Mi ak teköba Kraistkö ölnji mohot aka maljin. ¹⁷ ^hKraistnönj kaba luai asuhumapkö Buñani mi kian kantri ambazip Anutu andö qeba tikep malgeri, engöra jim asarim engiyök aka Juda ambazip Anutugö kösutñe malini, mönö neñgöra mohot jim asarim neñgiba malök. ¹⁸ Kraistnönj Juda aka kian kantri ambazip nini körek nam köl neñgiiga Uña Törönji mohotñan köna kondel neñgiiga ölop amqeba Iwigö jemesoholñe añgotpin.

¹⁹ Miañgöra iñini Juda ambazip qahöpmö, töndup kian ambazip qandakñi mi qahö toroqeba malje. Anutugö miri gölme toñi sarakñi aketka nembuk mohotñe Anutugö urumeleñ könagesö akzin.

²⁰ Kezapqetok ambazip yeñön mutuhök Anutugö keunönj tandö esim kuñgugetka Kraist Jisösnönj nanñak kaba tandö kömbönañnini aka aposol melaim neñgiba bohonini kiniga Anutugö urumeleñ jikeya akzin. Iñini mewöyök tandö miañgöreñ añgota nañgönañgö ak añguba köhököhöi miwikñaimakze. ²¹ Yañön mönö miri mi jömukñanök mindirim jöhöiga kinakza. Nini Kembubuk qekötahöba kinda kutulangöinga mötnaripninan köhöim qariiga Anutugö urumeleñ jike kömbukñi akzin. aka ²² Iñini mewöyök Kembugöreñ qekötahöba urumeleñ alaurup tosatñi yembuk kutulangöba mohotñe kinda uruñini nañgöm añguba köhököhöi miwikñaimakze. Mewö kinda Anutugö urumeleñ jike aketka Uña Törönji uruñine ala miañön nanñak jikeñi miañgö uruñe malja. Mewö.

Polnönj kian kantri yeñgöreñ anda Buña nup meyoök.

3 ¹ Könañi miañgöra aka Pol nönjön kian kantri ambazip iñini bauköm engimamgöra nup memba maljal. Mewö malbiga Kraist Jisösgö nupñi mealangöra kösö mire al niñgigetka tata simin köla köulukömakzal. ² Anutunönj kalem möriamñi kantri tosatñi engöra mendeñ engiiga ölöwakñegö nup niñgiyöhi, iñini mi ölna möt teköze. ³ Anutunönj keu areñi tölapñi indela jiiga möt yaközali, keu miañgö könañi lök töröpñanök ohom engial. ⁴ ^j Ohom engiali, iñini kulem mi oyoñda ölop nönjö könani kewö möt asarime: Nönjön Kraistkö könañi tölapñi mi ölopñanök möt kutuzal.

⁵ Möpñangö möpñeyök ambazipnönj könahiba mala kota malgeri, yeñön nalö miañgöreñ Buña tölapñi miañgöra tönpin malget. Mewö mala kotketmö, nalö kewöñe Uña Törönjan mi Anutugö aposol aka kezapqetok ambazip tök-kutukutuñi neñgöra jim indeli mötzin. ⁶ Buña tölapñi mi kewö: Kraist Jisösnönj Buña neñgimapkö jiba keu jöhöyöhi, iñini mi Juda

^h 2.16 Kol 1.20 ⁱ 2.17 Ais 57.19 ^j 3.4-6 Kol 1.26-27

nembuk örörönj anğön köla memba malje. Ölöwak Buñanönj miangö könani mi kian kantri ambazip engöra mewöyök kondel engimakza. Injini urunini melejda ölop nembuk mohotje kötümötuetñangö Buñani dop mohot memba malje. Urunini Anutubuk jöhöba mohotje Kraistkö ölni aka nembuk kambu mohot kinjin.

⁷Yangö kukösumñan mönö nöngö uruni sölölohöiga uruni melejbiga Anutunönj kalem möriamni söngörönji qahö niñgiyök. Mi niñgiiga köna asuhuiga Ölöwak Buñagö nup meme azia ahal. ⁸Nöñön Anutugö könagesö sarakñi pakpak engö nembö bapñine eretñi kötökñi maljal. Mewö maljalmö, Anutunönj töndup kalemni öngöngöñi kewöni niñgiyök: Nöñön Kraistkö oyaenjkoyaen Buñani mi kian kantri ambazip engöra jim asarimamgö simbawonj mötzal. Oyaenjkoyaen miangö könani mi körek esiba möt kutum teköbinangö dop qahö.

⁹Anutunönj möpñangö möpñe yuai pakpak miwikñaiBa Buñani tölapñi közamböriga ambazipnönj mala kota malgetka nalö miangörej tönpin malget. Miangöra nöñön Anutugö Buñareñj tölapñi mi galöm köla malbiga ölnambuk ahakza. Nöñön miangö könani aukñe jibiga ambazip körekñan möt sölöngömegöra simbawonj mötzal.

¹⁰Anutunönj mötkutukutuñi qainñi kun könani könani indel neñgiiga nalö kewöñe urumeleñ zioz kambu sutnine eraum möringa aukñe ahum sehimakza. Anutunönj urusihimñan kewö mörakza: Bem suahö galöm aka pom garata öngöngöñi eretñi Suep gölme sutñire öroyuai pakpak galöm kölakzei, yeñön mewöyök Anutugö mötkutukutuñi mi kezap ala mötmegöra mörakza. ¹¹Yeñön mi mötmegöra Anutunönj Buñareñj mi möpñangö möpñeyök nalö qahöpñe uruñan jim köhöiba ali ahöyök. Miangö dop Kembunini Kraist Jisös melaiiga ölni miwikñaiiga könagesöurupñi aka mindiriba kinjin.

¹²Kraistpuk qekötahöba kinda möt narim wañgiinga Anutugö nanğunan mewö taliga ölop yangö jemesoholje anğotpingöra awösamkakak kinjin. ¹³Miangöra kewö ulet engizal: Nöñön kösö mire tata eñön ölöwaknegöra aka köñjiliñ möta malakzali, miangöra uruñinan mönö kude etma. Injini nöngö sihimböloni miangöra aka ölop aködamunñinambuk akñe. Mewö.

Polnönj Efesus yeñgöra kewö köuluköyök:

¹⁴Könani miangöra nöñön Iwinini simin köl wañgiba köulukömakzal. ¹⁵Yañönök mönö iwinini mutukñi akza. Yangö dop Suep aka gölmegegö könagesö pakpak neñön iwi qet memba qerakzin. ¹⁶Kewö köulukömakzal, “Anutu, gi mönö Uñagi Törönji al enginönğa uruñinan köhöimakña. Göhö Buñagi kukösumñi buñabuñañambuk mi teteköñi qahö köwege ahözawi, gi mönö kukösumgi miangö dop mem köhöim engimakñan. ¹⁷Mem köhöim enginönğa ölop Kraist möt narim

wanjigetka uruņine dumņi memba malma. Mewö maliga kesötņini Kraistkö urukalemnöņ möndömğöba mendawölget geiga töndangöba kinme.

¹⁸Urukalemņan nam köl enņiiga könagesö sarakņi pakpak yembuk ölop Kraistkö urukalemņanğö könanņi möt kutume. Jöpaköm neņgimakzawi, urukalem miangğö dopņi kewö: Göraņi likepliket teteköņi qahö an bibihiza. Köröpņi enduyangğö enduņe angaiza. Köröpņi euyangğö euņe öngöza. Mewöyök dutņe emuyangğö emuņe geba ahöza. ¹⁹Kraistkö urukalemņan mönö gölmegö mötmötninaņğö dopņi oņgitza. Mi möt kömumegöra kewö köulukömakzal: Anutu, gi mönö aködamunņi pakpakö dop mötmöt Buņagan uruņini kokolak qeba musulumğöm enņiman.”

²⁰Anutu mewö köuluköba kewögöra möpöseimakzal: Nini mötmötnini oņgita yuaigöra köuluköba qesibinak me jemeleņ imut ala mötmöribinak ewö, yaņön mönö yuai mi ölop köhöiba neņgima. Anutu kukösumņan uruņine nup memakzawi, yaņön mönö miangğö dop köuluk aka mötmöt dopņini oņgit teköba amqeba yuai pakpak ölop ak neņgimakņa. Miangğöra möpöseim wanņimakin. ²¹Urumeleņ könagesö neņön tokoba Kraist Jisösgöra aka Anutugö qetbuņanņi möpöseininga aködamunņambuk aka ahöma. Mi gwöt isik ahöm köhöiba teteköņi qahö ahöba öngömei, nalö miangğoreņ mönö mewöņanök aködamunņambuk aka ahöma. Keu mi ölja.

Kraistnöņ mindirim neņgiiga ölni mohot akzin.

4 ¹Nöņön Kembubuk qekötahöba kinda nupņi mealangöra kösö miri azia akzal. Keu mi jim teköba uruņini keu kewö jiba kuņğuzal: Anutunöņ ahakmeme aködamunņambuk aka memba malmegöra enņgoholöhi, miangğö dop iņini mönö malmal qainņi kun malme.

²^kMönö uruņini memba et ala keu bapņe anda guņbönjönjön qakņe ambazip ak enņgiba malme. Lömböt mökösoņđa malme. Mönö lolongöba bölöņanğö kitipņi kude mememö, qaqaenņgiba jöpaköm anğuba malme.

³Uņa Töröņan uruņini qezaköba luaigö kösönöņ jöhöba mindirim enņgimakzawi, iņini mönö uru jöhöjöhö mi sutņine ahömapköra kapaņ köla kinme.

⁴Anutunöņ enņgoholöhi, miangğoreņ mönö öröröņ oyaenņkoyaenņ akingö jörömqörömqöni mohot miyök al enņiiga al mamböta malje. Miangğö dop iņini mewöņanök Kraistkö öl kemaņi mohot aketka Uņa Töröņi mohotnöņ mönö inahöm enņiiga malme. ⁵Kembunini mohotnöņ galöm köl enņiiga öröröņ möt narim wanņigetka o melun mohot miyöhök mem enņigetka mohot aka malje. ⁶Anutunini mohotnöņ körek iwi ak neņgimakza. Yaņön yuai pakpak körek neņğoņgita Kembu öngöğöņi

^k 4.2 Kol 3.12-13

ak neŋgimakza. Mewö aka jitŋi tem kölbिंगöra körek kuŋguba inahöm neŋgiba urunini dop malmal tatat ak neŋgimakza.

⁷Miaŋgö dop öröröŋ Kraistkö ölni mohot maljinmö, Kraistnöŋ kalem möriamŋi mokoba sihimŋaŋgö dop neŋgiyök. Nup memegö mötmöt kalem könani könani mi mohot mohot neŋgöra dopnine mendeŋ neŋgiiga maljin. ⁸Miaŋgö keuŋi mi kewö jigetka Buŋa Kimbinöŋ ahöza,

“Yaŋön euyaŋgöreŋ öŋgöba kinda kösö ambazip gwötpuk eŋgömeiga buŋaurupŋi aketka kalemŋi kalemŋi mi ambazip neŋgöra neŋgiyök.”

⁹“Euyaŋgöreŋ öŋgöyök,” Anutunöŋ keu mi mönö denöwögöra jiyök? Miaŋgö könani kewö: Kraistnöŋ mutuk Suepnöhök erök. Mönö gölme dutŋe emuyaŋgöreŋ geyök. ¹⁰Eröhi, yaŋön mönö mewöyök lilingöba eu öŋgöyök. Öŋgöba Suep mirigö jakeŋi pakpak eŋgongita qakŋe euyaŋgöreŋ öŋgöba malja. Miaŋgöreŋ mala Suep gölmegeg öroyuaiŋiri pakpak mi ösumŋan kokolak qeba jömuŋ dop köl teköba malja.

¹¹Kraistnöŋ ambazip neŋgöra mötmöt kalemŋi könani könani kewö mendeŋ neŋgiyök: Nupŋi mendeŋ neŋgiiga tosatŋan melaimelai ambazip bohonŋi (apostol) aket. Tosatŋan kezapqetok ambazip (profet) aket. Tosatŋan urukuŋgukuŋgu ambazip (ewanjelis) aket. Tosatŋan lama galöm (pasto) aka kusum neŋgineŋgi böhi qaŋazu aket.

¹²Kraistkö ölni mi urumeleŋ ambazip. Neŋön yeŋgö uruŋini naŋgöinga köhököhöi miwikŋaibingöra nupŋi mewö mendeŋda kuŋgum neŋgiyök. Könagesö sarakŋi neŋön körek urugö nupŋi memingö jöjöröm teköba malbingöra aka mewö inahöm neŋgiyök. ¹³Mewöŋa mewö nup murutŋi murutŋi memba mala Anutu möt nariba könangep Nahönŋi möt yaköm soroköba miaŋgöreŋ qezaköm aŋguba mohot aka kinbin. Anutugö mötmötŋi aka aködamun yuaiŋi pakpak mi mönö körekŋanök Kraistköreŋ ahöza. Neŋön Kraistkö köweŋeyök mötmöt ösumŋi öroinga musulungöm neŋgiiga qarim sehiba köhöiba malinga aködamunŋi köl neŋgi körek asuhui malbin.

¹⁴Toroqeba namande tandök malbinbuköra Kraistnöŋ urunini kuŋguba nanŋi ewö aködamuninambuk akingöra inahöm neŋgimakza. Namande tandök malinga qewöloŋ ambazipnöŋ areŋ i me wai ala möndöba tutuhum neŋgigetka tala et neŋguyöhi, iŋini mönö miaŋgö dop aka laŋ malbepuk. Luhutnöŋ lilikqilik qeiga köwetnöŋ kunduriga sirinöŋ gödöwöröt laŋ waŋgiriga an qem kam qem aka simbiŋsambaŋ ahakza. Miaŋgö dop gölme ambazipnöŋ silenöŋ alal aka unŋi memba tilipmötöm miwikŋaiba ambazip laŋ kusum eŋgigetka jaŋjuŋ ahakze.

¹⁵Miaŋgö dop laŋ kude malmemö, keu ölnanök töp jiba jöpaköm aŋguba malme. Mewö mala Kraistnöŋ nöroŋpini akzawi, kesötŋini mönö

¹ 4.8 Sum 68.18

yanğoreŋ möndömgöget geiga töndangöba yuai pakpak miangöreŋ qarim köhöiba aködamunŋinambuk aka malme. ¹⁶ Kraistnöŋ nöropnini aka ölni jömuhöc galöm köl neŋgiiga ginimuramŋi körekŋan mönö ölnjanğö köna böröŋi mindiriba jöhöm neŋgigetka kutulaŋğömakzin. Ösum mohot mohot ahöm neŋgizawaŋğö dop mönö nupnini memba kötöngöba jöpaköm aŋguinga ölni mianğön köhöiba qarimakza. Mewö.

Asakŋaŋğö ahakmeme döläkŋi aka memba malme.

¹⁷ Mewö akzinaŋğöra nöjön Kembugö jitŋe memba galöm meme keu kewö jibi möt yaköme: Urumeleŋğö kopa ambazip uru mötmötŋini sohoiga nesak ewö aka öne omani laŋ malakzei, iŋini yeŋğö tandök bölöŋi kude toroqeba aka memba malme. ¹⁸ Urumeleŋğö kopa ambazip yeŋğö urumötmötŋinan söŋauiga Anutubuk malmalgöra siksauk aka sohoze. Mötmöt bölöŋan uruŋini gwözöŋda duhuyöhaŋğöra aka gukmaulem aka tönpin malje. Mianğöra Anutugöreŋ malmal köhöikŋe qahö qekötahögetka miangö dop könaŋi kusum eŋgigetka ölni kewö möt yaköget: ²² Mutuk ahakmemeŋini walŋi wuatangögetka sihim kömbönaŋini bölöŋan isimkakalek ak eŋgiiga ayuhum aŋgubingö aket. Köna kusum eŋgiget mötkeri, miangö dop mönö uruŋini walŋi meteköm gila andö qeme.

²⁰ Yeŋön mewö ahakzemö, iŋini Kraistpuk malmalgö könaŋi mi mewö qahö kusum eŋgiget mötket. ²¹ Iŋini keu ölnjanğö Toŋi Jisösbuk qekötahögetka miangö dop könaŋi kusum eŋgigetka ölni kewö möt yaköget: ²² Mutuk ahakmemeŋini walŋi wuatangögetka sihim kömbönaŋini bölöŋan isimkakalek ak eŋgiiga ayuhum aŋgubingö aket. Köna kusum eŋgiget mötkeri, miangö dop mönö uruŋini walŋi meteköm gila andö qeme.

²³ Urumötmötŋini mem guliget kölöŋaiba malmegöra köna kusum eŋgiget. ²⁴ Anutunöŋ nini nanŋi kaisöŋgolomŋaŋğö dop sarakŋi aka mal köhöibingöra miwikŋaim neŋgiyök. Uru döläkŋaŋğö malmal solanŋi wuatangöbingöra mönö al neŋgiyök. Mianğöra uru döläkŋi miyöhök mönö böc kölget geiga malme. Köna mi mönö mewö kusum eŋgigetka möt yaköget.

²⁵ Köna mewö ahöiga nini Kraistkö ölni mohot miangö uruŋe darumun ewö mindiriba ala-ala aka maljin. Mianğöra muney mi mönö meteköm gilget geiga sutŋine keu ölnjanök pakpak eraum möta malme. ²⁶ Tembula kukpiriŋnöŋ akŋe ewö, mönö töndup siŋgisöndok kude akŋe. Irimŋini seholimawi, keuŋini mi mönö zilaŋ wehön jeŋan qahö teköba geiga jim tekögetka solanima. ²⁷ Mewö Bölöŋaŋğö Toŋan sutŋine kaŋgotpapuköra qeapköba nalö kun kude waŋgiba zilaŋ yakörime.

^m 4.16 Kol 2.19 ⁿ 4.22 Kol 3.9 ^o 4.24 Jen 1.26; Kol 3.10 ^p 4.25 Zek 8.16 ^q 4.26 Sum 4.4

²⁸Kunjan yonḡorö meme malöhi, yañön mewö kunbuk kude akḡa. Mewö qahöpmö, mönö nanḡi böröḡan nup kapaḡ köla memba malma. Nup memba nanḡi nene inapḡi miwikḡaiba ölop amqeba ambazip wanapḡi nanḡöm enḡimakḡa.

²⁹Keu lösö kun jitḡineyök kude etmapmö, keu ambazip uruḡini nanḡöba mem köhöimawi, mönö miyöhök jiba malme. Ambazip keuḡini möta uruḡini ahözawaḡö dop qambaḡöra osizei, mönö miangö dop goro enḡigetka keu nahöḡni möta ölöwakeak. ³⁰Anutunöḡ buḡaurupḡi sohpnini meiga Suepnöḡ öḡöbini, nalö miangöra aiwesökḡi kömbönaḡi mekötahöm enḡiiga uruḡine geba Anutugö muḡgemḡi akza. Miangöra Anutugö muḡgemḡi Uḡa Töröḡi mi mönö wösöbirik kude qem waḡgime.

³¹Iḡini mönö urukömbuk, urukondum aka urusiḡok pakpak mi qeköba gilget köröwen tatma. Urukönöpnöḡ kude jula enḡohoiga uruḡinan auba yom qeta jim aḡubepuk. Mewöyök andöqeḡe keu töhöreḡ mi kude jime. Aḡöjörak könaḡi könaḡi uruḡini tölöhobapuköra mi mönö körek andö qegetka tikep ahöma. ³²Tikep ahömapmö, ala-ala ak aḡuba mököliba ḡuḡböḡḡöḡ qakḡe ak aḡuba malme. Kraistpuk qekötahögetka Anutunöḡ siḡisöndokḡini mosöta saḡoḡ enḡiyöhi, iḡini mönö miangö dop toroqeba köpösihitḡini mosöt aḡuba malme. Mewö.

Anutugö asakḡe malmal mi kewö:

5 ¹Anutugö wölböt nahönböraturupḡi akzeangöra silikḡini mönö kapaḡ köla Anutunöḡ ahakzawaḡö dop aka wuatangöba malme. ²Kraistnöḡ jöpaköm neḡgiba malmalḡi neḡgöra aka köleḡda mosörök. Jöwöwöl ohogetka köwakḡan öḡgözapma, Anutunöḡ miangö dop Kraist malmalḡangö kalemḡi mi möt aḡön köli wöröḡni umköhöwakḡambuk ewö aka yaḡö jeḡe pukpuköiga söḡgaiyök. Iḡini mönö mewöyök urukalemnöḡ kinda Kraistkö dop jöpaköm aḡuba aka memba malme.

³Serowilin, qewöloḡ aḡöjörakḡambuk könaḡi könaḡi me yuai membagun membingö nepaqepalok (gridi) silikḡi mi Anutugö jeḡe qahö dop kölja. Miangöra Anutugö ambazip sarakḡi akzeangö dop yuai mewöḡaḡö keuḡi kun mi sutḡine kude misiriba jigetka mötme. Saumbaḡ!

⁴Aḡögönahitnöḡ lösö keu imbilöḡloḡambuk aka uruqahö keu sinḡi sinḡi mi kude jime. Miangön uruḡini tölöhoiga qahö dop kölja. Miangöra mi mönö mosöt teköba möpömpösei keu jim sehiba malme.

⁵Keu köḡḡi ki mönö möt kömume: Kunjan serowilin me qewöloḡ aḡöjörakḡambuk me membagun membingö nepaqepalok köpösöḡgömakzawi, yañön mönö Anutugö bemtohoḡi buḡa qem aḡumamgö osima. Ahakmeme miangön bem muneḡi me tandö lopioḡ

^r 4.32 Kol 3.13 ^s 5.2 Eks 29.18; Sum 40.6

möpöseim engimakzeangö tandökñi akza. Mewö akzawanjon mönö Kraist aka Anutu yetkö bemtohoñ uruñe añgotpingö osima.

⁶Anutunöñ siñgisöndok mewöñangöra aka tembula irimsesewölñi qegetal ambazip yeñgö qakñine ali öñgömakza. Miangöra kunñan keu omanñi mewöñi jiba kelök ala tutuhuba tilipköm engibapuk. ⁷Miangöra ambazip mewöñi mönö andö enguba yembuk köisirik kude malme. ⁸Mutuk söñaupuk malgetmö, nalö kewöñe Kembubuk qekötahöba kinda yañgö asakñambuk malje. Ahakmemeñini mönö asakñangö buñaya akzeangö dop aka memba malme. ⁹Asakñangö buña akzeangö töhötmöriam öñi mi kewö: Inñini ahakmeme ölöñi wuatangögetka Anutunöñ keuñini jim teköi solanime aka keu öl töhöññanök jiba malme. ¹⁰Wani yuai Kembugö jeñe dop kölmawi, miangö könani mönö jaruba kewöta möt asarime.

¹¹Söñaupkö ahakmeme gilipitñi (ambetakñi) aka memakzei, yembuk mönö köisirik kude toroqeba malme. Yeñgö bölöñamñini mi mönö indela asakñe ala jim engime. ¹²Tosatñan siñgisöndok tölapñe ahakzei, mi mönö aukñe jibingö gamuñambuk akapuk. ¹³Anutugö asakñan siñgisöndokñini pakpak mem asariiga könangamñini öññan mönö aukñeyök asuhuma. ¹⁴Asakñangö Toñan mönö tölapñangö yuaiñi pakpak indeliga asakñe aukñeyök ahöma. Miangöra keu kun kewö jigetka ahöza,

“Gauñ ahözani, gi mönö imbigi mötnöñ.

Mönö köhömuñeyök guliba wahötnöñga Kraistnöñ mem asarim gihima.”

¹⁵Keu miangö dop ahakmemeñini mönö mötkutukutu qakñe aka memba malme. Morop aka töñpin malbepüköra mönö ölöññanök galöm mem añguba malme. ¹⁶Kewöñe nalö bölizawangöra aka urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambañ köñ engime. ¹⁷Miangöra uruqahö ewö lañ kude malmemö, Kembugö jitsihitñi mi ölöññanök möt asariba kinme.

¹⁸Wain o köhöikñi nempa eñololoñ akepuk. Nanñini imbi-imbi malgetka mötmötñini bölöñan asuhugetka söñaup malmalnöñ titeköba geba ayuhubepuk. Miangöra eñololoñ akepukmö, Uñan Töröñan mönö uruñini kokolak qemapköra kapañ köla kinme. ¹⁹“Mönö Buña keu eraum möta Sumbara (sam), möpömöpösei liñet (omsa) aka urugö liñet tosatñi mi urukönömñinan köla Kembu möpöseimakñe. ²⁰Mewö me mewö asuhuiga miangöra mönö Kembunini Jisös Kraistkö qetñi qeta Iwi Anutu sundan saiwap jim wañgiba malme. Mewö.

Awanöm yeñgö goro qambañ keu

²¹Kraistkö jitñi oñgitpepüköra keñgötñini möta mönö sutñine keu bapñe anan ak añguba malme.

¹ 5.16 Kol 4.5 ² 5.19-20 Kol 3.16-17

22-23^vKraistkö öljı mi urumelej könagesö. Yañön miangö nöröpñi aka Amötqeçe Toñi akza. Miangö dop azinöñ mewöyök anömñangö nöröpñi akza. Miangöra ambi iñini mönö Kembugö keu bapñe anangö dop nanñini apurupñini göda qem eñgiba keuñini bapñe anda malme. 24Urumelej könagesö neñön Kraistkö keu bapñe kinjini, miangö dop ambi eñön mewöyök mönö apurupñinañgö keu pakpak wuatangöba malme.

25^wKraistnöñ nanñi könagesöñi jöpaköm neñgiba neñgöra aka malmalñi tököba köleñnöhi, miangö tandök azi eñön mönö mewöyök anömurupñini jöpaköba urukalem ak eñgiba malme. 26Kraistnöñ könagesöñi Buña keuñan tök kutuba ambi buñañi sarakñi akingöra o ewö mianñön sañgonđa mösoloñanim neñgiyök. 27Yañön nini ölülp sorok akingöra möta uru sönuetnini mösoloñaniba töwöt boromñi kun qahö akingöra kapañ kölakza. Könagesö sarakñi köpösihitkö keunini qahö akingöra mörakza. Kraistnöñ kaba neñguañgiriga asakmararañe eu añgoringa jihilalomñan neñguiga ambi buñañi ewö nini nanñi jemesoholñe al neñgiiga aködamininambuk kinbin.

28Azi iñini mewöyök mönö Kraistkö tandökñi mewöñi wuatangöba anömurupñini jöpaköm eñgiba malme. Anömñi jöpakömakzawañön mönö nanñi köyan köl añgumakza. Miangöra nanñini sileñini köyan köl añgumakzeañgö tandök mönö anömurupñini köyan köl eñgigetka dop kölma. 29Kunñan kun nanñi sileñi nalö kunöñ kazik qahö ak wañgiyökmö, körek neñön silenini gumohoba köyan kölakzin. Kraistnöñ mewöyök könagesöurupñi nini sileñi ewö keuñan gumohoba köyan köl neñgimakza.

30Urumelej könagesö neñön Kraistkö öljı akzin. Neñön Kraist öljıañgö törömunñi aka maljin. Miangöra gumohom neñgimakza. 31^xBuña keu kun kewö ahöza, “Miangöra azinöñ mönö iwinamñi etkömosöta anömñambuk qekötahöba yahöt yetköñ silemohot aka malmahot.” 32Keu mi söpsöp keu tölapñi. Mi Kraist aka urumelej könagesö neñgö uru jöhöjöhöñinañgöra jiba ohozal. Keu areñ miangö könañi mi tölapñi aka dutñi gegenji. 33Mewö akzapmö, eñgöra keu mi kewö jizal: Iñini mohot mohotñan mönö mewöyök anömurupñini nanñini köyan köl añgumakzeañgö dop jöpaköm eñgiba malme. Anöm eñön mönö mewöyök apurupñini göda qem eñgiba malme. Mewö.

Nahönbörat aka iwinam yeñgö uru jöhöjöhö

6 1^yNahönbörat eñgöreñ ahakmeme diñdiñi mi kewö: Iñini mönö Kembubuk qekötahöba iwinamyahötñini yetkö jitñiri tem köla wuatangöba malme. 2^zAnutunöñ jöjöpañ keu 1-2-3 miengö teteköñe

^v 5.22 Kol 3.18; 1 Pitö 3.1 ^w 5.25 Kol 3.19; 1 Pitö 3.7 ^x 5.31 Jen 2.24 ^y 6.1 Kol 3.20
^z 6.2-3 Eks 20.12; Dut 5.16; Kol 3.21

töwa likepni neŋgimamgö qahö jii ahözapmö, jöjöpaŋ keu jaŋgö 4 mi töromuŋambuk. Mutuk kewö jiza, “Iwinamyahötki mönö göda qem etkiba malman.” Keu mi tem kölinga Anutunöŋ töwa likepni neŋgimamgö keuji kewö jöhöi ohoget ahöza, ³“Göda qem etkinöŋga Anutunöŋ töhötmöriam gihiiga toroqeba gölmenöŋ nalö köröpji malman.”

⁴Nahönböratuŋinan irimesewöl akepuköra iwi eŋön mönö urukanjam kude ak eŋgiba malme. Mewö qahöpmö, Kembugö Köna keu tem kölmegöra kusum eŋgiba miangö dop mindiŋgöm eŋgiŋgetka qarime. Mewö.

Welenqeŋe aka galöm yeŋgö qambaŋ keuŋini

⁵“Welenqeŋe iŋini mönö gölme qakŋe galömurupŋini yeŋgö keuŋini Kraistkö keu ewö tem köla jöraŋtauat kude ahakŋe. Keuŋini oŋgitpepuköra sömbuŋini möta jönömŋinambuk undui malme. Urueŋmoŋ kude aka böŋ kinda aka memba malme. ⁶Köŋdowoŋ aketka ambazipnöŋ eŋgek sorimegöra qahöpmö, uruŋini nupnöŋ ala memba Anutuŋö jitsihitji wuatangöba Kraistkö welenqeŋe tandök ahakŋe. ⁷Gölme ambazip welen qem eŋgiba mewö miangöŋ Kembugö welenji qemakzin. Mewö möta nupŋini mönö Kembugö jeŋe dop kölmawaŋgö dop uruölöwakpuk memba malme.

⁸Keu ki mönö mötme: Eŋgö sutŋine tosatŋan nup toŋi malje aka tosatŋan toŋini töwa qahö öne welen qem eŋgiba etqeŋeŋi malje. Mi töndup denike yeŋön nup ölöŋji mi me mi memakzei, Anutunöŋ mönö miangö töwaŋi al eŋgiiga buŋa qem aŋgume. Keu mia mönö mötmöriaba malme.

⁹^bTourup aka welenqeŋe eŋgö Kembuŋini mohot yaŋön Suep mire malja. Yaŋön ambazip tosatŋi qahö eŋgek soriba tosatŋi qahö qepureim eŋgimakzapmö, dop mohotnöŋ kewöta keunini jim teköm neŋgima. Galöm iŋini mi möt kutuzeaŋgöra mönö welenqeŋe alaurupŋini simin titit ölöŋji dop mohot ak eŋgiba örom könöpkönöp memtöröp qemtöröp mosöta malme. Mewö.

Anutuŋö jurujamba jömuŋ memba malme.

¹⁰Kimbini tekömamgö aiga keu kewö ohozal: Iŋini Kembubuk qekötahöba kingetka kukösumŋi ketaŋan mönö inahöba töngum eŋgiiga köhöimakŋe.

¹¹Bölöŋaŋgö Toŋan silenöŋ alalgö mötmöt areŋ könaŋi könaŋi alakzawi, iŋini mi mesohol köla kin köhöimegöra mönö Anutuŋö wahijamba pakpak memba kölget gem aŋgum teköiga malme.

¹²Nini gölme ambazip sep busuŋinambuk yembuk bim qahö aumakzinmö, bem suahe galöm aka iwiluhut bölöŋi bölöŋi tuarenjoŋ

^a 6.5-8 Kol 3.22-25 ^b 6.9 Dut 10.17; Kol 3.25; 4.1

ak enġibingöra kinjin. Bem suahö galöm bölöŋi Suep gölme sutñire jakömbuak dumñine kinda kembu ahakzei, mönö mi qetal enġimakzin. Mewöyök pom böhi öngöŋgöŋi eretñi sutnine panamangö öme tohongö azi ipñi mala öröyuai pakpak galöm kölakzei, neñön mönö yembuk yarö gilakzin. ¹³Miaŋgöra tuarenjoŋ ak enġibingöra mönö Anutugö jurujamba lökñanök memba kölget gem aŋguiga kinme. Mewö kingetka kerökñinan nalö bölöŋe enġubingö gangömakñei, nalö miaŋgöreŋ mönö ölop amqeba yarö gila tötal enġime aka yarö mi teköiga ölop miri gölmeñine kanjam köla kinme.

¹⁴Wahijambañini mönö kewö löŋgöt aŋgume: Keu ölñanök jijigö irimuŋaŋi mönö anjöŋine jöhöba kinme. Ahakmeme solan sorokñi mi töptöpñine göwaŋgöwaŋ (kapa maluku) ewö köla sel jöhöm aŋguba kinme. ¹⁵Köna esu böñtöŋök löŋgöta ölop töndangöba tiba anakzin. Miaŋgö dop iñini mönö luaigö Buñaŋi jim sehimbingö jöjörögetka miañön bohon köl enġima. ¹⁶Jurujamba miembuk toroqeba saiwa bohonñi qetñi mötnarip mi mönö buña qem aŋguba sundan teŋgöba kinakñe. Bölöŋaŋgö Toŋan neŋgeriba qönsihim neŋgimamgöra möta timbi liŋgipñi mulahakzawi, miaŋgö esapesap könöpñi pakpak mönö suman miañön qeapköba aŋgön köl aŋgumakñe.

¹⁷Anutugö Amötqeqe Toŋi i mönö buña qem aŋgume. Buña qem aŋguba kunbuk letotmei, dom-amöt miañön mönö nööröpñini ain irikmarik ewö turuba aŋgön köl enġimakña. Uña Töröŋan bimgö sou ketaŋi neŋgizawi, mi Anutugöreŋ Buña keu. Mi mewöyök mönö buña qem aŋguba urukönömñine ala bimñini miañön qemakñe. ¹⁸Wahöjambañini pakpak mi löŋgöt aŋguba mönö nalö dop Anutu köuluköba qesiba malme. Uña Töröŋan enġuasöta inahöm enġimakzawaŋgö dop mönö uletnöŋ sahöt waŋgimakñe. Mönö pöndaŋ uruguliguli mala sundan Anutugö ambazip sarakñi pakpak yeŋgöra aka kapaŋ köla köulukömakñe.

¹⁹Nöŋgöra mewöyök kewö köulukömakñe, “Anutu, gi mönö keu kötñi diŋdiŋi Pol waŋginöŋga göhö Ölöwak Buñaŋi tölapñi mi keu jitñan jimawaŋgö dop jim asariba awösamkakahök kinda uru kuŋgum enġimakña.” ²⁰Nöñön Ölöwak Buña miaŋgöra aka Anutugö jitñememe azi bohonñi akzalmö, nupñi memakzalaŋgöra aka nalö kewöŋe kösö mire tatzal. Miaŋgöra Buña keu mi Anutugö jeje dop kölmawaŋgö dop awösamkakahök jiba malmamgöra mönö köuluköba malme. Mewö.

Yaizökök keu teteköŋi

²¹Wölböt alani Tikikus yañön nöŋgö kösohotni alma. Yañön Kembubuk qekötahöba nupñi memburik-qemburikñi qahö memakza. Kiaŋgöreŋ

° 6.14 Ais 11.5; 59.17 ° 6.15 Ais 52.7 ° 6.17 Ais 59.17

denöwö aka memba tarakzali, mi pakpak jiiga injini mewöyök mi mötme.
22 Nejön denöwö maljin tatzin, injini kösohot mi mötmegöra Tikikus melaim wangibiga Efesus engören kama. Yanjön kaba urukölalep engiiga ölop bönjöj malme.

23 Iwi Anutu aka Kembu Jisös Kraist yetkön mönö urumelenj alaurup engören lui qeba urukalem ak engiba mötnaripjini mem köhöimakña.
24 Ambazip Kembunini Jisös Kraist nalö teteköjji qahö jöpaköba malmei, Anutugö kalem möriamjan mönö körek embuk ahöba ahöm öngöma. Mewö.

Filipai Kimbi

Polnön Filipai yengöra Kimbi alök.

Jim-asa-asari

Polnön misin nup liliköba meiga indimni yahöt aiga Eisia Mainö (Töki) mosöta Yuröp gölmenön anök. Anda Rom prowins qetni Masedonia miangörej urunji kungui melengetka Kraistkö könagesö mutukni mi Filipai sitinön asuhuyök. Könangep aposol Pol mi Rom sitigö kösö mire alget sihimbölö qakne tariga nup meme ambazip tosatjan tuarenjon ak wangiget. Mi ak wangigetka tosatjan Filipai uruje mewönanök keu gonjon kusum engigerangöra waimanjat mörök. Nalö miangörej Buja Kimbini ki Filipai mötnarip könagesö yengöra ohoyök. Waimanjat mörökmö, töndup urukölalep keu aka urunangönangö keu ki sösöngai qakne ohoba alök.

Polnön kösö mire tariga Filipai mötnarip könagesö yenön bauköm wangibingöra kalem alget kayöhi, yanön miangö saiwap jim engimangöra Kimbi ki ohoyök. Mi ohoba toroqeba urunangönangö keuji gwötpuk mohotne alök. Nanjak könjilij könanji könanji möriga Filipai yenön Polgö keuji mi mötketka töndup köhöiba awösamkakak kinmegöra uru nangöm engiyök. Goro keu tosatni kewö: Nanjini silenjini memba öngöba aiweliköbepuköra mönö galöm memba malme. Dogo jimamoj möta toroqeba nepaqepalok köpösöngöbepukmö, Jisös ewö urunini mem et al anguba malme. Keu ki ölum engubapuk: Kraistpuk qekötahöba kinjei, mi Anutugö kalemni akza. Juda yenön Mosesgörej Köna keu areni tem köla wuatangöba Anutugöra silik yuai ahakzemö, urumelen alaurup enön mewö qahö. Enön mönö Anutu möt narim wangigetka kalem möriamni söngöröni qahö engiiga buja qem anguba mewö miangön malmal dölökni miwiknaiba malje. Denike yenön Kraistpuk qekötahöba maljei, Anutunön mönö i luai qem engiiga söngaiba malme.

Kraist möt nariinga Anutunön urusösöngai nengiiga ölop awösamkakak qakne mal köhöibin aka urumelen alaurup yembuk mohotne kapan köla köhöiba kinbin. Polnön miangö keuji mi gwötpuk ohoyök. Polnön Filipai könagesö yengö waiqnini köhöikni mbingö möta malöhi, miangö keuji mi mewöyök aukne ohoyök.

Buk kiangö bahöni bohonji 7 mi kewö:

Keu mutuknji 1.1-11

Polnön denöwö aka malök 1.12-26

Kraistbuk malmalgö könaji 1.27-2.18

Timoti Epafroditus yetkö nup areji 2.19-30

Tuarenjon yejön tilipköm engigetka etpepek 3.1-4.9

Polgö alaurup Filipai malgeri, yeñgö keujini 4.10-20

Kimbigö keu kötji bohonji 4.21-23

1 ¹Pol Timoti netkön Kraist Jisös welenji qeba maljit. Urumelej könagesö saraknji pakpak Kraist Jisösbuk qekötahöba kinda Filipai sitinön maljei, niri embuk aka engö bohonjini (bisop, pasto) aka Buña nup meme ambazip tosatji (dikon) embuk keu eraum mötpingöra möta kimbi ki ohozal.

²Anutu Iwinini aka Kembu Jisös Kraist yetkön kalem möriam engiyohotka luainön malmegöra mötzal.

Polnön Anutu möpöseiba köuluköza.

³Nöjön mötmörim engimakzalanjö dop Anutu möpöseimakzal. ⁴Nalö dop körek pakpak engöra Anutu köulukömakzali, mi mönö sösöngai qakne köulukömakzal. ⁵Nöjön Anutu kewögöra möpöseimakzal: Injini Ölöwak Buñanön qekötahögeri, nalö mutuknji miangöreñök könahiba nömbuk bim qeba kötöngöm niñgiba mala kota malje. ⁶Anutunön urujine nup ölöppi könahiba memba maljawi, mi mönö toroqeba meiga Kraist Jisösnön kunbuk asuhumapkö nalöñe teköma. Mewö möt narim köhöiba Anutu möpöseimakzal.

⁷O seppini nemi, wölböt alaurupni akzeangöra körek injini mewö mötmörim engigiba ölöppanök dop kölja. Anutunön nup niñgiiga kösö mire tarakzal me awörök nöjön Ölöwak Buñagöra bim qeba eñololoñ keu qeapköba keu ölñan jalöñi memba köhöimapköra lilikömakzal. Mewö me mewö ahakzali, körek eñön mönö nömbuk kingetka kalem möriam miyöknön dop köl engiiga nupni nangögetka mohotje simbawon akzin. ⁸Kraist Jisösnön injini jöpaköba inahöm engimakzawi, nöjön mi möta miangö qakne kinda körek engöra ak niñgiiga engekñamgö kapañ köla maljal. Mewö jibiga keu ölñi jizali, mi Anutu nanñak ölop nangöm niñgiba jima.

⁹Nöjön engöra kewö köulukömakzal: Anutu, gi mönö Filipai alaurup inahöm enjinönga toroqeba köhöiba jöpaköm angugetka urukalemñinan qarim sehima. Mewö aiga ölop köna ölñi ek kutuba eñololoñ keu mosöta

^a 1.1 Apo 16.12

malme. ¹⁰Mewö mala ölop keu kewöta köna ölop sorokŋi möwölöhöba sarakŋi aka köpösihitkö keuŋini qahö mal öngöme. Kraistnöh lilingöba kamawi, nalö miangörej lömbötninan teköma. ¹¹Jisös Kraistnöh ahakmeme solanŋi nam köliga miangö ölnŋi asuhumakŋa. Ölnŋi miangön uruŋini kokolak qeiga ambazipnöh mewö engeka Anutu möpöseigetka qetbuŋanjan sehimapköra köulukömakzal. Keu mi ölnŋa.

Pol kösö mire algetka Buŋa keunöh köhöiyök.

¹²O urumelenŋ alaurupni, eŋön nöngö könani möt kutumegöra kewö möta ohozal: Yuai bölöni nöngörej asuhuyöhi, miangö buzupŋan sehiiga Ölöwak Buŋaninan ambazip dop köl enŋiiga nupninan töhötmöriamŋambuk akza. ¹³^bNi Kraistköra aka kösönöh gwaröhöm niŋigetka Rom kiangörej tatzali, keu mi yarö azi pakpak sisa-kingö jakömbuak miri galöm memakzei, yeŋön mötze aka mewöyök ambazip tosatŋi gwötpuk yeŋgö kezapŋine geiga möt teköze.

¹⁴Toroqeba ölnŋi kewö asuhuyök: Urumeleŋ alaurupninan kösö mire tatpi Kembunöh bauköm niŋimakzawaŋgö keuŋi mötket. Mi möta sehisehiŋan Kembubuk qekötahöba kinda köhöiba kapaj köla awösamkakak aket. Mewö aka Anutugörej keu keŋgötŋi qahö jim sehigetka toroqeba anakza.

¹⁵Tosatŋan nöngöra mötket öngöiga urusihim sarakŋe kinda Kraistkö könani jim asarimakzemö, tosatŋan nöngöra aka uruŋinan mututqutut möta andö nuŋguba aŋgururuk akingö mötze. ¹⁶Alaurupni ölnŋi yeŋön nöngö könani kewö mötze: Anutunöh kuŋgum niŋiiga awörök nöŋön Ölöwak Buŋagöra bim qeba eŋololonŋ keu qeapkömakzal. Mewö möta jöpaköm niŋiba naŋgöm niŋimakze. ¹⁷Andöqeqe ambazip yeŋön nanŋinaŋgörök mötmöriba töwagöra möndögetka uruŋinan tölöhoiga Kraistkö könani mewö jim asarimakze. Mewö aka kösö mire tatzali, nalö kewöŋe aŋgösirip toroqeba ak niŋibingö mötze.

¹⁸Mewö mötzemö, mi muat. Kraistkö könani mi yuaigöra möndöba silebile aka me Anutu törörök tem köla jim asarigetka mötŋi dop kölja. Mewö me mewö ahakzei, urunan mönö miangöra ölöwahiga ölnŋa söŋgaizala söŋgaimakŋam. ¹⁹Söŋgaibiga nöngöra köulukögetka Jisös Kraistkö Uŋa Töröŋan naŋgöm niŋiiga ölop pösat niŋigetka etmamgö tandök mötzal. Mewö asuhumapköra möta miangöra mewöyök söŋgaimakzal. ²⁰Yuai kun aka gamu miwikŋaibilenbuköra mönö jörömqöröm aka maljal. Gamu qahöpmö, nalö dop Kraist möpöseiba malali, miangö dop nalö kewöŋe mewöyök asuhumapköra mötzal. Silenan kömuma me malmawi, mi töndup mönö awösamkakak pakpak qakŋe Kraist möpöseibiga qetbuŋanjan qarimakŋa.

^b 1.13 Apo 28.30

²¹ Malmam ewö, malmalni mönö Kraistkö qetbuñanjan qarimapkörä aka malmam. Nuñguget kömumbileñak ewö, miañön mönö mem ölöwak niñgiiga oyaenköyaen akñam. ²² Mewö akileñakmö, gölmenöñ silebuk malmam ewö, mönö urugö nup membiga toroqeba öñjambuk ahakña. Mi mötmöriba nananğöra malmal me kömuwa möwölöhöbilenjak, mi ölop qahö mötzal. ²³ Malmal aka kömup sutñire pañpañğöba maljal. Kraistpuk eu malbilenjak, miañön mönö yuai pakpak oñgita möriam ketanji ak niñgibawak. Miañğöra gölme mosötmamğö sihimñi möta maljal.

²⁴ Mewö maljalmö, silebuk qeköriba malmam ewö, miañön mönö iñini bauköm engibiga öñji engörej asuhuma. Kömumbileñak, miañön mönö iñini qahö bauköm engibawak. ²⁵ Mewö möt narim köhöiba miañğöra nehorigetka toroqeba mala körek iñini bauköm engiba malmamğö mötzal. Bauköm engibiga mötnariñinangö öñjan mönö qarim köhöiiga ölop öññi qahö söñgaiba malme. ²⁶ Mewöyök Kraistnönñ nehoriiga kunbuk engörej kabiga iñini ölop nöñğöra aka Kraist Jisös öññi qahö möpöseim wañgiba malme. Mewö.

Mötnariñinan köhöimapkörä bim qeba malme.

²⁷ Ahakmemeñini mi mönö Kraistkö Ölöwak Buñajan aködamunñambuk akñawañğö dop aka memba malme. Mewö malgetka engörej kaba engekñami me qahö kaba sikep mala keu buzupñini mötpi könañini kewö ahöi dop kölma: Iñini mindimindiri areñ mohotkö keu jöhöba urumohot aka kinme. Mewö kinda Ölöwak Buñagö keu öñjan sömböleibapüköra öröröñ jöhöba bim qeba malme. ²⁸ Mewöyök tosatñan tuarenjoñ ak engimakñei, eñön mönö keu jitñini könañi könañi miañğöra kude töwöratigetka uruñinan kude etma. Könañamñini mewö mötpi dop kölma. Anutunöñ kukösum engiiga tuarenjoñ ambazip yeñön könañamñini eka kewö möt asarime: Nanñini et enguiga ayuhugetka Anutunöñ meköm neñgiiga oyaenköyaen aka malbin.

²⁹ Anutunöñ areñi al engiyöhi, mi kewö: Iñini Kraist möt narim wañgiba likepñi söñgaiba likepñi yañğöra aka sihimbölö möta malme. ³⁰ Nöñön mötnaripkö bim mutuk embuk mala qeali, neket aka nalö kewöñe toroqeba qemakzalañğö keu buzupñi ki mötzei, iñini mönö bim miyöhök nömbuk tönguba qeba malje, mi mötzal. Mewö.

Kraistkö dop nanñini mem et al añguba malme.

2 ¹ Iñini Kraistpuk qekötahöba kinjeañğöra mönö uruñini nañğöm añgubingö qambañ miwikñaima. Urukalemñini miañön mönö urukölalep ak añgumakñe. Uña Töröñambuk ösupköba kinda waikñini memba ak kömum añgumakñe. ² Mewö akzeañğöra mönö mötmöt mohot

© 1.30 Apo 16.19-40

wuatangöba örörön jöpaköm aᅅguba luainön malme. Urusihimᅅini mönö mötmöt areᅅ mohot akingöra jöhöme. Keu mewö jöhöba urumohot aketka ölni asuhui möta nöᅅön eᅅgöra önöᅅi qahö söᅅgaiba malmam.

³Öröyuai nanᅅinanᅅgörök öröbingö sihimᅅan mönö kude nam köl eᅅgima. Nanᅅini qetbuᅅanᅅan qarimapkörä mönö silenᅅini kude memba öᅅgömömö, uruᅅini memba et ala tosatᅅi yeᅅgöra mötketka öᅅgömakᅅa. ⁴Iᅅini mohot mohot mönö nanᅅini uruᅅinanök ölöwakᅅapkörä kude mötmörimemö, tosatᅅi yeᅅgö uruᅅinan ölöwakᅅapkörä mewöyök kapaᅅ köla mötmörim yaköme. ⁵Kraist Jisösnöᅅ gölmenöᅅ maliga imbi mötmöt ahöm waᅅgiyöhi, miyöhök mönö eᅅgöreᅅ ahöi mi wuatangöba malme.

6 Anutugö kaisoᅅgolom tandökᅅi ahöm waᅅᅅi malökmö, töndup Anutugö dop malöhaᅅgöreᅅ qahö möndöba aiweliköba malök.

7 Mewö qahöpmö, nanᅅak amqeba Anutugö asakmararaᅅi mosöta eta meleyda azi tandök asuhuba welenqeqegö kaisoᅅgolomᅅi memba malök.

Mönö gölme azi nanini tandök aka malök.

8 Mewö mala uruᅅi memba et al aᅅguba Iwiᅅangö keu jitiᅅi nalö dop tem köla malök. Mewö maliga gamu qem waᅅgiba “Maripomnöᅅ qebin,” jigetmö, nalö miangöreᅅ mewöyök tem köl teköyök.

9 Mewö tem köla malöhaᅅgöra aka Anutunöᅅ waᅅgiriga euyangöreᅅ öᅅgöba tariga qetbuᅅa waᅅgiyöhi, miangön qet tosatᅅi pakpak eᅅᅅoᅅgita aködamunᅅambuk akza.

10 ^dAnutunöᅅ qetbuᅅa öᅅgöᅅgöᅅi mi kewögöra waᅅgiyök: Ambazip körek pakpak neᅅön mönö qet miangöra aka nalö kunöᅅ simin köla möpöseim waᅅgibin. Tosatᅅan Suep mire euyangöreᅅ malje. Tosatᅅan gölmenöᅅ ki maljin. Tosatᅅan kömumba uᅅem mire me senjom mire malje. Neᅅön mönö körekmakörek mindiriba sipköba simin köl waᅅgibin.

11 Körek nini simin köl waᅅgiba numbu nesilam dop Iwi Anutu aukᅅe göda qebingöra qetᅅi jim miwikᅅaiba kewö jibin, “Jisös Kraistnöᅅ mönö Kembu ak neᅅgiza.” Mewö.

Jisösgö asakᅅi mi ambazip sutᅅine kondela malme.

¹²Miangöra wölböt alaurupni, iᅅini mönö Kraistkö söpsöpᅅi wuatangöba miangöreᅅ kude sörauba etme. Nalö dop Anutugö keu tem köla letota malgeri, miangö dop silik urumelenᅅ ambazip eᅅgöreᅅ dop köljawi, mi mönö kapaᅅ köla wuatangöba urugö nup memba malme. Nöᅅön embuk malali, nalö miangöreᅅ Buᅅa keu ölöᅅᅅanök köl guliba

^d 2.10-11 Ais 45.23

zeŋ kinda malget. Eŋgömosöta sikep maljalangöreŋ mönö mewöŋanök Anutugö jeŋe sömbuŋinambuk möta jönömŋini unduiga pöndaŋ nup mi mem soroköba malme.

¹³Anutunöŋ nanŋak mönö iŋini sundan sölölohöba nam köl eŋgiba nanŋi areŋaŋgö dop uruŋini kuŋgumakza. Mewö urusihimŋini Anutu dop köl waŋgimawaŋgö dop ahuiga inahöm eŋgiiga nupŋi megetka öŋŋi asuhumakŋa.

¹⁴Galömurupŋini yembuk keu mekömpötak kude aka malme. Jimoŋgot aka urunöŋ ihururuk laŋ kude ahakŋemö, areŋini pakpak mönö uruyahöt ziaŋpiak mosöta töp memba malme. ¹⁵°Ahakmemenŋinan mönö köpösihitkö keuŋi qahö sarakŋi aka memba malme. Ambazip goŋgoŋi misimkaulup merak gölmenöŋ maljei, iŋini mönö yeŋgö sutŋine Anutugö nahönbörat solan sorokŋi malme. Seŋgelau suepnöŋ eu asarizei, iŋini mönö mewöŋanök gölmenöŋ silik ölöŋŋi aka miaŋön ambazip asarim eŋgiba malme.

¹⁶Mewö mala malmal köhöikŋaŋgö Buŋa keuŋi töp memba ambazip eŋgibingö jöjöröba malme. Mewö malgetka Kraistnöŋ lilingöba kamawi, nalö miaŋgöreŋ nöŋgö könaŋamnan aukŋe kewö asuhuma, “Mönaht azinöŋ aonŋitnöŋ luhut almamgöra ösumŋi qezaköba anakzawi, nöŋön miaŋgö dop urugö nupköra sile qeba mem köhöiba malal. Mi öne töhöntöhön qahö memba malalmö, öŋŋi asuhuyök.” Könaŋamni mewö asuhuiga ölöŋ nani sileni eŋgöra aka möpöseimam.

¹⁷Nöŋön malmalni köleŋda tököba eŋgiba Anutugö nupŋi tem köla memba malal. Mewö malbi iŋini uruŋini meleŋda Anutu möt narigetka miaŋgö öŋŋi asuhumakza. Miaŋgöra Rom gawman yeŋön keuni jim teköba sömbup ewö nuŋguba jöwöwöl ohoho ewö ak niŋgibeak. Silenaŋgö seŋni mewö mokobileŋak ewö, mi mönö o ewö öne töhöntöhön qahö gebawak. Eŋgö mötnariŋ nupŋinaŋgö öŋŋaŋgöra aka mi mönö aködamunŋambuk ahiga dop kölbawak. Miaŋgöra nuŋguget kömumbileŋakmö, urunan mönö töndup söŋgaimakzal aka körek embuk mohotŋe söŋgaimakin. ¹⁸Mewöŋanök iŋini tok mönö söŋgaime aka nömbuk köiraŋ ala söŋgaiba malbin. Mewö.

Timoti melaibiga Filipai eŋgöreŋ kama.

¹⁹Kembu Jisösnöŋ nöŋgöra möri dop kölma ewö, mönö zilaŋ Timoti melaimamgö möta jörömqöröm akzal. Eŋgöreŋ kaba denöwö maljei, mi möta lilingöba kaba jii möta nöŋgö imbinan mewöyök ölöwak soroköbawak. ²⁰Mötnariŋŋine köhöize me löwörizei, yaŋön nanŋök eŋgöra waimanjat mewö möta nöŋgö qöhöröŋne kinja. Tosatŋan ki maljei, yeŋön mönö “Nanŋini manjatŋina,” jiba qahöpmahöp kötöŋgöm

° 2.15 Dut 32.5

engibingö mörakze. ²¹Yeñön körek nanñinangö yuaigöra möta mi köl öröba mem qaribingöra jaram timakzemö, Kraist Jisösgö nupñan öljambuk ahakñapköra qahö kapan kölakze. Mönö qemasolokep lañ malje.

²²Lañ maljemö, Timotinöñ könani ölöpnj kondelöhi, mi nanñinak möt yaköze. Nahönöñ nanñi iwiñj welen qem wañgimawkawi, yañön mönö miañgö dop ni Ölöwak Buña nupkö bauköm niñgiba malök. ²³Miañgöra Rom gawman yeñön nöngö keu denöwö ak niñgibingö jöhömei, mi mötagun mönö ölöp Timoti melaibiga zilañ engöreñ kamapkö jörömqöröm akzal. ²⁴Nanak mewöñanök Kembubuk kindä nalö kude köriiga engöreñ kamamgö awösamkakak mewö möt narizal.

Epafroditus melaibiga Filipai engöreñ kama.

²⁵Nöñön yuai jaruba osiba malbiga eñön neñakni Epafroditus melaigetka kaba nañgöba bauköm niñgiyök. Yañön nöngö qöhöröñne nup memba bim qeba malökmö, toroqeba jöhöm wañgibileñak, miañön qahö dop kölbowak. Mewö mötmöröba urumeleñ alani i nalö kewöñeyök melaibiga engöreñ lilingöba kama. ²⁶Yañön körek iñini engekñamgö kapan köla malja. Kawöl yöhöi ahöyöhi, iñini keu mi mötket engöreñ lömbörriiga möta miañgöra urueret malja. ²⁷Yañön ölna kawölbuk ahöba kömupkö jitñe ahöyökmö, Anutunöñ ak kömum wañgiiga ölöwahök. Anutunöñ Epafroditus iyök qahö ak kömum wañgiyökmö, ni mewöyök nehoriba mem amqem niñgiyök. Yañön kömumbawak ewö, nöngö wösöbiriknan mönö sehii qaknöñ qaknöñ öngöi malbileñak.

²⁸Iñini Epafroditus eka kunbuk söñgaigetka nöngö wösöbiriknan mewöyök amqemapköra mötzal. Miañgöra nalö kewöñeyök zilañ melaibiga engöreñ kama. ²⁹Iñini Kembugö ambazipköra önöñi qahö söñgaimakzei, sö söñgai miañgö qakñe mönö yañön kaiga köl öröm wañgime aka nup meme ambazip mewöñi mi mönö göda qem engiba malme. ³⁰Yañön Kraistkö nupköra aka kömupkö jitñeyök öngöba kömum taköyök. Iñini ni nañgöba bauköm niñgibingö mötketmö, mi osigerangöra yañön engö salupñine mewö ak niñgimamgöra kaba malmalñi mosöta ayuhum taköyök. Mewö.

Solanñi akingö köna ölnj mi kewö:

3 ¹O urumeleñ alaurupni, keu kötnj kewö toroqeba jimam: Mönö Kembubuk qekötahöba söñgaiba malme. Keu mi dumñe kunbuk ohom engimamgöra qahö ölan nöhöza. Ambazip tosatñan tilipköm engibepüköra mi ohom engibiga ölöp dop kölja. ²Zioz nup meme ambazip bölöñi yengöra mönö galömnjini memba malme. Yeñön urumeleñgö kopa ambazip sutñine liliköba uruñini kuñguba kewö jimakze, “Anutugö buñanj akñegöra mönö aiwesökñi sileñine yandime.” Mewö kapan köla

keuyök jiba kiam ewö kohop köla “Könagesö walñi akzin,” jiba öne töhön jimakze.

³Yerñon Anutugö jeje qahö diñgize. Silenine aiwesök miyök yandim engigetmö, ölnan mönö neñgöreñ kewö asuhuyök: Anutugö Buña keujan urunini mesinñöhi, neññon mönö yangö urumeleñ könagesö ölbölni aka maljin. Anutugö qetñe silenine aiwesök al neñgigeri, neññon miangö qakñe qahö kinda tönguba möt narimakzinmö, Kraist Jisösñon amöt qem neñgiyöhi, miangöra mönö silenini mem öñgömakzin. Anutugö Uña Töröñan inahöm neñgiiga amqeba Anutugö waikñi memba möpöseimakzin.

⁴Tosatñan sileninañgö yuainöñ tönguba Anutugö buñañi akingö möt narizei, nöññon mönö i engongitzal. Miangöra ölpöñanök korua ewö terereñgöba gingini memba wahöta aiweliköbilenak. ⁵Nöñgö aködamuni kewö: Nöññon Israel ambazip kambu uruñe jitñememe kun akzal. Isik bömöni qetñi Benjamin. Iwinamni Hibrü ambaziwa. Nöññon yetköreñök ahuba Hibrü azi ölni akzal. Asuhuba ahöbiga wehön 8 aiga miangöreñ sileni yandiget. Farisi aka malalañgöra Mosesgöreñ Köna keu mi törörök wuatangömamgö kapañ köla malal. ⁶Farisi mala urunan uturuñgöba köñöwiiga urumeleñ könagesö mi ölna sesewerowero ak engiba malal. Mosesgöreñ Köna keu tem köla wuatangöba diñdiñi akinak ewö, nöññon mönö miangö dop köpösihitkö keuñi qahö solanñi malal.

⁷Yuai mi mötpi öñgöiga miangöreñ tönguba möt nariba malalmö, uruni meleñda mi pakpak mosöta zuen jizal. Nalö kewöñe Kraistñon amöt qem niñgii letoral, miangöra mönö mötpi öñgömakza. ⁸Kembuni Kraist Jisös möt kutuba oyaenköyaen akñami, mi möt kewötpiga bohonñi öñgöñgöñi ewö akza. Miangöra malmalni walñangö aködamun yuaini pakpak mi Kraist toroqeba miangöreñ mosöta zuen jizal. Kraist miwikñaiba nöñgöreñ yuai pakpak mi mötpiga nesak irip töhön ewö aiga qepureiba andöne gilal.

⁹Tosatñan “Mosesgöreñ Köna keu tem köl teköba mewö miangön naninak diñdiñi akin,” jizemö, nöññon dop miangöreñ solanñi kunbuk qahö maljal. Nalö kewöñe Kraist möt naribiga Anutunöñ mewö miangön keuni jim teköi solaniba maljal. Mötnarip qakñe malbiga Anutunöñ ak kömum niñgiba jim kutuiga siñgisöndoknañgö keujan kömuiga maljal. Kraistpuk qekötahöba kinda malbiga Anutunöñ nöñgö könañamni mewö miwikñaimapköra kapañ kölakzal.

¹⁰Nöññon Kraist kewö möt kutumamgöra kapañ kölakzal: Sihimbölö möröhañgöreñ yambuk toroqemamgö jöjörözal. Sihimbölö möta kömuyöhi, nöññon tandök miyöhök kömumba mewö miangön yangö tandök ewö akñamgö jöjörözal. Kömumba wahöröhi, yangö ösumñi miangön

† 3.5 Apo 23.6; 26.5; Rom 11.1, 6; Apo 8.3; 22.4; 26.9-11

mönö tilingöm niŋgiiga köhöimamgö mötzal. ¹¹Kömumbiga Anutunöŋ mem gulim niŋgii kömupnöhök wahötmamgö jörömqöröm akzal. Mewö.

Mönö aongitnöŋ kapaŋ köla tohotnöŋ anme.

¹²Nanaŋgöra kewö qahö jizal, “Anutunöŋ tohot alöhi, miaŋgöreŋ lök kaŋgota urumeleŋgö aködamunŋi pakpak miwikŋaiba maljal.” Mewö qahö aka maljalmö, Kraist Jisösnöŋ luhut ala nömeyöhaŋgöra mönö oyaeŋkoyaeŋi buŋa qem aŋgumamgöra kapaŋ kölakzal.

¹³O urumeleŋ alaurupni, Anutugö tohot miaŋgöreŋ qahö aŋgot teközali, mi mötzal. Mohot kewöya möta ahakzal: Yuai köteköba andö qeali, mi ölum nuŋguiga Anutunöŋ yuai mesoholne ali ahözawi, mönö miaŋgöreŋ göröken ösumnan anmamgö awöweŋgömakzal. ¹⁴Anutunöŋ euyangöreŋ öŋgömamgö nohola tohotŋi mewö al niŋgiyök. Miaŋgöra Kraist Jisösnöŋ amöt qem niŋgiyöhaŋgöra nöŋön esapesapnöŋ köhöiba luhut ala Anutugö tohotnöŋ aŋgotpiga yaŋön ila jalö nöropne köl niŋgima. Mi memamgöra awöweŋgöba tohot miaŋgöreŋ göröken diŋdiŋanök uraköba ösumni qezaköba kiŋkiŋgömakzal.

¹⁵Miaŋgöra urugö aködamuninambuk akzini, Anutunöŋ nini körek mötmöt mohotkö qakŋe Kraist möt kutuba malbingö mötza. Keu kungöra mötmöt imbi murutŋi kun ahöm eŋgibawak ewö, Anutunöŋ mönö keu miaŋgöra denöwö mötketka dop köljawi, mi mewöyök jim indel eŋgima. ¹⁶Mewö qahöpmö, eŋgöreŋ waimanjat bohonŋi mi kewö aiga dop kölma: Nini nalö köröpŋi me töröpŋi urunini meleŋda Anutugö könanöŋ mala korini, mönö ahakmemegö köna mohot miyök toroqeba aninga dop kölma.

¹⁷O urumeleŋ alaurupni, nöŋön ahakmemeni ahakzali, iŋini mönö ni neka nöŋgö silikni mi wuatangöba malme. Neŋön silik ölopŋi kondel eŋgiinga tosatŋan miaŋgö dop tiba öröm eŋgimakzei, iŋini mönö yeŋgöreŋ uba eŋgek kutuba malme. ¹⁸Ambazip keleŋmaleleŋ yeŋön ahakmemeniŋan Kraist kerök ak waŋgiba nanŋini imbi-imbi laŋ malje. Maripomnöŋ kömuyöhi, miaŋgö könaŋi tim koyoŋaniba malje. Keu mi nalö gwötpuk jaŋjuŋ akepuköra jibi mötketmö, nalö kewöŋe mi sahöta imbilni eriga jizal.

¹⁹Sileŋinaŋgö sihim kömbönaŋini bölöŋan bemŋini akza. Yuai gamuŋambuk ahakzei, miaŋgöra mötket öŋgöiga aködamunŋina aiga söŋgöröqök akze. Urumötmötŋini gölmegö yuainöŋ jöhögetka gwaröhöm eŋgii laŋ mala teteköŋe könöp sianöŋ geme. ²⁰Yeŋön emu gememö, tosatŋi neŋgö mindimindiri tohoŋnini mi Suepnöŋ eu ahöza. Gölmönöŋ kianŋi aka kusukŋanök mala Kembu Jisös Kraist Amötqeŋe Toninan kunbuk asuhaba neŋguangitmapköra mambörakzin.

§ 3.17 1 Kor 4.16; 11.1

²¹ Yaŋön neŋgöreŋ gölme silenini etqeŋeŋi ki meleŋniga nanŋi Suep sile asakmararaŋambukö tandök akŋa. Kukösum mewöŋi mi Kraist ahöm waŋgiza. Yaŋön kukösum mewöŋi miaŋön ambazip aka gölme Suepkö öroyuai pakpak mi ölop köhöiba memba et al neŋgiiga yaŋgö nembö bapŋe aninga galöm köl neŋgiiga malbin. Mewö.

Qambaŋ keu tosatŋi

4 ¹O wölböt alaurupni, mewö asuhumapköra Kembunöŋ mönö bauköm eŋgiiga böŋ qeba köhöiba kinme. Nöŋön eŋgöra ak niŋgiiga eŋgekŋamgöra kapaŋ kölakzal. Iŋini sösöŋgai ak niŋgiget. Sutŋine nup mealangö ölni asuhui kondelgetka Anutunöŋ miaŋgö töwa neŋgimawi, miaŋgöra mönö söŋgöröqök aka söŋgaimakzal.

²Jitŋememe ambi yahöt Yuodia Sintike, etkön jula aŋgururuk aka maljahot, mewö möral. Miaŋgöra nöŋön uruŋiri kewö kunguzal: Iŋiri Kembubuk mohot kinjahot, miaŋgöra mönö urumohot aka malmahot.

³O neŋakni ölni, nupkö könjöŋi mohotŋe bisiba maliri, gi mewöyök kewö qesim gihizal: Ambi yahöt mietkön urumohot akŋahotköra mönö bauköm etkiman. Yetkön nömbuk Ölöwak Buŋa köhöiba sehimapköra bim qeba malohot. Yetkön Klemen aka neŋakurupni tosatŋi yaŋgö qöhöröŋine mohotŋe bim qeba malohot. Tosatŋi yaŋgö qetŋini mi malmal köhöikŋaŋgö buk papianöŋ eu ahöza.

⁴Nalö dop mönö Kembubuk kinda söŋgaiba malme. Söŋgaime! keu mi dumŋe kunbuk jizal.

⁵Iŋini mönö guŋböŋjönjön qakŋe ambazip ak eŋgigetka körekŋan tandökŋini mi mötme. Kembunöŋ lök kamamgö dopdowiza. ⁶Yuai kungöra mönö köŋjiliŋ kude möta malmemö, yuai pakpak miaŋgöreŋ qeŋesinini mönö Anutugöra jigetka mötma. Mewö me mewö asuhumawi, mönö Anutu köuluköba uleta saiwap jiba malme. ⁷Anutunöŋ uruluai eŋgizawi, nini miaŋgö könaŋi möt kutubingö osimakzin. Mi mötkutukutunini pakpak oŋgita qainŋi kun akza. Kraist Jisösbuk kingetka Anutunöŋ mönö uruŋini aka keu mötmötŋini sel jöhöba kölközizip mem eŋgiiga malme.

⁸O urumeleŋ alaurupni, keuni jim tekömamgö aka qambaŋ keu kewö jizal: Aŋgöjörak keu kude mötmörimemö, yuai pakpak göda qeinga aködamunŋambuk akzawi, uruŋini mönö miaŋgöreŋ jöhöba malme. Keu ölni, keu diŋdiŋi aka sarakŋi mia mönö mötmöriba malme. Keu ehöehölöŋi sihimninan mörakzini, miaŋön mönö uruŋini kokolak qeiga kinme. Keu ewebibiŋambuk möpömöpösei ahumawaŋgö dop akzawi, uruŋini mönö miaŋgöreŋ qekötahöba malme. ⁹Nöŋgö ahakmemeni eka Buŋa keuni möta uru könömŋine ala buŋa qem aŋgugeri, iŋini mönö mi köl guliba aka memba malme. Mewö malgetka luai Toŋi Anutu yaŋön embuk kinma. Mewö.

Polnōḡ Filipai yeḡḡō kalemḡinaḡōra saiwap jiza.

¹⁰Nōḡōn Kembubuk qekōtahōba kinda eḡḡōra uruōlōwak ketaḡi mōtzal. Iḡini mutuhōk ni kōyan kōla moneḡ niḡḡibingō sihim mōta malgetmō, denōwō akingō kōna jaruba osiget. Nalō kōrōḡni osiba malgetka Kembunōḡ nalō kewōḡe uruḡini mem guliiga amqeba kunbuk baukōm niḡḡiget. ¹¹Silenanḡō lōmbōtnōḡ tata osibileḡak, miāḡōra keu ki qahō jizal. Nōḡḡōreḡ yuai ahōzawi, nōḡōn mōnō miambuk uruluainōḡ bōḡjōḡ malmamḡō mōtzal. ¹²Ni jaram tiba luainōḡ malal aka malmal pomḡi siyōḡsayōḡi qahō mala luainōḡ malal. Miri dop nalō dop uruni bōḡjōḡ kōli malmamḡō mōtzal. Nem timbireḡ akileḡak me bōdi (buōrō) tatpileḡak, miāḡōra mōnō uruni qahō memba et al aḡḡumakzal. Yuaini keleḡmaleleḡ me boromḡi ahōm niḡḡibawak, mi muat. Mōnō ōlōp bōḡjōḡ malmam. ¹³I me wai kun asuhubawak, Kraistnōḡ mem kōhōim niḡḡiiga yuai kunḡan kun mōnō qahō memba et al niḡḡiiga ōlōp malmam.

¹⁴Tōndup kōḡḡiliḡni miāḡō uruḡeyōk alabauk aka mem amqem niḡḡigetka dop kōlōk. ¹⁵^hFilipai iḡini mewōyōk nōḡḡō kōnani mōt kōmuze. Nōḡōn kōnahiba lilikōba Ōlōwak Buḡa nup memba embuk Masedonia prowinsnōḡ mala eḡḡōmosōrali, nalō miāḡōreḡḡōk kōnahiba mōtnarip kōnagesō tosatḡan ni sileḡō yuaiḡinan qahō naḡḡōm niḡḡiget. Nōḡōn urugō Buḡa eḡḡibiga buḡa qem aḡḡugetmō, sileḡō likeḡḡi kun qahō meleḡ niḡḡiget. Filipai urumeleḡ kōnagesō iḡini mohotḡan mōnō nōmbuk jōhōjōhō aka malmalni naḡḡōgetka naluk moneḡini buḡa qem aḡḡuba malal.

¹⁶Nōḡōn yuaigōra osiba malali, iḡini mi nōḡḡōra algetka Tesalonaika sitinōḡ kayōk. Indim mohot qahōpmō, indim yahōt silenāḡḡō yuaigōra osiali, mi algetka nōḡḡōreḡ kayōk. ¹⁷Eḡḡō inap kalemḡinaḡōra kōpōsōḡḡōbileḡak, miāḡōra keu ki qahō ohozal. Anutunōḡ eḡḡō alabaukḡinaḡō likeḡḡi meleḡ eḡḡimakḡawi, nōḡōn mōnō ōḡḡi mi eḡḡōreḡ sehimapkōra mōtzal. ¹⁸ⁱEḡōn nalō kewōḡe yuai algeri, mi buḡa qem aḡḡuba nōḡḡōreḡ yuai pakpak miāḡōn mōnō dopni oḡḡita gwōtpuk ahōm niḡḡiza. Epafroditus yaḡōn eḡḡō alabauk kalemḡini memba kaba niḡḡiiga mōriamnambuk aka maljal. Iḡini naluk kōtinḡini algetka yaḡōn memba kayōhi, Anutunōḡ miāḡō sihimḡi mōri ōlōp dop kōlja. Anutunōḡ eḡḡō nalukḡini mōt aḡḡōn kōli wōrōḡḡi ōlōḡḡi umkōhōwakḡambuk aka yaḡḡō jeḡe pukpukōiga sōḡḡaimakza.

¹⁹Nōḡḡō Anutunan tōhōtmōriam pakpakō Toḡi akza. Yaḡḡō kōweḡe yuai pakpak mi tetekōḡi qahō ahōza. Miāḡōra iḡini Kraist Jisōsbuk qekōtahōba kinda yuaigōra osizei, mi pakpak mōnō ahōm waḡḡizawaḡō dop eḡḡimakḡa. ²⁰Miāḡōra Anutu Iwinini mōnō nalō

^h 4.15-16 2 Kor 11.9, 16; Apo 17.1 ⁱ 4.18 Eks 29.18

dop möpöseimakin. Mewö ahinga Anutugö qetbuñan nalö teteköñi qahö sehimakña. Keu mi ölña.

Yaizözkök teteköñi

²¹Nöñön yaizözkökni alaurup sarakñi Kraist Jisösbuk mohot kinjei, körek engöra albi kaza. Neñakurup nömbuk ki maljei, yeñön yaizözkökñini algetka engöreñ kaza. ²²Anutugöreñ ambazip sarakñi tosatñi pakpak ki maljei, yeñön yaizözkökñini algetka engöreñ kaza. Yeñgöreñök tosatñan sisa kiñgö jakömbuak mire nup memakzei, yeñön mönö mewö möta kapan köla jize.

²³Kembu Jisös Kraistkö kalem möriamñan mönö embuk ahöm öngöba uñanini kötuetkömakña.

Kolosi Kimbi

Polnön Kolosi yengöra Kimbi alök.

Jim-asa-asari

Kolosi mi Eisia prowinsgö taon kun. Mi Efesus siti miangöreñök wehön kotkotņe göröken ahöyök. Polnön Kolosi nalö kungen qahö anökmö, Eisiagö siti ketanji Efesus miangöreñ yambu karöbut Buņa nup memba Kolosi yengöra mewöñanök waimanjatņi möta malök. Könangep Kolosi tosatņan uruņini melenget (1.7; Apo 19.10). Polnön Rom sitigö kösö mire tariga neņakņi Epafras yaņön Kolosi urumeleņ kambugö buzup keuņi memba yaņgöreñ kayök. (1.7-8) Kösohotņini tosatņi mi ölöņji aketmö, Kolosi miangöreñ böhi takapulakanji tok malget.

Böhi mienön ambazip kewö kusum sohom engimalget: “Urumeleņ könagesö eņön Anutu waikņi membingö köna keu könaņi könaņi mi ölöp wuatangöme. Eņön ölöp uruņini memba et ala sileņini qeba sihimbölä mötme.” (2.16, 20-21, 23) Toroqeba kewö jim kutum engiget, “Mötnarip eņön mönö simin köla garata waikņini memba malme.” (2.18) Jisös mewöyök mem et al waņgiba kewö jiget, “I Anutugö Nahönņi qahöpmö, garata bohonņi kun.” Mewö jiba kewö toroqeget, “Neņgö keunini wuatangömei, yeņön mönö mötmöt tölapņi qainņi kun miwikņaime.”

Miangöra Polnön Kimbi ki ohoba Kolosi urumeleņ kambu kewö kusum engiyök, “Yuai pakpak mönö Jisösgö bapņe ahöiga yaņön Anutu ölä töhöņņi aka (1.15-17) urumeleņ kambu neņgö Bohonina malja.” (1.18) Toroqeba keu kewö kondel engiyök, “Kraist Jisös möt narigetka yaņön Anutugö mötmöt aka mötkutukutu tölapņi ölöp kondel eņgima. Anutugö mötmötņi mi mötmöt tosatņi pakpak oņgita qainņi kun akza.” (2.2-3, 9-10) Polnön mewöyök urumeleņ ambazip malmalņinaņgö jimkutukutu keu tosatņi ohoba al engiyök. (3.1-4.1)

Buk kiaņgö bahöņi bohonņi 4 mi kewö:

Keu mutukņi 1.1-8

Kraistkö malmalņi aka nupņi 1.9-2.19

Kraistpuk malmal döläkņi 2.20-4.6

Kimbigö keu kötņi bohonņi 4.7-18

1 ¹ Anutunöŋ Pol ni melaim niŋgiiga jitŋaŋgö dop Kraist Jisösgö aposol akzal. Urumeleŋ alanini Timoti yaŋön nömbuk tatza.

² O urumeleŋ alaurupnini sarakŋi Kolosi taonöŋ mala Kraistpuk qekötahögetka mötnariŋŋinan qahö sörauiga zeŋ kinjei, nöŋön embuk keu eraum mötŋingöra kimbi ki ohozal. Anutu Iwininan mönö kalem möriam eŋgiiga luainöŋ malme.

Eŋgöra Anutu möpöseiba köulukömakzin.

³⁻⁴ Iŋini Kraist Jisös pöndaŋ möt nariba ambazip sarakŋi pakpak uru könöŋŋinan jöpaköm eŋgimakzei, miaŋgö keu buzupŋi jiget mörin. Miaŋgöra eŋgöra köulukömakzini, miaŋgöreŋ mönö nalö dop Anutu, Kembunini JisöSs Kraistkö Iwiŋi möpöseimakzin. ⁵ Ölöwak Buŋagö keu öŋŋan mutuk eŋgöreŋ kaiga jigetka jörömŋörömninaŋgö könaŋi lök möta möt asariget. Möt asariba Anutunöŋ eŋgöra yuai ali Suep mire kahaimök ahözawi, iŋini mi buŋa qem aŋgubingö al mamböta jörömŋöröm akze. Jörömŋöröm miaŋön nam köl eŋgiiga amqeba Anutu möt nariba uru jöpaköm aŋguba maljei, mönö miaŋgöra möpöseim waŋgimakzin.

⁶ Ölöwak Buŋa keu miaŋön sehiba gölmeŋi gölmeŋi dop köla öŋŋambuk aka qarimakza. Miaŋgö dop eŋgöreŋ kaiga iŋini Anutugö kalem möriamŋaŋgö könaŋi öŋŋi möta möt asariget. Mi mutuhök möt asarigeri, wehön miaŋgöreŋök könahiba eŋgö sutŋine mewöŋanök öŋŋambuk aka kötuetaköm eŋgimakza. ⁷ Wölböt neŋaknini Epafras yaŋön Kolosi eŋgöra Ölöwak Buŋa mi kusum eŋgiiga mötket. Epafras yaŋön neŋgö salupnine kinda Kraistkö nupŋi pöndaŋ kapaŋ köla memakza. ⁸ Uŋa Töröŋan sölölohöm eŋgiiga jöpaköm aŋgumakzei, Epafrasnöŋ eŋgö könaŋamŋini mewö eka nini jii mörin.

⁹ Miaŋgöra buzup keu mi mörini, neŋön mewöyök nalö miaŋgöreŋök könahiba eŋgöra Anutu köuluköba mala kotzin. Eŋön Anutugö jitsihitŋi möt yakögetka mötmöt miaŋön uruŋini kokolak qemapköra ulet waŋgimakzin. Miaŋön kokolak qem eŋgiiga Uŋa Töröŋan mönö sölölohöba mötmöt eŋgimakŋa. Mewö miaŋön mönö ölöp Anutugö sihimŋi pakpak diŋdiŋanök möt kutuba malme.

¹⁰ Eŋgöra kewö köulukömakzin: Mötkutukutu miaŋön nam köl eŋgiiga mewö ölöp malmalŋini Kembangö jeŋe dop kölmawaŋgö dop malme. Jitsihitŋi ahözawaŋgö dop ahakmemeŋini pakpak aka memba malme. Mewö ölöp nup ölöpŋi könaŋi könaŋi pöndaŋ megetka miaŋgö öŋŋi asuhumakŋa. Mötkutukutuŋini mewö köl guligetka ölöp köhöimakŋe aka Anutugö könaŋi toroqeba möt yaköm soroköba malme.

^a 1.7 Kol 4.12; Flm 23

¹¹ Anutugö kukösumnji mi aködamunñambuk. Miangö dop nanji ösum-mumunji pakpak al engiiga engualönda mem köhöim engimakñapaköra köulukömakzin. Anutunöñ mewö mem köhöim engiiga ölop köhöiba nalö dop kapañ köla urubönjöñnön kinda lömböt möta mökösonda söñgaiba malme. ¹² Söñgaiba mala Iwigö saiwap jiba malmegöra köulukömakzal. Iwininan alaurupñi sarakñi neñgöra buña yuaini arengöba ali asakmararañangö uruñe ahöza. Yañön inini mewöyök letotqetot mem engiiga buñaji mi buña qem añgumeangö dop akze.

¹³ Pandamanöñ galöm köñ neñgiyöhi, Iwinöñ miangöreñök meköba neñguangita kaba wölböt Nahönñangö bemtohoñ uruñe al neñgiyök. ¹⁴ ^bNahönñi yañön sohopnini memba siñgisöndoknini sançoñda mosötmapkö mörakza. Miangöra mönö saiwap jim wañgimakzin. Keu mi ölna.

Kraistnöñ yuai pakpakö könaji aka bohonñi akza.

¹⁵ Kraistnöñ Anutu qahö ehekñi yangö imutñi akza. Möpñangö möpñe malmal pakpak qahö asuhuiga Kraistnöñ mönö mutuhök Iwiñambuk azi bohonña malök. Mewö Iwi Anutu bauköm wañgiiga öroyuai pakpak miwikñaim engiyotka ahuget.

¹⁶ Nahönñan Anutu bauköm wañgiiga öroyuai pakpak miwikñaim engiyohot. Yuai tosatñi Suep mirigö jakeñi jakeñi miangöreñ ahögetka qahö engehakzini aka yuai tosatñi gölmenöñ ahögetka engehakzini, mi Kraistnöñ jiiga letotket. Yuai pakpak mi galöm köñ engimegöra uña suahö galömñi galömñi miwikñaim engiiga Suep gölme sutñire jakömbuakñine kinda jimkutukutuñini alakze. Yeñgö nemböñine pom jembonñini öñgöñgöñi eretñi mi al engiiga jakeñine kukösumñinambuk kinda tosatñi kembu ak engimakze. Nahönñan yuai pakpak asuhumapkö bömön jalöñi aiga Anutunöñ miwikñaim engiyöhi, mi mönö Kraist aködamun miwikñaim wañgimegöra al engii ahöze.

¹⁷ Kraistnöñ mutuhök maligun öroyuai pakpak miangö andöñe asuhuget. Yañön mönö yuai pakpak mindiriba nam köñ engiiga kutulañgöba yangöreñ töndangöba kinje. ¹⁸ ^cKraistnöñ bömön jalönini akza. Öroyuai pakpak neñgö öröm neñginenñi bohonina aka malmapaköra kömupnöhök wahörök. Kömugeri, yeñgö sutñineyök jitñememenjina aka guliba wahörök. Mewö mutukñamnini aiga nini könagesö walñangö zioz dölok-kunñi asuhaba kinjin. Miangöra urugö, silegö, yuai pakpakö nörop bohonini aiga urumelenñ könagesö neñön yangö öl kemañi akzin.

¹⁹ Anutunöñ Nahönñi nanñangö dop köröndöñ aka malmapkö möt teköi dop kölok. Miangöra nanñi mötmötñi aka aködamun yuaini pakpak mi körek pakpak Kraistpuk qekötahöba kinjawañgöra körö-ölöwak

^b 1.14 Ef 1.7 ^c 1.18 Ef 1.22-23

möta malja. ²⁰Öroyuai pakpak gölmenöy aka Suepnöy Anutubuk kazik ahakzei, Anutunöy mi pakpak töwanjini ala enguangiriga nanjambuk qekötahöba urumohot akjegöra möta kewö jim teköi dop kölök, “Mönö nani Nahöni melaibi geba maripomnöy kömumba sepni mokoba luaigö nam köli asuhuma.”

²¹Ijini mewöyök mutuk ahakmemejini bölöni ahöyöhanjora aka urujinan Anutubuk urumohot qahö aka kerök möt wanjiba tikep malget. ²²Mutuk mewö malgetmö, nalö kewöje Anutunöy nanjambuk urumohot aka kinmegöra Nahönji melaiiga gölme silebuk kömumba köl könjörat mem engiyök. Mewö kingetka qewölojini sanjonda mala enguangita nanji jeje sarakni köpösihitkö keujini qahö al engi anjotmegöra al mamböta jörömqöröm ahakze.

²³Jörömqöröm ahakzemö, mala anjanbanjan köla et engubapuköra mönö Kraist pöndañ möt nariba kinme. Anutunöy Ölöwak Buñan tandö kuñguyöhi, injini miangö keuji mötket. Urujanan miangören nanjögöba töndangöba kin köhöiba malme ewö, mönö oyaenkoyaeñ akje. Nini Ölöwak Buñani mi jim sehimakzin. Anutunöy ambazip miwikjaim engiiga Suep bapje mal anjei, yengö sutjine mi liliköba jim asariba maljin. Pol nöjön mewöyök Ölöwak Buñagö nupni mi memba maljal. Mewö.

Polnöy zioz kambugö nup denöwö memba malök?

²⁴Kraistkö ölni mi urumelen könagesö nejön akzin. Kraistnöy nejjöra aka könjilin möriga kitipni ahöba urumelen könagesö qaknine öngömakzawi, mia Kraistkö ölni bauköm engimamgöra aka silenan meköba möta malakzal. Mewö aiga engöra aka sihimbölö möta malali, miangöra nalö kewöje söngaimakzal.

²⁵Anutunöy kuñgum niñgiiga urumelen könagesöni könagesöni welennini qeba nup memba maljal. Anutunöy kalem möriamni ambazip mendeñ nejjimamgö areñ alöhi, miangö dop Buña keuji körek jim sehim tekömamgöra jiyök. Eñön ölöwaka köhöimegöra nup al niñgiyök. ²⁶Anutunöy Buña keu mi möpñangö möpñeyök asamböriga ambazip julkösöñ aka kömugetka gwölönarökni wahöta kömugetka mewö mewö aka mala kota tönpin malget. Malgetka nalöni nalöni tölapje ahöyökmö, nalö kewöje könagesöni könagesöni sarakni nejjöra indel nejjiga mötzin.

²⁷Anutunöy kalem möriamñangö areñi kewö jiba ali ahöza, “Nöjön keuni tölapni mi nani könagesöurupni engöra indelbi mötmegöra mötzal. Yejön mi möt yaköba anda jim sehimetka Buñani tölapñangö aködamunjan mönö kian kantriñi kantriñi yengö sutjine qariba

^d 1.20 Ef 2.16

qetbuñambuk akña.” Keu kötñi tölapñi mi kewö: Kraistnön engö uruñine malja ewö, mönö asakmararane angotpingö jörömçörömñi al engimaknya.

²⁸Neñön Anutugö areñ miangö dop Kraistkö könani ambazip pakpak engöra jim asariba maljin. Yeñön körek Kraistpuk qekötahöba kin köhöiba aködamunñinambuk akñegöra kusum engimakzin. Mewö enguangiringa Anutugö jemesoholje angotmegöra mötzin. Miangöra mötkutukutunini pakpak qezaköba qambañ keuñi keuñi engimakzin. ²⁹Nöñön miangöra aum-mörimakzal. Kraistnön kukösumñangö qakñe sölölohöba inahöm niñgimakzawi, nöñön mönö miangö dop bim qeba malakzal. Mewö.

Polnön Kolosi yengöra waimanjat mörök.

2 ¹Nöñön Kolosi engöra aka bim qeba maljal. Mewöyök Laodisia sitinön maljei aka urumelej alaurup tosatñan silenangö jemesoholni qahö nekeri, mönö körek yengöra köuluköba gwötpuk aum-mörimakzal. Nöñön iñini miangö könani mötmegöra mötzal.

²Kewö köulukömakzal: Anutu, gi mönö uruñini nangöm enginönga örörön jöhöba jöpaköm anguba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buña tölapñi, Kraistkö könani mi körek möt asarim teköme. ³Anutunön mötmötñi aka mötkutukutuñi mi körek Kraistköreñ ala asamböriga ahöza. Anutu mötkutukutuñangö köweni mi guli dötnam ewö köwe tölapñe ahöiga Kraistnön miangö kin moröñi akza. Kraist tem köla mewö miangön ölop mötkutukutuñi miwikñaibin.

⁴Kunñan mondoqondoroñ ala kelök keu jiba uruñini kuñguba tilipköm engibapuköra Kraistköra keu mi jizal. ⁵Silenan engö kösutñine qahö maljalmö, urumötmötnan mönö embuk kinja. Iñini köhöiba Kraist möt nariba tem köla sutñine areñinangö dop böñjön maljei, engöra mewö möta mötmöriba söngaimakzal. Mewö.

Gölmegö mötmötñan jöhöm engibapukö galöm meme keu

⁶Miangöra iñini Kraist Jisös möt angön kölgetka Kembuñini aka kinjawi, mönö yambuk qekötahömakzeangö dop ahakmemeñini aka memba malme. ⁷Keu kusum engigeri, miangö dop mönö kesötñini Kraistköreñ möndömgöba mendawöla yambuk qekötahöba kinda uruñini nangöm anguba mötnaripkö köhököhöiñi toroqeba miwikñaiba malme. Saiwapñini mönö o saksaköba erakzawangö dop jiba möpöseiba malme.

⁸Ambösakon yeñön gölmegö mötkutukutu kusum engigetka köna walji miwikñaiba tosatñan mi wuatangömakze. Mewöyök bem suahö galöm Sup gölme sutñire mala mietkö öroyuaiñiri pakpak galöm köl engimakzei, tosatñan Kraist ongita yengöreñ qekötahöba keu kusum

engimakze. Mewö ahakzei, yengörenök kunjan engömembra tilipqilip omanji miangö kösöñan jöhöm engiiga eta böhi miengö buñaya akepuk.

⁹Anutugö mötmötñi aka aködamun yuaiñi pakpak mi körekmakökrek Kraistköreñ ahöiga gölme sile memba asuhuyök. Miangöra böhi takapulakanji mewöñi yengöra mönö galömñini mem anguba malme.

¹⁰Kraistnön uña suahö galöm aka pom jembon pakpak miengö nörop bohonñini akza. Kraistpuk qekötahögetka yañön Anutugö mötmötñi aka aködamun yuaiñi pakpak mi ölop dopñine engiiga malje.

¹¹Mewö mala Kraistpuk qekötahögetka yañön aiwesökñi ölni mi engören mewöyök yandim engiiga malje. Aiwesök mi börönön silenine yandimakzeangö dop qahöpmö, Kraistnön sile yandiyandi qainñi kun ak engiyök. Mi kewö: Yañön silegö ahakmeme waljan galöm köl engibapuköra mönö sihim kömböñanini bölöñi jöhöiga malje.

¹²^eKraistkö qamötñi lömnön algeri, engö uru waljan mönö mewö tandöktandök kömumba o melun miangören kömup lömnön geyök. Mewö geyökmö, Anutunön Kraist mem guliiga kömupnöhök wahöröhi, yangö kukösumñan mönö inini mewöñanök inahöba o melun miangören nam köl engiiga guliget. Inini Anutugö kukösumñi mi möt angön köla möt narim wañgigerangöra aka Kraistkö qöhöröñe guliba köhöiba malje.

¹³^fMutuk kunön engö sihim kömböñanini bölöñi mi qahö jöhöiga uru waljan galöm köl engiiga malget. Singisöndok akerangöra aka uru köhömuñi malgetmö, Kraistpuk qekötahögetka Anutunön yangö qöhöröñe mem gulim engiyök. Singisöndoknini mönö körek sanjon teköiga köhöiba maljin. ¹⁴^gBölöñamnini aka miengö likepñangö jimkutukutuñi mi Sup mire löpöt kimbinön ohogetka ahöyök. Kraistnön löpöt mi körek pakpak kutuba qeapköyök. Löpöt miangön Anutubuk kinda andöñine qeba tuarenjon ak neñgiba ahöyöhi, yañön mi köteköba maripomnöñ kösököi teköyök.

¹⁵Maripomnöñ kömumba bem suahö galöm aka uña pom Sup gölme sutñire öroyuai pakpak galöm kölakzei, Kraistnön miengö kukösumñini luak jaugem jitñi ewö qeapköba tölököba tözangöm teköyök. Mewö kazikurupñi kösö gwarö memba gamu qem engiyök. Mewö aka enguangita köirañ ala renduñ köliga qenjarökñe kagetka luhut al engiyöhöñgö köñanji mi aukñe asuhuiga eket.

¹⁶^hKraistnön luhut al engiyöhi, miangöra inini mönö Kraistpuk kinda ewebibinambuk saitñgit malme. Mewö malgetka engö sutñine kunjan wani oñi aka ölni ohoba nemakzei, miangöra öne dönqizizin ala jim kutum engibapuk. Yambu (yara) dop kendon kömbukñi kun aka köiñ dop köiñ dölökñi kotzawangö söñgairñi mi alakze me qahö, miangöra öne jim bölüm engibepuk. Sabat kendon mi Sondagienön me silim kunön tarakzei,

^e 2.12 Rom 6.4 ^f 2.13 Ef 2.1-5 ^g 2.14 Ef 2.15 ^h 2.16 Rom 14.1-6

miangöra öne mesoholjine qeba jim engibepuköra mönö galömñini mem anguba malme. ¹⁷Soŋgo mewöñi miengöra mönö kezap kude alme. Mi söpsöp yuaiyök akze. Öljän dopdowiba imutñi gilakzawi, miangö dop öljñi mi Kraist. Nenegö me kendon tatatkö keuñi mi Kraistkö söpsöpñi aka eretñi akza. Kraistnøj lök kaiga mala öne köna söpsöpñi walje qekötahöbepuk.

¹⁸Tosatñi yeŋgö sihimñini mi nanñini urunini memba et ala Suep garata waikñini memba bem ewö möpöseim engibingöra ahöza. Mewöyök jeñini meleñni imutimutñini eka miengöra söngöröqök ahakze. Mewö nanñine gölmegö mötmötñan kuŋgum eñgiiga silenini öne töhön memba öngöba tiwokmawok ahakze. Yeŋgöreñök kuŋñan tilipköm engiba Kraistköreñök utum engibapuk. Mewö mötnaripkö aonjitnøj luhut qahö ala töwañini qahö membepuk. Miangöra mönö galömñini mem anguba malme. ¹⁹Yeñön Kraist nöropñini akzawi, yambuk qekötahöba kinkinñini mosöta lañ malje. Kraistnøj nöropñini aka nanñi öljñi körek nini galöm köl neñgiiga ölop mösölatim anguba maljin. Sihit toroqeqeñi aka ginimuramñi miengön mönö öljangö köna böröurupñi mindiriba jöhöm neñgigetka kutulangöba mohot akzin. Mewö aka Anutunøj nam köl neñgimakzawañgö dop qarim köhöimakzin.

Kraistpuk kingetka gölmegö mötmötñan galöm ak engibapuk.

²⁰Iñini Kraistköreñ qekötahögetka uru walñinan kömuiga bem suahö galöm yeŋgö kösö gwarönöhök lök lolohoget. Miengön Suep gölme sutñire mala yuaiñiri pakpak galöm köl engimakzemö, iñini qahö galöm köl engigetka malje. Miangöra böhi takapulakañi mewöñan jimkutukutu lañ al engimakzei, mi mönö wuanöngöra öne wuatangömakze? Suepkö buñaya akzemö, töndup gölmegö keuya wuatangögetka siksauk ahakza.

²¹Soŋgoñini kewö alakze, “Mi kude göjupköba meman. Kun mi kude yöhösöröman. Yuai mi kude misiriman.” ²²Gölme ambazipnøj nanñini nöropñinan mewö jim kutuba tosatñi kusum engimakzemö, Anutunøj mewö qahö. Yañön yuai pakpak mi lökñanök aka memingöra jiiga nupñini engigetka qahöwakñegöra ali ahöze.

²³Mi töndup tosatñan bem suahö galöm aka garata waikñini memba bem ewö möpöseim engimegöra kapañ kölakze. Mi kapañ köla “Nanini urunini memba eta aljin,” jiba miangöreñ möndöba silegö sihim kömbönañini bölöñan galöm köl engibapuköra soŋgoñi soŋgoñi ala silenini qeba qölsihim angumakze. Mewö aka jimkutukutunini alakzei, mi mönö mötkutukutu qakñe alalñangö tandök aiga gwötpukñan mi möta mötket öngömakza. Öngömakzazpmö, mi töndup mewö silegö sihim kömbönañini bölöñi angön kölbingö osiba mi lañ wuatangömakze.

¹ 2.19 Ef 4.16

Miaŋgöra jimkutukutuŋini mienŋön mönö yuai omani kötökŋi akze. Mewö.

Kraistnöh malmal dölökŋe malbingö ösumŋi neŋgimakza.

3 ^{1j}Kraistnöh euyangöreŋ öngöba Anutugö böröŋi ölŋangö jakömbuak jakeni memba qetbuŋaŋambuk tatza. Anutunöh Kraist mem gulim waŋgiyöhi, miaŋgö tandök iŋini mewöyök mem gulim enŋiiga köhömuŋeyök wahöta malje. Miaŋgöra iŋini Suep mire eu öröyuai ahözawi, uruŋini mönö miaŋgöreŋ jöhöba malme.

²Gölmegö öröyuaigöreŋ qahöpmö, euyangöreŋ öröyuai ahözawi, uruŋini mönö miaŋgöreŋ jöhöm köhöiba malme. ³Enŋö uruŋini walŋan mönö kömuiga Anutugöreŋ tönguba malje. Mewö Anutugö aumŋe anda malmal köhöikŋangö könani miwikŋaiget. Kraistnöh Suep malmal tölapŋe maljawi, enŋö urumalmalŋinan mönö miaŋgö dop asa-asambötŋe ahöza. Miaŋgöra uruŋini mönö Kraistpuk jöhöba malme. ⁴Kraist malmal köhöikŋangö Toninan kunbuk kaiga asakmararaŋan asuhumawi, nalö miaŋgöreŋ iŋini mönö mewöyök asuhugetka enŋuaŋgiriga yambuk Anutugö asakmararaŋe aŋgotme.

Uru walŋi aka uru dölökŋi awöraŋgözahot.

⁵Gölmegö sihim kömbönaŋini bölöŋi könani könani mi uruŋine kinda yayaseŋseŋ mem enŋgimakzei, miengö nööröpŋini mönö körek tözangöm teköme. Bau kiam tandök serowilin aka qewöloŋ aŋgöjörakŋambuk mi mönö andö qeme. Urusilegö sihim kömbönaŋi bölöŋi mi mosöta urukönöp bölöŋi mi mönö qömbökögetka bököma. Yuai membagan memingö nepaqepalok köpösöŋgömakzei, miaŋön tandö lopioŋ waikŋini memba möpöseim enŋgizeaŋgö tandökŋi akza. ⁶Mi akerangöra aka Anutugö irimŋan seholiiga urukazikŋi qakŋine ali öŋgömakza.

⁷Sihim kömbönaŋini bölöŋi mewöŋan mönö mutuk nanŋini malmalŋini mewöyök galöm köliga köna bölöŋi mi tiba wuatangöba maljema.

⁸Mewö malgetmö, nalö kewöŋe iŋini mewöyök yuai kewöŋi pakpak mi mönö gilget anma: Urusiŋgok möta urukönöpŋöh jula enŋgohoiga uruŋinan auba urubölö mötzmö, mi uzeta gilget anma. Mewöyök uruqeŋe keu töhöreŋ aka keu aŋgöjörakŋambuk jiba uruŋini tölöhozei, mi mönö körek andö qeba mosötme. ^{9k}Iŋini uru walŋi aka miaŋgö ahakmeme aŋgöjörakŋambuk mi köteköba mem kömumba malje ewö, keu munenŋi mönö kude eraum mötme.

^{10l}Iŋini uru walŋi köteköba kunbuk letota uru dölökŋi löŋgöta malje. Miwimiwikŋai Toninan nanŋi könani möt teköm waŋgibingöra söpsöp

^j 3.1 Sum 110.1 ^k 3.9 Ef 4.22 ^l 3.10 Jen 1.26; Ef 4.24

alöhi, yanön mönö miaṅgö dop uru dölökni mi letot waṅgiiga toroqeba kölönjaimakza. ¹¹Miaṅgöra nini Juda me kantri tosatṅaṅgö ambazip maljini, mi mönö dop mohot akza. Anutugö aiwesökni silenine yandiget me qahö, mi töndup Anutugö jeje dop mohot akzin. Taon ambazip mötmötninambuk me qandam (bus kanaka) mala nanṅini keuṅine irohowaroho jiba gukmaulem maljei, mi töndup Kraistnön urunine kiniga mohot akzin. Nanini nupnini memakzin me toninaṅgö welenṅini töwaṅi qahö qemakzini, miaṅön yuai korembeṅi akzapmö, ölbölṅi mi Kraist. Yanön kutulaṅgöba körek neṅgoṅgita öṅgöba Kiṅ Kembunini bohonṅi mohot akza.

¹²^mAnutunön möwölöhöm eṅgiiga uru dölökni wuatṅgöba Anutugö wölböt alaurupṅi sarakṅi akze. Miaṅgöra iṅini mönö sutṅine ak kömumba ala ak aṅguba malme. Uruṅini memba et ala tosatṅi guṅböṅjönṅön qakṅe ak eṅgiba lömböt möta mökösoṅda malme. Silik miaṅön mönö malukuṅini aiga kölget geiga mi töp memba malme.

¹³ⁿMönö lolongöba bölöṅaṅgö kitipṅi kude mememö, mönö qaqaṅgim aṅguba malme. Köyan köl aṅgugetka sutṅine keu köpösihit ahuiga kunṅan alaṅi jim waṅgimamgö mötzawi, mi mönö mosöt aṅgume. Kembunön siṅgisöndokṅini saṅgoṅda mosöröhi, iṅini mönö sutṅine mewöṅanök ak aṅgumakṅe. ¹⁴Mewö aka urukalemgö malukuṅini mi kölget geiga miaṅgö qakṅe mönö urukalem aka jöpaköm aṅgugetka qetpuk akṅa. Urukalem miaṅön mönö aködamun tosatṅi pakpaköra jizali, mi köyamgöba mindiriba bohonṅina kinja.

¹⁵Kraistnön iṅini luainön silemohot malmegöra eṅgoholök. Miaṅgöra yaṅgö luaiṅan mönö uruṅine ahöba ölöṅṅaṅgö injup lökuatṅi ak eṅgiiga urubönjönṅön jim möpöseip aka malme.

¹⁶^oKraistköreṅ Buṅa keu miaṅön mönö uruṅine kinda sutṅine gwötputuk asuhum sehima. Mönö mötkutukutu keu pakpak jiba kusum aṅguba qambaṅ qem aṅgumakṅe. Uṅa Töröṅan sölölohöm eṅgimakzawaṅgö dop mönö Buṅa Liṅet Sumbara (Sam), möpömöpösei liṅet (omsa) aka urugö liṅet tosatṅi mi urukönömṅinan Anutu möpöseiba kölakṅe. ¹⁷Ahakmeme mi me mi jitnön me siliknön aka memei, mi pakpak mönö Kembu Jisösgö qetṅe ahakṅe. Mewö aketka Kraistnön nam köl eṅgiiga Iwi Anutu pipsimbawoṅ jim waṅgiba malme. Mewö.

Awanöm, iwinam aka welenqeṅe eṅgöreṅ qambaṅ keu

¹⁸^pAmbi iṅini mönö apurupṅini yaṅgö keu baṅṅe anda malme. Kembugö buṅaya akzeṅgöra mönö mewö aketka dop kölma.

¹⁹^qAzi iṅini mönö anömurupṅini urukalemnön jöpaköm eṅgiba urupik wösökömbuk qakṅe kude ak eṅgiba malme.

^m 3.12-13 Ef 4.2 ⁿ 3.13 Ef 4.32 ^o 3.16-17 Ef 5.19-20 ^p 3.18 Ef 5.22; 1 Pitö 3.1

^q 3.19 Ef 5.25; 1 Pitö 3.7

²⁰ Nahönbörat injini Kembubuk qekötahöba kinda iwinamyahötjini yetkö jitjiri wuatängögetka Kembunöj engehiga dop kölma. Miängöra injini mönö keunjini jimeängö dop pakpak tem köl engebiba malme.

²¹ Iwiurup enjö nahönbörat urupjninan awösamkakakjini mosötpepeköra mönö kude enjum ureim ak engebiba malme.

²² Welenqege injini mönö gölme qakje galömurupjini yengö keunjini pakpak tem köla ahakje. Köj döwoj aketka ambazipnöj engek sorimegöra qahöpmö, gejmoj mosöta Kembugö jitji ongitpinbukö sömbuñini möta urujini nupnöj ala memba malme.

²³ Yuai aka memakjei, urujini mönö miängörej jöhöba kewö mötmörime: Gölme ambaziwök qahöpmö, Kembu nanji mönö welen qeba malje.

²⁴ Kembu Kraist welenji qeba malgetka yañön töwañini Sup mire ali ahözawi, mi mönö enjiiga buñajini akja. Mönö mewö mötmöriba malme. ²⁵ Kunjan nupji mem sohomawi, Anutunöj mewöjanök mem sohosohoñangö likepji melej wangima. Anutunöj tosatji qahö engek soriba tosatji qahö qepureim enjimakzapmö, körek nini dop mohotnöj kewöt nengiba keunini jim teköma.

4 ¹ Galömurup enjörej Kembu ketaji mi Sup mire malja, mi möt kutuzeängöra mönö welenqegeurupjini titit diñdiji aka dop mohot ak engebiba malme. Mewö.

Goro qambañ keu tosatji

² Köuluk nup mönö kapañ köla memba malme. Miängörej mönö uruguliguli mala jim möpöseip aka malme. ³ Möpöseip akjei, miängörej mönö neñgö mohotje kewö köuluköba malme, “Anutu, gi mönö Pol neñakurupji köna mem enjinönga ölop Kraistkö Buña keu tölapji mi jim asarigetka sehima.” Nöñön mönö Buña nup miängöra aka kösö gwarönöj tatzal. ⁴ Nöñön Buña keu Anutugö sihimñangö dop jibi asarimegöra mönö köulukjninan töngum niñgiba malme.

⁵ Ambazip urumelej qahö aka yaigep maljei, i mönö mötkutukutu qakje ak engebiba malme. Urugö nup memingö köna kun ahumawi, nalö mi mönö kude mösöhöba ayuhumemö, ambazip qöhöröjine anda ösoj qambañ köl enjime. ⁶ Keu eraum mötmei, mi mönö nalö dop howeñambuk mindiriba jigetka nahömñambuk ahakja. Jigetka mohot mohot nahömñini ahuiga körek yengöra keu denöwö melej enjime, mi mönö ölop möt yaköba miängö dop jimakje. Mewö.

^r 3.20 Ef 6.1 ^s 3.21 Ef 6.4 ^t 3.22-25 Ef 6.5-8 ^u 3.25 Dut 10.17; Ef 6.9 ^v 4.1 Ef 6.9
^w 4.5 Ef 5.16

Polnōḡ Tikikus Onesimus melaim etkiiga kamahot.

7^xWōlbōt alani Tikikus yaḡōn Kembubuk qekōtahōba kinda nōmbuk nupḡi tōrōrōk memba neḡakni akza. Yaḡōn eḡḡōreḡ kaba denōwō aka malakzali, miangō kōsohotḡi kōrek jii mōtme. 8Denōwō aka memba tata maljini, iḡini mōnō kōsohot mi mōtmegōra melaim waḡḡibiga eḡḡōreḡ kama. Yaḡōn kaba ōlōp urukōlalep ak eḡḡima. 9^yMewōyōk wōlbōt alanini Onesimus Kolosi eḡḡōreḡk kaba Kembugō keuḡi pōndaḡ uatanaḡōba mem yakōmakzawi, nōḡōn i melaiḡiga lilingōba kama. Azi yahōt mietkōn kaba kianaḡōreḡ yuai pakpak denōwō asuhui maljini, miangō kōsohotḡi ōlōp jim tekōyohotka mōtme. Mewō.

Yaizōkzōk keu tetekōḡi

10^zAristarkus nōmbuk kōsō mire tatzawi aka Barnabasḡo numbutḡi Mak yetkōn yaizōkzōkḡiri jiba alohotka eḡḡōreḡ kaza. Makōra lōk keuni kewō jim kutubiga mōtket: Eḡḡōreḡ kaba kaḡḡotma ewō, mōnō ōlōp kōl ōrōba ala ak waḡḡime. 11Josua qetḡi kun Jastus qetzei, yaḡōn mewōyōk yaizōkzōkḡi jiba ali eḡḡōreḡ kaza. Neḡakurupnan nōmbuk Anutugō bemtohoḡaḡō nup memba maljei, yeḡḡō sutḡine azi karōbut mieḡōnōk Juda asia malje. Yeḡḡōn mōnō urukōlalep ak niḡimalḡet.

12^aNanḡine azi Epafras Kraist Jisōs welenḡi qemakzawi, yaḡōn mōnō yaizōkzōkḡi jiba aliga eḡḡōreḡ kaza. Yaḡōn nalō dop eḡḡōra aka kōulukōmakza. Keu pakpak Anutugō jitḡaḡō dop akzawi, iḡini miangōreḡ tōndangōba kin kōhōiba akōdamunḡinambuk aka malmegōra aum-mōrimakza. 13Nōḡōn yaḡō kōnaḡi mōta kewō naḡḡōba jizal: Yaḡōn iḡini baukōm eḡḡimangōra nup gwōtpuk memakza. Mewōyōk Laodisia aka Hierapolis taon yahōt miangōreḡ mōt nariba maljei, yeḡḡōra aka wani awamḡi nup memba aum-mōrimakza. 14^bWōlbōt doktanini Luk aka Demas yetkōn mewōyōk yaizōkzōkḡini jiba alohotka eḡḡōreḡ kaza.

15Nōḡōn yaizōkzōkḡini jiba ohozali, mi mōnō urumelenḡ alaurup Laodisia taonōḡ maljei, yeḡḡōra jiget mōtme. Mewōyōk Nimfa aka yaḡō mire kōnagesō tokomakzei, mōnō yeḡḡōra jiget mōtme. 16Kimbi ki oyoḡ eḡḡigetka mōtket tekōiga miangō andōḡe mi mōnō algetka Laodisia urumelenḡ kōnagesō yeḡḡōreḡ aniga oyoḡme. Laodisia yeḡḡōra kimbi kun ohobiga anōhi, mi alget eḡḡōreḡ kaiga iḡini mi mewōyōk oyoḡme. 17Arkipus azi mi mōnō kewō jigetka mōtma, “Kembunōḡ Buḡa nup memangō jim kutuba kōiputki tariga maljani, ḡōḡōn mōnō mi mōtmōriba kōrek mem tekōman.”

^x 4.7 Apo 20.4; 2 Tim 4.12; Ef 6.21-22 ^y 4.9 Flm 10-12 ^z 4.10 Apo 19.29; 27.2; Flm 24; Apo 12.12, 25; 13.13; 15.37-39 ^a 4.12 Kol 1.7; Flm 23 ^b 4.14 2 Tim 4.10, 11; Flm 24; Flm 2

¹⁸Pol nöḡön yaizözkökni jiba nane börönan qetni kewö ohozal:
Pol. Iḡini mönö kösö gwarö azi ni mötmörim niḡgiba malme. Kalem
möriamnöḡ mönö embuk ahöma. Mewö.

Tesalonaika Kimbi 1

Polnön Tesalonaika yengöra Kimbi mutuknji alök.

Jim-asa-asari

Rom mindimindiri kantrigö prowins qetnji Masedonia miangö siti bohonnji mi Tesalonaika. Polnön misin nup memba liliköba Filipai siti mosöta Tesalonaika kaba nup meiga tosatñan uruñini meleşgetka kusum engii urumeleñ kambu alget. Mi algetmö, tuarenjoñ mi miangöreñök asuhuyök. Polnön Kraistköreñ Buña keu jim asariba uruñini kuñguiga miangöreñ Grik ambazip Juda akeri, yengöreñök gwötpukñan uruñini meleşgetka kambu miangön sehiyök. Miangöra Juda ambazip uruñini qahö meleşda uruñinan böliiga Pol andö qem wangiget. Andö qem wangigerangöra lömböriiga köna jaruba engömosöta Berea taonön anök. Könanğep Korint sitinön maliga nejaknji Timotinön alabaukñi aka Tesalonaika sitiyök kaba denöwö möt narigeri, miangö kösohotñi ali mörök.

Polnön Kimbinji mutuknji Tesalonaika alöhi, mi Kraistkö alaurupñi yengö uruñini nangöba mötnaripñini mem köhöimapköra ohoyök. Kambu möt nariba urukalem ak angumakzei, miangö buzupñi mötagun yengöra Anutu möpöseiza. Nanjak malmal yembuk denöwö aka malöhi, mia ölum engubapüköra mi papianön ohoza. Tesalonaika urumeleñ kambu sutñine keu tosatñi asuhui jigeri, Polnön mi meleşda jim asariba ohoza. Keu tosatñi mi kewö: Kraistnön liliğöba kaiga Suep malmalnön angotpini, miangöreñ tosatñan uruñini meleşda kömupnön ahözei, yengöra mönö denöwö asuhuma? Kraistnön wani nalönön liliğöba kama? Keu mi meleşda kewö jim kutum engiyök, “Iñini Kraist kunbuk kamapkö jörömğöröm aka al mamböta mala miangöreñ mönö nup ölöñji ölöñji mi jeger kinda pöndañ memba malme.”

Buk kiangö bahöñi bohonñi 6 mi kewö:

Keu mutukñi 1.1

Saiwap jiba söngaija möpöseiza 1.2–3.13

Ahakmeme diñdiñi akñegö kuñgum enggiza 4.1–12

Kraistnön kamapkö keuñi kusum enggiza 4.13–5.11

Qambañ keu teteköñi tosatñi 5.12–22

Kimbigö keu kötni bohonñi 5.22–28

1 ¹Pol, Sailas, Timoti neñon Tesalonaika urumelenj könagesö embuk keu eraum mötpingöra kimbi ki ohozin.

Iñini Iwi Anutu aka Kembu Jisös Kraist yetpuk qekötahöba kingetka yetkön mönö kalem möriam enjgiyohotka luainöñ malme.

Mötnarip köl gulizeañgöra söñgaizin.

²Neñon qösösök mötmörim enjgiba körek enjgöra “Anutu pipsaiwap!” jiba möpöseimakzin aka köuluk nup memba miangörenj nalö dop qetjini qerakzin. ³Iñini Jisös Kraist jöpaköba möt narigetka urukalemñan nam köl enjgiiga nupñi köhöiba memakze aka Kembuninan lilingöba kamapkö jörömqöröm aka kapañ köla mambörakze. Neñon mi pakpak Anutu Iwininañgö jemesoholñe ölop mötmörimakzin.

⁴Urumelenj alaurupnini, Anutunöñ jöpaköm enjgiba iñini nanñañgöra kewö möwölöhöm enjgiyöhi, mi mötzin. ⁵Neñon Jisösgö Ölöwak Buñani memba enjgörenj kaba sutjine denöwö aka malini, iñini mi mötze. Neñon Buña mi keu töhönök qahö jiin mötketmö, Uña Töröñan mönö sölölohöm neñgii awösamkakak kinda ösum-mumuñambuk uruñini kuñguba malin. ⁶Mewö malinga iñini köñjilij ketañangö uruñe mala Buña keu möt añgön kölget. Mi añgö kölgetka Uña Töröñan sösonggai enjgiiga Kembu aka neñgö siliknini wuatangöba malje. Mi denöwö asuhuyöhi, neñon mi ölop mötzin. ⁷Mewö andönine kaba mala Masedonia Akaia prowins yahöt miangörenj Jisös möt narizei, körek pakpak yengöra silik ölopñi kondel enjgimakze.

⁸Mi kewö: Iñini Kembugörenj keu möta añgön köla jiba malgetka tosatñan mi añgötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Iñini Anutu möt nariba nupñi megeri, miangö ölnan mönö gölme dop anda kaba sehiiga gwötpukñan uruñini melenget. Mi kilik-kalukñi qahö. Miangöra nini miangö keuñi kun qahö toroqeba jibin.

⁹Nini enjgörenj kainga denöwö asuhuyöhi, miangö kösohotñi mi miri tosatñi yeñon jigetka añgötömual ewö mörakzin. Iñini tandö lopioñ aka bem muneñi andö enjguba Anutu ölbölñi aka malmal Tonji yangörenj melenđa nupñi memba malje. ¹⁰Anutunöñ Nahönñi mem gulii kömupnöhök wahöröhi, iñini yañon Sup mireyök eta asuhumapköra mambörakze. Anutugö irimsesewölñan könangep aukñe asuhuiga Jisösnöñ mönö eta jeñbererenj kanjamñambuk miangörenjök meköm neñgima. Mewö.

^a 1.1 Apo 17.1 ^b 1.6 Apo 17.5-9

Polnōḡ Tesalonaika uruḡe nup denōwō meyōk?

2 ¹O urumeleḡ alaurupnini, nini eḡgōreḡ kaba nup meini, miaḡōn mönō qahō pōmsōm qeyōkmō, ölnḡ ölop asuhuyōk. Nanḡinak mi mewōyōk ölop mötze. ²Qahō pōmsōm qeyōkmō, mutuk Filipai sitinōḡ nup meinga örōm ureim ak neḡgigetka sihimbölō mörini, mi mötze. Sihimbölō mi mötagun eḡgōreḡ kainga tosatḡḡan tuarenḡoḡ köhöikḡi ak neḡgigetmō, mi tōndup Anutunōḡ awōsamkakak neḡḡi kinda Ölöwak Buḡaḡi jim asarim eḡgiba malin.

³Neḡḡō könanini kewō: Urukunḡukunḡu keunini mi isimkakalek qakḡe qahō jimakzin. Naninak janḡuḡ ahinga uruninan tölöhobawak, mewō mi qahō jimakzin. ⁴Mewō qahōpmō, Anutunōḡ Ölöwak Buḡa jim sehibingōra neḡḡeka urunini kewōri dop köliga möt narim neḡḡiba Buḡaḡi neḡḡiyōhi, miaḡḡō dop mönō keuḡi memba jim asarimakzin. Anutunōḡ urunini esapkōba kewōrakza. Miaḡḡōra neḡḡōn yuai pakpak Anutugō jeḡe dop kölbiningōra ahakzin. Mi ambazip sihimḡini wuatḡḡōbingōra aka qahō. ⁵Neḡḡōn nalō kungen ambazip kelewele keu kelōk ak eḡḡibingōra qahō anda kaini, mi mötze. Nini nepaqepalok dogonini esuhuba monēḡ yuai neḡḡimeḡō möndōmōndō keu siḡḡinḡi qahō jiin. Anutunōḡ könaḡamnini mi ölop jim naḡḡōma. ⁶Eḡḡōn me ambazip tosatḡḡan qetbuḡa neḡḡimeḡōra qahō kapḡḡ köla malin.

⁷Kraistkō aposolurupḡi akzinḡḡōra ölop uruḡini kewō kuḡḡubinak, “Iḡini mönō naḡḡōm neḡḡigetka sutḡḡine urugō nup membin.” Mewō jiinga dop kölbawakmō, neḡḡōn eḡḡō sutḡḡine mökōqökōli aka malin. Nahōnbōrat namḡinan juzu eḡḡiba köyan köl eḡḡimakzawi, miaḡḡō dop mönō nanini memba et al aḡḡuba ösōḡ ak eḡḡiba malin. ⁸Neḡḡōn iwinam ewō mökōkōlim ak eḡḡiba malinaḡḡōra Anutugōreḡ Ölöwak Buḡa eḡḡiin aka toroqeba nanine malmalnini mewōyōk köleḡ eḡḡibingō jōjōrōba malin. Iḡini ölnḡa wölböt nahōnbōraturupnini aket.

⁹O urumeleḡ alaurupnini, neḡḡōn eḡḡōra aka nup memba silenini qeba malini, mönō mi mötmörime. Naḡḡōm neḡḡimeḡō lömbötḡḡan eḡḡōreḡōk kungō qakḡe öḡḡōbapukōra suḡḡem asak nanine bōrōninan nup memba Anutugō Ölöwak Buḡaḡi jim asarim eḡḡiba malin. Mi mönō ölum eḡḡubapuk.

¹⁰Jisōs möt narizei, neḡḡōn eḡḡō keuḡini pakpak diḡḡiḡanōk kewōta sarakḡi köpōsihitkō keunini qahō malin. Iḡini mi eka möta naḡḡōba jim naḡḡōmeaḡḡō dop akze. Anutunōḡ mewōyōk mi jim naḡḡōba dangunu ewō kinḡa. ¹¹Iwinōḡ nanḡi nahōnbōraturupḡi ösōḡ ak eḡḡimakzawi, miaḡḡō dop neḡḡōn iḡini mohot mohot ak eḡḡiba malin. Mi mewōḡanōk ölop mötze. ¹²Neḡḡōn urugō naḡḡōnaḡḡō keu jiba urukōlalep ak eḡḡiba

© 2.2 Apo 16.19-24; 17.1-9, 14; Apo 17.5

malin. Anutunöj injini nanje bemtohojñöj angota asakmararaje asarimegöra engoholök. Miañgöra nejñon uruñini kuñguba keu kewö jim tuariba malin, “Ahakmemenini mönö Anutugö jeje dop kölmawangö dop sarak sorokñi aka memba malme.”

¹³ Miañgöra nejñon mewöyök sundan Anutu kewögöra möpöseimakzin: Anutugö Buña keu enjiini, mi gölme ambazipkö keu ewö qahö buña qem angugetmö, ölna Anutugö keu jirkö dowa möta mi angön kölget. Mi möt narigetka miaññon mönö kölönaim enjiiga letorakze. ¹⁴ Juda ambazip Judia prowinsñöj uruñini melengetka Juda tosatñan angösirip ak enjigetka sihimbölö mötket. Yeññon mi möta töndup Kraist Jisösbuk qekötahöba kinda Anutugö urumelej könagesöñi aket. Urumelej alaurupnini, engö sutñine mönö mewöñanök asuhuyök: Nanñini Grik ambazipñöj Juda yeñgö tandök ewö ak enjigetka injini sihimbölö örörön möta Anutugö könagesöñi aket.

¹⁵ ^d Juda yeññon kezapqetok ambazip enjuget kömugetka Kembu Jisös mewöyök qegetka kömui nini sesewerowero ak neñgiba malget. Yeññon Anutugö jeje qahö dop köla ambazip pakpak kerök ak neñgimakze. ¹⁶ Neññon kian kantri enñon uruñini melenja letotmegöra Buña jibinbukö angön köl neñgimakze. Mewö siñgisöndok sundan aka qerakögetka qakñine öngömakza. Siñgisöndokñini qerakögetka dopñi Anutugö jeje kokolak qeiga irimsesewölñi toroqeba angön kölmamgö osiba nalö kewöñe kondeli qakñine lök öngöza. Mewö.

Polnöj Tesalonaika kunbuk anmamgö mörök.

¹⁷ O urumelej alaurupnini, nejñon nalö kewöñe nalö töröpñi denja maljin. Sileninan denja maljinmö, uruninan jöhöba mohotje maljin. Miañgöra engö jesöñgöroröñini ekingöra mönö kapañ köla awöwengöba maljin. ¹⁸ Miañgöra engöreñ kabingö möta malin. Pol nöññon sömañ mohot-töp qahöpmö, indimñi yahöt kamamgö esapköyalmö, Satanöñ jöhöm neñgiiga osiin. ¹⁹ Injini nanine ila jalö soroknini ewö kinje. Kembunini Jisösnöñ lilingöba kaiga yangö jemesoholje angota kinbini, miañgöreñ engeka “Urugö nup önewat qahö memba malin,” mewö jibingö mötzin. Neññon keu mi injini aka tosatñi yeñgöra aka awamñanök jibingö jörömqöröm akzin. Miañgöra engöra önöñi qahö söñgaiba silenini memba öngömakzin. ²⁰ Neññon engöra aka qetbuña miwikñaininga sösongai ak neñgimakze. Mewö.

Timoti melaiyohotka Tesalonaika anök.

3 ^{1e} Injini denöwö aka maljei, mi mötpingö mötkurumkurum ketanji ak bibihiba toroqeba öne malbingö osiin. Miañgöra nanirök

^d 2.15 Apo 9.23, 29; 13.45, 50; 14.2, 5, 19; 17.5, 13; 18.12 ^e 3.1 Apo 17.15

Atens sitinöŋ malbitkö keu jöhöba ²alaniri Timoti melaiziga engörej kayök. Yaŋön Anutugö nup memba netpuk Kraistkö Ölöwak Buŋa jim sehimakza. Yaŋön uru naŋgönaŋgö keu engiba mötnaripŋini mem köhöimapköra kayök. ³Anutunöŋ areŋnini jim teköiga tosatŋan angösirip ak engimakze, mi nanŋinak ölöp mötze. Engöreŋök kunŋan köŋjiliŋ uruŋe koŋgwarak aka löwöribapuköra jiinga kayök.

⁴Neŋön Tesalonaika embuk mala nalö miangörej engöra qeljiŋe keu kewö jiin, “Kembugö jitsihitŋi tem kölinga ambazipnöŋ sesewerowo ak neŋgigetka wahöjalŋ miwikŋaibin.” Mewö jiinga miangö dop öŋa asuhuyöhi, mi ölöp mötze. ⁵Mewö asuhuiga esapesap Toŋan esapköm engii löwöriba etiketa nupninaŋgö öŋan eta pömsöm qebapuk. Miangöra denöwö möt nariba maljei, mi mötŋingö mötkurumkurum ketaŋi ahin lömbörüi kunbuk öne malmangö osiba Timoti melaibiga qesiba mötmangöra kayök. Mewö.

Timotinöŋ kösohotŋini ali möt ölöwahin.

⁶Mötkurumkurum aka malinmö, Timotinöŋ anda engömosöta liliŋgöba kaba buŋaŋini ölöŋŋi memba kaba kewö jiyök: Iŋini Kembu ölöp möt nariba urukalem ak aŋgumakze aka nalö dop neŋgöra mötmöriba ölöwahakze. Neŋön engেকেingö sihimŋi möringa eŋön mewöyök nini neŋেকেingö kapaŋ kölakze.

⁷O urumelen alaurupnini, neŋön sesewerowo köŋjiliŋ könaŋi könaŋi möringa nalö miangörej kaba möt narizeaŋgö kösohotŋi ölöŋŋi jii mötziga keu miangön mönö öŋa urukölalep ak neŋgiyök. Miangöra nalö kewöŋe engöra aka amqeba luainöŋ ölöwaka maljin. ⁸Iŋini Kembubuk qekötahöba böŋ qeba kinmeaŋgöra neŋön mönö öŋa köhöiba maljin. ⁹Engöra aka Anutugö jemesoholŋe önöŋi qahö söŋgaimakzini, söŋgai pakpak miangöra mönö denöwö Anutu möpöseiba saiwap jiinga dopŋe akawak?

¹⁰Neŋön suŋgem asak urunini qezaköba kapaŋ köla kewö köulukömakzin, ‘Anutu, mönö bauköm neŋginöŋga Tesalonaika anda jesöŋgöronŋini eka mutulaŋgöba mötnaripŋinaŋgö yuaigöra osizei, mönö mi engibin. Keu mi öŋa.’

¹¹Mewö köuluköingä Anutu Iwinini nanŋi aka Kembunini Jisös yetkөн mönö köna mesat neŋgiyohotka ölöp engöreŋ kabin. ¹²Toroqeba kewö köulukömakzin, ‘Nini urukalem önöŋi qahö ak engimakzini, Kembu göŋön mönö urukalemgi toroqeba kondel enginöŋga sutŋine sehiiga kondel aŋgumakŋe aka ambazip pakpak kondel engimakŋe. ¹³Kembu, göŋön mönö uruŋini mem köhöimakŋan. Kembunini Jisös göŋön könaŋgep könaŋesögi sarakŋi pakpak yembuk kunbuk kamani, nalö

^f 3.6 Apo 18.5

miaŋgörey Tesalonaika yeñon sarakŋi köpösihitkö keuŋi qahö Iwinini Anutugö jeñe kinme.’ Mewö köulukömakzin.

Ahakmeme solanŋi urukalemŋambuk mi dop kölma.

4 ¹Urumeleŋ alaurupnini, keu kun kewö: Ahakmemeŋini Anutugö jeñe aket dop kölmawaŋgö könanŋi kusum enŋiinga mi lök köl guliba wuatangömakzemö, mi toroqeba gwötpuk ahakŋegöra uruŋini kuŋguzin. Neñon qambaŋ keu mi Kembu Jisösgö qetŋe enŋizin. ²Neñon Kembu Jisösgö kukösum qakŋe kinda jöjöpaŋ keuŋi jim kutum enŋiini, iñini keu mohot mohot mi lök möt teköze.

³Anutunöŋ enŋöra jitsihitŋi kewö mötza: Iñini mönö sero yoŋgorö andö qeba sarakŋi aka tök-kutukutuŋi aka malme. ⁴Anutugörey köna diŋdiŋi mi mönö kewö möt kutume: Uru sileŋinaŋgö sihim kömbönaŋini galöm köla sarakŋi (mala nanŋini anöŋŋini nanŋik nanŋik memba) malgetka aködamunŋambuk akŋa. ⁵Urumeleŋgö kopa yeñon Anutugö könanŋi qahö möt kutuba uruŋini könöp jeiga ambi laŋ memakze. Miaŋgö dop kude aka malme.

⁶Mewö qahöpmö, ambi aŋŋan kungen aniga kunöŋ ölöŋ kaba ambi kude saitköma. Kunöŋ bölöŋi mewöŋi ahiga uruŋiran kömbuhibapuk. Mutuk qambaŋ keu mi jiba galöm mem enŋiini, miaŋgö dop kunöŋ ambi mem böliiga Kembunöŋ siŋgisöndokŋi pakpakö likepŋi meleŋ waŋgima. ⁷Anutunöŋ nini qewöloŋ malbingöra qahöpmö, malmal sarakŋi malbingöra neŋgoholök. ⁸Miaŋgöra jöjöpaŋ keu mi mosötmawaŋön mönö gölme ambaziwa qahöpmö, Anutu nanŋa andö qema. Anutu Uŋaŋi Töröŋi enŋimakzawi, ia mönö andö qebepuk.

⁹Sutŋine jöpaköm aŋgumakzei, miaŋgö könanŋi Anutunöŋ kusum enŋii nanŋinak lök möta malje. Miaŋgöra neñon urukalem ak aŋgubingö keuŋi kunbuk ohom enŋibingö qahö osizin. ¹⁰Masedonia prowins uruŋe urumeleŋ alaurup pakpak uruŋinan jöpaköm enŋiba maljemö, urumeleŋ alaurupni, mi mönö toroqeba gwötpuk ahakŋegöra uruŋini kuŋguzin. ¹¹Mönö ösöŋ mala nanŋini malmal nanŋönaŋgöŋini galöm köla böröŋinan nup memba malme. Mewö aka aködamunŋinambuk akingö kapaŋ köla kinme. Mutuk mewö jim kutum enŋiinga miaŋgö dop mönö aka memba malme.

¹²Mewö aketka uruŋini qahö meleŋda yaigep kinjei, yeñon ahakmemeŋini solanŋi ek yaköba göda qem enŋiba malme. Injarere laŋ mala nene yuaigö uleta kungö qakŋe kude malme. Mewö.

Kembugö kaka nalöŋe kewö asuhuma:

¹³Urumeleŋ alaurupnini! “Tosatŋan uruŋini meleŋda kömumba ahözei, yeŋgöra denöwö asuhubawak?” Iñini keu mewö jiba miaŋgöra gukmaulem malbepuk. Ambazip uruŋini qahö meleŋda jörömqöröm qahö

maljei, yejñon kòmukòmuni yejgöra aka wösöbirik maljemö, eñon i ewö wösöbirik malbepuköra keu kewö jibin: ¹⁴Jisösnöj kómumba wahöröhi, nini keu mi möt nariba kewö jizin: Anutunöj Jisös mem guliyök. Miañgöra ambazip yambuk kómumba nöj qegeri, Anutunöj mönö i mewöyök mem guliba Jisösbuk mohotje enguañgiri aukje asuhume. Keu likepñi möt narizin ewö, likepñi kun mi mewöyök möt nariinga dop kölma.

¹⁵⁠Kembunöj keu kusum neñgiiga neñon yañgö jitñi mi eñgöra kewö jibin: Tosatñi neñon qahö kómumba toroqeba silebuk malinga Kembunöj lilingöba kamawi, nini nalö miañgöreñ mutuk qahö öñgöbin. Nini ambazip kòmukòmuni qahö eñgongitpin. Qahö. ¹⁶Miañgö areñi kewö: Anutunöj tömunji qainñi kun uiga ötöñi asuhuiga Suep garata bohonñan jimkutukutuñi qeriga ambazipnöj kourukñiri mötketka Kembunöj nanñak Suepnöhök etma. Kraistnöj eriga i möt narim wañgiba kómugeri, yejñon mönö mutuk kómupnöhök wahötme.

¹⁷Yeñon mutuk wahötketkun nini qahö kómumba jebuk malbini, Anutunöj mönö neñguañgiri könakemba öñgöbin. Wahötkeri yembuk öröröñ kousunöj öñgöba Kembubuk aitongöba yambuk Suep mire sundan dop malbin. ¹⁸Miañgöra keu mewöñi jiba miañon mönö uruñini nañgöm añguba malme. Mewö.

Kembunöj kamapköra mönö jöjöröba malme.

5 ¹O urumeleñ alaurupnini, Kraistnöj lilingöba kamapmö, wani yambunöj aka wani nalönöñ asuhumawi, nini miañgö keuñi ohom eñgibingöra qahö osizin. ²⁠Iñini nanñinak keu mi ölöpñanök kewö möt kömuze: Yoñgorö memenöj suñgem ölöñ kañgorakzawi, Kembugö kaka nalöñan mönö miañgö dop wölañ kam kuñguma.

³Ambazipnöj kewö jime, “Merak luai qem neñgii siyoñsayoñi qahö maljin.” Mewö jigetka miañgöreñök köndeñmöndeñ asuhuba qakñine öñgöma. Ambinöj morö memamgö masöñi qei mörakzawi, mönö miañgö dop asuhuiga misingöba anbingö osime. ⁴Yeñon osimemö, urumeleñ alaurupnini, eñon pandaman uruñe jipjap qahö maljeañgöra nalö miañon mönö sañgabañga yoñgorö meme ewö eñgö qakñine öñgömapkö osima. ⁵Körek eñon mönö asakñañgö ambaziwa akze aka yuai pakpak aukje akingö ak eñgimakza. Nini söñaupkö ambaziwa qahö akzin aka ömukñañgö yuaiñi tököba sisit memakzin.

⁶Miañgöra tosatñi i ewö uruninan gaun ahöbapuk. Mewö qahöpmö, nanini galöm köl añguba uruguliguli malbin. ⁷Gaun ahözei, yeñon suñgem gaun ahömakze. Ambazip o köhöikñi nemba eñololoñ ahakzei, yeñon mönö söñaupnöj mewö aka malje.

⁠ 4.15-17 1 Kor 15.51-52 ^h 5.2 Mat 24.43; Luk 12.39; 2 Pitö 3.10

⁸ Söŋaup uruŋe mewö ahakzemö, asakŋaŋgö ambazip neŋön mönö nanini galöm köl aŋgumakin. Wahöjambanini mönö opo maluku ewö kewö löŋgöta kinbin: Neŋön mötnarip aka urukalem köl guliba mewö miaŋön töptöpnine göwaŋgöwaŋ kepölaköba (suman ewö köla) sel jöhöm aŋguba kinbin aka Suep mire öŋgöbingö mamböta jörömqöröm aka mewö miaŋön nööröpnini ain irikmarik ewö esuhuba turubin.[†]

⁹ Anutunöŋ nini et neŋgui irimsesewölŋi mötpingöra qahö jim teköyökmö, Kembunini Jisös Kraistnöŋ mem letot neŋgii oyaekoyaeŋ buŋa qem aŋgubingöra jim teköiga maljin. ¹⁰ Jisösnöŋ neŋgöra aka kömuyöhaŋgöra malmalnini gölmenöŋ malbini me kömumba nöŋ qeba ahöbini, mi mönö Jisösbuk köhöiba malbin. ¹¹ Miaŋgöra uru naŋgönangö aka möhamgöm aŋguba köhököhöi miwikŋaiba mutulaŋgömakzei, mi mönö toroqeba memba malme. Mewö.

Qambaŋ aka goro keu qöndökŋi

¹² Urumeleŋ alaurupnini, neŋön kewö jim kutum eŋgizin: Galömjinan Kembubuk qekötahöba kinda sutŋine nup memba qambaŋ eŋgimakzei, i mönö göda qem eŋgiba malme. ¹³ Göda qem eŋgiba nupŋini memakzeangöra mönö öŋa jöpaköm eŋgiba yeŋgöra mötket öŋgöma. Könagesö sutŋine mönö luai qem aŋguba malme.

¹⁴ Urumeleŋ alaurup, neŋön urukungukungu keu tosatŋi kewö eŋgizin: Tosatŋan nanŋini imbi-imbi wuatangöba injarere laŋ maljei, mi mönö jim eŋgiba galöm meme keu eŋgime. Zirizirizir ambazip yeŋgöra mönö uru naŋgönangö keu jigetka köhöiba awösamkakak akŋe. Ambazip uruŋini löwöriiga maljei, i mönö köyan köl eŋgime. Urukönöp kude akŋemö, ambazip pakpak mönö urubönjöŋ qakŋe ak eŋgime. ¹⁵ Jinöŋ jibi, nuŋgunöŋ guhubi me aknöŋ aki mi kunŋan kude akŋa. Soŋgo mi walöŋbepuköra mönö galöm mem aŋguba malme. Nalö dop yuai ölöŋŋi ölöŋŋi mi kapaŋ köla ak aŋgumakŋe aka ambazip tosatŋi pakpak ak eŋgiba malme.

¹⁶ Mönö nalö dop sösoŋgai aka malme. ¹⁷ Sundan dop Anutu köuluköba malme. ¹⁸ Mewö me mewö asuhumawi, miaŋgöreŋ mönö Anutu möpöseiba malme. Kraist Jisösbuk qekötahöba kinjei, Anutunöŋ eŋgöra jitsihitŋi mewö mörakza.

¹⁹ Uŋa Töröŋangö bölamŋi mönö kude qömbököme. ²⁰ Anutugöreŋ kezapqetok keu jimakzei, miaŋgö jijiwilitŋi mönö kude akŋe. ²¹ Keu

[†] 5.8 Ais 59.17; Ef 6.13-17 [†] 5.8 Ömewöröme yeŋön sölölohöm neŋgimegöra yuai bölöŋi bölöŋi mi liŋgip kesarek ewö gila neŋgöra mulahakzemö, miaŋgö jitŋi mi ölöp Jisös möt nariba urukalem kondela kinda likeplikep suman ewö közamböt aŋguba közangömakin. Mötmötninan siksauk aiga jaŋjuŋ anbinpuköra ölöp Anutubuk ösupköinga kalem möriamŋan nööröpnini irikmarik ewö sel jöhöm neŋgiiga amöriiga Suepkö könaŋi wuatangömakin.

pakpak mönö kewöta esapköme. Esapkögetka keu ölöpji asuhumawi, mi mönö angön köla malme. ²²Keu aka ahakmeme bölöñi könani könani mi mönö andö qeba malme.

²³Nöñön engöra kewö köulukömakzal, ‘Luaiğö bemñi Anutu, gi nangak mönö lökñanök tök kutum enginöñga sarakñi aka malme. Göñön mönö uruñini, uñani aka sileñini mi lökñanök sel jöhöm enginöñga köpösihitkö keuñi qahö aka malme. Mewö nalö dop malgetka Kembunini Jisös Kraistnöñ liliñgöba kaba mewö miwikñaim engima. Keu mi ölna.’ ²⁴Engoholjawi, yañön keuñi pöndañ wuatangömakza. Miangöra mönö köuluk miangö dop ak engim teköma.

²⁵Urumeleñ alaurupnini, eñön mönö nengöra aka Anutu köuluköba malme.

²⁶Urumeleñ alaurup pakpak sutñine mönö angum anguba numbuñini yöhötüm namba malme.

²⁷Nöñön Kembangö qetçe jim kutum engiba jöjöpañ keunöñ jöhöba kewö ohozal: Kimbi ki mönö urumeleñ alaurup pakpak yengöra algetka oyoy engigetka mötme.

²⁸Kembunini Jisös Kraistkö kalem möriamñan mönö embuk ahöma. Mewö.

Tesalonaika Kimbi 2

Polnön Tesalonaika yengöra Kimbi aliga 2 ahök.

Jim-asa-asari

Tesalonaika urumelej kambu uruje Kraist kamapköra mambötketka tosatjan “Lök kayök,” jigetka tosatjan “Keu mi muneja,” mewö laqlaq jiba siksauk aka malget. Tosatjan “Kembugö kaka nalöjan lök kam kuŋguyök,” jiba möt nariget. Miangöra “Polnön Kimbi Tesalonaika aliga 2 ahök,” buk mi ohoba keu mi jim tuariyök. Polnön keu muneji mi mindiŋgöba könanji kewö indelök: Kraistkö kaka nalöjan dopdowimawi, nalö miangörej ambazip ahakmemerinan gongiba bölima. Mewö bölüiga azi tandökji kun qetji Iwilele Toŋi yaŋön asuhuba mutuk tölapje mala könanjep Kraist aukje tuarenjon ak wangiba ambazip kantri dop galöm köl engima.

Tosatjan Tesalonaika urumelej kambu kahasililij mem engigetka sihimbölö möta malget. Miangöra aposol Polnön keu bohonji tosatji kewö jim tuarim engiyök, “Injini mönö kapaŋ köla köhöiba Kembubuk qekötahöba kinda möt nariba malme.” Keu kötji kun kewö jim tuariyök, “Nöŋön nejakurupni yembuk malmalnini nanŋöm angubingöra nup memba malini, injini mönö miangö dop injarere malmal mosöta nanjini nene yaka miwikŋaiba mi memba malme aka nup ölöŋji ölöŋji kapaŋ köla jegep kinda memba malme.”

Buk kiangö bahöŋi bohonji 5 mi kewö:

Keu mutukji *1.1-2*

Uruölöwak ak engiba söŋgaiba möpöseiza *1.3-12*

Kraistnön kamapkö keunji kusum engiza *2.1-17*

Ahakmeme diŋdiŋi akjegöra kuŋgum engiza *3.1-15*

Kimbi aliga keu kötji bohonji *3.16-18*

1 ¹Pol, Sailas aka Timoti nejnön Tesalonaika urumelenj könagesö embuk keu eraum mötpingöra kimbi ohozin. Enjön Iwinini Anutu aka Kembu Jisös Kraist yetpuk qekötahöba kinje.

²Iwi Anutu aka Kembu Jisös Kraist yetkön mönö kalem möriam enjgiyohotka luainönj malme. Mewö.

Sihimbölö mötagun mönö oyaenjkoyaenj aka malbin.

³Urumelenj alaurupnini, enjö mötnaripninan gwötpuk köhöiiga körek pakpak urukalem ak anjumakzei, silik mianjön mohot mohot enjö urunine sehimakza. Mianjöra nejnön enjöra nalö dop “Anutu saiwap!” jiba möpöseim wangimakzini, mi ölpnjanök dop kölja. Buña keu köl guligeranjöra saiwap jimakzini, mi mönö nupnina. ⁴Sesewerowo anjösirip könani könani ak enjigetka mörakzei, mi pakpak kapañ köla mökösoñda böñ qeba kingetka mötnaripninan qahö sörauba löwöriza. Naninak mewöyök mianjö kösohotñi mi Anutugö könagesöñi könagesöñi yengö jeñine jiba enjöra aka silenini möpöseimakzin.

⁵Anutunönj keu diñdiñanök kewöta jim tekömakzawi, anjösirip mötmötñinan mönö mianjö aiwesökñi akza. Anutugö bemtohoñ uruje kanjuta maljeanjöra sihimbölö mötketka engehiga Sup mire öngömeanjö dop sarak sorokñi aknejöra kapañ kölakza. Mianjöra köñjilij qahö anjön köliga nalö kewöñe qakñine öngömakza. ⁶Anutunönj diñdiñi akzawangöra kinda kahasililij ak enjimakzei, i mönö kahasililij miyöhök melejñiga qakñine öngöma.

⁷Qakñine öngömapi, kahasililij möta maljei, enjön mönö oyaenjkoyaenj akñe. Kembu Jisösnönj garataurupñi kukösumñinambuk enjgungita yembuk Suepnöhök eta asuhumei, nalö mianjörej mönö nembuk mohotñe luhut meme. ⁸Jisösnönj könöp bölam uruje etma. Mewö eta ambazip Anutu qahö möt wangiba Kembunini Jisösgö Ölöwak Buñani qahö tem kölakzei, i mönö likepñi melej enjiiga sihimbölö kewö möta malme: ⁹^bKembunönj mönö “Yapmakek!” jiba jemesoholñeyök közöl enjiiga Anutugö kukösumñi asakmararajambukñönj qahö öngömemö, yaigepñe mala könöp siagö sihimbölönj tetekönj qahö möta malme.

¹⁰Kembunönj lilingöba kamawi, nalö mianjörej kambu-urupñi sarakñi nejnön mönö yangö asakmararaji eka mianjö dop letota “Owe, Jisös Kembunini owe!” jibin. Möt narim wangii, körek nejnön mewö welipköinga ambazip omanan neñgeka Yei! jiba auruba kinme. Nejnön Jisösgö könani nanjgöba jiinga enjön mewöyök mi möt nariba urunini melejgeranjöra mönö letota jihilalomñinambuk asariba nembuk mohotñe kinme.

¹¹Mewö asuhumapköra nejnön nalö dop enjöra kewö köulukömakzin, “Anutunini, nangak enjgohola mianjö dop mönö nam köl enjinöñga

^a 1.1 Apo 17.1 ^b 1.9 Ais 2.10

sarak sorokŋi aka malme. Mönö kukösumgi ala inahöm enginöŋga yuai ölopŋi pakpak aka membingö sihimŋini körek asuhum teköma. Mewö mötnaripkö nupŋini megetka ölni körek asuhuma.”¹² Mewö köuluköinga Kembunini Jisös möpöseigetka qetŋan engöra aka sutŋine aködamunŋambuk akŋa. Nanine Anutu aka Kembu Jisös Kraist yetkөн kalem möriam engiyohot maljeaŋgö dop mönö nanŋinak mewöyök aködamunŋinambuk akŋe. Mewö.

Kembunöŋ kamamgö aiga Iwilele Toŋan asuhuma.

2 ¹Urumeleŋ alaurupnini, Kembunini Jisös Kraistnöŋ lilingöba kaba neŋguaŋgiriga yaŋgöreŋ eu tokobini, iŋini keu mi mötzemö, neŋön kewö qesiba qambaŋ eŋgizin:

²Kembugö kaka nalöŋan lök kam kuŋguzawaŋgö tandök tötbörömŋinan mönö miangöreŋök kaiga siksauk möta tatpepuk. Keu mi denöwö asuhuyök? Uŋa kunöŋ azi kun alburup qeiga imutimut eka kezapqetok keu jim siŋgiyök me kunöŋ “Uruŋini kuŋgumam,” jiba keu jim siŋgiiga asuhuyök? Tosatŋan kewö jibepuk, “Pol alaurup yeŋön keu mi kimbinöŋ ohoba alget kayök.” Keu omaŋi miangöra mönö öne töhöŋ töwöratiba jönömŋini undui malbepuk.

³Kuŋŋan kun mewö me mewö tilipköm eŋgibapuköra mönö galömŋini mem aŋguba malme. Mi kewögöra: Mutuk aiwesök yahöt kewö asuhuyohotka Kembunöŋ miangö andöŋe kama: Ambazip keleŋmaleleŋ yeŋön Kembu iwilele aka andö qeme aka Iwilele Toŋan nanŋak mewöyök aukŋe asuhuma. Anutunöŋ i jim teköiga könöp sianöŋ gema. Aiwesök yahöt mi mutuk asuhuyohotka miangö andöŋe nalö ketaŋan kama.

⁴Tuarenjoŋ Toŋi yaŋön jakbak-öraŋböraŋ aka nanŋi sileŋi mem öŋgöm teköma. Ambazipnöŋ yuaigö waikŋi memba möpöseimakzei me qetŋi bem qetzei, yaŋön mönö mi pakpak eŋgongita sileŋi memba öŋgöba malma. Mewö mala Anutugö jöwöwöl jikenöŋ öŋgöba jakömbuak dumŋi ala “Anutu akzal,” jiba kantri pakpak galöm köl neŋgiba malma.

⁵Nöŋön Tesalonaika embuk malali, nalö miangöreŋ keu mi lök jibi mötket. Iŋini mi ölum eŋgubapuk. ⁶Iwilele Toŋan zilaŋzilaŋ asuhumapkö osima. Wani yuainöŋ könaŋi aŋgön kölakzawi, eŋön mi nalö kewöŋe mötze. Nalöŋi törörök kam kuŋgumawi, miangöreŋök mönö asuhuma.

⁷Nalö kewöŋe Iwilele Toŋaŋgö ösumŋi tölapŋan lök asuhuba ambazip sölölohöm eŋgimakza. Aukŋe asuhubapukö könaŋi aŋgön köljawaŋön mi mosöri köna ahumapköra mamböta malja. ⁸⁻⁹Mamböri könaŋi asuhiiga miangöreŋök mönö amqeba asuhuma. Satanöŋ Iwilele Toŋi sölölohöba nam köl waŋgii aŋgöletot muneŋi aka aiwesök kimbi könaŋi könaŋi meiga eka malme. Mi eka malmemö, Kembu Jisösnöŋ

^c 2.1 1 Tes 4.15-17 ^d 2.4 Dan 11.36; Eze 28.2, 8; Ais 11.4, 9; Mat 24.24

asakmararajambuk asuhuba auyohotka i numbu ösumjan qeba yaijapalelej mem wanjgima.

¹⁰Ambazip Anutunöj amöt qem engimapköra tököba keu ölni buja qem angubingö qahö ak engiiga laj mala könöp sianöj gemei, yejön Iwilele Tonangö angöletotji eketka kölgorom könaji könaji engiiga janjuj ahakje. ¹¹Miangöra Anutunöj mötmöt janjuj kawikjambuk ali asuhuiga ambazipnöj mi kukösumjinambuk jim sehigetka sesegilgil yejön keu kelökji gwahöta muneni möt narime. ¹²Könañamñinan aukje asuhumapköra Anutunöj janjuj al engii qaköme. Ambazip keu ölni qahö möt nariba urusihimñini ahakmeme gongonje ala qakögeri, Anutunöj mönö körek yejgö keujini jim teköiga könöp sianöj geme. Mewö.

Keu ölni tem köla kapañ köla köhöiba kinme.

¹³Yejgöreñ mewö asuhumapmö, Kembugö wölböt alaurup, engöra mönö nalö dop “Anutu saiwap!” jiba möpöseininga dop kölja. Mi nupnina. Anutunöj injini könakönahijejök Suepkö bujaya aka letotmegöra möwölöhöm engiyök. Miangö dop keu ölni möt narigetka Uja Töröñan mem sarahim engiiga malje. ¹⁴Mewö malmegöra Ölöwak Buja al nengii jim asariinga miangön injini engoholök. Mewö toroqeba mala Kembunini Jisös Kraistkö asakmararajnöj öngöba aködamunjinambuk akje.

¹⁵Miangöra urumelej alaurup, kongwarak mönö kude aka malme. Nejön keu kusum engiba jitninan jiin me kimbinöj ohoinga mötkeri, keu kötji mi mönö qekötahöba wuatangöba malme. Mewö.

¹⁶Kembunini Jisös Kraist nanjak aka Anutu Iwinini yetkön jöpaköm nengiba kalem möriam qakje oyaenkoyaen akingö jörömqörömñi nengiyohotka miangöra mamböta urukölalep teteköji qahö möta maljin. ¹⁷Yetkön mönö urujini nangöba nup ölöpnji pakpak memba keu ölöpnji pakpak jiba malmei, miangöreñ mönö mem köhöim engiiga malme. Mewö.

Ölöp nengöra köuluköba malme.

3 ¹Keu teteköji kun ki: Kembugö keujan sehiba engö sutjine aködamunjabuk ahöhi, miangö dop mönö zilañ miri tosatje mewöñanök anda jim sehiinga öljambuk ahuba anma. Miangöra urumelej alaurup, eñön mönö nengöra aka Anutu köuluköba malme. ²Ambazip sesegilgiljan Anutu qahö möt narimakze. Miangöra misimkaulup ambazip gongonji aka bölöñi meme yejön kahasililij ak nengibepüköra mönö Anutugö köuluköba malgetka sel jöhöm nengima.

³Sesegilgil yejön bölizemö, Kembu keuji pöndañ wuatangömakzawañön mönö mem köhöim engiba bölöneyök sel jöhöm engima. ⁴Keu jim kutum engiini, eñön mi nalö kewöñe aka könangep tem köla malmei, mi möta uruyahötji qahö akzin. Nejön Kembubuk qekötahöba kinda mewö mötzin.

⁵Kembunöj mönö uruñini möñgaiba Anutubuk jöhöiga urukalemñi möt yaköba Kraist ewö kapañ köla mökösoñda malme. Mewö.

Injarere malbinbukö galöm meme keu

⁶Urumeleñ alaurup, iñini nanñini imbi-imbi wuatangöba lañlañ malbepuköra kusum engiñmö, tosatñan keu bapñe qahö anda önewat lañ malje. Miangöra nini Kembu Jisös Kraistkö qetñe kewö jim kutum engizini: Iñini mönö urumeleñ alaurup mewöñji pakpak mi engömosöta misingöba tikep malme. ⁷Neñön engö sutñine nanini imbi-imbi lañ qahöpmö, keu bapñe malin. Miangöra neñgö köna lasupnini wuatangömegö könañji mi nanñinak ölop mötze. ⁸Nini injarere qahö malin aka engöreñök kungö nene yuai mi öne qahö nempa malin. Qahö! Nangöm neñgimegö lömbötñan engöreñök kungö qakñe öngöbapuköra mönö sun gem asak nup sundansundan memba silenini qeba malin.

⁹Anutunöñ nupñi membängö kukösumñi neñgii maljinañgöra ölop nangöm neñgimegö keunöñ uruñini kuñgum engibinakmö, neñgö köna lasupnini wuatangömegö silik ölopñi kondel engibängö mötzn. ¹⁰Embuk malini, nalö miangöreñ lök kewö jim kutum engiñ: Nup memangö töközawañön mönö nene mewöyök kude nema.

¹¹Engö sutñine tosatñan keu bapñe qahö anda nanñini imbi-imbi wuatangöba lañ malje. Yeñön nup öñji qahö memakzemö, nup meme tandöktandök öne lañ memba inöñ wainöñ möndöba tosatñi yeñgöreñ yuai mem sohoba qewöloñ silekmalek lañ malakze. Engöreñ keu kun mi mewö kaiga mörin. ¹²Neñön ambazip mewöñji mi Kembu Jisös Kraistkö qetñe jim kutuba uruñini kewö kuñgum engizini: Iñini mönö an qekötahöm kam qekötahöm mosöta zeñ mala nup megetka öñji asuhuiğa nanñini nene yakanñini nempa malme.

¹³O urumeleñ alaurupnini, eñön nup ölopñi ölopñi memba miangöreñ mönö tañqañ kude akñe. ¹⁴Neñön kimbi ki ohoba jim kutum engizini, kunñan mi qahö tem kölma ewö, iñini mönö uruñi meleñmapköra gamu qem wañgiba ehöröñ köla yambuk keukeu jiba köisirik kude tata malme. ¹⁵Mewö mala kerök qahöpmö, ala ewö ak wañgiba qambañ köl wañgiba malme. Mewö.

Köuluk aka yaizözkök keu teteköñji

¹⁶Kembu luai Toñan nanñak mönö nalö dop ahakmeme pakpak miangöreñ luai qem engiğa böñjön malme. Kembunöñ mönö körek embuk malma.

¹⁷Pol nanak yaizözkökni nani börönan ohozal. Kimbi pakpak ohomakzali, miangöreñ nani yaizözkök qet kimbi ki nanak alakzal. Qetni kewö ohozal: Pol^e

¹⁸Kembunini Jisös Kraistkö kalem möriamñan mönö körek embuk ahöma. Mewö.

^e 3.17 Mutuk kunöñ tilipköba Polgö qetñe kimbi kun aliga uru siksauk asuhuyök. Miangöra nanñe böröñan qetñi ohoyök.

Timotigö Kimbi 1

Polnön Timotigöra Kimbi mutukñi alök.

Jim-asa-asari

Timoti sepguli azi yaŋgö namñi Juda ambi aka iwiñi Grik azi. Yaŋön Eisia prowinsnön mala uruñi meleñda Kraistkö alañi aka malök. Mewö mala Polgö neñakñi aka bauköm waŋgiiga mohotñe liliköba misin nup memba malohot. Polnön lömbötnön memba et al waŋgibapuköra waimañjat keu bohonñi karöbut mötmöriba Buña Kimbi ki ohoyök.

Waimañjat bohonñi ketañi mi böhi takapulakañi. Tosatñan zioz uruñe kinda keu gongonji kusum sohom engiba malgeri, Polnön yengöra aka galöm meme keu köhöikñi ohoyök. Böhi mienñon Juda yengören mötmöt aka gölmegö mötmöt tosatñi mindirigetka könañamñini loloñqalor aiga kewö möt nariba jiba ambazip kusum engiba malget: “Gölme aka yuai pakpak ehakzini, mi bölöñi akza. Mianğöra tosatñan Suepkö buña akingö kapañ köla mötmöt asa-asambötñi qainñi kun qahö buña qem aŋguba nenegö dönqizizin aka soŋgo tosatñi walöñda awanöm akze ewö, Anutunön mönö keu mianğoren qaköba amöt qem eŋgimangö osima.”

Waimañjat keu bohonñi kun mi: Denöwö urumeleñ könagesö galöm köl eŋgiinga törörök Anutugö waikñi memba möpöseibeak. Polnön mianğö qambañ keuñi papianön ohoyök. Mewöñanök zioz galöm, babafi aka nup meme ambazip tosatñan denöwö aka malgetka dop köljawi, mianğö keu areñi mi jim asariba ohoyök.

Teteköñe keu bohonñi karöbutñi mianğoren Timotigöra goro keu tosatñi ohoyök. Undumñi yaŋön mönö denöwö Jisös Kraistkö welenqege ölöññi aka mötnarip ambazip kambuñi kambuñi eŋgöbisiba bauköm eŋgiiga dop kölmawi, mianğö goronji ohom waŋgiyök.

Buk kianğö bahöñi bohonñi 3 mi kewö:

Keu mutukñi 1.1-2

Ziozgö nup meme yengören jimkutukutu 1.3–3.16

Timotinön nupñi memapkö jimkutukutuñi 4.1–6.21

1 ¹Anutu, Amötqeqe Tonini aka Kraist Jisösnöŋ galöm köl neŋgimapkö jörömqöröm al mamböt ak waŋgizini, yetkôn Pol nönŋöra jim kutuba kuŋguba melaim niŋgiyohotka aposol maljal. Kraist Jisösgö jijtjememe mewöŋi aka göbuk keu eraum mötpitköra kimbi ki ohozal.

²O Timoti! Gi urugi meleŋda Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkôn mönö ak kömumba kalem möriam gihiyohotka luainöŋ malman.

Enjololoŋ kusum eŋgibepukö galöm meme keu

³Masedonia prowinsnöŋ anmamgö ahali, nalö miaŋgöreŋ kewö jim kutum gihial, ‘Gi mönö Efesus sitinöŋ toroqeba mala urumeleŋ kambu baukôm eŋgimakŋan. Tosatŋan mötnaripkö keu kemaŋi tosatŋi kusum sohomakzei, mi toroqeba akepuköra galöm mem aŋguba malme.’ Mewö jim kutum eŋgiba malmangöra jial. ⁴Tosatŋan bem sambanŋi sambanŋi aka ambösakon yeŋgö qet areŋi areŋi mi teteköŋi qahö eraum mötketka supapköiga aŋgururuk aka keu qeqesi omaŋi asuhui mötmörimakze. Yeŋön uruŋini miaŋgöreŋ ala sohobepuk. Keu sinŋi sinŋi jiji mewöŋi mi qahöpmahöp baukôm eŋgimapmö, Anutugö malmal areŋi mi kewö ahöza, ‘Kunŋan Jisös möt nariba uruŋi meleŋniga yaŋön mönö i amöt qem waŋgiiga letotma.’ Merak mewö ak eŋgimangöra kunbuk uruwahöt keu jim gihizal.

⁵Jim kutum gihizali, miaŋgö tohotŋi mi urujöpak. Nöŋön urukalem ahumapköra bim qeba kewö jim tuarim eŋgiba malmangö kuŋgum gihizal: Yeŋön uruŋinan sarakŋi ahömapköra galöm köl aŋgugetka mötmöt bölöŋan mi qahö gwözöŋma. Qahö gwözöŋniga Anutunöŋ saŋep alakzawi, mi urukezapŋinan ölop möta malme. Mewö mala Kraist törörök möt narigetka Anutunöŋ mönö urukalemŋi uruŋine ali ölop ahumakŋa. Urujöpak miaŋön sutŋine ahumapkö kapaŋ kölakzal.

⁶Tosatŋan Anutugö malmal areŋi mi siŋgiba janjuŋ aka oyöŋdewedewet keu omaŋi omaŋi laŋ jimakze. ⁷Yeŋön Anutugö Köna keugö böhi malbingö mötzemö, nanŋinak keugö könaŋi qahö möt asariba mesohol kölayök jimakze. Öne ambazip jeŋine awösamkakak kinda keu laŋlaŋ köhöiba jiba bim qemakze.

⁸Anutugö Köna keu miaŋön mönö ölop sorokŋi akza. Mi könaŋangö dop törörök kusum aŋguba wuatangöinga ölop möhamgöm neŋgimakza, mi mötzin. ⁹Anutu Köna keuŋangö könaŋi mönö kewö möt yaköme: Mi ambazip solanŋi diŋdiŋi yeŋgöra aka qahöpmö, Anutunöŋ mi ambazip goŋgoŋi mindiŋgöm eŋgimapköra aka ali ahöza. Tosatŋan goŋgiba kewö ahakze: Iwilele jaubatbat aka keu qeba yaŋgiseŋ qakŋe aum

^a 1.2 Apo 16.1

jesöksök ahakze. Anğöjörak aka siŋgisöndokŋinambuk mala töndup Anutu nesampurek ak waŋgigetka uruŋini tölöhoba nöŋŋan malje. Iwinamŋini aka tosatŋi enğuget kömumakze.

¹⁰Serowilin ahakze. Sodom taonöŋ akeri, miaŋgö dop köna oŋgita azi nanŋirök aka ambi nanŋirök amimakze. Ambazip mem bölim enğimegöra qeraköba jöhömakze. Keu munen jimakze. Keu jiba jöjöpaŋ keunöŋ jöhöba töndup tilipkömakze. Anutunöŋ ahakmeme diŋdiŋi akingöra Ölöwak Buŋa neŋgiyöhi, mi iŋi waiŋi aka memba miaŋön qetalakze. Anutugö Köna keu miaŋön ambazip mötnaripkö köna diŋdiŋi siŋgimakzei, mönö i mindiŋgöm enğimapköra aka ahöza. ¹¹Anutu, oyaenkyoaen Toŋi yaŋön mötnaripkö köna diŋdiŋi mi Buŋa keunöŋ ali ahöza. Nöŋön Ölöwak Buŋaŋi aködamunŋambuk jim sehimamgö möt narim niŋgiba Buŋa keuŋi mi al niŋgiyök. Mewö.

Polnöŋ Kembu kalem möriamŋaŋgöra möpöseiza.

¹²Kraist Jisösnöŋ uruni kewöriga nupŋi pöndaŋ memamaŋgö dop nehi dop köliga nupŋi niŋgiiga memakzal. Nup memamgöra kukösum niŋgiba mala kotzawi, miaŋgöra Kembunini möpöseiba maljal. ¹³Nöŋön mutuk Jisös mepaiköba alaurupŋi ilita sesewerowero könöpuk ak enğiba malal. Mewö malalmö, yuai mi Jisös qahö möt nariba silebile tönpin mala laŋ aka memba malal. Siŋgisöndok mewö aka malalaŋgöra mönö ak kömum niŋgiiga kölöŋaiba letoral.

¹⁴Kembuninan kalem möriamŋi niŋgiba keleŋmaleleŋ mokoiga nöŋgö qakne öŋgöyök. Mewö öŋgöiga mötnaripnan asuhuiga urujöpakö kondotkondot Toŋi Kraist Jisös miwikŋaial. Yambuk qekötahöba kinda urukalemŋi buŋa qem aŋguba ambazip tosatŋi urunan jöpaköm enğimakzal.

¹⁵Nöŋön ambazip tosatŋi pakpak enğonŋita siŋgisöndokö ambazip yengö sutŋine ketaŋamŋini aka malal. Mewö malalmö, Kraist Jisösnöŋ siŋgisöndok ambazip amöt qem neŋgimamgöra aka gölmenöŋ erök. Keu kötŋi mi nöŋgöreŋ öŋambuk ahök. Miaŋgöra keu kötŋi miaŋön mönö pöwöwöm köhöikŋi akza. Mi ambazip körekmakörek möt nariba aŋön kölbinaŋgö dop akza.

¹⁶Siŋgisöndokö ambazip yengö ketaŋamŋini aka malalmö, Kraist Jisösnöŋ ni kewögöra ak kömum niŋgiyök: Yaŋön nömbuk uruluai qakŋe amöt qem niŋgiba Anutugö uru tandökŋi aukŋe asuhumapkö möt köhöiyök. Nöŋgö könane ambazip tosatŋan Jisös möt narimei, tandökŋi mi yengöra kondel enğimamgö mörök. Mi kondel enğiiga ölop amqeba uruŋini meŋda malmal köhöikŋaŋgö buŋaya akŋe. ¹⁷Ak kömum niŋgiyöhaŋgöra aka Anutu möpöseimakzal. Yaŋön Kiŋ Kembu teteköŋi

^b 1.13 Apo 8.3; 9.4-5

qahö aka malma. Anutu mohotŋan qahö göröŋ qeiga kaisongolomŋi qahö ehakzin. Nöŋön yaŋgö qetbuŋaŋi nalö dop möpöseibiga teteköŋi qahö aködamunŋambuk aka ahöma. Keu mi ölja.

¹⁸O mötnaripkö nahöni Timoti! Mutuk kezapqetok keu tosatŋi göhöra jigeri, keu miaŋön kötöŋgöm gihiiga ölop aködamungabuk aka malman. Keu miaŋgö dop kewö jim kutum gihizal: Göŋön mönö malmal sarakŋi malmangöra bim köhöikŋi qeba malman.

¹⁹Bim qeba miaŋgöreŋ mötnaripki söroräuba sohobapuköra mönö töp meman. Urugi köyan köl aŋgunöŋga mötmöt bölöŋan qahö gwözöŋniga Anutunöŋ urukezapnöŋ saŋep alakzawi, mi ölop möta malman. Ambazip tosatŋan uru köyankölkölŋini mosöta laŋ malgetka mötnaripŋinan löwöriba köhömuŋi aka pömsöm qeyök. Waŋgenöŋ köwet töromnöŋ kuŋguba jömgözawi, mönö miaŋgö dop kumkanjaŋ aka böliget.

²⁰Mötnaripŋinan pömsöm qeyöhi, yeŋgö sutŋine azi yahöt qetŋiri Himeneus aka Aleksander maljahot. Nanak mindiŋgöm etkimamgö osiba uruŋiri meleŋmahotköra i Satangö böröŋe al etkial. Al etkibiga Satangö kukösumŋi ahakmemeŋiraŋgö dop möta uruŋiran sihimbölögöra löwöriiga meleŋda mepaqepaik kunbuk qahö akahorak. Mewö.

Buŋa nupkö köuluk areŋ

2 ¹Yuai bohonŋi mi köuluk nup. Nöŋön miaŋgö uruwahöt keuŋi jiba uruŋini kewö kuŋguzal: Injini mönö ambazip körek pakpak eŋgöra köuluköba kapaŋ köla uleta Anutu qesim waŋgiba saiwap jiba malme.

²Kiŋ azi kembu aka gawmangö galöm ambazip könaŋi könaŋi yeŋgöra aka köuluköba malme. Mewö kötöŋgöm eŋgigetka diŋdiŋanök galöm köl neŋgigetka luai qakŋe guŋböŋjönjön malbin. Mewö mala Anutugö jitŋi wuatangöba ahakmeme diŋdiŋi aka memba malinga aködamunŋambuk ahakŋa. ³Köuluk nup mewöŋi miaŋön ölop sorokŋi akza. Mi Anutu, Amötqeŋe Toninaŋgö jemesoholŋe ölop dop kölja. ⁴Yaŋön ambazip körekŋan Buŋa keu öljŋi möt kutuba uruŋini meleŋgetka amöt qem eŋgi letotmegöra jitsihitŋi mörakza.

⁵Anutu mohok-kun ahöza aka ambazip Anutubuk mindirim neŋgimapköra azi mohok-kun mewöyök ahöza. Azi mohot Jisös Kraist yaŋön mönö mi köhöiiga tosatŋan mi osimakze. ⁶Yaŋön siŋgisöndok ambazip pakpak neŋgö sohohni memapköra malmalŋi köleŋda mosörök. Buŋa keu mi Anutunöŋ nalö ali tosatŋan nalö törörök miaŋgöreŋ könahiba naŋgöba jim asarigetka neŋgöreŋ kayök. ⁷Miaŋgöra aka Anutunöŋ aposol akŋamgö kuŋguba melaim niŋgiiga kantri dop lilikömakzal. Ambazip Jisös möt narimegöra Buŋa keu ölbölŋi jim asariba kusum eŋgiba uruŋini kuŋgum eŋgimakzal. Könani mewö jiba munen kun qahöpmö, keu ölja mewö jizal. Mewö.

Azi aka ambi yeŋgö malmal areŋini

⁸ Miaŋgöra jitsihitnan kewö jizal: Azi eŋön mönö pöndaŋ miri dop tokoba köuluk nup töp memba malme. Yom kazik aka aŋgururuk mosötketka uruŋinan sarahiiga ölop böröŋini mem wahöta Anutu köulukömakŋe. ⁹^dAmbi yeŋgö qambaŋ keuŋini kewö jizal: Eŋön mönö kinisöröŋini löŋgöta sileŋini törörök turuba malme. Opo söro sorokŋi aködamunŋambuk mi mosötme. Nöröp juŋŋini qeba gawasu könaŋi könaŋi kude ala minjinda öŋböŋ meme. Kösasorom me goul miaŋön kude meŋölöm aŋgume aka löŋgölöŋgöt söŋgöröŋi ketaŋi miaŋön memba aiwelikqaiwelik kude akŋe.

¹⁰ Aködamunŋini ölni mi ahakmeme ölopŋi. Ambi Anutugö jitŋi oŋgitpinbukö keŋgötŋini möta qetŋi jim aumakzei, eŋön mönö nup ölopŋi ölopŋi jegep kinda memakŋe. ¹¹ Azinöŋ kusum eŋgetka ambi eŋön mönö uruŋini memba et al aŋguba Buŋa keu ösöŋ möta nesilam qakŋe takpararak aka jitnöŋ söhöp kude meleŋmemö, mi urukönömŋine ala malme.

¹² Ambi eŋön azi galöm köla kusum eŋgimegöra nöŋön 'Oŋ!' qahö jizalmö, tokogetka ösöŋ keu böc tatme. ¹³^e Anutunöŋ mutuk Adam miwikŋaiba yaŋgö andöŋe Iw (Ewa) miwikŋaiyök. ¹⁴^f Mokoleŋnöŋ Adam qahö tilipköyökmö, ambi mi tilipköm waŋgiiga keu oŋgita ŋiŋgisöndok ahök. ¹⁵ Töndup ambi yeŋön nup areŋini wuatangöba morö memba Kraist möt nariba ahakmeme sarakŋi wuatangöba urumeleŋ alauruŋini urunöŋ jöpaköm eŋgiba ösöŋ malme ewö, Anutunöŋ mönö ölop amöt qem eŋgiiga letota Suepnöŋ öŋgöme. Mewö.

Ziozö nup galöm yeŋgö keu areŋ

3 ¹ Kunŋan urumeleŋ könagesögö uru galöm pasto akŋamgö ak waŋgizawi, yaŋön mönö nup sorokŋi aködamunŋambuk miwikŋaiba. Keu mi öc töhöŋŋa. ²^g Miaŋgöra urumeleŋ könagesögö uru galöm nupköra mönö azi kewöŋi möwölöhöba kuŋgugetka dop köлма: Kungö sileŋö köpösihitkö keuŋi qahö, ambi mohot-kungö aŋŋi, kekpurikŋi qahö, ahakmemeŋi törörök galöm köc aŋguiga göda qem waŋgimakze. Yaŋgöreŋ kamei, i ölop köc öröba köyan köc eŋgiba mötmöt törörök kusum eŋgimakza.

³ Kunöŋ o köhöikŋi nemba bim laŋ qeba aŋgururuk aka moneŋ membagun memangö köpösöŋgömakzawi, i qahöpmö, kunŋan ölop ambazip mutulangöba mökölim eŋgiba guŋböŋjönjön ak eŋgimakzawi, mönö azi mi kuŋgume. ⁴ Kunöŋ nanŋi anöm-moröuruŋi ölop galöm köla goro eŋgiiga nahönböraturuŋan göda qem waŋgiba keuŋi pakpak tem köla

^d 2.9 1 Pitö 3.3 ^e 2.13 Jen 2.7, 21-22 ^f 2.14 Jen 3.1-6 ^g 3.2-7 Tai 1.6-9

maljei, mönö ia kuŋgugetka kinma. ⁵Galöm azi kunŋan nanŋi saiwaurupŋi galöm köl engimamgö qötötangöza ewö, yaŋön Anutugö urumeleŋ könagesöurupŋi mönö denöwö köyan köl engibawak? Mi mönö osibawak.

⁶Azi kunŋan nalö köröpŋi uruŋi meleŋda zeŋ kinjawi, yaŋön ölöp kutukutulaŋ galöm nup memerŋina aka malma. Kunŋan nalö töröpŋi uruŋi meleŋda an köl kam köl aka tiwokmawok aka töptöpŋe qeba sileŋi memba öŋgöbapuk. Bölöŋaŋgö Toŋan kezapjupjup aiga Anutunöŋ keuŋi jim teköba közöl waŋgii erök. Miaŋgö dop engö galömŋinan sileŋi memba öŋgöiga Anutunöŋ i Satan ewö jim teköiga etpapuk. ⁷Galöm kunŋan urumeleŋgö kopa yeŋgö sutŋine qetbuŋa ölöpŋi qahö bisibawak ewö, ambazipnöŋ i laŋ jim böligetka Bölöŋaŋgö Toŋan mötöp simbanŋi ali miaŋön töteköi qeiga etpapuk. Mewö.

Ewanjelis aka Buŋa nup ambazip yeŋgö keu

⁸Buŋa nup ambazip^h yeŋön mewöyök ambazipnöŋ göda qem engimeaŋgö dop taŋörakŋini qahö aka malme. Tosatŋan keu jöl yahötyahöt jiba wain o gwötpuk nembra möndömöndö qakŋe injarere mala moneŋ yuaigöra kapaŋ kölakzei, i mönö kude kuŋgum engigetka kinme.

⁹I qahöpmö, ambazipnöŋ mötnaripkö keu öŋi asa-asambötŋi Anutunöŋ indelöhi, mi nöm tik memba miaŋgöreŋ qekötahöba uruŋinan tölöhobapuköra galöm mem aŋguba sarakŋi maljei, mönö ia kuŋgum engime. ¹⁰I mewöyök mönö mutuk kewöt engigetka keu jizalaŋgö dop köhöiba kingetka dop kölma ewö, mönö ölöp kuŋgum engigetka kinda Buŋa nupkö ambazipŋini aka malme. ¹¹Yeŋgö ambiurupŋinanⁱ mewöyök ambazipnöŋ göda qem engimeaŋgö dop taŋörakŋini qahö aka andöqeŋe keu jitnöŋ yöhösaŋ qahö jiba malmemö, kekpurikŋini qahö mala yuai pakpak memburik-qemburikŋini qahö memba malme.

¹²Buŋa nup azinöŋ mönö ambi mohot-kungö aŋŋi aka nanŋi anöm-morö aka welenqeŋeurupŋi ölöp galöm köl engimakŋa. ¹³Buŋa nup ambazip nupŋini ölöpŋanök memakzei, ambazipnöŋ i göda qem engigetka qetbuŋa ölöpŋi miwikŋaime. Mi miwikŋaiba ölöp awösamkakak kinda ambazip uruŋini kuŋguba Jisös Kraist möt naribingö keu mi köhöiba jimakŋe. Mewö.

Anutunöŋ Buŋaŋi asa-asambötŋi indelök.

¹⁴O Timoti, nöŋön zilaŋ göhöreŋ kaba gekŋamgö jörömqröm al mamböt akzalmö, töndup kimbi ki göhöra ohozal. ¹⁵Nalöni qeköriiga

^h 3.8 Dikon mi azi aka dikones mi ambi, yeŋön pasto qöhöröŋine bauköba nup memba urumeleŋ kambu köyan köl engiba Buŋa keunöŋ gumohoba silegö nup tosatŋi memba miaŋön naŋgöm engimakze. Ewanjelis me urukuŋgukuŋgu ambazip yeŋön sel yaigepŋe kinjei, yeŋön uruŋini meleŋmegöra Buŋa keu kusuba miaŋön uruŋini kuŋguba goro engimakze. ⁱ 3.11 Buŋa nup ambi aka Buŋa nup azigö anömŋi yeŋgö jimkutukutuŋini jiza.

kabilenbuköra mutuk kimbi ki kewögöra ohobi kaza: Gi Anutugö urumelen könagesourupni denöwö galöm köl enjinönga ahakmemerjanan diŋgiba ölöwakŋawi, mönö qambaŋ keu mi oyoŋda mötman. Anutugö könagesourupni neŋön Anutugö mindimindiri zioz selni akzin. Malmal Tonji yaŋgöreŋ qekötahöinga mindirim neŋgiiga miri dop tokoba keu ölni jim sehimakzin. Keu ölnan böliba ösumni etpapuköra miaŋgö wötŋi aka tandöni akzin. ¹⁶ Anutunöŋ amötqeqegö könani asa-asambötŋi indelöhi, neŋön Buŋa keu mi möt asariba kewö jim miwikŋaimakzin:

Buŋa Tonji yaŋön nanŋak gölme azia aka sutnine asuhuyök. Asuhuiga keu jakeŋe albingö keuŋi laŋ jarum bibihigetka Uŋa Töröŋan könani solanŋi aukŋe kondelök. Mi kondela meiga Kembu aka wahöta Suep garata galöm köl enjiiga aködamanuŋi uba eket.

Mi eketka Anutunöŋ waŋgiri Suepnöŋ öŋgöba Anutubuk tata galöm köl neŋgimakza. Galöm köl neŋgiiga Buŋa keuŋi mi kantriŋi kantriŋi liliköba jim asarigetka gwötŋuk yeŋön gölme dop möt narim waŋgimakze.

Mewö jim miwikŋaininga ölna aködamanuŋambuk akza. Mewö.

Keu muneŋi kusum enjigetka eŋololon akza.

4 ¹ Anutugö Uŋaŋan keu kewö jim asariiga törörök möt yaközün: Gölmegö nalöŋan tekömamgö akŋawi, nalö miaŋgöreŋ ambazip keleŋmaleleŋ yeŋön mötnariŋ mosöta Kembu andö qeba ömewöröme yeŋgö böröŋine geme. Mewö gegetka ömenöŋ sölölohöba kusum enjimakzei, mönö yeŋgöreŋ mötmöt wuatangöba eŋololon aka siksauk malme.

² Siksauk mi kewö asuhuma: Tosatŋan urumelen silesile aketka Satanöŋ aiwesökŋi uruŋine ain könöpŋambuknöŋ qekötahöba urukezapŋini gwözöŋniga köhömuŋi aiga keu muneŋi laŋ jim sohomakze. ³ Yeŋön ambazip kewö kusum sohom enjimakze, 'Urumelen ambazip enjön mönö awanöm aŋgömeme kude akŋe aka nene tosatŋi kude nempa malme.' Mewö kusum sohom enjimakzemö, Anutunöŋ nene pakpak mi nemingöra miwikŋaiyök. Mi ambazip Anutu möt nariba keu ölni möt yaközün, yaŋön mi kötuetsköiga ölöp saiwap jiba nemingöra al neŋgiyök.

⁴ Anutunöŋ yuai pakpak miwikŋaiyöhi, mienöŋ mönö ölöŋŋi akze. Mi andö qebinangö dop qahöpmö, yuai al neŋgimawi, mi ölöp saiwap jiba buŋa qem aŋgubin. ⁵ Yuai ambazip jeŋine dönqizinŋambuk akawak ewö, mi mönö ölöp Anutugö keu jiba köuluköinga ösumŋan walöŋda domamöt qeiga sawölŋi akŋa. Mewö.

Kraist Jisösgö welenqeqe ölöŋŋi mi kewö:

⁶ Göŋön urumelen ambazip mewö kusum enjiba mala Kraist Jisösgöreŋ Buŋa nup meme azi ölöŋŋi aka malman. Göŋön Buŋa keu wuatangöba

mala kotzani, mi tosatji kusum engiba nangak mewöjanök keu ölöpnj mi aka mötnaripkö qambañ keu pakpak oyondä mötmöriba mianjön urugi gumohom anguba malman. ⁷Gölme ambazipnönj bem samban keunji oyondewedewet jigetka Anutugö Buña keunönj böbölohot akñamgö akzawi, mi mönö yaköriba andö qeman. Mi andö qeba Kraist ewö aka malmangöra urugö kölguliguli aka malman.

⁸Anutunönj malmal nalö kewöñe gölmenönj maljini, mi kötuetsköm nenjiiga könangep oyaenköyaen malbingö jöhöjöhö alök. Mönahot angolat mi boromdökñanök sile guliguligöra bauköm nenjiiga eretji akzapmö, urugö kölguligulijni mi tandönini bohonji akza. Miangöra urugö likepji pöndañ kölguliba malnönja mianjön mönö yuai pakpak miangörej bohon köla nangöm gihimakja. ⁹Keu jizali, mi ambazip körekñanök möt angön kölbinangö dop pöwöwöm köhöikñi akza. Keu pöwöwöm köhöikñi kun mi kewö,

¹⁰“Anutu malmal Tonji yanjön ambazip körek pakpak amöt qem nenjimamgö mötza. Urunini meleyda möt narim wangimakin ewö, mönö ölña amöt qem nenjimakja. Mewö möt narizin. Nini tosatjan mewö asuhumapköra jörömqröm mewöñi Anutu al wangiba kindä nupñi memba silenini qeba aum-mörimakzin.”

¹¹Ambazip keu miangö dop aka memegöra jim kutuba kusum engiba malman. ¹²O Timoti, kunönj sepgwölö maljanangöra memba et al gihibapaköra mönö mötnarip ambazip sutjine silik ölöpnj kewö kondel engiba malman: Keu ölöpnjanök jiba ahakmeme diñdijni wuatangöba ambazip törörök jöpaköm engiba malman. Mötnaripkö kölguliguli pöndañ memba Anutugö nupñi mem sorokönönja miangöra möt narim gihiba malme. Mewö sarakñanök aka menönja ambazipnönj ölop göda qem gihigetka malman.

¹³Mönö pöndañ Urumelenjö Buña Kimbi mi jegep oyondä kapañ köla jim asariba könagesö urujini mianjön kuñguba kusum engiba malman. Nalö sutñi kiangörej mewö aka malnönja nöñön kabiga dop kölma. ¹⁴Jitjememe yenjön böröñini göhö qake ala köulukögetka Anutugö kezapqetok keu göhöra asuhuiga Anutunönj nup memegö mötmöt kalem ghiiga uruge ahözawi, mi kude köyatimanmö, miangö qakñe nup memba malman. ¹⁵Kude köyatimanmö, Buña Kimbi oyondä jim asariba kusum engiba malman. Yuai karöbut mi mönö kapañ köla jegep kölguliba malman. Tanqañ qahö akñan ewö, urugahö töhötmöriamñan mönö qariiga köhöiba awösamkakak akñani, mi körekñan ek kutume.

¹⁶O Timoti, mönö nangi uru silegi galöm kölguliguli anguba urumelenj nup törörök kusum engimangöra galöm mem anguba malman. Mewö aka malman ewö, mönö nangi oyaenköyaen ak anguman aka keugi mörakzei, mi mohotñe oyaenköyaen ak enjinönja Suepnönj öngöme. Mewö.

Malö aka ambazip namñi mi kewö galöm kölguliguli:

5 ¹Azi namñi mi köhöikñanök kude mindijgöba jim wangimanmö, iwigi ewö qambañ keu ösön jinönja mötma. Azi sepgwölö mi

darumungi ewö ak engiba malman. ²Ambi namji mi namurupki ewö qambaran engiman. Ambi seram mi nenurupki ewö ahakmeme saraknji wuatangöba göda qem engiba malman.

³Malö tinitosolomnji qahö mi mönö gödaqeqe qakne ak engiba malman. ⁴Malö kungö isimoröurupnji malje ewö, yejön mönö mutuknji aka bohon köla i galöm köl wangime. Anutunöj jim kutum nenngiyöhi, yejön mönö miangö dop nanjini saiwaurupjni köyan köl engibingö könaji mötme. Iwinamurupninan mutuk nalö köröpni köyan köl engiba malgetka yejön miangö kitipnji melennda tosanjini meköm engigetka Anutugö jeje dop kölma.

⁵Malö ambi ölnji, tinitosolomnji qahö nanjök maljawi, yejön mönö jörömqörömni Anutu al wangiba i sundan dop sungem asak qesiba köuluköm wangimakza. ⁶Yejön mewö maljapmö, ambi malö tosatjan urunjan konöwiiga sihim kömbönanjanangö dop yuai lanlangöra böröjan suhumakzei, yejön gölmenöj silebuk maljemö, töndup köhömuji akze. ⁷Miangöra malö yejön silejine köpösihitkö keunji qahö ahöi malmegöra mönö mewöyök jim tuarim engiba malman.

⁸Kunjan nanji tinitosolomurupnji qahö köyan köla engömosöri garömisinj maljei, yangö ahakmemejan mönö bölim teköza. Yejön Kembu möt narizawangö keunji mi silikjan qan köla urumelenjö kopa tandök ongita böliqöliba malja.

⁹Urumelenj könagesö enjön malö tosatji kutukutulanj aka köyan köl engimakzei, malö kunjan yejögö arejnöj kangotmapköra qeqesi alma ewö, ambi mi mönö kewötme. Kewötketka kewö asuhuiga iyök mönö qet arej miangörej toroqeba ohoba alme: Kunöj yambuji (yaranji) 60 ongita azi mohotkö anömna malök. ¹⁰Mewö maliga tosatjan könangöngöra kewö nangöba jimakze: Yejön nup ölöpnji ölöpnji memba mala morö galöm köla goro engiiga qariget. Ambazip kianji mirine köl öröba köyan köl engiiga Kraistkö alaurupnji saraknan kagetka uzinjini sanjonnda esuhuba yaka tawej engiba malök. Wahöjalinj uruje malgeri, mi mem ölöwaka nup ölöpnji pakpak memangöra urunji pöndanj jöhöba jegep kinda malök. Malö mewöjni mönö arej papianöj ohoba köyan köla malme.

¹¹Malö ambi namji qahö, yejögö qetjini mönö qet arej papia miangörej kude alman. Mi albanak ewö, yejögö sihim kömbönanjan konöp jeiga azi kunbuk membingö mötmötjnini ahum köhöiiga Kraist silekmalek ak wangiba zioz nup mosötpepuk. ¹²Mi mosöta mutuk Kraist tem kölböngöra jöjöpanj keunjini aukne jim jöhögeri, mi qegetka pömsöm qeiga Kraistnöj keunjini jim teköba gamu qem engiiga önewat lanj malbepuk.

¹³Önewat lanj mala toroqeba kewö bölibepuk: Mirinj mirinj lanj liliköba nalö ayuhumegö könaji möt angön kölbepuk. Toroqeba böliba luasö keu lanj jiba keu bapne qahö anda nanjini imbi-imbi wuatangöba nup meme

tandöktandök lilikqilik akepek. Inöñ wainöñ lañ möndöba nup ölni qahö memba tosatñi yeñgöreñ yuai mem sohobepuk. Keu tosatñi yeñgöreñ yuaia qahöpmö, töndup mi öne lañ jim sehibepuk.

¹⁴Mewö akepeköra sihimni kewö möta jizal: Malö ambi namñi qahö yeñön mönö azi memba morö memba nup miriñini galöm köla malgetka dop kölma. Mewö aketka tuarenjoñninan jim bölim neñgimamgö könani jaruba mi qahö miwikñaima.

¹⁵Malö tosatñan galöm qahö mem añguba lök Kraist andö qeba eta Satangö könane wuatangöba malje. ¹⁶Urumeleñ könagesö neñön mönö malö ambi ölni, tinitosolomñini qahö maljei, mi köyan köl eñgibingöra ahakzin. Mianğöra mötnarip ambi kungö tinitosolomurupñan malöya akzei, yañön mönö mi köyan köl eñgiba malma. Mianğö lömbötñan mönö zioz kambu eñgö qakñine kude öñgöma. Mewö.

Ziozgö jitñememe mi kewö köyan köl eñgibin:

¹⁷Jitñememeurup urumeleñ könagesö ölop galöm köl eñgimakzei, eñön mönö mianğö likepñi melenđa gödaqeçe öñgöñgöñi kondel eñgiba malme. Yeñgöreñök tosatñan Buña keu jim asariba kusum eñgimakzei, mianğöra mönö kötöññini toroqeget öñgöi eñgiba malme. ¹⁸Buña Kimbigö keu kunñan mianğö könani kewö jiza,

“Wit padigö kötñi aka kamböñi mendenbingöra bulmakau aziñi wañgitketka padi kambu qakñe tiba tözözamgömakzawi, yañgö numbuñi mönö kude muzupköme. Mewö gumohom wañgigetka ölop nene kitipñi neiga dop kölma.”

(Mianğö dop kiamnöñ böröjañ memba sömbup meköi qegetka kitipñi wañgiget neiga dop kölma.) Keu kun kewö ahöza,

“Kunöñ nup meiga tosatñan töwañi wañgigetka dop kölma.”

¹⁹^kJitñememe kungö sileñe keu lañ ala jim wañgigetka yahöt me karöbutñan mi qahö nañgöbeak ewö, i mönö keu jakeñe kude alman.

²⁰Denike yeñön siñgisöndok ahakzei, göñön mönö i aukñe tembula jim eñginöñga körek pakpak keugi mi möta siñgisöndok akinbukö keñgötñini möta galömqini mem añgumakñe.

²¹O Timoti, keu ohoba jim kutum gihizali, mi mönö tem köla wuatangöba malman. Azi me ambi kun kude ek soriba tosatñi kude qepureim eñgiman. Mianğöra kungö keuñi mi qeljiñe lañ kude jöhöman. Ambazip körek pakpak mönö öröröñ kewöta ak eñgiman. Mewö akñangö keuñi mi mönö Anutu, Kraist Jisös aka Sup garataurup sarakñi yeñgö jemesoholñine jiba mi jöjöpañ keunöñ jöhönöñga mötpi dop kölma.

²²Tosatñi yeñgö siñgisöndokñinan göhö qake öñgögetka gamu miwikñaibanbuk. Mianğöra kunñan “Kembugö nup memam,” me

† 5.18 Dut 25.4; Mat 10.10; Luk 10.7 ^k 5.19 Dut 17.6; 19.15

“Urumeleŋ kambu toroqemam,” jizawi, yaŋgö könaŋamŋi mutuk qahö kewöta börögi zilaŋzilaŋ yaŋgö qakŋe kude ala kötuetaköm waŋgiman. Nangak sarakŋi malmangöra mönö galöm köl aŋguba malman.

²³O Timoti, gi nalö tosatŋi kawöl ahum gihiiga “Yaiŋmaiŋ!” qeta ahakzan. Mianŋöra mönö oyök kude nemanmö, wain o tosatŋi mewöyök nenöŋga kömönŋgoki bauköiga amqema.

²⁴Keu kun kewö: Ambazip tosatŋan ŋiŋgisöndok aketka zilaŋ aukŋe asuhugetka ambazipnön eka qeljiŋe jim tekögetka nalö kewöŋe gamuŋinambuk kinje. Mewö kinjemö, tosatŋan ŋiŋgisöndok aka tölapköba mala könaŋep Anutugö jeŋe aŋgotketka aukŋe asuhui jim teköm eŋgima. ²⁵Ambazip nup ölöpnji aködamunŋambuk memakzei, nup mianŋön mewöyök nalö kewöŋe aukŋeyök ahöza. Nup ölöpnji tosatŋi aukŋe qahö ahöbeak ewö, mi mönö mewöyök tölapŋe ahöbingö osiba könaŋep asuhugetka ekin. Mewö.

Welenqeqe yeŋgöreŋ qambaŋ areŋ

6 ¹Welenqeqeurupŋini pakpak toŋinaŋgö mötöp bisiba nup töwaŋini qahö memakzei, eŋön mönö tourupŋini iwilele laŋ kude ak eŋgimemö, gödaqeqe pakpak kondel eŋgibingö dop eŋgeka malme. Eŋön mönö tosatŋan Anutugö qetŋi mepaiköba jibepuköra kapaŋ köla kinme. Anutugö Buŋa keuŋi ambazip kusum eŋgiinga mi eŋgö ahakmemeŋinaŋgöra aka andö qegetka bölibapuk. ²Tourupŋini tosatŋan urumeleŋ alaurupŋini akzei, mianŋöra mönö gödaqeqeŋini mötket eretŋi akapuk. Mewö qahöpmö, tourupŋini welen qem eŋgigetka nupŋini ölöwahakzawi, yeŋön Kraist möt narigetka wölböt ala ak eŋgigetka mianŋöra mönö kapaŋ köla tourupŋinaŋgö keu baŋŋe anda uruŋini nupnön ala ölöpnjanök memba malme. Mönö mewö jim kutuba kusum eŋgiba malman. Mewö.

Buŋa keu jim sohogetka urukönöp akepek.

³Kembunini Jisös Kraistnön urugö kölguliguli akingöra Buŋa keuŋi neŋgiyöhi, neŋön mönö mianŋö dop ambazip ölöwakŋegöra kusum eŋgimakzin. Kunŋan Buŋa keu ölni qiwitipköba keu kambaŋi murutŋi ambazip kusum eŋgimakzawi, yaŋön mönö kopa akza.

⁴Yaŋön sileŋi mem öŋgömakzapmö, keugö könaŋi qahö möt kutuza. Qahö möt kutuba mötnaripkö keu kambaŋi kambaŋi jim melenqeleŋda jitnakölik ahumapkö köpösöŋgömakza. Mewö möta tosatŋi yembuk möndömkösök aketka ölni kewö asuhuma: Likeplikep urunön mututqutut aŋgururuk ak aŋguba uruqeqe keu töhöreŋ jiba mem bölim aŋgubepukö sömbu mötmöt akze. ⁵Mewö aka mötmötŋini sohoi kahapmahap aka malmal ölnaŋgö könaŋi ŋiŋgiba kewö mötmörimakze, ‘Urunön kölguliguli ahinga mianŋön döpnini aiga mianŋöreŋ tiba moneŋ inap miwikŋaibin.’ Mewö mötmöriba tokoba sundan dop jitnakölik eraumakze.

⁶Mewö ahakzemö, nejon Anutu Buñanangö kölguliguli aka monej inap ahöm neñgizawi, miajon uru luai qem angumakzin. Uña Töröñan döpnini aka mem böñjon ak neñgimakzawangöra mönö ölña oyaenköyaen ketani miwikñaiba simbawon maljin. ⁷Miañgö könañi kewö: Nini mutuk böröñinan yuai kun qahö memba öne töhön gölmenön asuhuin. Könañep mewöyök börötak kömumba gölme ki mosöta anbin. ⁸Mewö anbinmö, nalö kewöñe nene aka opo maluku ahöm neñgiiga miambuk mönö mem böñjon aka luai qem angumakin.

⁹Mewö akinmö, ambazip monej inap ketani miwikñaibingö mötzei, yejon mönö esapesapnön simba ewö tötekögetka eta engumakza. Eta enguiga sihim kömbönañini bölöñi bölöñi mi gwötpuk ahuba uru enololon mem engigetka kezapjupjup ahakje. Sihim kömbönañini gongonji miejon mönö öröm johöm engigetka ulupköba köndemönder miwikñaiba ayuhume. ¹⁰Monej inapkö sihim kömbönañi miajon mönö yuai bölöñi pakpakö jalöñi akza. Gwötpuk yejon monej inapkö urukönöp möta lilikqilik aka janjuj aketka mötnaripñinan pömsöm qeiga lan malje. Urukönöp möt bibihigetka miajon mönö wösöñini qösöñiga sihimbööl gwötpuk möta malje. Mewö.

Polnön Timoti nupköra jim kutum wangiyök.

¹¹Gwötpukñan mewö maljemö, Anutugöreñ azi gi mönö yuai mewöñi mi qizingöba andö qeba malmal kewöñi malmangöra kapañ köla malman: Ahakmeme diñdiñi wuatangöba Anutugö malmal köhöikñi kölguliba malman. Mötnaripkö kölguliguli pöndañ memba ambazip ölña jöpaköm engiba malman. Mönö kapañ köla köhöiba kinda ambazip guñböñjonñ qakñe ek engiba malman.

¹²Mönahot angolat azinön aongit miañgöreñ luhut almapköra ösumñi pakpak qezaköba anjawi, gi mönö miañgö dop mötnarip kölguliba aongit aködamunñambuk miañgöreñ köhöiba pöndañ bim qeba malman. Anutunön malmal köhöikñe angotmangöra goholöhi, gi mönö malmal mi buña qem anguba qekötahöba malman. Malmal köhöikñangö buñaya akzani, göñon keu mi ölöpñanök jim miwikñainöñga gwötpukñan mi möta ölöp nangöba jimakze. ¹³¹Anutu yuai pakpak mem gulimakzawi, gi mönö yangö jeñe könañamgi jim miwikñainön aka Kraist Jisösgö jeñe mi mewöyök jim miwikñainöñga mörök. Jisösnön premiö Pontius Pailötkö jemesoholñe könañamñi jiba keu ölöpñi jim miwikñaiyöhi, mönö Kraist yangö jeñe kewö jim kutum gihizal:

¹⁴Gi mönö Buña keu kölguliba pöndañ tem köla wuatangöba malman. Mewö malnöñga kunñan siñgiba bölimanangöra aka keu jim gihimangö osima. Kembunini Jisös Kraistnön kunbuk asuhumawi, nalö sutñi kiañgöreñ mönö urugö nup mewö memba malman.

¹ 6.13 Jon 18.37

¹⁵ Anutunöŋ oyaenƙoyaen Toŋi aka nalöŋi ali kam kuŋguiga miangöŋŋeŋ Jisös Kraist melaiiga aukŋe asuhuiga ekin. Anutunöŋ nanŋök Öngöŋgöŋamni aiga köreƙŋan yaŋgö nembö bapŋe kinjin. Yaŋön kin kembu yeŋgö Kembuŋini aka pom jembon yeŋgö bohonŋini akza. ¹⁶ Anutu, oyaenƙoyaen Toŋi yaŋön mohot nalö kunöŋ qahö kömuma. Yaŋön asakmararaŋ mire euyaŋgöŋŋeŋ maliga körek neŋön naninak miangöŋŋeŋ öngöbingö qaközin. Gölmegö kunŋan i jeŋan qahö uba ehök aka ekŋamgö osiza. Yaŋgö qetbuŋaŋi möpöseininga kukösum Toŋi aködamunŋambuk aka nalö teteköŋi qahö yuai pakpak galöm köla malma. Keu mi öŋŋa.

¹⁷ Ambazip pomŋi nalö kewöŋe gölmenöŋ öngöŋgöŋi maljei, göŋön mönö i kewö jim kutum eŋgiba malman: Sukinapnöŋ nalö kungen qahöwak teköma. Miangöra yeŋön mönö uruŋini miangöŋŋeŋ kude ala malme. Sukinap qakŋe kinda aiweliköba söŋgöŋöŋök akze ewö, jörömqörömŋinan mönö pömsöm qema. Uruŋini gölmegö ainemalukunöŋ kude almemo, Anutunöŋ yuai pakpak miangöŋŋeŋ köyan köŋ eŋgimapköra al mambötketka dop köŋma. Anutubuk qekötahöba kingetka ölöŋ yuai könaŋi könaŋi malmal söŋgaibingöra keŋmaleleŋ neŋgimakza.

¹⁸ Kewö jim kutum eŋgiba malman: Yeŋön mönö nup ölöŋŋi ölöŋŋi jegep kinda memba mewö miangön aködamunŋinambuk akŋe. Anutugö jeŋe aködamunŋinambuk aka amqeba jöjöröba tosaŋŋi bauköm eŋgiba kalem sehiba mendeŋda malme. ¹⁹ Mewö Anutugö jeŋe qetbuŋaŋinambuk aka malmalgö guli dötnam öŋŋi miwikŋaiba mem sehimakŋe. Guli dötnam mewöŋi mi malmalgö tandö wötŋi köhöikŋi akza. Mi mem sehiba galöm köla ölöŋ könaŋgep tandö wötŋi miangöŋŋeŋ naŋgöba kinda malmal ölböŋŋi buŋa qem aŋguba malme.

²⁰ O Timoti, Anutunöŋ möt narim gihiba nup memegö mötmöt kalem uruge alöhi, mi mönö nupnöŋ ala sohobapüköra galöm memba malman. Gölmegö keu oyoŋdewedewet omani aka aŋgururuk supapköba jigetka sohomakzawi, mi mönö mosöta andö qeba malman. Tosatŋan “Mötkutukutu eraum mötŋin,” jiba keu sinŋi sinŋi jim sehiŋetka anakza. Mötkutukutu öŋŋi mi mewö jim sohomakze. ²¹ Tosatŋan mötmöt sohosohöŋi buŋa qem aŋguba jim miwikŋaiba jaŋjuŋ aketka mötnariŋŋinan söŋörauba löwöŋŋeŋ sohöyök.

Anutugö kalem möriamŋan mönö embuk ahöma.

Timotigö Kimbi 2

Polnön Timotigöra Kimbi aliga 2 ahök.

Jim-asa-asari

Polnön undumŋi aka gwabö alabaukŋi Timotigöra “Andö qambaŋni qöndökŋi waŋgimam,” jiba Buŋa Kimbi ki ohoyök. Keu areŋi bohonŋi mi kapaŋkölköl. Polnön mi jim asariba uruŋi naŋgöba qambaŋi kewö waŋgiba ohoyök: Timoti göŋön mönö pöndaŋ kinda Jisös Kraistkö könaŋi naŋgöba jiba malman. Ölöwak Buŋa aka Jöhöjöhö Areŋ Walŋi mötzani, mönö miangöreŋ qekötahöba miangö keuŋi ölbölŋi mi ambazip kusum eŋgiba urukungukunŋu nup memakŋan. Tuarenjoŋ ak gihigetka sihimbölö könaŋi könaŋi miwikŋaiba mötpanak ewö, mönö töndup Anutunön nup gihiyöhaŋgö dop mi kapaŋ köla memakŋan.

Polnön galöm meme keu köhöikŋi Timoti kewö waŋgiyök: Tosatŋan “gukmaulem qakŋe aŋgururuk omaŋi aka kezapjupjup ahakzei,” göŋön mönö miangö keunön aŋgota nalögi mösöhöba ayuhubanbuk. Aŋgururuk keu mewöŋi mieŋön ambazip qahöpmahöp bauköm eŋgimakzemö, ambazip kezap ala mörakzei, mönö i mem bölim eŋgiiga ayuhume.

Polnön qambaŋ keuŋi pakpak naŋgömamgöra naŋi malmalŋaŋgö kösohotŋi ohoyök. Wuanöŋgöra aka denöwö nup areŋi ala bim qeba malöhi, Timotinön miangö keuŋi ölum qebapüköra mi kewö jim asariyök, “Nönön Jisös möt nariba lömböt möta mökösoŋda urukalem aka malal. Sesewerowero ak niŋgigetka sihimbölö möta kapaŋ köla köhöiba kinal.”

Buk kiaŋgö bahöŋi bohonŋi 5 mi kewö:

Keu mutukŋi 1.1-2

Anutu möpöseiba Timoti qambaŋ waŋgiyök 1.3–2.13

Goro aka galöm meme keu tosatŋi 2.14–4.5

Pol öröm ureim ak waŋgigetka malök 4.6-18

Kimbigö keu kötŋi bohonŋi 4.19-22

1 ¹ Anutunön jitsihitŋi jim kutuba Pol ni kuŋgum niŋgiiga Kraist Jisösgö aposol akzal. Kraist Jisösbuk qekötahöba kininga

malmal köhöikni neŋgimapkö keu jöhöyöhi, miangö Buŋa keuŋi jim asarimangöra melaim niŋgiiga maljal.

²“Timoti göŋön mötnaripkö wölböt nahöni akzan. Nöŋön göbuk keu eraum mötpitköra kimbi ki ohozal.

Iwi Anutu aka Kembunini Kraist Jisös, yetkön mönö ak kömumba kalem möriam gihiyohotka luainöŋ malman.

Polnöŋ Timoti uruŋi naŋgöba keu jiyök.

³Nöŋgö ambösakonon Anutu welenŋi qeba malgetka nöŋön toroqeba nupŋi membiga Anutunöŋ “Dop kölja,” jiiga urukezapnan mewö mörakzal. Uruni sarakŋi aiga Anutu möpöseimakzal. Möpöseiba suŋgem asak köuluköba gi qösösök mötmörim gihimakzal. ⁴Gömosötpiga sahötnöŋga imbilgi eröhi, nöŋön mi mötmöriba gekŋamgö awöweŋgöba kapaŋ kölakzal. Geka köisirik tatziga sösöŋgainöŋ uruni kokolak qemapköra mötzal.

⁵^bGöŋön geŋmoŋ qahö öljä Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkön uruŋiri meleŋnohotka mötnaripŋiran ahuyök. Yetkö andöŋjire göŋön mewöyök aka maljani, mewö möt narim köhöizal.

⁶Miangöra ikmaok malbanbuköra keu kewö köl gulim gihizal: Nöŋön mutuk böröni nöropke ala köuluköbiga Anutunöŋ nup memegö mötmöt kalem gihiiga uruge ahözawi, mi mönö mem gulinöŋga könöp bölam ewö köhöiba jeba qahö iliŋ alma. ⁷Keu ki mötmörinöŋ anök: Anutunöŋ Uŋa Töröŋi mi ziriŋziriŋ aka qarösömbu mötpingöra qahöpmö, nanŋi kukösumgö Uŋaŋi neŋgiiga ölop uruninan jöpaköm aŋguba ahakmemenini törörök galöm köl aŋguba kinbin.

⁸Miangöra Kembuninaŋgö keuŋi naŋgöba jim sehimamgö taŋqaŋ kude akŋan. Mewö qahöpmö, mönö ni ewö aka malman. Nöŋön Kembangö nupŋi memba malbiga miangöra kösö mire al niŋgigetka tatzalmö, töndup nöŋgöra aka gamu kude möta malman. Mönö köhöiba ni ewö awösamkakak kindu urugö nup memba malman. Ölöwak Buŋagöra aka aŋgösirip ak gihibeak ewö, mönö miangö sihibölöŋi möta mököstöŋda bisiba malman. Anutunöŋ kukösum gihimakzawaŋgö dop mi ölop nömbuk mohotŋe kapaŋ köla bisiba malbit.

⁹Anutunöŋ möpŋaŋgö möpŋe Suep gölme qahö miwikŋaim etkiba nalö miangörej neŋgöra mötmöriba areŋ kewö alök: Anutunöŋ Kraist Jisösgöra aka kalem möriam neŋgima. Areŋ mi ali ahöiga mala kota malgetka nini ahuin. Ahuinga Anutunöŋ nini yaŋgö buŋaŋi aka sarakŋi malbingöra neŋgohola amöt qem neŋgiyök. Naninak yuai ölopŋi ahinaŋgöra aka qahö möwölöhöm neŋgiba neŋgoholökmö, nanŋi areŋ

^a 1.2 Apo 16.1 ^b 1.5 Apo 16.1, 11; 1 Tim 2.7

walji mi wuatangöba kinda nenngoholök. ¹⁰Aren walji miangö ölni mi nalö kewöŋe aukŋe asuhuyök. Amötqeŋe Toninan asuhuba Anutugö kalem möriamŋi mokom nenngiyök. Kraist Jisösnöŋ asuhuba kömupkö ösumŋi qeba tulumgöi eriga Ölöwak Buŋaŋi indeliga asariyök. Buŋa keu mi möt nariba ölop malmal kömbönaŋi miwikŋaiba teteköŋi qahö köhöiba mala nalö kunöŋ qahö kömum köhöibin.

¹¹Anutunöŋ ni Ölöwak Buŋa jim asariba ambazip kusum enngimangöra kungum niŋgiiga melaimelai azi aposol akzal. ¹²Aposol akzalanngöra aka nupŋi köhöiba membiga angösiripŋi bisiba sihimbölö mörakzal. Suep Azi möt narim wangimakkali, nöŋön yangö könaŋi ölop möt yaközal. Miangöra awösammakak kinda gamuni qahö mörakzal. Qahö! Anutunöŋ möt narim niŋgiba Buŋa nupŋi al niŋgiyöhangö dop ni galöm köl niŋgimapkö köhöiba malma. Mewö maliga nupŋan qahö sohoba eriga mal öngöba nalö ketane angotpin. Mewö möt narim köhöizal. ¹³Mötnaripkö keu urunini möhamgömapkö köhöizawi, nöŋön keu ölni mi kusum gihiba silik ölopŋi kondel gihiba malal. Mi mönö uru könömge ala wuatangöba malman. Nini Kraist Jisösbuk mohot kininga jöpaköm nenngimakkawi, göŋön mönö urukalem miangö uruŋe malman.

¹⁴Anutunöŋ geŋa möt narim gihiba yuai ölopŋi pakpak gihiga buŋagi akzawi, mianön loloŋqaloŋ aka sohobapuköra mönö mi galöm memba malman. Uŋa Töröŋan urunine kinda maljawi, mönö yangö kukösum qakŋe yuai ölni mi galöm kölnöŋga kahaimök ahöma.

¹⁵Eisia prowinsgö nenngakurupni yeŋön körek nömosöta andö nunnguet, mi mötzan. Azi qetŋiri Figelus aka Hermogenes yetkön yeŋö sutŋine maljahot. ¹⁶Tosatŋan nömosötketmö, Onesiforus yangön qahö. Miangöra Kambu, gi mönö Onesiforusgö saiwaurupŋi ak kömum ennginöŋga malme. Azi mianön mönö nöngö tapepnanngöra (munngamunnga) sisit gamu qahö ak niŋgimakkapmö, nalö gwötpuk miangöreŋ köro-ölöwak qem niŋgiiga imbini bönjöŋ kölö. ¹⁷Onesiforusnöŋ Rom sitinöŋ ki kangota nalö miangöreŋök nöngöra kapaŋ köla jaruba mala miwikŋaim niŋgiyök. ¹⁸Yangön mutuk Efesus sitinöŋ denöwö baukbauk ketani ketani aka mem amqem niŋgiba malöhi, mi nangak ölop möt kömuzan. Miangöra nalö ketane Kembangö qöhöröŋe angoringa Onesiforusnöŋ ak-kömükömugö töwaŋi miwikŋaimapköra köuluközal. Mewö.

Kraist Jisösgöra mönö bim qeba malman.

2 ¹O mötnarip nahöni Timoti, gi mönö Kraist Jisösbuk qekötahöba kalem möriam uruŋe böŋ qeba köhöiba kinman. ²Nöŋön Buŋa keu kusum gihibiga gwötpukŋan neka nanngöba jiget mötnöŋi, mi ambazip möt narim enngienngigö dop akzei, mönö yeŋö buŋaya ahömapköra al enngiman. Mewö al ennginöŋga ahöi ölop ambazip tosatŋi toroqeba kusum enngimeangö dop akŋe.

³O Timoti, gi mönö Kraist Jisösbuk kinda yarö aziñi aködampungambuk aka kapañ köla köhöikñanök bim qeba malman. Angösirip ak gihimei, miangö sihimbölöñi mönö möta mökösoñda bisiba malman. ⁴Yarö azigö tandökñi kewö: Suahö galöm bohonñinan azi engömeiga yarö kambugö areñnön angota anda kaba nup töp memba maljei, yeñön mönö körek galömñinan jim kutumakzawangö dop tem köla akingö jöjöröba kinje. Mewö kinda nanñini malmalgö nanñonangögöra yuai kun qahö memba malje. Uru deñqeq qahö malje.

⁵Miangö dopkeuñi kun kewö: Mönahot angolat azinön aongitnön angota jimkutukutu galömgö keuñi oñgita ösumñan lañ anjawi, yañön mönö aködampungambuk qahö akña. Yangö nöropñe luhut alalgö ila kun qahö kölgetka gema. Miangöra gi mönö diñdiñanök anman. ⁶Mewöñanök kölkömöt azinön nup lömbötñi meiga ölni asuhuiğa mutuk anda jeñi qeba neiga dop kölma. Tosatñan löworigeri, yeñön yangö andöñe kame. Gi mönö miangö dop köhöiba nup memba malman. ⁷Keu ohozali, mi oyoñnön lömböriiğa Kembunön mönö mötkutukutu ghihiğa mi pakpak ölop möt asariman. Miangöra mi mönö uru könömge ala mötmöriğa malman.

⁸Mönö Jisös Kraist mötmöriğa malman. Nöñön Ölöwak Buña jim asarimakzali, Jisösnön keu miangö dop kiñ Deiwidkö gwölönarökña ahuba Amötqeçe Toñi aiga Anutunön mem gulii kömupnöhök wahörök.

⁹Nöñön Ölöwak Buña keu kapañ köla jim asariba angösiripkö sihimbölöñi mötpiğa kegwek-kahasililiñ azi ewö kösö gwarö mem niñigetka tatzal. Mewö tatzalmö, Anutugö Buña keuñi mi mönö qahö jöhöba gwaröhöget. ¹⁰Könañi miangöra aka nöñön sihimbölö pakpak möta mökösoñda köhöiba kinjal. Anutunön ambazip nanñangöra möwölöhöm enñiyöhi, nöñön mönö yeñgöra aka kapañ köla bim qeba maljal. Kraist Jisösnön amöt qem enñii yeñön mewöyök letota oyaenköyaen akñegöra mötzal. Uruñini melenğa malme ewö, mönö Suepkö asakmararañnön öngöba teteköñi qahö köhöiba mala mal öngöme. ¹¹Keu ki mönö pöwöwöm köhöikñi akza,

“Nini urunini walñan yambuk mohotñe kömui maljin ewö, mönö mewöñanök yambuk köhöiba malbin.

¹² °Yambuk mohotñe sihimbölö möta mökösoñda maljin ewö, mönö mewöñanök yangö bemtohoñ uruñe yambuk galömkölköl akin.

Nini i qañ köljin ewö, yañön mönö mewöñanök qañ köl neñgiba neñgehörön kölma.

¹³ Nini andö qem wañgiinga likepñi melen neñgimapkö keu jöhöi ahözawi, yañön mi qeapkömamgö osima.

° 2.12 Mat 10.33; Luk 12.9

Mindiŋqindiŋ aka nanŋi kōnaŋi utekōmamgō qōtōtaŋgōmakza. Miangōra peksek aka keunini pōndaŋ qahō wuatāŋgōbin ewō, yaŋōn mōnō tōndup (misila) keuŋi pōndaŋ wuatāŋgōba miangō dop ak nengima.” Mewō.

Anutugō Buŋa nup azi kewō aka malman:

¹⁴O Timoti, keu ki ōlum eŋgubapukōra mi mōnō jim gulim eŋgiba Anutugō jemesoholŋe kewō jim kutum eŋgiba malman: Mōtnaripkō keu imbiŋi imbiŋi mi mōnō melenqelerŋda mōndōmkōsōk kude akŋe. Jitnakōlik mōnō qahōpmahōp baukōm neŋgimakzapmō, tosatŋan goranora keu mewōŋi mōta eŋololoŋ aketka mōtnaripŋinan sohoi ayuhubepuk. ¹⁵Gōŋōn mōnō Buŋa nupkō esapesap kōnaŋi kōnaŋi mi luhut alnōŋga Anutunōŋ geka “Dop kōljan,” jimapkōra kapaŋ kōla kinman. Gi Kraistkō nupkōra gamu kude mōta malmanmō, Buŋa keu ōlŋi mōnō tōrōrōk mendeŋda uruŋini kuŋgum eŋgiba malman.

¹⁶Gōlmegō keu oyoŋdewedewet omaŋi omaŋi mi mōnō yakōriba andō qeman. Tosatŋan mi sehiba jiba mala mewō miangōn gōlmegō aŋgōjōrakŋe qekōtahōba Anutu toroqeba nōnōŋgan aka kahapmahap ahakze. ¹⁷Uzi kōhōikŋi (qetŋi kensō) miangōn busu siribuk qem qariba yōhōba anakzawi, yeŋōn miangō dop keu omaŋi jiba miangōn ambazip mem bōlim eŋgimakze. Yeŋgō kambunōŋ azi yahōt qetŋiri Himeneus aka Filetus maljahot. ¹⁸Yetkōn keu ōlŋangō kōnaŋi mosōta janjuŋ aka keu sinŋi kewō jimakzahot, “Urumeleŋ ambazip neŋōn lōk guliba wahōta maljin. Miangōra kōnaŋgep kōmupnōhōk kunbuk qahō guliba wahōtpin.” Mewō jiba tosatŋi eŋololoŋ mem eŋgiyohotka mōtnaripŋinan bōlimakza.

¹⁹^dMewō bōlimakzapmō, Anutunōŋ tandō pōwōwōm kōhōikŋi kuŋguyōhi, miangōn mōnō tōndup qahō uruba kinja. Miangō muŋgemŋi mi kewō ohoget ahōza, “Kembunōŋ nanŋi buŋaŋi akzei, mi ōlōp mōt kutum eŋgiza.” Muŋgemŋi kun kewō, “Ambazip Kembangō qetŋi mēmba qetzei, yeŋōn kōrek mōnō ahakmeme bōlōŋi qem yakōriba malme.”

²⁰Miri ketaŋi miangōreŋ jout, kimbut, alnene, umnene kōnaŋi kōnaŋi ahōza. Tosatŋan ipnōŋ aka gwakōm gōlmenōŋ memēŋi, mi nalō dop mēmba nupnōŋ alakzin. Tosatŋan goul aka silwōnōŋ memēŋa. Akōdamunŋinambuk mewōŋi mi sōsōŋgai nalōŋeyōk nupnōŋ alakzin.

²¹Miangō dop kunŋan keu omaŋi mosōta nanŋi kōl kōŋjōrat mem aŋguzawi, yaŋōn mōnō kimbut goulnōŋ memēŋi kun ewō akŋa. Toŋan i mēmba nup akōdamunŋambuknōŋ ali memakŋa. Mi meiga tōhōtmōriamŋambuk aiga Ketaŋamŋan yaŋgōra sōŋgaimakŋa. Anutunōŋ mem sarahim waŋgiiga titiŋgitŋi kinda nup ōlōpŋi pakpak memamgō jōjōrōba kinma.

^d 2.19 Janj 16.5

²² Sepguli malmalgö sihim kömbönaŋi bölöŋan galöm ak gihibapuköra mönö galöm mem aŋguba malman. (Nupkahö ölnan etpapuköra mi jizal.) Esapesapnöŋ öröm gihimakzei, mi mönö qizingöba andö qeba malmal kewöŋi malmangöra kapaŋ köla malman: Ambazip uru sarakŋaŋgö qakŋe Kembu bauköm eŋgimapköra qerakzei, yembuk mönö ahakmeme diŋdiŋi wuatangöba Anutu törörök möt nariba ölna jöpaköm aŋguba luainöŋ malme.

²³ Tosatŋan kezapjupjup keu jiba oyoŋdewedewet ala jitnakölik aketka goranora aŋgururuk asuhumakza, mi ölna mötzan. Miaŋgöra mi mönö yaköriba andö qeba malman.

²⁴ Kembangö nup meme azi akzawaŋön mönö aŋgururuk akŋawaŋgö dop qahöpmö, ambazip körek guŋböŋjönjön qakŋe ak eŋgiba amqeba kusum eŋgiba malma. Aŋgösirip ak waŋgigetka mi köhöiba mököşöŋda malma. ²⁵ Tosatŋan tuarenjön ak waŋgigetka i ölop uruluai qakŋe mutulaŋgöba mindiŋgöm eŋgimakŋa. Mewö ak eŋgiiga Anutunöŋ uru mölöwörim eŋgiiga ölop Buŋa keu möt kutuba uruŋini meleybeak. ²⁶ Tuarenjön ambazip yeŋön Bölöŋi Toŋaŋgö mötöp simbanöŋ tötekögetka gwaröhöm eŋgii jitŋi tem köla ahakze. Mewö aka imbiŋini möta urumötmötŋini ahuiga yaŋgö köşönöhök lolohoba etpeak. Mewö.

Nalö teteköŋe malmal böliba aŋgöjörakŋambuk akŋa.

3 ¹ Keu kötŋi ki mönö möt kutuba malman: Jisös kaka nalöŋan töriiga ambazip könaŋamŋinan bölüiga teteköŋe malmal kanjamŋambuk kewö asuhuma: ² Ambazipnöŋ nanŋinaŋgörök mötmöröiba monenŋ yuai giriŋjabak membagan membingö nepaqepalok (gridi) köpösöŋgömakŋe. Sileŋini möpöseiba korua ewö ginginŋini töröreiba söŋgöröqök mala uruqeŋe keu töhöreŋ laŋ jimakŋe. Iwinamŋini yeŋgö jitŋini qahö tem köla yuai ölopŋaŋgöra saiwap qahö jiba nemsep-pamsep (nem-hölölök) ahakŋe. Anutugö nesampurek nönöŋan ahakŋe.

³ “Nanŋi lömböra,” jiba wösö mötmöt qahö ahakŋe. Tosatŋi yeŋgö siŋgisöndokŋini qahö mosöta miaŋgö urubölöŋi bisimakŋe. Andöqeŋe keu yöhösaŋ jiba nanŋini qahö galöm köl aŋguba ambazip lapköba öröm ureim ak eŋgimakŋe. Ahakmeme ölopŋi tököba miaŋgö ölan eŋgöhömakŋa.

⁴ Mamalolo aka nanŋini imbi-imbi wuatangöba jaubatbat ahakŋe. Söŋgöröqök mala jakbak-öraŋböraŋnöŋ uruŋini uwutapköiga urukönöp ahakŋe. Silegö sihim söşöŋgaiŋinaŋgöra gwötputak ak eŋgiiga Anutugöra mötket eretŋi aiga göragöra ahakŋe. ⁵ Anutugö Buŋa nup bahösapsap bisiba silebile memba Sonda areŋ laŋ wuatangöba möndömakzemö, ahakmemenŋinan Anutugö kukösumŋi mi je köndat qeba qaŋ kölakze. Ambazip mewöŋi mi mönö jabö ala qizingöba andö eŋguba malman. ⁶ Yeŋgöreŋök tosatŋan laŋ liliköba ambazip miriŋine

öngöba kelök keunöj uruqeçe mem engiba kezapjini kumbaumakze. Kumbaugetka ambi tosatjan löwöriba yengörej qekötahömakze. Ambi siŋgisöndokjinaŋgö gamugöra et enguiga sihim kömbönaŋini könaŋi könaŋi mienjön yeyaseŋseŋ mem engigetka siksauk akzei, yeŋön i bawian mönera aka köpeim engigetka keu mötöpjine et engumakza.

⁷Ambi mewöŋi mienjön möt lömböriba sundan keu kusum engimegö möndöba mörakzemö, Buŋa keu öljanaŋgö könaŋi mi nalö dop möt kutubingö osimakze. ⁸†Ijpt kantrigö tirip qözölgözöl azi qetjiri Janes aka Jambres yetkön Moses tuarenjoŋ ak wangiyohot. Takapulaka ambazip yeŋön mietkö dop Buŋa öljanaŋgö tuarenjoŋ ahakze. Ambazip mewöŋi yeŋgö mötmötjinaŋ sohoiga kahapmahap akzei, mienjön Anutunöŋ mötnaripjini esapköi et enguiga Kembubuk kinkinjanan sörröima.

⁹Nalö töröpjini sileŋini memba öngömemö, nupjinaŋgö öljni mi nalö qahö köriiga pömsöm qema. Ijpt azi yetkö könaŋamjiran aukje asuhuyöhi, yeŋgö uruqahöpjinaŋgö könaŋan mönö miangö dop aukje asuhui ambazip köreŋjan ek asarime. Mewö.

Polgörej jimkutukutu keu teteköŋi

¹⁰Yeŋgörej mewö asuhumapmö, nöŋön malmalnaŋgö tohotjini murutjini kuŋguba areŋ alal. Ambazip Buŋa keu kusum engiba ahakmemeni aka memba malali, göŋön mi lök eka möt kömuzan. Malmalnaŋgö tohotjini wuatangöba mötnaripkö kölguliguli pöndaŋ memba sihimbölo mökösoŋda malali, miangö kösohotjini jiba jigetka möt sölöŋgözan. Urumeleŋ alaurup urunan jöpaköm engiba malal. Tuarenjoŋ aŋgösirip ak niŋgigetka miangörej kapaŋ köla köhöiba kinda malal. ¹¹†Sesewerowo kahasililiŋ könaŋi könaŋi ak niŋgiba malgeri, mi mötzan. Antiokia, Aikoniam aka Listra taon karöbut miangörej sihimbölo nöŋgö qakne öŋgöiga wahöjaliŋ mörali, mi yuai kanjamjambuk ahök. Iwinaŋgö jitjini! Aŋgösirip mökösoŋda bisiba malalmö, Kembunöŋ mi pakpak miangörejök meköm niŋgiyök.

¹²Keu ki mötnöŋ: Ambazip Kraist Jisösbuk mohot kinda malmal köhöikjini mala miangö kölguliguliŋi akingö mötzei, yeŋön körek sesewerowo miwikjaime. Ni aŋgösirip ak niŋgiget ewö, tosatjini injini mewöyök ak engime. ¹³Tirip qözölgözöl ambazip bölöŋi Buŋa nup silesile memba öŋömböböp akzei, yeŋön toroqeba bölimqölimakje. Yeŋön ambazip tosatjini tilipköm engiba nanjini mewöyök tilipköm aŋguba malme.

¹⁴Yeŋön mewö malmemö, Timoti gi Buŋa keu öljni möta uru könömge ala möt narim köhöizani, mönö miangörej toroqeba böŋ

° 3.8 Eks 7.11 † 3.11 Apo 13.14-52; 14.1-20

qeba kin köhöiba malman. Denike yejñon kusum gihigeri, göñon yeñgö könañamñini möt kutuzan. I möt narim eñgizanañgöra mönö Buña keu töp memba kude söroräuba mosötman. ¹⁵Urumeleñgö Buña Kimbi Töröñi mi morökötkeyök möt sölöñgöba mala kotzan. Göñon mönö mi oyoñda mötmörinöñga mötkutukutugi asariiga miangö qakñe kinda Amötqeçe Toñangö könañi möt asariman. Mi möt asariba Kraist Jisös möt narim wañginöñga amöt qem gihiiga toroqeba letota malman.

¹⁶Anutunöñ Buña Kimbigö keuñi pakpak mi ambazip tosatñi sölölohöm eñgii ohogetka kewö mem ölöwak neñgimapköra aka ahöza: Mi oyoñninga Anutunöñ urunine sölölohöba köna öññi kusum neñgiba bölöñamñinañgöra tembula jim neñgiba mindiñgöm neñgimakza aka malmal solanñi malbingöra goro neñgiba köl gulim neñgimakza. ¹⁷Anutugö ambazip neñon mi oyoñda köl guliba Anutu jitñangö dop köhöiba aködaminambuk aka nup ölöññi pakpak membingö jöjöröba malbin. Mewö.

Polnöñ nupñi undumñi Timotigö qakñe alök.

4 ¹Kiñ Kembunini Kraist Jisösnöñ asuhuba jebuk malbini me kömumba ahöbini, neñgö keunini kewöta jim teköba tosatñi nini bemtohoñe ala galöm köl neñgima. Nöñon Jisös mi aka Anutu yetkö jemesoholñire kinda gi urugö nup memangöra jim kutum gihizal. Mi wuatangö mangö jiba keu mi jöjöpañ keunöñ jöhönöñga mötpi dop kölma.

²Kewö jim kutum gihizal: Göñon Buña keu jiba ambazip uru kuñgum eñgiba malman. Mötmegö nalöñini dop köl eñgiza me qahö dop köl eñgiza, mönö töndup kapañ köla wahöta keu jim asariba malman. Ambazip bölöñamñinañgöra jim eñgiba mindiñqindiñ aka galöm meme keu jiba uruwahöt keu eñgiba malman. Keu mötme me qahö mötmea kun, mi töndup mönö mökösoñda kinda köna öññi nalö dop kusum eñgiba malman.

³Neñon mötnaripkö keu nalö kewöñe ambazip ölöwakñegöra kusum eñgimakzinmö, nalö murutñi kun kam kuñguiga miangöreñ mötnaripkö keu kemañi kun mötpepuköra tököba kezapñini gwözöñ akñe. Keu murutñi murutñi mötpingö kezapñini köröpñi köröpñi aka aziña azi sesegilil öröm eñgigetka kaba ambazip keu i me wai mötpingö sihimñi mötzei, miangö dop kusum eñgigetka malme.

⁴Mewö mala Buña keu öññi mötpinbuköra nöñöñgan aka kezapñini gwözöñda bem sambannñi sambannñi lañ jiji jimakzeangöreñ göröken meleñda mi kezap ala möta malme. ⁵Malmal mewö me mewö uteköba asuhumawi, Timoti gi mönö töndup böñ qeba zeñ kinda ahakmemegi törörök galöm köl añguba malman. Añgösirip ak gihimei, miangö sihimbölöñ mönö mökösoñda bisiba malman. Urukugukungu (ewanjelis) azigö nup areñ mi körek dop köla mem teköman.

⁶Nalö köröpñi bauköm gihimamgö osimamañgöra mewö jizal. Tandö lopioñ möpöseibingöra sömbup qeba jakenöñ ala ohogetka köwaknöñ öngözapma. Miangö dop nöñön malmalni Anutugöra ala köleñda nupñi memba malalañgöra gawman yeñön keuni jöhöba nuñgugetka nani sepni mokomamgö dopdowizal. Göłme ki mosötmami, miangö nalöñan lök kam kuñgumamgö dopdowiğa mötzal.

⁷Möñahot añgolat azinöñ ösumtiti aonñit nalöñe luhut almamgöra ösumñi pakpak qezaköba tiba anjawi, nöñön miangö dop mötnariñ köł guliba aonñit aködamunñambuk ak teközal. Kraist möt narimamgö keu jim jöhöyali, mi qahö köyatiba qañ köłalmö, miangö bimñi mönö pöñdan köhöiba qeba malal.

⁸Kembunöñ jimtekötekö Toñi diñdiñi aka malmalni kewöta solanñi aka malali, miangö ila soromñi mi jim teköm niñgiğa nöñgö mamböt ahöza. Kembunöñ liliñgöba kamawi, nalö miangöreñ mi niñgiba imbine köli geiga qetbuñanambuk akñam. Mi nöñgörök qahö niñgimapmö, ambazip jöpaköm wañgiba kunbuk asuhumapkö al mambörakzei, mi yeñgö imbiñine mewöyök köli gem eñgima. Mewö.

Neñakurupnan nömosöta qeñgalanğa köłget.

⁹⁻¹⁰⁸Nalö kewöñe göłmegö ahakmeme aka memakzei, neñakni Demas yañön uruñi miangöreñ jöhöba nömosöta Tesalonaika sitinöñ anök. Neñakni Kresens yañön Galesia prowinsnöñ anök. Taitusnöñ Dalmesia gölmenöñ anök. Miangöra gi mönö zilañ nöñgöreñ kamamgö kapañ köłman. ¹¹^hLuk yañön nanñök nömbuk maljit. Maknöñ welen qem niñgimapköra gwötpuk möta yañgöra osizal. Miangöra Mak wañgita mohotñe kamahot. ¹²ⁱNeñakni Tikikus melaim wañgibiga Efesus sitinöñ anök. ¹³Troas taonöñ mala malukuni azi qetñi Karpus yañgö mire mosörali, mönö mi memba kaman. Mewöyök kulem lama sileñe ohoba lipiñeri, nöñgöreñ lama sile mi mönö kapañ köla meman aka miangö andöñe buk tosatñi mi mohotñe memba kaman.

¹⁴^jAleksander, silwö kopö ohom qeköqekötahö azi mötzani, yañön bölöñi könañi könañi gwötpuk ak niñgiba malök. Kembunöñ ahakmemeñi kewöta miangö dop likepñi melen wañgiğa qakñe öñgöi sihibölö mötmawi, mi mötzal. ¹⁵Yañön keuninañgöra gwötpuk tuarenöñ ak neñgiba malök. Miangöra gi mewöyök mönö yañgöra galöm mem añguba malman.

¹⁶Indim mutukñi kutukutulañ keu jake bohonñe al niñgigetka keuni likepñi jibiga kunñan kun qahö kaba ni nanñöm niñgiba jiyökmö, alaurup

⁸ 4.10 Kol 4.14; Flm 24; 2 Kor 8.23; Gal 2.3; Tai 1.4 ^h 4.11 Kol 4.14; Flm 24; Apo 12.12, 25; 13.13; 15.37-39; Kol 4.10 ⁱ 4.12 Apo 20.4; Ef 6.21-22; Kol 4.7-8; Apo 20.6 ^j 4.14 1 Tim 1.20; Sum 62.12; Rom 2.6

pakpak yejön buratiba nömosötket. Anutunöj singisöndokñini miangö likepñi qakñine alwapuköra köuluközal.

¹⁷Yejön nömosötketmö, Kembunöj bauköm niñgiyök. Nöjön Buja keu jiba ambazip uru kuñgum engiba nup mi körek mem tekömamgöra aka mem köhöim niñgiyök. Kantri pakpak yejön Buja mi mötmegöra möta bauköm niñgiba laion sömbup kalñi yeñgö numbuñine gil niñgibepukö añgön köla jitñineyök meköm niñgiiga eral.

¹⁸Kembunöj bölöñi könarñi könarñi mem niñgibepuköra meköm niñgiiga ölop Suep bemtohoñangö uruñe eu öñgömam. Kembugö qetñi mönö sundan möpöseininga nalö teteköñi qahö aködamunñambuk aka ahöba öñgöma. Keu mi ölna.

Yaizözkök keu teteköñi

¹⁹^kGi mönö nöñgö yaizözkökni Prisila aka apñi Aqila yetköra aka Onesiforusgö saiwaurupñi yeñgöra jinöñ mötme. ²⁰^lNeñakni Erastus mosötpiga Korint sitinöñ malja. Trofimus i Miletus sitinöñ mosötpiga kawöl yöhöi ahöza. ²¹Miangöra kömunarñ kie uru nalö qahö kaiga mönö bapñe kiangöreñ nöñgöreñ kamamgö kaparñ kölman. Azi qetñini Yubulus, Pudens, Linus, Klodia aka urumelenñ alaurup pakpak yejön yaizözkökñini jiba algetka göhöreñ kaza.

²²O Timoti, Kembunöj uñagi kötuetköba göbuk kinma. Anutugö kalem möriamñan mönö embuk ahöma. Mewö.

^k 4.19 Apo 18.2; 2 Tim 1.16-17 ^l 4.20 Apo 19.22; Rom 16.23; Apo 20.4; 21.29

Taitusgö Kimbi

Polnön Taitusgöra Kimbi alök.

Jim-asa-asari

Azi gwabö qetji Taitus yañon uruji melejda Polbuk örörön jöhöba bauköba misin nup meyohot. Mema köwet sutje gölme jölanji qetji Krit (Arete) miangörej malohotka Polnön kemañe kutuba alabaukñi mosoriga zioz nup arengöba ek kewöta galöm kölok. Polnön mosöta anda yañgöra köuluköba mala Buña Kimbi ki ohoyök.

Krit mi keu Grik miambuk mindiribanbuk. Krit mi köwet sutje gölme jölanji kun aka Grik (Greece) mi kantri kun.

Polnön Taitusgöra waimañat karöbut möta qambañ keu kewö ohom wañgiyök: Krit yeñgö könañini mi gongim teköi baunam jegömöl aka malget. Tosatñan urujini melejgetka malmalñinan diñgiyöhi, yeñon kunbuk bölibepuk. Miangöra yeñgö jitñememeñinan silik ölop kötokñi kondela köuluk aka Baiböl stadi nup qahö mosöta kambuñini mindiñgöba malmegöra jiza. Uru melejget yeñgö sutjine kambu morömorö mi denöwö mindiñgöba kusum eñgiba malme? Azi namñi, ambi namñi, ambi seram, azi gwabö aka welenqeqe yeñgö goro keuñini mi nanjök nanjök kewö jim asariza, “Uruñini melejda Buña keu wuatangöba luainön mala ketañi yeñgö keu bapñe anda jegep uruk nup ölopñanök memba kinda julbepüköra kazik añgururuk mosöta malme.”

Buk kiangö bahöñi bohonñi 5 mi kewö:

Polnön aposol nupñangö könañi jiza *1.1-4*
Anutugö jitñememe yeñgö goro keuñini *1.5-16*
Ambazip kambu morömorö yeñgö goro keuñini *2.1-15*
Urukungukungu aka galöm meme keu *3.1-11*
Yaizözkök aka keu teteköñi tosatñi *3.12-15*

Polnön aposol nupñangö könañi jiza.

1 ¹ Anutunön ambazip möwölöhöm eñgiyöhi, eñgö mötnaripñinan asuhaba qarimapköra aka Jisös Kraistnön Pol ni melaim niñgiiga

yanğö aposolji akzal.

Nöjön Anutu welenji qeba keu ölni kusum engimakzal. Keu ölni mi möt kutuba köl gulime ewö, engö malmalñinan mönö uteköba letorakña. Miañgöra kimbi ki ohozal.

²Anutunöj keu munenji jimawanğö dop qahö yanğön möpñanğö möpñe malmal köhöikñi neñgimamğö jim jöhöba miangö andöñe yuai pakpak miwikñaiyök. Enjön keu ölni möt kutuba möt narigetka miaññön mönö nam köl engiiga malmal köhöikñe aņgotpiñğöra al mamböta jörömqöröm ahakze. ³Anutu, Amötqeqe Toninan oyaenjkoyaengö keuñi jim jöhöba miangö nalöñi diñdiñi ali kam kuñguiga miangörej Buña keuñi indela mi jim sehbingö jimkutukuñi alök. Miangö dop mi jim asarigetka Anutunöj nöjön mi jim sehimamğö möt narim niñgiba kuñgum niñgiyök.

⁴“O mötnarip nahön sorokni Taitus! Nöjön bauköm gihibi urugi meleñda alabaukni aka mohotñe Kembu möt nariba maljit.

Iwi Anutu aka nanini Amötqeqe Tonini Jisös Kraist yetkön mönö kalem möriam gihiyohotka luainöj malman.

Galöm jitñememe yanğörej keu areñ

⁵Köwet jölanñi Krit (Crete) miangörej mohotñe misin nup memba kemañe gömosötmamğö aka kewö jim kutum gihial, “Uruñini meleñget yanğön ilingösöñ lañ maljei, i mönö areñgöm engiba (pasta aka) jitñe memeni miri taon dop kuñguba kusum enginöñga areñnambuk zioz nup memba malme.” Mewö jiba deñnit.

⁶Uruñini meleñgeri, yanğö sutñineyök azi kewöñi möwölöhöman: Kungö sileñe pinjitkö keuñi qahö, anömñi mohok-kun memba mali nahönböraturation uruñini meleñda Anutu möt nariba yanğiseñ kezapjupjup silikö keu sileñine qahö ala jim engimakze.

⁷Urumeleñ könagesögö ketañamñini pasta (bisop)^c yanğön Anutugö könagesö galöm köl engimakñawi, miangöra mönö azi kewöñi kuñguman: Kungö sileñe pinjitkö keuñi qahö, jakbak-orañbörañ qahö aka urupik qahö. O köhöikñi qahö memba bim lañ qahö qeba möndömöndö qakñe injarere mala moneñ yuaigöra qahö kapañ kölakza. ⁸Yanğörej kamei, i ölop köl öröba köyan köl engiba keu ahakmeme ölopñanğö sihimñi möta uruñi miangörej ala malma. Kilik-kaluk kekpurikñi qahö, keu pakpak diñdiñanök kewöta sarakñi töröñi qainñi kun aka nanñi ahakmemeni törörök galöm köl aņgumakña.

^a 1.4 2 Kor 8.23; Gal 2.3; 2 Tim 4.10 ^b 1.6-9 1 Tim 3.2-7 ^c 1.7 ouwösiö, zioz paris lida, bisop, nup meme bohonñi yanğön qet ketañi öne qahö bisimapmö, paris kambu-urupñi yanğöra köuluköba kusum engiba uruñini kuñguba nupñinañğö areñini engiba goro qambañ qakñe galöm köla mindiñgöm engimakña.

⁹Buḡa keu kusum neḡgigetka tandö söran ewö malmal töngumamgöra ahözawi, pastonöḡ mi mönö töp memba miaḡgöreḡ qekötahöba kinma. Mewö kinda ölop Buḡa Kimbigö dop mötnaripkö keu kembangan kembangan ambazip kusum eḡgiba miaḡön uruḡini kuḡgumakḡa aka tosatḡan Buḡa keu möwöramgöba qetalakḡei, yeḡgö keuḡini goḡgongi ölop qeapköba mindiḡömakḡa. Mewö.

Böhi takapulakanḡ mönö qetal eḡgime.

¹⁰Ambazip gwötpukḡan keu qetala kezapjuḡḡup aka sesekḡai ewö keu sinḡi sinḡi jiba ambazip tilipköm eḡgimakze. Anutugö aiwesökḡi sileneḡine yandigeri, yeḡgö kambunöhök ambazip jesöḡgöḡan mewö ahakze.

¹¹Ambazip mewö mieḡgö keuḡini mönö qömbököme. Yeḡön Buḡa keu kusum eḡgibingö möndöba moneḡ yuainḡini örobḡingö möta kösawöraḡ keu laḡ jigetka gamuḡambuk ahakza. Mewö aka saiwa tosatḡi lök körekḡanök mem sohom eḡgigetka eḡloloneḡ aket. ¹²Krit nanḡine kezapqetok azi kunḡan aiakanḡinangöra kewö jiba ohoyök, “Krit ambazipnöḡ mönö nalö dop keu muneḡ jiba injarere qölzöm mala ubibi kömböt ewö lilikqilik aka bau numbu nemakze.” ¹³Yeḡgöra keu mewö nanḡöba jiyöhi, miaḡön mönö ölna. Miaḡgöra kawölḡinan qahöwahi mötnaripḡinan asuhuba ölnambuk akḡapköra i mönö köhöikḡanök tereḡgöba jim eḡgimakḡan.

¹⁴Mötnaripḡinan ölnambuk aiga Juda neḡgö bem sambanini aka ambazip keu ölni siḡgiba jimkutukutu alakzei, keu mewö miaḡgö kezap kude alme. ¹⁵Urunini meleḡḡiḡa Uḡa Töröḡan köl köḡjorat ak neḡgiiga sarakḡi akzini, neḡgöra nene kungö döḡqizizini qahö ahöza. Neḡön nene pakpak ölop nembinaḡgö dop akzapmö, qewöloneḡ ambazip keu ölnaḡgö yaḡgiseḡ ahakzei, yeḡön i me wai aketka uruḡinan töndup tölohomakza. Uruḡinan kölkölḡiḡiḡambuk aiga uruḡinaḡgö kezapḡan duhui mönö bau jegömöl tandök malje.

¹⁶Yeḡön “Anutugö könaḡi möt yaközini,” jitiḡinan mewö jigetka aiakanḡinan mi qaḡ köla qeapkömakze. Mewö aka Anutugö keuḡi qetalgetka imbiloneḡ möt eḡgiiga ahakmeme ölopḡi kun memeaḡgö dop qahö akze. Mewö.

Ambazip ketanḡi yeḡgö qambanḡ keu

2 ¹Göḡön mewö qahö maljanaḡgöra mönö mötnaripkö keu kembangan kembangan mi Buḡa Kimbigö dop kewö kusum eḡgimakḡan: ²Azi namḡi yeḡön mönö kilik-kalukḡini qahö malgetka göda qem eḡgibinaḡgö dop akḡe. Nanḡini ahakmemeḡini törörök galöm köl aḡgugetka mötnaripḡinaḡgö kawölḡinan qahöwahi ölni urukalem asuhumakḡa. Ölni asuhui ambazip törörök jöpaköm eḡgiba malme aka kapaḡ köla böḡ qeba kinme. Mewö malmegöra kusum eḡgimakḡan.

³ Ambi namŋi yeŋön mewöyök Anutugörej ambi sarakŋi yeŋgö dop ahakmemeŋini aka memba malme. Andöqeŋe keu yöhösaŋ kude ahakŋe. Wain o gwötpuk nemegö mötöp simbaŋe kude aŋgota qaköme. Urumeleŋ ahakmemegö silikŋi ölöŋŋi kondela tosatŋi kusum eŋgimakŋe.

⁴ Mewö aka mala ambi nembö bapŋine maljei, yeŋgöra ölöŋ goro eŋgiba malgetka yeŋön mewöyök apmoröurupŋini urukönömŋinan jöpaköm eŋgiba malme. ⁵ Jöpaköm eŋgiba nanŋini ahakmemeŋini törörök galöm köl aŋguba sarakŋi aka mirigö nupŋini nem qerak aka nöŋgöp törön qakŋe memba apmoröurupŋini köyan köl eŋgiba apurupŋinaŋgö keu bapŋe anda kötöngöm eŋgimakŋe. Mewö kusum eŋgigetka aka memba malgetka tosatŋan Anutugö Buŋa keu mi mepaiköba ilitnöŋ albingö osime. Mewö.

Azi gwabö aka welenqeŋe yeŋgö qambaŋ keuŋini

⁶ Azi gwabö yeŋgö uruŋini mewöyök kewö kuŋgum eŋgimakŋan: Yeŋön mönö ölöŋŋaŋgö oyankasak mala nanŋini ahakmemeŋini törörök galöm köl aŋgumakŋe. ⁷ Uruŋini mewö kuŋgum eŋgiba nangak ahakmeme pakpak miaŋgöreŋ silik ölöŋŋi kondel eŋgiba malman. Mönö geŋmoŋ qahö böŋ qeba kinda taŋörakŋi qahö kusum eŋgimakŋan. ⁸ Keu mötsihimŋambuk jiba malnöŋga ambazipnöŋ mepaiköba memba et al gihibingö osime. Mewö jiba malnöŋga tuarenjoŋurupŋinan keu bölöŋi jim neŋgibingö keu jaruba ölni qahö miwikŋaiba gamuŋini mötme. Mewö kusum eŋgimakŋan.

⁹ Welenqeŋeurup mi kewö kusum eŋgimakŋan: Yeŋön ketaŋamŋini yeŋgö keuŋini pakpak tem köla keu bapŋe anda malme. Sösöŋgai ak eŋgibingö kapaŋ köla kinme. Keu jimei, mi nesilam qakŋan kude meleŋ eŋgimakŋe. ¹⁰ Ketaŋamŋinaŋgö mireyök yuai mohot-hök yahöt-hök mi ölöŋ kude memakŋemö, ketaŋamŋinan eŋgeka möt narim eŋgimakŋapaköra mönö kapaŋ köla kinme. Nupŋini pakpak mönö geŋmoŋi qahö pöndaŋ memba malme. Mewö mala Anutu Amötqeŋe Toninaŋgö Buŋa keu kusum eŋgimakzei, mi kötön kölgetka ölni ahui nahömŋambuk ahakŋa. Mewö.

Malmal sarakŋaŋgö nam köipitŋi mi kalem möriam.

¹¹ Malmal sarakŋaŋgö nam köipitŋi kewö: Anutunöŋ ambazip körek amöt qem neŋgimapaköra aka kalem möriamŋi indeli gölme dop asuhuyök. ¹² Kalem möriam miaŋön mönö kopa aŋgöjörak malmalgöra “Qahö,” jibingö köna kondela gölmegö sihim kömbönaŋi bölöŋi qömbököbingöra köl kusuba mindiŋgöm neŋgimakza. Ahakmemenini törörök galöm köl aŋguba keu pakpak diŋdiŋanök kewöta malbingöra köl gulim neŋgimakza. Mewö miaŋön Anutugö malmal köhöikŋi mi nalö kewöŋe köl guliba gölmenöŋ malbin.

¹³Mewö malinga Jisös Kraistnöŋ kunbuk kamawi, nini nalö miangörej Anutu qetbuŋaŋambuk aka Amötqeŋe Tonini yetkö asakmararaŋjiri asuhuiga ekin. Nini oyaenŋkoyaen nalöŋi mi kam kuŋgumapköra jörömqöröm al mamböt aka maljin.

¹⁴^dJisös Kraistnöŋ mönö neŋgöra aka nanŋi malmalŋi köleŋda mosörök. Nini ahakmeme bölöŋi könaŋi könaŋi miangörejök meköm neŋgiba sohopeni memamgö möta köl könjörat ak neŋgiba nanŋi buŋaŋi sarakŋi akingöra aka malmalŋi köleŋda mosörök. Mi mosöta qewöloŋnini saŋgoŋniga nanŋi könaŋesöŋi aka ölöŋ nup ölöŋŋi ölöŋŋi memingö urukönöp aka jöjörömakin.

¹⁵Miangö keuŋi mönö kusum eŋgiba ambazip uruŋjini naŋgöba köna siŋgimei, mi kukösum pakpakö qakŋe tembula jim eŋgimakŋan. Mewö aknöŋga kuŋŋan jjiwilit ak gihibapüköra galöm mem aŋguba malman. Mewö.

Urumeleŋ eŋön mönö silik kewö aka memba malme:

3 ¹Kusum eŋgiba keu ki mönö köl gulim eŋginöŋga ölöŋ urukönömŋine ala mötmörime: Urumeleŋ könaŋesö yeŋön mönö kiap gawman aka ketaŋamŋini tosatŋi yeŋgö keu bapŋine anda keuŋini tem köla malme. Mindimindiri nup ölöŋŋi memegöra jigetka mi pakpak mönö jöjöröba memakŋe. ²Uruqeŋe keu töhörej mi kungöra kude jim waŋgime. Aŋgururuk kude akŋemö, ala ak aŋguba urumohot malmegöra kinme. Ambazip pakpak mi guŋböŋjönjön pakpak ak eŋgiba uruluai qakŋe mutulaŋgöm aŋguba malme. Mewö.

³Nini mewöyök mutuk uruqahö mala qeŋetal aka jaŋjuŋ malin. Sihim kömbönaŋnini bölöŋi könaŋi könaŋi miengö mötöp simbaŋe qaköŋga galöm köl neŋgigetka silegö sihim sösoŋgaiŋi laŋ jarubingöra malin. Körgisigisi qakŋe kegwek-kahasililiŋ aka miangörej malmalnini ayuhuba malin. Tosatŋan imbilöŋloŋ möta kazik ak neŋgigetka sutnine urukerök ak aŋguba malin.

⁴Mewö malinmö, Anutu Amötqeŋe Toninan ahakmemeŋi ölöŋŋi köleŋda indeliga urukalemŋan asuhum tiŋgiriga kötala uruŋan jöpaköm neŋgiyök. ⁵Jöpaköm neŋgiba bohonini jöhöba amöt qem neŋgiyök. Naninak diŋdiŋi mala nup ölöŋŋi ölöŋŋi memba malbinahi, miangöra aka qahö neŋgehoriyök. Miangöra qahöpmö, nanŋi ak-kömukömuŋan mönö nam köl waŋgiiga siŋgisöndoknini saŋgoŋniga ahuahu dölökŋi ahuŋga Uŋaŋi Töröŋi urunine aliga kölöŋaim neŋgiyök. ⁶Anutunöŋ amöt qem neŋgiba Amötqeŋe Tonini Jisös Kraistköra jiiga Uŋa Töröŋi melaiba keleŋmaleleŋ mokoiga urunine geiga maljin.

⁷Anutugö kalem möriamŋan nam köl waŋgiiga keunini jim teköi solanibingöra aka Uŋa Töröŋan urunine geiga kölöŋainin. Kölöŋaiba

^d 2.14 Sum 130.8; Eks 19.5; Dut 4.20; 7.6; 14.2; 1 Pitö 2.9

kinda oyaenƙoƙoƙaen malmal teteköŋi qahö malbingö jörömqöröm al mamböt akzini, mi ölop buƙa qem aŋgubin. Mewö.

⁸Keu ohozali, miaŋön öl töhöŋja. Göŋön mönö keu kewö kapaŋ köla jim tuarim engiba malman: Ambazip Anutu möt narizei, yeŋön mönö jegep aka kinda uruŋini pöndaŋ nup ölopŋi ölopŋi memegöra ala malme. Mewö akŋei, miaŋön mönö ambazip bauköm engiiga nupŋinaŋgö ölni eka “Qetpuk!” jiba malme. ⁹Tosatŋan uruqahö keu aka ambösakon yeŋgö qet areŋi areŋi eraum mötketka goranora aŋgururuk asuhumakzawi, göŋön mönö mi yaköriba andö qeman. Mewöyök Mosesnöŋ Köna keu neŋgiyöhi, tosatŋan keu mohot mohot miaŋgöra möndömkösök aketka supapköiga sohomakza. Jitnakölik mewöŋi mi yuai omaŋi töhön aka qahöpmahöp bauköm engimakza. Miaŋgöra mi mönö andö qeba mosötman.

¹⁰Kunŋan keu mewö jim öröba miaŋön urujjul mem engimakzawi, i mönö galöm meme keu jim waŋŋinöŋga qahö tem köliga kunbuk jim waŋŋinöŋga yahöt aiga töndup yaŋgiseŋ akŋa ewö, i mönö közölnöŋga urumelenƙambu mosöta yaigepŋe malma. ¹¹Yaŋgö könaŋi kewö ahöi möt yaközan: Yaŋön köna ŋiŋgiba öŋömböböp köla lolonqaloŋ aka ŋiŋgisöndok ahakmeme ahakza. ŋiŋgisöndokŋi miaŋön mönö könaŋi kondeli sohom teköi Anutunöŋ keuŋi jim teköi könöp siaŋö buƙaya akŋa. Mewö.

Yaizözkök keu teteköŋi

¹²ƆNi kömunjaŋ kie uru nalö ki siti qetŋi Nikopolis Grik miaŋgöreŋ mösöhöba malmamgö mötzal. Miaŋgöra Artemas me Tikikus salupke malmapköra melaibi göhöreŋ kaŋgotmawi, nalö miaŋgöreŋ mönö nalö kude qem körimanmö, zilaŋ mosöta Nikopolis kaba miwikŋaim niŋgiman. ¹³Köna keugö mötmöt azi (loya) qetŋi Zenas aka Apolos yetköŋ yuai kungöra osiba mözöqözöröŋ aka Krit miaŋgöreŋ qaköba tatpahotpuk. Miaŋgöra mönö kapaŋ köla öröyuai tosatŋan dopŋire naŋgöm etkinöŋga ölop toroqeba anmahot. ¹⁴Alaurupninan mönö nup ölopŋi ölopŋi memegö könaŋi möt soroköba pöndaŋ jegep aka zeŋ kinda uruŋini miaŋgöreŋ ala malme. Mewö aketka tosatŋan lömböt keta bölököŋi saŋgabaŋga miwikŋaimei, i ölop naŋgöm engimakŋe. Mötnaripkö ölni mewö ahuiga malmal gilipitŋi (ambetakŋi) önewat qahö malme.

¹⁵Nömbuk ki maljei, yeŋön körek yaizözkökŋini jigetka göhöreŋ kaza. Göŋön alaurupnini Krit miaŋgöreŋ Kembu möt nariba uruŋinan jöpaköm neŋgimakzei, yeŋgöra mönö nöŋgö yaizözkökni jinöŋga mötme.

Kalem möriamnöŋ mönö körek embuk ahöma.

Ɔ 3.12 Apo 20.4; Ef 6.21-22; Kol 4.7-8; 2 Tim 4.12 Ɔ 3.13 Apo 18.24; 1 Kor 16.12

Filemongö Kimbi

Polnön Filemongöra Kimbi alök.

Jim-asa-asari

Azi öngöngöni Filemon mi Kolosi sitinön mala uruñi meleñda zioz nup memba welenqeçeni qetñi Onesimus galöm köliga töndup unjurata Rom sitinön anök. Miangöreñ anda Polbuk mutulañgöba keuñi möta uruñi meleñda Polbuk Buña nup meyohot. Polnön kösö mire tata Onesimus toñangöra Kimbi ki ohoba böröñge ala melaiiga Kolosi lilingöyök. Kimbi kiangöreñ uruñi meleñnöhi, miangö buzupñi indela Filemon uruñi kewö kuñguyök: “Gi mönö welenqeçegahö pinjitñi mosöta yambuk urumohok aka köl öröm wañginöñga urumeleñ alagi ewö qöhöröñge kiniga yañgöra söñgaiba malman.”

Buk kiangö bahöñi bohonñi 4 mi kewö:

Keu mutukñi 1-3

Polnön Filemon möpöseiza 4-7

Onesimusgöra Filemongö uruñi kuñguyök 8-22

Kimbigö keu kötñi bohonñi 23-25

¹O wölböt alani aka neñakni Filemon!

Pol nöñön Jisös Kraistkö nupñi memakzalañgöra aka gwaröhöm niñgigetka kösö mire tatzal. Urumeleñ alani Timoti yañön nömbuk tariga nöñön göbuk keu eraum mötpitköra kimbi ki ohozal.

²“Mewöyök ambi ketañi urumeleñ nenini Apia aka Arkipus urumeleñgö bimqeçe azinini aka urumeleñ könagesö göhö mire tokomakzei, nöñön kimbi ki eñgöra ohozal.

³Anutu Iwinini aka Kembu Jisös Kraist yetkön kalem möriam eñgiyohotka luainöñ malme.

Filemongö urukalemñangöra möpöseiza.

⁴Nöñön nalö dop köuluköba gi mötmörim gihimakzalañgö dop kewögöra Anutuni saiwap jim wañgimakzal: ⁵Gi Kembu Jisös möt nariba jöpaköm wañgiba Anutugö ambazip sarakñi pakpak jöpaköba urukalem ak eñgiba maljan.

^a 1.2 Kol 4.17

⁶Saiwap jiba kewö köulukömakzal: Mötnaripkan mönö köhöiba pöwöwöm aiga ölop qöhöröjnine kinda nembuk mötnaripkö keunji jim sehiba malman. Mewö Kraistpuk qekötahöba kininga kalem ölopñji ölopñji neŋgimawkawi, gi miangö kōnañji körekñanök möt sölöngöman. ⁷O urumelenj alani, gi ambazip sarakñji körö-ölöwak qem enjinönga amgöba malje. Urukalemgi miangöra nöñon gwötpuk söngai biga miangön uruni nanjömakza.

Filemonöñ Onesimus köl örömapköra qesiza.

⁸Mewö malnönga Kraistpuk qekötahöziga ölop awösamkakak aka kukösum qakñe kinda yuai akñangö jim kutum gihibileñjak. ⁹Mi töndup Anutunöñ uruñan jöpaköm netkizawangöra aka ölop jimkutukutuni mosöta ulet miyök ulet gihimam. Gi Pol nöñgö silikni mötzan. Nöñon azi namñi akzal aka Kraist Jisösgö nupköra aka nalö kewöñe kösö miri azia mewöyök akzal. ¹⁰^bNi kösö miri kiangöreñ alagi qetñi Onesimus aitongöba bauköm wangibiga uruñi meleñda mötnaripkö nahöni ahök. Miangöra merak yangö numbu jit memba yangöra aka ulet gihizal. ¹¹Yañon mutuk welen qeba lañ möndöba injarere mala qemasolokep ak gihiba malökmö, nalö kewöñe letota gi aka ni ölopñanök bauköm netkiiga ölnji asuhumakñawangö dop akza.

¹²Yañon nani wölböt nahöni akza aiga nani wölbötñi ewö melaim wangibi lilingöba göhöreñ kaza. ¹³Nöñon Ölöwak Buñagöra aka kösö mire tatzal. Miangöra Onesimus jöhöbi nömbuk mala göhö salupke bauköm niñgimapkö mötzal. ¹⁴Mewö mötzalmö, bauköm niñgimapkö qahö kuñgum gihizal. Sihingan jiiga bauköm niñginönga dop köljapmö, göñon welenqeqegi niñgiman me añgön kölman, miangöra Onj! qahö jinönga nanök jöhöm wangimamgö osizal.

¹⁵Onesimusnöñ kewögöra aka gömosörök me? Yañon nalö töröptökñi yaigep mala kunbuk lilingöba kaba göbuk nalö teteköñi qahö malma. ¹⁶Mutuk welenqe qemañi aka malökmö, nalö kewöñe mi ongita azi qainñi kun akza. Uruñi meleñda mönö wölböt alanina akza. Nöñon yangöra gwötpuk ak niñgiiga göñon azi mi eknönga Kembugö buñañi aiga yangöra mewö ni ongita önöñi qahö ak gihimakña.

¹⁷Göñon nömbuk ala-ala aka maljit mötnönga nöñon kabi köl öröm niñgibanak ewö, mönö Onesimusnöñ kaiga mewö köl öröm wangiman. ¹⁸Yuai kun ak bölim gihiyök me yangöreñ tosa kun göhöreñ ahöza ewö, mia mönö nöñgö tosaya jinöñ ahöma. ¹⁹Ni Pol mönö nani börönan kewö ohozal, “Nöñon mi mekömam.” Nöñon bauköm gihibi urugi meleñnönga tosagi ketañi mi mekömangöra nangi mewöñanök nöñgö buñaya jim teköm añgunönga dop kölbawak. Miangöra ölop kewö jibileñjak: Onesimusgö tosañi mi mönö jinönga nange tosaya ahöma. ²⁰O urumelenj

^b 1.10 Kol 4.9

alani, Kembugö Buṅa gihiali, mi mönö meleşda bauköm niṅgimangö ak niṅgiza. Kraist qekötahözani, miangö dop mönö Onesimus köl örönöṅga nöṅgö urunan amgöba ölöwakṅa.

²¹Keuni tem kölmani, mi möt nariba keuni ohoba könajamgi kewö ahöi mötzal: Keu jizali, mi mönö oṅgita qetpuk ak soroköman. Mewö.

²²Keu kun ki: Eṅön köulukögetka Kembunöṅ ni meleş niṅgii eṅgöreṅ kamangö al mamböta jörömqöröm akzal. Miangöra mönö miri uruṅi kun nöṅgöra mem kelötman.

Yaizözkök aka kötuetmötuet keu teteköṅi

²³Alani Epafras yaṅön Jisös Kraistkö nupköra aka nömbuk kösö mire tata yaizözkökṅi ali göhöreṅ kaza. ²⁴Neṅakurupni nup mohotṅe memakzini Mak, Aristarkus, Demas aka Luk yaṅön mewöyök yaizözkökṅini algetka göhöreṅ kaza.

²⁵Kembu Jisös Kraistkö kalem möriamnöṅ mönö uṅaṅini kötuetköba embuk ahöma. Mewö.

^c 1.23 Kol 1.7; 4.12 ^d 1.24 Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru Kimbi

Kunön Hibru yengöra Kimbi alök.

Jim-asa-asari

Jisösnön Suepnön öngöi miaᅅgö andöᅅe yambu 35 miaᅅgö dop teköiga azi kun qetᅅi qahö mötzini, yaᅅön Kimbi ki ohoba Juda urumeleᅅ ambazip yengören alök. Juda yeᅅön Hibru (kian) keu jigeranᅅöra qetᅅini Hibru qetket. Tosatᅅan Juda urumeleᅅ ambazip mi sesewerowo gwötpuk ak engigetka Jisösgö köna diᅅdiᅅi mosötᅅingö mötmöriba Juda yeᅅgö köna walᅅe dumᅅe kunbuk aᅅgotᅅingö mötket. Köna walᅅi mi Köna keugö kapaᅅkölköl.

Kimbi kianᅅö keu köᅅᅅi 3 mi kewö:

1. Jisös, Anutugö Nahönᅅi yaᅅön sihimbölö ketaᅅi möta mewö miaᅅön Iwiᅅi tem kölmamᅅö könaᅅi mörök. Miaᅅgöra Sueᅅ garata, Moses aka kezapqetok ambazip pakpak eᅅᅅoᅅᅅita öᅅᅅöᅅᅅöᅅi akza.

2. Anutunön Jisös kuᅅᅅuiga nalö teteköᅅi qahö jike nup galömnini bohönᅅi aka malma. Nanᅅi seᅅᅅi mokoyöhanᅅöra jöwöwöl ohohonönᅅ teköiga jike nup galöm tosatᅅi yeᅅgöra qahö osibin.

3. Urumeleᅅ neᅅön Jisös möt nariinga siᅅᅅisöndoknini mosöta amöt qem neᅅᅅiba kömupnöᅅök meköm neᅅᅅiiga keᅅᅅöᅅnini qahö mötzin. Jike nup walᅅi mi imutimut ewö aiga megetka Jisösnönᅅ amötqeqegö könaᅅi öᅅᅅi indela nanᅅi jöwöwöl ohoho ewö akᅅᅅögöra al aᅅᅅuyök.

Mötnariᅅ ambazip ketaᅅi yeᅅgö silikᅅinaᅅᅅö kösohotᅅi mi teteköᅅe (Boᅅ 11) ohoba mötnariᅅᅅinan söroraubapuköra kewö kuᅅᅅum eᅅᅅiᅅa, “Sesewerowo ak eᅅᅅigetka miaᅅᅅö sihimbölöᅅi mi mönö kapaᅅ köla mökösoᅅᅅda möta Jisösᅅbuk luhut alme.” Buk kianᅅᅅö qambaᅅi aka galöm meme keuᅅi mi nahömᅅambuk.

Buk kianᅅᅅö bahöᅅi bohönᅅi 10 mi kewö:

Keu mutukᅅi: Kraistnön Anutugö könaᅅi indel teköyök 1.1-3

Kraistnönᅅ garata pakpak eᅅᅅoᅅᅅitza 1.4–2.18

Kraistnönᅅ Moses aka Josua etᅅᅅoᅅᅅitza 3.1–4.13

Kraistnönᅅ jike nup galöm pakpak eᅅᅅoᅅᅅitza 4.14–7.28

Kraistkö jöhöjöhö areᅅi mi jöhöjöhö areᅅ walᅅi oᅅᅅitza 8.1–9.28

Kraistkö sep busuŋan jöwöwöl pakpak eŋgonggita 10.1-39
 Mötnarip mi yuai mutukŋi aka bohonŋi 11.1–12.29
 Ahakmemeninan Anutu uru ölöwak mem waŋgime 13.1-19
 Köuluk teteköŋi 13.20-21
 Uruwahöt keu aka yaizökzök keu teteköŋi 13.22-25

Anutunöŋ Nahönŋi melaiiga keuŋi indelök.

1 ¹ Anutunöŋ mönö möpŋaŋgö möpŋeyök könahiba köna murutŋi murutŋi wuataŋgöba keuŋi indelmamgö mörök. Mewö möta keuŋi nalö gwötpuk kezapqetok ambazip yeŋgö uruŋine aliga aukŋe jigetka ambösakonurupninan möta mala kotket. ² Mewö mala kotketmö, nalö teteköŋe malinga kewöŋe mönö Nahönŋi melaiiga keuŋi indela aukŋe jiiga mörin. Nahönŋi yaŋön Iwiŋi bauköiga Suep gölme aka mietkö öroyuaiŋiri pakpak miwikŋaiyo-hotka Nahönŋan nalö teteköŋe yuai pakpakö Toŋi akŋapkö jim teköi malja. ³ Anutugö kaisoŋgolomŋan Nahönŋi ahöm waŋgiiga eta kondelök. Anutugö asakmararaŋan mönö i kuŋguiga biliksik aliga imutimut ewö ehin. Siŋgisöndoknini köl köŋjorat teköbagun mönö Suep mire öŋgöba dumŋi memba Öŋgöŋgöŋamninanŋö böronŋi ölje tatza. Mianŋöreŋ tata Suep gölmegö öroyuai pakpak mi keuŋi kukösomŋambuknöŋ bisiba galöm köla malja.

Anutugö Nahönŋan Suep garata eŋgonggita.

⁴ Anutunöŋ Nahönŋi qet waŋgiiga mianŋön mönö Suep garata yeŋgö qetŋini oŋgita aködampungambuk akzawi, mianŋö dop Nahönŋan Suep garata eŋgonggita ketaŋamŋini aiga nembö bapŋe malje. ⁵ ^a Anutunöŋ nalö kunöŋ Suep garataurupŋi yeŋgöreŋök kungöra keu kewö qahö jiyök,

“Göŋön nöŋgö Nahöni aknöŋga nöŋön merak göhö Iwigi akzal.”
 Mewöyök keu kun kewö jii ahöza, “Nöŋön yaŋgö Iwiŋi akiga yaŋön nöŋgö Nahöni akŋa.”

⁶ ^b Keu mi dumŋe kunbuk Nahönŋi mutukŋi jim teköiga gölmenöŋ etmamgö ahöhi, nalö mianŋöreŋ mönö qeljiŋe kewö jiyök, “O Suep garataurupni, iŋini mönö körek pakpak yaŋgö waikŋi memba möpöseiba malme.”

⁷ ^c Suep garata yeŋgöra keu kewö jii ahöza, “Anutunöŋ mönö garataurupŋi mem letot eŋgiiga luhut ewö aka anda kame. Welenqequeurupŋan mönö letota köŋöp bölam ewö aka anda kame.”

⁸ ^d Yeŋgöra mewö jiyökmö, Nahönŋaŋgöra keu kun kewö jii ahöza, “O Kambu, göŋön mönö jakömbuak dum tatatke nalö teteköŋi qahö tat

^a 1.5 Sum 2.7; 2 Sml 7.14; 1 Hist 17.13 ^b 1.6 Dut 32.43 ^c 1.7 Sum 104.4 ^d 1.8-9 Sum 45.6-7

öngöman. Öörpki kukösum-ḡambuk miaḡön qindinaim neḡinöḡga ahakmeme diḡdinan mönö bemtohoḡgahö muḡgemḡi aka ahöm öḡgöma.

⁹ Göḡön ahakmeme solanḡaḡgöra ak gihiiga ahakmeme goḡgoḡaḡgöra irimḡi seholiiga kazik aka mala kotnöḡ. Miaḡgöra göhö bemḡi Anutu yaḡön mönö al gihiiga alaurupki enḡoḡgita sösoḡgai kelöknöḡ gömirii maljan.”

¹⁰ Nahönḡaḡgö keuḡi kun mi kewö, “O Kembu, göḡön könäkönahiḡe gölmegö tandöḡi kuḡgunöḡga Suepkö jakeḡi jakeḡi mieḡön mönö göhö börösöwögi akze.

¹¹ Suep gölme pakpak mieḡön opo maluku ewö walḡi aka ayapkömemö, göḡön mönö köhöiba kin öḡgöman.

¹² Möki köpeimakzini, göḡön mönö miaḡgö dop suep eheḡi mi opo söro jöhözin ewö köpeim enḡinöḡga letotme. Yuai pakpak utekömapmö, göḡön mönö tandök mohot miyök aka yambuḡi (yaragi) teteköḡi qahö mal öḡgöman.”

¹³ Anutunöḡ nalö kunöḡ Suep garataurupḡi yeḡgöreḡök kungöra keu kewö qahö jiyök, “Göḡön mönö kaba böröni öḡḡe tatnöḡga nöḡön mönö tuarenjoḡurupki nalö sutḡi kiaḡgöreḡ tim tötal enḡigiba et enḡuiga göhö könagahö döḡḡi aketka köiraḡ albin.”

¹⁴ Nahönḡaḡgöra keuḡi keuḡi mewö jiyökmö, Suep garata i mönö niḡia akze? Körek yeḡön Anutugö welenqeḡe uḡaurupḡi akze. Mewö aka ambazip oyaenḡkoyaen buḡa qem aḡgumei, i bauköm enḡimegöra melaim enḡii malje. Mewö.

Urunini qahö meḡeḡbinbukö galöm meme keu

2 ¹ Miaḡgöra Buḡa keu mörini, mi mönö törörök möt asaribingö kapaḡ köla kezap alme. Göḡmenöḡ malmalgö iḡi me waiḡi kunḡan neḡguañgiri laḡ anda kaba liklak malbin ewö, mönö Jisösgö amötqeḡe nupḡi oḡgita öne mala ayuhubinbuk. ² Keu mi kewö jim tuarimam: Mutuk Suep garata yeḡön Buḡa keu jigetka ambazip jöhöm enḡii malget. Mewö mala denike yeḡön Köna keu qahö tem köla selḡi walöḡgeri, Anutunöḡ mönö körek yeḡgö keuḡini diḡdinanök jim teköba likeḡḡi meḡeḡ enḡii lömböt qakḡine öḡgöi mala kotket.

³ Yeḡön lömböt miwikḡaigetka neḡön mewöḡanök akzin ewö, lömbötköra mönö denöwö öḡḡ köḡbinak? Amötqeḡe nup ketanḡi mi nesampurek qakḡe nöḡöḡgan akin ewö, mönö lömbötnöhök öḡḡ köḡbingö osibin. Kembunöḡ könahiba amötqeḡegö könanḡi indeliga tosatḡan keu mi jitḡeyök möta naḡgöba jim köhöigetka sehiba dop köḡ neḡiyök. ⁴ Mi naḡgöba jim köhöigetka Anutunöḡ yembuk mohotḡe kinda keuḡini naḡgöba jiiga aḡgöletot aiwesök könanḡi könanḡi mi kukösumḡinambuk

^e 1.10-12 Sum 102.25-27 ^f 1.13 Sum 110.1

asuhugetka Uŋa Töröŋi mokoba jitsihitŋaŋgö dop mendeŋniga dop köl neŋgiyök. Mewö.

Jisösnöŋ datnini aka Suepnöŋ neŋguaŋgitmamgö mötza.

⁵ Suep gölme dölökŋi asuhumegö keuŋi jimakzini, Anutunöŋ nini miaŋgöreŋ Suep garata nembö bapŋine malbingö areŋi qahö ala jim kutuyök. ⁶ Mewö qahöpmö, keu mi kunŋan ŋaŋgöba jiiga Buŋa Kimbigö kemaŋi kunöŋ kewö ahöza, “Gölme azinöŋ mönö niŋia aiga i mötmörim waŋgimakzan? Suep gölmegö azi öŋŋan mönö niŋia aiga i köyan kölakzan?”

⁷ Göjön i memba et al waŋginöŋga nalö töröpŋi Suep garata yengö nembö bapŋine eta eretŋi aka malök. Mali waŋgintöŋga asakmararaŋnöŋ öŋgöiga kösasorom ila jalö waŋginöŋga aködamunŋambuk aka qetbuŋaŋambuk malja. Mewö mala öroyuai pakpak galöm köla malja.

⁸ Börösöwögi pakpak mönö yaŋgö jimkutukutuŋaŋgö bapŋe malmegöra memba et al eŋginöŋga malme.”

Keu miaŋgö dop yuai pakpak mi yaŋgö kukösum bapŋe malmegöra memba et al eŋgiba miaŋgöreŋ yuai kun qahö mosöriŋa yaŋgö keuŋaŋgö bapŋe qahö ahöbawak. Areŋ mewö alökmö, nalö kewöŋe börösöwöŋi pakpak mi yaŋgö kukösum bapŋe memba et al eŋgii tem kölakzeŋgö dop qahö eŋgehakzin.

⁹ Mewö qahö eŋgehakzinmö, Jisösnöŋ mönö kewö letota mali ehakzin: Kömupkö sihimbölöŋi möröhaŋgöra Anutunöŋ waŋgiri asakmararaŋnöŋ öŋgöiga kösasorom ila jalö waŋgiiga ehinga aködamunŋambuk aka qetbuŋaŋambuk malja. Anutunöŋ kalem möriamŋi kondel neŋgimamgö möta körek neŋgöra aka kömupkö sihimbölöŋi mötmapkö jim teköyök. Miaŋgöra memba et al waŋgiiga nalö töröpŋi Suep garata yengö nembö bapŋine eta eretŋi aka malök. Mewö malökmö, nalö kewöŋe qetbuŋa öŋgöŋgöŋi memba malja. ¹⁰ Anutunöŋ mönö öroyuai pakpakö könaŋi akza. Yaŋön körek nini nanŋi möpöseim waŋgibingöra aka miwikŋaim neŋgiiga maljin. Yaŋön ambazip sehisehiŋi neŋguaŋgiri asak-mararaŋnöŋ öŋgöbingöra mötza. Mewö möta amötqeqeninangö Toŋi mi qahö aŋgön köliga sihimbölö möta mewö miaŋön nupŋi mi mem teköi asakmararaŋi pakpak miwikŋaimapkö möri dop kölök.

¹¹ Kunöŋ mem sarahim neŋgimakzawi aka ambazip sarakŋi ahakzini, körek neŋgö kondotkondot Toninan mönö mohot akza. Miaŋgöra Jisösnöŋ qetnini “Alaurupni,” mewö qetmamgö gamuŋi qahö mötza.

¹² ^h Könaninangöra Buŋa keu kun kewö jii ahöza, “Nöŋön mönö göhö qetki mi nani alaurupni yengöra qet asarim eŋgiba urumeleŋ könagesö sutŋine kinda möpöseim gihimakŋam.”

^s 2.6-8 Sum 8.4-6 ^h 2.12 Sum 22.22

13ⁱMewöyök miangö Buja keuji kun kewö jii ahöza, “Nöñön mönö mötnaripni Anutugörej ala malmam.” Dumje kunbuk miangö Buja keuji kun mi kewö jii ahöza, “Mötnöñ, ni aka Anutunöñ nahönbörat niñgiyöhi, neñön mönö ki maljin.”

14Kunöñ mem kömum neñgimangö kuknji memba maljawi, Jisösnöñ mönö i tulumgöi gemapköra aka kömumba miangön luhut alök. “Bölöñangö Toñi tulumgömam,” jiba ambazip sep busuni-nambuk maljini, miangöra yañön mönö mewöyök nembuk tandök mohot miyöhök gölme azia ahök. 15Ambazip malmalñini gölmenöñ maljeangö dop kömumbingö keñgötñinan jöhöm eñgii mala kotkeri, mi mönö körek pösat eñgii solanimegöra aka gölme azia ahök. 16Suep garata köyan köl eñgimapköra gölme azia qahö ahökmö, Abrahamgö gwölönarökurupñi nini möt angön köla bauköm neñgimakñapköra mönö mewö ahök.

17Könañi miangöra aka yañön öryuui pakpak miangörej alaurupñi nembuk tandök mohot miyöhök ahök. Jike nup galömnini bohonñi aka nupñi nömtik memba ak kömum neñgiba malmapköra mönö nembuk tandök mohot ahök. Tandök mohot akagun mönö ölop jitñememenini aka jike galöm bohonñangö nupñi memakza. Mi memangöra siñgisöndokninañgö töwañi ala Anutugö jeñe mi köl könjörarök. 18Gölme azia aiga esapköm wañgigetka nanñak sihimbölö möta malöhi, miangöra ambazip esapköm neñgimakzei, nini mönö ölop bauköm neñgimakña. Mewö.

Jisösnöñ Moses oñgita öñgöñgöñi akza.

3 1Miangöra urumelen alaurupnini sarakñi, Suep Toñan eñgoholi nembuk kambu mohot maljei, eñön mönö urumötmötnjini pöndañ Jisösgöreñ ala malme. Anutunöñ i melaiiga aposol aka jike nup galömnini bohonñi akzawi, yañgöra mewö jim miwikñaimakzin. 2^jMosesnöñ Anutugö könagesöñi pakpak mi memburikñi qahöpmö, pöndañ galöm köl eñgiba malök. Miangö dop Jisösnöñ mewöyök kun kuñgum wañgiyöhi, yañgö keuji (misila) törörök wuatangöba memburikñi qahöpmö, pöndañ nömtik memba malök. 3Miri aka azi miri meyöhi, mi kewöt etkiinga mitimqeqe azigö qetbuñañan mönö mirigö qetbuñañi gwötpuk oñgita. Miangö dop Moses aka Jisös kewöt etkiinga Jisösgö asakmararañi öñgöñgöñan mönö Moses gwötpuk oñgita. Könañi mewö eka miwikñaimakzin.

4Miri pakpak mi kungö börösöwöya akzemö, yuai pakpak mi mönö Anutugö börösöwöñi akza. 5Mosesnöñ Anutugö könagesöñi pakpak mi memburikñi qahöpmö, pöndañ welen qem eñgiba malök. Mewö mala Anutunöñ könañgep azi kungöra jiyöhi, mönö keu miangö söpsöpñi

ⁱ 2.13 Ais 8.17, 18 ^j 3.2 Jan 12.7

mi qeljiṇe indela dangunuṇa kinök. ⁶Mewö kinökmö, Kraistnöṇ mönö Anutugö Nahönṇi aka Iwiṇaṇṅö keuṇi (misila) nömtik memba könagesöṇi pöndaṇ galöm köl neṇṅiba malja. Anutugö könagesöṇi mi neṇön akzin. Oyaenṅkoyaen akingö jörömṅöröm aka miangörej qekötahöba silenini memba öṅgöba awösamkakak kin köhöim teköbin ewö, mönö Anutugö urumeleṇ könagesöṇi aka malbin. Mewö.

Yaṅgiseṇ aka malbinbukö galöm meme keu

- ⁷Miangöra iṇini mönö Uṇa Töröṇan keu kewö jimakzawaṅṅö dop akṇe, “Dölkewöṇe Anutunöṇ eṅgohola keuṇi saṇep ali mötze ewö,
⁸ uruṇini mönö mötmöt bölöṇan kude gwözöṅme. Eṅṅö ambösakonurupṇinan gölme qararaṅkölkölṇe kaba nalö kunöṇ Anutu qetala esapköm waṅgiba karim akeri, iṇini mönö miangö dop Anutu qetala akepak.
⁹ Yeṇön gölme qararaṅkölkölṇe kaba Anutu ni esapköm niṅgiba malget. Aṅṅöletot aka memba malali, iṇini mi yambu (yara) 40 miangö dop eka mala mi töndup ni qahö möt narim niṅgigetka urunan böliiga malal.
¹⁰ Miangöra ambazip kambu nalö miangörej gölmenöṇ malgeri, yeṅgöra aka irimni seholiiga kewö jial, ‘Yeṇön mönö sundan uruṇinan kahapmahap aka jaṅjuṇ anakze. Malmalgö köna kusum eṅgiba malalmö, mi qahö möt kutuget. Qahö!’
¹¹ Mewö jiba irimsesewöl qakṇe keuni jim kutuba jöjöpaṇ keunan mi jöhöba kewö jial, ‘Luhut memba malmegö areṇ al eṅgialmö, yeṇön mönö oyaenṅkoyaen miangörej qahö aṅgotme.’ ”

¹²O urumeleṇ alaurupni, iṇini mönö kewögöra galöm mem aṅguba malme: Eṅgörejök kungö uruṇan goṅgiiga mötnaripṇan sörauba eri Anutu malmal Toṇi andö qeba malbapak. ¹³Mewö qahöpmö, siṅgisöndokö isimkakaleṇan tilipköm eṅṅii miangön eṅgörejök kungö uruṇi gwözöṅbapaköra mönö silim dop sutṇine uru kuṅgum aṅguba malme. “Merak” keu mi jimakzini, miangö dop mönö jölöṅgöm aṅguba malme. ¹⁴Nini Kraist möt aṅṅön köla yambuk kambu mohot aka maljin. Mutuk urunini melaṇda uruyahöt yaköriba awösamkakak miwikṇaiba malini, mewö gölmenöṇ malbinaṅṅö dop kapaṇ köla köhöiba kinbin ewö, mönö oyaenṅkoyaen akin.

¹⁵‘Buṇa keu mi kunbuk jiba kewö ohozal, “Merak Anutunöṇ eṅgohola keuṇi saṇep ali mötze ewö, uruṇini mönö kude gwözöṅme. Eṅṅö ambösakonurupṇinan Anutu qetala karim akeri, iṇini mönö Anutu miangö dop qetala akepak.”

^k 3.7-11 Sum 95.7-11 ^l 3.15 Sum 95.7-8

¹⁶ Ambazip denike yeñon Buja keu möta Anutu qetala karim aket? Mosesnön könagesö enğuangiri Ijipt mosöta kageri, yeñon mönö körek mewö aket. ¹⁷ Ambazip denike yeñgöra aka yambu (yara) 40 miangö dop irimñi seholiiga kazik ak enñii malget? Ambazip siñgisöndok aketka mem kömum enñii sileñinan gölme qararañkölkölñe eta kölgeri, yeñgören mönö mewö asuhuyök. ¹⁸ Luainön luhut memba malmegö areñ ala nanñini gölmeñine kude aņgotmegö keuñi jim kutuba jöjöpañ keuñan jöhöyöhi, keu mi mönö dagöra jiyök? Ambazip keuñi qetala yañgiseñ malgeri, mi mönö yeñgöra aka jiyök. ¹⁹ Keu miangö könañi mi kewö ek asarizin: Yeñon Anutu qahö möt nariba yañgiseñ akerañgöra aka nanñini gölmeñine aņgotpingö osiget. Mewö.

Anutunön könagesöñi sonda kendon neñgima.

4 ¹ Anutugöreñ aņgota luainön luhut memba malbingö keu jöhöyöhi, keu miangön mönö pöwöwöm köhöikñi ahöm neñgiza. Miangöra enğöreñök kunñan löwöriba nanñi Suep köna ananñi mi kembrañe kutui mewö miwikñaim wangibinbuk. Miangöra mönö sutnine galöm mem aņgubin. ² Gölme qararañkölkölñe kagetka Ölöwak Buja jim asarim neñgiget ewö jiget mötketmö, keu mi mönö silesile mötketka uruñine qahö geyök. Miangöra mötnariñini qahö qiwikñaiiga tönpin öne malgetka qahö bauköm enğiba pömsöm qeyök. ³ "Urunini melenđa möt nariba maljini, neñon mönö Anutugöreñ aņgota luhut memba oyaenköyaen malbin, mi mötzin. Anutunön miangö Buja keuñi mi kewö jii ahöza, "Mewö jiba irimesewöl qakñe keuni jim kutuba jöjöpañ keunan mi jöhöba kewö jial, 'Luhut memba malmegö areñ al enğialmö, yeñon mönö oyaenkö-yaen miangöreñ qahö aņgotme.' "

Anutunön Suep gölme miwikñaim etkii nalö miangöreñök könahiba oyaenköyaen miriñan lök memteköteköñi ahözapmö, töndup keu mewö jiyök. ⁴ "Anutunön silim 7:ñañgö keuñi jiiga Buja Kimbigö kembrañi kunön kewö ahöza, "Sömañi 7 aiga Anutunön nupñi pakpak mem teköyöhañgö luhut memba kendon tarök." ⁵ "Anutunön Buja keu mi toroqeba kewö jii ahöza, "Luhut memba malmegö areñ al enğialmö, yeñon mönö oyaenköyaen miangöreñ qahö aņgotme."

⁶ Ambazip tosatñan Anutugö oyaenköyaen miwikñaiiba luhut memba malmei, keu miangön mönö pöwöwöm köhöikñi ahöm neñgiza. Ölöwak Buja mutuk könagesö jim asarim enğigeri, yeñon mönö qequetalñinañgöra aka oyaenköyaenñon qahö aņgota luhut qahö meget. ⁷ "Luhut qahö megerañgöra aka Anutunön mönö kunbuk nalö kun ala qetñi Nalö dölkwöñi qerök. Nalö köröpñi teköiga nalö miangö Buja keuñi dölki jiba

^m 3.16-18 Jan 14.1-35 ⁿ 4.3 Sum 95.11 ^o 4.4 Jen 2.2 ^p 4.5 Sum 95.11 ^q 4.7 Sum 95.7-8

ohozali, mi mönö Deiwidkörenj indeli kewö jiyök, “Dölkewöŋe Anutunöŋ enghohola keunji saŋep ali mötze ewö, uruŋini mönö kude gwözöŋme.”

⁸Mewö jiiga Josuanöŋ enghuaŋgiri oyaenjkoyaenöŋ aŋgota luhut membeak ewö, Anutunöŋ mönö nalö kungö keunji mi könangep qahö jibawak. ⁹Mi qahö jibawakmö, Anutunöŋ mönö ölna könagesö luhut meme neŋgii oyaenjkoyaen miwikŋaibin. Keu miaŋön mönö pöwöwöm köhöikŋi ahöm neŋgiza. ¹⁰^sMiaŋgö könaji kewö: Anutunöŋ nanŋi nupŋi meyöhangö luhut memba kendon taröhi, miaŋgö dop kunöŋ Anutugö oyaenjkoyaenöŋ aŋgota luhut memawi, yaŋön mönö nanŋi nupŋi meyöhangö luhutŋi mi mewöŋanök memba oyaenjkoyaen malma. ¹¹Miaŋgöra nini mönö Anutugö oyaenjkoyaenöŋ aŋgota luhut memenŋi miwikŋaibingö kapaŋ kölbün. Enghöreŋök kunöŋ et qeba könagesö walŋi yeŋgö qequetal tandökŋini miyöhök wuatangöbapuköra mönö kapaŋ kölbün.

¹²Anutugö keunji mi memguliguligö könaji aka kukösum-ŋambuk akza. Bimgö sou ketanŋi mi likep likep jitŋirambuk akzapmö, Anutu keuŋangö jitŋan mönö sou ketanŋi pakpak enghongita jit kötök aiga jitŋi bahöbahö mi mauŋambuk akzahot. Keu miaŋön mönö uru uŋanini kutuba ömenöŋ me Anutugö Uŋaŋan inahöm neŋgimakzawi, mi undenŋa kuŋgum neŋgimakza. Sile kitip toroqeqenini aka sihitninangö digonŋi mi mewöyök kewöta (keunini asa-asambötŋi miwikŋaiba) ölöŋŋi aka bölöŋi mendenŋ etkimakza. Urukönömnini aka mötkutukutu areŋnini mi kewöta keunini jim tekömakza.

¹³Anutunöŋ yuai pakpak miwikŋaii ahözawi, miaŋgöreŋök yuai kun mi asa-asambötŋe qahö ahöiga ölöŋŋanök ehakza. Yuai kun esuhuinga Anutunöŋ esunini mi ölöŋ luluŋda ehi yaŋgö jemesoholŋe aukŋeyök ahöza. Ahakmemeninangö kösohot pakpak mi mönö yaŋgöra jim asaribinaŋgö dop akzin. Mewö.

Jisösnöŋ jike nup galömnini öngöŋgöŋi akza.

¹⁴Jisösnöŋ jike nup galöm bohonŋi öngöŋgöŋi ak neŋgiza-waŋgöra aka neŋön “Möt narim waŋgizin,” jiba jim miwik-ŋaimakzini, miaŋgöreŋ mönö köhöiba kinbin. Jisös Anutugö Nahönŋan mönö Sup jakenŋi jakenŋi enghongita öngöba tatza. ¹⁵Urumötmötnini tosatŋan lölöwöröŋi aketka jike nup galöm tosatŋan miaŋgöra wösömötmöt qahö ak neŋgimakzemö, nanine jike nup galömninan mönö qainŋi kun kewö akza: Yaŋön mönö nini ewö ahakmeme pakpak miaŋgöreŋ nembuk tandök mohot esapköm waŋgiba malgetmö, mi töndup siŋgisöndok kun qahö ahök.

¹⁶Jike galömninan mönö eu kalem möriamgö dum tatatŋe tata ak kömum neŋgimamgö mörakza. Miaŋgöra mönö awösamkakak qakŋe

^r 4.8 Dut 31.7; Jos 22.4 ^s 4.10 Jen 2.2

kinda yangö kösutje anbin. Yangö kösutje aninga kalem möriamgöra osizini, miangö nalö diñdiñe mönö bauköm nenjiiga mi ölop miwikjaibin. Mewö.

Galöm bohonini Jisösnöñ mönö bauköm nenjimakza.

5 ¹Gölmegö jike nup galöm bohonñi pakpak mi ambazip sutñineyök möwölöhöm enjiba nup kewö memegöra kuñgum enjimakzin: Yangön ambazip jitñememenini aka Anutubuk urumohot aka malbingö nupñi memba siñgisöndok ahinañgö sömbup kalemñi kalemñi mi Anutugöra ala miangön jöwöwöl ohomakza. ²Nanñi urumöt-mötñi tosatñan mewöyök lölö-wöröñi akza. Miangöra ambazip gukmaulem qakñe janjuñ ahakzei, mi ölop wösömötmöt qakñe ak nenjimakza. ³LöLöwöröñi akza-wañgöra mönö nanñi siñgisön-dokñi aka könagesöurupñi yengö siñgisöndokñini mewöyök köl könjoratmapköra sömbupnöñ jöwöwöl ohomakza. ⁴Kunñan qetbuña mi nanñangöra qahö buña qem añgumapmö, Anutu-nöñ Aron oholöhi, miangö dop mönö i mewöyök oholja.

⁵Miangö dop Kraistnöñ mewöyök nanñak jike nup galöm bohonñi akñapkö qetbuñani mi nanñangöra qahö buña qem añguyökmö, Anutunöñ kewö jim kutum wañgiyök, “Göñön nöñgö Nahöni aknöñga nöñön mönö merak göhö Iwigi akzal.”

Keu miangö dop jike nup galöm bohonini ahök.

⁶“Keu miyöhök jii Buña Kimbigö kemañi kunöñ kewö ahöza, “Göñön mönö Melkizedek ewö jike nup galöm aka nalö teteköñi qahö mal öñgöman.”

⁷^xJisösnöñ silebuk gölmenöñ mala miangöreñ mönö nalöñi nalöñi köuluköba köhöikñanök qeriga imbilñan eri Anutu kömupnöhök mekömapkö köhöiyöhi, i qesim wañgiba malök. Qesim wañgiba mala Anutu göda qeba keuñangö bapñe al añguba malöhañgöra Anutunöñ köulukñi mörök. ⁸Nahöññi ahökmö, Anutunöñ mi töndup sihimbölö qahö jöhöi qakñe öñgöi möta miangöreñ temkölkölgö könani miwikjaiba möt soroköyök. ⁹Mi möta aködamunñi pakpak miwikjaibagun mönö oyaenköyaen teteköñi qahö malbingö kondotkondot Toñi ahök. Miangöra ambazip yangö jitñi tem köla maljei, mi pakpak mönö ölop kondot enjiiga oyaenköyaen akñe. ¹⁰Toñi mi aiga Anutunöñ i Melkizedek ewö jike nup galöm bohonñi akñapkö jim teköba al wañgiyök. Mewö.

Mötnaripkö öñi sohobapukö galöm meme keu

¹¹Keu mi ölop toroqeba gwötpuk jim qaribinakmö, enjön keu möta wuatangöbingö tañqañ aka gaunjeje akze. Miangöra mi jim asarim

^t 5.3 Lew 9.7 ^u 5.4 Eks 28.1 ^v 5.5 Sum 2.7 ^w 5.6 Sum 110.4 ^x 5.7 Mat 26.36-46; Mak 14.32-42; Luk 22.39-46

enġibingö osikosi akzin. ¹²¶Inġini nalö köröpñi könagesö walñi mala ölop nalö kewöñe lök böhi qaqažu akñeangö dop akeakmö, nanñinak Anutugö keu kötñi mutukñi mi kunñan dumñe kunbuk kusum enġimapkörä osimakze. Inġini mönö qaköba Buña keu mi juzu ewö nemingö mötze. Nene köhöikñi ewö mi nemingö osimakze. ¹³Kunñan mi juzu ewö nembra maljawi, yañön mönö toroqeba morösepsep ewö akza. Anutugö jeje solanñi akingö keu kusum enġinmö, yañön miangö könanñi qahö möt kutuba tönpin malja.

¹⁴Morösepsep ewö maljapmö, nene köhöikñi mi ambazip mötmötñinan qariyöhi, mönö yeñön nemegöra aka ahöza. Ambazip Buña keu sundan köl guliba malgetka urumötmötñinan lök möñaiiga ölop amqeba silik pakpak kewöta ölopñi aka bölöñi mendenj etkiba ölopñi wuatangömakze. Nene köhöikñi mi yeñgöra aka ahöza.

6 ¹Miangöra Kraist könanñangö keu kötñi mutukñi lök möta miangörej mönö kude qaköbin. Mewö qahöpmö, mönö toroqeba qariba aködamuninambuk akingö kapañ köla malbin. Mötnaripkö tandöñi lök kuñguba mi mönö dumñe kunbuk könahiba kuñgubinbuk. Tandö mi uruñine kewö kuñguin: Ahakmemenini köhömuñi mosöta urunini melejda Anutu möt narim wañgin.

²Urunini melejninga mötnaripkö keu kemañi kemañi kewö kusum neñgigetka mörin: Siñgisöndoknini köl könjöratmegöra o melun aka amötqege könanñi könanñi miengö könanñini kusum neñgiget. Böröñini qaknine alalgö könanñi kusum neñgiget. Guliba kömupnöhök wahötpingö könanñi kusum neñgiget. Anutunöñ keunini jim teköi teteköñi qahö köhöikñi ahömapkö könanñi kusum neñgiget. ³Mötnaripkö tandöñi mewö kuñgubagun mönö toroqeba möt qaribingö mötzin. Anutunöñ ösummumu neñgimakzawañgö dop mönö aködamunini pakpak miwikñaibingö kapañ köla kinbin.

⁴Mewö kinbingö möta miangörej qaköba etpinbuköra aka kinjin. Ambazip kewöñi mi uruñini melejmegöra enġuañgitpingö osimakzin: Tosatñan uruñini nalö kunöñ asariiga Anutunöñ Suep kalemñi enġii möta söñgaigetka Uña Töröñan ösupköm enġii malget. ⁵Anutu Buña keuñangö nahömñi mötketka oyaenköyaen nalö könanñeppañgö kukösumñan mönö uruñine gei mötket. ⁶Mi pakpak mötagun mönö mötnaripñini mosöta Anutu andö qeget. Ambazip mi uruñini kunbuk melejmegöra enġuañgitpingö osimakzin. Yeñön Anutugö Nahönñi ilita dumñe kunbuk maripomnöñ qege ewö memba et ala aukñe gamu qem wañgimakze. Mewö miangön mönö nanñini geñmororoñ ak añgumakze.

⁷Mi söpsöp keu kiangö dop: Kienöñ nalö gwötpuk yöhöba gölme qakñe eta uruñe geba gölme mem kelöriga nup toñangö welenqequeurupñan

¶ 5.12-13 1 Kor 3.2

nene kömötketka Anutunöŋ gölme kötuetköiga ölni asuhui kölkömöt toni yeŋön mi memba köweŋine alakze. ⁸Mewö alakzemö, koururuk aka siriuret wahiŋambuk miaŋön gölmenöŋ asuhuba wahörakzawi, gölme miaŋön mönö nesakŋi akza. Toni yeŋön mi saitköbingö mötze aka kapan köla mambötketka ölni qahö asuhui eka teteköŋe mönö kuŋgugetka jema.

⁹O wölböt alaurupni, neŋön söpsöp keu mewö jizinmö, mi töndup injini uruŋini meleŋda malmeaŋgöra mönö uruyahöt qahö akzin. Enŋö uruŋine Buŋa keugö ölnan mönö asuhum qarimapköra möta awösamkakak kinjin. Anutunöŋ ölni mi eka mönö meköm enŋii letota Suepnöŋ öngöme. ¹⁰Anutunöŋ mönö ekbonep qakŋe goŋgoŋi qahö akza. Injini Anutugö ambazip sarakŋi bauköm enŋiba mala kota toroqeba bauköm enŋiba nup memba malakze. Mewö urukalemŋini Anutu kondel waŋŋigetka qetbuŋaŋan qarimakzawi, yaŋön nupŋini aka urukalemŋini miaŋgöra mönö qahö ölum qeiga kitipŋi meleŋ enŋima.

¹¹Nini oyaenŋkoyaen akingö jörömqöröm aka miaŋgöreŋ awösamkakak uruyahöt qahö kinmegö sihimnini möta kewö awöweŋgömakzin: Injini nanŋök nanŋök Anutugö urukönöp ahakzei, miyöhök mönö toroqeba kondela malme. Aködamun-ŋinambuk akingö kapan köla gölmenöŋ mal tekömeaŋgö dop miaŋgöreŋ mönö kude löwörime. ¹²Qölzöm akepeköra mönö awöweŋgömakzin. Anutunöŋ oyaenŋkoyaen yuai neŋgimamgö keu jöhöyöhi, tosatŋan Anutu möt nariba sihimböläŋini möta mökösoŋda mewö miaŋön mi buŋa qem aŋgumakze. Injini yeŋgö silikŋini wuatangömegöra mötzin. Mewö.

Anutugö jöhöjöhö keu mi uruyahötŋi qahö.

¹³Anutunöŋ Abraham jöhöjöhö keu waŋgiba mi nanŋi qetŋi qeta jöjöpaŋ keuŋan jim köhöiyök. Kunöŋ Anutu oŋgita öngöngöŋi malbawak, öläp yaŋgö qetŋi qetpawakmö, mewöŋi kun qahö maliga miaŋgöra mönö nanŋi qetŋi qeta jöjöpaŋ keuŋi jiiga köhöiyök. ¹⁴^aJöhöjöhö keuŋi mi Abrahamgöra kewö jiba jiyök, “Nöŋön mönö ölna kötuetköm gihimam. Mönö ölna gwölönarök gihibiga sehime.”

¹⁵Mewö jiiga Abraham yuai waŋgimapkö keu jöhöi ahöyöhi, yaŋön mi ölnambuk akŋapkö kapan köla mamböta mala ölni buŋa qem aŋguyök. ¹⁶Ambazipnöŋ ketaŋamŋinaŋgö qetŋi qeta jöjöpaŋ keu jiget mörakze. Jöjöpaŋ keuŋinan keu jizei, mi mem köhöiiga qeapköbingö osigetka keu jijinjan teköza. ¹⁷Miaŋgö dop Anutunöŋ keuŋi Abrahamgö gwölönarökurupŋi neŋön mötpingöra jöhöba jiyök. Keu areŋi mi kunöŋ qeapköba utekömamgö osizawi, gwölönarökurupŋi neŋön jöhöjöhö keu miaŋgö könaŋi mi törörök möt yaköbingö mörök. Miaŋgöra jöhöjöhö keuŋi jiiga mutukŋi aiga keu mi kunbuk jöjöpaŋ keuŋan jim köhöiiga indimŋi yahöt ahök.

^z 6.8 Jen 3.17-18 ^a 6.14 Jen 22.16-17

¹⁸ Anutunöŋ keu mi jiba miangö munenŋ jimamgö osiyök. Yanön keu utekutekŋi qahö mi jibagun jim köhöiyöhi, miangön mönö urunini nangömapkora mörök. Miangöra mi jibagun jim köhöiyök. Neŋön gölmegö ahakmeme bölöneyök ölöŋ köla Anutugoreŋ angota oyaenŋkoyaenŋ nenŋimapkö jörömqöröm nenŋiyöhi, mi mönö töp memba mamböta maljin. ¹⁹ ^bOyaenŋkoyaenŋ akingö al mamböta miangö uruyahötŋi kun qahö ahakzin. Jörömqörömnini miangön uruninangö kösö mendanŋi tandök ewö aka nini Jisösbuk jöhöm nenŋimakza. Jörömqörömninangö kösö mendanŋi köröpŋi miangön mönö nenŋöreŋök könahiba Suep jikegö uruŋe öngöba jike olenŋ yahötkö sutŋire opo sel ahözawi, mi mewöyök kutuba toroqeba Jisös jakömbuak dum kömbukŋe tatzawangöreŋ anja. ²⁰ ^cJisösnöŋ mönö jitŋememenini aka mutuk euyangöreŋ öngöba jakömbuak dumŋi memba nalö teteköŋi qahö tat öngöma. Mewö Melkizedek ewö jike nup galömnini bohonŋi aka malja. Mewö.

Jike nup galöm Melkizedekö kösohot

7 ¹ ^dMelkizedek azi mi miri qetŋi Salem miangö kiŋ kumbuŋi aka Anutu öngöŋgöŋangö jike nup galömŋa malök. Mewö maliga Abrahamnöŋ kiŋ kumbuŋi kumbuŋi bim qeba luhut al engiba lilingöba miriŋe kayöhi, nalö miangöreŋ kaba Abraham miwikŋaiba kötuetsköm wangiyök.

²Kötuetsköm wangiiŋa sukinapŋi pakpak mendenŋa ten miengöreŋök mohot mohot (1/10) memba nalukŋa al wangiyök. Melkizedek qet miangö könäŋi mi “ahakmeme solanŋangö kiŋ kumbuŋi.” Qetŋangö dop mutuk “ahakmeme solanŋangö kiŋ kumbuŋi” ahök aka toroqeba mewöyök “Salemgö kiŋ kumbuŋi” malök. Salemgö kiŋ kumbu qet miangö könäŋi mi “luaigö kiŋ kumbu”. ³Melkizedeknöŋ iwinamŋi aka saiwaurupŋi qahö, ahuahu nalöŋi qahö aka kömukömuŋi qahö. ^e Mewö jike nup galöm bohonŋi aka nalö teteköŋi qahö mal öngöma. Yanön Anutugö Nahönŋangö tandök ewö akza.

⁴Bömönjalönini Abrahamgö gödaŋeŋe silikŋan Melkizedekö könäŋi kondeli mi kewö ek asarime: Abraham nanŋak sukinap yuai aködamunŋambuk kalöpköba memba kayöhi, miengöreŋök böro yahöt (10) pakpak kewöta bahöŋi mohot memba Anutugö nalukŋa al wangii miangöra Melkizedeknöŋ mönö ölna öngöŋgöŋi ketanŋi qainŋi kun akza. ⁵ ^fAnutunöŋ Köna keuŋan keu kewö jim kutum nenŋii ahöza, “Liwaigö gwölönarökurup al engigetka jike nup meme azi (Liwait) aketka könagesö eŋön mönö sukinapŋini böro yahöt (10) pakpak kewöta miengöreŋök

^b 6.19 Lew 16.2 ^c 6.20 Sum 110.4 ^d 7.1-2 Jen 14.17-20 ^e 7.3 Buŋa Keunöŋ Melkizedekö iwinamŋi aka saiwaurupŋi, ahuahu aka kömukömu nalöŋi mi qahö jim asariza. ^f 7.5 Jan 18.21

bahöni mohot memba Anutugö naluha al engimakŋe.” Yeñön inċini ewö Abrahamgö gwölönarökurupŋi akzemö, mi töndup nanċini könagesourupŋini engö böröŋineyök naluknini mi buŋa qem aŋgumakŋe.

⁶Jimkutukutu keu mewö ahözapmö, Melkizedeknön Liwaigö gwölönarökŋi kun qahö akza. Mi töndup Abrahamnön Anutugö jöhöjöhö keu möt aŋgön köla mala sukinapŋi kewöta tenöhök mohot memba Anutugö nalukŋa alöhi, mi mönö buŋa qem aŋguba kötuetköm waŋgiyök. ⁷Ketaŋamninaŋgö nembö bapŋine malċini, yeñön mönö kötuetköm neŋgigetka malċin. Keu mi qaŋ kölbingö osimakzin.

⁸Könagesö neñön tenöhök mohot memba Anutugö naluha alakzini, mi gölmegö jike nup meme (Liwait) ambazipnön buŋa qem aŋgumakze. Yeñön gölmenön mala kömumakzemö, Suep mire euyaŋgöreŋ kungöra naŋgöba jigetka köhöiba mal öŋgömawi, yañön mönö mi buŋa qem aŋgumakza. ⁹Abrahamnön sukinapŋi kewöta börö yahöt (10) pakpak mieŋgöreŋök bahöni mohot memba Anutugö nalukŋa alöhi, yañön mi gwölönarökŋi Liwaigöra mewöyök qelċiŋe alök. Mewö jiinga ölop dop kölbawak. Nalö kewöŋe tenöhök mohot memba Anutugö nalukŋa alakzini, mi bömönnini Liwaigö gwölönarökurupŋan buŋa qem aŋgumakze. ¹⁰Liwaigö salupŋe mewöyök naluk alöhi, miangö könaŋi kewö: Liwainön amböŋaŋgö körö uruŋe tariga Melkizedeknön mönö nalö miangöreŋ kaba Abraham miwikŋaiyök. Mewö.

Melkizedek mi Jisösgö söpsöpŋi akza.

¹¹Anutunön Köna keuŋan Israel ambazip jim kutum neŋgiiga miangö dop Liwai kambunöhök azi kuŋgum engiinga jike nup galömnina aket. Nup mi megetka mewö miangön aködämunini pakpak miwikŋaibinak ewö, nini mönö jike nup galöm qainŋi kungöra qahö osibinak. Nup miangö ölnan qahö dop kölöhaŋgöra aka Jisösnön mönö Melkizedek ewö asuhuyök. Ambazipnön i Arongö areŋaŋgö dop qahö kuŋgugetka asuhuyök. ¹²Jike nup galöm nupŋaŋgö könaŋan uteközawi, nalö miangöreŋ köna keuninan mönö mewöŋanök uteköza. ¹³Jike nup galöm qainŋi kun keu mi Kembuninaŋgöra jizinmö, yañön Liwai kambunöhök qahöpmö, mönö kambu kunöhök asuhuyök. Kambu miangö azi kuŋŋan mönö jöwöwöl jikegö altanön kinda nup qahö memba malök. ¹⁴Kembuninan Juda kambunöhök asuhuyöhi, keu mi aukŋe ahöza. Mosesnön Juda kambu yeñön jike nup galöm kölmegö keu kun qahö jiyök.

Jike nup galöm Melkizedek ewö kun

¹⁵Miangöra jike nup galöm kun Melkizedekö tandök ewö asuhuzawi, miangön mönö keu jizinaŋgö ölni mi aukŋeyök kondeliga dopŋe akza.

¹⁶Yañön gölme ambazipnön Köna keu wuatangöba kambuŋaŋgö dop jim

kutugerangöra aka jike nup galöm qahö ahökmö, malmal köhöikni qahö ayapkömawi, miangö kukösumñan mönö nam köl wanggiiga jike nup galöm ahök. ¹⁷ *Kunön yangö könani nangöba jiiga Buña Kimbinön kewö ahöza, “Göñön Melkizedek ewö jike nup galöm aka nalö teteköni qahö mal öngöman.” ¹⁸ Anutunön mewö jiba jimkutukutu mutukni mi qeapköyök. Keu miangö kukösumñan qahöwahiga bauköm neñgimapkö osimakzawi, miangöra mi qeapköyök. ¹⁹ Köna keunön ambazip aködaminini miwikñaibingö qahö bauköm neñgiyök. Qahö. Miangöra keu areñ mutukni qeköba salupje jörömqöröm qetpuk sorok neñgiza. Nini jörömqöröm miangö qakñe kinda ölop Anutugö kösutñe anda köulukömakin.

²⁰ Anutunön jike nup galöm dölokñangö keuñi jiba mi jöjöpañ keuñan jim köhöiyök. Mewö ahökmö, jike nup galöm tosatñi yengö keuñini mi jöjöpañ keunön qahö jim köhöigetka töndup mewö aket. ²¹ ^h Tosatñan jike nup galöm öne aketmö, Anutunön Jisös kuñguba keuñi mi jöjöpañ keuñan jim köhöiba yangöra kewö jiyök, “ ‘Gi mönö jike nup galöm aka nalö teteköni qahö mal öngöman.’ Kembunön keuñi mi jöjöpañ keuñan jim köhöiba uruñan mi qahö uteköma.”

²² Jöjöpañ keu miangöra aka Jisösnön mönö jöhöjöhö areñ dölokñangö ölni asuhumapkö galömni akza. Mewö Anutu aka ambazip sutnine nup memba malja. Jöhöjöhö areñ miangön walñi oñgita qetpuk sorok akza.

²³ Jike nup galöm tosatñi mi mönöwök gwötpuk malget. Kömumba nupñini toroqeba membingö osigeri, miangöra mi mönö gwötpuk malget. ²⁴ Yeñön gwötpuk malgetmö, Jisösnön nalö teteköni qahö mal öngömawi, miangöra jikegö galöm nup mi mönö teteköni qahö memba mal öngöma. ²⁵ Nup mi memba maljawangöra Jisösnön ambazip yangöreñ kagetka enñguangiri Anutugö kösutñe anakzei, mi ölop köhöiba amöt qem enñgi keuñinan kömumakza. Nalö dop yengöra aka Anutu köulukömak-ñapköra maljawi, miangöra mönö ölop amöt qem neñgim tekömakza.

²⁶ Jike nup galöm bohonñi mewöñan mönö ölop dop köl neñgiza. Yangön törönñi köpösihitkö keuñi qahö aka sarakñi akza. Anutunön Jisös siñgisöndok ambazip neñgöreñök tiriñ kutuba wangiri Suep jakeni pakpak kutuba euyangöreñ öngöba qainñi kun akza. ²⁷ ⁱ Jike nup galöm tosatñan sömanñi sömanñi mutuk nanñini siñgisöndokñinañgöra aka miangö andöñe könagesö yengö siñgisöndokñinañgöra aka sömbupnön jöwöwöl ohoba maljema. Jisösnön nanñi sileñi köleñniga jöwöwöl ohoho ewö ak wangigetka mewö miangön könagesö neñgö siñgisöndoknini mi indim mohot miangöreñök lök köl könjörari dop köl teköza. Miangöra Jisösnön mi jike nup galöm tosatñi ewö nalö dop ahakñapkö qahö osiza.

²⁸ Anutunön Köna keuñi Moses wanggiiga miangö dop ambazipnön azi mi kuñgum enñgigetka jike nup galöm bohonñi ahakze. Gölme azi

^{*} 7.17 Sum 110.4 ^h 7.21 Sum 110.4 ⁱ 7.27 Lew 9.7

yejñon kukösumñini qahö maljemö, Anutunöñ oyaenköyaen akingö keuñi mi könañgep neñgiba mi jöjöpañ keuñan jim köhöiyöhi, miañgö dop Nahönñi kuñguiga bohonini akza. Bohonini yañon mönö aködamunñi körek pakpak lök miwikñaiba nalö teteköñi qahö köhöikñi mal öngöba malma. Mewö.

Jöhöjöhö areñ dölökñañgö jike nup galöm bohonñi

8 ¹Keu jizini, miañgö keu kötni bohonñi mi kewö: Nini mönö jike nup galöm bohoninambuk akzin. Bohonini yañon mönö Suep mire öngöba Öngöñgöñamnini yañgö jakömbuak dum tatat qöhöröñe böröñi ölje tatza. ²Opo seri jike ölni mi Suepnöñ ahöza. Mi gölme azinöñ memenji qahöpmö, Kembunöñ nanñak mi meyök. Jike nup galöm bohonini yañon mönö opo seri jikegö oleri töröñi kötökñi miañgören mala Anutu welenñi qemamgö nupñi memakza.

³Gölmegö jike nup galöm bohonñi pakpak mi naluk kalem Anutugöra ala sömbupnöñ jöwöwöl ohoba malmegöra kuñgum enñimakzin. Miañgö dop jike nup galöm bohonini Jisösnöñ mewöñanök nanñi Anutugö nalukña al wañgiyök. ⁴Mosesgö Köna keugö dop naluk kalem Anutugöra alakingöra azi lök kuñgum enñigetka malje. Miañgöra jike nup galöm bohonini miañon gölmenöñ malbawak ewö, yañon mönö gölmegö jike nup galömñi akñamgö osibawak.

⁵Gölmegö jike nup galöm yejñon gölmegö jöwöwöl jikenöñ Anutu welenñi qebingö nupñi memakze. Jike miañon mönö Suep jike kömbukñañgö söpsöpñi aka imutñi akza. Mosesnöñ jike kömbukñi opo serinöñ memamgö ahöhi, nalö miañgören Anutunöñ Suep jikeñañgö areñi mi indelök. Indel teköba galöm meme keuñi kewö jii mörök, “Mötnöñ, kunduje malnöñga areñ kondel gihiali, yuai pakpak mönö miañgö dop törörök wuatangaoba memam.” Miañgö dop opo serinöñ jöwöwöl jike meiga miañon mönö Suep jikegö korembiñi ahök. ⁶Anutunöñ oyaenköyaen akingö jöhöjöhö keu dölökñi neñgiiga miañon jöhöjöhö keu walñi oñgita ölop sorokñi akza. Jöhöjöhö keu miañon areñ dölökñañgö tandöñi akza. Jöhöjöhö areñ dölökñi miañon mönö areñ walñi oñgita qetbuñañambuk akza. Qetbuña miañgö dop Jisösnöñ jöhöjöhö areñ dölökñañgö nupñi ölop sorokñi mi buña qem anguba Anutu aka ambazip sutnine kinda bauköm neñgimakza. Nupñi miañon mönö gölmegö jike nup memenji mi gwötpuk oñgita aködamunñambuk akza.

⁷Jöhöjöhö areñ mutukñan keuñi qahö aka dop kölbawak ewö, jöhöjöhö areñ könañgepñan asuhumapköra öne qahö mamböt-pinak. ⁸Mewömö, ambazipnöñ töndup böligetka Anutunöñ könañini miwikñaiba jim enñgiba kewö jiyök, “Kembu nöñon kewö jizal: Mötket! Nalö kun kam

^j 8.1 Sum 110.1 ^k 8.5 Eks 25.40 ^l 8.8-12 Jer 31.31-34

kuṅgumawi, miangöreṅ Israel kambu aka Juda kambu embuk jöhöjöhö areṅ dölökṅi akṅam.

- ⁹ Nöḅön ambösakonurupṅini böröḅine memba Ijpt kantrinöhök enḅuaṅḅitpiga yaigep kagetka yembuk jöhöjöhö areṅ ahalmo, yeḅön nöḅgö jöhöjöhö areṅ mi qahö qekötahöba tem kölget. Miangöra nöḅön mewöḅaṅök i andö enḅuyal. Kembu nöḅön mewö jizal. Jöhöjöhö areṅ dölökṅi akṅami, mi Buṅa keu walṅaṅgö dop qahö.
- ¹⁰ Mewö qahöpmö, nalö miangön kam kuṅguiga Kembu nöḅön mönö Israel könagesö yembuk jöhöjöhö areṅ dölökṅi kewö aka jimam: Nöḅön mönö nani Köna keuni pakpak mi yeḅgö mötmötṅine ala uruṅine kimbi ewö ohobi ahöma. Mewö aka yeḅgö Anutuṅini akiga yeḅön mönö nöḅgö könagesöni aka malme.
- ¹¹ Nalö miangöreṅ ketaṅi moröḅi mi körekmaköreḅ nöḅgö könani möt yaköba malme. Miangöra böhi kunöḅ Kembugö könaṅi mötmegöra sutṅine qahö kusum enḅiba malma. Datṅan munṅaṅgöra kewö qahö jima, ‘Gi mönö Kembu möt yaköman.’
- ¹² Kewögöra ni möt yaköm niḅgiba malme: Nöḅön ahakmemeṅini bölöḅi mi saṅoḅda mosötмам. Siṅgisöndokṅinaṅgöra mönö ölum nuṅgui mi qahö toroqeba mötmörimam.”
- ¹³ Anutunöḅ jöhöjöhögöra “Dölökṅi” jiba mewö miangön jöhöjöhö areṅ mutukṅaṅgöra “Mönö walṅi ahök,” jiiga könaṅi mewö asuhuyök. Keu areṅ kunöḅ nalö köröḅṅi ahöba walṅi akzawi, miangön mönö ayapkömamgö dop akza. Mewö.

Gölmegö opo seri jikenöḅ Anutu kewö möpöseiget:

9 ¹ Anutunöḅ jöhöjöhö areṅ mutukṅi aka miangöreṅ mewöyök waikṅi memba möpöseibingö areṅi mi jim kutui wuatangöget. Mi wuatangöba gölmenöḅ opo seri jike megetka ahöyök. ² Anutugö opo seri jike kömbukṅi mi kewö meget: Jike oleṅi mutukṅi miangöreṅ lambegö dum tatatṅi aka beret kömbukṅi mi Anutugö jemesoholṅe tebolnöḅ buṅaṅa alget tarök. Jike uruṅi miangö qetṅi mi jike oleṅi kömbukṅi. ³ Miangö andöḅe jike uru qetṅi jike oleṅi töröḅi kötökṅi mi ahöyök. Jike oleṅi yahöt mietkö sutṅire opo sel kinök.

⁴ Jike oleṅi töröḅi kötökṅi miangöreṅ jiniḅ ohohogö altaṅi aka jöhöjöhö areṅgö bokisṅi mi ahöyohot. Altaṅi mi goulnöḅ memeṅi aiga bokis sileṅi mi körek goulnöḅ turuturuṅi ahök. Paura qetṅi mana mi goul kumbutnöḅ ala bokis miangö uruḅe galöm kölget. Mewöyök Arongö öröḅṅi söṅṅi jujulṅi aka Anutunöḅ jöhöjöhö areṅi kötnöḅ ohoi ilaṅi mi

^m 9.2 Eks 26.1-30; 25.23-40 ⁿ 9.3 Eks 26.31-33 ^o 9.4 Eks 30.1-6; 25.10-16; 16.33; Jaṅ 17.8-10; Eks 25.16; Dut 10.3-5

bokis miangö uruñe galöm kölget. Bokis uruñe yuai karöbut mi mewö ahöget. ⁵Bokis qakñe imut yahöt goulñöñ memenji mi Anutunöñ dowe mali asakmararañangö söpsöpñi aka kinohot. Imut yahöt mi ginginñiri kötula bokis önunñi turuba kinohot. Bokis önunñi mi Anutugö köl könjörat dumñi ahök. Keu mohot mohot mi nalö kewöñe nanñök nanñök törörök eraum mötpinangö dop qahö.

⁶Anutugö opo seri jike kömbukñangö yuai pakpak mi mönö mewö arengögetka ahöiga jike nup galöm yeñön nalö dop jike olenji mutukñi miangöreñ öngöba Anutu welenni qeba nupñini memba malget. ⁷Mewö malgetmö, jike nup galöm bohonñi yañönök (yara) yambu dop indimñi mohot miangöreñ jike olenji töröñi kötökñi miangöreñ öngöba malök. Sep memba miangöreñ öngöba nanñangöra aka könagesö yeñön gukmaulem qakñe siñgisöndok akeri, mönö miangöra aka jöwöwöl ohoba señji mokoï erök.

⁸Mewö arengöba aketka Uña Töröñan söpsöp mi kondela miangön ambazip kewö kusum nengiba malök: Jike olenji mutukñan toroqeba kinjawi, nalö miangöreñ Anutunöñ jike olenji töröñi kötökñangö könani mi aukñe qahö indeliga malget. ⁹Keu mi nalö kewöñangö söpsöpñi akza. Könani kewö: Ambazipñöñ kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan siñgisön-dok akerangöra aka tölöhoi jöwöwöl memba kaba Anutugö jike kömbukñe öngöba köulukömakzemö, miangön mönö siñgisöndok-ñini köl könjöratpingö osimakze.

¹⁰Nene kalem aka o kalem memba kaba an köl kam köl aketka o melun könani könani mem engimakzemö, mewö silegö jimkutukutuñi miyök wuatangömakze. Yuai mi mutuk dop köli aka malgetmö, Anutugö areñ dölokñangö nalöñan kam kuñguiga miangöreñök könahiba qahö toroqeba dop kölma. Mewö.

Kraistkö señangö könani

¹¹Kraistnöñ kaba oyaenköyaen nengimakzawangö jike nup galöm bohonñi ahöhi, yañön gölmegö opo seri jike kömbukñi azinöñ memenji miangöreñ qahö öngöyökmö, mönö Suepkö jike kömbukñe öngöyök. Jike kömbukñi miangön öngöñgöñi akza. Aködamunñan mönö asakmararañambuk. ¹²Miangöreñ öngöba uruñi mutukñi kutuba meme (noniñ) aka bulmakau moröñi miengö seññini qahö memba anökmö, nanñi señji mokoiga miangön nam köl wanñiiga Suepkö jike olenji töröñi kötökñi miangöreñ öngöyök. Miangöreñ nalö mohotkö dop öngöiga dop köl teköza. Sohpnini mewö memba oyaenköyaen akingö kondoriga nalö teteköñi qahö dop köla ahöm öngöma.

^p 9.5 Eks 25.18-22 ^q 9.6 Jan 18.2-6 ^r 9.7 Lew 16.2-34

¹³ Mutuk meme (noniŋ) aka bulmakau aziŋi eŋguba sepnjini memba kaba bulmakau ambi seramŋi mianŋon jöwöwöl ohoba mianŋö bupgahajöŋi mewöyök memba kaba ambazip kölköl-jinŋinambuk mianŋon qewösahöba eŋgömirigetka dop köl eŋgiyök. Mewö amöt qem eŋgigetka mianŋon silenŋini sanŋonŋa mem sarahim eŋgii malget. ¹⁴ Mewö aket ewö, Kraistkö sepnjan mönö amötqeqe tandök mi gwötpuk oŋgita kewö ak neŋgimakza: Sepnjan mönö urunini tölöhoi sanŋonŋa kömup köhöikŋaŋgö buŋa akingö ahakmemenini mi köl könjörarakza. Mewö ak neŋgiiga malmal Tonji Anutu welenŋi qebingö nupŋi mi amqeba memba malbin. Uŋa Töröŋan mala kota teteköŋi qahö mal öŋgömawi, yaŋon mönö Kraist bauköm waŋgiiga köpösihitŋi qahö malökmö, neŋgöra aka nanŋi köleŋ aŋguba Anutugö jöwöwöl lamanŋi ahök.

¹⁵ Könaŋi kewögöra Kraistnöŋ jöhöjöhö areŋ dölökŋaŋgö galöm bohonŋi akza: Anutunöŋ ambazip oyaenŋkoyaenŋ aka nalö teteköŋi qahö mewö malbingö keu jöhöba eŋgoholöhi, mi eŋon Anutugö Buŋaŋi mi buŋa qem aŋgumegöra mötza. Mianŋöra Kraist aliga Anutu aka ambazip sutnine urumohot akingö nupŋi memba malja. Jöhöjöhö areŋ mutukŋaŋgö nalöŋe ambazipnöŋ köna oŋgita siŋgisöndok aketka mianŋon jöhöm eŋgii malgeri, Kraistnöŋ i mi eŋgöreŋök pösat eŋgimamgöra aka kömumba sohopŋini meyök.

¹⁶ Kunŋan öroyuaiŋi pakpak malmalŋi tekömawi, mianŋöreŋ alañangö buŋaŋi akŋapkö jim kutui keu ahözawi, alañan buŋa mi zilaŋ qahö mema. Zilaŋ qahöpmö, keu toŋan kömui könaŋan aukŋe asuhui eketka mianŋöreŋ mi ölöp buŋa qema. ¹⁷ Jebuk maliga nalö mianŋöreŋ keuŋi mianŋon ölnambuk qahö akŋapmö, keu toŋan kömuigun keuŋan mönö kukŋambuk akŋa. ¹⁸ Keu mianŋö dop jöhöjöhö areŋ mutukŋi mi mewöyök sep qahö öne ölnambuk qahö ahök.

¹⁹ Ölnambuk kewö ahök: Mosesnöŋ Köna keugö jöjöpaŋ keu pakpak mi könagesö körek yeŋgöra oyoŋdagun mönö bulmakau moröŋi aka meme (noniŋ) eŋguiga sepnjan erök. Eri mi memba obuk mindiriba lama juŋŋi pisikŋi gugakgugak memba soŋgorep suŋe jöhöba sepnöŋ kundumgöba qewösahöi Köna keu Kimbi lama silenŋe ohoba lipiŋgögeri, mi miriyök. Mi miribagun könagesö pakpak sutŋine liliköba sep onöŋ kundumgöba giliga mianŋon qewösahöi eŋgömiriyök. ²⁰ Mewö eŋgömiriba kewö jiyök, “Anutunöŋ keuŋi tem kölmegöra jim kutum eŋgiba embuk jöhöjöhö akzawi, mönö mianŋö sepnja ki.”

²¹ Mewöŋanök opo seri jike kömbukŋi mi tok sepnöŋ kundumgöba giliga mianŋon kundumgöba miriyök. Amötqeqe nup memegö aködamun yuaiŋi pakpak mi mewöyök kundumgöba gili miriyök. ²² Köna keunöŋ

^s 9.13 Lew 16.15-16; Jaŋ 19.9, 17-19 ^t 9.19-20 Eks 24.6-8 ^u 9.21 Lew 8.15 ^v 9.22 Lew 17.11

jim kutuzawanğö dop i me wai pakpak mi mönö sepnöy sanğoŋninga sarakŋi ahakza. Kunöy sep qahö mokoza ewö, Anutunöy mönö siŋgisöndoknini qahö mosötma. Mewö.

Kraistkö sepnan siŋgisöndoknini köl könjörarakza.

²³ Suep jike kömbukŋaŋğö söpsöp imutŋi imutŋi mi gölmenöy jöwöwöl ohoho aka mewö miaŋön amöt enğugetka sarakŋi aketka dop kölĵapmö, Suepkö öröyuaigöra mi qahö dop kölĵa. Miaŋğöra Kraistnöy jöwöwöl ohoho qainŋi kun aka miaŋön Suep jikeğö öröyuaŋi pakpak mi mönö amöt enğuiga sarakŋi aketka dop kölök. Jöwöwöl ohoho qainŋi kun miaŋön mönö gölmegö jöwöwöl ohohonŋi oŋgita aködamanğambuk akza. ²⁴ Miaŋğö könanŋi kewö: Kraistnöy jöwöwöl jike olenŋi törönŋi kötökŋi azinöy memenŋi miaŋğoreŋ qahö öŋgöyök. Mi Anutugö jike öĵŋaŋğö söpsöpŋi miyök ahök. Kraistnöy mönö Suep miri öĵŋi miaŋğoreŋ öŋgöba nalö kewöŋe bauköm neŋgimakŋapköra jitŋememenini aka Anutugö jemesoholŋe asuhumakza.

²⁵ Jike nup galöm bohonŋan yambu (yara) dop sömbup sepnini memba jöwöwöl jike olenŋi törönŋi kötökŋi miaŋğoreŋ öŋgöba malök. Kraistnöy miaŋğö dop qahö ahakza. Yaŋön Suep mire indimŋi gwötŋuk qahö öŋgöyök. Anutugö jöwöwöl lamaanŋi aiga yambu (yara) dop qemakŋegöra aka eu qahö öŋgöyök.

²⁶ Indimŋi mohotŋan qahö dop kölbawak ewö, yaŋön mönö Anutunöy Suep gölme miwikŋaim etkiyöhi, nalö miaŋğoreŋök könahiba sihimbölöŋi bölöŋi möri indimŋi sehisehiŋi akawak. Mewö qahöpmö, gölmegö nalöŋan tekömamğö aiga nalö kewöŋe indim mohot miyök siŋgisöndok köl könjöratmapköra aka asuhuyök. Asuhuba nanŋi jöwöwöl ohoho ewö ak waŋgimeğöra al aŋguyök. ²⁷ Gölme ambazip neŋğö areŋnini kewö ahöza: Nini nalö kunöy kömumbin aka miaŋğö andöŋe Anutunöy keunini kewöta jim teköm neŋgima.

²⁸ *Areŋ miaŋğö dop Kraistnöy mewöŋanök ambazip sehisehiŋi neŋğö siŋgisöndoknini köl könjöratmapköra indim mohotkö dop kaba nanŋi jöwöwöl ohoho ewö ak waŋgimeğöra al aŋguyök. Yaŋön nalö kunöy lilingöba kama. Siŋgisöndoköra aka kunbuk qahö kamapmö, ambazip asuhumapkö mambörakzini, mönö nini oyaenğoyaen neŋgiba neŋguaŋgitmapköra aka asuhuma. Mewö.

Indim mohot kömupnöy al aŋgui dop köl teköza.

10 ¹ Köna keu walŋi miaŋön oyaenğoyaen akingö könanŋi öĵŋi qahö akzapmö, oyaenğoyaen asuhumawanğö imutimutŋi miyök ahöza. Köna keugö könanŋi mewö ahözawanğöra aka ambazip Anutu

^w 9.28 Ais 53.12

möpöseibingöra jike kömbukŋe nalö dop öngömakzei, yeŋön mönö letota aködamunŋinambuk akingö osimakze. Yeŋön nalö teteköŋi qahö naluk kalem waŋgita ala jöwöwöl ohoho miyök yambu (yara) dop toroqeba aka malgetmö, miaŋön qahö dop kölöc. ²Miaŋön dop kölbawak ewö, jöwöwöl ohoho mi ölop mosötpeak. Jike kömbukŋe Anutu waikŋi memba möpöseigeri, yeŋön indim mohot amöt enjugetka sarakŋi ak teköbeak, mewö mönö siŋgisön-dokŋinaŋgö gamuŋi mi qahö toroqeba mötpeakmö, mi toroqeba mötket. Miaŋgöra sömbup kalem mi toroqeba nalukŋina almalget.

³Yambu (yara) dop jöwöwöl ohoba malgeri, miaŋön mönö toroqeba siŋgisöndokŋinaŋgö gamuŋi mi jim gulim enŋii malget. ⁴Bulmakau aziŋi aka meme (noniŋ) yeŋgö seŋŋinan mönö siŋgisöndok köc köŋjöratmapkö osiza. Mi esapkögetmö, qaköba mala kotket.

⁵*Miaŋgöra Kraistnöŋ gölmenöŋ eta asuhuyöhi, nalö miaŋgöreŋ kewö jiyök, “Anutu, göŋön naluk kalemgöra aka jöwöwöl ohome-göra qahö köpösöŋgöba malnöŋmö, gölmenöŋ malmalgö sileŋi mi mözözmögöba niŋginöŋ.

⁶Jöwöwöl ohoba siŋgisöndokŋinaŋgöra aka naluk kalemŋi kalemŋi ala malgeri, mi eka miaŋgöra qahö söŋgaiba malnöŋ.

⁷Nalö miaŋgöreŋ kewö jial, ‘Anutu, mötnöŋ, nöŋön ki kazal. Nöŋgö könani mi papia lipiŋlipiŋi miaŋgöreŋ ohogetka ahöza. Miaŋgö dop mönö göhö sihimgahö dop aka memba malmam.’ ”

⁸Mutuk kewö jiyök, “Naluk kalem ala jöwöwöl ohoba siŋgisöndokŋinan solanimapköra yuai könaŋi könaŋi aka malgeri, miaŋgöra mönö sihimgan qahö asuhui möta malnöŋ. Mi eka miaŋgöra qahö söŋgaiba malnöŋ.” Yuai mi Köna keu waŋŋaŋgö dop toroqeba ahakzemö, mi töndup mewö jiyök. ⁹Miaŋgö andöŋe keu kewö jiyök, “Anutu mötnöŋ, nöŋön mönö ki kaba göhö jitsihitkahö dop aka memba malmam.” Mewö jiba Anutu waikŋi memba möpöseibingö könaŋi mutukŋi mi qeapköba köna dölcökŋi kuŋguyök. ¹⁰Anutugö jitsihitŋan nam köc waŋgiiga sileŋan jöwöwöl ohoho ewö aket teköi miaŋgöra mönö töc kutum neŋii sarakŋi ak teközin. Indim mohotkö dop sileŋi köleŋniga miaŋön nalö dop mönö söp köla ahöm öŋgöma.

¹¹†Nalöŋi nalöŋi jike nup galöm pakpak mieŋön kinda jike nupŋini memakze. Sundan dop jöwöwöl ohoho miyöhök dumŋe kunbuk ahakzemö, mieŋön siŋgisöndokŋini köc köŋjöratpingö osimakze.

¹²*Mieŋön osimakzemö, Suepkö jike nup galöm bohonŋan mönö indim mohotkö dop siŋgisöndoköra aka sileŋi köleŋniga nalö teteköŋi qahö dop köla ahöm öŋgöma. Jöwöwöl ohoho ewö ak waŋgigetka Suep jikenöŋ öŋgöba Anutugö böröŋi öŋe tatza. ¹³Miaŋgöreŋ tata nalö sutŋi

× 10.5-7 Sum 40.6-8 † 10.11 Eks 29.38 * 10.12-13 Sum 110.1

kiaŋgöreŋ Anutunöŋ tuarenjoŋurupŋi tötali et enŋuiga Kraist könaŋangö döŋŋi^a aketka köiraŋ kölbिंगö mamböta malja. ¹⁴Indim mohotkö dop kömupnöŋ al aŋgui jöwöwöl ohoho ewö ak waŋgigetka miaŋön dop köl teköi ölop ambazip tök kutum neŋgii sarakŋi akingö dop akzin. Mewö ölop mem letot neŋgiiga aködamunini pakpak miwikŋaiba nalö teteköŋi qahö mewö mal öŋgöbin.

¹⁵Uŋa Töröŋan mewöyök keu mi naŋgöba jiiga mötzin. Mutuk keu kewö jii ahöza:

¹⁶^b“Kembu nöŋön kewö jizal: Nalö tosatŋan tekögetka miaŋgöreŋ mönö jöhöjöhö areŋ yembuk akŋami, mi kewö: Nöŋön Köna keuni pakpak mi mönö uru könömŋine ala mötmötŋine kimbi ewö ohomam.”

¹⁷^cMewö jiba kewö toroqeyök, “Nöŋön mönö yeŋgö ŋiŋgisöndok-ŋini aka ahakmemeŋini iwilelebuk akeri, miaŋgöra ölum nuŋgui mi qahö toroqeba mötmöriba malmam.” ¹⁸Keu miaŋgö dop Anutunöŋ mi mosöri keuninan kömuyöhi, ŋiŋgisöndok mieŋgöra jöwöwöl ohobinaŋgö dop qahö akzin. Mewö.

Anutubuk kapaŋ köla malbingöra neŋgoholök.

¹⁹Miaŋgöra urumelenŋ alaurupnini, Jisösgö sepŋan ŋaŋgoŋ neŋgiiga mönö ölop Anutugö jike olenŋi töröŋi kötökŋi miaŋgöreŋ öŋgöbin. Mewö möt narim köhöiba uruyahöt qahö ahakzin. ²⁰Jisösnöŋ köna anangö köna dölökŋi mesariga nanŋak malmal köhöikŋangö könaŋi ak neŋgiza. Köna mi nanŋi silenŋi kölenŋa mewö miaŋön mesari ahöza. Köna mi tiba Anutugö jikeŋangö opo selŋi kutuba jike olenŋi töröŋi kötökŋi miaŋgöreŋ öŋgöbin. Jisösgö silenŋan nam köl neŋgiiga opo selŋi mi ölop kutubin. ²¹Jisösnöŋ jike nup galöm öŋgöŋgöŋi ak neŋgimakza. Yaŋön Anutugö könagesöŋi pakpak galöm köl neŋgiba malja.

²²^dMewö maljawaŋgöra neŋön mönö geŋmoŋ mosöta uruyahöt körek yaköriba pöndaŋök mötnariŋ qakŋe kinda Anutugö kösutŋe anda köuluköba malbin. Sepŋan qewösahöi neŋgömiriba uru tölöhopnini ŋaŋgoŋniga sarakŋi aka malbin. Uruninan qahö toroqeba jim neŋgiiga mönö awösamkakak malbin. O sarakŋi ariinga mem tuarim neŋgiiga mewö mönö Anutubuk qekötahöba malbin. ²³Anutunöŋ oyaenŋoyaenŋ akingö keu jöhöba neŋgiyöhi, yaŋön mönö keuŋi pöndaŋ wuatangöba nembuk kinja. Mewö kinjawaŋgöra aka mewö akingö mamböta jörömqörömŋi jim miwikŋaimakzin. Miaŋgöreŋ mönö koŋgwarak mosöta zeŋ kin köhöiba malbin. ²⁴Urukalem aka ahakmeme ölopŋi akingöra

^a **10.13** Kerökurupŋi memba et al enŋgiba luhut ala gamu qem enŋgibingöra könaŋinan tuapköba qakŋine döŋ ewö tölanŋiba malget. Juda yeŋgöreŋ köna mewö. ^b **10.16** Jer 31.33 ^c **10.17** Jer 31.34 ^d **10.22** Lew 8.30; Eze 36.25

mönö uru kuŋgum aka naŋgöm aŋguba malbin. Mewö malbingöra mönö pöndaŋ galöm mem aŋguba malbin. ²⁵Tosatŋan nanŋini urumeleŋ könagesögö totokoŋini mosörakzei, neŋön mönö silik miaŋgö dop kude aka malbin. Mewö qahöpmö, Kembu kamawaŋgö aiwesökŋi eka nalöŋan dopdowimapkö mötzini, miaŋgö dop mönö kapaŋ köla köhöiba uru kuŋgum aŋguba malbin.

²⁶Buŋa keu ölni mötagun nanini imbi-imbi qakŋe siŋgisöndok laŋ akin ewö, siŋgisöndoknini miaŋgöra mönö naluk jöwöwöl kun albingö osibin. Jöwöwöl ohoho kun mi qahö bauköm neŋgima. ²⁷^eMi qahö bauköm neŋgimapmö, Anutunöŋ keunini mi jim teköba likepŋi meleŋni qaknine öŋgömapkö mamböringa jönömninan undui keŋgötnini möta malbin. Anutugö könöpŋan tuarenjoŋ-urupŋi eŋgohomawi, miaŋgö kukŋi miyök asuhumapköra mönö mamböta malbin. ²⁸^fKunŋan Mosesgö Köna keu andö qezawi, i mönö keu jakeŋe algetka yahöt karöbutŋan keuŋi naŋgöba jigetka keuŋambuk akŋa ewö, i mönö kude ak kömum waŋgigetka kömupkö buŋaya akŋa.

²⁹^gMewö akŋapmö, ambazip kun kewöŋaŋgö keuŋaŋgöra mönö denöwö mötmörize? Kunöŋ Anutu Nahönŋaŋgö keuŋi könaŋan tökötahöba gilakza. Jöhöjöhö areŋ döläkŋaŋgö sepŋan lök tök kutum waŋgii sarakŋi ahökmö, sep mi yuai omaŋi ewö memba et alakza aka kalem möriam Toŋi Uŋa Töröŋi mi ilita mepaqepaik ak waŋgimakza. Kunŋan mewö aiga Anutunöŋ keuŋi kewöta likepŋi dawikö dop waŋgii dop kölbawak? Köna keu qetala kömupkö buŋaya akingö dop akzinmö, Anutunöŋ ambazip mewöŋaŋgö likepŋi mi mönö könöpuk ak waŋgii qakŋe öŋgöi sihimbölö önöŋi qahö möta malma. Wani sihimbölönöŋ mönö dop köl waŋgibawak? Yaŋgö könaŋaŋgöra mönö denöwö mötmörize?

³⁰^hKeu kun kewö ahöza, “Jinöŋ jibi, nuŋgunöŋ guhubi, aknöŋ aki mi nöŋgö nuwa. Nöŋön mönö ambazip keuŋinaŋgö likepŋi meleŋmam.” Toroqeba keu kun kewö jii ahöza, “Kembunöŋ könagesourupŋi eŋgö keuŋini kewöta jim teköma.” Kun daŋön mewö jiyöhi, neŋön i möt waŋgizin. ³¹Anutu malmal Toŋaŋgö jeŋe kinda et neŋgui böröŋan neŋgumawi, miaŋön mönö kanjamŋambuk kötökŋi akŋa. Mewö.

³²Löwöribepuköra kewö jizal: Anutugö asakŋan kaiga buŋa qem aŋguba asarigeri, mönö nalö mutukŋi mi mötmöriba malme. Nalö miaŋgöreŋ mötnaripkö bim qeba sihimbölö gwötpuk miwikŋaiba mi töndup aum-möriba aongit aka kin köhöiget. Mi mönö kude ölum eŋguma. ³³Nalö tosatŋe gamu qem eŋgiget köŋjiliŋ mötketka qenjaröknöŋ eŋgehiba malget. Nalö tosatŋe alaurupŋini tandök mewöyök ak eŋgigetka yeŋgö qöhöröŋine kinget. ³⁴Tosatŋi kösö mire alget tatkeri,

^e 10.27 Ais 26.11 ^f 10.28 Dut 17.6; 19.15 ^g 10.29 Eks 24.8 ^h 10.30 Dut 32.35, 36

mönö i engekka sihimbölönjini mohotnje möta malget. Sukinapnjini kiom qeba megeri, mi mönö sösönggai qaknje möt anğön köla malget. Suepkö ainemaluku qainji kun qahö ayapkömawi, mi ahöm engizawangö möta miangöra urukölalep möta malget.

³⁵ Miangöra awösamkakaknjini mönö nalö kewöñe kude gila mosötme. Mi kude mosötketka Anutunöñ mönö miangö töwanji ketanji enggima.

³⁶ Anutunöñ yuai engimapkö keu jöhöi ahözawi, enğon mi buña qem anğumegöra kinje. Miangöra Anutugö jitsihitji wuatangöba lömböt möta mökösonğda kapañ köla malme ewö, Suepkö buñañi miangön mönö enğö buña akña. ³⁷ Kewögöra mönö kin köhöiba malme: Nalö töröptökñi miyök mönö toroqeba mamböringa “Kunbuk kamawañon mönö kam kuñguma. Nalöñi qahö qem körii öngömapmö, nalöñangö dop törörök kama.

³⁸ Törörök kamapmö, nöngö alanan ahakmeme diñdñi wuatangömakzawi, yangö mötnaripñan mönö nam köl wangii mal köhöim öngöma. Kunbuk eleğda mötnaripñi mosötma ewö, mi qahö dop köli urunan mönö yangöra qahö söñgaima.”

³⁹ Keu mewö ahözapmö, neğon ambazip uruñini kunbuk eleğda mötnaripñini mosöta könöp siagö buñaya akñei, mönö yengö kambunöñ qahö kinjin. Mewö qahöpmö, mötnaripnini mi mönö galöm kölinga Anutunöñ amöt qem neğii mala Suep mire öngöbinangö dop akzin. Mewö.

Ambazip mötnaripköra aka yuai kewö asuhuyök:

11 ¹ Mötnaripkö könañi kewö: Yuaigö jörömqöröm akzini, mi asuhumapköra mönö köhöiba uruyahötñi qahö möt narizin. Yuai qahö ehəkñi miangö dop aka memba ölnji ekingö mamböta awösamkakak kinjin. ² Möpñangö möpñeyök könahiba ambazip mötnaripñinan nam köl enğiiga uruñini melengetka Anutunöñ enğehi dop köliga jim ölöwak enğiiga malget. ³ Mötnaripninan nam köl neğiiga yuai pakpakö könañi kewö möt asarimakzin: Anutunöñ keuñi jim kutuba miangön Suep gölmegö öröyuaiñi pakpak miwikñaiyök. Miangöra nalö kewöñe yuai ehakzini, mi yuai ehəkñi miangöreñök qahö letota asuhuyök.

Abel, Enok, Noa yengö mötnaripnjini

⁴ Kein (Kain) Abel yetkön Anutugöra jöwöwöl ohoyohotka Abelnöñ uruñi melenğiga mötnaripñan nam köl wangii törörök tem köliga köwakñan diñdñi öngöyök. Mewö öngöiga Anutunöñ jöwöwölñi ehi dop köli jim ölöwahök. Jim ölöwaka Abelnöñ solanji ahöhi, Anutunöñ keuñi mi nangöba jiiga mötnaripñan nam köl wangii mörök. Mewö möta mala

ⁱ 10.37-38 Hab 2.3-4 ^j 11.3 Jen 1.1; Sum 33.6, 9; Jon 1.3 ^k 11.4 Jen 4.3-10

kömuyökmö, mi töndup nalö kewöje ahakmemeñi möringa keu miangön mönö toroqeba urunini kuŋguba naŋgöm neŋgimakza.

⁵Azi qetñi Enok yañön mönöwök uruñi meleşniga Anutunöñ keuñi naŋgöba jim ölöwahiga möta yaŋgö jeñe dop köla malök. Mewö mala mali mötnariŋñan Anutu nam köl waŋgiiga waŋgiri jebuk öngöyök. “Anutunöñ waŋgiri öngöiga toroqeba miwik-ŋaibingö osiget.” Buña Kimbi miangö dop Enok mötnariŋñan aŋgön köl waŋgiiga qahö kömuyök. ⁶Uruñi Anutugöreñ meleşjawañön mönö keu kewö möt narima: Anutunöñ malja aka Anutunöñ ambazip yaŋgö jeñe dop kölbingö jaruzei, mi töwa qem eŋgima. Keu yahöt mi möt nariba ölop Anutugö kösutje kamapmö, qahö möt narim waŋgiba öne yaŋgö jeñe dop kölbingöra mönö osibin.

⁷Anutunöñ Noagöra yuai asuhumapkö galöm meme keuñi indelök. Indeli Noanöñ möt asariba sömbuñi qainñi kun möta ölni qahö ehiga mötnariŋñan nam köl waŋgiiga tem köla waŋge meyök. Anutunöñ nanñi aka saiwaurupñi aŋgön köl eŋgimapköra möta waŋge mi meyök. Noa mötnariŋñan nam köl waŋgiiga waŋge meyöhi, ahakmeme miangön mönö gölme ambazip könaŋamñini goŋgoñi indeli Anutunöñ keuñini jim teköiga ayuhuget. Uruñini qahö meleşda ayuhugetmö, Noagö mötnariŋñan nam köl waŋgiiga Anutugö jeñe solanñi akingö kalemñi mi buña qem aŋguyök. Ambazip Anutu möt narim waŋgiinga keunini jim teköi solanimakzini, Noanöñ mönö miangö dop solanñi ahök. Mewö.

Abraham Sara yetkö mötnariŋñiri

⁸Anutunöñ Abraham gölme yaŋgö buña akŋapakö jiyöhi, mönö miangöreñ anmapkö oholök. Oholi mötnariŋñan nam köl waŋgiiga keu mi tem kölök. Denikeaŋgöreñ anda aŋgotpawak mi qahö mörökmö, mi töndup nanñi gölmeñi mosöta anök.

⁹Anda Anutunöñ gölme yaŋgö buña akŋapakö jim jöhöi ahöyöhi, mönö miangöreñ aŋgorök. Aŋgota kian aka ambazip ahakmemeñini qahö mörökmö, mötnariŋñan nam köl waŋgiyo-haŋgöra mönö töndup opo koumñi kuŋguba ali miangöreñ ahöba malget. Isimoröñi Aisak Jeikob yetkö mewöyök Anutunöñ gölme eŋgimapkö jöhöjöhö keuñi miyök buña qem aŋguba gölme miangöreñ toroqeba opo koumñini kuŋguba ala ahöba malget. ¹⁰Suep siti tandöñan qahö gisahömawi, Abrahamnöñ mi ekŋamgö mamböta malök. Anutunöñ siti miangö areñi ala imutñi memba miri tandöñini esiba meiga pöwöwöm köhöikñi ahöm öngömawi, mönö miangöreñ aŋgotmamgö al mamböta opo koumnöñ malök.

¹¹Mewö mala lök azi namñi aiga mötnariŋñan nam köl waŋgiiga köhöiba iwi ahök. Abrahamgö anömñi Sara yañön köpin malökmö, mi

¹ 11.5 Jen 5.21-24 ^m 11.7 Jen 6.13-22 ⁿ 11.8 Jen 12.1-5 ^o 11.9 Jen 35.27 ^p 11.11 Jen 18.11-14; 21.2

töndup gölöm ala morö meyök. Anutunöŋ Abrahamgö könagesöŋi ketanji akŋapkö keu jöhöm waŋgiyöhi, yaŋgöra aka keuŋan öljambuk akŋapkö möt nariba malök. Mötnariŋŋi miaŋön mönö nam köl waŋgiiga nahönŋa asuhui ehök. ¹² ^aAzi mohot miaŋgö mötnariŋŋan nam köl waŋgiiga lök kömukömugö dop ahökmö, mi töndup yaŋgöreŋök könagesö keta bölökŋi asuhuget. Sengelau suepnöŋ asarigetka jaŋgöŋini oyonŋbingö osizini, me sak köwet jitŋe ahözei, gwölönarökurupŋan mönö miaŋgö dop sehiba asuhuget.

Ambazip kewöŋan Suep mirigöra awöweŋgöba malget:

¹³ ^rAmbazip kösohotŋini lök jizini, mi körek uruŋini melenŋda Anutu möt narim waŋgiba mala kömuget. Anutunöŋ gölme engimapkö keu jöhöm engii malgetmö, gölme miaŋgöreŋ qahö aŋgotket. Mewö qahöpmö, gölmeŋini mi köröwen kinda uba eka waikŋi memba söŋgaiget. Eka öne söŋgaiba kewö jim miwikŋaiba jiget, “Gölmenöŋ mönö kiana aka qandak maljin.” ¹⁴ Ambazip nanŋine miri gölmeŋine aŋgotpingö jaram timakzei, yeŋön mönö keu mewö jimakze. ¹⁵ Gölme mosötkeri, miaŋgö mötmöriba keuŋi jibeak ewö, yeŋön mönö ölop liliŋgöba miaŋgöreŋ angetka uruŋinan teköbawak.

¹⁶ Mönö ölop liliŋgöbeakmö, yeŋön miaŋgöra qahö mötmöriba malget. Miaŋgöra qahöpmö, kantri qainŋi kun Suepnöŋ ahözawi, mönö miaŋgöreŋ aŋgotpingö awöweŋgöba malget. Anutunöŋ yeŋgöra siti kun meiga ahözawi, miaŋgöra qetŋi “Nanine Anutu!” qetketka mi möta söŋgaiba yeŋgöra aka gamu kun qahö mörakza.

Abraham, Aisak, Jeikob, Josef yeŋgö mötnariŋŋini

¹⁷ ^sAnutunöŋ Abraham esapesapnöŋ al waŋgiiga mötnariŋŋan nam köl waŋgiiga Aisak Anutu kalema waŋgiyök. Anutunöŋ Aisaköra gölme waŋgimangö jiiga Abrahamnöŋ jöhöjöhö keu mi buŋa qem anguyökmö, töndup nahönŋi mohok-kun mi mosöta miaŋön jöwöwöl ohomangö ahök. ¹⁸ ^tAnutunöŋ Abrahamgöra keu kewö jii mörök, “Aisaknöŋ mönö gwölönarökurupki nam köl engiiga asuhuba göhö qetki bisiba malme.” Keu mi mörökmö, töndup nahönŋi altanöŋ ala mosörök. ¹⁹ Mosöta kewö kewöta mötmöriyök, “Kömumapmö, Anutunöŋ ölop köhöiba mem gullii kömupnöhök wahötma.” Söpsöp keu mewö jiyöhi, miaŋgö dop nahönŋan dumŋe kunbuk kömupnöhök ewö wahöri waŋgirök.

²⁰ ^uMötnariŋŋan Aisak nam köl waŋgiiga nahönyahötŋi Jeikob aka Iso (Esau) mi kötuetakm etkiyök. Anutugö kötumötuetŋi miaŋön mönö nalö könaŋgeŋe mewöyök dop köl etkii qakŋire öŋgömakŋapköra köuluköyök.

^a 11.12 Jen 15.5; 22.17; 32.12 ^r 11.13 Jen 23.4; 1 Hist 29.15; Sum 39.12 ^s 11.17 Jen 22.1-14 ^t 11.18 Jen 21.12 ^u 11.20 Jen 27.27-29, 39-40

²¹ ^vJeikobnōŋ kōmumamgō ahōhi, nalō miangōreŋ mötnariŋŋan nam köl waŋgiiga nahōnŋi Josefgō nahōnyahōtŋi yahōt mi kötuetkōm etkiba örōpŋaŋgō kitipŋe nariba Anutu waikŋi memba möpōseyōk.

²² ^wJosefgō kōmupŋan dopdowiyōhi, nalō miangōreŋ möt-nariŋŋan nam köl waŋgiiga Israel kōnagesō Ijpt mosōta kageri, miangō kōsohotŋi mi jim guliba jiyōk. Mewō jiba kōnaŋgep qamōtŋi denike lōm kölmeŋgō keuŋi mi jim kutum enŋiyōk. Mewō.

Mosesgō mötnariŋŋi

²³ ^xMötnariŋŋiran Mosesgō iwinamŋi nam köl etkiiga Mosesnōŋ asuhuyōhi, i nalō miangōreŋōk kōnahiba kōiŋ karōbutkō dop asambōrohōt. Morō mi eksihimŋambuk tandōkŋi kun ahōhi, mi eka kiŋ kembugō jimkutukutuŋi oŋgitpitpukōra keŋgōtŋiri qahō mōta morōŋiri asambōta galōm kōlohot.

²⁴ ^yMosesnōŋ qariiga qetŋi farao kiŋ bōratŋaŋgō nahōnŋi qetketka mötnariŋŋan nam köl waŋgiiga qet mi bisimamgō tōkōba farao kiŋgō miriŋi mosōta angaiyōk. ²⁵ ^zÖlöp toroqeba Ijpt yembuk siŋgisōndokō sōsōŋgaiŋi miwikŋaiba mi nalō törōpŋi laŋ sōŋgaibawakmō, malmalŋi mi andō qeyōk. Mi andō qeba Anutugō urumelenŋ kōnagesō yembuk toroqei kahasililiŋ ak enŋigetka mi mohotŋe mōta aum-mōribiŋgō mōri öŋgōŋgōŋi ahōk. ²⁶ Anutunōŋ töwa waŋgimapkōreŋ görōken uba kin kōhöiyōk. Miangōra Ijpt yeŋōn guli dōtnamŋinambuk aka siyoŋsayōŋi qahō malgeri, miangō mōri yuai eretŋi ahōk. Miangōn yuai eretŋi aiga andō qeba Amōtqeŋe Toŋambuk toroqeiga yaŋgōra aka mepaqepaik ak waŋgiba malgetmō, mi mōri tōndup öŋi aka öŋgōŋgōŋi ahōk.

²⁷ Mötnariŋŋan Moses nam köl waŋgiiga Ijpt kiŋ kumbuŋinaŋgō irimŋi seholibapukōra keŋgōtŋi qahō mōta kantriŋi mosōta kayōk. Anutu ehekŋi qahō mi ehekō tandōk mötmōrim waŋgiba malōhi, miangōra mōnō kapaŋ kōla kin kōhöiyōk. ²⁸ ^aMötnariŋŋan nam köl waŋgiiga ak-kōmukōmu kendon^a ala miangō areŋi jim kutum enŋiiga sōŋgaiba tatket. Kōmupkō garatanōŋ Ijpt uruŋe nahōnŋini mutukŋi enŋugetka Israel yeŋgō nahōnurupŋinan kōmumbepukōra mōnō jim kutum enŋiiga naŋŋuŋine sep miriget.

²⁹ ^bMötnariŋŋinan Israel ambazip nam köl enŋiiga Kōwet Pisikŋi mi gölme örōnŋe anangō dop kutuba kaget. Ijpt yarō azi yeŋōn mi kutubiŋgō esapkōgetmō, mōnō onōŋ nemulahōba ayuhuget.

^v 11.21 Jen 47.31–48.20 ^w 11.22 Jen 50.24-25; Eks 13.19 ^x 11.23 Eks 2.2; 1.22

^y 11.24 Eks 2.10-12 ^z 11.28 Eks 12.21-30 ^a 11.28 Anutugō garatanōŋ Israel ambazip enŋehoriba enŋoŋŋirōhi, miangō kendonŋi mi nanine keunōŋ ak-kōmukōmu kendon jiingā Nei keunōŋ Pasowa jize. ^b 11.29 Eks 14.21-31

Rahab aka mötnaripkö ambazip ipñi tosatñi

³⁰ Mötnaripñinan Israel könagesö nam köl enğiiga Jeriko taonöñ kaba kiripo selñi silim 7:gö dop liliköba mohotje anda kagetka kiripo selñi selñi köhöikñan mönö gororongöba etket. ³¹ Mötnaripñan köna ketañi ambi Rahab nam köl wañgiiga kewö aiga Anutunöñ ehoriyök: Israel jitñememe yetkөн gölme ek miwikñaibtköra ölon kayohotka ala aka köl öröm etkiyök. Anutunöñ mi eka könangep yangiseñ ambazip enñui ayuhugetka Rahab ehorii yembuk mohotje qahö kömuyök. Mewö.

³² Wani keuya kunbuk toroqeba jibileñak? Gideon, Barak, Samson, Jefta, Deiwid, Samuel aka kezapqetok ambazip tosatñi yengö kösohotñini toroqeba jibileñak ewö, nöngö nalönan mönö qahö dop kölbawak. ³³ Mötnaripñinan tosatñi nam köl enğiiga jakömbuak tohoñi tohoñi tulumgöba memba ambazip mindingöm enñigetka ahakmeme diñdiñi wuatangöba malget. Anutunöñ yuai nengimapkö keu jöhöi ahözawi, gwötpukñan keu miangö dop köuluköba möt narigetka öñji asuhui meget. Tosatñan laion sömbup sutñine köuluköba möt narigetka Anutunöñ laion numbuñini jöhöyök.

³⁴ Tosatñan könöp bölam uruñe köuluköba möt narigetka Anutunöñ könöp ösumñi qömbököiga qahö enñohoyök. Tosatñi bimgö sou ketañi miangön enñgubingö aketka Anutunöñ yengö souñini jitñi jöhöiga kök alget. Gwötpukñan lölöwöröñi aka köuluköba möt narigetka Anutunöñ ösum enğiiga köhöiget. Tosatñan bim qeba köuluköba möt narigetka Anutunöñ kuk enğiiga suahö köhöikñi aket. Kian yengö yarö kambuñinan kagetka tosatñan köuluköba möt nariba mewö mönö enñguatangögetka unjurata anget.

³⁵ Ambi tosatñan kitipñinan kömui köuluköba möt narigetka Anutunöñ mem gulim wañgi kömupnöhök wahöriga kunbuk toroqeba aitongöget. Ambazip tosatñan kömup andöñe oyaenköyaen öngöngöñi miwikñaibingöra möta kapañ köla kinget. Mewö kingetka ihileknöñ enñguba kahasililiñ könañi könañi ak enñgiba kewö jii mötket, “Anutu qañ kölnöñga zilañ pösat gihibin.” Mewö jii mötketmö, yeñön mi tökögetka toroqeba jañgaurañga mem enñgiba malget. ³⁶ Tosatñan Anutu möt narigetka mepaqepaik aka ihilek wahinambuknöñ enñgugetka sihimbölo könañi könañi miwikñaiba malget. Toroqeba tosatñi gwaröhöba kösö miriñi miriñi miangörej al enñiget malget.

^c 11.30 Jos 6.12-21 ^d 11.31 Jos 2.1-21; 6.22-25 ^e 11.32 Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kiñ 2.11; 1 Sml 1.1-25.1 ^f 11.33 Dan 6.1-27 ^g 11.34 Dan 3.1-30 ^h 11.35 1 Kiñ 17.17-24; 2 Kiñ 4.25-37 ⁱ 11.36 1 Kiñ 22.26-27; 2 Hist 18.25-26; Jer 20.2; 37.15; 38.6

³⁷J Tosatji kötnöj engugetka kömuget. Tosatji segenöj mitim engigetka yahöt aket. Tosatji bingö sou ketaji mianjön engugetka kömuget. Tosatjan lama sileji aka meme (nonij) sileji mianjön opo ewö löngöta laj anda liliköget. Mewö wanapji töhön aketka sesewerowero aka kahasililij laj mem engigetka malget. ³⁸Suepkö aködamunjinambuk aka gölmegö ahakmeme bölöñañ-göra mötketka qahö dop köl enjiiga mianjörej qahö toroqet. Qahö toroqeba laj liliköba gölme qararañkölkölñe anda kaba kundunji kundunji öngöba eta banjet me gölme titiñgit uruñe ahöba malget. Mewö.

³⁹Ambazip kösohotjini jizali, körek mi mötnaripjinan nam köl enjiiga urujini meletgetka Anutunöj engehi dop köliga jim ölöwak enjiiga malget. Mewö malgetmö, mi töndup Anutunöj oyaenköyaen qainji kun neñgimapkö keu jöhöi ahözawi, mianjörej yengjörejök kunöj kun mönö qahö añgorök. Qahö! ⁴⁰Anutunöj i nanjinök qahöpmö, mönö nembuk mohotñe aködamuninambuk ak teköbingöra mötza. Mewö möta mianjöra oyaenköyaen qainji kun neñgii miwikñaibingö keu areñi ali ahöza. Mewö.

Anutunöj iwi aka mindiñgöm neñgimakza.

12 ¹Ambazip kambu keta bölökñi mewöñan mötnaripkö köñañ nañgöba jiba kousu ewö liliköm neñgiba kinjei, mi mötzin. Mianjöra neñön mewöñanök mönö lömbötnini pakpak aka siñgisöndok awamñanök köpeim neñgimakzawi, mi gilin anma. Anutunöj nini mötnaripkö bimñi qeba Satan luhut al wañgibingö areñi ali ahöza. Mianjöra malmal sutji ki malagun kömumbini, sutji mi mönö aonjit tandök kapañ köla bim qeba ösumninan anbin. ²Jisösnöj mötnaripnini mem letori ahui mem qarui köhöiba aködamunñambuk ahakzawi, Toñi mi mönö jeninan uba törörök ehakin. Yañön ölop toroqeba Suep mire mala söñgaibawakmö, mi mosöta eta mianjö salupñe sihimbölö mörök. Maripomnöj kegwek-kahasililij ewö kömumamgö gamu möta qahö tököyökmö, mi qenjaröknöj möta mökösoñda kömuyök. Kömumba Anutugö jakömbuak dum tatatnöj öngöba böröñi ölñe tatza.

³Siñgisöndok ambazip yañön mewö tuarenjoñ ak wañgigetka sihimbölö möröhi, enñön mönö i mötmöriba malme. Sörauba löwöriba urueret aka kinda mötnaripjini aka jörömqörömñini mosötpeuköra mönö mewö ahakñe. ⁴Siñgisöndok akinbuköra aum-möriba bim qeba malgetka mianjörej siñgisöndokö Toñan mönö sepgwörörök (gulibambam) qahö enjuyök. ⁵^kIwinöj nahönbörorupñi yengöra qambañ keu enjizawi, Anutunöj mianjö dop keu kun enjöra kewö jiiga mönö mi ölum engui malje, “O nahöni, Kembunöj mindiñgöm gihimakzawi, mianjöra mönö

^j 11.37 2 Hist 24.21 ^k 12.5-6 Job 5.17; Qam 3.11-12

mötnönga silebile kude akɲa. Keu jim gihiiga miangöreñ mönö urueret kude aka malman.

⁶ Kembunöñ ambazip jöpaköm engimakzawi, ia mindiñgöm engimakza. Ambazip morö ewö engömembra köyan köl engimakzawi, mi körek kömbinöñ engumakza.”

⁷ Morö kun iwiñan qahö mindiñgöi lañ malbawak, mewö mönö yangö moröñi qahö akawak. Miangöra Anutunöñ iñini nahön-böratñi ewö tandök ak engimakza. Miangöra lömböt engii mi mönö mindiñgöm engimapkö tandök mötmöriba möta mökösoñda diñgiba malme.

⁸ Anutunöñ nahönböraturopñi pakpak mindiñgöm engimakzawangö dop iñini qahö mindiñgöm engibawak ewö, mönö yangö nahönböraturopñi ölni qahö akeak. Mewö mönö iwi qahö wilin morö (bastet) akeak.

⁹ Keu mi kunbuk kewö jimam: Gölmegö iwininan mindiñgöm neñgigetka yengöra göda qem engiba malin. Silegö iwininan korembiñi akzemö, uruninañgö Iwininan mönö ölni aka öngöñgöñi akza. Miangöra mönö yangö keu bapɲe anda diñgiba mal köhöininga dop kölma.

¹⁰ Silegö iwininan mönö nanñini mötmötñinañgö dop kapañ köla gölmenöñ nalö töröpñi malbingöra aka mindiñgöm neñgiba malakze. Yeñön mewö malakzemö, Anutunöñ mönö tök kutum neñgii yangö dop sarakñi akingöra aka mindiñgöm neñgimakza. Mewö aka ölna ölöwaka oyaenköyaen akingöra mötza.

¹¹ Kunöñ mindiñgöm neñgiiga nalö miangöreñök mönö sösoñgai tandök qahö ahakzinmö, wösöbirik sihimbölöñambuk mörakzin. Keu mi ölnapmö, miangö ölnan mönö könangep kewö asuhuma: Anutunöñ ambazip mewö miangön köl gulim engimakzawi, yengö ahakmemeñinan diñgiiga luai qem engii möta malme. Mewö.

Qambañ aka galöm meme keu tosatñi

¹² ^l Miangöra “awötñini teköi böröñini lömböriba söro-rauba kinjawi, mi mönö memba wahöta mindiñgöme. Tambuñini jula siminñini suljawi, mi mönö mem köhöime.” Buña keu kun mewö ahöza.

¹³ ^m Kekporörökñambuknöñ (kereporikñambuknöñ) töwölatiba eta qeiga könajan sula bölim teköbapuk. Keu miangö dop alañini angösirip kude ak wangimemö, mönö ölöwakñapköra kapañ köla malme. Buña keu kun kewö ahöza, “Köna tiba anangö könajini mönö mem qölöleigetka diñdiñ akɲe.”

Keu miangö dop mönö uru ölöwak qem anguba malme.

¹⁴ Ambazip körek yembuk luainöñ urumohot malmegöra mönö köhöiba kapañ köla malme. Kunjan malmal sarakñi qahö miwikñaimawi, mönö öne Kembu qahö ekɲa. Miangöra Anutunöñ mem sarahim engimapköra

^l 12.12 Ais 35.3 ^m 12.13 Qam 4.26

mönö kapan köla kinme. ¹⁵ "Kunöŋ Anutugö kalem möriamŋi oŋgita qahö buŋa qem aŋgubapuköra mönö galöm mem aŋguba malme. Nene nupnön siriuret kömbukŋambuk mi jalöŋinambuk qözölmakzin. Miaŋgö dop uru mötökömbukö könani pakpak mi qeapköme. Qahö qeapkögetka miaŋön qariba kota eŋololon mem eŋgii gwötpuk eŋgö uruŋinan tölöhubapuk.

¹⁶ °Mewöyök kunöŋ kaisero akapuk me Iso (Esau) ewö aŋgöjörakŋambuk malbapuköra mönö galöm mem aŋguba malme. Isonöŋ morönahön mutukŋi ahöhanö börosamot toŋi ahökmö, keu mi nene indim mohot nemapköra aka qeapköyök. Qeapköiga munŋi Jeikobnön börosamotkö keuŋi mi nene miaŋön bohonŋi memba buŋa qem aŋguyök. ¹⁷ P Kōnāŋgēp jōhōjōhō keuŋirangö dop asuhui Iwiŋangö kötümötuetŋan mönö Jeikob qakŋe öŋgöyök, mi mötze. Mewö öŋgöi Isonöŋ kötümötuet mi buŋa qem aŋgumamgö möta uleta sahöri imbilŋan erök. Mewö kapan köla ulerökmö, töndup keu munŋambuk jöhöyohori, mi utekömamgö köna kun qahö miwikŋaiyök. Miaŋgöra morö mutukŋangö kötümötuetŋi mi buŋa qem aŋgumamgö mörökmö, miaŋgöreŋ qaköba osiyök.

¹⁸ °Mōnōwōk Israel kōnagesō yeŋön Sainai (Sinai) kōsutŋe kaba kingetka kundunŋi miaŋön könöp bölamnön jeyök. Jeba köwak-köwak eta panaman meiga raidimbom qeiga Anutunöŋ miaŋgöreŋ yembuk jöhöjöhö areŋ ahök. Sainai (Sinai) kundunŋi miaŋön böronöŋ oseibinangö dop akzapmö, eŋön kundunŋi mewö miaŋgö kōsutŋe qahö kaba malje. ¹⁹ Anutunöŋ jōhōjōhō areŋi mi Sainai kundunŋe kewö ahök: Garataurupŋan tömun qainŋi kun ugetka aŋgötömualŋi azöŋda kaiga keu köhöikŋi jiyöhanö kourukŋi mötket. Mi möta keu mewöŋi kunbuk kude jii mötmegöra uletket. Eŋön kundunŋi mewö miaŋgö kōsutŋe qahö kaba malje. ²⁰ °Anutunöŋ keu köhöikŋi jiba kewö jim kutum eŋgiyök, "Kunŋan kun ambazip me bau sömbup kunöŋ kundunŋi mi oseima ewö, i mönö kötnöŋ qegetka kömuma." Mewö jim kutum eŋgiiga keu mi wuatangöbingö möt lömböriba osiget. Miaŋgöra keu kunbuk kude jimapköra uletket. ²¹ °Yuai kanjamŋambuk kötökŋi mi uba eketka Mosesnöŋ kewö jiyök, "Ni mönö keŋgötŋi möta jönömni undui kinjal."

²² Eŋön mewö qahöpmö, mönö uruŋini meleŋda Zaion kundunŋi dopdowiba kaŋgota malje. Anutu malmal Toŋangö sitiŋi qetŋi Jerusalem Suepnöŋ ahözawi, miaŋgöreŋ garataurupŋi ten tausenni ten tausenni yeŋön kambunŋi kambunŋi köla unduba sösongai ahakzei, eŋön mönö siti mi dopdowiba malje.

²³ Mutuk ahuahü dölökŋi ahuba urumeleŋ kōnagesō aketka qetŋini malmalgö buknöŋ ohogetka Suepnöŋ ahözawi, eŋön mönö yeŋgö kambunŋini toroqeba malje. Anutunöŋ ambazip körek neŋgö keunini

° 12.15 Dut 29.18 ° 12.16 Jen 25.29-34 P 12.17 Jen 27.30-40 ° 12.18-19 Eks 19.16-22; 20.18-21; Dut 4.11-12; 5.22-27 ° 12.20 Eks 19.12-13 * 12.21 Dut 9.19

kewöta jim tekömakzawi, eñön mönö bemnini yambuk toroqeba malje. Anutunöñ ambazip solanji mem letot enjiiga aködamunñinambuk aka kömuger, eñön mönö yengö uñaninambuk toroqeba malje. ²⁴‘Eñön jöhöjöhö areñ dölökñangö galömñi Jisös yangöreñ kaba yambuk qekötahöba kinje. Yanñon sepñan qewösahöi enñömirimakzawi, mönö malmal mewöñe kangota malje. Abelnöñ sepñi mokoyökmö, Jisösgö sepñan Abelgö sepñi ongiita keu aködamunñambukö munñemñi akza.

²⁵“Mutuk azi kunöñ gölmenöñ mala Anutugö keu jitsihitñi ambazip indel enjiiga gwötpukñan mi mötpingö tökögetka Anutunöñ likepñi meleñni qakñine öngöyök. Yenñon miangöreñök kök albingö osiget ewö, neñön mönö denöwö kök albinak? Nalö kewöñe alanini kunöñ Anutugö keu jitsihitñi Suepnöhök indela jimakzawi, nini i nönönñan aka mosötzin ewö, mönö lömbötnöhök kök qahöpmahöp albin. Qeqetalninañgö likepñi mönö öñña qakñine öngömapkö mötzin. Miangöra kunñan sañep qei mötzei, eñön keu mi mötpingö kezapölök kude akñe. Kezapölök malbepüköra mönö galöm mem anñuba malme.

²⁶“Mönöwök keunji jiiga mötketka gölme utuköba memenjaliyökmö, kezapqetok keunji kun jiba jöhöiga nalö kewöñe kewö ahöza, “Nalö kungen dumñe kunbuk gölme utuköba memenjalinam. Gölmeyök qahöpmö, yuai akiga suepnöñ mewöyök utuköma.” ²⁷Keu mewö ahözapmö, “Nalö kungen mönö dumñe kunbuk” jizawi, keu miangö könañi kewö: Anutunöñ öroyuai miwikñaiiga ahözawi, miangönök mönö utuköba utekömappmö, Suep mirigö öroyuai qahö utukömawi, miangön mönö kin köhöiba ahöm öngöma.

²⁸Neñön bemtohoñ qahö utukömawi, mia buña qem anñuba kinjin. Miangöra mönö “Anutu saiwap!” jiba mewö miangön waikñi memba möpöseiba uru ölöwak mem wañgimakin. Mi jitñi ongitpinbuköra kenñgötnini möta aka gödañi qeba malbin. ²⁹“Neñgö Anutuninan mönö könöp bölam ewö akza. Miangöra neñgohoi sihimbölä mötpinbuköra mönö kenñgöt mötmöt qakñe göda qem wañgimakin. Mewö.

Qambañ keu teteköñi

13 ¹Urumeleñ alaurup nanñini mönö jöpaköm anñuba malme. ²“Kian ambazip sutñine kamei, mi mönö köyan köl enñigetka köisirik miwikñaimakñe. Mewö akingö mönö kude ölum enñumakñe. Tosatñan mewö akeri, miangön Suep garata tosatñi qahö möt asariba mohot köl öröm enñigetka miriñine malget. ³Tosatñan kösö mire maljei, mi mötmörim enñimakñe. Nanñinak yembuk gwaröhöm enñigetka malbeak tandök möta mönö i mötmörim enñimakñe. Tosatñi ak bölim

¹ 12.24 Jen 4.10 ² 12.25 Eks 20.22 ³ 12.26 Hag 2.6 ⁴ 12.29 Dut 4.24 ⁵ 13.2 Jen 18.1-8; 19.1-3

enġigetka miangö sihimbölöni mötzei, mi mönö nanġinak mewö malbeak ewö möta mötmörim enġimaknje.

⁴Ambazip qesabulum aka serowilin akzei, Anutunöŋ i jim teköm enġima. Miangöra körek enġön mönö awanöm malmal göda qegetka sarakni aiga awanöm sutjire tötekqötek töwötŋi kun qahö ahöma.

⁵Anutunöŋ nanġak keu kun kewö jii ahöza, “Nöŋön mönö nalö kunöŋ qahö gömosöta andö guhumam.” Keu miangöra aka ahakmemenjanan membagan membingö nepaqepalok kude köpösöŋgömaknemö, yuai ahöm enġizawi, miangöra mönö mötket dop köl enġiiga sösoŋgaibuk malme.

⁶Mewö möta ölop ewebibininambuk saitingit kinda kewö jiba malbin, “Kembunöŋ baukbaukni aiga gölme ambazipnöŋ ayuhum niŋgimeangö dop qahö akze. Miangöra kenġötni kun qahö möta maljal.”

⁷Galömurupġinan Anutugö keu jiget mötkeri, i mönö mötmörim enġiba malme. Ahakmemenġini denöwö aka megetka malmalġinan teköyöhi, mönö mi mötmöriba mötnariġġinanangö silikġini wuatangöba malme.

⁸Jisös Kraist utekuteġni qahö. Mutuk malöhi, miyök merak malja aka nalö teteköŋi qahö mal öŋgöma. ⁹Kalem möriam toroqeba buġa qem aŋguinga urunini mem köhöiiga ölöwahakġapmö, nene nemingö silikġi mi me mi miangön mönö urunini mem köhöimapkö osimakza. Tosatġan nenegö dönqizizin könaġi könaġi wuatangögetka ahakmeme miangön mönö qahöpmahöp bauköm enġiiga pöröpköyök. Miangöra tosatan dönqizizin murutġi murutġi ambazip kusum enġimakzei, enġön mönö keu mi mosötme. (Silikö keunöŋ mönö janjuġ kude ak enġima.)

¹⁰Jöwöwöl ohoho alta qainġi kun mi nenġoreŋ ahöza. Gölmönöŋ opo seri jikegö nup memakzei, yeŋön jöwöwöl qainġi kun miangö bahöŋi memba nemingö osimakze. Anutunöŋ yeŋgöra keu mewö qahö jim teköi ahöza. ¹¹“Gölmegö jike nup galöm bohonġan kinda ambazip ŋiŋgisöndokġini köl könjöratmapköra aka sömbup qeba sepġi memba jike olenġi töröŋi kötökġi miangöreŋ öŋgömakzapmö, sömbup ölnġini mi memba miri qandak maljei, miangö sel yaigepne anda miangöreŋ ohogetka jeba ayapkömakze. ¹²Miangö dop Jisös mewöyök könagesöurupġi nanġi sepġan mem sarahim enġimapköra aka siti selgö naŋgu yaigepne qegetka sihimbölö möta kömuyök.

¹³Miangöra miri qandak^b malġini, neŋön mönö miangö sel yaigepne anda Jisösgöreŋ toroqebin. Yangöra aka mepaqepaik ak nenġimakzei, mönö mi bisiba malbin. ¹⁴Mi kewögöra: Siti teteköŋi qahö ahöm öŋgömawi, mi gölmenöŋ qahö ahöm nenġizapmö, siti könangep asuhum nenġimawi, mi ekingö mönö jaram tiba malġin. ¹⁵Miangöra mönö qösösök Jisösnöŋ nam köl nenġiiga Anutugöra möpömpösei naluk ala

[†] 13.5 Dut 31.6, 8; Jos 1.5 [‡] 13.6 Sum 118.6 [‡] 13.11 Lew 16.27 ^b 13.13 Gölmönöŋ kusuk malġini, miangö qetġi qandak.

malbin. Jisös qetnji möpöseimakzei, yengö numbu jitnjinanğö öljan mönö Anutugö naluknji akza. ¹⁶Yuai ahöm engizawi, mi menderj anğuba mem ölöwak anğumakzei, miajön mönö Anutugö naluknji kun akza. Anutunöj naluk mi ehi urujan ölöwahiga dop kölakza. Miajğöra mewö aknejğöra mönö kude ölum enğumakja.

¹⁷Galömurupjni mönö tem köl enğiba kukösurnjini bapje anda malme. Nup megeranğö kösohotjni Anutugö jeje almei, yejön mönö miajğö tandök enğeka urujini galöm kölakze. Yejön nupjni mi urulömböt qakje membepuk. Miajön injini qahö bauköm enğibawak. Miajğöra mönö keujinanğö bapje anda malgetka sösönğai qakje nupjni megetka dop kölma.

¹⁸Mönö nejğöra aka Anutu köulukömakje. Yuai pakpak miajğörej ahakmeme qetbujañambuk akingö sihimnji ahöm nejğiiga Anutunöj nejğeka “Dop kölja,” jiiga urukezapninan möringa ölöwahakza. Keu mi möt yaközin. ¹⁹Nöjğöra köulukömakjegöra mönö kapañ köla kewögöra kuñgum enğizal: Injini köulukögetka Anutunöj nalö qahö mem köriiga ölöwaka ölöp kunbuk enğörej kamam.

Kewö köulukömakzin:

²⁰Jisösnöj kömuyöhanğöra aka lama galöm qetbujañambuk aka malja. Sepnji mokoba miajğö muñgem silimbanjan Anutugö jöhöjöhö arenji qekötahöba mem köhöiiga nalö teteköjji qahö ahöm öngöma. Anutunöj Kembunini mi mem guliiga kömupnöhök wahöta köhöiba malja.

²¹Anutu luai Tojan mönö inahöm enğiba jitsihitjanğö dop aka memba malmegö aködamunjni pakpak enğimakja. Mewö ölöp köhöiba nup ölöpji könañi könañi memba malme. Yañön mönö möwölöhöba kuñgum enğiiga Jisös Kraistköreñ nanğöba malmal Anutugöreñ dop köljawı, mewö malme. Kraistkö qetbujañi mönö nalö dop möpöseininga nalö teteköjji qahö aködamunjañambuk ahöm öngöma. Keu mi ölja.

Keu teteköjji

²²O urumeleñ alaurupni, nöjön kewö qesim enğizal: Buña Kimbi töröpji kiyök ohom enğizal. Miajğöra andö qambañ keuni ki mönö kapañ köla buña qem anğume. ²³Buzup ki mötme: Urumeleñ alanini Timoti i kösö mireyök pösatketka erök. Ösumok ki kañgotma ewö, mönö yambuk kaba enğekit.

²⁴Yaizözkök keuni albıga galömurupjni pakpak aka Anutugö ambazıp saraknji körek yengöra jigetka mötme. Itali alaurupninan yaizözkökjini algetka enğöreñ kaza.

²⁵Anutugö kalem möriamjan mönö körek embuk ahöm öngöba ahöma.

Jeimsgören Kimbi

Jeimsnöñ Kimbiñi alök.

Jim-asa-asari

Gölmeñi gölmeñi miangören ambazip könäñi könäñi uruñini melenđa letorakzei, yeñgö ahakmemeñinan siksauk lolonqalon aiga tönqangöba et enğuiga Anutugö qetbuñajan etpapuk. Miangöra Jerusalem bisop Jeims yañon goro keu murutñi murutñi qezaköba ki ohoza. Goro keuñi tosatñi kewö: Mötikutukutu ölni mi denöwö? Zioz nup ölni aka muneñi. Esapesap uruñe malmal. Tosatñi kude engek qepureime. Numbu jit galömkölköl. Sileñini möpöseime me uruñini memba et al anğume? Anğururuk me alabauk akñe? Kapañkapañ aka köuluk nup meme.

Waimanjatñi bohonñi kewö: Kraistkö Buñajan qariba aködamun-ğambuk akñapköra qetñi bisiba keuñi köl guliba meinga ölni asuhuma me qahö? Numbu jitinanök möt nariinga qahö dop kölja. Zioz ölni qahö mi köhömuñi qamöt tandök ewö akza.

Kimbi kiangö bahöñi bohonñi 10 mi kewö:

Keu mutukñi *1.1*

Mötnarip aka mötikutukutu *1.2-8*

Ambazip wanapñi aka pomñi *1.9-11*

Esapesap (manambatok) ölöpnñi aka bölöñi *1.12-18*

Buñja kezapnöñök mötmöt aka temkölköl *1.19-27*

Etqeqeñi mi kude engek qepureime *2.1-13*

Mötnarip nupñi qahö mi omañi akza *2.14-26*

Numbu nesilamninan ayuhum neñgibapuk *3.1-18*

Luainöñ malmal me gölmegö ahakmeme *4.1-5.6*

Lömböt bisiba köuluköinga ölni asuhuma *5.7-20*

1 ¹Jeims nöñon Anutu aka Kembu Jisös Kraistkö nupñi memba maljal.

^a 1.1 Mat 13.55; Mak 6.3; Apo 15.13; Gal 1.19

Israel kambu 12 neŋgöreŋök tosatŋi iŋini Israel mosöta gölmeni gölmeni deŋda anda maljei, nöŋön embuk keu eraum mötpingöra kimbi ki ohoba jölöŋini jizal.

Möt nariba köuluköba mötmöt ölni miwikŋaibin.

²O urumelenj alaurupni! Esapesap könaŋi könaŋi qakŋine öŋgömakzawi, miaŋgöra uruŋinan mönö kude eri simbawoŋ miyök möta söŋgaiba malme. ³Esapesapnöŋ qakŋine öŋgöiga mötnarip-ŋinan miaŋgöreŋ köhöimakŋa ewö, mönö kapaŋ köla kin köhöimakŋe. Mi mötzeaŋgöra mönö söŋgaiba malme. ⁴Kapaŋ köla kin köhöimakŋe ewö, miaŋön mönö toroqeba mem letot enŋiiga ahakmemenjanŋö ölni pakpak mi aködamunŋambuk ahumakŋa. Miaŋön ahuiga Anutunöŋ oyaenŋoyaenjan uruŋini kokolak qeiga urugö yuai kungöra (meme amgöba) mözöqözöröŋ qahö aka malme.

⁵Enŋöreŋök kunŋan “Denöwö akŋam,” jiba mötkutukutugöra osizawi, yaŋön mönö Anutu köuluköiga mi waŋgima. Anutunöŋ kaleŋŋi sakalakŋi amqeba körek neŋgöra neŋgiba sirongen qahö jim neŋgimamgö mörakza. Miaŋgöra mi ölop waŋgiiga buŋa qem aŋguma. ⁶Köulukömawi, miaŋgöreŋ mönö niŋgimapkö möt nariba uruyahöt qahöpmahöp akŋa. Uruyahöt akzawaŋön mönö köwet sirigö dop öŋgöba eta ahakza. Luhutnöŋ köwet kunduriga laŋlaŋ anda kamakza. Miaŋgö dop akapuköra köulukŋaŋgö uruyahöt kude akŋa.

⁷Uruyahöt ambazip mewöŋi kunöŋ mönö Kembunöŋ yuai waŋgimapkö kude mötmörima. ⁸Yaŋgö uruŋan mönö julkuliga aiakaŋi pakpak miaŋgöreŋ kököloloŋ aka koŋgwarak qeba anqem-kamqem keu jimakza. Mewö.

Wanaŋŋi malmal aka pomŋi malmal

⁹Urumelenj alaurupni, enŋö sutŋine tosatŋan etqeŋeŋi malgetka Anutunöŋ enŋgöra möri öŋgöŋgöŋi akze. Miaŋgöra mönö ölop nanŋini möpöseim aŋgumakŋe. ¹⁰^bTosatŋan öŋgöŋgöŋi maljemö, moneŋ inapŋinanŋgöra qahö mötket öŋgömakzawaŋgöra aka etqeŋeŋi tandök mala mönö nanŋini möpöseim aŋgumakŋe. Yeŋgö malmalŋinan mönö buörö (roro) juranŋi ewö aka soholima. Etqeŋeŋi aka öŋgöŋgöŋi neŋön kömumba miaŋgöreŋ öröröŋ akin. ¹¹Wehönöŋ kota roro ohotiriiga qararaŋ köla soholiba juranjan bolonanimakza. Juranjan eriga kemaŋaŋgö kaisoŋgolomŋi eksihimŋambuk miaŋön piahimakza. Pomŋi yeŋön sukinapŋini mem sehimbingö lilikqilik ahakzemö, mala buörögö (rorogö) dop gororongöme. Mewö.

Esapesap (manambatok) ölopŋi aka bölöŋi.

¹²Anutunöŋ keuŋi kewö jöhöi ahöza, “Ambazip uruŋinan jöpaköm niŋgimakzei, nöŋön i malmal köhöikŋi enŋiba nörorŋine goul ila köl

^b 1.10-11 Ais 40.6-7

engimam.” Keu miangö dop bölöŋaŋgö esapesapnöŋ kungö qakŋe öngöiga miangöreŋ kaparŋ köla köhöii teköiga mönö malmal köhöikŋaŋgö ila sorom buŋa qem aŋguba oyaenjkoyaen akŋa. Yaŋgöra “I-ia simbawoŋ!” jizin. ¹³Bölöŋaŋgö Toŋan Anutu esapköm waŋgimawaŋgö dop qahö aiga Anutunöŋ kun siŋgisöndok akŋapkö qahö esapköm waŋgiza. Miangöra kunŋan esapesap uruŋe mala kewö kude jima, “Anutunöŋ esapköm niŋgiiga siŋgisöndok akŋamgö akzal.”

¹⁴Anutunöŋ qahöpmö, nanini sihim kömbönaŋnini bölöŋan mönö töpötin (nemban, pöraŋ) ewö öröm neŋgiiga mötöp bitimnöŋ qaköinga siŋgisöndokö esapesapŋi mewö mohot mohot neŋgöreŋ asuhumakze.

¹⁵Kunŋan sihim kömbönaŋi bölöŋi qahö jöhöba siŋgisöndok kondotza. Kondoriga sihim kömbönaŋan gölömŋi ala siŋgisöndok mi morö ewö meiga ahumakze. Siŋgisöndoknöŋ ahuba qarim teköba kömup köhöikŋi ahum waŋgimakza.

¹⁶O wölböt alaurupni, sihim kömbönaŋnini bölöŋan mönö kude tilipköm engima. ¹⁷Kalem ölöŋŋi aködahunŋinambuk pakpak mi Anutunöŋ ali Suep euyaŋgöreŋök asuhumakza. Köiŋ wehön jeŋiri kota kutuba geyohotka imutimutŋiran körim törim ahakzapmö, asakŋi pakpakö Toŋan mönö nanŋak qahö uteköma. Imutimut me söŋaup kun mi yaŋgöreŋ qahö ahöza. ¹⁸Anutunöŋ yuai pakpak miwikŋaiyöhi, nini miengö sutŋine yambu dölökŋi jeŋiqeŋe aka malbingöra mörök. Miangöra nanŋi sihimŋaŋgö dop keu öŋaŋgö kötŋi urunine aliga miaŋön ahuahu dölökŋi neŋgii ahuin. Mewö.

Buŋa keu öne mötpin me tem köla membini?

¹⁹O wölböt alaurupni, mönö keu ki mötmöriba kude ölüm enguma: Inŋini mönö körek keu mötpingö kezap köröpŋi zilaŋ alme. Keu laŋ mi ösumök kude jime. Irimŋinan mönö zilaŋ kude seholima. ²⁰Anutunöŋ ahakmeme diŋdiŋi akingö sihimŋi mörakzapmö, irimesewölnöŋ mia qahö kondorakza. Miangöra mönö irimesewöl mosöta keu ösöŋ jiba malme. ²¹Qewöloŋ könaŋi könaŋi aka ahakmeme töwötŋambuknöŋ qekötahözei, mia mosötme. Mönö yaŋgiseŋini mosöta Anutugö keu bapŋe anda keu kötŋi uruŋine kömörakzawi, mi möt aŋgön köla malme. Mewö aketka keu miaŋön ölöŋ amöt qem engiiga letota Suepnöŋ öngöme.

²²Buŋa keu mi öne töhön mötketka öŋi qahö ahubapuk. Mewö silebile aka tilipköm aŋgubepukmö, keu mi mönö köl guliba malme. ²³Kunŋan keu öne töhöntöhön möta miangö dop qahö ahakzawi, yaŋön mönö azi kiaŋgö dop akza: Kunŋan jemesoholŋi piliknöŋ uba aŋgehakza. ²⁴Uba aŋgeka mosöta kungen anda kaisoŋgolomŋi denöwö, mi ösumök ölüm gemakza. ²⁵Mi ölöŋŋi qahöpmö, kunŋan köna keu aködahunŋambuköra kezap ala ehiba miangöreŋ qekötahöba siŋgisöndokö kösönöhök lolohomakzawi, yaŋgö ahakmemegöra mönö “Esop simbawoŋ!” jibin.

Yaŋön keu möta mi qahö ölum qemakzapmö, mi ölŋa tem köla miangö dop ahakza.

²⁶Kunŋan urumelenŋö köl guliguli akŋamgö jiba numbu jitŋi qahö galöm köla nanŋi mewö tilipköm aŋgumakzawi, yaŋgö liŋet köulukŋan mönö yuai omaŋi, ölŋi qahö akza. ²⁷Anutu Iwigahö jemesoholŋe Buŋa nup sarakŋi silebileŋi qahö memamgö jiba mönö kewö akŋan: Gwani morö aka malö könjiliŋ qakŋe maljei, mönö i anda eŋgeka köyan köl eŋgiba malman aka gölmegö ahakmemenŋgö qewöloŋan urugi tölöhopapuköra galöm mem aŋguba malman. Mewö.

Etqeŋeŋi mi kude eŋgek qepureime.

2 ¹O urumeleŋ alaurupni! Jisös Kraist Kembunini qetbuŋaŋam-buk möt naribingö jize ewö, mönö ambazip tosatŋi kude eŋgek soriba tosatŋi kude qepureim eŋgimemö, dop mohotnöŋ ak eŋgiba malme.

²Miangö dopkeuŋi kewö: Azi pomŋi kun, kesötŋi goul binenŋambuk aka opo malukuŋi ekjeritŋambuk, yaŋön kambu miriŋine öŋgöiga azi wanapŋi kun sileötäŋi jujuratŋi töwötŋambuk yaŋön mewöyök öŋgöbawak. ³Öŋgöyohotka iŋini azi ipŋi ekjeritŋambuk mi köl öröm waŋgiba kewö jibeak, “Ketaŋamnini, gi ölöp qaikŋe eu anda dum tatat löwötŋi miangöreŋ tatman.” Mewö jiba azi etqeŋeŋi mi ehöröŋ köla jime, “Gi ölöp göräŋe anda kinman me köna kutukutunine eta tatman.” ⁴Silik mewöŋan asuhuiga iŋini könagesö sutŋine könjabö ala mendeŋ aŋguba qemasolokep aka keuŋinambuk akze. Mötmötŋini bölöŋi wuatäŋ-göba jimtekötekö ambazip goŋgoŋi akze.

⁵O wölböt alaurupni, mötket! Anutunöŋ bemtohoŋi ambazip jöpaköm waŋgimakzei, yeŋgö buŋa ahömapkö keuŋi jim köhöiba jöhöyök. Keu miangö dop tosatŋan gölme ambazip jeŋine etqeŋeŋi akzemö, Anutunöŋ mi nanŋaŋgöra jim möwölöhöm eŋgiiga mötnariŋinangöra aka öŋgöŋgöŋi akze. Yeŋön bemtohoŋaŋgö uruŋe aŋgotketka galöm köl eŋgiiga sukinapŋinambuk akŋe.

⁶Ölŋa öŋgöŋgöŋi akzemö, iŋini ambazip wanapŋi eŋgehöröŋ köla eŋgek siriba malje. Ambazip pomŋi yeŋön mönö moneŋ inapŋini qahöpköra kewöta mem et al eŋgigetka etqeŋeŋi akze. Yeŋön mönö iŋini örörahöm eŋgigetka keu jakeni jakeni miangöreŋ aŋgorakze. ⁷Iŋini Kraistkö buŋaŋi aketka qet ölöp sorokŋi mi eŋgiba miangö dop eŋgoholakzemö, pomŋi yeŋön mönö qet mi luasönöŋ ala laŋ jimakze? Gölmegö öŋgöŋgöŋi yeŋön mönö mi pakpak ahakze.

⁸“Mewö ahakzemö, eŋön Anutu bemtohoŋaŋgö jöjöpaŋ keu bohönŋi tem köla wuatäŋgögetka dop kölma. Anutugöreŋ keuŋi mi Buŋa Kimbinöŋ kewö ahöza: “Nangi jöpaköm aŋgumakzani, miangö dop mönö

ambazip tosatŋi mewōŋanōk urugan jōpakōm eŋgimakŋan.”⁹ Mianjōn dop kōlmapmō, iŋjini ambazip tosatŋi eŋgek soriba tosatŋi qepureim eŋgiba dop mohotnōŋ qahō ak eŋgimakze ewō, mōnō ŋiŋgisōndok ahakze. Anutugōreŋ jōjōpaŋ keu walōŋgetka yaŋōn mōnō keuŋini mi miwikŋaiba jim tekōm eŋgima.¹⁰ Kunŋan jōjōpaŋ keu pakpak tem kōla wuatāŋgōba miēŋgōreŋjōk mohotnōŋ eta qezawi, yaŋōn mōnō jōjōpaŋ keu kōrek pakpak walōŋda keuŋambuk akza.

¹¹ ^dMianjō kōnaŋi kewō: Anutu “Sero yoŋgorō kude akŋan,” jiyōhaŋōn mōnō mewōŋanōk jōjōpaŋ keu kewō jiyōk, “Ambazip kun kude qenōŋ kōmuma.” Gi sero yoŋgorō qahō akzanmō, tōndup kun kōhōmuŋi qezani, mianjōn mōnō jōjōpaŋ keu kōrek walōŋ tekōba maljan.¹² Anutugōreŋ kōna keu mi ŋiŋgisōndokō kōsōnōhōk lolohoba malbīngōra ahōza. Anutunōŋ kōna keu mianjōn kewōt neŋgiba keunini jim tekōi solanimegōra mōtmōriba keuŋini mianjō dop jimakŋe aka ahakmemeŋini urukalem qakŋe ahakŋe.¹³ Kunŋan urukalem qakŋe ambazip qahō ak kōmum eŋgiba maliga Anutunōŋ keuŋi kewōta jim tetekōŋi ak kōmukōmu qakŋe qahō ak waŋgima. Kunŋan urukalem kondela malōhi, Anutunōŋ i kewōt waŋgiba ölōp ak kōmum waŋgiiga simbawoŋ aka sileŋi memba ōŋgōma. Mewō.

Mōtnariŋ ölŋi qahō mi kōhōmuŋi akza.

¹⁴ O urumeleŋ alaurupni, kunŋan “Jisōs mōt narizal,” jiba mianjō nupŋi qahō meiga mōtnariŋi mianjōn mōnō denōwō baukōm waŋgibawak? Keuŋanōk mōt nariiga Anutunōŋ eka amōt qei letotma me qahō? Mi qahō!¹⁵ Mianjō keuŋi kun kewō: Uruŋini meleŋgeri, eŋgō sutŋine ambazip kunŋan opo kereŋgōra osiba mōzōrōŋgōba neneŋi wehōn kungōra qahō malbawak.¹⁶ Mewō maliga eŋgōreŋjōk kunŋan yambuk aitōŋgōba silegō naŋgōnaŋgō qahō waŋgiba kewō jii mōtpawak, “Gi ölōp anda nene memba kōnōp jōmōta bōŋjōŋ tatman.” Keu tōhōn mi mōriŋa mianjōn mōnō denōwō baukōm waŋgibawak? Mi qahō!

¹⁷ Mewōŋanōk mōtnariŋ tōhōnōk mi kōhōmuŋi akza. Mōtnariŋkō nupŋi ölŋi qahō mezawaŋgō mōtnariŋpaŋ mōnō qamōt ewō akza.

¹⁸ Kunŋan kewō jibawak, “Gōŋōn mōtnariŋpuk aknōŋga nōŋōn ahakmeme diŋdiŋi wuatāŋgōmakzal.” Nōŋōn mianjōra kewō jimam, “Gōŋōn ‘Anutu mōt narizal,’ jiba mianjō nupŋi qahō memba ōne mōtnariŋkahō ölŋi mōnō denōwō kondel ŋiŋgibanak? Nōŋōn ahakmeme aka membi eknōŋga mianjōn mōnō ölōp nani mōtnariŋpaŋgō ölŋi kondel gihima.”¹⁹ Gi “Anutu mohok akzawi, mi mōt narizal,” jizani, mi ölōp! Ōmewōrōme yeŋōn mewōyōk mi mōt narize. Mi mōt narizemō, mianjōn kundut eŋgiiga Anutugōra jōnōmŋini undumakza.

^d 2.11 Eks 20.13, 14; Dut 5.17, 18

²⁰O uruqahö azi, gi ömewöröme yeŋgö tandök möt narizan me? Mötnaripkö nupŋi qahö menöŋga ölni qahö ahui keu mi öne töhöntöhön jinöŋga mötnaripkan mönö yuai omaŋi, ölni qahö akza. Miaŋgö könai sopsöp keuni miaŋön kondel gihiza me qahö? ²¹“Qahö!” jibanbuköra sopsöp keu kun jimam. Mötnaripkö bömön jalönini Abraham yaŋön mönö denöwö diŋdiŋi ahök? Yaŋön Anutugö jitŋi tem köla nahönŋi Aisak waŋgita altanöŋ ala miaŋön jöwöwöl ohomamgö ahök. Mewö aka mötnarip qakŋe nup meiga Anutunöŋ mi eka keuŋi jim teköi solaniyök. ²²Sopsöp keu miaŋgö könai ek asarizan me qahö? Abrahamnöŋ möt nariba keuyök qahö jiyökmö, mötnarip qakŋe kinda miaŋgö silikŋi mewöyök ahiga nam köliga dop kölok. Ahakmeme diŋdiŋi aka memba maliga mötnaripŋan mewö qariba aködamunŋambuk ahök.

²³Buŋa Kimbinöŋ keu kun kewö ahöza, “Abrahamnöŋ Anutu möt narim waŋgiiga qetŋi Azi Diŋdiŋi jiyök.” Keu mi mönöwök ölnambuk ahuyöhaŋgö dop mi ohoget aka tosatŋan Abrahamgö qetŋi “Anutugö alaŋa!” mewö qeta jimalget. ²⁴Solanŋi akingöra mötnaripkö keu jitinanöhök jiinga qahö dop kölja. Silikninan mötnaripkö ahakmeme ölni akin ewö, Anutunöŋ mönö keunini jim teköiga solanibin. Kösohotnan mönö miaŋgö könai kondelja.

²⁵Sopsöp keu kun mewöyök jibiga mi kondelma: Israel yeŋön gölme ek kutubingöra azi yahöt melaim etkiŋet anohotka köna ketanŋi ambi qetŋi Reihab yaŋön etkuwaŋgita köyan köl etkiba köna kunöŋ etkumbuliga mosöta anohot. Yaŋön mötnaripkö ahakmeme mewö ahiga Anutunöŋ mi eka keuŋi jim teköi solaniyök. Mewö.

²⁶Nöŋön keuni ki kewö jim tekömam: Azi uŋaŋi qahö mi qamötŋi. Miaŋgö dop mötnarip ahakmemeŋi qahö miaŋön mönö köhömuŋi akza. Mewö.

Numbu nesilamninan ayuhum neŋgibapuk.

3 ¹O urumeleŋ alaurupni, eŋgöreŋök gwötpukŋan uruŋini wahöriga (“Tosatŋi yeŋgöreŋ pinjit mindiŋgöbin,” jiba) kusum eŋgiŋgi böhi akingö akepek. Nini tosatŋi kusum eŋgiba nanini mötmötnini qahö mindiŋgöbin ewö, Anutunöŋ mi ehi qahö dop köliga keunini kewöta köhöikŋanök jim teköba miaŋgö dop likepŋi oŋgita ak neŋgima. ²Mi kewögöra jizal: Nini körekŋan köna keu gwötpuk qiwitipkömakzin. Kunŋan nesilamŋi galöm köla keu qahö qiwitipkömakzawi, yaŋön mönö azi aködamunŋambuk sorokŋi akza. Yaŋön ölop köhöiba malmalŋi pakpak mewöyök galöm köla malma.

³Hosnöŋ (beosi) sihimnini tem kölmegöra ain injup numbuŋine ala kösönöŋ öröba miaŋön ölop ölni ketanŋi jömuk mi mindiŋqindiŋ ak

° 2.21 Jen 22.1-14 † 2.23 Jen 15.6; 2 Hist 20.7; Ais 41.8 * 2.25 Jos 2.1-21

enjiinga anakze. ⁴Mewöyök waŋge ketani miengö silikini mötmörime. Mieñon ketani aketka luhut köhöik-ŋan nanğom enjigetka köwet kutuba anakze. Keta bölökni akzemö, mi töndup anangö galömni pailöt yañon waŋge giliŋe tata sihimni wuatangöba stia lökuatni moröni miyök melenjelej aiga waŋge ketanan miangö dop melenja anakza.

⁵Nesilamgö könani mi mewöñanök. Mi sileninaŋgö kitipni morörökña kun akzapmö, töndup ölop keu ketani könani könani miañon silenini memba öñgöba jimakzin. Mönö ki mötmörinöñ anök:

Könöp jit-tökni moröñan terenja geba ölop jölöm jitŋe möndöba arökni keta bölökni jem kutuiga etpawak.

⁶Nesilaminan mewöyök könöp bölam ewö akza. Mi sileni-naŋgö kitipni kitipni miengö sutjine tata qewölongö kondotkondot namni akza. Mewö aiga könöp siagö Toñan jönbölanñan ohotiriba miangöreñ uwulamgöiga awamñanök urukönöpnöñ möndöba jeiga uru pakpak kutumutuba tölöhoiga malmalje ahakmemeni pakpak mi sanjöp ewö töwima. ⁷Anutunöñ yuai pakpak miwikñaiyöhi, mi sömbup könani könani, nei me yuai bapñinan köla ölölöñgömakzei me köwetnöñ maljei, mi ambazipnöñ mölöwörim enjimeangö dop akze. Mi lök köl tutuhuba mölöwörim enjigetka mire (köhömgep) akze.

⁸Mewö akzemö, nesilaminan mönö sömbup kalni tandök akza. Mi möröm warabe (röbek) miañon kokolak qeqeni aka añamumu ewö öñjöñgöba neñgöhöba mem kömum neñgimangö jöjörömakza. Ambazip körekñan mi mölöwöriba jöhöm wañi-bingö osimakze. ⁹^hNesilaminan Kembu Iwinini möpöseim etkimakzin aka likepñe ambazip nanñi kaisongolom ewö miwik-ñaim enjiyöhi, mi sait keunöñ lañ qesuahöm enjimakzin.

¹⁰Numbu nesilam mohok miañon Anutugö qetni möpösei-makzin aka sait keunöñ tosadni qesuahöm enjiba jimakzin. O urumeleñ alaurupni, könanamñinan mewö ahöi qahö dop kölja. ¹¹O sawölñi aka kömbukñambuk mi o jeni mohok miangöreñök uzumgöba korakzahot me qahö? Mewö qahö. ¹²O urumeleñ alaurupni, jogañ ipñeyök danam (sam) mi ölop asuhumakze me qahö? Mewöyök jaunöhök mandarina ölop asuhumakze me qahö? Miangö dop o sawölñan köwuk kömbukñambuknöhök uzumgö-mangö osimakza. Mönö mi.

Mötkutukutu ölni aka muneni

¹³Enğö sutjine dañon mötkutukutubuk aka keu mindiŋgö-mawaŋgö dop akza? Kunöñ “Mewö akza,” jime ewö, yañon mönö urunñi mötkutukutuñangö dop memba et ala silikñan guñböñjönjön ahakmemeni kondeli aukñe asuhui ehinga dop kölma. ¹⁴Miañon

^h 3.9 Jen 1.26

dop kölmapmö, uruņine mututqutut ahöiga irimesesewöl mötököm-bukņambuk möta körögisigisi aka nanņini yuainöņ qarimapkōra köpösöņgōba andōqeqe ahakze ewō, mötkutukutuņini miangōra mönō sileņini öne kude memba öņgōme. “Keu ölni wuatangōzin,” jiba mönō ölni köyatibepuk. ¹⁵Yengōreņ mötkutukutu mewōņi mi gölmegō mötkutukutuya akza. Mi Suepnöhök qahō erakzapmö, ömewörōme yeņön ambazip sölölohöm eņgiget jigetka Uņa Törōņan miangōra wösöbirik ahakza.

¹⁶Denike yeņgō uruņine mututqutut ahöiga irimesesewöl möta körögisigisi aka nanņini yuainöņ qarimapkōra köpösöņgōmakzei, yeņgō malmalņine siksauk ilingōsöņ ahöiga silik aņgōjōrakņambuk kōnaņi kōnaņi wuatangōmakze. ¹⁷Mi wuatangōmakzemō, möt-kutukutu Suepnöhök erakzawi, miangō kōnaņi mutukņi mi ahakmeme sarakņi. Mötkutukutu sarakņangō silikņi tosatņi mi kewō: Luainöņ malbingō ak eņgiiga guņbōņjōņjōņ qakņe tosatņi ak eņgiba keu bapņe angetka Uņa Törōņan uruņini kokolak qeiga tosatņi baukōm eņgibingō sihimņi gwōtpuk mötketka urumōt-mōtņinaņgō ölni ölöpņi ölöpņi mi gwōtpuk asuhumakze. Geņmoņ mosōta ambazip keuņini bahōsapsap qahō kewōta silesile silik qahō malje. ¹⁸Luaiqeqe ambazipnōņ luainöņ malbingō möta miangō kötni kömōtketka ölni ahakmeme diņdiņi ahuiga oyaeņkoyaeņ malakze. Mewō.

Gölmegō mötkutukutu mosōta Anutugō ala aka malme.

4 ¹Wani yuainöņ bim aka aņgururuk sutņine kondori ahumakze? Nanņini sihim kömbōnaņinan mönō wahōta sileņini dop kölīga ölöpņi bölōņan awōraņgōyohotka bim aka aņgururuk ahumakze. ²Iņini yuai kōnaņi kōnaņi mēbingōra sihimņi köhöikņi bökbök mōrakzemō, mi eņgō buņaya qahō ahakza. Yuaigō eksihim möta erōm ota uruņinan kōnōp jeiga ambazip eņgugetka kōmumak-zemō, tōndup mi qahō memakze. Miangōra yom jiba aņgururuk aka bim qemakze. Iņini Anutugōreņ qahō köulukōba nanņinak öne mēbingō mötzeangōra mi qahō buņa qem aņgumakze.

³Anutugōreņ köulukōmakzemō, tōndup mi kewōgōra qahō memakze: Uruņinan qahō diņgiiga yuai eņgiiga mi mösöhōba nanņini sihim kömbōnaņini bölōņi meköba sileņinaņgō sösōņgai akingōra möta ulerakze. Mi qahō dop kölīga Anutunöņ mi aņgōn kölakza. ⁴O iņini qesabulum ambazip ewō akze. Awanōm kōna diņdiņi mosōta serowilin ahakzei, iņini mönō miangō dop Anutu mosōta urumeleņgō kōpa ambazip yembuk ala-ala aka moneņ inapnōņ görōken uruņini jöhōba malje. Tandök mewōņi aka miangōn mönō Anutubuk kerök-kerök ahakze. Mi möt kutuze me qahō? Miangōra kunņan gölmegō sihim kömbōnaņi bölōņi mekömamgōra uruņi alakzawi, yaņön mönō Anutugō kerökņa ahakza.

⁵Buŋa Kimbigö keu kun kewö ohoget ahöza, “Uŋaŋi Töröŋi urunine al nengii maljawi, Anutunöŋ i sihim kömbönaŋi mieŋön kokolak qem waŋgiiga malja.”ⁱ Keu mi omaŋa könaŋi qahö mötmörībepuk. ⁶Keu mi omaŋa qahöpmö, iŋini miaŋgö dop sihimŋini törörök Anutugöreŋ alme ewö, yaŋön mönö kalem möriamŋi önöŋi qahö eŋgimakŋa. Miaŋgöra Buŋa Kimbi ki jiba ohoget ahöza: “Anutunöŋ söŋgöröqök ambazip tuarenjoŋ ak eŋgimakzapmö, uruŋini memba et alakzei, ia kalem möriam eŋgimakza.”

⁷Miaŋgö dop iŋini mönö uruŋini kewöta Anutugö keu bapŋe anda malmemö, Bölöŋaŋgö Tonji tuarenjoŋ ak waŋgigetka eŋgömosöta sörröriba miŋgöba anma. ⁸Mönö Anutubuk jöhöjöhö aka kösutŋe kagetka yaŋön embuk jöhöjöhö aka kösutŋine kinma. Siŋgisöndok megetka böröŋinan töwiiga Jisösgö sepŋan mi saŋgoŋmapkö köuluköme. Uruŋinan julkuliga an qem kam qem laŋ aketka uruŋinan tölöhoiga köl könjörat eŋgi sarakŋi akŋegöra köulukömakŋe. ⁹Mönö dabökörökroŋini möt kutuba iŋgeŋ köla wösöbirik möta silata sahötme. Gön köisirikŋini mosöta melenŋda amburereŋ akŋe. Sösöŋgaiŋini mosöta wösöbirik möt aŋgume. ¹⁰Mönö Kembugö jeŋe memba et al aŋgugetka yaŋön mem wahöt eŋgima. Mewö.

Urumeleŋ alaurup kewöta keuŋini kude jim teköme.

¹¹Urumeleŋ alaurup, andönöŋ qeŋe keu mönö kude jim aŋguba malme. Kunŋan keu mewö yöhösaŋ jiba urumeleŋ alaŋaŋgö keuŋi jim teközawi, yaŋön mönö Anutugöreŋ köna keu jim teköba memba et alja. Gi Anutugöreŋ köna keu jim teköba göragöra ala mewö miaŋön mi qahö tem kölakzanmö, mi silebile memba timbiqimbilim azia aka maljan. ¹²Anutunöŋ köna keu jim kutum neŋgiba miaŋgö dop mönö keunini kewöta jim teköiga ayuhubin me ak kömum neŋgiiga oyaenŋkoyaen akin. Yaŋönök jimtekötekö Tonini akzapmö, gi mönö nangahöra “Niŋia akzal?” jiba alagi kewöta keuŋi jim tekömakzan? Mewö.

Sile memegö galöm keu

¹³^kMönö kezap alget! Tosatŋi iŋini sile memba kewö jimakze, “Nini merak me uran ki mosöta taon mi me mi miaŋgöreŋ anda kölköl-örörö aka moneŋ ketanŋi öröba yambu (yara) mohok malin teköiga miaŋgöreŋ liliŋgöba kabin.” Nöŋön miaŋgöra kewö jibi mötme: ¹⁴Malmalŋini uran denöwö malmei, iŋini mi qahö möt kutuze. Eŋgö malmalŋinaŋgö könaŋi mi denöwö? Mi köwak kousugö dowä ahözawa, nalö töröptökŋi asuhuba

ⁱ 4.5 Buŋa Kimbigö keu miaŋgö könaŋi kun kewö, “Uŋa Töröŋi uruŋine ali maljawi, yaŋön jöpaköm neŋgimamgö sihim kömbönaŋi möta neŋgöra mututqutut mörakza.” ^j 4.6 Qam 3.34 ^k 4.13-14 Qam 27.1

ayapköma. ¹⁵Miaŋgöra eñön mönö kewö jigetka dop kölma, “Kembugö jit sihitŋan neŋgöra mewö ahöiga jebuk malbin ewö, mönö mewö mewö aka membin.” ¹⁶Mewö qahö jimakzemö, öne töhön jakbak-oraŋböraŋ aka nanŋini sileŋini memba öŋgöba möpösei-makze. Ahakmeme pakpak mewöŋi miaŋön mönö bölöŋi akza.

¹⁷Keuni jim tekömamgöra kewö jizal: Kunŋan silik ölöŋŋi aka memawaŋgö dop aka miaŋgö könaŋi möt kutubagun mi qahö aka memawi, yaŋön mönö siŋgisöndok akza. Mewö.

Ambazip sukinapŋinambuk yeŋgö galöm meme keu

5 ¹O ambazip sukinapŋinambuk, iŋini kezap ala keuni ki mötket: Kahasililiŋ sihimbölö qakŋine öŋgömawi, miaŋgöra mönö amburereŋ aka silata sahötme. ²¹Moneŋ sukinapŋinan mönö gisahöba gororoŋgöza. Kezaploŋloŋ jijiŋlukut yeŋön opo malukuŋini yöhöqöhötiba nemakze.

³Iŋini nalö teteköŋi kewöŋe goul, silwö aka yuai tosatŋi qaknöŋ qaknöŋ qezaköget ahözawi, mi kahawet muetmuetnöŋ turum teköba törom (rust) memba ahöza. Törom kahawet miaŋön dangunu ewö ahöba könaŋini nalö teteköŋe kewö kondelma: Iŋini malmalŋini moneŋ inapnöŋ jöhöba mösöhögetka pömsöm qeiga ayuhume. Törom kahawet miaŋön mönö könöp bölam ewö sile busuŋini mewöyök mem bölima. ⁴^mKi mötmöriŋet: Nup meme ambazip nupŋine barö memba siri uret qözöla malgeri, iŋini yeŋgö töwaŋini ekbonep möta aŋön kölget. Iŋini yeŋgöreŋ sahöt irikurukŋini mötze me qahö? Silatŋini miaŋön mönö Kembu Anutu, kukösum pakpakö Toŋaŋgö kezapŋe gem teköiga mötza.

⁵Iŋini gölmenöŋ ki yuai könaŋi könaŋi sesegilgil buŋa qem aŋguba siyoŋsayoŋ qahö mala silegö sösoŋgai algetka nahömnini dop köl eŋgiiga malget. Gölmegö kelök möriamŋan jöhöm eŋgiiga laŋ mala nem qarip ketaŋi aka malje. Anutunöŋ keuŋini jim teköiga eŋguget kömumeaŋgö nalöŋinan kam kuŋgumawi, mönö nalö miaŋgöra jöjöröba kelökŋinambuk aka malje. ⁶Ambazip qewöloŋini qahö iŋini qahö tuarenjoŋ ak eŋgigetka töndup keuŋini jim teköba laŋ eŋguget kömumba malget.ⁿ Mewö.

Lömböt mökösoŋda bisiba köuluköba malme.

⁷O urumeleŋ alaurupni, iŋini Kembunöŋ kaŋgotmapköra mamböta nalö sutŋe kiaŋgöreŋ mönö mökösoŋda lömböt bisiba kinme. Mewö kinda kölkömöt azigö tandökŋi mötmörime: Yaŋön nene gölmenöŋ

¹ 5.2-3 Mat 6.19 ^m 5.4 Dut 24.14-15 ⁿ 5.6 Keu miaŋgö könaŋi kun kewö: Iŋini azi qewöloŋi qahö töndup keuŋi jim teköba qegetka kömuyöhi, yaŋön iŋini kunbuk qahö qetal eŋgimakza.

kömöta kinda ölni söngöröni öngöngöni asuhumapköra kapaŋ köla mambörakza. Kapaŋ köla mamböta mali maliga kie bedu nalöŋan kaiga kunbuk mamböriga kömunjaŋ kie uru nalöŋan kam kuŋgumakza. ⁸Enjön mewöŋanök mönö mökösoŋda lömböt bisiba kinme. Kembunöŋ kunbuk kamawaŋgö nalöŋan törizawaŋgöra aka mönö uruŋini qezaköba böŋ qeba kinme.

⁹O urumeleŋ alaurupni, Anutunöŋ keuŋini jim teköi lömböt miwikŋaibepuköra mönö nanŋini sutŋine jimongot kude aka uruŋinan irikuruk kude jim aŋgumakŋe. Mötket, jimtekötekö Toŋan mönö dopdowiba nanŋunöŋ kinja. Mewö. ¹⁰Urumeleŋ alaurupni, kezapqetok ambazip yeŋön mönöwök Kembangö qetŋe Buŋa keu jigetka kahasililiŋ mem enŋigetka möta töndup mökösoŋda lömböt bisiba kapaŋ köla malget. Enjön mönö yeŋgö tandökŋini mötmöriba köna lasupŋini wuatangöba malme. ¹¹Tosatŋan kapaŋ köla lömböt bisiba mala luhut algeri, nini yeŋgöra “I-ia simbawaŋ!” jizin. Azi qetŋi Job (Hiobe) yaŋön kahasililiŋ möta töndup kapaŋ köla luhut alöhi, mi mötze. Luhut aliga teteköŋe miaŋgöreŋ Kembunöŋ ak kömukömu Toŋi aka neŋgehorimakzawi, yaŋön mönö oyaenŋkoyaenŋi waŋgiiga malök. Mönö mi mötmörime. Mewö.

¹²O urumeleŋ alaurupni! Keu kötŋi mutukŋi kun ki jimam. Inŋini keu mi me mi jimei, mi jöjöpäŋ keunöŋ kewö kude jim köhöime, “Keuni ölni qahö akza ewö, Suep Toŋan ölöp lömböt ali qakne öngöma me gölme toŋan mereŋ mumbaköiga gölmenöŋ turum niŋgima.” Keu mi me jöjöpäŋ keu tosatŋi mewöŋi miaŋön mönö keuŋini kude jim köhöime. Mewö qahöpmö, oŋ-keugöra möta “Oŋ!” miyök jime aka qahöp-keugöra “Qahö!” jime. Pötagororoŋ keu jigetka Anutunöŋ keuŋini jim teköba likeŋŋi meleŋni qakŋine öngöma. Mewö.

Mötnariŋ qakŋe köulukögetka ölni asuhuma.

¹³Mötnariŋ ambazip enŋöreŋök kunŋan qemjem-mamje-ŋambuk malja ewö, yaŋön mönö Anutu köuluköma. Kunŋan sösoŋgainöŋ malja ewö, yaŋön mönö liŋet köla Anutu möpöseima. ¹⁴Enŋöreŋök kunŋan kawöl yöhöi malja ewö, yaŋön mönö mötnariŋ könagesögö jitŋememe öröm enŋiiga kaba Kembangö qetŋe kelöknöŋ sileŋe miriba yaŋgöra köuluköme.

¹⁵Mötnariŋ qakŋe köulukögetka Kembunöŋ kawöl ambazip mi amöt qem waŋgii ölöwaka kunbuk wahötma. Siŋgisöndok aka kawöl miwikŋaiyök ewö, Anutunöŋ mönö siŋgisöndokŋi mi saŋgoŋda mosötma.

¹⁶Mewö aiga Anutunöŋ amöt qem enŋii ölöwakŋegöra mönö siŋgisöndokŋini jim miwikŋaim aŋguba bauköm aŋguba Anutugö köulukömakŋe. Ambazip solanŋi kunŋan uruŋi qezaköba Anutu

° 5.11 Job 1.21-22; 2.10; Sum 103.8 P 5.12 Mat 5.34-37 ¶ 5.14 Mak 6.13

köulukömawi, miangö öljan mönö wewelipnjambuk asuhuma. ¹⁷ʼMiangö söpsöpni kun mi kezapqetok azi qetji Elaija (Elia). Yañon gölme azi naninañgö dowa malök. Yañon kie qahö kamapköra uruji qezaköba kapaj köla köuluköiga kienöñ yambu (yara) karöbut aka köiñ 6 miangö uruje gölmenöñ qahö erök. ¹⁸ʼNalö mi teköiga kunbuk köuluköiga suep injañ köla kie yöhöba bedu meiga nene kunbuk töñgöniba asuhuyök. Mewö.

Kunöñ jañjuñ aniga alañan bauköiga dop kölma.

¹⁹Urumelej alaurupni, eñgöreñök kunöñ keu öljanñgö könani qiwitipköba jañjuñ aniga kunñan i miwikñaiba köna ölñe kunbuk wañgita alma ewö, ²⁰ʼmiangöra mönö kewö mötmörime: Siñgisöndok ambazip kunñan jañjuñ könaje aniga alañan i miangöreñök wañgiriga uruji löwörii kunbuk melejñmawi, yañon mönö qahö kömum köhöima. Alañan i könöp sianöñ gebapüköra añgön köl wañgiiga Anutunöñ siñgisöndokñi sehisehiñi mi sañgoñda köl turuma. Mewö.

ʼ 5.17 1 Kiñ 17.1; 18.1 * 5.18 1 Kiñ 18.42-45 † 5.20 Qam 10.12; 1 Pitö 4.8

Pitögörej Kimbi 1

Pitönöj Kimbiñi mutukñi alök.

Jim-asa-asari

Pitönöj Buña Kimbiñi ki ohoba Kraistkö alaurupñi Eisia prowinsgö Not likepñe deñda malgeri, yeñgöra ali anda liliköyök. Könahiba qetñini kewö qeta ohoyök, “Anutunöj ambazip nanñangöra möwölöhöm engiyöhi, mienön.” Mötnarip ambazip sesewerowo miwikñaiba sihimbölö möta malgeri, yeñgö uruñini nanñomapköra aka Kimbi ki ohoyök. Kraistkö Ölöwak Buñagö könañi ölum engubapuköra aka Jisösgö keuñi kunbuk kewö jim asariyök, “Jisösnöj kömuyökmö, kunbuk kömupnöhök guliba wahöta kunbuk lilingöba kamangö jim jöhöba oyaenkoyaen akingö jörömqörömñi neñgiiga al mambörakzin. Miangöra sihimbölö mörakzei, mi mönö möt anñön köla kapañ köla köhöiba kinda malme. Sihimbölö mianñön mötnaripñini kewöriga öljambuk akña ewö, Anutunöj mönö likepñi meleñ engima. Jisös Kraistnöj asuhumawi, nalö miangöreñök mönö aködamunñinambuk akñe. Keu mi möta awösamkakak kinme.” Mewö qambañ engiba ohoyök.

Wahöjalij nalöñe uruñini nanñom engiba toroqeba köhöiba kewö uru kunñum engiyök, “Injini Kraistkö buñaya akzeangö dop mönö malmal sarakñi malme.”

Buk kiangö bahöñi bohonñi 6 mi kewö:

Keu mutukñi *1.1-2*

Anutugö amötqeqe nupkö könañi *1.3-12*

Malmal sarakñi malbingö jimkutukutu *1.13-2.10*

Sihimbölö qakñe nup denöwö bisibin *2.11-4.19*

Uruñini meleñda memba et ala nup meme *5.1-11*

Buña kimbi kiangö keu kötñi bohonñi *5.12-14*

1 ¹ Anutunöj ambazip nanñangöra möwölöhöm neñgiiga neñgöreñök iñini tosatñan Israel mosöta prowins qetñini Pontus, Galesia, Kapadosia, Eisia aka Bitinia miangöreñ deñda anda malje. Pitö nöñön Jisös Kraistkö melaimelai azi aposol aka embuk keu eraum mötpingöra kimbi ki ohozal. ² Iwi Anutunöj qeljije möpñangö möpñe mötmöt

arej ali ahöiga miangö dop Uja Töröjan injini mem sarahim engiiga Anutugö bujanj aket. Anutunöj injini Jisös Kraistkö jitjji tem kölmegöra möwölöhöm engiiga Kraistkö seppjan qewösahöi engömiriba sanjonj engimakza.

Anutugö kalem möriamjan mönö urujini dop sehiiga luainöj malme. Mewö.

Oyaenkoyaengö jörömqörömninangöra Anutu möpöseibin.

³Nejön Kembunini Jisös Kraistkö Iwiñi Anutu i kewögöra möpöseimakin: Anutunöj ak kömukömu ketani neñgiba neñgömeiga ahua hu dölökñi ahuin. Ahua hu dölökñi ahu ba Jisös Kraistnönj guliba kömupnöhök wahöröhi, neñön miangö dop guliba wahöta oyaenkoyaen akingö jörömqöröm aka maljin. ⁴Oyaen-koyaen buja qem angubingöra jörömqöröm aka al mambörakzin. Anutunöj oyaenkoyaen mi urumelen alaurupñi neñgimapköra Suep mire ali ahöza. Miangörej ahöba qahö sahaha kahawet memba töwiba gisahöba ayapköma. ⁵Mötnarip köl gulime ewö, Anutugö ösumjan sel jöhöba kölközizip engiiga Suepkö bujaya malgetka Jisösnönj ölop enguangiriga Suepnönj öngöba oyaenkoyaen akñe. Anutunöj Amötqeqe Toñangö könañi nalö teteköñe mewö indel teköiga ambazip jim asarim engibingöra aka ahöza.

⁶Oyaenkoyaen akingöra söngai ba maljemö, gölmenönj malinga Anutunöj esapesap Toñi qahö jöhöiga lömböt angösirip könañi könañi asuhugetka sihimbölo miwikñai ba möta malje. Nalö töröpñi mewö malmemö, mi töndup sösongai aka malje. ⁷Anutunöj esapesap qahö jöhöiga qakñine öngöba mötnaripñinangö tandökñi kewörakza. Köto òlñi köhöikñi goul miangö söngöröjan mönö guli dötnam ongitzapmö, töndup nalö kunönj ayapköm teköma. Nalö töröpñangöra aka ambazipnönj goul mia kun könöpnönj delasi ohoba ölnjan gizikörörök ahöbapuköra kewöta esapkömakze. Miangö dop injini ölnja törörök möt nariba kin köhöimakze me qahö, esapesapnönj mönö miangö könañi kondelakze. Anutunöj urujini ölnji kewöriga goul kewögöra ongitmapköra mötza: Mötnaripñinan pöwöwöm köhöikñi aiga söngöröñi öngöngöñan goul silwö gwötpuk ongita nalö teteköñi qahö bauköm engii dop kölma. Mewö engehi dop kölma ewö, Jisös Kraistnönj kunbuk asuhumawangö nalöñe mönö möpöseim engiiga Anutugö jeje qetbuja miwikñai ba aködamunñinambuk akñe.

⁸Injini Kraist qahö eka töndup jöpaköm wangiba malje. Nalö kewöñe Kraist qahö eka töndup möt narim wangimakze. Mewö aka sösongai sorokñi aködamunñambuk söngaimakze. Sösongainjini miangön mönö jitnönj jijigö dop qahö akza. ⁹Injini Jisös möt narigetka amöt qem engiiga letotket. Mötnaripñinangö tohotñi mi Suep mire eu ahöza. Anutunöj uñanjini engömeiga enön euyangörej öngöba tohot mi zilañ misirimegö möta sösongai ahakze. Mewö.

Kezapqetok ambazipnõj jörömqöröm aka malget.

¹⁰Kezapqetok ambazip yejõn amõtqeqegö kõnañi jaruba Anutu köuluköba qeqesi ala möt kewöta mala kotket. Mewö mala Anutunõj kalem möriam engimapkö möt asariba miangö kezapqetok keuñi mi qeljine jiba mala kotket. ¹¹Kraistkö Uña Törõnan kezapqetok ambazip sölölohöm engiba asuhumapkö keuñi indela sañep ala kewö jii mötket, “Kraistnõj sihimbölö möta miangö andõje asakmararañ aködamunñambuk miwikñaiba asariba malma.” Mewö jiiga möta Amõtqeqe Tojan wani nalõnõj aka dendenöwö asuhumawi, miangö kõnañi jaruba qeqesi ala möt kewöta malget. Mewö mala söpsöp keuñi keuñi qeljine nañgöba jiba mala kotket.

¹²Amõtqeqe Tojanõgö kõnañi jaruba qeqesi ala möt kewöta malgetka Uña Törõnan mötmöt kewö indel engiba jiyök, “Iñini mönõ nanñini welennina kude qem angumemö, ambazip kõnañjep ahuba keuñini oyoñmei, mönõ i baukõm engiba malme.” Mewö jiba kezapqetok keu engiyõhi, nini tosatjan mi nalö kewõje liliköba jim asarim engiinga mötket. Kraistnõj Uña Törõñi Suepnõhök melaiiga eta ambazip sölölohöba inahöm engiiga Ölöwak Buña jiba uru kuñgum engiba malgeri, yejõn Buña keu miyõhök jiba malget. Kezapqetok keu miangö õlñi asuhuiga Suep garataurupninan mewöyök mi uba eka kõnañi möt asaribingö awöweñgöba malje. Mewö.

Anutunõj sarakñi malbingöra neñgoholakza.

¹³Buña keuñi mewö ahözawangöra eñõn mönõ uruñini Anutugö nupköra ala opoñini örõget yõhöiga mem kurukñini memba kinme. Mönõ böñ qeba nanñini ahakmemeñini galöm köl anguba malme. Jisõs Kraistnõj kunbuk asuhuba miangö nalõje kalem möriam engimawi, mönõ miangöra al mamböta jöröm-qörõmñini pakpak miangöreñ ala malme. ¹⁴Anutugö nahõnbörat-urupñan keuñi tem kölakzei, eñõn mönõ miangö dop kõna sarakñi wuatangöba malme. Mutuk gukmaulem tõnpin malgetka nanñini sihim kömbõnañini bölõnan yeyaseñseñ mem engigetka lañlañ malget. Mewö malgetmõ, nalö kewõje ahakmemeñini mönõ sihim mieñgö dop kude toroqeba aka memba malme. Lañ siksauk malbepuköra mönõ galõmñini mem anguba malme.

¹⁵Lañ siksauk qahõpmö, Anutu sarakñan eñgoholiga eñõn mönõ mewöyök yangö dop ahakmemeñini pakpak miangöreñ sarakñi aka malme. ¹⁶“Buña Kimbigö keu kun kewö ohoget ahöza, “Nõñõn törõñi sarakñi maljalangöra nõngö buñani eñõn mönõ sarakñi aka malme.”

¹⁷Anutugöra “Iwinini!” jiba ösumñi köl örõmakzini, yangõn iwi ölöpñangö dop ambazip tosatñi qahö neñgek soriba tosatñi qahö qepureim engimakza.

^a 1.16 Lew 11.44-45; 19.2

Körek neŋgö ahakmemenini mönö dop mohotnönj kewöta mohot mohot neŋgö keunini jim teköma. Mianğöra Anutu törönjaŋgö buŋaya akze ewö, mönö gölmenönj kusukŋi malmeaŋgö dop sarakŋi aka malme. Jitŋinanök qahöpmö, ahakmemeninan mönö Anutugö jitŋi oŋgitpinpuköra sömbuŋini möta malme. ¹⁸Mewöyök Anutunönj sohopŋini meyöhaŋgö könajŋi mötagun mönö sarakŋi aka malme. Ambösakonurupninan tandö lopionj mötmöt laŋ wuatangöba ahakmeme omaŋi kondel neŋgigeri, Anutunönj injini yeŋgö dop toroqeba laŋ malbepuköra bohonŋini öŋgönğöŋi gila sohopŋini meyök. Bohonŋi mi silwö goul oŋgita gilöhi, mi mötze. Gölmegö monerj inap ayapkömawangö dop akzawi, yuai mewöŋi mianğön bohonŋini qahö meyök.

¹⁹Mianğön qahöpmö, Kraistkö sepŋi söŋğörönj öŋgönğöŋi mianğön mönö bohonŋini meyök. Kraistnönj lama morönj solanŋi uzi poreŋi qahö tandök aiga jöwöwöl ohohogö tandök qegetka sepŋi mokoyök. Mianğöra mönö sarakŋi aka malme. ²⁰Anutunönj mutuhök Suet gölme qahö miwikŋaim etkiba nalö mianğöreŋök Kraist möwölöhöba sohopnini memapkö nup areŋ mi lök qeljiŋe ala areŋğöyök. Mi areŋğöiga ahöi mala kota malgetmö, nalö teteköŋe kianğoreŋ injini ölöwakŋegöra aka indeli aukŋe asuhuyök. ²¹Kraistnönj nam köl eŋgiiga ölop Anutu möt narim waŋgimakze.

Anutunönj Kraist mem gulim waŋgii kömupnöhök wahöriga asakmararaŋ al waŋgii malja. Mewö maljawangöra aka injini Anutu möt nariba kind a yuai pakpak jiyöhi, mianğö dop ahakŋapkö jörömğöröm ak waŋgimakze.

²²Jörömğöröm ak waŋgiba keu ölnj tem kölgetka Kraistkö sepŋan köl könjorat mem eŋgiiga malme. Mewö mala ölop urumelerj alaurupŋini geŋmoŋi qahö jöpaköm eŋgiba malme. Urukönömŋini pakpak mianğön mönö kapaŋ köla törörök urukalem ak aŋguba malme. ²³Malmal köhöikŋangö keuŋi mianğön mönö nam köl eŋgiiga ahuaŋi dölokŋi ahuget. Gölmegö keu kusukŋi kunŋan qahö nam köl eŋgiiga Iwi ketanaŋgö nahönböraturupŋi aket. Anutugö keuŋan mönö qahö ayapkömapmö, teteköŋi qahö zeŋ ahöm öŋgöma. ²⁴^bKeu mianğö könajŋi mi Buŋa Kimbinönj kewö ohoget ahöza:

“Ambazip pakpak injini mönö gwözözak luplup tandök akze. Aködammunŋini pakpak mi juraŋi asakasak-ŋinambuk tandök akza. Gwözözak luplupnönj mönö soholiba gororongögetka juraŋinan buratiba teköqeköba etme.

²⁵Mewö etmemö, Kembangö Buŋa keu malmal köhöikŋi neŋgimakzawi, mianğön mönö teteköŋi qahö ahöm köhöiba ahöm öŋgöma.”
Buŋa keu mianğön Ölöwak Buŋaya aiga tosatŋan mi jim asarim eŋgigetka mötze. Mewö.

Köt malmalŋambuk yambuk kind a sarakŋi akŋe.

2 ¹Buŋa keu mötzeangöra mönö bölonamŋini pakpak köteköba gilme. Geŋmoŋ köŋbiŋ pakpak mosötme. Ahakmeme silesile mi

^b 1.24-25 Ais 40.6-8

sisitni memba tököme. Körögisigisi aka andöqece keu yöhösaŋ ahakzei, mi pakpak mönö qekögetka et teköma. ²Morösesepsep gerŋmonjini qahö yeŋön juzu nemingörök möta awöwengömakze. Eŋön mönö miangö dop Buŋa keu qahö möwöramgögeri, mi urukönömnjine albingö awöwengöba malme. Mewö mala möt-naripŋjini köl guligetka qarim köhöiiga letota mala oyaenŋkoyaen akŋe. ³“Buŋa Kimbigö keu kun kewö ahöza, “Nene kun nepöleköba nahömŋi mötkeri, miangö dop Kembu ölöŋŋi yambuk qekötahöba nahömŋi mötket.” Keu miangö dop Kembugö nahömŋi mötze ewö, mönö Buŋa keunöŋ qarim köhöiba malme.

⁴Kraistkö söpsöp keuya jimam: Kraistnöŋ wahöta Anutugö tandö kömbönaŋi aka malmal köhöikŋangö wötŋi akza. Injini mönö yaŋgöreŋ kaba kunbuk letotme. Ambazipnöŋ tandö kungöra “Köt omaŋi,” jiba andö qeba mosötketmö, Anutunöŋ i Amötqece Toŋi akŋapköra möwölöhöba yaŋgöra möri bohonŋi öŋgöŋgöŋi ketanŋi akza. ⁵Kraistköreŋ kaba guliba nanŋinak mewöyök köt jamönŋiŋ malmalŋinambuk ewö akŋe. Mewö aka mal köhöigetka Suepkö mitimqece yaŋön engömemba uruŋjini möhamgöiga köhököhöi miwikŋaiba urugö malmalgö jöwöwöl jike öŋŋi akŋe. Uŋa Töröŋan uruŋjine mala sölööhöba mem letot enŋiiga jöwöwöl jike miangö jike nup galöm sarakŋi aka kinme. Uŋa Töröŋan nam köla inahöm enŋiiga tem köla Anutugö waikŋi memba möpöseim waŋgiba malme. Mewö malgetka Anutunöŋ enŋeka Jisös Kraistköra aka ahakmemenŋini mewöŋangö sihimŋi möta malma. ⁶“Buŋa Kimbinöŋ keu kun kewö ahöza: “Eket, Anutunöŋ mönö köt tandö kun möwölöhöba Zaion kundupe Israel kambu uruŋjine kömötpiga tandö kömbönaŋi guli damandaŋ (milyön Kina) ewö akŋa. Denike yeŋön tandö pöwöwöm köhöikŋi mi möt narim waŋgimakeŋi, yeŋön mönö yaŋgöra aka gamu qahö möta malme.”

⁷Möt narim waŋgiba maljei, enŋö jemesoholŋjine mi tandö kömbönaŋi aködamunŋambuk akzapmö, tosatŋan uruŋjini qahö meleŋda maljei, yeŋöŋ yeŋjine mi Buŋa keu kiangö dop ahöza: “Miri meme yeŋön ‘Köt omaŋi,’ jiba tandö kun andö qeba mosötkeri, tandö miangön mönö tandö kömbönaŋi ahök. Könaŋep tandökŋi ain ewö miwikŋaiget. Tandö pöwöwöm köhöikŋi mewöŋan tiŋgitpawak ewö, mirinöŋ mönö gororöŋgöba eta kölbawak.”

⁸faka Buŋa keu kun kewö ahöza, “Ambazipnöŋ köt jamönŋiŋ miangöreŋ tötaŋgöba enŋuiga miangön mönö enŋum mizit ak enŋgima.”

Yeŋön Buŋa keu qahö tem köla nanŋini imbi wuatangö-makzeangöra aka tötaŋgöba erakze. Anutunöŋ mewö areŋgöm enŋiyöhöngö dop erakze.

⁹Yeŋön mewö erakzemö, enŋön ambazip kambu qainŋi kun kewö akze: Anutunöŋ injini nanŋangöra möwölöhöm enŋiiga qainŋi kun akze.

© 2.3 Sum 34.8 d 2.6 Ais 28.16 e 2.7 Sum 118.22 f 2.8 Ais 8.14-15 g 2.9 Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2

Anutunöŋ söŋaupnöhök eŋgoholiga asakŋi wewelip-ŋambuk mianŋöreŋ aŋgota jike nup galöm kambu sarakŋi akze. Aŋgöletot aködamuŋambuk memba malöhi, mianŋö Buŋa keuŋi mi jim asaribingöra eŋgoholök. Eŋgoholiga Anutugö buŋa könagesöŋi mala Kiŋ Kembugö jembonurupŋi aka nupŋi liliköba memakze. ¹⁰ Mutuk Buŋa Kimbigö keu kungö dop “simbisembel laŋ malgetmö,” nalö kewöŋe uru jöhöm aŋguba kutulaŋgöba “Anutugö urumeleŋ könagesö kambu” aka malje. Mutuk Anutugö ak kömukömugöra “gukmaulem malgetmö,” nalö kewöŋe “eŋgehoriiga kalem möriamŋi ölop möt kutuba malje.” Mewö.

Anutugö welenqeŋe ambazip kewö aka malbin:

¹¹ O wölböt alaurupni, Suepkö buŋaya aka gölmenöŋ ki kusuk kiana maljei, nöŋön eŋgö uruŋini kewö kuŋgumam: Silegö sihim kömbönaŋini bölöŋan galöm köl eŋgibapuköra mönö nanŋini aŋgön köl aŋgume. Sihim murutŋi murutŋi mieŋön mönö uruŋini mem bölimegöra bim qemakze. ¹² Uruŋini qahö meleŋgeri, yeŋgö sutŋine ahakmemeŋini ölopŋanök aka memba malme. Tosatŋan iŋini bölöŋi meme ambazip ewö keunöŋ jim bölim eŋgimakzei, yeŋön ahakmemeŋini ölopŋi eka könaŋamŋini törörök möt asarigetka mötmötŋinan uteköma. Mötmötŋinan uteköiga nanŋini siŋgisöndokŋini aka möt sohosohoŋini ek kutuba uruŋini meleŋda Kraist asuhumawaŋgö nalöŋe eŋgöra aka Anutu möpöseim waŋgime.

¹³ Anutunöŋ malmal areŋgöiga ambazip tosatŋan galöm köl neŋgimakze. Kembugö qetŋi bisize ewö, eŋön mönö körek yeŋgö keu bapŋe anda malme. Kiŋ aka ministö yeŋön bohonŋini akzei, iŋini mönö yeŋgö jitŋini tem köla malme. ¹⁴ Kiap aka gawönö yeŋgö jitŋini mewöyök tem köla malme. Yeŋön ambazip bölöŋi akzei, yeŋgö keuŋini kewöta likepŋi meleŋ eŋgimakzemö, ölopŋi ahakzei, yeŋgö qetŋini möpöseimakze. Anutunöŋ mianŋöra aka gawman ambazip al eŋgiiga malje. ¹⁵ Anutugö jit sihitŋan mönö kewö ahöza: Kezapjupjup ambazip gukmaulem kinda eŋgöra uruqahö keu omaŋi omaŋi jimakzei, iŋini mönö ahakmeme ölopŋi aka memba mianŋön yeŋgö numbuŋini muhungögetka ölop malme.

¹⁶ Anutunöŋ bölöŋaŋgö kösö gwaröŋeyök pösat eŋgiiga lolohogeri, iŋini mönö mianŋö dop ahakmeme solanŋi aka memba malme. Mewö malmemö, bölöŋamŋini turumegöra “Kösö gwarönini qahö solanŋi (fri) maljin,” jiba mianŋöreŋ möndöba nanŋini imbiŋini kude wuatŋöme. Mewö qahöpmö, Anutugö jitŋi tem köla welenŋi qemakzei, mönö mianŋö dop gwarö qahö malme. ¹⁷ Ambazip körek mönö göda qem eŋgiba malme. Urumeleŋ alaurupŋini mi urukönömŋinan jöpaköm eŋgiba malme. Anutugö

^h 2.10 Hos 2.23

keuŋi oŋgitpinbuköra mönö sömbuŋini möta malme. Kiŋ aka ministöurupŋini yeŋgöra mönö mötket öŋgöiga göda qem eŋgiba malme. Mewö.

Kraistnöŋ sihibölögö silik ölöŋŋi kondel neŋgiyök.

¹⁸Welenqequeurup iŋini mönö ketaŋamŋinaŋgö keu bapŋe anda göda pakpak kondel eŋgiba malme. Urubönjörnöŋ galöm ölöŋŋi ak eŋgimakzei, yeŋgörök qahöpmö, öröm ureim ak eŋgimakzei, mi mewöyök törörök göda qem eŋgiba malme. ¹⁹Denike yeŋön Anutugö jitŋangö dop ambazip göda qem eŋgiba malgetka töndup könaŋi qahöpmö, öne kahasililiŋ ak eŋgigetka sihibölö möta kapaŋ köla mökösoŋmakzei, Anutunöŋ mi eka likepŋi meleŋda kötuetköm eŋgiiga simbawoŋ akze. ²⁰Bölöŋi aketka kömbinöŋ eŋgugetka mi möta mökösoŋda kinme ewö, nanŋinaŋgöra mönö denöwö aka mötket öŋgöbawak? Dopŋine eŋgugetka qetbuŋaŋi-nambuk qahö akŋe. Mewö qahöpmö, ahakmeme ölöŋŋi akerangöra aka sihibölö miwikŋaiba mökösoŋda malme ewö, Anutunöŋ mönö miaŋgö likepŋi meleŋda kötuetköm eŋgiiga simbawoŋ akze.

²¹Kraistnöŋ mewöŋanök eŋgöra aka sihibölö möta silik ölöŋŋi kondel eŋgiyök. Miaŋgöra iŋini mönö yaŋgö köna tamböŋi mötöteiba sihibölö möta mökösoŋda malmegöra eŋgoholök. Mewö mala simbawoŋ akŋe. ²²'Buŋa Kimbigö keu kun kewö ahöza, "Yaŋön siŋgisöndok kun qahö ahök aka yaŋgö numbu jitŋeyök muneŋ keu kun qahö erök." Iŋini keu miaŋgö dop aketka dop kölma. ²³'Ambazipnöŋ uruqeke keu töhöreŋ Kraist gwötpuk jim waŋgigetka kitipŋi kun qahö meleŋnök. Sihibölö ak waŋgigetka möta kitipŋi mekömamgö qahö töröpköm eŋgiyök. Mewö qahöpmö, Anutunöŋ keu diŋdiŋanök jim tekömakzawi, mönö i möt nariba keuŋi yaŋgö böröŋe ala jim tekömapkö mambörök.

²⁴^kKraistnöŋ neŋgöra kapaŋ köla siŋgisöndok andö qeba ahakmeme solanŋi wuatangöba malbingöra aka sihibölö mörök. Mi möri Buŋa Kimbigö dop "sileŋi qegetka uzi asuhuyöhaŋgöra aka Anutunöŋ iŋini mem ölöwak eŋgiyök." Ölöwakŋegöra mönö "nanŋak siŋgisöndoknini memba sileŋe aŋguba" maripomnöŋ öŋgöba kömuyök. Miaŋgöra iŋini mönö Kraistkö dop sihibölö möta mökösoŋgögetka ölöwakŋa. Siŋgisöndokö esapesapnöŋ öröm neŋgiiga miaŋgöreŋ mönö qamöt tandök aka köhömuŋi malbin. ²⁵^lMutuk iŋini "lama ewö jaŋjuŋ anda kaba laŋlaŋ malget." Mewö malgetmö, nalö kewöŋe uruŋinaŋgö galöŋmŋangöreŋ liliŋgöba kaba malje. Yaŋön iŋini lama ewö sel jöhöba köyan köl eŋgimakza. Mewö.

ⁱ 2.22 Ais 53.9 ^j 2.23 Ais 53.7 ^k 2.24 Ais 53.5 ^l 2.25 Ais 53.6

Awanöm weŋgöreŋ qambaŋ keu

3 ¹ Anutu welen qebingö keuŋi lök jizalmö, ambi iŋini mönö mewöŋanök apurupŋini weŋgö keu bapŋe anda malme. Mewö malgetka apurup tosatŋan Buŋa keu qahö tem köla maljei, weŋön mönö mewöŋanök anömurupŋini weŋgö ahakmemenŋini eka uruŋini melenŋbeak. Uruŋini melenŋda malmalŋini Kraistkö böröre almegöra Buŋa keu jitŋinanök qahö jimemö, Kraistkö könaŋi mönö silikŋinan kondel engigetka ek asaribeak. ² Ahakmeme sarakŋi diŋdiŋi aka memba Anutugö jitŋi oŋgitpepuköra keŋgötŋini mötketka azinöŋ mewö eŋgek yakögetka Kraistpuk qekötahöba malbingö sihimŋini ahubawak. ³ Silegö aködamunŋinanök mönö kude mem öŋgömakŋe. Nöröp sawaŋini qeba gawasu könaŋi könaŋi kude ala minjŋda öŋböŋ kude memba malme. Kösasorom goul yuainöŋ sileŋini kude meŋölöm aŋgume. Sileötaŋ qetpuk sorok aködamunŋambuk mi kude mem aŋgume.

⁴ Mewö qahöpmö, aködamunŋini ölni mi mönö töp megetka uruŋine ahöma. Uŋaŋinan luainöŋ bönjöŋ malgetka aködamunŋini ölni miaŋön tölapŋe ahöba mönö nalö kunöŋ qahö ayapköma. Urubönjöŋ malgetka Anutunöŋ eŋgeka möri öŋgömakŋa. ⁵ Mönöwök ambi sarakŋi weŋön Anutubuk kinda jörömqöröm ak waŋgiba yuai pakpaköra mamböta malgeri, weŋön mewöyök uruŋinaŋgö aködamunŋinan meŋölöm aŋguba apurupŋini weŋgö keu bapŋe anda malget. Mönö ambi miengö dop aka malme. ⁶ Saranöŋ apŋi Abraham tem köl waŋgiba “Azi kembuni!” jiba ohola malök. Iŋini mewöyök zeŋ kinda nup ölöŋŋi ölöŋŋi memba awösamkakak kinda yuai kungöra jönömŋini qahö undui apurupŋinambuk malme ewö, mönö Saragö dop ambi aködamunŋinambuk aka malme.

⁷ Ambi weŋön ösumŋini eretŋi akzemö, töndup malmalgö kalem möriamŋi mi azibuk öröröŋ buŋa qem aŋguba malje. Ösumŋini eretŋi akzeangöra azi mohot mohot iŋini mönö anömurupŋini törörök köyan köla lolongöm eŋgiba malme. Anutunöŋ azi eŋgö köulukŋini qepureibapuköra mönö göda qem eŋgiba malme. Mewö.

Nup ölöŋŋi memakzemö, sihibölö töndup mötze.

⁸ Keuni tekömawaŋgö qambaŋi kewö jizal: Iŋini mönö körek urumohot aka urumelen alaurupŋini urubönjöŋnöŋ jöpaköm aŋguba malme. Guŋböŋjöŋjöŋ mala nanŋini memba et al aŋguba uruŋinan jöhöm aŋguba mohotŋe kinme. ⁹ Jinöŋ jibi nuŋgunöŋ guhubi aknöŋ aki mi kude ahakŋe. Uruqeŋe keu töhöreŋ jim engigetka kitipŋi kude meköme. Mewö qahöpmö, keu bölöŋaŋgö likepŋi melenŋda mönö kötuetköba

^m 3.1 Ef 5.22; Kol 3.18 ⁿ 3.3 1 Tim 2.9 ^o 3.6 Jen 18.12 ^p 3.7 Ef 5.25; Kol 3.19

uruölöwak engiba malme. Mewö aka malgetka Anutunöj likepni meletniga kötümötuetni buja qem angumegöra engoholök. Mewö aka mala Kambu asuhumawi, nalö miañgöreñ mönö oyaenköyaen akje. ¹⁰“Mewö akjegö keuñi mi Buja Kimbinöj kewö ohoget ahöza: “Kunöj malmal nahömñambuk malmangö ak wañgiiga wehön ölöpnji ölöpnji eka malmangö mötzawi, yañön mönö nesilamñi keu bölöñi jibapuköra jöhöba malma. Numbu suñeyök geñmoñ keu asuhubapuköra mönö galöm mem anguba malma.

¹¹ Ahakmeme bölöñi mönö andö qeba nup ölöpnji ölöpnji memba malma. Luainöj malmalgö jaruba mi buja qem angumamgö kapañ köla kinma.

¹² Mi kewögöra: Kembangö jeñan ambazip solanñi engek galöm aka köulukñinañgöra kezap alakzapmö, goñgoñi mi qahö mesohol köla engehakza.”

Keu mewö ahöza.

¹³ Iñini nup ölöpnji memingö urukönöp aka malme ewö, ambazip sehisehiñan mönö nupñini geñmororoñ memba mem bölim engebingö qahö mötme. ¹⁴“Mi qahö mötmemö, töndup ahakmeme solanñi akerangöra aka sihimbölö mötpeak ewö, iñini mönö töndup Anutunöj kötuetköm engiiga oyaenköyaen akje. Kahasililiñ mem engibepuköra mönö öne töwöratiba keñgötñini möta uruñini eri möt bölöbölöñinan engubapuk. ¹⁵ Uruñinan kude etmapmö, uruñini mönö Kambu Kraistköreñ jöhöba könañi sarakñi pöndañ mötmörigetka öngöi malme. Nalö dop jöjöröba Kraistkö könañi ambazip jim asarim engiba malme. Oyaenköyaen akingö jörömqöröm akzei, ambazipnöñ miañgö könañangöra qesim engetka mönö körek weñgöra keu melet engiba malme. Mönö guñböñjönjön qakje ambazip göda qem engiba uru kuñgum engiba malme.

¹⁶ Keuñini mewö galöm kölgetka Anutunöj engeka “Dop kölja,” jiiga urukezapñinan mewö mötmegöra kinme. Kraistpuk qekötahöba kinda ahakmeme ölöpnji aketka uruqeke keu töhöreñ lañ jim engimakzei, weñön mönö nanñini keu bölöñangöra aka gamu miwikñaima. ¹⁷ Nup ölöpnji ölöpnji memba malgetka ambazip tosatan töndup kahasililiñ ak engetka Anutugöra sihimbölö mötketka dop kölja. Yuai bölöñi aka memba miañön sihimbölö miwikñaigetka gamuñambuk akza.

¹⁸ Kraistnöj mewöyök nalö kunöj siñgisöndököra aka kömuyök. Nini goñgoñi ahinga Diñdiñi yañön neñguangiriga Anutugöreñ angotpingöra aka sihimbölö mörök. Gölme azia aiga silenji mem kömugetmö, Uña Töröñan mem gulim wañgiiga wahöta malja. ¹⁹ Uña Töröñan wañgiriga neñgömosöta kömupkö senjom mire geba uña kösö gwarönöñ malgeri, mönö weñgöra Buja keuñi jim asarim engiyök.

⁹ 3.10-12 Sum 34.12-16 ¹⁰ 3.14-15 Mat 5.10; Ais 8.12-13

²⁰ Mönöwök Noagö nalönöŋ waŋge ketani megetka Anutunöŋ uruŋini meleŋmegöra kapaŋ köla mökösoŋda mambörökmö, ambazipnöŋ keu qahö tem köla ayuhuba kömupkö kösö gwarönöŋ geget. Ambazip saiwa morörökŋi 8 mewöŋan Anutugö jitŋi tem kölgetka o aliga gölme turuba waŋge siriiga göulunöhök gouŋini köla bohonŋini jöhöyök. ²¹ Yuai mewö asuhuyöhi, mi o melungö söpsöpŋi akza. Jisös Kraistnöŋ kömupnöhök wahöta maljawaŋgöra aka nalö kewöŋe o neŋgömirigetka Kraistkö ösumŋan neŋgualönŋda bohonini jöhömakza. O mi silegö töwötŋi saŋgoŋmapköra aka qahö al neŋgizemö, o melungö ölni mi kewö: Nini Anutubuk malbingö jöhöjöhö aka jöjöpäŋ keunöŋ jöhöba kewö köulukö-makzin, “Anutu, gi mönö qewöloŋi saŋgoŋnöŋga uruŋan sarakŋi aiga göhö jege dop kölma.”

²² Jisös Kraistnöŋ Suep mire eu öngöba Anutugö böröŋi ölje buŋabuŋaŋambuk tatza. Anutunöŋ kukösum waŋgiiga tata Suep garata aka Suepkö bem suahö könaŋi könaŋi ösum-mumuŋinan neŋgek galöm aka kuŋgum neŋgimakzei, mi tok galöm köl eŋgiiga keuŋi bapŋe malje. Mewö.

Mönö letota malmal qainŋi kun malme.

4 ¹ Kraistnöŋ sileŋe sihimbölö mörök. Miangöra iŋini mewöyök sileŋine sihimbölö mötpingö jöjöröba malme. Yambuk mötmöt mohot kewö memba mötmörime: Kunöŋ siŋgisöndok ahakzawi, yaŋön mönö nanŋi sileŋaŋgö sihimŋaŋgöra ak waŋgimakza. Kunöŋ Kraistköra aka sihimbölö mörakzawi, yaŋgö sihim kömbönaŋi bölöŋan mönö söroräuba eri siŋgisöndok tököba qahö akŋamgö kapaŋ köla malma. Urumötmöt mianŋön mönö wötŋini mem eŋgiiga miangöreŋ töndangöba aködamunŋinambuk aka malme.

² Urumötmöt miangöreŋ töndangöba kinda uru silegö sihim kömbönaŋi bölöŋi jöhöba galöm köla malme. Nalö kewöŋeyök könahiba gölmenöŋ toroqeba mal öngömei, miangöreŋ mönö Anutugö jit sihitŋi tem köla wuatangöba malme. ³ Iŋini nalö mala kotkeri, miangöreŋ aŋgöjörak ambazip uruŋini qahö meleŋda ahakmeme bölöŋi laŋ akingö mötzei, mönö yengö dop kewö laŋ malget: Serowilin aka sihim kömbönaŋini bölöŋi laŋ wuatangöba malget. O jawat, gojak dauŋ yuai mi otoŋomboraŋ memba kanjam köla negetka nöroŋŋini sohoi eŋololoŋ malget. Közölömbuaŋ ala liŋet unduba ambi kenam mem bölim eŋgiba kezapjupjup aket. Tandö lopioŋ liliköba simin köl eŋgiba yuai kanjamŋambuk aket. Mewö aketmö, nalö kewöŋe ahakmeme mewöŋi mi qahö toroqeba ahakze.

⁴ Aŋgöjörak ambazipnöŋ söŋaup malmalgö sömuk piliŋ-piliŋgöba ahözawi, miangöreŋ öröba luhuba gemakze. Iŋini yembuk kude öröba

* 3.20 Jen 6.1–7.24

Yuai asuhum engimakzawi, mi upnina, mewö mötmöribepuk. Mi gölmenön maljinangö dop asuhumakza. ¹³Kude aurumemö, Kraistnön ölöpnj aiga kahasililinj ak wangigetka möröhi, injini mönö sihimbölö miangö kitipnj mötzeangö dop sösöngai aka malme. Yambuk mewö malgetka lilingöba kaiga asakmararañan asuhuiga nalö miangörej mewöyök sönggaiba oyaenköyaen akje. ¹⁴Ambazipnön engeka uruñini Kraistkörenj melenjerangöra aka uruqege keu töhörej jim enji-makze ewö, enön mönö simbawon akze. Mewö jim engimakze-angöra aka Anutugö Uña Törönj asakmararañambuk yañon mönö qakñine köla ösumñan turum enjiba kötuetaköm engimakza.

¹⁵Engörejök kunñan yuai bölöni ahöhangöra sihimbölö miwikñaiba mötpapuk. Kunönj kegwek-kahasililinj aka ambazip enjuba yuai yongorö meyöhi me tosatñi yengörej keu jim supapköba nup meme tandöktandök möndöba lañ lilikqilik aka lömböt miwikñaimakzawi, yañon mönö sihimbölöni dopñe mötza. ¹⁶Kunñan Kraistkö alañ akzawangöra angösirip miwikñaiba sihimbölö mötza ewö, yañon mönö miangö gamumamusumñi kun öne kude mötma. Gamu qahöpmö, Kraistkö qetñi bisizawangöra mönö Anutu möpöseiba malma.

¹⁷Anutunön ambazip keunini kewötmapkö nalöñan kam kuñguiga nanñi urumelenj könagesöurupñi nenjö keunini mi mutuk jim teköma. Mutuk nenjö keunini jim teköma ewö, ambazip Anutugö Ölöwök Buña qahö tem kölgetka lömböt qakñine öngöiga teteköñe mönö denöwö asuhum engibawakto? ¹⁸“Buña Kimbinönj keu kun kewö ahöza: “Solañi yeyön Suep mire öngöbingö kupuk-kapak akje ewö, siñgisöndok ambazip angöjörakñinambuk yengö keuñini mönö denöwö asuhubawakto?”

¹⁹Miangöra alaurup Anutugö jitñi tem köla angösirip miwikñaiba sihimbölö mörakzei, enön mönö uñañini miwimiwikñai Tonangö böröñe alme. Toñi yañon keu jiyöhangö dop alaurupñi sel jöhöba kölközizip aka köyan köl engimakza. Uñañini yangö böröñe ala mönö jegep kinda nup ölöpnj ölöpnj pöndañ memba malme. Mewö.

Jitjememe engörej qambañ keu

5 ¹Nöñon urumelenj könagesögö jitjememe kun aka Kraistnön sihimbölö möröhi, miangö keuñi nangöba jimakzal. Könangep lilingöba kaiga asakmararañan asuhuiga qetbuña niñgii miwik-ñaimamgö mötzal. Engö sutñine nöngö jitjememe alaurupni akzei, nöñon engö uruñini kewö kuñgum enjizal: ²“Anutunönj möt narim enjiba lama kambuñi böröñine alöhi, enön mönö i köyan köl enjiba malme. Nup mi ölan qakñe qahöpmö, Anutugö jitñangö dop urusihimñini nupnönj ala mi amqeba urukönöp qakñe zej memba kinme. Möndömöndö qakñe injarere mala monen yuaigöra kude kapañ köлма malme.

^u 4.18 Qam 11.31 ^v 5.2 Jon 21.15-17

³Lama kambu bapņine kaba kinjei, i mönö azi kembu tandök kude galöm köl enggime. “Zioz galöm akzin,” jiba töptöpņine kude qeba miwidimgöm angumemö, ahakmemegö silik ölöpņi mi lama kambu kondel enggiba malme. ⁴Ahakmeme ölöpņi aka malgetka lama galöm bohonņan kunbuk asuhumawi, nalö mianğoreņ mönö sorom jölņine uta ila jalö aködamunņambuk nöröpņine köl enggigetka buņa qem angume. Aködamun mianğon mönö nalö kunöņ qahö tahöliba piahima. Mewö.

Segguli enggoreņ qambaņ keu

⁵Segguli iņini mewöyök galömurup yeņgö keuņini bapņe anda malme. “Anutunöņ söņgöröqök ambazip tuarenjō ak enggimak-zapmō, nanņini memba et al aņgumakzei, yeņgöra mönö kalem möriamņi enggimakza.” Mianğöra iņini mönö körekmakörek sutņine nanņini memba et al aņguba malme. Tandök mianğon mönö maluku ewö kölget gem eņgiiga malme. ⁶Mianğöra mönö nanņini memba et al aņguba Anutu bōrōņi kukösumņambuk mianğö bapņe angetka nalōņan kam kuņguiga ölöp memba öņgōba al enggima. ⁷Buņa keu kun kewö ahōza, “Yaņōn iņini köyan köl enggimakzawaņgöra waimanjatņini pakpak mönö yaņgö bōrōņe ala mosōtme.”

⁸Ahakmemeņini galöm köl aņguba zeņ kinda pōndaņ uru guliguli malme. Bölōņaņgö Toņan laņ lilikōba ambazip tuarenjō aka jarum neņgimakza. Kunņan sipkömturuk aiga yaņōn mönö laion sömbup ewö gwahöt neņgimamgö jōjōrōza. (Laionöņ görōrök qeriga silatņi mötketka bōņņini wahōrakza.) ⁹Iņini sihimbölö mōrakzei, enggö urumeleņ alaurupņinan mönö mewōņanök gölme dop kahasililiņ miyōhök möta mökösoņda malje. Mi mötmōriba keņgōtņini yakōriba mötnaripnōņ tōndangōba kinda laion mi köhöikņanök tuarenjō ak waņgiba malme.

¹⁰Iņini nalö töröpņi sihimbölö möta malgetka mösōhöba naņgöm enggiba tōngum eņgiiga ölöp kin köhöiba malme. Mewö Kraistpuk kingetkun aködamunņi tököm eņgiiga asakmararaje öņgōba tetekōņi qahö asariba malme. Anutu, kalem möriam pakpakō Toņi akzawaņōn mönö iņini mewö aka malmegöra eņgoholök. ¹¹Yaņōn kukösum Toņi mala kota malja aka nalö tetekōņi qahö mal öņgōba malma. Keu mi öļņa.

Pitōnōņ yaizökzök keu tetekōņi jiyök.

¹²Anutugö kalem möriamņan mönö ak kömukömu öł töhöņņi akza. Nōņōn keu mi köhöiba naņgōba jiba eņōn kalem möriam mianğoreņ tōnguba kin köhöiba malmegöra jim kutum enggizal. Mianğöra kimbi töröpņi ki jibiga neņakni Sailasnōņ ohom eņgiyök. Yaņōn nōmbuk pōndaņ kinda urumeleņ neņakni akza. Yaņgöra mewö mötmōrizal.

^w 5.5 Qam 3.34 ^x 5.6 Mat 23.12; Luk 14.11; 18.14 ^y 5.12 Apo 15.22, 40

^{13z}Anutunöj urumelen könagesö injini ewö nanñanğöra möwölöhöm enğıga Babilon siti bölöni miangörej^a maljei, mienjön mönö yaizökzökñini algetka enğörej kaza. Mötnarıpkö nahöni Mak yanjön mewöyök yaizökzökñi alja. ¹⁴Injini sutñine urukalem-ñinanğö waikñini memba anğum anğuba nemböñini susuhuba malme.^b

Alaurup Kraistpuk qekötahöba kinjei, luainöj mönö körek embuk ahöma. Mewö.

^z **5.13** Apo 12.12, 25; 13.13; 15.37-39; Kol 4.10; Flm 24 ^a **5.13** Babilon mi Rom sitigö qet tölappa. Indelindel buknöj mewöñanök qet mi miangö dop ohoget ahöza. ^b **5.14** Nalö miangörej jölöñini jiba waikñini memba numbuñini yöhötım nembra malgeri, mönö miangöra jiza.

Pitögöreŋ Kimbi 2

Pitönöŋ Kimbiŋi aliga 2 ahök.

Jim-asa-asari

Pitönöŋ Kimbi ki Kraistkö alaurup gölme dop tat angeri, yeŋgöra ali anda liliköyök. Tosatŋan keu sohoboho miwikŋaiba ambazip kusum sohom eŋgigeranŋöra malmal sarakŋi mosöta sero namböŋnamböŋ yuai laŋ aka malget. Böhi takapulakaŋi mi Anutugö keu bapŋe qahö anda (2.10) iwilele (3.17) aka sileŋini möpöseiba (2.18) jakbak-öraŋböraŋ (2.10) aka nanŋini imbi-imbi malget. Aiakaŋinan Jisös qan köl waŋgiget. Yeŋön ilit ambazip gödaqeŋeni qahö mala anjaŋbanjaŋ ambazip (2.3) lölöwöröŋi (2.18)jaŋjuŋ mem eŋgiget. (3.3-4)

Pitönöŋ keu aka ahakmeme miangöra waimanjat ketaŋi möta diŋgimapköra bim qeba amötqeqegö könaŋi jim tuariza. Uruŋini kuŋguba jimkutukutuŋi kewö ohoyök, “Anutu aka Kemu Jisös Kraist öŋŋa möt narim etkiba yetpuk qekötahöinga lömböt mi mem et ali amqema. Mötmöt mewöŋi mi jimbureŋ qahöpmö, ambazip nanŋini jeŋinan Jisös eka ambazip kusum eŋgiba malöhi, mi möta jiget kaiga mörin. Miangöra mönö malmal sarakŋi mala kopa malmal aka uruyahöt mi andö qeme.”

Tosatŋan kapaŋ köla kewö laŋ jiba ambazip kusum sohom eŋgiba malget, “Kraistnöŋ kunbuk qahö liliŋgöma.” Keu mi jimbureŋ keuya. Pitönöŋ keu miangöra waimanjat ketaŋi möta likeŋi kewö meŋeŋda jiba ohoyök, “Kraistnöŋ nalöŋi köŋjörari öŋgöiga liliŋgömaŋgö tandök akzawi, mi kewögöra: Anutunöŋ ambazip neŋgöreŋök kuŋŋan ayuhumapkö qahö mötzapmö, körek neŋön urunini meŋeŋda siŋgisöndok malmalnini mosötpingö möta kapaŋ kölakza.”

Buk kiaŋgö bahöŋi bohonŋi 4 mi kewö:

Keu mutukŋi 1.1-2

Anutunöŋ sarakŋi malbingöra neŋgoholök 1.3-21

Böhi takapulakaŋi yeŋgö könaŋini 2.1-22

Teteköŋe Kraistnöŋ liliŋgöba kama 3.1-18

1 ¹Saimon Pitö nöŋön embuk keu eraum mötpingöra kimbi ki ohozal. Jisös Kraistnöŋ melaim niŋgiiga aposol aka welenni qeba

malakzal. Bem Anutuninan Amötqeqe Toji Jisös Kraist melaiiga eri yangöra aka keunini jim teköi solaniinga mötnaripninan ahuyök. Injini mötnarip miyök buja qem angugetka bohonji öngöngöni aiga nini ewö simbawoj malje.

²Injini Anutu aka Kembunini Jisös möt kutum etkizei, yetkön mönö kalem möriamni kelemalelej engiyohotka luainöj malme. Mewö.

Anutunöj engoholöhi, miaᅇgöreᅇ köhöiba kinme.

³Anutunöj asakmararaᅇ Toji aködamunᅇambuk akza. Miaᅇgö dop nini sarakᅇi aka malbingöra neᅇgoholök. Mewö könaᅇi möt yaköinga kalem neᅇgimakzawaᅇgö könaᅇi asuhuyök. Nini malmal köhöikᅇi mala urugö köl guliguli pitirik akingöra yuai osimakini, yangö bem ösumᅇan mönö mi pakpak neᅇgiiga bujanina ahakᅇa.

⁴Asakmararaᅇ Toji yaᅇön urunine nupᅇi nupᅇi wewelip-ᅇambuk memba kalemᅇi pakpak neᅇgimamᅇgö mörakza. Anutunöj jöhöjöhö keuᅇi neᅇgiyöhi, miaᅇgö söᅇgörorᅇan mönö öngöngöni akza. Injini mutuk gölmegö sihim kömbönaᅇini bölöᅇi laᅇ wuatangöba angöjörak uruᅇe malgetmö, Anutunöj injini miaᅇgö-reᅇjök meköba bohonᅇini jöhöyök. Mewö aiga kopa malmal sörorᅇiba andö qemegöra amötqeqe areᅇi ali ahöza. Mötmöt ahakmeme aködamunᅇambuk Anutugöreᅇ ahözawi, yaᅇön injini miaᅇgö dop letota kölöᅇaimeᅇgöra kapaᅇ kölakza. Injini jöhöjöhö keuᅇi keta bölöᅇᅇi miaᅇgöreᅇ qekötahöze ewö, yaᅇön mönö inahöm engiiga kunbuk letota Suepkö aködamunᅇi miwikᅇaiba buja qem anguba malme. Aködamunᅇi miaᅇön ölop töᅇjonᅇongöba dop köl engima.

⁵Anutugöreᅇ jöhöjöhö keu mewö ahözawaᅇgöra aka injini mönö mötnaripkö öᅇᅇi ahum engiiga kondela malme. Mewö malmegöra mönö kapaᅇ köla zeᅇ kinda bim qeba malme. Öᅇᅇi ahum engimawi, mewö ölop Anutugö könaᅇi toroqeba möt kutume. ⁶Mötkutukutuᅇinan qariiga ölop ahakmemeᅇini toroqeba galöm köl angumakᅇe. Galöm köl anguaᅇguᅇinan qariiga ölop kin köhöiba lömböt mökösoᅇᅇa bisiba malme. Kin köhököhöiᅇinan qariiga ölop kunbuk Anutugö jitᅇangö dop urugö köl guliguli aka malme.

⁷Urugö köl guliguliᅇinan ahum qariiga ölop urukalemᅇinan sehiiga urumeleᅇ alaurup ala-ala aka köyan köl anguba malme. Urukalemᅇinan sehiiga ölop ambazip pakpak jöpaköm engiba malme. ⁸Injini Anutugö aködamun mewöᅇi buja qem anguba mem sehiba malme ewö, mönö gilipitᅇi (ambetakᅇi) kude malme. Mewö qahöpmö, aködamunᅇi miaᅇön mönö nam köᅇ engiiga amqeba Kembunini Jisös Kraistkö könaᅇi möt kutuba ölop nupᅇi jegᅇp kinda megetka öᅇᅇi ahumakᅇa. ⁹Ölop ahumakᅇapmö, denike yeᅇgöreᅇ Anutugö aködamun mewöᅇi qahö ahöm engiza ewö, yeᅇgö mötkutukutuᅇinan mönö törorᅇᅇi aiga bau jegömöl

ewö kiŋkuŋ kaŋkuŋ akze. Anutunöŋ siŋgisöndokŋini walŋi saŋgoŋni sarakŋi akeri, mi ölum enŋui ikmaok malje.

¹⁰O urumelen alaurupni, Anutunöŋ möwölöhöm enŋiba enŋoholöhi, iŋini miangöreŋ tim töndangöba kinme ewö, mönö nalö kunöŋ qahö tala kaman kölme. Miangöra enŋön mönö miangöreŋ köhöikŋanök töndangöba kinbingö kapaj köla malme. ¹¹Mewö aka malgetka Anutunöŋ enŋehi dop köli köl öröm enŋiiga Suep miri naŋguŋan lökŋanök taliga ölopŋanök uruŋe öŋgöme. Kembunini Jisös Kraistnöŋ Amötqeŋe aka bemtohoŋ Toŋi akza. Yaŋgö bemtohoŋ uruŋe öŋgögetka nalö teteköŋi qahö galöm köl enŋiiga oyaenŋoyaenŋ aka malme.

¹²Buŋa keu ölnan köna mewö kondel enŋizawi, iŋini mi lök buŋa qem aŋguba miangöreŋ böŋ qeba kin köhöize. Miangöra keu areŋ jizali, mi ölop möt asarizemö, nöŋön töndup miangöra nalö dop jim gulim enŋimamgö mötzal. ¹³Mewö möta sile kiaŋgö sepö koumnöŋ malmamangö dop keu areŋ mi ölum enŋubapuköra mötmötŋini jim guliba kuŋgum enŋimamgö mötŋi dop kölja. ¹⁴Nöŋön sileni kusukŋi ki sepö koumni ewö luluŋda zilaŋ kömumba uŋem mire öŋgömami, mewö möt yaközal. Kembunini Jisös Kraistnöŋ mewöyök buzup keu mewöŋanök jii möral. ¹⁵Keu areŋ kusum enŋiali, miangön urukönömŋine ahöiga nöŋön nöŋ qeba kömup mire anbiga miangö andöŋe mewöyök mi ölop nalö dop mötmöriba malme. Nöŋön miangöra köhöiba kapaj kölakzal. Mewö.

Kraistkö asakmararaŋi mi jeninan eka naŋgöba jizin.

¹⁶Kembunini Jisös Kraistnöŋ qetbuŋaŋi öŋgöŋgöŋi memba nup kukösumŋambuk memba malöhi, neŋön mi nanine jeninan uba eka malin. Mewö mala miangö dop kukösumŋangö könaŋi aka liliŋgöba kamawaŋgö keuŋi mi jim asarim enŋiba malin. Mi bem samban kösohot^a ewö qahö jimbureŋ ahin. Girabu mötmöt ewö mi laŋ qahö wuatangöba malin. ¹⁷^bNöŋön Jisösgö qetbuŋaŋi öŋgöŋgöŋi mi naninak kewö asuhuiga ehin: Asakmararaŋ Toŋi öŋgöŋgöŋi yaŋön keu jiiga qet kewö asuhuiga mörök: “Azi ki nani wölböt nahöni aiga yaŋgöra urunan ölöwahiga eknahöm ak waŋgizal.” Yaŋön mi möriga Iwi Anutunöŋ asakmararaŋ waŋgiiga aködamunŋi buŋa qem aŋguba malök. ¹⁸Neŋön yambuk kundunŋi töröŋi miangöreŋ öŋgöba malinga qet miangön Suepnöhök asuhuiga mörin.

¹⁹Kezapqetok ambazip mutuhök Buŋa keu jiba ohogeri, mi nalö kewöŋe möt sölöŋgöba aŋgön kölinga pöwöwöm köhöikŋi ak neŋgiza. Miangöra

^a 1.16 Bem samban miengö könaŋini kun mi kewö: Mötmöt ambazip yengö uruŋine jimbureŋ mötmöt letoriga keu könaŋi könaŋi laŋ mötmöriba numbu o algetka asuhumakze. ^b 1.17-18 Mat 17.1-5; Mak 9.2-7; Luk 9.28-35

Buŋa Kimbi walŋaŋgö keuŋi mi mönö törörök kezap ala buŋa qem aŋguba malme. Kiwanöŋ miri söŋsöŋaŋge asarimakzawi, kezapqetok keu mieŋön mönö miaŋgö dop jim asarim engimakze. Iŋini miaŋgö asakŋe qekötahöba kinme ewö, mönö ölop Anutugö köna ölni eka söŋaupkö ahakmemeni yaköriba mosöta malme. Mewö mal öŋgöba mambötketka miri waŋgaraŋ suruiga söŋangö undiŋi asuhuiga uruŋinan asarima. Kembuninan liliŋgöba kamawaŋgö undiŋan mönö mem asarim engii eka Anutugö yuai pakpak ek asarim teköme.

²⁰Keu nöropŋi mutukŋi ki mönö möt asarigetka kude ölum eŋguma: Gölme ambazip kunŋan Buŋa Kimbigö kezapqetok keuŋi mi nanŋi mötmöt qakŋe jim asarimamgö osimakŋa. ²¹Mi kewögöra osimakŋa: Gölme ambazip kungö jit sihitŋan nalö kunöŋ qahö nam köliga kezapqetok keu asuhui jiget. Mewö qahöpmö, Uŋa Töröŋan kezapqetok ambazip uruŋine sölölohöm eŋgiiga Anutugö jitŋeyök keu memba mönö mia jiget. Mewö.

Böhi takapulakaŋan mönö mala ayuhume.

2 ¹Kezapqetok ambazip takapulakaŋi mi mewöyök Israel könagesö sutŋine asuhuget. Miaŋgö dop eŋgö sutŋine böhi sohobohe mewöyök asuhume. Asuhuba kinda mötnariŋŋini ayuhumapkö eŋololoŋ keu kemaŋi kemaŋi mi tölapköba memba sutŋine kame. Ketaŋamninan sohopiŋi meyoŋi, Kemu mi mewöyök qaŋ köl waŋgiba mewö miaŋön nanŋini köndeŋ aŋguba wölaŋ ayuhume.

²Mewömmö, mi töndup ambazip sehisehiŋan mönö yeŋgöreŋ serowilin silikŋini wuatangöba nanŋini imbi-imbi malme. Mewö malmeangöra ambazip mötmötŋini qötömmötötaŋ aketka urumeleŋgö köna ölnan mötmötŋine gamuŋambuk ahakŋa. ³Böhi takapulakaŋi mieŋön mönö yuai membagun membingö köpösöŋgöba nepaqepalok aka kösohot könaŋi könaŋi jimbureŋ (zöm mindiriwa) aka laŋ jim sehiba malme. Mewö malgetka eŋön mi möta amqeba moneŋ yuai tokogetka laŋ örömgöjup memgöjup aka malme. Anutunöŋ ambazip mewöŋi yeŋgö keuŋini lök möpŋaŋgö möpŋe jim teköiga likepŋi meleŋniga qakŋine öŋgömapkö ahöza. Anutunöŋ köndeŋmöndeŋ eŋgimamgö taŋqaŋ ikmaok qahö akŋapmö, öl töhöŋŋa sihimbölä möta malme.

⁴Köndeŋmöndeŋ asuhumapkö galöm meme keu tosatŋi kewö: Suep garata tosatŋan Anutugö jitŋi qetala siŋgisöndok akeri, Anutunöŋ i qahö eŋgehoriyökmö, aköm eŋgiiga könöp mire emuyangöreŋ geget. Yaköriba panaman miri dutŋe ala ain tapepŋöŋ (muŋgamuŋga) gwaröhöm eŋgiyök. Gwaröhöba galöm köl eŋgiiga keuŋinaŋgö kitipŋi jim tekömapkö mamböt tatkerata tata kotze. ⁵^cMöpŋaŋgö möpŋe ambazip

^c 2.5 Jen 6.1–7.24

angöjörakñinambuk gölmenöj malgeri, Anutunöj i mewöyök qahö engehoriyökmö, göulu ketañi jiiga wahöta enguba turum engiyök. Turum engiyökmö, töndup azi Noa miañön urumelenjö keu jiba ahakmeme diñdiñi akñegö uru kuñgum engiba malöhi, i aka ambazip 7 mia malmalñini angön köla sel jöhöm engiyök.

⁶Mewöyök Sodom Gomora taon yahöt mi ayuhumahotkö keuñini jim teköba könöpnöj engohoiga gapñiranök ahöyohot. Ambazip angöjörakñinambuk yeñgöra yuai denöwö asuhumawi, miañgö söpsöpñi ekingöra mi al engii akzahot. ⁷Könöpnöj körek engohomamgö ahökmö, töndup azi solanñi Lot mi mutuk sutñineyök meköba angön köl wangiyök. Iwilele ambazip sero namböñnamböñ aka nanñini imbi-imbi ahakmeme tosatñi lañ aket eka yeñgöra möt böliba uruñan eri malök. ⁸Azi solanñi miañön yeñgö sutñine mala ahakmeme iwilele kanjamñambuk eka möta malöhi, miañgöra mönö wehön dop möt jinjingöba malök. Uruñi sarakñan mönö sundan böliiga malök.

⁹Galöm meme keu jizali, mienñön Anutugö könanji kewö kondelakze: Kembunöj ambazip Anutugö malmal köhöikñi köl gulimakzini, nini öljö esapesapnöhök meköba bohonini jöhömamgö mörakza. Mi mörakzapmö, ambazip goñgoñi mi keuñinangö likepñi meleñni qakñine öngöiga garatauruñan galöm köl engigetka malme. Mewö mala öngögetka nalö ketañan kaiga keuñini jim teköiga toroqeba sihimbölö möta malme.

¹⁰Ambazip silenjanangö sihim kömbönanji bölöñi wuatangöba angöjörakñinambuk aka iwilelenöj Anutugö kukösumñi memba et alakzei, Anutunöj mi mönö mutuhök jim teköm engiyöhawa sihimbölö ketañi möta malme. Böhi takapulakanji mienñön mönö jakbak-örañbörañ qakñe nanñini imbi-imbi mala Suepkö bem suahö asakmararañinambuk euyangöreñ maljei, yeñgöra sömbu-ñini qahö mörakze. Mi qahöpmañhöpmö, i mewöyök uruqeqe keu töhöreñ jim engimakze.

¹¹Mewö ahakzemö, Suep garata kukö-sumñinambuk böhi sohoboho mi engongita öngöñgöñi akzei, mi töndup Suepkö bem suahö ambazip mi Kembangö je mesoholñe qetala uruqeqe keunöj töhöreñ qahö jim teköm engimakze.

¹²Garata yeñön mewö qahö ahakzemö, ambazip mienñön silenñini memba öngöba Buña keu qahö möt kutuba mi töndup yeñgöra uruqeqe keu töhöreñ lañ jimakze. Sömbup soñ ewö mötkutukutuñini öljö qahö asuhuiga sömbup malmalgö sihim yuai korembinji miyök mörakze. Sömbup soñ mi asuhugera ambazipñöj lañ enguget kömumakzei, yeñön mönö miañgö dop lañlañ tönpin mala ayuhume. Nanñini sihim mötmötñini goñgoñmangoñan mönö köndeñ engigetka ayuhum teköme.

¹³Tosatñi öröm ureim ak engigetka kahasililij mötketmö, Anutunöj

^d 2.6 Jen 19.24 ^e 2.7 Jen 19.1-16

nanjini keunjanangö likepni melenj enjiiga sihimbölö miyök qakjine öngöma. Urumelenj enjön urukalem kondel angubingöra tokoba lömbuan algetka takapulaka böhi mienjön mönö miangörenj mewöyök kamakze. Kaba dogojini aukne kondela bau numbu nemakze. Mewö aka enjög sile töwötjini boromni boromni gamujinambuk ewö akze. Nanjinak silejanangö sihimni meköbingöra totoko yuai asakne ala sero aukne aka lajlañ söngaimakze. “Ziozgö lama galöm akzin,” jiba ala enjögöra qahö mötmöriba tilipköm enjibingö sösongai mörakze.^f

¹⁴ Jenjini kaisero jeje aka ambi engehakzei, mi serowilinök akingöra mörakze. Sero sijisöndok yuai akingö sihimni mi qahöpmahöp mosötpingö mörakze. Ambazip koñgwarak kölakzei, mi öröm enjigetka köna jitje gegetka örömböknöñ jöljini mesinjmakza. Membagun membingö nepaqepalok köpösöngögetka urumötmötjini köhöikni miangörenj ahöza. Mewö ahakzeangöra Anutunöñ saiköm enjiiga ayuhume.

¹⁵ Yeñjön köna diñdini andö qeba kahalalom janjuñ anda kezapqetok azi Balam Beorgö nahönñi yangö urukönöp köna wuatangömakze. Kerök azi kembu kunöñ Balam Israel ambazip tilipqilip ak enjimapköra töwa wañgiyöhi, urusihimjan mönö moneñ miangöra ak wañgiyök. ¹⁶ Ak wañgiyökmö, doñki kunöñ bölöñamñangöra jim bölim wañgiyök. Doñki sömbup keu qahö jijini miangön mönö azi jölnöñ keu jiba kezapqetok azi miangö urusohop ahakmeme mi jöhöm wañgiiga osiyök.

¹⁷ Ambazip mienjön mönö o jeñi jöpjöpköñi ewö tandök malje. Raidimbom luhutnöñ kousu omañi töhöntöhön muwutapköm enjimakzawi, mönö miangö dop öne lañlañ anda kamakze. Anutunöñ pandaman göjiwinangö uruje yengöra miri arengöm enjiyöhi, mönö emuyangörenj dutje geba malme. ¹⁸ Yeñjön kezapjupjup keu omañi jiba sileñini memba öngöba lañ tiwok-mawok aka tereñgömakze. Silegö sihim kömbönañini bölöñi wuatangöba sero namböñnamböñnöñ ambazip lañ öröm enjimakze. Janjuñ maljei, tosatñan yengö sutñineyök ölöñ kölakzei, mönö mi kelök keunöñ kuñgum enjigetka köna jitje gegetka örömböknöñ jöljini mesinjmakza.

¹⁹ Yuai kunöñ ambazip kun jöhöba galöm köl wañgimakzawi, miangö kösöñan mönö i jöhöiga mi töwa qahö öne welen qeba malja. Miangö dop böhi takapulakanj mienjön kelök keu kewö lañ jimakze, “Injini mönö nini toroqem neñjigetka ölöp kösöñini qahö solanñi aka nanjini imbi-imbinöñ malme.” Keu mewö jimakzemö, mi töndup nanjinak angjöjörakñinangö welenqeqenji aka miangö kösönöñ malje.

²⁰ Yengö könañamñinan kewö goñgiiga malje: Kembunini Jisös Kraist Amötqeqe Tonini i möt kutuba mewö miangön gölmegö ahakmeme

^f 2.13 Böhi mienjön törom ewö asamböta tatzemö, wañgeninan yengörenj qaköba jömgöbapuk. * 2.15-16 Jan 22.4-35

anğöjörakṅambuk misiṅgöba andö qebagun mönö kunbuk miangö kösönöṅ köpeim anğuba qaköba tatze. Miangöra könakonahiṅe ölopölöp malgetmö, teteköṅe böliqölim teköba malje. ²¹ Anutunöṅ keunini jim teköi solanibingö könani mutuk qahö möt kutuba tönpin malbeak, miangön mönö eretji ak enğibawak. Mewö akawakmö, Buṅa mi öṅṅa jigetka möta könani möt kutugetka buṅaṅina ahök. Uruṅini meṅṅda miangö andöṅe jöjöpaṅ keu töröṅi andö qegeri, miangön mönö yuai kanjamṅambuk aka gamu qem enğimakza. ²² ^hAndö qeba köpeim anğuba etkeri, mi uruqesiṅ keu ölbölṅi yahöt mietkö dop akza. Keu jitṅi kun kewö, “Kiamnöṅ loṅnöhaṅgöreṅ liliṅgöba kamakza.” Keu jitṅi kun kewö, “Bau saṅgoṅninga dumge eleṅda sömuk piliṅpiliṅnöṅ luhuba geba lömu aumakza.” Mewö.

Kembu kamawangö jöhöjöhö keuṅi

3 ¹O wölböt alaurupni, nöṅön kimbi yahötṅi ki albi enğöreṅ kaza. Keu jizali, iṅini mi lök mötzemö, nöṅön keugö öṅṅi ahumapköra uruṅini sarakṅi kuṅguba jim gulim enğiba kimbi yahöt ki kewögöra ohozal: ²Kezapqetok ambazip sarakṅi yeṅön mönöwök Buṅa keu jiba malgeri, miangöra mönö ölüm enğubapuk. Mewöyök Kembu Amötqeqe Toṅan jimkutukutu neṅgiiga nanṅini melaimelai azi aposolurupṅinan kusum enğigeri, mönö mi mötmörriba köṅ guliba malme. Miangöra nöṅön keu miyöhök ohobiga yahöt akṅa.

³Keu mutukṅi kun kewö möt asarime: Kraistnöṅ liliṅgömamgö aiga nalö teteköṅe miangöreṅ mepaqepaik ambazip asuhuba ahakmemeṅinan nanṅini sihim kömbönaṅini bölöṅi wuatangöba ilit keu jiba malme.

⁴Tosatṅan liliṅgöba kamawangö keuṅi kewö jiba qeapköba malme: “Kamawangö jöhöjöhö keuṅi mi mönö denikeangöreṅ ahöza?

Ambösakoninan mala kota kömugeri, nalö miangöreṅök yuai kunṅan kun qahö meṅṅni geyök. Anutunöṅ Suep gölme miwikṅaim etkiiga öroyuai pakpak könahiba ahöyöhi, mi mönö mewöṅanök ahöba kori maljin.”

⁵Mewö jiba keu köṅṅi ki ölan qemakze: Anutunöṅ möpṅangö möpṅeyök jim kutuba keuṅangö ösumṅan suep jakeni jakeni miwikṅaim enğiyök. Mewöyök o jim kutum enğiiga deṅda angetka miangön gölme miwikṅaiiga onöhök asuhum tiṅgirök. Yeṅön keu köṅṅi mi mötzemö, mi qahö mötzin tandök möndöba laṅ jiba nöṅöṅgan ahakze.

⁶^kKönaṅep jim kutuiga o gölunöṅ wahöta gölme turuiga ambazip nalö miangöreṅ gölmenöṅ malgeri, mi o nempa kömumjaiget. ⁷Yeṅön onöṅ kömumjaigetmö, suep gölme nalö kewöṅe etkehakzini, mi könöpnöṅ ayuhumawangö dop akza. Anutunöṅ miangö keuṅi lök böṅtöṅ jim kutuiga ahöza. Miangö öṅṅi asuhumawangö nalöṅan kam kuṅguiga

^h 2.22 Qam 26.11 ⁱ 3.3 Jud 18 ^j 3.5 Jen 1.6-9 ^k 3.6 Jen 7.11

Anutunöŋ ambazip aŋgöjörakŋinambuk maljei, yeŋgö keuŋini jim teköba köndenŋ eŋgiiga ayuhume.

⁸ ¹Mewö asuhumapmö, wölböt alaurupni, naninak ehinga yambu 1000 mi nalö köröpŋi akzapmö, Buŋa keu mohot ki mönö kude ölum eŋguma, “Wehön mohot mi Kembugö je mesoholŋe yambu 1000:gö dop akza aiga yambu 1000 ehiga wehön mohotkö dop akza.” ⁹Kembugö jöhöjöhö keu miaŋön öljambuk akŋapmö, miaŋgö nalöŋi mi törörök qahö mötzin. Tosatŋan nalö mi könjörari öŋgömapköra mötmöriba laŋ jimakze. Nanŋak nalöŋi qahö könjörari öŋgömapmö, mökösoŋda ambazip körekŋan urunini melenŋbingöra mambörakza. Kunŋan könöp sianöŋ gebapuköra kapaŋ kölakza.

¹⁰ ^mKeuŋaŋgö öljŋi asuhumapmö, Kembugö kaka nalöŋan mönö yoŋgorö meme azigö tandök kam kuŋguma. Mi ouk-tuknine tiiga osibin. Nalö miaŋgöreŋ suep gölmegö yuai ehekŋi pakpak mi mönö könöwiba jeba gapŋanök ahöma. Wehön köiŋ seŋgelau aka suepkö yuaiŋi pakpak mi julkula ötöŋ bölobölöŋambuk ayapköba qahöwakŋe. Gölmö aka ambazipnöŋ yuai pakpak miaŋgöreŋ memba alget ahözawi, Anutunöŋ mi körek köndenŋmöndenŋda melenŋi gema. Geba jem teköiga yuai kun qahöpmaŋöhöp ahöma. Saumbaŋ!

¹¹ Öroyuai pakpak mi tandök mewö julkula qahöwakŋe aŋgöra eŋön mönö ambazip denöwöŋi aka malgetka dop kölbowak? Miaŋgöra mönö ahakmeme sarakŋi wuatangöba Kraist ewö aka malbingö köl guliba malme. ¹² Inŋini Anutugö nalö ketaŋi mi kam kuŋgumapköra mamböta ziläŋ kamapkö nupŋi kapaŋ köla memba malje. Nalö miaŋgöreŋ gölmegö öroyuaiŋi aka wehön köiŋ seŋgelau aka mewöŋi mi könöwiba jeba bolbolgöma. Anutunöŋ suepkö öroyuaiŋi mi körek köndenŋmöndenŋ aliga julkula jem teköma. ¹³ ⁿMewö jem tekömapmö, Anutunöŋ yuai asuhumapkö keu jöhöi ahözawi, neŋön miaŋgö dop Suep gölmö dölökŋi miwikŋaim etkimapkö mambörakzin. Mi miwikŋaim etkiiga miaŋgöreŋ aŋgota ahakmeme diŋdiŋi wuatangöba malbin.

¹⁴ O wölböt alaurupni, eŋön nalö ketaŋi mi kam kuŋgumapkö mamböta malje. Miaŋgöra mönö kewö akingö kapaŋ köla kinme: Uruŋini sarakŋi aiga Anutunöŋ töwöt boromŋinaŋgö keuŋi kun qahö miwikŋaiiga yambuk ösupköze aŋgöra luainöŋ malme. ¹⁵ Mamböta Kembuninaŋgö uru tandökŋaŋgöra kewö mötmöriba malme: Yaŋön inŋini uruŋini meŋda kunbuk letotmegö nalöŋi mem körim al eŋgiba ösöŋ mamböt eŋgiba malja. Wölböt alanini Pol yaŋön mewöyök keu miyök ohom eŋgiyökmö, Anutunöŋ mötkutukutu öŋgöŋgöŋi waŋgiiga miaŋgö dop keuŋi ohom eŋgiyök. ¹⁶ Miaŋgö keuŋi mi kimbiŋi pakpak

¹ 3.8 Sum 90.4 ^m 3.10 Mat 24.43; Luk 12.39; 1 Tes 5.2; Ind 16.15 ⁿ 3.13 Ais 65.17; 66.22; Ind 21.1

miaŋgöreŋ jiba ohomakzapmō, Buŋa Kimbiŋaŋgō uruŋe keuŋi tosatŋi mi lömbötŋambuk. Miaŋgōra tosatŋan mi möt asaribingō jaram tiba lömbörimakze. Gukmaulem ambazip koŋgwarak qeba tötöpŋinpin laŋ malakzei, yeŋön kimbiŋi kimbiŋi mi laŋ möwōramgōmakze. Miaŋgō dop Polgō keuŋi mewöyök melenqeleŋ aketka supapkōba sohomakza. Mewö möwōramgōba kinda nanŋini mem bölim aŋguba könöp sianöŋ geme.

¹⁷Yeŋön gememō, wölböt alaurupni, eŋön mewö asuhumapkō keuŋi lök qeljiŋe möta malje. Miaŋgōra mönō nanŋini galöm mem aŋguba malme. Iwilele ambazip köna siŋgiba qiwitipkömakzei, eŋön mönō yeŋgō kelök keuŋinan öröm eŋgii eŋguataŋgōba jŋjauŋ anbepuk. Malmalgō tandō pōwōwöm köhöikŋi miaŋgöreŋök mewö tala kaman kölbepuk.

¹⁸Kembunini Jisösgō kalem möriamŋe kinjei, miaŋgöreŋ mönō kunbuk suariba köhöiba malme. Amötqeqe Tonini Kraistkö könaŋi möt kutuzei, mi mönō toroqeba möt yaköm sorokōba malme. I möpöseininga qetŋi nalö kewöŋe akōdamun-ŋambuk aka könaŋep teteköŋi qahö mewö ahöm öŋgōma. Keu mi öŋja.

Jongörej Kimbi 1

Jonöñ Kimbiñi mutukñi alök.

Jim-asa-asari

Jonöñ jöpaköm anġuañġugö keuñi köhöiba jiba malök. Urumeleñ ambazip neñön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatñan keu munenji ambazip kewö kusum sohom eñgiba malget: “Jisösnöñ Suep aziyök akza. Gölmenöñ yuai pakpak mi bölöñi akza. Miañgöra Jisösnöñ gölme azi ölnji qahö aka malök.” Keu miañgöra aka tosatñan “Anutu möt narizin,” jiba ahakmeme ölpöñji mosöta siksauk silekmalek mala ambazip tosatñi yom kazik ak eñgiget aka qölmöm injarere malget. Keu sinji sinji mewöñan zioz mem bölipapüköra Jonöñ goro keuñi kimbinöñ kewö ohoba ali kayök, “Jisösnöñ Suep aka gölme azia mohok akza. Gölmenöñ nup meme aka mötmöt meme mi yuai bölöñi qahö. Miañgöra ‘Anutu möt narizin,’ jiba Nahönñi Jisös kude mosötpin aka alaurupnini uruninan jöpaköm anġubin. Urukalem mi mönö kapañ köla ak anġumakin.”

Kimbi kianġö bahöñi bohonñi 6 mi kewö:

Malmalgö könañi mi Jisös 1.1-4

Asak aka söñauur uruñe malmal 1.5–2.29

Anutugörej aka Satangörej nahönbörat 3.1-24

Uña ölpöñji aka öme mi mönö kewötme 4.1-6

Urukalemgö könañi aka jimkutukutuñi 4.7-21

Mötnarip neñön bölöñi luhut alakin 5.1-21

Malmal köhöikñanġö keuñi mi Jisös Kraist

1 ¹“Nöñön malmal köhöikñanġö keuñi jimamgöra kimbi ki ohozal. Mutuhök malmalgö keu Toñan maliga miañgö könañe öroyuai pakpak asuhuyök. Yañön mala kota gölmenöñ eriga i jeninan eka

^a 1.1 Jon 1.1

böröninan sileŋi misiriinga keuŋi jii möta malin. ²^bOyaenƷkoyaen malmalgö Toŋan asuhuiga neŋön i eka könaŋi naŋgöba jiba dangunu ewö kinjin. Malmal teteköŋi qahö miaŋgö Toŋan Iwibuk mala kota eta asuhum neŋgiyöhi, neŋön miaŋgö Buŋaŋi jim asariba uruŋini kuŋguzin. ³Neŋön Iwi aka yaŋgö Nahönŋi Jisös Kraist yetpuk urunini jöhöba mohot maljin. Injini mewöyök uruŋini nembuk jöhöba mohot malbingöra yuai eka mörini, mi jim tuarim eŋgizin. ⁴Sösöŋgainöŋ urunini kokolak qei malbingöra keu ki jim tuariba ohozin. Mewö.

Kembugö asakŋe malmal

⁵Buŋa keu yaŋgö Nahönŋaŋgöreŋök möta jim tuarim eŋgizini, mi kewö: Anutunöŋ asakŋaŋgö Toŋi akza aka yaŋgöreŋ söŋaup kun qahö ahöza. ⁶“Neŋön yambuk urunini jöhöba mohot maljin,” mewö jitnöŋ jiba töndup aiakaninan jipjap aka söŋaupnöŋ maljin ewö, mönö keu muneŋ jiba ahakmemeninan keu ölni qahö wuatangömakzin. ⁷Anutunöŋ asakŋaŋgö uruŋe maliga neŋön miaŋgö dop aiakanini asakŋaŋgö uruŋe ahakzin ewö, mönö sutnine urunini jöhöm aŋguba mohok malinga Nahönŋi Jisös Kraistkö sepŋan mönö siŋgisöndoknini pakpak saŋgoŋmakza.

⁸Urunine siŋgisöndok qahö ahöza, mewö jibinak ewö, mönö nanini tilipköm aŋguinga keu ölnan urunine qahö kinma. Qahö! ⁹Siŋgisöndoknini jim miwikŋaizin ewö, yaŋön mönö uruŋi diŋdiŋaŋgö dop jöhöjöhö keuŋi pöndaŋ wuatangöba siŋgisön-doknini mosöta ahakmemenini goŋgoŋi pakpak saŋgoŋmakza. ¹⁰“Siŋgisöndok qahö ahin,” mewö jibin ewö, mönö keu Toŋi oŋgiringa Anutunöŋ muneŋ jiji azi tandök aiga keuŋan urunine qahö kinma. Mewö.

Jisösnöŋ awörök köiput Tonini akza.

2 ¹O (koko) gömukurupni, injini siŋgisöndok akepüköra keu ki ohozal. Mi ohozalmö, kunöŋ töndup siŋgisöndok akawak ewö, awörök köiput Toninan mönö ahöm neŋgiza. Jisös Kraist yaŋön Iwigö kösutŋe mala keu pakpak diŋdiŋanök kewöta ak neŋgimakza. ²Awörök köiput Tonini yaŋön siŋgisöndokninaŋgö töwaŋi ala köl köŋjorat neŋgiyök. Mi neŋgö siŋgisöndokörök qahöpmö, mönö gölmeŋi gölmeŋi neŋgöreŋ siŋgisöndok mi mohotŋe köl köŋjoratmangöra kömuyök. Mewö.

Temkölköl mi aiaka diŋdiŋi.

³Anutugö jöjopaŋ keuŋi tem kölakin ewö, mewö miaŋön i möt waŋgizini, mi ölop uruyahötŋi qahö möt yaközin.

⁴Kunŋan “Anutu möt waŋgizal,” jiba jöjopaŋ keuŋi qahö tem köla wuatangömakzawi, yaŋön mönö muneŋ jiji ambaziwa aiga keu ölnan

^b 1.2 Jon 1.14

yanğö uruñe qahö kinja. ⁵Qahöpmö, kunöñ Anutugö keuñi tem köla wuatangömakzawi, Anutugö urukalemñan mönö ölna yanğö uruñi kokolak qei aködamunğambuk malja. Mewö mianğön Anutubuk qekötahöba mohok maljini, mi möt yaközin. ⁶Kunñan “Anutubuk qekötahöba maljal,” jizawi, yanğön mönö Jisösnöñ ahakmemenji ahök, mönö mianğö dop aka memba malma. Mewö qahö aka maliga qahö dop kölja. Mewö.

Urukalem akingö jöjöpañ keu dölökñi

⁷O wölböt alaurupni, nöñön jöjöpañ keu dölök-kunñi qahöpmö, jöjöpañ keu walñi könakönahineyök ahöm engizawi, mönö mia ohom engizal. Jöjöpañ keu walñi mianğö Buña keuñi mi lök möta mala kotket. ⁸Töndup mianğö jimkutukutuñi dölökñi mi engöra ohozal. Söñaupnöñ ayapkömamgö aiga asakñi ölnan lök asarim qarimakzawi, mianğöra jöjöpañ keu mianğö ölnan mönö Anutugöreñ aka engöreñ ahuba ahöza.

⁹Kunñan jitñan “Asakñe maljal,” jizapmö, alañi kazik ak wañgizawi, yanğön mönö toroqeba söñaup uruñe malja. ¹⁰Kunñan alañi jöpaköm wañgimakzawi, yanğön mönö asakñañgö uruñe pöndañ maliga silikñan tosatiñi siñgisöndok akñegöra qahö kondorakza. ¹¹Mewömmö, kunñan alañi kazik ak wañgizawi, yanğön mönö ömuñe jipjap mala ahakmemenji söñaup uruñe ahakza. Söñaupnöñ jeñi mem sohoiga janjuñ aka maljawañgöra aka denike anmawi, mi nanñak qahö möt kutumakza. Qahö.

Anutunöñ siñgisöndoknini kösöloñanimakza.

¹²O nahönböraturupni, Jisösnöñ kömumba qet ketanji memba maljawañgöra aka Anutunöñ engö siñgisöndokñini mosöta kösöloñanim teköyök. Mianğöra keu ki engöra ohozal. ¹³O iwiurupni, kunöñ könakönahineyök mala kotzawi, inini i möt wañgiba mala kotze. Mianğöra keu ki engöra ohozal. O gwaböurupni, inini bölöñañgö Toñi luhut al wañgiba maljei, mianğöra keu ki engöra ohozal. Nahönböraturupni, inini Iwigö könañi möt kutuba maljei, mianğöra keu ki engöra ohozal.

¹⁴Iwiurup, kunöñ könakönahineyök mala kotzawi, inini i möt wañgiba mala kotze. Mianğöra keu ki ohobiga engöreñ kaza. Azi gwaböurup, inini Anutugöreñ Buña keu uruñine algetka köhöiba kiniga ösum-mumuñinambuk aka bölöñañgö Toñi luhut al wañgiba malje. Mianğöra keu ki ohobiga engöreñ kaza. Mewö.

Gölmegö ahakmeme bölöñi mi yakörime.

¹⁵Inini gölmegö ahakmeme bölöñi aka yuai pakpak mianğöreñ ahözawi, mianğöra kude ak engima. Kunñan uruñan gölmegö

© 2.7 Jon 13.34

ahakmemegöra ak wangiza ewö, Iwigö urukalemjan mönö yangö uruñe qahö kinja.

¹⁶ Gölmege ahakmeme mi kewö: Ambazipnön sileñinanğö sihim kömbönañini bölöñi mörakze. Yuai jeñinan eka eksihim aka köpösöngömakze aka gölmegö malmalñinanğöra piririköba töröraiba sileñini memba öngömakze. Mi aka urukönöp tosatñi mi Iwigöreñök qahö kaza. Qahö! Mi mönö gölmegö ahakmeme bölöñi akza. ¹⁷ Gölmege ahakmemenön görön qema aka mianğö sihimñi bölöñi bölöñi mi mewöyök görön qememö, kunjan Anutugö jit sihitñi tem köla wuatangömakzawi, yañön mönö böñ qeba nalö teteköñi qahö mal köhöima. Mewö.

Kraistkö tuarenjoñurupñi lök asuhuze.

¹⁸ O (koko) gömokurupni, Kraistkö salupñe^d kinda tuarenjoñ ak wangimawañön nalö teteköñe asuhumawi, mi lök jigetka mötze. Keu mianğö dop nalö kewöñe Kraistkö tuarenjoñurupñi gwötpuk lök asuhuba kinje. Keugö ölni mewö asuhuyöhañgöra aka nalö teteköñangö uruñe lök kañgota maljin, mi mötzin. Mianğö aiwesökñi mewö. ¹⁹ Tuarenjoñ ambazip mienön nanine kambunöhök mala neñgömosöta anget. Uruñini nembuk muneñ-muneñ jöhöba mötnarip könagesö sutnine lañ mala buratiget. Neñgöreñ könagesö ölni akeak ewö, mönö nembuk pöndañ qekötahöba mohokñe malbinak. Neñgömosöta tikep kinjei, silik mianjön mönö könañini kewö kondeliga eka mötzin: Yeñgöreñök kunön nembuk ölna mohot qahö aka malök.

²⁰ Yeñön tikep kinjemö, Kraistnön Uñañi Törönñi eñgö uruñine mokoiga bedu memba inahöm eñgiiga körek eñön keu ölni möt kutuba malje.

²¹ Injini keu ölni qahö möt kutubepüköra aka keu ki qahö ohom eñgizal. Mewögöra qahöpmö, injini keu ölni möt kutuze aka keu ölnan keu muneññi kun kondotmamgö osimakza. Mianğöra keu ki ohom eñgizal.

²² Jisösnön Amötqeçe Toñi Kraist akzapmö, kun dañön keu mi qañ köljawi, yañön mönö isimkakalek ambaziwa akza. Yañön Kraistkö salupñe kinda tuarenjoñ ak wangiba Iwi aka yangö Nahönñi mi mohokñe qañ köl etkimakza. ²³ Kunjan Iwigö Nahönñi qañ kölakzawi, yañön Iwiñi qahö öne malja. Kunjan Nahönñi jim miwikñaimakzawi, yañön mönö Iwi mewöyök miwikñaiaba yambuk malja.

²⁴ Injini Buña keu könakönahineyök möta kotkeri, mi uruñine köhöiba kinmapköra galömñini meme. Buña keu möta kotkeri, mianjön uruñine kinma ewö, injini mewöyök mönö böñ qeba Iwi aka yangö Nahönñi yetpuk qekötahöba kinme. ²⁵ Kraistnön jöhöjöhö keu kewö neñgii ahöza,

^d **2.18** Kraistkö tuarenjoñi mi Antikraist. Grik keu anti, mianğö könañi yahöt. Yañön Kraistkö salupñe kinja aka Kraist ölni tuarenjoñ ak wangimakza.

“Nömbuk kinme ewö, mönö oyaenjkoyaen malmal enggibiga teteköni qahö mal köhöime.”

²⁶Tosatjan esapköba janjuj mem enggimakzei, nöñön yeñgöra aka keu mi ohom enggizal. ²⁷Tosatjan janjuj ahakzemö, Kraistnöñ Uña Töröñi engö urujine mokoiga bedu memba inahöm enggimakza. Uña yanñön urujine böñ kini qahö löwörime ewö, eññön mönö böhi kungöra qahö osime. Mi kewögöra: Yanğö Uñañan mönö ahakmemegö keu pakpak kusum enggimakña. Bedu memba inahöm enggimakzawi, mianñön yuai muneñi kun qahöpmö, mötmöt ösumñi öl töhöññanök akza. Mianğöra keu ölni kusum enggiyöhanğö dop mönö keunji pakpak tem köla Kraistpuk töp qekötahöba kinme.

²⁸O (koko) gömökurupni! Inini mönö Kraistpuk töp qekötahöba kinme. Yambuk kinda malinga kunbuk asuhumawi, nalö mianğöreñ qahö közöl neñgiiga gamu qakñe qahö mömölaköba anbinmö, ölop yanğö jeñe awösamkakak qakñe tamehök kinbin. ²⁹Kraistnöñ solanñi akzawi, inñini keu mi möt kutuze ewö, mönö keu ki mewöyök ölop möt asarime: Ambazip köreknan ahakmeme solanñi ahakzei, yeññön mönö mewöyök Anutugöreñök ahuba nahönböراتurupñi akze. Mewö.

Neññön Anutugöreñök ahuba nahönböراتñi akzin.

3 ¹Mötket! Sup Iwininan neñgöra “Nani nahönböراتurupni,” mewö neñgohola mianñön urukalemñi ketanji kondel neñgimakza. Nini ölna Anutugö nahönböراتurupñi akzin. Mi akzinanğöra gölme ambazipnöñ könañamnini qahö möt kutuba malje. Anutugö könañi qahö möt kutuzeanğöra nanine könañamninanğöra mewöyök tötöpinpin malje. ²O wölböt alaurupni, nalö kewöñe nini Anutugö nahönböراتurupñi aka maljin. Mewö mala könañep denöwö aka malbini, mi aukñe qahö asuhuyök. Mohok kun mötzini, mi kewö: Yanñön kunbuk aukñe asuhuiga kaisoñgolomñi ölni jeninan ekini, nalö mianğöreñ mönö letota i ewö akin. ³Denike yeññön Kraistköra jörömqöröm mewöñi ak wanğizei, yanñön mönö i köl köñjorat mem enggiiga yanğö tandök ewö sarakñi aka malme.

⁴Denike yeññön siñgisöndok akzei, yeññön mönö köna keu qeba walöñmakze. Siñgisöndok mi iwilele ahakmemeya. ⁵Kraist nanñak siñgisöndokñi kun qahö yanñön nanine siñgisöndoknini köl köñjoratmamğöra eta asuhuyöhi, mi ölop mötze. ⁶Denike yeññön Kraistpuk böñ qeba kinjei, yeññön siñgisöndok qahö aka malje. Kunñan siñgisöndok toroqeba ahakzawi, yanñön Jisös qahö eka könañi qahö möt kutuba malja. Mewö.

⁷O (kokourupni) gömökurupni! Kunñan janjuj mem enggipapaköra mönö galömmñini mem anğuba malme. Kraistnöñ solanñi akzawi, yanğö dop

^e 3.1 Jon 1.12 ^f 3.5 Jon 1.29

ahakmeme solanji törörök wuataŋ-gömakzawaŋön mönö solanji akza. ⁸Bölöŋaŋgö Toŋjan köna-könaŋiyeŋök ŋiŋgisöndok aka kota malja. Mianŋgö dop denike yeŋön ŋiŋgisöndok ahakzei, yeŋön mönö Bölöŋi Toŋaŋgö buŋaya akze. Anutugö Nahöŋŋan mönö yaŋgö nupŋi yaŋi memamgöra eta asuhuyök.

⁹Denike yeŋön Anutugöreŋök asuhugeri, yeŋgöreŋök kunŋan malmal qainŋi kun uruŋe ahözawaŋgöra mönö ŋiŋgisöndok qahö toroqeba ahakza. Ahuahu dölökŋi ahuba maljawaŋgöra aka ŋiŋgisöndok toroqeba akŋamgö osimakza. ¹⁰Denike yeŋön Anutugö nahönböratŋi aka denike yeŋön Bölöŋi Toŋaŋgö nahönböratŋi akzei, mi kewö kewöta möt asaribin: Kunŋan ahakmeme solanji qahö wuataŋgömakzawi, yaŋön mönö Anutugö buŋaŋi qahö akza. Mewöŋanök kunŋan alaurupŋi qahö jöpaköm eŋgimakzawi, yaŋön Anutugö buŋaya qahö akza. Mianŋgö aiwesökŋi mewö.

Iŋini mönö jöpaköm aŋguba malme.

¹¹Buŋa keugö köŋŋi könakönaŋiyeŋök möta kota maljini, mianŋgö jöjöpäŋ keuŋi kewö: Nini mönö urunöŋ jöpaköm aŋguba malbin. ¹²^hKein (Kain) yaŋön Bölöŋi Toŋaŋgö buŋaya mala munŋi qei kömuyök. Nini mönö i ewö aka malbinbuk. Yaŋön kewögöra munŋi qeyök: Nanŋi ahakmemenjan bölöŋi ahökmö, munŋaŋ-göreŋan solanji ahök. Mönö mianŋgöra qeyök.

¹³O urumeleŋ alaurupni, gölme ambazipnöŋ kazik ak eŋgime ewö, mianŋgöra mönö kude welipköme. ¹⁴ⁱNini urumeleŋ alaurupnini jöpaköm eŋgimakinanŋgöra aka keu ki möt asarizin: Nini kömup köhöikŋaŋgö jaböŋi walöŋda malmal köhöikŋe aŋgota maljin. Kunŋan urukalem qahö ahakzawi, yaŋön mönö toroqeba kömup köhöikŋaŋgö uruŋe kinma. ¹⁵Ambazip alaurupŋini kazik ak eŋgimakzei, körek yeŋön mönö köhömuŋi eŋguenŋu ambaziwa akze. Malmal köhöikŋi mi eŋguenŋu ambazip mewöŋi kungö uruŋe qahö ahöza, mi ölöŋ möt yaköze.

¹⁶Jisös Kraistnöŋ malmalŋi neŋgöra aka köleŋda mosöta jöpaköm aŋguaŋgugö könaŋi mewö kondel neŋgiiga eka möt kutuzin. Neŋön mönö mewöŋanök malmalnini urumeleŋ alaurup yeŋgöra aka köleŋda mosöringa dop kölma. ¹⁷Kunŋan gölmeŋgö öroyuaiŋi dopŋe memba maliga alajan yuaigöra osiba mözöqözöröŋ aiga ekzapmö, töndup ekbonep aka uruŋi jöhöza ewö, Anutugö urukalemŋan mönö yaŋgö uruŋe denöwö kinbawak? ¹⁸O (koko) gömukurupni, jöpaköm aŋguaŋgu mi numbu jitninan keu töhönök timbiliba jimakinbukmö, mi mönö ahakmemeninan keu ölni wuataŋgöba aka malbin.

Mönö Anutugö jemesoholŋe tamehök kinbin.

¹⁹Nini keu ölnaŋgö buŋaya akzin me qahö? Akzin ewö, mönö ölöŋ urunini böŋjöŋ köliga Anutugö jemesoholŋe awösamkakak kinbin.

⁸ 3.11 Jon 13.34 ^h 3.12 Jen 4.8 ⁱ 3.14 Jon 5.24

Keu mi nanini kewöt aᅅguba kewö möt kutubin: ²⁰Uruninan yuai bölöᅅaᅅgöra aka jim neᅅgiza ewö, nini keu ki ölop möt yaközin: Anutunöᅅ kewötkewöt Tonini aka keunini diᅅdiᅅanök kewötma. Anutugö mötmötᅅan mönö nanine mötmötnini oᅅgita öᅅgöᅅᅅöᅅi aiga keu pakpak ölop möt teköza. Miaᅅgöra ölop urunini böᅅjöᅅ köliga malbin.

²¹O wölböt alaurupni, uruninan qahö jim neᅅgiza ewö, nini mönö Anutugö jemesoholᅅe awösamkakak aka tamehök kinbin. ²²Nini Anutugö jöjöpaᅅ keuᅅi tem köla ahakmemenini dop köl waᅅgimakzawaᅅgö dop aka memba malakzin. Miaᅅgöra yuai kungöra köuluköba qesim waᅅgibini, mönö mia neᅅgii buᅅa qem aᅅgubin.

²³^JAnutugöᅅreᅅ jöjöpaᅅ keu yahöt mi kewö: Nini mönö Nahöᅅᅅi Jisös Kraistkö qetᅅi memba möt nariba urunini melenᅅbin aka jöjöpaᅅ keu jim kutum neᅅgiyöhaᅅgö dop jöpaköm aᅅguba malbin. Mewö qahö aka malbinak, mi Anutugö jeᅅe qahö dop kölbawak. ²⁴Denike yeᅅön Anutugö jöjöpaᅅ keuᅅi tem kölakzei, yeᅅön mönö Anutubuk qekötahöba malgetka Anutunöᅅ yembuk lapingöba kinja. Yaᅅön nembuk lapingöba kinjawi, mi Uᅅaᅅi Töröᅅi neᅅgiiga urunine saᅅep ala maljawaᅅgöra möt kutuzin. Mewö.

Uᅅaya me ömeya mi mönö köᅅaᅅini kewöta mötme.

4 ¹O wölböt alaurupni, kezapqetok ambazip takapulakaᅅi gwötpuk mi gölme dop liliköba maljei, miaᅅgöra keu pakpak mi zilaᅅ kude memba möt narime. Anutugö Uᅅaᅅan me öme kunᅅan sölölohöiga asuhuzawi, mi mönö mutuk esapesapnöᅅ ala kewötme. ²Anutugö Uᅅaᅅaᅅgö köᅅaᅅi mi mönö kewö kewöta möt miwikᅅaime, “Jisös Kraistnöᅅ eta silebuk aka malök,” denike yeᅅön keu mi jim miwikᅅaimakzei, yeᅅön mönö körek Anutugö buᅅaya akze. ³Kunᅅan Jisösgö köᅅaᅅi mewö qahö jim miwikᅅaimakzawi, yaᅅön Anutugö buᅅaya qahö akza. Kraist tuarenjöᅅaᅅgö ömeᅅan mönö yaᅅgö uruᅅi sölölohöiga keu jimakza. Kunöᅅ asuᅅuba Kraistkö salupᅅe kinda tuarenjöᅅ ak waᅅgimawi,^k keu mewö jiget mötketka yaᅅön lök nalö kewöᅅe gölmenöᅅ asuᅅuza.

⁴O (koko) gömokurupni, iᅅini Anutugö buᅅaya aketka Uᅅa Töröᅅan uruᅅine kinda gölmeᅅö ömewörömeᅅi mi eᅅᅅöᅅgita luhut al eᅅᅅimakza. Miaᅅgöra kezapqetok ambazip takapulakaᅅi mi ölop luhut al eᅅᅅiba malje. ⁵Yeᅅön gölmeᅅö buᅅaya aketka gölmeᅅö ömeᅅan sölölohöm eᅅᅅimakze. Miaᅅgöra gölmeᅅö ahakmemenᅅi wuatᅅgöba keu jigetka urumelenᅅö kopa ambazip yeᅅön keuᅅinaᅅgöra kezap ala mörakze.

⁶Nini Anutugö buᅅaya ahinga Uᅅa Töröᅅan sölölohöm neᅅgimakza. Anutu möt waᅅgizeaᅅön mönö neᅅgö keuninaᅅgöra kezap ala mörakze.

^J 3.23 Jon 13.34; 15.12, 17 ^k 4.3 Kraistkö tuarenjöᅅi mi Antikraist. Grik keu anti, miaᅅgö köᅅaᅅi yahöt. Yaᅅön Kraistkö salupᅅe kinja aka Kraist öᅅᅅi tuarenjöᅅ ak wangimakza.

Anutugö buŋaya qahö akzei, yeŋön neŋgö keuninaŋgöra kezap qahö ala mörakze. Keu öŋnaŋgö Uŋaŋi aka isimkakalekö ömeŋi yetkö könaŋiri mi mönö mewö kewöta möt kutumakzin. Mewö.

Anutunöŋ urujöpakö könaŋi akza.

⁷O wölböt alaurupni! Anutunöŋ jöpaköm aŋguaŋgugö jalöŋi akza. (Miaŋgöra urukalem mi o jeŋaŋgö tandök ewö ahöba korakza.) Miaŋgöra nini mönö jöpaköm aŋguba malbin. Mewö aka maljini, körek neŋön mönö Anutu möt waŋgiba yaŋgöreŋök ahuahu dölökŋi ahuaba maljin.

⁸Anutunöŋ urujöpakö Toŋi akza. Mewö akzawaŋgöra kunŋan ambazip qahö jöpaköm eŋgimakkawi, yaŋön mönö Anutu qahö möt waŋgiba tönpin malja. ⁹Anutunöŋ urukalemŋi kewö kondeli sutnine asuhuyök: Yaŋön Nahönŋi mohok-kunŋan nam köl neŋgii mal köhöibingöra aka melaiiga gölmenöŋ erök. ¹⁰Nini Anutu jöpaköm waŋgiinmö, miaŋön urukalemgö könaŋi qahö. Urujöpakö könaŋi mi kewö: Anutunöŋ jöpaköm neŋgiba ŋiŋgisöndoknini köl könjöratmamgöra Nahönŋi melaiiga neŋgöreŋ erök.

¹¹O (koko) gömokurupni, Anutunöŋ mewö önöŋi qahö jöpaköm neŋgiyöhaŋgöra neŋön mönö mewöŋanök uruninan jöpaköm aŋgumakin. Urukalem qahö ak aŋguinga qahö dop kölja. ¹²Kunŋan kun Anutu nalö kunöŋ qahö ehökmö, jöpaköm aŋguba maljin ewö, Anutunöŋ mönö urunine lapingöba kiniga urukalemŋan urunini kokolak qeiga aködaminambuk maljin.

¹³Nini Anutubuk qekötahöba malinga yaŋön urunine lapingöba kinjawi, mi Uŋaŋi Töröŋi neŋgiyöhaŋgöra aka möt kutuba uruyahöt qahö ahakzin. ¹⁴Iwinöŋ Nahönŋi gölmeŋi gölmeŋi neŋgö Amötqeqe Tonini akŋapköra melaiiga erök. Neŋön mi eka möta naŋgöba jimakzin. ¹⁵Kunŋan “Jisös Anutugö Nahönŋi akza,” jiba jim miwikŋaimakkawi, Anutunöŋ mönö yaŋgö uruŋe lapingöba kiniga yaŋön Anutubuk qekötahöba malja.

¹⁶Anutunöŋ uruŋan jöpaköm neŋgimakkawi, nini miaŋgö könaŋi möta miaŋgöreŋ möt narimakkzin. Anutunöŋ urujöpakö Toŋi akza. Mewö akzawaŋgöra kunŋan ambazip jöpaköm eŋgiba maljawi, yaŋön mönö Anutubuk qekötahöba kiniga Anutunöŋ yaŋgö uruŋe lapingöba malja. ¹⁷Mewö malinga köŋgörököm neŋgiiga Anutugö urukalemŋan urunini kokolak qeiga aködamu-ninambuk maljin. Nini Kraistkö tandök ewö gölme kusukŋi kiaŋgöreŋ maljin. Mewö maljinaŋgöra aka Anutugö jimtekötekö nalö ketaje Kraistkö jeŋe aŋgota miaŋgöreŋ awösamkakak aka tamehök kinbin.

¹⁸Anutunöŋ jöpaköm neŋgiiga kinda öne töhön keŋgötnini mötpinbuk. ŋiŋgisöndok ambazip yaŋön Anutunöŋ ŋiŋgisöndok-ŋinaŋgö likepŋi

¹ 4.12 Jon 1.18

melenj enġibapuköra keŋġötġini mörakzemö, Anutugö urujöpakņan urunini kokolak qeza ewö, miaņön mönö keŋġöt mötmöt pakpak yakörim tekömakza. Miaņgöra kunņan keŋġötġi mörakzawi, yaņön jöpaköm neŋġimakzawaņgö könāņi mi törörök qahö möt teköza.

¹⁹Yaņön mutuk jöpaköm neŋġiyöhaņgöra aka nini urukalem ahakzin. ²⁰Kunņan “Anutu jöpaközal,” jizapmö, alaņi kazik ak waņġimakzawi, yaņön mönö munej jiji ambaziwa akza. Miaņgö könāņi kewö: Alaņi eka töndup qahö jöpaköm waņġiza ewö, yaņön Anutu qahö eka i mönö denöwö jöpaköm waņġibawakto? ²¹Kunņan Anutu jöpaköm waņġimakzawi, yaņön mönö alaurupņi mewöyök jöpaköm enġiba malma. Anutunöj jöjopaņ keuņi mewö al neŋġiyök. Mewö.

Mötnariņ ambazip neņön luhut alakin.

5 ¹Denike yeņön Jisös möt nariba “Amötqeçe Tonina akza,” jimakzei, körek yeņön mönö Anutugöreņök ahuahu dölökņi ahuba malje. Denike yeņön Iwi jöpakömakzei, körek yeņön mönö yaņġö Nahönņi mewöyök jöpaköm waņġimakze. ²“Anutugö nahönbörat-urupņi jöpaköm enġizin,” jiinga keu miaņġö öljņi mi nanini kewögöra kewöt aņġuba mötzin: Anutu jöpaköm waņġiba jöjopaņ keuņi tem köla wuatāņġömakzin ewö, mönö Anutugö nahönbörat-urupņi mewöyök jöpaköm enġimakin. Miaņġö aiwesökņi mewö. ³^mAnutu jöpaköm waņġibingö öljņi mi temkölköl. Anutugö jöjopaņ keuņi wuatāņġöinga dop kölja. Jöjopaņ keuņi tem kölinga lömbötņambuk qahö akņa.

⁴Anutugöreņök ahuahu dölökņi ahuini, körek neņön ölöp yaņġö jitņi tem köla gölmegö ahakmeme bölöņi luhut alakin. Anutunöj mötnariņ neņġiiga miaņġö qakņe köuluköinga lök gölmegö ahakmeme bölöņi memba et alök. Luhut albingö köna murutņi kun qahö ahöza. ⁵Neņön luhut qahö albinak ewö, denike yeņön mönö mi akeak? Jisösnöj Anutugö Nahönņa akzawi, mi möt narizawaņön mönö gölmegö ahakmeme bölöņi luhut alakza. Mewö.

Anutunöj Nahönņaņgö keu kewö naņġöba jiyök:

⁶Jisös Kraistnöj Anutugö Nahönņa akzawi, mi denöwö mötzin? Jisösnöj oe geiga Jonöj o melun mem waņġiiga Anutunöj nalö miaņġöreņ keu mi jiiga mötket aka könāņep sepņi mokomamgö aiga miaņġöreņ qet kun Suepnöhök asuhuiga mötket. Keu onöj indim mohok asuhuyöhi, miyök qahö. Suep Toņan keu naņġöba jiyöhi, miaņġö aiwesökņi mi o aka sep, yahöt mi. Toroqeba Uņa Töröņan keu mi jimakza. Yaņön keu öljāņġö Toņi akzawaņgöra aka munej jimamgö osimakza.

^m 5.3 Jon 14.15

⁷Nanğönanğö keu karöbut mi mewö mörin ahöza. ⁸Keu karöbut miengö aiwesökñini mi Uña, o aka sep. Keuñini mi öröröñ aukñe möringa dop köl teköza. ⁹Keu jakeñe kanğota nanğönanğö ahakzei, mi ölop möt anğön kölakzinmö, Anutugö nanğönanğö keuñan mönö ambazip keunini onğita pöwöwöm köhöikñi akza. Anutunöñ Nahönñanğöra “Nani Nahöna!” qeta könani mewö aukñe nanğöba jiyök. Mianğöra keu mi andö qebinbuk.

¹⁰Kunñan Anutugö Nahönñi möt narimakzawi, nanğönanğö keu Toñan mönö nanñak yanğö uruñe maliga yanğö könani ölop möt yaköza. Kunñan Anutu qahö möt narimakzawi, yanğön mönö nanğönanğö keu Toñi nanñi memba et aliga muney jiji azia ahakza. Anutunöñ keu kötni Nahönñanğöra nanğöba jiyöhi, yanğön keu mi qahö möt narizawanğöra mönö Anutu nanñi andö qeba qetalakza. ¹¹“Anutunöñ keuñi kewö nanğöba jiyök, “Nönñon malmal köhöikñi engimamgö jiali, nani Nahönan mönö malmal kömbönanñi mianğö kondotkondot Toñi akza.” ¹²Yanğö Nahönñambuk maljawanğön mönö malmal köhöikñi buña qem anğuba malja. Anutugö Nahönñambuk qahö maljawanğön mönö malmal köhöikñi mi qahö buña qem anğuba malja. Mewö.

Malmal köhöikñanğö könani

¹³Uruñini meleñda Anutu Nahönñanğö qetñi memba möt narimakzei, nönñon kimbi ki engöra ohozal. Malmal köhöikñanğö buñaya akzei, inñini mianğö könani törörök möt kutumegöra ki ohozal. ¹⁴Nini ölop awösamkakak aka Anutugö kösutñe anda köuluköba kinda kewö möt yaközin: Wani yuaigöra yanğö jit sihitñanğö dop köuluköm wanğibini, yanğön mönö köuluknini mi mötma. ¹⁵Mi me mi mianğöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm wanğizini, mi pakpak mönö neñgö buñanina akña.

¹⁶Kunñan alañi ehi siñgisöndok ahiga mianğön kömup köhöikñanğö buñaya qahö akñawi, yanğön mönö alañi mianğöra Anutu köuluköiga amöt qem wanğiiga malmal köhöikñe anğotma. Siñgisöndok Anutunöñ mosötmawanğö dop akeri, keu ki mönö yeñgöra jizal. Tosatñan siñgisöndok aketka mianğön kömup köhöikñanğö buñaya akñei, yeñgöra köulukömegöra mi qahö jizal. Qahö. ¹⁷Ahakmeme bölöñi pakpak mi siñgisöndok akza. Köpösihit tosatñi ahinga mianğön kömup köhöikñanğö buñaya qahö akin. Mewö.

Mötnarip ambazip neñon Anutubuk qekötahöba kinjin.

¹⁸Denike yeñön Anutugöreñök ahuahü dölökñi ahugeri, yeñgöreñök kunñan siñgisöndok qahö toroqeba ahakzawi, mi mötzin. Anutugöreñök

^a 5.11 Jon 3.36

ahuahu dölökñi ahuba maljawañön mönö nanñi galöm mem aņguiga Bölöñangö Toņan i qahö qeraköba mema.

¹⁹Nini keu ki mötzin: Nini Anutugö buņaya akzinmö, gölme dop yeñön uruñini qahö melerđa Bölöñi Toņangö kukösum bapņe malgetka galöm köl eņgimakza.

²⁰Keu ki mewöyök mötzin: Kunöñ öl töhöññi akzawi, nini i möt waņgibingöra Anutunöñ Nahönñi melaiiga eta möt-asa-asari neņgiyök. Kunöñ öl töhöññi akzawi, nini yambuk qekötahöba mohok aka maljin. Öl töhöññi yañön mönö Anutugö Nahönñi Jisös Kraist. Yañön Anutu ölbölñi aka malmal köhöikñangö kondotkondot Toņi akza.

²¹O (koko) gömokurupni, tandö lopioñ aka bem muneñi tosatņan köpeiba qeraköm eņgibepuköra mönö nanñini galöm mem aņguba malme. Mewö.

Jongörey Kimbi 2

Jonöñ Kimbiñi aliga 2 ahök.

Jim-asa-asari

Buñ Kimbi kianğö tonji yañön nanñi qetñi “Jitñememe kun,” qerök. Yañön kimbi mi “Wölböt ambi aka yañğö nahönböraturupñi,” yeñğöra alök. Keu tölapñi mi urumeleñ könagesö kungö söpsöp keuya. Nahönbörat mi könagesö aiga wölböt ambi mi yeñğö galömñina. Buñ Kimbigö keu töröpñi kianğön jöpaköm aņgubingöra uru kuņgum neņgimakza aka böhi takapulakañi yeñön ambazip kusum eņgigetka keuñinan sehibapukö galöm meme keuya akza.

Buk kianğö bahöñi bohonñi 4 mi kewö:

Keu mutukñi 1-3

Urukalem mi yuai bohonñi 4-6

Keu goņgoņan sehibapukö galöm meme keu 7-11

Kimbigö keu kötñi bohonñi 12-13

¹O ambi sorok!

Anutunöñ möwölöhöm gihiiga urumeleñ könagesöurupki galöm köl eņgiba kinjan. Nöñön iñini keu öļñangö dop uru könömnan jöpaköm eņgimakzal. Nanök qahöpmö, ambazip keu öļñi möt kutuzei, körek yeñön mönö mewöyök iñini jöpaköm eņgiba malje. Nöñön jitñememeya akzal aka göbuk keu eraum mötpitköra kaba kimbi ohozal. ²Keu öļñan urunine kinja aka nembuk teteköñi qahö ahöm öņğöma. Nöñön Buñ keu miaņğöra aka jöpaköm eņgizal.

³Nini keu öļñi wuatangöba urunöñ jöpaköm aņguba maljin ewö, Iwi Anutu aka Iwigö Nahönñi Jisös Kraist yetkөн mönö ak kömumba kalem möriam neņgiyohotka luainöñ malbin.

Urukalem aka keu öļñi mi mohotñe wuatangöme.

⁴Iwinöñ urukalemğö jöjöpañ keuñi neņgiyöhi, miaņğö dowök göhö könagesöurup tosatñan keu öļñangö dop ahakmemenini aka memba

malje. Nöñön silikñini mewöñi ekiga sösöñgai ketañi ak niñgimakza. Mewö.

⁵“O wölböt alani ambi ketañi, nalö kewöñe jöjöpañ keu ohom gihizali, mi keu dölökñi qahö. Keu könakönahieyök könahiba mörini, nöñön mönö keu mi kunbuk ohoba kewö qesim gihizal: Nini mönö uruninan jöpaköm aᅇguba malbin. ⁶Jöpaköm aᅇguba malbingö keuñi jizali, miaᅇgö öññi kewö: Nini mönö Anutugö jöjöpañ keuñi pakpak tem köla ahakmemenini ak memba malbin. Körek eññön jöjöpañ keu könakönahieyök möta malgeri, mi kewö: Injini mönö uruñinan jöpaköm aᅇguba malme.

⁷Isimkakalek ambazipnöñ Jisös Kraistköra kewö jim miwik-ñaimakze: “Amötqeqe Toᅇan gölme azi silebuk asuhumamgö osiyök.” Mewö jim miwikñaiba tilipqilip aketka eᅇololoᅇ asuhumakza. Ambazip isimkakalek mewöñi mi Kraistkö salupñe kindu tuarenjoᅇ ak waᅇgimakze. Ambazip mewöñi gwötputkñan lök gölmeñi gölmeñi liliköba laᅇ anda kaba malje. ⁸Neññön urugö nup meinga öññi uruñine asuhuyöhi, miaᅇñön sohoba pömsöm qebapüköra mötzal. Miaᅇgöra isimkakalek ambazipnöñ eᅇololoᅇ ak eᅇgibepüköra mönö galömñini mem aᅇguba malme. Mewö malgetka uruñinaᅇgö öññan qahö sohoiga Kembunöñ töwañini körek eᅇgim teköma.

⁹Kraistnöñ keu kusum neᅇgiyöhi, kunñan mi qahö qekötahözapmö, mi oᅇgita keu toroqeiga loloᅇqaloᅇ jimakzawi, yaᅇñön Anutuñi qahö. Denike yeᅇñön Kraistkö Buᅇa keuñe qekötahözei, yeᅇñön mönö Iwi aka Nahön yetpuk köhöiba malje. ¹⁰Kunöñ Buᅇa keu jömuᅇñi mi qahö memba eᅇgöreᅇ kazawi, iññini mönö yaᅇgö jölöñi kude jiba miriñine kude örogetka öᅇgöma. ¹¹Kunñan yaᅇgö jölöñi jimawi, yaᅇñön mönö bölöᅇnamᅇaᅇgö lömbötñi öroi qakñe öᅇgöiga öroröñ bisimahot. Mewö.

Keu teteköñi

¹²Nöñön eᅇgöra keu sehiseñi ohomamgö sihimñi mötzalmö, mi papia sinᅇe iñknöñ ohomamgö qahö möta mosötzal. Eᅇgöreᅇ kusuk kaba mesohol köla keu eraum mötpingö mamböta jörömqöröm akzal. Aitoᅇgöbini, nalö miaᅇgöreᅇ köisirik tata eraum möta sösöñgainini körek ahum teköba urunini kokolak qeiga malbingö mötzal.

¹³Anutunöñ ambi alagi galöm nupköra möwölöhöyöhi, ambi sorok yaᅇgö könagesöuruᅇñan yaizökzökñini algetka göhöreᅇn kaza.

^a 1.5 Jon 13.34; 15.12, 17

Jongörey Kimbi 3

Jonöñ Kimbiñi aliga 3 ahök.

Jim-asa-asari

Buñ Kimbi kiangö tonji yanön nanji qetji “Jitjememe kun,” qerök. Yanön Kimbi mi urumelen könagesö kungö jitjememe kun qetji Gaius yangöra alök. Gaiusnöñ urumelen ambazip tosatji miri aka nene yuai bauköm engiba malök. Miangöra i möpösem wangiyök aka tuaköpek azi kun qetji Diotrefes yangöra galöm meme keu jiyök.

Buk kiangö bahöñi bohonji 5 mi kewö:

Keu mutukji 1-4

Jonöñ Gaius möpöseiza 5-8

Diotrefesgö galöm meme keu 9-10

Demitriusgö sösöngai keu 11-12

Buk kiangö keu köñji bohonji 13-15

¹“O wölböt alani Gaius!

Nöñön jitjememe kun aka göbuk keu eraum mötpitköra kaba kimbi ohozal. Nöñön keu öñangö dop urunan jöpaköm gihiba maljal.

²O wölböt alani, göhö uñagan Anutubuk qekötahöba ölöwahi maljani, mi mötzal. Mewöñanök sile unditundit mala yuai pakpak miangörey töhötmöriam miwikñaiba malmangöra Anutu köuluközal.

³Urumelen alaurup tosatñan göhöreyök kaba göhö kösohotki kewö nangöba jigetka möral, “Göñön Anutugö keu öñji pöndañ wuatangöba aka memba maljan.” Mewö jiget mötpiga sösöngai ketanji ak niñgiyök.

⁴Nöñgö (koko) gömokurupnan Anutugörey keu öñji wuatangöba aka memba maljei, nöñön keu buzup mewöñi möta öññi qahö söñgaimakzal. Buzup murutñi kunöñ sösöngai öñgöñgöñi mi qahö öñgiri mötzal. Mewö.

^a 1.1 Apo 19.29; Rom 16.23; 1 Kor 1.14

Jonöñ galöm azi qetñi Gaius möpöseiza.

⁵O wölböt alani, gi urumeleñ alaurup welen qem enggiba miangörej pöndañ kinda malakzan. Yeñgöreñök tosatñan miri liliköba engöreñ kamakzei, mi köyan köl engimakzan. Möt engizani me qahö, mi töndup ölöpñanök bauköm engimakzan.

⁶Gi urugan jöpaköm enggiba malnöñi, yeñgöreñök tosatñan ki kaba mötnarip kambugö jeñine könañamgi mewö nañgöba jiget mörin. Mianğöra alaurup mewöñan engöreñ kamei, mi mönö bauköm enggiba malnöñga ölp amqeba nup memba könañini toroqeba anme. Nup mewöñi mi Anutugö jeñe dop köl wañgimawañgö dop toroqeba memba malman. ⁷Yeñön Kraistkö buñaya akzeañgöra aka nanñini miriñini mosöta liliköba qetbuñani jim sehimakze. Nup mewö memba urumelenğö kopa ambazip yeñgöreñök nene yuai kun qahö memakze. ⁸Mianğöra Jisösgö alaurup neñön naninök alaurup mewöñi köl öröba nañgöm eñgiinga dop kölma. Nini nup bahöñi mi memba mianğön keu ölnağñö Toñi mohotñe welen qem wañgiinga keuñi ölnan sehimakña. Mewö.

Diotrefes ewö akanbukö galöm meme keu

⁹Nöñön mötnarip kambu engöra kimbi kun ohoyal. Mi ohoyalmö, Diotrefes jittjememe azi yañön sutñine galöm bohonñi malmamgö sihimñi mötzawi, yañön mönö memseppemsep aka keunağgö kezap qahö ala nesampurek ak neñgimakza. ¹⁰Mianğöra nöñön engöreñ kabileñak ewö, mönö yağgö ahakmemeñi bölöñi mi aukñe jibiga kewö mötme: Yañön neñgöra luasö keu muneñi andönöñ qeçe jimakza aiga keu jijiyök qahö ahakza. Qahö! Urumeleñ alaurupnini miri lilik nup memakzei, yañön mi qahö köl öröm engimakza aka alaurup tosatñan köl öröm engibingö mötzei, yañön i añgön köl enggiba mötnarip kambuñineyök utal eñgiiga yaigep erakze.

¹¹O wölböt alani! Gi ahakmeme bölöñi qahöpmö, ahakmeme ölpñi mia mönö wuatangöba malman. Denike yeñön ahakmeme ölpñi aka memba maljei, yeñön Anutugö nahön bōraturupñi akze. Denike yeñön ahakmeme bölöñi aka memba maljei, yeñön Anutugö könañi qahö möt kutuba sel yaigepñe malje.

¹²Demitrius azi mianğö könañi mi ölpñi. Alaurup körekñan mewö jimakze. Keu ölnağgö Toñan nanñak mi mewöñanök nañgöba jimakza aka neñön toroqeba yağgöra keu öröröñ jimakzin. Neñön keu jimakzini, mi keu öl töhönñi akza, mi mötzan. Mewö.

Yaizözkök keu teteköñi

¹³Nöñön göhöra keu sehisehiñi ohomamgö sihimñi mötzalmö, mi kirifi aka iñknöñ ohom gihimamgö dopñi qahö möta mosötzal.

¹⁴Nönön ösumok göhöreŋ kaba gekŋamgö mamböta jörömqöröm akzal. Aitoŋgöbini, nalö miaŋgöreŋ ölop mesohol köl aŋguba keukeu eraum mötpin.

¹⁵Anutunöŋ luai qem gihiiga malman!

Mötnarip alaurup ki maljei, yeŋön yaizözkökŋini algetka göhöreŋ kaza. Göŋön mewöŋanök urumelen alaurup göbuk kinjei, mi nanŋik nanŋik yaizözkökŋini jinöŋga mötme!

Judagöreŋ Kimbi

Judanöŋ Kimbiŋi alök.

Jim-asa-asari

Juda mi Jisös aka Jeimsgö munŋi. Tosatŋan “Kraist möt narizin,” jiba keu gongonŋi ambazip kusum sohom eŋgiba malgeri, Judanöŋ yeŋgöra aka galöm meme keu ohoyök. Buŋa Kimbi ki töröptökŋi. Keuŋi mi 2 Pitö 2 keu miangö dop. Judanöŋ Kraistkö alaurupŋi neŋgö urunini kewö kuŋguyök, “Anutunöŋ nini nalö dop möt naribingöra mötnariŋ neŋgiiga könagesöurupŋi akzini, eŋön mönö mötnariŋŋinan sehiba köhöimapkörä toroqeba bim qeba malme.”

Buk kiaŋgö bahöŋi bohonŋi 4 mi kewö:

Keu mutukŋi 1-2

Böhi sohoboho yeŋgö könaŋini aka jimteköteköŋini 3-16

Toroqeba pöndaŋ möt naribingö jimkutukutuŋi 17-23

Kötumötuet keu 24-25

¹“Juda bisop Jeimsgö munŋi nöŋön Jisös Kraistkö welenŋi qeba urumeleŋ alaurup embuk keu eraum mötpingöra kaba kimbi ohozal.

Anutu Iwinöŋ eŋgohola uru könömŋan jöpaköm eŋgii Jisös Kraistnöŋ sel jöhöm eŋgiiga malje.

²Anutunöŋ mönö ak kömumba urukalemŋi keleŋmaleleŋ eŋgiiga luainöŋ malme. Mewö.

Buŋa keu möwököwöramgö galöm meme keu.

³O wölböt alaurupni! Anutunöŋ amöt qem neŋgiiga letota mohotŋe Suepkö buŋaya akzini, nöŋön miangö keuŋi jim tuariba ohom eŋgimamgö sihimni ketaŋi möta malal. Mala malbi lömböriiga toroqeba mambötamgö osizal. Miangöra ohoba uruŋini kewö kuŋgum eŋgizal: Anutunöŋ mötnariŋkö keu kemaŋi pakpak mi ambazip sarakŋi neŋön

^a 1.1 Mat 13.55; Mak 6.3

memba galöm kölinga qahö utekömapköra ali bujanina akza. Mianğöra böhi takapulakaŋi tosatŋan Buŋa keu lolonqaloŋ akepuköra mönö böŋ kinda bim qeba malme.

⁴Ambazip tosatŋan möndöba urumeleŋ kambu sutŋine ölöŋ ölölöŋgöba kaŋgotketka kōnaŋamŋini goŋgoŋi mi aukŋe qahö asuhui malje. Anutunöŋ ambazip mewöŋi yeŋgö keuŋini lök mönōwök jim tekōiga ohogetka sihimbölōŋinan qakŋine öŋgō-mamgō akza. Anutuninan keuŋi ala kalem möriamŋaŋgō kōnaŋi öŋa indelakzapmō, ambazip aŋgōjōrakŋinambuk mieŋōn mönō nanŋini sero nambōŋnambōŋini turumegōra aka kalem möriamgō keuŋi mi möwōkōwōramgōba möŋaŋōŋaigetka bölimakza. Mewō aka nanine Ketanaŋnini mohot Jisōs Kraist Kembu ak nenggi-makzawi, i qaŋ köla andō qemakze.

⁵Iŋini keu pakpak mi lök nalō körōŋi möt tekōba maljemō, tōndup galöm meme keu ki ölum eŋgubapukōra kunbuk kewō jim gulim eŋgimamgō mötzal: Kembunōŋ kōnagesōurupŋi Ijipt kantrinōhök meköm eŋgiiga kagetmō, kōnaŋep tosatŋan nalō kunōŋ qahō möt narim waŋgigetka mi kōndenmōndenŋ ak eŋgii ayuhuget. Galöm meme keu mi eŋgōra aka kunbuk jizal.

⁶Mewōyök Anutunōŋ Suep garataurupŋi jakōmbuak tohoŋini al eŋgiiga malgetmō, yeŋgōreŋök tosatŋan urukōnōp aka keu bapŋe qahō anda nanŋini jakōmbuak tohoŋini galöm köl eŋgibingō urumohot qahō aka selŋini kōsōköget. Qeŋetal akeranaŋgōra aka Anutunōŋ i akōm eŋgiiga jakōmbuak miriŋini mosōta etket. Etketka “Nalō ketanaŋ keuŋini jim tekōmam,” jiba tapepnōŋ (muŋgamuŋa) gwarōhōba pandaman uruŋe al eŋgiiga tata kotkera nalō tetekōŋi qahō tat öŋgōme. Galöm meme keu mi eŋgōra aka kunbuk jizal. ⁷Tandök mohot mianŋōn Sodom, Gomora aka miri tosatŋi lilikōba tatkeri, yeŋgōreŋ asuhuyök. Ambazip mieŋōn mewōŋanök serowilin aka silegō sihim kōmbōnaŋini möwōramgōba tandökŋi kun kewō aket: Azi nanŋirök ambi nanŋirök amimba malget. Mewō malgetka Anutunōŋ likepŋini meleŋ eŋgiiga kōnōp jitŋi tetekōŋi qahō eŋgohoi sihimbölō möta mala kota malme. Mewō mala böhi takapulakaŋi yeŋgō galöm mem aŋgubingō kaisōpsōpnina ahakze.

⁸Ambazip takapulakaŋi mieŋōn mönō nalō kewōŋe tandök mohot mewōŋanōhök ahakze. Jeŋini meleŋni imutimutŋini laŋ eka mianğōreŋ möndöba wuatanaŋgōba nanŋini sileŋinaŋgō malmalŋini mem böliba kōlkōlŋiŋi miwikŋaimakze. Mewō mianŋōn Anutu jijiwilit aka jimōŋgot jim waŋgiba kukōsumŋi memba et alakze. Mewō aka Suepkō bem suahō ambazip asakmaranaŋinambuk euyanaŋgōreŋ maljei, yeŋgōra uruqeŋe keu tōhöreŋ jim eŋgimakze.

^b 1.5 Eks 12.51; Jaŋ 14.29-30 ^c 1.7 Jen 19.1-24

⁹ Mewö ahakzemö, Suep garata bohonji qetji Maikel yañon mewöyök mewö akñamgö lömböriba osiyök. Maikelnöñ Mosesgö qamötñangöra Bölönangö Toñambuk anjururuk aka möndöm-kösök ahök. Mi aka öngöba erökmö, töndup uruqeçe keu töhöreñ mi jim teköm wañgimangöra awösamkakak qahö miwikñaiiba osiyök. Osiba kewöyök jim wañgiyök, “Kembunöñ mönö mindiñ-göm gihima.”

¹⁰ Maikelnöñ mewöyök mi osiyökmö, ambazip sohoboho mieñon mönö sileñini memba öngöba Buña keu qahö möt kutumakzemö, töndup miangöra uruqeçe keu töhöreñ lañ jimakze. Tönpin mala sömbup soñ ewö lañlañ malje. Mötkutukutuñini ölni qahö asuhuiga sömbup malmalgö sihimñini korembiñi miyök mörakze. Nanñini sihim mötmötniñi goñgoñmañgoni mieñon mönö köndeñ engigetka ayuhume. ¹¹ Anutunöñ böhi takapulakani mieñgö likepiñi melenñ engiiga sihimbölä ketani mötmeangöra wöziköba Yei! jizal. Ambazip sohoboho mieñon azi Kein (Kain) yañgö könañi mötöteiba anakze. Könañep kerök azi kembu kunöñ azi qetji Balam töwa wañgiiga Israel ambazip tilipköm engiiga jañjuñ anget. Böhi takapulakani mieñon Balamgö silikni wuatangöba moneñ miwikñaiibingöra urukönöp möta yuai iliñölañ ak bibihiba lañ sohomakze. Azi qetji Kora yañon Moses aka Aron tuarenjoñ ak etkiba köndeñmönöñ miwikñaiiga ayuhuyöhi, böhi mieñon mönö Kora ewö kezapjupjup aka mala ayuhume.

¹² Urumeleñ enñon urukalem kondel angubingöra tokoba lömbuan algetka takapulaka böhi mieñon mönö miangöreñ mewöyök kamakze. Kaba dogoñini aukñe kondela nanñinanöhök gumohom anguba bau numbu nemakze. Mewö aka engö sile töwötñini boromni boromni gamuñinambuk ewö akze. “Ziozgö lama galöm akzin,” jiba ala engöra qahö mötmöriba kelök keu lañ jimakze.^f Kousu omani töhöntöhön kieñini qahö mewö malgetka luhutnöñ muwutapköm engiiga lañlañ anda kamakze. Ölni ahumapkö nalöñe ipni ipni araroni ölni qahö ewö kinje. Guluñ sinñinanök ewö aka mutuk köhömuñi aka jalöñini malmal köhöikñangö könañeyök qözöla tala kunbuk kömum köhöigetka yahöt aiga köhömuñi kötökni aka malje.

¹³ Yeñon köwet siri kukñinambuk ewö lañ kundutketka ahakmemeñinan gamuñambuk mi qölqölsöt gödöwörötñambuk ewö aukñe asuhumakza. Señgelau tosatñan könañini siñgiba lañ erakzei, yeñon mönö miangö dop jañjuñ qemakze. Señgelau mieñgö dop eta Anutunöñ yeñgöra pandaman göjiwinangö uruñe miri areñgöm engiyöhi, mönö emuyañgöreñ dutje geba nalö teteköni qahö tat öngöme.

^d 1.9 Dan 10.13, 21; 12.1; Ind 12.7; Dut 34.6; Zek 3.2 ^e 1.11 Jen 4.3-8; Jañ 22.1-35; 16.1-35 ^f 1.12 Böhi mieñon törom ewö asamböta tatzemö, wañgeñinan yeñgöreñ qaköba jömgöbapuk.

¹⁴Adamgö sakonjanğö isiŋi qetŋi Enok yaŋön mewöyök ambazip takapulakaŋi mienğö kezapqetok keuŋini qeljiŋe kewö jii ahöza: “Mötket, Kembunöŋ Suep suahö ambazip töröŋi tausenŋi tausenŋi jaŋgö öngöŋgöŋi ketani mi engömembra eta asuhume. ¹⁵Asuhugetka körek pakpak nengö keunini jim teköma. Ambazip aŋgöjörakŋinambuk yeŋön ahakmeme aŋgöjörakŋinambuk wuataŋ-göba siŋgisöndokŋini aŋgöjörakŋinambuk aka kotkeri, mi pakpak kewöta mianğö likepŋi melej eŋgiiga körek yeŋgö qakŋine öngöma. Pinjit ambazip aŋgöjörakŋinambuk mienğön keu jenöŋ gege gamuŋambuk mianğön Anutu jim qetal waŋgiba kotkeri, mianğö likepŋi pakpak melej eŋgiiga sihimbölöŋini möta malme.” Enoknöŋ galöm meme keu mewö jiyök.

¹⁶Böhi sohobocho mienğön jimongot aka sesekŋai ewö ihururuk laŋ jim aŋgumakze. Nanŋini sihim kömbönaŋini bölöŋi wuataŋ-göba tereŋqereŋda sileŋini membra öngöba jakbak-öraŋböraŋ ahakze. Ambazip tosatŋi göda qeba kelök eŋguze ewö, mi yuai melejda nanŋine eŋgimegö sihimŋi möta kelewele ahakze. Mewö malje.

Galöm meme aka qambaŋ keu tosatŋi

¹⁷Mewö maljemö, wölböt alaurupni, Kembunini Jisös Kraistkö aposolurupŋan böhi takapulakaŋi yeŋgö keuŋini lök qeljiŋe jiget ahöza. Iŋini yeŋgö keuŋini mi ölum eŋgubapuköra galömnini mem aŋguba malme. ¹⁸^hAposol yeŋön eŋgöra keu kewö jiget, “Jisösgö kaka nalöŋan töriiga nalö teteköŋe mianğöreŋ mepaqepaik ambazip asuhume. Yeŋön nanŋini sihim kömbönaŋini bölöŋi wuataŋgöba malmal aŋgöjörakŋinambuk malme.” Mewö jiget.

¹⁹Ambazip takapulakaŋi mienğön mönö sutŋine urujjul ak eŋgigetka simbisembel akepek. Uŋa Töröŋan qahö sölölohöm eŋgiiga gölmegö sihim kömbönaŋi bölöŋan galöm köl eŋgiiga mi wuataŋgömakze. ²⁰O wölböt alaurupni, Anutunöŋ mötnarip qainŋi kun eŋgiyöhi, mianğön mönö tandöŋini bohonŋi öngöŋgöŋi ewö akza. Eŋön mönö mötnarip mianğö qakŋe kinda naŋgöm aŋguba köhököhöi miwikŋaimakŋe. Uŋa Töröŋan inahöm eŋgimakzawaŋgö dop mönö yaŋgö ösumnöŋ kinda köuluköba malme. ²¹Anutunöŋ jöpaköm eŋgimakzawi, iŋini mönö yaŋgö urukalemŋe böŋ qeba kinme. Kembunini Jisös Kraistnöŋ ak-kömukömu eŋgiba kunbuk asuhuba malmal köhöikŋe aŋgota oyaekoyaek malme. Iŋini mönö nalö mi kam kuŋgumapköra kapaŋ köla mamböta malme.

²²Ambazip uruŋini melejbingö uruyahöt akzei, mi mönö ak kömumba urukalem ak eŋgiba malme. ²³Tosatŋan könöp bölamnöŋ an taköbingö tandök akzei, i gebepuköra mönö wölaŋ öröba bohonŋini jöhöm eŋgigetka letotpeak. Tosatŋan sihim kömbönaŋini bölöŋan galöm köl

§ 1.14 Jen 5.18, 21-24 ^h 1.18 2 Pitö 3.3

enjiiga qemasolokep maljei, i mönö ak kömumba jöpaköm enjiba malme. Mewö malmemö, nanjini malmaljinan bölibapuköra mönö kenjötjini möta malme. Qemasolokep yerjön siŋgisöndokji siŋgisöndokji aketka miajön urujini silenjini kokolak qeiga aukje töwiba maljei, yengöra mönö galömjini mem aŋguba malme. Kölköljinjinj akepuköra mönö opo sörönjini töwötjinambuk mi tok sisitjini memba kude misirime. Mewö.

Möpömöpösei keu

²⁴Mönö Anutu möpöseimakin. Yaŋön injini tala et enjuba-puköra sel jöhöm enjimangö köhöiza. Yaŋön ölop enjuaŋgita nanji je mesoholje al enjii aŋgota solanji keujini qahö kinda asakmararaŋi eka söŋgaiba köiraŋ köla malme. ²⁵Anutu mohotjan Amötqeqe Tonini akza. Kembunini Jisös Kraistnönj nam köl nejiiga Anutu möpöseim waŋjiinga qetji aködamunŋambuk aka ahöma. Yaŋön möpŋaŋgö möpŋeyök könahiba kota Öŋgöŋgö-ŋamnini kukösumŋambuk akza aiga nalö kewöŋe toroqeba yuai pakpak ösum-mumuŋan galöm köla nalö teteköŋi qahö Kemu ak nejiiba malma. Keu mi ölja.

Indelindel keu

Kraistnönj keu tölapnji

Jongörej indelök.

Jim-asa-asari

Jisösnönj gölme mosöta Suep mire öngöiga yambu 65 miangö dop teköiga aposol Jonönj Kimbi ki ohoyök. Nalö miangörej urumelej könagesö Jisös möt narigeri, i sesewerowero ketañi ak engiget. Jon mi gölme jölanñi qetñi Patmos miangörej al wangigetka kösö mire ewö tarök. Patmos maliga Anutunönj jeñi melejñiga yuai könangep asuhumapkö imutñi ehök.

Keu bohonñi kewö: Jisösnönj Satan aka kerökurupñi pakpak luhut ala memba et al engim teköma. Mewö aka mötnarip ambazip kötuatköm neñgiiga Suep dölökñi aka gölme dölökñi miangörej angota teteköñi qahö oyaenjkoyaen malbin. Sesewerowero uruñe malgeri, yeñön lömböt möta mökösoñda Jisös möt nariba pöndañ böñ qeba kinmegöra kuñgum engimakza. Jisösnönj keuñi keuñi mewöñi jim kutuba indeliga Jonönj möta Kimbi ki ohoyök. Mi urumelej ambazip urunini nangömamgöra aka ohoyök. Söpsöp keu aka keu tölapñi mi gwötpuk. Keu tosatñi möt kutubingö möt bibihizin.

Buk kiangö bahöñi bohonñi 11 mi kewö:

Keu mutukñi *1.1-8*

Zioz kambu 7 yeñgö kimbiñini *1.9-3.22*

Kimbi köpöp supap 7:ñan jöjöhöñi *4.1-8.1*

Tömun qainñi kun 7 uget *8.2-11.19*

Sekak namñi aka jemnemba yahöt *12.1-13.18*

Jemelej imutimut könañi könañi *14.1-15.8*

Anutugörej irimesewöl qambi 7 mokoget *16.1-21*

Babilon siti, jemnemba, kezapqetok takapulakañi aka Satan yeñgö ayuayuhu *17.1-20.10*

Jimtekötekögö nalö ketañi *20.11-15*

Suep gölme dölökñi aka Jerusalem dölökñi *21.1-22.5*

Keu kötñi teteköñi *22.6-21*

1 ¹ Anutunöŋ yuai könangep zilaŋ asuhumawi, miangö könangi nup memeurupŋi neŋgöra kondel neŋgimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenqeŋeŋi Jon nöŋgöreŋ kaba jiiga möral.

² Jisös Kraistnöŋ Anutugöreŋ Buja keu nangöba jim asariba kondel niŋgiiga Jon nöŋön yuai mi jeni meleŋniga uba ehali, mi pakpak miangö dop toroqeba nangöba jim asariba ohozal. ³ Kunŋan kezapqetok keu ki oyoŋmawi, yaŋön mönö simbawoŋ akza. Jisösgö kaka nalöŋan töriza. Miangöra kimbi kiaŋgöreŋ keu ohoi ahözawi, ambazip mi kezap ala mötmei aka mi möt sölöŋgöba angön kölmei, yeŋön mewöyök simbawoŋ akze. Mewö.

Jonöŋ Eisia prowinsgö zioz kambu 7 yeŋgö jölöŋini alök.

⁴ Jon nöŋön Eisia prowinsgö zioz kambu 7 eŋgöra kewö ohozal:

Kunöŋ mal köhöizawi, möpŋangö möpŋeyök mala koröhi, aka kunbuk lilingömawi, yaŋön mönö kalem möriam eŋgiiga luainöŋ malme. Mewöŋanök Anutugö uŋa bohonŋi 7 yaŋgö jakömbuak dum wösöŋe kinjei, yeŋön mönö kalem möriam eŋgigetka luainöŋ malme.

⁵ ^b Jisös Kraistnöŋ Anutugö könangi pöndaŋ nangöba jim asariba mala mutukŋa kömupnöhök wahörök. Yaŋön gölmegö kiŋ kembu yeŋgö Kembuŋini akza. Yaŋön mönö sepŋan saŋgoŋda siŋgisöndoknineyök pösat neŋgiba jöpaköm neŋgimakza. ⁶ Yaŋön nini nanŋi bemtohoŋe ala mem letot neŋgiiga kiŋ ewö akzin. Buja nup galömurupŋi (prist) aka nanŋi Iwi Anutuŋangö welenni qemakzin. Neŋön yaŋgö qetbuŋaŋi aka kukösumŋi möpöseininga nalö teteköŋi qahö aködamunŋambuk ahöm öŋgöma. Keu mi öŋa.

⁷ Eket, Kraistnöŋ mönö kousu uruŋe eta kama! Kamawi, nalö miangöreŋ nini körekmakörek i jeninan uba ekin. Börö marömŋi qetohogeri, yeŋön mönö mewöyök i ekŋe. Ambazip kambuŋi kambuŋi gölme dop tat anjini, neŋön mönö i eka körekmakörek yaŋgöra aka jŋgeŋ köla amburereŋ akin. Keu mi ölböŋa, uruyahöŋi kun qahö.

⁸ Kembu Anutu mal köhöizawaŋön kewö jiza, “Nöŋön mutuhök mala (yuai pakpak miwikŋaiba könangep jiba qahöwahiga) qöndökŋa mal öŋgömam. Miangö dop nöŋön kulem namŋi mutukŋi A aka kulem namŋi qöndökŋi Z akzal.” Nöŋön kukösum pakpakö Tonŋi möpŋangö möpŋeyök mala kota maljal aka kunbuk lilingömam. Mewö.

Suep gölmegö azi öŋangö tandökŋi kewö ehal:

⁹ Jon nöŋön eŋgö urumeleŋ neŋakŋini akzal. Kraistpuk qekötahöbiga nanŋi bemtohoŋe al niŋgiiga ambazipnöŋ sihimbölo ak niŋgigetka

^a 1.4 Eks 3.14; Ind 4.5 ^b 1.5 Ais 55.4; Sum 89.27 ^c 1.6 Eks 19.6; Ind 5.10 ^d 1.7 Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 ^e 1.8 Ind 22.13; Eks 3.14

wahöjalinj mörakzal. Mi embuk möta mökösoŋda kapaŋ köla köhöiba kinjal. Anutugöreŋ Buŋa keu jim sehiba Jisösgö könaŋi naŋgöba jim asariba malalaŋgöra nömemba köwet jölanŋi qetŋi Patmos^f miangöreŋ al niŋgiget malal. ¹⁰Kembugö sonda kendon tatat nalö kunöŋ Uŋa Töröŋan nömeiga alburup umumŋan qakne öŋgöiga andöneyök qet ketaŋi kun möral. Qet kourukŋi mi tömun qainŋi kun (biugel) qetzawi, miangö tandöktandök ahöyök.

¹¹Qet mianöŋ kewö jiyök, “Öroyuai uba ekŋani, miangö keuŋi mönö kimbi köpepnöŋ ohoman. Ohoba alnöŋga zioz kambu 7 yeŋgöreŋ anma. Siti 7 miengö qetŋini kewö: Efesus, Smörna, Pergamum, Taiataira, Sardis, Filadelfia aka Laodisia.”

¹²Keu mewö jiiga ötöŋi mörali, “Mi daŋön?” jiba eka mötmamgöra lilingöyal. Lilingöba kinda lambegö dum tatat goulnöŋ memerŋi 7 kingetka ehal. ¹³Lambegö dum tatat miengö sutŋine azi kun ekiga kaisoŋgolomŋan gölme azigö tandök ahök. Malukuŋi köröpŋi köla öroiga köna susuŋe eta turuyök. Opo jöhan maŋgihilakŋi goulŋambuk mi örigit ewö töptöŋne embahöm aŋguba kinök.

¹⁴Nöröp juŋŋan tuat lalamŋi kousu köpköp (snow) ewö ahök. Lama juŋŋi saŋgoŋgetka tuarizawi, mönö miangö dop ehal. Jekötŋan könöp bölam ewö jem asariiga kinök. ¹⁵Köna susuŋan sösönihibe gohotŋi ahök. Ain bras könöpŋöŋ ala delasi ohogetka jeiga gögöriŋ tohomakzawi, mönö miangö dop kölköl-bilikbilikŋambuk ahöyök. Keu jii mörali, mi o ketaŋan sianöŋ giliga ötöŋi ketaŋi mörakzini, mönö miangö dop ahöyök. ¹⁶Böröŋi ölnan seŋgelau 7 memba kinök. Numbuŋeyök bimgö sou ketaŋi (bainat) jityahötŋi likelike zuluk alalŋan erök. Jemesoholŋan wehön jeŋi körek asarim tekömakzawaŋgö dop asariiga ehal.

¹⁷Nöŋön i eka uruni duhui yaŋgö könaŋe tala eta kömup tandök ahöyal. Mewö ahöbiga böröŋi ölnan nöŋgö nöropne ala kewö jiyök, “Mönö keŋgötki kude mötnöŋ! Nöŋön mutuhök mala (yuai pakpak miwikŋaiba könaŋgep jiba qahöwahiga) qöndökŋa mala öŋgömam.

¹⁸“Nöŋön malmal Toŋi akzal. Kömumba malalmö, mötnöŋ, nöŋön mönö guliba wahöta malmal köhöikŋi teteköŋi qahö mal öŋgömam. Nöŋön kömupkö kondotkondot Toŋi galöm köla kömupkö uŋem miri Toŋi oŋgita kiŋi moröŋi memba maljal. ¹⁹Miangöra yuai nalö kewöŋe asuhuzawi aka könaŋgepŋe asuhumawi, nöŋön miangö könaŋi kondelbi ekŋan. Yuai ekŋani, mi mönö papianöŋ ohonöŋga ahöma. ²⁰Seŋgelau

^f 1.9 Patmos mi köwet jölanŋi moröŋi (Yurop aka Afrika) Sutŋire Köwet miangöreŋ ahöza. Efesus mosöta Saut göröken 80 kilomita anman. Rom gawman yeŋön kegwek-kahasililij ambazip keuŋini jim teköba közöla eŋguangitketka miangö kösö mirinöŋ malget. Ölöŋ kölböŋgö osiget. Gölme mi qararaŋkölkölŋa, kötŋi sehisehiŋi. Jonöŋ yeŋgö sutŋine maliga sisa-kiŋ Nerwagö nalöŋe (yara 96-98) pösatketka erök. § 1.13 Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

7 böröni öljə ahözei aka lambegö dum tatat goulnöj meməji 7 ekzani, miəngö könəjini töləpəji kewö: Seŋgelau 7 mi zioz kambu 7 miəngö garata galömjinaŋgö söpsöp akze. Lambegö dum tatat goulnöj meməji 7 miəjön mönö zioz kambu 7 miəngö söpsöp akze.” Mewö.

Efesus urumelenj könagesö yeŋgö qambaŋ keu

2¹ Jisösnöj toroqeba jiyök, “Jon göjön mönö Efesus sitigö zioz kambu yeŋgö pom garataŋinaŋgöra kimbi kewö ohoman, “Kunöj böröjini öljə seŋgelau 7 memba lambegö dum tatat goulnöj meməji 7 miəngö sutjine anda kaba kinakzawi, yaŋjön keu kewö jiza: ²Nöjön göhö ahakmemegahö könəji möt kutubi kewö ahöza: Göjön nöngöp ariba nupni köhöikəjanök memba malakzan. Aŋgösirip kapaŋ köla möta mököstönda malakzan. Ambazip gongonji yembuk ala qahöpmahöp aka öljə qepureiba közöl eŋgimakzan, mi mötzal. Tosatəjan melaimelai azi aposol qahö aka töndup qetjini mewö qerakzei, göjön i esapesapnöj ala kewöt eŋginöŋga munəj jijiŋinaŋgö könəjinaŋ aukje asuhuyök.

³“Tosatəjan nöngö qetnaŋgöra aka kahasililij ak gihigetka sihimbölo kapaŋ köla möta mököstönda malnöj. Ösumeret ölan qahö aka malnöjmö, yuai pakpak möt köstönda kinda malnöj, mi mötzal. ⁴Mewö malnöjmö, urugahö keu kun kewö mötəpi qahö dop kölja: Mutuhök urugi melənda önöjini qahö jöpaköm niŋgiba malnöjmö, urugan mönö sörauiga nalö kewöje amöriba maljan.

⁵“Mutuhök urusöstöŋgai ketəji möta malnöjmö, miəngöreŋök löwöriba eta eta amöriba et qeba maljan. Gi mönö nangi könəgi mi mötmöriba möt kutuman. Miəngöra mönö urugi meləman. Mutuhök urumelenj yuaiŋi aknöjini, mönö miəngö dop kunbuk suariba akəjan. Urugi siŋgisöndok miəngöreŋök qahö meləman ewö, nöjön mönö göhöreŋ kaba lambegö dum tatatki qeköbiga urumelenj könagesö Efesus miəngöreŋ kunbuk qahö ahöma. ⁶Et guhuyökmö, göhöra kewö mötəpi ölöwakza: Göjön Nikolait yeŋgöreŋ ahakmeməjini tököba uru önön ahakzan. Nöjön mewöjanök mi tököba miəngöra uru önön ahakzal.

⁷^h“Eŋgöreŋök kunjan kezapəambuknöj malja ewö, Uə Töröjan zioz kambuŋi kambuŋi neŋgöra keu jimakzawi, yaŋjön mönö mi kezap ala möt kutuma.

“Kunjan esapesap bölöjini pakpak oŋgita luhut almawi, nöjön mönö i waŋgitpiga Anutugö oyaenkoyaəj nupnöj (paradais) euyəngöreŋ öngöba malmal köhöikəjanjögö ip aumje tata kötəji namba malma.” Mewö.

^h 2.7 Jen 2.9; Ind 22.2; Eze 28.13; 31.8

Smörna urumelej könagesö yengörej qambañ keu

⁸“Smörna sitigö zioz kambu yengö pom garatañinañgöra mönö kimbi kewö ohoman,

“Kömumba guliba mal köhöizawañon mutuhök mala (yuai pakpak miwikñaiba könangep jii qahöwahiga) qöndökña mal öngömawi, yañon keu kewö jiza: ⁹Göñon wahöjalij möta etqeceñi akzani, mi mötzalmö, Anutugö jeje qetbuñagan öngöñgöñi aiga simbawon akzan. Tosatñan Juda ambazip qahö aka töndup qetñini mewö qerakzei, yengön mepaqepaik aka andö qem gihigetka añgösirip mörakzani, mi mötzal. Yengön ‘Köuluk miri ölni akzin,’ jiba aiakaninan Satan möpöseimakze.

¹⁰“Sihimbölö möta malmanmö, miangöra keñgötki kude mötman. Mötnöñ, Bölöñañgö Toñan esapesapnöñ al engimamgöra ambazip kuñgum engiiga engöreñök tosatñi engömembra kösö mire al engime. Añgösirip ak engimei, iñini mi silim 10 möta malme. Malbeak me kömumbeak, mönö nömbuk pöndañ kingetka nöñon malmal köhöikñañgö ila jalöñi engimam.

¹¹“Engöreñök kuññan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yañon mönö mi kezap ala möt kutuma.

“Kuññan esapesap bölöñi pakpak oñgita luhut almawi, yañgö sileñan kömuiga mohot akñapmö, kömup yahötñi qahö kömumba geñmororon qahö miwikñaima.” Mewö.

Pergamum urumelej könagesö yengö qambañ keu

¹²“Pergamum sitigö zioz kambu yengö pom garatañinañgöra mönö kimbi kewö ohoman,

“Kunöñ bimgö sou ketañi (bainat) jityahötñi likelike zuluk alañi memba maljawi, yañon keu kewö jiza: ¹³Göñon malmal tatatki denike ala maljani, mi mötzal. Satanöñ nanñak jakömbuak dum tatatñi ali ahözawi, gi mönö miangö kösutñe malakzan. Töndup nöñgö qetni memba nömbuk toroqeba qekötahöba kinakzan. Satangö malmal tatatñi Pergamum siti miangörej ahöiga Antipas yañon nöñgö könañamni nañgöba jiba jembon oñi nene (qariwe ilikñi nene) ewö kinökmö, i engö sutñine miangörej qeget kömuyök. Göñon ni möt narim niñgimakzani, keu mi nalö miangörej mewöyök qahö köyatiba qañ kölnöñ.

¹⁴^k“Mewömö, urugahö keu moröñi kun kewö mötpi qahö dop kölja: Göhö könagesö sutñine tosatñan kezapqetok azi takapulakañi qetñi Balam yañgö janjuñbuk mala wuatangömakze. Kantri tosatñi yengön

ⁱ 2.8 Ais 44.6; 48.12; Ind 1.17; 22.13 ^j 2.11 Ind 20.14; 21.8 ^k 2.14 Jañ 22.5, 7; 31.16; Dut 23.4; Jañ 25.1-3

nene memba tandö lopion yengö naluk kötin buja qeba könajine algetka ösumņinan walöjnöhi, Israel ambazipnöy mi qahö nezema. Mutuk qahö negetmö, Balamnöy azi qetņi Balak kewö kusum waņgiyök, ‘Gi mönö Israel ambazip mi nemegöra tutuhum engiman.’ Mewö kusuba kuņgum engiba simba ewö utuba alöhi, yeņön mönö miaņgöreņ qaköba amqeba neget aka serowilin laņ aket. Engöreņök tosatņan Balamgö mötmöt mi wuatañgömakze.

¹⁵“Mewöñanök göhö könagesö sutņine tosatņan Nikolait yeņgöreņ mötmöt munerņi memba wuatañgömakze. ¹⁶Miaņgöra gi mönö urugi meleņman. Mewö qahö akņan ewö, nöņön mönö zilaņ göhöreņ kaba könagesöurupki mewöņi mi qetal engimam. Numbune bimgö sou ketañi (bainat) ahözawi, miaņön mönö yarö gil engimam.

¹⁷“Engöreņök kuņņan kezapņambuknöy malja ewö, Uņa Töröñan zioz kambuņi kambuņi neņgöra keu jimakzawi, yaņön mönö mi kezap ala möt kutuma.

“Kuņņan esapesap bölöņi pakpak oņgita luhut almawi, nöņön mönö nene tölapņi qetņi mana aka köt tuatņi waņgimam. Yahöt mi waņgibiga köt tuatņi miaņgöreņ qetņi dölöķņi ohogetka ahömawi, mi nanņök oyonđa mötma. Tosatņan mi qahö mötme.” Mewö.

Taiataira urumeleņ könagesö yeņgö qambaņ keu

¹⁸“Taiataira sitigö zioz kambu yeņgö pom garataņinaņgöra mönö kimbi kewö ohoman:

“Anutugö Nahönņañgö jekötņan könöp bölam ewö jem asariiga köna susuņan sösönihiba ain bras ewö kölköl-bilikbilikņambuk akzawi, yaņön keu kewö jiza: ¹⁹Nöņön göhö ahakmemegahö könaņi möt kutubi kewö ahöza: Göņön Anutu jöpaköba möt narim waņgiba nupņi memakzan aka aņgösirip kapaņ köla möta mökösoņđa malakzan. Könakönahiņe yuai aka menöņi, mi mönö nalö kewöņe mem sehiba aka memakzan.

²⁰“Mewö memakzanmö, urugahö keu kun kewö mötņi qahö dop kölja: Göņön ambi qetņi Jezebel yambuk urumohot aka i qahöpmahöp qepureim waņgimakzan. Yaņön kezapqetok ambia qahö akzapmö, töndup nanņi qetņi mewö qerakza. Yaņön ambazip tutuhuba kewö kusum engimakza: Tandö lopiongö naluk kötin neneya buja qeba könajine algetka ösumņinan walöjnöhi, mi mönö ölöp nemba malme. Mewö kusum engiba nup meme alaurupņi kuņgum engiiga löwöriba janjuņ anda mi nemakze aka serowilin laņ ahakze. ²¹Nöņön Jezebel uruņi meleņmapköra nalö waņgialmö, serowilinņi mosöta uruņi meleņmapkö qahö möta töndup malja.

¹ 2.17 Eks 16.14-15; 16.33-34; Jon 6.48-50; Ais 62.2; 65.15 ^m 2.20 1 Kiņ 16.31; 2 Kiņ 9.22, 30

22 “Miangöra nönön ambi mi qeiga kawöl yöhöiga salöknön ahöba sihibölö mötma. Mewöyök yambuk sero yongorö ahakzei, yejön ahakmemenini bölöni mi qahö mosöta urunini meleye ewö, nönön mönö i mohot engubiga sihibölö kanjamambuk mötme. 23 “Yanğö nahönböraturupni i mönö engum könjöratpi kömume. Mewö akiga zioz könagesö körek enjön engeka nönğö könani kewö möt yaköme: Nönön ambazip urumötmötjini kewöta jit aka urusihimjini körek möt kömumba ahakmemeninağö dop likepni meleyda körek mohot mohot enğö qakjine öngöma. Nönönök mönö miangö Toji akzal.

24 “Yeğgöra mewö asuhumapmö, Taiataira enğöreñök tosatjan Zezebelğö mötmöt areni mi qahö wuatangömakze. Mewö qahö aketka enğöra mepaqepaik kewö aka jim enğimakze, ‘Inini mötmöt öngöngöñanğö könani qahö möt kutuba yaigep malje.’ Mepaqepaik mewö jiba ak enğimakzemö, Satangö buña mötmötköra qet mewö qerakze. Nönön zioz kambu körek enğöra kewö jibi mötme: Nönön lömböt kun qahö suariba albi enğö qakjine öngöma. 25 Inini Buña keu memba maljei, mönö miangöreñ qekötahöba malme. Nönön kunbuk liliğömamangö dop mönö mia wuatangöba malme.

26 “Kunjan esapesap bölöni pakpak ongita luhut ala kömumawangö dop mönö töndup jitni tem köla ahakjawi, nönön i kukösum wanggibiga kian kantriñi kantriñi galöm köl enğiba malma. 27 Iwinan kukösum niñgiiga mi buña qem anguba Kembu maljal. Mewöñanök enğöreñök kunjan luhut almawi, nönön i jakömbuak nupkö ilañi aka ain öröpni wangimam. Mi wanggibiga miangön gölmeñi gölmeñi ambazip galöm köl enğiba köhöikñanök mindiğöm enğiba malma. Gwaköm kimbut öröpnön qeba qesiñjei, yanön mönö miangö dop qeçetal ambazip öröp pöwöwöm köhöikñi miangön enğuba köndenğa menden enğiiga qeçelanğaj malme. 28 Mewöyök söñangö undi señgelau wangimam.

29 “Enğöreñök kunjan kezapñambuknön malja ewö, Uña Töröñan zioz kambuñi kambuñi neğgöra keu jimakzawi, yanön mönö mi kezap ala möt kutuma.” Mewö.

Sardis urumelen könagesö yeğö qambañ keu

3 1 Jisösnön toroqeba kewö jiyök, “Sardis sitigö zioz kambu yeğö pom garataninağgöra mönö kimbi kewö ohoman,

“Kunön Anutugö uña bohonni 7 aka señgelau 7 mi böröñe ahöi memba maljawi, yanön keu kewö jiza: Nönön göhö ahakmemegahö könani möt kutubi kewö ahöza: Göñön ambazip jeñine guliba maljanangö qetni bisimakzanmö, Anutugö jeñe köhömuñi akzan. 2 Miangöra mönö imbigi möta wahötman. Göhö ahakmemegan nönğö Anutunangö

° 2.23 Sum 7.9; Jer 17.10; Sum 62.12 ° 2.26-27 Sum 2.8-9

jeŋe aködamunŋambuk qahö akza. Göhö könajamgi kewöta mewö miwikŋajal. Göhö könagesö uruŋe urumelen ambazip tosatŋi kunbuk maljemö, yeŋön mewöyök kömum taköbingö akze. Miaŋgöra göŋön mönö mem köhöim eŋgiba malman.

^{3p}“Anutugö yuai gihigetka buŋa qem aŋguba mötnöŋi, mi mönö urukönömge jöhöba mötmöriman. Buŋa mi mönö tem köla urugi meleyenman. Guliguli qahö malman ewö, nöŋön mönö yoŋgorö meme ewö ölöŋ kaba asuhumam. Kamamaŋgö aua nalöŋi qahö mötnöŋga keunan mönö zilaŋ qake öŋgöiga lömböt miwikŋaiman. ⁴Mewömö, Sardis zioz kambu eŋgö sutŋine ambazip awamdökŋi eŋön opo söronŋini ölöŋŋanök galöm kölgetka töwötŋambuk qahö akze. Miaŋgöra yeŋön ölop maluku tuatŋan sileŋine löŋgöta nömbuk anda kaba malme. Yeŋön mönö mewö aka malmeaŋgö dop akze.

⁵“Kunŋan esapesap bölöŋi pakpak oŋgita luhut almawi, yaŋgöra mönö maluku tuat lalamŋi waŋgigetka köla malma. Yaŋgö qetŋi malmal köhöikŋaŋgö buk papianöŋ ohoget ahözawi, nöŋön mi qahö kutumam. Iwinanŋö jemesoholŋe aŋgoriga Suep garataurupŋan eketka qetŋi ölop aukŋe jim miwikŋaim eŋgimam.

⁶“Eŋgöreŋök kunŋan kezapŋambuknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yaŋön mönö mi kezap ala möt kutuma.” Mewö.

Filadelfia urumelen könagesö yeŋgö qambaŋ keu

^{7a}“Filadelfia sitigö zioz kambu yeŋgö pom garaŋaŋinaŋgöra mönö kimbi kewö ohoman,

“Kunöŋ Azi Töröŋi aka Ölbölŋi aka kiŋ Deiwidkö ki moröŋi memba galöm köla maljawi, yaŋön keu kewö jiza: Yaŋön naŋgu metaliga kunŋan mi köla kiŋi memamgö osima. Yaŋön mi köla jöhöiga kunŋan mi musulmamgö osima. ⁸Nöŋön göhö ahakmemegahö könajŋi ölop möt kutuzal. Alani mötnöŋ, göhö ösumgan eretŋi akzawi, mi mötzal. Eretŋi akzapmö, göŋön mönö nöŋgö Buŋa keuni tem köla könani wuatŋagöba qetni qahö qaŋ köla malnöŋ. Miaŋgöra nöŋön naŋgu kun wösöge metalbiga kunŋan mi kölmamgö osima.

^{9r}“Mötnöŋ, kambu kun yeŋön ‘Köuluk mirininambuk akzin,’ jiba aiakaŋinan Satan möpöseimakze. Juda ambazip qahö aka töndup qetŋini mewö qeta muneŋ jimakze. Nöŋön ambazip mi kuŋgum eŋgibiga göhö könajamgi möt asarime. Mi möt asariba kaba göhö könage sipköba eta jöpaköm gihimakzali, mi aukŋe jim miwikŋaime. ¹⁰Nöŋön kapaŋ köla lömböt möta mökösoŋda kin köhöimangö jiali, göŋön nöŋgö

^p 3.3 Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8 ^a 3.7 Ais 22.22; Job 12.14 ^r 3.9 Ais 49.23; 60.14; 43.4

jimkutukutuni mi anġon köla wuatangöba malnön. Miangöra nöñon mewöyök gi kewö anġon köl gihimam: Wahöjalinġ nalö tandökñi kun kaba kantriñi kantriñi dop köla gölmenön mal anjei, mi esapesapnön al enġima. Nalö miangön kam kuñguiga nöñon gi wahöjalinġ miangöreñök meköba bohongi jöhömam.

¹¹“Nöñon mönö zilañ liliñgöba kamam. Kunñan utum gihiba ila jalö memenje luhut al gihibapuköra mönö urugö inap ahöm gihizawi, mi mönö töp memba malnönnga qahö sohoba kahaimök ahöma. ¹²“Kunñan esapesap bölöñi pakpak onġita luhut almawi, nöñon mönö i wanġita nöñgö Anutunangö möpömöpöse i jike (tempöl) uruñe kuñgubiga tandöñi akña aka nalö kunön mi kunbuk qahö mosötma. Miangöreñ maliga sileñe nani Anutunangö qetñi, Anutugö sitiñangö qetñi aka nani qetni dölokñi qet karöbut mi ohomam. Anutunan Jerusalem sitiñi dölokñi mi nanñi mire euyangöreñ ali ahözawi, miangön Suepnöhök eta gölmenön asuhuma.

¹³“Enġöreñök kunñan kezapñambuknön malja ewö, Uña Töröñan zioz kambuñi kambuñi neñgöra keu jimakzawi, yañon mönö mi kezap ala möt kutuma.” Mewö.

Laodisia urumeleñ könagesö yeñgö qambañ keu

¹⁴“Laodisia sitigö zioz kambu yeñgö pom garatañinañgöra mönö kimbi kewö ohoman,

“Kun qetñi Amen. Yañon Anutugö keuñi pöndañ nañgöba Dangunu ölbölñi akza. Anutu bauköiga yuai pakpak miwikñaiyohotka galöm kölakzawi, yañon keu kewö jiza: ¹⁵Nöñon göhö ahakmemegahö könanñi möt kutubi kewö akza: Urugi qahö amöriza aka nöñgö könöp bölamnan uruge qahö jemakza. O urugan amöribawak me könöwibawak, miangön mötpi dop kölbawakmö, jöñañe malnönnga qahö dop kölja.

¹⁶“Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutñire uruyahötnön lañ maljanangöra mönö numbuneyök söwötköm gihibi geman. ¹⁷Nangi silegi mem öngöba kewö jimakzan: Nöñon azi kindiñbirik qetbuñanambuk akzal. Sukinap mem sehiba dopne miwikñaizal. Siyoñsayonñi qahö mala yuai kungöra qahö osizal. Mewö jimakzanmö, könanñamgi ölni qahö möt kutuzani, mi kewö: Göñon mönö kumkanjam aka tapötkokorok (dabökokorok) malnönnga tosatñan wösömötmöt ak gihimakze. Wanapñi mala jegi gömöliiga tiktak sile aukñe malakzan.

¹⁸“Miangöra qambañ keu kewö gihizal: Göñon nöñgöreñök yuai karöbut ki söñgöronñi meman: Azi kindiñbirik qetbuñagabuk akñangöra

* 3.12 Ind 21.2; Ais 62.2; 65.15 † 3.14 Qam 8.22

mönö goul könöpnöj delasi ohoba gödöwörötji menderget sösönihiba eta qahöwahöhi, mi mönö bohonji meman. Sile aukje malakzani, miaᅇgö gamuᅇi közambötmanᅇöra mönö maluku tuatji bohonji memba löᅇgötman. Jegi gömölizawi, miaᅇgöra mönö jepisik kelök mi bohonji memba jegi törörök umangöra miriman. ¹⁹“Nöᅇön wölböt alaurupni jöpaköm eᅇgimakzali, mi körek bölöᅇamᅇinaᅇgöra tembula jim eᅇgiba mindiᅇqindiᅇ ak eᅇgimakzal. Ölöwakᅇegöra mewö ahakzal. Miaᅇgöra gi mönö jaulalaj mosöta urugi melenᅇda siᅇgisöndoki andö qeba malman.

²⁰“Mötnöᅇ, nöᅇön naᅇgunöᅇ qeba kinjal. Kunᅇan nöᅇgö keu imbini möta uru naᅇguᅇi musulmawi, nöᅇön mönö yaᅇgö miri uruᅇe öᅇgöba yambuk tatpi yaᅇön nömbuk köisirik tata mohotᅇe nene nemit.

²¹“Nöᅇön esapesap bölöᅇi pakpak oᅇgita luhut ala Iwinan noaᅇgiri yaᅇgö jakömbuak dumᅇe eta qöhöröᅇe tatza. Miaᅇgö dop kunᅇan esapesap bölöᅇi pakpak oᅇgita luhut almawi, nöᅇön mönö i waᅇgitpiga nöᅇgö jakömbuak dumne eta qöhöröᅇne tatma.

²²“Eᅇgöreᅇök kunᅇan kezapᅇambuknöᅇ malja ewö, Uᅇa Töröᅇan zioz kambuᅇi kambuᅇi neᅇgöra keu jimakzawi, yaᅇön mönö mi kezap ala möt kutuma.” Mewö.

Jeni melenᅇniga kunöᅇ Suep jakenöᅇ tariga ehal.

4 ¹Miaᅇgö andöᅇe jemelen kunbuk asuhuiga Suep miri naᅇguᅇi kun aᅇaᅇiᅇga ehal. Ekiga imbi mutuk tömun qainᅇi kun (biugel) ewö keu jiᅇga mörali, yaᅇön mönö suariba kewö jiyök, “Gi mönö kewö kotnöᅇga andöᅇe yuai asuhumawi, mi kondel gihimam.”

²“Mewö jiᅇga miaᅇgöreᅇök Uᅇa Töröᅇan nömeiga alburupᅇan qakne öᅇgöiᅇga yuai kewö ehal: Suep miri uruᅇe jakömbuak dum ahöiᅇga kunᅇan miaᅇgöreᅇ tarök. ³Taröhi, yaᅇgö jemesoholᅇaᅇgö asakᅇan mönö eröknam me jamönᅇiᅇ qetᅇi jaspö aka wale bönbönᅇi me köt qetᅇi karnilian miaᅇgö dop gilikbilikᅇambuk asariba ahöyök. Kiam nesilam kun kulem mundaᅇi mumunene kamböᅇi me jamönᅇiᅇ qetᅇi emerald ewö miaᅇön jakömbuak dum mi lökᅇanök liliköba töᅇgönᅇi göröhiba ahöyök.

Dum bohonji liliköba dum 24:ᅇan tatze.

⁴Jakömbuak dum tosatᅇi 24 mieᅇön dum bohonᅇi mi liliköba tatketka mieᅇgö qakᅇine Anutugö jitᅇememeurup 24 tatket. Yeᅇön malukuᅇiᅇni tuat lalamᅇanök öluᅇ geiga nörorᅇᅇine goul ila jalö kunduta tatket. ⁵“Dum bohonᅇi miaᅇgöreᅇök wöl bilikbilik jesöᅇgö asariᅇga giᅇgururuᅇ asuhuiga imbi wölpöndaᅇgö ötoᅇ kourukᅇi ewö möral. Dum bohonᅇaᅇgö wösöᅇe tos kiwa asakᅇi 7 jeba asariba kinget. Kiwa 7 mi

¹⁹ 3.19 Qam 3.12; Hib 12.6 ²⁰ 4.2-3 Eze 1.26-28; 10.1 ²¹ 4.5 Eks 19.16; Ind 8.5; 11.19; 16.18; Eze 1.13; Ind 1.4; Zek 4.2

Anutugöreŋ uŋa bohonŋi 7 akze. ⁶*Mewöŋanök jakömbuak jake wösöŋe yuai gilikbilikŋambuk köwet ewö ehal. Mi kirin johanŋi johanŋi kölköbilikbilikŋinambuk melenŋda asarimakzei, mönö miaŋgö dop asariyök. Jake bibiŋe dum liliköba bem jembon 4 kinget. Andöŋini aka wösöŋini mi jeŋinanök dop köliga kinget.

⁷Bem jembon mutukŋan laion sömbup ewö ahök. Alaŋan bulmakau aziŋi ewö ahök. Alaŋiri kungö kaisoŋgolomŋi mi azi jesöŋgöronŋaŋgö tandök ahök. Alaŋini 4:ŋan tukapkap bölbölgömakzawaŋgö tandökŋa ahök. ⁸Bem jembon 4 mohot mohot yeŋgö ginginŋini 6 pakpak ahöm eŋgiyök. Sileŋini lökŋanök aka ginginŋini bapŋe mewöyök jekötŋinanök dop köl eŋgiiga kinget. Kinda suŋgem silim liŋet kewö qörörök kölakze, “Kembu Anutu kukösum pakpakö Toŋi göŋön mönö töröŋi aka töröŋi aka töröŋanök akzan.

Malmal Toŋi göŋön mönö möpŋaŋgö möpŋeyök mala kota maljan aka kunbuk lilingöba asuhuba mal öŋgöman.”

⁹Bem jembon 4 mieŋön mönö mewö möpömpöŋe liŋet kölakze. Kunöŋ jakömbuak dumnöŋ kinda nalö teteköŋi qahö mal öŋgöba malmawi, i aködamun qetbuŋa al waŋgiba saiwap jimakze. ¹⁰Mewö ahakzeaŋgö dop Anutugö jitreŋememe 24 mieŋön eta kun jakömbuak dumnöŋ tatzawi, yaŋgö jeŋe simin köla sipkömakze. Kunöŋ nalö teteköŋi qahö mal öŋgöba malmawi, yaŋgö waikŋi memba möpöŋeim waŋgimakze. Möpöŋeim waŋgiba ila jalöŋini qeköba jakömbuak dum wösöŋe ala kewö jimakze,

¹¹ “O Kembu Anutunini, göŋön öroyuai pakpak miwikŋaim eŋginöŋ. Göhö jitsihitkan nam köl eŋgiiga letota malmal miwikŋaiba malje. Miaŋgöra aködamun qetbuŋa mi al gihiba saiwap jim gihimakzin. Göŋön mohotŋan mönö möpöqöpöŋe pakpak aŋgön kölmanŋgö dop akzan.” Mewö.

Lamanöŋ Anutugö böröŋeyök kimbi köpep meyök.

5 ¹Miaŋgö andöŋe kimbi köpep kun ekiga jakömbuak dumnöŋ tatzawaŋgö böröŋi ölje ahöyök. Kimbi miaŋgö sinŋi mi likeplikep lökŋanök kulemöhök ohoba köpeiba sapönöŋ ala muŋgem supap (sil)^z 7:nöŋ köla mekötahögetka ahöyök. ²Mewöyök Suep garata ösum-mumuŋambuk kun ekiga köhöikŋanök qeta buzup keu kewö qesiba jiyök, “Daŋön sarak sorokŋi aka ölop kimbi köpep kiaŋgö muŋgem supapŋi (sil) muŋjurata kötulmawaŋgö dop akza?”

* 4.6-7 Eze 1.5-10, 22; 10.14; Eze 1.18; 10.12; Ais 6.2-3 y 5.1 Eze 2.9-10; Ais 29.11

^z 5.1 Kantri tosatŋe kimbi ohoba esunöŋ ala sapö memba kunŋan mi kötulbapüköra aka muŋgem supapnöŋ kölakze. Kunŋan muŋgem supap (sil) mi laŋ muŋjurata kulemŋi yonŋorö oyonŋbawak, mi mönö miwikŋaigetka keubuk akŋa. Kimbi toŋanök mi galöm kölakza. Miri mi ki namŋi ala misiin gemakzapmö, kimbi mi muŋgem supapnöŋ jöhömakze.

³Mewö jiyökmö, Suepnöŋ, gölmenöŋ aka kömupkö uŋem miri miaŋgöreŋ körekmakörek engegetka kunŋan kun mi mutula kulemŋi ekŋawaŋgö dop qahö ahök. ⁴Kunŋan kun sarak sorokŋi aka kimbi mi mutula kulemŋi ekŋawaŋgö dop qahö miwikŋaigeri, miaŋgöra nöŋön gwötpuk sahöt böliäl. ⁵“Sahöt bölibiga Anutugö jitŋememe yeŋgöreŋök kunŋan nöŋgöra keu kewö jiyök, “Mönö kude sahötnöŋ. Mötnöŋ, Juda kambunöhök Deiwidkö gwölönarökŋi kun ahuba laion sömbup ewö aka Bölöŋaŋgö Toŋi luhut ala malja. Yaŋön mönö ölop köhöiba kimbi köpep kiaŋgö muŋgem supapŋi (sil) 7 mi munjurata kötulma.”

⁶^bMewö jiŋga Lama moröŋi ekiga jakömbuak dum bibiŋe bem jembon 4 miengö sutŋine kiniga Anutugö jitŋememe yeŋön liliköm waŋgiŋet. Lama moröŋi miaŋön mönö qeget kömuyöhaŋgö tandökŋa kinök. Ilikŋi 7 aka jekötŋi 7. Anutunöŋ uŋaurupŋi bohonŋi 7 melaim enŋiiga gölmegö ambazip pakpak yeŋgöreŋ anda maljei, jekötŋi 7 mi mönö yeŋgö söpsöpŋina akze. ⁷Lama moröŋi mi ekiga kaba kimbi köpep supapŋambuk mi jakömbuak dumnöŋ tatzawaŋgö böröŋi öŋŋeyök meyök. ⁸“Mi meiga bem jembon 4 aka Anutugö jitŋememe 24 miengön mönö miaŋgöreŋök Lama moröŋaŋgö wösöŋe sipköba eta simin kölget. Yeŋön mohot mohot kulele aka goul qambi memba kinget. Ambazip sarakŋan köulukögetka Anutugöreŋ öŋgömakzawi, miaŋön mönö jiniŋ ohohogö dop aiga wörönŋi umköhöwakŋambuknöŋ öŋgöba pukpukömakza. Wörön mewöŋan mönö goul qambiŋini kokolak qeiga kinget. ⁹“Simin köla liŋet dölöŋŋi kewö köla jiget,

“Göŋön qainŋi kun akzan. Gi guhugetka kömumba sepki mokoba miaŋön ambazip bohonŋi memba enŋömenöŋ.

Ambazip mi bem isikŋinaŋgö dop, keu jöl jijiŋinaŋgö dop, kambuŋinaŋgö dop aka kantriŋinaŋgö dop. Göŋön mönö miengöreŋök tosatŋi enŋömenöŋga Anutugö buŋaya akze.

Miaŋgöra göŋön mönö sarak sorokŋi aka kimbi köpep supapŋambuk memba muŋgem supapŋi (sil) mutulmanaŋgö dop akzan.

¹⁰ ^eYeŋön Anutugö buŋaya aketka kusum enŋiba kuŋgum enŋinöŋga bemtohoŋgahö kiŋ kumbu kambu aka jike nup galömurupŋi akze. Yeŋön Anutuninaŋgö nupŋi memba mala gölme dop ambazip galöm köl enŋiba mal öŋgöme.”

¹¹^fLiŋet mewö köla jigetka möta toroqeba uba Suep garata jaŋgöŋini tausenni tausenni aka milyönŋi milyönŋi mi enŋeka liŋet kourukŋini möral. Yeŋön jakömbuak dum kösutŋe kindä bem jembon 4 aka Anutugö jitŋememe 24 mi liliköm enŋiba liŋet kölget. ¹²Liŋet köhöikŋanök qeta kewö kölget,

^a 5.5 Jen 49.9; Ais 11.1, 10 ^b 5.6 Ais 53.7; Zek 4.10 ^c 5.8 Sum 141.2 ^d 5.9 Sum 33.3; 98.1; Ais 42.10 ^e 5.10 Eks 19.6; Ind 1.6 ^f 5.11 Dan 7.10

“O Lama moröŋi qeget kömuyöhi, yaŋön mönö sarak sorokŋi aiga Anutunöŋ ösum-mumu aka töhötmöriam waŋgiiga dopŋe akza.

Mötkutukutu öŋgöŋgöŋi aka kukösum pakpak buŋa qeiga dopŋe akza. Sarak sorokŋi aiga ölop qetbuŋa pakpak waŋgiinga asakmararaŋ buŋa qeiga möpöseim waŋgin.”

¹³Mewö köla möpöseigetka liŋet kambu kun kewö möral: Anutunöŋ malmalbuk miwikŋaim eŋgiyöhi, mieŋön mönö körekmakörek liŋet kölgetka möral. Suepnöŋ maljei, gölmenöŋ maljei, kömupkö uŋem mire aka köwet qakŋe maljei, mieŋön mönö körek numbuŋini mindiriba liŋet kewö kölget,

“Jakömbuak dumŋe tatzawi aka Lama moröŋi neŋön injiri möpöseim etkizin.

Kötuet Toŋi etkö qetbuŋaŋiri jim qarimakzin. Nalö dop asakmararaŋ etkiinga kukösum Toŋi mi teteköŋi qahö mal öŋgömahot.”

¹⁴Mewö kölgetka bem jembon 4 mieŋön “Keu mi ölna,” jiget. Jigetka Anutugö jitŋememe yeŋön eta dapköba simin köla Anutu waikŋi memba möpöseim waŋgiget. Mewö.

Lama moröŋan muŋgem supap mohot mohot munjuratza.

6 ¹Mewö möta yuai kewö asuhui ehal: Lama moröŋan kimbi köpep supapŋambukö muŋgem supapŋi (sil) 7 mieŋgöreŋök mutukŋi munjurata kötülök. Kötuliga bem jembon 4 yeŋgöreŋök kunŋan keu kewö jiyök, “Mönö asuhaba kanöŋ!” Keuŋi mi wölpöndaŋ tandök ewö köhöikŋanök qeri möral. ²Mewö jiiga möta miaŋgöreŋök hos tuatŋi kun asuhuiga ehal. Hos miaŋgö qakŋe azi kun timbiŋambuk tari tosatŋan ila jalö waŋgigetka nöropŋe kölök. Mi köla yarönöŋ luhut ala malöhaŋön mönö kunbuk hos qakŋe yarönöŋ luhut almamgöra anök. Mewö.

³Lama moröŋan muŋgem supap (sil) yahötŋi munjurata kötuliga bem jembon yeŋgöreŋök yahötŋi yaŋön keu kewö jii möral, “Mönö asuhaba kanöŋ!” ⁴^hMewö jiiga miaŋgöreŋök hos kun silenji pisikŋi somabölämbuk asuhuiga ehal. Azi kun hos miaŋgö qakŋe taröhi, Anutunöŋ mönö i yom karim gili luai qahöwakŋapkö kukösumŋi waŋgiyök. Mi waŋgiiga gölmenöŋ aum aŋgöhöba kömumegöra kuŋguiga ambazip uru mem wahöt eŋgimawaŋgö kukösumŋi miwikŋaiyök. Mi miwikŋaiiga bimgö sou keta bölökŋi waŋgigetka memba anök. Mewö.

⁵Lama moröŋan muŋgem supap (sil) karöbutŋi munjurata kötuliga bem jembon yeŋgöreŋök karöbutŋi yaŋön keu kewö jii möral, “Mönö asuhaba kanöŋ!” Mewö jiiga miaŋgöreŋök hos injani kun asuhuiga ehal.

² 6.2 Zek 1.8; 6.3, 6 ^h 6.4 Zek 1.8; 6.2 ⁱ 6.5 Zek 6.2, 6

Azi kun hos miangö qakne taröhi, yanön inapkö lömbötji kewötpingö dop ipji (skeil) mi börönan memba tarök. ⁶Mewö tariga bem jembon 4 yengö sutjneyök kunöj keu jiiga kourukji tandök ewö kewö möral, “Silim mohokö töwanji (Kina 5) mianön ölop 1 kilogram wit flaua me 3 kilogram bali flaua mi bohonji meman. Töndup nenegö oil ip aka wain kösö nup mi mönö kude mem bölime.” Mewö.

⁷Lama morönan munjem supap (sil) 4:ji munjurata kötuliga bem jembon 4:nan keu jiiga kourukji kewö möral, “Mönö asuhuba kanöj.” ⁸⁷Mewö jiiga miangöreñök hos kun silenji gohotgohot aka kaukaunambuha asuhuiga ehal. Hos miangö qakne taröhangö qetji mi kömupkö kondotkondot Tonji. Yangö kösutnje kömupkö unjem miri Tonjan mewönanök i wuatangöba kayök. Gölme mendeñgetka bahöni 4 ahöiga mieñgöreñök kungö ambazipji mi galöm köl engibitkö kukösumji mi Anutunöñ etkiyök. Kukösum mi etkiiga ösumjiran gölmegö ambazip bahöni mi kewö mem kömum engiyohot: Tosatjan sou ketajan (bainat) auba kömuget. Tosatjan bödinöñ kömuget. Kawöl kanjamñambuknöñ tosatji engömeiga kömuget aka tosatji mi gölmegö sömbup kalji mieñön engöhögetka kömuget. Mewö.

⁹Lama morönan munjem supap (sil) 5:ji munjurata kötuliga miangöreñök Anutugö ambazip tosatji engugetka kömugeri, yengö unjanini engehal. Yeñön Anutugö Buña keuji angö köla nangöba jim sehiba malgerangöra engugetka kömumba alta bapne ahöget. ¹⁰Euyangöreñ ahöba köhöiknanök kewö qetket, “O Kembu kukösum Tonji, göñön diñdiñi aka ölbölji akzan. Miangöra mönö nalö dawik mambörin teköiga miangöreñ gölmegö ambazipji kewöt engiba keujini jim teköman? Neñön gi welen qem gihiinga nengugetka sepninangö kitipji mi mönö wani nalönöñ melenñönga qakñine öngöma?”

¹¹Mewö jigetmö, maluku tuatji köröpji mi mohot mohot yengöra köl engiget geiga Anutugö jimkutukutu kewö engigetka mötket, “Injini mönö toroqeba nalö töröptökji mamböta malme. Mötnarip alaurupjinan toroqeba urugö nup memba malgetka injini ewö mewönanök engugetka kömume. Yeñön kömugetka janö alali, mianön dopne aiga nalö miangöreñök mönö engugeri, yengö keujini jim tekömam.” Mewö.

¹²^kLama morönan munjem supap (sil) 6:ji munjurata kötulöhi, mi uba ehal. Mi munjurata kötulöhi, nalö miangöreñ kenöñ tandökji sohosohöñi gilök. Wehön jeñan böuktutuk ala injan köla wösöbirikö malukuñi sanjöp ewö (meme jupjan memenangö tandök) aiga söñauyök. Köiñ jeñan melenña löknanök pisihiba sep ewö ahök. ¹³⁴Mewö aiga sengelau suepnöñ ahözei, mieñön mönö gölmenöñ etket. Newañ kötnji gohoriba

^j 6.8 Eze 14.21 ^k 6.12 Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 ¹ 6.13-14 Ais 34.4

tatketka luhut köhöiknan qeba utuköba mumburatiiga erakzei, mönö miaᅅgö dop buratiba gölmenöᅅ tata pilpil etket.

¹⁴ Mewö etketka suep ehakzini, miaᅅön mönö ayapköyök. Kimbi köpöp köpeigetka öröba anakzawaᅅgö dop mönö wölakzak öröba anda ayapköyök. Mi ayapköiga kundunᅅi pakpak aka köwetkö gölme jölanᅅi jölanᅅi mi mönö körek ahöahöᅅineyök zilaᅅ kök ala sömuniget.

¹⁵ Mewö asuhuiga gölmegö kiᅅ kembuᅅi kembuᅅi, azi jembonᅅi jembonᅅi aka suahö galömᅅi galömᅅi mieᅅön mönö ölöᅅ köla asambötket. Ambazip kindiᅅbirik qetbuᅅaᅅinambuk, ambazip kukösümüᅅinambuk mi mönö körek kök ala asambötket. Nanᅅini nupᅅini memakzei aka toᅅinaᅅgö welenᅅini öne qemakzei, mi mönö körek pakpak baᅅet, köt kinimᅅi aka kundunaᅅgö sem siaᅅi jaruba miaᅅgöreᅅ asambötketka eᅅgehal. ¹⁶ Miaᅅgöreᅅ asamböta kundunᅅi Toᅅi aka sem sia Toᅅi eᅅgohola kewö uletket, “Iᅅini mönö kundunᅅi jim tekögetka buaköba kaba turum neᅅiget. Jakömbuak dumᅅe tatzawaᅅön jemesohol köᅅ neᅅigibapuköra aka Lama moröᅅaᅅgö irimesewölᅅan neᅅgubapuköra mönö jim tekögetka közamböt neᅅiget.” Mewö uletket. ¹⁷ Yetköᅅ irimesewölᅅiri aukᅅe kondeljahori, miaᅅgö nalöᅅi ketaᅅan mönö kam kuᅅguba ahöza. Mi kunᅅan kun mesohol köla kinmawaᅅgö dop qahö. Mewö.

Israel ambazip 144.000 mi Anutunöᅅ asö köᅅ eᅅgima.

7 ¹ Miaᅅgö andöᅅe Suep garata 4 eᅅgekiga gölmegö waᅅgömᅅi 4 miaᅅgöreᅅ kinget. Yeᅅön gölmegö luhut Toᅅi bohonᅅi 4 mi jöhöm eᅅgiba aᅅgön köᅅget. Luhutnöᅅ gölme qakᅅe me köwet qakᅅe laᅅ gilbapuköra me ip kunᅅan qebapuköra mönö Toᅅi 4 mi böroᅅinan memba jöhöba kinget. ² Anutunöᅅ Suep garata 4 mi gölme aka köwet köndeᅅ eᅅgibingö kukösümüᅅi eᅅgiiga gölme waᅅgömᅅine kinget. Mewö kingetka eᅅgehiga Suep garata kunöᅅ wehön kotkotᅅeyök asuhuba wahöri ehal. Yaᅅön malmalgö Toᅅi Anutugö muᅅgem asö öroᅅᅅi galöm köla kaba Suep garata 4 yeᅅgöra köhöiknaᅅanök qerök.

³ Qeta keu kewö jiyök, “Iᅅini mönö gölme me köwet mi zilaᅅzilaᅅ kude köndeᅅ etkime aka ip mi kude ayuhum eᅅgime. Mi qahöpmö, mönö mambötketka mutuk zilaᅅkö Anutuninaᅅgö muᅅgem asöᅅi mi nupᅅi memakzei, yeᅅgö mesoholᅅine mekötahöm eᅅgibin. Mi mutuk kösöba mekötahöm eᅅgiingun andöᅅe mi ölöᅅ köndeᅅda ayuhume.” ⁴ Mewö jiiga Anutugö muᅅgem asöᅅi mi Israel ambazip tosatᅅi yeᅅgö mesoholᅅine kösöm eᅅgiget. Kunöᅅ yeᅅgö jaᅅgöᅅini jiiga kewö möral: Israel ambazip kambu 12 pakpak mieᅅgöreᅅköᅅ mindiriba ambazip 144.000 mi kösöm eᅅgiget.

^m 6.14 Ind 16.20 ⁿ 6.15 Ais 2.19, 21 ^o 6.16 Hos 10.8; Luk 23.30 ^p 6.17 Joel 2.11; Mal 3.2 ^q 7.1 Jer 49.36; Dan 7.2; Zek 6.5; Eze 9.4, 6

⁵Israel kambu mohot mohot miengörenök 12.000 mewö mewö kösöm enjiget. Juda kambugö 12.000, Ruben kambugö 12.000, Gad kambugö 12.000, ⁶Aser kambugö 12.000, Naftali kambugö 12.000, Manase kambugö 12.000, ⁷Simeon kambugö 12.000, Liwai kambugö 12.000, Isakar kambugö 12.000, ⁸Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm enjigetka mindiriba 144.000 ahök. Mewö.

Oyaenkoyaen malmeangö kambu ketani ehal.

⁹Miangö andöŋe kambu jitji buburatinji jaŋgöŋini kude oyoŋoyoŋgö dop mi ehal. Ambazip mi kambuŋinaŋgö dop, bem isikŋinaŋgö dop, kantriŋinaŋgö dop aka keu jöl jijiŋinaŋgö dop tokoba jakömbuak dum aka Lama moröŋi yetkö wösöŋire kinget. Miangören kinda maluku köröpŋi tuatŋi köteköm aŋguget geiga böröŋinan nip sinŋaŋgö böröŋi memba kinget. ¹⁰Mi memba kinda köhöikŋanök qeta kewö jiget, “Anutuninan jakömbuak dumŋe tatzawi aka Lama moröŋi yetkön mönö mem letot neŋgiyohotka oyaenkoyaen akzin.”

¹¹Mewö qeta jigetka Sup garata pakpak yeŋön jakömbuak dum kösutŋe areŋnöh kinda Anutugö jitŋememe aka bem jembon 4 mi liliköm enjiget. Mewö kinda jakömbuak dum wösöŋe bamgöba eta simin köla Anutu waikŋi memba möpöseim waŋgiget. ¹²Anutu möpöseim waŋgiba kewö jiget, “Keu mi öŋŋa! Anutu gi mönö kötuŋet, asakmararaŋ aka mötkutukutu öŋgöŋgöŋaŋgö Toŋi akzan. Neŋön gi möpöseim gihiba qetbuŋagi jim qarimakzin. Anutunini, göŋön ösum-mumu aka kukösum Toŋi akzan. Neŋön nalö dop mewö jim köhöininga Toŋi mi teteköŋi qahö mal öŋgöba malman. Keu mi öŋŋa!”

¹³Mewö möpöseiba jigetka Anutugö jitŋememe yeŋgörenök kunŋan kewö jiba qesim niŋgiyök, “Ambazip maluku köröpŋi tuatŋi löŋgöta kinjei, mi daŋön? Mi mönö denikeyök kaba mewö tokoba kinje?”

¹⁴¹⁷Qesim niŋgiiga kewö melen waŋgial, “O ketaŋamni, mi nöŋön qahö mötpiga nangok mötzan.” Mewö melen waŋgibiga jitŋememe yaŋön kewö jii möral, “Kahasiliŋ keta bölökŋaŋgö sutŋeyök kotkeri, yeŋön mönö mia akze. Lama moröŋaŋgö sepŋan mönö opo malukuŋini saŋgoŋni tuariiga malget. ¹⁵Mewö malgeraŋgöra aka Anutugö jakömbuak dumŋi mesohol köla suŋgem silim möpömöpösei jikeŋe (tempöl) mala Anutugö nupŋi memba malme. Mewö malgetka jakömbuak dumŋe tatzawaŋön mönö opo koumŋi mörörengöba köl turum enŋgiiga malme.

¹⁶¹⁴Mewö malgetka nalö kunöŋ nenegö me ogö qahö kömume. Wehönöh me yuai könöpŋambuk kunöŋ mönö qahö enŋgohotirima. ¹⁷¹⁴Kewögöra oyaenkoyaen malme: Lama moröŋan jakömbuak jake bibiŋe tata galöm köl

¹ 7.14 Dan 12.1; Mat 24.21; Mak 13.19 ⁵ 7.16 Ais 49.10 ¹ 7.17 Sum 23.1; Eze 34.23; Sum 23.2; Ais 49.10; 25.8

enġiba enġuangiriga malmal köhöiknaġġo o töwatnaġġo jeŋe anakne. Anutu nanġak jeŋineyök imbilġini pakpak kutuiga teköma.” Mewö.

Lama moröŋan muŋgem supap 7:ŋi munjurata.

8 ¹Lama moröŋan muŋgem supap (sil) 7:ŋi munjurata mutuliga Suep miri miaŋgöreŋ kouruk pakpak göröŋ ala 30 minitkö dop nöŋ qeba ahöyök. ²Mewö asuhuiga Suep garata 7 Anutugö wösöŋe kinjei, mi enġekiga kunöŋ tömun qainġi kun (biugel) 7 mi böröŋine ala enġiyök.

³“Mi enġekiga Suep garata kun asuħuba jiniŋ ohohogö goul qambiŋi memba kaba alta kösutne kinök. Ambazip sarakġi pakpak Anutugö köulukögetka yaŋön jiniŋ altanöŋ ohoiga wörönġi umköhöwakġambuk mi köulukġinambuk toroqeba pukpuköba mohotne öŋgöba Anutugöreŋ anakza. Goul alta mi jakömbuak dum wösöŋe kinjawi, yaŋön mönö miaŋgö kösutne kiniga tosatġan jiniŋ mi gwötpuk ohomapköra waŋġiget. ⁴Yaŋön jiniŋ mi ohoiga miaŋgö köwakġan mönö Anutugö ambazip sarakġi yeŋgö köulukġinambuk toroqeba Suep garata yaŋgö böröŋeyök wahöta Anutugö jemesoholne öŋgöget. ⁵”Suep garata miaŋön jiniŋ qambi mi memba altanöhök könöp jitġi mei jeiga qambi miaŋgöreŋ uiga kokolak qeiga gölmenöŋ gili geyök. Gili geiga miaŋgöreŋök wölpöndaŋgö göjuŋi göjuŋi asuħuba ġiŋgururuŋ qerök. Wölbilik ösumġinambuk asuħugetka kenöŋi kenöŋi nalöŋi nalöŋi meyök. Mewö.

Garata yeŋön tömun qainġi kun uget.

⁶Suep garata 7 tömunġini qainġi kun (biugel) megeri, yeŋön mi ubingö jöjöröget.

⁷“Garata mutukġan wahöta tömunġi qainġi kun uyök. Mi uiga ais köŋġi aka könöp bölamġi mi kie ewö asuħuba sepuk toroqegetka kunöŋ mi mokoiga mohotne gölmenöŋ erök. Miaŋön könöpġambuk eta gölme qeiga gölmegö bahöŋi karöbutġan jem teköyök. Aröknaġġo ipġi mieŋgö bahöŋi karöbutġan jem teköget aka gwözözak sinġi görökġi mi körek jeba jem teköyök.

⁸Garata yahöŋġi yaŋön wahöta tömunġi qainġi kun uyök. Mi uiga kunöŋ kunduŋi ketanġi könöp jejeŋi tandök ewö (wolkeno) yuai mi giliga köwetnöŋ geyök. Geba köwet meiga köwetkö bahöŋi karöbut mieŋgöreŋök kunġan melenġa sep ahök. ⁹Mewöŋanök Anutunöŋ köwetkö yuaiŋi pakpak miwikġaiiga maljei, miaŋgö bahöŋi karöbut mieŋgöreŋök kun mi kömuget aka waŋge pakpak mieŋgö bahöŋi karöbut mieŋgö likeġini kun mi jömgöba ayuħuget.

“ 8.3 Amos 9.1; Eks 30.1, 3 ^v 8.5 Lew 16.12; Eze 10.2; Eks 19.16; Ind 11.19; 16.18

^w 8.7 Eks 9.23-25; Eze 38.22

¹⁰ *Garata karöbutñan wahöta tömunji qainji kun (biugel) uyök. Mi uiga senjelau ketanji kiwa bölamñi ewö tandök jeba suepnöhök teköba erök. Eta köla gölmegö o töwatñi enjuba mienggö bahöñi karöbut mienggöreñök kun aka o jeñi pakpak mi dop köl enjiyök. ¹¹ *Senjelau mianggö qetñi mi röbek kömbukñambuk. Röbek miangön eriga onji onji mienggö bahöñi karöbutñi mi melejda kömbukñinambuk aket. Kömbukñinambuk akerangöra aka ambazip gwötpukñan mi nempa kömuget.

¹² *Garata 4:ñi yañön wahöta tömunji qainji kun uyök. Mi uiga kunöñ wehön jeñi aka köñ jeñi mietkö asakñiranggö bahöñiri karöbutñi mi etkuiga bahösapsap ömuñ köla söñauyohot. Mewöñanök senjelau bahöñini karöbutñi enjiuga melejda söñauget. Mianggöra silim nalöñanggö bahöñi karöbutñan söñaua pandaman ahök. Mewöñanök sungemgö asakñan töriiga bahöñi karöbutñan söñauyök.

¹³ Mewö aiga eu uba tukapak kun eka mötpiga könakembañe eu bölbölgöba suep bibiñe kutuba kaba köhöikñanök qeta kewö jiyök, “O ambazip gölmenöñ maljei, Suep garata karöbut weñön mönö toroqeba tömunñini qainji kun ubingö dop akze. Tömun karöbut mienggö kourukñini mötketka lömböt kanjamñambuk karöbut asuhumei, mianggöra mönö wölkiköba yei! yei! yei! jiba sahötzal.” Mewö.

Suep garata 5:ñan tömunji qainji kun uyök.

9 ¹ Suep garata 5:ñi yañön tömunji qainji kun (biugel) uiga ekiga suepnöhök senjelau kun teköba gölmenöñ erök. Eriga kunöñ ömewöröme weñgö löm dutñi qahö mianggö ki moröñi mi senjelau Toñi mi wañgiyök. ² *Mi wañgiiga öme löm dutñi qahö mianggö önunñi musuliga mianggöreñök köwak ketanji söñgok imarurubuk jeba köwak wahörakzawi, mönö mianggö dop kundumgöba wahöta wehön jeñi esuhuba luhut köwaknööhök dop köl teköyök. ³ ^b Köwak mianggö uruñeyök gawötñi gawötñi mosöta gölmenöñ kañgotketka Anutunöñ kukösum enjiyök. Kukösum mi skorpion (omeqaqa) weñgöreñ kukösum tandök ewö ahök.

⁴ *Mi enjiiga Anutunöñ kewö jim kutum enjiyök, “Injini mönö gölmegö yuai görökñi gwözözak me ip mewöñi mi kude ayuhum enjimemö, ambazip mesoholjine Anutugö muñgem asöñini qahö miyök mönö mem bölim enjime.” Mewö jim kutum enjiyök. ⁵ Anutunöñ gawöt mi kukösum enjiiga ambazip enjöhögetka köñ 5:gö dop sihimbölö önöñi qahö mötket. Sihimbölö mi skorpion (omeqaqa) azi yöhöiga sihimñi mötzawi, mönö mianggö dop. Sihimbölö mewö mötketmö, Anutunöñ angön köl enjiiga mem kömum enjimeanggö kukösumñi mi gawöt weñön qahö

* **8.10** Ais 14.12 [†] **8.11** Jer 9.15 [‡] **8.12** Ais 13.10; Eze 32.7; Joel 2.10, 31; 3.15 [§] **9.2** Jen 19.28 ^{||} **9.3** Eks 10.12-15 [¶] **9.4** Eze 9.4

memba öne engöhöget. ^{6d}Ambazip engöhögeri, yeñön nalö miangörenj kömumbingö jarumemö, kömup mi qahö miwikñaiba kömumbingö osime. Kömumbingö möta qemjeñ qememö, kömupkö kondotkondot Toñjan mönö kungen anma.

^{7e}Gawöt engekiga miñjön hos yarögöra aködamunñinambuk jöjörömakzei, mönö miengö dop aket. Nöröpñine yuai mundañi goul ewö kölgeri, mi ila jalö tandöktandök ahök. Jemesoholñinan ambazip jemesohol tandök ewö aket. ^{8f}Gawöt miengö nöröp jupñini mi gwala ambi yeñgö nöröp jup ewö aket. Gawöt jitñinan laion sömbupkö jitñi ewö aket. ^{9g}Göwañgöwañini (töptöp maluku) mi ain suman ewö tandök aket. Ginginñini qegetka ötöñ asuhui mörali, mi kewö: Hos sehisehiñi yeñön yarögö karenji karenji öröba luhuba binnöñ angetka giñgururuñ asuhumakzawi, mönö miangö dop.

¹⁰Dagiñini mi skorpiön (omeqaqa, añamumu) ewö jitñinambuk aket. Miñjön ambazip köiñ 5:gö dop sihimbölö mötmegöra engöhögeri, miangö kukösumñan mönö gawöt dagiñine ahöm engiyök. ¹¹Gawöt miengö kiñ kembuñini mi ömewöröme yeñgö löm dutñi qahö miangö garatañi qetñi Ayuayuhu Toñi. Mi Hibru keunöñ Abadon aka Grik keunöñ Apolion.

¹²Yei wözik mutukñi kanjamñambuk mi mewö teköyök. Mötket, miangö andöñe yei wözik yahöt kanjamñirambuk mi mönö toroqeba könangep asuhumahot. Mewö.

Suep garata 6:ñan tömunñi qainñi kun uyök.

^{13h}Suep garata 6:ñi yañön tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 miengöreñök kouruk kun kaiga möral. ¹⁴Kouruk miñjön Suep garata 6:ñi tömunñambuk yañgöra kewö jiyök, “Anutunöñ garata 4 jöhöba gwaröhöm engiba o töwatñi ketañi qetñi Yufreitis miangö qöhöröñe al engiyöhi, mi mönö pösat engiman.”

¹⁵Anutunöñ garata 4 mi jöhöm engiba gwarönöñ tatmegö (yara) yambuñini, köiñini, silimñini aka auañini mi törörök arengöm engiiga tatket. Yeñön nalöñini mi kam kuñguiga miangöreñök ambazip kantriñi kantriñi miengö bahöñi karöbutñi mi engubingö jöjöröba tata nalöñinañgöra mambötket. Miangöra Suep garata 6:ñan altanöhök kouruk möta miangöreñök anda garata 4 mi pösat engiyök. ¹⁶Pösat engiiga yarö kambu keta bölökñi mi hosñinambuk asuhuba kaget. Nöñjön jañgöñini mötpiga 200 milyön ahök.

¹⁷Jemelenj miangöreñ azi hos qakñe tata kageri, miengö kaisoñgolomñini ekiga kewö tandök aket: Göwañgöwañini (töptöpkö ain sumanñini) mi könöp jit pisikñi, asoñi injañkölkölñambuk aka gohotñi

^d 9.6 Job 3.21; Jer 8.3 ^e 9.7 Joel 2.4 ^f 9.8 Joel 1.6 ^g 9.9 Joel 2.5 ^h 9.13 Eks 30.1-3

salfa könöp köt ewö. Hos miengö kaisongolomņini enggekiga nöröpņini laion sömbupkö nöröp ewö aketka numbuņineyök könöp, köwak aka köt könöpņambuk qetņi salfa mi eta kayök. ¹⁸⁻¹⁹Hos yeņgö numbuņineyök könöp, köwak aka könöp köt qetņi salfa eröhi, mianņön mönö ambazipņi ambazipņi engguyök. Hos miengö kukösumņini mi numbuņine aka dagiņine ahöyök. Dagiņini mi mokoleņ ewö aketka dagiņinaņgö kitipņi mi jitņinambuk. Kitipņi jitņinambuk mienņön mönö ambazip ihilek ewö enggohotirimakze. Lömböt kanjamņinambuk karöbut mi mönö gölmegö ambazip pakpak yeņgö bahöņini karöbutņi mi engguiga kömuget.

²⁰ Lömböt kanjamņinambuk mienņön ambazip tosatņi qahö engguget kömumba toroqeba malgeri, yeņön mönö töndup uruņini qahö meleņget. Nanņini böröņinan yuai memba waikņini memba möpöseigeri, miangöra qahö möt bölim aņguget. Ömewöröme aka tandö lopioņ waikņini memba möpöseim enggieņgi mi qahö mosötket. Tandö lopioņ tosatņi mi goul, silwö me brons ainöņ memeņa. Tosatņi mi köt urasiba me ip söhöba memeņa. Miangöra tandö lopioņ mienņön yuai eka mötpingö me anda kabingö osimakze. Töndup ambazipnöņ mi qahö mosötket.

²¹ Mewöyök ambazip engguget kömukömu me sait qarösongo amötqeqe mi qahö mosötket. Mi toroqeba aka memba serowilin aket aka yuai laņ yonņorö memba malget. Miangöra uruņini qahö meleņget. Mewö.

Suep garata aka kimbi köpep moröņi

10 ¹ Miangö andöņe Suep garata kukösumņi oņgotöņgotņi kun ekiga Suepnöhök kousunöņ esuhum waņgiiga erök. Nöröpņi kiam nesilamņan kutuba liliköba ahöyök. Jemesoholņi wehön jeņi ewö aiga könaņi yahöt mi tandö könöp bölamņirambuk yahöt ewö jeba kinök. ² Böröņan kimbi köpep moröņi meiga kötükötulņi ahök. Könaņi öļņi köwetnöņ ala qaniņi mi gölmenöņ ala kinök. ³ Mewö kinda laion sömbupnöņ görörökömakzawi, qetņi mönö miangö dop köhöikņanök qerök. Qeriga wölpöndaņgö giņgururuņ 7 mienņön mönö meleņda görörököba keuņini qetketka möral.

⁴ Wölpöndaņgö giņgururuņ 7 mienņön qeta keuņini jigetka mörali, nöņön mi mönö miangöreņök papianöņ ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndaņgö giņgururuņ 7 keu jizei, mi mönö nangohok ölöņ mötnöņ ahöma. Mi kude ohoman.”

⁵ Suep garata könaņi köwet aka gölme qakņire tiba kini ehali, yaņön böröņi öļņi memba wahöta Suepnöņ göröken alök. ⁶ Jöjöpaņ keu jimangöra böröņi mewö ala mi jim köhöiba alök. Kunöņ Suep, gölme,

ⁱ 9.20 Sum 115.4-7; 135.15-17; Dan 5.23 ^j 10.5-7 Eks 20.11; Dut 32.40; Dan 12.7; Amos 3.7-10; Eze 2.8-3.3

köwet aka yuai pakpak miengörej ahözawi, mi miwikñaiba kinda nalö dop teteköni qahö köhöiba mal öngömawi, mönö yangö qetje jöjöpañ keu kewö jiyök, “Anutunöñ mönö nalö kunbuk qahö qeköri öngöma. 7Mewö qahöpmö, Suep garata 7:ñan tömunñi qainñi kun (biugel) uiga kourukñi mötmei, nalö miangörejök Anutugö keu areñ asa-asambötñan mönö öñjambuk akña. Kezapqetok ambazip Anutugö nupñi memba mala kotketka yengöra Buña keuñi ölöpnñi jim indel enjiiga möta kota malgeri, Buña keu miangö dop mi mönö zilaj öñjambuk akña.”

⁸Miangö andöñe kouruk kun mutuk Suepnöhök mötpiga keu jiyöhi, miañön mönö dumñe kunbuk keu jiiga kewö möral, “Suep garatanöñ köwet aka gölme qakñire tiba kinda kimbi köpöp meiga böröñe kötukötulñi ahözawi, mi mönö anda meman.”

⁹Mewö möta Suep garatagörej anda kimbi köpöp moröñi mi niñgimapkö qesial. Qesibiga nöngöra kewö jiyök, “Mi mönö memba nenöñ! Nenöña gölömgö geba melejñiga kömbuk usukömapmö, numbuge mi mönö moroñ oñangö nahömnñi ewö asuhuma.”

¹⁰Mewö jiiga kimbi köpöp moröñi mi yangö böröñeyök memba neal. Nembiga numbune moroñ oñangö nahömnñi ewö ahökmö, gwahötpi gölömgö geiga melejñiga kömbuk usuköyök. ¹¹Mewö aiga nöñön keu kewö möral, “Gi mönö dumñe kunbuk Anutugö kezapqetok keuñi keuñi jim sehiba malman. Kantriñi kantriñi aka bem isikñi isikñi keu tandök jijiñinangö dop maljei, mönö yengö aka yengö kiñ kembuñini miengö kezapqetok keuñini mi qeljñe jiba malman.” Mewö.

Anutugö jítñememe yahötñan keuñi nangöba jiyohot.

11 ^{1k}Mewö jii möta kinbiga Suep garata miañön dop alalgö öröpnñi jehot ewö mi niñgiba kewö jim kutum niñgiyök, “Gi mönö wahöta anda Anutugö jöwöwöl jike aka miangö jöwöwöl altañi mi dop öröp (rula mesa) miañön dopñi ala oyoñman. Mewöyök miangörej öngöba Anutu möpöseiba köulukñini alakzei, mönö mi kewöta jañgöñini oyoñman. ²Jöwöwöl jike dopñi ala miangörej sambem yaigepñi mi mönö oñgita mosötman. Mi kian kantri yengöra al enjigetka ahöiga yeñön siti töröñi mi köiñ 42 miangö dop tiba anda kamakñe. Miangöra sambem yaigepñangö dopñi mi kude oyoñman. ³Nöñön jítñememe yahötñi melaim etkiba keuni nangöba jimahotkö kukösumñi al etkibiga asuhumahot. Asuhuba wösöbirikö maluku sanjöp ewö mem anguba liliköba (gölme gwakötak ariba) silim 1260 nalö miangö dop kezapqetok keu nup memba malmahot.”

⁴Oil ip yahöt aka lambe dum tatatñi yahöt gölmegö Kembugö wösöñe kinjahori, mi mönö melejda eta asuhuba dangunu ewö kinda nöngö

^k 11.1 Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18

könani nanğöba jiba malmahot. ⁵Kunöñ me kunñan etkum mizit ak etkimamğö mötza ewö, könöp bölamnöñ mönö numbuñireyök eta kerökurupñiri eñgohoiga ayuhumakñe. Kunöñ me kunñan etkumamğö mötza ewö, i mönö köna mewöñanök miañön qeyohot kömuma.

⁶Suepkö kousuñi jöhöbitkö kukösumñi mi yetköreñ ahöiga kezapqetok keu jim sehimahori, nalö miañğö dop kie qahö yöhöma. Kukösumñiran o jeñi pakpak mewöñanök dop köliga miañön ölop o pakpak meleñ eñgigetka sep akñe. Mewöñanök kukösumñiran öñgöñgöñi ahözawañğöra aka sihimñiran jimawañğö dop ölop jigetka lömböt kanjamñinambuk könañi könañi asuhuba gölme mem böliba ambazip eñgumakñe.

⁷Anutugö keuñi nanğöba jim teköyohotka ömewöröme yeñğö löm dutñi qahö miañğöreñök jemnemba kunöñ wahöta bim qem etkiba luhut ala etkuiga kömumahot. ⁸Kömuyohotka qamötñiri siti qetbuñañambukö köna namñe etkömosötketka lañ ahömahot. Siti miañğö qetñi tölapñi mi Sodom aka Ijpt qerakze. Kambuñiri Jisös i mönö mewöyök miañğöreñ maripomnöñ qegetka kömuyök. ⁹Qamötñiran lañ ahöyohotka ambazip pakpak mi etkehakñe. Gölmenöñ löm köl etkibingö jiba jöhöme. Mewö öne lañ ahöyohotka ambazip kantriñi kantriñi, kambuñi kambuñi, bem isikñi isikñi keu tandökñini nanñik nanñik jimakzei, yeñön mönö qamötñiri mi silim karöbut aka bahöñi kun miañğö dop uba etkehiget.

¹⁰Kezapqetok azi yahöt yetkön ambazip gölme qakñe maljei, mi uru kuñgum eñgiyohotka miañğöra sihimbölä öñöñi qahö miwikñaiba malget. Miañğöra kömuyohotka qamötñiri etkekñei, miañğöreñ mönö köirañ ala saureñ unduba nem söñgaip pati ala nanñini kalem könañi könañi añgubingö alget anda kama. ¹¹Silimñi karöbut aka bahöñi kun mi teköiga Anutunöñ söñgöörö ösum söñgööröñire ui geiga guliba wahöta köñgep kinohot. Wahöta kinohotka ambazipnöñ etkeka töwöratiba jönömñini unduiga sömbuñini mötket. ¹²Köñgep kinohotka Suepnöhök qet köhöikñi kun kewö qeta jii mörohot, “Inñiri mönö kewö korohot.” Mewö jii möta kousu uruñe wahöta Suepnöñ öñgöyohotka kerökurupñiran öne etkeka nemböñini teköiga kinget.

¹³Könañiran gölme mosöta öñgöyohotka nalö miañğöreñök kenöñ tandökñi sohosohöñi gila siti bahöñi 10% (bahöñi tenöhök mohot) miañğö dop kusuba köndenmöndenök. Köndenmöndenđa ambazip 7.000 miañğö dop eñgui kömuget. Ambazip qahö kömugeri, mieñön mi eka töwöratiba sömbuñini möta Suepkö bemñi Anutu i ösumñanğö möpöseim wañgigetka qetbuñañambuk ahök.

¹⁴Wölkik yei qet kanjamñambuk yahötñan mewö teköyökmö, mötket, wölkik yei qet karöbutñanğö ölnan mönö zilañ asuhuba qakñine öñgöma. Mewö.

Suep garata 7:ɲan tōmunɲi qainɲi kun uyök.

¹⁵ Suep garata 7:ɲi yaɲön tōmunɲi qainɲi kun (biugel) uyök. Mi uiga Suepnöɲ keu köhöikɲanök eraum mötketka kourukɲini mötpi kewö jiget, “Ayop, nanine Kembunini aka yaɲgö Amötqeqe Toɲi Kraist yetkөн mönө gölme pakpak galöm köl eɲgibitkö kukösumɲi mi lökɲanök buɲa qem aɲgum teközahot. Yaɲön mönө nalöɲi nalöɲi galöm köl eɲgiba malma, ee-aa-ee. Galömkölkölɲan mönө nalö kunöɲ qahö teköma, ee-aa-ee.”

¹⁶ Mewö jiget mötpiga Anutugö jitɲememe 24 Anutugö jemesoholɲe jakömbuak dumɲine tatzei, yeɲön mönө eta bamgöba sipköba Anutugö waikɲi memba möpöseim waɲgiget. ¹⁷ Möpöseim waɲgiba kewö jiget,

“O Kemu Anutu kukösum pakpakö Toɲi, göɲön mönө mala kotnöɲ aka mal köhöizan.

Göɲön kukösumgi öngöɲgöɲi memba könahiba gölme pakpak galöm köl eɲgiba kiɲ kemuɲina aka malman.

Miaɲgöra neɲön mönө möpöseiba saiwap jim gihizin.

¹⁸ Kian kantriɲi kantriɲi yeɲön irimɲini seholiiga kazik ak gihiba malgetmө, göhö kazik nalögan mönө dölkewöɲe kam kuɲguba ahöza.

Göɲön nalö kewöɲe kömukömuɲi yeɲgö keuɲini kewöta jim teköm eɲgiman aka nangi ambazipurupki töwaɲini eɲgiman.

Kezapqetok ambazip aka ambazip sarakɲi tosatɲi göhö nupki memba malgeri aka öngöɲgöɲi eretɲi göhö qetki ayuhubapukö keɲgötɲini möta malgeri, i mönө töwaɲini eɲgiman.

Mewöyök tosatɲan ambazip eɲguba kantri köndeɲda malgeri, mi mönө köndeɲ eɲgiman.” Mewö möpöseiba jiget.

¹⁹ Miaɲgö andöɲe Suepnöɲ aɲaɲiiga Anutugö möpömöpösei jikegö (tempöl) nanɲunɲan tali ekiga jike uruɲe Anutugöreɲ jöhöjöhö areɲ bokis aködamunɲambuk miaɲön ehəkɲi ahöyök.^m Suepnöɲ aɲaɲiiga nalö miaɲgöreɲök wölbilik aliga wölpöndaɲ aka giɲgururuɲ qeriga möral. Kourukɲi kourukɲi mi mötpiga kenöɲ memba kie römbum giliga ais kötɲi ketaɲi ketaɲi etket. Mewö.

Ambi aka sekak namɲi ilikɲambuk

12 ¹ Suepnöɲ aiwesök ketaɲi wewelipɲambuk kun kewö asuhuiga ehal: Ambi kun wehön jeɲan malukuɲi aiga köiɲnöɲ köna tamböɲi baɲɲe asariiga seɲgelau 12 mi ila jalö ewö nööröɲe kölgetka

¹ 11.15 Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21

^m 11.19 Anutugöreɲ jöjöpəɲ keu 10 aka jimkutukutu tosatɲi mi köt ilaɲan ohoba bokis miaɲgö uruɲe alget tari galöm kölakze.

gömgöm-bilikbilikjinambuk tatket. ²Körönjambuk (gölömñambuk) mala morö memeñangö nalöñan dopdowiiga lömböriiga masö qeiga sihimbölö möta qet gigilahöyök.

³Miañgö andöñe aiwesök kun Suepnöñ kewö asuhuiga ehal: Sekak namñi ilikñambuk (dragon), mundañi pisikñi pötpöt, nöropñi 7 aka ilikñi 10. Nöropñi 7 miañgöreñ ila jalö 7 kölgetka tarök. ⁴Sekak namñi miañön dagañan suep qeapköba señgelau miengöreñök bahöñi karöbutñi öröba gili gölmenöñ etket. Etketka ambi nanñi morö memamgö ahöhi, yañgö wösöñe kinök. Mewö kinda moröñi memawi, mi mönö miañgöreñök gwahötmamgöra mörök.

⁵Ambi miañön morö nahön azia meyök. Yañön kantriñi kantriñi pakpak ain öröpnöñ galöm köl engiba malma. Ambinöñ morö meyöhi, garatanöñ mi mönö miañgöreñök zilañ memba anda Anutugö jakömbuak dum qöhöröñe alök. ⁶Miañgöreñ aliga ambinöñ nanñök mosöta kök ala anök. Anutunöñ ambi mi silim 1260 miañgö dop gölme qararañkölkölñe köyan köl wañgiget malmapköra miri gölme kun möhamgöiga miañgöreñ kök ala anök.

⁷Suep uruñe yarö juliga kewö auget: Suep garata bohonñi Maikel aka yañgö garataurupñi yeñön sekak namñi tuarenjoñ aka i aka yañgö garataurupñi yembuk auget. ⁸Auba sekak namñi aka yañgö garataurupñi yeñgö ösumñini qahö dop kölga luhut qahö al engiba miriñini mosöta Suep uruñe toroqeba malbingö osiget. ⁹Osigetka sekak namñi ilikñambuk mi mönö közöla Suepnöhök wuatangöget. Sekak namñi miañön möpñangö möpñeyök mokoleñ aka Iw (Ewa) isim wañgiyök. Qetñi alañi Bölöñangö Toñi aka Satan. Yañön kantriñi kantriñi pakpak kuñgum engiiga jañjuñ anda malgeri, mi aka yañgö garataurupñi mi mönö yambuk Suepnöhök közöla aköm engigetka gölmenöñ etket.

¹⁰Etketka Suepnöñ qet ketañi kunöñ kewö jii möral, “Keu silenöñ alal Toñan suñgem asak Anutuninañgö wösöñe kinda urumeleñ alaurupnini jim engiba malöhi, mi mönö yaköriba aköm wañgigetka yaigep eriga köirañ köljin. Nanine Anutuninan mönö nalö kewöñe ambazip amöt qem engiba kukösumñi qakñe galöm köl engiiga bemtohoñangö öññan lök asuhua. Amötqeqe Toñangö ösum-mumuñan lök asuhum teköza. ¹¹Yañön mötnarip alaurupnini keunöñ al engiba malökmö, Toñi mi mönö kewö luhut al wañgiget: Lama moröñangö sepñan i amöt qem engiiga köhöiba Buña keu ölbölñi nañgöba jim sehiba malget. Mewö mala jöjöröba sileñini tököba böñ kinda bim qeba luhut alget.

¹²“Miañgöra Suep mire maljei, eñön mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, iñini

ⁿ 12.3 Dan 7.7 ^o 12.4 Dan 8.10 ^p 12.5 Ais 66.7; Sum 2.9 ^q 12.7 Dan 10.13, 21; 12.1; Jud 9 ^r 12.9 Jen 3.1; Luk 10.18 ^s 12.10 Job 1.9-11; Zek 3.1

mönö lömböt kanjamꞋambuk bisimei, miangöra mönö Yei! jiba sahötzal. BölöꞋangö ToꞋan luhuba eta tiba engöreꞋ kaba nup meme nalöꞋi töröptökꞋi ahöi mötzawangöra mönö kazik ketanꞋi ahakza.”

¹³ Sekak namꞋi ilikꞋambuk yaköriba aköm wangigetka gölmenöꞋ eröhi, mi ek asariba ambi morö nahön meyöhi, mi kazik ak wangiba wuatangöyök. ¹⁴ Wuatangöyökmö, ambinöꞋ kök aliga AnutunöꞋ tukapkap ketanꞋangö ginginꞋi yahöt wangꞋiiga miangöꞋ bölbölgöba ösumꞋan anök. AnutunöꞋ gölme qararꞋkölkölꞋe yangöra miri gölme kun möhamgöyöhi, mönö miangöꞋreꞋ anök. MiangöꞋreꞋ anda asamböta maliga (yara) yambu 3 aka bahöꞋi kun mi köyan köl wangigetka mokoleꞋnöꞋ i qahö miwikꞋaiba qelanꞋjima. ¹⁵ AmbinöꞋ bölbölgöba aniga mokoleꞋgö irimꞋi teköiga numbuꞋeyök ambigö andöꞋe o gwaulu suaiꞋga o töwatꞋi ahök. O miangöꞋn ambi mi yöhsanꞋda memba jöhöm wangimapköra möta mewö söwötköba loꞋnök.

¹⁶ Mewö loꞋnökmö, gölmenöꞋ ambi mi bauköm wangiba tinꞋgiriga löm ahök. Sekak namꞋan numbuꞋeyök o suaiꞋga o töwatꞋi ahöhi, miangöꞋn mönö löm miangöꞋreꞋ geba jöpköba qahöwahök. ¹⁷ Mewö asuhuiga sekak namꞋangö irimꞋi mönö ambi miangöra aka seholiꞋga mosöta ambi miangö gwölönarökurupꞋi tosatꞋi qetala yarö gil engimangöra anök. GwölönarökurupꞋi mieꞋn Anutugö jöjöpꞋ keu tem köla Jisösgö BuꞋa keu töp naꞋgöba jim sehimakzei, mönö yembuk karim aubingö anök. ¹⁸ Aubingö anda köwet sakꞋe aꝼgota kinök. Mewö.

Jemnemba köwetnöhök korök.

13 ¹ Miangö andöꞋe jemnemba kun ilikꞋi 10 aka nööröꞋi 7 mi köwetnöhök koriga ehal. IlikꞋi 10 miangöꞋreꝼi ila jalö 10 kölgetka tatket aiga nööröꝼi mohot mohot miangöꝼreꝼ qet mepaqepaikꝼinambuk ohogetka ahöyök.

² Jemnemba mi ekiga kewö ahök: Kaisöꝼgolomꝼi mi lepad taigögö tandök ewö ahök. Köna bööröꝼangö sölöꝼi mi beö sömbupkö sölöꝼ ewö ahök. Numbuꝼi mi laion sömbupkö numbuꝼi ewö tandök. Sekak namꝼan mönö ösumꝼi, jakömbuak dumꝼi aka ambazip galöm köl engimapkö kukösumꝼi öꝼgöꝼgöꝼi mi jemnemba wangiyök. ³ Wangiiga nööröꝼi kun mi uzi köhöikꝼi kunöꝼ mei kömumawangö dop ahökmö, uziꝼan misiriꝼga löpötꝼanök tarök. Gölmegö ambazip körek pakpak yeꝼn auruba jemnemba mi andöꝼe wuatangöba anget. ⁴ Wuatangöba anda sekak namꝼangö waikꝼi memba möpöseiba malget. Kukösum mewöꝼi mi jemnemba wangiyöhanꝼgöra i aka jemnembagö waikꝼi mewöꝼanök memba möpöseiba kewö jiget, “Danꝼn jemnembagö dop akawak? Danꝼn i tuarenꝼn ak wangiba yambuk aumamgö köhöibawak?”

¹ 12.14 Dan 7.25; 12.7 ² 13.1 Dan 7.3; Ind 17.3, 7-12; Dan 7.4-6

⁵Mewö jigetka Satanöŋ jemnembagö numbuŋi sölölöhöiga köhöiba jakbak-öraŋboraŋ qakŋe mepaqepaik keuŋi laŋlaŋ jiba malök. Anutunöŋ Satan qahö aŋgön köliga ilitmamgö kukösümü mi köiŋ 42 miaŋgö dop ahöm waŋgimapköra jim teköyök. ⁶Mi jim teköiga numbuŋan aŋaŋiiga Anutu ilita malök. Anutugö qetŋi, Suep miriŋi aka Suep uruŋe maljei, mi pakpak mönö mepaqepaik ak eŋgiba malök. ⁷Mewö maliga Satanöŋ ambazip sarakŋi tuarenjoŋ ak eŋgimamgö kukösümü waŋgiiga yembuk bim auba luhut al eŋgiyök. Luhut al eŋgiiga Satanöŋ ambazip isikŋini pakpak kambuŋinaŋgö dop, keu tandökŋinaŋgö dop aka kantriŋinaŋgö dop mi mönö jemnembagö böröŋe al eŋgiyök.

⁸Ambazip körekmaköreŋ gölmenöŋ maljei, yeŋön mönö jemnembagö waikŋi memba möpöseiba malme. Anutugö ambazip solanŋi qetŋini Suep mire papianöŋ ohoget ahözawi, yeŋönök mönö jemnemba mi qahö möpöseime. Möpŋaŋgö möpŋe Anutunöŋ Suep gölme miwikŋaim etkiyöhi, nalö miaŋgöreŋök könahiba qetŋini mi malmal köhöikŋaŋgö papia miaŋgöreŋ ohoba mala kotket. Malmal papia mi Lama moröŋi qeget kömuyöhi, mönö yaŋgö buŋaŋi ahöiga galöm kölakza.

⁹“Kunŋan kezapŋambuknöŋ malja ewö, yaŋön mönö keu ki kezap ala möt kutuma! ¹⁰Kun kösö mire anmawaŋgö dop akzawi, yaŋön mönö miaŋgöreŋ anma. Kun bimgö sou ketaŋan ugetka kömumawaŋgö dop akzawi, yaŋön mönö mewö kömuma.”² Miaŋgöra ambazip sarakŋi, eŋön mönö kapaŋ köla lömböt memba mököstöŋda põdanŋ möt nariba malme.” Mewö.

Jemnemba kun gölme uruŋeyök korök.

¹¹Kunbuk ekiga jemnemba kun gölme uruŋeyök korök. Mi ilikŋi yahöt Lama moröŋaŋgö ilikŋi ewöya aka keuŋi mi sekak namŋi ilikŋambuknöŋ jiyöhi, mönö mewöŋanök jiba malök. ¹²Yaŋön kota alaŋi mutukŋaŋgö jitŋememeŋi aka kukösümü pakpak memba miaŋön yuai pakpak alaŋaŋgö jeŋe ahök. Mewö aka gölme ambazip kuŋguba sölölöhöm eŋgiiga auruba alaŋi mutukŋaŋgö waikŋi memba möpöseiget. Jemnemba mutukŋi mi uzi köhöikŋan mei kömumamgö ahökmö, misiriiga löpötŋanök tarök.

¹³Jemnemba yahötŋi yaŋön aŋgöletot ketaŋi tandökŋi könaŋi könaŋi meyök. Kun meyöhi, mi könöŋ bölamnöŋ suepnöhök eta gölmenöŋ kaba jeiga ambazipnöŋ mi jeŋinan eket. ¹⁴Anutunöŋ Satan qahö aŋgön köliga kukösümü waŋgiiga jemnemba mutukŋaŋgö jitŋememeŋi aka yaŋgö jeŋe aŋgöletot könaŋi könaŋi memba malök. Miaŋön mönö gölmegö ambazip

^v 13.5-6 Dan 7.8, 25; 11.36 ^w 13.7 Dan 7.21 ^x 13.8 Sum 69.28 ^y 13.10 Jer 15.2; 43.11

^z 13.10 Tosatŋan keu mi kewö melenje: Kunöŋ bimgö sou ketaŋi (bainat) miaŋön tosatŋi eŋguiga kömumei, tosatŋan mönö nanŋi mi sou mewöŋan ugetka kömuma.

tilipköm enjiiga janjuj aka sohoget. Sohogetka kewö kuŋguba jim kutum enjiyök, “Inini mönö jemnemba mutukŋangö imutŋi söhöba kuŋguget kiniga göda qem waŋgiba malme. Jemnemba mutukŋi mi bimgö sou ketaŋan (bainat) qegetka uzi mei kömumamgö dop ahökmö, töndup guliba maljawi, mönö yaŋgö imutŋi kuŋgume.”

¹⁵Mewö aketka Satanöŋ kukösum jemnemba könangeŋpi waŋgiiga tandö lopioŋ mi mem gulim waŋgiiga könahiba söngörö-ösum alök. Mewöyök jemnemba mutukŋangö imutŋi mem letoriga azi keu jiba ambazip kuŋgum enjiiga kewö asuhuyök: Denike yeŋön tandö lopioŋ miaŋgö waikŋi qahö memba möpöseigeri, i mönö körek enjugetka kömuget. ¹⁶Jemnemba könangeŋŋan ambazip körek pakpak kewö kuŋgum enjiba jiyök, “Inini mönö jemnemba mutukŋangö muŋgem supapŋi mi jemesoholŋine me böröŋini ölŋe mekötahöme.” Mewö jiiga nanŋini nupŋini memakzei aka toŋinangö welenŋini öne qemakzei, ambazip pomŋi aka wanapŋi, ketaŋi aka moröŋi yeŋön mönö körekmakökrek muŋgem supapŋi mi memba sileŋine mekötahöba kösöget.

¹⁷Denike yeŋön jemnembagö qetŋi me qetŋangö jaŋgöŋi sileŋine qahö memba malgeri, yeŋön mönö nene yuai stuanöŋ me maketnöŋ söngöröŋi memingö aka albingö osiget.

¹⁸Keu ki möt asaribingö mötkutukutuŋi kewö: Kunŋan mötkutukutuŋambuk maljawi, yaŋön mönö jemnembagö jaŋgöŋi oyoŋma. Jaŋgöŋi mi gölme azigö jaŋgöŋi akza. Supap jaŋgöŋi mi 666. Mewö.

Lama moröŋi aka könagesöurupŋi 144.000.

14 ¹Miaŋgö andöŋe uba Lama moröŋan Zaion kunduje kini ehal. Yambuk könagesöurupŋi jaŋgöŋini 144.000 mi mohotje kingetka Lama moröŋangö qetŋi aka yaŋgö iwiŋangö qetŋi mi körek yeŋgö mesoholŋine ohohoŋa ahöi engehal. ²Miaŋgöreŋök mötpiga Suepnöhök kouruk kun o ketaŋangö sia qetŋi ewö asuhuyök. Mi wölpöndaŋ giŋgururuŋ ketaŋanök qetzawaŋgö kourukŋi miaŋgö tandök ewö ahök. Kourukŋi mi gita kulele gwötpuk qegetka kourukŋi asuhumakzawaŋgö dop möral.

³Anutunöŋ ambazip 144.000 mi gölmenöhök söngöröŋini memba enjömeyöhi, yeŋön mönö Anutugö jakömbuak dum wösöŋe kaŋgota bem jembon 4 aka jitje meme bohonŋi 24 miengö jemesoholŋine kinda liŋet dölökŋi kölget. Körek yeŋön nanŋini liŋetŋini mi kölgetka yaigep yeŋön mi kusum aŋguba mötpingö osiget. ⁴Yeŋön ambazip qainŋi kun aka mala kotket. Qahö tölohoba sarakŋi malbingöra nanŋini galöm köl aŋguba ambi yembuk töwöt qahö miwikŋaiba malget. Lama moröŋan

^a 14.1 Eze 9.4; Ind 7.3

denike denike anakzawi, yejñon mönön i wuatangöba miañgören anakze. Anutunöñ i ambazip sutñineyök bohonñini memba meköba engömeiga Anutu aka Lama moröñi yetkö yambuñiri dölökñi akze. ⁵ Yengö jitñineyök muneñ keu kun qahö miwikñaigetka keuñini qahö sarakñi mala kotket. Mewö.

Suep garata karöbut yejñon keuñini jiba bölbölgöget.

⁶ Miañgö andöñe Suep garata kun ekiga suep kutuba könakemba bölbölgöyök. Yañon Ölöwak Buña koñkoñ^c memba kaba gölme ambazip yeñgöra jim asarimamgöra kayök. Ambazip mi kambuñinañgö dop, bem isikñinañgö dop, keu tandökñi jijiñinañgö dop aka kantriñinañgö dop gölme dop köla tat anjei, mönön körek yeñgöra jim sehimamgöra kayök. ⁷ Kaba köhöikñanök silata kewö qerök, “Anutunöñ ambazip kewöta jim teköm eñgimawañgö nalöñan mönön töriba dopdowiza. Miañgöra iñini mönön Anutugö jitiñi oñgitpinbuköra keñgötñini möta möpöseiba qetbuñani mem sehime! Kunöñ suep, gölme, köwet aka o jeñi miwikñaim eñgiyöhi, mönön yañgö waikñi memba möpöseiba malme.”

⁸ Mewö qeriga yañgö könañe Suep garata alañi kun mutukñi wuatangöba kaba kewö qerök, “Babilon siti ketañi mi meleñni geiga ahöza. Babilon ambi qetbuñañambuk miañon mönön serowilin aka miañon kantri pakpak mem tölohom eñgiiga dop köl eñgiyök. Yañon wain o ewö nemegöra eñgiiga uruñini sohoiga kahalalom aka malget. Mewö aka malöhañgöra Anutugö irimñi seholiiga kazik aka jiiga siti qetbuñañambuk mi mönön köndengetka meleñni gei ahöza.” Mewö.

⁹ Mewö qeriga yañgö könañe Suep garata karöbutñi kun etkuatangöba bölbölgöba kaba köhöikñanök silata kewö qerök, “Kunñan jemnemba aka yañgö imutñangö waikñi memba möpöseiba muñgem supañi añgön köla mesoholñe me böröñe mekötahöba kösöza ewö, ¹⁰ yañon mönön mewöñanök Anutugö irimsesewölñi mi wain o köhöikñi ewö nemba mötma. Anutunöñ wain o mi o töhöñambuk qahö mindiriba wain köhöikñi töhöñök irimsesewölñangö qambinöñ mokoi tatzawi, yañon mönön mi nema. Mi nemba Suep garata töröñi aka Lama moröñi yeñgö wösöñine kiniga salfa kötkö könöp bölamñan koasikpuk ohoiga sihimbölö öñöñi qahö möta malma.

¹¹ ^f“Miañon eñgohoiga sihimbölö öñöñi qahö möta malmei, miañgö köwakñan mönön nalö dop teteköñi qahö wahöta öñgömakña. Ambazip jemnemba aka yañgö imutñangö waikñi memba möpöseimakzei, yeñon mönön suñgem asak senjom möta malme. Kunñan muñgem supañi añgön

^b 14.5 Sef 3.13 ^c 14.6 Kembu bem koñkoñ Toñangöören Buña keu tömbuñi mi koñkoñ. Mi möpñangö möpñeyök könahiba teteköñi qahö ahöm öñgöma. ^d 14.8 Ais 21.9; Jer 51.8; Ind 18.2 ^e 14.10 Ais 51.17; Jen 19.24; Eze 38.22 ^f 14.11 Ais 34.10

köla sileŋe kösözawi, yaŋön mönö silerjan unduiga qemjeŋ qeba luhut memangö osiba malma.”

¹²Miaŋgöra ambazip sarakŋi Anutugö jöjöpäŋ keuŋi tem köla wuatangömakzei, eŋön mönö kapaŋ köla lömböt memba mökösoŋda Jisös pöndaŋ möt nariba malme.

¹³Miaŋgö andöŋe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöŋeyök könahiba kömumei, yeŋön mönö oyaenköyaen akŋe. Uŋa Töröŋan keu kitipŋi mi meköba ‘Keu mi ölja,’ jiza. Yeŋön nup köhöikŋi memba qemjem-mamjeŋ möta kaba malget teköiga nupŋinaŋgö öŋŋi asuhuiga Suep Toŋan kösohotŋini möri dop köli miaŋgöra sösoŋgai eŋgii tata luhut memba öŋsoŋ malme.” Mewö.

Gölmegö nene möriam öŋŋi memegö nalöŋi

¹⁴Mewö jiiga uba kousu tuatŋi ekiga miaŋgö qakŋe kun kaisoŋgolomŋi gölme azigö tandök ewö miaŋön tarök. Ila jalö goulnoŋ memeni mi nöroŋŋe tariga böröŋan sou kapeŋkapeŋgöŋi jitŋambuk mi memba tarök. ¹⁵^hMi ekiga Suep garata kunŋan möpömöpösei jikenöhök (tempöl) aukŋe kaŋgota kousu qakŋe tatzawi, yaŋgöra keu kewö jiba köhöikŋanök qerök, “Gölmenöŋ möriam öŋŋi lök öliiga öŋŋi memegö nalöŋan mönö akza. Miaŋgöra göŋön mönö sougi kapeŋkapeŋgöŋi memba nupnöŋ anda miaŋön gölmegö möriam öŋŋi mi kutum tokoman.” ¹⁶Kousu qakŋe tatzawi, yaŋgöra mewö qeriga souŋi kapeŋkapeŋgöŋan gölmenöŋ gila nupkö möriam öŋŋi kutum tokoyök.

¹⁷Mi tokoiga Suep garata kunŋan Suepkö möpömöpösei jikenöhök (tempöl) aukŋe kaŋgorök. Yaŋön mewöyök sou kapeŋkapeŋgöŋi jitŋambuk kun memba kaŋgorök.

¹⁸Kaŋgoriga Suep garata karöbutŋi kun Suepkö altagö könöp galömŋi aka alta mi mosöta kaŋgorök. Kaŋgota köhöikŋanök qeta Suep garata sou kapeŋkapeŋgöŋi jitŋambuk memba kinöhi, yaŋgöra kewö jiyök, “Göŋön sougi kapeŋkapeŋgöŋi jitŋambuk mi mönö memba nupnöŋ anda miaŋön gölmegö wain kaŋgeŋi kaŋgeŋi mi yandiman. Kaŋgeŋ miengö kötŋi lök ölim yaköba tatze!”

¹⁹Mewö jiiga souŋi kapeŋkapeŋgöŋi gölmenöŋ gila gölmegö wain kösö öŋŋi mi köteköm tokoba Anutugö wain jout ketaŋi miaŋgöreŋ tözöhölmegöra gilök. Wain jout mi Anutugö irimsesewölŋaŋgö kaisöpsöpŋi akza. ⁱ ²⁰Wain bagem öŋŋi mi siti yaigepŋe könanöŋ tiba tözöhölgetka sepŋan wain jout ketaŋaŋgö numbuŋe kota qöl tandök ewö

^g 14.14 Dan 7.13 ^h 14.15 Joel 3.13 ⁱ 14.19 Anutugö irimsesewölŋi mi wain jout ketaŋe tözöhölgetka uruŋan amöriba teköma. Indelindel 19.15 mi ekŋan. ^j 14.20 Ais 63.3; Seru 1.15; Ind 19.15

lanlaŋ wahöta kota o töwatŋi ahök. Sep miangö diginŋi mi wan mita aka bahöŋi kun ahök. Hosnöŋ miangöreŋ tiba aniga numbuŋe koriga hos injutŋangö kösöŋan samuruyök. Diginŋi mewö aiga köröpŋi 300 kilomita miangö dop ahök. Mewö.

Suep garata 7 aka lömböt kanjamŋinambuk 7.

15 ¹Miangö andöŋe suep uruŋe uba aŋgöletot ketaŋi kun asuhuiga eka kewö welipköyal: Suep garata 7 mi lömböt kanjamŋinambuk (plague) 7 memba kinget. Ambazip siŋgisöndokŋinaŋgöra Anutugö irimŋi seholiiga jim teköba likeŋŋi meleŋni lömböt kanjamŋinambuk qakŋine öŋgöi mötketka uruŋan amöriiga keuŋinan kömuma. Miangöra qetŋini lömböt kanjamŋinambuk qöndökŋi 7 qetket.

²Mi eka yuai gilikbilikŋambuk köwet ewö ekiga könöp bölamŋambuk lolonqalöŋ ahöyök. Miangö qöhöröŋe Anutugö ambazip kingetka eŋgehal. Yeŋön luhut ala jemnembagö keuŋi qahö tem köla imutŋangö waikŋi qahö memba qetŋangö jaŋgöŋi sileŋine qahö aŋgön köla malget. Anutunöŋ i mohot mohot kulele eŋgiiga memba kinget. ³^kMiangöreŋ kinda Anutugö nup meme azi Mosesgö liŋetŋi aka Lama moröŋangö saureŋ liŋetŋi mi kewö kölget,

“O Kembu Anutu kukösum pakpakö Toŋi, göŋön aŋgöletot ketaŋi ketaŋi welipŋinambuk ahakzan.

Göŋön kantriŋi kantriŋi mi kiŋ kembu ak eŋginöŋga ahakmemegahö könaŋi mi diŋdiŋi aka öl töhöŋŋi akza. Miangöra Anutu qainŋi kun aka maljan.

4 O Kembu, göhöreŋ ahakmemegi diŋdiŋi mi mönö aukŋe asuhuiga mötzin.

Miangöra kantri pakpak yeŋön kaba göhö waiki memba möpöseim gihimakze.

Göŋön nangok töröŋi akzan. Miangöra aka daŋön mönö göhöra keŋgötŋi qahö mötpawak? Körek neŋön göhö qetbuŋagi mem sehiba möpöseimakzin.”

⁵^lMiangö andöŋe uba yuai kewö ehal: Suepkö möpömöpösei jikegö (tempöl) nanŋuŋan taliga miangö uruŋe Anutu dangunuŋangö opo seri jikeŋan kini ehal. ⁶Möpömöpösei jike miangöreŋök Suep garata 7 lömböt kanjamŋinambuk 7 memba kingeri, yeŋön mönö eta aukŋe kaget. Malukuŋini tuat lalamŋi bilikbilikŋinambuk löŋgötketka opo jöhan maŋgihilakŋi goulŋambuk mi örigit ewö töptöpŋe embahöm aŋguba kinget.

⁷Yeŋön kagetka bem jembon 4 miengöreŋök kunŋan goul qambi 7 eŋgiiga Anutugö irimesewölŋan qambi mi numbuŋe kotket. Anutu

^k 15.3 Eks 15.1; Jer 10.7; Sum 86.9 ^l 15.5 Eks 38.21

irimŋi seholizawi, yaŋön mala kota malja aka teteköŋi qahö mal öŋgöma. ⁸Qambi mi enŋiiga Anutunöŋ asakmararaŋi aka kukösumŋi kondeliga miangöra köwak pukpuköba möpömöpösei jike (tempöl) kokolak qeiga kunŋan kun Suep jike mi öŋgö-öŋgögö dop qahö ahök. Suep garata 7 yeŋön mutuk qambiŋini mokogetka lömböt kanjamŋinambuk 7 asuhuba öŋjinambuk akŋei, miangö andöŋe ölop kunbuk öŋgöme. Mewö.

Qambi 7 mokogetka Anutugö irimsesewölŋan asuhuyök.

16 ¹Möpömöpösei jike (tempöl) uruŋeyök qet ketani kun asuhiiga Suep garata 7 miengöra keu kewö jim kutuiga möral, “Inini anda Anutugö irimsesewölŋan qambi 7 numbuŋe kota ahözawi, miengö öŋŋi mönö gölmenöŋ mokome.”

²Suep garata mutukŋan mosöta anda qambiŋangö öŋŋi mi gölmenöŋ mokoyök. Mokoiga uzi imbilonŋonambuk sihimbölöŋini tandökŋi sohosohoŋi mi qequetal ambazip yeŋgö sileŋine asuhuget. Ambazip jemnembagö muŋgem supapŋi sileŋine memba imutŋangö waikŋi memba möpöseigeri, mönö yeŋgö sileŋine asuhuget.

³Yahötŋi yaŋön mosöta anda qambiŋangö öŋŋi mi köwetnöŋ mokoyök. Mokoiga köwetnöŋ melenŋa sep ahök. Mönö azi qequeŋangö sepŋi ewö ahök. Mewö aiga köwet uruŋe yuai pakpak malmalŋinambuk maljei, mi mönö lökŋanök kömum teköget.

⁴Suep garata karöbutŋan qambiŋangö öŋŋi mi o töwatŋi aka o jeŋi miangöreŋ mokoiga melenŋa sep aka dop kölöök. ⁵Mewö aiga Suep garata o galöm kölakzawaŋön keu kewö jiiga möral, “O Anutu töröŋi, göŋön keu kewöta kewö jim tekönöŋga lömböt ki asuhuzawaŋgöra diŋdiŋi akzan. Mönö solanŋi mala kota maljan. ⁶Yeŋön göhöreŋ ambazip sarakŋi aka kezapqetok ambazip enŋguba malgetka sepŋinan mokoyök. Göŋön i enŋguraŋgö likepŋi melenŋa sep enŋinöŋga negeri, mi mönö dopŋe alnöŋga qakŋine öŋgöyök. Miangöra Anutu göŋön mönö diŋdiŋanök akzan.”

⁷O galöm kölakzawaŋön mewö jiiga keu kun altanöhök kewö kaiga möral, “Keu mi öŋŋa! O Kembu Anutu kukösum pakpakö Toŋi, göŋön mönö ambazip keuŋini kewöta diŋdiŋanök jim teköm enŋgimakzan.”

⁸Suep garata 4:ŋan qambiŋangö öŋŋi mi wehön jeŋe mokoiga miangön wehön ösum waŋgiiga könöpŋi kötökŋi aka ambazip könöp ewö enŋgohoyök. ⁹Wehön jeŋi könöpŋambuk miangön enŋgohoiga sileŋini dölatiyök. Anutunöŋ lömböt kanjamŋinambuk miengö Toŋi aka ali qakŋine öŋgöyöhi, ambazipnöŋ mi möta miangöra Anutugö qetŋi jim qesuahöm waŋgiba malget. Mewö malgetmö, Anutu möpöseiba qetbuŋaŋi

^m 15.8 Eks 40.34; 1 Kiŋ 8.10-11; 2 Hist 5.13-14; Ais 6.4 ⁿ 16.2 Eks 9.10 ^o 16.4 Eks 7.17-21; Sum 78.44; Eks 10.21

mem sehimegöra mönö uruñini qahö melengetmö, toroqeba yañgiseñ aka malget.

¹⁰Suep garata 5:ñan qambiñangö ölni mi jemnembagö jakömbuak dumnöñ mokoyök. Mianğöreñ mokoiga söñaup ketañan jemnembagö ömetohöñi (kingdom) mi dop köla pandaman meyök. Pandaman meiga ambazip irimñini seholiiga nesilamñini jitñinan yöhötigetka tiñgirök. ¹¹Ambazipnöh sihimbölö aka uzi nömböñinangö sihimbölöñi ketañi möta mianğöra Suepkö Anutuñi mi jim qesuahöm wañgiba malget. Mewö malgetmö, ahakmemerñini bölöñi aka memba malgeri, mi qahö kewöta mosöta uruñini qahö melenget.

¹²^pSuep garata 6:ñan qambiñangö ölni mi o töwatñi ketañi qetñi Yufreitis mianğöreñ mokoiga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yeñön o jöpköiga kunbuk qahö pañpañgögetmö, kutuba kamegö könañi mönö asuhuyök. ¹³Mianğöreñök uba öme bölöñi karöbut tandökñini kañ ewö mi eñgekiga sekak namñi ilikñambuk, jemnemba aka kezapqetok azi takapulakañi yeñgö numbuñineyök kota etket. ¹⁴Ömewöröme mieñön eta anda añgöletotñi könañi könañi ahakze. Mewö aka gölmeñi gölmeñi pakpak liliköba kiñ kembuñini eñgeka Anutu tuarenjöñ akñegöra uruñini kuñguba kewö jiget, “Mönö mindirim añguba Anutu kukösum pakpakö Toñangö nalö ketañe mohotñe bim aubin.”

¹⁵^qJisösnöh jiza, “Kezap alget! Nöhön mönö yoñgorö meme ewö ölöñ kamam! Kunñan uruguliguli malmawi, yañön mönö simbawoñ akza. Sile aukñe lañ anda kaiga gamuñi ekepuköra sile esuñi galöm kölakzawañön mönö oyaeñkoyaeñ akña.”

¹⁶^rÖme welenqege yeñön kiñ kembuñi kembuñi mi kuñguba eñguangita gölme köröñi qetñi Hibru keunöh Armagedon jizei, mianğöreñ qezaköba al eñgigetka eñgehal. Mewö.

¹⁷Suep garata 7:ñan qambiñangö ölni mi könakemba mokoyök. Mokoiga möpömöpösei jike (tempöl) uruñangö jakömbuak dumñeyök qet ketañi kun asuhuba keu kewö kaiga jiyök, “Mi lök mokogetka asuhum teköza.” ¹⁸^sMewö jiiga mianğöreñök wölbilik aiga wölpöndañ giliga giñgururuñ qeta ahöiga kenöh jitñi buburatiñi kun meyök. Iw (Ewa) Adam yetkö nalönöhök könahiba gölmenöh mala korini, nalö mianğöreñ kenöh mewöñi kun qahö gilgilña. Mianğö dop tandökñi sohosohöñi giliga bölöñi kötökñi ahök.

¹⁹^tMewö asuhuiga siti ketañi Babilon mianñön jula bahöñi karöbut aket aiga kantriñi kantriñi pakpak mieñgö sitiñini mi mewöñanök ayuhuba meleñni geget. Anutunöh siti qetbuñañambuk Babilon mieñgö

^p 16.12 Ais 11.15 ^q 16.15 Mat 24.43-44; Luk 12.39-40; Ind 3.3 ^r 16.16 2 Kiñ 23.29; Zek 12.11 ^s 16.18 Ind 8.5; 11.13, 19 ^t 16.19 Ais 51.17; Ind 6.14

bölönjamnini qahö ölum qeiga likepñamjini melej enjiyök. Anutunön urukönöp aka irimsesewöljan qambi kokolak qeba taröhi, mi mönö mokom enjiiga qakñine öngöiga wain o ewö neget. ²⁰Köwetnön gölme jölanji pakpak ahögeri, mi mönö kök ala sömuniget aiga kundunji kundunji kingeri, mi mönö mewöñanök ayapköba qahöwaket.

²¹"Mewö asuhuiga ais kötni ketañi lömbötñini 45 kilogram mieñön suepnöhök ambazip qakñine erök. Lömböt kanjamñambuk mi tandökñi sohosohoñi ahök. Kie kötni tandökñi mewö miañön eta enjiuga ambazipnön miañgöra Anutu jim qesuahöm wañgiget. Mewö.

Ambi kunön jemnembagö qakñe tari ehal.

17 ¹"Suep garata 7 qambi 7 mi memba kingeri, yeñgörenök kunñan kaba nöñgöra keu kewö jiyök, "Gi mönö kanöñga köna ketañangö ambi qetbuñambuk o gwötpuk mieñgö qakñine tatzawi, mi kondel gihimam. Anutunön keuñi kewöta likepñi melejñi qakñe öngöi malja. ²"Gölmegö kiñ kembuñi kembuñi yeñön yambuk serowilin aka malget. Könagesöñinan gölmenön maljei, yeñön mönö mewöyök ambi miañgö serowilinñangöra aka uruñini wahöta sohoiga kahalalom aket. Wain o nemba enjololoñ ahakzei, mönö miañgö dop könahiba sero yoñgorö aka mala kahapmahap aket."

³Mewö jiiga Uña Töröñan nömeiga alburupñan qakne öngöiga Suep garata miañön noañgiriga gölme qararankölkölñe añgoral. Miañgören añgota ambi kun jemnemba pisikñi pötpöt yanğö qakñe tariga ehal. Jemnembagö sileñe mepaqepaik qetñi qetñi ohogetka kokolak qeiga nööröñi 7 aka ilikñi 10 mewö kinök.

⁴"Ambi miañön opo söör pisikñi gugakgugak aka pisikñi pötpöt mi löngöta tarök. Aködamunñi goul, jamönñiñ ölninambuk aka kösatorom tosatñi miañön meñölöm añgiuga tandökñan kölkölbilikbilikñambuk ahök. Böröñe goul qambi memba taröhi, mi serowilin aka malöhanğö añgöjörakñi imbilonñambuknön kokolak qeçeña.

⁵Ambi miañgö mesoholñe qetñi tölapñi mi kewö ohogetka ahöyök, "Babilon qetbuñambuk, gölmegö köna ketañi ambazip aka añgöjörak imbilonñambukö namñini." ⁶Qetñi mewö ahöiga Anutugö ambazip sarakñan Jisösgö könañi nanğöba böñ qeba kinda jiba malgeri, mi enğuba sepnini nemba miañgöra kahalalom ahöi ehal. Mi eka aurum tililingöyal.

⁷Aurum tililingöbiga Suep garatanön nöñgöra keu kewö jii möral, "Gi mönö denöwögöra aurum tililingözan? Nöñön ölop ambi kianğö könañi tölapñi indel gihimam aka jemnemba nööröñi 7 aka ilikñi 10 ambi mi bisimakzawi, yanğö könañi tölapñi mi mewöyök indela jim

° 16.21 Eks 9.23; Ind 11.19 ° 17.1 Jer 51.13 ° 17.2 Ais 23.17; Jer 51.7; Ind 13.1
 × 17.4 Jer 51.7

miwikɲaim gihimam. ⁸Yegi meleɲniga jemnemba ekzani, yaɲon mutuk malökmö, nalö kewöŋe jebuk qahö malja. Yaɲon ömewöröme yeŋgö löm dutɲi qahö miangöreŋök guliba wahötmapmö, Kraistnön kaköm waŋgiiga könöp sianön gema. Anutunön Suep gölme miwikɲaim etkiyöhi, nalö miangöreŋök könahiba gölmenön mala kotketka qetɲini malmal köhöikɲaŋgö papianön qahö ohoget ahözawi, ambazip miejön mön jemnemba eka aurume. Jebuk malökmö, nalö kewöŋe jebuk qahö malja aka könangep kunbuk guliba asuhumawi, miangöra mönö aurume.

⁹“Nini keu ki möt asaribingöra möringa mötkutukutuɲan kewö ahöza: Nöröpɲi 7 mi ambinön kundunɲi 7:gö qakɲine tatzawi, mönö kundunɲi mieŋgö söpsöpɲi akze. ¹⁰Nöröpɲi 7 mi mewöyök kiɲ kembu 7 mieŋgö kaisöpsöpɲi akze. Yeŋgöreŋök 5 lök kömumba etketka 6:ɲi yaɲon mala ambazip galöm köl engimakza. Qöndökɲan biaɲ asuhumawaŋgö dop akza. Yaɲon asuhumawi, miangöreŋ mönö nalö töröpɲi kukösum qakɲe kinmawaŋgö dop akɲa. ¹¹Jemnemba malökmö, nalö kewöŋe qahö toroqeba maljawi, yaɲon 7 yeŋgöreŋök kun akza. Yaɲon kunbuk guliba nanɲak kiɲ kembu jaŋgöɲi 8 akɲa. Mewö akɲapmö, Kraistnön köndeɲ waŋgiiga ayuhuba könöp sianön gema.

¹²“Ilikɲi 10 engezkani, mi mönö kiɲ kembu 10 mieŋgö kaisöpsöpɲini akze. Yeɲon qahö könahiba ambazip galöm köl engimakzemö, Anutunön könangep kukösum enɲiiga kiɲ kembu ewö akɲe. Mewö aka jemnembabuk aua mohotkö dop ambazip galöm köl engiba malme. ¹³Kiɲ kembu 10 miejön mötmöt areɲ mohot miyök wuatangöba jemnemba naŋgöba kukösumɲini i waŋgigetka malma. ¹⁴Ösumɲini mewö mindiriba Lama moröŋi tuarenjoɲ aka bim aumemö, Lama moröŋan mönö luhut al enɲiiga etme. Yaɲon kiɲ yeŋgö Kiɲini aka azi kembu yeŋgö Kambuɲini akza. Yaɲon neŋgohola möwölöhöm neŋgiiga yambuk pöndaɲ kinda malbini, neɲon mönö mohotɲe luhut al engiba köiraɲ kölbin.”

¹⁵Suep garatanön keuɲi mewö jiba toroqeba kewö jii möral, “Köna ketaŋaŋgö ambi ketaɲan o gwötpuk mieŋgö qakɲine tariga engek teközani, o mi ambazip kantriɲi kantriɲi mieŋgö kaisöpsöpɲini akze. Yeɲon kambuɲini aka bem isikɲinaŋgö dop likepliket tat angetka sileɲini könaɲi könaɲi aiga keuɲini tandökɲi murutɲi murutɲi jimakze. ¹⁶Jegi meleɲniga ilikɲi 10 engezkani, yeɲon mönö ösumɲini jemnembabuk mindiriba köna ketaŋaŋgö ambi mi kazik ak waŋgigetka kewö asuhuma: Yeɲon öroyuaiɲi pakpak kiom qegetka piromɲi aiga opo söroröŋi köteköm tekögetka sile aukɲeyök aiga busuɲi nemba sihitɲi könöpnön ohogetka jem teköma.

¹⁷“Mewö asuhumawi, mi Anutunön kiɲ kembu mieŋgö uruɲini kuŋguba sölölohöm enɲiiga urumohot aka mindiriba akɲe. Anutugö

† 17.8 Dan 7.7; Ind 11.7; Sum 69.28 ‡ 17.12 Dan 7.24

mötmöt areni mönö mewö wuatangöme. Miangö dop kukösumjini jemnema wangigetka ambazip galöm köl enggiba malma. Mewö maliga Anutugö keujan öljambuk akjawwi, nalö miangöreñ teköma. ¹⁸ Amba tari ekzani, mi siti qetbuñambuk toñan gölmegö kiñ kembuñi kembuñi galöm köl enggimakzawi, mönö kiñ miangö söpsöpñi akza.” Mewö.

Babilon siti köndengetka gororongöma.

18 ¹ Miangö andöñe Suep garata kun kukösumñi öngöñgöñi ekiga Suepnöhök asuhuba eriga asakmararañan gölme mem asariyök.

² “Eta köhöikñanök silata kewö qerök, “Babilon siti ketañi mi köndenget. Mi ölja köndengetka gororongoyök. Ambazip qahöwaketka öme wöröme könani könani yeñönök mönö tokoba miriñini miangöreñ megetka yeñgö gölmeñini bohonñi ahök. Neiñi neiñi dönqizinñinambuk aka imbiloñloñinambuk mieñönök mönö miangöreñ tokoba aipñini lañ ala öñsöñ malje.

³ “Anutunöñ mi kewögöra jiiga köndenget: Kantri pakpak yeñön ambi miangö serowilinñangöra aka uruñini wahöriga eñololoñ aketka Anutugö irimñi sehohiyök. Irimse sewölñi mi qakñine öngöiga wain o nemakzeangö tandök mötket. Gölmegö kiñ kembuñi kembuñi yeñön ambi miambuk sero namböñnamböñ aka malget. Kölköl-örörö ambazipnöñ gölme dop miangöreñök kaba sukinap aködamunñinambuk bohonñi memapköra algetka önöñi qahö öröba siyoñsayoñi qahö malök. Yangö örömgöjup memgöjupñangöra aka yeñön pomñi kindiñbirik aka öngöñgöñi aket.”

⁴ “Miangö andöñe Suepnöhök kunöñ keu jiiga kewö möral,
“Nöñgö könagesourupni, iñini mönö siti mi mosöta yaigep etket.
Amba mianön siñgisöndok ahakzawi, mianön mönö eñgualöñni yambuk kindi uruñini tölohobepuk.

Anutunöñ likepñi meleñ eñgiiga lömböt kanjamñinambuk qakñine öngömei, lömböt mewöñi kunöñ mönö nanñini qakñine öngöiga mewöyök sihimbölö mötpepuk. Miangöra yembuk mönö kude mindiriba malme.

⁵ ^d “Amba mianön siñgisöndokñi aka qaknöñ qaknöñ aliga öngöba lök suep misirim teköza.

Kegwek-kahasililiñ aka malgeri, Anutunöñ mi mönö nanñi mötmötnöñ ala miangöra qahö ölum qema.

⁶ ^e “Ahakmeme goñgoñi tosatñi ak enggiba malgeri, iñini mönö miangö dop meleñda ak enggime. Bölöñi aka memba malgeri, iñini mönö miangö likepñi sömañi yahötkö dop meleñ eñgigetka qakñine öngöma.

^a 18.2 Ais 13.21; 21.9; Jer 50.39; 51.8; Ind 14.8 ^b 18.3 Ais 23.17; Jer 51.7 ^c 18.4 Ais 48.20; Jer 50.8; 51.6, 45 ^d 18.5 Jen 18.20-21; Jer 51.9 ^e 18.6 Sum 137.8; Jer 50.29

Singisöndokö qambiñi nemegöra mokoba malgeri, nanñini qambi miangörenök mönö sömañ yahötkö dop uba meleşda wain o kömbukñi kötökñi mi engöra mokoget neme.

- 7 ^fAmbi miangön sukinap aködamunñinambuk önöñi qahö öröba qetbuña öngöngöñi miwikñaiba siyonsayonñi qahö malök. Miangö likepñi mönö nanñi ihileknöñ ohotiriba ip özöpaññöñ sihimbölö önöñi qahö ak wañgigetka jingey köla wösöbirik malma. Nanñi uruñe kewö mötmöriba lañ jimakza,
 ‘Nöñön qin ambi kembugö jakömbuak dum tatatñe tatzal. Malö qahö akzal aka nalö kunöñ jingey qahö kölmam.’
- 8 Mewö lañ jimakzawañgöra aka Anutunöñ likepñi meleş wañgiiga nalö mohotkö uruñe yañgö qakñe öngöma.
 Kembu Anutunöñ keuñi kewöta jim teköm wañgiyöhi, yañgö kukñan mönö öngöngöñi akza.
 Miangöra lömböt kanjamñinambuk könañi könañi mieñön mönö zilañ kewö asuhum wañgime:
 Tinitosolomñan kömugetka jingey köla bödi tariga nanñi könöpnöñ ohogetka jema.”

⁹Könöpnöñ ohogetka jeiga köwak wahötmawi, kantriñi kantriñi pakpak mieñgö kiñ kembuñinan mi eka mönö amburereñ aka sahötme. Kiñ kembu mieñön yambuk serowilin aka malget. Sukinapñi aködamunñinambuk önöñi qahö miangö nem söñgaipñi yambuk ala söñgaiba malgeri, yeñön mönö yañgöra aka jingey kölme. ¹⁰Jingey köla ihileknöñ ohotirigetka ip özöpaññöñ sihimbölö önöñi qahö mötzawi, miangöra mönö töwöratiba tikep kinda kewö sahöta jime, “O Babilon siti qetbuñañambuk, lömböt qakñine öngöyöhañgöra mönö Yei! Yei! jiba sahötzin. O siti kukösumñini ketañi, Sup Toñan likepñi meleş enñgiiga ösumok aua mohotkö uruñe qakñine öngöiga sihimbölö ketañi mötze. Yei Yei! jiba sahötzin!”

¹¹^hKantriñi kantriñi mieñgö kölköl-örörö ambazip yeñön mewöyök amburereñ akñe. Kunñan toroqeba yañgö inapñini bohonñi qahö memakñawañgöra mönö jingey köla sahötme. ¹²ⁱAködamunñini goul, silwö, jamönñiñ öñinambuk aka sorom kötñi mi Babilon yeñön me tosatñan qahö bohonñi meme. Opoñini tuat lalamñi, pisikñi gugakgugak, pisikñi pötpöt aka opo qetñi silk mi qahö bohonñi meme. Ip qetpuk könañi könañi mieñgö kemañini aka börösöwöñini könañi könañi mi qahö toroqeba bohonñi meme. Aködamunñini elefant sihitñan memeni, mi öne ahöme. Dum tebol yuañini ip söñgöroröñini ketañi in, qönqön,

^f 18.7-8 Ais 47.7-9 ^g 18.9-10 Eze 26.16-17 ^h 18.11 Eze 27.31, 36 ⁱ 18.12-13 Eze 27.12, 13, 22

mihinik, nanjim aka yuari mianjon memenji, mi one ahome. Borosowo ain gohotji brons aka ain injarjan memenji aka kot qetji mabol mianjon memenji mi mono one ahome.

¹³Babilon yejon komusononik (sinamon) aka gipji tosatji mi qaho bohonji meme. Silego sanda qetji mor, jiniy samburup aka sile omon tosatji mi qaho bohonji meme. Wanafu, berat, wolomjikjik aka woronji asuhumapko yuai tosatji mi qaho bohonji meme. Mewoyok wain o, oil ipko oilji, wit kotji aka flaua neneji mi qaho bohonji meme. Bulmakau, lama, hos aka hos kare mi qaho bohonji meme. Mutuk welenqece ambazip bohonjini memba nupnoj al engigetka sile me urumotmotjinaran boliba ayuhuyok. Mewo qaho toroqeba ahakje.

¹⁴Kolkol-ororo ambazip yejon Babilon ambi miangora kewo jime, "Ip olji nemamgo sihimji mota erom ota malnoji, mi mono qahowaketka one maljan. Tohotmoriangi aka sukinapki akodamunjinambuk mi mono korek pakpak gomosota ayapkogetka tomtomimba maljan. Mi mono nalö kungen kunbuk miwikjaimanangö dop qaho." ¹⁵^jKolkol-ororo ambazip sukinapjini mewo mewo bohonji memegora ala siti miangorenjok monej goul (guli dotnam) oroba qetbujaninambuk aket. Yejon tikep kingetka tosatjan ihileknöj ohotirigetka ip ozopanjöj sihimbolö onöji qaho moröhi, miangora mono auruba sahota jingej kolme.

¹⁶Jingej kola kewo jime, "O siti ketaji, lomböt qakjine ongoyohangora mono yei! yei! qeta jingej koljin. Yejon opojini tuat lalamji, pisikji gugakgugak aka pisikji potpot mi longotket. Akodamunjini goul, jamonjin oljinambuk aka kosasorom tosatjan menjolom angugetka tandokjinaran kolkobilikjinambuk aket. ¹⁷^kMewo aketmo, sukinapjini mewonji onöji qaho mi mono osumok aua mohotko uruje ayuhuba ayapkoba qahowaket." Mewo jiget.

Wange pilot pakpak aka ambazip wangenöj anda kamakzei, yejon mewonanjok korek Babilon siti ohoget jeiga kowakji mi tikep kinda ekje. Mewoyok wange ambazip opo seri mororengogetka luhutnoj nangoi anakzei aka kowetnoj nup tosatji memba malmaljini nangomakzei, mienjon mono korek pakpak mi tikep kinda ekje. ¹⁸^lAmbi ketaji qetbujanambuk ohoget jeiga konöp bolamjangö kowakji wahotmawi, mi tikep kinda eka amburerej aka kewo jime, "Siti qetbujanambuk kiango alaji mono nalö kunöj qaho ahoyok."

¹⁹^mMewo jiba sömsöm urata kau ariba qeta jingej kola unduba sahota kewo jiget, "O siti ketaji, aua mohotko uruje yuaiji pakpak mono ayuhuba ayapkoba qahowahök. Ambazip wangenjinambuk pakpak kowetnoj anda kaba sukinapjini bohonji memegora ala

^j 18.15 Eze 27.31, 36 ^k 18.17 Ais 23.14; Eze 27.26-30 ^l 18.18 Eze 27.32 ^m 18.19 Eze 27.30-34

miaṅgöreṅök moneṅ goul (guli dötnam) sehisehiṅi örögetka siti miaṅön qetbuṅaṅambuk ahök. Lömböt qakṅine öṅgözawaṅgöra mönö yei! yei! jiba sahötzin.” Mewö jiget.

²⁰ “Yeṅön ahakmeme goṅgoṅi tosatṅi ak eṅgiba malgeri, Anutunön mönö miaṅgö keuṅi jim teköba likeṅṅi meleṅniga qakṅine öṅgöiga sihimbölö ketaṅi mörakze. Miaṅgöra Suep mire maljei, iṅini mönö yaṅgöra aka köiraṅ kölme. Anutugö ambazip sarakṅi, aposolurupṅi aka kezapqetok ambazip iṅini mönö söṅgaiba saureṅ qeba malme.

²¹ “Miaṅgö andöṅe Suep garata ösumṅi öṅgöṅöṅi kunöṅ kaba köt keta bölökṅi memba wahöta köwetnönṅ gili geiga kewö jiyök, “Anutunön siti ketaṅi qetbuṅaṅambuk mi mönö kiaṅgö dop könöpuk köndenṅa meleṅni geba qahöwak teköma. Qahöwak teköiga könaṅgep nalö kunöṅ qahö miwikṅaimeaṅgö dop akṅa. ²² ^p “Iṅini siti miaṅgöreṅ kömam köla gita kulele qeba awölop tömun uba liṅet köla undumalgeri, miaṅgö kourukṅi mönö nalö kunöṅ kunbuk qahö mötme. Babilon eṅgöreṅ ambazip mötmöt nupṅini könaṅi könaṅi memba malgeri, mi mönö teköyök. Dokta didiman, qaṅazu klak aka mewöṅi mi miaṅgöreṅ kunbuk qahöpmaṅ miwikṅaim eṅgime. Wit padi köṅṅi jamönṅiṅ yahötkö sutṅire möjöjahögetka (mill) kourukṅi asuhuyöhi, miaṅgö isikusukṅan mönö qahöwahiga sitinönṅ mönö göröṅ qeba ahöma.

²³ “Mutuk sitinṅinaṅgö miriṅi pakpak mi kiwaṅinambuk asarigetmö, asakṅi miaṅön mönö bököiga pandaman ahöma. Azigö andöurupṅinan ambigö mam bohonṅi bau aṅguba börum megetka ambigö sepkitipurupṅan köiraṅ ala nem jöwösök aka sösoṅgai almalgeri, oköiraṅ mewöṅaṅgö kourukṅi mi mönö kunbuk mötmeaṅgö dop qahö. Babilon eṅgö kölköl-örörö ambazip mi kantriṅi kantriṅi miaṅgöreṅ möt eṅgigetka qetbuṅaṅinambuk aka malget. Yeṅgöreṅ qarösoṅgo amötqeqe ambazip mi gölme dop ambazip uruṅini mem sohogetka jaṅjuṅ aka malget.” Suep garatanönṅ mewö jiyök.

²⁴ “Babilon mi kewögöra ayuhuyök: Kezapqetok ambazip aka Anutugö ambazip sarakṅi mi mönö yeṅgö sutṅine töndup taköwölaṅ aka eṅguget kömugetka seṅṅinan erök. Yeṅgöreṅ sep aka gölmenönṅ ambazip tosatṅi eṅgugetka kömumalgeri, körek yeṅgö seṅṅinaṅgö kitipṅan mönö yeṅgö qakṅine öṅgöi malget. Könaṅamṅini mewö miwikṅaigetka ahöyök. Mewö

Suep yeṅön Babilon geyöhangöra Anutu möpöseiget.

19 ¹ Miaṅgö andöṅe Suepnöhök keu kun mötpiga kambu ketaṅi yeṅön köhöikṅanök saureṅ liṅet köla qetzei, mönö miaṅgö tandöktandök asuhui kewö jiget, “Anutu möpöseizin aleluya! Anutunön

ⁿ 18.20 Dut 32.43; Jer 51.48 ^o 18.21 Jer 51.63-64; Eze 26.21 ^p 18.22 Eze 26.13; Ais 24.8 ^q 18.22-23 Jer 7.34; 25.10 ^r 18.24 Jer 51.49

amöt neŋguba neŋgömeiga yaŋgö buŋaŋi akzin. Anutuninan kukösum Toŋi aiga möpöseim waŋgiinga qetbuŋaŋambuk akza. ² Anutunöŋ mönö keu ölnaŋgö dop ambazip keuŋini kewöta diŋdiŋanök jim teköm neŋgimakza. Köna ketaŋi ambi serowilin aka mewö miaŋön ambazip gölme dop mem bölim eŋgiba malöhi, Anutunöŋ mönö yaŋgö keuŋi kewöta jim teköyök. Ambi miaŋön Anutugö nup meme ambazip eŋguiga seŋŋinan eröhi, miaŋgö likeŋŋi mönö meleŋ waŋgiiga qakŋe öŋgöiga sihimbölö möta malja. Miaŋgöra Anutu möpöseim waŋgizin.”

³ Mewö jiba kunbuk qeta kewö jiget, “Ambi mi ohoget jeiga köwakŋan mönö nalö dop teteköŋi qahö wahöta öŋgömakŋa. Miaŋgöra Anutu möpöseim waŋgimakzin, aleluya!” ⁴ Mewö qeta jigetka Anutugö jitŋememe bohonŋi 24 aka bem jembon 4 mieŋön mönö bamgöba simin köla Anutu, jakömbuak dumŋe tatzawaŋgö waikŋi memba möpöseiba kewö qetket, “Keu mi ölna, aleluya!”

Lama moröŋaŋgö maren lömbuaŋ

⁵ Mewö qetketka jakömbuak dumnöhök keu kun kewö asuhuyök, “Anutugö nup meme ambazip ketaŋi moröŋi jitŋi oŋgitpinbuköra keŋgötŋini mörakzei, iŋini mönö körek pakpak Anutunini möpöseiba malme.”

⁶ Keu mi asuhuiga keu kun mörali, mi kiaŋgö tandöktandök: Kambu ketaŋi yeŋön liŋet köla qet qerakzei aka o sianöŋ toŋgala kiniga ötoŋi asuhumakzawi aka wölpöndandaŋ ketaŋan qeiga giŋgururuŋ asuhumakzawi, keu mi mönö miaŋgö tandöktandök ewö asuhuiga kewö jiget, “Kembu Anutunini, kukösum pakpakö Toŋan mönö könahiba gölme dop galöm köl eŋgiba kiŋ Kembuŋina aka malma. Miaŋgöra Anutu möpöseizin, aleluya! ⁷ Lama moröŋaŋgö ambi buŋaŋan mönö marengö möta nanŋi mözözömgöba jöjöröm aŋguiga amqeiga ambi memegö nalöŋan mönö kam kuŋguiga maljin. Miaŋgöra neŋön mönö köiraŋ köla söŋgaiba Anutu möpöseim waŋgiinga qetbuŋaŋan sehimakŋa. ⁸ Anutunöŋ maluku tuat lalamŋi asakmararaŋambuk mi eŋgiiga löŋgötket.” (Maluku tuat lalamŋi mi ambazip sarakŋi yeŋgö ahakmeme solanŋaŋgö kaisöpsöŋŋi, mönö miaŋgöreŋ löŋgöt aŋguget.)

⁹ Kambu ketaŋaŋgö tandöktandök mewö qeta jigetka Suep garata qambiŋambuk miaŋön mönö toroqeba kewö jii möral, “Keu ki mönö ohoman: Anutunöŋ ambazip eŋgoholiga Lama moröŋaŋgö maren (ambi memegö) lömbuaŋnöŋ kaŋgotmei, yeŋön mönö simbawoŋ akze.” Mewö jiba dumŋe kunbuk nöŋgöra kewö jiyök, “Keu mi mönö Anutugö keu ölö töhöŋŋi akza.”

^s 19.2 Dut 32.43; 2 Kiŋ 9.7 ^t 19.3 Ais 34.10 ^u 19.5 Sum 115.13 ^v 19.6 Eze 1.24; Sum 93.1; 97.1; 99.1 ^w 19.9 Mat 22.2-3

¹⁰Suep garatanöŋ mewö jiiga nöŋön miangöŋöŋök yaŋgö waikŋi memba möpöseim waŋgimangö möta yaŋgö könaje simin köla sipköyalmö, nöŋgöra kewö jiyök, “Aek! Mewö kude akŋan. Gi aka göhö urumelen alaurupkan Jisösgö könaji naŋgöba jiba malgetka welen qem eŋgimakkzini, nöŋön mönö yeŋgöŋöŋök kun akzal. Jisösnöŋ Buŋa keu ölni indelöhi, miangö ösumŋan mönö kezapqetok ambazip inahöm eŋgiiga Uŋa Töröŋaŋgö keuŋi möta jim sehiget. Miangöra mönö Anutugöra sipköba waikŋi memba möpöseiba malman.” Mewö.

Kraistnöŋ yarö kambuŋi yembuk bim aubingö anget.

¹¹“Nöŋön Suep aŋaŋiiga hos tuatŋi kun ekiga kayök. Qakŋe tariga kayöhangö qetŋi mi Pöndaŋ Kinkin (Jembon onŋi nene) aka Azi Ölbölni. Qetŋi mewö qerakzei, yaŋön keu diŋdiŋi wuatangöba keu kewöta jim teköba miangö dop bim qemakza. ¹²“Jeŋan könöp bölam tandök jeiga nöŋöŋe ila jalö gwötpuk kölgetka qetŋi aukŋe ohohoŋa kayök. Qetŋi nanŋök mötzapmö, kunöŋ kun mi qahö mötza. ¹³Malukuŋi sepnöŋ kusakusaholŋi mi löŋgöta kayök. Qetŋi qerakzei, mi Anutugöŋe keu.

¹⁴I wuatangöba kageri, mi Suep mirigö yarö azi kambuŋi kambuŋi. Yeŋön hosŋini tuatŋi eŋgömemba qakŋine tata malukuŋini tuat lalamŋi sarakŋi löŋgöta kaŋet. ¹⁵“Suahöŋinaŋgö numbuŋeyök bimgö sou ketaŋi (bainat) jitŋi zuluk alalŋambuk kunöŋ kayök. Mi kantriŋi kantriŋi eŋguba luhut al eŋgimapköra aka kayök. Yaŋön galömkölkölgö ain öŋöŋŋan kantri dop qindijaiba galöm köl eŋgiba malma. Yaŋön Anutu kukösum pakpakö Toŋaŋgö wain joutŋi ketaŋi tözöhölma. Wain jout mi Anutugö irimsesewölŋi urupikŋambukö kaisöpsöpŋi akza. ^a ¹⁶Malukuŋe qetŋi kun ohogetka marömŋe kewö kinök, “Kiŋ yeŋgö Kiŋini aka azi kembu yeŋgö Kembuŋini.” Mewö.

¹⁷^bMiangö andöŋe Suep garata kun ekiga wehön jeŋe kinök. Euyangöŋeŋ kinda köhöikŋanök qeta neiŋi neiŋi suep bibiŋi kutuba könakemba bölbölgöba anakzei, mönö körek mi eŋgohola kewö jiyök, “Iŋini mönö kame-e! Anutunöŋ közölömbuaŋ ketaŋi mözözömgöyöhi, mönö miangöŋeŋ tokome. ¹⁸Kaba tokoba kiŋ kembu, suahö galöm aka yarö azi yeŋgö busuŋini neme. Hos aka hos qakŋine tarakzei, mönö

^x 19.11 Eze 1.1; Sum 96.13; Ais 11.4 ^y 19.12 Dan 10.6 ^z 19.15 Sum 2.9; Ais 63.3; Joel 3.13; Ind 14.20 ^a 19.15 Jisösnöŋ Anutugö irimsesewölŋi aka urupikŋi tözöhölmawi, keu miangö könaji kewö: Nini siŋgisöndok ahinga Anutugö irimŋi seholiiga irimsesewölŋan qakŋine öŋgöba ahöma. Toroqeba siŋgisöndok aka urunini qahö meleŋninga Anutugö irimŋan toroqeba seholiiga urupikŋambuk akŋa. Wain kösögö ölni pisikŋi (greip) miangö kaŋgeŋi mi jout ketaŋe ala tözöhölgetka qösököiga oŋan dutŋangö kinimŋe lalanöŋ geiga baket algetka miangö uruŋe gemakza. Anutugö irimsesewölŋi aka urupikŋi miangö söpsöpŋi mi wain kösögö ölni. Jisösnöŋ miangö sihimböläŋi möta tözöhöli geiga Anutugö uruŋan amöriba teköiga luai asuhuma. ^b 19.17-18 Eze 39.17-20

yeŋgö busuŋini neme. Ambazip körek yeŋgö busuŋini mönö kaba neme. Ambazip öngöŋgöŋi eretŋi, nanŋini nupuŋini memakzei aka toŋinanŋö welenŋini öne qemakzei, mönö körek miengö busuŋini neme.”

¹⁹Miaŋgö andöŋe jemnemba aka gölmeŋi gölmeŋi yeŋgö kiŋ kembuŋini miengön mönö yarö kambuŋini enguaŋgita kaba tokogetka engehal. Kunöŋ hos qakŋe tata yarö kambuŋi yembuk kinöhi, mönö i tuarenjoŋ ak engeba bim aubingöra tokogetka engehal.

²⁰°Auegetka jemnemba memba jöhöget. Kezapqetok azi takapulakaŋi jemnembagö jitejememba aŋgöletot aka malöhi, i mewöyök jemnembabuk memba jöhöget. Kezapqetok azi takapulakaŋan aŋgöletot aka miaŋön ambazip tosatŋi kewöŋi mi tilipköm engeiiga janjuŋ aka malget: Ambazip jemnembagö supapŋi memba aŋgön kölgeri aka tosatŋan imutŋaŋgö waikŋi memba möpöseiba malgeri, mi mönö tilipköm engeba malök. Etkömembra jöhöba gwölögwölö aköm etkigetka löm salfa kötkö könöp bölamŋan koasikpuk jemakzawi, mönö miaŋgö sianöŋ geyohot. ²¹Geyohotka hos qakŋe taröhaŋgö numbuŋeyök bimgö sou ketaŋi (bainat) kayöhi, miaŋön mönö kiŋ kembu aka yarö azi pakpak mi engeiiga kömuget. Kömugetka nei pakpak yeŋön kaŋgota busuŋini uba memba nem timbireŋ aket. Mewö.

Satan jöhögetka yara 1.000:gö dop kösö mire tarök.

20 ¹Miaŋgö andöŋe Suep garata kun ekiga Suepnöhök erök. Yaŋön ömewöröme yeŋgö löm dutŋi qahö miaŋgö ki moröŋi aka tapep (muŋgamuŋga) ketaŋi kun mi böröŋan memba erök. ²°Garata miaŋön eta sekak namŋi ilikŋambuk (dragon) mi memba (yara) yambu 1.000 tatmawaŋgöra jöhöyök. Sekak namŋi mi möpŋaŋgö möpŋeyök mokoleŋ aka mala korök. Qetŋi alaŋi mi Bölöŋaŋgö Toŋi aka Satan. ³Yambu 1.000:gö uruŋe toroqeba ambazip kantri dop kuŋguba gölme dop janjuŋ akŋegöra tilipköm engeibapuköra jöhöyök. Jöhöba gili ömewöröme yeŋgö löm dutŋi qahö miaŋgöreŋ geiga önunŋi köla sapö ala muŋgem supapnöŋ (sil) qekötahöba ki namŋi misii geiga uruŋe tarök. Mewö tari Suep garatanöŋ kewö jiyök, “Yambu 1.000 teköiga miaŋgö andöŋe Anutunöŋ jii kunbuk pösatketka nalö töröpŋi nupuŋi memba malma.” Mewö jiyök.

⁴°Miaŋgö andöŋe jakömbuak dumŋi dumŋi ehal. Anutunöŋ tosatŋi kukösum engeiiga ambazip keuŋini jim tekömei, yeŋön mönö dumŋi dumŋi miaŋgöreŋ eta tatket. Mewöyök ambazip Jisösgö könaŋi naŋgöba jigerawöŋgöra aka Anutugö Buŋa keugöra aka jölŋini yandigetka kömugeri, mönö yeŋgö uŋaŋini engehal. Mewöyök ambazip jemnemba aka yaŋgö imutŋaŋgö waikŋi qahö memba möpöseigeri aka yaŋgö supapŋi mi mesoholŋine me böröŋine qahö memba aŋgön kölgeri, mönö yeŋgö

° 19.20 Ind 13.1-18 ° 20.2 Jen 3.1 ° 20.4 Dan 7.9, 22

uŋaŋini eŋgehal. Uŋaŋini mi eŋgekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

⁵Kömugeri, yeŋgöreŋök tosatŋan kömupnöhök wahötwahöt mutukŋi miangö nalöŋe qahö guliget. Qahöpmö, (yara) yambu 1.000 mi mambötket teköiga miangö andöŋe mönö guliba wahötmē. ⁶Denike yeŋön kömupnöhök wahötwahöt mutukŋangö nalöŋe gulimeī, yeŋön mönö oyaenŋkoyaen aka töröŋi sarakŋi akze. Nalö miangöreŋ gulibagun mönö indimŋi yahöt qahö kömume. Kömup yahötŋangö kukösumŋan mönö yeŋgö qakŋine qahö öŋgöi kömumbingö osime. Yeŋön mönö Anutu aka Kraist yetkö jike nup galömurupŋiri akŋe. Mi aka Kraistpuk (yara) yambu 1.000 mi yuai pakpak galöm köla mal öŋgöme. Mewö.

Anutunöŋ Satangö keuŋi jim teköiga etma.

⁷(Yara) yambu 1.000 mi teköiga Satan kösö mireyök (kopurumŋeyök) pösatketka etma. ⁸Eta anda ambazip kantri dop tilipköm eŋgimamgöra gölme dop liliköma. Gölme göraŋi likeplikep eu emu anda kaba (uruŋini moŋgosohowa) siksauk ak eŋgiba kantri qetŋiri Gog aka Magog mi tok dop köla anma. Anutu tuarenŋon aka bim qemegöra kuŋgum eŋgiiga tokogetka jaŋgöŋinan köwetkö sak kösakö dop akŋa. ⁹Tokoba kaba kutuba Israel gölme dop köl teköba anda Anutugö könagesö yeŋgö selŋini aka Anutugö wölböt sitiŋi (Jerusalem) mi liliköba tatme. Mewö tatmemö, Anutunöŋ könöp bölam aliga suepnöhök eta jem kutum eŋgim teköma.

¹⁰Jem kutum eŋgim teköiga Bölöŋangö Toŋi tilipköm eŋgiiga jaŋjun akeri, garata yeŋön i aköm waŋgigetka löm salfa kötkö könöp bölamŋan koasikpuk jemakzawi, mönö miangö sianöŋ geyök. Mutuk jemnemba aka kezapqetok azi takapulakaŋi mewöyök aköm etkigetka miangöreŋ geba maljahot. Miangöreŋ suŋgem asak ihileknöŋ ohotirim eŋgigetka teteköŋi qahö sihimbölö önöŋi qahö möta mal öŋgöme. Mewö.

Anutunöŋ ambazip kömugeri, yeŋgö keuŋini jim teköma.

¹¹Miangö andöŋe jakömbuak dum ketanŋi tuatŋi aka miangöreŋ tatzawi, i ehal. Ekiga suŋp gölme mi yaŋgö jemesoholŋeyök qahöwaka angaiyohot. Angaiba kunbuk etkekinangö dop qahö ahot. ¹²Angaiyohotka ambazip kömukömuŋi öŋgöŋgöŋi eretŋi eŋgekiga jakömbuak dum wösöŋe kingetka Anutunöŋ buk papianŋi papianŋi kötulök. Papia alaŋi kun qetŋi malmal köhöikŋangö qet areŋ papia mi mewöyök kötulök. Kötula ambazip kömukömuŋi yeŋgö keuŋini kewöriga ahakmemenŋinangö kösohotŋi buk papianöŋ ohogetka ahöyöhi, yaŋön mönö miangö dop oyonŋda ambazip jim teköm eŋgiyök.

¹³Köwetnöŋ kömumba geba malgeri, mi köwet Toŋan meleŋ eŋgiiga Anutugö jeŋe kaŋgotket. Kömupkö kondotkondot Toŋangö böröŋe

^f 20.8 Eze 7.2; 38.2, 9, 15 * 20.11-12 Dan 7.9-10

malgeri, mi Toŋi mianjōn kōleŋda al eŋgiyōk. Kōmumba kōmupkō uŋem mire geba malgeri, mi mianjō Toŋan meleŋ eŋgiiga Anutugō jeŋe kaŋgotket. Mewō kaŋgota asuheetka Anutunōŋ keuŋini mohot mohot kewōta ahakmemeninaŋgō dop jim tekōm eŋgiyōk. ¹⁴ Jim tekōm eŋgiiga kōmupkō kondotkondot Toŋi aka kōmupkō uŋem miri Toŋi mi akōm etkigetka lōm kōnōp koasikpuk jemakzawi, mōnō mianjō sianōŋ geyohot. Kōnōp sia mianjōreŋ geŋeri, mianjōn mōnō kōmup indimŋi yahōt akza.

¹⁵ Anutunōŋ kungō qetŋi malmal kōhōikŋaŋgō qet papianōŋ qahō ohogetka ahōi miwikŋaiyōhi, i mōnō akōm waŋgii lōm kōnōp koasikpuk jemakzawi, mianjō sianōŋ geyōk. Mewō.

Suep dōlōkŋi aka gōlme dōlōkŋi etkehal.

21 ^{1h} Suep gōlme mutukŋi yetkōn mewō qahōwaka ayapkōyohotka kōwetnōŋ mewōyōk qahō toroqeba ahōyōk. Mianjō andōŋe Suep gōlme dōlōkŋi etkehal.

²ⁱ Jerusalem dōlōkŋi, siti tōrōŋi mi Suepnōhōk Anutugō mireyōk eriga ehal. Siti mi mōhamgōm tekōgetka eksihimŋambuk kewō ahōk: Ambi maren waŋgigetka maluku eksihimŋambuk lōŋgōta azi buŋaŋambuk aitōŋgōmapkōra meŋōlōm aŋguba jōjōrōba akōdamunŋambuk kinjawi, siti mianjōn mōnō mianjō dop aiga ehal. ^{3j} Mi eka kinda jakōmbuak dumnōhōk keu kun asuhui mōtpiga kōhōikŋanōk qeta kewō jiyōk, “Eknōŋ, Anutugō mirinōŋ mōnō ambazip sutŋine eta ahōza. Anutunōŋ sutŋine maliga yambuk malgetka nanŋak bem Anutuŋini aka yembuk mal ōŋgōma. ^{4k} Yembuk mala je imbilŋini mi lōkŋanōk kutum tekōma. Yuai pakpak mutuk ahōyōhi, mianjōn mōnō qahōwak tekōyōk. Mianjōra kunbuk qahō kōmugetka jingēŋkōlkōl qahō akŋe aka toroqeba sihimbōlō kun qahō mōtme. Yuai kungōra qahō osiba sahōtme.”

⁵ Jakōmbuak dumŋe tatzawaŋōn kewō jiyōk, “Mōtnōŋ, nōŋōn jibiga ōrōyui pakpak mōnō kōlōŋaiba dōlōkŋi akŋa.” Mewō jiba jiyōk, “Keu mi ōl tōhōnŋi uruyahōtŋi qahō, mianjōra mi mōnō papianōŋ ohoman.” ^{6l} Toroqeba kewō jii mōral, “Mi mōnō jibiga asuhum tekōza. Nōŋōn mutuhōk mala (yuai pakpak miwikŋaiba kōnaŋgep jibi qahōwahiga) qōndōkŋa mal ōŋgōba malmam. Mianjō dop nōŋōn kulem namŋi mutukŋi A aka kulem namŋi tetekōŋi Z akzal. Kunŋan ogōra mōtzawi, nōŋōn mōnō malmal kōhōikŋaŋgō o jeŋeyōk o mi kalema waŋgibiga mianjōreŋōk sōŋgōrōŋi qahō um nemba malma. ^{7m} Kunŋan lōmbōt pakpak oŋgita luhut almawi, nōŋōn mōnō yaŋgō Anutuŋi aka yuai pakpak mi waŋgibiga buŋaŋi aiga nōŋgō nahōnbōratni aka qetni bisiba malma.

^h 21.1 Ais 65.17; 66.22; 2 Pitō 3.13 ⁱ 21.2 Ais 52.1; 61.10; Ind 3.12 ^j 21.3 Eze 37.27; Lew 26.11, 12 ^k 21.4 Ais 25.8; 35.10; 65.19 ^l 21.6 Ais 55.1 ^m 21.7 2 Sml 7.14; Sum 89.26-27

⁸“Mewö malmappmö, tosatñan ambazip jeñine ziriñziriñ aka böñ qahö kinda mötnaripñini mosötketka uruñinan tölohozawi, yeñgö miriñinan mönö löm salfa kötkö könöp” bölamñan koasikpuk jemakzawi, miañgöreñ ahöma. Yeñgöreñ toroqeba ambazip kewöñji yeñön mewöyök miañgöreñ geba malme: Ambazip enguget kömugetka kaisero qarösoñgo amötqeçe aka tandö lopioñ waikñini memba möpöseiba muney keu jimakzei, nöñön mönö i aköm engibiga sia miañgöreñ geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölökñi mi qainñi kun.

⁹Lömböt kanjamñinambuk qöndökñi 7 miañön qambi 7 kokolak qegetka Suep garata 7 mieñön mi memba kingeri, yeñgöreñök kunñan kaba nöñgöra kewö jiyök, “Mönö kanöñga Lama moröñangö ambi buñañi anömñi akñamgö akzawi, mi kondel gihimam.”

¹⁰“Mewö jiiga Uña Töröñan nömeiga alburupñan qakne öñgöiga Suep garata miañön noañgiriga kundunji köröpñi qetbuñañambuk kunöñ öñgöit. Miañgöreñ öñgöba siti töröñi Jerusalem Suepnöhök Anutugö mireyök eröhi, mi kondel niñgiiga kewö ehal:

¹¹Anutugö asakmararañan miañgöreñ asariiga kölköl-bilikbilikñan goul aka jamönñij ölninambuk söñgöröñini öñgöñgöñi mieñgö tandök ahök. Jamönñij ölnambuk qetñi jaspö mi kirin jöhanñi jöhanñi kölköl-bilikbilikñinambuk melenña asarimakzei, mönö miañgö dop tuatñi ahöyök. ¹²“Kiripoñi öñgöñgöñi mi aködamunñambuk. Kiripoñangö nañgunji 12 kingetka kösutñine Suep garata 12 dop köla kinget. Israel könagesögö kambuñi 12 mieñgö qetñini mi nañgu mieñgö sileñine ohogetka kinök. ¹³Nañgu 12 mi likeplikep eu emu kewö kinget: Wehön kotkotñe karöbut, gegeñe karöbut, Not likepñe karöbut aka Saut likepñe karöbut. ¹⁴Siti kiripo mi jamönñij tandö welipñinambuk 12 mieñgö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 miañgöreñ ohogetka kinök.

¹⁵“Suep garata nömbuk keu jiyöhi, yañön siti, miañgö kiripoñi aka nañgunji 12 mieñgö dopñini dop ala mötmamgöra jöjöröba dop alalgö goul öröpñi (rula mesa) memba kinök. ¹⁶Siti mi areñgöba megetka wañgömmñi 4 ahök. Likeplikep eu emu köröpñi mi öröröñ. Köröpñi mohot mohot mi goul öröpñi miañön dop ala 2400 kilomita miañgö dop ahöi miwikñaiyök.”^r Andipñi mi mewöyök öröröñ ahöyök. ¹⁷Suep garatanöñ mewöyök siti kiripoñi mi gölme azigö dopnöñ dop ala 60 mita ahöi miwikñaiyök.

ⁿ 21.8 Salfa kötkö könöpñi mi közupkö kötnan jeba gögöriñ qeba jemakzawangö dop akza.

^o 21.10 Eze 40.2 ^p 21.12-13 Eze 48.30-35 ^q 21.15 Eze 40.3 ^r 21.16 Kambu 12 mohot mohot mieñgöra 200 kilomita.

18 ^sSiti kiriponji mi jamönjiñ öljambuk qetji jaspö mianön memeja. Siti nanjak mi goul töhönöhök megetka asakmararajan mönö kirin tuatjañgö dop asakasakjambuk asariyök. 19 Siti kiriponjañgö tandöñji mi jamönjiñ söñgöröñini öñgöñgöñi könaji könaji mianön meñölöm engigetka aködamunjinambuk kewö aketka engehal: Tandö mutukñji mi jamönjiñ öljambuk qetji jaspö mundañji injañji tandöktandök. Tandö yahötñji mi jamönjiñ asonji qetji safaiö, karöbutñji mi jamönjiñ töñgöntöñgön qetji ageit. Tandö 4:ñji mi jamönjiñ görökñji qetji emerald.

20 Tandö 5:ñji mi jamönjiñ pisikipisik qetji sardoniks. Tandö 6:ñji mi jamönjiñ psikñji qetji karnilian, 7:ñji mi jamönjiñ qetji krisolait (qortz), mundañji goul kirin ewö. Tandöñji 8:ñji mi jamönjiñ asonjañ qetji beril, 9:ñji mi jamönjiñ gohotñji qetji topaz. Tandö 10:ñji mi jamönjiñ qetji kalsedoni (krisopreis) mundañji kaukau, 11:ñji mi jamönjiñ gohotgohot qetji jeisint (turqois). Tandö 12:ñji mi jamönjiñ psikñji gugakgugak qetji ametist. 21 Siti kiripo nañgu 12 mi sorom kötñji welipjinambuk 12 mianön memeja. Nañgu mohot mohot mi sorom kötñji mohot mohot mianön urasiba memeja. Sitinöñ köna ahözawi, mi goul töhönöhök megetka kirin tuatñji ewö asariyök.

22 Siti pakpak yeñön Kembu Anutu kukösum pakpakö Toñji aka Lama moröñji törörök etkeka uruñini lök melenja waikñiri memba möpöseimakze. Mianjöra jöwöwöl jike (tempöl) kungöra qahö osimakze. Mi qahö ehal.

23 ^tAnutugö asakmararajan siti mem asarim enjiiga Lama moröñan kiwañini akza. Mianjöra wehön köiñ asarimahotköra qahö osimakze. 24 ^uYañön kiwañini aiga kantriñji kantriñji yeñön mönö yañgö asakñe anda kaba malme. Gölmegö kiñ kembuñji kembuñji yeñön buñañini aködamunjinambuk mi enjuañgita siti mianjöreñ alme. 25 ^vSiti söñaupñji qahö, mianjöra kiripo nañguñji mi nalö kunöñ qahö kölmemö, sundan dop tala kinme.

26 Kantriñji kantriñji yeñön uruñini melenja aködamunjinangö buñañinangöra aiweliköba qetbuñañinambuk aka malgeri, mi mönö enjuañgita siti mianjöreñ alme. 27 ^wAmbazip qetñini malmal köhöikñañgö qet areñ papianöñ ohogetka ahözawi, yeñönök mönö siti mianjöreñ öñgöme. Lama moröñan qet areñ papia mi galöm kölakza. Kunñan uruñi tölohozawi me anjögörak imbilonjonambuk aka muneñ keu jimakzawi, yañön mönö mianjöreñ öñgömangö osima. Mewö.

^s 21.18-21 Ais 54.11-12 ^t 21.23 Ais 60.19-20 ^u 21.24 Ais 60.3 ^v 21.25-26 Ais 60.11

^w 21.27 Ais 52.1; Eze 44.9

Malmal köhöikņangö o töwatņi ehal.

22 ¹*Miangö andöņe Suep garata mianjön malmal köhöikņangö o jenj kondel niņgiiga Anutu aka Lama moröņi yetkö jakömbuak dumnöhök uzumgöba kaba o töwatņi ahök. Miangö oņi mi kirin jöhanņi jöhanņi kölköl-bilikbilikņinambuk melenđa asarimakzei, mönö miangö dop tuat lalamņi ahök. ²°O töwatņi mianjön sitigö kōna namņi bohonņe eta bibiņi mötöteiba kutuba kayök. O töwatņangö göraņe likelike miangöreņ malmal köhöikņangö ipņi mi kinök. Ip miangö ölnan mönö (yara) yambu dop sömaņi 12, mi köiņ mohot mohotkö dop söhöba asuhumakze. Ip miangö sinņan mönö ambazip kantri dop ölöwakņegöra aka kinje.

³*Kunņan kun qahö toroqeba alaņi saiköba qesuahöma. Anutu aka Lama moröņi yetkö jakömbuak dumņiran mönö siti miangöreņ ahöiga Lama moröņangö nup meme ambazipurupņan welen qem waņgimakze. ⁴Welen qem waņgiba jemesoholņi eka Anutugö qetņi mesoholņine kōsöba mekötahögetka ahöma.

⁵*Miri qahö toroqeba söņauma. Kembu Anutunöņ mem asarim eņgimakzawaņgöra kiwa asakņangöra me wehön asakņangöra qahö osime. Mewö oyaenkyoaen mala nalö dop teteköņi qahö kinj kembu ewö galömkölköl nup memba mal öņgöme.

⁶Mi ekiga Suep garatanöņ nöņgöra kewö jiyök, “Buņa keu mötzani, mianjön mönö öł töhöņņi uruyahötņi qahö akza. Kembu Anutunöņ kezapqetok ambazip sölölohöm eņgimakzawi, yaņön mönö Suep garataņi ni melaim niņgiiga asuhum gihiba malal. Yuai pakpak zilaņ asuhumeaņgö dop akzawi, mötnarip ambazipurupņan mi mötmegöra mi asuhuba kondel gihial.” Mewö.

Jisösnöņ kunbuk lilingöba kama.

⁷Jisösnöņ jiza, “Mötket, nöņön mönö zilaņ lilingöba kamam. Tosatņan buk kiaņgö kezapqetok keuņi buņa qeba qekötahömakzei, yaņön mönö simbawoņ akze.”

⁸Jon nöņön Buņa keu ki möta jeni meleņniga imutņi ehal. Mi möta ek teköba Suep garatanöņ imut ki kondel niņgiyöhi, nöņön yaņgö waikņi memba möpöseimamgö möta gölmenöņ eta kōnaņe simin kölal. ⁹Simin kölalmö, nöņgöra kewö jiyök, “Aek! Mewö kude aknöņ. Nöņön gi aka kezapqetok alaurupki aka ambazip buk kiaņgö Buņa keuņi buņa qeba qekötahömakzei, mönö körek eņgö qöhöröņine kinda mohotņe Anutu welen qem waņgimakzin. Nia qahöpmö, mönö Anutu waikņi memba möpöseimakņan.”

* 22.1 Eze 47.1; Zek 14.8 ° 22.2 Jen 2.9; Eze 47.12 ° 22.3 Zek 14.11 ° 22.5 Ais 60.19; Dan 7.18

¹⁰Mewö jiba nöngöra kewö jiyök, “Nalö töriza. Miangöra buk kiangö kezapqetok keujan tölapne ahöbapuköra mi papianöñ ohomanmö, mi mönö muñgem supapnöñ (sil) kude qekötahöman. ¹¹^bBölöñi memakzawañön mönö toroqeba mewö memba böliqölima. Tölohoba maljawañön mönö toroqeba tölohoba añgöjörakñambuk aka malma. Ahakmeme diñdiñi ahakzawañön mönö toroqeba diñdiñanök aka memba malma. Sarakñi ahakzawañön mönö toroqeba sarakñi kötökñi aka malma.” Suep garatanöñ mewö jiyök.

¹²^cJisösnöñ jiza, “Mötket, nöñön mönö zilañ lilingöba kamam. Kamami, miangöreñ mönö töwañini memba kamam. Ahakmemerñi aka memba malgeri, mönö mi kewöta miangö dop töwañini mohot mohot al engimam.

¹³^d“Nöñön könakönahiñe mutukñi mala (yuai pakpak miwikñaiba könangep jibi qahöwahiga) teteköñe qöndökña mal öngöba malmam. Miangö dop nöñön A aka Z, kulem namñi mutukñi aka teteköñi akzal.

¹⁴^e“Nöñön ambazip malukuñini galöm kölakzei, yeñgöra kiripo nañgunji öröbiba ölop siti uruñe öngögetka qahö añgön köñ engibiga malmal köhöikñañgö ip öñji neme. Miangöra opo malukuñini galöm köla sañgoñmakzei, ambazip mieñön mönö simbawoñ aka oyaenköyaen akze.

¹⁵“Yeñön oyaenköyaen akñemö, tosatñi yeñgöra nañgu köñ jöhöbiba yaigep malmei, mi ambazip kewöñi: Kiam ewö kaisero aka qarösoñgo amötqege ahakze. Serowilin aka ambazip enguget kömumakze. Tandö lopioñ waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönö kiripo yaigepne (luhutñe) malme.

¹⁶^f“Jisös nöñön garatani melaibiga liliköba urumelen könagesö engöra kezapqetok keu ki nañgöba jiiga mötme. Nöñön kiñ Deiwidkö bömönjalöñi aka undumñi akzal. Nöñön söñangö undiñi asakmararañnambuk aka asarimakzal.” Jisösnöñ mewö jiyök.

¹⁷^gUña Töröñi aka ambi buña yetköñ kewö jimakzahot, “Jisös, gi mönö kanöñ.” Mewö jiyohotka mötmei, iñini mönö mewöñanök kewö jime, “Jisös, gi mönö kanöñ.”

Kunñan ogöra mötzawi, yañön mönö kama. Kunñan malmal köhöikñañgö ogöra sihimñi mötzawi, yañön mönö kaba mi kalema möt añgön köñma. Mewö.

Galöm meme aka jöjöpañ keu teteköñi

¹⁸^hNöñön buk kiangö kezapqetok keuñi mötmei, körek engöra galöm meme keu kewö jizal: Kunñan kezapqetok keu kiambuk keu kun toroqeba

^b 22.11 Dan 12.10 ^c 22.12 Ais 40.10; 62.11; Sum 28.4; Jer 17.10 ^d 22.13 Ind 1.8, 17; 2.8; Ais 44.6; 48.12 ^e 22.14 Jen 2.9; 3.22 ^f 22.16 Ais 11.1, 10 ^g 22.17 Ais 55.1

^h 22.18-19 Dut 4.2; 12.32

jimawi, lömböt kanjamñinambuk asuhumapkö keuñi buk kiangörej ohoyali, Anutunöñ mi mönö yangö qakñe ali öñgöme. ¹⁹Kunñan buk kiangö kezapqetok keuñi miañgörejök keu kun qekömawi, Anutunöñ mönö i añgön köliga malmal köhöikñangö ip öññi qahö namba siti töröñe qahö öñgöma. Miañgö keuñi Anutunöñ jöhöiga buk kiangörej ohoyalmö, keu miañön mönö yangörej öññambuk qahö akña.

²⁰Buñña keu ki nañgöba jizawañön kewö jiza, “Keu mi öñña. Nöñön mönö zilañ liliñgöba kamam.”

Mewö jiiga nöñön kewö jizal, “Keu mi öñña. O Kambu Jisös, gi mönö kanöñ.”

²¹Kambu Jisösgö kalem möriamñan mönö körek embuk ahöma. Keu mi öñña.